





CE LIVRE A ÉTÉ DONNÉ A LA
BIBLIOTHÈQUE CANTONALE
ET UNIVERSITAIRE
DE LAUSANNE

par legs, par Edward GIBBON,

historien.

22 mars 1794.



CE LIVRE A ÉTÉ DONNÉ A LA
BIBLIOTHÈQUE CANTONALE
ET UNIVERSITAIRE
DE LAUSANNE

par legs, par Edward GIBBON,

historien.

22 mars 1794.

DESIDERII
ERASMI
OPERVUM
OMNIVM
TOMVS OCTAVVS.

INVESTIGATED
IN B.A. R. R.
M. W. R. R. C.
M. V. I. M. M. O.
S. V. T. A. T. C. O. S. V. M. O. T.

3A
975
18
Res. A
①

DESIDERII ERASMI

ROTERODAMI

OPERA OMNIA

EMENDATIORA ET AVCTIORA,

AD OPTIMAS EDITIONES, PRAECIPVE QVAS IPSE ERASMVVS
POSTREMO CVRAVIT, SVMMA FIDE EXACTA,


DOCTORVMQVE VIRORVM NOTIS ILLVSTRATA.

TOMVS OCTAVVS,

QVI COMPLECTITVR VERSA E PATRIBVS GRAECIS.

Ad quæ accesserunt. in hac Editione,

Oratio de Pace & Discordia, Oratio Funebris in obitum *Berte de Heyen*, variâque Carmina, omnia antehac inedita. Item *Fr. Robortelli* Adnotationes in quædam Apophthegmata ab *Erasmio* versa, ut & *Joannis Heroldi* Declamatio pro *Erasmio*.



A. Goussier del.

J. Baptist. Scul.

LVGDVNI BATAVORVM,

Curâ & impensis PETRI VANDER AA, MDCCVI.

Cum speciali Privilegio Illustr. ac Præpotent. Ordd. Holl. & West-Frisiæ.

I N H O C T O M O

HAEC CONTINENTVR.

E X D. JOAN. CHRYSOSTOMO

ARCHIEPISCOPO CONSTANTINOPOLITANO VERSA.

<p>A <i>Dversus Judæos, Homiliæ V.</i> .Pag. 7</p> <p><i>De Lazaro & divite, Homiliæ IV.</i> 57</p> <p><i>De visione Esaiaæ, Homiliæ V.</i> 93</p> <p><i>De Philogonio martyre, Homilia I.</i> 119</p> <p><i>De orando Deum Libri II.</i> 127</p> <p><i>De David & Saule, deque tolerantia, Homiliæ III.</i> 137</p> <p><i>Quum presbyter esset designatus, Homilia I.</i> 162</p> <p><i>In Psalmum, Cantate Dominum Canticum novum, Homilia I.</i> 165</p>	<p><i>Quum Sartoninus & Aurelianus acti essent in exsilium, I.</i> 173</p> <p><i>De fide Annæ, Homiliæ II.</i> 177</p> <p><i>Commentariorum in Acta Apostolorum, Homiliæ IV.</i> 189</p> <p><i>Commentaria in Divi Pauli II. ad Corinthios Epistolam, Homiliæ VII.</i> 217</p> <p><i>Commentaria in totam Divi Pauli ad Galatas Epistolam,</i> 267</p> <p><i>In Epistolam ad Philippenfes, Homiliæ II.</i> 319</p>
--	--

E X A T H A N A S I O

ARCHIEPISCOPO ALEXANDRINO.

<p>D <i>E Sancto Spiritu Epistolæ II.</i> 329</p> <p><i>Contra Eusebium de Nicena Synodo Epistola I.</i> 335</p> <p><i>Apologetici II. adversus eos qui calumniabantur quod in persecutione fugisset,</i> 353</p> <p><i>De passione Domini ac de cruce Homilia I.</i> 365</p>	<p><i>De eo quod scriptum est: Euntes in castellum quod &c.</i> 385</p> <p><i>De virginitate, sive de exercitatione,</i> 389</p> <p><i>De peccato in Spiritum Sanctum,</i> 397</p> <p><i>De Spiritu Sancto Liber,</i> 405</p>
--	---

E X O R I G E N E.

<p>D <i>Es. Eras. Roterod. De vita, Phrasi, docendi ratione, & Operibus Origenis, cum sin-</i></p>	<p><i>gulorum librorum Censuris,</i> 423</p> <p><i>Fragmentum Origenis in Euang. Matthæi,</i> 439</p>
---	---

E X B A S I L I O.

<p>P <i>Rincipium Esaiaæ,</i> 483</p> <p><i>De Spiritu Sancto Liber,</i> 493</p>	<p><i>De laudibus jejunii Homiliæ II.</i> 535</p>
---	---

A D D I T A M E N T A.

<p><i>Des. Erasmi Oratio de Pace & Discordia contra Factiosos. Ad Cornelium Goudanum,</i></p> <p><i>Ejusdem Oratio Funebris in Funere Bertæ de Heyen, Goudanæ Viduæ probissimæ,</i></p> <p><i>Ejusdem Carmina varia,</i></p>	<p>545</p> <p>551</p> <p>561</p>
--	----------------------------------

CANDIDO LECTORI

S.

NIL est cur te, LECTOR, multis moremur, initio hujus VIII. Voluminis Operum *Des. Erasmi*. Maximam quidem sui parte egregium diligentiam ejus & laborum indefessorum, ne de eruditione loquar, monumentum complectitur; cum libros *Chrysostomi*, *Athanasii*, *Origenis* & *Basilii*, ex Græca lingua in Latinam translato, contineat; verum hæc aliena sunt, nec quidquam *Erasmo* debent, præter Latinam togam. Possent æquè commodè quæri in editionibus antiquioribus eorum Patrum Græco-Latinis, in quas ex hoc volumine meritò sunt ab Editoribus desumptæ; sed cum facerent lucubrationum ejus octavam partem, nec in quibusvis Editionibus occurrant, religioni duximus vel eorum apicem ullum omittere. Imò operam dedimus, ut quæcumque oportebat *Italico* charactere, ut Typothetæ loquuntur, legi, qualia sunt Scripturæ Sacræ loca, eo describerentur; utque etiam, quatenus licuit, oratio in certa capita divideretur, inchoato, ubi oportuit, novo versu, cum unâ serie antea essent edita. Cetera etiam, pro more hodierno cultioris Typographiæ, sunt decentius & elegantius disposita. Digna sanè erat hæc quoque pars laborum magni viri, quæ hîc conservaretur; vel hac de causa, quòd in Editionibus SS. Patrum, quæ in dies novæ prodeunt, aliæ, aut interpolatæ inveniantur translationes; quibus minimè cedunt hæc Erasmiæ, quas non adolescens, ut alia multa è Græco versa, sed senex demum elaboravit. Possunt enim & de vera lectione loci cujuspiam Opusculorum illorum *Chrysostomi*, *Athanasii*, *Origenis* & *Basilii*, aut vera etiam sententia, controversiæ inter Eruditos interdum oriri, quæ *Erasmi* auctoritate optimè componantur.

Ceterum cum hoc Volumen aliorum molem non æquaret, commodum in manus Bibliopolæ incidit MS. Codex, qui fuerat *Petri Opmeri*, Amstelodamensis, qui sub finem decimi quinti sæculi obiit. In eo, inter varia opuscula *Erasmi*, erant duæ ejus Orationes, numquam antea editæ, quarum altera est *de Pace & Discordia contra factiosos*, *ad Cornelium Goudanum*, altera Oratio Funebri *in funere Bertæ de Heyen Goudanæ viduæ*, *ad filias ejus superstites*, *Moniales in eodem oppido*. Hæc quidem Orationes ab adolescentulo *Erasmo* scriptæ sunt, sed tanta in illis elucet vis ingenii, tanta rerum & sententiarum ubertas, & tam acutum judicium, pro illa ætate, ut non sint indignæ, quæ cum senilibus ejus Operibus legantur. Itaque huic Volumini, cum nullus, ceteris jam editis, commodior locus superesset, meritò subjunctæ sunt. Ex eodem volumine MS. *Opmeri* editus fuit *Conflictus Thaliæ & Barbariei*, quem invenies ad calcem Colloquiorum, Tom. I. col. 889.

Idem dixeris de Carminibus ineditis, quæ inventa sunt in MS. Codice, qui fuit *Petri Scriverii*, viri doctissimi, & ejusmodi deliciarum olim amantissimi, ac curiosissimi indagatoris. Quamvis sint carmina pueri, aut adolescentuli, grata erunt omnibus Erasiniæ ingenii amantibus; qui, si de aliis ex me judicare licet, libentissimè primos illos fœcundissimi, ut sic dicam, agri flores olfaciendos lectione decerpent, etiam postquam fructibus maturis & plenis se se satiaverint. Hinc colligere etiam licet, quantus Poëta futurus fuisset *Erasmus*, si Poëticam colere voluisset, quemadmodum reliquas Philologiæ & Theologiæ partes coluit.

Sequuntur deinde *Francisci Robortelli* Adnotationes in Apophthegmata ab *Erasmo* versa è *Laërtio*, ubi *Diogenis Cynici* vitam describit. Eæ olim fuerant

Tom. VIII. † 2 edi-

A D L E C T O R E M.

editæ Venetiis , anno 1543. cùmque ejusmodi libelli rariores fiant in dies, non fuerant ad manum , cùm ederetur Tomus IV. in quo ea leguntur Apophthegmata. Alioqui potuissent commodius ei subjici , quamquam malignè & multis in rebus perperam *Erasmum* reprehendit *Robortellus*, ut jam dudum ostendere viri doctissimi *Paulus Leopardus* , in Emendationibus , & præsertim *Petrus Nannius* , Miscellaneorum Lib. VIII. Quis ferat *Erasmum* reprehendi quòd verterit *δημαγωγὴς*, *oratores* , quæ enim vox Latinè aptior, ad convertendam Græcam ? Non verius est quod confundit *δημαγωγὴς* cum *χορηγὸς* , & quod duo Apophthegmata in unum vult compingi. Sed nihil opus est talia confutari , cùm jam à *Nannio* elisa sint ; quamvis non diffitear aliquando lapsum esse *Erasmum* , quod & vidit *Leopardus*, nec ipse dissimulavi in infima ora Tomi IV. hujus editionis. Sed tantus vir fuit *Erasmus* , tamque egregia Opera, suo tempore, edidit, ut dignissimus sit cui talia ignoscamus, nec commemorando exaggeremus, ne imperitis contemnendi meliora & laude digna ansam præbeamus. Verùm sat nota est acerbitas intoleranda *Robortelli*, vel ex concertatione, quæ ei fuit cum *Carolo Sigonio*, multò doctiore viro ; & cum aliis doctis hominibus illius ævi, quos omni genere conviciorum proscidit ; ut docebit *Joannes Imperialis* , in Museo Historico. Non est ergo timendum ne laudibus *Erasmi* nunc officiat *Robortellus* , quibus , ne ætate quidem suâ, nebulas objicere potuit. Itaque id faciet in hoc volumine , quod umbræ in pictura, cujus splendorem & elegantiam augent.

Si quid contra *Erasmum* hîc additum est, Apologia *Joannis Heroldi* , contra Dialogum Famofum in funus *Erasmi* , quidquid id est abundè pensabit. Certè acrem & vehementem summi viri patronum , apud Basileenses , egit, paucis post ejus mortem annis ; opusculumque ejus , ne prorsus intercideret, *Erasmi* honoris causâ, hîc est à Bibliopola adjectum. Vale, LECTOR, eique Rempubicam Litterariam juvanti fave.

Dabam a. d. Calend. Octobr. anno à C. N. M D C C V.



S E R E.

SERENISSIMO LUSITANIAE REGI
JOANNI,

HUJUS NOMINIS TERTIO,
EMANUELIS FILIO,
DESIDERIUS ERASMUS ROTERODAMUS
S. D.



OLENT olim, Rex inclyte, cultores agrorum, qui pii memoresque videri studebant, ex his ipsis quæ sibi credebant ex benignitate Numinum provenisse, singulorum munificentiam agnoscere, veluti spiccam coronam offerentes Cereri, pampineam Baccho, populeam Herculi, rosaceam Veneri, existimantes earum rerum uberiores fore proveniunt, si honorum auctorem aliquo munusculo demeruissent. Hoc si fecit Gentium superstitiosa Religio, quanto magis æquum est, ut nos, qui colimus agros melioris annonæ feraces, rei Christianæ Monarchis, quorum favore simul ac liberalitate, foveantur, aluntur, & ornantur honestissimarum studia litterarum, ex ipsis studiis quibus per eos fruimur, aliquod gratæ voluntatis indicium dare studeamus. Frequenter huc titillabant animum meum Inviictissimi Regis EMANUELIS, Patris tui, celebri per Orbem fama, non aliter quam clarissima tuba prædicatæ virtutes; inter quas innumeras, hæ singulari Christianorum omnium applausu excipiebantur, quod JOANNEM cognomento bonæ memoriæ, primum hujus nominis, decimum ordine Lusitaniæ Regem, ut stirpis auctorem habuit, ita factis æmulatus tanta ingenii dexteritate, Regnum per se non amplum, veluti Spartam nactus, ut est in proverbii, sic ornarit, ut vix ulli Regnorum cedat, honestissimi nominis celebritate. Deinde quod ab urbe Cepta, quæ est ad Herculeas columnas, usque ad Sinas Indiæ civitatem vastissimum pelagus ante hac ob incurSIONem Barbarorum prorsus innavigabile, suis præsidiis ingenti Christianæ ditionis emolumento, adeo pacatum reddidit, ut vix alio in mari nostris sit navigatio tutior, obiter & Christianæ Religionis propagandæ negotium agens, sparso variis in locis Catholicæ pietatis seminario. Quod quo felicius latiusque propagetur, providit & illud singularis Viri sapientia, ne qua victoriam ex Barbaris partam prædandi suspicio corrumpere. Siquidem ex octo magnis Africæ civitatibus, quas ideo tui Majores redegerunt in suam ditionem, quod ex his potissimum erumpentibus, & huc sese recipientibus piratis, nulli in Indiam esset tuta navigatio, ferunt ad vos nihil emolumenti redire, nisi quantum tuendæ ditioni impenditur. Atque utinam hoc vestrum tam insigne beneficium, non corrumpere quorundam monopolia, per quos, sicut audio, fit, ut quum multo commodior sit importatio, tamen pretio rerum adeo nihil decesserit, ut multum etiam accreverit, quædam autem, veluti saccarum, corruptiora quoque non modo cariora perferantur ad nos. Sed horum avaritiæ fortassis aliquando Principum auctoritas modum imponet. Interim animi vestri pietas non fraudatur sua laude. Atque his quidem pulcherrimis facinoribus applaudunt omnes quicumque favent Christiano nomini: illa nos propius movent, quod tanta benignitate curaque foveat cum omnibus honestissimis disciplinis, tum præcipue Theologiæ deditos. Nam animi pietatem Christiano Rege dignam, litteris etiam proditis aliquando testificatus est. His, inquam, egregiis rumoribus gestientem animum magis etiam accendebant quorundam hortatus, efflagitantium ut studiosorum omnium nomine, tantum studiorum patronum symbolo quopiam agnoscerem. Verum interim dum quæritur aliquid quod eo non prorsus videretur indignum, ille Vir cælo dignus terris ereptus, ad tranquilliorum sedem translatus est. Verum recanduit hic meus affectus simul atque cognovi te, Rex inclyte, sic in Patris successisse locum, ut ille non defunctus, sed in te juvene vix dum annos nato viginti sex, restoruisse videatur, qui, quidquid a Patre cum laude cæptum erat, absolveris, quidquid perfectum, communieris, quidquid præclare gestum, auxeris, si quid omissum, adjeceris. Nam protinus suscepto Regno, rem judicariam Advocatorum quæstu non nihil corruptam restituit, salaria decreta disciplinarum cultoribus adauxisti, navigandi facultatem instructissima classe communisti, ditionem tuam ab omnibus zizaniis, quæ sinceræ pietatis letissimam segetem vitiabant, repurgasti. Nec jam contentus fuisse ac fovisse studiorum & in his præcipue Theologiæ vel Professores vel Candidatos, ipse tam feliciter a teneris annis in Græcis pariter ac Latinis litteris sub eruditissimis Viris, in quibus est Ludovicus Teixeira, quicum mihi in Italia (ni prorsus nomine fallor) fuit arcta, nec minus amœna familiaritas, quod ego sane inter meas felicitates numero: deinde in Mathematicis disciplinis, Astrologia & Geographia, in rerum gestarum cognitione, quæ præcipua Regum Philosophia, sic eruditus es, ut tuo exemplo possis, & cessantes & aversos ad disciplinarum amorem excitare. Jam quid Fratrem tuum Ferdinandum commemorem, quem cum cæteris jure tibi carissimum, tamen præter cæteros hoc nomine cariorum habes, quod in amplectendis, evehendisque studiis se tibi præbet unanimem. Quibus rebus fit, ut quam tibi cordi sunt honestissimæ disciplina, tam tu carus sis studiosis omnibus, in quorum vel extremam classem adscribi cupiam. Hinc itaque certam animo fiduciam, aut si quis malit, audaciam concepi, ut quod Patri destinaram, illius felici memoriæ, tuoque nomini persolverem. Id cupienti molientique Deus, opinor, porrexit materiam. Missus est huc e Venetia Codex pervetustus Græce descriptus, in quo deprehendi complures JOANNIS CHRYSOSTOMI Conciones, quas antehac nemo verterat, quum essent indignæ quæ delitescerent, imo quum vehementer esset e re Christiana, ut in manus omnium prodirent. Vix enim aliæ mihi videntur, quæ perinde referant os illud aureum, ac plane mellitam suaviloquentiam. Satisque commode res cecidit. Opus enim adversus Judæos, omnium primum scripsisse traditur, adhuc Lector Antiochenus. Cæterum Libris de functione Sacerdotali, quos scripsit

Tom. VIII.

A

jam

jam Diaconus, primam eloquentiæ laudem inter hujus lucubrationes tribuunt Græci, hosque solos testatur sibi lectos Hieronymus, videlicet, ut omnium celeberrimos. Eos ante biennium evulgaram Græcis formulis, quos, meo quidem hortatu, Latinos fecit Germanus Brixius Altissiodorensis, Latini juxta ac Græci sermonis facundia sic exuberans, ut Chrysostomici fontis ubertatem sua propemodum superarit copia, vixque alio interprete mihi videar Chrysostomum audire loquentem. Sane feliciter quod habebamus hujus Doctoris elaboratissimum in parem incidit artificem. Mihi cesserunt hæc non minus utilia, sed minus elaborata. Si quidem illa scripsit eruditissimo Basilio, hæc paravit auribus promiscuæ multitudinis. Porro quæ nunc tui nominis auspiciis damus nova Latinis auribus, hæc sunt:

Adversus Judæos Conciones quinque. De Lazaro quatuor. Totidem de visione Esaïæ & Osia Rege, una de laudibus Philogonii, deque digne sumenda Eucharistia. Commentariorum in Acta, quoniam de tituli fide subdubitabamus, gustum modo præbuimus, quod superest, ex Eruditorum suffragiis, vel omissuri, vel addituri. Habebamus & alias Chrysostomi lucubrationes, sed prolixiores, quam ut nunc eas dare potuerimus, tot aliis studiorum argumentis distracti, ut in his vertendis coacti simus aliquoties ad dictandi compendium confugere. Sed illa dabuntur brevi, si Christus adsperaverit. Nec enim in alio Scriptore libentius oriam ac negotium nostrum collocamus. Nam hic profecto, si quis alius inter Scriptores Ecclesiasticos, omne tulit punctum, qui miscuit utile dulci. Quis enim docet evidentius? Quis hæreticos refellit acrimis? Quis in mores declamat vel frequentius, vel liberius? At contra quis id facit popularius? Tanta caritatis suavitate condascit etiam illa, quæ natura sunt amara. Quosdam vix ferimus adulantes, hunc & objurgantem possis amare. Jam quanta ubique cura providentiaque pauperum, quam sollicita ad humanitatis officia cohortatio, quam diligens Monachorum commendatio, quos tum mundus, opinor, habebat optimos? Omitto quod vix alius plura scripsit, nec in his ullum argumentum quod non tractet ea quæ sunt Christianæ pietatis, quum Augustinus noster, qui cum hoc polygraphia fortassis certare possit, tantum operæ dederit Grammaticæ, Dialecticæ, Musicæ, ac profanæ Philosophiæ questionibus. Harum disciplinarum quum Chrysostomus fuerit exacte doctus, Oratoriam enim sub Libanio Rhetore, Philosophiam didicit sub Andragathio, nullam tamen usquam præbet ostentationis speciem, sed omnes cogit servire pietati Christianæ, sic admiscens quasi vinum generosum aqua modica diluas: Nusquam enim est aquæ vel color, vel sapor, sed tamen semis vinum esse suavius. Quumque tantus esset, tum eruditione, tum eloquentia, tamen incredibili quodam juvenandi studio, quidquid fere scripsit, accommodavit auribus populi, eoque ad hujus captum demisit orationis habitum, quasi præceptor cum puero discipulo balbutiat. Quod si cuncta dixit apud populum, quæ hoc modo figuraque scripta sunt, utrum magis admirari debeam, nescio, illumne qui tam assiduo concionandi labori satisfecerit, an populum qui tam avidus fuerit discendi quæ sunt pietatis. Adhæc dubium videri potest, an inter dicendum excipi passus sit voces suas, quod in Augustini scriptis aliquot perspicuum est, aut quoniam hoc probabile non est, utrum scripserit dicturus, an post dictionem quæ dixerat in litteras redegerit. Nam de scripto non dixisse, liquet ex ipsius scriptis, in quibus multa respondent iis, quæ casus fortuitus aut tempus præter expectationem dabat, velut solito frequentior alacriorque populi conventus, indecora plebis acclamatio, aliudve simile. Fortasse quædam scripsit, tanquam populo recitanda, qualia sunt Isocratis pleraque. Nec enim est verisimile, Lectori (nihil enim aliud erat quum scriberet adversus Judæos) fuisse jus apud concionem loquendi, nisi forte tali Lectori permissum est ut sua scripta recitaret populo. Jam nihil est tam reconditum in divinis litteris, quod ille tractando non reddiderit theatricum, ut ita loquar, ac popolare. Sic erant quæ sunt abstrusa, sic ostentat, sic ingerit oculis: dicas esse quempiam, qui singularis artificii tabula spectatores remoretur, quam quo diutius ac propius inspicias, hoc magis aperit sese subinde novi quippiam, quod oculos sefellerat, & animadversum recreet. Tali re vera tabulæ similis est divina Scriptura, quam incomparabilis artifex Spiritus ille cælesti penicillo nobis depinxit, ut in hujus contemplatione jugiter versantes, & hujus mundi tædia fallamus, & semper aliquid novæ voluptatis percipiamus ex cognitione rerum æternarum. Atqui commonstrator idoneus hujus tabulæ non possit esse, nisi qui sit ipse præclarus artifex, & insigniter oculatus. Velut hic noster Lazarus ac Divitem producit in theatrum, sit enim hoc exempli causa propositum. Quis alius perspexisset, quæ ille ibi commonstrat? Quumque jam spectator credens nihil superesse parat abitum, ille revocat, heus, inquit, superest aliud cumprimis annotatu dignum: deinde rursus aliud ex alio commonstrat, nec te patitur a tabula discedere, tandem adhuc avidum, & inbiantem dimittit. Metaphoris & collationibus, quoniam plurimum conducunt & ad lucem & ad jucunditatem orationis, frequenter utitur, in quibus inveniendis quidem mirus est, sed multo mirabilior artifex in tractandis. Tractantur autem ex circumstantiis, a pari, majore & minore. Hic mirum quos gradus invenit, vel deprimendi, vel exaggerandi. Addit subinde stimulos, nunc collaudans illorum docilitatem, nunc objurgans segnitiam, nunc pollicens se digna cognitu prolaturum si conspiciat attentos & avidos, nunc aliis atque aliis nominibus commendans argumentum quod tractaturus est: nonnunquam repetens quæ dixerat, nec raro faciens idem in eadem concione. Dedit hoc Vir eloquentissimus multitudinis ingenio, rudi pariter atque oblioso, quæ nec intelligit, nisi dilucide crasseque tradas, nec meminit nisi subinde repetitum infigas. Hoc admonui, ne quis loquacitatis nomine damnet, quod caritas, quæ nihil aliud quærit quam ædificare, dedit auditorum imbecillitati. Sic & Paulus apud Thessalonicenses, ad illorum ruditatem submisit sese, factus ut parvulus in medio eorum, tanquam si nutrix foveat filios suos. Nec sententias argutas, nec epiphonemata captat usquam, quibus solet excitari concionis acclamatio, quod dictionis genus placuit Hieronymo & Ambrosio: nec jocos admiscet, in quibus frequens est Tertullianus, frequentior Hieronymus: sed perpetua quadam orationis jucunditate facilitateque detinet auditorem, pietate delectans verius quam facetia. Ecclesiasticus orator facile reperiet, quo deliniet auditorem, si perfecerit, ut norit ametque populus quod discit. Affatim est in ipsis arcanis litteris quod voluptate demulceat pios animos, etiamsi nihil illecebrarum ex Poëtarum aut Mimorum salibus accersatur. Si qui docet ardet, facile accendet: si vehementer gaudet iis quæ docet, facile transfundet eundem affectum in animos auditorum. Hoc pectus, hoc os aureum foro profano destinatum Christus ad Evangelii præconium intervertit. Utinam tales oratores nunc haberet ubique Christianus orbis! Ab his enim præcipue pendet totius Reipublicæ disciplina. Ideo tam nihil pene tenemus de dogmatibus Evangelicæ philosophiæ, ideo sic

sic frigemus ad ea quæ sunt caritatis, ideo tam dubie credimus, quæ debebant esse certissima, quia raro populus audit Concionatores Euangelicos, rarius idoneos. Et tamen hodie commodior est conditio dicentium, quam olim fuit. Tum enim paganitatis reliquæ, gladiatorum paria, concursus equorum, athletæ, pugiles, aliaque theatri certamina, plebem avocabant a concione sacra, nec Episcopis ullum aliud jus erat quam lingue. Adhæc in ipsis concionibus cogebantur quiddam e theatro pati, sibilos, applausus, acclamationes, gestulationes frequenter indecoras, quibus vel corrumpi, vel interpellari poterat dicentis impetus. Et tamen Chrysostomus quotidie loquens populo frequens habebat auditorium. Quis enim non mallet talem virum audire de rebus divinis tanta suavitate differentem, quam spectare gladiatores, aut equos curren-tes, aut ludere aleam? Nunc sublata sunt avocamenta publica, populus humilis & quietus magna religione præbet aures, nihil obstrepens, etiamsi quid absurdi proferatur e suggesto, & tamen Concionatorum idoneorum mira est raritas, quum Episcoporum, Sacerdotum ac Monachorum tanta sit ubique copia. Proinde non postremæ laudis habetur inter tua benefacta, Rex inclyte, quod hic quoque vigilat tua pietas, ut sint idonei, qui doctrinam Euangelicam subministrent populo. Erat omni decorum & opum genere florentissima Constanti-nopolis, verum Arcadius Imperator non existimabat suam civitatem & imperii summi sedem, sat splendidam, nisi & insignem haberet Euangelii præconem, eoque Joannem Chrysostomum ad Sacerdotii functionem, unde Nectarius decesserat, Constantinopolim evocavit Antiochia. Utinam Arcadii ac tuum, optime Rex, exemplum æmulerentur omnes Principes, utinam ad Chrysostomi formam Sacerdotes quam pluri-mi contenderent! Id si fieret, nec tot bellis, nec tot opinionum dissidiis concuteretur Orbis, ac longius abessemus omnes & a Judaismo simul & a Paganismo, sed regnaret in nobis Christus, & sub illius vexillis felici tranquillitate frueremur. Denique latius sese proferrent Christianæ ditionis pomæria. Vereor enim ne nostri mores partim in causa sint quo minus Turcæ, Mahometani, Saraceni, Moschobitæ, Græci, & si quæ sunt aliæ nationes semichristianæ, vel schismaticæ, sese adjungant ovili Christi, quo minus Judæi resipiscant a sua cæcitate, qua tot jam seculis detinentur: quos equidem demirabor, si tam dilucidæ Chrysostomi rationes, si tam urgentia Scripturarum testimonia, non saltem huc adigant, ut pudeat pigeatque tam diutinæ calamitatis. Apostolo Paulo debet hoc infelix hominum genus, quod adhuc superest, quod exstat seminarium unde possit restitui. Is enim ad Romanos XI. spem bonam nobis fecit, fore ut aliquando resipiscantes agnoscant nobiscum verum Messiam, ut fiat unus pastor & unum ovile. In hanc spem servantur a nobis: Nolo enim, inquit, vos ignorare, fratres, mysterium hoc, ut ne sitis apud vosmetipsos elati animo, quod excæcatio ex parte Israël accidit, donec plenitudo gentium advenerit, & sic totus Israël salvus erit, sicut scriptum est, Adveniet ex Sion, qui liberat, & avertet impietates a Jacob. At mox: Quemadmodum enim & vos quondam increduli fuistis Deo, nunc autem misericordiam estis consecuti per incredulitatem illorum, sic & isti nunc, increduli facti sunt, ex eo quod vos misericordiam estis adepti, ut & ipsi misericordiam consequantur. Rursus in eodem Capite, docet Judaicæ gentis ruinam non esse desperabilem: Num ideo, inquit, impegerunt ut conciderent? Absit. Sed per lapsum illorum salus contingit gentibus, in hoc ut eos ad æmulandum provocaret. Quod si lapsus illorum divitiæ sunt mundi, & diminutio illorum divitiæ gentium, quanto magis plenitudo illorum? Vobisenim dico gentibus, quatenus ego quidem sum Apostolus gentium, ministerium meum illustro, si quo modo ad æmulandum provocem carnem meam, ut salvos reddam nonnullos ex illis. Si Judæis a Christo deficientibus nos recepti sumus, ut illos vicissim ad æmulationem provocemus, conandum est, ut in omni vita nostra resplendeat veritas, puritas & sinceritas Evangelica. Glorificemus & nos Evangelium nostrum. Id quidem in primis est Episcoporum ac Sacerdotum, qui dicuntur Angeli Domini, ex quorum ore populus requirit legem Dei sui: omnis tamen Christianus pro sua quisque portione glorificare potest Evangelium, si spretis its quæ sunt super terram, conversationem habeat in cælis. Sic enim futurum est, ut Turcæ simul & Judæi, videntes opera nostra bona, glorificent Patrem nostrum qui in cælis est, cupiantque in tale consortium ascribi. Neque vero mediocre momentum adfert & tua pietas ad glorificandum Evangelium, dum alis ac foves qui sterilibus agris inspergant semina Catholicæ doctrinæ, qui quidem quo propius accesserint ad exemplum hujus Chrysostomi, hoc plures allicient ad nostræ Religionis communionem. Quod tibi, Rex inclyte, magno studio, singularique pietate molienti precor, ut summus Orbis Princeps, qui consiliis arcanis & inscrutabilibus moderatur, & in tantis tempestatibus ac procellis, tuetur Ecclesiæ navim, dexter adspirare dignetur. Habes hic invictissimum Cæsarem Carolum, non minus unanimem tibi studio restituendi provehendique Religionem Christianam, quam affinitate junctum. Dimissurus eram Majestatem tuam, sed illud prius admonendum duxi, ne quis offendatur imprudens. Loca quæ citantur e sacris voluminibus, reddidimus juxta Græcam lectionem quam in codice comperi. Græcorum autem lectio, non videtur esse tantum Septuaginta, sed ex Aquilæ quoque Symmachi ac Theodotionis Editione temperata. Cæterum, quo minus Latinam Editionem supposuerim illud obstitit, quod aliquoties sententiæ tenor non quadrat ad nostram lectionem. Id frequenter accidit in Novo Testamento, sed in Vetere multo crebrior & insignior est lectionis varietas. Et consentiunt in citando Græci Doctores, Gregorius Nazianzenus, Basilus, Chrysostomus, Athanasius, Theophylactus, Cyrillus, alique quorum eruditissimis lucubrationibus vehementer illustratur Christiana Philosophia, ut vel ob hanc tantam utilitatem operæ pretium fuerit, Novi Testamenti libros juxta Græcorum lectionem tradi Latinis auribus, quod a me pridem, magno reclamantium strepitu, sed ingenti studioforum fructu factum est. Idem ut ab aliis curaretur, in Veteris Testamenti voluminibus, major etiam invitavit necessitas. His vero qui nobis Cyrillum, Chrysostomum, ac Theophylactum verterunt Latine, quoniam Vulgatam Latinorum Versionem supponere maluerunt, sæpe ridiculum quiddam accidit, ut aliud sonet vox contextus, aliud cithara commentarii. Quod si stulte faciat, qui nunc Cypriani, Tertulliani, Ambrosii & Augustini lectionem velit ad nostram translationem corrigere reclamantibus illorum commentariis, multo minus id fieri conveniebat in vertendis Græcis, apud quos Hieronymi translatio nunquam fuit recepta. Hanc igitur, Rex inclyte, corollam ex Chrysostomi floribus contextam, quam publico studioforum nomine deferimus, serena fronte dignaberis accipere. Majestatem tuam sospitet prosperetque Dominus Jesus. Datum Basileæ IX. Kalend. Aprilis. M. D. XXVII.

D I V I
JOANNIS CHRYSOSTOMI
 A D V E R S U S
JUDÆOS ORATIO PRIMA;
 I N T E R P R E T E
 DESIDERIO ERASMO ROTERODAMO.



RURSUS infelices illi, mortalium-
 que omnium miserrimi *Judæi* jejuna-
 turi sunt, rursus Christi gregem mu-
 niamus necesse est. Quandoquidem
 & pastores, quamdiu noxia bestia
 molesta non est, sub ilicem aut popu-
 lum porrecti, fistula canunt, sinen-
 tes oves libere pro suo arbitratu pa-
 scere. Verum simul atque senserint alicunde luporum in-
 cursionem imminere, mox abjecta fistula, fundam arri-
 piunt, & omisso calamo, fustibus & faxis obarmant sese,
 proque septis consistentes magno emissio jubilo, ingenti-
 que ululatu vociferantes, frequenter ipso clamore feram,
 priusquam irrumpat, abigunt. Itidem & nos facimus. Su-
 perius enim diebus in Scriptura, velut in prato luden-
 tes choreasque ducentes, nihil in enarratione attigimus
 contentiosi sermonis, eo quod nullus esset, qui nobis ob-
 turbaret aut molestus esset. Cæterum quoniam hodie lu-
 pis omnibus sæviores *Judæi*, oves nobis circumvallaturi
 sunt, ad pugnos & pugnam accingamur oportet, ne quid
 nobis ereptum cedat in prædam ferarum. Ne vero mi-
 rum vobis videatur, si quum jejunium illud post decem &
 eo amplius dies venturum sit, nos ab hoc statim tempore
 munimus & armamus animas vestras. Quandoquidem
 & inter agricolas qui vigilantes & industrii sunt, quum
 habent vicinum torrentem, qui vexat læditque segetem,
 non quum suo tempore torrens inundat videlicet hyeme,
 sed tempus illud prævertentes & ripas obsepunt, & aggeres
 erigunt, & fossas agunt, denique modis omnibus sese præ-
 parant adversus torrentis futuram violentiam: dum enim
 tranquillus est & stagnans, atque angustus, facile est illi
 admolari manus: verum posteaquam increvit, multoque
 aquarum impetu fertur violentus, non perinde facile est
 exundantibus obsistere. Eoque multo antea tempore præ-
 veniunt illius irruptionem, undiqueque præparantes quic-
 quid agros possit tutos reddere. Eundem ad modum &
 milites & nautæ & agricolæ & mæssores facere consueve-
 runt. Siquidem & milites, priusquam veniat pugnandi
 tempus, & thoracem abstergunt, & scutum si quid desit
 circumspiciunt, & frenos apparant, & equos omni dili-
 gentia nutriunt, cæteraque omnia recte diligenterque cu-
 rant. Similiter & nautæ, priusquam navim in portum
 detrahant, & clavum apparant, & instaurant latera, & re-
 mōs dolant, & vela consarcinant, denique quicquid præ-
 terea ad totius navis armaturam pertinet, diligenter accu-
 rant. Quin & mæssores consimili modo multis ante diebus,
 & falces acuunt, & aream præparant, boves item & cur-
 rum, breviter, quicquid ipsis ad mæssum ac trituram con-
 ducibile judicant. Imo videas omnes homines si quid re-
 rum agendum est, prius ad eas apparatus facere, ut quum
 advenerit rei gerendæ tempus, facile conficiant quod est
 opus. Hos igitur & nos imitantes multis, ante diebus præ-
 munimus animas vestras, exhortantes vos ut impium hoc
Judæorum & sceleratum jejunium effugiatis. Neque enim
 ita dixeris, jejunant, quin potius illud mihi ostendito,
 eos ex Dei sententia jejunare. Quod ni id fiat, quavis ebric-
 tate sceleratius est jejunium. Neque enim solum confide-
 randum est quid ab istis fiat, verum illud etiam observan-
 dum, quam ob causam faciant. Etenim quod fit juxta Dei
 voluntatem, quamvis videatur improbum esse, tamen
 omnino Deo gratum est & acceptum. Contra quod fit
 præter Dei voluntatem, ac secus quam ille vult fieri, quan-
 quam existimatur acceptum Deo, tamen est omnium pes-
 timum & iniquissimum. Etiam si quis occidat hominem

A ita volente Deo, quavis humanitate melius est hoc homi-
 cidium. Rursus, si quis parcat & humanitatis officium
 collocarit in quempiam, præter Dei sententiam, quavis
 cæde sceleratior est ista sanguinis parsimonia. Non enim
 ipsa eorum quæ sunt natura, sed Dei voluntas ac decre-
 tum, efficit ut eadem vel bona sint vel mala. Ut autem
 intelligas hoc esse verum, *Achab* quum aliquando Regem
 quendam *Syrorum* cepisset, contra Dei voluntatem dedit
 illi vitam, & assensu dignatus est, denique multa cum ho-
 norificentia dimisit. Mox *Propheta* quispian accedens, ^{3 Reg.}
 dixit ad sibi proximum, in nomine Domini percutite me, il-^{20.}
 le vero noluit eum percutere: Dixit igitur ad illum, eo quod
 non audisti vocem Domini, ecce tu fugies a me & percu-
 tiet te leo. Discessit ab illo, reperit eum leo & percussit.
 B Ac mox *Propheta* reperit alium hominem, cui dixit, percu-
 te jam me: & percussit eum homo ille vulneravitque eum,
 ac *Propheta* sibi obligavit faciem. Quid hoc absurdius
 fieri possit? Qui percussit *Prophetam*, evasit incolumis,
 qui pepercit, dedit poenas: nimirum, ut intelligeres in
 jussis divinis non oportere curiosum esse, examinareque
 rerum quæ præcipiuntur naturam, sed nihil aliud quam
 obtemperare. Etenim ne prior ille veritus parceret *Pro-*
 phetæ, non dixit illi simpliciter, percutite me, sed addidit,
 in verbo Domini, hoc est, Deus præcepit, ne quære ul-
 terius, Rex est qui hanc præscribit legem. Reverere ju-
 bentis auctoritatem, summaque cum animi promptitu-
 dine obtempera. At id facere non sustinuit, eoque poenas
 C dedit gravissimas, suo exemplo secuturos adhortans, ut
 quicquid præceperit Deus, per omnia obtemperarent
 moremque gererent in posterum. Ubi posterior ille per-
 cussisset eum & vulnerasset, *Propheta* sibi caput obvinxit
 loro, & oculos obtexit, denique in eam speciem sese
 transformavit, ut a nemine posset agnosci. Cujus igitur
 rei gratia hoc fecit? Erat redarguturus Regem & senten-
 tiam in eum laturus de salute Regis *Syria*. Is igitur quum,
 ut erat impius, semper odium gessisset adversus *Prophe-*
 tas, ne conspectum ipsum & agnitum ab oculis suis sub-
 moveret, eoque facto non reciperet correctionem, velat
Propheta simul & faciem suam & negotii narrationem,
 uti & ipsi contingeret potestas dicendi quæ volebat, &
 D Regis confessionem extorqueret. Etenim quum *Rex* præ-
 teriret, clamore compellans eum, dixit: Servus tuus egressus
 est ad exercitum ut praliaretur, & ecce vir quidam adduxit
 ad me virum, dixitque: Serva mihi hunc, quod si elapsus eva-
 serit, erit anima tua pro anima illius, aut dependes argenti
 talentum. Et accidit, ut dum servus tuus circumspiceret huc
 & illuc, & ecce vir non comparebat. Et dixit illi *Rex Israël*:
 Ecce *Judex* tu apud me, occidisti. Et illico *Propheta* detraxit
 velamen ab oculis suis, & agnovit illum *Rex Israël*, quod
 esset unus ex filiis *Prophetarum*. Dixitque ad illum: Hac di-
 cit Dominus, Eo quod dimisisti virum exitio dignum e manu
 tua, erit anima tua pro anima illius, & tuus populus pro po-
 pulo illius. Vides, quod non solum Deus, sed & homines
 simili modo judicant, non respicientes ad eorum quæ
 sunt naturam, sed ad finem potius & causas ob quas fiunt.
 Ecce, inquit etiam ipse *Rex*, tu *Judex* apud me qui occide-
 ris: homicida es, inquit, eo quod hostem dimiseris. Ob
 hoc enim *Propheta* velum addiderat & velut in aliena
 causa sententiam elicuit, ut *Rex* quod verum & rectum
 erat, pronuntiaret, quod & accidit. Etenim posteaquam
Rex seipsum sua sententia condemnasset, detracto velo,
 dixit *Propheta*: Quoniam tu dimisisti virum exitio dignum
 e manu tua, erit anima tua pro anima illius, & populus tuus
 pro populo illius. Vides, quas pro humanitate poenas luerit
 Rex,

Rex, proque intempestiva sanguinis parsimonia quo affectus est supplicio? Et hic quidem qui servavit punitur, alter vero qui occidit comprobatus est.

Igitur & *Phinees*, qui eodem temporis articulo, duplex perpetravit homicidium, virumque simul cum muliere iustulit, Sacerdotio honoratur, adeo non inquinavit manum sanguine, verum etiam puriorem reddidit. Proinde quum videris cum qui Prophetam percussit esse servatum, cum vero qui non percussit extinctum, & illum qui pepercit dare poenas, rursus cum qui non pepercit approbatum, semper apud te potior sit ratio, quid Deus præcipiat, quam quæ sit negotiorum natura. Quod si quid compereris illo comprobante geri, illud solum amplectere. Atque hac utentes regula & jejunium hoc *Judaorum* expendamus. Etenim ni id fecerimus, sed actiones nudas per se tantum in medium prolatas consideremus, ingens erit confusio, magnaque iudicii perturbatio. Nam prædonibus raduntur latera, & monumentorum perfossoribus, maleficisque, verum idem patiuntur & martyres. Facta quidem sunt eadem, cæterum animus & causa cur hæc fiant, non est eadem, eoque plurimum est discriminis inter hos & illos. Quemadmodum igitur in illis non tormentum tantum expendimus, sed prius animum, & causam ob quam cruciatus inferuntur consideramus, & ob id martyres amamus, non quod cruciantur, sed quod ob Christum cruciatus ferunt; contra latrones detestamur, non quia puniuntur, sed quod ob male facta puniuntur: ad consimilem regulam & in hoc negotio *Judaorum*, rationem eorum quæ fiunt subducito. Quod si videris illos amore Dei jejunantes, amplectere quod fit. At si perpexeris illos hoc præter divinam voluntatem facientes, magis eos detestare, majoreque odio prosequere quam ebrios, quam temulentias & comestationibus indulgentes. In hoc autem jejunio non satis est causam inquirere, sed & locus & tempus consideranda sunt.

Verum priusquam moveamus aciem adversus *Judeos*, lubens orationem verterim ad eos qui sunt nostri corporis membra, ac nostri quidem ordinis esse videntur, cæterum illorum cultum sequuntur, quandoquidem horum causa totum hoc quicquid est laboris, suscepi, atque hac quidem ex parte dignos esse video graviore condemnatione, quam *Judeos* universos. Id esse verum non modo sapientes & cordati, verum etiam quicumque vel paululum habent mentis ac rationis, mecum fatebuntur. Nec enim opus est argumentis arte excogitatis, nec artificiosa probatione, nec prolixis sermonum ambagibus ad hoc demonstrandum, quum satis sit illos simplici percontatione interrogatos, ex ipsa responsione capere. Quid igitur percontabimur istorum quemque, qui in hisce rebus insaniunt? Christianus es? Quam igitur ob causam molestus es Ecclesiæ? Qui *Persa* est, nonne quæ *Persarum* sunt curat? Barbarus, nonne Barbarorum ritus æmulatur? Qui habitat in ditione *Romanorum*, nonne vestris utitur legibus? Age, dic mihi, nonne si quis horum qui apud vos vivunt, cum illis sentire fuerit deprehensus, inauditus, citraque examinationem punitur, etiamsi multa habeat, quibus causam suam possit defendere? Et si quis apud istos exstiterit, qui *Romanis* utatur institutis, nonne rursus idem perpetietur? Quomodo igitur tu, qui ad impium illud vitæ institutum defecisti, audes sperare salutem? Neque enim exiguum intervallum est inter nos & *Judeos*, neque de rebus levibus aut vulgaribus inter nos est controversia, ne tu unum & idem esse credas nostrum & illorum institutum, ac non miscenda misceas. Illi crucifixerunt Christum, tu crucifixum adoras; vides quantum interest? Qui fit igitur, ut ad illos qui Christum occiderunt, curras, proficiens te adorare crucifixum? Neque vero ipse legem hanc fero, qua illos criminer, nec hanc accusationis formam inveni. An non Scriptura simili modo accusat illos?

Cap. 2. Audi igitur quid dicat *Hieremias* adversus eosdem illos, *Abite in Cedar & videte, emittite ad insulas Cettim & iudicate, num talia facta sint. Quænam ista? An gentes mutant Deos suos, & isti non sunt Dii: vos autem mutastis gloriam vestram, in eam ex qua nihil utilitatis capietis.* Porro quod dicit hujusmodi est. Illi, inquit, quum venerentur simulacra, colantque Dæmones & adorent, tam constant in errore, ut ne velint quidem illa relinquere, & ad veri-

tatem converti. Vos autem qui verum adoratis Deum, relicta majorum Religione ultro ad aliena defecistis, neque tantum religiosæ mentis præstatis in veritate, quantum illi præstant in suo errore. Proinde dicit: Si istiusmodi facta sunt, si mutarunt gentes Deos suos, & isti non sunt Dii, vos autem mutastis gloriam vestram, unde nullam capietis utilitatem. Non dixit mutastis Deum vestrum, Deus enim non mutatur, sed mutastis gloriam vestram. Neque enim me læsistis, inquit, neque ulla noxa ad me pervenit, vosmetipsos affecistis ignominia; meam gloriam non imminuistis, sed vestram ipsorum. Concedite sane mihi ut hunc sermonem etiam ad nostros accommodem, si tamen par est illos appellare nostros, qui cum illis sentiunt. Abite in Synagogas, & videte num *Judei* mutaturi sint suum jejunium, num illi sub *Pascha* nobiscum celebrarint jejunium, num hunc diem unquam prætermiserint? Atqui hoc non est jejunium, sed legis transgressio, sed error, sed peccatum: sed tamen illi nunquam mutarunt, vos autem mutastis gloriam vestram, unde nihil utilitatis capietis, & ultro ad illorum ritus descivistis. Quando *Pascha* jejunium celebrarunt illi? Quando Martyrum festos dies nobiscum egerunt? Quando diem Epiphaniarum nobiscum communiter celebrarunt? Illi non accurrunt ad veritatem, & vos ad iniquitatem properatis? Iniquitatem autem dico, quandoquidem ista fiunt non suo tempore. Erat olim tempus quo conveniebat ista servare, jam vero non est amplius. Eoque quod tum juxta legem fiebat, nunc præter legem fit. Concedite mihi, ut illud etiam *Helia* dicam adversus eos. Quum enim ille conspiceret *Judeos* impie viventes, & nunc quidem obtemperantes Deo, nunc rursus Idola colentes, ad hunc loquitur modum: *Quousque claudicatis utroque poplite vestro? Si Dominus est Deus, venite & sequimini eum.* Idem & ipse loquor ad istos. Si *Judaismus* putatis verum esse, qua gratia obstrepitis Ecclesiæ? Quod si *Christianismus* verus est, sicut re vera est, in eo manete, & illum sequamini. Particeps es nobiscum mysteriorum, age, dic mihi, Christum adoras? ab illo bona petis, & cum illius hostibus festum celebras? Et quo tandem animo prodis in Ecclesiam?

Verum hæc dixisse sufficiat ad illos qui prædicant se nobiscum sentire, quum quærant diversa. Igitur & ad illos volo dirigere sermonem: Concedite mihi ut liceat doctrinam hanc altius repetere, quo perspicuum fiat, *Judeos* nunc jejunantes legem ignominia afficere, Deique præcepta conculcare, semper ea facientes quæ illius placitis adversantur. Etenim quum illos volebat jejunare, tum in crassabantur dilatabanturque. Rursus ubi non vult eos jejunare, mordicus tenent jejunium. Quum vellet illos victimas offerre, ad simulacra properabant. Quum non vult illos celebrare festum diem, studio festum diem agunt. Et ideo *Stephanus* dixit ad illos: *Vos semper Spiritui sancto resistitis.* In hoc, inquit, solum incubuitis, ut quæcunque Deus præceperit, iis contraria faciatis, quemadmodum & nunc faciunt. Unde id liquet? Nimirum, ex ipsa lege. Siquidem in ipsis etiam festis Judaicis, non tempus solum, verum & locum observare jussit ipsa lex. Nam & de *Pascha* quod erat apud ipsos differens, loquitur ad hunc modum: Non potestis celebrare *Pascha*, in ulla civitate earum quas Dominus Deus dat vobis. Sed quemadmodum decimo quarto die primi mensis, ita *Hierosolymis* jubet illud peragi, similiter & *Pentecosten*, & hic loci simul & temporis observationem complexa est, dum post septem hebdomadas jubet hoc festum celebrari, rursus, quum addit: *In loco quem elegerit Dominus Deus tuus:* sic & festum *Scenopegia* & *Jejunium* hoc instituit. Sed dispiciamus, utrum tandem horum est magis necessarium, locus an tempus? Et si non sint hæc inter se paria, utrum observandum est, tempus neglecto loco, an neglecto tempore loci ratio tenenda est? Quod dico tale est: præcepit Dominus ut in primo mense & *Hierosolymis* celebraretur *Pascha*, videlicet, tempore pariter & loco præfinito. Ponamus igitur duos quospiam esse qui *Pascha* celebrent, quorum alter prævaricaretur locum, tempus observet. Rursus alter observet quidem locum, sed transgrediatur tempus. Atque is, qui tempus observat neglecto loco, celebret *Pascha* in primo mense, sed alicubi procul extra *Hierosolymam*.

Is vero, qui locum observat neglecto tempore *Pascha* celebret *Hierosolymis*, non tamen primo mense sed secundo. Deinde videamus uter horum duorum sit in crimine, inter probandus, isne qui neglecto tempore locum servavit, an qui loco neglecto tempus servavit. Etenim si is qui tempus neglexerit ut intra civitatem *Pascha* celebraret, videtur approbandus, contra qui servato tempore locum neglexit, vocandus est in crimen, & impietatis reus peragendus, nimirum liquet, quod isti quoque legem violant, loco non suo facientes quod faciunt, etiam si decies millies prædicent sese servare tempus. Unde igitur hoc nobis perspicuum est? videlicet, ab ipso *Mose*. Siquidem quum quidam essent celebraturi *Pascha*, adierunt *Mosen*, dicentes: *Nos impuri sumus super hominis animam, num omitemus offerre munus Domini juxta tempus suum, in medio filiorum Israel?* Respondit illis *Moses*: *State hic & audiam quid præcepturus sit Dominus de vobis.* Et responsum dedit Dominus *Mosi*, dicens: *Homo quicumque fuerit inter vos impurus super hominis animam, aut in longo itinere, aut in nationibus, faciet Pascha mense secundo.* Quod autem dicit, tale est: *Quisquis, inquit, primo mense deprehensus fuerit in peregrinatione, ne faciat Pascha extra civitatem, sed mense secundo, ut venire possit Hierosolymam, ac tempus negligat potius quam faciat extra civitatem.* Ex hoc declarans quod observatio loci, temporis observatione magis est necessaria. Quid igitur habent isti quod dicant, qui extra civitatem præscriptam faciunt *Pascha*? Nam posteaquam transgrediuntur id quod magis est necessarium, nihil illos excusare potest ejus observatio, quod minoris est momenti. Igitur etiam si decies millies videantur servare tempus, extrema legis transgressio est quod faciunt. Atque id esse verum, non hinc liquet tantum, verum etiam ex Prophetis; quum non constet illos unquam sacrificasse, neque canticum cecinisse in terra aliena, neque istiusmodi jejunium jejunasse, quam veniam promerentur isti? Attamen illi quidem expectantes reditum in civitatem suam, nihilo secius persistebant in lege parentes illi, quæque lex præscribebat implentes. Hoc enim lex ipsa illis fore promiserat. Isti vero hæc faciunt quum nullam habeant spem, fore ut pristinum vitæ statum recipiant. Non habent, inquam, ullam spem, id ipsorum Prophetarum testimonio docere possumus, & tamen ne sic quidem possunt conquiescere. Jam ut maxime sperarent se civitatem recepturos, etiam tunc oportebat sanctos illos imitari, tum a jejunis, tum a cæteris observationibus abstinere. Quod enim istiusmodi rerum nihil illi fecerint, audi quid rogantibus responderint. Quum enim urgerent, compellerent, cogerentque Barbari, ut uterentur organis suis, dicerentque, *Cantate nobis canticum Domini*, Illi qui pulchre legis mentem tenebant, responderunt, non decere ut ista facerent extra *Hierosolymam*: *Quomodo, inquit, cantabimus canticum Domini in terra aliena?* Rursus tres illi pueri, qui versabantur in *Babylone*, dicebant: *Non est hoc tempore Princeps, neque Propheta, neque Dux, non locus ut fructificemus in conspectu tuo, & inveniamus misericordiam.* At sane multus erat ibi locus, cæterum quoniam ibi Templum non erat, abstinebant a sacrificiis. Jam vero & ad alios per *Zachariam* loquitur Dominus, *Num jejunium jejunastis mihi per annos septuaginta?* Sentiens de annis quos egerant in captivitate. Quomodo ergo tu nunc jeunas, dic mihi, quum tui majores nec sacrificaverint, nec festa celebraverint? Id ex eo palam est, quod ne *Pascha* quidem ibi celebrarunt. Nam ubi non erat sacrificium, ibi ne festum quidem erat, eo quod omne festum sacrificio tum peragi oportebat. Quod si pleniorum hujus rei demonstrationem exhibere velimus, audi quid dicat *Daniel*: *In diebus illis eram ego Daniel lugens, panem desiderabilem non comedi, & vinum carnesque non ingressæ sunt in os meum, & unguento non ungebar in hebdomadibus illis. Et factum est in decimo quarto die primi mensis vidi visionem.* Hic mihi diligenter auscultate. Ex his enim perspicuum est, quod tum *Pascha* non celebraveritis. Qui sic? Dicam. Per dies azymorum, id est, quibus abstinebant a fermentatis, jejunare Judæis fas non erat. Hic autem dies viginti unum, prorsus non attigit panem. Et unde hoc docetur, dicet aliquis? Eo quod isti viginti dies & unus inciderint in dies azymorum. Id inde demonstratur, quod dicit, quarto & vigesimo die primi

mensis. At *Pascha* festum vigesimo primodie finiebatur. Nam incipientes a decimo quarto die primi mensis: deinde diebus septem continuata celebritate, ad vigesimum primum diem perveniebant. Attamen *Daniel* perseverabat jejunans etiam quum præterisset *Pascha* tempus. Nam quum coepisset a tertio die primi mensis, ac deinde per dies viginti unum continuasset, nimirum decimum quartum diem præterit, & post hunc item alios decem jejunavit. An non igitur isti exleges & impii, qui quum illi sancti viri, in aliena terra nihil servaverint eorum quæ lex præscribebat, tamen per contentionem & perviciam diversa factitant? Etenim si quilibet fuissent incogitantes parumque circumspecti, qui talia vel facerent vel dicerent, forsitan incogitantæ negligentæque tribueret aliquis, quod ea non observaverunt. Jam quum fuerint amantes Dei, quum pii, quum hi qui pro Dei præceptis traderent animas suas, conspicuum est, eos haudquaquam per negligentiam fecisse quod fecerunt, sed ab ipsa potius lege persuasos, quod non oporteat quicquam talium cæremoniarum extra *Hierosolymam* observare.

Quin & aliud quiddam ex his perspicue colligitur longe maximum, videlicet, quod observationes, sacrificiorum, sabbatorum & noviluniorum, denique similium rituum omnium ex superfluo additæ sunt Judaicæ vitæ, ut neque si serventur aliquid magni momenti conferre possint ad virtutem, neque si prætermittantur possint ex bono facere malum, aut pietatis studium quod in animo situm est, aliqua ex parte imminuere. Illi igitur qui vitam Angelorum nobis in terris ostenderunt, quum harum rerum nihil omnino peregerint, non victimam mactarint, non festum diem observarint, non istiusmodi jejunium suscepint, adeo tamen placuerunt Deo, ut ipsam etiam naturam transcenderint, totoque terrarum orbe superiores meritis suis, in Dei cognitionem raperentur. Quid enim proferri queat quod cum *Daniele* conferatur? quid quod cum tribus pueris? quandoquidem illi quod est præceptum in Evangelis maximum, quodque bonorum omnium caput, ante proditum Evangelium occuparunt, ipsisque factis declararunt. *Majorem hac, inquit, caritatem nemo habet, quam si quis animam suam exponat pro amicis suis.* Illi vero animam suam exposuerunt pro nomine Dei. Nec hac parte solum admirandi sunt, verum etiam ob hoc quod id nullius mercedis gratia fecerunt. Ideoque dicebant, *Est Deus in cælo potens eripere nos: qui etiam si non eripiat, notum sit tibi, Rex, nos non servituros Din tuum, sufficit nobis illa merces, quod propter Deum morimur.* Hæc præstiterunt, tamque insignem virtutem exhibuerunt, nihil eorum observantes quæ Lex præscriperat.

Ergo qua tandem, inquires, gratia Deus ista præcepit, si non volebat observari? Qua gratia tuam civitatem demolitus est? Nam alterum e duobus illi faciendum erat si voluisset illa manere, aut non debebat præcipere, ut ipsi uno tantum in loco sacrificia fierent, quum vos per omnes mundi plagas esset dispersurus: aut si volebat vos eo in loco sacrificare, non solum debebat vos per universum orbem dissipare, verum etiam solam illam civitatem desertam & inaccessam reddere, in qua sola victimas jussit immolare. Quid igitur? An secum ipse, inquis, pugnat Deus, qui uno in loco sacrificari jussit, & rursus ab hoc ipso loco quem præscripsit, excludat? Nequaquam, imo magnopere sibi constat Deus, neque enim initio sibi volebat offerri sacrificia. En ipsum Prophetam adduco testem, qui loquitur hunc in modum: *Audite verbum Domini principes Sodomorum, attendite sermoni Dei vestri populus Gomorra.* Non ad *Sodomitas* & *Gomorreos* verba faciens hæc loquitur, sed ad *Judæos*. Sic autem appellat illos Deus, quod imitantes illorum malitiam, sibi cognationem cum illis adscivissent. Similiter & canes illos appellat, & equos insanientes in feminas; Non quod illorum esset transformata natura, sed quod illorum animalium incontinentiam imitarentur. *Quo mihi multitudinem victimarum vestrarum?* Cæterum, qui *Sodomis* habitabant, nunquam visi sunt immolare victimas, sed ad *Judæos* sermo Dei dirigitur, ob causam quam diximus, *Sodomorum* cognomina illis tribuens. *Quo mihi multitudinem victimarum vestrarum? dicit Dominus. Plenus sum holocaustis arietum, & adipem ovium, & sanguinem hircorum ac taurorum*

Psal.
136.

Cap. 7.

rorum nolo. Nequaquam veniat in conspectum meum. Quis enim exquisivit hac omnia de manibus vestris? Audisti clarissimam vocem dicentem, quod in initio non postularit hæc de manibus vestris. Etenim si postulasset, similiter & priscos illos omnes, qui ante hos floruerunt, prius ad hoc vitæ institutum adegisset. Quo, inquis, igitur consilio hæc præcepit? Nimirum, vestræ morem gerens infirmitati, non aliter quam medicus, videns hominem febricitantem, morosum minimeque sibi temperantem, si concupiscat frigidam bibere, ac ni accipiat perituum, ac plane futurum, ut vel ad laqueum fugiat, vel e sublimi se præcipitem det, dum studet majus excludere malum, permittit quod minus est, cupiens illum a violenta morte revocare. Consimilem ad modum fecit & Deus, quoniam vidit illos insanientes, anxios, concupiscentes victimarum oblationem, jamque nisi acciperent quod desiderabant paratos ut ad idola se deflectant, imo non solum paratos, verum etiam eo jam prolapsos, permittit immolationem victimarum. Atque ut scias hanc fuisse causam, vel ex ipso tempore declaratur id quod dico. Siquidem post festum quod impiis Dæmonibus celebrant, tum demum permittit illis immolationes pecudum, tantum non dicens, insanitis & vultis immolare victimas, quin igitur mihi potius immolatis? Quanquam ne hoc quidem ita permisit, ut perpetuo liceret, sed prudentissimo consilio quod permiserat, rursus eripuit. Et quemadmodum si medicus ille (nihil enim vetat eodem exemplo denuo uti) posteaquam indulgit appetitui laborantis, mox phiala e suis ædibus allata præscribat ut ex hac sola bibat aquam: deinde persuaso ægroto, clam iis qui ministrant præcipiat confringere phialam illam, ut cum clam nihilque suspicantem avocet ab illa cupiditate bibendi frigidam. Itidem fecit Deus permittendo sacrificia. Neque enim in ullo orbis loco permisit id fieri, nisi in unis Hierosolymis. Mox ubi per breve tempus sacrificassent, diruit civitatem: & quemadmodum ille fracto vase, ita Deus subversa civitate, vel invitos illos abducere voluit a victimis. Etenim si clare palamque dixisset, desistite, haudquaquam facile ab immolandi insania destitissent. Nunc autem loci ademptæ necessitate, clanculum illos ac dissimulanter abduxit ab oblationum insania. Sit igitur medicus quidem ipse Deus, phiala vero civitas, sit ægrotus ille, morosus Judæorum populus. Denique frigida potio, sit victimarum permissio concessioque. Quemadmodum igitur medicus fracto vase ægrotam cohibet ab intempestivo frigidi potus appetitu: sic & Deus, eversa civitate ipsa, adeoque funditus diruta, ut omnibus facta sit inaccessa, Judæos a sacrificiis abduxit. Nam si non hoc agebat, cur Religionem illam in unum locum conclusit, qui nusquam non est præsens, qui implet universa? Cur cultum redegit ad victimas, victimas ad certum modum, modum ad tempus, tempus ad unam civitatem contraxit, ac rursus hanc ipsam civitatem subvertit? Adde, quod mirum est & incredibile, totus terrarum Orbis conceditur Judæis ad sacrificandum, ubi fas non est sacrificare, solam Hierosolymam illis adire non licet, in qua solam licet immolare. An non igitur vehementer etiam tardis clarum perspicuumque est, quam ob causam ea civitas fuerit subversa? Quemadmodum faber jactis fundamentis, erectis parietibus, concamerata testudine, ipsaque concameratione in unum lapidem in medio positum connexa, si eum tollat, totam ædificii compagem solverit: Similiter Deus quum eam civitatem fecisset quasi nodum totius religionis Judæicæ, ac mox eam subverterit, nonne pariter & universum ejus civitatis statum dissolvit?

Verum hætenus adversus Judæos pugnatum esto. Nam hodie solum eminus in illos jaculis velitati sumus, tantum locuti, quantum satis erat ad depellendum periculum a fratribus nostris, imo multo etiam amplius. Restat autem illud necessario, ut vos qui adestis, adhortemur, ut multam sollicitudinem habeatis pro membris vestris, ne dixeritis, quid mea refert, cur autem ego rerum alienarum curiosus sim & sollicitus? Dominus propter nos mortuus est; tu vero ne sermonem quidem profers pro illo? Et quam invenies veniam, aut quam reperies excusationem? Quomodo ad Christi tribunal stabis cum fiducia, dic mihi, tot animarum exitum dissimulans. Uti-

nam mihi contingat, eo currentes videre, nequaquam vobis opus esset, sed celerrimam adhiberem correctionem. Quoties frater est ad meliora revocandus, etiam si vitam oporteat impendere, ne serves? Imitare Dominum tuum. Quod si famulum habes, si uxorem, multa cum austeritate illos domi contineas. Etenim si non permittis illis, ut in theatrum eant, quanto magis a Synagoga Judæorum sunt arcendi: majus est hic scelus quam illic. Quod illic sit peccatum est, quod hic impietas. Hæc non ideo loquor, ut illos sinatis in theatrum ire: nam & isthuc malum est: sed ut ab illis arcetes, & ab his multo magis prohibeatis. Age, dic mihi, quid spectaturus eo curris, num homines tuba canentes? At oportuit domi sedentem gemis ac lacrymas pro illis profundere, quod rebellant præcepto Dei, quod Diabolum habent cum ipsis choreas agentem. Nam, ut ante dixi, quod sit præter voluntatem Dei, etiam si quando fuit permittum, postea violatio legis est, & innumerabilium suppliciorum materia. Tuba caneant Judæi, tum quum habebant sacrificia, nunc vero non est illis permittum idem facere. Proinde accipe jam qua de causa datae sint illis tubæ. Fac, inquit, tibi tubas dulcissimas argenteas, moxque commonstrans usum illarum subjicit, Et illis canite in holocaustis vestris. Ubi igitur est altare, ubi arca, ubi tabernaculum & sancta sanctorum, ubi Sacerdos, ubi Cherubingloriæ, ubi turibulum aureum, ubi propitiatorium, ubi phiala, ubi patere libatoris, ubi ignis ille coelitus demissus? Quum omnia amiseris nihil aliud retines quam tubas? Vides illos ludere verius quam sacrificare? Verum quemadmodum illos culpamus quod legem transgrediuntur, ita multo magis vos incusamus quod ad transgressores legis concurritis: nec illos tantum qui eo concurrunt, verum etiam eos quibus quum sit auctoritas prohibendi suos, nolint tamen id facere. Ne mihi dixeris: Quid mihi cum illo commercii est? Alienus est, ignotus est. Dum modo sit fidelis, dum eorumdem particeps mysteriorum, dum eadem jungatur Ecclesia, & fratribus, & cognatis, & necessariis, & cæteris omnibus est propinquior. Proinde quemadmodum non ipsi tantum fures dant poenas, verum etiam eadem poena plectuntur hi, quibus quum esset potestas vetandi, non vetuerunt tamen: ita non solum qui impie agent, verum etiam illi qui quum possint ab impietate revocare, tamen vel ob pigritiam, vel ob timiditatem, id facere nolunt, simili cum illis poena plectuntur. Alioqui talentum illud quod acceperat ac defoderat servus ille, reddidit integrum, attamen dat poenas, eo quod non auxerat lucrum: ita tu quidem etiam si ipse purus & innocens perseveres, cæterum non augeas talentum, nec fratrem pereuntem revoces ad salutem, eadem quæ ille patitur, patieris. Quid magni postulo? unusquisque vestrum, unum mihi ex fratribus ad salutem revocet. Hic sollicitus, hic quisque curiosus esto, quo nimirum in crassima communione multa cum fiducia compareamus, donaria Deo ferentes, Donaria, inquam, omnium pretiosissima si animas errantium reduxerimus, etiam si contumelia fuerit ferenda, si toleranda verbera, breviter, si quid aliud his etiam molestius sufferendum, omnia faciamus ut illos recuperemus. Quandoquidem & ægrotos ferimus, calcibus ferientes, contumeliis & conviciis incessentes, nec offendimur contumeliis, verum nihil aliud videre cupimus quam sanitatem hominis, per morbum indecora facientis. Quin & medici vestem sæpe laceravit ægrotans. At non ideo a cura destitit ille. Qui sit igitur, ut qui corporibus confidunt, tanta utantur diligentia: nos animabus istorum pereuntibus cessemus, perinde quasi existimemus nihil accidere grave, quum membra nostra putrescant? At non ita Paulus. Sed quomodo? Quis, inquit, infirmatur & non infirmor? Quis offenditur & non uror ego? Hunc ignem tu quoque concipe, & si conspexeris fratrem pereuntem, quamvis convicietur, quamvis vim & contumeliam inferat, quamvis verberet, quamvis minitetur se futurum hostem, aut aliud quidlibet intenter, fac, omnia perferas fortiter, ut illius lucrifacias salutem. Si ille fiat inimicus, Deus tibi est amicus, magnisque in die illo bonis te remunerabitur. Utinam autem hæc donet Deus sanctorum votis ac precibus, ut & qui in errorem abducti sunt, recuperentur ad salutem, & vos in hoc venatu voti compotes

Num.
10.

2Corin.

cva-

evadatis, & illi ipsi blasphemii, liberati ab impietate sua Christum agnoscant ab ipsis crucifixum, ut omnes uno animo eodemque ore glorificemus Deum & Patrem Domini nostri Jesu Christi, cui gloria in secula seculorum, Amen.

EJUSDEM ADVERSUS JUDÆOS ORATIO SECUNDA.

U NDE tandem nobis hodie frequentior conventus factus est? Ad efflagitandum quod polliciti sumus comparuistis omnes, & in hoc advenistis, ut argentum igni probatum, quod me vobis exhibiturum promiseram, accipiat. Nam *eloquia*, inquit, *Dei, eloquia pura, argentum ignitum probatum terra*. Benedictus Deus qui vobis tantum audiendi spirituales sermones inspiravit ardorem. Quemadmodum enim homines vino & potationibus dediti, singulo quoque die + simul atque surrexerunt, obambulant, curioseque disquirunt, ubi compotationes agantur, ubi convivia, ubi coenæ, ubi comestiones, ubi temulentiae, phialæ, crateres, & pocula; Sic & vos quotidie simul atque surrexeritis curiose perquiritis, ubinam futura sit exhortatio, ubi salubris admonitio, ubi doctrina, ubi sermo ad sermonem Christi conducent. Quas ob res & nos quoque propensiore studio hoc quod polliciti sumus, aggredimur, & quæ promissimus summa cum fide præstabimus. Itaque pugna nobis cum *Judeis* suscepta, exitum quem debuit sortita est. Trophæum erectum est, & corona nobis parta est, & brabium ex superiore dictione reportavimus. Siquidem hoc susceperamus agendum, ut demonstraremus quod ea quæ sunt ab istis, sit quædam transgressio legis prævaricatioque, nec aliud quam hominum adversus Deum erecta machina bellumque, idque Deo auxiliante nobis accuratissime demonstratum est. Etenim si civitatem suam essent aliquando recepturi, & ad pristinum vitæ statum redituri, Templumque instauratum visuri, quemadmodum ajunt ipsi, quanquam id nunquam est futurum, ne sic quidem haberent justam excusationem eorum quæ faciunt. Nam & tres illi pueri, & *Daniel* cæterique omnes, qui vivebant in captivitate, expectabant donec reciperent civitatem suam, ac post annos quadraginta viderent patriæ solum, pristinisque viverent legibus. Atqui quum hoc illis palam & evidenter esset promissum, non tamen ausi sunt quicquam eorum facere juxta legis ritus, quæ faciunt isti. Hoc pacto poteris & ipse *Juda* occludere os. Roga illum, quæ de causa jejunas, quum non habeas civitatem? Quod si dixerit; Quoniam spero me recepturum civitatem. Dicito illi: Proinde quiesce, donec receperis. Nam illi sancti donec ad patriam suam redirent, nihil eorum quæ tu facis, ausi sunt facere. Unde palam est, quod legem Dei violas: etiamsi, ut vis, recepturus sis civitatem, tamen pacta cum Deo inita rescindis, & in ipsum vitæ statum contumeliosus es.

Igitur in oratione superiore diximus vestræ caritati, quantum satis est ad retundendam *Judaorum* impudentiam, & ad redarguendam eorum prævaricationem. Cæterum quando non hoc tantum nobis erat propositum, ut illorum ora clauderemus, verum ut Ecclesiam copiosius de suis propriis dogmatibus edoceremus: age rursus, & hoc ex abundanti demonstremus, quod Templum nunquam instaurabitur, neque ad pristinum vitæ statum restituendi *Judæi* sunt. Hoc pacto fiet ut & vos exactius noveritis Apostolica dogmata, & illi contra ad majorem impietatem prolapsi convincantur. Harum vero rerum testem adducemus non Angelum, non Archangelum, sed Orbis universi principem Dominum nostrum Jesum Christum. Is enim quum ingressus *Hierosolimam*, vidisset Templum, dixit futurum ut *Hierosolyma* conculcaretur a Gentibus multis, donec implerentur tempora Gentium, videlicet, tempus significans usque ad consummationem mundi. Ac rursus hæc de Templo comminatus est, loquens discipulis, non mansurum lapidem super lapidem in eo loco qui non diruatur, videlicet, explanate prædicens eum prorsus abolendum, & in perpetuam solitudinem redigendum. Verum *Judeus* omnino rejiciet hoc testimonium, nec recipiet ea quæ dicimus. Inimicus autem, inquit, meus est qui talia loquitur, ego illum adegri in crucem, & quomodo recipiam illius testimonium? Atqui hoc ipsum prodigiosum est, ô *Judæe*, quod quum tu

crucifixeris cum, ille, posteaquam abs te crucifixus est, tunc civitatem tuam evertit, tuam gentem dissipavit, tuum populum per universum orbem dispersit, videlicet, re ipsa declarans se resurrexisse ac vivere, atque nunc agere in cælis. Quoniam enim ex benefactis noluit potentiam illius cognoscere, per afflictionem ac supplicia demonstravit robur suum inevitabile pariter & inexpugnabile. At ne sic quidem credis, aut putas illum esse Deum, ac totius orbis Dominum, sed arbitraris hominem fuisse quemlibet e vulgo. Age igitur, perinde quasi nihil aliud quam homo fuerit, ipsum æstimemus. Quum aliquos videmus homines quos in omnibus comperimus esse veraces, nec ulla in re mentientes: horum etiamsi fuerint hostes, modo sapiamus, dicta recipimus. Rursus, si viderimus eos mentientes, etiamsi in nonnullis veraces fuerint, nec illa facile recipimus quæ vere ab illis dicta sunt. Agenunc igitur consideremus Christi mores, & cujusmodi fuerit vita. Non enim hoc tantum quod diximus prædixit, clareque pronuntiavit, verum etiam alia multa, longo post tempore ventura, vaticinatus est. Proferamus igitur prædictiones illas in medium, in quibus si videris illum mendacem, ne hanc quidem recipito, neque putes illi fidem habendam. Contra si videris illum in cæteris omnibus veracem, & hanc ipsam prædictionem evenisse, deinde quum videas immensum temporum curriculum attestans veritati eorum quæ prædixit, ne velis ultra perfricare frontem, neque rebus sole clarioribus obstrepere. Videamus igitur quid præterea prædixerit. *Accessit ad illum mulier alabastrum habens unguenti pretiosi, & effudit unguentum in caput 26. illius accumbentis. Hoc factum indigne ferentes discipuli dicebant: Quin istud potius venundatum est triginta denariis, ac datum pauperibus?* Hos reprehendens loquitur hunc in modum: *Quid molesti estis mulieri? bonum enim opus fecit. Dico enim vobis, quum prædicatum fuerit hoc Evangelium in universa terra, dicetur & hoc quod illa fecit, in ipsius memoriam.* Utrumne mentitus est, an dixit verum? Evenit quod prædixit, an fuit inane vaticinium? Interroga *Judaum*, & si millies perfricaverit frontem, adversus hanc prædictionem non poterit oculos attollere. In omnibus enim Ecclesiis appellari *Mulierem* audimus. Sunt Consules, Duces, Viri, Mulieres, Nobiles, Illustres, Splendidi, in omnibus urbibus, & in quamcumque Orbis partem deveneris, summo cum silentio audiunt omnes hujus Mulieris officium. Nec est ulla mundi plaga, quæ factum hoc ignoret. Atqui quot Reges multa magnæque in multos contulerunt beneficia, bella cum laude gesserunt, trophæa statuerunt, gentes gubernarunt, civitates erexerunt, & innumeris commodis auxerunt Rempublicam, & tamen cum suis benefactis silentio teguntur. Item Regina primariæque foeminae innumerabilia benefacta contulerunt in eos quibus imperabant, quæ ne de nomine quidem ulli notæ sunt. Hæc autem abjecta mulier, quæ tantum effudit unguentum, toto terrarum orbe detantatur. Ne temporis quidem tam immensa longitudo memoriam illius vel exstinxit, vel exstinguet unquam, idque quum factum ipsum non esset insigne, (Quid enim magni erat unguentum effundere?) neque persona esset celebris. Erat enim mulier abjecta, neque multi testes aderant. Nam inter discipulos res est gesta: neque locus nobilis, neque enim hoc fecit per theatrum transiens, sed in domo decem duntaxat hominibus præsentibus. Attamen neque personæ vilitas, neque testium paucitas, neque loci obscuritas, neque ulla res alia potuit illius abolere memoriam. Quin potius Reginae omnibus ac Regibus universis celebrior est nunc hæc mulier, nec ulla ætas oblivioni tradidit quod factum est. Unde id? dic mihi, aut quis hoc effecit? An non Deus ipse, cui tum hoc officium præstabatur, hanc famam per omnia terrarum loca dispersit? Proinde dic mihi, num hujusmodi prædicere, virtutis humanæ videtur? Quis enim sanæ mentis hoc dixerit? Nam prædicere quæ facturus esset, priusquam ab ipso fierent, mirum quidem ac prodigiosum: verum prædicere quæ sunt ab aliis, efficereque, ut fides illis habeatur, sintque cunctis perspicua, multo majus est, ac mirabilius.

Rursus prædixit Petro: *Super hanc petram edificabo Ecclesiam meam, & porta inferi non prævalerunt adversus 7.*

cap.

eam. Proinde dic age, *Judae*, quid habes quod reprehendas aut redarguas ex iis quæ dicta sunt? Quid habes quo doceas hanc prædictionem esse mendacem? An non testimonium cum rebus consentit, etiam si mille modis ipse contendas in aversum? Quot enim bella adversus Ecclesiam concitata sunt, quot exercitus instructi, quot arma mota, quod non afflictionum & vindictæ genus excogitatum, sartagines, catapultæ, lebetes, fornaces, lacus & præcipitia, bestiarum dentes, maria & proscriptiones, aliaque innumera tormentorum genera, neque dictis memoranda, neque factis toleranda. Atque hæc non tantum ab extraneis, verum etiam a nostris domesticis. Nam civile quoddam bellum occuparat omnia, vel quovis potius civili bello perniciosius. Neque enim cives modo cum civibus, verum etiam cognati cum cognatis, domestici cum domesticis, amici cum amicis conflictabantur: nihil tamen horum dissolvit Ecclesiam, ac ne inferiorem quidem reddidit. Atque id sane mirum & incredibile, quod hæc in ipsis statim primordiis mota sunt. Nam si tum irruissent hæc acerba, posteaquam jam radices egerat, & per omnes mundi partes plantatum esset Evangelium, haud perinde fuisset admirandum non fuisse subversam Ecclesiam. Cæterum, quum in ipso doctrinæ exordio nuper jacto fidei semine, teneris etiamnum auditorum mentibus, tot procellæ bellorum irruperint, res nostras non solum nulla ex parte fuisse diminutas, verum etiam multam accessionem adjunctam fuisse, hoc nimirum superat omne miraculum. Ne quis autem dicere possit, quod nunc Ecclesia ob pacem a Regibus præbitam constabilita sit, quum esset minor, quum videretur imbecillior, tunc illam oppugnari permisit, uti cognoscas etiam quod nunc in tuto est, non acceptum esse ferendum paci quam præstant Reges, sed a potentia Dei proficisci. Id quo magis cognoscas esse verum, reputa tecum, quam multi conati sint apud Græcos opiniones novas, ac peregrinas vivendi rationes inducere, veluti *Zenon*, *Plato*, *Socrates*, *Diagoras*, *Pythagoras*, alique innumeri: attamen adeo non vicerunt, ut plerique ne de nomine quidem sint noti. Christus autem non modo præscripsit vitæ formam, verum etiam hanc per totum terrarum Orbem plantavit. Quam multa fertur *Apollonius* ille *Tyaneus* fecisse, verum uti scires illa omnia esse conficta, vana, nihil habentia veri, extincta sunt & finem acceperunt.

Jam, ne quis arbitretur contumeliam esse Christi, quod de illo verba facientes, *Pythagora*, *Platonis*, *Zenonis*, & *Tyanei* meminerimus: non enim id facimus ex animi nostri sententia, sed ad *Judaorum* infirmitatem nos ipsos demittentes, qui credunt nihil aliud eum esse quam hominem. Itidem & a *Paulo* factum est. Is enim ingressus *Athenarum* urbem, non ex Prophetis nec ex Evangelio cum illis disseruit, sed ab ara coepit exhortationem. Non quod aram illam ad faciendam fidem plus habere momenti crederet quam Evangelia, neque quod litteras illic inscriptas potiores duceret Prophetis: sed quoniam cum gentibus disputabat, quæ nulli nostrorum Voluminum credunt, a propriis ipsorum dogmatibus ipsos aggressus est. Hinc est quod ait: *Factus sum Judæis Judæus, his qui sine lege erant tanquam essem sine lege, quum sine lege non essem Deo, sed essem in lege Christi ut lucrifaciam eos qui sine lege sunt.* Itidem & Veteris Testamenti Scriptura facit de Deo Judæis loquens. Sic

Cor. 9. enim ait: *Quis similis tui in Diis, Domine?* Quid ais Prophetæ? Itane comparatio est ulla Dei veri ac Deorum falsorum? Non, inquit, hoc ut comparisonem inducam locutus sum, verum quoniam ad *Judæos* mihi erat sermo, qui magnificam de Dæmonibus habent opinionem, ad illorum imbecillitatem memet accommodans, hoc docendi genere sum usus. Quoniam igitur nobis quoque disputatio est adversus *Judæos*, qui Christum existimant simplicem fuisse hominem, & hominem quempiam legis prævaricatorem, propterea ab his quæ apud gentes in admiratione sunt, induxi comparisonem.

Quod si vultis me & eorum qui apud ipsos *Judæos* eadem conati sunt vel adversus Discipulos, vel adversus Principes aut Præfectos, sed protinus extincti sunt,

A exempla recensere, age, conabimur & hæc demonstrare. Hoc igitur modo *Gamaliel* illis obturavit os. Quum enim videret illos insanientes, cupidisque effundendi sanguinis discipulorum, studens eos ab impotentia vesania cohibere, jussis paulisper secedere Apostolis, sic ad illos verba fecit: *Prospicite vobis quid de his hominibus sitis facturi. Ante hos enim dies exortus est Theudas, dicens se esse aliquem, & secuti sunt illum quasi quadringenti, & ille periit, & omnes quotquot ei paruerunt dispersi sunt. Et post illum exortus est Judas Galilæus, qui concitavit turbam magnam, & mortuus est, discipulique illius perierunt. Et nunc dico vobis, prospicite vobis, quoniam si factum hoc fuerit ex hominibus, dissolvetur. Sine Deo est, non potestis illud dissolvere, ne forte comperiimini & adversus Deum pugnare.* Unde igitur manifestum est, fore ut quicquid ex hominibus sit dissolvatur? Experimentum, inquit, cepistis a *Juda* & *Theuda*. Itaque & hic qui ab istis prædicatur, si talis est quales fuerunt illi, nec divina potentia peragit omnia, expectate paulisper, & ipse rerum eventus vobis faciet fidem, & ex ipso fine certum cognoscetis, utrum hic sit impostor, ut dicitis, ac legistransgressor, an Deus universa temperans, ineffabilique potentia res mortalium dispensans moderansque. Quod dico factum est. Expectant, & ex ipsis factis declarata est divina & inexpugnabilis potentia. Atque hoc inventum quod ad decipiendos plurimos adhibitum erat, retortum est in caput Diaboli. Nam quum videret illum advenisse, volens illius obscurare adventum, submisit deceptores aliquot, quo videlicet & ille unusquispiam ex eorum numero putaretur. Quodque de cruce fecit, procurans ut duo latrones cum illo crucifigerentur; idem fecit de illius adventu, studens veritatem admixto mendacio obscurare: verum nec illic prævaluit, nec hic, quin magis hoc ipsum potentiam Christi declaravit. Alioqui dic mihi, quid est in causa, ut quum tres fuerint crucifixi eodem loco, eodem tempore, sub iisdem iudiciis, illi sileantur, hic solus adoretur. Rursus quam ob rem tandem, quum plures novam vivendi rationem induxerint, ac discipulos habuerint, illorum ne nomen quidem hodie notum sit, hic per omnes mundi plagas colatur? Res enim potissimum elucescunt ex collatione. Confer ista mihi, ô *Judæ*, ac discite veritatis excellentiam. Quis impostor tot Ecclesias toto terrarum Orbe paravit? Quis ab extremis ad extrema mundi cultum suum protulit? Quis omnes subjectos habuit, idque quum essent innumera obstacula? Nemo, sane. An non igitur perspicuum est Christum non esse impostorem, sed Hospitorem, sed Beneficum, sed Curatorem, sed Principem vitæ nostræ?

Proinde ad id quod erat propositum redibo, si prius unam adhuc prædictionem addidero. *Non veni, inquit, ut mitterem pacem super terram, sed gladium, non declarans quid ipse cuperet, sed rerum eventum prædicans. Veni enim, inquit, separare hominem, excitare filium adversus patrem suum, & nuntium adversus socrum suum, & filium adversus matrem suam.* Unde hæc prædixit, si nihil aliud erat quam homo, & unusquispiam e vulgo? Quod autem dicit, hunc habet sensum. Quoniam eveniet, ut in eadem domo unus sit fidelis, alter infidelis, deinde pater velit filium suum pertrahere ad impietatem, hoc ipsum prædicans ait: Adeo vincet Evangelii potestas, ut filii quoque contemnant patres suos, & filia matres, & parentes liberos. Non solum autem prius habebunt familiares contemnere, verum etiam suam animam exponere, cupetaque sustinere ac perpeti, ne pietatem ab se repellant, aut quicquam deferant eorum quæ nostræ conducunt prædicationi. Unde hæc ille tum scire, tum efficere potuit, si fuit homo unusquispiam e vulgo? Unde illi venit in mentem hæc cogitare, quod ipse filiis esset magis reverendus futurus quam patres, quod parentibus dulcius quam liberi, quod uxoribus desiderabilior quam mariti, idque non una in domo, neque duabus, neque tribus, neque decem, neque viginti, neque centum, sed ubique per Orbem terrarum, in urbibus omnibus & regionibus, in terra pariter atque in mari, & in parte mundi habita-

ra simul & inhabitabili. Nec illud possis dicere, dixit quidem ista, verum haud perduxit ad effectum. Complures igitur in primordiis Ecclesiae, atque adeo nunc quoque ob pietatem habentur odio, ejiciuntur e paternis aedibus, nec ad quicquam horum revertuntur, abunde magnum solatium esse ducentes, quod haec ob Christum perpetiuntur. Dic mihi, quis haec unquam potuit inter homines? Hic igitur qui haec omnia praedixit, de Muliere illa, de Ecclesia, de Bello hoc, idem praedixit Templum ruiturum, Hierosolymam interituram, eamque civitatem non amplius fore civitatem Judaeorum, quemadmodum fuit antea. Itaque si mentitus est illa omnia, nec evenerunt quae praedixit, diffide & his. Quod si vides illa clarissime evenisse, inque dies singulos augescere, neque inferorum portas adversus Ecclesiam prevalere, si vides quod mulier illa fecit praedicari tanto jam tempore per universum Orbem, si homines qui illi crediderunt cum pluris faciunt quam parentes, quam uxores, quam liberos, cur, quae te, huic uni praedictioni resistis, praesertim quum ex ipso tempore testimonium illius silentium imponat impudentiae tuae? Quod si post excidium urbis non transissent nisi decem anni aut viginti, aut triginta, aut quinquaginta, minime tamen decebat vel tum impudenter obistere, etiamsi fuisset aliqua reluctandi reliqua occasio: jam vero si non quinquaginta tantum, sed & centum, imo bis ac ter tantum annorum multoque amplius, praeteriit post civitatem captam, nec interim ullum vestigium, aut umbra apparuit, pollicens rerum vestrarum mutationem, cur frustra, nullaue de causa impudentiam tuam obtines? Haec satis erant ad demonstrandum vobis, nunquam fore ut Templum restitueretur.

Verum quando veritas multis modis exuberat, omis- sis Euangelis ad Prophetas me verto, quibus & maxime videntur fidere: atque ex his perspicuum faciam, neque Civitatem, neque Templum unquam posthac restituendum. Quamquam nihil erat mihi necesse demonstrare quod non restitueretur. Neque enim hoc meum erat, sed illorum partes erant, docere quod esset restituendum. Nam ipse quidem ex ipso tempore congruum habeo testimonium, mihi patrocinans; ipsi contra quum ex ipso rerum eventu deiciantur, nec alioqui quicquam eorum quae dicunt queant demonstrare, tamen nihil aliud quam ostentant sese, quum oporteat ipsos hoc testimonium exhibere quod exhibeo. Nam illa quae dico, ex ipso rerum eventu doceo esse vera. Corruit enim Civitas, nec tam longo jam tempore instaurata est. Contra, quae dicunt isti, nudis verbis nituntur. Atqui debebant ipsi docere, futurum ut civitas rursum instaretur, quando quidem in forensibus judiciis videmus sic fieri probationes. Nam quoties inter illos aliqua incidit controversia, & alter alterum scripto convenit, deinde is adversus quem agitur inficiatur ea quae obijciuntur, cogitur is qui negat postea testes & alias adferre probationes, quibus doceat non esse verum quae scripto continentur, non is qui scriptum produxit. Eodem modo conveniebat & istos hic facere, nobisque in medium producere Prophetam qui praedixerit omnino futurum ut civitas restitueretur. Nam quod prorsus est necesse, Prophetas vobis praedixisse venturum istius captivitatis in qua estis, finem, si venturus est, nimirum perspicuum est omnibus qui vel inspexerint Libros Propheticos. Mos enim erat apud Judaeos vetus, ut Prophetarum divinitus afflati praedicerent illis quae imminerent, seu bona, seu mala. Qua gratia, & quam ob rem? Propter insignem illorum improbitatem & impudentiam. Alioqui fugisset illos, beneficia quibus afficiebantur, a Deo proficisci, eaque quae fiebant Daemonibus ascripissent, & bona illis imputassent. Ac nunc quidem cum, illis egressis ex Aegypto, mare scissum esset, aliaque fierent, obliti quod haec auctore Deo gererentur, iis qui Dii non erant tribuebant ea quae fiebant, dicentes Aaroni: Fac nobis Deos, qui praecedant nos. Videntur autem & Hieremia dicere: Sermo- nem quem locutus es ad nos sub nomine Domini, non audimus ex te, quoniam faciemus omnia quae egredientur ex ore nostro, ut sacrificemus reginae caeli, & immolemus illi vi-

Exod.
32.

Cap. 44.

Affirmas, quemadmodum haecenus fecimus & nos, & patres nostri, & principes nostri, & repleti sumus panibus, & bene nobis erat, & mala non vidimus, & posteaquam destitimus sacrificare reginae caeli, & immolare illi victimas, diminuti sumus omnes nos, & gladio fameque defecimus. Proinde ne quid eorum quae contingunt, simulacris imputarent, sed potius crederent & ultiones, & beneficia ipsis a Deo proficisci, illas quidem ob peccata, haec vero per Dei bonitatem erga genus humanum, Prophetarum divinitus afflati praedicebant illis eventura. Atque ut certius scias hanc esse causam praedictionis, vide quid dicat vocalissimus ille Esaias ad populum Judaicum: Scio quod durus es tu, & nervus cervicis tuae, hoc est, inflexibilis, & frons tua aerea, hoc est, impudens. Sic & nos frequenter solemus eos qui nesciunt erubescere, χαλκονόσους, id est, aeream habentes faciem, appellare. Et annuntiavi tibi quae ventura erant in te priusquam fierem, & ingessi auribus tuis: deinde praedictionis causam explicans subjicit, Ne quando dicas, idola me seduxerunt, & sculptilia consiliaque praeceperunt mihi. Ac rursus, quoniam perveraces quidam & elati, post eventum rei, perfricabant frontem, perinde quasi non antea fuisset illi praedictum, Prophetarum non solum futura praedicebant, verum etiam testes adhibebant eorum quae gerebantur. Sic enim rursus loquitur idem Esaias: Da mihi testes viros bona fidei, Uriam sacerdotem & Zachariam filium Barachia. Nec hoc contentus in novo Volumine descriptam, deposuit prophetiam, quo postquam evenisset, ipsae res de se ipsis testimonium ferrent, quod afflatu coelesti multo ante tempore fuisset illis praedictum. Eoque non solum scripsit in Volumine, sed in novo Volumine, quo posset in multum durare tempus, nec facile corrumpi, sed expectare eventum rerum quae ibi continebantur.

Equidem esse verum quod dico, videlicet, Deum illis omnia ventura praedixisse, non ex histantum, verum & ex ipsis quae illis acciderunt, tum bona tum mala, demonstrabo. Tres servitutes gravissimas pertulerunt Judaei, quarum nullam Deus illis ingessit non praedictam, sed singula illis praedicenda curavit, & locum, & tempus, & personam, & afflictionis speciem, & redditum, aliaque cuncta summa cum diligentia praenuntians. Ac primo loco dicam de captivitate quam passi sunt in Aegypto. Deus loquens ad Abraham, his ferme verbis utitur, Sciens scias, quod semen tuum peregrinum erit in terra non sua, & in servitutem adigent, & affligent illud annis quadringentis. Gentem autem cuicumque servierint ego judicabo, dicit Dominus. Quarta autem generatione reveniem huc cum apparatu copioso. Vides, ut numerum annorum expresse, & servitutis modum, quum non simpliciter inquit, in servitutem adigent, sed addit, affligent. Audi quomodo Moyses paulo post exponat afflictionem, Palearum, inquit, non dantur famulistiis, & jubent nos lateres facere, & flagris cadebantur quotidie: ut intelligas quid sibi velit, in servitutem adigent & affligent. Gentem autem, inquit, cuicumque servierint ego judicabo, significans Aegyptiorum submersionem in mari rubro, quam in canticis describens Moyses sic loquitur, Equum & ascensorem projecit in mare. Mox & redditus modum, quod essent redituri cum multa suppellectile, Sumite, inquit, commodato a suo quisque vicino & contubernali vasa aurea & argentea. Quoniam enim longo tempore servierant, nec mercedem receperant, Deus effecit ut inscientibus ac nolentibus etiam peterent, clamatque Propheta dicens: Eduxit eos cum argento & auro, nec erat in tribubus eorum infirmus. Haec est una servitus exactissime praedicta.

Gen. 15.

Exod. 5.

Gen. 15.

Exod. 15.

Age, nunc & ad alteram captivitatem vertamus sermonem, quam perpeffi sunt in Babylone. Nam & haec accurate praedixerat Hieremias ita loquens, Sic ait Dominus: Posteaquam impleti fuerint in Babylone septuaginta anni, visitabo eos, & ponam erga vos verba mea bona, ut redeatis in locum hunc, & convertam captivitatem vestram, & congregabo vos ex omnibus gentibus, & ex cunctis locis in quos dispersi vos, dicit Dominus, & convertam vos in locum unde vos demigrare feci. Vides ut rursus hic & civi-

ta-

tatem expresserit & annorum numerum, & unde & quo esset illos congregaturus. Eoque Daniel non prius super his rogavit Dominum quam vidisset annos septuaginta completos. Quis hæc dicit? Ipse Daniel ita loquens:

Dan. 9. *Et ego Daniel faciebam opera Regis, & admirabar visionem, nec erat qui intelligeret, & intellexi in libris numerum dierum, qui fuit sermo Domini ad Hieremiam Prophetam, ad expletionem desolationis Hierosolymæ anni septuaginta, & dedi faciem meam ad Dominum Deum meum, ut exquirerem precationem & obsecrationem in jejuniis, sacco & cinere. Audisti quemadmodum hæc quoque captivitas prædicta fuerit, & Propheta non ausus fuerit preces ac supplicationem admoveere Deo ante tempus præfinitum, ne frustra temereque admovens audiret quod au-*

Cap. 7. *divit Hieremias: Ne rogaveris pro populo hoc, neque popularis pro illis, quoniam non audiam te. Verum ubi vidit vaticinium esse completum, simulque tempus vocare ad reditum, tunc orat, non simpliciter, sed in jejuniis, sacco & cinere, & quod in hominum moribus evenire solet, id fecit erga Deum. Nos enim quum videmus aliquos qui famulos post multa gravioraque commissa conjecerunt in vincula, non protinus in principio exordioque punitionis admovemus supplicationem, sed ubi sciverimus illos aliquot dies temperatiores esse factos, tunc adimus heros, nacti jam & ab ipso tempore auxilium: hoc sane & Propheta fecit, posteaquam enim poenas dederant, haudquaquam dederant dignas admisiones, attamen jam adit Deum pro illis verba facturum. Quod si videtur ipsam etiam deprecationem audiamus, Confessus sum enim, inquit, & dixi, Deus magne & admirabilis qui servas pactum tuum & misericordiam tuam, iis qui te diligunt, & servant præcepta tua. Quid facis, o Daniel, pro omnibus qui peccarant & offenderunt intercedens, eorum mentionem facis qui leges illius servaverunt? Ergo indigni venia sunt, qui præcepta illius violant? Non ob istos hæc loquor, inquit, sed ob horum progenitores, ob Abraham, ob Isaac, ob Jacob. Illis promisit, illis pollicitus est Deus qui præcepta illius servaverunt. Quoniam igitur in nullo jure possunt petere salutem, idcirco progenitorum mentionem facio: ac ne putares quod de his verba faceret, quum ad-*

Dan. 8. *jecisset, Qui servas pactum tuum & misericordiam tuam diligentibus te & servantibus præcepta tua: mox subjicit, peccavimus, inique egimus, injustitiam perpetravimus, defleximus a præceptis tuis, & a judiciis tuis, non auscultavimus servitutis Prophetis. Una siquidem solaque purgatio peccatoribus reliqua est post peccata, videlicet, ut sua commissa confiteantur. Tu vero mihi considera & justis virtutem & Judæorum improbitatem; nam ille quidem nullius mali sibi conscius seipsum multa cum aulteritate damnat, dicens: Peccavimus, inique fecimus, injustitiam perpetravimus: hi vero malis innumeris pleni contra fecerunt dicentes, Servavimus præcepta tua, & nunc beatos dicimus alienos, & restituuntur qui patrant iniquitatem ac peccata. Quemadmodum enim solent justis post iusta facta modeste agere, ita solent mali post admissa scelera laudare sese. Qui nullius peccati sibi conscius erat, dicebat: Iniquitatem fecimus, defleximus a præceptis tuis; contra qui innumerabilium facinorum sibi conscii erant dicebant: Servavimus præcepta tua. Atque hæc eo loquor, ut alterum vitemus, alterum imitemur. Post hæc quoniam attigerat illorum peccata, narrat & vindictam ac poenam quam dederunt, & ex hoc Deum ad misericordiam revocare cupiens ait: Et venit super nos execratio qua scripta est in lege Moysi servi Dei, quia peccavimus. Quænam est ista execratio? Vultisne legamus illam? Nisi servieritis, inquit, Domino Deo vestro, inducet super vos gentem impudentem, & non audies vocem illius, & eritis numero pauci. Hoc idem declarantes tres illi pueri, palamque facientes quod ob ipsorum peccata accidisset hoc vindictæ genus, & ipsi pro communibus peccatis confessionem proferentes, dicebant: Tradidisti nos in manus hostium impiorum, inimicissimorum, desertorum, ac Regi injusto & sceleratissimo, terram qua transgressa est. Vide, quomodo completa est illa execratio*

Dan. 3. *quæ dicit: Eritis numero pauci. Rursum quod dicit, Ad-*

Cap. 9. *ducam in vos gentem impudentem: Idem hoc & Daniel hic*

A *recte significans dicit: Venerunt super nos mala, qualia non acciderunt sub omni celo, præ his qua facta sunt Hierosolymis. Quæ tandem ista? Matres liberos suos comederunt. Et hoc sane prædicit Moyses cæterum Hieremias ostendit evenisse. Ille quidem loquitur. Civitas terna ac delitiosa: Cujus enim non cepit experientiam pes ejus ut insisteret in vestigio propter tenebrositatem ac delitias, attinget impiam mensam, & suos ipsius filios comedit. Hieremias autem declarat hoc evenisse dicens, Manus mulierum miserabilium aggressæ filios suos. Quamquam autem peccata illorum qui peccaverant, elocutus esset, & ultionem in medium adduxisset, nec sic quidem illos ex his judicat dignos qui serventur. Vide bonitatem famuli. Siquidem hic quum ostendisset quod nondum digna meritis essent perpeffi, nec his quæ multa licet pertulerant, dissolvissent quæ pro commissis debebant, mox confugit ad Dei misericordiam, & ad solitam illius bonitatem erga genus humanum dicens: Et nunc Domine qui eduxisti populum tuum e terra Egypti, & fecisti tibi nomen, ut hic est dies, peccavimus, iniquitatem fecimus. Et quemadmodum illos, inquit, non ex ipsorum benefactis salvos fecisti, sed afflictionem videns, & angustias & clamorem illorum exaudiens, sic & nos libera a presentibus malis, propter solam bonitatem tuam erga genus hominum. Nam aliud nullum habemus jus sperandæ salutis. Hæc locutus, multaque lamentatus, mox inducit ipsam civitatem ceu mulierem aliquam captivam, & ait, Ostende faciem tuam super sanctificationem tuam, inclina aurem tuam & audi, aperi oculos tuos & vide interitum nostrum civitatisque tuæ, in qua invocatum est nomen tuum sanctum. Posteaquam circumspexit hominibus neminem vidit qui posset Deum reddere propitium, ad ædificia confugit, & civitatem ipsam objicit, ejusque desolationem ponit ob oculos, atque ad hæc deflexo sermone Deum propitium reddit. Id perspicuum est ex his quæ sequuntur.*

B *Verum quod dicebam, oportet enim ad id quod erat propositum reverti, quando hæc obiter interjecta sunt, non simpliciter, neque temere, sed ut animos vestros aliquantisper refocillarem ex perpetuis contentionibus fatigatos. Age, redeamus igitur, unde digressi hæc diximus, demonstremusque, quod ea quæ Judæis erant ventura, divinitus prædicta sunt illis exacte pleneque. Jam enim duas captivitates sermo noster demonstravit illis accidisse, quemadmodum a Prophetis erat prædictum, idque non casu, neque præter expectationem. Superest ut ubi tertiam adjecerimus de hac qua nunc tenentur dicamus, doceamusque perspicue, quod nullus Propheta promisit illis futurum ut ullo pacto ab his malis in quibus nunc sunt, solvantur aut liberentur. Quæ est igitur tertia? Quæ facta est sub Antiocho cognomento Illustri. Nam Alexander Macedonum Rex, ubi Darium Persarum Regem devicisset, in sese transtulit imperium. Hoc autem extincto, quatuor post illum Reges successerunt, e quorum uno prognatus Antiochus, longo post tempore, & Templum incendit, & Sancta Sanctorum devastavit, & Sacrificia sustulit, & Judæos subegit, denique totam illorum Religionem ac ritus destruxit. Et hæc omnia ad unum utque diem exactissime prædicta sunt a Daniele, & quando hæc essent futura, & quomodo, & a quo, & quæ ratione, & ubi finem acceptura, & quam tandem mutationem fortitura. Hoc autem evidenter perspicietis ubi visionem ipsam audieritis, quam sub similitudinis involucri proposuit Propheta. Arietis vocabulo designans Darium Regem Persarum, hirci vero Græcorum Regem, videlicet, Alexandrum Macedonem, quatuor cornua vocat eos, qui post illum exstiterunt, postremum cornu ipsum signat Antiochum. Quin præstat ipsam audire visionem. Vidi, inquit, visionem, & se-*

Dan. 8. *debam in Ubal, Ubal locum quempiam dicit, Persarum.*

lingua sic illum appellans, Et sustuli oculos meos & vidi, & ecce aries unus stans in Ubal, & erant illi cornua excelsa, & unum excelsius cæteris, & excelsum illud pervenit usque ad extrema, & videbam arietem moventem cornu contra Mare, & Boream, & Notum, & omnes bestia non steterunt in conspectu ejus, nec erat qui eriperet de

Tom. VIII.

B 2

mann

manu illius, & faciebat juxta voluntatem suam, & magnificatus est, & ego intelligebam. De potentia loquitur Persica, quæ pervasit totam terram. Deinde de Alexandro Macedonum Rege loquens dicit: Et ecce hircus caprarum venit ab Austro super faciem universæ terræ, & non tangebatur terram, & hirco illi prominebat cornu in medio oculorum ipsius. Deinde narrans congressum Alexandri cum Dario ejusque victoriam viribus partam, Venit, inquit, hircus usque ad arietem habentem cornua, & efferratus est in eam, & percussit arietem. Dicendum est enim compendio, & contrivit utrumque cornu illius, nec erat qui eriperet de manu illius. Post hæc narrans mortem Alexandri, & quatuor Regum successionem, & quum hic invalesceret, inquit, contritum est cornu magnum, & exorta sunt quatuor cornua sub illo, ad quatuor ventos celi. Hinc transiens deinceps ad Antiochi regnum venit, & declarans quod ex horum uno sit ortus, sic fere ait: Ex uero prodiit cornu validum, & exaltatum est vehementer, supraque modum ad Notum & Orientem: deinde designans, quod Judaicam ditionem funditus destruxit, Post hæc, inquit, per eum sacrificium turbatum est delicto. Et factum est, & successit illi prospere, & sanctum desolabitur, & datum est contra sacrificium peccatum, altari sublato, sanctis conculeatis, idolum statuitur, & hostias immolavit demonibus impiis, & projecta est in terram justitia, propter mala quæ fecit, Et successit illi prospere. Deinde repetens denuo hanc eandem quæ sub Antiocho Illustrata est captivitatem, excidiumque ac desolationem Templi, etiam ipsum tempus addidit. Exorsus denuo ab Alexandri regno usque ad finem libri, commemorans obiter & omnia quæ Ptolemai & Seleuci conflictantes inter sese fecerunt, quæque horum ductores gesserunt, dolos, victorias, exercitus, pugnas navales, prælia pedestria. Deinde progressus in Antiochum desinit iterum, dicens, Brachia ex ipso exorientur, & profanabunt sanctum, & transferent continuationem; Continuationem appellans, solennes & quotidianas victimas: & inferent in illam abominationem, & eos qui violant testamentum: hoc est, prævaricantes Judæos abducent in ruinas, secum habebunt ac transferent: & populus cognoscens Deum suum prævalebit: Maccabaorum res significans, quæ acciderunt sub Juda & Simone & Joanne: & prudentes populi intelligent ad multa, & infirmabuntur in gladio & flamma: nimirum, iterum narrans incendium civitatis: & in captivitate & in direptione dierum, & quum infirmati fuerint, adjuvabuntur adjutorio parvo; Significans quod in mediis illis malis poterunt respirare, & emergere ex afflictionibus, quibus involuti sunt. Et adjunguntur illis multi in ruinis, & ab intelligentibus infirmabuntur. His autem verbis significat futurum ut multi etiam stantes cadant. Deinde causam etiam aperit, ob quam permisit Deus illos in tantis malis versari. Quænam est ea? Ut intendant, inquit, in illis, & eligant ac dealbent usque ad terminum temporis. Propter hæc enim, inquit, hæc permisit Deus, ut eos repurgaret, ostenderetque qui essent inter illos probati. Deinde commemorans Regis illius potentiam, ait, ut faciat juxta voluntatem suam, & exaltabitur & magnificabitur. Mox blasphemum illius animum significans addit: Adversus Deum Deorum, inquit, loquetur superbus, & prosperabitur, donec consummet iram: declarans quod non ex proprio consilio, sed propter iram Dei adversus Judæos ille sic invaluerit. Tandem ubi dixit quanta mala per alios complures facturus esset, tum Egyptum Palestinam, quomodo rediturus sit & quo vocante & qua urgente causa: postea narrat earum rerum commutationem: præterea quod Judæi posteaquam per hæc omnia poenas dederint nanciscuntur aliquod auxilium, misso Angelo in illorum subsidium. In tempore enim illo, inquit, exorietur Michael princeps magnus, qui præfectus est filiis populis suis, & erit tempus afflictionis, quale non fuit ex quo gentes fuerunt in terra, usque ad tempus illud, & in tempore illo salva fiet omnis multitudo, quæ reperietur descripta in libro, hoc est, qui digni sunt salute.

Verum ne nunc quidem adhuc demonstratum est de quo fuit instituta quæstio. Quid autem hoc est? Videlicet, quod illis etiam tempora præfinierit in his ma-

lis, velut illic, annos quadringentos & postea septuaginta. Videamus igitur, an his quoque præfiniat tempus aliquod. Ubi vero licebit hoc invenire? In his quæ post hæc dicuntur. Quum enim audierat multa magna mala, Civitatis incendium, subversionem, familiarum captivitatem, postea desiderat finem illorum discere, & quæ futura sit earum calamitatum commutatio; percontans autem loquitur hunc in modum: Domine, quis est istorum finis? Et dixit, veni huc, Daniel, quoniam signati sunt sermones, videlicet, teste significans obscuritatem eorum quæ dicerentur usque ad temporis finem. Mox causam aperiens quare ista permiserit evenire mala, donec eligantur, inquit, & dealbent, & igni examinentur multi, & inique agent iniqui, & intelligent omnes impii, & cordati intelligent. Deinde quanto tempore sint illos contristatura hæc mala prædicens, ait, A tempore transmutationis endelechismi. Sic autem vocabatur quotidianum sacrificium. Nam hoc perpetuum est, frequens & continuum. Erat autem mos Judæis & vesperi & sub auroram & singulo quoque die sacrificium offerre Deo. Atque hac de causa sacrificium illum endelechismum, id est, assiduitatem sive continuationem vocabant. Itaque veniens Antiochus hunc morem sustulit, & immutavit, hoc est quod ait Angelus, A tempore transmutationis endelechismi, hoc est, a tempore quo commutabitur hoc sacrificium; Sunt autem dies mille ducenti & nonaginta, hoc est, tres anni cum dimidiato, ac paulo amplius. Deinde quod tum esset futurus horum malorum finis ac terminus, subjicit: Beatus qui sustinuerit ac pervenerit usque ad dies mille trecentos & triginta quinque, Ducentis nonaginta addens quadraginta quinque. Quoniam enim in mense & dimidio mensis accidit ut fieret ille conflictus, in quo victoria illa pura facta est, & omnium malorum urgentium commutatio, quum ait: Beatus qui sustinuerit ad dies mille trecentos triginta quinque, rerum immutationem declarat. Neque simpliciter dixit qui pervenerit, verum quoniam multi eorum qui impietatem perpetrarant, viderunt commutationem, non eos simpliciter dixit beatos, sed eos qui testimonium præbuerant in diebus afflictionum, nec a pietate desciverant ac deinde consecuti sunt relaxationem, nec amplius patiebantur, quæ merito patiebantur qui non perdurarant in tempore certaminis ac probationis bonorum ac malorum, ut instabiles in bono, temporarii que amici reperirentur. Eoque non simpliciter dixit qui pervenerit, sed qui sustinuerit & pervenerit. Age, quid his esse potest dilucidius? Vides, ut non usque ad annum unum, & mensem, sed ad unum usque diem summa cura & captivitatem & captivitatis solutionem prædixerit Propheta.

Atque ut sciatis quod hæc non loquor ex conjecturis, age, proferamus & alium testem eorum quæ dicta sunt, quem illi gravissimum habent auctorem, Josephum loquor: qui calamitates illorum tragicas descripsit, ac Vetus Testamentum omne veluti paraphrasi fusius explicavit, qui fuit post Christi adventum, & captivitatem a Prophetis prædictam commemorans, de hac quoque disseruit, Danielis visionem enarrans, de ariete, de hirco, de quatuor cornibus, de postremo post illa exorto. Et ne quis habeat suspecta quæ a nobis dicta fuerint, age, referamus & illius verba. Quum enim laudasset Danielem, supraque modum extulisset, cæteris omnibus Prophetis anteponeus, ad hanc venit visionem ac dicit: „Reliquit autem nobis suorum scriptorum monumenta: unde nobis hujus Prophetiæ exactam & inevitabilem certitudinem præstitit. Ait enim, Susis, quæ Persidis est metropolis, quum exisset in campum, cum focis suis, subito terræ motu concussioneque oborta, deprehensum fuisse solum fugientibus cæteris: & ipse quidem turbatus pronus in faciem concidit innixus ambabus manibus: dein ubi quispiam tangeret eum, interea, juberetque surgere ac videre quæ post multas ætates civibus essent eventura, erecto monstratum ait, fuisse arietem ingentem, cui multa quidem enata sunt cornua, sed horum postremum excelsius fuisse cæteris. Deinde sustulisse oculos ad occasum, vidisseque „hir-

Cap.
12.

Ende-
χριστός,
Hierony-
mus
versit,
juge sa-
crifi-
cium.

Daniel.
11.

Daniel.
11.

Dan.
12.

Judai-
ca An-
tiquisa-
tis lib. 8.
cap. 14.

hircum qui per aerem impetu ferebatur. Hunc con-
gressum fuisse cum ariete, & cornibus involutum bis
cum in terram dejecisse, conculcasseque. Atque hir-
cum fuisse visum excelsiorem, e fronte producentem
cornu maximum, non adglutinatum sed agnatum.
Quatuor autem ad singulos obversa ventos, ex his aliud
minus exortum fuisse scripsit, quod increvit. Dicebat
autem qui illi hæc ostendebat Deus, futurum ut gens
ipsius bellum gereret; ac Civitatem vi subverteret,
Templum confunderet, sacra prohiberet: futurum
autem ad dies mille ducentos + nonaginta. Hæc qui-
dem vidit in campo juxta *Susam* Daniel quæ scripsit:
Declarat autem quod Deus exposuerit quid sibi vellent,
quæ per visum apparuerant, videlicet, quod aries in-
dicaret regna *Persarum* ac *Mædorum*, cornua vero Re-
ges futuros, extremum autem ac postremo natum,
Regem esse, qui hos omnes præcessurus esset tum opi-
bus tum gloria. Cæterum hircus significabat & ex
Græcis oriturum Regem, qui bis congressus cum *Persa*
prælio superaret, ablaturus universum illius principa-
tum. Significatum autem fuisse per magnum cornu,
quod erat in fronte hirci, primum Regem, & quatuor
illorum exortum. Exciso autem illo significari, juxta
quatuor cornua singulorum successorum exortum post
mortem primi Regis, foreque ut regnum illius inter
multos divideretur, quandoquidem primus ille, nec
filios, nec fratres esset habiturus, eosque pluribus an-
nis regnatos in Orbem terrarum. Ex his rursus oritu-
rum Regem quendam qui expugnaturus esset, & Le-
ges illius gentis & Religionem ac ritus sublaturus, tum
sacrilegio spoliaturus Templum, ac per triennium ve-
titurus fieri sacra. Hæc sane jam evenerunt omnia.
Passi sunt ista *Judei* ab *Antiocho*, cui cognomen *Illustri*,
sicut *Daniel* multis ante annis præviderat, scripsitque
eventura.

Age, quid his possit esse evidentius? Nunc tempus
est, nisi videmur esse molesti, ut ad id quod quærebatur,
revertamur, cujus gratia hanc præsentem captivitatem
ac servitutem reliquaque omnia hodie movimus. Agedum
igitur nunc vigilantibus animis auscultate. Non enim no-
bis de rebus vulgaribus certamen est. Absurdum enim
fuerit alios in certaminibus *Olympiacis* quotidie a medio
noctis usque ad meridiem perdurare, expectantes ut vi-
deant, cui cessura sit corona, nudoque capite excipere
solis radios, nec prius abscedere, quam de certamine
fuerit pronuntiatum: nos vero nunc quum certamen sit
non de tali corona, sed de corona immortalis, defatigari
ac tædio affici. Itaque quod tres captivitates prædictæ
fuerint antequam acciderent, una quæ annos habebat
quadringentos, altera septuaginta, tertia tres ac dimidia-
tum, hæcenus satis est nobis demonstratum. Age, su-
perest ut & de hac loquamur. Quod autem & de hac va-
ticinatus sit Propheta, rursus eundem *Josephum* addu-
camus testem, qui res *Judaicas* optime novit. Postquam
enim illa dixerat, audi quid post subjiciat. Eodem autem,
inquit, modo *Daniel* & de *Romanorum principatu* scripsit,
quodque ab illis tollenda esset *Hierosolyma* ac desolandum
Templum. Tu vero illud mihi considera, quod tametsi
Judeus esset *Josephus*, tamen veritusest vestram imita-
ri pervicaciam; etenim quum dixisset subvertendam esse
Hierosolimam, non ausus est addere quod esset restituenda,
neque tempus aliquod certum præscribere: sed
quoniam sciebat, Prophetam non præfinisse tempus,
quanquam superius enarrans *Antiochi* victoriam, ac deso-
lationem, & dies & annos expresserat, quantumque
temporis esset duratura, de victoria *Romanorum*, nihil
istiusmodi locutus est: tantum hoc scripsit, quod esset
in solitudinem redigenda *Hierosolyma*, Templumque
diruendum. Cæterum quod esset aliquando venturus
finis desolationis, non addidit, eo quod videret ne Pro-
phetam quidem hæc addidisse. Hæc autem omnia, ut
ait, Christo monstrante conscripta reliquit, ut qui le-
gerint, & evenisse conspexerint, *Danielem* admirentur
ob honorem illi a Deo habitum. Ubi igitur dixerit *Dani-
el*, fore ut Templum redigeretur in solitudinem, nos
deinceps consideremus. Nam ubi precationem illam
in sacco & cinere perfecerat, venit ad eum *Gabriel*, &

ait: *Septuaginta hebdomades abbreviata sunt super populum tuum & super civitatem sanctam.* Ecce hic, inquit ali-
quis, & tempus expressum est. Tempus, non captivi-
tatis, sed post quantum temporis esset reditura captivi-
tas. Possumus & aliud tempus dicere, quamdiu esset
duratura captivitas, rursus tempus post quod esset ven-
tura. *Septuaginta*, inquit, *hebdomades abbreviata sunt*
super populum: non ait *super populum tuum*, non *super*
populum meum. Atqui Propheta dixerat, *ostende faciem*
tuam super populum tuum, sed Deus illum posthac pro
alieno ducit, propter audaciam. Mox & causam ex-
primit: *donec inveterascas delictum & consummentur pec-*
cata. Quid est hoc, *donec consummentur peccata*? Multa,
inquit, peccant, sed malorum finis tunc erit, quum
Dominum suum occiderint: & hoc dixit Christus,
Implete mensuram patrum vestrorum, Servos occidistis,
addite & herilem sanguinem. Vide, quomodo concor-
dant sententiæ, Christus dixit, *implete*, Propheta ait,
donec consummatur delictum, & signentur peccata. Quid
enim est *signentur*? ne quid præterea reliquum fiat, &
adducat justitiam sempiternam. Quid autem est æterna
justitia, nisi quæ a Christo data est? Et donec Prophe-
ta quoque signet visionem & inungatur Sanctus Sancto-
rum, hoc est, Sistere oportet posthac Prophetias, hoc
enim est signare, sistere unctionem, sistere visionem.

Ideo Christus dixit: *Lex & Propheta usque ad Joannem.* Luc. 16.

Vides, ut hæc omnino minentur desolationem, ac sce-
lerum malefactorumque vindictam: Non enim indultu-
rum se, sed incubiturum peccatis illorum, minitur
Deus. Quando tandem hoc factum est? quando pror-
sus sublatae sunt Prophetiæ, quando unctio sic est sub-
lata, ut nunquam sit reditura? Etsi nos fileamus, ipsi
lapides clamabunt, adeo manifesta est ipsa rerum vox:
nec enim possunt aliud tempus proferre, quo hæc gesta
sunt, quam hoc longum ac magnum, sed majus etiam
futurum. Posthæc exactius etiam de his loquens ait, *Et*
cognosces & intelliges ab exitu sermonum, ut respondeas, ut
adificetur Hierusalem, donec regnet Christus, Hebdomades

septem, & hebdomades sexaginta duæ. Hic mihi diligenter
auscultate, nam hic est totius quæstionis cardo: hebdo-
mades septem & hebdomades sexaginta duæ faciunt
annos quadringentos octoginta tres. Nec enim hic dicit
hebdomadas dierum aut mensium, sed *annorum*. Nam
a *Cyro* usque ad *Antiochum*, qui dictus est *Illustri*, & ca-
ptivitatem illam sunt anni trecenti nonaginta quatuor.
Itaque declarans quod non de captivitate sentiat, quæ
fuit sub *Pompejo*, *Vespasiano* & *Tito*, ulterius profert tem-
pus: mox docens nos, unde oporteat supputare, demon-
strat non esse numerandum a die reductus. Sed unde tan-
dem? *Ab exitu sermonum, ut respondeas, & adificetur*

Hierusalem. At non fuit exstructa sub *Cyro*, sed sub *Ar-*
taxerxe cognomento *Longimano*. Post descensum enim
rursus ascendit *Cambyses*, deinde Magi, post hos *Da-*
rius Hytaspæ filius, deinceps *Xerxes* *Darii* filius, post
hunc *Artabannes*, post *Artabannem* *Artaxerxes Longi-*
manus imperavit *Persidi*. Et dum hic regnum obtineret
anno vigesimo regni illius, *Neemias* reverius civitatem in-
stauravit, & hæc *Esdra*s accuratissime descripsit. Nos
igitur hinc quadringentos octoginta annos numeremus,
& haud dubie veniemus ad hanc subversionem. Eoque
dicit: *Adificabitur platea & murorum ambitus.* Quum
igitur, ut ait, restituta fuerit suumque statum recepe-
rit, ex hoc supputa hebdomadas septuaginta, & videbis
hanc captivitatem nondum sortitam finem esse. Atque

hoc ipsum evidentius etiam aperiens, quod mala quibus
nunc tenentur, non sunt habitura finem, ad hunc ferme
modum loquitur: *Post hebdomadas autem septuaginta*
abolebitur unctio, & iudicium non erit in ea, & civitatem
& sanctum perdet, cum eo qui præcedit & venturus est:
& concidentur tanquam in diluvio, neque supererunt reli-
quia, neque radix qua repullulet, & usque ad finem belli
abbreviati internecionibus. Rursus loquens de hac capti-
vitate dicit: *Tolletur sacrificium & libamen, ac præterea,*
super Templum, abominatio desolationis, consummatio da-
batur ad desolationem. Heus *Judee*, audis consummatio-
nem, quid adhuc superest quod expectes? Rursus post
hæc, quid autem est post hæc? hoc est præter hæc quæ
Tom. VIII. B 3 dicta

dicta sunt, post sacrificiorum & libaminis sublationem, & aliud majus accedet malum. Quodnam hoc, dicis? *Super Templum abominatio desolationis*, Hieron enim vocat *Templum*, abominationem autem *desolationis* vocat Statuam quam collocavit in Templo, is qui ceperat civitatem; Et usque ad consummationem, inquit, *desolationis*. Quam ob rem dicit Christus, qui juxta carnem fuit posterior *Antiocho Illustri*, vaticinans imminens urbis excidium, ac declarans quod de hac prædixerit *Daniel*: *Quum*, inquit, *videritis abominationem desolationis, de qua locutus est Daniel Propheta, stantem in loco sancto, qui legit intelligat*. Quoniam enim omne simulacrum & hominis effigies apud *Judeos* appellabatur *abominatio*, recte significans Statuam illam, simul aperuit & quo tempore, & simul quo Rege captivitas esset ventura. Quod autem de *Romanis* hæc dicta sunt, & ipse *Josephus*, quemadmodum ante docuimus, asseveravit.

Quid igitur vobis reliquum est quod loquamini? Quum reliquas captivitates prædicunt Prophetæ, certum & præfinitum tempus expresserunt, in hac nullum tempus præfinitum; quin potius contrarium addunt, videlicet, captivitatem usque ad consummationem duraturam. Porro, quod hæcenus dicta vana non sint, age, a rebus etiam ipsis exhibeamus testimonium. Nam si *Judei* nunquam tentassent ædificare Templum, dicere poterant: Si voluissimus aggredi Templi instaurationem, omnino potuissimus & perfecissimus. Nunc autem res ipsa demonstrat eos non semel aut bis, sed ter aggressos & impetum fecisse non aliter quam fit in certaminibus *Olympiacis*, ut nulli dubium esse possit, quin Ecclesiæ sit victoria. Qui enim igitur hoc aggressi sunt? Nimirum illi qui semper resistunt Spiritui sancto, qui res novas moluntur, qui seditiones concitant. Post devastationem quæ facta fuit sub *Vespasiano* ac *Tito*, sub *Adriano* mota seditione, conati sunt pristinam Rempublicam instaurare, haud quaquam intelligentes quod arbitrio Dei bellum gereretur, jubentis in perpetuum eam civitatem devastari. Porro Deo bellante superare impossibile est. Impetu igitur facto in Cæsarem, rursus eum adegerunt, ut funditus deleter civitatem, devictis ac subactis illis: omnibusque reliquiis abolitis, ne in posterum possent impudenter agere, Statuam suam in loco collocavit. Deinde sciens futurum ut illa tempore collaberetur, quo illius victoriæ notam immedicabilem inureret, & illius impudentiæ monumentum, nomen suum civitatis ruinas imposuit. Quoniam enim ipse dicebatur *Ælius Adrianus*, ideo & civitati nomen *Ælia* jussit imponi, inde & *Ælia* dicitur in hodiernum usque diem, cognomine victoris & everforis. Post hunc sub *Constantino* rursus eadem aggressi sunt. At ille amputatis illorum auriculis, ac rebellionis signo impresso corpori illorum, per omnia loca circumferebat illos, ceu fugitiva mancipia ac verberones, corporibus mutilatis conspicuos illos faciens omnibus, ac eos qui per omnes regiones erant sparsi erudiens, ne in posterum eadem conarentur.

Sed hæc, inquit, prisca & obsoleta. Imo potius hoc notum est etiam iis qui inter vos sunt seniores. Quiddam etiam dicturus sum, valde juvenibus clarum ac perspicuum. Non enim gestum est sub *Adriano* aut *Constantino*, sed sub Imperatore, qui fuit ætate nostra ante annos viginti. Etenim quum *Julianus* qui Imperatores omnes superavit impietate, vocaret illos ad sacrificandum idolis, & ad suam impietatem pertrahere conaretur, ac mox objiceret illis priscum culturæ ritum, dicens: *A vestris majoribus Deus hoc modo cultus est*, etiam nolentes tum fatebantur hæc quæ nos nunc demonstravimus, quod fas non esset extra civitatem immolare victimas, sed totam inquiebant religionem violant, quicumque sacrificant in terra aliena. Proinde si vis nos videre sacrificantes, redde nobis civitatem, restitue Templum, exhibe nobis sancta sanctorum, colloca aram, & sacrificabimus nunc, quemadmodum olim. Nec puduit sceleratos & effrontes hæc poscere a viro impio paganoque, & impuras manus vocare ad exstructionem sanctorum, nec intelligebant se conari impossibilia, neque perpendebant, quod

A si homo illa demolitus esset, potuisset homo illis ea restituere. Verum quum Deus esset qui civitatem illorum subverteret, fieri nequaquam potuit, ut quæ Deus decreverat, unquam verteret humana potentia. Nam quæ Deus sanctus, inquit, statuit, quis dissipabit? ac manum illius excelsam quis avertet? Sicut enim quæcunque ille stabilierit volueritque manere, nullus homo potest demoliri: ita quæcunque destruxerit volueritque manere diruta, nemo poterit instaurare. Verum esto sane, Templum reddiderit, aram crexerit, quemadmodum vos frustra potuisset fieri suspicamini, num & ignem coelestem e sublimi poterat vobis demittere? qui si defuisset, impium & impurum fuisset sacrificium. Ob hoc enim perierunt filii B *Aaron*, quod ignem alienum induxerint. Nihilominus ad omnia obsecrati, obsecrabant ac supplicabant, ut cum ipsis susciperet & aggredereur instaurationem Templi. At is quidem & pecunias impendit, & præfectis dedit negotium, viros primates & artifices undique accersit, nihil non fecit, nihil non tentavit, paulatim ac sensim hoc agens, speransque futurum, ut si posset illos ad sacrificandum inducere, facile illos revocaret ad cultus simulacrorum. Simul & illud fore sperabat infans ille ac vecors, ut Christi sententiam frustraretur, quæ non patitur Templum illud instaurari. Verum is qui comprehendit sapientes in ipsorum astutia, protinus ipsis factis declaravit illi, quod Dei decretum omnibus C est potentius, quodque valida sunt opera sermonum Dei. Nam simul atque tentassent hunc impium conatum, cœpissentque nudare fundamenta, multamque terram exhausissent, restaretque ut jam structuram aggredierentur, protinus ignis exsiliens e fundamentis exussit multos, & intempestivam pertinaciam interrupit. Hæc ubi rescivit Imperator, quanquam tanta vesania deditus erat illi negotio, veritus tamen ne ultra progressus in suum ipsius caput ignem accerferet, destitit, extinctus cum tota gente. Et nunc si redeas *Hierosolymam*, conspicias nuda fundamenta: quod si causam quæras, haud aliam quam hanc audies. Hujus rei nos omnes testes sumus. Nostra enim ætate hæc non ita pridem acciderunt. Jam D considera victoriam insignem. Non hoc accidit sub piis Cæsaribus, ne qui dicere possint, quod Christiani supervenientes opus perfici vetuerunt: sed tum quum res nostræ essent afflictæ, quum omnes de vita periclitaremur, quum omnis libertas esset sublata, quum floreret Paganismus, quum fideles alii quidem in ædibus suis latitabant, alii vero in solitudines demigrarant, foraque fugerant, tum demum hæc acciderunt, ne qua istis vel impudens reliqua fieret occasio tergiversandi. Etiamne adhuc dubitas, *Judeæ*, quum perspicias & ex Christi prædicatione, & ex Prophetarum vaticiniis, & ex ipsarum rerum demonstratione testimonium adversus te confirmatum? Verum nihil mirum est. Istiusmodi quippe E fuit tua natio ab initio, effrons & perversa, semperque rebus evidentibus repugnare solita.

Vultis, ut & alios Prophetas in vos armemus, qui hoc ipsum aperte dicunt, futurum quod vestra ditio, vestraque religio finem esset sortitura: nostra contra effloritura, totoque terrarum orbe proroganda, Christi præconium, aliudque sacrificiorum genus inducendum, iis quæ apud vos fuerunt abrogatis? Audi *Malachiam*, qui cæteris Prophetis fuit posterior: nondum enim *Esaia* aut *Hieremia* produco testimonium, neque cuiusquam aliorum, qui præcesserunt captivitatis tempus, nec dicere possis, quod hæc mala quæ prædixerunt, acciderint in captivitate: sed adduco Prophetam, qui fuit post reditum e *Babylone*, ac post civitatis instaurationem, deque rebus nostris aperte vaticinatus est. Etenim posteaquam redissent, ac restituta civitate Templum exstruxissent, hanc præsentem desolationem narrans futuram sacrificiorumque sublationem, hoc ferme pacto sub persona Dei loquitur *Malachias*, *Ag-Cap. i.* *capiam facies vestras, dicit Dominus omnipotens, quoniam ab ortu Solis usque ad occasum, nomen meum glorificatum est inter gentes, & in omni loco sacrificium offertur nomini meo, & sacrificium purum. Vos autem profanastis illud. Quando hæc evenerunt, Judeæ? Quando in omni loco incensum oblatum est Deo? Quando sacrificium pu-*

pu-

purum? Non possis aliud proferre tempus, quam hoc, posteaquam Christus advenit. Quod nisi de hoc tempore prædixit, nisi de nostro sacrificio vaticinatus est, sed de Judaico, etiam Legi repugnat prophetia. Nam quum *Moses* veteret ullo alio in loco sacrificium fieri, præterquam in eo quem elegit Dominus Deus, quumque ille in unum locum sacrificia illa cloncluserit, nimirum Propheta dicens, quod in omni loco incensum adolendum sit, ac sacrificium purum, adversatur ac repugnat *Mosi*. Verum nulla est inter illos pugna, neque dissensio. Ille de alio locutus est sacrificio, & hic de alio post vaticinatus est. Unde hoc declaratur? Tum ex his quæ dicta sunt, tum ex aliis plurimis signis. Ac primum ex ipso loco. Non enim in una civitate, quemadmodum sub *Judais*, sed ab exortu Solis usque ad occasum prædixit hanc culturam esse celebrandam. Præterea ex sacrificii modo, siquidem puram illam appellans, declaravit de qua loqueretur. Denique a personis offerentium, non enim dixit in Israel, sed in Gentibus. Ac ne putares, quod in una duabusve aut tribus civitatibus hoc culture genus instaurandum esset, non simpliciter dixit in omni loco, sed ab ortu Solis usque ad occasum, demonstrans quod quantum terræ Sol aspicit, tantundem & Evangelium esset occupaturum. Purum autem dicit sacrificium quasi prius illud fuisset impurum, non quidem suapte natura, sed juxta voluntatem offerentium. Et ideo dixit: *incensum abominatio est mihi*. Quamquam & alioqui si quis ipsum hoc sacrificium conferat cum illo, ingens immensumque discrimen inveniet, ut juxta comparationis rationem solum hoc purum dici mereatur. Quodque de lege & gratia dixit *Paulus*, *neglorificatum quidem fuit, quod erat glorificatum propter eminentem gloriam*: idem & hic jure dixerimus, videlicet quod hoc sacrificium cum illo collatum solum dici debeat purum. Non enim per fumum ac nidorem, non per sanguinem ac redemptionis pretia, sed per Spiritus gratiam offertur. Audi igitur & alium Prophetam hoc idem prædicentem, quod Dei cultus non circumscribendus esset loco, sed ipsum omnes deinceps homines essent laudaturi. *Sophonias* autem ad hunc ferme modum loquitur, *Illucescat Dominus super omnes gentes, & abolebit omnes Deos gentium, & adorabunt illum e suo quisque loco*. Atqui non dixit hoc *Moses*, sed uno in loco sacrificari iussit. Quum igitur audias Prophetas hoc dicentes ac vaticinantes, quod non in unam civitatem, neque in unum locum compellendi sint homines, sed suæ quisque domi sedens culturus Deum, quod aliud possis asserre tempus quam hoc præsens? Audi sane quo pacto & Evangelia & Apostoli cum Propheta concordent. Hic dixit, *Illucescat Dominus*. Apostolus ait: *Illuxit gratia Dei salutaris*. Hic inquit, *super gentes*; Ille, *super omnes homines*. Hic dixit, *Abolebit Deos gentium*; Ille, *erudiens nos, ut abnegantes impietatem ac mundanas concupiscentias, sobrie & iuste & pie vivamus*. Rursus Christus *Samaritana* dixit: *Crede mihi, mulier, quod venturum est tempus, quando nec in monte hoc, nec Hierosolymis adorabitis Patrem*. Spiritus est Deus, & qui eum adorant, in spiritu & veritate oportet adorare. Hæc autem dicebat, simul & necessitatem tollens observandi loci, & culture sublimius magisque spirituale genus inducens. Ex his igitur rursum poterat demonstrari, quod posthac neque sacrificia, neque sacerdotium, neque regnum apud *Judeos* futurum sit. Nam per urbis everfionem hæc omnia potissimum semel probata sunt: attamen poteramus & alios Prophetas allegare, qui hoc expresse loquuntur: sed video vos orationis longitudine fatigatos, vereorque ne frustra temereque videar esse molestus. Quapropter polliceor me hæc alio tempore absoluturum. Illud interim rogabo vos, ut fratres vestros servetis, ab errore revocetis, ad veritatem reducat. Nihil enim profuerit audisse, nisi facta demonstrantur, quæ cum dictis consentiant. Etenim quæ dicta sunt, non propter nos dicta sunt, sed propter infirmos, ut illi postquam hæc a vobis didicerint, & a prava consuetudine fuerint liberati, sincerum & germanum præstent Christianismum, fagiantque pravas *Judeorum* Synagogas, sive quæ sunt in civitate, sive in suburbis, speluncas *Ieronum*, *Dæmonum* ha-

bitacula. Proinde ne deferatis illorum salutem, sed omnia facientes, nihil non tentantes, ægrotos reducite ad Christum, ut & in hoc seculo & in futura vita recipiamus præmium benefactis nostris longe majus: Gratia & bonitate Domini nostri Jesu Christi, quicum & per quem Patri gloria una cum Spiritu sancto, nunc & semper, & in secula seculorum, Amen.

EJUSDEM ORATIO TERTIA.

Quum superiori die prolixius differuisset adversus *Judeos*, atque hinc raucedinem vocis contraxisset, hanc deinceps orationem habuit.

BESTIÆ, donec in sylvis pascunt, & ab hominibus negliguntur, mitiores sunt, minusque sævæ; verum ubi venatores eas captas in civitates adduxerint, atque inclusas exstimularint, ut pugnent cum iis qui bestiis obijciuntur, protinus iruentes ubi carnem degustaverunt, & sanguinem humanum biberunt, postea non facile abstinent a talibus epulis, sed multa cum aviditate ad eandem decurrunt mensam. Hoc sane & nobis usu venit, quoniam nunc cum *Judais* pugnam suscepimus, & impetu adversus illorum impudentes contradictiones facto, rationes illorum subvertimus, omnemque celsitudinem erigentem sese adversus cognitionem Dei, & cogitationes captivas duximus ad parendum Christo, major etiam nos cepit adversus illos bellandi cupiditas. Sed quid faciam? Videtis mihi vocem factam imbecilliore, idemque mihi nunc accidere, quasi si quis miles concisis aliquot ex hostibus, magnoque animo impressione facta in hostium condensatam aciem, pluribus prostratis, mox fracto gladio consternatus ad suos sese referat. Quin potius quod nobis accidit periculosius est. Nam militi qui fregit gladium, licet ab alio quopiam astantium ensen eripere, suumque animum exserere, multamque strenuitatem ostendere. Cæterum si vox laboret, non licet ab alio vocem mutuo sumere. Quid igitur? suffugiemus & nos? At non permittit hoc vestræ caritatis tyrannis ac violentia. Vereor & Patris præsentiam, & vestram revereor promptitudinem. Proinde conabor & ea quæ supra vires meas sunt. Omnia commitemus & precibus hujus, & caritati vestræ.

Ne vero vestrum quisquam reprehendat orationem, velut intempestivam, si quum martyres vos hodie vocent, nos supersedentes illorum exponere certamina, adversus *Judeos* exuimur. Nam & ipsis martyribus hic sermo est exoptatior. Ex nostris enim laudationibus, nihil illis splendoris accrescet. Quid enim egeant linguis nostris, quorum certamina superant naturam humanam, quorum præmia vim ingenii nostri vincunt. Deriserunt hanc vitam, conculcarunt carnificinas ac tormenta, despexerunt mortem, ad cælum evolarunt, erepti sunt e fluctibus rerum humanarum, in tranquillum enavigaverunt portum, haud quaquam aurum argentumve, aut vestes pretiosas, sed thesauros quos nemo potest eripere importantes, tolerantiam, fortitudinem & caritatem. Nunc in *Pauli* chorum pervenerunt, ante coronas suas, expectatione coronarum alacres ac gestientes, eo quod jam de futuro incerti esse desierunt. Quid igitur istis opus sit oratione nostra? Hoc igitur argumentum illis gratius. Ex nostris enim laudationibus, quemadmodum antea coeperam dicere, nihil illorum gloriæ accesserit. Cæterum ex nostris adversus *Judeos* conflictationibus multum illis adjungetur gaudii, & libenter auscultaturi sunt, maxime sermones eos qui pro gloria Dei dicuntur. *Judeos* in primis invisos habent martyres, quandoquidem ab illis crucifixum maxime diligunt. Nam isti dicebant: *Sanguis ejus super nos, & super filios nostros*: Illi vero sanguinem proprium effuderunt ejus amore, quem illi occiderunt. Hos igitur sermones libenter audient. Ergo quod si hæc *Judeorum* servitus finem esset habitura, hoc quoque prædicturi fuerint Prophetæ, & nequaquam silentio præterituri, satis declaravimus, posteaquam docuimus omnes captivitates, ut a Prophetis prædictæ fuerant, in illos venisse, Primum in *Egypto*, deinde in *Babylone*, tertiam sub *Antiocho* *Ilustri*. Demonstravimus enim harum unicuique & locum & tempus fuisse prædictum in sacris literis. Huic vero præsentī nullus Pro-

Propheta præfinivit tempus. Verum quod esset ventura, omniaque delolatura, ditionem insuper & religionem tranilatura, quantoque tempore post reditum e *Babylone* ventura, prædixit *Daniel*. Caterum quod sit habitura finem, quodque aliquando sistenda sint ista mala, nec ille patefecit, nec quisquam aliorum Prophetarum. Quin contra magis prædixit quod ad finem usque duratura esset hæc servitus. Attestatur his quæ diximus & ipsum tempus, quod jam tantum peractum est, nec ullum initium ad hunc usque diem bonæ commutationis ostendit, idque quum crebro jam conati sint instaurare Templum. Nam semel & iterum ac tertio, sub *Adriano*, sub *Constantino*, sub *Juliano* conatus illorum interruptus est. Primum quidem a militibus, rursus ab igni promicante e fundamentis, & illorum importunam pervicaciam coercente.

Jam vero lubens illos rogaverim, qua de causa quum tantum temporis in *Egypto* versati receperint statum suæ civitatis, ac rursus abducti in *Babylonem* redierint *Hierosolymam*, tertio sub *Antiocho* tam multa passi mala, ad pristinum reversi sint statum, ac denuo sacrificia, altare, sancta sanctorum, breviter, omnia cum pristina receperint dignitate, nunc nihil simile factum fuerit? Verum quum centum anni, imo bistantum, imo ter, imo quater tantum, multoque amplius annorum præterierit (Nam hic quingentesimus ex eo tempore agitur annus) ne significationem quidem ullam ejus mutationis videmus alicunde apparere, sed res illis funditus collapsas, ac ne per somnium quidem ullam spem eis ostendi, quemadmodum prius. Etenim si peccata sua objicerent dicentes: Quoniam peccavimus Deo, offendimusque, ideo non recipimus nostram regionem, & si qui prius quum a Prophetis accusarentur assidue, non erubescabant, atque illis atrociter exprobrantibus homicidia negabant, iidem nunc confiterentur, damnerentque propria peccata, lubens de integro unumquemque illorum interrogaverim, ob quæ tandem peccata, o *Judæe*, extra *Hierosolymam* agis tanto tempore? Et quid istuc novum est aut mirum? Non enim nunc tantum in peccatis vivitis, prius in justitia recteque factis soliti vivere. Nonne jam olim ab initio in innumerabilibus peccatis versabamini, an non innumera reprehendit

Cap. 23. in vobis *Ezechiel* Propheta, quum inductis duabus meretricibus *Oolla* & *Oolliba*, loquitur hunc in modum, *Lupanar edificatum est in Egypto, & insauistis in Barbaros, & alienos Deos coluistis*. Quid porro? quum mare finderetur, quum petraë rumperentur, quum tot miracula fierent in deserto, nonne vitulum adorastis? Nonne *Mosen* nunc lapidibus impetentes, nunc aliis atque aliis modis frequenter conati estis occidere? Nonne adhuc perseverabatis blasphemias jacentes in Deum? Nonne *Beelphegor* immolastis? nonne filios vestros, ac filias sacrificastis Dæmoniis? nonne omne peccatorum genus perpetrastis? nonne Propheta vobis sub persona Dei loquitur,

Num. 17. *Quadragesima annos insensus fui generationi huic, & dixi semper errant corde*? Quæ fieri potuit, ut tum vos non averfaretur Deus, sed post mactationem filiorum, post tantam improbitatem, post ineffabilem ingratitude, etiam Prophetam apud vos esse passus est, magnum illum *Mosen*, signaque edidit miranda ac prodigiola, quæque sub alio mortalium nemine facta sunt. Hæc inter vos contigerunt. Nebula super vos testudinis vice porrecta; columna tædæ loco vos præcedente, hostibus vobis ultro cedentibus, civitatibus sola propemodum voce captis, non armis vobis opus erat, non acie, non pugna, tantum insonuistis tuba, & ultro mœnia corruerunt. Suppeditatus est vobis novus quidam & inauditus commeatus, de quo clamat Propheta, dicens:

Num. 25. *Panem cæli dedit eis, panem Angelorum comedit homo*. Quibus igitur de causis, dicite mihi, tunc aspernantes Deum, simulacris immolantes, liberos mactantes, Prophetas lapidibus obruentes, aliaque innumera scelera perpetrantes, tantam benevolentiam estis consecuti, tantam a Deo providentiam? Nunc vero quum nec idola colatis, nec liberos occidatis, nec Prophetas lapidatis, in perpetua degitis captivitate? Non enim tum alius erat Deus quam nunc est. An non idem est qui tum

Psal. 94. *Idem est qui tum illa gubernabat, & quæ nunc sunt operatur*? Quid igitur in causa fuit, ut quum gravioribus peccatis abundaretis, uberior fuerit erga vos Dei beneficentia: nunc vero qui leviora peccetis, prorsus vos averfetur; perpetuæque tradiderit ignominiae? Etenim si vos nunc ob scelera rejicit, multo magis hoc tunc conveniebat facere. Quod si tunc vos sustinuit impie viventes, nunc multo magis oportebat sustinere, quum nihil simile committatis. Quam ob rem igitur non sustinuit? Si vos pudet causam dicere, ego dilucide profitebor, immo potius non ego, sed ipsa rerum veritas loquetur. Posteaquam Christum occidistis, posteaquam in Dominum injecistis manus, posteaquam sanguinem illum pretiosum effudistis, propterea non est vobis reliqua corrigendi spes, neque venia, neque purgatio. Tum enim quæ per audaciam perpetrastis, in servos perpetrastis, in *Mosen*, in *Esaiam*, in *Hieremiam*. Tum tametsi impietas aliqua committebatur, tamen audacia nondum processerat usque ad malorum caput. Nunc autem omnia veterum facinora vestris sceleribus occultastis, nec vobis ullum reliquistis locum atrociora committendi, ob insaniam qua debacchati estis in Christum. Eoque nunc graviores luitis poenas. Etenim si hæc non est causa vestrae rejectionis qua nunc tenemini, quare Deus vester tum vos occidentes liberos vestros toleravit, nunc autem a talibus abstinere averfatur? Siquidem occiso Christo majus graviusque scelus commisistis, quam si mactassetis liberos. Agedum igitur, dicite mihi, etiamne posthac sustinebitis illum vocare impostorem ac Legis transgressorem, ac non potius aliquo secedentes vos ipsos occultabitis, qui coram oculis obtueamini tam manifestam & evidentem veritatem? Etenim si impostor erat

Christo majus graviusque scelus commisistis, quam si mactassetis liberos. Agedum igitur, dicite mihi, etiamne posthac sustinebitis illum vocare impostorem ac Legis transgressorem, ac non potius aliquo secedentes vos ipsos occultabitis, qui coram oculis obtueamini tam manifestam & evidentem veritatem? Etenim si impostor erat *Matth. 20.* Jesus, quemadmodum dicitis, Legisque transgressor, par erat ut hanc etiam laudem ferretis, qui talem occideritis. Nam si *Phinees* unico tantum perempto homine, totam Numinis iram adversus populum exardescientem sedavit (*Stetit enim*, inquit, *Phinees & placavit & cessavit quassatio*) tamque inultos homines eripuit ab ira divina unius hominis cæde, multo magis hæc vobis oportuit accidere, si Legis transgressor erat quem vos crucifixistis. Cur igitur, quæso, *Phinees*, viro legis transgressore perempto, justus habitus est & Sacerdotio honoratus; vos autem quum in crucem egeritis virum impostorem, ut dicitis, Deoque adversantem, qui sit ut non solum non feratis laudem & honorem, verum etiam acerbiora passi sitis, quam tum quum filios vestros mactaretis? An non istud perspicuum est, etiam vehementer tardis & hebetibus, quod posteaquam adversus Servatorem ac Principem orbis impie egistis, talis vindicta de vobis sumpta sit? Et nunc sane abstineteis a nefario sanguine, & sabbata servatis, tum vero ipsum etiam sabbati diem violabatis. At ecce Deus per *Hieremiam* jussit parci civitati vestrae si desisteretis gestare onera sabbato. Sed hoc nunc facitis, neque tollitis onera sabbato, attamen ne sic quidem vobis reconciliatur ille. Nam peccatum illud vestrum omnium erat maximum, ut ista vobis exculatio de peccatis, supervacanea sit. Non enim ob cætera vitæ commissa, sed propter illud facinus estis in istis calamitatibus. Quod ni sic haberet, Deus haud vos fuisset ad istum modum averfatus, etiam si innumera alia peccata commisissetis.

Id quum perspicuum sit ex his omnibus quæ dicta sunt, ex hoc quod dicturus sum erit dilucidius. Quid autem hoc? Audimus Deum crebro per Prophetas dicentem majoribus vestris, vos quidem eratis digni malis innumeris, at ego non facio propter nomen meum, ne profanetur inter gentes. Non propter vos ego facio, domus *Israel*: sed propter nomen meum. Sensus autem hic est: Eratis quidem gravioribus digni suppliciis ac poenis, verum ne quis diceret, quod Deus quum ob inopiam virum non posset servare, reliquit *Judæos* in manibus hostium, auxiliabor & prospiciam vobis. Itaque si Legis transgressor erat Christus, quem vos crucifixistis, etiam si decies mille peccata commisissetis, multo etiam prioribus illis graviora, profecto propter hoc factum servasset vos Deus, ne nomen ipsius pollueretur, ne ipse crederetur non esse magnus, neve quis diceret quod ipsius

Psal. 77. *Idem est qui tum illa gubernabat, & quæ nunc sunt operatur*? Quid igitur in causa fuit, ut quum gravioribus peccatis abundaretis, uberior fuerit erga vos Dei beneficentia: nunc vero qui leviora peccetis, prorsus vos averfetur; perpetuæque tradiderit ignominiae? Etenim si vos nunc ob scelera rejicit, multo magis hoc tunc conveniebat facere. Quod si tunc vos sustinuit impie viventes, nunc multo magis oportebat sustinere, quum nihil simile committatis. Quam ob rem igitur non sustinuit? Si vos pudet causam dicere, ego dilucide profitebor, immo potius non ego, sed ipsa rerum veritas loquetur. Posteaquam Christum occidistis, posteaquam in Dominum injecistis manus, posteaquam sanguinem illum pretiosum effudistis, propterea non est vobis reliqua corrigendi spes, neque venia, neque purgatio. Tum enim quæ per audaciam perpetrastis, in servos perpetrastis, in *Mosen*, in *Esaiam*, in *Hieremiam*. Tum tametsi impietas aliqua committebatur, tamen audacia nondum processerat usque ad malorum caput. Nunc autem omnia veterum facinora vestris sceleribus occultastis, nec vobis ullum reliquistis locum atrociora committendi, ob insaniam qua debacchati estis in Christum. Eoque nunc graviores luitis poenas. Etenim si hæc non est causa vestrae rejectionis qua nunc tenemini, quare Deus vester tum vos occidentes liberos vestros toleravit, nunc autem a talibus abstinere averfatur? Siquidem occiso Christo majus graviusque scelus commisistis, quam si mactassetis liberos. Agedum igitur, dicite mihi, etiamne posthac sustinebitis illum vocare impostorem ac Legis transgressorem, ac non potius aliquo secedentes vos ipsos occultabitis, qui coram oculis obtueamini tam manifestam & evidentem veritatem? Etenim si impostor erat

ipſius cauſa hæc pateremini. Quod ſi videtur ob ſuam ipſius gloriæ relaxare peccata, multo magis hoc nunc erat facturſus, & mactationem hanc acceptam habuiſſet, ac multitudinem peccatorum veſtrorum deleuiſſet. Cæterum, quoniam ut apparet, vos perpetuo averſatur, palam eſt quod per hanc iram ac perpetuam derelictionem, demonſtrat etiam vehementer impudentibus, eum qui a vobis occiſus eſt, non fuiſſe tranſgreſſorem Legis, ſed ipſum Legis conditorem, & innumerabilium bonorum auctorem vobis adveniſſe. Eoque vos qui impie feciſtis adverſus illum, in contumelia & ignominia degitiſtis: nos vero qui illum adoramus, honore vos omnes præcedimus, perque Dei gratiam, venerabiliores vobis omnibus ſumus, & in maiore dignitate conſtituti. Et unde liquet, inquiunt, quod nos repulit Deus? Quæſo te etiamnum opus eſt hoc verbis demonſtrare, quum ipſa res clamitet, ac vocem tuba clariorem emittat, tum per urbis everſionem, tum per Templi deſtructionem, tum per cætera omnia. Verum homines, inquiunt, nobis hæc intulerunt, non Deus. Imo Deus iſta potiſſimum effecit. Quod ſi hæc hominibus imputas, illud rurſum conſidera, quod ut homines iſta fuerint auſi, niſi Deo placuiſſet, haudquaquam potuiſſent ad effectum perducere. Quum igitur rediſſet ille barbarus totam *Perſidem* ſecum ducens, ſperans fore ut univerſos ex inſidiis adortos caperet, civitatem totam velut ſagena quadam ac reti concluſam habebat: tunc demum, tum inquam, quoniam Deus erat vobis propitiuſ, abſque bello, ſine conſictu, ſine prælio centum octoginta milibus militum interfectorum *Aſſyriorum* apud vos relictis, ita fugit, ut ſatis haberet ſi ſolus evaderet incolumiſ. Verum & alia bella innumerabilia frequenter iſtum ad modum iudicavit Deus: itidem & nunc niſi ipſe eſſet qui ſemel vos deſeruit, haudquaquam potuiſſent civitatem veſtram diruere ac Templum vaſtare, nequaquam huc uſque tanto tempore manſiſſet ſolitudinis calamitas, nequaquam vobis ſæpe conantibus inſtaurationem conatus in vacuum ceſſiſſet.

Jam non ex his ſolum, verum etiam ex aliis conabor vobis facere fidem, quod non ſuapte virtute vobis iſta fecerunt *Romanorum* Imperatores, ſed quia Deum habuiſtis iratum, qui vos deſeruerat. Etenim ſi quod geſtum eſt humanum erat opus, oportuit veſtras calamitates excidio finiſſi, nec longius proferri veſtram ignominiam. Ponamus enim juxta veſtram ſententiam, mœnia ab hominibus fuiſſe ſubverſa, civitatem dirutam, altare dejectum, num & illud ab hominibus factum, quod Prophetæ ceſſarunt? num & Spiritus gratiam ſuſtulerunt? num alia quæ apud vos fuere magnifica deſtruxerunt? veluti vocem de propitiatorio reddi, vim unctioniſ, declarationem quæ fiebat in lapidibus Sacerdotum: neque enim *Judaica* Religio origines omnes habebat ex inferioribus, ſed plures ac magnificentiores ſuperne e cœliſ. Hoc autem dico: Permiſit ſacrificia fieri. Altare quidem erat ex inferioribus, quemadmodum gladius & ligna, nec non Sacerdos. Cæterum ignis venturus in adyta illa victimaſque conſumpturus, e ſuperniſ habet originem. Nec enim homo inferebat ignem in Templum, flamma e ſublimi immiſſa ſuo miniſterio conſummabat hoſtiam. Rurſum ſi quando cognoscendum erat aliquid, e propitiatorio, vox quæpiam e medio Cherubim prodibat, prædicens futura. Rurſus e lapidibus qui erant in pectore ſummi Sacerdotiſ, id vocabant declarationem, relucebat fulgor quidam futura ſignificans. Præterea quoties eſſet aliquiſ inungendus, devolabat Spiritus gratia, & inſiliebat in unguentum. Hæc autem adminiſtrabant Prophetæ. Quin & nebula frequenter & ſumus adyta corripiebat. Itaque ne *Judai* perſcripta fronte hominibus imputarent ſuarum rerum vaſtationem, non ſolum civitatem Deus paſſus eſt dirui ac Templum vaſtari, verum etiam illa quæ cœlituſ habebant originem e medio ſuſtulit, videlicet ignem, vocem, e lapidibus reddi ſolituſ fulgorem, & huius generiſ alia univerſa. Proinde quum tibi *Judaui* dixerit, homineſ nos expugnarunt, homineſ inſidiis adorti ſunt, dicito illiſ: Profecto nequaquam expugnâſſent homineſ, niſi Deus hoc permiſiſſet. Ve-

rum eſto ſane, murum veſtrum diruerint homineſ, num & ignem ex alto deſcendiſ vetuit homo? Num vocem affidue ex propitiatorio audiri ſolituſ inhiſcuit homo? Num declarationem in lapidibus, num ſacram unctionem? num cætera omnia ſuſtulit homo? An non Deus hæc omnia ſubmovit? Nemini non perſpicuum eſt, ſed quæ de cauſa ſuſtulit? An non manuſtum eſt ideo feciſſe, quod vos odiſſet, quodque ſemel averſatuſ eſſet. Nequaquam, inquiunt, ſed quoniam civitate caremuſ, ideo caremuſ & iſtiſ. Quin potiuſ, ut ex abundanti impudentia illorum ora claudamuſ, age & hoc Scripturarum teſtimoniſ demonſtremuſ, quod Templi apparatus non fuerit cauſa deſtructioniſ cæterorum a Prophetiſ prædictæ, ſed ira Dei, & quod magiſ etiam ipſum provocarint inſanienteſ in Chriſtum, quam tum quum vitulum adorarent. Nam quum vaticinaretur *Moſeſ*, nec Templum erat, nec Altare, ſed quum perſiſterent in innumeris impietatiſ, tamen Prophetiæ donum non ceſſavit. Verum & hic ipſe egregiuſ vir, & alii rurſus præter hunc ſeptuaginta tum exſtiterunt Prophetæ: nec id ſolum, verum & poſt datum Templum reliquamque totam culturam: deinde hoc incenſio, cunctiſque deportatiſ in *Babylonem*, rurſus exſtiterunt *Ezechiel* & *Daniel*, qui nec Sancta Sanctorum aſpicerent, nec Altari aſſiſterent, ſed in media Barbarorum regione & impurorum hominum conſortio agenteſ Spiritu repleti futura prædicebant, idque de rebus multo tum pluribuſ, tum admirabiliſ ſimilibuſ quam præceſſerant, ac diviniſ viſionem viderunt, quatenus ipſiſ videre licuit.

Itaque dicite mihi, quam ob cauſam non habetiſ nunc Prophetas? An non perſpicuum eſt hanc eſſe cauſam, quod Deus vos repulerit? Sed quam ob cauſam repulit? Clarum item & hoc, quod ob illum crucifixum, & impium illud facinuſ. Unde hoc liquet, inquit? Ex hoc quod quum ante hac impie viveretiſ, nihil non obtinebatiſ: nunc vero quum videamini modetiſ vivere poſt crucem, atrocioreſ luitiſ poenâſ, neque quicquam eorum contigit habere quæ priuſ habebatiſ. Ut autem & ipſiſ Prophetiſ hoc evidenter & expreſſe teſtificantiſ, præſentium malorum cauſam intelligatiſ, audite quid dicit *Eſaiâſ*, quomodo prædicit ſimul & venturam omnibuſ per Chriſtum beneficentiam, & veſtram improbam ingratitudinem. *Livore*, inquit, *ejuſ noſ ſunati ſumuiſ*, ſalutem indicans per crucem omnibuſ oblatam. Deinde de noſtri ſimilibuſ loquens ſubjecit: *Omneſ ut oves aberravimuiſ*, homo in via ſua erravit. Tum cruciſ modum explicans ſic loquitur: *Sicut oviſ ad occiſionem ductuſ eſt*, *Eſa. 53.* *Et ut agnuſ in conſpectu tondentiſ ipſum, ſine voce fuiſ.* *Hic non aperit oſ ſuum.* Et ubi licet hoc videre? In neſaſto prætorio *Pilati*, quum tam multa, inquit, teſtimonia proferrent adverſuſ ipſum, nihil eiſ reſpondiſ *Jeſuſ*. Et di-

Matth. 27. *Verum nihil reſpondiſ, ſed ſtabat ſacituſ.* Hoc olim cœlituſ afflatuſ Prophetæ dixerat: *Sicut oviſ ad occiſionem ductuſ eſt, & ſicut agnuſ coram ſe tondente muſcuſ.* Poſt hæc exponenſ iniquitatem in prætorio perpetratam, ait: *In deſectiõne ejuiſ iudiciuſ ſublatuſ eſt.* Nemo tum illi juxta iuriſ rationem de illo ſuffragium tulit, ſed falſa potiſ adverſuſ illum recipiebant teſtimonia. In cauſa erat quod tum nolebat elabi. Nam ſi voluiſſet, omnia turbâſſet, concuſſiſſetque. Etenim ſi id temporis quo pendebat in cruce, ſaxa diſſidiſ, orbem terrarum obſcuravit, Soliſ radiuſ avertit, noctem medio die per univerſam terram induxit, idem potuiſſet in prætorio facere. Verum noluit, manſuetudinem ac lenitatem exhibenſ. Eoque dicit: *In deſectiõne illuiſ ſublatuſ eſt iudiciuſ.* Deinde demonſtranſ, quod non eſſet unuſquiliſbet e vulgo, ſubjecit: *Generationem ejuiſ quiſ enarrabiſ?* Quiſ enim eſt? De quo dicit: *Tolletur de terra vita ejuiſ.* Ideo & *Pauluſ* dicit: *Vita noſtra abſcondita eſt cum Chriſto in Deo. Quum appaſuerit Chriſtuſ vita noſtra, tunc & voſ apparebitiſ cum illo in gloria.* Sed quod dicere propoſueram ut demonſtrarem, quod propter hunc ſuſtinuerint præſentia mala, tempuſ eſt ut ipſum *Eſaiâſ* inducam loquentem. Ubinam hoc eſt, inquit? Poſt dictum prætoriuſ, poſt occiſionem, poſt aſſumptionem, ubi dixit: *Tolletur de terra vita ejuiſ*, & ſubjicit: *Et dabo*

improbos pro sepultura ejus, & divites pro morte illius. Non simpliciter dixit *Judaos*, sed *improbos*. Quid enim illis improbius esse possit, qui post tot tantaque accepta beneficia, beneficium occiderunt? Nisi hæc evenerunt, nisi nunc vivitis in ignominia, nisi omnibus quæ majores habuerunt estis privati, nisi corrui vestra civitas, nisi Templum vestrum versum est in ruinam, denique nisi vestra calamitates superant omnem tragoediam, ne credas, o *Judæe*. Contra si res ipsæ clamitant, si quod prædictum erat a Prophetis perfectum est, quid frustra, quid incassum obtines tuam impudentiam? Nam ubi illa apud vos veneranda, ubi Pontifex, ubi stola & rationale, ubi declaratio? Ne vero mihi istos Patriarchas dixeris, cappones, negotiatores, iniquitate plenos. Dic mihi, qualis est Sacerdos, quum non sit vetus illud oleum, neque quicquam omnino veteris sanctimonie? Dic, inquam, mihi, qualis Sacrificus, quum non sit sacrificium, neque altare, neque cultura? Vis tibi recitem leges de Sacerdotio, quomodo solent olim consecrari, ut intelligas quod qui nunc apud vos dicuntur Patriarchæ, non sint Sacerdotes, sed per simulationem, Sacerdotum agant personam, nec aliter ludant quam histriones in scena, imo ut verius dicam, nec sustinere possint Sacerdotis personam? non dico juxta veritatem, verum ne juxta simulationem quidem Sacerdotii. Excute igitur, recordare quomodo tum *Aaron* factus sit Sacerdos, quot hostias pro illo immolarit *Moses*, quot pecudes prostraverit, quomodo illum laverit, quomodo illum unxerit, extremum auriculæ, manum dexteram, in sancta sanctorum introduxerit. Post hæc jussit præscripto septem dierum numero manere intus. Quin potius operæ pretium est audire verba illorum: *Hæc*, inquit, *unctio Aaron & unctio filiorum ejus. Et dixit Dominus ad Moysen, dicens: Assume Aaron & filios ejus, & stolas & unctionis oleum, & vitulum pro peccato, & arietem, & convoca Synagoga ad ostium tabernaculi testimonii. Et dixit Moyses universa multitudini congregata sermonem quem mandarat Dominus, & posteaquam applicuisset illos (dicendum est enim compendio), lavit eos aqua, induit tunica, cinxit zona, induxit ependyten, imposuit humerale, præcinxit illum ac substrinxit, imposuit rationale, imposuit declarationem & veritatem, & mitram imposuit capiti illius, & super mitram laminam auream, deinde sumpto oleo conspersit altare, & sanctificavit illud, & vasa, & basim sanctificavit ex eodem, & effudit ex eo in caput *Aaron*, & filiis illius similiter fecit, & adduxit vitulum. Quum autem occidisset eum, posteaquam *Aaron* cum filiis suis imposuissent manus, sumpsit de sanguine, & imposuit cornibus altaris, & purificavit altare, & sanguinem effudit in basim, & sanctificavit illud, ut propitiaret super illud. Deinde posteaquam quædam ex his maculasset, alia foris, alia intus, adduxit rursus alium arietem, & ipsum immolavit in holocaustum, & iterum adduxit arietem consummationis, & rursus *Aaron* cum filiis imponente manus, occidit, rursusque sumens de sanguine ejus, super extremum auriculæ *Aaron* dextræ, & super extremum manus dextræ, & super extremum pedis dextri, simili modo fecit & filiis illius. Deinde sumens hostias imposuit manibus *Aaron* & filiorum ejus, ac sic obtulit. Et sumpto sanguine, rursus ex oleo conspersit super *Aaron* & stolas illius, & super filios ejus, & super stolas eorum, & sanctificavit eos, & jussit coqui carnes in atrio tabernaculi testimonii, illicque eis vesci, & ab ostio tabernaculi testimonii ne egrediamini, inquit, dies septem, donec impleatur dies ordinationis vestrae. Septem enim diebus consummabit manus vestras, ut propitiatur pro vobis. Quum igitur dicit, quod his rebus legitime initiatus sit *Aaron*, his purificatus, his sanctificatus, per hæc placaverit Deum, nihil autem horum nunc fiat, neque victima, neque holocaustum, neque sanguinis aspersio, neque olei unctio, nec adsit tabernaculum testimonii, neque ad præfinitum dierum numerum sedeatur intus, profecto palam est, quod Sacerdos qui nunc apud istos est, impurus sit ac nefastus, illegitimus ac profanus, denique quod non propitiet, sed provocet. Etenim si non poterat aliter*

A consecrari, nisi hisce ritibus, omnino necesse est, totum Sacerdotium illorum non consistere.

Vides a me merito dictum, quod non solum a veritate, verum etiam ab ipsa rei simulatione procul absunt. Nec ex his tantum, verum etiam ex aliis discere licet, quanta tum fuerit Sacerdotii dignitas. Proinde quum adversus *Aaron* seditionem, movissent homines quidam scelerati perditique, conantes eum a principatu depellere, & de honore cum illo disceptarent, mansuetissimus *Moses* cupiens illis, rebus ipsis facere fidem, quod non ut fratrem aut cognatum, aut familiarem evezisset illum ad eum honorem, sed Dei parens edicto tradiderit illi Sacerdotium illud, jussit ut unaquæque Tribus virgam adferret, idem præcepit *Aaroni*: quum attulissent, omnes accepit, & intus reposuit, eo facto jussit expectari divinum judicium, quod per virgas illas esset proferendum. Deinde quum simul omnium reliquorum virgæ manerent in eodem habitu, sola virga *Aaron* germinavit, frondesque produxit ac fructus, ut intelligerent quod naturæ Dominus illum delegisset denuo, litterarum vice foliis utens. Etenim qui initio dicebat: Germinet terra herbam graminis, ejusque vim ad fructificandum excitavit, idem & illud lignum quod erat aridum & infrugiferum, fecit ut absque terra, sine radice germinaret. Ac nunc quidem illa virga simul & illorum malitiam & Dei judicium declarat, non emittens quidem vocem, sed ipso aspectu quavis tuba clarius exhortans, ne quid talium facinorum in posterum aggredirentur. Nec hoc modo tantum, sed alio quodam argumento Deus declaravit eum Sacerdotem. Etenim quum multi, moti adversus illum seditione, appeterent ipsius honorem (principatus enim res est, pro qua depugnari solet, eo quod expectatur a multis) jussit ut illatis thuribulis, & imposito thymiamaate, coelitus expectarent sententiam. Atque illis adolescentibus, terra dehiscens, omnes absorbit, & eos qui ipsis consenserant foculosque sumperant, ignis ex coelo demissus exussit. Tum ne quod acciderat, temporis progressu deletum oblivione jaceret, neve admirabilem hanc Dei sententiam ignorarent posterius, præcepit *Moses*, ut thuribula sublata applicarent ad altare, ut quemadmodum virga sine voce vocem emisit ipso conspectu, itidem & hæc per ora posterorum volitantia cunctis commemorarentur, admonitura consulturaque minoribus, ne majorum amentiam imitarentur, ne quando simili poena plecterentur. Ad hunc modum olim Sacerdotes creabantur, nunc vero lusus meri sunt risusque, quæ sunt apud *Judaos* omnia, pudor & cauponatio, plena immensæ impietatis.

Hos igitur sequeris, dic mihi, qui pertinaciter solent semper tum facere tum dicere omnia, quæ Dei legibus adverfantur? ad horum Synagogas accurris? nec metuis, ne fulminis impetus coelitus emicans exurat caput tuum? An ignoras eos qui ipsi quidem non prædantur, sed tamen in prædonum speluncis conspecti fuerint, easdem dare poenas cum prædonibus? Quid autem loquor de prædonibus, profecto scitis omnes ac meministis, quod apud nos scelerati quidam & impostores Statuas Principis demoliti sunt. Quid factum? Non illi tantum qui facinus ausi fuerant, sed quotquot simpliciter præsentibus erant iis quæ gerebantur, quoniam videbantur illis assentiri, in judicium abrepti, easdem cum illis poenas dederunt. Tu vero ubi Pater afficitur contumelia, ubi Filius laceffitur convitiis, ubi Spiritus sanctus contemnitur, eo studes accurrere? Age dic mihi, non metuis, non horrescis, quum te ipsum in loca profana impuraque conjicis? Dic mihi, quid habebis quod excuses, quam sperabis veniam, qui volens te ipsum in barathrum immittas, in præcipitium des? Neque enigmam mihi illud dixeris, quod illic sita est Lex, & Prophetarum libri. Neque enim ista res locum reddit sanctum. Utrum enim majus est, libros esse repositos in loco, an loqui ea quæ sunt in libris? Perspicuum est melius esse si ea quæ sunt in libris fones, habeasque in animo. Ergo responde mihi, quum Diabolus recitaret ea quæ sunt in Scripturis, num os illius sanctificatum est? Non potes dicere, sed permansit id quod erat Diabolus. Quid autem Dæmones? quum prædicarent ac dicerent: *Isti homines servi Dei altissimi sunt*,

sunt, annuntiantes vobis viam salutis, an ideo illos in Apostolorum ordinem referemus? Nequaquam, imo nihilominus execramur illos odimusque quam antea. Ergo quum verba prolata non sanctificent, libri repositi sanctificant? Minime. Qua tandem ratione id consequitur? Imo hoc nomine odi Synagogam, quod Legem habeat ac Prophetas, & nunc etiam amplius odi, quam si nihil istorum haberet. Cur ita tandem? Quoniam hinc habent escam variamque fraudis materiam, qua simplices alliciant. Quandoquidem & Paulus Spiritum illum loquentem magis quam tacentem insectatus est. Etenim molestia tædioque affectus, inquit Spiritui: *Exi ab illa*. Qua de causa? Quoniam clamabat: *Isti homines servi Dei altissimi sunt*. Tacentes enim non perinde decessissent simplices, loquentes autem multos simplices erant attracturi persuasurique, quo nimirum & aliis in rebus sibi auscultarent. Siquidem ut ostium aperirent suis fraudibus, possentque in posterum mentiri confidentius, propterea vera quoque nonnulla commiscebant, non aliter quam qui letifera miscent venena, os poculi melle circumlinentes, efficiunt ut facilius accipiatur malum. Hanc ob causam & Paulus potissimum afficiebatur molestia, festinabatque illis occludere os, quod sibi auctoritatem usurparent, nequaquam ipsis congruentem. Hanc ob causam & ipse Judæos odi, quod quum Legem habeant, Legem violant, & hoc modo simplices inescare conantur. Non perinde grave crimen admitterent, nisi quum credant Prophetis, diffiderent Christo. Nunc vero sibi omnem veniæ spem ademerunt, qui, quum se jactent Prophetis credere, contumeliis afficiunt eum quem illi prædixerunt. In summa, si credis illos esse sanctos, eo quod illic Lex & Prophetarum libri repositi sunt, superest ut idola & idolorum templa pro sanctis ducas. Quondam enim quum bellum teneret Judæos, victores Azotei ceperunt arcam, inque suum templum intulerunt. An ideo sanctum erat illorum Templum quod haberet arcam? Nequaquam, sed profanum, sed impurum: id protinus ipsis factis declaratum est: ut hostes intelligerent victoriam ipsis cessisse, non ob impotentiam Dei, sed ob iniquitatem eorum a quibus colebatur, Arca capta in aliena terra vim suam ostendit, Idolo bis in solum dejecto, effecit, ut etiam comminueretur. Tantum aberat ut locum sanctificaret, ut locum etiam expugnaret. Verum hic quænam est Arca penes Judæos, ubi non est Propitiatorium, non Unctio, non Testamenti tabulæ, non Sancta Sanctorum, non Velum, non summus Sacerdos, non Thymiana, non Holocaustum, non Victima, non alia quæ tum Arcam illis reddebant venerandam? Mihi quidem Judæorum, quam nunc habent, Arca nihilo melius habere videtur, iis quæ veneunt in foro, imo pejus habet. Nam hæc nihil lãdere possunt, si quis adeat, illa vero quotidie multam noxam infert iis qui accesserint.

1 Cor. 4. *Frates, ne sitis pueri sensibus, sed malitia parvuli estote*: eosque qui ad ista stupent, ab hoc intempestivo certamine liberantes, erudite quid oporteat timere revererique, non istam Arcam, sed quod concurrentes ad illam violant Templum Dei, per conscientiam ad Judæismum propensam, per intempestivam istam observationem. Quotquot, inquit, *in lege justificamini, a gratia excidistis*. Hoc oportet timere, ne in die illo audiat ab eo qui vos judicaturus est: *Discedite, non novi vos*: communicastis enim cum his qui me crucifixerunt, ad Judæorum qui impie agebant in me, ac legem violabant, Synagogas concurristis. Atqui ego quidem Templum illorum subverti, & in rudum acervum verti Templum illud venerabile, Templum res verendas & horrendas continens. Vos autem habitacula negotiationum nihilo meliora speluncis latronum colitis. Etenim si tunc quum esset Cherubim, quum Arca, quum adhuc Spiritus floreret gratia, dixit: *Fecistis illud speluncam latronum*, aut ut refert Joannes, *domum negotiationis*, propter iniquitates ac cædes illorum: Nunc postquam illos spiritus deferuit gratia, cunctaque illa magnifica sublata sunt, etiam quum Deo pugnantem impiam istam religionem celebrant, quid addere possit aliquis ut nominatis Synagogis reperiatur illis dignam impietatem? Etenim

A si jam tum erat spelunca latronum, quum statum suum obtineret, nunc etiam si lupanar, si transgressionis locum, si Diaboli speluncam, si animarum exitum dixeris, si totius perditionis præcipitium ac barathrum, denique quicquid addideris, minus quam pro rei dignitate dixeris. Templum cupis videre, ne curras ad Synagogam, sed ipse fias templum. Unicum Templum diruit Deus Hierosolymis, & innumerabilia erexit illo longe venerabiliora. Vos, inquit, *templum estis Dei viventis*. 1 Cor. 6. Hanc domum exornam, omnem exige cogitationem malam, ut fias pretiosum membrum Christi, ut fias templum, deinde & alios redde tales: & quemadmodum quum vides pauperes non facile prætercurris, ita quum videris aliquem ad Synagogam currentem, ne dissimules, sed oratione ceu freno quodam cohibitum reducas ad Ecclesiam. Hæc est major eleemosyna quam illa, imo major quam decem millia talentorum, quam hic mundus universus, quantus quantus undique patet oculis. Siquidem homo est toto mundo pretiosior, hujus enim causa & Cælum, & Terra, & Mare condita sunt & Sol & Stellæ. Perpende igitur, quanta sit dignitas ejus cujus saluti consulitur, & ne contemseris illius curam. Nam etiam si pecuniæ vim immensam dinumerarit aliquis, nihil simile præstiterit ei quod præstat is qui servat animam, & abducens ab errore ad pietatem manu reducit. Qui dederit pauperi, famem solvit: qui Judaïssantem correxerit, impietatem exstinxit. Ille paupertati solatium adhibuit, hic iniquitatem inhibuit: ille corpus liberavit a dolore, hic animam eripuit a gehenna. Ostendi thesaurum, ne deseratis lucrum. Non est quod hic paupertatem causæmini, non est quod mendicitatem prætexatis, verba tantum infumenda sunt, sermonis modo fit impendium. Ne pigritemur igitur, sed omnistudio venemur fratres nostros, eisque vel invitatis in domum nostram pertractis prandium apponamus, ad mensæ communionem illos adsciscamus hodie, ut, ubi nostro in conspectu jejunium solverint, satisque declaraverint, fidemque plenam fecerint, quod in melius correcti sint, & sibi ipsis & nobis æterna bona concilient, gratia ac bonitate Domini nostri Jesu Christi, quicum & per quem Patri una cum Spiritu sancto gloria, imperium, honor, & adoratio in ævum.

EJUSDEM ADVERSUS JUDEOS ORATIO QUARTA.

Utrum vos pugnae hujus cum Judæis susceptæ fatietas cepit, an vultis ut rursus hodie quoque materiam eandem tractemus? Quanquam enim multa sunt jam dicta, attamen arbitror vos sic affectos, ut cupiat isdem de rebus iterum audire. Etenim qui non satiat amor erga Jesum, is nec unquam satiabitur pugna adversus eos suscepta, qui Jesum oderunt. Super hæc, & alioquinobis hic sermo necessarius est. Super sunt enim adhuc festorum Judæorum reliquiæ. Sed quemadmodum illorum tubæ multo sceleriores erant iis qui sonant in theatris, & jejunia quavis ebrietate & comestatione erant improbiore: ita & tabernacula quæ nunc apud illos figuntur, nihilo sunt honestiora diversoriis, in quibus scorta versantur ac tibicinæ. Ne quis autem orationis hujus audaciam reprehendat. Nam ausus est extremum summamque impietas secus de illis opinari. Quum enim adversus Deum contendant ac Spiritui sancto resistent, cur non de illis feramus sententiam? Erat olim hoc festum venerabile quum juxta legem fieret, Deique jussu. Nunc autem non amplius, eo quod tota illius dignitas sublata est, eo quod contra Dei mentem celebratur. Quique maxime violant Legem priscaque festa, hi maxime omnium sunt qui nunc videntur ea celebrare. At contra nos sumus qui maxime Legem veneramus, qui eam velut hominem senio defectum, quiescere sinimus, nec in caveas hominibus differtas protrahimus posteaquam incanuit, neque præter ætatem certare compellimus. Nunc enim nec esse Legis tempus, neque vetustæ Religionis, satis ante demonstravimus.

Age igitur, quod superest, hodie persolvamus. Satis quidem erat ex Prophetis omnibus demonstrasse, quod nunc extra Hierosolymam tale quippiam facere,

transgressio Legis sit & impietas. Nam si verum esset quod isti semper ubique jactantes prædicant, futurum ut civitatem denuo recipiant, ne sic quidem possent a violatæ Legis crimine liberari: attamen nos ex abundanti hoc quoque demonstrabimus, quod nec civitas sit instauranda, neque priscum reipublicæ statum sint recepturi. Hoc autem demonstrato reliqua omnia in confesso sunt, videlicet quod neque sacrificiorum ritus, neque holocaustorum, neque legis vis, nec alia pars ulla status illius consistere poterit. Primum enim præcepit Lex, ut ter in anno omne masculinum ascenderet in Templum, cæterum dejecto Templo hoc fieri nequaquam poterat. Rursus præceperat, ut qui profluvio feminis laboraret, qui lepra contaminatus esset, quæ menstruo fluxu teneretur, quæ peperisset, offerret sacrificia. Atqui nec hoc fieri potest quum desit locus, nec extet altare. Jussit cani sacros hymnos, & hoc ante declaravimus tum ipso loco vetari, tum a Prophetis damnari accusantibus illos ac dicentibus, quod foris legerent legem, & appellarent confessionem. Quum igitur ne legere quidem fas fuerit extra civitatem, quomodo legem servare potuerunt extra civitatem? Hanc ob causam & minitans illis dicit: *Non visitabo filias vestras, quum stuprum admiserint, neque nurus vestras, quum mœchata fuerint.* Quid autem hoc est? Recitata veteri lege conabor vobis reddere dilucidius. Quæ est igitur illa lex? Si mulier prævaricata fuerit a viro suo, eumque negligens despexerit, dormieritque aliquis cum illa coitu seminis, & latuerit oculos viri, nec testis fuerit adversus illam, nec fuerit deprehensa: ac super ipsum quidem spiritus zeletypia, cæterum ipsa non fuerit contaminata. Sensus horum verborum hic est: Si mulier, inquit, mœchata fuerit, & vir habeat illam adulterii suspectam, ille quidem suspicabitur. Et si non fuerit testis, nec uterus coarguens, ducet, inquit, illam ad Sacerdotem, & offeret donum illius, hordeaceam farinam. Cur ita tandem, non siligineam, non triticeam farinam, sed hordeaceam? quoniam id quod gerebatur luctus erat, & incusatio suspicioque, forma sacrificii domesticam calamitatem imitabatur, eoque dicit: „Non effundes super „illam oleum, neque impones illi thus; (Nam con- „trahendus est sermo), „Adducet illam Sacerdos, su- „metque puram aquam in vase fictili, & sumet de ter- „ra quæ est in pavimento, sumtamque conjiciet in „aquam, statuetque mulierem, & adjurabit illam ac „dicet: Si non es transgressa, nec polluta sub viro tuo, „salva esto ab aqua redargutionis. Quod si transgressa „es ac polluta, & aliquis tecum concubuit, det Dominus „te in exsecrationem, ac detestationem in medio po- „puli. Quid est in exsecrationem, ac detestationem? Ut dicant, ne mihi accidat quod accidit illi mulieri. „Ut „reddat Dominus uterum tuum inflatum, & ingredia- „tur aqua exsecrata, inflatque ventrem tuum: & dicet „mulier, fiat, fiat. Et erit si fuerit polluta, ingredie- „tur aqua redargutionis, & inflabit ventrem illius, & „erit mulier exsecrabilis. Quod si non fuerit polluta „mulier, erit innocua, & profeminabit semen. „Ergo postquam in captivitatem abducti sunt, neque quicquam horum fieri potest, quum nec tabernaculum habeant, nec offerantur hostiæ, Dominus comminans dixit: *Non visitabo filias vestras quum stuprum admiserint, nec nurus vestras, quum mœchata fuerint.* Vides legem a loco vim habere? Ex hoc perspicuum est ne Sacerdotium quidem esse posse, quum desit civitas. Quemadmodum enim fieri non potest, ut Imperator sit, si non sit exercitus aut diadema, non purpura, non alia quæ regnum commendant, comprobantque: ita nec Sacrificus esse potest sublata hostia, vetita oblatione, sanctis conculcatis, toto rerum statu abolito. Nam his rebus omnibus constabat Sacerdotium. Sufficiebat igitur nobis ad probationem, quemadmodum dicere cœperamus, quod neque sacrificia, neque holocaustomata, neque reliquæ purificationes, neque præterea quicquam observationis Judaica rediturum sit. Supererat, ut demonstraretur, nunquam fore ut Templum instauretur. Nam quemadmodum omnia sunt abrogata, si non sit Templum, & si quid videatur fieri, facinus est adversus Legem.

Levit.
15.

Num. 5.

A commissum: Ita posteaquam ratio demonstravit nunquam fore ut Templum redeat ad pristinum statum, eadem opera & illud demonstratum est, quod neque cæteri ritus & cultus ad pristinum statum sint redituri. Non Sacerdos erit quispiam, non Rex. Etenim si non erat permillum uti quis ex ipsorum cognatione quamvis plebejus, serviret alienigenis, multo magis fas non erat ipsum Regem alienigenis subijci.

B Verum quoniam hic contendimus conamurque, non tantum ut illis obturemus os, verum etiam ut vestram charitatem erudiamus: age, hoc ipsum aliunde demonstrabimus, videlicet, quod illis & sacrificiorum & Sacerdotii finis sit, adeo ut nunquam amplius ad pristinam consuetudinem hæc sint reditura. Quis igitur hæc dicit?

C Admirandus ille ac magnus Propheta David, declarans *psal.* etiam quod omne sacrificiorum genus esset ejiciendum, 39. & aliud inducendum, loquitur hunc in modum: *Multa fecisti tu Domine Deus meus mirabilia tua, & cogitationibus tuis non est qui similis sit tui. Annuntiavi & locutus sum.* Vides Prophetæ sapientiam, ubi dixisset, *multa fecisti tu Domine Deus meus mirabilia tua*, stupefactus admiratione divini opificii, nihil dicit de conditione rerum nobis conspicuarum, cœli, terræ, maris, & aquæ, & ignis, non de stupendis illis prodigiis, quæ acciderunt in *Egypto*, non de cæteris hujusmodi oraculis. Sed quæ dicit esse miracula? *Sacrificium & oblationem nolisti.* Quid, obsecro, dicit? An istud stupendum est ac mirandum? Nequaquam, inquam, non enim hoc solum vidit, sed cœlitus edoctus prospiciebat oculis Prophetis futurum ut gentes adducerentur: & quomodo qui prius erant addicti Diis, colebantque lapides, inferiores ipsis brutis, repente visum reciperent, omniumque Dominum agnoscerent, ac relicta impura Dæmonum cultura, pure citraque sanguinem Deum colerent: simulque intelligens quod non illæ solum, sed & *Judæi* infirmiores relicta hostiarum, holocaustomatum aliorumque corporalium rituum observatione, ad nostram & ipsi Philosophiam adducerentur: simulque reputans ineffabilem Dei erga genus humanum charitatem, quæ superat omnem intellectum, & attonitus admiratione tantæ mutationis futuræ, & quam mirabiliter ista Deus in alium ordinem translaturus esset, & homines ex Dæmonibus facturus Angelos, ac vitæ genus inducturus cœlis dignum. Tum quod hæc omnia essent futura veteri sacrificio abolito, & altero in illius locum inducto per corpus Christi: quod sacrificium admiratus ac stupefactus dicebat: *Multa tu fecisti Deus meus mirabilia tua*, & ex persona Christi totum hoc vaticinium edit. Sane quum dixisset: *Sacrificium & oblationem nolisti*, subjicit: *Corpus autem adaptasti mihi.* De corpore loquens Dominico, communi pro toto orbis sacrificio, quo nostras purificavit animas, peccata dissolvit, mortem exstinxit, cœlos aperuit, multasque ac magnas spes nobis ostendit, cæteraque præparavit omnia: quæ quidem & Paulus videns exclamavit, dicens: *O altitudo Rom. divitiarum, sapientia ac scientia Dei, quam imperscrutabilia sunt judicia ejus, & inpervestigabiles viæ ejus.* Hæc igitur omnia prospiciens dicebat: *Multa tu fecisti, Domine Deus meus mirabilia tua.* Deinde quum ex persona Christi dixisset: *Holocaustomata & pro peccato non probasti*, subjunxit, *Tunc dixi, ecce adsum:* quoniam perfectioris doctrinæ tempus est. Nam imperfectiora per servos erant docenda, sublimiora vero & humanam superantia naturam per ipsum Legis auctorem, ideo & Paulus dicebat: *Multifarie multisque modis Deus locutus Heb. 1. patribus nostris per Prophetas, extremis hisce diebus locutus est nobis per Filium, quem constituit heredem omnium.* Ac rursus Joannes: *Lex per Moysen data est, gratia & veritas per Jesum Christum facta est.* Itaque hæc summa Legis laus est, quod ea naturam humanam illi doctori præparavit. Deinde ne putares hunc esse recentem Deum, aut aliquid nuper inventum adferre, audi quid dicit: *In capite libri scriptum est de me.* Jam olim meum adventum prædixerunt Prophetæ, & in initio librorum mœæ Divinitatis cognitionem obiter hominibus aperuerunt. Itaque quum Deus dicit in initio conditi mundi: *Facia- Gen. 1. mus hominem ad imaginem & similitudinem nostram*, te-
cte

Ecce nobis Filii divinitatem aperit, ad quem loquitur. Post hæc declarans, quod hæc vitæ ratio non est priori contraria, sed hoc quoque voluisse Deum, ut illo sacrificio antiquato in ejus locum hoc induceretur (Nam erat correctionis vehementia, non contrarietas aut pugna) ubi dixisset: *In capite libri scriptum est de me, subjecit: Ut facerem voluntatem tuam, Deus, volui, & legem tuam in medio ventris mei*: post exponens quæ tandem esset voluntas Dei, prætermittit mentionem hostiarum, holocaustorum, oblationum, laborum, ac sudorum, ait: *Annuntiavi iustitiam in Ecclesia magna*. Quid hoc est, *annuntiavi iustitiam in Ecclesia magna*? Non dixit, *dedit*: sed *annuntiavi*. Quid tandem igitur? non ex benefactis, nec laboribus, nec penatione, sed ex sola gratia iustificavit genus nostrum. Quod & Paulus declarans dicit: *Nunc autem absque lege iustitia Dei manifestata est, iustitia autem Dei per fidem Jesu Christi*, non per ullum sudorem aut laborem. Et hoc assumpto testimonio hunc in modum loquitur: *Umbram enim habens Lex futurorum bonorum, non ipsam rerum imaginem, singulis annis iisdem hostiis quas semper offerunt, nunquam potest accedentes perfectos reddere. Eoque ingrediens mundum dicit: Sacrificium & oblationem nolui, corpus autem adaptasti mihi*: significans ingressum unigeniti in mundum per carnis dispensationem. Sic enim ad nos venit, non locum loco commutans (quoniamque conveniat hoc in eum, qui est ubique, quique cuncta complet) sed per carnem nobis factus conspicuus.

Cæterum quoniam non solum adversus Judæos est nobis pugna, verum etiam adversus Gentes, ac multos Hæreticos: age, profundioris sensum quendam hic vobis aperiamus, quæramusque quid tandem sibi velit, quod quum Paulus innumerabilia haberet testimonia, quæ docerent cessare Legem veteresque ritus, hujus meminit: neque enim simpliciter, neque fortuito id fecit, sed ratione ac sapientia quadam ineffabili. Quod enim alia quoque habuerit testimonia, tum majora, tum vehementiora si voluisset adducere, omnes confitebuntur. *Esaias* enim ait: *Non est mihi voluntas in vobis, plenus sum holocaustis arietum, & adipem agnorum & sanguinem taurorum & hircorum nolo, neque si veneritis in conspectum meum. Quis enim exquisivit hæc de manibus vestris. Si obtuleritis similaginem, frustra facietis. Incensum abominatio mihi est. Et alibi rursum: Non nunc advoco te Jacob, neque molestiam tibi exhibui Israel, non glorificasti me sacrificiis, neque servisti mihi in donis, neque tibi molestus fui in thure, neque parasti mihi argenti suffium. Hieremias autem: Ad quid mihi thus & Saba offeras, & cinnamomum e terra longinqua? holocausta vestra non delectantur me. Ac rursum: Holocausta vestra cum sacrificiis vestris, Et comeditis carnes. Et alius insuper Prophetarum sic ait: Aufer a me strepitum cantionum tuarum, & canticum organorum tuorum non audiam. Rursum alibi, quum Judæi dicerent: An accipiet Dominus in holocaustis, si dederit primogenita mea pro impietate mea, fructum ventris mei pro peccato anime. Propheta increpans illos dicebat: Annuntiabo tibi homo quid sit bonum, & quid Dominus Deus querat abs te, ut diligas misericordiam, & facias iudicium & iustitiam, ut paratus sis ambulare post Dominum Deum tuum. David quoque sic dicebat: Non accipiam de domo tua vitulos, neque de gregibus tuis hircos.*

Quam igitur ob rem quum tot posset adferre testimonia, per quæ Deus videtur illa sacrificia rejicere, neomenias, sabbata, dies festos, omnibus illis omnis hujus unius meminit? Non simpliciter id factum, neque fortuito: sed jam causam dicemus. Multi infideles & ex Judæis ipsi pugnantibus adversus nos, dicunt veterem Religionem antiquatam esse, non quod ipsa esset imperfecta, neque quod inducta sit major, nostra videlicet Religio, sed propter improbitatem eorum, qui tunc offerebant sacrificia. *Esaias* itaque dicit: *Si extenderitis manus vestras, avertam oculos meos a vobis, si multiplicaveritis obsecrationem, non exaudiam vos*. Mox causam addens prosequitur: *Manus vestra sanguine plena. Hoc autem non est sacrificia accusare, sed offerentium iniquitatem criminari. Et ideo non accepta habuit sacrificia, quod*

ea manibus impuris offerrent. Rursum quum David dixisset: *Non accipiam de domo tua vitulos, neque de gregibus tuis hircos*, adjecit dicens: *Peccatori autem dixit Deus: Quare tu enarras iustitias meas, & assumis testamentum meum per os tuum? Tu autem odisti disciplinam, & abjecisti sermones meos post tergum tuum, si videbas furem curarebas eum, & cum adultero ponebas portionem tuam: os tuum abundavit malitia, & lingua tua contexebat dolos: sedens adversus fratrem tuum obrectabas, & adversus filium matris tue ponebas offusciculum*. Unde perspicuum est, quod hic ob has etiam causas rejecerit sacrificia, quoniam furabantur, quoniam fratribus infidebantur. Sed quum unusquisque Prophetarum, inquit, accuset offerentes, fatentur omnes Deum has ob causas aspernatum fuisse nostræ sacrificia. Sed Paulus illis plagam satis magnam infixit, & abunde illorum impudentiæ silentium imposuit hoc testimonio. Quum enim vellet ostendere, quod ipsam Judæorum Religionem, ut imperfectissimam rejecisset irritamque fecisset, hoc assumpsit testimonium, in quo accusatio offerentium nulla est, sed ipsius Religionis imperfectio nuda per se declaratur. Propheta enim nulla in re accusans Judæos, simpliciter sic loquitur: *Sacrificium & oblationem nolui, corpus autem adaptasti mihi, holocausta, & pro peccato non probasti*. Idque exponens Paulus ait: *Tollit prius, ut posterius statuatur*. Nam posteaquam dixit, *sacrificium & oblationem nolui*, deinde addidit, *corpus autem adaptasti mihi*: quoniam ostendit aliud inductum sacrificium, nullam præterea spem dedit, futurum ut illud restitueretur. Et hoc ipsum interpretans Paulus dixit: *Per oblationem hanc sanctificati in voluntate Christi. Si enim sanguis taurorum & hircorum, & cinis vitula aspersus inquinatos sanctificat ad carnis emundationem, quanto magis sanguis Jesu Christi, qui per spiritum aeternum obtulit semetipsum immaculatum, emundabit conscientiam vestram ab operibus mortuis*. Itaque quod illud sacrificium antiquatum est, & aliud in ejus locum inductum, quodque posthac illud non sit restituendum, satis ex his demonstratum est.

Age, jam superest, ut quod dudum conati sumus demonstrare, illius sacerdotii ritus posthac non exorturos, neque denuo redituros, evidenter hoc palamque e Scripturis ipsis dilucidum faciamus, pauca prius vobis præfati, quo fiat evidentior eorum quæ dicuntur enarratio: Abraham reversus e Perside genuit Isaac, Isaac deinde Jacob, Jacob duodecim Patriarchas, ex quibus profectæ sunt duodecim Tribus, magis autem tredecim, quandoquidem loco Joseph duo ipsius filii Ephraim & Manasses extiterunt Tribuum principes, & quemadmodum unicuique filiorum Jacob, Tribus cognomine respondebat, Ruben, Simeon, Levi, Juda, Nephtalim, Gad, Aser, Benjamin, sic sub Joseph duo illius filii cognomen indebant Tribubus, & appellabantur, altera quidem Ephraim, altera vero Manasse. Harum itaque tredecim, cæteræ quidem omnes agros habebant ac proventus multos, & agricolabantur omnes, reliquæque omnia exercebant ad victum pertinentia. Cæterum Tribus Levi sola honorata Sacerdotio a negotiis ad victum pertinentibus liberata erat, neque colebant agros, neque tractabant opificia, neque præterea quicquam hujus generis exercebant, sed soli Sacerdotio vacabant, ac decimas accipiebant a toto populo tum frumenti, tum hordei. Ex his enim rebus illis portionem dabant omnes, & hic erat illis proventus. Nec fas erat ex ulla alia Tribu Sacerdotem unquam fieri. Ex hac enim Tribu factus est Aaron, nimirum de tribu Levi, ac per successionem illius posteri Sacerdotium accipiebant, neque quisquam unquam ex alia tribu creatus est. Hi itaque Levi decimas ab illis accipiebant, & sic alebantur. Sed ante Jacob, sub Isaac, sub Abraham quum nondum esset Moses, nondum scripta Lex, nondum Leviticum Sacerdotium esset proditum, non Tabernaculum, non Templum esset, non Tribus discretæ, non Hierusalem existeret, quum nullus omnino in Judæos rerum principatum occupasset, fuit quidam Melchisedec, Rex idem & Sacerdos, typus enim futurus erat Christi, cujus & Scriptura manifeste meminit. Quum enim Abraham irruptione facta in Persas, ac fratris filio Lot ex illorum manibus

Tom. VIII. C 3 erepto,

Age, jam superest, ut quod dudum conati sumus demonstrare, illius sacerdotii ritus posthac non exorturos, neque denuo redituros, evidenter hoc palamque e Scripturis ipsis dilucidum faciamus, pauca prius vobis præfati, quo fiat evidentior eorum quæ dicuntur enarratio: Abraham reversus e Perside genuit Isaac, Isaac deinde Jacob, Jacob duodecim Patriarchas, ex quibus profectæ sunt duodecim Tribus, magis autem tredecim, quandoquidem loco Joseph duo ipsius filii Ephraim & Manasses extiterunt Tribuum principes, & quemadmodum unicuique filiorum Jacob, Tribus cognomine respondebat, Ruben, Simeon, Levi, Juda, Nephtalim, Gad, Aser, Benjamin, sic sub Joseph duo illius filii cognomen indebant Tribubus, & appellabantur, altera quidem Ephraim, altera vero Manasse. Harum itaque tredecim, cæteræ quidem omnes agros habebant ac proventus multos, & agricolabantur omnes, reliquæque omnia exercebant ad victum pertinentia. Cæterum Tribus Levi sola honorata Sacerdotio a negotiis ad victum pertinentibus liberata erat, neque colebant agros, neque tractabant opificia, neque præterea quicquam hujus generis exercebant, sed soli Sacerdotio vacabant, ac decimas accipiebant a toto populo tum frumenti, tum hordei. Ex his enim rebus illis portionem dabant omnes, & hic erat illis proventus. Nec fas erat ex ulla alia Tribu Sacerdotem unquam fieri. Ex hac enim Tribu factus est Aaron, nimirum de tribu Levi, ac per successionem illius posteri Sacerdotium accipiebant, neque quisquam unquam ex alia tribu creatus est. Hi itaque Levi decimas ab illis accipiebant, & sic alebantur. Sed ante Jacob, sub Isaac, sub Abraham quum nondum esset Moses, nondum scripta Lex, nondum Leviticum Sacerdotium esset proditum, non Tabernaculum, non Templum esset, non Tribus discretæ, non Hierusalem existeret, quum nullus omnino in Judæos rerum principatum occupasset, fuit quidam Melchisedec, Rex idem & Sacerdos, typus enim futurus erat Christi, cujus & Scriptura manifeste meminit. Quum enim Abraham irruptione facta in Persas, ac fratris filio Lot ex illorum manibus

Tom. VIII. C 3 erepto,

erepto, omnibus spoliis direptis rediret, hostibus virtute devictis, hunc in modum de *Melchisedec* loquitur *Gen. 15.* Scriptura: *Et Melchisedec Rex Salem obtulit panem ac vinum, erat enim Sacerdos Dei altissimi, & benedixit Abraham, dixitque: Benedictus es Abraham Deo altissimo, qui condidit cælum & terram, & benedictus Deus altissimus, qui tradidit inimicos tuos sub manustuas. Et dedit illi decimas ex omnibus Abraham.* Si quis igitur Prophetarum existit qui dicat, quod post *Abraham* postque Sacerdotium illud, & hæc sacrificia atque oblationes exoriturus esset Sacerdos alius, non ex illa tribu, sed ex alia, ex qua nunquam creatus est Sacerdos, non secundum ordinem *Melchisedec*, manifestum est quod vetus Sacerdotium cessavit, aliud autem novum in illius locum inductum est. Nam si futurum erat ut vetus illud obtineret, non secundum ordinem *Melchisedec*, sed secundum ordinem *Aaron*, oportuit hoc explicare. Quis igitur hoc dicit? Hic ipse, qui de sacrificiis locutus, de Christo differens hoc quoque alicubi dicit: *Dixit Dominus Domino meo, sede a dextris meis.* Deinde ne quis de vulgari hominum aliquo suspicaretur illud esse dictum, non dicit hoc *Esaias*, neque *Hieremias*, neque quisquam alius Propheta privatæ conditionis, sed ipse Rex, ut intelligeres quod non possit hominem appellare suum Dominum, sed Deum solum. Nam si privatus fuisset, fortassis aliquis improborum dixisset illum de homine loqui. Quomodo enim si de quopiam hominum hæc locutus fuisset *David*, dixisset, quod homo a dextris confedisset ineffabilis ac summæ illius majestatis? Hoc enim impossibile. De hoc vero ait: *Dixit Dominus Domino meo, sede a dextris meis, donec ponam inimicos tuos scabellum pedum suorum.* Deinde ne putares eum imbecillum esse minusque potentem: *Tecum*, inquit, *principatus est in diebus potentiatua.* Manifestius etiam declarans addidit: *Ex utero ante luciferum genui te.* Ante luciferum nullus hominum fuit genitus. *Tu Sacerdos in æternum secundum ordinem Melchisedec.* Non dixit secundum ordinem *Aaron*. Proinde percontare *Judaum*, si Sacerdotium vetus non est antiquandum, quam ob causam induxit alium Sacerdotem secundum ordinem *Melchisedec*, & non secundum ordinem *Aaron*? Per hoc igitur ipsum rem evidentior reddidit. Quum enim dixisset de Christo, quemadmodum & alibi loquitur: *Tu Sacerdos in æternum secundum ordinem Melchisedec*, subjunxit, *de quo multus nobis sermo & enarratu difficilis.* Deinde quum increpasset discipulos (dicendum est enim breviter) ait: *Quis est ille Melchisedec?* & adducit historiam quæ loquitur hoc modo: *Hic occurrit Abraham reverenti a concisione Regum benedixitque illi, cui & decimas impartitus est Abraham.* Post aperiens considerationem figuræ: *Contemplamini autem quantus sit iste*, inquit. Hoc autem non simpliciter dixit, sed ostendere cupiens, quod majus sit Sacerdotium nostrum quam *Judaorum*, atque in ipsis typis præveniens rerum excellentia declaratur. Nam *Abraham Isaac* erat pater, avus *Jacob*, proavus *Levi*, siquidem *Jacobi* filius erat *Levi*. Ex *Levi* Sacerdotium apud *Judaos* sum sit originem. Verum hic *Abraham* progenitor *Levitarum* ac *Judaicorum* Sacerdotum, sub *Melchisedec*, qui typum gerebat nostri sacerdotii, laici locum obtinuit, idque duplici modo declaravit. Primum quod illi dederit decimas. Nam laici Sacerdotibus dabant decimas. Deinde quod benedictionem acceperit ab eo. Etenim laici a Sacerdotibus benedictionem accipiunt. Rursum considera quanta sit excellentia nostris Sacerdotii, quandoquidem *Abraham* patriarcha *Judaorum*, progenitor *Levitarum* comperitur benedictionem accipere a *Melchisedec*, illique dare decimas. Nam horum utrumque narrat vetus Testamentum, & quod *Melchisedec* benedixerit *Abraham*, & quod decimas ab eo acceperit. His igitur in medium adductis *Heb. 7.* *Paulus* dicebat: *Considerate quantus est iste. Quis? Melchisedec*, inquit, *cui etiam decimas Abraham ex præcipuis dedit, ipsorum patriarcha. Et quidem hi qui sunt ex filiis Levi, Sacerdotium accipientes, mandatum habent, ut decimas accipiant a populo, hoc est, a fratribus suis, quamquam egressis e lumbis Abraham.* Quod autem dicit tale

est: *Levita*, inquit, qui apud *Judaos* sunt Sacerdotes, mandatum acceperunt juxta Legem, ut decimas acciperent ab aliis *Judaïs*, attamen omnes *Levita* progeniti sunt ex *Abraham*, quemadmodum & reliquus populus, nihilominus decimas accipiunt a fratribus suis. *Melchisedec* vero qui non ducit originem ab illis, neque enim ex *Abraham* progenitus erat, neque ex Tribu *Levítica*, sed ex alio genere, decimavit *Abraham*, hoc est, decimas accepit ab *Abraham*, nec id solum, verum & aliud quiddam fecit. Quid autem hoc? quod eidem qui promissiones habebat, videlicet *Abrahamo*, benedixerit. Et quid hoc, inquis, significat? quod hoc Sacerdotium illo multo sit inferius. Quomodo? *Citra omnem controversiam quod minus est a majore benedictionem accipit.* Itaque nisi *Abraham* progenitor *Levitarum* fuisset inferior *Melchisedec*, nequaquam ille huic benedixisset, neque hic illi decimas dedisset. Deinde volens ostendere quod per *Melchisedec* advenit hoc Sacerdotium, subjecit dicens: *Et, ut ita loquar, hoc est propemodum, per Abraham etiam ipse Levi qui decimas accipiebat decimatus est.* Quid est decimatus est? Decimas dedit *Melchisedec* & ipse *Levi*, qui nondum erat genitus per patrem ipsius, inquit: *Adhuc enim in lumbis patris erat quum occurreret Abraham Melchisedec.* Nam ideo hoc occupans dixit. Cujus igitur causa hæc dicebat? Subjicit dicens: *Si consummatio igitur erat per Leviticum Sacerdotium, populus enim sub illo legem accepit, quid opus erat deinde secundum ordinem Melchisedec exoriri alium Sacerdotem, qui non dicatur juxta ordinem Aaron?* Quid autem est quod dicit? Si res, inquit, erant perfectæ quæ gerebantur apud *Judaos*, neque Lex erat umbra futurorum bonorum, sed ipsa totum efficiebat, nec futurum erat ut cuiquam alteri concederet, neque ut Sacerdotium prius cessaret, qua de causa Propheta dixit: *Tu es Sacerdos in æternum secundum ordinem Melchisedec*, dicendum enim erat, secundum ordinem *Aaron*. Et idcirco ait: *Si consummatio per Leviticum Sacerdotium erat, quid deinde opus erat secundum ordinem Melchisedec exoriri Sacerdotem alium, qui non diceretur secundum ordinem Aaron?* Ex hoc enim liquet, quod illud finem acceperit, aliud in illius locum inductum sit multo melius ac sublimius. Hoc autem evicto, simul & illud in confesso est, quod alius etiam vitæ status Sacerdotio congruens, simul inducendus esset, neque non legislatio melior, nimirum nostra. Quod sane demonstrans *Paulus* dicebat: *Translato enim Sacerdotio, necessario fit & Legis translatio.* Quoniam autem pleraque legalia circa Sacerdotii ministerium consistebant, prius autem Sacerdotium profligatum est, nimirum alio in illius vicem inducto, legislationem etiam meliorem in illius locum induci oportuit. Post hæc declarans de quo hæc dicat, ait: *De quo enim dicuntur hæc, alterius Tribus particeps fuit, ex qua nullus vacabat altari.* Manifestum est enim quod ex *Juda* exortus est Dominus noster, in quam Tribum nihil de Sacerdotio *Moses* locutus est. Quum igitur clarum sit Christum ex illa esse Tribu, nimirum ex *Juda*, & Sacerdotem juxta ordinem *Melchisedec*, porro *Melchisedec* esse multo honorabiliorem *Abrahamo*, nimirum & illud undique constat, quod etiam aliud pro alio inducitur Sacerdotium, multo quam prius fuerat sublimius. Nam si typus talis, etiam *Judaico* Sacerdotio splendidior erat, multo magis ipsa veritas, quod tractans idem Apostolus, dixit: *Amplius adhuc manifestum est, si secundum similitudinem Melchisedec exoritur alius Rex, qui non sit juxta legem præcepti carnalis, sed juxta virtutem vita incorruptibilis*, quod nullum illius præceptum erat carnale. Non enim oves mactare, neque vitulos jussit, sed virtutem animi curare, & hoc pacto Deum colere, & horum præmia vitam nobis designavit, quæ nunquam corrumpetur. Ac rursum mortuos nos sub peccatis veniens suscitavit, & in vitam reduxit destructa duplici morte, altera peccati, altera carnis. Quoniam igitur venit, propter hoc dicit: *Non juxta legem præcepti, sed juxta virtutem vita incorruptibilis.*

Jam igitur & illud quod restabat demonstratum est, quod translato Sacerdotio, Legis quoque translationem fieri

fieri conveniebat. Attamen & hoc ipsum expresse licebat demonstrare, Prophetasque testes rursus adducere, quod & Lex esset transferenda, quod Reipublicæ status in melius transmutandus, & quod nunquam Rex aliquis *Judaus* exoriturus sit. Verum quoniam tantum est dicendum, quantum auditor possit capere, nec omnia simul, nec acervatim, illis in aliud tempus dispensatis, hic sermonem finiemus, exhortantes vestram caritatem, memineritis eorum quæ dicta sunt, & hæc illis quæ prius dicta sunt annectatis: quodque prius rogavimus idem & nunc rogamus, ut fratres vestros reducat ad salutem, multam sollicitudinem habeatis pro membris neglectis. Propter hoc enim nostantum laborum suscipimus, non ut vulgari more loquamur, neque ut plausum strepitumque feramus, sed ut avulsos, ad viam veritatis reducamus. Ac ne quis mihi dicat, nihil mihi est cum eo negotii, utinam contingat mihi mea ipsius negotia recte gerere. Nemo suum ipsius negotium recte gerere potest,

1 Cor. 10. ait: *Nemo quod suum est querat, sed quisque quod alterius, sciens quod sua cujusque utilitas in proximi utilitate sita est. Sanus es tu, sed oculus tuus infirmatur, hoc est, est ægrotus. Itaque si vere sollicitus fueris pro ægrotante, magis dolebis, & imitaberis in hoc quoque beatum*

2 Cor. 2. illum qui dicit: *Quis infirmatur & ego non infirmor, quis offenditur & ego non uror?* Etenim si quum duos obolos dederimus, paulumque pecuniæ infunderimus in pauperes, gaudemus, si poterimus animas servare quanto majorem voluptatis fructum capiemus? quantum autem in futuro seculo recipiemus gaudium? Nam ibi quoque quoties conveniemus, multam capiemus voluptatem ex congressu, reminiscences officiorum, quæ vicissim alii in alios præstitimus. Deinde quum illos conspexerimus ad tribunal illud metuendum, multæ fiduciæ participes erimus: & quemadmodum qui injuria afficiunt, qui usurpant aliena, qui rapiunt, qui mala innumera proximis inferunt, quum illuc venerint eosque viderint qui hæc passi sunt (videbunt enim, videbunt, inquam, omnino, id quod perspicuum est & ex divite illo & *Lazarus*) neque os aperire poterunt, neque habebunt quod dicant aut excusent, sed multo pudore magnaue condemnatione repleti ex illorum aspectu, ad ignea flumina adducentur: Idem qui bene vivunt, qui docent, qui instituunt, ubi viderint eos quos servaverunt, illic patrocinantibus ipsis, multa fiducia replebuntur. Et hoc

2 Cor. 1. *Paulus declarans dixit: Gloria vestra sumus, quemadmodum & vos nostra. Quando hoc? In die Domini nostri Jesu Christi.* Ac rursus Christus exhortatur, dicens:

Luca 16. *Facite vobis amicos ex mammona iniquitatis, ut quum defeceritis, accipiant vos in æterna sua tabernacula.* Vides quod multa fiducia nobis contingit ab his, quos hic nostro beneficio juverimus. Quod si ubi pecunia duntaxat infunditur tot sunt coronæ, tanta merces, tanta remuneratio: ubi juvatur anima qui fieri potest, ut non multa magna-

Mat. 9. que nobis contingant bona? Etenim si *Tabitha* illa, quæ viduas vestiebat, quæ paupertati subveniebat, a morte in vitam revocata est, & lachrymæ eorum qui beneficiis affecti fuerant animam in corpus reduxerunt, quum nondum venisset resurrectio, quid facient hominum lachrymæ per te servatorum? Quemadmodum enim hanc circumstantes viduæ vivam ex mortua reddiderunt, sic & te tunc circumstantes qui nunc per te servati fuerint, efficient, ut multam experiaris humanitatem, & ex incendio gehennæ eripient. Hæc igitur scientes non ad præsentem horam tantum fervidi simus & vigilantes, sed ignem quem habetis nunc, excitate egressi foras, lustrantesque curate salutem civitatis. Quod si ignoretis, disquirite ubi sint qui his malis ægrotant. Sic enim & nos vobis promptius lubentiusque loquemur, ipsis factis cognoscentes quod non in petram semen jacimus, & vos ipsi circa virtutis exercitationem eritis alacriores. Quemadmodum in pecuniis, qui duos lucratus est aureos proclivis est ad decem ad viginti colligendos congregandosque. Sic usu venit & in virtute, qui fecerit bonum opus, officiumve præstiterit, exstimulationem aliquam aut exhortationem ad agendum sumit, ut alia quoque benefacta aggrediator. Ut igitur & fratres servemus,

A & nobis ipsis veniam pro peccatis, imo potius multam fiduciam reponamus, denique curemus & illud, ut a cæteris omnibus nomen Dei glorificetur, cum uxoribus, liberis, & famulis ad hunc venatum & indaginem egressi, extrahamus e Diaboli laqueis captos ab illo juxta ipsius voluntatem: nec prius desistamus, quam quicquid per nos præstari poterit præstiterimus, sive pareant, sive non pareant. Quin potius impossibile est, ut Christiani quum sint, non pareant: sed ne vel hanc excusationem habeatis illud dico. Si postquam multa verba exhauseris, & quicquid per te præstari poterit expleveris, videris illum non obtemperare, adducito ad Sacerdotes, & omnes per Dei gratiam potentur venatu, totumque tuum erit, qui illum adduxeris. Expedi ut hæc & uxores dicant viris, & viri uxoribus, & filii parentibus, & patres filiis, & amici amicis. Discant hæc & *Judæi*, & hi qui nobis quidem conjuncti videntur, sed cum illis sentiunt, quod nobis aliquod studium est, ac sollicitudo, vigilantiaque pro fratribus nostris ad illos ultro currentibus. Et omnes ante nos, illos corrigent, qui quum nostræ professionis sint, tamen illo commeant. Quin potius nemo posthac ausurus est ad illos confugere, sed erit corpus Ecclesiæ purum. Deus autem qui vult omnes homines fieri salvos, & ad agnitionem veritatis venire, & vos ad istum venatum corroboret, & illos ab hoc errore liberet. Denique cunctos ad salutem revocatos dignos reddat coelorum regno, in gloriam ejusdem Domini nostri ac Servatoris Jesu Christi, cui gloria & imperium, nunc & semper, & in secula seculorum, Amen.

EJUSDEM ADVERSUS JUDÆOS ORATIO QUINTA.

PRæterit jejunium *Judaorum*, imo potius ebrietas ^{nonos} *Judaorum*. Est enim & absque vino ebrietas, est & in sobrietate temulentia luxuriosaque comessatio. Quod si nemo posset absque vino temulentus esse, nequaquam Propheta diceret: *Va iis qui ebrii sunt & non a vino*: si non esset sine vino ebrietas, haud quaquam dixisset *Paulus*: *Nolite inebriari vino in quo est luxuria.* Nam quemadmodum vino, sic & alio modo possit aliquis inebriari: Eoque dixit, *nolite inebriari vino.* Est enim ebrietas & in ira, & in absurda concupiscentia, & in avaritia, & in amore gloriæ, denique in aliis innumeris affectibus. Ebrietas enim nihil aliud est, quam excidisse a recta ratione, deliratioque & sanæ mentis privatio. Non solum igitur qui multum exhaurit merum, verum etiam qui alium quempiam morbum alit in animo, vehementer ebrius esse judicabitur. Etenim qui mulieris alienæ tenetur amore, qui scortis vacat, ebrius est. Et quemadmodum is qui multum ebibit merum, seseque ingurgitavit, illiberales voces effundit, aliudque pro alio videt: sic & hic veluti mero quopiam, sua cupiditate repletus, neque sana profert verba, sed obscœna omnia, sed perniciofa, sed illiberalia, risusque plena, aliaque pro aliis videt, cæcutiens ad ea quæ cernuntur. Quod si cui mulieri stuprum inferre concupiscit, hanc ubique imaginans, non aliter quam mente captus, ac delirans in conventiculis, in conviviis, in omni tempore, in omni loco, & si innumera hominum millia ipsum alloquantur, ne audire quidem videtur, sed ad illam tantum intentus est animus, nec aliud somniat quam peccatum, habetque suspecta omnia, metuit omnia, nihilo melior animante quod alligatum scutica impellitur. Rursus quem tenet ira, ebrius est; similiter & huic turget facies, vox fit asperior, oculi sunt sanguinolenti, mens obtenebratur, prudentia submergitur, lingua tremit, oculi intorquentur, aures alia pro aliis audiunt, nimirum ira longe gravius quam ullum merum soleat percellente cerebrum, tempestatem concitante, turbationemque gignente insedabilem. Quod si ebrius est, quem tenet concupiscentia, irave, multo magis homo impius & in Deum blasphemus, illiusque legibus repugnans, quique hanc intempestivam *Judaorum* pertinaciam nunquam vult effugere, ebrius est insanitque, deterius affectus quam hi qui comessantur, quique mente capti sunt, licet ipse morbum suum non sentire videatur. Nam id maxime

maxime convenit ebrietati, etiā sensu vacare malorum, quæ turpiter committit. Quemadmodum igitur illud est gravissimum in mente captis & attonitis, quod quum ægrotent, nec hoc ipsum sentiant se esse ægrotos: sic & *Judæi*, nunc quum sint ebrii, non sentiunt tamen morbum suum. Præterit igitur illorum jejunium, quavis ebrietate fœdus. Nos autem ne remittamus pro fratribus nostris sollicitudinem, neque posthac existimemus ullam illorum curam esse importunam: sed quemadmodum faciunt milites, ubi commissio prælio vertent in fugam adversarios, ab insectatione redeunt, non protinus currunt ad tabernacula, sed prius ad conflictus locum profecti, tollunt eos qui ex ipsorum numero cæsi sunt, ac vita quidem defunctos terra occultant, cæterum si quos viderint inter mortuos spirantes adhuc, nec letale vulnus habentes, iis in tentoria sublati, multam adhibent curationem extracto telo, accersitis medicis, absteriso sanguine, pharmacis porrectis, reliquaque omni curatione admota ad sanitatem reducunt. Et nos igitur quoniam opitulante Dei gratia *Judæos* persecuti sumus armatis adversus illos undique Prophetis, reversi ad nos videamus, num qui fratrum nostrorum ceciderint, num qui ab jejunio intercepti sint, num qui illis in festo communicarint: ac neminem quidem tradamus sepulturæ, sed potius sublato omnes curemus. Nam sub externis quidem hostibus, qui semel conciderit, animamque efflavit, fieri non potest ut miles eum recuperet & ad vitam revocet. Cæterum in hoc bello prælioque, etiam si qui letale vulnus acceperit, fieri potest ut auxiliante nobis Dei gratia eum ad vitam reducamus. Non enim hæc naturæ mors est, quemadmodum illa, sed voluntatis ac propositi. Voluntatem autem mortuam licet denuo suscitare, animæque morti datæ persuadere licet, ut ad suam vitam redeat, suumque Dominum agnoscat.

Agite, ne defatigemur, fratres, neque delassemur, neque desistamus, neque quisquam illa verba dicat, quod ante jejunium illis cavere oportuerit, omnemque movere lapidem: nunc vero posteaquam jejunatum est, posteaquam peccatum admissum est, posteaquam iniquitas consummata est, quæ superest utilitas? Etenim si quis novit quid sit fratri consulere, novit & illud, quod nunc potissimum oporteat admove manu, omneque studium impendere. Neque enim tantum ante peccatum admissum convenit fratri saluti cavere, verum & post lapsum manus porrigendæ sunt. Etenim si Deus ab initio fecisset istud, tantumque nobis consulisset ante peccatum, post peccatum neglexisset hominem, passusque fuisset perpetua in ruina jacere, nullus adhuc nostrum unquam salutem fuisset consecutus. Verum hoc non facit Deus, quippe amans humani generis ac mitis, nostræque salutis avidissimus. Quin & post peccata multam

Gen. 2. præstat sollicitudinem, quandoquidem & *Adæ* cavente peccatum, dicens, *e quovis ligno quod est in Paradiso comedens comedes, e ligno vero cognitionis boni malique non comedetis, sed quocunque die comederitis, morte moriemini.* Ecce & facilitate legis & largitate concessorum & acerbitate supplicii, & ipso firmitate illationis prospexit ne peccaret. Non enim dixit, post unum aut duos tresve dies, sed *in ipso die quo comederitis, morte moriemini.* Denique cunctis quibus cavere oportuit modis, cavet homini, attamen ubi post tantam providentiam, eruditionem, exhortationem, beneficentiam lapsus est, nec obtemperavit jussis divinis, non dixit Deus, quæ jam restat utilitas? Comedit, cecidit, transgressus est legem, credidit Diabolo, despexit præceptum Dei, accepit vulnus, mortuus est, neci traditus est, in damnationis sententiam incidit. Quid posthac est quod illi loquamur? Nihil horum dixit, sed protinus ad illum venit, allocutus est, consolatus est, ac rursus aliud admovit remedium, videlicet laborem ac sudorem, nec prius destitit omnia facere, conari omnia, donec naturam collapsam restituisset atque a morte liberasset, & ad cælum provexisset, majoraque quam perdidit homini bona dedisset, factis ipsis docens Diabolum quod his insidiis nihil profecisset, sed quod homines ejectos e paradiso, paulo post visurus esset in coelis Angelis permixtos. Idem

Gen. 4.
fecit in *Cain*. Siquidem & illius priusquam peccaret, caverat salutem, denuntiato periculo, dicens: *Peccasti, quiesce, ad te conversio illius, & tu illius dominaberis.* Vide sapientiam prudentiamque Dei. Hoc metuis, inquit, ne te frater spoliaret prærogativa primogenitorum, propterea quod mihi carus est, ne principatum sibi usurpet tibi debitum. Nam primogenitos, posterius genitis oportebat honorabiliores esse. Bono, inquit, animo sis, ne metue, ne hac de causa despondeas animum: ad te conversio ejus, & tu dominaberis illius. Quod autem dicit hunc habet sensum, Mane in honore primogeniti, & esto fratri tuo refugium, umbraculum, ac patrocinium, impera & dominare illius, tantum ne ad patricidium protilias, neque ad impiam illam feraris occisionem. Verum ne sic quidem auscultavit neque conquivit, sed cæde semet impiavit, dextram in fratrem immisit jugulum. Quid igitur? num dixit Deus, Sinamus illum in posterum. Quis posthac erit profectus? Perpetravit patricidium, maculavit fratrem, contempsit admonitionem meam, insanabile minimeque condonandum homicidium ausus est perpetrare, talique ac tanta dignatus sollicitudine mea, eruditione, consilio, cuncta illa propulit ex animo, nec ulla ratione conversus est. Deseratur igitur in posterum ac projectus esto, nec ullo meo respectu dignus habeatur. Nihil tale Deus nec dixit nec fecit, sed ad illum venit denuo & corrigit hominem dicens, *Ubi est Abel frater tuus?* Ac nec inficiantem quidem deserit, sed vel invitum adigit ad facinoris confessionem: quumque ille dixisset, *Nescio, Num custos fratris mei sum ego?* ait, *vox sanguinis fratris tui clamat ad me de terra.* Ipsæ, inquit, res prædicant te homicidio inquinatum. Quid igitur ille? *Majus est peccatum meum quam ut mihi remittatur, etsi ejicias me de terra, etiam a facie tua occultabor.* Hujus sermonis sententia sic habet: Graviora quidem commisi, quam ut veniam mereantur, aut excusari possint, aut condonanda sint, sed si velis urgere quod factum est, omnibus objiciar, tuo auxilio destitutus. Quid igitur Deus? *Non sic,* inquit, *imo quisquis occiderit Cain, septem vindictas persolvat.* Ne metuas, inquit, hoc, vives longam vitam; Si quiste occiderit, obnoxius erit multis suppliciis. Nam septenarius numerus in Scripturis infinitæ multitudinis significationem habet. Quoniam igitur *Cain* multis suppliciis obnoxius erat, anxietati, tremori, suspiriis, dejectionibus animi, dissolutioni corporis, Qui occiderit, inquit, te, & ab illis vinculis liberaverit, ipse in sese vindictas accersit. Ac videtur quidem id quod dicitur vehementer atrox esse, quum contra declarat Domini benevolentiam. Etenim Deus volens posteros ad temperantiam adducere, tale supplicii genus excogitavit, quod *Cain* a peccato posset liberare. Nam si protinus illum interfecisset, abisset quidem peccatum in sese tectum ferens, neque posteris ullo pacto fuisset cognitus. Nunc autem permissus multo tempore vivere in illo tremore docuit obvios omnes ipso aspectu, vacillationeque carnis, exhortans ne quando similia auderent, ne similia paterentur, simul & ipse redditus est melior. Nam tremor & timor ac vita cum anxietate peracta, corporisque dissolutio, veluti vinculo quopiam constrinxit illum, neque permisit denuo ad simile facinus prorumpere, & prioris assidue commonefecit, & interim ipsius animam moderationem reddidit. Sed inter hæc loquenti mihi venit in mentem, ut in medium adducam, quæramque quamobrem tandem quum peccatum suum esset confessus, factumque damnasset, dicens se majora peccasse quam ut veniam mereretur, nullaque excusatione se dignum esse, non potuerit ablueri peccata, quum Propheta dicat, *Dic tu iniquitates tuas prior, ut justificeris:* sed condemnatus fuerit? Quoniam non dixit quemadmodum jussit Propheta, non enim simpliciter dixit, *Dic tu iniquitates tuas,* sed ait, *dic tu prior iniquitates tuas.* Quod quæritur hoc est, non simpliciter esse dicendas, sed prius esse dicendas, non expectandam redargutionem accusantis. Hic autem non dixit prior, sed expectavit donec redargueretur a Deo, quin potius illo redarguente negavit. Postquam autem semel factum est peccatum palam, tum dixit peccatum, quæ quidem non est confessio. Proinde ut quoque dilecte, quum

Pro-
verb.
18.

quum peccaveris, ne expectaris ut ab alio accuseris, sed priusquam accuseris ac deferaris, tu condemna quæ facta sunt. Nam si quis alius deinde te redarguerit, non jam confessionis est officium, sed illius qui accusat correctio. Quapropter & alius quispiam inquit, *Iustus sui ipsius accusator est in principio sermonis*. Itaque non hoc est quod quaeritur ut accuses te ipsum, sed ut prior te ipsum accuses, nec expectes ab aliis redargutionem. *Petrus* itaque post illam nefariam abjurationem, quoniam celeriter suum ipsius peccatum recordatus est, nulloque accusante dixit peccatum, flevitque amare, adeo abluit illam abnegationem, ut etiam primus Apostolorum fuerit factus, ac terrarum orbem totum subjecerit.

Sed quod dicebam (Nam oportet ad id quod propositum erat reverti) satis vobis ex his demonstravit ratio, quod non oporteat fratres lapsos negligere neque contemnere, verum prospicere quidem illis ante peccatum, cæterum etiam post peccatum multam erga illos præstare curam. Itidem faciunt & medici, præscribunt enim ac præcipiunt hominibus, quæ possunt illorum sanitatem tueri, omnemque morbum excludere, cæterum ubi neglexerint præscripta, & in valetudinem adversam inciderint, non negligunt eos ipsi, sed tum maxime multam adhibent sollicitudinem, quo illos morbo levant. Itidem & *Paulus* fecit, qui eum qui stuprum commiserat, post illud peccatum quod ne inter gentes quidem inveniebatur, non contempsit, verum etiam averſantem, nolentemque confiteri peccatum, sed subducere se parantem ac resilientem, reduxit ad sanitatem, & ita reduxit, ut conjungeret corpori Ecclesiæ: neque dixit

1 Cor. 5. apud sese, quid amplius? quæ utilitas? Stuprum commisit, peccatum perpetravit, nec vult desistere a lascivia, verum sibi placet, & immedicabile vulnus reddidit. Sinamus igitur illum ac deferamus. Nihil horum dixit, sed propter hoc ipsum maxime multa usus est erga illum sollicitudine, quod ad non referendam malitiam videbat illum esse delapsum: neque cessavit terrere, minari, punire, tum per sese, tum per alios complures, nihil non faciens, nihil non tentans, donec illum ad agnitionem peccati perduxisset, ad sensum iniquitatis, postremo donec ipsum liberasset ab omni nota. Hoc sane

Luc. 12. ne facito tu quoque, imitare *Samaritanum* illum, qui in Evangelio tantam erga vulneratum præstitit sollicitudinem. Etenim illic præterit *Levita*, præterit *Pharisæus*, ac neuter deflexit ad jacentem, sed inclementer crudeliterque relicto seminece abierunt. *Samaritanus* autem quispiam, qui nulla ex parte illi conjunctus erat, non prætercurrit, sed accurrens misertus est, instillavit oleum & vinum, imposuit asino, duxit ad diversorium, pecuniam partim dedit præsentem, partim pollicitus est, pro ejus qui nihil ad ipsum pertinebat curatione, nec dixit apud sese, Quæ mihi cura est istius? *Samaritanus* sum, nihil mihi cum illo, procul absumus a civitate, & ille ne ingredi quidem potest. Quid autem si ferre non possit viæ longitudinem, mortuum adferam? capiendus sum ob cædem, obnoxius ero homicidio. His sane de causis multi sæpe prætereuntes ac videntes homines vulneratos, prætereunt, non quod graventur tollere, pecuniisque parcant, sed metuentes ne & ipsi pertrahantur in iudicium tanquam cædis rei: verum humanus ille ac mitis nihil horum metuit, sed his omnibus contemptis imposuit eum asino, & in diversorium perduxit, neque quicquam harum rerum spectabat, non periculum, non pecuniarum impendium, non aliud præterea quicquam. Quod si *Samaritanus* adeo humanus mitisque fuit, erga hominem ignotum, quam habituri sumus nos veniam, si proprios fratres neglexerimus in malis gravioribus? Nam & isti qui nunc jejunaverunt inciderunt in prædones *Judeos*, imo verius omnibus prædonibus sæviores, quique gravioribus malis afficiunt eos qui in ipsos incidunt. Neque enim vestes illorum lacera-
runt, neque corpori inflixerunt vulnera, quemadmodum illi tunc fecerant, sed animam fauciarunt, multique vulneribus illi inflicti sic abierunt illos relinquentes in fovea peccati jacentes. Ne igitur dissimulemus talem tragœdiam calamitatemque, neque prætereamus inclementer tam miserabile spectaculum. Quinetiam si alii

A hoc fecerint, tu ne feceris. Ne dixeris apud te ipsum, homo sum mundanus, uxorem & liberos habeo, ista Sacerdotum sunt, ista Monachorum. Neque enim *Samaritanus* ille hæc dicebat, ubi nunc Sacerdotes? ubi nunc Pharisæi? ubi *Judeorum* doctores? sed perinde quasi venatum quempiam maximum nactus esset, ita lucrum arripuit. Et tu igitur quum videris alique egentem curatione, vel corporis vel animi, ne dicito apud te ipsum, quare ille & ille eum non curaverunt, sed a morbo libera. Ne petas ab illis causas negligentiae. Si inveneris aurum jacens, non dicis apud te ipsum, quare ille aut ille hoc non susculerunt, sed festinas ante alios rapere. Itidem & de fratribus collapsis cogita, putatoque te thesaurum reperisse, nimirum occasionem illis medendi. Etenim si instillaveris illi velut oleum sermonis doctrinam, si obligaveris humanitate temperantiaque vulneratum, si sanaveris, ille te faciet ditiolem quovis thesauro. *Qui enim eduxerit pretiosum ex indignitate, tanquam os meum erit*, inquit ille. Quid huic poterit æquiparari? Quod neque jejunium, neque humi peractæ cubationes, neque pervigilia, neque aliud quipiam potest efficere, efficit fratris procurata salus. Cogita quam multa tuum os frequenter peccaverit, quam multa verba obscœna protulerit, quam multa convitia, quam multa maledicta evomuerit, & omnino suscipies collapsi curam. Nam hoc uno benefacto omnem illam delere maculam poteris. Et quid dico delere? facies ut sit os tuum, sicut os Dei. Quid huic honori possit æquiparari? Non enim ego ista polliceor, ipse Deus hoc dixit, Si unum quempiam eduxeris, inquit, ut os meum, erit os tuum, purum, sanctumque.

Ne igitur negligamus fratres neque prætereuntes dicamus, quam multi sunt qui jejunarunt, quam multi intercepti sunt, sed curam habeamus illorum: etiam si multi sint qui jejunarunt, tu ne traducas, neve in fabulam vertas Ecclesiæ calamitatem, sed medere potius. Et si quis dixerit, Multi jejunarunt, obtura illi os, ne fama divulgetur, eique dicito, Ego quidem non novi, deceptus es homo mentirisque dicens illos esse multos. Ac delatori quidem impone silentium, cæterum eos qui intercepti sunt ne neglexeris: ut utrinque multa securitas contingat Ecclesiæ, tum ex eo quod fama non sit evulgata, tum inde quod eos ipsos interceptos ad sacrum gregem reduceris. Ne igitur obambulantes referamus qui peccaverint, sed festinemus ut eos qui peccarunt corrigamus. Est enim prava consuetudo tantum acculare fratres, nec illorum curam habere, traducere mala infirmorum, nec mederi. Auferamus igitur hanc pravam consuetudinem, carissimi. Neque enim ea mediocrem pestem invehit. Et quo pacto? ego dicam. Audivit aliquis ex te quod multi cum *Judeis* jejunaverint, minimeque expendens quo animo dixeris, in aliud id quod dictum est detorsit. Rursus ille parum attentus, alteri hoc ipsum elocutus est: deinde paulatim hac mala fama crescente magnum quidem probum offunditur Ecclesiæ, his vero qui pereunt nulla adfertur utilitas, quin potius gravissima noxa tum his tum aliis. Etiam si pauci fuerint, nos tamen eos rumoribus malis multos facinus: & eos qui stant, imbecilliores reddimus, & eos qui ad calum proclives sunt, impellimus. Frater enim audiens esse multos qui jejunarunt, ipse negligentior erit. Deinde rursus qui infirmior est, hoc audito, accurret ad multitudinem eorum qui ceciderunt. Ne igitur vel super hoc vel super alio quovis improbo facto gaudeamus, etiam si multi fuerint peccatores, traducere eos ac dicere multos esse, sed potius obturemus os, & coërceamus. Ne mihi dixeris multi sunt qui jejunarunt, sed corrige multos. Non ideo mihi consumptum est tantum verborum, ut accuses multos, sed ut ex multis facias paucos. Imo potius ne paucos quidem, sed & hos ipsos etiam sanes. Ne itaque traduxeris peccata, sed medere. Quemadmodum enim qui traducunt, & in hoc tantum vacant, etiam si pauci fuerint qui peccaverunt, faciunt ut multi esse putentur: sic qui cohibent ac silentium imponunt traductoribus, lapsorumque curam habent, etiam si multi fuerint & eos ipsos facile corrigunt, nec quentquam sinunt ex horum fama lædi. Non audistis quod

Tom. VIII.

D

David

2 Reg. 1. David deplorans Saulem dixit, *Quomodo ceciderunt potentes? Ne annuntiaveritis in Geth, neque predicaveritis in viis Ascalonis, ne latentur filia incircumcisum.* Quod si ille reum manifestam noluit traduci ne adversariis gigneret voluptatem: quanto magis non oportet hæc ef-ferre ad aures alienas, sed potius ad nostras, ut neque hostes audientes gaudeant, neque nostri re cognita concidant, sed oportet cohibere rumorem, & undi-
 * al. *luic di-*
cobam,
ut tunc
airos,
fortasse
scriben-
dum
erat,
ut di.
 quaque compescere. Ne mihi dixeris, * hoc illi dice-
 bant, apud te ipsum contine verbum. Quemadmodum tu non poteras tacere, ita nec ille poterit hæc apud sese continere. Hæc non de hoc præsentem tantum jejunio dico, sed de cæteris etiam innumerabilibus peccatis. Ne hoc consideremus tantum, an multi sint abrepti, sed illud consideremus, quomodo illos reducamus, ne exaggeremus res hostium ac nostras dejiciamus, ne illos potentes ostendamus, nostras vero res imbecilles, sed omnia potius in contrarium faciamus. Novit etiam fama vel dejicere, vel erigere animum. Ideoque moneo ut illos rumores augeamus qui res nostras attollunt magnasque videri faciunt, non autem illa, fratres, exaggeremus quæ toti sodalitati dedecus offundunt. Contra si quid audierimus boni, apud omnes proferamus. Si quid vero mali pravique, apud nos ipsos occultemus, idque ut tollamus, nihil non faciamus. Et nunc obambulemus, curiose scrutemur, contemplemur eos qui lapsi sunt, etiam si in ædes oporteat ingredi, ne gravemur. Quod si ignotus fuerit, nec ulla ex parte ad te pertinet is qui cecidit, scrutare, esto curiosus, quem habeat amicum aut necessarium, & cui maxime obtemperet, hoc assumpto ingredi in ædes, ne pudeas, neque erubescas. Si ingredereris pecuniam postulaturus aut beneficium accepturus ab illo, æquum erat erubescere, cæterum quum pro illius salute ingrediendi occasionem ceperis, liberatus es ab omni crimine. Asside sane, loquere cum illo, aliis de rebus facto sermonis exordio, quo correctio careat suspicione; Dic mihi, laudasne Judæos eo quod Christum crucifixerint, quodque cum convitiis afficiant, & legis transgressorem appellant? Profecto non sustinebit si fuerit Christianus, etiam si millies Judaizet, dicere, laudo, sed obturabit aures dicetque tibi, absit. Bono animo sis homo, quum ab ipso ceperis consensum unius proloqui. Rursus assumpto dicens: Quomodo igitur cum illis, dic mihi, quomodo particeps festi? quomodo cum illis jejunas? Post hæc accusa illorum improbitatem, expone omnem iniquitatem, quam superioribus diebus narrabam apud vestram caritatem, a loco, a tempore, a templo, a prædicatione Prophetarum redargui: ostende, quomodo frustra & incassum omnia faciunt, nec unquam ad pristinum statum redituri sunt, quodque fas illis non est extra Hierosolymam quicquam tale facere. Ad hæc commonefacias gehennæ, formidandi tribunalis Christi, eorum quæ nostram causam illic, vel levatura vel gravatura sunt, quodque illorum omnium reddituri sumus rationem, quod ultio non parva reposita est eis qui talia audent. Commonefacito
 Gal. 5. & Pauli dicentis, *Quicumque in lege justificamini, a gratia excidistis: & rursus comminantis, Si circumcidamini, Christus nihil vobis proderit,* dicitoque quod quemadmodum circumcisio, ita & jejunium Judaicum e cœlis expellit jejunantem, etiam si habuerit alia innumerabilia benefacta. Dic, quod Christiani propter hoc vocamur & sumus, ut Christo pareamus, non ut ad hostes curramus.

Quod prætexat curationes aliquas, dixeritque tibi, pollicentur remedium, & ideo ad illos curro; patefacito illi imposturas, incantationes, applicaturas, veneficia. Neque enim alio modo videntur mederi, neque enim vere medentur. Absit. Quin ego quidem illud longe mirabilius dicam, etiam si vere sanarent, satius tamen esse emori, quam ad Christi hostes accurrere, itaque sanari. Quid enim prodest curare corpus, anima pereunte? Quid autem lucri, aut quid solatii nanciscamur, mox conjiciendi in ignem æternum? Nam ne dicerent ista, audi quid dicit Dominus, *Si exstiterit Propheta in te, aut somnium somnians, edideritque signum ac prodigium, evenitque signum ac prodigium sicut locutus est, dixeritque,*

A *Amus & serviamus Diis aliis, ne auscultetis Propheta illi, quoniam tentat vos Dominus Deus vester, an diligatis ipsum ex toto corde vestro.* Quod dicit tale est, Si quis, inquit, Propheta dixerit, Possum excitare mortuum, mederi cæco, sed obtemperate mihi adoremus Dæmones, immolemus Idolis; Deinde si qui hæc loquitur possit mederi cæco, aut excitare mortuum, nec ipsa præstanti credideris, inquit, eo quod Deustentans te, permisit ut ille hoc possit, non quod ille non nosset tuum animum, sed ut tibi probationis occasionem exhiberet, an vere diligeres Deum. Est autem amantis, etiam si exanimis ad vitam revocet qui nos conantur ab amato distrahere, nequaquam tamen ab amato deficere. Quod si hæc dixit
 B *Judæis*, multo magis ad majorem sapientiam invitavit eos, quibus resurrectionis ostium aperuit, quibus præcepit ne in rebus præsentibus figerent amorem, sed spes omnes ad vitam futuram transferrent. Sed quid dicis? Affligit te, premitque corporis morbus? Atqui nondum tanta passus es, quanta beatus ille Job, imo ne minimam quidem partem malorum illius. Siquidem postquam simul interficerent greges & armenta cum cæteris omnibus, in prædam abductus est & puerorum totus chorus, eaque omnia uno die peracta sunt, ut non modo natura calamitatum, veram etiam perpetuitas dejicere posset athletam. Post hæc omnia vulnus accepit letale, vidit vermes toto undique corpore scatentes nudusque sedit in sterquilinio, publicum iis qui aderant calamitatis spectaculum, ille justus, ille pius, ille ab omni malo opere abstinens athleta. Ne hic quidem erat malorum finis, sed dolores addebantur diurni pariter ac nocturni, novaque quædam & admirabilis illum fames oppugnabat: *Avenam*, inquit, *video cibum meum*: probra quotidiana, scommata, risus, *Nam famuli*, inquit, *mei, & concubinarum mearum filii insurrexerunt adversum me*, & in somnis terrores, cogitationum perpetua quædam fluctuatio. Atqui uxor consilium dedit, ut ab his omnibus malis liberaretur, ita loquens, *Dic aliquod verbum adversus Dominum, ac morere.* Dic, inquit, blasphemiam, & ab urgentibus malis liberabere. Quid igitur? Num subvertit sanctum illum virum mulieris consilium? Imo contrarium fecit, magisque sibi sumit alas, sic ut etiam increparet uxorem. Potius enim duxit, majoribus affici cruciarique doloribus, innumeraque perpeti mala, quam blasphemiam ulla tantorum malorum relaxationem consequi. Itidem & ille qui triginta octo annis detentus fuerat in infirmitate sua, singulis annis currebat ad piscinam, & singulo quoque anno repellebatur, nec assequebatur sanitatem, sed quotannis conspiciebat alios sanari, propterea quod multos haberent a quibus curarentur, se vero, quoniam nullos haberet qui ipsum exhiberent, in perpetua manere paralyti. Ne hic quidem confugit ad divinos, non adiit incantatores, aut profiliit ad eos qui per applicaturas promittunt sanitatem, sed expectavit divinam opem, eoque tandem admirandam quandam & inauditam sanitatem adeptus est. *Lazarus* autem cum fame, cum morbo, cum solitudine per omnem vitam colluctatus est, non triginta & octo annos versatus in his, sed per omne vitæ tempus. Sic igitur & exspiravit in divitis vestibulo jacens, contemptus, irrisus, efuriens, canibus objectus pabulum. Sic autem illius corpus debilitatum erat, ut nec canes irruentes ulceraque illius lingentes posset abigere. Haud tamen quærebat incantationem, non petala circumligavit, non expertus est imposturas, non veneficos ad se vocavit, nec alia quicquam vitæ artium tentavit, sed prius habuit, immori malis, quam ulla ex parte deferere pietatem. Quam igitur veniam nos impetrabimus, qui, cum illi in tantis malis perdurarint, ob febriculam, aut leve vulnus procurramus ad synagogas, veneficos & impostores in ædes nostras accersimus? Non audisti, quid dicat Scriptura: *Fili, si accedis serviturus Domino, prepara animam tuam ad tentationem, dirige cor tuum & perdura in morbo ac paupertate, in illo fidens esto.* Sicut in igni probatur aurum, sic homo fit acceptus in camino dejectionis. Si tu famulum tuum flagris cæcideris, & ille triginta aut quinquaginta plagis acceptis, illico provocet ad libertatem, aut deferat tuum dominium, & ad alios quospiam

piam sese conferat, qui te oderint, eosque in te concitet, dic mihi, num is abs te veniam impetraturus sit? An quisquam pro illo poterit esse patronus? Nequaquam. Cur ita tandem? Quoniam officium est heri, punire talem famulum. Non ob id tantum, verum etiam ob hoc, quod si fugiendum erat, non ad hostes & ofores domini prioris oportebat fugere, sed ad amicos & cognatos. Proinde tu quoque si videris te puniri a Deo, ne profugas ad inimicos *Judeos*, ne magis etiam illum in te provocas, sed ad amicos illius martyres ac sanctos, qui illi placuerunt, quique multam apud illum habent auctoritatem. Sed quid loquor de famulis & heris? Filius non poterit hoc facere, nec abnegare cognationem quam habet cum patre. Nam & naturæ leges, & leges ab hominibus institutæ, sic præscribunt, etiam si flagris cædat pater, si a mensa depellat, si ædibus exigat, si quocunque modo puniat, jubent omnia fortiter perpeti, nec ullam illi veniam concedunt, ni paruerit pertuleritque. Etiam si filius cæsus innumeras queremonias, deplorans proferat, hæc verba audit ab omnibus, Pater est qui cæcidit ac dominus, habetque potestatem in te quod vult faciendi, & oportet omnia placide ferre. Ergo famuli quidem ferunt dominos, filii parentes, frequenter & præter æquum punientes: tu vero non sustines Deum te corripientem, qui plus habet in te juris, utpote vere Dominus, qui plus te diligit quam pater, quique nihil per iracundiam, sed omnia facit in tuam utilitatem: sed si levis aliquis morbus acciderit, illico resiliens ab illius dominio, ad Dæmones accurras & ad Synagogas confugis? Et quam tandem post hæc veniam consequeris? Quo pacto valebis illum denuo tibi propitium reddere? Quin potius nec alius quisquam pro te deprecari poterit, etiam si tantum valeat apud Deum auctoritate quantum *Moses*. Non est, inquam, quisquam qui hoc facere poterit. Non audis quid Deus loquatur ad *Hieremiam* de *Judæis*: *Ne depreceris pro populo isto, quoniam si surrexerit Moses & Samuel, non exaudiam illos*. Adeo sunt peccata omnem remissionem superantia, quæque nullam recipiant excusationem. Itaque ne tantam in nos provocemus iram, etiam si videantur aliqui febrem incantamenti sedare, non enim vere sedant, tamen aliam in conscientiam inducunt febrem, ratione singulis diebus stimulantem conscientiaque flagellante ac dicente, Impie fecisti, iniquitatem perpetrasti, violasti foedus cum Christo ictum, ob paululum bonæ valetudinis, pietatem deseruisti. Num tu solus hæc passus es? An non alii multo quam tu acerbiora passi sunt? Attamen nullus illorum tale quid ausus est, Tu vero mollis ac dissolutus animam tuam oppigneraisti. Quomodo excusaberis Christo? quomodo illum implorabis precibus? qua conscientia posthac ingredieris Ecclesiam? quibus oculis videbis Sacerdotem? qua manu sacram attinges mensam? quibus auribus audies Scripturas, quæ illic leguntur? Quum his stimulis quotidie ratio te punget urgebitque, quum conscientia flagellabit, rursus ipse dices: Quæ hæc est sanitas, quum intus tam multas habeam cogitationes excusatrices? Quod si perduraveris paulisper, eosque qui vel incantationem aliquam canere voluerint, vel applicationes aliquas applicare corpori, multa etiam cum contumelia tuis ex ædibus ejeceris, protinus ab ipsa conscientia refrigerationem acceperis. Etiam si millies exurat febris, anima tua quovis liquore, quavis irratione meliorem utilioreque mitigationem adducet. Quemadmodum enim postquam receperis incantationem, sanusque factus fueris, miserius affectus es iis qui febre laborant, dum tecum reputas peccati magnitudinem: sic nunc quoque etiam si febriciteris innumeraque patiaris mala, repulsis impiis illis, quovis sano melius eris affectus animo, gestiente præ gaudio conscientia ac laudante te probanteque ac dicente, euge euge, heus homo Christi servus, fidelis vir, athleta pietatis, qui malueris molestiis immori quam deferere tuam pietatem, proximo secundum martyres loco stabis in illo die. Quemadmodum enim illi præoptarunt cædi flagris torquerique ut ad honorem pervenirent: ita tu quoque hodie præoptasti flagellari torquerique a febre vulneribusque, ne abjiceres pietatem, non incantamenti, non applicatu-

ris ac spebus istiusmodi inescatus, neque sensu prementium dolorum dejectus. Nam etsi te non auferat hæc febris, alia prorsus auferet, etsi nunc non moriamur, tamen posthac moriemur: Mortale corpus sortiti sumus, non ut illius cupiditatibus obtemperantes impietatem amplectamur, sed ut illius affectionibus ad pietatem abutamur. Hæc enim corruptibilitas, & hoc ipsum mortale corpus si sobrii fuerimus, nobis est materia probationis, multamque nobis in illo die præstabit fiduciam. Non autem in illo solum, verum etiam in præsentī vita. Siquidem cum ejeceris incantationes multa cum contumelia ex ædibus tuis, omnes hoc audito collaudabunt, mirabuntur & inter se dicent, Ille laborans ægrotansque plurimis exhortantibus, incitantibus, consulentibus, ut magicis quibusdam incantamentis uteretur, non accessit: sed respondit, Satiū est hoc pacto mori, quam deferere pietatem. Ad hæc consequentur multi plausus ab his qui audierint, cunctis stupentibus, Deum glorificantibus. Hoc quot Statuis erit tibi honorabilius? quot Imaginibus magnificentius? quanto honore insignius? Omnes laudabunt, omne tuam felicitatem prædicabunt, omnes te corona dignum judicabunt. Præterea ipsi quoque meliores fient, ac vicissim tuum exemplum æmulabuntur, imitabunturque fortitudinem, & si quis alius tale quippiam fecerit, tu mercedem feres, qui exempli fueris auctor; Neque tantum consequentur laudes recte factorum, verum etiam celerrima morbi levatio, quum ipsa tua præclara voluntate conciliante tibi Deum ad majorem benevolentiam, tum sanctis omnibus gratulantibus tuæ promptitudini, atque ex intimo corde pro te preces fundentibus.

Quod si hic talia sunt præmia fortitudinis hujus, cogita quantas illic recipies coronas, quum Angelis omnibus præsentibus, omnibus Archangelis, Christus adveniens prehensam manu tua in medium te illud theatrum produxerit, cunctisque audientibus dixerit, Hic homo quum aliquando febre correptus esset, multis ipsum exhortantibus ut a morbo liberaretur, propter nomen meum, ac reverentiam quam habet erga me, ne quid offenderet meam bonitatem, omnes qui pollicebantur ipsi damnatarum artium præsidio sanitatem, repulit, cumque ignominia rejecit, ac præoptavit emori potius morbo, quam deferere meam benevolentiam. Etenim si eos qui ipsi potum dederunt, qui vestierunt, qui cibum dederunt, in medium adducit, multo magis adducet eos qui propter ipsum optarunt obnoxii esse & affligi febris. Neque enim simile est dare panem ac vestem, & morbum diutinum perferre. Imo hoc illo multo majus est. Quanto enim laboris ac doloris plus toleratum fuerit, tanto etiam corona erit magnificentior. Hæc & sani meditemur & ægrotantes inter nos colloquamur, & si viderimus nos ipsos aliquando febris intolerabili correptos, illud apud nos ipsos dicamus: Quid autem si nobis alicunde intentata lite ad tribunal rapiamur, moxque sublati nudentur latera, an non necesse fuerint omnino perpeti, idque nullo lucro nullaque mercede? Hoc & nunc cogitemus, proposita sit etiam tolerantiae merces sat magna, ut leniat collapsum animum. Sed molesta est febris. Verum oppone illi incendium gehennæ, quod effugies omnino, si volueris istam febrem cum omni tolerantia perferre. Reputa tecum quam multa passi sunt Apostoli, considera justos perpetuo in afflictionibus fuisse, recordare beati *Timothei*, qui nunquam ab adversa valetudine respiravit, sed ab adolescentia jugi morbo erat obnoxius, idque *Paulus* declarans dixit, *modico vino utere propter stomachum tuum ac frequentes infirmitates tuas*. Quod si ille justus, ille sanctus, ille qui orbis præfecturam suscepit, qui mortuos excitavit, qui Dæmones abegit, qui morbos innumerabiles in aliis correxit, tam acerba passus est, quam excusationem habebit qui tumultuatur ac deficit in morbis temporariis? Non audisti Scripturam dicentem, *Quem diligit Dominus castigat, flagellat autem omnem filium quem recipit*. Quam multi frequenter optarunt martyrii coronam accipere? Hæc est parata martyrii corona. Non enim is modo martyrium peragit, qui iussus sacrificare, potius ducit emori, verum etiam servantem quod justum est, ac sponte propter Deum mortem accer-

fere, manifestum est martyrium. At ut intelligas hoc esse verum, recordare quomodo *Joannes Baptista* mortuus sit, & qua de causa, & quamobrem, quomodo *Abel*. Neuter enim horum vel altare vidit incensum vel Statuam positam, vel jussus fuit immolare Dæmonibus, sed ille quidem quia tantummodo reprehendit *Herodem* decollatus est, hic vero quoniam Deum meliori sacrificio honoravit quam frater, occisus est. Num igitur privati sunt martyrii corona? At quis hoc audeat dicere? quandoquidem ipsum etiam mortis genus sufficit ad omnibus persuadendum, quod inter primos martyres celebrantur. Quod si etiam divinam sententiam super his prolatam quæris, audi quid dicit *Paulus*. Nam quæ
 1 Cor. 7. ille loquitur, sine dubio Spiritus sunt. *Puto enim*, inquit, *quod spiritum Dei habeam*. Quid igitur hic dicit? Exortus ab *Abel* quum dixisset, quod majorem hostiam *Abel* præ *Cain* obtulisset Deo, & propter hanc mortuus adhuc loqueretur: deinde digressus ad Prophetas ac decursa serie usque ad *Joannem*, dixisset *occisione gladii mortui sunt*, alii vero dissentii sunt, multis & diversis mortis generibus commemoratis, subjecit hoc modo, *Itaque nos quoque tantam habentes circumdantem nos nubem martyrum abjecta omni segnitie & tenaciter inhaerente peccato, per tolerantiam curramus*. Vides quod etiam *Abel* appellavit martyrem, & *Noc* & *Abraham* & *Isaac* & *Jacob*. Nam & isti propter Deum mortui sunt. *Quemadmodum*, inquit *Paulus*, *quotidie morior*: atqui non mortuus est, sed proposito tantum perpeffus est mortem. Sic & tu si repuleris incantamenta, veneficia, ac magicas artes, etiam si morbo moriaris, martyr perfectus fueris, eo quod aliis pollicentibus morbilevationem cum impietate, præoptaris mortem cum pietate. Et hæc nobis dicta sunt, adversus eos qui jactant dicuntque Dæmones mederi.

Cæterum ut intelligas, ne hoc quidem esse verum, audi quid Christus dicat de Diabolo, *Ille homicida erat ab initio*. Deus dicit, homicida est, & tu ad illum tanquam medicum curris? Dic mihi quum accusaberis, quam rationem adferre poteris, qui credas horum imposturis esse fidendum potius quam Christi sententiæ? Quum igitur Deus dicat, homicida est, isti vero dicant, potest levare morbos, nimirum repugnantes sententiæ divinæ, tu recipiens maleficia illa, & incantamenta, nihil aliud quam ipsis factis tuis judicas, istorum verbis potius habendam fidem quam Christi. Quod si Diabolus homicida est, manifestum est quod illi servientes Dæmones sunt. Et hoc quoque te ipsis factis docuit Christus, qui permisit illos irruere in illum gregem porcorum, ut intelligeres quod eadem facturi fuerint hominibus statimque præfocassent, si Deus illis permisisset adversus eos propria potentia ac voluntate uti. Nunc vero ipse illos coercuit prohibuitque, nec quicquam eis permisit facere adversus homines: quod quidem ipsi potestate accepta in porcos declararunt. Etenim si porcis non pepercerunt, multo minus a nobis abstinuissent, si adversus nos potestatem habuissent. Ne igitur, dilecte, fraudibus illorum abducaris, sed esto confirmatus timore Dei, ne similis illorum fias. Nam similes illorum sunt qui faciunt eadem, & omnes qui confidunt in illis. Et quomodo ingredieris in Synagogam? Si signaris frontem tuam, illico fugit prava potestas Synagogam inhabitans; Sin vero non signaveris, in ipsis foribus protinus arma abjecisti, mox nudum & inermem abreptum Diabolus malis innumeris afficiet. Sed quid attinet de illis loqui? Nam quod ipse quoque maximum peccatum esse judicas, ad sceleratum illum locum accurrere, manifestum est ex ipso adeundi modo. Etenim quoties illuc accedis, studes & famulos & amicos & vicinos fallere, jubesque ne te deferant ad Sacerdotes, ac si quis detulerit indignaris. An non igitur magnæ dementiæ sit homines velle fallere, quum Deus qui videt, ubique sit præsens, perfrictaque facie tantum facinus audere? Sed non times Deum? Ergo saltem ipsos reverere *Judæos*. Quibus enim oculis ipsos intueberis? quo ore alloqueris, proficiens te esse Christianum, tamen ad illorum artes currens, & ab illis opem implorans? Non perpendis quantum risum in te effundent, quot scommata, quantam

A sublationem, quanta dedecora, quantam irrisionem, quanta probra? Et si non palam, certe in sua ipsorum conscientia. Proinde dic mihi, hæcne sunt tolerabilia? hæcne ferenda? Etiam si mille mortes sint oppetendæ, si non ferenda mala tolerare sit necesse, multo satius erat omnes illas perpeti molestias, quam istis sceleratis risui & ludibrio fieri, præterea cum mala conscientia vivere.

B Hæc non dico ut audiat tantum, verum etiam ut his morbis laborantes sanetis. Quemadmodum enim illos inculamus, quod ad sceleratum illud theatrum, & impiam illam aberrant synagogam, sic & vos, quod infirmos corrigere non vultis. Non igitur hoc est quod quaeritur, dilecte, ut huc ingressus tantum audias quæ dicuntur. Nam id quidem etiam ad condemnationem facit, quum auditis sermonibus non adjungitur operum demonstratio. Etenim propterea Christianus es, ideo hoc nomen accepisti, ut Christum imiteris, ejusque legibus operum exhibitione pareas. Quid autem ille fecit? Non *Hierosolymis* desidens vocavit ad se ægrotos, sed obambulabat civitates ac vicos, geminos curans morbos, tum animi, tum corporis: attamen poterat eodem in loco sedens omnes ad se attrahere, non tamen hoc fecit, nobis præbens exemplum, ut ambulemus & quaeramus eos qui pereunt. Rursus hoc etiam parabola de pastore
 C significavit: non enim desidebat cum nonaginta ovibus expectans donec quæ aberraverat veniret ad ipsum, sed abiit ipse & invenit, inventamque gestavit humeris ac reduxit. An non vides medicos quoque hoc ipsum facere? Non cogunt ægrotos lecto decumbentes ad ipsorum aedes deferri, sed ipsi accurrunt ad eos. Hoc & tu facito, dilecte, sciens hanc præsentem vitam esse brevem, quodque nisi hæc lucra paraverimus nullam illic sumus habituri salutem. Sæpe una anima quam lucrati fuerimus potest innumerabilium peccatorum pondus abolere, animæque redimendæ fieri pretium in illo die. Cogita quamobrem Propheta, quamobrem Apostolus, quamobrem justus, quamobrem frequenter Angeli missi sint, quapropter ipse primogenitus Filius ac verbum Dei advenit. D An non ut homines servaret? an non ut eos errantes reduceret? Hoc idem fac agas tu quoque pro viribus tuis, omneque studium ac sollicitudinem impendas ad reduendum eos qui aberrarunt. Ad hæc vos singulis concionibus adhortari non cesso, siue mentem adhibeatis siue non adhibeatis, ego dicere non desinam. Nam hanc legem nobis Deus præscripsit, ut siue audieritis, siue non audieritis, hoc ministerium impleamus. Et si quidem audieritis ea quæ dicuntur, multa cum voluptate hoc ipsum faciemus; Sin autem neglexeritis ac per insignem locordiam contemseritis, nobis quidem ex vestra inobedientia nullum futurum est periculum, (Quandoquidem quicquid erat nostrum præstitimus) attamen quanquam non periclitamur nos qui præstiterimus omnia quæ in nobis sunt, dolemus tamen quod vos accusabimini in die illo. E Non enim absque periculo vobis erit audisse, si non accesserint opera. Audi igitur quomodo Christus accusans doctores sermonem occultantes, etiam his qui docentur loquatur. Quum enim dixisset, *oportuit deponere pecuniam apud mensarios*, & adjecisset, *Ego veniens cum usura
 Math. 23. utique repetissem illam*: ostendit, quod postquam audierit (Nam hæc est pecuniæ depositio) qui accepit doctrinam, usuram facere oporteat, tanquam Domino repetituro. Usura autem doctrinæ nihil aliud est, quam operum exhibitio. Ergo quoniam nos quoque deponimus pecuniam in aures vestras, necesse est, ut vos reddatis usuram Domino, hoc est, salutem fratrum vestrorum. Itaque si hæc ipsa quæ dicuntur tantum detinueritis, nihil ex his lucri facientes, metuo ne eandem detis pecuniam, quam dedit ille qui defoderat talentum. Nam ille propterea manibus ac pedibus vinctus in tenebras eiectus est externas, quoniam non depromsit in alios quæ audierat. Ne igitur nos quoque eadem patiamur, eum qui quinque talentis acceptis duo lucratus est imitemur, etiam si sermonem, etiam si pecuniam, etiam si corporis laborem, etiam si preces aut aliud quippiam quicquid illud fuerit proximo servando infumere oportuerit, ne gravemur, ut undecun-
 F que talentum nobis a Deo traditum pro sua quisque portio-
 ne

ne multiplicantes, possimus illam beatam audire vocem, *Auge serve bone, & fidelis, in paucis fuisti fidelis, supra multa te constituam, intra in gaudium Domini tui: quam*

nobis omnibus audire contingat, gratia & benignitate Domini nostri Jesu Christi, quicum & per quem, Patri gloria simul cum sancto Spiritu in secula seculorum, Amen.

ORATIONUM ADVERSUS JUDEOS,

F I N I S .

D. JOANNIS CHRYSOSTOMI. H O M I L I A

Post calendas, de iis qui ejus diei postridie inebriantur, deque iis qui commeant ad cauponas, ac popinas, quique choreas ducunt per civitatem; præterea, quod non oporteat Præceptorem desperare de discipulis, etiamsi non protinus obtemperent; postremo de Lazaro mendico ac Divite.



HESTERNUM diem, quum esset festum Sathanæ, fecistis festum Spiritus, quia multo cum animi studio recepistis ea quæ a nobis dicebantur, maximamque dici partem in eo consumpsistis, ebrii temulentia quadam sobrietatis plena, cumque Paulo ducentes choreas. Quam quidem ex re vobis geminum accrevit lucrum, primum quod ab indecora temulentorum saltatione abstinuistis, deinde quod spiritualibus saltastis tripudiis, quibus plurimum adest decoris ac modestiæ. Ad hæc quod crateris participes fuistis, non mero, sed spirituali doctrina redundantis, neque saltastis ad tibiæ citharæque modos, sed ipsi tibia citharæque fuistis Spiritui sancto; quumque cæteri choros ducerent Diabolo, voseo quod hoc in loco versabamini, præbuisstis vos ipsos organa vasaque Spiritui, exhibuistisque animas vestras, ceu musica instrumenta quæ Spiritus sanctus pulsaret moveretque, præbuisstis corda vestra, velut organa, quibus gratiam suam inspiraret. Unde modulatum concentum reddidistis, non solum homines demulcentem, verum etiam supernas virtutes delectantem. Age itaque & hodie, adversus ebrietatem armemus linguam, istamque vitam madidam ac dissolutam prosternamus, vituperemus istos qui in ea totis diebus versantur, non ut illos pudefaciamus, sed ut eos a pudendis liberemus, non ut illos probris afficiamus, sed ut eos corrigamus, non ut illos traducamus, sed ut ab infami traductione, & a Diaboli, hoc est, traductoris manibus eripiantur. Quisquis enim in temulentia totos agit dies, quisquis in deliciis & ingurgitatione, sub Diaboli tyrannidem reductus est. Atque utinam oratio nostra profectus aliquid adferat! Quod si post nostram etiam admonitionem in iisdem vitiis perseverarint, ne sic quidem nos desistemus apud vos quod rectum est consulere, quandoquidem & aquarum venæ, etiamsi nullus veniat aquatum, manant tamen: & fontes quamvis hauriat nemo, tamen scatebras emittunt, & amnes etiamsi nemo bibat, nihilo secius fluunt; Sic oportet & illum qui concionatur, quamvis nullus auscultet, tamen præstare quicquid in ipso situm est. Siquidem hæc lex nobis qui sacri sermonis administrationem suscepimus, a benigno præscripta est Deo, ne unquam quod quidem in nobis fuerit, facere defatigemur, nec ullo tempore sileamus, siue sit qui auscultet, siue sit qui prætercurrat negligens quod dicitur. Nam & Hieremias quum Judæis multa minitans, malaque imminencia prædicens, ab audientibus subsannaretur, totoque die rideretur, cogitabat ab illa prophetia desistere, nimirum humano quodam affectu victus, sannas illas & convitia perpeti non valens, ait: *Factus sum ridiculus toto die, dixi: Non loquar, neque nominabo nomen Domini, & factus est in me velut ignis ardens, atque æstuans in ossibus meis, ac dissolvor nec possum ferre.* Quod autem dicit hunc habet sensum: Volebam, inquit, a prædicatione desistere, propterea quod non auscultabant Judæi, & simul atque hoc cogitasset, irruit in animam meam Spiritus vis, velut ignis, omniaque intima mea succendit, consumens insuper & exedens ossa mea, adeo ut incendium illud ferre non possem. Quod si Propheta qui quotidie ludibrio habebatur, quotidie convitiis incessebatur, sic discruciatum est, eo

Cap. 2.

quod statuerat filere: qua tandem nos venia digni censebimur, si qui nondum tale quicquam perpeffi sumus, tamen ob quorundam negligentiam dejiciamus animum, & ab exhibenda illis doctrina celssemus, maxime vero quum tam multi sint, qui se præbent attentos. Non hæc loquor mei consolandi delinientique gratia. Nam meo quidem ipsius animo persuasi, quoad spiravero, & donec Domino visum fuerit nos in præsentī vita versari, hoc implere ministerium, siue quis attendat siue non attendat, ut faciat ea quæ præcipiuntur. Verum quoniam sunt nonnulli, qui multorum manus dissolvunt, neque contenti quod ipsi nihil utilitatis adferunt vitæ nostræ, etiam aliorum studium ac fervorem refrigerant sannis ac disteriis, dum ajunt, Desine bene consulere, desiste monere, Nolunt tibi auscultare, Ne quid sit tibi cum illis commercii. Quoniam ergo sunt quidam ista loquentes, inhumanam hanc sententiam, insidiasque Diabolicas excutere volens e multorum animis, pluribus hac de re differo. Siquidem & heri novi multos, qui talia verba protulerint, qui quum conspicerent aliquos in caupona detrivisse tempus, cum risu sannisque dicebant, Scilicet omnino persuasi sunt, Nemo prorsus cauponam ingressus est, Omnes sobrii sunt redditī. Quid ais homo? videlicet istuc polliciti sumus, nos uno die omnes illos reti capturos? Nam si decem modo persuasi fuerint, si quinque tantum, si unus, nonne nobis hoc sufficit ad consolationem? Ego vero dicam quiddam hoc etiam vehementius: Pone, neminem nostris dictis fuisse persuasum. Quanquam id fieri nunquam potest, nimirum ut sermo in tam multas aures disseminatus vacet omni fructu, Verum tamen pone istuc esse, ne sic quidem nobis nihil adferet lucrisermonis noster. Nam etiamsi nonnulli ingressi sunt cauponam, non tamen cum pari qua solent impudentia sunt ingressi, sed ad ipsam etiam mensam crebro nostrorum verborum recordati sunt, subiit illis nostra reprehensio, rediit in memoriam nostra objurgatio, ac recordantes rubore suffusi sunt, erubuerunt tacita cogitatione, nec simili impudentia fecerunt ea quæ solebant. Hoc autem initium est salutis, optimæque mutationis, si quem penitus sui pudeat, si quis prorsus damnet ea quæ fiunt. Quin ex hoc insuper & aliud nobis lucrum non minus nascitur. Quodnam hoc? Nimirum illud, quod eos qui sobrietatem amplectuntur reddimus modestiores magisque compositos, dum ex oratione nostra declaratur, quod optimis ducantur consiliis, qui non abducuntur exemplo multitudinis. Non erexi quidem ægrotantes, attamen eos qui valent, reddidi firmiores: Non abduxit a vitio sermo noster, sed tamen eos qui cum virtute vitam agunt, reddidit attentiores.

Super hæc quoque quiddam addam tertium. Hodie non persuasi, sed cras persuadere potero. Quod si minus cras, attamen perendie, aut quarto ab hinc die fortassis persuasero. Qui hodie quod audivit repulit, cras fortassis audiet ac recipiet; Tum qui hodierno crastinoque die contempsit, fortassis post dies complures præbebit animum iis quæ dicentur. Quandoquidem & illud crebro fit, ut piscator qui per totum diem vacuum attraxit rete, sub noctem jam abire parans, capto, qui

Tom. VIII.

D 3

ipsum

ipsum per totum fefellerat diem, pisce, discedat. Quod si ideo victuri sumus in otio, & ab omnibus actionibus videbitur abstinendum, eo quod semper evenit, ut alicubi frustremur optatis, universa nobis perierit vita: nec spiritualia modo, verum etiam illa quæ ad vitæ præsentis usum pertinent, simul interierint omnia. Etenim si agricola protinus ab agricoltione resiliat, quod semel atque iterum aut sæpius acciderit aeris inæqualitas, brevi fame periremus omnes. Item si nauclerus, ob semel atque iterum aut sæpius obortam tempestatem fugiat mare, futurum est ut nemo vehatur pelago, atque hinc rursum peribunt nobis omnia vitæ comoda. Quod si per singulas artes percurrans, ista quæ nos facere vis, suadeas moneasque, cuncta funditus interibunt, terraque carebit ædificiis ac domiciliis. Itaque quum hæc omnia sciant, etiam si semel atque iterum aut sæpius frustrati fuerint optato negotiorum, in quibus versantur, exitu, denuo pari cum alacritate redeunt ad eadem. Nam & ruricola, ubi semel atque iterum ac sæpius semen arvo commisit, nec votis respondet proventus, rursus eandem exercet segetem, neque raro fit, ut totius temporis jacturam uno sarciat anno. Sic & negotiator quamquam crebro fecit naufragium, non tamen abstinet a portu, sed & postea navim detraxit, & nautas conduxit, & pecuniis mutuo datis, eadem aggreditur negotia, idque, cum nihilo magis nunc sciat quomodo cessurum sit quam scierat antea. Denique quicumque solent aggredi rem quancunque ita facere consueverunt, quemadmodum faciunt agriculator ac negotiator. Et post hæc quum illi tantam abhibeant curam studiumque, circa res ad præsentis usum vitæ pertinentes, licet exitus sit incertus, nos si loquentes non auditi fuerimus, illico desinemus? Et quam obtinebimus veniam? Quid excusationis adferemus? Et tamen illis, si non successerit, nullus est qui damnum acceptum leniat. Veluti si mare navim fluctibus obruerit, nemo medebitur inopiæ naufragi. Si vis imbrium effusa in arvom præfocarit sementem, cogitur agricola vacuis manibus abire domum. Nostra vero quum loquimur aut exhortamur, non est eadem conditio. Imo si semen per te jactum auditor non receperit, nec obedientiæ fructum retulerit, tu tamen communicari consilii mercedem fers a Deo, nec minus accipies præmii, non auditis, quam accepturus eras, si ille obtemperasset. Quod erat in te, præstitisti; Cæterum ad id ut persuadeamus auditoribus, non sumus obstricti, sed tantum ut admoneamus. Nostræ quidem partes sunt admonere, illorum vero obtemperare. Et quemadmodum, si nos admonendi officio functi non fuerimus, etiam si decem millia benefactorum prodierint, ipsis solis repositum est præmium, ad nos nihil redibit lucri, quandoquidem non dedimus consilium; Ita si nobis admonentibus illi non auscultarint, ad ipsos solos redibit omnis ultio, nobis autem nihil imputabitur, quin potius copiosa merces nobis veniet a Deo, siquidem quicquid in nobis erat situm, præstitimus. Nihil aliud jubemur, quam apud mensarios deponere pecuniam. Loquere & admone; Verum non audit, Tu nihilo secius habes paratam mercedem. Ne destiteris, priusquam persuadeas, donec spiritum afflaveris. Terminus monendi, sit obedientia monitionem tuam recipientis.

Diabolus circumcursat obfistere cupiens nostræ salutis non solum ipse nihil hinc lucri reportans, verum etiam suo studio gravissima detrimenta sibi concilians. Is tamen usque adeo vefanus est, ut frequenter & illa tentet, quæ nequaquam fieri possunt, nec illos solum adoriatur, quos omnino confidit se supplantaturum dejecturumque, verum etiam eos, quos probabile est artibus ipsius fore superiores. Itaque quum audiret laudari ac mirifice prædicari Job, ab eo qui novit arcana omnia, nimirum Deo, sperabat fore, ut eum viribus superior subverteret, nec destitit omnia movere molirique, quo supplantaret hominem, nec desperavit impurus ille ac sceleratissimus Dæmon, idque quum Deus illi iusto tantum virtutis suo suffragio tribuisset. Et post hæc non erubescimus, neque pudore suffundimur, dic mihi, si quum Diabolus nunquam desperet nostram perniciem, sed indefinenter eam exspectet, nos fratrum salutem desperaverimus?

A Et tamen illum decebat etiam priusquam expertus esset a lucta abstinere, nam Deus erat, qui testimonium ferebat de iusto. Nec tamen abstinit, sed præ nimio furore quo fertur adversus nos, etiam post Dei testimonium sperabat futurum, ut illius ætatis præstantissimo viro superior evaderet. Cæterum nihil est tale, quod nos in desperationem adigat, & tamen desistimus. Ac Diabolus quidem vetante Deo, non discedit a pugna adversum nos suscepta, tu vero quum Deus mandet extimuletque ad subveniendum lapsis, resiliis refugisque. Audierat Diabolus loquentem Deum, homo iustus, verus, timens Deum, abstinens ab omni opere malo, quodque nullus esset illi similis ex iis qui sunt super terram, & tamen post tanta taliaque iudicia perseveravit dicere: Quid si quando perpetuitate magnitudineque malorum irruentium valeamus illum superare, & hanc excelsam dejicere turrim? Quis igitur erit nobis veniæ locus, aut quid excusabimus, si quum tanta sit mali Dæmonis in nostrum insanientis exitium vigilantia, nos ne tantulum quidem similis diligentia adferamus ad salutem fratrum nostrorum, præsertim quum Deum habeamus auxiliatorem? Itaque quum videris fratrem tuum, durum, rigidum, minimeque attentum, dic apud te ipsum: Quid si progressu temporis aliquando valeamus illum flectere? Hoc nimirum & Paulus præcepit: *Servum Domini non oportet litigare, sed placidum esse erga cunctos, erudientem eos qui resistunt veritati, si quando dei illis Deus penitentiam in agnitionem veritatis.* An non vides parentes, quomodo filiis suis, licet frequenter desperatis, assident, lachrymantes, lamentantes, exosculantes, omnia quæ possunt admoventes, ad supremum usque halitum? Hoc quoque facito pro fratribus. Et tamen illi non possunt lachrymis ac lamentis, neque morbum depellere, neque mortem imminuentem abigere. Tu vero frequenter poteris, animam deploratam, assiduitate instantiaque per lamenta revocare ac suscitare. Dedisti consilium, nec persuasisti, illachryma, punge frequenter ac suspira paululum, ut tua sollicitudo incutiat illi verecundiam, itaque se convertat ad salutem. Quid ego solus possem efficere? Neque enim quotidie vobis omnibus adesse valeo, neque suppetit mihi facultas, ut solus cum tanta disputatione multitudinem. Cæterum si vos velitis inter vos, aliis aliorum partiri curam salutis, ac vestrum quisque unum suscipere fratrum neglectorum, illico nobis cresceret edificatio. Et quid attinet dicere de iis, qui post multam & diutinam admonitionem seipsos ad meliorem frugem recipiunt? Etenim quum illi non teneantur immedicabili morbo, non oportet desistere, neque curam abjicere, etiam si certum præsciamus, futurum, ut post multam sollicitudinem, multamque adhibitam admonitionem nihilo plus simus profecturi.

Quod si hæc oratio vobis videtur incredibilis, ex factis dictisque Christi reddemus eam credibilem. Nam nos quidem ignari sumus futurorum, unde nec dijudicare possumus de iis qui audiunt, utrum obtemperaturi sint dictis nostris, an secus. Christus autem istarum rerum certam habens præscientiam, non defatigatus est corrigendis iis a quibus audiebatur, usque ad extremum. Itaque quum sciret Judam non esse revocandum a prodicione, non tamen cessavit, assiduis consiliis, monitis, beneficiis, minis, demum omni doctrinæ specie a prodicione retrahere, nec destitit illum dictis ceu freno cohibere. Hoc autem fecit nos instituens, ut etiam si præsciamus futurum, ut fratres non obtemperent, tamen quicquid in nostra fuerit facultate præstemus, tanquam parata nobis admonitionis nostræ mercede. Vide autem quanta assiduitate quantaque sapientia illum cohibuerit, *Unus vestrum me proditurus est.* Ac rursum: *Non de omnibus vobis loquor, novi quos elegi.* Ex: *Unus ex vobis Diabolus est.* Sustinuit omnes in angorem inducere, ne vulgaret proditorem, ac manifesta redargutione redderet etiam impudentiorem. Nam ut intelligas quod illis etiam angorem iniecerint Christi dicta, licet sibi nullius mali consciis, audi quomodo quisque anxius dicit: *Num ego sum, Domine?* Neque vero dictis tantum, verum & factis illum corripuit, videlicet, quod quum humanitatem suam frequenter ac modis omnibus declarasset, leprosus emundans,

dans, Dæmones abigens, ægrotos sanans, mortuos excitans, dissolutos astringens, breviter, quum omnibus benefecisset, neminem tamen puniit, semper habens in ore: *Non veni ad vocandum iustos, neque ut iudicem mundum, sed ut servem mundum.* Cæterum ne putaret Judas, quod tantum nosset benefacere, punire vero nequaquam, & hanc quoque docuit portionem, videlicet quod punire posset supplicioque afficere peccantes. Jam & illud vide, quam sapienter, quamque modis ipso dignis hoc docuit. Hominem punire supplicioque afficere sustinuit neminem. Quis sic? Ut discipulus puniendi facultatem in eo cognosceret. Etenim si quem punisset, declarasset ipsum pugnare secum, quippe qui dixerat: *Non veni ut iudicem mundum, sed ut servem mundum.* Rursum si neminem punisset, mansisset incorrigibilis discipulus, nisi & factis didicisset illi esse puniendi facultatem. Quid igitur? Ut simul & terreret discipulum, ne per contemptum fieret deterior, nec ullus tamen hominum, afflictionem, poenam, aut supplicium pateretur, in ficum arborem Christus hanc suam potestatem exercuit, dicens: *Ne posthac ex te fructus nascatur, eaque mox simpli-oi verbo exaruit.* Hoc pacto factum est pariter, ut & nihil noxæ rediret ad ullum hominem, & ipse suam potentiam declararet, vindicta in arborem impacta. Discipulus autem si hæc animadvertisset, ingentem ex hac ultione cepisset utilitatem. Sed Deus præscius & hoc eventurum, non hoc tantum, verum etiam aliud hoc multo majus effecit. Quum gladiis & fustibus armati manus in ipsum pararent injicere, tum illos omnes excæcavit. Id enim declaravit, quum diceret: *Quem queritis?* Quum enim Judas frequenter dixisset: *Quid vultis mihi dare, & ego vobis tradam eum,* ille volens etiam ipsis Judæis facere fidem quod volens ad mortem iret, nec Judæa malitia victus huc adigi potuerit, ipso proditore, cum cæteris omnibus astante, *quem,* inquit, *queritis?* Itane non novit quem erat proditurus? Sed Dominus obcæcarat illius oculos, nec id solum, verum etiam omnes hac voce resupinatos dejecit in terram. Ubi vero nec ea res illos reddidit humaniores, neque scelerosum illum a proditione revocavit, sed perseverabat insanabilis, ne sic quidem alienatus est Dominus, quo minus rursus illi tum benevolentiam, tum curam impenderet. Sed age considera, quomodo pungit, loquens verba, quæ maxime possent animæ impudenti pudorem incutere, inio quæ vel saxeam mentem queant emollire. Etenim simul atque Judas irruisset ad eum osculaturus, quid ait? *Judas, osculo filium hominis prodis?* Nec ipsa proditionis species pudorem incussit homini. Hæc autem dicebat taxans ac pungens illum, pristinaeque commonefaciens consuetudinis. Attamen quum Christus tam multa tum fecisset, tum dixisset, ille tamen nihilo factus est melior, non quod parum esset potens qui monebat, sed quod ille vecors. Christus autem quum hæc omnia præficeret, non desit tamen ab initio usque ad finem suam exhibere benignitatem. Sic igitur & nos, etiamsi sciamus omnia, debemus tamen infatigabiliter ac per omne tempus fratres nostros neglectos componere, etiamsi nihil ex admonitione fructus sit redditurum. Etenim si Dominus qui prænoverat hujusmodi futurum eventum, hac usus est sollicitudine erga eum, qui nihil fructus laturus erat ex admonitione, qua tandem venia digni fuerimus nos, si, quum incertus sit nobis rerum eventus, adeo socordes fuerimus circa proximi salutem, post unam atque alteram admonitionem eos deserentes? Denique præter hæc omnia quæ dicta sunt, etiam quid in nobis ipsis accidat consideremus, reputantes, quod quum Deum nobis quotidie loquentem, per Prophetas, per Apostolos audiamus (nam audimus quotidie) haud tamen desinit, vel appellare, vel docere rebelles parumque attentos. Quin & Paulus clamat, dicens: *Pro Christo legatione fungimur, tanquam Deo per nos obsecrante, rogamus pro Christo, reconciliemini Deo.* Quod si dicendum aliquid novum & admirandum, haud tantum laudis meretur is qui præcitat futurum ut is qui consilium accipit obtemperet, quantum is qui frequenter locutus, frequenter adhibita monitione, frustratus est, nec sic tamen desistit. Nam priorem illum spes, pollicens futu-

rum ut qui audit obtemperet, etiamsi seignissimus fuerit excitat ad officium admonendi. Contra hic quum assidue moneat, nec audiatur, nec eo tamen desistit, fervidissimæ cujusdam ac verissimæ charitatis argumentum præbet, qui quum nulla simili spe alatur, tamen ob vim amoris erga fratrem, non desinit illius agere curam.

Verum non oportere nos unquam desistere a cura lapsorum, etiamsi præsciamus illos nobis non obtemperaturos, abunde demonstratum est. Superest, ut ad eorum reprehensionem transeamus qui delitiis indulgent. Donec enim durarit hoc festum, donec ebrietatis vulnera mentibus ebriosorum inflixerit Diabolus, oportet & nos admoveere remedia. Heri quidem Paulum illis exhibuimus dicentem: *Sive editis, sive bibitis, omnia in gloriam Dei facite.* Hodie vero ipsum Pauli Dominum illis proferemus, non modo consulentem aut monentem a deliciis abstinere, verum etiam insultantem ac punientem eum qui in deliciis vixerat. Nam historia de Divite ac Lazaro, deque iis quæ cæteris horum similibus acciderunt, nihil aliud quam hoc declarat. Quin potius ne leviter hoc aut obiter agamus, ordine vobis ipsam parabolam recitabimus: *Homo quidam erat dives, & induebatur purpura ac bysso, & epulabatur quotidie splendide. Erat autem mendicus quidam nomine Lazarus, qui jacebat in vestibulo illius ulcerosus, cupiensque saturari de micis quæ decidebant e mensa divitis. Sed & canes ad- euntes, circumlingebant ulcera ejus.* Qua gratia Dominus per parabolas locutus sit, & quam tandem ob causam ex parabolis alias quidem explicuerit, alias non item: & quidnam sit parabola, & si qua sunt hujus generis alia, in aliud tempus reservabimus, ne ab oratione quæ nunc festinat, digrediamur. Cæterum illud modo vobis dicemus in præsentia, quis Evangelistarum scripserit hanc parabolam a Christo fuisse propositam. Quis igitur is est? Nimirum Lucas solus, quandoquidem & hoc scire refert, quod inter ea quæ referuntur ab Evangelistis, alia dicuntur a quatuor communiter, alia speciatim a singulis. Quam ob causam? ut simul & nobis esset necessaria reliquorum sacra lectio, & evidenter perspicua fieret illorum inter ipsos consonantia. Etenim si omnes omnia dixissent ita certa & explorata, ut nullam desiderarent inquisitionem, nequaquam apparuisset illorum insignis concordia. Quapropter, & omnes communiter multa scripserunt, & sibi quisque proprie sumpsit nonnulla. Quid igitur dicit Christus? Homo quidam erat dives, cujus vita variis vitiis erat inquinata, nec ipse tamen ullam sentiebat calamitatem, verum illi cuncta velut e fontibus affluebant. Quod enim illi nihil acciderit subitum aut inopinatum, nec ulla doloris materia, nec ulla ægrotudo oborta rerum mundanarum prosperitatem interruperit, hoc ipsum aperuit Lucas, dicens: *Epulabatur & gaudebat quotidie.* Cæterum quod vitiosam egerit vitam, perspicuum est ex ipso vitæ exitu, quem fortitus est, & item ante vitæ exitum, ex eo quod sic fastidivit pauperem. Nam ista res declarat, quod non hujus solum qui jacebat in vestibulo, verum nec alterius cuiusquam ille misertus fuerit. Etenim si illum perpetuo in vestibulo prostratum, quem quotidie semel atque iterum ac sæpius videre cogeatur, foras prodians ac domum rediens: Non enim in bivio nec in angiporto, occultove loco decumbebat, sed qua frequenter exiebat intrabatque dives, sic ut vel nolens aspicere videretur: ergo si illum non est commiseratus, erga quem casu obviorum flexus est unquam misericordia? Etenim ut primum diem neglexerit, certe consentaneum erat, ut altero die sentiret aliquid affectus. Quod si hoc quoque die dissimulavit, certe tertio die, certe quarto, certe quinto, aut huic proximo die prorsus animo flecti debebat, licet feris quoque fuisset immitior. Verum nihil istiusmodi sensit, sed illo quoque iudice, qui neque Deum metuebat, nec hominem reverebatur, & impudentior erat, & inexorabilior. Nam illum quidem viduæ instantia, quamvis crudelem & asperum, tamen flexit ad gratificandum, vicitque mulieris supplicatio. Hunc vero ne ista quidem res flectere potuit, ad subveniendum pauperi. Quanquam non erat similis postulatio, sed hujus nempe Lazari multo fuit tum facilior, tum justior. Nam vidua

Mar.
11.

Joan.
18.

Luc.
18.

quidem illum implorabat adversus hostes suos, hic nihil aliud petebat, quam sedare famem, ille tamen contempsit pereuntem iacentemque. Illa flagitabat obstrepens, hic autem sepius uno die stimularetur accessu famis, filius autem iacebat diviti jacensque. Hoc certe satis erat, vel etiam cor emolliendum. Etenim qui obtundunt, in nos frequenter etiam provocamur ira. Cæterum quoties videmus egenos multo cum silentio astantes, neque vocem ullam edentes, imo etiam si semper frustrentur, non tamen moleste ferentes, sed tantum offerentes sese nostro conspectui, quamvis simus ipsis lapidibus duriores, tamen admirabilem illam pauperum modestiam reveriti, flectimur. Jam & aliud accedebat, his quæ dixi non minus, videlicet quod ipsa quoque facies pauperis erat miserabilis, utpote fame diutinaque valetudine confecta. Attramen nec harum rerum quicquam implacabilem illum emolliit. Hæc igitur prima vitiosa crudelitas erat inhumanitasque, cui nihil poterat accedere. Nec enim simile est, si cui res sunt tenues non succurrat egenis, & si tantis affluens deliciis, fame tabescentes despiciat. Rursus simile non est, si pauperem semel atque iterum conspectum prætercurras, & quum quotidie videas, ne sic quidem ex assiduo conspectu sensum humanum excitari ad misericordiam. Rursus aliud est, si qui calamitatibus & angustis premitur, maleque affectus est animo, non opituletur proximo: aliud si qui tanta fruitur voluptate perpetuaque felicitate, alios fame tabescentes negligat, ocludatque viscera, nec vel ab ipsa lætitia reddatur humanior. Nam illud profecto nostis, quod licet simus omnium immitissimi, tamen successu rerum mitiores benignioresque reddi consuevimus. At illum ne copia quidem rerum reddebat meliorem, sed perseverabat versus in feram, imo potius omnium ferarum crudelitatem & inhumanitatem moribus præstitit. Et tamen hanc scelerosam & inhumanam vitam agens, omni rerum prosperitate fruebatur. Alter vero iustus, ac virtutis studiosus in extremis erat malis. Nam Lazarus fuisse iustum duobus argumentis declaratum est, tum exitu vitæ, tum & ante vitæ finem, ipsa hominis in paupertate tolerantia. Quæso, nonne videmini hæc oculis intueri? Diviti navis erat plena mercium, ac secundo navigabat vento. Verum ne quid mireris, ad naufragium festinabat, eo quod onus nolebat circumspicere ponere. Vis tibi commemorem & aliud illius vitium? Quotidie vacabat deliciis. Nam & hoc erat vitium, non modo hoc tempore, quum tanta a nobis exigitur philosophia, verum etiam initio sub veteri Testamento, quum nondum nobis esset ostensa tam exacta philosophia.

Amos 6. Audi igitur quid dicat Propheta: *Va vobis, qui venturi estis in diem malum, qui appropinquatis, & tangitis sabbata mendacia.* *Judæi* putant sibi sabbatum otii gratia fuisse datum, verum non ista est causa, sed potius ut abducti a curis rerum temporalium, otium omne consumerent in spiritualibus. Quod enim sabbatum non otii, sed spiritualis actionis materia sit, dilucidum est ex ipsis rebus. Nam Sacerdos eo die duplum facit operis, qui quotidie non nisi unicam hostiam offerre solitus, sabbato jubetur offerre geminam. Quod si prorsus esset otii dies, oportebat Sacerdotem omnium maxime otium agere. Quoniam igitur *Judæi* corporalium rerum curis liberati, non vacabant spiritualibus, ut puta, sobrietati, modestiæ, & audiendis divinis sermonibus, sed contrarium potius faciebant, servientes ventri, indulgentes ebrietati, distenti cibis, delicias, audi quomodo illos reprehendat Propheta. Quum enim dixisset, *tangentes sabbata mendacia*, subjunxit: *Qui dormitis in lectis eburneis, ac lascivitis in stratis vestris. Qui comeditis hados & caulis, & vitulos & bubilibus lactentes, qui bibitis vinum defecatum, ac primis unguentis ungimini.* Accepisti sabbatum, ut animam tuam liberares a vitiis, tu vero tum magis illa committis. Quid enim esse possit ista mollitie nequius, quam indormire lectis eburneis? Nam cætera quidem peccata delectationem habent, velut in temulentia & adulterio, cæterum in lectis eburneis dormire, quam adfert voluptatem? quod solatium? Num lecti pulchritudo reddit nobis somnum suaviorem dulcioremque? Imo gra-

A viissimum est istud molestissimum. Si modo sapiamus. Etenim si dum tu dormis in eburneo lecto, tecum reputes, quod alius ne panem quidem habet quo secure vescatur, nonne te tua condemnabit conscientia, insurget in accusationem istius inæqualitatis? Quod si crimen est eburneis indormire lectis, quum undique etiam argento fuerint convestiti, quam adferemus excusationem? Vis *lecti* videre pulchritudinem? Ego tibi nunc commonstro, non plebei neque militaris, sed regalis ornatum. Etenim quamvis fueris omnium ambitiosissimus, sat scio non optabis tibi lectum pulchriorem quam Regis, & quod majus est Regis non cujuslibet, sed primarii, Regumque omnium regalissimi, quique in hodiernum usque diem celebratur toto terrarum orbe. En, ostendo tibi lectum beati *David*. Qualis igitur erat ille? Non argento & auro, sed undique lachrymis & confessione erat exornatus. Hæc ipse fatetur ita loquens: *Lavabo per singulas noctes lectum meum, lachrymis meis stratum rigabo.* Itaque vice margaritarum undique lachrymis erat distinctus. Hic mihi considera mentem amore Dei flagrantem. Nam quoniam interdum variæ sollicitudines curæque principum, ducum, gentium, populorum, militum, bellorum, pacis, civilium ac domesticorum negotiorum, eorum quæ procul, eorum quæ prope, distrahebant & avocabant hominem, quod otii cæteri consumunt somno, ille in confessione, lachrymis, ac precibus impendebat. Neque id ita faciebat per unam noctem, ut altera desisteret, neque sic per duas tresve, ut interim deficeret, verum singulis noctibus id faciebat, *Lavabo enim, inquit, per singulas noctes lectum meum, & lachrymis meis stratum meum rigabo*, videlicet lachrymarum ubertatem exprimens simul & perpetuitatem. Quum omnes quietem & otium agerent, solus ille tunc Deum interpellabat, & aderat sopori nescius oculus ploranti, lamentantique suæque profitenti mala. Talem tu quoque tibi parato lectum. Nam lectus argento obtectus cum invidiam hominum accersit, tum iram supremi Numinis inflamat. Cæterum tales lachrymæ quales erant *Davidis*, ipsum etiam gehennæ incendium norunt extinguere.

Vis tibi alium commonstrem lectum *Jacob*? Solum habebat substratum & lapidem capiti suppositum, eoque vidit illum intelligibilem lapidem, eaque scalas per quas ascendebant ac descendebant Angeli. Hujusmodi lectos excogitemus, ut ejusmodi videamus infomnia. Quod si lecto argenteo indormiemus, non modo nullam capiemus voluptatem, verum etiam animi molestiam perferemus. Quum enim tibi succurrit, quod in summo rigore mediaque nocte, dum tu lecto indormis, pauper in balnearum vestibulis, paleis distentæ culcitra incubat, culmis circumtectus, tremens ac rigore concretus, fame cruciatus, etiam si maxime sis lapideus, sat scio condemnabis teipsum, quod tibi permittas supra quam opus est frui rebus ac deliciis indulgere, quum illi nec ad usum suppetat. Nullus, inquit, militans, im- 2 Ti- plicatur temporariis negotiis, miles es spiritualis. Talis mosh. 2. autem miles non dormit in lecto eburneo, sed humi. Non oblinitur unguentis. Nam ista cura est meretriciis amoribus implicatorum ac perditorum, scenicorum, mentisque deploratæ hominum. Te vero non oportet olere unguentum, sed spirare virtutem. Nihil immundius anima, quoties corpus talem habet fructum. Corporis enim ac vestium fragrantia, arguit intus latere animum graveolentem & immundum. Quum enim Diabolus aggressus, deliciis eviraverit animam, omnique vitiorum genere compleverit, tum & in corpore suæ corruptionis lectum oblinit unguentis. Nec secus atque hi qui pituita nasi catarrhoque perpetuo laborant, & vestes, & manus, & faciem contaminant, eo quod subinde narium profluvium abstergunt, anima quoque istius pravi profluvii malitiam in corpus abstergit. Quis enim præclarum aliquid aut bonæ frugis opinabitur, de eo qui spirat unguenta, qui muliebribus gaudet, qui saltatricularum elegit vitam? Spi-ret anima tua fragrantiam spiritualem, quo tum tibi ipsi, tum aliis tecum viventibus maximam adferas utilitatem. Nihil est enim, nihil est, inquam, deliciis perniciosius. Audi rursus quid de

Dent. 2. de illis dicat Moyses? *Impinguatus est, increpatus est, dilatus est & recalcitravit dilectus.* Nec ait, *recessit*, sed *recalcitravit dilectus*, illius intractabilitatem nobis significans. Atque alio rursus loco: *Ubi comederis ac biberis cave tibi, ne quando obliviscaris Domini Dei tui.* Adeo delitiæ solent ad Numinis oblivionem adducere.

Proinde tu quoque cum federis ad mensam, memento quod post convivium orandum est tibi. Ita moderate ventrem exple, ne gravatus non queas genua flectere, ac Deum invocare. An non vides quod jumenta jugum ferentia, posteaquam ad præsepe pasta sunt, iter agunt, onera gestant, suumque explent ministerium. Tu vero qui sublata mensa, ad omne opus inutilis es & inidoneus, num vitare poteris, quo minus videaris asinis deterior? Quam ob rem? Quia tum maxime convenit esse sobrium ac vigilantem. Nam tempus post mensam, agendi gratias tempus est. Non decet autem agentem gratias ebrium esse, sed sobrium ac vigilantem. A mensa non ad lectum, sed ad deprecationem vertamur, ne brutis animantibus simus magis bruti. Novi fore multos, qui damnent ea quæ nunc dicuntur, veluti qui novam quandam & miram consuetudinem inveham concionandi. At ego magis damnabo pravam consuetudinem, quæ nunc obtinuit. Etenim quod post cibum ac mensam non ad somnum oporteat ire nec ad cubile, sed oporteat cibo preces ac divinarum Scripturarum lectionem succedere, manifestius declaravit ipse Christus, qui quum immensam multitudinem accepisset convivio in deserto, non remisit illos ad lectum aut somnum, sed ad audiendos sermones divinos invitavit. Non enim distenderat illorum ventres, neque ad ebrietatem impulerat, verum ubi saturasset illos quantum exigebat necessitas, ad spiritualem adduxit alimoniam. Idem nos quoque faciamus, eoque modo consuecamus capere cibum, ut ad vitam tuendam duntaxat sufficiat, non ut nos valeat gravare. Non enim in hoc nati sumus ac vivimus, ut edamus ac bibamus, sed ideo edimus ac bibimus, ut vivamus. Ab initio non erat cibi causa data vita, sed vitæ causa datus est cibus. Nos vero perinde quasi ob hoc ipsum viveremus, ita cuncta in hoc infumimus.

Cæterum ut vehementior etiam fiat deliciarum redargutio, acriusque pungat in his vitam agentes, age rursus ad *Lazarum* referamus sermonem. Hoc enim pacto fiet, ut nobis sit efficacior admonitio consiliumque nostrum, quum videatis non verbis, sed factis corripiri puniri que eos qui indulgent ingluviei. Dives igitur ille cum tanta vivebat improbitate, quotidie deliciis vacans, lautisque patinis fruebatur, gravius sibi ipsi supplicium accersens, majusque parans incendium, ac vindictam Dei reddens implacabilem, ultionem exasperans sic ut veniæ locus non esset. Pauper autem projectus erat in vestibulo, nec tamen erat morosus, nec dicebat convitia, nec indignabatur. Non dicebat apud se quod dicunt complures. Quid tandem est hoc? Iste qui improbam crudelemque vitam agit & inhumanam, omnibus modis supra quam opus est fruitur rebus, nec ullam animi molestiam patitur, nec aliud quicquam inopinatum, qualia multa solent in rebus humanis accidere, sed pura nullaque ægritudine contaminata voluptate fruitur. Mihi vero ne tantum quidem impartitur alimonie, quantum postulat necessitas. Verum isti qui in parasitos & adulatōres, ac temulentiam quicquid habet consumit, non aliter quam *e fonte* cuncta affluunt. Ego porro hic jaceo, exemplum iis qui me conspiciunt, probrum ac ludibrium, fame contabescens. An hæc sunt providentiæ? An ulla justitia despicit res hominum? Nihil horum neque dixit, neque cogitavit. Unde hoc liquet? Ex eo quod Angeli stipatum illum deduxerunt, inque sinum *Abræ* delatum deposuerunt. Quod si blasphemus fuisset, nequaquam illi tantum contigisset honoris. Ita cæteri quidem ob hoc demum tantopere mirantur hominem quod in paupertate vixerit. Ego vero doceo illum novem supplicia pertulisse, non quo puniretur, sed quo clarior redderetur. Quod quidem etiam evenit. Nam paupertas quidem res est vere molesta, id quod norunt quicumque sunt experti. Nec enim ulla oratio possit assequi cruciatum, quem

A sustinent iis quibus cum paupertate res est, si nesciant uti philosophia. In *Lazaro* vero non ista tantum erat calamitas, verum etiam adversa valetudo erat affixa, eaque supra modum gravis. Vide siquidem quemadmodum declarat utramque calamitatem ad summum pervenisse. Nam quod omnem paupertatem *Lazari* paupertas tum superaverit, declaravit dicens, quod *ne micis quidem potiri liceret qua cadebant de mensa divitis.* Porro quod valetudo quoque ad eandem mensuram pervenit ad quam paupertas, ultra quam non posset amplius proferri, & id quoque rursus declaravit dicens, quod *canes lingebant ulcera ejus*: adeo erat fractis viribus, ut nec canes quidem posset abigere, sed vivum cadaver jacebat, videns quidem eos accurrentes, nequaquam tamen valens depellere: usque adeo illi membra erant soluta, usque adeo erant arfacta morbo, usque adeo consumpta erant afflictione. Vides vehementer supraque modum & paupertatem, & valetudinem oppugnantem corpus illius. Quod si horum unum quodque per se intolerabile est & acerbum, quum simul conglomerata fuerint, an non Adamas quispiam fuerit, qui hæc perferat? Multi frequenter laborant adversa valetudine, cæterum non egent iis quæ ad victum sunt necessaria. Alii paupertati extremæ sunt obnoxii, verum potiuntur bona valetudine, sic ut altera res alterius sit solatium, huic vero ambo concurrebant mala. Age, posses mihi nominare quempiam, simul & adversæ valetudini & paupertati obnoxium, sed non usque adeo desolatum ac destitutum. Nam ille quidem quanquam non ex sese neque a domesticis ac familiaribus, tamen ab his qui videbant, misericordia flexis sublevare poterat, in publicum projectus. Huic vero molestias eas quas antea diximus, molestiores reddebat, quod ab his qui assistere debebant, erat desertus, & hanc ipsam solitudinem rursus molestiorem videri faciebat, quod in vestibulo divitis jacebat. Etenim si in terra deserta nullisque habitata, jacens, hæc passus fuisset, neglectusque jacuisset, haud quaquam tantundem habuisset cruciatus. Nam si nullus adsit, hoc ipsum etiam nolenti persuadet, ut ferat quæ accidunt. Cæterum quod in medio tam multorum jacens, ebrietati indulgentium, suaviter viventium, a nemine vel vulgarem curam nancisceretur, id reddebat sensum dolorum acriorem, magisque incendebat animi ægritudinem. Non enim perinde si absint qui succurrant, atque si adsint quidem, sed nolint porrigere manum, mordere solet animum in calamitatibus, quod quidem tum huic accidit. Nullus erat qui dictis consolaretur, nullus qui factis adferret solatium, non amicus, non vicinus, non cognatus, non videntium quisquam, adeo erat tota divitis deliciis corrupta familia. Ad hæc aliam doloris accessionem adjungebat, quod alterum illum in felicitate conspiciebat, non quod invidus esset ac pravus, sed quod omnes solent in aliorum prosperitate exactius suas sentire calamitates. Non enim jam solum suam ipsius calamitatem cum illius prosperitate conficiens, graviores reddidit suorum malorum sensum, verum etiam perpendens quod ille vitam ducens crudelē & inhumanam in omnibus prosperaretur, ipse vero virtutem ac modestiam amplexus, extrema pateretur mala, inconsolebilem animi molestiam & hinc sustinuit. Nam si vir justus fuisset dives, si modestus, si suspiciendus, si omni virtute præditus, nequaquam illi perinde doluisset. Nunc vero quum dives esset, & vitam ducens improbam, & ad extremum usque malitiæ proventus, & tantam inhumanitatem ostendens, & hostilem animum gerens, nec secus atque lapidem ipsum prætercurrens, sine verecundia, sine misericordia, denique super hæc omnia, tanta potiens rerum copia, cogita quam probabile sit, quod velut alternis fluctibus merferit ille pauperis animum: cogita qualiter affectum fuisse *Lazarum* consentaneum est, quum videret parasitos, adulatōres, famulos ascendentes, descendentes, egredientes, ingredientes, circumcursantes, tumultuantes, ebrios, salientes, omne lasciviæ genus exhibentes: sic enim quasi propter hoc venisset ut esset alienorum bonorum testis, ita in vestibulo projectus erat, solum vitæ tantum habens ut sua mala sentire posset, in

portu faciens naufragium, juxta fontem molestissima sit ti diseriuius animo. Dicam & aliud quoddam præter hæc malum. Non poterat alium videre *Lazarum*. Nam nos etiam si innumera patiamur mala, habemus tamen ad illum spectantes unde sufficientem accipiamus consolationem, magnumque feramus molestiæ delinimentum. Nam malorum nostrorum reperire consortes five in factis, five in dictis, multum adfert solatii lugentibus. Ille vero neminem alium habebat ad quem respiceret eadem cum illo passum, imo ne audire quidem poterat de quoquam, qui majorum ipsius ætate, tam acerba sustinisset. Hoc autem satis est ad inducendam animo caliginem. Possum & aliud his omnibus addere, videlicet, quod ne de resurrectione quidem quicquam potuerit philosophari, sed hujus vitæ res credebatur hujus vitæ fine terminari. Erat enim ex eorum numero, qui gratiam Evangelii præcesserunt. Quod si nunc his temporibus post tantam Dei cognitionem, post egregias resurrectionis spes, post illic repocita peccantibus supplicia, post parata iis qui recte vixerunt bona, adeo dejectis animis ac miseris sunt nonnulli, ut ne horum quidem expectatione corrigantur, quid tandem est putandum illi accidisse, etiam hac destituto ancora? Nam ille tale nihil unquam philosophari potuit, eo quod nondum advenisset tempus ejusmodi dogmatum.

Ad hæc & aliud quiddam accessit, quod & fama ipsius apud homines imprudentes traduceretur. Solet enim hominum vulgus ubi quos viderint in fame perpetuoque morbo & extremis agentes malis, nec opinionem de eis habere bonam, sed ex ipsa calamitate æstimare vitam, & omnino judicare illos ob malitiam sic affligi, aliaque multa hujus generis inter se loquuntur, stulte quidem illi, loquuntur tamen. Hic si Deo carus esset, nequaquam ipsum in hujusmodi malis esse pateretur. Hoc & in *Job* & in *Paulo* venit usu. Nam & illi dicebant: *Nonne frequenter tibi dictum est in labore, vim autem verborum tuorum quis sustinebit? Si enim tu consolatus fuisses multos, genibusque infirmis addidisses fiduciam, nunc vero pervenit in te labor, tu vero curasti. Nonne tuus labor est?* Si quid tibi, inquit, bonæ rei gestum fuisset, haud quaquam ista patereris, sed peccatorum & iniquitatis luis poenas. Et hoc erat quod maxime mordebat animum *Job*. Ac de *Paulo* barbari hoc ipsum dicebant: quum enim viderent viperam pendente de manu illius, nihil boni de illo suspicabantur, sed existimabant eum hominem esse de numero eorum, qui extrema perpetrarunt scelera. Id *Act. 28.* perspicuum est ex his quæ dicebant: *Hunc, inquit, a mari servatum, ultio non passa est vivere.* Hoc autem non mediocriter nos quoque conturbare consuevit. Attamen quum fluctus essent tam multi vicissimque alii super alios, illum impeterent, non tamen demersum est navigium, sed perinde ut si in fornace positus veluti perpetuo rore refocillaretur, ita philosophabatur. Non dicebat apud sese quicquam tale, quale vulgus dicere verisimile est: *Iste dives si mortuus illic punitur datque poenas, unum factum est unum, si vero illic iisdem potitur honoribus, duo facta sunt nihil.* An non hæc per fora circumfertis vos vulgares vestrum plerique, ex circensibus paganorumque theatris in Ecclesiam importantes. Pudet me quidem ac rubore suffundor, qui talia verba in medium proferam, nisi quod necesse est hæc dicere, ut vos a risu, probro, noxiisque verbis liberemini. Hæc multi frequenter dicunt ridentes, verum hoc quoque Diabolice versutiæ est, loco dictorum civilium & urbanorum perniciose in vitam nostram inducere dogmata. Hæc si ne fine & in officinis fori, & in ædibus plerique circumferunt, quæ res extremæ est diffidentiae, maximeque ridicula, animique puerilis. Nam dicere num hinc profecti mali puniuntur, nec hoc vehementer habere persuasum, quod omnino puniendi sunt, diffidentium est ac dubitantium. Illud vero quamvis hoc eveniret, quemadmodum etiam eventurum est, putare malos æquale præmium cum iustis reportare, extremæ dementiæ est. Quid ais dic mihi? *Si dives illic profectus punitur, unum factum est unum?* & quomodo istuc possit consistere? Quot enim annis vis illum hic pecuniis fuisse fruitum? vis ponamus centum? Ego vero etiam ducentos pono, po-

A no trecentos, pono bistantum, & si vis mille, quod sane fieri non potuit (*Dies enim, inquit, annorum nostrorum in ipsis septuaginta anni, si autem in potentatibus octoginta*) attamen ponantur mille, num potes, quæso te, vitam ostendere quæ finem non habeat, ac terminum nesciat, qualis est illic iustorum? Age igitur, cedo, si qui in annis centum, vidisset per unam noctem suave somnium, multisque deliciis per somnum fruitus esset, centum annis puniretur, num is de hoc dicere posset, unum unum, & unicam noctem qua somniavit centum annis æquiparare? Dictu absurdum. Hoc jam & de futura vita cogita. Nam quod est somnium unum ad annos centum, hoc est præsens vita ad vitam futuram, imo potius multo minus. Quod est exigua gutta ad pelagus immensum, hoc sunt anni mille ad futuram illam fructuionem. Et quid tandem queat aliquis amplius dicere, nisi quod terminum non habet, & finem nescit, quantumque interest inter somnia & res veras, tantum interest inter hujus vitæ statum & illius. Quin & alioqui antequam illic puniantur, jam nunc qui improbe agunt atque in peccatis vivunt, puniuntur. Nec enim mihi dixeris illum mensa sumptuosa frui, vestibibus circumdari sericis, mancipiorum greges circumferre, alios submovere in foro, sed explica mihi istius conscientiam, & videbis intus gravem peccatorum tumultum, jugem metum, tempestatem,urbationem: videbis velut in curia mentem ad thronum conscientiae conscendisse regalem, & tanquam judicem quempiam sedentem, & cogitationes loco carnificum adhibentem, in eculeo suspendentem, lateraque conscientiae radentem unguis pro commissis, vehementer inclamantem, quum nemo sciat, nisi quod solus Deus hæc videre noverit. Etenim qui committit adulterium, etiam si millies fuerit dives, etiam si nullum habeat accusatorem, non desinit tamen intus seipsum accusare, & voluptas quidem temporaria est, dolor vero perpetuus, timor undique ac tremor, suspicio & anxietas, angulos metuit, umbras ipsas formidat, suos ipsius famulos, conscios, inscios, illam ipsam quam corripit, & virum quem affecit contumelia: obambulat amarum accusatorem circumferens conscientiam, quum sit suo ipsius judicio damnatus, nec vel ad breve tempus possit respirare. Nam & in lecto, & in mensa, & in foro, & in domo, & interdiu, & noctu, & in ipsis frequenter somniis hæc iniquitatis simulachra videt, ipsiusque *Cain* vitam vivit, gemens ac tremens super terram, quum nemo sciat, intus tamen habet ignem implicitum. Idem patiuntur & qui rapinam exercent, & qui fraude lucrum faciunt, hoc & ebriosi, in summa, quotquot in peccatis vivunt. Neque enim ulla ratione iudicium illud potest corrumpi muneribus. Imo etiam si non assequamur virtutem, sectemur tamen, dolemus eo quod non assequimur: etsi potiamur malitiæ voto, tamen cessante voluptate quam ex peccato percipimus, sentimus dolorem. Itaque ne dixerimus de divitibus hic improbe viventibus, & de iustis illic felicitate fruuentibus, quod unum sit unum, sed quod duo sint nihil. Quandoquidem iustis, & ea quæ illic sunt, & ea quæ hic sunt multam præbent voluptatem: qui vero sibi per fraudem quæ non oportebat usurparunt, tum illic puniuntur, tum hic discruciantur expectatione supplicii illic futuri, deinde mala quam ab omnibus ferunt opinione, præterea quod ipsum etiam peccatum animam ipsorum corrumpit. Denique postquam hinc profecti sunt intolerabilia perpetuantur supplicia. Rursum iusti etiam si hic innumera perpetuantur acerba, quoniam bona spes alit illos, habentque voluptatem firmam, stabilem & immobilem, etiam post hæc innumera illos manent bona, quemadmodum & *Lazaro* accidit. Nec enim isthuc mihi dixeris, erat ulcerosus, verum illud considera, quod quovis auro pretiosorem intus habet animam, imo verius non animam tantum, verum etiam corpus ipsius. Virtus enim corporis non est obesitas, bonaque habitudo, sed tantos ac tales ferre cruciatus. Non enim si quis in corpore gestet talia vulnera, abominandus est, verum si quis in animo innumera habens ulcera, nullam illorum curam agat, is abominandus est, qualis erat ille dives, intus totus ulcerosus. Et quemadmodum canes hujus lingeant vulnera,

nera, sic & Dæmones illius peccata. Et quemadmodum hic in fame cibi, ita ille in fame omnis virtutis vivebat.

Hæc igitur omnia quum sciamus, philosophemur, neque dicamus: Si illum Deus amasset, haudquaquam eum talem esse passus fuisset. Nam hoc ipsum quidem maximum est dilectionis argumentum. *Quem enim diligit Deus castigat, flagellat autem omnem filium quem recipit.* Et rursus: *Fili, si accesseris ad serviendum Domino, prapara animam tuam ad tentationem, dirige cor tuum ac persevera.* Ejiciamus igitur istas supervacuas opiniones, vulgariaque istiusmodi dicta. *Turpitudine enim, inquit, ac stultiloquium & scurrilitas ne prodeant ex ore vestro.* Nec ipsi

Ephes.
5.

taliter loquamur, & si alios videamus talia loquentes, obturemus illis os, contra insurgamus acriter, cohibeamus impudentem linguam. Age, si quem vidisses latrocinii principem grassantem per vias, prætereuntibus insidiantem, ea quæ sunt in agris rapientem, in speluncas ac foveas subterraneas aurum & argentum defodientem, ac illic multa recludentem armenta, vestes ac mancipia multa ex incurfionibus illis possidentem, age dic mihi, num illum beatum diceres propter divitias illas, an potius miserum prædicares, propter supplicium illi venturum? Atqui nondum comprehensus est, neque in manus iudicis traditus, nec in carcerem coniectus, neque accusatorem habuit, neque in iudicium venit, sed deliciis indulget, inebriatur, multaque rerum fruitur affluentia. Attamen non propter præsentia, quæque videntur iudicamus illum beatum, sed propter futura, quæque imminet, illum miserum prædicamus. Hoc item & de divitibus & de avaris cogita. Latrones quipiam sunt, vias obsidentes, res prætereuntium rapientes, velut in speluncis ac foveis subterraneis, aliorum facultates in suis cubiculis defodientes. Ne igitur beatos dicamus illos propter præsentia, sed miseros propter futura, propter formidandum illud iudicium, propter inevitabiles poenas. Nam isti quidem latrones frequenter ex hominum manibus elapsi sunt, nihilominus quum hoc sciamus, & a nobis ipsis deprecamur, & hostibus imprecamur istorum vitam, una cum execrabili rerum copia. Atqui sub Deo vero iudice, non licet istud dicere. Nullus enim illius effugiet sententiam, sed omnes omnino qui cum fraudibus & rapinis vivunt, Dei vindictam sibi accersunt illam immortalem sineque carentem, quemadmodum & dives ille. Quæ quidem omnia apud nos ipsos conferentes, ne beatos iudicemus qui divitiis, sed qui virtute præditi sunt, neque miseros dicamus qui degunt in paupertate, sed qui cum improbitate, ne præsentia respiciamus, sed futura prospiciamus, ne externum amictum, sed cuiusque conscientiam examinemus, sectantesque virtutem ac voluptatem quæ ex recte factis profisciscitur, *Lazarum* imitemur, divites simul ac pauperes. Non enim unum tantum, aut duo, tria virtutis certamina sustinuit, verum & multo plura, paupertatem, adversam valetudinem, solitudinem ac destitutionem ab his qui curam illius gerere debebant: deinde quod hæc omnia patiebatur in domo, quæ poterat hæc mala depellere, quum videret illum a quo despiciebatur tantis frui deliciis, non deliciis modo fruientem, verum etiam quum improbe viveret, nihil tamen grave perpetientem: præterea quod non haberet alterum *Lazarum* ad quem respiceret, præterea quod de resurrectione nihil posset philosophari: ad hæc quod super hæc quæ diximus mala, ex calamitatibus illis a vulgo malam ferret opinionem, eo quod non biduum triduumve, sed per omnem vitam, & seipsum videret in ejusmodi calamitatibus, & divitem in diverso rerum statu. Quomodo igitur sumus excusandi, si quum hic cunctas afflictiones simul conglomeratas tanta pertulerit animi fortitudine, nos ne dimidium quidem horum tulerimus? Non enim potes, non potes, inquam, alium quenquam commemorare, qui talia tantaque perpessus sit mala. Eamque ob rem Christus hunc potissimum exempli causa proposuit in medium, ut si quando in res tristes inciderimus, considerantes quanto ille intervallo nos superarit, ex illius philosophia, satis magnum solatium molestiæque lenimen capiamus. Communis igitur orbis doctor ille propositus est, rem quamcunque molestam patientibus,

A qui se conspiciendum præbet omnibus, hosque omnes superans suarum afflictionum magnitudine. Pro his igitur omnibus gratias agentes benigno Deo, reportemus ex hac oratione fructum & utilitatem, continenter hunc doctorem & in confessibus, & in ædibus, & in foro, denique in omni loco circumferentes, summoque studio divitias omnes quas habet hæc parabola, percipientes, quo simul & præsentia citra molestiam mala transcurramus, & futurorum bonorum compotes evadamus, quæ nobis omnibus contingat assequi, gratia benignitateque Domini nostri Jesu Christi, cui cum Patre & Spiritu sancto gloria, honor, adoratio, nunc & semper, & in secula seculorum, Amen.

B EJUSDEM DE LAZARO CONCIO SECUNDA,

Et quod animæ morte violenta decedentium, non sunt Dæmones, deque iudicio & Eleemosyna.

A Dmiratus sum caritatem vestram, quum hesterno die de *Lazaro* verba facerem, quod & pauperis illius tolerantiam comprobastis, & divitis immanitatem inhumanitatemque fuistis detestati. Nam ista non vulgaria sunt bonæ mentis argumenta. Etenim quamvis non assequamur virtutem, laudemus tamen virtutem, omnino poterimus ad illam pertingere. Similiter autem, si non effugerimus malitiam, tamen vituperemus malitiam, sine dubio poterimus illam effugere. Quoniam igitur multa cum animi benevolentia sermones illos excepistis, age quæ restant etiam, vobis perolvemus. Vidistis illum in vestibulo divitis, videte eundem hodie in sinu *Abrahæ*: vidistis illum quum a canibus circumligeretur, videte eundem ab Angelis stipatum: vidistis illum tum in paupertate, videte nunc eundem in deliciis: vidistis illum in fame, videte in multa rerum affluentia: vidistis illum certantem, videte coronatum: vidistis labores, videte præmium, quotquot estis vel divites, vel pauperes. Divites quidem, ne putetis divitias aliquid esse magni si desit virtus. Pauperes vero, ne iudicetis paupertatem ullum esse malum, utrisque vero communiter stat hic præceptor ac magister. Etenim si hic in paupertate non dejecit animum, quam veniam merentur, qui id faciunt in divitiis? Si hic in fame tantisque malis degens gratias egit, quid excusationis adferent, qui rebus affluentibus nolunt ad eandem pervenire virtutem? Rursus pauperes, qui indigne molesteque ferunt egestatem, quam impetrabunt veniam, quum hic in fame penuriaque, solitudine & adversa valetudine vitam assidue trahens in ædibus divitis, & ab omnibus despectus, ad hæc non habens alium ad quem eadem perpeffum respiceret, sic appareat philosophatus? Ab hoc discamus non pro beatis habere divites, neque pro miseris habere pauperes. Imo si verum fateri licet, ne dives quidem ille est, qui multis opibus circumvallatus est, sed qui non eget multis. Nec is pauper est, qui nihil possidet, sed qui multa concupiscit. Ab hoc discite hunc esse finem paupertatis & opulentiae, si quem videris multa concupiscentem, existimato illum omnium esse pauperrimum, etiamsi possideat omnium opes. Rursum si quem videris non multis egentem, illum omnibus opulentiorem esse ducito, etiamsi nihil possideat. Nam mentis affectu, non facultatum modo paupertatem & opulentiam aestimare consuevimus. Quemadmodum igitur eum qui perpetuo sitit, non dixerimus recte valere, etiamsi copia rerum affluat, etiamsi juxta fluvios ac fontes accumbat. Quid enim prodest illa aquarum copia, quum affectio maneat infedabilis? Itidem & in divitibus faciamus, eos qui perpetuo concupiscunt sitiuntque aliena, ne putemus unquam esse sanos, nec ulla frui rerum copia. Etenim qui suam ipsius concupiscentiam non potest sistere, etiamsi cunctorum opibus vallatus sit, quomodo futurus est is unquam in prosperitate? Eos vero qui quod habent suum, boni consulunt, quique sua sorte contenti sunt, nec alienas circumspiciunt facultates, etiamsi fuerint omnium egentissimi, omnium opulentissimos ducere oportet. Non enim qui indiget alienis, sed qui putat sibi satis esse quod habet, omnium est opulentissimus.

Tom. VIII.

E 2

Sec

Sed agedum, ad propositam materiam revertamur. *Accidit*, inquit, *ut moreretur Lazarus, ac deportaretur ab Angelis*. Hic malum quendam morbum cupio vestris animis eximere. Sunt enim plerique simplices, qui putant animas violenta morte decedentium fieri Dæmones. Hoc autem non fit, non fit, inquam, istud. Non enim animæ violenta morte decedentium fiunt Dæmones, sed animæ potius in peccatis viventium. Non quod mutetur illarum substantia, sed quod voluntas Dæmonum pravitatem imitetur. Hoc & Christus dixit Judæis, *vos filii Diabolis estis*, non quod in illius naturam essent trans-

Joan. 8. mutati, sed quam ob rem? *Quoniam*, inquit, *desideria patris vestri vultis facere*. Rursus Joannes: *Progenies viperarum, quis commonstravit vobis ut fugeritis ab ira ventura? Facite igitur fructum dignum penitentia, ac ne velitis dicere: Patrem habemus Abraham*. Etenim lex propinquitatis, non qui natura conjuncti sunt, sed qui virtute malitiæ propinqui sunt, eos Scriptura solet appellare cognatos. Et cujuscunque mores aliquis expresse-

rit, hujus & filium & fratrem illum esse dicit Scriptura. At cujus rei gratia Diabolus istam perversam opinionem invexit? Conatus est martyrum defodere & obruere gloriam. Etenim quum illi morte violenta decesserint, cupiens pravam de illis gignere suspicionem, hoc fecit, verum quod voluit non potuit. Perseverant enim martyres, proprium obtinentes splendorem. Quin aliud multo crudelius perpetravit, maleficis ipsique inservientibus, per has opiniones persuasis, ut tenera multorum adolescentum corpora trucidarent, sperantes futurum, ut fiant Dæmones, ac rursus ipsi inservirent. Verum

Similia profusur in bella miraculorum in Italia. non sunt ista vera, non sunt, inquam. Quid igitur est quod Dæmones dicunt: Monachi illius sum anima? Sane propter hoc ipsum non credo, quia Dæmones dicunt: Decipiunt enim auditores. Quapropter & Paulus ipsis tametsi vera dicentibus imposuit silentium, ne ex veris nacti occasionem, post admiscerent mendacia, fidemque sibi conciliarent. Cum enim dixissent, *isti homines servi Dei altissimi sunt, annuntiantes vobis viam salutis*, indignatus Apostolus silentium imposuit Spiritui Pythnico, atque exire jussit. Et tamen quid mali dicebant? *Isti homines servi Dei altissimi sunt*, sed quoniam plerique simplices non norunt semper dijudicare quæ a Dæmonibus dicuntur, semel eos exclusit a fide. Ex infamium numero es, inquit, non est tuum libere loqui, tace, obmutesce, non est tuum prædicare, Apostolorum ista est auctoritas. Quid usurpas quod tuum non est? Sile, infamis esto. Sic & Christus dicentes ipsi Dæmones: *Novimus te qui sis*, increpavit multa cum acrimonia, nobis legem præscribens, ne quo pacto Dæmoni fidamus, etiamsi tibi quod verum est dixerit. His igitur cognitis ne prorsus credamus Dæmoni, imò etiam si quid veri loquatur, fugiamus ab illis & aversemur. Nam sana dogmata salutiferaque non a Dæmonibus, sed ex divina Scriptura licet exacte discere.

Ut igitur cognoscatis non posse fieri, ut anima corpore egressa veniat sub tyrannidem Dæmonum, audi quid dicit Paulus: *Qui enim moritur, justificatus est a peccato*, hoc est, non amplius peccat. Nam si animæ in corpore manenti Diabolus non potest inferre vim, perspicuum est quod nec egressæ. Quomodo igitur, inquit, peccant, si vim non patiuntur? Volentes sponteque ac seipsas injuria afficientes peccant, non coactæ neque tyrannide oppressæ, idque declarant omnes, qui superaverunt illius machinamenta. Veluti beatum Job, quum innumeris impetisset fraudibus, omniaque miscuisset, non potuit tamen persuadere, ut aliquod verbum blasphemum proferret. Unde perspicuum est quod in nobis situm est, ut vel obtemperemus, vel non obtemperemus illius insidiis, nec ullam necessitatem, neque tyrannidem patimur ab illo. Non solum ex his quæ dicta sunt, verum etiam ex proposita parabola liquet, quod animæ corpus egressæ, non amplius hic commorantur, sed protinus abducuntur. *Accidit enim*, inquit, *ut moreretur ac deduceretur ab Angelis*. Non solum autem justorum animæ, sed & eorum qui male vixerunt illuc deducuntur, atque id rursus ex alio divite perspicuum est. Postquam enim uberem proventum produxissent agri ipsius, dixit sibi ipsi: *Quid*

A faciam? Demoliar horrea mea, ac majora edificabo. Nihil isthac mente infelicius, vere demolitis est sua ipsius horrea. Nam horrea quæ de prædari non possunt, non sunt muri, sed pauperum ventres, quibus ille neglectis sollicitus erat de parietibus. Quid igitur dicit Deus? *Strute, hac nocte repetunt animam tuam abs te*. Hic, inquit, deductam fuisse ab Angelis, illic autem repetunt: & hunc quidem ceu vinctum educunt, illum vero ut coronam gestantem stipabant. Et quemadmodum cum qui prius in cavea multa vulnera accepit, ac sanguine conpersus est, post diademate capiti addito, hi qui ante caveam stant susceptum, multa cum laude domum deducunt, applaudentes, bene ominantes, admirantes. Sic & Angeli Lazarum tum deducebant, illius vero animam repetebant,

B metuendæ quædam Virtutes fortassis ad hoc missæ: neque enim sua sponte anima ad illam secedit vitam, propterea quod hoc ne fieri quidem possit. Nam si civitatem civitate vertentes egemus deductoribus, multo magis anima a carne divulsæ, & ad futuram transiens vitam, opus habebit viæ ducibus. Quapropter frequenter nunc emicat, nunc in profundum demergitur, metuitque & horret quum est a corpore discessura. Nam quum semper nos stimulat peccatorum conscientia, tum vero maxime illa hora, quum hinc sumus abducendi ad illa tribunalia, metuendumque judicium: tum enim sive quis rapuit, sive fraudavit, sive contumelia affecit, sive cuiquam præter causam inimicus factus est, sive aliud quodcunque facinus perpetravit, universus illic peccatorum cumulus renovatur & oculis exhibetur mentemque stimulat. Et quemadmodum qui tenentur in carcere, semper quidem dejecti moerentesque sunt, maxime tamen sub illum diem quo sunt educendi, & ad ipsas judicis fores pertrahendi, & priusquam periclitantur, ac judicis vocem intus audiunt, exanimantur metu, nihiloque melius afficiuntur, quam mortui. Sic & anima, maxime quidem in ipso peccati tempore cruciatur & angitur, multo tamen magis quum hinc avulsæ abducenda est. Tacete qui hæc auditis, multo majorem vobis habeo gratiam pro silentio quam pro plausibus: propterea quod plausus quidem ac laudes me faciunt gloriosiores, silentium vero hoc vos reddit compositiores. Novi quod hæc quæ dicuntur molesta sunt, verum multum lucri & inenarrabilem fructum adferunt. Dives ille si quem habuisset, qui ipsi talia monita taliaque consilia admovisset, ac non potius adulatores omnia ad gratiam consulentes, atque ad delicias trahentes, nequaquam venisset ad illam gehennam, nequaquam supplicia tolerasset intolerabilia, nequaquam inconsolabiliter de his poenituisset. Verum quoniam omnes ad gratiam loquebantur, tradiderunt illum incendio.

Utinam liceret hæc semper perpetuoque philosophari ac de gehenna loqui. *In omnibus*, inquit, *distis tuis memento novissima tua, & non peccabis*. Ac rursus: *Para 7. ad exitum operatua, & appara te ad viam*. Si quid cui rapuisti, redde, & dicito juxta Zachariam: *Do quadruplum, si quid rapui*. Si cui factus es inimicus, reconciliare priusquam veniatur ad judicium: Omnia hic dissolve, ut citra molestiam illud videas tribunal. Donec hic fuerimus, spes habemus præclaras, simul atque vero discefferimus illuc, non est postea in nobis situm poenitere, neque commissæ diluere. Quapropter oportet nos assidue præparari ad egressum hinc faciendum. Quid enim si Domino visum fuerit hoc vespere vocare nos? Quid si cras? Incertum enim quid futurum sit, ut perpetuo simus in certamine, & ad illam profectionem instructi, quemadmodum hic Lazarus semper erat in tolerantia patientiaque, quapropter tanto cum honore deductus est. *Mortuus est autem dives & sepultus est*, nimirum anima illius in corpore, tanquam in monumento Cratylo, & defossa, ac sepulchrum circumferente, nempe carnem. Non solum enim ille quam si catena quadam, temulentia ac ventris ingluvie vinctus esset, sic otiosam illam ac mortuam reddiderat. Ne leviter prætercurras illud, *sepultus est*. Hic mihi considera mensas argento circumtectas, lectos, tapetia, ornamenta quæ tota in domo sunt omnia, unguenta, aromata, vini theri copiam, eduliorum varietates, ciborum delicias, coquos, adulatores,

latores, stipatores, famulos, ac reliquam universam pompam strepitumque, extinctum marcidumque factum. Ubique cinis, ubique favilla, & pulvis, lamenta & luctus nemine succurrente, neque semel egressam animam postea revocante. Tunc declaratur quid possit aurum, quid possint copiosae divitiae. Siquidem exta frequenti famulatio nudus abductus est & solus, nihil ex tanta beneficentia secum ferre valens, sed desertus, indefensus ac neglectus: nullus eorum qui prius auxiliabantur, aderat, erepturus a poena ac supplicio, sed ab illis omnibus divulsus, solus in se recepit ut illa non ferenda supplicia sustineret. Vere *omnis caro fenum, & omnis gloria hominis tanquam flos graminis: exaruit gramen & flos decidit, sed verbum Domini manet in aeternum*. Venit mors & extincta sunt illa omnia: Nec aliter quam captivum arreptum sic illum abduxit demissis oculis, pudore plenum, non audentem hircere, trementem, pavidum, perinde quasi in somnis universis illis deliciis fructus fuisset. Ac post haec supplex dives factus est pauperi, atque nunc illius eget mensa, illius qui dudum esuriebat, illius qui canum rostris objectus jacebat. Breviter, res commutatae sunt, universi cognoverunt uter fuerit dives, uter pauper, quodque *Lazarus* quidem omnium fuerit opulentissimus, ille contra omnium pauperissimus. Quemadmodum enim Actores in Scena, Regum ac Ducum personas, item Medicorum ac Rhetorum, Sophistarum ac Militum assumptas ingrediuntur, quum ipsi nihil horum sint: sic sane & in praesenti vita, paupertas ac divitiae nihil aliud sunt quam personae. Sicut igitur in theatro sedens, si quem videris, ex his qui extra Scenam pedibus ingrediuntur, personam gestantem Regis, non judicas eum beatum, neque Regem esse credis, imo nec ipse optaris esse talis, sed quum scias quod sit quispiam ex his qui versantur in foro, funium opifex, aut faber aërius, aut aliud quicquam tale, non judicas illum beatum ob personam aut ob vestem ad talos demissam, neque ex hisce rebus aestimas illorum vitam, sed despons potius illum ob aliam utilitatem: Sic sane & hic, velut in theatro videlicet in mundo sedens & in scena ludentes spectans, ubi videris complures divites, ne putes vere divites esse, sed divitum oblectos personis. Nam quemadmodum ille qui in scena Regem aut belli ducem agit, frequenter est famulus eorum qui ficus aut botros vendunt in foro: Itidem & hic dives crebro pauperior est omnibus. Quod si detraxeris illi personam, si conscientiam explices & ingrediaris animum, multam illic offendet virtutis inopiam, compriesque omnium hominum abjectissimum. Quemadmodum enim instante vespera, digressisque qui consederant, ubi fuerint e theatro egressi habitumque fabulae deposuerint, qui prius Reges ac Duces esse videbantur, post apparent hoc quod sunt: Ita sane & nunc postquam mors advenerit, theatrumque dimissum fuerit, quum divitiarum paupertatisque personas deposuerint, omnes illuc profecti, atque ex solis operibus judicati, declarant qui vere sint divites, qui vere pauperes, qui honorati & qui humiles. Itaque frequenter fit, ut qui hic in divitum numero fuerit, illic reperiatur omnium pauperissimus, id quod accidit huic diviti. Nam simulatque incubuerat vespera, hoc est, mors, eque praesentis vitae theatro egressus est, personamque deposuit, visus est illic omnium esse pauperissimus, adeo vero pauper, ut ne guttam quidem aquae haberet in sua potestate, sed pro hac rogaret, neque quod petebat consequi potuerit. Quid hac paupertate pauperius esse posset? *Sublatis enim oculis suis ait ad Abraham, Pater miserere mei, & mitte Lazarum ut intingat summum digiti sui in aquam, & instillet ori meo*. Vides quanta sit afflictio? Quum proximus esset *Lazarus*, praeteribat, nunc quum procul absit, invocatur: quem frequenter ingrediens & egrediens non videbat, hunc procul semotum diligenter aspiciat. Sed quam ob causam illum intuetur? Frequenter dixerat dives iste: Quorsum mihi opus pietate ac virtute? cuncta mihi velut e fonte affluunt, multa fruor prosperitate, nihil sustineo rerum inopinatarum, quam ob rem exopto virtutem? Hic pauper qui iuste pieque vivit, innumera patitur mala. Haec nunc quoque frequenter dicunt.

A Ut igitur radicitus has revelleret opiniones, demonstrat illi quod malitiae reposita sit ultio, contra honor & corona laboribus pro pietate susceptis. Non propter hoc solum autem vidit illum, sed ut quae passus fuisset pauper, haec nunc & dives pateretur multo gravius. Quemadmodum enim illi molliorem reddidit cruciatum, quod in vestibulo divitis jacebat, quod videret aliena commoda: sic & huic graviolem reddidit cruciatum, quod in gehenna jaceret, quod *Lazarus* videret delicias, quo non solum natura suppliciorum, verum etiam comparatione honoris illius intolerabiliorem haberet cruciatum. Et quemadmodum *Adam* e paradiso ejectum e regione paradisi habitare iussit Deus, ut assiduus conspectus renovans molestiam, exactiorem illi praeberet sensum expulsionis e bonis. Ita sane & hunc e regione *Lazarus* constituit, quo videret quibus bonis se ipsum privasset. Misi tibi, inquit, in vestibulo *Lazarus*, ut tibi ad virtutem doctor esset, doctrinaeque materia, contempsisti lucrum, nolueris ad quod oportuit uti salutis occasione, utere posthac illo ad majoris cruciatu suppliciique materiam.

Ex his discimus, quod omnes qui a nobis sunt contumelias & injuriis affecti, tunc ante faciem nostram statuantur. Quamquam hic nihil a divite accepit injuria, neque enim illius pecunias usurparat dives, sed suas non impartivit. Quod si is qui sua non impartit, accusatorem habet eum cui negavit misericordiam, qui aliena quoque rapuerit, quam veniam consequetur, undique ipsum circumstantibus quos affecit injuria? Non enim illic opus erit testibus, neque accusatoribus, neque probationibus, neque signis, verum ipsae per se res tales, quales eas gessimus, ante oculos nostros apparebunt. Ecce enim, inquit, homo & opera ejus. Siquidem & hoc rapina est, non impartiri de tuis facultatibus. Ac fortassis vobis mirum videtur esse quod dico, verum ne miremini, testimonium enim vobis e divinis Scripturis proferam dicens, quod non solum rapere aliena, verum etiam tua non impartire caeteris, & rapina sit, & fraudatio, & spoliatio. Itaque Dominus *Judas* accusans per Prophetam dicit: *Produxit terra proventum suum, & non intulisti decimas, sed rapina pauperis est in domibus vestris*: Quoniam, inquit, oblationes solitas non dedistis, rapuistis ea quae sunt pauperis. Hoc autem dicit, declarans divitibus quod res pauperum possident, etiam si paterna hereditate obvenerint, etiam si undecunque aliunde collegerint pecunias. Ac rursus alibi dicit: *Ne spoliae vitam pauperis, qui vero spoliatur, aliena tollit*: Nam spoliatio quaedam dicitur, quum aliena accepta detinemus. Propter hoc igitur discamus, quod quoties elemosynam non praestiterimus, pari cum his qui spoliant supplicio afficiemur: heriles enim pecuniae sunt undecunque eas collegerimus, & ideo tibi plura possidere concessit Deus, non ut in sortationes, temulentiam, ingluviem, in vestes sumptuosas, aliamque molliem consumeres, sed ut ea distribueres egentibus. Quemadmodum enim receptor quispiam qui Regias pecunias accepit, si neglexerit hos quibus iussus est distribuere, inque proprias consumperit delicias, poenas dat ac perditur: ita sane & dives receptor quispiam est pecuniarum, quae pauperibus distribui debebant. Itaque quum in mandatis habeat, eas distribuere suis conservis egentibus, si quid amplius quam postulet necessitas in seipsum insumpserit, gravissimas illic daturus est poenas. Non enim sunt ipsius quae possidet, sed conservorum illius. Parcamus igitur iis tanquam alienis, ut fiant nostra. Quomodo autem illis parcemus tanquam alienis? Si illas non in usus supervacuos insumpserimus, sed pauperum manibus impartiverimus: Etiam si fueris opulentus, sed plus quam opus est insumpseris, rationem reddes pecuniarum tibi creditarum. Hoc idem fit in magnatum aedibus, multi suas ipsorum apothecas famulis suis commiserunt, verum illi quibus commissae sunt, servant quae tradita sunt, nec abutuntur commissis, verum ubi iusserit dominus, distribuunt. Hoc tu quoque facito. Etenim accepisti plura caeteris, non ut eas solus consumas, sed ut eorum caeteris bonus fias dispensator.

Operae pretium autem fuerit & illud considerare.

Tom. VIII.

E 3

Quid

Quid tandem? Non apud alium iustum *Lazarum*, sed in sinu vidit *Abraham*. Hospitalis erat *Abraham*, ut igitur redarguatur divitis inhospitalitas, propterea *Lazarum* cum illo videt. Ille etiam prætereuntes venabatur, & in domum pertrahebat suam, hic vero etiam intra domum jacentem despexit: quumque talem thesaurum haberet, salutis parandæ materiam, præteribat quotidie, nec in quod oportebat usus est pauperis propinquitate. At non ita Patriarcha, sed omnia contra: Pro foribus sedens introducebat prætereuntes omnes, & quemadmodum piscator jacto in mare reti, piscem quidem attrahit, attrahit autem frequenter & aurum & margaritas: itidem & hic reti captans homines, piscatus est tandem & Angelos, quodque mireris, etiam insciens. Id quod & *Paulus* in hujus laudibus dixit: *Settare hospitalitatem, per hanc enim quidam inscientes hospitio exceperunt Angelos: ac recte dixit inscientes.* Nam si sciens illos exceperisset tanta cum humanitate, nihil magni mirive fecisset: Sed hæc tota laus, quod ignorans quinam essent qui præteribant, nec aliud esse credens quam homines viatores, cum alacritate vocavit intro. Tu quidem igitur si quem nobilem ac splendidum exceperis, multamque præstiteris alacritatem, nil mirum est: Nam virtus ejus qui excipitur etiam inhospitalem frequenter adigit ut omnem exhibeat humanitatem: cæterum illud maximum & admiratione dignum, quoties & vulgares, & ignotos, ac viles multa cum benevolentia excipimus.

Matth. 15. Propterea dicit: *Quicquid feceritis uni ex his minimis qui credunt in me, mihi feceritis.* Ac rursus, *ita non est voluntas coram Patre vestro, ut pereat unus ex pusillis istis:* ac iterum,

Matth. 18. *Quicumque offenderit unum ex pusillis istis, expedit ei ut appendatur mola asinaria circa cervicem illius, & abjiciatur in mare.* Denique multus ubique est Christo de pusillis & minimis sermo: quandoquidem & *Abraham* sciens non excutiebat quales essent prætereuntes, nec unde venirent, quemadmodum nos nunc facimus, sed sine delectu prætereuntes excipiebat omnes. Nam eum qui præstat humanitatem non oportet exposcere vitæ rationem, sed inopiæ mederi, necessitatique suppeditare. Unicum habet patrociniū pauper, quod eget quodque in necessitate constitutus est, ne quid ab illo postules amplius: Sed etiam si fuerit omnium improbiſſimus, & eguerit necessario victu, sedemus illius famem. Ita &

Matth. 5. Christus præcepit: *Esote, inquit, similes Patri vuestri qui est in caelis, qui Solem suum oriri facit super bonos & malos, & pluit super justos & injustos.* Portus est in necessitate constitutorum homo misericors: Portus autem omnes qui in naufragium inciderint excipit liberatque, five mali fuerint five boni, denique quicumque fuerint qui periclitantur, in sinus ille suos excipit. Tu proinde si videris hominem qui in egestatis naufragium incidit, ne judica, ne vitæ gesta examina, sed medere miseræ. Quid ipse tibi negotium accerſis? Liberavit te Deus omni tali sollicitudine & curiositate. Quam multa plerique fuerant dicturi, quamque difficiles erant futuri, si Deus præcepisset, ut prius accurate vitam factaque singulorum disquireremus, ac tum demum conferremus eleemosynam? Nunc hac omni curiositate nos liberavit. Cur ergo curas supervacaneas nobis accerſimus? Aliud est iudex, aliud eleemosynæ largitor. Ideo vocatur eleemosyna, quod eam & indignis damus. Unde & *Paulus* dixit: *Quod bonum est facite erga omnes, sed maxime erga domesticos fidei.* Quod si indignos curiose discutiamus disquiramusque, ne digni quidem facile in nos incident. Quod si indignis quoque præstiterimus beneficium, nimirum & digni, quique omnium illorum malitiam virtute pensent, venient in manus nostras: sicut evenit beato *Abraham*, cui minime curioso quales essent qui præteribant, contigit tandem ut & Angelos exciperet hospitio. Hunc igitur & nos imitemur, simulque cum hoc nepotem illius *Job*. Quandoquidem & hic progenitoris sui magnanimitatem summa cum diligentia est imitatus. Eoque dicebat, *osium meum jugiter patebat cuiusvis advenienti.* Non sic huic patebat, ut alteri esset occlusum, sed indifferenter apertum erat omnibus. Hoc exemplum & nos imitemur, nihil exquirentes ultra quam oportet: Nam ad hoc ut pauper dignus habeatur elec-

mosyna, fatis est egestas. Quod si quis cum hac commendatione nos adierit, ne quid amplius curiose scrutemur: nec enim moribus demus, sed homini, nec illius ob virtutem nos ejus misereatur, sed ob calamitatem, quo nimirum & ipsi copiosam a Domino misericordiam nobis conciliemus, ipsique digni simus in quos ille suam conferat benignitatem. Nam si in conservis nostris coeperimus exquirere dignitatem moroseque vestigare, idem & Deus facturus est in nobis: dumque studemus a conservis reposcere vitæ causas, ipsi superni Numinis benignitatem amitemus. *In quo enim, inquit, iudicio judicaveritis, iudicabimini.*

Sed ad rem redeamus. Itaque quum videret illum in sinu *Abraham*, ait: *Pater Abraham, miserere mei, & mitte Lazarum.* Quam ob rem non ad ipsum *Lazarum* direxit sermonem? Pudor obstabat ac verecundia. Ex iis enim quæ in illum fecerat, arbitrabatur illum omnino meminisse malorum præteritorum. Quoniam si ego, inquit, tanta rerum affluens copia nihil ab illo læsus adeo despexi hominem, ut ne micæ quidem impartierim, quanto magis ille sic contemptus, non annuet beneficium? Hæc non ut *Lazarum* accusemus, dicimus. Neque enim hoc animo fuit *Lazarus*. Absit, sed causam indicamus quid hic veritus non imploravit ipsum *Lazarum*, sed potius *Abraham* inclamarit, quem existimabat nescire quæ fuerant acta: Atque illius digitum nunc implorat, quem crebro passus fuerat exponi canum linguis. Quid igitur ille? *Fili, recepisti bona tua.* Vide philosophiam, vide humanitatem iusti. Non dixit, inhumane, crudelis, sceleratissime, quum tam multa commiseris in hominem, nunc mentionem nobis facis humanitatis, misericordiæ & veniæ? Non pudet? Non erubescis? Sed quid dicit? *Fili, inquit, recepisti bona tua.* Nam animæ, inquit, dejectæ non addes perturbationem. Satis est illi suis cruciatus, ut ne illius calamitatibus insultemus. Ac ne putares, quod memor præteritorum malorum vetuerit

abire *Lazarum*, filium illum appellat. Quod in mea, inquit, potestate est, impertio tibi, cæterum ut hinc abeamus, non est jam nostræ facultatis. *Recepisti bona tua.* Quare non dixit *cepisti*, sed *recepisti*? Hinc video magnum considerationum mare nobis aperiri, quapropter quæ dicta sunt, summa cura servantes, tam quæ hodie quam quæ heri disserta sunt, summo cum studio reponamus, & ex his quæ dicta sunt ad audienda quæ post dicentur nos ipsos magis idoneos reddamus. Et quidem si fieri possit, facite ut omnium memineritis. Quod si id fieri non potest, hortor ut pro omnibus illud perpetuo memineritis, quod non communicare pauperibus, est rapinam in illos exercere, illorumque fraudare vitam, quodque non nostras, sed illorum res detinemus. Nam si hoc animo fuerimus, pecuniam omnem effuderimus, ac Christum esurientem hic alentes, multamque hinc nobis opulentiam recondentes, poterimus futurorum esse compotes bonorum, quæ nobis omnibus assequi contingat, gratia ac benignitate Domini nostri Jesu Christi, cui cum Patre & Spiritu sancto gloria, honor, potestas, nunc & semper, & in secula seculorum, Amen.

EJUSDEM DE LAZARO CONCIO TERTIA,
Et quare non dixerit cepisti, sed recepisti, &
quamobrem iusti incidunt in pericula, quum
peccatores effugiant.

HAUD quaquam mediocrem nobis utilitatem attulit de *Lazaro* parabola tum divitibus, tum pauperibus, ut quæ hos quidem docuerit facile perferre inopiam, illos vero non passa sit efferrî sibi placere ob divitias, quum ex ipsis rebus demonstrarit, illum omnium esse maxime miserabilem, qui vitam agit in deliciis, nulli sua bona communicans. Age igitur & hodie denuo tractemus idem argumentum, quandoquidem qui in metallis operantur, ubicunque viderint multas auri venas, illic fodiunt acrius, nec prius absistunt, quam totum quod reperiri potuit exhausserint. Redeamus igitur illuc, ubi sermonem heri finivimus, ut illinc eundem instauremus. Poteramus quidem unius diei opera vobis totam hanc explanare parabolam: verum non hoc agimus,

mus, ut nos multa locuti discedamus, sed ut vos diligenter acceptis animoque infixis quæ dicta sunt, ex ista custodia sentiat fructum aliquem spiritualem. Nam & mater amans, quum infantem lactantem parat ad solidum cibum adducere, si simul multum meri infundat ori, nihil prodest infanti, refundente puero quod datur, ac tuniculam qua pectus tegitur irrigante. Quod si sensim ac paulatim infundat, puer quod traditum est absque molestia transmittit. Proinde ne vobis itidem quod traditum fuerit effluat, non semel vobis inclinavimus doctrinæ poculum, sed in dies aliquot partiti sumus, passi vos interim hisce diebus interquiescere ab audiendi labore, quo simul & ea quæ deposuimus, sic infigantur animo vestræ caritatis, ut excidere non possint, & ea quæ dicuntur sedatis ac vegetis mentibus excipiat. Eoque crebro vobis prædicimus multis ante diebus argumentum de quo sumus locuturi, ut his in medio diebus, sumpto libro, perpena que rei summa tota, posteaquam intellexeritis, quid dictum sit, quid restet dicendum, mentem vestram instructiorem reddatis ad audienda quæ post differentur. Idque semper hortor & hortari non desinam, ut non hic tantum attendatis iis quæ dicuntur, verum etiam quum domi fueritis, assidue divinarum Scripturarum lectioni vacetis. Quod quidem & iis qui privatim mecum congressi sunt, non destiti inculcare.

Ne quis enim mihi dixerit: Sunt frigida illa verba, multa insunt quæ contemni debeant, ego forensibus causis affixus sum, publica gero negotia, artificum exerceo, uxorem habeo, alio liberos, familiæ curam gero, mundanus homo sum, non est meum legere Scripturas, sed eorum qui mundo dixerunt vale, qui montium vertices occuparunt, qui vitam ejusmodi continenter agunt. Quid agis, homo? Non est tui negotii Scripturas evolvere, quoniam innumeris curis distraheris? Immo tuum magis est quam illorum. Neque enim illi perinde Scripturarum egent præsidio, atque vos in mediis negotiorum undis jactati: nam Monachi quidem a foro forensibusque negotiis liberi, quique in deserto fixere tuguriola, neque cum quoquam habent commercium, sed in illa quieta tranquillitate cum omni securitate philosophantur, ac velut in portu sedentes, rebus vehementer tutis fruuntur; nos contra velut in medio mari fluctuantes, innumerisque velimus nolimus peccatis obstricti, semper opus habemus perpetuo jugique Scripturarum solatio. Illi sedent procul a conflictu, eoque nec accipiunt multa vulnera. Tibi vero quia perpetuo stas in acie, quia frequenter accipis plagas, idcirco magis opus est remediis, ut quem & uxor provocat, & filius contristat atque ad iram commovet, & insidiatur hostis, & invidet amicus, & vicinus infectatur, & commilito supplantat, frequenter & judex minatur, & paupertas est molesta, & domesticorum amissio luctum adfert, & prosperitas inflat, & adversitas contrahit. Breviter, varia curarum, varia perturbationis, varia mœroris, varia jactantiæ, varia tumoris, tum occasio, tum necessitas, vos undique circumvallat, innumeraque ex omni parte tela volitant: unde necesse est indefinenter a Scripturis armaturam sumere. Agnosce igitur, quod in medio laqueorum incedis, quodque in pinnaculis civitatis ambulas. Carnis enim concupiscentiæ acrius insurgunt adversus eos, qui in hominum vivunt frequentia, quos & decora facies & corporis nitor capit per oculos, & verbum obscenum per aures ingressum, turbat nobis rationem, frequenter & arte modulata cantio animi constantiam labefacit, sed quid hæc commemoro? Quod his omnibus videtur esse vilis, unguentorum odor illicunde aspirans a mulierculis in fornicibus quæstum meretricium exercentibus, ex simplici occurfu comprehendit & abducit captivum. Adeo multa sunt quæ nostram oppugnant animam, eoque opus habemus divinis remediis, quo simul & jam acceptis vulneribus medeamur, & quæ nondum quidem inflata sunt, sed post infligentur, prohibeamus, eminus venientia Diaboli spicula extinguentes depellentesque per assiduam Scripturarum lectionem. Neque nunc fieri potest, non potest inquam fieri, ut quisquam salutem assequatur, nisi perpetuo versetur in lectione spirituali. Immo, præclare rêvera, præclare inquam no-

*Ecclesiastici
nomo.
juxta
Gracos
codices.*

A biscum agitur, etiam si perpetuo hujus medicamenti participes, aliquando salutem consequi possimus: Quod si quotidie vulneremur, medelam vero nullam adipiscamur, quæ fuerit spes salutis? An non vides fabros ærarios, aurifices, fabros argentarios, denique eos qui quamcunque exercent artem, omnia artis instrumenta habere parata & integra: quamvis compellat fames, quamvis affligat inopia, omnia præoptantes sustinere potius quam ut ex instrumentis artificii quippiam vendere velint atque hinc ali. Itaque multi frequenter potius habuerunt ad usuram accipere quam vel minimum aliquid ex artis instrumentis oppignerare, idque jure optimo. Norunt enim quod divenditis illis, ars universa ipsis sit inutilis, totumque quæstus fundamentum sublatum, illis autem manentibus fieri potest, ut contractum æs alienum progressu temporis aliquando dissolvant jugiter utentes artificio: Quod si priusquam dissolverint æs alienum, aliis ea vendant, jam non est unde possint solatium aliquod famis inopięque excogitare. Hoc sane animo nos quoque præditos esse oportet: quemadmodum enim illis artis instrumenta sunt, malleus, incus, forceps, sic & nobis artis instrumenta sunt Apostolorum ac Prophetarum libri, omnisque Scriptura divinitus inspirata & utilis. Et quemadmodum illi per illa instrumenta quicquid faciendum susceperint perficiunt; Ita sane & nos per hos fabricamur animam nostram depravatamque corrigimus, & inveteratam renovamus. Atque illi quidem hætenus modo præstant suam artem, ut formam addant rebus, neque enim possunt materiam vasorum transmutare, neque ex argento aurum reddere, sed harum rerum figuras componunt duntaxat; Tu vero non ita, sed amplius quiddam potes. Nam ligneum vas acceptum, poteris aliquando reddere aureum, cui rei testis est Paulus, in 2 Tim. hunc loquens modum, *In magna autem domo non solum sunt vasa aurea & argentea, sed & lignea fictiliaque. Si quis igitur expurgaverit seipsum ab his omnibus, erit vas in honorem sanctificatum & utile Domino ad omne opus bonum præparatum.*

D Itaque ne negligamus vobis parare libros, ne circa vitalia vulnerum accipiamus. Nec aurum desodiamus, sed nobis ipsis recondamus thesaurum librorum spiritualium. Aurum quidem quum maxime crescit, tum maxime insidiatur possidentibus, libri vero repositi multam adferunt habentibus utilitatem. Quemadmodum enim arma regalia reposita etiam si nemo fuerit qui possideat, tamen iis qui habitant in ædibus ubi reposita sunt, multam præbent custodiam ac tutamen, dum neque latrones, neque parietum perfossores, neque alius quispiam sceleratorum audet eam aggredi domum: Sic ubicunque fuerint libri spirituales, illinc omnis expellitur vis Diabolica, multaque inhabitantibus accedit consolatio. Quandoquidem ipse etiam per se librorum aspectus segniores nos reddit ad peccandum. Sive enim quippiam ausi fuerimus eorum quæ prohibita sunt, nosque ipsos reddiderimus pollutos, reversi domum conspectisque libris acrius nos condemnat conscientia, reddimurque contantiores ad eadem repetenda. Rursum sive in sanctimonia perstiterimus ex libris reddimur tutiores firmioresque. Nam simul atque tetigit aliquis Evangelium, mox composuit suam ipsius mentem, & a rebus mundanis abduxit, idque ex ipso solo aspectu? Quod si accesserit diligens lectio, non aliter quam in sacris adytis rebus divinis vacans anima, sic repurgatur meliorque redditur, Deo cum ipsa per illas Scripturas colloquente. Quid igitur, inquiunt, si non intelligamus ea quæ continentur libris? Maxime quidem etiam si non intelligas illic recondita, tamen ex ipsa lectione multa nascitur sanctimonia: Quanquam fieri non potest ut omnia ex æquo ignores, propterea siquidem Spiritus gratia dispensavit illa temperavitque, quo publicani, piscatores, tabernaculorum opifices, pastores, & Apostoli, idiotæ, illitterati, per hos libros salvi fierent, ne quis idiotarum ad hanc difficultatis confugere possit excusationem, ut omnibus facilia conspectu essent ea quæ dicuntur, ut & opifex, & famulus, & vidua mulier & omnium hominum indoctissimus ex audita lectione aliquid lucri utilitatisque reportaret. Non enim ad

ad inanem gloriam quemadmodum ethnici, sed ad adiutentium salutem hæc omnia composuerunt, quos ab initio Deus dignatus est gratia Spiritus. Siquidem hi qui sunt a Christo alieni philosophi, dicendi artifices, rhetores ac librorum conscriptores, non quod in commune conducit quærentes, sed illud spectantes ut ipsi sint in admiratione, etiam si quid utile dixerint, hoc quoque, quemadmodum in caligine quadam sapientiæ, consueta illis occultavit obscuritas. Apostoli vero ac Prophetæ omnia contra fecerunt, manifesta claraque: quæ prodiderunt exposuerunt omnibus, veluti communes orbis doctores, ut per se quisque discere possit ea quæ dicuntur e sola lectione, & hoc ante pronuntians Prophetæ dicebat: *Sunt omnes docti a Deo, & non dicit quisque proximo suo, nosce Deum, quoniam omnes noscent me a minimo ipsorum usque ad maximum eorum.* Et Paulus inquit, *Es ego, fratres, veni ad vos, non per excellentiam sermonis aut sapientiæ nuntians vobis mysterium Dei.* Et iterum, *Sermo meus, & prædicatio non in persuasoria humana sapientiæ verbis, sed in offensione spiritus ac virtute.* Et rursus: *Loquimur enim sapientiæ, inquit, non seculi huius neque principum huius seculi qui corrumpuntur.* Cui enim non sunt manifesta quæcunque in Euangelio scripta sunt? Quis autem audiens beatos esse mites, beatos misericordes, beatos mundicordes, cæteraque huiusmodi desiderabit præceptorem, ut aliquid eorum discat quæ dicuntur? Quin etiam signa, miracula, historiarum, nonne cuius nota manifesta sunt? Prætextus iste est & causatio, pigritiæque velamentum. Non intelligis quæ insunt: quomodo possis aliquando intelligere, quæ ne leviter quidem inspicere velis? Sume librum in manus, lege historiam omnem, & quæ nota sunt memoria tenens, ea quæ obscura sunt parumque manifesta, frequenter percurrere. Quod si non poteris assiduitate lectionis invenire quod dicitur, accede ad sapientiores, vade ad doctorem, communica cum his ea quæ scripta sunt, declara vehemens studium; Et si viderit te Deus tantam animi promptitudinem adhibere, non despiciet tuam vigilantiam ac sollicitudinem; Verum etiam si nullus homo te docuerit quod quæris, ipse sine dubio referabit. Memento Eunuchi Reginæ *Æthiopum*, qui quum esset homo barbarus, innumerisque distentus sollicitudinibus, & undiquaque circumseptus negotiis, nec intelligeret quæ legebat, legebat tamen in curru sedens: quod si in via tantam præstitit diligentiam, cogita qualis fuerit domi versans. Si tempore perfectionis non sustinuit absque lectione manere, multo minus domi sedens. Si nihil intelligens legebat nec destitit a lectione, multo minus postquam didicerat. Nam ut scias, quod non intellexerit quæ legebat, audi quid dicit *Philippus*, *Num intelligis quæ legis?* Atque ille his auditis non pudefactus est nec erubuit, sed inscitiam suam confessus est atque, *Quinam possim, nisi quis mihi via dux fuerit.* Quum nondum haberet qui viam monstraret, tamen legebat, eoque cito consecutus est ductorem: Novit propensum illius animum Deus, studiumque amplexus est, misit illi doctorem illico. Verum non adest *Philippus*, sed Spiritus qui moverat *Philippum*, adest. Ne neglexerimus nostram salutem, dilecti, hæc omnia scripta sunt propter nos ad correctionem nostri, in quos fines seculorum inciderunt. Magna adversus peccatum munitio est Scripturarum lectio, magnum præcipitum, profundum barathrum Scripturarum ignoratio, magna salutis perditio, nihil scire ex divinis legibus: ea res & hærefes peperit, ea vitam corruptam invexit, hoc sursum deorsum miscuit omnia. Nam fieri non potest, non potest inquam fieri, ut quis sine fructu discedat, qui assidua attentaque Scripturarum lectione fruatur. Ecce una parabola, quam multiplicem nobis attulit utilitatem? quomodo animam nostram meliorem reddidit? Nam complures scio sunt, qui ex his sermonibus copiosam utilitatem ferentes abierunt. Quod si qui sunt, qui non perinde magnum fructum reportarunt, attamen eo die quo nobis audiendis vacarunt, omnino meliores fuerunt. Non autem exiguum est vel istud, unum diem in peccatorum contritione transigere, & ad coelestem philosophiam respicere, animæque permittere ut vel

A paulisper a mundanis respiret curis. Etenim si singulis diebus tales fuerimus, nec defecerimus, assiduitas audiendi magnum quoddam præclarumque bonum nobis pariet.

Agite igitur, & ea quæ sequuntur vobis persolvamus. Quæ sunt autem quæ sequuntur? Quum dixisset dives, *mitte Lazarum ut instillet summo digito, ac refrigeret linguam meam*, auscultemus quid dicat *Abraham*, *Fili, memento quod recepisti tu bona in vita tua, & Lazarus similiter mala, & nunc iste solatium accipit, tu vero cruciaris; Super omnia autem hæc, hiatus magnus confirmatus est inter nos & vos, ut qui volunt istinc transire ad nos, non possint, neque qui hinc isthuc transire.* Gravia sunt quæ dicuntur, plurimumque nobis offundunt dolorem. Hoc & ipse novi, sed quemadmodum mordent conscientiam, ita non parum adferunt utilitatis animis eorum qui mordentur. Etenim si hæc nobis illic dicerentur quemadmodum dicta sunt diviti, re vera plorandum esset, dolendum ac lugendum, quod nos poenitentiae tempus defecisset; Cæterum quoniam hic agentes hæc audimus, ubi & resipiscere licet, & commissa diluere, denique multam conscientiae parare fiduciam, atque ex alienis malis concepto timore mutari, agamus gratias bonitati divinæ, quæ per aliorum supplicia nostram expergefuit segnicie, nobisque dormitantibus somnum excutit. Siquidem ob hoc hæc ante dicta sunt, ne talia patiamur. Etenim si voluisset punire Deus, non ista prædixisset, verum quoniam noluit nos adigere ad supplicium, ideo prædicit supplicium, ut prædictione castigati, vitemus rerum experimenta. At cujus tandem gratia dixit, *recepisti bonatua*, potius quam *cepisti*? Meministis enim, fat scio, quod dicebam hinc nobis mare considerationum immensum aperiri. Nam hæc vox *recepisti*, debiti cuiusdam significationem habet, eo quod recipit aliquis, quæ debebantur. Proinde si dives iste scelestus ac scelerosus & inhumanus fuit, quam ob rem non dicit illi *cepisti*, sed *recepisti bonatua*, quasi iure illi competierint, quasque deberentur? Quid igitur? Videlicet hinc discimus, quod etiam si qui sint scelerosi, ad extremam improbitatis lineam deveci, tamen frequenter unum aliquod, duove aut tria benefacta sunt operati. Quod autem hæc non loquor e conjecturis, hinc perspicuum est. Quid enim fuit illo iniquitatis iudice sceleratius, quid inhumanius, quid magis impium? Is neque Deum metuebat, neque homines reverebatur, attamen quum tam improbis esset moribus, fecit boni quiddam, miseratus viduam ipsi sine fine negotium facessentem, annuens postulanti officium, præstansque quod petebatur, cohibitis qui illam afficiebant injuria. Ita frequenter accidit ut aliquis vitæ sit intemperantis, & tamen idem sit misericors, aut ut quis sit inhumanus, pudicus tamen. Quod si intemperans fuerit & idem crudelis, tamen unum aliquod aliud bonum opus fecit in vita. Rursus hoc idem arbitrandum est de bonis. Quemadmodum enim qui pessimi sunt, faciunt frequenter boni quiddam, sic & boni virtuteque præditi, sæpenumero peccant. Quis enim, inquit, *gloriabitur se castum habere cor? Aut quis confidet se purum esse a peccato?* Quoniam igitur verisimile est divitem illum, licet ad extremum malitiæ provectum, aliquid fecisse boni: contra *Lazarum* tamen si summam virtutem præstitisset, aliquid tamen leve deliquisse: vide quomodo declaravit utrumque Patriarcha dicens, *Recepisti bonatua, & Lazarus mala.* Et tu, inquit, etiam si quid boni fecisti, si qua merces tibi debebatur, hæc omnia in illo mundo recepisti, deliciis fruens, divitiis affluens, rebus prosperis utens, multoque rerum successu gaudens. Et hic si quid mali fecit, omnia recepit, quum fame, inopia, extremis malis affligeretur. Itaque vestrum uterque nudus huc pervenit, ille peccatis, tu iustitia, quam ob rem & hic merum habet solatium, tu inconsolabilem sustines cruciatum. Etenim cum exigua sunt levique benefacta nobis, ingens autem & immensum peccatorum onus, deinde hic prosperitate fruimur, neque quicquam patimur acerbi, prorsus nudi destititque benefactorum præmiis hinc discedimus, ut qui hic receperimus omnia. Rursus, quum multa magna-

1 Cor. 2.

Asto. 8.

Lucæ 18.

Pro-
verb. 20.

que fuerunt nobis benefacta, sed exigua paucaque delicta, & post hæc patimur aliquid acerbi, hic depositis levioribus illis delictis puram illic & perfectam bonorum operum remunerationem accipimus.

Ubi quem igitur videris, improbam agentem vitam, nec quicquam hic acerbi patientem, ne putaris illum beatum, sed desle potius ac deplora, velut illic omnia tristitia perpeffurum, quemadmodum dives ille fecit. Rursus ubi quem videris virtutis studiosum, & eundem innumeris affligi molestiis, beatum existima, felicem iudica, ut qui & hic omnia sua peccata diluerit, & illic multam habeat paratam mercedem, quemadmodum huic evenit *Lazaro*. Nam ex hominibus, alii quidem hic duntaxat puniuntur, alii rursus nihil hic tale patiuntur, sed omnem vindictam illic recipiunt; Alii vero tum hic tum illic puniuntur. Horum igitur, quos tandem iudicatis beatos? Non dubito, quin primos illos, qui hic puniuntur, atque ita peccata deponunt. Verum post illos quos proximo felicitatis loco ponitis? Vos fortassis eos, qui nihil hic triste patiuntur, sed illic omnem luunt poenam. Atego non istos, sed hos potius, qui hic simul & illic puniuntur. Nam hic qui poenas dederit, sentiet illic poenam leviolem; Cæterum qui cogetur illic totam poenam sustinere, inevitabilem vindictam patietur, velut ille dives. Quoniam enim hic nullam peccatorum partem abluit, adeo severe punitus est, ut ne minimam quidem guttam impetraverit. Verum his quoque qui hic quum peccant, nihil tamen grave patiuntur, illos longe infeliciores iudico, qui quum hic puniuntur, simul tamen deliciis ac securitate fruuntur. Quemadmodum enim hic non dare poenas pro commissis, illic cruciatum reddit atrocior: ita dum peccant, securitati, deliciis, multæque rerum affluentiae indulgere, majoris poenæ viaticum ac materiam illic colligit. Nam quum peccantes nos Deus afficit honoribus, res potissimum nos in gravius incendium injicere poterit. Etenim si quis Dei lenitate fruatur tantum, non etiam ad quod oportuit utatur, atrocius supplicium sibi parat. Ubi præter Dei lenitatem etiam honoribus potitur maximis, nihilo secius tamen persistit in socordia, quis illum eripiet ab illo supplicio? Etenim cum intelligas, quod qui Dei lenitatem experiuntur, malum universum illic sibi coacervant, ni resipuerint, audi quid dicat *Paulus*, *Existimas autem o homo, qui condemnas eos qui talia faciunt, & facis eadem, quod tu effugies iudicium Dei? An divitias bonitatis illius ac patientiae, lenitatisque contemnis, ignorans quod bonitas Dei ad penitentiam te invitat? Sed juxta duritiam tuam, & cor impenitens, recondis tibi ipsi iram in die ira ac revelationis & iusti iudicii Dei*. Ergo quum viderimus, opibus affluentes, deliciis fruantes, unguenta olentes, in temulentia perseverantes, in magistratu & honore, in multa pompa & claritudine, peccantes neque quicquam triste patientes, hac ipsa de causa, maxime defleamus ac deploremus illos, quod dum peccant non puniuntur. Veluti si quem videris hydropi aut vitio splenis obnoxium, aut tabo quopiam marcescentem, innumeris undique plenum ulceribus, nihilo secius tamen cum his omnibus, temulentiae ac deliciis indulgentem, reddere mortem acriorem, adeo non miraris aut beatum iudicas eum ob delicias, ut ob hoc ipsum etiam maxime miserum existimes. Similiter & de anima cogitato, ubi videris hominem perverse viventem, multaque fruente prosperitate, neque triste quicquam patientem, ob hoc ipsum magis deplora, quod quum morbo, gravissimoque tabo sit obnoxius, tamen deterior fit, morbum deliciis vitæque dissoluta exasperans. Non enim puniri malum est, sed peccare malum est; Nam hoc quidem a Deo separat, illud vero nos ad Deum recolligit, iramque dissolvit. Unde hoc liquet? Audi Prophetam dicentem, *Consolamini, consolamini populum meum Sacerdotes, loquimini ad cor Hierusalem, quoniam accepit de manu Domini dupla, pro peccatis suis*. Ac rursus, *Domine pacem da nobis, nam omnia reddidisti nobis*. Ut autem intelligas alios hic alios illic puniri, alios tum hic tum illic, audi quid dicit *Paulus*, reprehendens eos qui indigne communicabant mysteriis. Quum enim dixisset, *qui edis ac bibis indigne Domino, reus eris cor-*

Esaiæ
40.

Esaiæ
26.

poris & sanguinis Domini, subiecit illico, *Propter hoc inter vos multi infirmi ac valetudinarii, & dormiunt multi: Etenim si nos ipsos dijudicaremus, non utique iudicaremur. Nunc autem quum iudicamur, a Domino corripiemur, ne cum mundo condemnemur*. Vides quomodo hic inflicta poena, liberat a poena quæ illic est? Et de eo qui stuprum commiserat, inquit, *Tradite eum Satana in interitum carnis, ut spiritus salvus fiat in die Domini nostri Jesu Christi*. Quin & ex ipso *Lazaro* hoc perspicuum est, quod etiam si quid mali commiserat, hic abjecerit, itaque illuc purus abierit. Idem vero & ex illo paralytico manifestum est, qui triginta octo annos laborans, per morbum diuturnum peccata deposuit. Cæterum ut scias illum ob peccata sic afflictum fuisse, audi quid dicit Christus, *Ecce sanus factus es, ne posthac pecces, ne quid contingat tibi deterius*. Ex his igitur clarum est, esse quosdam qui hic puniuntur ac peccata deponunt. Quod autem aliqui tum hic tum illic puniuntur, si minus pro peccatorum magnitudine hic luerint poenas, audi quid de *Sodomitis* dicat Christus. Etenim quum dixisset, *Quicumque non receperit vos, etiam pulverem pedum vestrorum in eos excutite*, subjunxit, *Tolerabilius erit terra Sodomorum & Gomorrhæ, quam civitati illi*. Quod autem dixit *tolerabilius*, hunc habet sensum, quod illi tum quoque forent puniendi: Nam & ante puniti fuerant, quandoquidem in hac vita dederunt poenas. Porro nonnullos esse qui hic quidem nihil molesti patiuntur, sed illic totam expectant ultionem, declaravit nobis hic dives, inconsolem perferens cruciatum, ac ne minimum quidem refrigerii consequens, eo quod illic illi tota vindicta fuerit reservata. Quemadmodum igitur in his qui peccant, ii qui nihil hic acerbi patiuntur, illic maiorem sustinent cruciatum: sic inter eos qui recte faciunt, qui multa patiuntur in hac vita molesta, illic multo potentiore honore. Et quemadmodum si e duobus peccatoribus unus hic puniatur, alter non puniatur, beator est ille punitus eo qui punitus non est; Sic sane inter duos iustos si alter hic plus, alter minus pertulerit afflictionum, beator erit ille qui plus sustinuerit, quando unicuique reddet juxta opera sua.

Quid igitur? non est quisquam inquires, qui & hic & illic requie fruatur? Istud impossibile est o homo, atque ex eorum numero quæ frustra speres. Fieri non potest, non potest fieri, inquam, ut qui hic in socordia securitateque vixerit, qui in deliciis omnibus assidue dies consumserit, qui temere neglecteque transegerit ætatem, illic honorem consequatur. Nam & si paupertas non sit molesta, cupiditas tamen molesta est, atque huic obnoxius est, nec hinc mediocris labor: Quod si morbus non infestat, sed inflamat ira, ne is quidem mediocris dolor vincere iracundiam, & si afflictiones non irruerint, tamen cogitationes malæ indefinenter insurgunt. Non est autem vulgaris negotii refrenare cupiditatem, cohibere sitim inanis gloriæ, coercere fastum, a deliciis temperare, in aspera degere disciplina. Nam qui ista non fecerit, fieri non potest ut unquam salvus fiat. Ut autem intelligas viventes in deliciis, non fieri salvos, audi quid dicit *Paulus*, *Quæ vero in deliciis vivit, vivens mortua est*: Loquitur de vidua muliere. Quod si de muliere hoc dictum est, multo magis de viro dicendum. Præterea non posse fieri o homo, ut qui talem vitam adipiscatur cœlos, hoc ipsum & Christus declaravit hunc in modum loquens, *Angusta & aspera est via, qua deducit ad vitam, & pauci sunt qui inveniunt eam*. Quomodo igitur (dixerit aliquis) dictum est illud, *Jugum meum suave est, & onus meum leve*? Nam si angusta est via & aspera, quomodo rursus eam levem facilemque vocat? Illud quidem dictum est propter naturam afflictionum, hoc vero propter spontaneam voluntatem aduentium; Nam fieri potest ut quod natura est intolerabile, sit leve si cum alacritate animi suscipiamus. Quemadmodum & Apostoli flagris cæsi reverfi sunt gaudentes, quod digni essent habiti pro nomine Domini ignominia affici: Quanquam natura cruciatuum afflictionem doloremque solet gignere, verum animus promptus eorum qui flagellabantur, rerum naturam vicit. Proinde & *Paulus* dicit, *Omnes qui volunt pie vivere in Christo Je-*

Tom. VII.

F

Tim. 3.

εἰς
καὶ
οὐκ
ἐν τῇ
παύσει.

1 Co-
rinth. 9.

7000.
16.

su, persecutionem patientur: Et si homo non persequatur, Diabolus tamen oppugnat. Unde multa nobis opus est philosophia, multa fortitudine, ut in precibus vigilemus, nec unquam dormitemus, ne res alienas concupiscamus, ut quæ adfunt in egenos distribuamus, ut omnibus delictis gemere plorareque renuntiemus, tum iis quæ sunt in vestibus, tum iis quæ sunt in mensa, ut avaritiam fugiamus, ut ebrietatem ut maledicentiam vitemus, ut linguæ temperemus neque vociferemur; Omnis enim amarulentia, commotio, & iracundia, & vociferatio, & maledicentia tollatur a vobis, ne obscena loquamur, ne dictis urbanis delectemur. Non est mediocris laboris in his perfectam præstare continentiam: Atque ut intelligas quanta res sit philosophari, quamque non habeat relaxationem, audi quid dicit *Paulus*, *Cassigo corpus meum & in servitutem redigo*: hoc dicens aperuit, quanta sit violentia quantusque labor quem oportet sustinere eos, qui volunt corpus reddere subiectum ac tractabile. Quin & Christus discipulis ait, *In mundo presuram habebitis, sed confidite ego vici mundum*. Hæc, inquit, afflictio requiem vobis conciliabit, certaminum cavere sunt hæc præsens vita; In caveis autem ac certaminibus nemo possit frui requie. Itaque qui coronandus sit, quisque velit coronari, asperam ac laboriosam vitam suscipiat, ut postquam hinc brevem laborem sustinueritis, illic perpetuis honoribus fruamini.

Quot singulo quoque die accidunt molestiæ? Qualis autem est animi, non gravari, non moleste ferre, sed gratias agere, glorificare, adorare eum qui permittit has tentationes infligi? Quam multa inexpectata, quam multæ angustiae? Et tamen oportet premere malas cogitationes, neque permittere linguæ ut aliquid sonet absurdum, quemadmodum beatus *Job* innumera perpeffus mala perseveravit gratias agere Deo. Sunt autem nonnulli, qui si joco convitiove abs quoquam tacti fuerint, aut adversam valetudinem inciderint, veluti podagram, aut capitis dolorem, aut alium hujus generis morbum, illico blasphemias effundunt, ac molestiam quidem morbi sustinent, cæterum fructu privantur. Quid facis o homo, in beneficium, in provisorum, in tui curam agentem, in servatorem convitia jaciens, nec te sentis in præcipitium abripi, teque ipsum in extremi exitii barathrum dejicere? Num enim si blasphemiam proferas, leviolem reddis morbum? Exacerbaspotius illum ac molestiorem reddis cruciatum: Propter hoc enim Diabolus innumeras impingit molestias, ut in illud barathrum te præcipitet. Et si quidem viderit te blasphemias proferentem, protinus augeat dolorem ac majorem reddit, quo stimulatus rursus indigne feras: quod si viderit te fortiter perferentem, quoque morbus fuerit acrior hoc magis agentem gratias Deo, illic desistit, ut qui in cassum frustra pergit imminere. Et quemadmodum canis assistens mensæ si viderit hominem vescientem subinde aliquid eorum quæ in mensa sunt ipsi projicientem, manet assidue: quod si semel atque iterum sic astitit, ut discesserit nihil adeptus, protinus abstinet, veluti qui jam frustra & incassum assistat; Itidem & Diabolus jugiter nobis inhiat, si quod blasphemum verbum ipsi ceu cani projiciamus, hoc accepto rursus aggreditur. Quod si perseveraveris gratias agere, jugulaveris illum fame, celeriterque abegeris & aufugere coegeris. Verum non potest acere cruciatu stimulatus, nec ego prohibeo te loqui, sed volo te pro blasphemia loqui gratiarum actionem, pro verbis indignationis verba boni ominis. Confitere Domino, clama vehementer, obsecrando: clama vehementer, glorificando: sic tibi & morbus redditur levior, discedente quidem Diabolo propter tuam gratiarum actionem, Dei vero auxilio accedente: Nam si blasphemias effuderis, pariter & Dei auxilium submovisti, & Diabolum adversus temetipsum reddidisti sæviorem, & te ipsum magis involvisti doloribus; Sin gratias egeris, & insidias propuleris mali Dæmonis, & Dei pro te solliciti medelam tibi conciliaveris. Verum ex consuetudine frequenter impetu rapitur lingua, ut perversum illud verbum sonet; Verum quum huc rapietur, priusquam verbum effuderit commorde illam undique dentibus acriter; Præstat illam nunc fluere sanguine,

A quam tunc concupiscere guttam nec impetrare posse refrigerium: præstat illum temporarium ferre dolorem, quam tunc perenniter & immortalibus malis cruciari, quemadmodum divitis illius lingua ardore æstuans nulum impetravit refrigerium. Deus præcepit ut inimicos tuos diligas; tu vero Deum te amantem averfari, Deus jussit ut conviciis insectantibus, benigne loquaris, maledicentibus benedicas; tu vero illi benefacienti & tui curam agentis maledicis, quum nulla in re læsus sis. An non potuit solvere afflictionem? potuit, sed permisit, ut fias probator. Verum ecce, inquis, collabor interim ac pereor? Non propter afflictionis naturam peris, sed propter tuam socordiam. Dic mihi utra res est facilior, B blasphemiam an gratiarum actio? Nonne illa eos qui audiunt hostes & inimicos tibi reddit, & in desperationem postea conjicit: hæc vero innumeras adfert philosophiæ coronas, incredibilemque ab omnibus admirationem, denique ingentia a Deo præmia? Cur igitur quod utile est, quod facile, quod jucundum, omittens, id quod lædit, quod contristat, quod tabefacit illius loco, sectaris? Quin & alioqui si tentationis ac paupertatis afflictio causa esset blasphemiarum, oporteret omnes qui in paupertate vivunt blasphemos esse: Nunc autem inter eos qui in extrema degunt paupertate multi jugiter agunt gratias, alii contra qui opibus ac divitiis affluunt non cessant evomere blasphemias. Itaque non ipsa rerum natura, C sed nostra voluntas & hoc & illud efficit. Propter hoc enim & hanc recitavimus parabolam, ut cognosceres quod hominem socordem ne divitiæ quidem juvent, attentum vero ne paupertas quidem lædere possit. Quid dico paupertas? Etiam si omnia conglomerentur quæ sunt inter homines mala, nunquam percellent animum hominis Deum amantis sapientiæque studiosi, neque D persuadebunt ut virtute discedat. Et horum testis est *Lazarus*: quemadmodum e diverso eviratum ac dissolutum non divitiæ, non sanitas, non perpetua prosperitas, non aliud quippiam unquam juvare poterit. Ne igitur dicamus quod paupertas, morbus & periculorum insultus compellant ad blasphemiam; Non paupertas, sed animi consternatio, non morbus, sed Dei contemptus, non periculorum insultus, sed pietatis desertio, ut ad blasphemiam, ita ad omne malitiæ genus adducit minus attentos.

Sed quam ob causam, inquiet aliquis, alii quidem hic puniuntur, alii vero illic, ac non potius omnes hic? Quam ob causam? Quoniam si hoc esset, omnes utique perissent: Omnes enim sumus obnoxii poenis. Rursum si nullus hic puniretur, plures redderentur socordiores, multique dicerent non esse providentiam. Etenim si quum nunc videant multos improbos puniri, multas ejusmodi blasphemias evomunt, si ne hoc quidem esset, quidnam dicerent? Ad quod malitiæ genus non rape- E rentur? Has ob res Deus alios quidem hic punit, alios vero non punit. Punit quidem aliquos, excidens illorum vitium, poenamque illic reddens leviolem, aut etiam in totum liberans illos, & eos qui perverse vivunt castigatiores reddens hac punitione; Alios vero rursus non punit, ut si resipiscerent sibiipsis caverint, ac Dei benignitatem reveriti fuerint, & hic liberentur a poena, & illic a supplicio; Sin perstiterint, nihilo meliores fa- F ti lenitate Dei, qui mala nostra diu tolerat, majorem sustineant cruciatum propter insignem ipsorum contemptum. Quod si quis dixerit eos qui puniuntur erumpere in maledicta, poterant enim alioqui resipiscere, illud respondebimus, Si Deus præcisset fore ut resipiscerent, nequaquam punisset. Etenim, si quos vidit manere incorrigibiles, omittit, multo magis quos noverrat ex ipsius lenitate laturos fructum, passurus erat in præsentis vita, ut consequerentur temporis spatium ad poenitentiam: Nunc autem eos eripiens, & illis levio- rem in futuro seculo poenam reddit, & hos castigatiores illorum suppliciiis facit. Quam ob rem igitur non idem hoc facit in malis omnibus? Ut hi qui manent, per timorem aliorum suppliciis reddantur castigatiores, prædicentque Dei lenitatem, ejusque humanitatem reveriti, desistant a malitia: Non igitur Deus jam in causa est, sed illorum socordia, qui noluerunt tam multis remediis ad

ad propriam abuti salutem, atque uti cognoscas quod hac de causa fuerit, miscuit olim sanguinem *Galilaeorum* Pilatus cum sacrificiis, & accedentes hoc ipsum renuntiaverunt Jesu, atque ille dicit, *Quid putatis quod illi Galilaei soli peccatores fuerunt? Non, dico vobis, nisi poenitentiam egeritis & vos eadem patiemini.* Rursum alii octodecim obruti sunt ruina cujusdam turris, de his quoque eadem dicit: Nam quod ait, *quid putatis quod illi peccatores erant soli? non erant, dico vobis:* declarat quod & viventes iisdem erant obnoxii. Quod autem ait, *nisi poenitentiam egeritis & vos eadem patiemini,* declarat quod & illos permisit hac de causa illa pati, ut viventes ex his quae ceteris acciderant terrore concepto, resipiscerent. Quid igitur? ut ego, inquis, fiam melior, ille punitur? Non propter hoc, sed propter suum ipsius peccatum punitur. Ceterum illorum interitus attentis ex abundanti fit occasio salutis, dum metu ex his quae aliis acciderunt concepto, redduntur probiores. Itidem & Domini faciunt, uno saepe famulo flagellato multos metu reddunt emendatiores. Quum igitur videris aliquos vel in naufragium incidisse, vel aedium ruina oppressos esse, vel incendio perisse, vel a fluviis abreptos esse, aut alio quopiam modo violento vitam finisse: deinde alios qui eadem cum illis & graviora peccarunt, nihil tale passos, ne conturberis dicens, Cur tandem qui eadem peccant non eadem passi sunt? Verum illud reputa, quod Deus illum quidem passus est e medio tolli praefocarique, mitiorem ei praeparans in futuro seculo cruciatum, aut etiam in totum eum liberans, hunc vero nihil tale passus est sustinere, ut alterius supplicio castigatior factus, modestior redderetur: quod si perseveraverit in iisdem, crudelissimam sibi ipsi ex sua socordia coacervat ultionem, nec Deus fuerit causa intolerabilis supplicii. Rursum si videris justum affligi, aut omnia quae dicta sunt perpetientem, ne consterneris animo; Nam & illi res acerbae, splendiores reddunt coronas: & tota poena, si quidem tota peccatoribus infligatur, detrahit aliquid vitiorum ponderi, sin tota justis infligatur splendidiorem reddit illis animum, sic ut utrique maximus ex afflictione fructus eveniat, tantum si grate toleremus: hoc enim est quod quaeritur.

Propterea quum sint ejusmodi exempla innumeralia, sacrarum Scripturarum historia his repleta est, justos ac injustos malis afflictos, nobis exhibens, ut si ve justus sis si ve peccator, quoniam habes exempla, feras fortiter. Non solum autem ostendit tibi improbos malis afflictos, verum etiam feliciter agentes, ne illorum felicitate conturberis, nimirum doctus ex his quae diviti acciderunt, cujusmodi illos post hanc vitam manet incendium, nisi vitam eam reliquerint. Non possumus, inquit, & hic & illic requie frui? Non possumus inquam. Eoque justi vixerunt hic vitam laboribus obnoxiam. Quid igitur (inquis) *Abraham*? Et quis tam multa dura perpessus est? Nonne a paterno exsulavit folo? Nonne a suis omnibus divulsus est? Nonne in peregrina regione famem sustinuit? Nonne velut erro quispiam, subinde vertit solum, a *Babylone* in *Mesopotamiam*, inde in *Palistinam*, rursus hinc in *Aegyptum*? Quis referre possit bella quae pro uxore, quae cum barbaris gessit? Quis strages, quis cognatae familiae captivitatem? Hujus generis alia sunt innumeralia. Ceterum quum filium suum abduceret, nonne quod est omnium maxime intolerabile perpessus est? Eum suis ipsius manibus mactare jussus, quem adamabat, eum quem habebat carissimum? Quin & ipse immolatus *Isaac*, nonne omni ex parte semper a finitimis vexabatur, adeo ut & uxore spoliatus fuerit quemadmodum pater? Et tu tanto jam tempore manes ineruditus? Quid porro *Jacob* in patriis aedibus educatus, nonne graviora quam avus perpessus est? Ac ne singulis recensendis prolixior reddamus orationem, audi quid de tota vita sua dicat, *Pauci & mali dies mei, nec pertigerunt ad dies patrum meorum.* Et tamen quum filium conspexisset in throno sedentem, tantaque potitum gloria, haud quaquam oblitus est praeteritarum calamitatum; tamen ille in tantum erat malis conditus ac maceratus, ut ne in tanta quidem prosperitate potuerit anteaactorum malorum oblivisci. Quid au-

tem *David*? Quam multas sustinuit tragoedias? An non eadem dicit quae *Jacob*, hunc in modum loquens? *Dies puerorum nostrorum in ipsis septuaginta anni. Si autem in potentatibus, octoginta anni. Et quod amplius illorum labor ac dolor.* Quid vero *Hieremias*? Nonne diem suum execratur, ob malis succedentia mala? Quid autem *Moses*? Nonne loquitur, *Occide me, si sic mecum aeturus es?* Ceterum *Helias*, cujus animi sublimitas ad coelum usque pertingebat, qui coelum aperuit, an non post multa edita prodigia jugiter lamentatur ita loquens Deo, *Tolle animam meam a me. Non sum melior patribus meis.* Sed quorsum, attinet ista singulatim persequi? *Paulus* omnes simul complexus sic dicit: *Circumierunt in pellibus ovium, in pellibus caprarum, egentes, afflicti, calamitosi, quibus non erat dignus mundus.* Prorsus ita necesse est eum qui gratias acturus sit Deo, qui probatus ac purus esse velit, haud quaquam sectari vitam mollem, remissam ac dissolutam, sed laboriosam multisque laboribus sudoribusque plenam. Nullus, inquit, coronatur nisi qui legitime certaverit. Quisquis autem certat, in omnibus continens est, & in verbis, & in aspectu, & in voce, & a convitiis temperans, & a blasphemia, & a turpiloquio, & ne tentatio foris infestet, ipse seipsum quotidie jejuniis exercet asperaue vita, vili cibo, ubique vitans sumptus magnificos. Aliter non potest quis placere Deo. Neque enim mihi frigidum illud dictum objecerit quispiam, quod hic aut ille simul habeat, & hujus vitae & illius comoda. Hoc in divitibus ac deliciis fruentibus, simulque peccantibus accidere nequaquam potest, verum si istud dicendum est, de his qui hic affliguntur dici potest, qui vivunt in angoribus, videlicet quod & hic habent quae sunt hujus vitae, & illic quae sunt illius. Illic habent praemii fructum, hic habent quod illorum spe aluntur, nec sentiunt mala praesentia, ob futurorum bonorum expectationem.

Sed audiamus & reliqua quae sequuntur. *Super hac omnia vero, hiatus ingens confirmatus est inter vos & nos.* Hinc clarum est, quod frater non redimit, redimet homo? Non dabit Deo, quo ipsi propitiatur, etiam si pater fuerit, etiam si finis fuerit. *Abraham* appellavit divitem filium, nec tamen illi praestare potuit quae sunt patris. *Dives* patrem appellavit *Abraham*, & consentaneum erat illum impetraturum benevolentiam quam patres gerunt in filios. Non impetravit, uti cognoscas quod neque cognatio, neque amicitia, neque affectus, neque alia res ulla ex omnibus quae sunt, juvare potest eum, qui a sua ipsius vita proditus est. Haec autem eo dico, quod complures, nobis frequenter admonentibus, ut sibi caveant, vigilantque, negligunt, & admonitionem vertunt in risum. Tu mihi, inquit, adesto in illo die, & bono sum animo, neque quicquam metuo. Rursum alius: Patrem, inquit, habeo martyrem. Et alius: Avum, inquit, habeo Episcopum. Alii suae familiae viros objiciunt. Frigida sunt ista verba, nihil nobis aliorum virtus prodesse valet. Memento virginum illarum, quae quinque virginibus non communicarunt oleum, sed ingressae sunt in sponsi thalamum illis exclusis. Ingens bonum, in tuis ipsius benefactis collocare spem. Illic enim nullus unquam amicus erit auxilio. Nam si hic dixit Dominus *Hieremias*: *Ne roga pro populo hoc,* hic inquam, ubi in potestate nostra est vertere vitam, quanto magis idem dicitur illic? Quid ais? Patrem habes martyrem? Istud ipsum potius faciet ad graviolem tui condemnationem, qui quum habeas ad virtutem exempla domestica, tamen te ipsum indignum majorum tuorum virtute praestiteris. Verum habes amicum egregium admirandumque. At ne iste quidem tunc tibi est adfuturus. Quomodo igitur dicit: *Facite vobis amicos ex mammona iniquitatis, ut recipiant vos in aeterna habitacula sua?* Non hic est amicitia opitulatrix, sed eleemosyna. Etenim si sola auxiliaretur amicitia, dicendum erat, *facite vobis amicos.* Nunc autem ostendens quod non sola subvenit amicitia, addidit *ex mammona iniquitatis.* Ac fortasse dixerit aliquis: Possum & absque mammona conciliare amicum eumque meliorem quam ex mammona. Verum uti scires quod eleemosyna est quae patrocinatur, opusque tuum ac beneficium tuum, non simpliciter in bonum

rum amicitiiis, sed in amicitiiis per manum partem iussit te confidere.

Hæc igitur omnia quum sciamus, carissimi, omni sollicitudine prospiciamus nobis ipsis, & siue corripimur, gratias agamus, siue prosperitate fruimur, muniamus nos ipsos, aliorumque suppliciis facti castigati, per poenitentiam & compunctionem, continuamque confessionem & Eucharistiam, etsi quid deliquimus in hac vita deposito, summoque studio maculis omnium animarum nostrarum abstergis, obsecremus Deum, ut omnibus hinc emigrantibus ita concedat illuc pervenire, ut non veniant in sortem divitis, sed eum *Lazarum* potantem sinu *Abraham*, inque bonis immortalibus delicientem. Quæ nobis omnibus assequi contingat, gratia ac benignitate Domini nostri Jesu Christi, per quem & quicum Patri & Spiritui sancto, gloria, honor, imperium, adoratio in secula seculorum, Amen.

EJUSDEM DE LAZARO CONCIO QUARTA,
Quodque conscientia solet nos commonefacere veterum delictorum. Item, de Joseph.

QUOD superest de *Lazari* parabola necessum est ut persolvamus hodie. Nam vos fortasse creditis totum nobis absolutum esse. Atqui ego non abutar vestra ignorantia, neque prius desistam quam totum quod mihi videre datum est, tractaro, itaque discessero: quandoquidem & agricola posteaquam totius vineæ vindemiam peregerit, non prius desistit, quam singulos etiam minutos acinos decerpserit. Quum igitur nunc quoque videam, sub litteris, veluti sub foliis latere sensus occultos, age & hos rursus diligenter amputemus, pro falce sermone utentes. Siquidem vinea post fructus semel a vindemiatore defectos, stat nuda fructu, nihil habens præter folia: verum spiritualis divinarum Scripturarum vinea non item, sed quamvis quicquid videbatur sustulerimus, tamen adhuc amplius superest tollendum. Itaque complures ante nos disseruerunt in hanc parabolam, complures fortassis & post nos disserturi sunt, nemo tamen poterit totas aperire. Nam ea est hujus opulentiae natura, quo foderis altius, hoc magis exundant divini sensus. Fons enim est nunquam deficiens. Oportebat quidem superiore conventu debitum hoc dissolvere. Verum non existimavimus esse tutum beati *Babylæ* & *Xynoridis* sanctorum martyrum qui *Lazarum* secuti sunt, bene facta præterire. Eoque distulimus fundamentum, reservantes in præsentem diem totam structuram. Age igitur, quoniam & patribus suas laudes persolvimus, non ut illi promerebantur, sed pro viribus nostris, persolvamus & vobis, hujus expositionis reliquias.

Verum ne vos delassimini priusquam ad finem pervenerimus, illinc repetemus sermonem, ubi illum heri finivimus. Ubi vero illum heri finivimus? In hiatu dirimente justos a peccatoribus. Quum enim dixisset divites, mitte *Lazarum*, quid illi respondit *Abraham*? *Hiatus ingens fixus est inter nos & vos, ut qui velint isthinc transire ad nos, non possint, neque hinc isthuc transeunt.* Multis verbis demonstravimus, quod posteaquam Deus multam humanitatem erga nos exhibuit, oporteat in propriis benefactis spem salutis collocare, non patres, avos ac proavos recensere, neque cognatos, domesticos ac vicinos. Frater non redimit, redimet homo? sed quicquid deprecari fuerint supplicarintque qui hinc cum peccatis migrarint, incassum jam frustra loquentur. Etenim virgines illæ quinquè implorabant ab æqualibus oleum, nec impetrarunt. Et is qui talentum in terra defoderat, quum multam excusationem attulisset tandem condemnatus est. Item qui ipsum esurientem non paverant, nec sitienti potum dederant, quum & ipsi crederent sese ad ignorantiae patrocinium posse confugere, nec veniam, nec excusationem repperunt. Ceteri vero, nec quod hiscerent habebant, velut ille sordidis indutus vestibus; nam accusatus obtinuit. Non autem hic modo, verum & alius ille, qui quod adversus proximum præteritarum offensarum meminisset, centumque denarios ab eo postulasset, post super his ipsis a domino reprehensus, ob crudelitatem & inhumanitatem,

tem, nihil habuit quod responderet. Unde perspicua est quod neque nos quicquam illic sublevari, si non habuerimus bona opera, verum siue supplices fuerimus, obsecremusque, siue tacerimus, æque super nos veniet supplicium ac vindicta. Ausculta igitur quomodo hic quum duo postularet ab *Abraham*, utroque frustratus sit. Primum enim pro seipso deprecatus est, *Mitte, inquit, Lazarum*: mox non jam pro seipso, sed pro fratribus, verum nihil postulatorum obtinuit. Siquidem altera postulatio nempe prior talis erat, ut quod petebatur, fieri non posset; Altera vero, videlicet pro fratribus, erat supervacua. Quin potius si videtur ipsa verba multo cum studio audiamus. Etenim si quum magistratus in medio foro reum adducit, carnifices adhibet, ac tormentis examinat accusatum, omnes magno studio concurrunt, cupientes audire quid interroget iudex, quid reus respondeat: Multo magis hic diligenter auscultandum est, quid reus, nimirum hic dives, postulet, quid contra iustus iudex respondeat per *Abraham*. Non enim Patriarcha erat qui iudicabat, quanquam is pronuntiabat. Verum quemadmodum in mundanis istis iudiciis quoties fuerint aliqui rei, puta latrones, aut homicidæ, his leges procul a conspectu iudicis occurrentes, non permittunt ut audiant vocem iudicantis, qui præter alia hoc quoque honore iudicatos indignos: sed medius quispiam interpres, & iudicis interrogationes & rei responsiones perfert: Hoc sane pacto & tunc factum est. Non Deum pronuntiantem, non Deum ipsi loquentem audivit reus, sed medius erat *Abraham*, qui iudicis vocem ei qui iudicabatur, reulit. Non enim ex sese dicebat quæ dicebat, sed divinas diviti leges recitabat, quæque cœlitus ferebantur sententias proferebat: eoque nec habebat hic quod contradiceret.

Auscultemus itaque diligenter his quæ dicuntur. Nam in hac parabola data opera immoror, nec desisto tamen si quantum jam diem in hac versor, propterea quod ex hac enarratione plurimum fructus nasci video cum divitibus, tum pauperibus, tum his qui propter improborum felicitatem, tum illis qui propter iustorum inopiam & afflictionem conturbantur. Neque enim ulla res perinde solet hominum vulgus offendere ac perturbare, ut quod divites prave viventes multa fruuntur prosperitate, contra iustum cum virtute vitam agentes ad extremam rediguntur inopiam, aliaque perpetiuntur innumera paupertate ipsa graviora. Verum hæc parabola sufficit ad præstanda remedia: divites quidem redigens ad sobrietatem, pauperes vero in præsentibus malis consolans: & illos quidem admonens ne efferantur tollantque cristas, quoties perverse viventes hic poenas non dant, quippe quum illos maneat illic gravior cruciatus: hos vero consolans, ne aliorum felicitate perturbentur, neque putent res humanas absque Dei providentia ferri, quum hic iustus malis affligitur, improbus contra ac sceleratus homo perpetua fruitur prosperitate. Ambo siquidem pro dignitate recipient illic, hic quidem coronas patientiæ tolerantiaque, ille vero supplicia poenasque improbitatis. Hanc parabolam inscribite divites paniter ac pauperes, divites quidem in parietibus animi vestri, & si quando delera fuerit, oborta oblivione, illinite denuo, ab initio reminiscetes. Magis autem pauperes coram oculis vestrae mentis hanc describite, semperque circumferre, & erit vobis documentum materiaque totius philosophiæ. Nam si hanc jugiter inscriptam animo teneamus, neque hujus vitæ læta poterunt nos inflare, neque tristitia deicere prostrernereque, sed non aliter quam afficiemur picturis in pariete additis, erga hæc utraque afficiemur. Quemadmodum enim conspicientes in pariete pictum divitem ac pauperem, nec illi invidemus, nec pauperem despiciamus, eo quod quæ videmus umbra rerum est, non veritas, sic & divitiarum & paupertatis, gloriæ & ignominia, aliarumque rerum omnium siue tristem, siue lætarum, naturam si peroverimus, librabimur a turbatione, quæ ex harum unaquaque in nobis gigni solet. Hæc enim omnia quavis umbra fallaciora sunt, nec quicquam habent sublime, neque præclarum, nec splendida gloriaque attollere, nec humilia contemptaque contrahere poterunt.

Verum

Verum jam tempus nobis est, ut divitis verba audiamus: Oro te, inquit, pater, hoc est obsecro rogoque, ut mittas Lazarum in domum patris mei. Sunt enim mihi quinque fratres, ut testificetur illis, ne veniat in hunc locum tormentorum. Postquam pro se non impetraverat, pro aliis facit supplicationem. Vide quam humanum, quam mansuetum poena reddiderit eum. Qui Lazarum praesentem despiciebat, aliorum absentium nunc curam habet. Qui ante oculos jacentem praeteribat, meminit eorum quos non videbat, multoque studio postulat ut aliquo modo illis prospiciatur adversus imminetia mala, obsecratque ut Lazarus in domum patris mittatur, ubi ipsi fuerat cavea stadiumque virtutis apertum. Illi vident illum coronari, qui viderunt certantem, qui testes fuerunt illi paupertatis ac famis, aliorumque malorum innumerabilium, fiant testes honoris & ignominiae in omnem gloriam commutatae, ut utrinque castigati doctique quod res nostrae nequaquam praesentis vitae termino finiuntur, tandem praeparant sese, ut hanc poenam cruciatumque possint effugere. Quid igitur Abraham? Habent, inquit, Moysen, habent Prophetas. Nonneque tu curas fratres tuos atque Deus qui illos condidit, innumeros illis adhibuit magistros, monitores, consultores, adhortatores. Quid igitur ille respondit? Non, inquit, sed si quis ex mortuis redeat, illi credent. Haec sane sunt vulgi verba. Ubi nunc sunt qui dicunt, quis illinc rediit? Quis ex mortuis surrexit? Quis narravit quae sunt apud inferos? Quam multa talia dicebat apud seipsum dives ille, quum versaretur in deliciis, neque enim temere postulabat, ut aliquis surgeret ex mortuis. Verum quoniam ipse audiens Scripturas contempserat, deriserat, fabulas esse quae dicebantur crediderat, erga haec sicut ipse fuerat affectus, ita habebat opinionem & de fratribus suis. Illi, inquit, sic opinantur, quod si quis ex mortuis redierit, non dissident illi neque deridebunt, sed potius auscultabunt iis quae dicuntur. Quid igitur Abraham? Si Moysen & Prophetas non audierunt, nec si quis ex mortuis surrexerit, credent. Idque verum esse, quod qui non audit Scripturas, neque ex mortuis excitatos auditurus sit, declararunt Judaei, qui quoniam Moysen ac Prophetas non audierant, neque quum mortuos vidissent excitatos, crediderunt. Verum nunc quidem Lazarum occidere conabantur, nunc rursus in Apostolos impetum faciebant, quamvis multi jam ex mortuis surrexerant, * quo tempore crux praedicabatur. Ut vero & aliunde cognoscas, quod gravior sit Scripturarum ac Prophetarum doctrina, quam si quid a mortuis resuscitati renuntient, illud considera, quod quisquis mortuus est servus est, quae vero Scripturae loquuntur, locutus est Dominus. Proinde etiam si mortuus reviviscat, etiam si Angelus e caelo descendat, maxime omnium credendum est Scripturis. Nam Angelorum herus mortuorum pariter ac viventium Dominus, ipse eas condidit. Ad haec quod supervacanea quaerunt qui desiderant ut mortui illinc redeant, praeter haec quae dicta sunt, etiam ab hujus mundi curiis demonstrare licet. Gehenna non videtur incredulis. Nam credentibus est perspicua manifestaque. Curiae videntur quotidieque audimus quod ille supplicio affectus est, illius proscripita bona, alius operatur in fodinis, alius exustus est igni, alius alio poenae vindictaeque genere perit, & tamen haec quum audiunt mali ac facinorosi maleficiaeque non emendantur. Multi frequenter in his deprehenso posteaquam effugerunt poenam, perfolloque carcere elapsi sunt, rursus eadem aggreduuntur, multo his sceleratiora perpetrunt. Ne igitur quaeramus haec audire a mortuis, quae multo clarius quotidie nos docent sacrae litterae. Nam si novisset hoc Deus, quod mortui excitati viventibus essent profuturi, nequaquam omisisset, neque tantum lucrum praeterisset, qui cuncta nobis utilia procurat. Ad haec si assidue erant excitandi mortui, nobisque quae illic geruntur renuntiaturi, & hoc ipsum progressu temporis fuisset contemptum, praeterea perversa etiam dogmata Diabolus invexisset, idque admodum facile. Potuisset enim frequenter ostendere simulacra, aut subornare qui simularent mortem ac sepulturam, mox rursus sese ostenderent, quasi e mortuis excitatos, ac per illos quaecun-

* in
καί πο
τὴν αὐ
τῶν, α
quo
tempore
Domi
nus cru
cifixus
est.

A que vellet persuadere delusis. Etenim si nunc quum tale nihil sit, insomnia frequenter dormientibus visa veluti eorum qui hic decesserunt, multos deceperunt, perdidit subverteruntque, multo magis id accidisset, si hoc factum fuisset, atque in mentibus hominum obtinuisset, videlicet si multi defunctorum redissent in vitam, innumerabiles sceleratus ille Daemon dolos texuisset, multamque fraudem in vitam hominum induxisset. Eoque Deus occlusit fores, nec permittit aliquem defunctorum huc reversum narrare quid illic fiat, ne ille, accepta occasione, technas suas omnes invehat. Nam quum essent Prophetae, pseudoprophetas excitabat, quum essent Apostoli, pseudapostolos, quum Christus appareret, pseudochristos, quum dogmata sana inducta fuissent, corrupta inducebat, ubique disseminans zizania. Itaque etiam si illud evenisset, hoc quoque conatus fuisset fingere per sua organa, non vere excitatis mortuis, sed maleficiis quibusdam ac fraudibus contuentium oculis deceptis, aut quosdam etiam subornans, quemadmodum dicere coeperam, qui mortem simularent, sursum deorsum miscuisset confudissetque omnia: sed Deus quem nihil latet, praeculit illi viam ad has insidias, nobisque parcens non permisit, ut quisquam unquam illinc huc reversus de iis quae ibi sunt narraret viventibus hominibus: docens nos, ut Scripturis potius credendum existimemus quam caeteris omnibus, propterea quod Deus resurrectionis negotium multo dilucidius nobis commonstravit. Orbem universum convertit, errorem abegit, veritatem induxit, per homines piscatores ac viles haec omnia peregit, denique abunde magna suae providentiae documenta nobis ubique praebuit.

Ne itaque putemus res nostras hujus vitae termino circumscribi, sed credamus fore iudicium ac remunerationem omnium quaecunque hic a nobis geruntur. Nam id est adeo manifestum conspicuumque cunctis, ut & Judaei, & Graeci, & haeretici, breviter, omnis quisquis est homo super his consentiat. Quamquam enim non quemadmodum decet, de resurrectione philosophantur omnes, atque amen de iudicio deque poenis deque tribunalibus quae illic sunt, omnes consentiunt, illic esse aliquam eorum quae hic geruntur, remunerationem: quod ni esset, qua de causa Deus coelum tam amplum extendisset, mare dilatasset, aërem diffudisset, tantam providentiam declarasset, nisi ad finem usque nostri curam habiturus esset? Nonne vides multos, qui cum virtute vixerunt innumeraque mala passi sunt decessisse, nullare bona percepta? Alios contra quum multam pravitatem commiserint, alienas facultates rapuerint, viduas & orphanos spoliaverint, opprefferintque, opibus deliciisque & innumeris bonis frui fuerint, decessisse tantulum quidem mali passos? Quae igitur vel illi priores virtutis praemia recipient, vel isti pravitatis ferent supplicia, si nostrae res ultra vitam hanc non proferuntur? Nam si Deus est, sicuti re vera est, eum justum esse nemo non fatebitur. Atqui si justus est, & his & illis reddet pro meritis. Et hoc in confesso est. Quod si & his & illis rependet pro meritis, hic vero nullus eorum recipit, neque ille improbitatis poenam, neque hic virtutis praemia, perspicuum est restare tempus aliquod in quo congruens praemium horum uterque feret. Sed quare nobis iudicem in animo sic perpetuo vigilantem, & attentum Deus constituit? conscientiam loquor. Nec enim est ullus inter homines adeo vigilans, ut est nostra conscientia. Nam externi iudices & pecuniis corrumpuntur, & assentionibus delinuntur, & metu simulant, denique multa sunt alia quae rectum illorum iudicium depravant: at conscientiae tribunal nulli hominum novit cedere, sed quamvis dederis pecunias, quamvis mineris, quamvis aliud quidlibet feceris, justam feret sententiam adversus peccatorum cogitationes, adeo ut ipse quoque qui peccatum admisit seipsum condemnet, etiam si alius nullus accuset. Neque id semel atque iterum, sed saepius, imo per omnem vitam hoc facere non desinit, & licet ingens temporis intervallum intercesserit, nunquam tamen obliviscetur eorum quae facta sunt. Quum & quum perpetratur peccatum, & priusquam perpetratur, & postquam est perpetratum, acerbis nobis

imminet accusator, maxime vero posteaquam perpetratum fuerit. Nam in perpetrando scelere, quoniam voluptate sumusebrii, non perinde sentimus, ceterum simul atque commissum est, coeperitque finem, tum demum extincta voluptate amarus poenitentiae stimulus succedit, contra quam accidere solet mulieribus parturientibus. Nam illis ante partum labor est ingens, gravesque nixus, dissecantes eas doloribus, post partum vero relaxatio, dolore simul cum infante egrediente: verum hic non item, sed dum parturimus concipimusque corruptos affectus, delectamur gaudemusque, ceterum abi fuerimus enixi malum illum puerum peccatum, tum conspecta foeditate partus discruciamur gravius quam mulieres parturientes. Quapropter adhortor primum quod est optimum, ne unquam omnino concipiamus in animo corruptam cupiditatem. Quod si quando conceperimus, tamen foetum intus praefocemus. Rursus si hucusque fuerimus negligentes, iniquitatem in opus progressam mox occidamus per confessionem, per lachrymas, per propriorum commissorum accusationem. Nihil enim tam exitiale peccato quam peccati accusatio condemnatioque, cum poenitudine lachrimisque conjuncta. Condemnasti tuum peccatum? deposuisti sarcinam. Quis haec dicit? Ipse iudex Deus, *Dic tu peccata tua prior, ut iustificeris.* Cur igitur, te quaeso, pudefcis & erubescis dicere peccata tua? Cave enim homini dixeris, ne tibi opprobret. Neque enim confiteris, ut in publicum proferat, sed ei qui Dominus est, ei qui tui curam gerit, ei qui humanus est, ei qui medicus est ostendis vulnera. Neque enim ignorat, etiam si tu non dixeris, qui sciebat etiam antequam perpetrates. Quid igitur est causae, quo minus dicas? Non enim ex accusatione fit gravius peccatum. Imo mitius magis ac levius. Et ob hoc ipsum Deus vult te dicere: Non ut puniaris, sed ut relaxeris. Non ut ipse sciat peccatum. Cur enim id postulet, quum jam sciat? Sed ut tu scias, quantum tibi debitum remittatur. Ideo vero vult te scire beneficii magnitudinem, ut perpetuo gratias agas, ut segnior fias ad peccandum, ut ad virtutem promptior. Nisi dixeris debiti magnitudinem, non agnosces donationis eminentiam. Non, inquit, cogo te in medium prodire theatrum, ac multos adhibere testes. Mihi soli dic peccatum privatim, ut sanem ulcus, teque dolore liberabo. Ideo nobis insevit conscientiam, idque quovis patre amantius. Nam pater ubi semel, iterum ac tertio deciesve filium increpaverit, si viderit incorrigibilem manere, desperans abdicat, expellit e familia, a cognatione refecat. At non eodem modo conscientia, sed licet semel, licet iterum, licet ter, licet millies admonuerit, tuque non obtemperes, monebit iterum, nec desistet usque ad supremum halitum, sive domi, sive in bivis, sive in mensa, sive in foro, sive in itinere, frequenter & in somnis peccatorum nobis simulacra spectraque repraesentat.

Vide autem Dei sapientiam. Non fecit perpetuam conscientiae accusationem, neque enim hoc onus perferre poteramus, si jugiter accusasset, neque rursus adeo levem & imbecilem, ut post unam aut alteram admonitionem desperet. Etenim si singulis diebus fuisset nos stimulator, an non despondentes animum enecaremur? Rursus si post unam atque alteram increpationem desisteret, haud multum fructus nobis adferret. Eoque fecit objurgationem frequentem, at non perpetuam: frequentem quidem ne in socordiam incideremus, sed ut subinde relaxatione solatioque quopiam accepto, respiraremus. Quemadmodum omnino non dolere de peccatis exitiale est, quodque malorum extremum est, etiam mali sensum nobis adimit: sic & jugiter, supraque modum id facere, noxium est. Solet enim & doloris immodica magnitudo, frequenter hominem a naturalibus excutens sensibus, animum demergere, & ad honesta omnia inutilem reddere. Eapropter & illud providit, ut ex intervallis nobis immineret conscientiae redargutio, propterea quod est admodum severa, & quovis stimulo acrius pungere consuevit peccatorem. Non enim tunc solum, quum ipsi peccamus, verum etiam quum alii committunt eadem, vehementer insurgit,

A magnaue contentione nobis occlamat. Nam scortator, adulter, aut fur non modo quum accusatur ipse, verum etiam quum audit alios eadem ausos accusari, ipse sibi videtur flagris caedi, dum increpantur alii, suorum admissorum reminiscens, & alius quidem vocatur in jus, hic vero flagellatur, cui nullum crimen intenditur, si fuerit eadem ausus. Quemadmodum in aliorum recte factis dum laudantur & coronantur, qui eadem cum ipsis recte facta gesserunt, gaudent exsultantque, quasi non tam illi quam ipsi laudarentur. Quid igitur esse possit homine peccatore miserius, qui quoties accusantur alii, ipse examinatur? Contra quid eo beatius, qui cum virtute vivit, qui quum laudantur alii, ipse gaudet, laetitiaque diffuit, ex aliorum laudibus suorum recte factorum memoriam recipiens. Haec sunt divinae sapientiae opera, haec maxima illius providentiae sunt argumenta: conscientiae increpatio, sacra est ancora, non sinens nos tandem in peccatorum demergi profundum. Neque enim per id tempus tantum quo peccata committimus, verum etiam post multos annorum circuitus, novit nos veteris admovere commissi. Idque ex ipsis evidenter comprobabo Scripturis. Vendiderunt olim fratres *Iosephum*, nihil quidem habentes quod incusarent, sed quoniam viderat somnia, ipsi gloriam venturam portendentia. *Videbam*, inquit, *Gen. 37.* *manipulos vestros adorantes manipulum meum.* Quam ob haec decuit illum servare potius, quod totius familiae corona, totiusque generis decus erat futurus. Sed ejusmodi res est invidia, pugnat adversus domestica decora, mavultque lividus innumera perpeti mala quam videre proximum in pretio habitum, quamvis gloriae pars ad ipsum sit permanatura. Quo sane quid esse possit miserius? Quod & illis usu venit. Quum enim vidissent illum procul venientem, ipsisque cibum adferentem, inter se dicebant: *Venite, interficiamus eum, ac videamus quid sint illius somnia.* Ut fratrem non reverearis, neque naturam agnoscas, certe mensam ipsam conveniebat revereri, ipsumque ministerii officium, quandoquidem aliturus te, veniebat. Sed vide quomodo & imprudentes vaticinantur: *Venite*, inquit, *occidamus eum, & videamus quid sint illius somnia.* Etenim nisi struxissent insidias, nisi dolos texuissent, & impudens illud consilium concinassent, nequaquam cognovissent vim illorum somniorum. Non enim perinde magnum erat, *Ioseph*, si nihil acerbi passus esset, conscendere thronum *Aegypti*, ut tot obstaculis discussis, hunc eundem assequi splendorem. Nisi enim illi struxissent insidias, non vendidissent eum in *Aegyptum*. Nisi in *Aegyptum* vendidissent, non adamatus fuisset ab hera. Si non fuisset adamatus ab hera, non fuisset coniectus in carcerem, non interpretatus fuisset insomnia, non regnum illud fuisset assecutus. Si non fuisset regnum confectus, non venissent illi commercaturi frumentum, nec adorassent. Itaque quoniam occiderunt illum, ob hoc maxime intellexerunt illius somnia. Quid igitur? Ipse bonorum omnium quae post evenerunt, illiusque gloriae fuerunt illi conciliatores? Nequaquam. Verum ipsi quidem moliebantur illum morti, desperationi, servituti, breviter, extremis malis tradere, sed Deus melior artifex, insidiantium malitia in venditi insidiisque impetiti gloriae abusus est, ne putares rerum eventus vel casus esse fortuitaque, vel ab humanarum actionum magnificentia pendere. Per eos qui adversantur, per eos qui obsistunt procurat Deus ut res quae vetantur, conficiantur, inimicis suis ad suam gloriam abutens ministris, ut intelligas quod Deus vult, a nemine dissipari posse, nec manum illam excelsam a quoquam aversum iri: quod si quando ab aliquo petaris insidias, ne consterneris animo neve moleste feras, sed scire possis insidias in bonum finem exituras, tantum si fortiter feras quae accidunt. Ecce hic quoque livor regnum peperit, invidia conciliavit diadema, ad thronum perduxit, atque illi ipsi qui struebant insidias, auxiliantes promoverunt ad illius imperii magnitudinem. Et is quidem cui structae fuerant insidiae regnum adeptus est, hi vero qui struxerant, servierunt. Adorabatur ille, hi adorant. Itaque quum tibi acciderint acerba continuaque mala, ne turberis neque moleste feras, sed exspecta finem. Omnino continget

καρπὸς
τῆς
ἀπηνίας.

Dolor
immo-
dicus
adducit
insaniam.

get aliquis, munifico Deo dignus, tantum ut cum gratiarum actione feras quæ accidunt: quandoquidem nec iste quum illa somniasset somnia, quum in extremum discrimen venisset, quum venditus a fratribus, quum ab hera insidiis appetitus, denique quum in carcerem esset conjectus, dicebat apud sese: Quid tandem hoc est rei? fefellerunt me illa somnia per quæ exulo a patria, spoliatus sum libertate propter Deum, non cessi heræ ad adulterium invitanti, propter pudicitiam ac virtutem do penas, ac ne sic quidem ultus est vicem meam Deus aut manum porrexit, sed passus est me tradi vinculis, super alias aliæ calamitates inciderunt perpetuæ, post ci sternam servitus, post servitutem insidiæ, post insidias calumnia, post calumniam carcer: verum horum nihil illum perturbabat, sed perseverabat in spe cum bona fiducia, sciens quod quæ dicta sunt a Deo nunquam excident. Poterat quidem Deus eodem etiam die ista perficere, sed ut simul & suam declararet potentiam, & fidem famulorum suorum, permittit multum temporis intercedere, multaque incidere impedimenta, uti simul & ipsius robur cognoscas, tum explentis promissa, posteaquam in desperationem adducta res est, & servorum perspicias tolerantiam ac fidem, quos nihil horum quæ interim accidunt a bona spe depellit. Sed quod dicere coeperam, reversi sunt isti, fame illos veluti carnifice præcipientes agitante, & principi *Joseph* exhibente. Volebant emere frumentum; hic autem ait ad eos, exploratores estis. Illi vero quidnam hoc esset apud sese reputabant, inquit: Frumentum empturi venimus, & de vita periclitamur. Merito, quandoquidem & ille vobis alimoniam adferebat, deque vita periclitatus est. Cæterum ille quidem vere passus est, vos autem hoc per simulationem patimini. Non enim inimicus erat, sed inimici personam adsumpserat; ut quid in paterna familia ageretur ad plenum cognosceret. Quoniam enim circa ipsum improbi ingrati que fuerant, *Benjamin* autem qui cum ipsis erat non viderat, veritus de puero ne quando & ille eadem quæ frater passus fuisset, jubet unum ex illis vinctum illic detineri, deinde illos sumto omni frumento discedere, mortem illis comminatus, nisi fratrem suum adducerent. Hæc igitur ubi facta sunt, dixit illis: Relinquit aliquem hic, & fratrem vestrum adducite: sin minus, moriemini. Quid tum inter se loquebantur illi? Profecto hæc jure nobis accidunt, nam in peccatis sumus, de fratre nostro quum rogaret nos. Vides? post tantum temporis peccati illius recordabantur, & ad patrem quidem dixerant: Fera pessima devoravit *Joseph*. Cæterum ipso *Joseph* præsentem audienteque, peccatum suum prodebant. Quid hac re mirabilius accidere possit? Judicium absque redargutionibus peragitur, & excusatio sine accusatione, probatio sine testibus, dum ipsi qui facinus peregerant seipsos redarguunt, quodque clam

A factum fuerat, efferunt. Quis cedo, quis adigit in publicum efferre, quæ ante tantum temporis patrata sunt? An non perspicuum est huc adegisse conscientiam, judicem cui verba dari non possunt? Assidue concutiebat illorum mentem animumque turbabat, & ille occisus tunc sedebat tacite judicans illos, quumque nulla sententia in ipsos esset pronuntiata, ipsi condemnationis calculum adversus se ferebant. Et isti quidem hæc dicebant. Alius vero respondebat, dicens: *Nonne dixi ad vos ita loquens: Ne ledatis puerum, neve quicquam mali illi faciatis, quoniam frater noster est, & ecce nunc sanguis ipsius exquiritur, inquit, de manibus nostris.* Attamen is qui hæc dicebat, nihil de cæde aut interfectione illa dixerat: verum ne ipse quidem sedens quicquam tale querebat, sed alium fratrem requirebat: ipsorum tamen conscientia per oblatam occasionem insurrexit momorditque illorum animos, efficiens ut nemine compellente, sua confiterentur facinora. Eadem & nobis accidunt in peccatis præteritis. Quum enim malis nos circumstantibus exanimamur, priorum peccatorum reminiscimur.

Hæc igitur omnia quum sciamus, ubi quid pravi gesserimus, ne expectemus calamitates, malorumque incursum, neque pericula, neque vincula, sed singulis & horis & diebus renovemus apud nos ipsos hoc iudicium, sententiam adversus nos ipsos feramus, omnique modo conemur confiteri Deo, ac neque ipsi de resurrectione, deque iudicio dubitemus, neque alios ita loquentes feramus, sed modis omnibus per ea quæ dicta sunt, illis obturemus os. Nam si illic non essemus daturi penas admissorum, Deus nequaquam in nobis constituisset tale iudicium. Quanquam hoc ipsum illius declarat humanitatem. Quoniam enim tunc exacturus est a nobis rationem delictorum, instituit in nobis hunc iudicium incorruptibilem, ut is hic de commissis nobis iudicium reddens emendatioresque faciens, ex illo eripiat iudicio, quod & *Paulus* ait: *Nam si nosmetipsos judicavimus, non utique iudicemur a Domino.* Ut igitur neque puniamur, neque penas demus, in suam quisque conscientiam ingrediatur vitamque explicet, cunctisque commissis diligenter excussis condemnnet animam quæ hæc patravit, puniatque cogitationem, affligat crucietque suam ipsius mentem, supplicium a seipso exigit pro peccatis, per condemnationem, per diligenter actam poenitentiam, per lachrymas, per confessionem, per jejunium, per eleemosynam, per continentiam ac caritatem, ut possimus omnes omni modo hic depositis peccatis multa cum fiducia illuc proficisci, quam nobis omnibus contingat assequi gratia & benignitate Domini nostri *Jesu Christi*, cui cum Patre & sancto Spiritu, gloria, honor, imperium in secula seculorum, Amen.

CONCIONUM DE LAZARO,

F I N I S.

D. JOANNIS CHRYSOSTOMI H O M I L I A

In laudem eorum qui comparuerunt in Ecclesia, quæque moderatio sit servanda in laudando. Item de hoc quod scripsit Esaias:

VIDI DOMINUM SEDENTEM IN THRONO EXCELSO, &c.



ONSPICIO vos multo studio adnitentes, ut ad effectum perducatis quæ heri a nobis dicta sunt, eoquæ nunc haud gravate semen doctrinæ jacimus, quod hinc bona spes alit animum nostrum. Nam & agricola, quum non sine labore quidem semina deposuit, sed videt terram feracem segetemque præventu exuberantem, superiorum laborum obliviscitur, atque ad reliquum operæ conservationemque priorum, lucrifexpe-

statione excitatur. Verum hæc agricolatio quanto feracior quantoque lucrosior est? Nam illa quidem frugum sensibilem copiam adferens corporibus reponit alimoniam: hæc vero dum sermonum deponit doctrinam, spiritaliumque donorum abundantiam adfert, animi divitias recondit, alimoniam quæ nec consumitur, nec vitari potest, redditus qui neque pereant, neque corrumpuntur, sed arcana quadam & ineffabili providentia conservantur, quorum usus fructus mente percipitur. Hic est

est meorum laborum proventus, hæ sunt opes quas vestrae charitati recondimus. Has itaque quum considero in vobis augescere, gaudeo semper, ut qui non frustra sementem fecerim, ut qui non incassum labores per-
tulerim, ut qui in frugiferam pinguemque terram, & ad fructificandum idoneam, semen jecerim. Unde igitur hoc lucrum fore conjecto? unde perspicio sermones ad opus proficere? Nimirum ex hoc concursu, ex eo quod Ecclesiam omnium matrem studiose amplectimini, ex hac pernocte perpetuaque statione, ex eo quod Angelicorum ordinum stationem imitantes, sine cessat-
ione laudes & hymnos offertis conditori. Omnia Christi dona! In supernis exercitus Angelorum canunt gloriam, in terris homines in Ecclesiis choros agentes ad illorum exemplum eandem canunt gloriam. In supernis Seraphim ter sanctum illum hymnum resonant, in terris eundem hominum promit multitudo, communiterque tum coelestium, tum terrestrium plaudit celebritas, una gratiarum actio, una exultatio, una benevolentis gaudens choreæ statio. Hanc enim ineffabilis Domini sese ad nos demittentis bonitas comprobavit, hanc electam Spiritus congregavit sanctus: hujus vocum concentus paterno beneplacito congruit: e coelis habet modulorum consonantiam, dum a Trinitate velut a ple-
tro quopiam movetur, delectabile illud ac felix resonat melos. Illam Angelicam cantionem, illum desinere ne-
scium concentum, hoc est studii præsentis alacritatisque vectigal, hic conventus nostri fructus. Eoque gaudeo, talem conspiciens in vobis probabilem affectum? gaudeo dum animorum vestrorum benevolentiam alacritatemque considero, dum gaudium spirituale, dum juxta Deum exultationem. Neque enim ulla restant adfert gaudii vitæ nostræ, quantum hoc quod ex animo gaudetis in Ecclesia congregari. In Ecclesia gaudium conservatur gaudium, in Ecclesia animo dejectorum, animorum est recreatio. In Ecclesia dolentium est voluptas, in Ecclesia defatigantium respiratio, in Ecclesia laborantium requies. *Venite enim, inquit, post me qui laboratis & onerati estis, & ego reficiam vos.* Quid hac voce possit esse desiderabilius? quid hac invitatione jucundius? Ad epulum te vocat qui in Ecclesiam te vocat Dominus. Ad relaxationem pro laboribus adhortatur, ad relaxationem a molestiis transfert, pondus peccatorum allevans, deliciis animi molestiam, gaudium mororem sanat. O miram ejus curam, o vocationem coelestem!

Festinemus itaque, dilecti, ut eandem alacritatem in longum tempus porrectam exhibeamus, & cum conveniente modestia, considerationeque decente hanc consummemus. Etenim de hoc vobis hodiernum sermonem movere volo, in speciem quidem molestum, cæterum levem, utilemque veritate. Sic enim & amantes liberorum patres faciunt, non solum ea quæ ad breve tempus delectant, verum etiam quæ molestiam adferunt filiis adhibent, nec ea modo præcipiunt eis quæ statim ostendunt utilitatem, sed quæcunque videntur quidem esse molesta, salutaria tamen sunt, si perficiantur, & hæc multa cura docent, diligenterque flagitant ab eis ut conserventur. Atque hunc sermonem in longum produci-
mus, ne præsentem laborem frustra insumamus, ne sustinentes vigiliæ necessitate inutiliter in pugilum certamine versemur, ne voces in aërem dissolutæ, ad detrimentum sonent potius quam ad lucrum. Neque enim negotiator e longinquo merces importans, vehementem ventorum incursum, undarumque exorientium procillas sustinens, frustra & incassum susciperet ejusmodi labores, verum ideo maria secatur, & audax est adversus pericula, locaque locis commutat, totasque noctes ducit insomnes, ut negotiatione ditescat. Quod si non contingat, sed cum lucro etiam fortis jacturam faciat, ne solvere quidem ancoram poterit, nec illa varia perferre discrimina. Hoc itaque scientes cum decente circumspectione huc accedamus, ne pro peccatorum remissione, etiam accessionem peccatis adjunctam domum referamus. Quid autem est quod quaeritur, quodque a nobis reposcitur? Ut dum divinos hymnos resonamus, multo tremore contracti, multaque religione ornati, ita demum eos

A offeramus. Nam sunt quidam inter hos qui hic adsunt, quos ne vestrae quidem caritati arbitror esse ignotos, qui contemnentes Deum, ac Spiritus eloquia pro vulgari-
bus ac profanis ducentes, inkompositas voces emittunt, nihiloque melius se gerunt, his quos habet infania, toto corpore tumultuantes ac circumacti, moresque præ se ferentes a spiritali statione alienos. Miser & infelix, oportebat te cum tremore ac reverentia Angelicam glorificationem resonare, cumque terrore confessionem reddere conditori, ac per hanc delictorum veniam postulare. Tu vero mimorum & saltatorum mores huc inducis, dum indecenter manus jactas, pedibus subsultas, totoque circumageris corpore. Et qui fit, ut non metuas neque horrebas hæc audens adversus talia eloquia? Non cogitas ipsum hic invisibiliter adesse Dominum, qui uniuscujusque motum metitur, & conscientiae rationem habet? Non cogitas quod Angeli huic stupendæ assistunt mensæ, cumque reverentia hanc circumvallant? Verum tu ista non cogitas, quoniam ea quæ in theatris audiuntur quæque spectantur, mentem tuam obscurant, & ideo quæ illic geruntur in Ecclesiæ ritus inducis, ideo clamoribus nihil certi significantibus animum inkompositum evulgas. Quomodo ergo veniam postulas tuorum delictorum? Quomodo in domum tuam recipies Dominum, qui usque adeo contemtim offeras pre-
cationem? *Miserere mei Deus*, inquis, ac mores a misericordia alienos declaras. Clamas, *serva me*, & speciem a salute alienam exprimis. Cur se extendunt manus ad supplicandum, quæ semper ad sublime jactantur & indecore circumaguntur, quæque vehementi clamore violentique spiritus impulsu strepitum habent nihil certi declarantem? An non ista quidem partim sunt mulierum in trivis meretriciam artem exercentium, partim vero eorum qui in theatris vociferantur sunt exempla. Quomodo igitur audes Angelorum Deum glorificantium, hymnis, Dæmonum admiscere ludicra? Quomodo autem non vereris hanc vocem, quam illic profers dicens: *Servite Domino in timore, exultate cum tremore.* Hoc-
cine est cum tremore servire, sic diffundi distendique, ut nec ipse scias quæ loquaris inkomposito vocis boatu? Istud vero contemptus est non timoris, arrogantiae non modestiæ, istud ludentium est potius quam confitentium. Quid est ergo servire Domino in timore? quum omne præceptum perfecimus, cum tremore contra-
ctioneque hanc confessionem facere, corde contrito menteque submissa preces offerre. Nec solum servire in timore, verum etiam exultare cum tremore, Spiritus sanctus per Prophetam jubet. Nam quoniam præcepti impletio gaudium gignere solet in animo virtutem exercentis, & hanc, inquit, confessionem cum tremore facere convenit, ne si deposito metu confundamur ac dissolvamur, simul & laborum jacturam faciamus, & Deum in nos provocemus.

E Sed quomodo, inquis, fieri potest, ut quis exsultet cum tremore? nam impossibile est simul hæc duo accidere, quum inter hæc plurima sit differentia. Gaudium enim est eorum quæ desiderat animus expletio, rerumque jucundarum fruitio, ac molestarum oblivio. Metus autem expectatorum malorum incursum, coarctans adversus condemnatam conscientiam. Quomodo igitur licet exsultare cum timore, nec simpliciter cum timore, sed etiam cum tremore, qui est timoris vehementia, & immodicæ cujusdam anxietatis signum. Quomodo igitur, inquis, hoc fiet? Ipsa te Seraphim docent, re ipsa tale ministerium implentia: Nam illa ineffabili gloria conditoris fruuntur, incomprehensibilem ejus pulchritudinem contemplantia. Non dico illam ut est natura, hæc enim incogitabilis est, nec spectari potest, nec figura exprimi, absurdumque est sic de illa opinari: sed quantum concessum est, quantum ex illo splendore possunt comprehendere. Quoniam enim assidue famulantur in circuitu throni regalis, in jugi gaudio perseverant, in sempiterna delectatione, in exultatione finem non habitura, gaudentia, saltantia, citra ullum silentium gloriam canentia. Nam stare in conspectu majestatis illius, deque splendore illinc refulgente illuminari, hoc illis est gaudium, hoc illis exultatio, hoc illis volu-

voluptas, hoc denique gloria. Fortassis sensistis aliquid voluptatis, & cupiditas quædam illius gloriæ vos cepit. Age, utinam velitis adhortantem auscultare, præsentemque gloriæ divinæ celebrationem religiose peragere. Nam non destituet vos huiusmodi gaudium, siquidem ipse est ille Dominus, qui & in cœlis & in terris glorificatur, plenique sunt cœli & terra gloria ejus. Quomodo fit igitur, ut illa Seraphim quum ejusmodi voluptate fruuntur, hanc cum timore misceant? Audi quid dicit

Esa. 6. Propheta: *Vidi Dominum sedentem in throno excelsa & elevato.* Quam ob causam, quum dixisset *excelsus*, adjecit *elevatus*? An non satis erat per celsitudinem rem totam significare, declarareque dignitatis eminentiam? Quapropter ergo addidit *elevatus*? Ut cathedram incomprehensibilem demonstraret: quandoquidem apud nos quod excelsus est, cogitationem quandam præbet comparationis ad ea quæ humilia sunt ac submissiora. Veluti excelsi sunt montes ad campestria locaque terræ supina comparati, excelsus autem cœlum super omnia terrena sublatum est. Cæterum hæc elevatio sublatioque solius est illius naturæ incomprehensibilis, quam neque cogitatione concipere, neque verbis eloqui quicquam potest, eoque dicit, *Vidi Dominum sedentem in throno excelsa & elevato.* Sed quid præterea vidisti, o Propheta? Quid circa illum spectasti? *Et Seraphim stabant*, inquit, *in circuitu ejus.* Quid faciebant & quid dicebant, qua fiducia fruebantur? Fiducia quidem, inquit, nulla, verum timoris ac stuporis erant plena, ipsa etiam specie metum ineffabilem declarantia. Duabus enim alis velabant faciem, simul excludentia radium e throno prodeuntem, eo quod ferre non possent immensam illius gloriam, simul autem & suam religionem ac reverentiam significantia quam habent erga Dominum. Tali gaudio gaudent illa, tali lætitia exsultant, nec solum facies velant, verum & pedes. Quamobrem hoc faciunt? Facies quidem merito velant, propter metuendum spectaculum, quodque non possint inaccessam gloriam obtueri. Verum pedes quare simul velant? Ac volebam quidem vobis hoc relinquere, ut ipsi circa hujus solutionem laboraretis, circaque spiritualium rerum investigationem vigilaretis: cæterum ne vestram cogitationem circa hujus inquisitionem intentam relinquens, incipiam admonitionem negligere, necesse est ut hoc obiter dissolvam. Quare igitur pedes velant? Inexplebilem erga conditorem reverentiam exhibere student, multamque anxietatem, tum ipso habitu, tum voce, tum aspectu, denique ipsa statione. Quoniam igitur id quod desiderant, quodque conveniebat, non assequuntur, declarant eo quod undique velantur. Nam ita defectum circumtegunt. Utrum intelligitis quod dictum est, an operæ pretium est, ut idem denuo repetam? Age ut hoc faciam dilucidius, ex rerum nostrarum exemplis manifestum facere conabor. Assistit aliquis terreno Regi, omnibusque modis molitur, ut quam plurimam erga illum reverentiam exhibeat, quo per hoc majorem illius erga se conciliet benevolentiam. Cujus gratia non solum specie capitis, verum etiam ipsa voce, ipsa manuum compositione, ipsa pedum conjunctione, totiusque corporis contractione, talem reverentiam conatur ostendere. Hoc & ab illis incorporeis virtutibus fit. Quum enim plurimam habeant erga conditorem reverentiam, & hanc undiquaque conantur præstare: deinde quoniam non assequuntur quod expetunt, quod deest affectui, hoc velo obtegunt. Hanc ob causam igitur facies ac pedes tegere dicuntur. Quanquam est & alia quædam magis mystica speculatio quæ circa hoc consideratur, non quod pedes ac facies habent, sunt enim incorporea quemadmodum ipsum Numen, sed ut hoc humanus sermo declararet, ea undiquaque metu ac reverentia contracta servire Domino. Sic oportet nos assistere, talem Deo glorificationem offerentes, metuentes, ac tremantes, ac tanquam illum ipsum mentis oculis intuentes. Adest enim hic omnino, nec tamen ullo modo circumscribitur, vocesque nostras recenset. Sic igitur contrito corde & submisso, laudem depromentes reddamus eam acceptam, & velut incensum boni odoris ad cœlum submittamus. *Cor enim*, inquit, *contritum & humiliatum Deus non despicit.*

Psalm.
68.

Verum Propheta, inquis, exhortatur ut cum júbilo glorificationem peragamus: *Jubilate*, inquit, *Domino omnis terra.* Verum neque nos talem jubilationem prohibemus, sed vocem prohibemus nihil significantem. Neque prohibemus vocem laudis, sed vocem absurditatis & inconditam, ac mutuas inter vos contentiones, manus incassum temereque sublatis in aërem, pedes supplodentes, indecoros effœminatosque cantus, qui sunt eorum qui in theatris & hippodromiis otiantur, lusus: Illinc nobis perniciofa invehuntur exempla, illinc irreligiosæ vulgaresque voces, illinc mantum absurditates, contentiones, concertationes, moresque incompositi. Nulla res enim æque eloquia Dei adducit in contemptum, atque spectaculorum quæ illic proponuntur admiratio. Proinde frequenter vos hortatus sum, ne quis eorum qui huc adveniunt, divinaque doctrina fruuntur, quique horrendæ ac mysticæ victimæ participes sunt, ad illa iret spectacula, neu divina cum Dæmoniis commiseret mysteria. Attamen nonnulli usque adeo infantiunt, ut etiam quum speciem religionis circumferant, & ad profundam canitiem pervenerint, nihilo secius currant ad illa, neque nostris sermonibus auscultantes, neque propriam reveriti speciem. Verum quoties eis hunc sermonem ingerimus, & ut canitiem religionemque vereantur adhortamur, quod ibi illorum frigus? quam ridiculus sermo? Exemplum, inquiunt, victoriæ quæ in futuro seculo erit & coronarum sunt illa, plurimamque illinc utilitatem referimus. Quid ais homo? Putris iste sermo est ac fallaciæ plenus. Unde utilitatem isthinc ferre licet? Et innumeris contentionibus, ex temere factis dejectionibus, male loquentium? An ex contumeliis, convitiis, scommatibusque, quibus spectatores se mutuo conspergunt? Verum ex his nihil, cæterum omnino ex incompositis vocibus, & nihil significante clamore, eque pulvere qui submititur, tum ex his qui impellunt, qui vim faciunt, qui accisunt ac dissimulant exemplo mulierum, utilitatem colligis. Atqui hîc quidem ipsum Dominum Angelorum, omnes Prophetæ doctoresque super thronum excelsum & elevatum ostendunt, iisque qui digni sunt brachia & coronas distribuunt, indignis vero gehennam assignant: atque ipse etiam Dominus hoc confirmat. Deinde hæc quidem contemnis, in quibus etiam conscientie terror est, & factorum redargutio, & poenarum accusationumque anxietas, & supplicium inevitabile. Verum ut absurdam invenias tuorum spectaculorum quibus suspensus inhias excusationem, dicis te utilitatem capere ex his, ex quibus jacturam pateris irreparabilem. Rogo etiam atque etiam obsecroque, ne excusationes excusamus in peccatis. Prætextus enim ista sunt ac deceptio, quibus nobis ipsis damnum accersimus.

Verum de his quidem hæcenus, tempus autem est ut jam ad priorem recurramus admonitionem, atque ut paucis de ea loquuti debitum orationi finem imponamus. Neque enim hoc solum peccatur, quod quæ hîc fiunt parum pro dignitate peraguntur, verum etiam alius quidam gravis obambulat morbus. Quis tandem iste? Quod, qui proposuerunt cum Deo colloqui eique servitium exhibent, mox hoc omisso suum quisque vicinum arripiunt ordinantque res domesticas, quæque fiunt in foris, quæque in populo, quæque in theatris, quæque in exercitu, & quomodo alia quidem sunt administrata, alia rursus neglecta, & quid in gerendis rebus plus satis fuerit, quid diminutum: in summa, de rebus omnibus vel publicis, vel privatis hîc colloquuntur. Et qua tandem venia digna sunt ista? Atqui qui cum Rege terreno colloquitur, de his tantum verba facit de quibus ille voluerit audire, & de quibus Rex fuerit percontatus. Quod si quis ausit injicere secus quam ille velit, extremo supplicio afficietur. Tu vero cum Rege Regum colloquens, cui cum horrore serviunt Angeli, omisso cum illo cœpto sermone, de luto, de pulvere, de telis araneorum loqueris. Nihil enim aliud sunt hujus vitæ negotia. Et quomodo sustinebis istius contemptus poenam? Quis autem te ab hac vindicta liberabit? Verum haud recte se habent, inquiunt, reipublicæ negotia, de his plerumque loquimur. Ingens periculum. Quid autem in causa? Eorum, inquiunt, qui principatum gerunt incogitantia.

Tom. VIII.

G

Non

Non est Principum incogitantia, sed nostra injustitia, poena est pro nostris sceleribus exacta. Illa cuncta sursum deorsum miscuerunt, illa quicquid est calamitatum invexerunt, illa armarunt hostes, illa fecerunt ut victi discederemus, non aliunde nobis malorum examen inundavit, quam ex hac causa. Proinde quamvis *Abraham* quispiam esset qui imperaret, quamvis *Moses*, quamvis *David*, quamvis *Solomon* ille sapientissimus, quamvis omnium hominum flagitiosissimus, si nos male vivimus nihil interest qualis ille sit, quantum ad causam malorum. Qui sic, inquis, aut quo pacto? Quoniam si transgressor legum fuerit, si temere nulloque consilio feratur, nostra incogitantia nostraque temeritas, talem genuit Principem, nostra commissa plagam accersierunt. Nam quod juxta corda nostra accipimus Principes, nihil aliud est nisi quod præterita peccata nostra talem nobis dedere præfectum, sive quis fuerit ex consecratis, sive ex eorum numero qui mundanas administrant dignitates. Quamvis autem justus fuerit, adeoque justus, ut usque ad *Mosis* virtutem pertingat, haud tamen illius unius justitia, immensa rebellium peccata valebit obtegere, idque poterit quis ex ipso *Mose* certo cognoscere. Quum enim ille multis modis afflictus fuisset pro *Israel*, instanterque apud Deum supplicasset, ut terram repromissam in sortem illis traderet, tamen quoniam se populus suis peccatis reddiderat ab hac promissione alienum, non potuit *Mosis* deprecatio justam Dei sententiam immutare, quo minus totus ille populus in deserto prosterneretur. Attamen quis *Mose* justior, aut quis plus valuit apud Deum? Dictum est, valere justis deprecationem, sed efficacem, hoc est, poenitentia conversioneque adjutam eorum pro quibus funditur. His vero quibus mores manent sine poenitentia, citraque bonam conversionem, quomodo possit auxiliari justis deprecatio, quum illi ipsi suis factis obsistant? Et quid commemoramus hoc accidisse toti populo peccanti, quum & paucorum inobedientium peccata, imo unius, juste imperantium gratiam superent. Atque hoc rursus ex eodem populo *Israelitico* perspicias licebit, qui *Mose*, Rempublicam administrante, quum in terram alienigenarum irrupissent, pugnamque cum illis commisissent, quomodo quidam illorum insanientes in illorum mulieres, totius populi cladem exitumque invexerunt. Hoc autem quod dicam in uno accidit, videlicet *Achar*, qui quum variam ex anathemate stolam sustulisset, etiam adversus populum iram Dei succendit. Verum ut conjicio, nonnullis presentium ignota est hæc historia. Quam ob rem necesse est, ut paucis de hac locutus, & scientes commonefaciam, & nescientes doceam. *Achar* itaque fuit unus ex eorum numero, qui cum *Jesu Nave*, transiere *Jordanem*, qui *Jesus* fuerat ante Dei judicio delectus, ut *Mosis* succederet, quique typum ac figuram gerebat veri Servatoris nostri *Jesu Christi*. Quemadmodum enim ille e deserto per *Jordanem* in terram repromissam perduxit populum: Sic & Servator noster, ex ignorantie & idolatriæ deserto per sanctum ac salutiferum baptismum in coelestem *Hierosolymam* nos traduxit, ad matrem primogenitorum, in qua veræ quietis paratæ sunt mansiones, ubi vita seditionis nescia, pacificaque. Hic itaque quum ejus virtute qui ipsum populo præfecerat, *Israelitas* transmisisset, jamque admovisset exercitum *Hiericho*, novam illam & admirandam obsidionem moliens, mox ruituris mœnibus, quid loquitur apud populum? *Erit anathema hac civitas, & quicquid est in ea, Domino Sabaoth, excepta Rhaab meretrice; Hanc servabitis: Cavete igitur ab anathemate ne quando concupiscentes sumatis ex eo, ac perdatiis nos.* Consecrata sunt, inquit, omnia quæ sunt in civitate: Nam id sonat anathema. Ne quis igitur suffuretur ex his quæ consecrata sunt Domino Deo, nosque disperdat e terra. Periculofum erat præceptum, multa diligentia tum Dei præcipientis, tum legem ferentis *Jesu*. Vix enim fieri potuit, ut in tanta multitudine non violaretur hæc lex, quum multæ res essent quæ huc impellerent. Nam vel instabilitas ejus populi, lucrique cupiditas, vel quod non omnes audissent edici præceptum, vel spoliolum varietas velut esca objecta, habendique avidos illecebras, facile ad legis transgressio-

nem perpulisset. Et tamen ea lex erat lata: ac transgressoris capiti periculum imminabat. Quid igitur post hæc? Conciderunt mœnia, & quicquid erat in civitate venit in manus obsidentium. Itaque quum universus populus servaret hoc præceptum, unius prævaricatio in universam multitudinem concitavit iram Dei. Peccaverunt, inquit, filii *Israel* peccatum magnum, & suffurati sunt & sumserunt ex anathemate, & sumsit *Achar* filius *Charmi* ex anathemate, & indignatus est ira Domini filiis *Israel*. Atqui unus erat qui peccaverat. Quomodo igitur peccaverunt filii *Israel*, ac Deus iratus est filiis *Israel*? Vides quomodo unius peccatum toti populo vindictam accersit? Quomodo Deum adversus multitudinem hostem reddidit? Quoniam igitur fuerat perpetrata legis transgressio, neque quisquam erat conscius, præter solum Deum qui novit occulta, ultio quidem differebatur: cæterum qui hoc perpetrarat, tametsi videbatur latere, tamen a conscientia velut ab igni urebatur. Venit igitur tempus quo fieret quod comminatus fuerat Deus, quoque peccatum veniret in propatulum. *Misit*, inquit, *Jesus viros ab Hiericho in Ga. Et ascenderunt illuc viri fere ter mille, fugeruntque a facie virorum Ga, & occiderunt ex illis viros triginta sex, & persecuti sunt eos, & conciderunt illos, & expavit cor populi, factumque est velut aqua.* Vide unius peccati poenam, vide plagam acerbissimam, unus peccarat, & in populum universum mors ac trepidatio irruit. Quid hoc ô bone Domine? Tu solus justus, & recta judicia tua, Tu cuique juxta propria facta reddis judicium. Tu humani generis amator, dixeras in suo quemque peccato moriturum, nec alium pro alio daturum poenas. Quod igitur hoc est tuum justum judicium? Bona sunt tua omnia, Domine, & valde bona, & ad nostram utilitatem dispensata. Lues quædam, inquit, est peccatum, per ultionem evulgetur ac traducatur apud omnes, ne corrumpat omnes, ut ubi cognorint quantas minas una pepererit transgressio, fugiant ultionem, de multis alioqui sumendam æternam vindictam. *Videns igitur*, inquit, *Jesus* fugam fisti non posse, discedit vestimenta sua ac prostratus est in terram, ea lugubriter lamenta proferens quæ narrat divina Scriptura. Quid igitur illi respondit Dominus? *Surge, cur ita prostratus jaces? Peccavit populus tuus, transgressus est pactum meum, nec poterunt stare filii *Israel* contra faciem hostium suorum, donec sustuleritis anathema ex vobis ipsis.* Prædicatur igitur hoc in populo, & a Deo proditur qui hoc perpetrarat, ille fatetur. Respondit enim, inquit, *Achar* *Jesu*, dicens: Vere peccavi in conspectu Dei *Israel*, sic & sic feci: Videbam in prada pallium variegatum unum pulchrum, ducentaque argenti didrachma, & linguam unam auream quadraginta didrachmorum, & concupiscens cepi, & ecce hæc defossa sunt humo in tabernaculo meo. Omnia jam in apertum profert, posteaquam perspexit illum omnia sine mendacio indicasse, nec diffusus est testi se ipsum prodenti. Vide autem probrosam ac perniciosam illam mortem, *Subduxit*, inquit, *Jesus* *Achar* in convallem, filios & filias ejus, & vitulos ejus & jumenta ejus, & omnes oves ejus, & tentorium ejus, & omnia quacunque possidebat, & lapidibus obruit ea omnia populus. Hoc transgressionis præmium, talis Dei vindicta, quæ per corruptelam evitari non potest.

Hæc itaque scientes, cogitemus molestias a nostris peccatis invehi, singulisque diebus nostra examinantes crimina, non aliis sed nobis ipsis causam ascribamus. Nec enim principum modo negligentia, sed multo magis nostra delicta, mala accersierunt. Proinde si huc adveniens sua quisque examinet delicta, nec alium incusabit, & præsentem glorificationem resonabit. Quod autem exigitur ad decentem modestiam, hoc est primum, corde contrito accedere ad Deum, proximum cordis affectum ipso visibili habitu declarare, statu, manuum decora compositione, placida contractaque voce: Nam id facile est, & potest quisquis voluerit. Qui fiet igitur, ut omnes suo fungantur officio? Ponamus nobis ipsis legem, dicamusque: In publicam utilitatem lex prodita est, & hujus utilitatis oportet nos omnes esse participes. Quapropter & indecoras voces premamus, manuumque gestulationes corripiamus, has conjunctas exhibentes

bentes Deo, nec incompotitis motibus attollantur. A Odit enim hoc Deus & averſatur, ſicut contra, compoſitum ac modicum amat expetitque. *Ad quem*, inquit, *reſpiciam*, niſi ad manſuetum & quietum & tremmentem verba mea? Dicamus aliis alii, non vult Deus, ut ſimul cum ipſo loquamur, & inter nos fabulemur, nec patitur ut omiſſo cum ipſo colloquio, præſentium colloquia ſuſcitemus, cœnoque margaritas contaminemus. Siquidem hoc ſuam contumeliam eſſe ducit, non glorificationem. Quod ſi quis voluerit hoc præceptum prætereire, obturemus illi os, tanquam noſtræ ſalutis inſidiatori, expellamus, ex Eccleſiæ ſanctæ caſtris ejiciamus. Hoc ſi fecerimus, noſtra quidem peccata ſuperiora facile diluamus, ipſum autem Dominum habebimus in medio noſtrum una cum ſanctis Angelis choros agentem, & cuique modicæ coronas diſtribuentem. Quoniam enim eſt humanus ac munificus, gaudens noſtra ſalute, oblectans ſeſe bonis noſtris, propterea & cœlorum regnum promiſit, & vitæ incorruptibilis conſortium, omniaque bona præparavit, volens nos in his habere tabernacula. Quæ nobis omnibus contingat aſſequi, gratia & humanitate Domini noſtri Jeſu Chriſti, quem decet, gloria, imperium, honor, & adoratio cum Patre & ſancto Spiritu, nunc & ſemper & in ſecula ſeculorum, Amen.

E J U S D E M H O M I L I A S E C U N D A,
de eo quod dixit Eſaias:

Factum eſt anno quo mortuus eſt Ozias Rex, Vidi Dominum ſedentem in throno excelſo & elevato.

GAUDEO, conſpiciens vos ad audiendum concurrentes. Quemadmodum enim appetentia cibi corporis bonam valetudinem declarat, ſic & ſermones appetere ſpirituales, animæ ſanctatem arguit. Gaudeo quidem igitur propter hoc, cæterum vereor ne forte non poſſim aliquid adferre dignum iſto veſtro deſiderio. Sic & mater amans quoties lactantem habens puerum, non poteſt illi largiter præbere lactis fontem, attamen quantum lacte caret, mammam tamen dat. Ille vero acceptam trahit fugitque, ore vexatam papillam calfaciens, plus quam erat elicit alimenti: mater vero dolet quidem dum ipſius diſtenduntur ubera, nec tamen repellit puerum, mater enim eſt, & omnia præoptat perpeti potius quam ut partum ſuum contriſtet. Itaque ſi matres erga foetus ſuos tanta caritate afficiuntur, multo magis oportet nos erga veſtram caritatem ſimiliter affectos eſſe. Nam ſpiritus nixus flagrantiores vehementioresque ſunt quam naturæ. Itaque tametſi nobis menſa multam habet penuriam, ne ſic quidem tamen eam occultabimus, ſed omnia in medium proferentes apponemus vobis. Quod ſi paucula hæc ſunt, viliaque, præbebimus tamen. Nam & ille cui talentum erat creditum, non quia quinque talenta non attulit ob id inculſus eſt, ſed quod unum illud detinuerit, dedit poenas. Siquidem hoc eſt quod quæritur apud Deum & apud homines, non multane aut pauca deponas, ſed ne oblationem offeras facultatibus inferiore. Audiſtiſheri quum nobis datum eſſet hoc honoris, ut apud caritatem veſtram diſſeremus, Pſalmum illum legentibus nobis qui peccatorem e ſacrorum ambitu ejiciens, Angelos ſupernasque Virtutes hortabatur ad laudandum omnium Deum.

Vultis igitur & hodie, idem myſticum melos audiamus, prope illic alicubi aſtantes? Mihi videtur. Nam ſi homines ſclerati dum choreas agunt in foro, in profunda caligine, nocteque intempeſta meretricias cantilenas, molleſque canentes cantiones, totam civitatem nobis aperiunt, & ad ſeſe convertunt, nos cœleſtium populorum ſupernis choris Regem univerſi celebrantibus non accurremus? non audiemus divinam illam ac beatam vocem? Et quæ nobis dabitur venia? Sed quomodo, inquis, licet audire? Si ipſum aſcenderimus cœlum, modo fieri poſſit, & ſi non corpore, certe mente licet, & ſi minus præſentia, certe cogitatione. Nam corpus quoniam terreſtre eſt ac grave, natura manet in terris. Anima vero ab hac neceſſitate libera eſt, facillimeque ad altiffima longiffimeque ſemota loca advolat,

etiam ſi velit ad extremos orbis terminos pervenire, aut in cœlum aſcendere, nihil eſt quod veteret, adeo ipſi leves cogitationum alas dedit Deus. Nec tantum alas leves dedit, verum & oculos largitus eſt, multo quam corporis perſpicaciores. Nam corporis aſpectus ſi quidem per vacuum aerem appareat aliquid, ad longum intervallum progreditur: quod ſi in exiguum corpus impeerit, non aliter quam fluxus qui ferebatur, obſtaculo repulſus, denuo retrorſum avertitur: verum animi oculi etiam ſi parietes, etiam ſi mœnia, etiam ſi montium moles, etiam ſi cœlorum corpora compererint obſtantia, omnia facile prætercurrunt. Attamen quum tantam habeat celeritatem, & oculorum aciem anima, non eſt ex ſeſe ſufficiens ad intelligentiam rerum ſpiritualium, ſed opus habet qui ipſam manu porrecta deducat. Faciamus igitur quod in Regum aulis facere ſolent, qui cupiunt eas videre. Quid autem illi faciunt? Ubi quæſierint eum cui claves commiſſæ ſunt, illum adeunt, colloquuntur & ſupplicant, frequenter & pecuniam numerant, ut ipſis gratificetur: Adeamus ergo & nos unum eorum quibus cœleſtes portæ commiſſæ ſunt; appellemus, ſupplicemus, pro pecunia promptam voluntatem ſincerumque affectum exhibeamus. Et ſi ille mercedem hanc acceperit, manu noſtra apprehenſa per omnia circumducet, non ad iſtam ſupelleſtilem Regiam, ſed ipſum Regem in throno ſedentem, aſtantibus exercitibus exercituumque ducibus, aſſiſtentibus innumerabilium Angelorum & Archangelorum millibus, breviter, omnia diligenter nobis oſtendet quatenus nobis videre fas eſt. Quis igitur eſt iſte cui hæc functio commiſſa eſt, ſi quando volumus ingredi? *Eſaias* Prophetarum vocaliſſimus. Ergo neceſſe eſt, ut hunc alloquamur. Agite, ſequamini compoſito gradu incedentes, multo cum ſilentio: ne quis ingrediatur curis onuſtus mundanis, ne quis elatur, ne quis attonitus: verum hæc omnia foris ante oſtium deponamus omnes, atque ita demum ingrediamur. Ingredimur enim in regnum cœlorum, conſcendimus in regiones ſtellis fulgurantes. Quæ intus ſunt miro ſilentio plena ſunt, myſteriis ſque non efferendis reſerta.

Sed animadvertite, nam Scripturarum lectio, cœlorum eſt reſeratio. *Et factum eſt anno quo mortuus eſt Ozias Rex, vidi Dominum ſedentem in throno excelſo & elevato.* Vidisti probi famuli benevolentiam humanitatemque. Illico nos ad thronum induxit regium, nec prius circumegit poſt longos ambitus, ſed ſimul atque portas aperuit, e regione ſedentem Dominum oſtendit. *Et Seraphim*, inquit, *ſtabant in circuitu ejus, ſex ala uni, & ſex ala alteri, ac duabus quidem velabant faciem, duabus pedes, & duabus volabant, & clamabant alter ad alterum dicentes: Sanctus, ſanctus, ſanctus Dominus ſabaoth.* Vere ſanctus qui noſtram naturam tantis ac talibus myſteriis dignatus eſt, qui nos talium ſecretorum conſortes fecit. Atque interim me horror ac tremor corripuit hujus cantilenæ gratia. Et quid mirum ſi me corripuit luteum ac terreum, quum etiam ipſas ſupernas virtutes ſemper maximus obtineat ſtupor, eapropter avertunt facies, alasque vice murorum obijciunt, non ferentes radios illinc proficiſcentes, & tamen id quod apparebat ad noſtram imbecillitatem ſeſe demittebat. Cur igitur non tulerunt? Mihi iſta dicis? Dic iſtis qui curioſe ſcrutantur ineffabilem ac beatam naturam, his qui audent non audenda; Ipſa Seraphim ne demiffionem quidem Dei ſuſtinerunt intueri, & homo auſus eſt dicere, imo potius homo auſus eſt animo concipere, quod naturam ipſam ſummam poſſit ad plenum clareque videre? Horreſce cœlum, obſtupeſce terra, hoc audere majus eſt iis quæ auſi ſunt illi: Nam quæ tum illi per impietatem audebant, eadem nunc per impietatem audent iſti: Nam creaturam ſimiliter adorant: quod autem nunc iſti commenti ſunt, nullus ejus ætatis hominum neque dicere, neque audire ſuſtinuit. Quidais? Demiffio erat quod videbatur? Erat, ſed Dei. Etenim ſi *Daniel* cui multum erat familiaritatis ac fiduciæ apud Deum, non ſuſtinuit Angelum ſeſe ipſi demittentem videre, ſed cecidit jacuitque pronus, vinculis oculorum illius diſſolutis, quid mirum ſi Seraphim expaveſcæta ſunt, non ſuſtinentia majestatem illam

intueri? Neque enim tantum discriminis est inter *Danilem* & Angelum, quantum inter Deum & Virtutes illas.

Verum ne nos plus quam sat est his miraculis immorantes vestros animos in stuporem adigamus, age ad initium historiæ convertamur, humilioribus enarrationibus vestros animos ad ejus intelligentiam adducentes. *Et factum est anno quo mortuus est Ozias Rex.* Operæ pretium est inquirere primum, qua gratia Propheta nobis tempus designarit: Neque enim hoc fortuito temereve facit. Nam Prophetarum ora Dei sunt os: Tale vero os nihil dixerit obiter & extra rem. Ne igitur nos obiter & aliud agentes audiamus. Etenim si hi qui fodiunt metalla, ne minima quidem frustula prætereunt, verum ubi naçi fuerint aliquam venam auri, meatus omnes exacte circumspiciunt, multo magis hoc facere nos oportet in Scripturis. Et tamen in metallis difficile est invenire quod venantur. Etenim quum & metalla sint terra, & aurum nihil aliud sit quam terra, ipsa quoque naturæ communio similitudoque cælat aspectum eorum quæ quæruntur. Attamen ne sic quidem desistunt illi, sed omnem adhibent diligentiam, etiamsi posteaquam inspexerint, sciant quid vere sit terra, quid vere sit aurum. In Scripturis autem non est eadem ratio? Neque enim proponitur aurum terræ commixtum, sed purum est aurum, *Eloquia*, inquit, *Dei pura, argentum igni exploratum*, probatum terræ. Siquidem Scripturæ non sunt metalla quæ indigeant operariis, sed thesaurum præbent paratum iis qui quærunt opes in ipsis reconditas. Satis est enim introspexisse, ut omni expleti fructu discedatis, satis est tantum aperuisse, ut illico videas gemmarum splendorum. Hæc autem mihi non temere dicta sunt, neque fortuito produxi sermonem, sed ob id quod sunt homines quidam opifices, qui posteaquam sacros libros in manus sumpserint, deinde repperint vel annorum numerum positum, vel nominum recensionem, illico prætercurrunt, & incusantibus respondent, nomina tantum sunt, neque quicquam habent utilitatis. Quid ais? Deus loquitur, & tu audes dicere, nulla est dictorum utilitas? Etenim si ad nudam Scripturam aspexeris tantum, dic mihi, nonne resistes cum studio, repositasque scrutaberis opes? Sed quid loquor de temporibus & nominibus titulisque, disce quantum valeat unius tantum literulæ adjectio, ac desine tota contemnere nomina. Patriarcha noster *Abraham*, noster enim potius est quam *Judeorum*, hic prius dictus est *Abram*, quod interpretatum sonat, *transitorem*, post hæc vero nomine commutato dictus *Abraham*, pater factus omnium gentium, & unicum elementum adjectum, tantum principatum vindicavit iusto. Quemadmodum enim Reges præfectis suis aureas porrigunt tabellas principatus signum, sic & Deus iusto illi honoris signum dedit litteram. Verum de nominibus alio tempore differam.

Quantus autem sit fructus si cognoscatur, rursus quantum damnum si ignoretur, aperiendum est. Ac primum quidem id a rebus temporariis demonstrabo. Testamenta tabulæque de nuptiis, de debitis, deque reliquis contractibus, nisi in frontispicio Consulum annos habeant præscriptos, nullam ex sese vim habent. Hoc est enim quod illis robur addit, hoc est quod controversias dirimit, hoc quod a lite liberat, hoc quod ex inimicis facit amicos. Proinde qui talia describunt, non aliter quam lucerna in candelabro poni solet, sic in frontispicio litterarum, addunt Consulum nomina, ut omnibus quæ subjiuntur, præluceant: Quæ si sustuleris, lumen sustuleris, omniaque tenebris multaqueurbatione compleveris. Propterea, omne dati acceptique negotium sive cum amicis sive inimicis, sive cum famulis, sive cum procuratoribus & œconomis agatur, hac eget cautione, & ubique menses, annos ac dies subscribimus. Quod si tantum valet ea res in negotiis temporalibus, in spiritualibus multo amplius profuerit. Siquidem hoc declarat prophetias esse prophetias. Neque enim aliud quicquam est prophetia quam rerum futurarum enarratio. Proinde qui nescit tempora eorum quæ dicta sunt quæve evenerunt, quis poterit homini contentioso demonstrare prophetiæ certitudinem? Hinc nobis & adversus gentes certamina contentionesque,

A quum nostra demonstramus antiquiora, quam quæ apud illos habentur: hinc nobis adversum *Judeos* infelices multis opus est demonstrationibus ad evincendam veritatem. Adversus *Judeos* inquam infelices ac miseros, qui ob temporum ignorantiam in gravissimum errorem prolapsi sunt. Nam si audissent Patriarcham dicentem: *Non deficiet princeps ex Juda, neque dux de femoribus ejus, donec veneris cui repositum est*: Sique observassent exacta diligentia adventus Dominici tempora, non incidissent in Antichristum a Christo dilapsi. Quemadmodum & ipse Christus eis prædixit: *Ego veni in nomine Patris mei, Joan: & non recepistis me, Si venerit alius in nomine suo, illum recipietis.* Vidisti quantus error inciderit ex incitia temporum. Tantam igitur utilitatem ne negligas. Quemadmodum in agris termini columnæque non sinunt arva confundi, sic tempora non sinunt confundi res gestas, sed dum dirimunt alias ab aliis, & in ordinem congruentem digerunt, multa nos liberanturbatione.

Operæ pretium igitur est exponere vobis quis fuerit hic *Ozias*, & quo tempore regnarit, & quibus imperarit, & quanto tempore duravit illius principatus, postremo quomodo vitam finierit. Imo potius jam silendum est, eo quod necesse sit in immensum historiarum pelagus orationem solvere. Qui vero per tale mare sunt iter facturi, necesse est non fatigatis sed integris remigibus viam capeffant. Nam hanc ob causam passim per mare portus insulæque positæ sunt, ut & gubernator & vector refocillentur, hic quidem remo deposito, ille vero exurgens a clavo. His de causis & diversa cauponæque ubique per vias excogitatæ sunt, ut jumenta simul cum viatoribus a labore recreentur. Eoque & doctrinæ sermoni, silentii tempus præfinitum est, ut neque nos ipsos deteramus verborum multitudine, neque vos delassemus. Atque hæc tempora novit *Solomon* dicens, *Tempus tacendi & tempus loquendi.* Sit igitur nobis tempus tacendi, quo detur & præceptoribus tempus loquendi. Nam quæ nos afferimus, similia sunt vino quod recens e lacu haustum est: quæ vero dicuntur ab illo, similia sunt vino, quod quoniam vetustatem seniumque collegit, multam adfert tum utilitatem tum vim iis qui opus habent: Nobisque accidit hodie illud Evangelii, Post deterius vinum id quod melius est inferitur. Et quemadmodum illud vinum non vitis genuerat, sed virtus Jesu Christi fecerat: Ita & hujus sermonem non humana profundit cogitatio, sed Spiritus sancti gratia. Quoniam igitur hujus liquoris fluxus copiosus est & spiritualis, studiose excipiamus, caute servemus, ut affidue irrigati tempestivum adferamus fructum Deo, qui hæc largitus est, cui gloria, honor & imperium cum Domino nostro Jesu Christo sanctoque Spiritu nunc & semper, & in secula seculorum, Amen.

EJUSDEM IN PRIMUM LIBRUM PARALIPOMENON,

Ubi dicitur, Elatum est cor Ozias, deque modestia, tum quod hominem virtute præditum non oporteat esse confidentem, denique quantum malum sit arrogantia.

HOMILIA III.

Benedictus Deus, & nostra quoque ætas progerminat martyres, & nobis hoc honoris contulit Dei dignatio, ut conspiceremus homines occidi pro Christo, homines qui sacro sanguine distillant, Ecclesiam universam irrigante: Sanguine inquam distillantes, Dæmonibus quidem terrifico, Angelis vero desiderabili, nobis porro salutari: Largita est nobis hoc Dei dignatio, ut spectaremus pro pietate belligerantes, vincentes, coronatos. Neque vero solum contigit hæc spectare, verum etiam athletarum corpora accipere. Ac nunc quidem victores illos, & corona insignes apud nos habemus.

Sed in præsentia de martyribus sermonem reservemus martyrum æmulatori, mihi que vobiscum communi doctori. Ipsi vero nunc de *Ozia* differemus, jam pridem debitum æs alienum dinumerantes, diuturnosque audiendi nixus solventes. Nam parturit, sat, scio, unusquisque

que vestrum, cupiens illam audire historiam, atque parturitionem nixumque nos interim distulimus, non ob id quod cuperemus vobis intendere cruciatum, sed quod studeremus vestrum accendere desiderium, ut vobis a me convivio acceptis, meus apparatus quam lautissimus ac suavissimus videretur. Nam opulenti convivoribus, si convivas acceperint saturos, licet apparatus lautitia, & eduliis opiparis, illorum appetentiam excitare: cæterum pauperem mensam non alia res æque facit videri splendendam lautamque, quam si qui ad illam accubaturi sunt, obtineant famelici. Quis igitur est *Ozias*, & ex quibus ortus majoribus, & quorum Rex, & quanto tempore regnavit, & quid cum laude gessit, quid secus? Postremo quo pacto vitam absolvit. De his omnibus in præsentia apud vos differemus, imo potius quantum de his dicere licebit, sic ut multitudine non confundamus vestram memoriam, id quod in lucernis accensis accidere solet. Nam si paulatim ellychnio instillaris oleum, satis alimonie dederis igni. Sin simul totum infuderis oleum, non solum non alueris ignem, verum etiam flammam quæ erat, extinxeris. Hic igitur *Ozias* e stirpe *David* duxit genus. Rex autem erat *Judaorum*. Regnavit annis quinquaginta duobus, quumque initio cum laude gessisset principatum, post in scelera prolapsus est. Quum enim altiores spiritus sustulisset quam pro sua dignitate, principatum invasit Sacerdotii. Tantum malum est arrogantia, quæ persuadet, ut quisque semet ignoret, postque multos labores virtutis thesaurum exhaurit. Ac cætera quidem mala nobis negligenter agentibus solent exsuperare, hæc autem ipsis recte factis nostris adnascitur. Nihil enim perinde gignit superbiam, ut bona conscientia, nisi advigilemus. Unde & Christus sciens quod post benefacta nos hic morbus adoritur, dicebat discipulis suis: *Quum omnia feceritis, dicite, inutiles servi sumus*. Quum enim hæc noxia bestia parat invadere nos, tunc inquit per hæc verba fores illi occludite. Neque dixit: *Quum omnia feceritis, inutiles estis*, sed, *vos dicite, inutiles sumus*. Dic, ne metuas, non ex tuo iudicio fero sententiam. Nam si tu te ipsum dixeris inutilem, ego te ut utilem coronabo. Sic & alias loquitur, *Dic tu prior peccata tua, ut iustificeris*. In mundanis siquidem ac forensibus judiciis, post accusationem, & criminum confessionem restat mors: cæterum apud divinum tribunal, post accusationem & confessionem criminum datur corona. Unde & *Solomon* dicit: *Ne iustificaveris te ipsum in conspectu Domini*. Verum nihil horum audivit *Ozias*, sed irruit in Templum, ut thymia incenderet, ac ne Sacerdote quidem prohibente abstinent. Quid igitur Deus? Immisit illi lepram in fronte, hoc modo impudentem faciem puniens, docensque illum, quod hoc esset Dei tribunal, & quod illi bellum esset, non adversus homines, sed adversus Deum. Ac de *Ozia* quidem hæc tenus.

Agedum jam ab integro historiam hanc percurramus, nam hac de causa & ipse occupans, compendio vobis exposui quæ *Ozia* acciderunt omnia, ut quum audieritis Scripturam, hæc eadem narrantem, rerum seriem summo cum animi studio confectemini. Sed attendite. *Et fecit*, inquit, *Ozias quod rectum est in conspectu Domini*. Hoc testimonio magnam illius virtutem declaravit. Non enim modo fecit quod rectum erat, verum etiam fecit in conspectu Domini, non apud homines ostentans, quemadmodum apud *Judeos* faciebant illi qui ante eleemosynam tuba caneant, & in jejuniis facies suas obscurabant, qui precabantur in compitis, quibus rebus quid potest esse miserius, ubi post toleratos labores, omni præmio frustrabantur? Quid facis homo? Alii redditurus es rationem factorum tuorum, & alium testem citas eorum quæ facis? Alium habes iudicem, & alium adhibes spectatorem? Non vides aurigas qui prætercurrentes totam illam stadii partem qua universa civitas e sublimi spectat sedens in equestri certamine, ibi contendunt concertatorum cursus subvertere, ubi Cæsarem viderint sedentem, & unum oculum digniorem cui fidant ducunt quam tot hominum vultus? At tu quum videas ipsum Angelorum Regem tuo cursui agonotheam, hoc est, certaminis iudicem, & præmiatorem præsidere, eo prætermisso ad confervorum fugis oculos? Atque ideo sane post innumeras lu-

ctas incoronatus recedis, post sudores plurimos absque brachiis venis ad agonotheam. At non talis erat *Ozias*, sed in conspectu Domini faciebat quod rectum est. Qui factum est igitur, ut post vitam tam perfectam supplantatus sit, concideritque? Nam hoc & ipse demirans hæsito. Quin potius, nihil hic esse debet hæsitacione dignum, quandoquidem homo erat, res ad peccandum lubrica, & ad malitiam propensa. Neque id solum est difficile, verum etiam illud quod incedere iussi sumus per viam angustam, & utrinque præcipitio minacem. Proinde quoties & voluntatis facilitas, & vitæ difficultas in unum coeunt, ne postea mirare de lapsu. Quemadmodum enim in spectaculis qui per funem ab imo in altum tensum adscendere ac descendere meditantur, si paululum deflexerint oculos, universo corpore deferuntur in orchestram pereuntque: Itidem qui per hanc incedunt viam, si vel paululum cessarint, præcipitantur. Et tamen hæc via tum angustior est tum magis ardua ac prærupta, multoque excelsior, quam illa per funem, ut quæ sursum ad ipsum usque coelum protensa est, ac tum nobis majore cum periculo ponuntur vestigia, quum ad summum & ad ipsum usque fastigium accesserimus, eo quod in sublimi stantes multus occupat tremor. Atque una tantum via tuti sunt a lapsu, ne deorsum aspiciant, neve in terram demittant oculos. Nam illinc spectare deorsum tum difficile est tum periculosum. Hanc quidem ob causam Propheta nobis assidue inlclamat dicens: *In fine ne corrumpas*: animæ nostræ socordiam retrahens, jamque collapsuram suffulciens ac retinens. In initio quidem non egemus multa exhortatione. Cur ita tandem? eo quod quilibet homo, etiam si fuerit omnium pigerrimus, aggressurus negotium, plurimam in principio adhibet diligentiam, dumque & animi viget alacritas & vires integræ sunt ac recentes, facile ad id quod propositum est pertingit: cæterum ubi major viæ pars nobis peracta est, jamque alacritatis vigor emarcuit, viresque nostræ defecerunt, nec aliud superest, quam ut decidamus, tunc nobis in tempore adest Propheta, veluti pro baculo quopiam alloquium suum nobis porrigens ac dicens, *In fine ne corrumpas*: Tunc enim Diabolus spirat vehementius. Et quemadmodum piratæ qui mare navigiis infestant, non tum ubi conspexerint naves e portu exeuntes, invadunt, quid enim hinc fructus caperent, si scapham inanem demergerent? sed ubi redierint onustæ plenæque sarcinis, tum demum omnes expediunt artes: ita sceleratus ille Dæmon, simul atque videt aliquos multa collegisse, videlicet, jejunia, preces, eleemosynam, castitatem, reliquasque virtutes omnes, ubi videt navigium nostrum esse plenum pretiosis pietatis lapidibus, tunc irrumpit undique, thesaurum perfodiens, ut in ipsis portus ostiis scapham demergat, jamque nudos nos ad eum portum ejiciat: eoque Propheta cunctos admonet dicens, *In fine ne corrumpas*: quod ab ejusmodi ruina, non facile se quis reflexerit ut fergat, propterea quod qui in profundum malorum venerit, contemnit. Tum in principio lapsus venia datur ab omnibus ob imperitiam, sed eum qui post multos cursus conciderit, nemo venia dignum judicaverit, eo quod tum cadere, non tribuitur imperitiæ, sed negligentia. Nec id solum hic est mali, verum etiam quod complures talium ruinis offenduntur & ad lapsum sollicitantur, ut rursus hoc quoque nomine peccatum reddatur irremissibile.

Hæc quum sciamus, auscultemus Prophetæ, & in fine ne corrumpamus. Nam hac de causa, & *Ezechiel* *Ezech.* clamat dicens: *Si quis fuerit justus, deinde lapsus peccaverit, non proderit illi recordatio justitiarum ejus, sed in peccato suo morietur*. Nam & hic Propheta metuit de fine. Neque hinc modo, verum etiam ex contrariis declarat in fine plurimum esse momenti. *Si quis*, inquit, *fuerit peccator, ac postea mutatus factus fuerit justus, non nocebit illi memoria iniquitatum illius, in justitia sua vivet*. Vides & hic Prophetam de fine vehementer sollicitum; Siquidem ut neque justitiæ suæ confidens justus ad socordiam versus pereat, per finem incutit illi terrorem: neque peccator ob delicta despondens animum, jugiter perseveret in ruina, erigit illum per finem. Peccasti, inquit, multa, ne desperes, est enim unde resurgas, si

finem exhibueris non discrepantem ab initio. Rursus ad justum: Multa, inquit, recte fecisti, verum ne fidas, subindicans illum casurum, nisi per finem, eandem adhibeat curam. Vides ut alterius quidem socordiam, alterius vero desperationem sustulerit. Nihil horum audivit Ozias, ideoque per confidentiam decidit ruina periculosa & insanabili. Neque enim quivis lapsus eandem adfert ruinam, sed quædam peccata condemnationi tantum obnoxia sunt, quædam gravissimo supplicio puniuntur. Proinde Paulus increpans eos, qui in communibus cœnis non expectabant fratres, ita loquitur: *Hoc denuntians non laudo*. Vides peccatum intra reprehensionem consistere, nec aliud habere præmium, quam probum objugationis. At ubi de incesto loquitur, non itidem facit. Sed quo pacto? *Si quis templum Dei violat, perdet hunc Deus*. Hic non est probum aut reprehensio: sed poena gravissima. Novit & Solomon peccatorum discrimen, qui furtum cum adulterio conferens sic alicubi loquitur: *Non est mirum si quis deprehendatur in furto: Furatur enim, ut animam expleat esurientem; sed adulter, ob inopiam sensus exitium animæ suæ conciliat*. Et illud, inquit, peccatum est, sed alterum minus, alterum majus, quod alteri præbuerit occasionem peccandi, fames, alteri omnis adempta sit excusatio. Verum hic quoque, dixerit aliquis, compellitur naturali concupiscentia. At non permittit elabi uxor quæ illi forte obtigit, sed instat eripiens illi veniam. Ob id enim matrimonium & hujus legitimus usus permittitur, ne quid horum excusare possit maritus. Hanc ob causam data est illi mulier adiutrix, ut effervescentem naturam coerceret, ut concupiscentiæ fluctus foderet. Itaque quemadmodum gubernator in portu faciens naufragium, haud quaquam ullam impetraret veniam, sic nec is cui quum per conjugium concessum sit quo lapsus effugiat, tamen aliena perfodit matrimonia, aut qui quamcunque foeminam curiosis aspicit oculis, habere quicquam posset quo semet excuset, nec apud homines nec apud Deum, etiam si decies milles allegarit naturæ voluptatem. Imo quæ possit illic esse voluptas, ubi metus, ubi discrimen, ubi periculum, ubi tantorum malorum expectatio, ubi tribunalia, ubi accusationes, ubi iudicis ira, ubi gladius & carnifex, ubi barathrum, ac deportatio? Omnia pavet metuitque qui talis est, umbras, parietes, ipsos lapides, tanquam vocem emittentes, omnia observat, omnes habet suspectos, famulos, vicinos, amicos, hostes, eos qui norunt omnia, eos qui nihil norunt. Quin potius si voles, tollantur hæc omnia, ponamus nulli notum esse flagitium, præterquam ipsi uni, & mulieri, quam adulteravit, quomodo feret conscientiam redarguentem, acerbam & amarulentam accusatricem ubique secum ferens? Quemadmodum enim seipsum nemo potest effugere, ita nec illam ejus curiæ sententiam; hoc enim tribunal non pecunia corrumpitur, non adulationibus acquiescit, eo quod divinum est, & a Deo nostris impositum mentibus. Vere adulter per inopiam sensus exitium suæ ipsius animæ conciliat. Tamen si ne fur quidem immunis est a supplicio, qui dat quidem poenam, sed minorem. Nec enim judicia in diversum ordinem extrudunt ea quæ comparantur, sed permittentia suo quæque manere loco, diminutionem inducunt aut exsuperantiam.

Fortasse non intelligis quod dictum est, itaque necesse est idem explanatius dicere. Bonum est conjugium, sed melior est virginitas, nec quoniam melior est virginitas, ideo malum est conjugium, sed illud quidem inferius, alioqui bonum & ipsum. Similiter & hic. Malum est furtum, sed adulterio minus, quanquam & ipsum est malum. Vides peccatorum differentias? Consideremus itaque quale peccatum hic peccaverit. *Elatum est*, inquit, *cor illius*. Periculosum vulnus: est enim arrogantia malorum omnium fons. Et ut compendio discas morbi malitiam, illud audi, cætera quidem peccata circa nostram versantur naturam, at superbia virtutem incorpoream e sublimi detraxit ac dejecit, eo quod Diabolum quum Diabolus non esset, ut hoc esset, effecit, nimirum Diabolus. Quod si testem adducam *Esaiam* ita de illo loquentem, *In calum ascendam, & ero similis altissimo*, qui non libenter recipiunt allegorias, ca-

lumniabuntur nostrum testimonium: Sin vero Paulum illi adhibuerimus accusatorem, nemo jam habiturus est quod contradicat. Quid igitur ait Paulus? *Timotheo scribens*, quod qui nuper professus est Evangelium, cum non oportet ad summam Episcopi dignitatem evehi, ita ferme loquitur, *Non neophytum, ne inflatus incidat in condemnationem, & in laqueum Diaboli*, ne eadem, inquit, peccans cum illo, eadem cum illo patiat. Hoc vero non hinc solum est perspicuum, verum etiam ex his quæ scelestus ille Dæmon consuluit homini, qui primus omnium factus est. Quemadmodum bonis hic mos est, per quæ ipsi facti sunt boni, ad eadem exhortari proximos: ita & malis hic est mos, per quæ ipsi facti sunt improbi, eadem vicinis invehere. Nam una hæc est illorum malitiæ species, ut solatium existiment sui supplicii, si alios in exitium attraxerint. Quid igitur Diabolus? Suasit Adam, ut conciperet cogitationem sua conditione majorem, sibi que cum Deo speraret æqualitatem: Si enim, inquit, hæc res me cœlo expulit, multo magis eadem hunc ejiciet e paradiso. Quapropter & Sirach dixit, *Deus superbis resistit*, non dixit, Deus superbos dimittit, & in peccatis deserit, suoque nudat auxilio, sed adversatur, inquit, non quod instructa acie aut pugna Deo sit opus adversus superbum. Quid enim esse possit superbo infirmius? Nam ut qui orbatus est oculis, omnium oppositus est injuriæ, ita & superbus qui non videt Dominum; Nam superbia, ut inquit Scriptura, est non nosse Dominum: etiam ab hominibus facile superatur, posteaquam excidit ab illius luce. Quod si etiam validus ac potens esset superbus, nihil opus esset Deo exercitu adversus illum, quandoquidem & voluntas illi sufficiebat ad invertenda omnia, multo magis sufficeret ad tollendos illos. Cur igitur resistit? Quo vehemens odium declaret erga superbum. Itaque superbiam esse vulnus periculosum, tum ex his quæ diximus, tum ex aliis perspicuum est.

Quod si vultis, etiam causam ipsam unde vulnus hoc accidit, discamus. Siquidem hic Scripturæ mos est, si quando parat accusare quempiam, non modo peccatum illius narrare, verum etiam docere nos quæ fuerit peccati causa. Id autem eo facit, ut qui sani sunt, eos reddat tutiores cautioreque, ne in eadem incidant mala. Similiter & medici ad ægrotantes ingressi, antequam curent morbum, inquirent vestigantque unde morbus sit inflicus, ut ab origine coercant malum: propterea quod qui manente radice ramos tantum exsecat, nihil aliud quam inanem sumit operam. Ubi igitur Scriptura & peccatum & peccati causam eloquitur? Reprehendit eos qui præcesserunt diluvium, ob inconcessas mixturas. Atque audi quomodo causam exprimat: *Quum viderent filii Dei filias hominum esse formosas, acceperunt illas sibi in uxores*. Quid igitur? Num pulchritudo causa est peccati? Absit. Est enim divinæ sapientiæ opus, opus autem Dei nunquam possit esse causa peccati. Sed videre fuit causa peccati? Ne id quidem. Nam & hoc naturæ opus est. Sed quid tandem? Male videre, nam hoc est depravatæ voluntatis. Eoque sapiens quidam admonet dicens, *ne cognoscas pulchritudinem alienam*. Non dixit, ne videas. Id enim nonnunquam fit ultro, sed ne cognoscas, inquit, illud tollens ne studio animadvertamus, ne curiose intueare, ne vitiosæ contemplationi immoremur, quæ ab animo corrupto & concupiscentia proficiscitur. Sed quid, inquiet aliquis, hinc mali possit oriri? Ex hoc, inquit, amor velut ignis excitatur. Ut enim ignis, ubi scœnum aliquod aut culmum arripuerit, nihil moratur, sed simul ut attigit materiam, lucidam accendit flammam: Itidem & ignis concupiscentiæ quæ est in nobis, simul atque per oculorum intuitum elegantem ac venustam attigeris formam, protinus exurit animum. Proinde ne spectes temporariam illam, quæ ex aspectu proficiscitur, voluptatem, sed perpetuum dolorem considera, qui nascitur ex concupiscentia. Nam illa inflicto vulnere plerumque celeriter avolat, at vulnus non avolat, sed plerumque manet & interficit. Et quemadmodum Cerva confixa jaculo in vitali corporis parte, etiam si venatorum effugiat manus, nihil infert lucri. Sic & anima accepto concupiscentiæ jaculo e-

lascivo curiosoque aspectu, etiam si cum jaculo permittatur abire, tamen ipsa per se corrumpitur ac perit, ubique videns hostem, & insequentem habens.

Sed ad id quod dicere coeperam. Neque enim committendum est, ut in hoc tam longas sermonis digressiones faciamus, quod Scriptura cum peccatis simul & peccatorum causas soleat commemorare. Audi igitur & hic quid dicat de *Ozia*. Neque enim hoc modo nos docuit, quod fuit elatum cor ejus, verum addidit unde fuit elatum. *Quum potens esset*, inquit, *elatum est cor ejus*. Non ferebat principatus magnitudinem, sed quemadmodum ex edacitate nascitur ignea inflatio, ex inflatione gignitur febris, deinde ex febre plerumque mors, itidem & hic, ex actionum eminentia nata est superbia. Nam quod in corporibus est inflatio, hoc in animis est superbia, mox ex superbia nata est appetentia rerum ipsi non congruentium. Hæc non temere produci-mus in longum, sed ne unquam existimetis hos esse suspiciendos, neque felices ducatis qui principatum gerunt, quum sciatis quantum habeat negotii conditionis dignitas: nec unquam illos judicetis miseros, qui in egestate & afflictionibus vivunt, scientes hanc vitam esse multo tutiorem. Unde & Propheta clamat dicens: *Bonum est mihi Domine, quod humiliasti me*. Vide igitur quantum ex eminentia natum sit malum, *Elatum est*, inquit, *cor ejus usque ad corruptionem*. Quid est *usque ad corruptionem*? Usque ad pravas cogitationes, quæ prorsus non ascendunt in animum nostrum, si nos ipsos tutamento circumsepimus, sed eadem si negligenter egerimus, nascuntur in nobis germinantque: Sin occupentur protinus præfocantur & obruuntur. Aliæ simul & gignuntur & adolescunt, atque ad pravas actiones evadunt, omnemque mentis nostræ sanitatem corrumpunt si quando vehementer cessaverimus. Hoc itaque dicit, *Elatum est cor ejus*, neque se intus continuit concupiscentia, neque extincta est, sed prorupit & ad opus usque pravum progressa, totam illius virtutem corrumpit. Beatitudo est igitur cogitationem improbam prorsus non admittere, quod & a Propheta dictum est, *Domine, non est elatum cor meum*: non dixit, elatum quidem est, sed illud cohibui, verum non est omnino elatum, hoc est, jugiter servavi animam meam inaccessam malitiæ. Hoc igitur est felicitatis; huic proximum illud est, malas cogitationes, jam ingressas celeriter repellere, neque sinere ut illic diutius immorentur, ne in nobis mala pascua, malamque sibi gignant alimoniam. Quod si & huc usque cessaverimus, est per Dei bonitatem & hujus socordiae solatium, multaque ab illa summa bonitate talibus vulneribus parata sunt remedia.

Sed age, sermonem hunc missum faciamus, ne quod in initio verebamur, nunc accidat nobis, rerumque turba vestram perdat memoriam. Quapropter necessum est ut quæ dicta sunt summam paucis repetamus. Sic & matres facere solent quum poma aut bellaria aut aliud simile quippiam in puerilem immittunt sinum, ne per puerorum negligentiam excidat aliquid eorum quæ data sunt, contractam undique tuniculam, cingulo subjiciunt quo sint in tuto. Idem nos faciamus, orationem in longum porrectam contrahamus, memoriæque custodiæ deponamus. Audistis quomodo nihil agendum sit ad ostentationem apud homines, quantumque sit malum socordia, ut etiam in perfecta vita versantem facile supplantarit. Didicistis quanta nobis opus sit cura, potissimum sub vitæ finem, utque nec desperandum sit de eo qui mutatus inciderit in peccata, neque qui bene vixit cum oporteat per socordiam in rectis factis confidere. Differuimus vobis de differentiis peccatorum, ne simus vehementer intenti ad eximias corporum formas, quantumque hinc oriatur mali, demonstravimus. Quæ de superbia vobis diximus meministis, quæque de pravis cogitationibus. Hæc servantes redeamus domum, quin potius hæc servantes excipiamus perfectionem doctoris exhortationem. Nam nostra quidem qualiacunque sunt, habent juventutis ostentationem, hujus autem qualiacunque fuerint, majore prudentia sunt ornata. Ac nostra quidem similia sunt torrenti, qui cum strepitu fertur: illius autem oratio similis est fonti magna tranquillitate

A fluvios effundenti, qui olei magis quam aquarum cursum imitentur. Excipiamus igitur ea fluentia ut fiant in nobis fons aquæ salientis in vitam æternam, quam nobis omnibus contingat assequi, gratia ac bonitate Domini nostri Jesu Christi, per quem & cum quo Patri simul cum sancto Spiritu gloria nunc & semper, & in secula seculorum, Amen.

EJUSDEM DE EO QUOD SCRIPSIT
ESAIAS,

Factum est anno quo mortuus est Ozias Rex, Vidi Dominum, deque civitate Antiochie, & adversus eos qui prohibent nuptias.

HOMILIA IV.

P RÆCLARUM nobis theatrum obtigit, magnificus alacrisque concursus. Quid tandem est in causa? Sementis heri factæ fructus, hodierna messis est. Heri plantavimus, hodie colligimus vindemiam. Non enim terram inanimam colimus, ut tarde fructificet, sed animas ratione præditas; Non est natura, quæ contatur, sed gratia, quæ accelerat. Compositus ac tractabilis est nobis populus, audiendi studiosa plebs est. Heri vocati sunt, hodie coronantur. Admonitionis hesternæ fructus, hodiernum est obsequium. Unde nos quoque libenter semina jacimus, quia purum videmus arvom, haud quaquam spinam quæ suffocat, neque viam quæ calcatur, neque petram sterilem, sed profundum ac pinguem agrum, qui simul & semen recipit, & mox aristam nobis exhibet. Hec eo semper loquor nec loqui desino, quoniam hæc nostræ civitatis laus est, non quod Senatam habet, non quod Consules numerare possumus, neque quod Statuas complures, neque quod mercium copiam, neque quod situm habet commodum, sed quod populum habet audiendi studiosum, quod Templum differta, quodque congregationis deliciae magis ac magis crescunt indies, quodque sermonem habet profluentem, desideriumque nunquam satiabile. Siquidem civitas non ab ædificiis sed ab inhabitantibus admiranda redditur. Ne mihi narres, quod *Romanorum* urbs magnitudine spatiosa est, sed ostende mihi illic populum æque cupidum audiendi. Nam *Sodomæ* turres habebant, quum *Abraham* in tugurio moraretur. Attamen venientes Angeli, *Sodomæ* præteribant, ad tugurium divertebant. Non enim ædificiorum splendorem quærebant, sed animæ virtutem quærentes circumibant. Ita sane alias desertum habebat *Joannem*, civitas *Herodem*, eoque desertum nobilius erat civitate. Cur ita tandem? Quoniam non in structuris sita est prophetia. Hæc dico ne quando civitatem prædicemus, quæ moribus dissoluta dirutaque est. Quid mihi narres ædificiorum structuras, quid columnas? Hæc una cum præfenti vita diruuntur; Ecclesiam ingreditor, ut civitatis videas claritudinem. Ingredditor, inquam, vides pauperes a medio noctis usque ad lucem perseverantes, vide sacra pervigilia, noctem cum die copulantiā, vide neque noctu neque interdiu vel somni tyrannidem, ac violentiam metuentes, vel inopiæ necessitudinem formidantes. Magna civitas ac totius orbis metropolis. Quot Episcopi, quot Doctores huc venerunt, & a populo docti discunt, ac legem illam non scriptam sed cordibus insitam, hic discunt? Quod si mihi narres dignitates & opum abundantiam, a foliis non a fructibus arborem laudas. Hæc autem loquor haud quaquam assentans caritati vestræ, sed virtutem vestram prædicans. Beatus ego propter vos, beati vos propter vos ipsos, beatus qui loquitur ad aures audientium, sic ego beatus factus sum. *Beati qui esuriunt & sitiunt justitiam*; Videte quomodo vos beati propter vos ipsos estis facti: maxime vero beatus est vir amans sermonum spiritualium. Hæc nos distinguit a brutis; Non enim nos ab illis separat corporis ratio, neque quod alimur, aut bibimus, neque quod pascimus aut vivimus, hæc enim omnia nobis cum brutis communia. Sed qua re distinguitur a brutis homo? Sermone, & ob id animal dicitur λογικόν, hoc est, sermonis particeps. Ut enim aluntur corpora, sic aluntur &

& animæ, sed corpus pane, anima sermone: proinde si videas hominem vefcentem lapide, num illum dixeris esse hominem? Itidem si quem videris qui non alatur sermone, sed sermonis ac rationis inopia, nimirum hic & hominis naturam amisit, siquidem vita declarat hominis nobilitatem.

Quoniam igitur theatrum nobis differtum est, itemque mare positum undis tranquillitatis plenum, ac rursus pelagus sedata tempestate quietum ac placidum, age jam navem detrahimus, veli loco expandentes linguam, pro zephyro Spiritus gratiam invocantes, pro temone clavoque cruce gubernatrice utentes. Nam mare quidem illud habet aquam falsam, hoc autem aquam vivam; Illic enim sunt animalia rationis expertia, hic vero animæ rationales: Illic qui navigant e mari in terram, hic vero qui navigant e terra in cœlum appellunt. Illic navigia, hic eloquia spiritualia: illic in navi tabularum strepitus, hic sermonum applausus: illic velum, hic lingua: illic zephyri flatus, hic Spiritus præsentia: illic homo gubernator, hic vero gubernator Christus: Eoque sane jactatur quidem navis, at non mergitur. Poterat quidem & in tranquillo navigare, verum non passus est gubernator, quo simul & navigantium perspicias tolerantiam, & gubernatoris prudentiam plenius cognoscas. Audiant gentes, audiant *Judæi* benefacta nostra, audiant instans ac fervens Ecclesiæ studium. A quam multis oppugnata est Ecclesia, nec unquam tamen victa. Quot tyranni, quot duces, quot imperatores? *Augustus, Tiberius, Cajus, Claudius, Nero*, homines litteris ornati, potentes, tot modis oppugnaverunt recentem ac teneram, at non dejecerunt. Quin potius ii qui oppugnaverunt silentur oblivioni traditi, illa vero oppugnata cœlum transcendit. Neque enim illud mihi spectato, quod in terris sita est Ecclesia, sed quod in cœlo versatur. Unde hoc dilucidum est? Nimirum ipsæ res demonstrant. Oppugnati sunt undecim discipuli, totus orbis oppugnabat, verum qui oppugnabantur vicerunt, qui oppugnabant sublati sunt. Oves devicere lupos. Vidisti pastorem oves in medium luporum emittentem, ut ne fuga quidem salutem consequerentur. Quis pastor hoc fecit? Christus hoc fecit, quo tibi demonstraret quæ recte geruntur non accidere juxta nostrarum actionum tenorem, sed præter naturam, præterque rerum tenorem. Nam Ecclesia radices in cœlo fixas habet potius quam in terra. Verum fortassis Ethnicus meam despicit arrogantiam, sed maneat donec harum rerum probationem attulero, discatque vim veritatis, quomodo facilius est Solem extinguere quam Ecclesiam obscurari. Quis inquit ista prædicat? Is qui eam fundavit. *Cælum & terra transibunt, sed verba mea non transibunt.* Hæc non modo dixit, sed & complevit; siquidem latius illam fundavit quam cœlum: Est enim cœlo honoratior Ecclesia. Quare conditum est cœlum? propter Ecclesiam. Ecclesia non est condita propter cœlum: cœlum conditum est propter hominem; non homo propter cœlum. Id perspicuum est ex his quæ fecit Christus; Non enim cœli corpus assumpsit, sed hominis.

Verum ne in longum producto sermone, rursus hodie vobis debitores discedamus (scitis enim quam multa sumus heri polliciti nos exhibituros) quod polliciti sumus representabimus. Nam propter eos qui non aderant, distuleram. Quoniam igitur qui defuerant, suo sunt officio perfuncti, suaque præsentia nobis mensam exhibuerunt sumptuosam, age sane apponamus obsonia, obsonia quidem haud putria quamvis hesternæ sint, sed hæc obsonia non putrescunt. Quam ob rem tandem? Non sunt carnes ut corrumpi queant, sed sententiæ semper florescentes. Carnes enim quoniam corpus sunt, corrumpuntur: contra sententiæ si maneant, redduntur fragrantiores. Quid igitur erat quod heri diximus? Siquidem & ita nos heri participes mensæ fuimus, ut qui non adfuerunt, nihil detrimenti sint passi. *Et factum est in anno quo mortuus est Ozias Rex, vidi Dominum sedentem in throno excelsso & elevato.* Quis hæc loquitur? *Esaias* ille spectator cœlestium Seraphin, qui cum conjugio commercium habuit, nec tamen extinxit gratiam. Auscultastis

A Prophetam, & audistis Prophetam hodie, *Exi tu & Jassuph filius tuus.* Nec ista oportet prætercurrere; *Exi tu & filius tuus.* Itane filium habebat Propheta? Si filium habebat, habebat & uxorem, ut intelligas non esse malas nuptias, sed malam esse scortationem. Sed quoties cum quibusdam de vulgo differimus dicentes, Cur non recte vivis? Quam ob rem non præstas mores absolutos? Qui possum, inquit, nisi divertam ab uxore, nisi valedixerero liberis, nisi valere jussero negotia? Quam ob rem? Num obstat matrimonium? Adjutrix tibi data est uxor non infidiatrix. An non habebat uxorem Propheta? Neque tamen Spiritus gratiæ obstatat conjugium, sed cum uxore convictum habebat, & erat nihilominus Propheta: *Moses* nonne uxorem habebat? Et tamen is petram dirupit, aërem immutavit, cum Deo colloquebatur, divinam iram cohibuit. *Abraham* nonne habebat uxorem? Et tamen pater factus est gentium & Ecclesiæ. Sustulit enim filium *Isaac*. Et hic illi fuit egregium facinorum materia. Nonne obtulit filium, conjugii fructum? Nonne fuit pater, & idem amans Dei? Nonne licuit videre sacrificum e suis visceribus fieri? Sacrificum inquam simul & patrem; vinci naturam, vincere pietatem, viscera conculcari, piaque facta superare, patrem dejici, Dei amantem coronari? An non vidisti totum, & filii amantem & Dei? Numquid hic obfuit matrimonium? Quid autem *Maccabæorum* mater, nonne uxor fuerat? nonne septem filios addidit sanctorum choro? Nonne vidit illos martyrio coronatos? Nonne veluti spectatrix astant, nihil animo labascens? Nonne astant obtestans illorum unumquemque, & mater martyrum, septies ipsa martyrium præstitit? Dum enim illi torquebantur, illa plagam accipiebat. Neque enim adeo sine affectibus quæ gerebantur spectabat: mater erat, & naturæ illata vis, propriam virtutem declarabat, at illa non vincebatur. Mare quidem erat & undæ: cæterum sicut mare quum insanit sedatur, ita & natura commota, metu Dei refrenatur. Quomodo eos aluit? quomodo eos unxit? quomodo septem templa Deo exhibuit? Statuas auræas, imo potius auræ pretiosiores? Neque enim tale quippiam est aurum qualis anima martyrum. *Sabab* tyrannus, atque ab una muliere superatus discedebat. Ille armis oppugnabat, hæc animi promptitudine superabat: ille fornacem incendebat, hæc virtutem spiritus: ille exercitum movebat, hæc ad Angelos applicabat animum: Videbat inferne tyrannum, & in animo versabat illum in supernis regnantem: videbat infra se tormenta, ac numerabat superna brachia: videbat præsentem cruciatum, & cogitabat futuram immortalitatem. Si nos spectaremus non ea quæ videntur, sed ea quæ non videntur, num quid obstaculi adferret matrimonium? Quid autem *Petrus* basis Ecclesiæ, ille vehemens amator Christi, ille sermone indoctus & rhetorum victor, ille imperitus qui tamen philosophis obturavit os, ille qui Græcanicam sapientiam non aliter quam aranearum telam dissolvit, qui terrarum orbem peragravit, qui sagenam misit in mare & piscatus est orbem? Quid autem ait Evangelium? *Ingressus est Jesus ad focrum Petri febricitantem; Ubi focus, ibi & uxor, ibi & conjugium.* Quid autem *Philippus*, nonne quatuor habebat filias? Ubi vero quatuor filiæ, illic & uxor & matrimonium. Quid igitur Christus? A virgine quidem natus est, verum ad nuptias accessit, ac donum attulit. *Non habent*, inquit, *vinum*: & aquam vertit in vinum, virginitate nuptias honorans, dono id quod fiebat commendans: ut ne abomineris nuptias, sed oderis scortationem, meo periculo, nam ego spondeo tibi salutem, etiam si uxorem habueris. Prospice tibi ipsi. Mulier si proba fuerit, adjutrix tibi est. Quid igitur si non fuerit commoda? Fac illam commodam. An non fuerunt uxores bonæ simul ac malæ? Ne haberes excusationem. Qualis erat illa *Job*? Sed *Sara* erat bona. Ostendam tibi mulierem & malam & improbam, neque tamen nocuit viro. Uxor *Job* prava erat & improba, suasit illi ut blasphemias proferret. Quid igitur? Labefactavit turrim? Dejecit adamantem? Superavit petram? Depulit militem? Comminuit scapham? Eradicavit arborem? Nihil horum, sed illa impellebat, &

Mat.
24.

Esa 7.

& arbor reddebatur stabilior: ita fluctus excitabat, at navis non submergebatur, sed secundo navigabat vento: fructus ejus decerpebatur, & arbor commota non est, folia deciderunt, & radix mansit immota. Hæc loquor, ne quis excuset uxoris improbitatem. Mala est, corrige eam. Sed ais, e paradiso me expulit? Verum eadem te in coelos induxit. Eadem quidem natura, mens tamen diversa. Sed illa *Job* erat mala, verum *Susanna* bona: sed illa *Aegyptia* erat impudica, verum *Sara* erat modesta. Vidisti illam, vide & hanc, quandoquidem etiam inter viros, hi quidem mali sunt, illi vero boni. Bonus erat *Joseph*, seniores autem impudici. Vidisti omnibus in rebus vitium ac virtutem, non natura dijudicari, sed animo distingui. Ne mihi prætexas excusationes.

Sed ad eorum quæ debemus solutionem properemus. *Est factum est anno quo mortuus est Ozias Rex.* Dicturus sum quam ob causam Propheta designet tempus: siquidem his qui quærebant heri, quam tandem ob causam quum omnes Prophetæ atque in his alias hic quoque tempus Regum enarrare soleant quo vixerint, hoc loco ea consuetudo prætermittitur sit; Nec enim dicit, in diebus *Ozia*: sed, in morte *Ozia*, hanc quæstionem hodie solvere volo. Quanquam enim ingens est æstus, tamen major est sermonis refrigeratio: quanquam vis fit corpori fatiganti, tamen anima vigens delectatur. Ne mihi narres æstum ac sudorem. Si sudaveris corpore, inungis animam tuam. Tres illi pueri qui erant in fornace nihil detrimenti perpeffi sunt, sed fornax illis fuit refrigerio. Quum cogitas sudorem, cogita simul & mercedem & præmium. Etenim homo urinator nullam aliam ob causam audet seipsum in profundum aquarum demittere, quam propter margaritas, bellorum causam. Quanquam non materiam reprehendo, sed mentem intemperantem. Et tu, ut accipias thesaurum deficere nescium, plantesque vineam in anima tua, non sustines æstum neque sudorem? Non vides istos qui sedent in theatro, quomodo sudent, nudoque capite Solis radium excipiant, quo fiant captivi mortis, quo scorti mancipia? Ad exitium illi laborant, & tu ad salutem segnis ac remissus es? Athleta es, miles es. Quis igitur est ille *Ozias*, & quam ob causam mortem hanc illius expressit Propheta? Hic *Ozias* Rex erat, ac vir justus, multis florens egregiis factis: verum postea tandem ad superbiam venit, ad superbiam inquam, malorum matrem, ad arrogantiam tumultibus plenam, ad elationem, qua Diabolus homines in exitium trahit. Nihil enim arrogantia pejus, eoque totum sermonem in hoc heri consumpsimus, superbiam eximentes ac modestiam docentes. Vis tibi dicam quantum bonum sit modestia, & quantum malum arrogantia? Peccator justum superavit, publicanus Phariseum, & verba factis fuere superiora. Quomodo verba? Publicanus dicit: *Deus propitius esto mihi peccatori.* Phariseus dicit: *Non sum sicut ceteri homines, rapax, avarus: sed quid? Jejunio bis in sabbato, decimas de facultatibus meis.* Phariseus opera justitiæ præstabat, publicanus verba dicebat modestiæ, & verba plus potuerunt quam facta, tantusque thesaurus cum contumelia rejicitur, & tanta inopia in divitias commutata est. Venerunt duæ naves habentes onus, ambæ portum ingressæ sunt, sed publicanus pulchre in portum appulit. Phariseus autem naufragium perpeffus est, ut disceres, quantum mali sit animi tumor. Justus es, ne dejicias fratrem tuum. Flores recte factis, ne probra jacias in proximum, tuasque laudes contrahe. Quanto major es, tanto magis submitte teipsum. Attende quod dicitur, carissime, magis justus metuere debet arrogantiam quam peccator: hoc & heri dicebam, & hodie dico propter eos qui aberant, eo quod peccator habet conscientiam velit nolit humilem ac submissam, justus autem ob benefacta extollitur. Quemadmodum igitur fit in nautis, qui vacuum habent navem, non metuunt piratarum insultum. Non enim veniunt ut conterant navem nihil vehentem: cæterum ii qui navem habent onustam, metuunt piratas. Nam pirata illuc properat, ubi aurum, ubi argentum, ubi lapides pretiosi. Sic & Diabolus non facile persequitur peccatorem, sed justum potius, ubi multæ sunt

opes. Quoniam igitur frequenter per arrogantiam insidiatur Diabolus, vigilandum est. Quanto major es, tanto magis submitte teipsum. Quum ascenderis in altum, opus est ut tibi prospicias ne cadas. Quam ob rem & Dominus noster dicit: *Quum omnia feceritis, dicite: Inutiles servi sumus.* Quid efferris animo quum sis homo, cognatus terræ, ejusdem substantiæ cum cinere, tum natura, tum animo, tum actionum delectu. Hodie dives, cras pauper: hodie sanus, cras ægrotus: hodie gaudes, cras doles: hodie in gloria, cras in ignominia: hodie juvenis, cras senex. Numquid in rebus humanis consistit, ac non potius omnium præterfluentium cursum imitantur omnia, simulatque apparuerunt, citius nos quam umbra relinquunt. Quid igitur cristas erigis, homo, fumus & vanitas? *Homo enim vanitatis similis factus est, veluti fumus dies ejus. Exaruit gramen & flos deciderit.* Hæc dico non ut substantiam dejiciam, sed ut arrogantiam refrenem. Alioqui & magna res est homo, & pretiosa res vir misericors.

Verum hic *Ozias* quum esset Rex cinctus diademate, quoniam erat justus, elatus est animo, majore spiritu concepto quam pro dignitate, ingressus est templum. Et quid dicit *Esaias*? *ingressus est sancta sanctorum, aitque, volo adolere incensum.* Rex quum esset, Sacerdotii principatum usurpat: *Volo, inquit, adolere incensum: quia justus sum.* Sed mane intra tuos terminos, alii sunt termini Regni, alii termini Sacerdotii, hoc Regnum illo majus est. Neque enim ex his quæ videntur hic declaratur Rex, neque e gemmis illi affixis, neque ex auro quo amictus est debet æstimari Rex. Ille quidem ea quæ sunt in terris sortitus erat administranda, cæterum Sacerdotii quæ e supernis descendit: *Quacunque ligaveritis super terram, erunt ligata in calo.* Regi ea quæ hic sunt commissa sunt, mihi coelestia, mihi quum dico, Sacerdotem intelligo. Itaque quum videris Sacerdotem indignum, ne traducas Sacerdotium. Non enim oportet damnare res, sed eum qui re bona male utitur. Quandoquidem & *Judas* proditor fuit, verum non ob id accusatur ordo Apostolicus, sed illius animus, nec crimen est Sacerdotii, sed malum animi. Et tu igitur ne Sacerdotium vituperes, sed Sacerdotem male re bona utentem. Etenim si quis tecum disputet dicatque: Vidisti illum Christianum, respondeo, at ego non de personis, sed de rebus tibi loquor. Alioqui quot medici facti sunt carnifices, ac venena pro pharmacis dederunt? Non tamen artem vitupero, sed male utentem arte. Quot nautæ male rexerunt navigia? Verum non ars navigandi mala est, sed illorum animus. Si Christianus fuerit improbus, ne incuses professionem ac Sacerdotium, sed re bona utentem male. Regi corpora commissa sunt, Sacerdoti animæ. Rex maculas corporum remittit, Sacerdos autem maculas peccatorum. Ille necessitate, hic consilio. Ille habet arma sensibilia, hic arma spiritualia. Ille bellum gerit cum barbaris, mihi bellum cum Dæmonibus. Major hic principatus, propterea Rex caput submittit manui Sacerdotis, & ubique in veteri Scriptura, Sacerdotes inungebant Reges. Verum Rex ille sua transiliens septa, modumque regni transgressus, conatus est aliquid addere, atque ingressus est Templum, cum auctoritate incensum adolere volens. Quid igitur Sacerdos? *Non licet tibi Ozia adolere incensum.* Vide libertatem, vide mentem fervire nesciam, vide linguam coelos attingentem, vide libertatem incoercibilem, vide hominis corpus, & Angeli mentem, vide humi ingredientem, & in cælo versantem. Vidisti Regem, nec vidisti diadema. Ne mihi dixeris efferegnum, ubi est legum transgressio. Non licet tibi Rex adolere incensum, non est fas venire in sancta sanctorum, transcendis septa tua, quæris tibi non concessa, eoque quæ accepisti perdes. *Non licet tibi adolere incensum, sed Sacerdotibus isthuc datum est.* Non tuum est hoc, sed meum. Num mihi tuam usurpavi purpuram? Ne usurpes meum Sacerdotium. *Non licet tibi adolere incensum, sed tantum Sacerdotibus filiis Aaron.* Post multum temporis jam defuncto *Aarone* hoc accidit. Et quam ob rem non dixit *Sacerdotibus* tantum, sed & patris mentionem fecit? Accidit in illo tempore, ut tale quippiam

ficeret: *Dathan* enim *Abiron* & *Core* insurrexerant adversus *Aaron*, aperta est terra ac devoravit illos, venit ignis e caelo & exussit eos. Volens igitur eum commonescere illius historiæ, quod olim quoque per vim invaserint Sacerdotium, verum haud quaquam succubuerit, sed adorta est multitudo, & Deus illam ultus est. *Non licet tibi adolere incensum, sed solis Sacerdotibus filiis Aaron*. Non dixit, cogita quid passi sint qui tunc illa patrarunt, sed nominato *Aarone* cuius vicem ultus est Deus, eum ad historiæ recordationem adduxit. Noli audere quæ ausus est *Dathan*, ne patiaris eadem, quæ tempore *Aaron* acciderunt. Rex autem *Ozias* non sustinuit admonitorem, sed arrogantia inflatus aperuit Templum, ingressus est Sancta sanctorum, volens adolere incensum. Quid autem Deus? Ubi igitur Sacerdos contemptus est, dignitasque Sacerdotii conculcata, nec quicquam præterea potuit Sacerdos (Nam Sacerdotis tantum est arguere, liberamque præstare admonitionem, non movere arma, non clypeos usurpare, non vibrare lanceam, nec arcum tendere, nec jacula mittere, sed tantum arguere ac liberam præstare admonitionem) Posteaquam igitur arguisset Sacerdos, Rex autem non cessisset, sed arma moveret, clypeos & hastas, suaque uteretur potentia, ibi Sacerdos Dei: Ego, inquit, quod erat mei officii, præstiti, nihil amplius possum, succurre Sacerdotio quod conculcatur, leges violantur, fas subvertitur.

Quid igitur ille hominum amator? *Et continuo effloruit lepra in fronte illius*. Ubiunque est impudentia, illic est ultio. Vidisti humanitatem ultionis divinæ, non fulmen emisit, non terram concussit, non commovit cælum, sed effloruit lepra, non in alio loco quam in fronte, ut facies præ se ferret vindictam, ut tanquam in columna litteræ essent impressæ. Non enim propter illum factum est, sed propter eos, qui sequuntur *Dathan*. Quum enim posset pro meritis poenam infligere, non inflixit, sed ceu lex posita est, velut in loco sublimi dicens: Nolite facere talia, ne patiamini similia. Exstat lex viva, & frons vocem edidit tuba clariorem: litteræ erant inscriptæ fronti, litteræ quæ deleri non poterant. Non enim erant atramento inscriptæ, ut aliquis possit delere, sed naturalis erat lepra, eumque reddidit immundum ut alios faceret mundos. Et quemadmodum jure damnatos posteaquam funem acceperint, educunt funem ore gestantes, sic & hic abducebatur, profune lepram in fronte gestans, eo quod Sacerdotium affecisset contumelia. Hæc loquor non incessens Reges, sed eos qui arrogantia iraque sunt ebrii, ut intelligatis Sacerdotium regno majus esse. Semper enim Deus, ubi peccavit anima, punit corpus. Itidem fecit & in *Cain*. Anima peccaverat admissio parricidio, & corpus illius paralyti tactum est, idque jure optimo. Quam ob rem? *Gemens ac tremens eris super terram*. Et circumibat *Cain*, omnibus loquens, silentio vocem edens, silentioque erudiens. Lingua tacebat, & cætera membra clamabant, cunctisque exponebant, cur gemeret, cur tremere. Fratrem occidi, parricidium admisi; Quod postea *Moses* scripto narravit, ille rebus ipsis omnibus loquens obambulabat: Non occides. Vidisti os silens, & rem vociferantem, vidisti legem vivam ferri, vidisti columnam eminentem, vidisti vindictam vindicta tolli, vidisti supplicium verbum in eruditionis materiam, vidisti peccantem animam, & carnem dantem poenas, idque admodum congruenter. Itidem accidit in *Zacharia*, anima peccarat & lingua vineta est. Hic ille *Zacharias* qui vocem illam genuit. Sic & iste lepra correptus est. Et egressus est Rex, omnibus exemplum factus, purgatumque est Templum, & ejectus est nemine propevente, quumque Sacerdotium sibi vellet sumere, & hoc quod habebat perdidit. *Et exivit e Templo*. Vetus erat in os omnem leprosum e civitate ejicere, nunc vero non idem fit. Cur ita? Nam quum Deus veluti puerorum curam agebat, tum lepra erat corporis. Nunc autem animæ lepra quæritur. Exivit igitur Rex cum lepra, nec tamen ejecerunt eum e civitate, diadema illius regiamque dignitatem reveriti: sed consedit in throno rursus legem transgrediens. Quid ergo? Deus irascens *Judaïs* interrupt prophetiam.

A Hæc autem omnia dicta sunt propter verbum Prophetæ, ut exsolvam quod debeo. Ego quod erat mei muneris feci, vos populares metuitis impurum ejicere, reveremini regiam dignitatem, Dei legem violantes. Quid igitur? Deus averfus est ab illis. Non amplius loquor Prophetis vestris, non amplius mitto Spiritus gratiam. Et verbum tunc non erat in pretio, nec erat sermo vaticinans. Silet Spiritus gratia, non ostensus est Deus, eo quod sub impuro illo, non erat gratia. Non adveniebat Deus, non apparebat, non visiones exhibebat, non Prophetæ loquebantur quæ debebant: sed perinde quasi dicas, Posthac non misceo tecum sermonem, posthac non loquor tibi: sic Deus videt & irascitur. Non enim vindictam intulit, poenamque infligit in civitatem mansuetudine plenam: neque exussit eam, sed quid ait? Non vultis ulcisci vicem meam, non colloquor vobiscum. Neque enim non potui illum ejicere, verum quod restabat vobis relictum esse volui. Non vultis? Neque ego colloquor vobiscum, neque excito Prophetarum animum. Non agebat in eis Spiritus gratia, silentium erat, similitas inter Deum & hominem. Quum igitur ille post esset mortuus, simul soluta est & impurorum materia. Ergo ubi Prophetæ multo tempore desisset prædicare, illoque silentio soluta fuisset ira Dei, rediit Prophetæ. Hinc Prophetæ necessario designat mortis tempus dicens: *Et factum est anno quo mortuus est Ozias Rex, videbam Dominum sedentem in throno excelso & elevato*. Quum ille mortuus esset tum vidi Dominum. Nam antea Deum non videbam nobis iratum. Venit mors impuri, & solvit iram. Hanc ob causam quum ubique Regum vitam commemoret, hic mortem dixit *Ozias*: *Factum est in anno quo mortuus est Ozias Rex, vidi Dominum sedentem in throno excelso & elevato*. Ac rursus hic contemplare Dei bonitatem. Mortuus est impurus, & Deus reconciliatus est hominibus. Quam ob rem hoc factum est, quum nihil esset benefactorum, sed tantum ille mortuus est? Quoniam humanus est Dominus, nec in talibus agit severius, tantum quærebat, ut exiret impurus. Hæc itaque quum sciamus, arrogantiam abijciamus, modestiam amplectamur, solitam gloriam revocemus Patri & Filio & Spiritui Sancto, nunc & semper, & in secula seculorum, Amen.

EJUSDEM DE IISDEM ESAIÆ VERBIS,
Et quod Ozias jure sit affectus lepra,
HOMILIA V.

A Ge expositioni de *Ozia* cœptæ, hodie finem imponamus, fastigium sermoni jam addamus: nequando nos quoque derideamur, quemadmodum Evangelicus ille, qui aggressus ædificare turrim, perficere non potuit, ne quis aliquando prætereuntium de nobis quoque dicat: *Hic homo cepit ædificare, nec potuit perficere*. Verum quo vobis diluciora fiant quæ dicentur: ex his quæ dicta sunt pauca prius repetamus. Id enim erit pariter & iis qui audierunt memoriæ renovatio, & his qui non audierunt eruditio. Hæc igitur diximus quam fuerit impius *Ozias*, & quam vir improbus, & unde orsus, & quo superbiæ prolapsus sit. Hodie vero dicendum erit, quomodo Templum ingressus sit, quomodo tentavit adolere incensum, quomodo prohibuerit illum Sacerdos, quomodo ille non cessarit, quomodo in se provocaverit iram Dei, quomodo lepræ obnoxius vitam finierit; & quam ob causam Prophetæ prætermisissis vitæ illius diebus, mortis fecerit mentionem ita loquens: *Anno quo mortuus est Ozias Rex*.

F Hoc est enim, ob quod totam ab exordio movimus historiam, sed auscultate diligenter: *Quum invaluisset 2 Pa Ozias Rex, elatum est cor ejus, donec corrumpereetur, & val. 26. injuriam fecit in Domino Deo suo*. Quis injuriæ modus? *Ingressus est*, inquit, *in Templum Domini, ut adoleret incensum super altare thymiamatis*. O audaciam, ô impudentiam. Adversus ipsa sacra adyta sumpsit audaciam, in sancta sanctorum irrupit, qui locus omnibus erat inaccessus, præterquam primario Sacerdoti, hunc profanare conatus est. Tale monstrum est anima in arrogantiam sublata. Semel etiam desperata salute nequaquam desinit

Gen. 4.

definit furere, verum habenas laxans irrationabilibus cupiditatibus quovis rapitur, nec aliter quam equus ferociens, ubi frenum ore, fessorem tergo excussit, fertur quovis vento velocius, omnibus obviis intolerabilis, diffugientibus cunctis, neque quoquam audente cohibere; Sic & anima quæ Dei timorem ipsam refrenantem excussit, ubi rationem habenas moderantem ejecit, ad quævis malitiæ loca decurrit, donec in exitii barathrum delata, præcipitarit suam ipsius salutem. Quapropter oportet illam refrenare semper, ac pietatis ratione ceu freno quodam irrationabilem illius impetum inhibere: quod non fecit *Ozias*, sed adversus ipsum omnium supremum principatum, legem transgressus est. Si quidem Sacerdotium, principatus est, ipso etiam regno venerabilius ac majus. Ne mihi narres purpuram, neque diadema, neque vestes aureas, umbræ sunt isthæc omnia, vernisque flosculis leviora. *Omnis enim*, inquit, *gloria flos graminis*, etiam si ipsam gloriam Regalem dixeris. Ne inquam mihi narres ista, sed si vis videre discrimen quantum absit Rex a Sacerdote, expendere modum potestatis utrique traditæ, videbis Sacerdotem multo sublimius Rege sedentem. Quanquam enim nobis admirandus videtur thronus regius ob gemmas affixas, & aurum quo obcinctus est, tamen rerum terrenarum administrationem sortitus est, nec ultra potestatem hanc præterea quicquam habet auctoritatis. Verum Sacerdoti thronus in coelis collocatus est, & de coelestibus negotiis pronuntiandi habet auctoritatem. Quis hæc dicit? Ipse coelorum Rex: *Quacunque ligaveritis super terram, erunt ligata in coelis, & quacunque solveritis super terram, erunt soluta in coelis*. Quid cum hoc honore conferri possit? A terra iudicandi principalem auctoritatem sumit cælum. Nam iudex sedet in terra, Dominus sequitur servum, & quicquid hic in inferioribus iudicavit, hoc ille in supernis comprobavit. Itaque medius stat Sacerdos inter Deum & naturam humanam, illinc venientia beneficia ad nos deferens, & nostras petitiones illuc perferens, Dominum iratum reconcilians utrique naturæ, nos qui offendimus eripiens ex illius manibus. Eoque Deus ipsum Regale caput Sacerdotis manibus subiecit, nos erudiens quod hic princeps est illo major. Si quidem id quod minus est, benedictionem accipit ab eo quod præstantius est.

Verum de sacerdotio quantaque sit illius dignitas, alio tempore declarabimus. Interim consideremus quanta sit Regis vel tyranni potius iniquitas. *Ingressus est in Templum Domini, ingressus est & Azarias Sacerdos post eum*. Non temere dicebam Sacerdotem Rege majorem esse. Neque enim ut Regem ejecturus, sed ut profugum & ingratum famulum expulsurus cum austeritate ingressus est, non aliter quam generosus canis incurrit ad impuram bestiam, ut illam exeat ex ædibus herilibus. Vidistis Sacerdotis animum multa fiducia plenum, excelsum spiritus. Non aspiciebat principatus fastum, non expendebat quanta res esset animum cupiditate temulentum cohibere. Non audiebat illud *Solomonis*: *Mina Regis sicut ira leonis*, sed sublatis oculis ad verum Regem coelorum, atque illud tribunal, easque poenas considerans, & his cogitationibus sese muniens, impetum fecit in tyrannum. Noverat enim, noverat, inquam, certe quod comminatio Regis similis sit iræ leonis duntaxat iis qui terram spectarent. Verum homini qui cælum haberet præ oculis, quique sic induxerat animum ut vitam citius in ipsis sacrificiis deponeret, quam sacras leges conspiceret violari, quovis cane vilior erat ille. Nihil enim eo imbecillius qui divinas conculcat leges, ut contra nihil potentius eo qui leges divinas defendit. Nam qui peccatum committit, servus est peccati, etiam si decem millia coronarum habeat in capite. Rursus si quis facit iustitiam, ipso Rege regaliore est, etiam si fuerit omnium infimus. Hæc ille præclarus apud sese philosophabatur, adortus est Regem: Ingrediamur & nos, si videtur, cum illo, ut videamus quid loquatur Regi: licet enim, neque mediocrem adferet utilitatem, spectare Regem a Sacerdote redargui. Quid igitur dicit Sacerdos? *Non licet tibi Ozia, adolere incensum Domino*. Non appellavit eum Regem, neque titulo principatus

A appellavit, propterea quod ipse præveniens sese dignitate dejecerat. Vidisti fiduciam Sacerdotis, proinde disce & mansuetudinem. Non enim fiducia nobis tantum opus est in reprehendendo, verum multo magis opus est mansuetudine quam fiducia. Neminem enim mortalium sic averfantur oderuntque hi qui peccant, atque eum qui parat redarguere, captantque occasionem ut elabantur, cupientes effugere reprehensionem. Necesse est igitur ut eos mansuetudine humanitateque retineamus. Objurgator enim non solum quum vocem promittit, verum etiam quum videtur gravis est peccantibus. *Gravis enim*, inquit, *nobis est etiam aspectus*. Quapropter plurimam mansuetudinem præstare oportet, coque nobis sermo propheticus ob oculos posuit & eum qui peccarat, & eum qui corrigere parabat. Etenim sapientes medici quoties membra putrefacta secturi sunt, aut lapides in meatibus affixos extracturi, aut aliud aliquod naturæ vitium correcturi, non id faciunt eo qui laborat in angulum abducto, sed eo in mediis foris deposito, conglomeratoque prætereuntium spectaculo, ita demum admovent sectionem. Hoc autem faciunt non quod velint humanas traducere calamitates, sed ut unicuique propriæ sanitatis commendent curam. Itidem & Scriptura facit, ubi quem arripuit peccantium, proponit eum in sublimi suggesto, non in mediis foris, sed in media terra: & posteaquam totius orbis circumsteterit theatrum, tum curationem adhibet, erudiens nos, ut circa propriam salutem cautiores simus.

Videamus igitur quo pacto Sacerdos tunc illum corrigere sit aggressus. Non dixit, ô impie, ô sceleratissime, omnia subvertisti confudisti, ad extremam impietatem prorupisti: neque sermonem accusationis in longum produxit, sed quemadmodum hi qui secant, hoc breviter facere student, celeritate sectionis cruciatus sensum fallentes: Itidem & hic asperitatem objurgationis paucis verbis constringens Regis iracundiam cohibuit. Quod enim est in his qui laborant sectio, hoc est in his qui peccant redargutio. Denique præter alia etiam ipsa brevilis declarata nobis humanitatem. Quod si cupis verborum quoque sectionem videre, & ubi ferrum occultavit audi. *Non licet*, inquit, *tibi adolere incensum Domino, sed solis Sacerdotibus filiis Aaron consecratis*.

Hic infligit vulnus. Quomodo? Ego dicam: Eo quod non simpliciter dixit *Sacerdotibus*, sed addidit *Aaron*. Is primus fuit Pontifex, simileque facinus illius temporibus quidam ausi sunt. *Dathan enim & Core & Abiron*, conjurati adversus illum cum aliis aliquot, voluerunt ipsi præripere Sacerdotium, sed alios quidem terra dehiscens absorbit, alios vero coelitus emissus ignis exussit. Hujus ergo historiæ volens illum commonefacere, mentionem fecit *Aaron*, qui tunc erat injuria affectus, ut ad calamitatem eorum qui fecerant injuriam, hujus cogitationem transmitteret. Quanquam nihil iis profectum est, non propter Sacerdotem, sed ob Regis asperitatem. Quum enim deberet laudare Sacerdotem, proque consilio gratias agere, ille inquit, indignatus est, & vulnus reddidit acerbius. Neque enim perinde mala res est peccatum, atque post peccatum impudentia. Atqui non eodem modo *David*, sed quomodo? Postquam a *Nathan* incusatus esset de *Betsabee*, *Peccavi*, inquit, *Domino*. Vidisti cor contritum, vidisti submissam animam, vidisti ut etiam lapsus sanctorum sint egregii. Quemadmodum enim præclara corpora etiam in adversa valetudine, multa nobis formæ vestigia ostendunt: Sic & sanctorum animæ in ipsis etiam erratis suæ virtutis signa præ se ferunt. Et tamen ille in media regia accusabatur a Propheta multis præsentibus, hic vero intus in adytis nullo teste redargutus est, verum ne sic quidem tulit increpationem. Quid igitur? insanabilis permansit? Nequaquam, propter Dei humanitatem, quemadmodum de Lunatico quum discipuli non valerent ejicere Dæmonium dicit Christus: *Adducite mihi eum huc*. Sic & hic, quum Sacerdos non posset morbum quovis Dæmonio fieriorem, nempe peccatum, ejicere, ipse Deus laborantem aggreditur: & quid facit? Leporam immittit fronti ipsius. *Factum est*, inquit, *quum ille minaretur Sacerdoti, lepra effloruit in fronte ejus*, jamque exit

bat sicut hi qui ad mortem abducuntur funem ore gestantes damnationis signum, sic & ille ignominiae signum in fronte gestans, non carnificibus ipsum trahentibus, sed lepra loco carnificis ipsum præcipitem agente. Ingressus est ut Sacerdotium usurparet, etiam Regnum perdidit. Ingressus est ut fieret venerabilior, & tactus est execrabilior. Nam quovis homine privato posthac erat execrabilior: adeo res est mala non manere intra fines nobis a Deo præscriptos, sive honoris, sive cognitionis res fuerit. Nonne vides hoc mare quam est ob violentiam intolerabile, quantis insurgat undis, attamen posteaquam vehementer insurrexit, multoque cum tumore progressum est, ubi venerit ad terminum ipsi a Deo præscriptum, fluctibus in spumam solutis, in sese redit. Et tamen quid arena possit esse infirmius, verum non illa est quæ prohibet, sed Dei metus terminum posuit. Quod si hoc exemplum non te revocat ad moderationem, quæ Ozia acciderunt erudiant te, quæ nunc a nobis dicta sunt.

Verum quoniam iram Dei vidimus, dignamque ultionem, age & humanitatem ejus multamque æquitatem commonstremus. Neque enim ea tantum dicenda sunt, quæ pertinent ad iram, verum etiam quæ ad moderationem, ut neque in desperationem conjiciamus auditores, neque in socordiam. Sic & Paulus facit, ex utraque temperans admonitionem, hunc in modum loquens: *Vide igitur bonitatem ac severitatem Dei*, quo simul & terrore & bona spe excitet eum qui lapsus est. Vidisti severitatem Dei, vide & bonitatem. Quomodo igitur videbimus bonitatem? Si cognoverimus qua re dignus fuerit Ozias. Quibus igitur erat dignus? ut simul atque intra sacrorum vestibulum tanta cum impudentia irrumpisset, mille fulminis ictibus, extremo supplicio cruciatuque afficeretur. Quandoquidem illi qui hæc primum sunt ausi hanc dedere poenam, videlicet *Dathan, Core, & Abiron*, multo magis hunc ad eum modum puniri oportuit, qui ne illorum quidem calamitatibus fuerit castigatus. Verum hoc non fecit Deus, sed prius illi sermones admovit per Sacerdotem, multa plenos humanitate: quodque Christus adhortatus est, ut facerent homines quoties invicem peccaverint, hoc Deus fecit erga hominem. Quoties enim, inquit, *peccaveris in te frater tuus, abi argue eum inter te & ipsum solum*. Sic & Regem hunc redarguit Deus. Et Christus quidem dicit: *Si te non audierit, sit tibi velut Ethnicus & publicanus*. At Deus humanitate proprias supergrediens leges, nec sic quidem illum refecuit, nec audire nolentem, indignantemque dejecit, sed iterum aggreditur castigatque, modo correctionem habente potius quam ultionem. Neque enim fulmen vibravit e sublimi, neque exussit impudens caput, sed tantum lepra castigavit. Atque quæ Ozia quidem acciderunt sic habent.

A Ego vero si unum quiddam adhuc addidero, dicendi finem faciam. Quid autem hoc est? Quod pridem ab initio quærebamus, quam ob rem in rebus externis, inque prophetiis, quum omnes soleant designare tempora, quibus Reges vixerint, hic eo prætermisso tempus sumat quo mortuus sit Ozias, ad hunc loquens modum: *Et factum est anno quo mortuus est Ozias Rex*. Et tamen poterat Regis tempus exprimere, quemadmodum omnibus Prophetis mos erat. Verum id non fecit. Quam ob causam igitur non fecit? Mos erat vetus leprosum e civitate expellere, ut & hi qui in civitate vivebant melius haberent, & ipse leprosus non objiceretur promptis ad inferendam contumeliam, scommatum ac derisionis occasio, sed ut extra civitatem commorans solitudinem veli loco haberet obtentam adversus injuriam calamitatis. Hoc & Regem hunc perpeti oportuit post lepram, sed non perpeffus est, his qui in civitate erant illum ob principatum reverentibus, verum manebat domi suæ clanculum. Hoc ad iræundiam provocavit Deum, hoc prophetiam inhibuit, quodque tempore *Eli* factum est, verbum pretiosum erat, nec erat visio præcipiens. Tu vero mihi hîc quoque considera Dei humanitatem, Non enim subvertit civitatem, neque perdidit inhabitantes, sed quod amici faciunt erga æquales amicos, quoties habent aliquid quod merito expostulent, obiter silentio ferunt, expectantes, hoc & Deus erga gentem fecit majore poena supplicioque dignam. Nam ego quidem, inquit, ejeci illum e Templo, vos autem ne e civitate quidem: ego illum vinctum lepra e Rege privatum reddidi, vos autem ne sic quidem superastis, sed a me condemnatum non sustinistis e civitate propellere: & tamen fortassis factum hoc Rex placide laturus erat. Sed nequaquam funditus civitatem subvertit, quum videret eum extra præscriptos fines demigrare jussu, commorari in civitate. Verum Deus hoc non fecit, Deus enim erat, non homo. Ubi vero finita est hujus vita, simul & iram adversus illos deposuit, ac rursus ad eos rediit. Tu vero ex reconciliationis modo considera Dei humanitatem. Nam si Deus expendisset justitiæ rationem, ne tum quidem reconciliari debuit. Quam ob causam? Quia non illorum erat recte factum quod ejectus est Ozias. Neque enim illi arreptum abegerant, sed amoris naturæ lege superveniens, eum tunc e civitate ejecit. Verum non huc usque Deus minutias excutit erga nos, sed tantum hoc quærit, speciem modumque reconciliationis erga nos. Proinde super his omnibus gratias agamus illi, glorificemus illius humanitatem, qua nos omnes dignos haberi contingat, gratia & misericordia unigeniti Filii ejus Domini nostri Jesu Christi, cui cum Patre gloria, honor simul cum Spiritu sancto, nunc & semper, & in secula seculorum, Amen.

D. JOANNIS CHRYSOSTOMI

O R A T I O

D E

B E A T O P H I L O G O N I O,

Qui fuit ex Patrono causarum factus Episcopus, & quod nihil æque reddit nos Deo probatos, atque si studiosi simus earum rerum quæ publicæ conducunt utilitati, & quod negligenter adeuntes mysteria gravissime puniuntur, etiamsi semel tantum in anno scelus hoc commiserunt. Dicta est autem quinque diebus ante natalem Christi.



Go quidem & hodie destinaram adversus Hæreticos luctaturus vestes exuere, quodque restabat debiti vobis persolvere. Verum beati Philogonii dies, cujus hodie memoriam celebramus, ad ipsius benefactorum enarrationem linguam nostram evocavit. Et omnino parcendum est. Etenim si qui patri matrive maledicit morte moritur: profecto clarum est eum qui benedixe-

rit illis vitæ præmia recepturum: & si iis qui juxta naturam parentes sunt tantam debemus præstare benevolentiam, multo magis id præstandum iis, qui juxta spiritum sunt parentes, potissimum vero quum jam vita defunctos nostra laudatio nihilo reddat illos gloriosiores, nos vero congregatos tum qui loquimur, tum qui audimus, reddat meliores. Nam ille quidem subvectus in cælum haud quaquam egere potest humanis laudibus, ad felicio-

feliciorem magisque duraturam quietem profectus. Cæterum nos qui hactenus hic versamur multaque opus habemus exhortatione, illius egemus encomiis, quo videlicet ad ejus imitationem excitemur. Quapropter sapiens quidam hortatur, dicens: *Memoria iusti cum laudibus*; Non perinde quod laudantur qui decesserunt, sed quod hi potius qui res istas egregias laudibus vehunt. Quoniam igitur hac ex re tanta nobis utilitas proficiscitur, obtemperemus, neque recusemus. Nam & ipsum tempus huic narrationi congruit. Siquidem hodie beatus ille ad tranquillam omnique turbationis expertem vitam translatus est, eoque navigium appulit, ubi deinceps non poterit metuere naufragium, nec ullam animi dejectionem aut dolorem. Et quid mirum est, si locus ille purus est ab omni molestia animi, quum *Paulus* hominibus adhuc in hac vita degentibus loquens dicat: *Semper gaude, sine intermissione orate*. Quod si hic, ubi morbi, ubi infestationes, ubi præmaturæ mortes, ubi calumniæ, ubi invidiæ, ubi desperationes, ubi iræ, ubi cupiditates, ubi innumerabiles insidiæ, ubi quotidianæ sollicitudines, ubi perpetua sibi que cohærentia mala sunt, innumeros ex omni parte dolores adferentia, *Paulus* dixit fieri posse ut semper gaudeamus, si quis paululum ex rerum mundanarum fluctibus erexerit caput, vitamque suam recte moderetur composueritque: multo magis postquam hinc demigraverimus facile compotes erimus ejus boni, quum hæc omnia sublata fuerint, adversa valetudo, morbi, peccandi materia, ubi non est meum ac tuum, frigidum illud verbum, & quicquid est malorum, in vitam nostram invehens, innumeraque gignens bella. Quamobrem maximopere gratulor hujus sancti felicitati, quod quanquam translatus est, atque hanc quæ apud nos est civitatem reliquit, tamen in alteram transiit civitatem, nempe Dei, ac digressus ab hac Ecclesia ad illam pervenit, quæ est primogenitorum descriptorum in coelis, ac relictis hisce festis transiit ad celebritatem Angelorum. Etenim quod & superne sit civitas, Ecclesia, ac celebritas, audi *Paulum* dicentem: *Accessistis ad civitatem Dei viventis, ad Hierosolimam caelestem, & Ecclesiam primogenitorum descriptorum in coelis, & ad innumerabilem Angelorum frequentiam*. Non solum autem ob multitudinem virtutum coelestium, verum etiam ob abundantiam bonorum, ac jube gaudium & lætitiā, panegyrim, hoc est totius multitudinis coetum appellat totam illam vitam. Nec enim alia res facere solet panegyrim, quam mercium venalium copia, quum triticum, hordeum, & omnijugæ frugum species, ovium greges, boum armenta, vestes, aliaque id genus plurima importantur, aliis quidem vendentibus, aliis vero com-
mercantibus.

Sed quid, inquis, harum rerum est in coelis? Horum quidem nihil, sed sunt his multo magis præclara. Non enim illic sunt triticum, hordeum, ac frugum variae species, sed illic ubique fructus spiritus, gaudium, benevolentia, bonitas, pax, ac mansuetudo summa exuberat copia. Non ovium greges, non boum armenta, sed spiritus iustorum perfectorum, animarum virtutes, vitæque recta facta per omnes coelos videre licet. Non vestes aut amictus, sed coronas quovis auro pretiosiores, tum brachia, certaminum præmia, aliaque innumera bona reposita iis qui recte fecerint, ad hæc ibi est multitudo congregatorum, longe tum copiosior, tum honoratior. Neque enim constat ex viris urbanis indigenisque, sed hic sunt Angelorum infinita millia, illic sodalitia Prophetarum, alibi martyrum chori, Apostolorum ordines, cunei iustorum, omniumque qui fortiter rem gesserunt varii coetus. Profecto miranda panegyris est. Jamque id sane majus est omnibus, quod in media frequentia versatur horum omnium Rex. Etenim ubi dixisset, *ad innumerabilem Angelorum frequentiam*, subjecit, *& ad judicem universorum Deum*. Quis unquam vidit in panegyrim prodeuntem Regem? Hic quidem nemo vidit, illic autem qui adsunt perpetuo vident, quatenus illum videre licet, non solum præsentem, verum etiam suæ gloriæ splendore condecorantem universum coetum. Et nostræ quidem celebritates sub meridiem plerumque solvuntur, illæ vero non item. Neque

A enim mensium in orbem recursus, neque annorum circuitus, neque dierum numerum exspectat, sed stat perpetuo, illiusque bona finem non habent, nec senescere nec marcescere possunt, sed sunt tum senii, tum mortis expertia. Nullus illic tumultus quemadmodum hic, nulla turbatio, sed ingens omnium cum ordine decenti compositio, haud secus atque in cithara quapiam, modulatissimum concentum & quavis musica suaviorem reddentium utriusque creaturæ Domino, dum anima illic velut in sacris adytis, divinisque mysteriis, divinorum arcanorum celebrationem peragit. Ad hanc beatam requiem transiit beatus *Philogonius*.

B Quænam igitur oratio par sit viri laudibus, quem Deus tam felici sorte dignatus est? Non est ulla. Sed age dic mihi, num idcirco silebimus? Et cujus rei gratia convenimus? An dicemus nos haud posse magnitudinem gestorum oratione consequi? Atqui ob hoc ipsum necesse est dicere, quandoquidem hæc est præcipua laudum illius pars, quod factis verba æquiparari non possint. Nam quorum benefacta naturam etiam superant mortalem, perspicuum est, quod horum laudes excedunt linguam humanam. Haud tamen ob id aspernabitur officium nostrum quod pro viribus præstamus, sed suum imitabitur Dominum. Siquidem & ille viduæ duos tantum obolos dejicienti in gazophylacium, non tantum duorum obolorum mercedem reddidit. Cur ita tandem? Quoniam non perpendebat pecuniæ modum, sed animi divitias. Nam si pecuniæ modum expendas, magna paupertas est, si voluntatem explices, ineffabilem videbis excelsi animi mercedem. Proinde quamvis nostræ facultates exiguæ sint minimique pretii, attamen quæ possumus offerimus. Ea licet non respondeant magnitudini meritorum animæ præclari justique *Philogonis*, tamen hoc ipsum celsitudinis illius maximum fuerit argumentum, quod nec pusilla repellat, sed idem faciat quod solent divites. Siquidem illi quum acceperint a tenuibus exigua, quibus non egent, sua vicissim apponunt, remunerantes eos, qui quod poterant obtulerint. Itidem & hic, quum acceperit a nobis laudem verbis peractam, qua nequaquam eget, redonabit nobis per ipsa facta benedictionem, qua semper uti possumus. Unde igitur laudationem illius auspicabimur? An a magistratu quem spiritus illi tradidit gratia? Nam mundani magistratus, nequaquam possint Christianorum demonstrare virtutes, quin potius frequenter habent accusationem malitiæ. Quam ob causam? Quoniam & sollicitudines amicorum, & circumcurvationes, & adulationes aliaque permulta his foediora tales magistratus solent conciliare. Cæterum ubi Deus suo suffragio designavit aliquem, illaque manus sanctum contigerit caput, incorruptum suffragium, alienum ab omni suspitione iudicium, indubitata fuerit delecti comprobatio, propter ejus qui delegit auctoritatem. Porro quod elegerit illum Deus, vel ex ipsa morum integritate perspicuum est, quippe quem ex medio abreptum foro ad thronum hunc evexerit: adeo castam & insignem prius egit vitam, quum uxorem haberet ac filiam, & in forensibus negotiis versaretur, adeo Solem ipsum splendore vicit, ut protinus ab illo gesto, hoc magistratu dignus videretur, & a tribunali ad tribunal evectus sit. Ac tum quidem hominibus patrocinebatur adversus homines qui struebant insidias, iis qui afficiebantur injuria, superiores reddens iis qui injuriam inferebant. Hic autem adest hominibus patrocians adversus Dæmones invadentes. Quantum autem sit pietatis argumentum quod Deus illum tanto magistratu dignum judicavit, audi. Christus excitatus a morte quid dicit *Petro*: postquam enim illum interrogasset, *Petre, amas me?* Ilque respondisset: *Tu Domine scis quod amo te*: Non dixit Christus, abjice pecunias, jejunium exerce, macera te laboribus, mortuos excita, Dæmones abige, nihil vel horum vel aliorum miraculorum recteque factorum in medium adduxit, sed omnibus illis prætermisissis dicit illi: Si diligis me, *pasce oves meas*. Hoc autem dicebat non solum ut nobis certissime declararet quantopere ipsum diligeret *Petrus*: verum etiam ut palam faceret quantam haberet benevolentiam erga suas oves, exemplum proposuit *Petri* erga ipsum

ipsum amoris, tantum non dicens: Qui diligit oves meas, me diligit. Vide igitur quam multa propter hunc gregem passus sit Christus. Homo factus est, servi formam assumpsit, consputus est, alapis cæsus est, postremo ne mortem quidem recusavit, & quidem ignominiosissimam. Quin & ipsum sanguinem suum effudit. Itaque si quis voluerit illi commendatus esse, curam habeat ovium illius, publicam quærat utilitatem, fratrum suorum saluti prospiciat. Nullum enim officium hoc Deo carius est. Et ob id alicubi dicit: *Simon Simon, expetivi te Satanas ut cribraret te tanquam triticum, sed ego rogavi pro te, ne deficiat fides tua.* Quod igitur hujus sollicitudinis curæque præmium mihi rependis? Sed quam tandem poscit repensationem? Eandem curam quam nobis impendit reposcit. Nam & tu, inquit, aliquando *conversus confirma fratres tuos.* Sic & Paulus ait: *Imitatores mei estote sicut & ego Christi.* Quomodo ille factus est Christi imitator? *Omnibus per omnia p'acens, non querens suam ipsius utilitatem, sed multorum ut salvificarent.* Rursus alio loco dicit: *Etenim Christus non sibi ipsi placuit, sed multis.* Neque prorsus alia res est, quæ perinde declararet doceatque quis sit fidelis & amans Christi, quam si fratrum curam agat, proque illorum salute gerat sollicitudinem. Hæc omnes audiant & Monachi, qui montium occuparunt cacumina, quique modis omnibus se ipsos mundo crucifixerunt, quo pro viribus Ecclesiarum præfectos adjuvent horumque curas leniant precibus, concordia, caritate, scientes quod ni modis omnibus opitulentur iis qui tot periculis obijciuntur per gratiam Dei, totque negotiorum curas sustinent, quibuscunque possunt rationibus, auxiliantur quanquam procul habitantes, & victus fors ipsis perisset, & tota in scopolum impigisset sapientia. Verum hoc esse maximum amicitiae erga Christum argumentum, declaratur & hinc. Videamus autem quomodo munus hoc Episcopi administrarit. Quin potius non est opus hic pluribus verbis aut voce nostra, quum vester favor vestrumque studium hoc ultro declaret. Quemadmodum enim aliquis ingressus vineam, vitæque contemplatus, pampinis comantes, fructu gravidas, maceris ac septis undique munitas, haud quaquam desiderat orationem cuiusquam qui demonstret vinitoris industriam, & agricolæ virtutem. Iridem & hic, si quis ingressus conspiciat vites spirituales, vestrumque fructum contempletur, nihil opus habuerit ut ex cuiusquam oratione discat qualis sit vester præpositus. Sicut & Paulus scribit alicubi: *Epistola mea vos estis quæ inscripta est & legitur.* Fluvius arguit qualis sit fons, & fructus indicat qualis sit radix. Dicendum igitur erat & tempus & initium quando vineam hanc suscepit. Neque enim hoc minimum habebit momenti ad absolvendam Encomii partem, sed omnino satis fuerit ad declarandam hominis virtutem. Restum erat multæ difficultatis, quum nuper esset sedata persecutio, manentibus etiamnum gravissimæ tempestatis illius reliquiis, quumque negotia plurimam desiderarent correctionem. His insuper illud adjungendum erat, quod quemadmodum dicebam, hæreticorum factio sub illo nata negotium exhibuit, illius sapientia cuncta prospiciente.

Verum ad aliam necessariam materiam nobis festinat oratio, eoque communi patri, beatique Philogonii sectatori hæc dicenda relinquentes, ut qui melius nobis teneat quicquid est antiquitatum, ad aliam concionandi rationem transeamus. Appetit enim festum omnium festorum maxime venerandum, adorandumque, quod si quis appellet omnium festorum metropolim haud quaquam aberret. Quod autem hoc est? Christi juxta carnem *Nativitas.* Ab hoc enim illustratio Dei, festum videlicet *Epiphaniarum*, ac sacrum *Pascha*, *Ascensio*, & *Pentecoste*, originem ac fundamentum ducunt. Nisi enim secundum carnem natus esset Christus, nequaquam baptizatus esset: nam id est festum *Theophaniarum*. Nequaquam fuisset crucifixus, nam hoc est festum *Pascha*. Nequaquam misisset Spiritum sanctum, quod est festum *Pentecostes*. Itaque ab hoc ceu fonte quopiam, hi diversi amnes orti, nata sunt nobis hæc festa. Verum non ob hoc tantum par est hunc diem cæteris anteponi, sed

etiam ob id, quod id quod in hoc natum est, cæteris omnibus est venerabilius. Nam quod Christus homo factus mortuus est, quum nullum omnino peccatum perpetrasset, quid huic amplius poterat adjungi miraculo? Sed mortale corpus assumpsit. Erat quidem & hoc admirandum. Cæterum quod Deus quum esset, voluerit homo fieri, tantumque sese demittere sustinuerit quantum ne cogitatione quidem complecti queas, hoc est omnium maxime reverendum, stuporisque plenum. Quod quidem & Paulus admirans dicebat, *sine controversia magnum pietatis mysterium.* Quod magnum? *Deus declaratus in carne.* Ac rursus alibi: *Non enim Angelos apprehendit Deus, semen Abraha apprehendit.* Unde debuit per omnia fratribus assimilari. Propter hoc potissimum amplector diligoque diem hunc, & amorem ejus in medium propono, ut vos hujus amatorii pharmaci participes reddam. Eoque rogo vos omnes obsecroque, ut summo studio summaque cum alacritate velitis adesse, sed prius suam quisque domum repurget, ut videamus Dominum nostrum in cunis jacentem ac fasciis involutum, horrendum ac stupendum spectaculum. Quid enim excusabimus, aut quam veniam obtinebimus, si quum ipse nostra causa descenderit e coelis, nos ad illum vel ex ædibus ire gravemur: quum alienigenæ barbarique ex *Perside* accurrant ut illum videant in præsepi jacentem, tu vero ne breve quidem spatium emetiri sustines, ut hoc felici spectaculo perfruaris. Nam si cum fide accesserimus, procul dubio videbimus illum in præsepi jacentem. Siquidem hæc mensa vicem explet præsepis. Nam & hic ponitur corpus Dominicum: non quidem fasciis involutum sicuti tunc, sed undique Spiritu sancto convestitum. Qui mysteriis initiati sunt intelligunt quæ dicuntur. Ac Magi quidem nihil aliud quam adorarunt, tibi vero si cum pura accesseris conscientia permittemus ut sumas, & sumpto domum abeas. Accede igitur tu quoque munera offerens, non qualia deferebant illi, sed multo religiosiora. Obtulerunt illi aurum, offer tu temperantiam ac virtutem. Obtulerunt illi thus, offer tu puras preces, quæ sunt odoramenta spiritualia. Obtulerunt illi myrrham, offer tu modestiam & cor submissum cum elemosyna. Quod si hisce cum muneribus accesseris, multa cum fiducia particeps eris hujus sacræ mensæ. Nam hæc ideo nunc loquor, quod sciam certo futurum, quod in illa die complures accedant irruantque ad victimam hanc spiritualem. Id igitur ne faciamus ad detrimentum & condemnationem animæ nostræ, sed ad salutem: jam nunc obtestor obsecroque ut omnibus modis repurgatis animis vestris, ita demum adeatis mysteria. Neque mihi quisquam dixerit, vereor, habeo conscientiam peccatis oppletam, sarcinam circumfero gravissimam. Sufficit enim horum quinque dierum tempus, si sobrius fueris, si attentus, si vigilaveris, multitudinem peccatorum reddes contractiorem. Nec illud perpende quod breve tempus est, sed illud considera quod benignus est Dominus. Quandoquidem & *Ninivitis* tridui spatio tantam iram Dei se depulerunt, nec obstitit illis temporis angustia, sed animi promptitudo, amplectens Domini benignitatem, totum peragere valuit. Et meretrix illa brevi temporis momento, quum ad Christum accessisset omnia probra diluit. Quin & calumniantibus *Judeis*, quod illam admisisset, tantamque præbuisset fiduciam, Christus illis quidem silentium imposuit, hanc vero malis omnibus liberatam comprobatoque illius studio, ita domum remisit. Quid ita tandem? Quoniam ferventi animo & flagranti corde ardentique accessit fide, sanctosque illos ac sacros attigit pedes, solutis capillis, fontibus lachrymarum ex oculis emissis, unguento profuso. Etenim per quæ deceperat homines, per eadem paravit remedia poenitentiae, per quæ avocarat oculos intemperantium, per hæc emisit lachrymas: per capillos arte compositos multos illexerat ad peccatum, per eosdem pedes absterxit Jesu. Unguento multos inescarat, per hoc pedes illius lavit. Proinde & tu quibus rebus provocasti Deum, per has rursus facito propitium: Provocasti illum pecuniarum rapina, per easdem illum reconcilia, quumque & rapta restitueris illis quos injuria affecerat, & alia insuper

insuper addideris, dicito juxta *Zachariam*: *Reddo, si quid rapui, quadruplum*. Provocasti linguæ maledicentia, multis contumelia affectis, vicissim lingua placato, puras emittens preces, benedicens maledicentibus, laudans vituperantes, gratias agens injuriam inferentibus. Hæc non egent multis diebus annisve, sed solo animi proposito unico die perficiuntur. Discede a malo, virtutem amplectere, desiste a pravitate. Pollicitor te posthac ista non commissurum, & istud sufficere ad excusationem. Ego testificor ac fidejubeo fore, ut si nostrum quisque qui peccatis obnoxii sumus recedens a pristinis malis, ex animo vereque promittat Deo se postea nunquam ad illa rediturum, nihil aliud Deus requirat ad satisfactionem ulteriorem. Benignus enim est, & quemadmodum parturiens cupit eniti foetum, ita & ille cupit effundere suam misericordiam. Sed obstant peccata nostra. Diruamus igitur maceriem, atque ex hoc jam tempore festum auspicemur, hosce dies quinque negotiis omnibus valere jussis. Valeat forum, valeat curia, facessant mundanæ curæ, cum pactis & contractibus, animam meam servare cupio, *Quid lucrifecerit homo, si totum mundum lucrifaciens, anima sua jacturam faciat?* Egredi sunt a *Perside* Magi, egredere tu e temporariis negotiis, ad Jesum proficiscere, non est longum intervallum si velimus. Non enim necesse est trajicere mare, neque montium superare cacumina, sed domi sedens, si pietatem exhibeas, multamque cordis compunctionem, potes illum videre, potes totam diruere maceriem, totum submovere obstaculum, abbreviare viæ longitudinem. *Deus* enim, inquit, *appropinquans ego sum, & non Deus procul*. Et Dominus prope est omnibus invocantibus ipsum in veritate.

Hier.
23.
Psal.
144.

Nunc autem multi Christianorum in tantam vecordiam tantumque venere contemptum, ut quum innumeris scateant malis, nullam tamen vitæ suæ curam habeant, sed in diebus festis negligenter ac temere ad mensam hanc accedant, haud intelligentes quod communionis tempus non est festum, neque celebritas, sed conscientia pura vitæque a peccatis repurgata. Quemadmodum enim qui sibi nullius mali conscius est, hunc oportet singulis diebus accedere, sic qui peccatis occupatus est, nec poenitet, eum ne in festis quidem accedere tutum est. Neque enim semel in anno accedere, liberat nos a peccatis, si indigne accesserimus, quin hoc ipsum potius auget damnationem, quod quum semel tantum accedamus, ne tum quidem pure accedimus. Quapropter adhortor vos omnes, ne negligenter, veluti festo die cogente ad divina mysteria accedatis, sed si quando parabitis hujus sacræ hostiæ fieri participes, multis ante diebus repurgetis vos ipsos per poenitentiam, precationem & eleemosynam. Denique per

hoc, ut vacetis spiritualibus, nec denuo convertamini canis in morem ad proprium vomitum. An non enim absurdum tantam habere curam rerum corporalium, ut appetente festo multis ante diebus vestem e scriniis depromptam diligenter appares, emas calceamenta, mensa largior splendidiorque pareatur, denique variam undiquaque rerum copiam excogites, omnibusque modis temetipsum ornes nitidumque reddas: animæ vero neglectæ, sordentis, squalidæ, fame contabescens nullum habere respectum, quum sola maneat impura, ac corpus quidem nitidum huc adducere, animam verbò nudam incultamque. Atqui corpus quidem videt conservus, neque quicquam est detrimenti, quomodo-cunque fuerit habitum, illam autem videt Dominus, qui gravissime punit negligentiam. An nescitis quod hæc mensa plena est igni spirituali? Et quemadmodum fontes aquæ vim exundant, ita hæc flammam quandam habet arcanam. Ne igitur accesseris stipulam adferens, non ligna, non foenum, ne augeas incendium exuratque animam ad communionem accedentem, sed accede ferens lapides pretiosos, aurum, argentum, quo puriorem reddas materiam, multoque cum lucro discedas. Si quid mali est, abigas ab animo. Habet quis inimicum, graviter læsus est, solvat simultatem, coërceat animum exardescentem, intumescensque, ne quis sit tumultus aut perturbatio. Regem enim excepturus es per communionem: quum autem Rex ingreditur animam, oportet magnam esse tranquillitatem, multumque silentium, profundam cogitationum quietem. Sed atrociter læsus es, nec potes iram remittere. Quid igitur? An igitur te ipsum magis etiam & gravius lædes? Neque enim tantis malis te afficiet inimicus, quæcunque fecerit, quibus te ipsum afficis, si non illi reconcilieris, sed Dei leges conculcaris. Ille te contumelia affecit, dic mihi num tu ideo Deum afficies contumelia? Etenim non recipere in gratiam eum qui molestiam attulit, non tam est illum ulcisci, quam Deum afficere contumelia; legis hujus auctorem, præcipientis ut inimicis reconciliemur priusquam accedamus ad altare. Proinde ne respicias ad conservum, neque ad magnitudinem injuriarum, quas intulit ille, sed ad Deum, illiusque timore in animum demisso, illud expende, quod quo majorem vim admoventis animo tuo, postnumerata mala cogens illum redire in gratiam cum eo qui molestiam intulit, tanto majus præmium feres a Deo, qui hæc præcepit. Et quemadmodum hic Deum excipis multo cum honore, sic & ipse te illic multa cum gloria excipiet, reddetque tibi millecuplam istius obedientiæ mercedem, quam nobis omnibus assequi contingat gratia & benignitate Domini nostri Jesu Christi, cui gloria & imperium in secula seculorum, Amen.

REVERENDO IN CHRISTO PATRI AC D.

D. MAXIMILIANO A BURGUNDIA,

ABBATI MITTELBURGENSI,

DESIDERIUS ERASMUS ROTERODAMUS

S. D.



LNTER multa commoda quæ litteris debemus, Reverende Pater, illud non arbitror esse postremum, quod in orbe pene dixerim alio constituti, per eas tamen cum amicis colloqui possumus. Emiseramus nuper libellum De modo orandi Deum, talibus enim argumentis quæ non multum adferunt laboris, & ad pietatem maxime conducunt, senectutem nostram exercemus, jam veluti solent athletæ cum ingravescit ætas missionem ambientes. Is ubi per manus omnium volitaret, non sine gratia, commodum inter Chrysostomi lucubrationes reperi duas orationes eadem de re, novam Latine versas.

Illico mihi gestit animus videre, quam inter nos conveniret in eadem materia versantes. Sic, opinor, affici pictores, quoties deprehendant aliquem non vulgarem artificem in eodem laborasse argumento, in quo laborarunt ipsi. Fuvat enim hic collatis tabulis animadvertere, ubi par fuerit artis facultas, ubi superior, ubi inferior. Verum hac collatione mihi quidem adeo non placui, ut si licuisset, meam tabulam prorsus abolitam voluisssem. Rutubam dices cum Apelle commissum. Quis enim illius eloquentiam plus quam auream assequatur,

quatur, etiamsi propositum exemplar conetur æmulari? Et tamen multum vigoris addere solet ingeniis æmulandi contentio, quo magis mihi visus sum formica cum camelo compositus, cum nullus adfuisse stimulus, qui meam oscitantiam expergefaceret. Sed hac de re tuum potius expecto iudicium, idque quo certius facias, mitto simul & Græca, ne quis causari possit, me male vertendo hoc egisse, ut mea minus displicerent. Verum utcunque hujus æstimationis cadet alea, vicisse mihi videbor, si sensero quamplurimos hoc meo labore ad frequenter orandum, vel excitatos, vel redditos alacriores. Nam tuæ quidem pietati sciebam huiusmodi stimulis nequaquam opus esse, qui pietati, quam alii vix multo diutinoque studio possunt discere, natus esse videaris. Etenim juvenis ex aula subito translatus ad monasterium, sic in hoc vitæ genere te gessisti, ut modestia, sobrietate, castimonia, religione superares & illos qui in schola Religionis consenuerunt. Nusquam in tuis moribus ullum juventutis tuæ vestigium, nusquam aulicæ consuetudinis reliquæ, nusquam generis quod a PHILIPPO Burgundionum Duce, cui BONI cognomen additum accipimus, clarissimum ducis, ullam supercilium. Nimirum hæc erat naturæ tuæ sinceritas, quam nec aulæ consuetudo potuit corrumpere, cum sint tam multi, quos in mundo humiles ac frugaliter educatos, non dicam Abbatis dignitas, sed Monachi cultus ac victus corrumpat. Quid autem eo concentu potest esse jucundius, cum vestem undique candidam niveus vitæ candor, vel æquat, vel superat? Pertractus es ad istud vitæ genus, quod intelligeres tibi non fore licitum, ut prius esses Monachus quam Abbas. Talibus ingeniis tuto committuntur Episcopi munia, quibus non alia functio sanctior inter mortales, qui nequaquam sibi dignitatem vindicant ex munere, sed incorruptis moribus ipsi dignitatem muneri suscepto conciliant. Bene vale.

DIVI JOANNIS CHRYSOSTOMI

DE

ORANDO DEUM,

LIBER PRIMUS

DESIDERIO ERASMO ROTERODAMO INTERPRETE.



DUPLICI nomine par est Dei famulos & laudibus vhere, & inspicere. Primum quod spem salutis in sanctis precibus collocarunt, deinde quod laudes reliquosque cultus, quos Deo cum gaudio simul & tremore consueverunt offerre, interciderere passi non sunt, sed litteris prodita superesse voluerunt, quo suum thesaurum, in nos velut hæreditaria successione transfunderent, quo videlicet omnem posteritatem ad sui provocare possent æmulationem. Convenit enim, ut & præceptorum mores, ad eos dimanent, qui cum ipsis habent consuetudinem, & Prophetarum discipuli, eorundem justitiam referre videantur. Id autem fiet, si per omne tempus, precationibus, ac Dei cultui, studioque pietatis dediti vivamus, hanc vitam, hanc sanitatem, hanc opulentiam, hanc bonorum omnium summam existimantes, vota nostra offerre Deo, sincero puroque corde. Etenim quemadmodum Sol lucem præbet corpori, sic animæ lumen est precatio. Proinde si cæco damnosum est, non intueri Solem, quanto gravius damnum est homini Christiano, si non assidue deprecetur, neque Christi lucem orando in animum suum inducat? Jam vero quis non obstupescat & admiretur tantam benignitatem ac benevolentiam, quam in nos homines declarat Deus? qui mortalibus tantum honoris largiatur, ut dignos nos habuerit, qui cum ipso colloquamur, nostraque vota apud ipsum deponamus. Nam vere profecto cum Deo confabulamur, quoties vacamus deprecationi, per quam simul & Angelis copulamur, & societatem quam cum brutis animantibus habebamus, procul effugere videmur. Angelorum enim opus est deprecatio, superans interim etiam illorum dignitatem, si tamen majus est Angelorum dignitate colloquium miscere cum Deo. Atqui quod id sublimius sit, ipsi nos docent, multo quidem cum tremore vota sua offerrentes, cæterum nobis exemplum præbentes, unde sciamus ac discamus, quod quisquis Deum adit, multo cum gaudio, multoque rursum cum tremore, id facere oporteat. Tremore quidem, dum metuimus, ne videamur indigni qui Deum precibus alloquamur: rursum gaudio repleamur, reputantes honoris magnitudinem, quod Deus mortalium genus, tanta actali sua cura dignatus sit, ut assidue divino colloquio frui liceat, per quod etiam illud assequimur, ut & mortales &

A temporarii esse desinamus, natura quidem mortales, sed colloquio convictuque quem agimus cum Deo, ad immortalem vitam transeuntes. Necesse est enim, ut qui cum Deo familiaritatem habeat, superior evadat, & morte, & omnibus quæ corruptioni sunt obnoxia. Et quemadmodum nullo pacto fieri potest, ut qui Solis radiis fruitur, non effugiat tenebras, ita nulla ratione fieri potest, quin qui cum Deo consuetudinem agit, desinat esse mortalis: siquidem ipsa dignitatis sublimitas, nos ad immortalitatem transfert. Etenim si qui cum Cæsare miscent sermones, familiariterque cum eo versantur, & hoc honoris ab illo sunt adepti, non possunt esse pauperes: multo minus fieri potest, ut qui Deum deprecantur, cum eo familiariter colloquentes, animas habeant mortales: Nam mors animæ est impietas, ac vita pugnans cum lege divina. Ex quo consequitur, animæ vitam esse Dei cultum, ac vitam eo cultu dignam. Porro vitam piam, ac Dei cultu dignam, miris modis oratio conciliat, conciliatam auget ac ceu thesaurum recondit animis nostris. Etenim si quis virginitatis amore tenetur, si quis studet amplecti honorabilem conjugii castimoniam, si quis meditatur injicere frenum iracundiæ, & cum mansuetudine familiaritatem habere, si quis cupit ab invidentiæ lue purus esse: denique si quis aliud quippiam facere studet, quod ad recte vivendum pertinet, duce precatone, ac hujus vitæ viam præparante, commodum simul & facilem habiturus est pietatis cursum. Neque enim fieri potest, non potest, inquam, fieri, ut qui postulant a Deo, pudicitiam, justitiam, mansuetudinem, ac benignitatem, non assequantur id quod petunt. *Petite enim, inquit Dominus, & dabitur vobis, quærite & invenietis, pulsate & aperietur vobis. Quisquis enim petit, accipit, & qui quarit, invenit, & pulsanti aperietur.* Ac rursus alibi: *Quis est, inquit, ex vobis, a quo si filius petat panem, det illi lapidem? aut si piscem postulet ille, porrigat ei serpentem? Quod si vos cum sitis mali, nostris bona manera dare filiis vestris: quanto magis Pater vester celestis, dabit Spiritum sanctum his qui hunc ab ipso petunt?*

Talibus quidem dictis, ac tali spe provocavit nos ad orandum universorum Dominus. Nos vero decet obtemperantes Deo, semper omnem vitam in laudibus Dei, precibusque transigere, majore studio curam agentes divini cultus, quam vitæ nostræ. Sic enim contigerit, semper vivere vitam homine dignam. Quisquis enim non orat Deum, nec divino colloquio cupit assidue frui,

frui, is mortuus est, & vita carens, experisque sanæ mentis. Nam hoc ipsum evidentissimum est argumentum amentię, non intelligere magnitudinem hujus honoris, nec amare deprecandi studium, nec hoc habere persuasum, quod animę mors sit, non provolvi ad Dei genua. Quemadmodum enim corpus hoc nostrum, si non adsit anima, profecto mortuum est ac foetidum: sic anima, nisi se ipsam incitet ad orandum, mortua est, ac misera, & graviter olens. Quin insuper quod oporteat quavis morte tristius existimare, si quis deprecatione privetur, pulchre nos docet *Daniel* ille Propheta magnus, qui maluerit emori, quam triduo duntaxat arceri ab orando. Nec enim hoc ab eo exigebat Rex *Perfarum*, ut impietatem admitteret, tantum illud observabat, si quis intra triduum quicquam petere deprehenderetur ab ullo Deorum aut hominum, præterquam ab ipso. Sed Propheta ne tantulum quidem temporis sustinuit ab orando cessare: propterea quod nisi Deus propensus sit in nos, nihil omnino bonorum in animas nostras venire possit: Dei vero propensio simul adjuvat labores nostros, hosque pulchre sublevat, si conspexerit nos amare precandi studium, si continenter orare Deum, si viderit expectantes, omnia bona nobis illinc defluxura. Itaque cum videro quempiam non amantem orandi studium, nec hujus rei fervida vehementique cura teneri, continuo mihi palam est eum nihil egregię dotis in animo possidere. Rursus ubi quem conspexero, insatiabiliter adhærentem cultui divino, idque in summis damnis numerantem, si non continenter oraverit, conjecto talem omnis virtutis firmum esse meditatorem, ac Dei templum. Etenim si vestitus hominis, si pedum incessus, si risus dentium declarat, qualis sit, quemadmodum sapiens dixit *Solomon*: multo magis deprecatio cultusque Dei, signum est totius iustitię, cum sit ornatus spiritualis ac divinus, multam pulchritudinem ac decorem concilians mentibus nostris, dum uniuscujusque vitam componit, nec finit quicquam sordidum aut absurdum dominari nostro animo, dum persuadet, revereri Deum, & honorem quem illi debemus præstare, dum docet universam mali Spiritus imposturam rejicere, turpes & absurdas cogitationes profligans, denique dum cujusque mentem constabit in contemptu voluptatum. Nam hæc superbia sola decet eos qui Christum venerantur, videlicet nulli servire turpitudini, sed mentem servare in libertate, morumque puritate. Arbitror itaque cunctis esse manifestum, quod simpliciter impossibile sit, absque precationis præsidio cum virtute degere, cumque hac hujus vitę cursum peragere. Etenim quĩ fiat, ut quis virtutem exerceat, nisi continenter adeat, & supplex ad genua accidat ei qui virtutem omnem suppeditat ac largitur hominibus? Rursum quĩ fiat, ut aliquis concupiscat esse temperatus ac iustus, nisi lubens cum eo consuetudinem, & colloquium habeat, qui cum hæc, tum his etiam plura exigit a nobis?

Quin & illud paucis demonstrare volo, quod etiam si nos peccatis refertos precatio deprehenderit, celeriter purgatos reddit. Quid itaque majus aut divinius obtingere possit, quam deprecatio, cum hanc animis ægrotantibus pharmacum quoddam esse liqueat? Itaque primi occurrunt *Ninivite*, quos clarum est, deprecationis præsidio plurimorum scelerum, quibus divinam iram in se provocarant, remissionem accepisse. Simul enim atque illos cepit deprecandi studium, illico iustos reddidit, ac civitatem quę jam assueverat lascivię, malitię, breviter, vitam exlegem & impiam vivere, statim correxerit: nimirum potentior diutina peccandi consuetudine, cum civitatem illorum cœlestibus legibus impleset, pariter secum trahebat temperantiam, humanitatem, mansuetudinem, curamque pauperum. Nec enim sustinet deprecatio absque his virtutibus versari inter pauperes, sed in quorumcunque pectore sibi domicilium delegerit, eos reddit plenos omni iustitia, erudiens & exercens ad virtutem, ac malitiam omnem propellens: & sane si quis tum ingressus fuisset civitatem *Ninivitarum*, qui prius eandem probe novisset, nequaquam agnovisset eam: Adeo repente a turpissima vita ad

pietatem resilierat. Quemadmodum enim si quis mulierem mendicam, sordidis pannis vestiri solitam, post aureis vestibus ornatam videret, nequaquam agnitus sit mulierculam: ita si quis eam civitatem prius novisset mendicam, hoc est, vacuum omnibus thesauris spiritualibus, nimirum ignorasset quęnam esset illa civitas, in qua transmutanda tantum valuisset deprecatio, ut & mores & vitam ad virtutem reduceret. Jam vero & mulier quędam, quę totum vitę tempus in lascivia & impudicitia peregerat, simul atque se projecit ad pedes Christi, salutem assecuta est. Proinde deprecatio non solum purgat a peccatis, verum etiam ingentia pericula depellit: Siquidem ille Rex simul & Propheta mirabilis *David*, multos ac sævos inimicos effugit precationis ope, non aliis armis exercitum muniens, atque ita tradidit suis militibus potiri victoria, quietis interim, ac securis. Quemadmodum alii quidam Reges incolumitatis suę spem ponere consueverunt in militum peritia, & arte belli gerendi, in sagittariis, in cataphractis, in equitibus, ita magnus ille *David*, sanctis precibus mœnium vice suum cinxit exercitum, nequaquam respiciens imperatorum, tribunorum, ac centurionum ferociam, neque pecunias colligens, nec arma comparans, sed orando divinam armaturam e cœlo deportans: Nam vere cœlestis est armatura deprecatio, quę Deo funditur, solaque firmam custodiam præbet his qui sese Deo tradiderunt. Siquidem cataphractorum & robur & peritiam, tum sagittariorum experientiam, atque in prodendo hoste calliditatem, sæpenumero ludit ac frustratur vel ipsa belli facies, vel hostium fiducia, cumque his alia permulta: cæterum deprecatio, armatura est inexpugnabilis, ac tutissimum, nec unquam fallens munimentum, pari facilitate, vel unum repellens militem, vel innumerabilia hostium millia. Quandoquidem admirandus ille *David*, de quo modo diximus, *Goliath* illum immanem, cum veluti Dæmon quispiam formidandus irrueret, non armis, neque gladiis, sed precibus dejecit, usque adeo Regibus quidem adversus hostes in præliis valida arma sunt deprecatio. Quin eadem & nobis æque valida sunt arma, adversus Dæmones. Sic & *Ezechias* Rex superior evasit in bello, quod illatum est a *Perfis*, cum non armaret exercitum, sed preces tantum opponeret hostium multitudini: itidem & mortem effugit, ubi cum qua decuit religione se Deo prosterneret, sola deprecatio Regi dedit, ut revivisceret. Jam vero quod animam peccatis obnoxiam, deprecatio facile puram reddit, docet nos publicanus ille, qui petiit a Deo remissionem peccatorum, & impetravit. Docet & leprosus, qui simul ut procidit ad pedes Dei, mundatus est. Quod si Deus corpus morbo corruptum celeriter sanavit, multo magis animam, quę morbo tenetur, humaniter sanabit. Etenim quanto pretiosior est anima corpore, tanto magis consentaneum est, hanc Deo majori curę futuram. Quanquam innumera recenseri possint exempla, tum vetera, tum nova, si quis velit omnes enumerare, qui deprecationis beneficio servati sunt.

Verum aliquis forsitan ex eorum numero, qui fœcidię segnitęque dediti, nolunt attente ac diligenter orare, persuasurus sit, in hoc Deum illa verba dixisse: *Non omnis qui dicit mihi Domine Domine, intrabit in regnum celorum, sed qui facit voluntatem Patris mei qui est in celis.* Atqui ego si crederem solam precationem ad salutem nostram sufficere, non injuria sermonem hunc nobis objiceret aliquis: Nunc cum profitear deprecationem caput esse bonorum omnium, basim ac radicem vitę frugiferę, non est quod quisquam illis verbis abutatur ad excusationem suę fœcidię. Neque enim sola temperantia potest homini salutem adferre, si cætera desint bona, neque cura pauperum, neque benignitas, neque quicquam aliorum quę cum virtute geruntur, sed oportet ut omnia simul concurrant in animas nostras. Cæterum precatio, ceu radix & basis, omnibus cæteris subternitur. Neque secus ac navem & domum, ea quę substrata sunt, validam reddunt, ac ne solvatur, continent, ita nostram vitam orandi studium continet, & ubique firmam reddit, adeo ut absque hoc nihil no-

bis boni possit contingere, neque quod ad salutem conducatur. His de causis *Paulus* tanto studio non cessat huc adhortari nos, dicens: *Deprecationi instate, vigilantes in ea cum gratiarum actione.* Atque alibi jubet, ut citra intermissionem oremus, in omnibus gratias agentes. *Hæc est enim, inquit, voluntas Dei.* Ac rursus alio in loco: *Orate omni tempore, in spiritu in hoc ipsum vigilantes cum omni instantia & observatione.* Adeo multis ac divinis vocibus ad orandum nos assidue provocat ille Apostolorum princeps. Decet igitur, nos ab illo doctos, cum precatione vitæ cursum peragere, atque hac mentem assidue rigare. Siquidem hoc omnes homines, non minus opus habemus, quam arbores aquarum humore. Neque enim valent illæ fructus producere, nisi bibant humorem radicibus, neque nos pretiosis pietatis fructibus poterimus esse gravidi, nisi precibus irrigemur. Quapropter oportet, & stratis relictis, divino cultu prævenire Solis exortum, & cum ad mensam accedimus, & cum nos ad nocturnam quietem recipimus: Quin potius oportet, singulis horis unam precationem offerre Deo, ut orandi cursus diei cursum æquet: Cæterum hyberno tempore decet etiam noctis maximam partem precibus impendere, ac flexis genibus, multo cum tremore instare deprecationi, hoc ipso nos beatos existimantes, quod Dei cultui vacamus. Dic mihi, qua fronte Solem intueberis, nisi prius adoraveris qui lumen illud dulcissimum oculis tuis mittit? Quo pacto frueris mensa, nisi prius adoraveris eum, qui tibi tantum bonorum largitur ac suppeditat? Qua spe trades te ipsum nocturno tempori, qualibus cum insomniis putas tibi rem fore, ni te ipsum præmuniveris orando, sed incustoditus ad somnum accesseris? Nimirum contemptibilem captique facilem te ipsum præbebis sceleratissimis Spiritibus, qui continenter obambulant, observantes nos, ut si quem deprehenderint nudatum deprecationis præsidio, protinus abripiant. Si nos conspexerint deprecatione communitos, illico resiliunt, non aliter quam prædones ac facinorosi, ubi conspiciunt militis gladium in caput suum vibrari. Quod si contingat aliquem esse nudum precationis præsidio, hic avulsus deportatur a Dæmonibus, & in calamitates varique mala impellitur. Oportet igitur ut hæc omnia metuentes, precibus & hymnis semper nos ipsos circumvallemus, ut Deus omnium misertus dignos efficiat regno cælorum per unicum Filium suum, cui gloria & imperium in secula seculorum, Amen.

DE PRECATIONE LIBER SECUNDUS.

QUOD omnis boni caput sit deprecatio, quodque salutis ac vitæ æternæ conciliatrix, nullus est omnium qui ignoret. Attamen operæ pretium est, ut adhuc pro viribus de hoc negotio disseramus, quo qui jam assueverunt in precibus vitam agere, ac diligenter cultui divino animum advertere, oratio nostra reddat magis attentos. Rursus qui hæc incogitantius vixerunt, atque animum neglexerunt, precationis præsidio destitutum, simul & antea acti temporis jacturam cognoscant, nec in reliquum vitæ tempus se ipsos pergant privare salute. Protinus igitur illud occurrit omnium maximum, quod de precatione dicere possumus, quod quisquis orat, cum Deo colloquitur. Quantæ enim dignitatis sit hominem cum Deo miscere sermonem, neminem latet: cæterum eam dignitatem oratione consequi, nemo prorsus valeat, quandoquidem hic honos etiam Angelorum superat majestatem, quod ipsi probe intelligentes apud Prophetas describuntur omnes multo cum tremore, laudes & cultum Domino offerentes, facies quidem ac pedes ob ingentem reverentiam tegentes, volatu vero dum non valent in quiete manere magnum tremorem declarantes: nimirum & nos illud interim docentes, ut tantisper dum oramus, humanæ naturæ obliviscamur, sed occupati mentis alacritate sumus & tremore, nihil respiciamus rerum præsentium, sed existimemus nos in Angelorum medio consistere, idemque sacrificium cum illis peragere. Nam in reliquis multum discriminis est inter conditionem illorum & nostram: sive naturam expendas, sive vivendi genus, si-

ve sapientiam, sive intelligentiam, sive quicquid aliquis recensere possit: Cæterum orare commune est opus Angelorum pariter & hominum, neque quicquam interest inter nostram naturam & illorum, duntaxat quod attinet ad deprecationem. Hæc te separat ab mutis animalibus, hæc te sociat Angelis: Quin facile fiet, ut quis in illorum civitatem transferatur, in illorum vitam & consortium, ad illorum honorem, nobilitatem, sapientiam, & intelligentiam, qui per omnem vitam precibus ac divino cultui vacare studuerit. Quid enim possit inveniri sanctius, his qui cum Deo commercium habent, quid porro justius, quid ornatus, quid sapientius? Et enim si qui cum sapientibus viris colloqui solent, propter assiduam consuetudinem, brevi se transmutantur, ut illorum prudentiam referant, quid dicere convenit, de his qui cum Deo colloquia miscunt, ei sua vota deferentes? Quanta sapientia, quanta virtute, quanta prudentia, quanta bonitate, quanta sobrietate, quanta morum æquitate replet illos precatio & obsecratio?

Proinde nequaquam aberravit a vero, si quis affirmet deprecationem esse causam omnis virtutis & justitiæ, neque quicquam eorum quæ conferunt ad pietatem venire posse in animum; cui non adsit deprecatio & obsecratio. Sed quemadmodum civitas quæ muris cincta non est, facile venit in potestatem hostium, propterea quod prorsus absit id, quo fuerat hostium incursus arcendus: sic & animam non munitam precibus, Diabolus facile in suam redigit ditionem, nec multo negotio omni genere scelerum implet. Nam primum quidem ad animam precibus communitam, non audet propius accedere, metuens robur ac fortitudinem, quam illi deprecatio subministravit, magis vegetans animum, quam cibus vegetat corpora. Ad hæc, qui precantur serio, non sufficiunt quicquam admittere indignum precatione, sed reverentes Deum, quicum modo colloqui fuerant, cito repellunt omnem mali Spiritus molitionem, apud se reputantes quantum scelus sit eum, qui paulo ante sermonem cum Deo miscuerit, quique ab eo pudicitiam ac sanctimoniam petierit, extemplo ad Diabolum deficere, scelerumque voluptates in animum admittere, ac Diabolo præbere aditum in illud pectus, quod paulo ante Deus inviserit, ac Dæmonis concedere irruptionem in animas, in quas Spiritus sancti gratia plurimam exercuit benignitatem ac sollicitudinem.

Veruntamen illud ausculta, supra vires hominis est, serere cum Deo colloquium, nisi adsit vis & actus sancti Spiritus, sed oportet illo præsentem, sanctisque conatibus auxiliante, ita demum ingredi, ac flectere genua, postremo orare ac deprecari. Postquam enim majus est hominis viribus sermonem miscere cum Deo, opus est ut gratia Spiritus veniens in nos, confirmet, addatque fiduciam, ac doceat nos honoris magnitudinem. Igitur ubi jam cognoveris, quod & cum Deo loqueris, ac Spiritus in te operantis vim senseris, oraturus & cum Deo collocuturus, nullum Diabolo præbebis aditum in animam per Spiritum sanctificatam. Et enim quemadmodum qui cum Rege colloqui sunt, & ob hoc sermones placidos honoremque sunt consecuti, non dignantur in contubernium venire mendicorum & abjectorum hominum, ita qui cum Deo confabulatus est, eique sua vota protulit, nequaquam dignabitur mali & impii Spiritus familiaritatem admittere. Nam vere profecto quisquis voluptatibus servit, cum Dæmonibus habet familiaritatem, atque eorum insaniam imitatus est: Sicut e diverso, qui temperans est, ac justitiam exercet, cum Angelis habet commercium, & illorum æmulatur dignitatem. Jam vero si quis dicat animæ nervos esse deprecationem, mea quidem sententia, videbitur verum dicere: nimirum quemadmodum hoc corpus nervis cohaeret, currit, stat, vivit, & compactum est, adeo, ut si nervos incideris, universam corporis harmoniam dissolveris, itidem animæ per sanctas preces, sibi constant, & compinguntur, ac pietatis cursum facile peragunt. Quod si te ipsum destitueris precatione, perinde feceris, ac si piscem ex aquis extraxeris. Ut enim pisci vita est aqua, ita tibi deprecatio, per hanc datur velut ex aquis subvolare, coelumque trans-

scendere, ac proximum fieri. Itaque quæ hætenus dicta sunt, sufficiunt ad declarandum quanta sit vis sanctæ deprecationis.

Sed fortasse præstiterit, ut ad divinas Scripturas veniam, ut ex ipsius Christi verbis discamus opes, quas deprecatio comparat his, qui student per omnem vitam in ea versari. Dicebat autem, inquit, *eis etiam parabolam huc spectantem, quod oporteat semper orare. Judex quidam erat in civitate quadam, qui neque Deum metuebat, neque hominem reverebatur: vidua autem erat in civitate illa, & venit ad illum, dicens: Vindica me de adversario meo, & volebat aliquamdiu: postea vero dixit apud se: Tametsi Deum non metuo, nec hominem reveor, tamen quia mihi molesta est vidua, vindicabo eam, ne tandem veniens suggillet me: Dixit autem Dominus: Audite quid dicit judex injustus: Deus vero an non faciet vindictam electorum suorum clamantium ad ipsum nocte ac die, & patientiam habebit super illis? Dico vobis quod faciet vindictam illorum cito.* Discamus, fratres, sapientiam in fermone Spiritus reconditam, perscrutantes pro virili nostra, non quanta est, sed quantum nobis datur affequi. Itaque qui vitam agunt in mari, in ipsum profundum sese demittunt, ac pretiosos lapillos his qui versantur in terra deferunt. Nos vero divinarum Scripturarum mare scrutantes, in ipsum spiritualis sapientiæ profundum, quantum quidem in nobis est, decurramus, & vobis adferamus thesaurum bonum melius ornantem animas, quam ornant Regum capita e gemmis contextæ coronæ. Nam harum quidem pulchritudo, simul cum ipsa vita marcescit: Cæterum qui doctrina Spiritus coronat animam, cum hîc interim cum omni mentis securitate vitæ tempus exigit, tum post hujus vitæ finem, cum omni fiducia accedit ad tribunal Christi, plenus virtute, & ab omni vitio purus. Quem igitur thesaurum e profundo Scripturarum adducimus? Non ipsum profundum attingentes sapientiæ, sed eo usque descendentes, quousque concedit Christus, qui homines invitans ad orandum, & utilitatem hinc proficiscentem commendare volens animis nostris: judicem quendam inducit, improbum ac sævum, qui pudorem omnem ex oculis abjecerat, quique Dei timorem ex anima propulerat. Atqui satis erat justî clementisque judicis personam proposuisse, ut hujus justitia collata cum Dei bonitate, demonstraret quantum valeat deprecatio. Et enim si benignus ac mansuetus homo placide recipit qui supplices accedunt, quanto magis idem facturus est Deus, cujus tanta est erga mortalium genus benignitas, ut non solum nostram excedat intelligentiam, verum etiam major sit quam ut hujus magnitudinem, Angeli ipsius possint animo complecti. Itaque satis erat, ut dixi, judicis personam inducere. Nunc autem judicem proposuit imitem, impium, & inhumanum: in cæteris quidem implacabilem, ad preces vero benignum ac mansuetum: videlicet ut intelligas, quod omnis precatio ingenium etiam malum, facile ad misericordiam & clementiam pertrahit. Quam igitur ob causam hoc fecit Christus? Ne quis omnium ignoraret, quantum vim habeat deprecatio, atque idcirco postquam judici omnium immanissimo adhibuisset viduam, eumque præter naturam ostendisset factum ex improbo humanum, ad Patrem suum parabolam transfert, ad illum, inquam, bonum, mansuetum, mitem, humanum, misericordia sua vincentem peccata mortalium, condonantem errata plurima, tolerantem quotidie in se dicta convitia, dissimulantem honorem haberi Dæmoniis, se contumeliis affici, filium suum innumeris incessi convitiis, aliaque ferentem atrociora, dicenda pariter ac silenda: & tamen sic convitiis affectus adeo mansuete tolerat. Quod si viderit, eo quo decet tremore accidentes sibi, an non protinus miserebitur? Audite, inquit, quid judex injustus dicat: *Tametsi Deum non timeo, nec hominem reveor, attamen quoniam mihi negotium facessit, vindicabo illam.* Quid ais? Quod non potuit metus, hoc potuit deprecatio? Ac minæ quidem & ultionis expectatio, non commoverunt hominem ad justitiam: cæterum ubi prodiit vidua supplex, judicem ex feroci mansuetum reddidit. Quid igitur conjectandum est de benigno Deo,

si judicem crudelem, adeo mansuetum reddidit viduam supplicans? Quantum bonitatem, quantum humanitatem erga nos exhibebit Deus, qui non modo semper cupit misereri, punire nunquam, verum etiam ob insignem erga genus hominum caritatem, & supplicia comminatur nobis, & ingentia præparavit præmia, ut & metus suppliciorum arceret a vitiis, & præmii spes extimularet ad virtutem. Non possum ab iniquo judice cogitationem avertere, contemplans in illius præter naturam mansuetudine, ineffabilem Dei bonitatem. Et enim si is qui nunquam cogitaret quicquam humanitatis cuiquam præstare, subito mutatus, misertus est viduæ rogantis, quantum erga nos Dei sollicitudinem e cælo deportabit deprecatio? At hæc quantum valeat ac possit sancta precatio vel hinc cognoscas, licebit, si consideres, quantum bonorum, singulis diebus, ac singulis horis accipiant, hi qui jugiter Deo supplicant. Quem enim fugit, quod Solis, Lunæ, Stellarumque lumen, quod cæli temperiem, ac variam, alimentorum copiam, quod opes, quod vitam, denique quod alia innumera bona cunctis ex æquo mortalibus largitur Deus, justis pariter ac impiis, videlicet ob immensam suam humanitatem qua afficitur erga nos. Porro si nec rogantes nec postulantes, tanta quotidie misericordia prosequitur, ac refocillat, quantis bonis probabile est fruituros eos, qui omnem vitam precibus & obsecrationibus vacarunt?

Age jam & illud exponamus vobis, quam multis sanctis datum sit, deprecationis præsidio servare, non solum gentes ac civitates, verum etiam orbem universum. In mentione vero deprecationis primus occurrit *Paulus*, dignus cujus mentio fiat, *Paulus*, inquam, ille insatiabilis Dei cultor, & communis pater ac progenitor servorum Christi. Ille igitur custos orbis terrarum, per deprecationem ac assiduam obsecrationem, omnes gentes salvas fecit, semper illud dicens nobis: *Hujus rei gratia flecto genua mea ad Patrem Domini nostri Jesu Christi, ex quo omnis cognatio in cælo & in terra nominatur, ut det vobis juxta abundantiam gratiæ suæ virtute corroborari per Spiritum ipsius, ut in homine interno, inhabitet Christus per fidem in cordibus vestris.* Vides quantum vim habeat precatio & obsecratio? Ex hominibus facit templa Christi. Et quemadmodum aurum, lapides pretiosi ac marmora constituunt domos Regum, sic deprecatio templa Christi, ut inhabitet, inquit, *Christus in cordibus vestris.* Quid sublimius ad laudem deprecationis adferri possit, quam quod templa facit Dei? quem cæli non capiunt, is in animam ingreditur, viventem in precibus: *Cælum*, inquit, *mihi sedes est, terra vero scabellum pedum meorum.* Quam domum adificabitis mihi, dicit Dominus, aut quis eris locum requiei meæ? Quam domum *Paulus* ædificat sanctis obsecrationibus? *Flecto*, inquit, *genua mea, ad Patrem Domini nostri Jesu Christi, ut inhabitet Christus per fidem in cordibus vestris.* Quin & illinc intelligi poterit quanta sit vis sanctarum precum, quod *Paulus* per totum orbem terrarum velut alatus discurrens, in carceribus habitans, flagella sustinens, gestans catenam, vivens in sanguine ac periculis, insuper & Dæmones dejiciens ac mortuos excitans, morbos abigens, in harum rerum nulla fiduciam posuit servandi homines, sed precibus communiit orbem, postque miracula, post excitatos mortuos, ad deprecationis præsidium accurrit, non aliter quam athleta, a corona ad palæstram: quandoquidem, & mortuorum excitationem, reliquaque omnia, suppeditat deprecatio. Quam enim vim habent in arboribus aquæ, hanc in vita sanctorum habet deprecatio. *Paulus* hac medio noctis rigans animam, omnia facile perpeffus est quamlibet acerba, non aliter præbens terga verberibus, quam si fuisset statua. Sic in *Macedonia* carcerem concussit, sic ceu leo quispiam, precatone dirupit vincula, sic carceris custodem eripuit ab errore, sic Dæmoniorum tyrannidem discussit. Quin & illa novimus, quæ scribit ad universos homines: *Deprecationi instate, vigilantes in ea in gratiarum actione, orantes simul & pro me, ut detur mihi sermo in apertione oris mei, ad libere proloquendum mysterium Evangelii.* Quid ais? Tantam nobis fiduciam deprecatio præbet, ut pro *Paulo* non vereamur orare? Quis miles ausit pro magno du-

ce interpellare Cæsarem? Quanquam sane nullus dux tam carus est Cæsari, quam *Paulus* Deo. Attamen ad tantam dignitatem nos provehit deprecatio, ut ausimus pro *Paulo* supplicare Deo. Sic & *Petrus* ille magnus, ille caelo splendidior, carcerem effugit, maxime quidem ob propriam virtutem, & communem hominum salutem, sed tamen interim Ecclesiae deprecatio, occlusas carceris fores velociter aperuit. Nec enim temere addidit *Lucas*: Deprecatio autem fiebat assidua totius Ecclesiae pro *Petro*, verum ut nos disceremus, quantam vim in caelis obtineat deprecatio, videlicet ut *Paulum* ac *Petrum* a periculis liberaret, columnas Ecclesiae, principes Apostolorum, claros in caelo, murum orbis terrarum, commune praesidium totius terrae ac maris.

Dic mihi, quomodo *Moses* Israeliticum populum in bellis servavit? An non arma quidem cum exercitu discipulo tradidit, ipse vero deprecationem opposuit hostium multitudini? Nos interim docens preces iustorum plus valore, quam arma, quam equitatum, quam pecunias, quam multas copias, eoque universus exercitus, & innumera militum multitudo, in deprecatione Prophetæ spem salutis habebat. Siquidem orante *Mose*, superabant *Judaei*, eodem ab orando cessante, inferiores erant hostibus: Itidem & nos orantes facile Diabolum superabimus, cessantes vero scelestum illum in nos instruimus. Jam & populum ad impietatem prolapsum, orando servavit *Moses*, orando meruit Dei conspectu frui, aliaque innumera bona consecutus est non aliare quam orando: Nam deprecatio & hoc illi praestitit, ut vitam ageret ad similem iis qui caelum inhabitant. Deprecatio incendii vim coercuit, leones mites reddidit, hoc quidem in *Daniele*, illud vero in tribus pueris, per quos nimirum declaratum est omnibus, quod quoscunque deprehenderit in periculo constitutos, facile exurgentibus malis eripiat deprecatio, salutis causa, immortalitatis animæ conciliatrix, Ecclesiae murus, qui rumpi non possit, munimentum inconcussum, Dæmonibus quidem formidabile, piis vero, nimirum nobis salutiferum. Hæc eadem sanctum Prophetam *Samuelem* produxit. Etenim cum natura matri esset adversa ad gignendum, exorta deprecatio mox correxit naturæ imbecillitatem. Talis est deprecationis fructus, talem edi-

dit deprecatio Prophetam; Quapropter in caelis illustre nomen consecutus est *Samuel*, supra quam fert humana conditio, quum homo sit potius Angelorum admirator. Nimirum talem decebat ostendi, deprecationis culmen & spicam, qui reliquos anteiret bonitate, virtutibus ac moribus, tantoque intervallo omnes retro sanctos antecellere videretur, quantum in segetibus felices eminent spicae. Deprecationis auxilio *David* tot ac tales hostes propulsavit, non arma movens, non hastam vibrans, non gladium educens, sed deprecatione septus. Hujus praesidio *Perfarum* copias *Ezechias* celeriter vertit in fugam, atque hostes quidem machinas admovebant moenibus, sed ille muros deprecationis vallo sepsit: simulque per deprecationem sine armis solutum est bellum, cum tuba quidem non clangeret, exercitus conquiesceret, arma non moverentur, nec terra sanguine rube- sceret, cæterum deprecatio sufficiebat ad terrorem hostibus incutiendum. Quin & *Ninivitis* ea saluti fuit, quæ cito depulit iram caelitus imminentem, citoque vitam corruptam emendavit. Tantam vim, tantum robur habet deprecatio, ut cum *Ninivitis* vitam omnem turpiter ac scelerosè peregissent, tamen simul atque in civitatem ingressa est deprecatio, illico verterit in diversum omnia, ac temperantiam, justitiam, amicitiam, concordiam, egenorum curam, denique universa bona secum induxit. Etenim quemadmodum ubi Regina quæpiam ingreditur civitatem, necesse est ut omnis opulentia pariter consequatur: sic videlicet, posteaquam deprecatio venit in animam, omnes virtutes simul ingrediuntur. Nam quod in domo est fundamentum, hoc in anima est deprecatio: hanc ubi primum ceu basim ac radicem in anima fixerimus, tum oportet diligenter superstruere, pudicitiam, mansuetudinem, justitiam, pauperum curam, breviter, omnes Christi leges, per quem & cum quo, Patri cum sancto Spiritu, gloria & imperium in secula seculorum, Amen.

Posterior hæc oratio videri poterat non esse Chrysostomi, sed Eruditi cujuscumque, qui sese exercuerit ad emulationem prioris, nisi malumus Chrysostomum eadem de re diversis temporibus dixisse.

ORNATISSIMO VIRO
JOANNI PAUNGARTNERO,
DESIDERIUS ERASMUS ROTERODAMUS

S. D.



Peripateticis in beatorum album referuntur, qui fortunæ bonis, suapte industria conjunxerunt animi bona, ita partientes felicitatem, ut dimidium illius ascriberent casui, dimidium homini. At ego te, Vir Ornatissime, multo feliciorum judico, quod unicus ille πάντων δωτῆς τῶν, ut Hesiodi verbis abutar, istam mentem tibi largitus est, ut intelligas & illa bona quæ Philosophi vocant externa, non fortunæ, sed Dei esse munera in hoc data, non ut sint voluptatum ac superbiæ instrumenta, sed ut sint virtutis & officiorum organa. Quisquis enim animo vere Christiano præditus est, magis illa possidet tanquam dispensator, quam tanquam dominus. Agnoscit esse mutuum quod habet, & scit ei qui credidit, accepti expensique rationem ad æsem esse reddendam. Itaque vulgus sæpe mentitur, quum de opulentis dicit, ille habet divitias. Siquidem habere divitias, philosophica res est, eoque paucorum. Aristippus reprehensus quod consuetudinem haberet cum Thaide, velut unus e multis: respondit plurimum interesse, quod cæteri haberentur a Thaide, ipse haberet Thaidem. Nullus autem potest habere divitias, nisi adsit animus philosophicus, qui norit, & quantum sit huic bonorum generi tribuendum, & quomodo sit illis utendum. Proinde multo plus debes benignitati divinæ, quod istum animum omnibus divitiis superiorem dedit, quam quod rerum copiam largita est. Pulchrius est istas opes contemnere, quam possidere. Contemnit autem, qui non servit, sed eas pietati servire cogit. Quid enim sunt ista bona iis qui nesciunt uti? Quid aliud, nisi quod auro gemmisque picta citihara, musices imperito? Aut gnomon, circius, astia & securis, fabricandi artem ignorant. Vix ausum addere, quod tamen arbitror esse verum: excellentioris cujusdam philosophiæ est, in medio divitiarum affluxu, temperantiam obtinere, quam paupertatem generoso animo ferre. Sicuti Platonem, qui Siculis assidens mensis, fere præter legumina nihil attingebat, Diogeni præfero, qui si nihil contigisset lautius, poterat crudis oleribus placare latrantem stomachum. Sapien-
ter

ter itaque facis, Vir animo meo carissime, quod animum ad litteras ac Philosophiam applicas, quæ hoc præstat, ut & divitiis quum adsunt recte utaris, & si quo casu contingat eripi, non discrucieris, nimirum salvis iis bonis, quæ vel sola beatum reddunt. Vides enim quam sit absurdum habere domum auleis, marmoribus, tabulis, auro, gemmis ac variis ornamentis undique decoratam, pectus autem habere nullis disciplinis, nullis virtutibus excultum. Porro ut ipse tibi non videris dives externorum bonorum copia, nisi veris bonis distescat animus: ita non videris tibi liberos habiturus esse divites, nisi in meliorum possessionum hereditatem tibi succedant: eoque prima curarum omnium ea tibi est, ut a teneris statim annis, honestissimis disciplinis, sed præcipue pietatis instituantur. Hoc pulcherrimum exemplum quod tu & Antonius Fuggerus, insigne par hominum, in istam civitatem induxistis, utinam quamplurimi imitentur: sic enim fieret, ut quæ nunc multis ornamentis, merito Augusta Vindelicorum dicitur, magis ac magis *φειδύμενος*, hoc est, suo nomini respondere videretur, utpote veris bonis splendorem ac majestatem sibi vindicans. Quin potius utinam singuli parentes, quibus suppetunt facultates, liberos suos a primis statim annis curarent disciplinis liberalibus erudiendos: quibus ne id faciant obstat rei familiaris angustia, cogerent illos artem aliquam sedentariam perdiscere; Idem censeo faciendum iis, quibus non tam facultates desunt, quam liberis repugnat Minerva. Id si fieret, profecto longe minus erronum, otiosorum, prædonum ac spontaneorum militum haberet nostra Germania. Nunc parentum incuria, plerique perveniunt ad annos viginti, ut prorsus *ἀναλφάβητοι*, ita nullo artificio adversus otium, vitiorum omnium fontem, & egestatem plurimorum malorum magistrum, instructi. Caterum pro nostra mutua benevolentia, præsertim Udalricho Zatio currentem, ut ajunt, instigante, jam pridem destinaram aliquid e studiis meis ad te mittere, quod tuum propositum non excitaret modo, sed nonnihil etiam adjuvaret. Verum hæcenus nihil occurrit quod vel Paungartnero vel Erasmi in illum studio dignum existimari posset. Ne tamen viderer hac tergiversatione suffugere officium, arrabonis vice mitto aliquot Chrysostomi Homilias, antehac nec versas a quoquam nec excusas. Nihil autem vereor ne quis illud Græcorum in me jaceat *γὰρ κριωτόν*, quod Chrysostomum Theologum mittam homini laico. Imo hæc sunt colloquia, quæ vir ille divinus apud vulgus promiscuum habuit, non de mysteriis theologicis, sed de reprimendis affectibus, cujusmodi legimus & Socratis fuisse sermones cum quibuslibet e media plebe. Nam hæc philosophiæ pars ad omnes pertinet. Quin & ipsa dictionis ratio tota est ad populares aures accommodata. Spes est autem hoc eventurum aliis compluribus ex lectione, quod mihi accidit inter vertendum. Senti enim in me, sensi quasdam cupiditates velut incantamento delinitas mitescere, dum Chrysostomus ob oculos ponit, quam eximia fuerit in priscis illis animi moderatio. Adhæc animadverti, quantopere fallantur, qui veteris Testamenti historias eodem pene animo legunt quo legunt Livianas aut Salustianas. In sacris enim narrationibus, immane, quanto major uberiusque latet philosophia. Eam Chrysostomus mira curiositate sic eruit, sic enucleat, sic insiguit animo ut nemo crediturus fuerit, sub historiæ tunica, tantum latere spiritualium deliciarum. Itaque si hujusmodi colloquiis transmisses aliquot horas in hisce Quadragesima diebus, confido te id non sine lucro bonæ mentis facturum. Additurus eram & alias aliquot Homilias, sed deprehendi pleraque vel esse notha, vel nothas contaminata. Quam temeritatem bene nimium sæpe deplorare cogimur, in veterum monumentis versantes. Codex erat belle descriptus, aureis litteris & coloribus magnifice depictus. Sed omnium prima cujus initium, Multo tempore situi &c. nihil habebat Chrysostomi: quam non in aliud verti, nisi ut specimen esset, me toties non omnino de nihilo queri. Occasionem argumenti sumsi ex historia. Vulgaris hic fucus est. Deinde quam nihil cohæret. A turbis venit ad eos apud quos tranquilla erant omnia. Et subito velut oblitus sui, tragice vociferatur, in rebus humanis turbata esse omnia, nihil fidum, nihil sincerum. Ab hoc gradu desilit ad divites, & avaritiam, velut horum malorum fontem: atque hic tractatur locus communis de reprehensione divitiarum ac laude paupertatis. Posthæc Job protrahitur in medium, quo probet summam esse divitum philosophiam, si in divitiis expectent paupertatem. In summa, sentias temere fundi verba vocumque turbis expleri chartas, neque quicquam ex animo dici. Hunc sacrilegum ludum in gratiosissimis quibusque Auctoribus lusit Bibliopolarum avaritia, non minus apud Græcos quam apud Latinos. Et quod turpe dictu est, longe major fuit Christianorum temeritas in sacros Ecclesiæ Doctores, quam unquam fuit Ethnicorum in libros profanos. Hanc cantilenam toties recino, quo doctos excitem, ad incorruptiora exemplaria vestiganda, & ad repurganda pro viribus quæ tenemus contaminata. Hunc libellum non judicabo exiguum esse, si intellexero hinc tuis piis studiis aliquid accrevisse lucri. Bene vale. Apud Friburgum Brisgojæ Calend. Martiis, Anno a Christo nato M. D. XXXIII.

D. JOANNIS CHRYSOSTOMI
EPISCOPI CONSTANTINOPOLITANI

D E

DAVID ET SAULE,

Deque tolerantia, & quod oportet inimicis parcere, nec de absentibus male loqui. Domine miserere.

H O M I L I A I.



QUOTIES diutina quæpiam ac dura inflatio corporibus inhæsit, tum & longo tempore, multoque labore, & multa sapientia in admovendis remediis est opus, ut collectus tumor, absque vitæ periculo dissolvatur. Idem videre est in anima. Quoties enim aliquis morbum qui jam radices egit in anima, multoque tempore con-

cretus sit, radicitus evellere voluerit, non satis est ad correctionem unius duorumve dierum admonitio, verum oportet frequenter ac diebus compluribus in hac cura versari, si modo non ad ambitionem ac volupratem, sed ad fructum, & utilitatem munus hoc publicum gesturi sumus. Eoque quemadmodum de jurando fecimus, multis ordinæ diebus vobis de eodem differentes argumento: itidem de ira nunc facimus, continuamque de ea facimus exhortationem pro nostra quidem virili.

Tom. VIII.

I 3

Nam

Nam hic mihi videtur optimus esse docendi modus, si non prius desistamus consulendo quacunquē de re, quam viderimus admonitionem ad effectum pervenisse. Et enim qui hodie de elemosyna, cras de orando, perendie de humanitate, deinde rursus de animi modestia disserit, nihil horum in auditorum animis perficere recte poterit, ab hoc ad illud, rursus ab illo semper alio transiliens. Sed necesse est ut qui velit orationem in auditorum animis fructum destinatum assequi, non ante desistat iisdem de rebus admonens consulensque, nec prius ad aliud quippiam transiliat, quam conspexerit superiorem admonitionem in eis bene fixam ac radicatum. Idem hoc facere solent praeceptores. Non prius ad syllabas, hoc est, litterarum conjunctionem adducunt pueros, quam elementorum cognitionem in eis viderint recte confirmatam. Hesterno igitur die parabolam vobis de decem denariis, ac decem millibus talentorum enarrantes, ostendimus quantum esset malum, injuriarum meminisse. Quem enim decem millia talentorum non perdidit, hunc centum denarii exitio demerferunt, ac veniam pro debitis concessam, in irritum revocarunt, debitæque pecuniæ condonationem dissiparunt, eumque qui fuerat a criminibus liberatus in iudicium retraxerunt, atque ipsum debitorem in carcerem coniecerunt, denique immortalī supplicio tradiderunt. Sed hodie de diverso argumento dicere tentabimus. Oportuit enim de humanitate ac mansuetudine verba facientem, e domo atque ex sese istius præclaræ philosophiæ exempla præbere, atque ita demum simul & verbis eam docere, & factis ad eam instituere. Quoniam autem nos ab hac virtute longo absimus intervallo, uno quopiam e numero sanctorum in medium producto, oculisque vestris subiecto, perspicuam quandam ac potentem vobis admovebimus exhortationem, admonentes ut dum velut ad archetypi cuiusdam æmulationem adhortamur, admoneamus & nos ipsos.

Quis igitur in medium proferendus est, de humanitate dicturo? Quis vero alius, quam is qui coelesti testimonio laudari meruit, ob hoc ipsum maxime suspiciendus? *Inveni*, inquit, *David filium Jesse, virum secundum cor meum*. Porro posteaquam Deus pronunciavit, nulla contradicendi reliqua est occasio. Nam illius calculus incorruptus est, eo quod Deus nec ad gratiam, nec per odium iudicat, sed pro mera animi virtute fert suffragium. At non ob id tantum hunc in medium produximus, quod Numinis suffragio fuerit laudatus, verum etiam quod sit de numero eorum qui sub vetere Lege sunt educati. Siquidem sub Lege gratiæ exstitisse quempiam ab ira purum, & inimicis delicta condonantem, ac parcentem iis a quibus fuerit molestia affectus, nihil sane mirum: videlicet post Christi mortem, posteaquam ille tam clementer nobis omnia peccata remisit, post tot præcepta referta Evangelicæ philosophiæ. Cæterum in vetere Testamento quum lex permitteret oculum pro oculo effodere, ac dentem pro dente exundere, eumque qui læssisset talionis æquilibrio ulcisci, aliquem exstitisse qui præceptorum fines transilierit, atque ad Apostolicam pervenerit philosophiam, quem hominum si audierit, non adducet in stuporem? Quem si quod audivit nequaquam imitetur, non privet omni venia, omnique excusatione? Sed ut exactius pleniusque hujus *Davidis* virtutem cognoscatis: concedite mihi ut orationem paulo altius repetam, ejusque beneficia commemorem quæ beatus ille vir in *Saulem* contulit. Nam non ulciscieum qui simpliciter inimicus læssit, nihil miri est. At qui hominem a se multis affectum beneficiis, sed qui pro benefactis beneficium semel atque iterum imo frequenter interficere conatus sit, posteaquam in manus incidisset, ut jam liceret occidere, sustinuit, non ipsum dimittere tantum, verum etiam ex aliorum insidiis eripere, præsertim quum sciret illum post eadem moliturum, quid is reliquum fecit, quod ad summam philosophiam possit adjungi? Quibus autem beneficiis *David* affecerit *Saulem*, quando, & quo pacto, paucis enarrantem me sustinete. Quum aliquando *Judas* bello difficillimo premerentur, adeo ut omnes pavore essent consternati, nec quisquam auderet erigere caput, sed

A in extrema desperatione esset civitas, singulis mortem præ oculis habentibus, quotidieque mortem expectantibus cunctis, ut vitam agerent miseriorem iis, qui degunt in teterrimo carcere, hic ab ovibus veniens ad exercitum, quum per ætatem nec artem bellandi callere posset, ac laborum militarium rudis esset, ipse pro universis bellum in se recepit, ac feliciter rem gessit, supra quam quisquam sperasset. Quamquam etiam si virtuti defuisset eventus, tamen ob solam animi promptitudinem egregiumque propositum coronandus erat. Jam si quis e numero militum ætate vigens facinus hoc designasset, nihil fuisset mirum, videlicet id postulante militari lege. At qui usque adeo nullam videbat necessitatem huc adigentem, ut multos etiam haberet dehortantes: Nam & frater illum increpavit, & Rex perspicuens illum nondum ætate maturum ac periculis perferendis inhabilem cohibuit, ac manere iussit, dicens: *Non poteris ire, quoniam puer es, ille vero vir est bellator ab adolescentia sua*: attamen quum nulla illum provocaret occasio, suapte sponte & ex sese divino accensus zelo, patriæque caritate, perinde quasi oves cerneret verius quam homines, & quasi canes invasurus esset, potius quam tam numerosum hominum exercitum, adeo intrepide ad Barbaros cucurrit: idque temporis tantam erga Regem sollicitudinem declaravit, ut illum etiam ante prælium ac victoriam in faciem prostratum erexit. Neque enim factis modo juvit illum, sed ante factum etiam verbis hortatus est bono animo ut esset, ac persuasit, utque de eventu bonam conciperet spem, effecit, ita loquens: *Ne concidat cor Domini mei in ipso, quoniam servus tuus ibi pugnabitque cum alienigena hoc*. Quæso num hoc parum videtur, nulla necessitate compulsus, suam ipsius vitam prodere, & in eorum utilitatem a quibus nihil unquam acceperat beneficii, in medios hostes irruere? An non par erat, hunc post tale facinus ornare titulo Domini columnis inscripto, & publicum civitatis servatorem appellare? qui & regni decus, & civitatum fundamenta, & omnium vitam opitulante Dei gratia servavit? Quod esse poterat aliud beneficium hoc majus? Neque enim in gloriam aut potentiam, sed in ipsam ipsius vitam beneficium hoc contulit, & ab ipsis mortis portis revocavit. Atque hoc beneficium pervenit ad hominem. Per illum deinde vixit Rex, ac principatum obtinuit. Et postea, quam ille reposuit gratiam? Nam si quis perpendat præclare gestorum magnitudinem, etiam si Rex a suo capite detractam coronam *David* capiti imposuisset, nunquam parem retulisset gratiam, sed amplio-rem debuisset. Hic enim & vitam & regnum illi donavit, ille vero huic regnum tantum erat cessurus. Verum tamen consideremus relatum pro benefactis gratiam. Quæ tandem erat illa? De cætero & ab illo die suspectum habuit *David*, & ab illo metuit sibi. Cur & quam ob causam? Nam & suspicionis causa commemoranda est. Neque enim protinus quicquid aliquis dixerit, idem dicit esse justum. Quamquam erga eum qui animam impendit, vitam dedit, quæ poterat esse iusta suspicionis causa? Sed tamen ipsam inimicitiae causam inspiciamus, ut aliquid discatis, quod nec ipsa victoria sit inferius: quodque *David* sit honore dignus, ob ea ipsa propter quæ deinceps venit in suspicionem & insidiis appetitus est. Quæ igitur erat suspicionis causa? Posteaquam *Barbari* illius caput abstulit, & spolia gestans rediit: *Exierunt*, inquit, *mulieres canentes ac dicentes: Percussit Saul in millibus suis, & David in decem millibus suis. Et iratus est Saul & suspectum habuit David ab eo die ac deinceps*. Cujus obsecro rei gratia? Etiam si hæc præter meritum fuissent dicta, ne sic quidem oportebat hostilem in *Davidem* gerere animum. Sed posteaquam ex rebus gestis, illius erga se benevolentiam habebat compertam, quippe qui nullo cogente aut compellente, suapte benevolentia tantum subisset discriminis, non oportebat deinceps quicquam de illo suspicari mali. Nuncautem ecce etiam ipsa laus dabatur promerito, & si fas est vera proloqui, in *Saulis* gratiam illa dicta sunt potius quam in *Davidis*. Debebat autem esse sua laude contentus, quod illi tribuissent mille. Cur igitur indignatus est, quod *David* tribuerint decem millia? Etenim si Rex ad bellum

bellum finiendum vel paululum aliquid momenti contulisset, recte tum dictum fuisset, *Saul in millibus, David in decem millibus*. Quod si ipse quidem pavidus ac tremens domi desedit in singulos dies mortem exspectans, hic autem totum facinus peregit, an non absurdum erat eum, qui nihil ad depellenda pericula contulerat, ob id indignari quod hic plus laudis tulisset? Nam si indignandum erat, *Davidem* potius conveniebat indignari, quod quum solus totum gessisset, alterum haberet laudis participem. Sed horum nihil dico. Verum illud dixerim: ut donemus non recte fecisse mulieres, easque fuisse crimini obnoxias & accusatione dignas: quid hæc ad *Davidem*? Neque enim ipse composuerat cantionem, neque illas jussit ea dicere quæ dicebant, neque adornarat illum laudationis modum. Proinde etiam si indignandum erat, mulieribus oportuit indignari, non publicitus de Republica bene merito, & infinitis digno coronis. At *Saul* omittis illis in *David* ferebatur. Jam si ea laude sublatus ille beatus invidisset rerum potenti, fuissetque in illum contumax, & aspernatus fuisset ejus imperium, forsitan aliqua fuisset invidendi causa. At si factus fuit humanior ac modestior mitiorque, si in subditorum ordine se continuit, quæ tandem erat justa dolendi causa? Siquidem quum is qui honore afficitur, attollitur adversus eum a quo provectus est, nec desinit in illius contemptum honore abuti: habet dolor nonnullam excusationem. Cæterum ubi persistit in honorando illum, aut potius magis obsequitur ceditque in omnibus, quem postea potest habere prætextum invidiæ? Itaque etiam si nihil aliud præclare gestum fuisset, ob hoc ipsum tamen magis erat diligendus, quod quum tantam nactus esset occasionem occupandi regni, persistit in sua modestia.

1 Sam.
18.

Neque enim quæ prius gesta sunt tantum, verum nec ea que consequuta sunt superioribus illis multo præclariora, sustulerunt illi animos. Quæ tandem illa? Erat, inquit, *David prudens in omnibus viis suis, & Dominus omnipotens erat cum eo, universusque Israel & Juda diligebat David, quoniam ipse ingrediebatur, & egrediebatur ante conspectum populi, & Melcho filia Saul & universus Israel diligebat illum, & sapiebat super omnes servos Saul, & honorabatur nomen illius valde. Et Jonathan filius Saul diligebat David vehementer*. Verum tamen quum universum populum ac Regis familiam sibi conciliatam haberet, quum ubique in bellis vinceret, nec usquam frustraretur successu, quumque pro bene gestis rebus illis, talem gratiam reciperet, non erexit cervicem, nec regnum affectavit, ne hostem ultus est, sed perseveravit in benefaciendo & in bellis pro Rege feliciter gerendis. Quis est tam efferatus & crudelis, cui ista non fuerint persuasura, ut inimicitiam deponeret, & invidiam abjiceret? At crudelem illum & inhumanum nihil horum flexit, sed ad hæc omnia cæcus, & invidiæ permittens animum, conatus est illum e medio tollere: & quid obsecro facientem (nam id majus est, ac stupendum) canentem cithara & ipsius insaniam sedantem. *David*, inquit, *psallebat manu sua quotidie, & hasta in manu Saul: ac sustulit Saul lanceam dixitque, insigam in David, & fixit in parietem, & declinavit David a facie ejus bis*. Age, potestne huic malitiæ quicquam adjungi? Qui nuper hostes abegerat, per quem civitas sibi fuerit reddita, cunctis pro victoria victimas immolantibus: *Saul* bene meritum & servatorem, ac bonorum illorum auctorem conatus est interficere, idque psallentem: ac ne beneficiorum quidem memoria furentem illum ac delirantem coercuit, sed iterum atque iterum torisit in illum lanceam, cupiens occidere. Et hujusmodi mercedem illi pro susceptis periculis reposuit. Idque fecit non uno die, sed sæpius. At sanctus ille post hæc omnia perseveravit curare Regis negotia, proque salute illius suscipere pericula, & in acie stare in præliis omnibus, suo periculo servare trucidatorem suum: denique nec dictis nec factis contristavit inimitem illam bestiam, sed concessit in omnibus, dictoque audiens fuit. Cumque victoriæ præmium non accepisset, sed omnium illorum periculorum mercede fraudatus esset, ne verbo quidem expostulavit unquam, non cum militibus, non cum Rege, propterea

rea quod hæc non gessisset spe mercedis, cœlitus exspectans retributionem.

Nec id solum est admiratione dignum, quod non poscit præmium, sed quod etiam quum daretur, ob eximiam animi modestiam recusavit. Siquidem posteaquam *Saul*, omnia molitus, & omnibus tentatis, non potuit illum interficere, consuit illi dolum per nuptias, ac novam quandam dotis ac dotalium formam commentus est. *Non enim cupit*, inquit, *Rex dotem, sed ut centum præputia exsolvat ab hostibus Regis*. Quod sentit, tale est. Occide mihi, inquit, centum viros, atque hoc erit mihi dotis vice. Hæc autem dicebat, cupiens illum obtentu conjugii hostibus objicere. Nihilo læcius *David* pro sua modestia res æstimans, recusavit conjugium, non deterrius periculis aut hostium metu, sed quod existimaret se se indignum affinitate Regia. Atque his verbis respondit ad servos illius: *An leve est in oculis vestris me facere generum Regis, quum ego sim vir humilis & inhonoratus?* Atqui debebatur hoc honoris, ut merces ac pensatio laborum. Verum usque adeo cor habebat contritum, ut post tot res cum laude gestas, post adeo splendidam victoriam, post expressam promissionem, indignum se judicaret, qui debitam reciperet mercedem, idque quum denuo esset se periculis objecturus. Posteaquam autem hostes devicerat, ac filiam Regis acceperat, rursus psallebat *David*, & quarebat *Saul* cum lancea percutere: *David autem declinavit, & hasta impacta est parieti*. Quem non ista vel exacte philosophiæ gnarum animique moderatissimi ad iracundiam excitassent? Quem, ut nihil aliud, certe quo familiæ suæ incolumitatem providentia tueretur, non perpulissent ad occidendum præter meritum insidias molientem? Neque jam res intra metum constitierat. Etiam si constitisset, sic quoque vindictæ modum a lege præscriptum mansuetudine superasset. Nam illa oculum pro oculo jussit effodere. *Saul* autem occidebat etiam, ut *David* pro tribus homicidiis, unum fuerit exacturus, pro tribus inquam homicidiis, nulla probabili de causa tentatis. Nihil tamen horum tentavit *David*, sed potius habuit fugere, & a patris ædibus exulare, atque erronem profugumque agere, & in calamitate sibi necessarium parare victum, quam Regi cædis occasionem dare. Nec enim eo spectabat, ut se ipsum ulcisceretur, sed ut illum ab eo malo liberaret. Hanc ob causam ab oculis inimici subduxit sese, ut subsidere faceret vomitum, contraheretque tumorem ulceris & invidiam mitigaret. Satiusest, inquit, me miserum esse, innumeraque pati acerba, quam hunc apud Deum de innocentis cæde condemnari.

E

F

Hæc non audiamus tantum, verum etiam imitemur, nihil non tum faciamus, tum patiamur, ut inimici similitatem erga nos deponant, nec illud inquiramus, utrum merito, an immerito malevolum animum erga nos gerant, sed hoc modo spectemus, qui fieri possit, ut nobis inimici esse desinant. Siquidem hoc spectat medicus, ut morbo liberet ægrotum, non, utrum merito an immerito sibi morbum contraxerit. Tu quoque igitur medicus esto ei qui te læsit, unum hoc quære, quo pacto illi morbum adimas. Id quod fecit hic beatus, egestatem præ divitiis, solitudinem præ patria, labores periculaque præ deliciis ac securitate, perpetuum exilium præ terrarum orbe elegit, ut *Saul* ab illo in ipsum odio malevolentiaque liberaret. At ne sic quidem melior factus est *Saul*, sed persequeretur, sed ubique circumibat quærens eum, quin non solum nihil læserat, sed quum esset læsus, tum maxima tum innumerabilia pro injuriis bona rependerat. Ac *Saul* imprudens post incidit in retia *Davidis*. Erat enim, inquit, *ibi spelunca, & ingressus est 1 Sam. Saul ut exoneraret alvum. David autem cum comitibus 24. suis in interiore spelunca parte sedebat, dixeruntque viri David ad illum. Ecce dies de quo dixit Dominus. Tradam inimicum tuum in manus tuas, faciesque illi quod placitum erit in oculis tuis. Et surrexit David, sustulitque laciniam chlamydis Saulis clanculum. Et post hæc percussit Davidem corripus, quod abstulisset laciniam chlamydis, dixitque David ad viros suos: Avertat a me Dominus, ne faciam verbum hoc Domina meo, Christo Domini, mittamque manum meam in illum, quoniam Christus Domini est*. Vidisti

Vidisti tensaretia, vidisti venatum insidiantem, vidisti A
venatorem erectum, vidisti omnes adhortantes, ut en-
sem in hostis pectus immergeret. Nunc mihi specta phi-
losophicam animi moderationem, specta luctam, vi-
ctoriam, coronam. Nam spelunca illa campus erat, in
eo lucta quædam admirabilis dictuque incredibilis facta
est. Luctatus est *David*, pugilem egit iracundia. *Saul*
positus erat certaminis materia. Agonothetes erat Deus.
Quin potius, non ipsi modo adversus se ipsum, pro-
priamque cupiditatem erat prælium, sed & adversus mi-
lites qui aderant. Etenim si voluisset animo moderari,
ac parcere ei qui læserat, consentaneum erat, ut & illos
metueret, ne forte ipsum contrucidarent in spelunca,
tanquam qui illorum salutem prodidisset, exitiumque B
attulisset, ac publicum ipsorum hostem servasset. Pro-
babile enim est illorum unumquemque dolore percitum,
hæc suo cum animo dicturos fuisse: Errones exulesque
facti sumus, domo, patria, cæterisque omnibus ex-
cussi, omniumque difficultatum tuarum consortes su-
mus. Et tu cum qui horum malorum tibi est auctor, in
manus tuas traditum cogitas dimittere, ne nobis un-
quam liceat ab his calamitatibus respirare, ac proditis
amicis hostem servare studes? Et quo pacto ista sunt
æqua? Nam si tuam ipsius salutem negligis, nostræ cer-
te vitæ parcas. Non tibi dolent antea, neque memor
es eorum quæ ab illo perpeffus es mala: certe ob ea quæ
futura sunt tolle hostem, ne majora & acerbiora perpe-
tiamur mala. Hæc ut verbis non sint prolocuti, tamen
animo secum volvebant, quum ista, tum istis etiam alia
majora. Verum nihil horum justus ille apud se perpen-
debat, unum illud spectans, quomodo posset redimiri
tolerantiæ corona, ac novam quandam admirabilemque
philosophiam philosophari. Neque enim perinde mirum
erat, si quum esset solus & absque comitibus pepercisset
illi a quo fuerat læsus, atque nunc est quod hoc idem
aliis præsentibus fecit, eo quod militum illorum præ-
sentia geminum adferat obstaculum iræ moderandæ.
Nobis ipsis frequenter evenit, ut quum statuerimus vin-
dictam remittere, & commissam condonare, post ubi vi-
derimus aliquos nos irritantes, & ad ultionem concitan-
tes, mutemus sententiam, & illorum dictis obtempe-
remus. Verum hoc non accidit huic beato, sed etiam
post illorum consilium & exhortationem, perseveravit
in animi sui decreto. At ne hoc quidem tantum est ad-
miratione dignum, quod nec aliorum admonitu di-
motus est a proposito, quodque non est illos veritus,
sed quod perfecit, ut & illi eandem animi moderatio-
nem fumerent. Magnum quidem, si quis suis cupidita-
tibus imperet: sed multo majus est & aliis persuadere
posse, ut & ipsi mentem eandem sumant cum ipso, aliis
inquam, qui nec modesti sunt homines, neque tempe-
rantes, sed milites, qui multis difficultatibus jam in de-
spirationem erant adducti, a quibus paululum respirare
cupiebant, haud ignari non modo totam malorum disso-
lutionem in hostis nece sitam esse, verum etiam pluri-
morum bonorum acquisitionem, quando nihil obstabat
quo minus illo trucidato protinus regnum transfret ad
Davidem. Attamen quum essent tam multæ res quæ mi-
lites irritabant, tantum valuit ille generosus, ut satellites
his omnibus fuerint superiores, hostique parcerent.
Operæ pretium vero est, etiam ipsorum militum audire
consultationem, eo quod exhortationis versuta malitia,
illustrat justi mentem solidam & inconcussam. Non enim
ita locuti sunt: Ecce qui multa in te molitus est mala, qui
necem tuam concupivit, qui nos immedicabilibus valla-
vit difficultatibus: Sed ubi perspexerunt quod hæc omnia
negligeret *David*, nec magnam haberet rationem in se
commissorum, allegant illi divinam auctoritatem, Deus,
inquiunt, illum tradidit, quo videlicet iudicium a Deo
profectum reveritus, promptius iret ad homicidium. Non
enim, inquiunt, tuam ipsius vicem ulcisceris, Deo sub-
fervis, ac minister es, illius sententiam comprobas. Sed
quo magis hæc illi dicebant, eo magis hic pepercit ho-
sti. Intelligebat enim quod Deus ideo tradiderat eum,
ut ipsi majores occasiones probandæ virtutis suppedita-
ret. Proinde tu quoque si quando hostis tuus inciderit in
manus tuas, cave putes esse datam ulciscendi opportuni-

tatem, sed servandi hostis oblatam occasionem. Eoque
tum maxime parcendum est inimicis, quum illi forte ve-
nerunt in potestatem nostram.

At hic fortasse dixerit aliquis: Et quid magni aut quid
miri, parcere ei quem habes in tua potestate? Complures
enim & alii Reges ad principatum evecti, sese in-
dignum judicarunt in tanto regni fastigio ab iis poenas
exigere, a quibus olim fuerant offensi. Nam ipsa po-
tentia sublimitas causam adfert reconciliationis. Verum
in hoc negotio tale nihil possis dicere. Neque enim *Da-
vid* ad principatum evectus, neque regnum adeptus ac
Saulem in manibus habens ita demum illi pepercit, ne
quis causari possit regni magnitudine dilutam fuisse iram:
sed quum sciret fore ut ille servatus rursus ad eadem re-
diret, & ipse in graviora pericula conjiceretur, ne sic
quidem occidit. Profecto hunc cum illis ne conferendum
quidem duxerimus. Siquidem illi quoniam habent cer-
tum tutumque pignus futuræ deinceps securitatis, me-
rito parcunt. Hic vero quum sciret se hostem in suam
ipsius perniciem amittere, ac salutem dare inimico,
haud tamen illum occidit, idque quum haberet multa
ad eam cædem impellentia. Etenim solitudo Regis ob
absentiam eorum qui possent *Sauli* esse auxilio, dein ex-
hortatio militum, præterea antea eorum memoria ac
futurorum metus: Ad hæc, quod si interfecisset inimi-
cum, non posset damnari cædis, quodque post cædem
peractam liceret ipsi violare legem: Hæc, inquam, cum-
que his alia plura urgebant compellebantque gladium in
illum stringere. Ast horum incitamentorum nulli cessit,
sed adamantis invicti more perstitit, philosophiæ mode-
rationisque legem servans. Cæterum ne dicas illum nihil
eorum sensisse affectuum quales nos illi per conjecturam
tribuimus, sed id quod accidit non fuisse philosophiam,
sed stuporem: considera, quam vehementer exasperatus,
sibi temperavit. Siquidem quod iracundiæ fluctus
in animo illius intumuerint, multaque cogitationum ja-
ctatio concitata fuerit, sed eam tempestatem refrenavit
timore Dei, animosque represserit, ex iis quæ facta
sunt perspicere licet. Surrexit, inquit, & abstulit oram
chlamydis Saulis clanculum. Vides quanta iræ tempestas
coorta fuerit? At non processit ulterius, neque fecit
naufragium, eo quod gubernatrix illico sentiens pericu-
lum, videlicet pia ratio, tempestatem vertit in tran-
quillitatem. Percussit enim, inquit, *Davidem cor ipsius*,
ac velut equum subsilientem ac ferocientem, revocavit
iram. Hujusmodi sunt sanctorum animæ, priusquam
concidant resurgunt, priusquam ad peccatum perveniant
refrenantur, eo quod sobriæ sint, semperque vigilant.
Et tamen quantum erat intervallum inter corpus &
chlamydem? At tamen ille se ipsum cohibuit ne progre-
deretur ulterius. Quin insuper & ob hoc ipsum graviter
seipsum condemnavit. Percussit enim, inquit, illum cor
ipsius, quod abstulisset extremum *chlamydis*, dixitque ad
viros: Nequaquam hoc mihi sit a Domino, propitius, in-
quit, sit mihi, si hoc voluissim. Ne concedat unquam
ut hoc faciam Deus, neque permittat me ad tantum de-
venire scelus. Quoniam videbat hanc philosophiam su-
perare pene naturam humanam cœlestique opus habere
momento, seque propemodum collabefactum ad cæ-
dem, precatur ut Dominus conservet illi manum im-
pollutam. Quid tandem hoc animo possit esse mitius?
An hunc posthac dicemus hominem qui in natura hu-
mana vitam præstitit Angelicam? Verum id non passu-
ræ sunt divinæ leges. Quis enim, obsecro te, facile susti-
neat a Deo ejusmodi petitionem petere? Quid dixi,
hujusmodi. Quis sustineret, non precari adversus eum
qui molestus fuisset? Quis hoc, quæso, facile perferret?
Nam plerique mortales eo feritatis abrepti sunt, ut quum
sint adeo imbecilles, ut non queant eum a quo lacerati
sunt ullo incommodo afficere, Deum ad ultionem invo-
cent, obsecrantes ut ipsis donet iis a quibus læsi sunt ma-
nus injicere. Hic vero illis omnibus velut ex diametro
contraria precando, rogat ne permittat ut manus inji-
ciat, loquens hunc in modum: Ne mihi hoc accadat, o
Domine, ut injiciam manum meam in illum: perinde
quasi de filio ita de hoste loquitur, quasi de prole germa-
na. Neque pepercit tantum, verum & excusationem
pro

pro eo componit. Vide vero quam prudenter quamque sapienter. Siquidem quum vitam *Saulis* perscrutans nihil invenisset boni, ut dicere possit, non sum ab illo læsus, nec ullo affectus incommodo: (protinus enim his reclamaturi erant milites qui aderant, Regisque malitiam experimento cognoverant) alia ex parte circumibat studens probabilem invenire excusationem. Id quum non posset, nec ab illius vita, nec a factis, ad dignitatem illius confugit dicens: *Quoniam Christus Domini est*. Quid ais, inquit? quod scelestus, quod sceleribus opertus, ac vitii innumerabilibus refertus, & in nos extrema cogitans? Non. Sed Rex est, sed Princeps, sed præsentiam in nos suscepit. Neque tamen dixit, Rex est, sed *Christus Domini est*, non ab humano honore, sed a coelesti iudicio sumpto honorifico testimonio. Contemnis, inquit, conservum tuum, reverere Dominum. Aspernaris electum, metue eum qui elegit. Etenim si vulgares istos principes ab Imperatore designatos, etiam si sunt improbi, si fures, si prædones, si injusti, si denique quodcunque aliud fuerint, timemus cum horrore, non propter malitiam despicientes eos, sed propter dignitatem illius a quo electi sunt, reverentes: multo amplius id facere convenit, in his quos elegit Deus. Nondum, inquit, Deus abdicavit illum principatu, nondum fecit eum ex Rege privatum. Itaque ne invertamus ordinem, neque rebellemus Deo, Apostolicum illud dictum factis præstantes: *Quoniam quisquis resistit potestati, Dei ordinationi resistit*. Quicumque autem resistunt, sibi ipsis accipient damnationem. Non solum appellavit illum, *Christum*, hoc est, unctum & Regem, verum etiam suum *Dominum* vocat. Non est protecto mediocris philosophiæ, hostem honoris & obsequii vocabulis appellare. Atque id rursus quam sit magnum, ex his quæ cæteris accidunt, queat aliquis perspicere. Plerique siquidem inimicos suos ne nudis quidem ac simplicibus nominibus appellare sustinent, sed aliis vocabulis accusationem habentibus eos nominant, puta, illum impium, illum insanum, illum mente captum, illum delirum, illum pestilentem: aliaque multa contexunt, hisque notis designant hostem. Id esse verum, exemplo non eminus petito, sed e proximo sumto docebo: nimirum ab hoc ipso *Saule*, qui iustum hunc ob vehemens odium non sustinuit proprio vocare nomine: sed quum aliquando festum quoddam celebraretur, requirens eum dicebat, *ubi est filius Jesse?* Sic autem appellavit eum, partim odio proprii nominis, partim genitoris humilitatem notans, sperans fore, ut hoc pacto iusti fama contaminaretur, haud intelligens hominem nobilem illustremque reddi solere non progenitorum claritate, sed animi virtute. At non itidem fecit beatus *David*. Neque enim patris cognomento vocavit illum, quanquam is quoque fuit admodum humilis & contemptus: neque nudo simplici nomine designavit, sed dignitatis & principatus titulo. Usque adeo purum ab omni malevolentia gerebat animum.

Proinde tu quoque, carissime, hunc imitans, illud in primis discito, ne unquam inimicum famosis nominibus, sed honorificis potius appelles. Etenim si os assueverit eum qui læsit, honoris obsequiique nominibus appellare, & animus hæc audiens a lingua doctus, non refugiet cum illo redire in gratiam. Nam ipsa verba remedium erunt optimum ulceris in corde tumescentis. Hæc nunc locutus sum, non tantum ut laudemus *Davidem*, sed ut æmulemur quoque. Hanc igitur historiam in suo quisque corde sibi depingat, contemplatione veluti manu assidue proponens oculis, speluncam illam, illam chlamydem, ipsum *Saulem* intus dormientem somnoque perinde ut catena vinctum, eumque qui gravissime læderat dextræ subiectum, *David* imminet dormienti, præsentis milites & ad cædem exhortantes, beatum illum philosophantem, hoc est, & illorum animos & suam ipsius iram cohibentem, eumque qui tam multa peccaverat excusantem ac defendentem. Hæc inquam, non solum in animo depingamus, verum etiam in confessoribus inter nos assidue loquamur: has apud uxorem, has apud liberos frequenter renovemus narrationes. Etenim si de Rege loqui voles, ecce Rex: si de militibus, si

A de re familiari, si de publicis civilibusque negotiis, videbis in Scripturis horum omnium magnam copiam. Huiusmodi commemorationes maximam adferunt utilitatem. Impossibile est enim, impossibile inquam est, animum in hoc genus historiis versantem, a cupiditatibus superari. Ergo ne tempus inutiliter consumamus, neve vitam nostram frustra teramus, in nugis ineptis ac supervacaneis, sed fortium virorum discamus res gestas: de his assidue disseramus. Quod si quis voluerit, aut de spectaculis, aut de cursu equorum, aut alioqui de rebus nihil ad te pertinentibus verba facere, ab illa materia fac eum revoces & in huiusmodi narrationem inducas, quo simul & purgatis animis, & voluptate quæ periculo careat delectati, denique ipsi mites ac placabiles erga cunctos male de nobis meritos facti, ex hac vita migremus, & in futuro seculo nullum habentes inimicum bonis etiam æternis perfruamur, gratia & bonitate Domini nostri Jesu Christi, cui gloria in omnæ ævum, Amen.

H O M I L I A I I.

Magnum esse bonum, non tantum exercere virtutem, verum etiam laudare; quodque David magnificentiæ trophæum erexerit, parcendo Sauli quam prostrato Goliath; quodque hæc faciens magis profuerit sibi quam Sauli; deque excusatione ipsius apud Saulem.

Vos quidem hesterno die laudastis *Davidem* ob maiorum tolerantiam, ego vicissim admirabar vestram erga *Davidem* benevolentiam ac caritatis affectum. Non enim oportet expetere modo & æmulari virtutem, verum etiam eos qui virtutem amplectuntur laudibus venerere, & admirandos prædicare, nobis fructum aliquem eumque haud vulgarem adfert. Quemadmodum ex adverso pravitatem non æmulari tantum, verum etiam in ea viventes laudare, supplicium haud mediocre nobis conciliat: & si fas est quiddam novum & admirandum dicere, gravius supplicium quam manet illos ipsos qui male vivunt. Id declarans *Paulus* posteaquam omnem malitiæ speciem enumerarat, accusassetque omnes qui leges Dei conculcant, de illis ipsis mox subjicit: *Qui quum Dei iustitiam nossent, quod qui talia faciunt digni sunt morte, non solum ea faciunt, sed & comprobant illa facientes*: demonstrans hoc esse gravius illo. Nam collaudare insuper delinquentes, quod ad supplicii pertinet æstimationem, longe plus est quam delinquere. Idque jure optime, propterea quod hoc suffragium proficiscatur ab animo plane corrupto, & insanabili morbo laborante. Siquidem is qui dum peccat, condemnat interim peccatum suum, poterit aliquando temporis progressu ad se redire: cæterum qui laudat malitiam, is se ipsum privavit curatione quam adfert poenitentia. Proinde merito *Paulus* pronuntiavit hoc illo esse gravius. Itaque sicuti qui prava non tantum faciunt, verum etiam tales collaudant ac prædicant, eandem aut etiam graviores poenam sortiuntur: ita qui bonos laudibus vehunt ac suspiciunt, coronarum illis repositarum fiunt participes. Quod ipsum ita esse, e Scriptura licet perspicere, Deus enim ita loquitur *Abraham*: *Benedicentibus tibi benedicam, & maledicentibus tibi maledicam*. Idem in *Olympiacis* certaminibus accidere videbit aliquis. Neque enim athleta tantum coronam gestans, quique laborem ac sudorem pertulit modo, verum & is qui admiratur victorem, non minimam laudis illius ac voluptatis partem decerpit. Quapropter & ego non solum generosum illum ac magnanimum ob animi moderationem effero beatumque prædico, verum & vos ob benevolam erga illum animam. Ille quidem certavit ac vicit, coronamque tulit: vos autem quia victoriam collaudastis, non mediocre coronæ laudisque partem vobis tulistis. Ut igitur uberior sit vobis ista voluptas, ac fructus abundantior, agendum reliquas quoque huius historiæ partes vobis perolveramus.

Quum historiæ Scriptor commemorasset verba, quibus *David* abhorruit a cæde, subiecit: *Non permisit illis ut surgerent & occiderent Saul*: simul & illorum animos ad cædem promptos, & huius fortitudinem demonstra-

re volens. At isti sane qui videntur per philosophiam habere moderatos affectus, etiam si ipsi in se non recipiunt homicidium, nolunt tamen alios occidere parantes cohibere. At non ita *David*, sed perinde ac si depositum ac pignus aliquod suæ fidei concreditum accepisset, pro quo rationem foret redditurus, ita non tantum ipse non attigit inimicum, verum etiam alios occidere volentes coercuit, satelles optimus & corporis custos pro hoste factus. Itaque nequaquam aberravit a vero qui dicat, *Davidem* id temporis in gravius incidisse discrimen, quam ipsum *Saulem*. Neque enim leve certamen periculumque sustinebat, dum omnibus modis conatur illum ab insidiis eripere, quas ei parabant milites: neque perinde metuebat, quum ipse esset occidendus, ac formidabat, ne quis militum iræ obsequens perderet hominem: eamque ob causam ejusmodi commentus est excusationem. Atque illi quidem accusabant, accusabatur autem *Saul* dormiens, sed defendit inimicus, Deus vero iudex erat, ac *Davidis* sententiam confirmavit. Neque enim absque Dei præsidio valuisset illos furentes devincere: sed hæc erat Dei gratia, in Prophetæ labiis residens, quæ veluti suadelam quandam addebat illius verbis. Tametsi non leve momentum & *David* huc attulit, qui, quoniam illos superiore tempore sic instituerat, idcirco in articulo certaminis paratos illos ac morigeros reperit. Præfuerat enim illis non ut belli dux militibus, sed ut sacerdos, jamque spelunca illa erat Ecclesia. Neque enim aliter atque aliquis Episcopi fortitus munus, ad illos concionem habebat: ac peracta hac concione sacrificium obtulit, idque admirabile quoddam dictuque incredibile: haud quidem mactato vitulo, aut occiso agno, sed quod his erat multo honorificentius, mansuetudinem & humanitatem offerens Deo, atque irrationabili animi motu mactato, occisæque iracundia, videlicet mortificationis membris quæ sunt super terram. Et factus est idem tum victima, tum sacrificus, tum altare. Siquidem & ratio quæ offerebat mansuetudinem atque humanitatem, & ipsa humanitas ac mansuetudo, denique cor in quo hæc offerebantur omnia erant ejusdem hominis. Posteaquam igitur hanc immolasset præclaram victimam, posteaquam victoriam tulit, neque quicquam prætermisit quod ad trophæum faciebat, surrexit tandem horum certaminum materia *Saul*, & egressus est e spelunca ignarus omnium quæ gesta fuerant. Egressus est autem post illum & *David*, liberis deinceps oculis cælum intuens, ac tum temporis magis exultans, quam quum *Goliath* deiecisset, ac Barbari caput amputasset. Siquidem hæc illa magnificentior erat victoria, hæc magnificentiora spolia, hæc præda illustrior, hoc gloriosius trophæum. Siquidem illic & funda & lapidibus & acie habebat opus. Hic vero cuncta prudentia rationeque peracta sunt, ac sine armis contigit victoria, atque incruentum trophæum erectum est. Itaque rediit, non barbari illius caput gestans, sed animi commotionem mortificationem, sed iram enervatam. Neque hæc spolia reposuit *Hierosolyma*, sed in cælo inque superna illa civitate. Nunc haudquaquam in choris obviam veniebant foeminae excipientes illum cum laudibus: sed Angelicus populus e sublimi applaudebat, admirans ejus philosophiam & humanitatem. Ascendit enim hoste vulneribus innumeris fauciato, ut qui tametsi servasset *Saulem*, tamen illum se vera hostem Diabolum multis plagis confixit. Quemadmodum enim nobis per iracundiam inter nos pugnantibus & mutuo conflictu collisis, ille tum gaudet, tum floret: ita nobis pacem habentibus & concordibus, iræque moderantibus, rursus contrahitur ac deicitur, nimirum hostis pacis & inimicus concordiae, & invidiæ pater. Egressus est igitur *David*, dextram illam totius orbis pretio parem, simul cum capite coronatam gestans. Quemadmodum enim sæpenumero fit, ut imperatores eorum qui egregie sese in pugilum certamine, aut in reliquis certandi generibus gesserunt, ante caput coronent dextram: ita & Deus manum illam coronavit, quæ gladium purum potuerit educere, ensæque Deo nullo sanguine contaminatum ostendere, denique adversus tantam iracundiæ procellam resistere. Non egressus est gestans *Saulis* diadema, sed egressus est

A gestans coronam justitiæ. Non egressus est gestans Regis purpuream vestem, sed egressus est amictus humanitate, naturam humanam superante, quod pallium est quavis stola magnificentius. Egressus est e spelunca, tanta cum gloria, cum quanta tres pueri egressi sunt e camino ardente. Nam quemadmodum illos non exussit ignis, ita hic non conflagravit iræ incendio. Et illis quidem foris nihil ignis in quo versabantur nocuit, hic vero quum intus haberet carbones accensos, quum foris videret Diabolum caminum incendientem, idque variis modis, ab inimici conspectu, ab exhortatione militum, a facilitate perficiendi cædem, a solitudine eorum, qui *Saulis* possent auxiliari, a præteritorum memoria, a futurorum periculorum metu: siquidem hæc & sarmentis, & stipulis, ac cæteris omnibus quibus caminus ille, *Babylonius* incendebatur, lucidiorem excitabant flammam: tamen non exarsit *David*, neque ullo pacto sic fuit affectus, quemadmodum consentaneum erat hominem affici tot modis irritatum; sed exivit purus, & intuitus inimici faciem, hinc maxime sumpsit animum fortem ac philosophicum. Cum enim videret illum manere immobilem, neque quicquam posse facere, suo cum animo locutus est *David*. Ubi nunc ille furor? ubi illa malitia? ubi tot technæ, tot insidiæ? Abierunt omnia illa, perieruntque exigui somni incursu. Jacet alligatus Rex, quum nihil horum nos neque cogitaverimus neque perfecerimus. Conspectabat illum dormientem, ac de morte omnibus communi philosophabatur. Somnus enim nihil aliud est, quam mors temporaria, & unius diei interitus. Haud intempestivum fuerit, si quis hic meminerit etiam *Danielis*. Quemadmodum enim ille ascendit e lacu superatis feris leonibus: itidem hic e specu prodiit, aliis bestiis longe sævioribus devictis. Nam sicut iusto illi leones hinc atque hinc affidebant, ita hunc omnibus leonibus efferatioribus ac validiores animi motus invaserunt, hinc indignatio de præteritis, hinc futurorum metus: verum horum utrumque hic coercuit, ora bestiis occludens, ipsis factis docens, nihil esse tutius quam parcere inimico. Contra nihil periculosius, quam velle ulcisci ac vindictam sumere. Alter igitur qui statuerat invadere, nudus & inermis, omnibusque destitutus auxiliis, non aliter quam captivus in manus inimici traditus jacebat: hic vero dum cedit, & ubique dat locum, dumque ne iuste quidem vult manus injicere, sine machinis, sine armis, sine equitatu, sine militibus, hostem in potestatem suam accepit, & quod est omnium maximum, Deum erga se benevolentiora reddidit. Non enim eo beatum prædico sanctum illum, quod hostem viderit sub pedibus suis jacentem, sed quod illi in manus dato pepercerit: quorum alterum fuit opus divinæ potentiae, alterum *Davidicæ* philosophiæ. Quomodo milites deinceps illum observasse consentaneum est, quanta erga illum benevolentia fuisse affectos? Nam si mille habuissent vitas, an non prompte impendissent pro suo duce, jam ex reverentia quam hosti præstitit re ipsa perspectum habentes, quam benevolum animum gereret erga suos. Cæterum qui mitis ac mansuetus est in eos a quibus molestia affectus est, multo magis erit erga benevolos eum affectum gesturus: quæ profecto res fuit illi maximum securitatis pignus. At non in ipsum modo benevolentiores erant, verum etiam adversus hostes promptiores; quod scirent se Deum habere propugnatores, qui semper adesset duci, omnes illius actiones prosperans. Idcirco postea *David*, non jam ut homini, sed ut Angelo parebant. Itaque *David* & priusquam Deus ipsi mercedem rependeret, etiam in hac vita majus accepit præmium, ac illustriorem tulit victoriam, servato *Saule*, quam si eum mactasset. Quod enim tanti pretii lucrificasset præmium occiso hoste, quantum nunc tulit, illi parcendo? Hæc igitur & tu tecum expende, ubi ceperis eum qui te læsit, multo esse majus ac lucrosius parcere quam perdere. Siquidem is qui occidit inimicum, frequenter & ipse sese condemnabit dum pravam gerit conscientiam, dumque in singulos dies, & singulas horas, a peccato illo urgente affligitur. At qui pepercit brevique tempore vicit affectus suos, post exultat ac delectatur optima spe fultus, ac tolerantia brachium

beam expectans a Deo. Quod si quando in aliquod acerbum inciderit, multa cum fiducia, præmium a Deo repositet: quemadmodum & hic magna miraque in hostem exhibitæ reverentiæ præmia deinceps divinitus recepit.

Sed quæ sequuntur videamus. *Exiit David spelunca, post Saulem, clamavitque post illum ita dicens: Domine mi Rex. Et respexit Saul post tergum suum, & vidit David in facie prostratum in terram, & adoravit eum.* Hæc non minus adferunt ornamentum Davidi, quam servatus hostis. Neque enim vulgaris erat animi, non inflari beneficiis in proximum collatis, perinde ut mancipia superciliis adductis despiciendo quos beneficio juverint. At non ita beatus David, quin potius, post impensa beneficia, pleniore mensura effudit beneficentiam. Nihil autem eorum quæ præclare gesta fuerant suæ ipsius industriæ ferebat acceptum, sed totum divino muneri ascribebat. Eoque qui servarat, idem adorabat servatum: rursusque Regem nominat, videlicet, ob illius dignitatem animi tumorem reprimens, iramque mitigans, & invidiam submovens. Audiamus porro & excusationem ipsam: *Cur audis verba populi dicentium tibi, ecce David quarit animam tuam?* Et tamen qui hanc conscripsit historiam prius dixit, quod totus populus esset cum David, quodque gratus esset in oculis servorum Regis, & quod Principis filius universusque exercitus animo starent a Davide. Quo pacto igitur hic ait fuisse qui deferrent ipsum ac Saulem in eum provocarent? quum non aliorum instinctu, sed ipse ex propria mente malitiam hanc peperisset, ut bellum gereret cum iusto: idque declaravit qui volumen conscripsit, quum ait, e laudibus Davidis natam esse invidiam, quodque progrediens crevisset indices. Quam igitur ob causam, crimen transtulit in alios dicens: *Cur audis verba populi tui, dicentium, ecce David quarit animam tuam?* nisi ut illi præbeat occasionem excutiendi malitiam. Hoc nimirum & parentes sæpenumero faciunt erga filios, dum quispiam corripiens filium suum corruptum, multaque operatum mala, quamvis sibi persuasum habeat, illum ex propria malitia ad perditos mores exorbitasse, frequenter tamen in alios culpam rejicit, ita loquens: Novi non fuisse tuum delictum, sed alii te corruerunt, ac seduxerunt. Illorum est totum hoc peccatum. Nam hæc audiens filius poterat paulatim a malitia respiciens facilius ad bonam frugem reverti, dum pudeat erubescitque, hac laude videri indignus. Idem fecit Paulus scribens Galatæ. Post multos illos ac prolixos sermones, postque non commemorandas accusationes, quibus illos accusarat sub Epistolæ finem, volens ab illis amovere culpam, ut aliquantulum a criminibus recreati ad excusationem venire queant, hunc in modum loquitur: *Ego confido de vobis, quod nihil aliud sentietis. Caterum qui vos perturbat feret iudicium quisquis ille fuerit.* Itidem fecit & David hic. Cum enim ait: *Cur audis verba populi dicentis, ecce David quarit animam tuam,* indicat, alios esse qui provocarent, alios qui animum illius inficerent, modis omnibus studens illi porrigere excusationis occasionem. Mox suam ipsius causam agens ait: *Et ecce videntur oculi tui hodie, quod tradiderit te Dominus in manus meas in spelunca, quodque noluerim occidere te, sed pepercerim tibi, dixerimque: Non injiciam manum meam in Dominum meum, quoniam Christus Domini est.* Illi quidem, inquit, verbis calumniantur, at ego re ipsa me purgo, ipsique factis depello crimen. Mihi nihil opus est verbis, quum ipse rerum exitus quavis oratione clarius possit te docere. Qui porro illi, & quis ego? & quomodo facta est adversum me mendax delatio, & calumnia? Harum rerum non alium, sed temetipsum testem invoco, te ipsum, inquam, qui meo beneficio servatus es.

Sed quomodo potuit Saul harum rerum esse testis, qui quum hæc fierent dormiebat, ac neque verba audivit, neque Davidem vidit tum præsentem, neque cum militibus colloquentem? Quomodo igitur ut evidens esset declaratio, ad testimonium citat eos, qui id temporis cum ipso fuerant? Nam Saul suspectum habuisset eorum testimonium, eosque iusto gratificantes ea loqui putasset. Quod si ratiocinationibus ac probabilibus argumentis tentasset excusare sese, futurum erat, ut mi-

nus ipsi crederetur, quippe jam corrupto iudicis animo. Quomodo enim is qui tot beneficiis affectus nihilo secius bello persequeretur nihil commertum, suspicari potuisset, quod aliquis injuria affectus, eum qui fecerat injuriam nactus in manus, pepercisset? Plerumque enim vulgus hominum ex suo animo de aliis iudicat. Velut qui assidue inebriatur, haud facile credere possit esse quempiam hominem sobrie frugaliterque viventem. Qui scortis indulget, etiam pudice viventes habet pro incontinentibus. Rursus qui res rapit alienas, non facile persuadetur, esse homines, qui sua quoque profundant. Similiter & hic semel occupatus ira, haud quaquam facile credidisset esse hominem usque adeo suis affectibus superiorem, ut non modo nihil læderet, verum & eum qui læserat, servaret. Quoniam igitur & animus iudicis erat corruptus, & testes si producti fuissent in suspitione erant futuri, consilio prudenti reperit probationem quandam, quæ posset & vehementer impudentibus obturare os. Quænam est hæc? Lacinia chlamydis quam indutus dicebat, *ecce lacinia chlamydis tuæ in manu mea, quam abstuli, nec occidi te.* Mutus quidem testis, sed omnibus vocem habentibus evidentior. Neque enim si non fuisset inquit proximus, ac corpori tuo vicinus stetitsem; potuisssem chlamydis amputare partem. Vides quantum sit ortum boni ex eo quod initio commotus fuerat David? Nisi enim ad iram commotus fuisset, neque philosophiam hominis cognovissemus, sed plerisque quod accidit, stupor potius fuisset visus quam clementia, neque chlamydis partem amputasset. Quod si non amputasset, non poterat aliis argumentis inimico fidem facere. Nunc vero, quoniam & commotus fuit, & amputavit, suæ providentiæ certissimum præbuit argumentum. Quoniam igitur hunc in modum verum & indubitabile testimonium exhibuit, ipsum mox inimicum, & iudicem & testem facit suæ erga Regem reverentiæ, loquens hunc in modum: *Cognosce & vide hodie quod non est in manu mea iniquitas, neque contemptus tui, & alligas animam meam ut capias eam.* Hinc vel maxime quis admirari debeat illius magnanimitatem, quod non sumit excusationem nisi ab iis quæ eo die acciderant: Nam hoc innuit quum ait, *Cognosce & vide hodie.* Nihil enim loquor de antea actis: Mihi ad probationem satis est hic dies, tamen si poterat multa magnæque enumerare beneficia, quæ prius in illum contulerat, si voluisset, poterat commemorare singulare certamen, quod cum barbaro suscepserat, ac dicere: Quum bellum Barbaricum ceu diluvium quoddam universam civitatem esset dissipaturum, consternatis vobis ac metu trepidis, quotidieque mortem expectantibus, ego accedens adeo nemine compellente, ut tu quoque prohiberes ac retineres dicens: *non poteris ire quoniam puer es, ille autem vir bellator a juventute sua:* non me continui, sed unus pro omnibus infilii, hostem excepi, caput amputavi, ac veluti torrentis impetum quendam, Barbarorum illorum insultus depuli, Rempublicam vacillantem constabiliavi, ac per me tu quidem regnum ac vitam, cæteri vero omnes præter vitam, civitatem ac domos, liberos & uxores obtinent. Ac post illud rursus trophæum, & alia bella quæ fortiter ac feliciter gesserat commemorare, hoc non inferiora. Ad hæc quod quum semel atque iterum, imo sæpius tentasset ipsum e medio tollere, lanceamque in caput illius toruisset: non tamen meminuit malorum, neque refricuit, quod post illa gesta, quum Saul deberet prioris pugnae reddere præmia, poposcit dotem, non aurum, non argentum, sed cædem & exitium ipsius. Ac ne id quidem abnuvit David. Nec ista tantum, sed his etiam multo tum plura tum majora dicere poterat. Verum nihil horum dixit, neque ei erat animus illi exprobrare benefacta, sed tantum persuadere, se esse unum ex eorum numero, qui ipsum & amarent & revererentur, non qui rebellionem aut insidias molirentur. Eoque prætermisiss illis omnibus, tantum quod eo acciderat die in excusationem adduxit. Usque adeo purus erat, & ab omni inani gloria immunis, nec alio respexit, quam ad unius Dei voluntatem. Deinde ait: *Judicet Dominus inter me & te.* Hoc verbum dixit, non quod cuperet puniri Saulem, aut de illo poenas sumi, sed ut illi formid-

nem injiceret, venturæ condemnationis commemoratione, neque ut timorem incuteret tantum, verum ut seipsum a criminis suspicione purgaret. Præcipuam quidem, inquit, probationem ex ipsis habeo factis: quod si non credis, ipsum Deum invoco testem, qui & cuiusque mentis arcana novit, & scrutari potest conscientias. Hæc autem locutus est, declarans, quod nequaquam ausus fuisset appellare iudicem illum cui non potest imponi, & in sese condemnationem accersere, nisi certissimum haberet, quod ab omni insidiarum crimine purus esset, quodque ea quæ dicebat non essent conjecturæ, sed simul & sese purgare cupiens & illum ad sobrietatem revocare, illius iudicii fecit mentionem. Atque illa quidem quæ jam gesta fuerant suffecissent ad innocentiae declarationem: non minus autem his & illa quæ postea acciderunt, huius rei fidem facere possunt. Nam quum rursus Saul incidisset in manus ipsius, post datam salutem imminens illi, & occidere volens, quumque posset hostem cum universo exercitu concidere, dimisit illum integrum & incolumem: idque quum sciret morbum Regis immedicabilem esse, neque illum unquam hostilem in se animum positurum, submovit sese ab oculis illius, & apud alienigenas ac Barbaros vitam agebat, servitutem serviens, honore privatus, pudore suffusus, labore ac miseria sibi ipsi parans ad victum necessaria.

Atqui non hoc tantum est quod miremur, sed illud quoque, quod posteaquam audierat Regem in acie cecidisse, & disscidit vestimenta sua, & cinere conspersus est, & eoluctu luxit, quo quis lugeret amisso primogenito germanoque filio: subinde nomen illius inclamans, una cum filii nomine, composito etiam in defuncti laudem encomio, ac voces acerbi doloris testes emittens, impastus duravit usque ad vesperam, exsecrans & ipsa loca, quæ Saulis sanguinem exceperant. *Montes*, inquit, *Gelboe*, ne cadas super vos neque ros neque pluvia, *montes mortis*, quoniam illic sublata sunt tabernacula potentium. Quod sæpenumero patres faciunt, ut domum etiam averfentur, & limen dolenter aspiciant per quod extulere filium: hoc & hic fecit, eos montes devovens, qui cædem illam exceperant. Odi, inquit, ipsum etiam locum, propter mortuos illic prostratos. Ne igitur irrigemini posthac coelestibus pluviis, quia semel irrigati estis amicorum meorum sanguine: eaque nomina subinde repetebat ita loquens: *Saul & Jonatha, amabiles ac speciosi, qui ut in vita sua non fuerant disjuncti, ita nec morte sua separati sunt.* Quoniam enim præsentia illorum corpora non licuit amplecti, nomina illorum conjuncta complexus est, suum dolorem hisce modis quatenus licuit leniens, & calamitatis magnitudinem mitigans. Præterea quoniam vulgo putabatur insanabile, ambos eodem cecidisse die, hoc ipsum arripuit in consolationis argumentum. Nam quod ait, *in vita sua non fuerant disjuncti, nec in morte sunt separati*, verba sunt nihil aliud agentis, quam ut hoc cedat in solatium doloris. Jam enim, inquit, non potest dici, quod filius orphanum esse se lugeat, neque quod pater orbitatem suam deploret: Verum quod nullis, inquit, obtigit, illis contigit, videlicet, uno eodemque die e vivis eripiente alteri superstiti. Existimabant enim vitam injucundam fore, si alter ab altero fuisset divulsus.

Commovemini nunc, lacrymamine nunc, & animo perturbamini? Equidem usque ad lacrymarum effusionem, mutabiles facti sunt oculi vestri. Nunc mihi quisque recordetur inimici qui læsit, dolore etiamnum in animo æstuante, atque hunc & vivum observantia prosequatur, & vita defunctum deploret, haud quidem ad ostentationem, sed ex animo, veroque corde, etiam si quid perferendum sit incommodi. Ne quid offendant eum qui læsit omnia tum faciat tum patiatur, magna a Deo exspectans præmia. En hic noster David, etiam regnum adeptus est, nec tamen inquinavit cædem manus, sed dextram habens puram, sic corona redimitus est, sic ad thronum ascendit, honesti nominis argumentum gestans, purpura ac diademate magnificentius, videlicet, quod hosti pepercisset, quod eundem extinctum luxisset. Atque ob hæc, non vivus mo-

do, sed & mortuus hominum memoria celebratur. Quapropter ô homo, si cupis & hic perpetuam consequi gloriam, & illic solidis perfrui bonis, huius justitiam virtutem imitare, huius æmulare philosophiam, ostende factis ipsis hanc injuriarum tolerantiam, ut eosdem cum eo labores sustinens, eadem cum hoc bona consequaris. Quæ utinam contingat nobis omnibus adipisci, gratia & benignitate Domini nostri Jesu Christi, cui cum Patre una cum sancto Spiritu, gloria, imperium, honos nunc & semper & in sæcula sæculorum, Amen.

HOMILIA III.

Periculosum esse adire spectacula, quodque ea res adulteros perfectos facit, & hinc socordia belumque nascatur: tum quod omne tolerantiae genus David in his quæ fecit erga Saulem superavit: postremo quod rapinam æquo animo ferre, non minor virtus sit quam largiri eleemosynam.

EQUIDEM arbitror multos ex his qui heri nos destituerant, & ad iniquitatis spectacula discesserant, hodie præsentibus esse. Optarim autem istos qui sint palam, nosse, ut eos a sacris vestibulis arceam, non ut perpetuo foris maneant, sed ut correcti denuo redeant. Quandoquidem & patres filios delinquentes frequenter ex ædibus exigunt & a mensa submovent, non ut semper illinc exulent, sed ut hac correptione redditi meliores, cum debita laude in paternum redeant contubernium. Idem sane faciunt & pastores, dum oves scabie oppletas, a sanis segregant, ut misero morbo levatae, denuo tuto ad sanas revertantur, potius quam ægrotæ gregem universum suo illo morbo impleant. Has ob res cupiebamus & istos nosse, sed quamvis eos oculis agnoscere non valeamus, Verbum tamen Dei filius eos prorsus agnosceret, correptaque illorum conscientia facile persuadebit ut sua sponte volentesque redeant, docens quod ille solus sit intus, qui mentem hac exercitatione dignam largiatur: veluti contra, qui corrupte vivens huius congregationis particeps est, etiam si corpore hic astiterit ejectus est, veriusque submotus est, quam hi qui sic foras exclusi sunt, ut nondum liceat illis sacræ mensæ participes esse. Siquidem illi secundum divinas leges expulsi, forisque manentes hætenus spei bonæ sunt, si modo velint corrigere delicta sua. Per Ecclesiam ejecti sunt, possunt denuo cum pura conscientia reverti. At qui seipso contaminant, & admoniti ne prius introeant, donec maculam e sceleribus contractam repurgarint, dein pudet agere poenitentiam, ulcus animi reddunt acerbius ac majus. Neque enim tam grave est delinquere, quam post delictum de remedio erubescere, nec parere Sacerdotibus talia jubentibus. Et quid hic, inquirunt, adeo magni sceleris commissum est, ut ab istis sacris cellis arcendi sint. Imo quod delictum his gravius quæris? quum seipso plane adulterio contaminarint, impudenter ac rabientium more canum, ad sacram hanc mensam irruunt? Quod si avetis adulterii modum cognoscere, non mea verba vobis referam, sed illius qui de tota hominis vita iudicaturus est, *Qui viderit, inquit, mulierem ad concupiscendam illam, jam machatus est eam in corde suo.* Quod si mulier sponte ac forte in foro obvia, & neglectius culta sæpenumero curiosius intuentem cepit ipso vultus aspectu: isti qui non simpliciter neque fortuito, sed studio & tanto studio, ut Ecclesiam quoque contemnant, & hac gratia pergunt illuc, ac totum ibi desidentes diem in facies foeminarum illarum nobilium defixos habent oculos, qua fronte poterint dicere, quod eas non viderint ad concupiscendum? ubi verba quoque accedunt fracta lascivique, ubi cantiones metreticiæ, ubi voces vehementer ad voluptatem incitantes, ubi stibio picti oculi, ubi coloribustinctæ genæ, ubi totius corporis habitus fucorum impostura plenus est, aliaque insuper multa lenocinia ad fallendos inescandosque intuentes instructa: ubi socordia spectantium multaque confusio, & hinc nascens ad lasciviam exhortatio, tum ab iis qui spectaculis interfuerunt, tum ab illis qui quæ viderunt in spectaculis post aliis enarrant. Accedunt

huc

huc irritamenta per fistulas ac tibiae aliaque huius generis modulatio, in fraudem illiciens mentisque robur emolliens, ac meretricum insidiis delectatione præparans, illic desidentium animos, efficiensque ut facilius capiantur. Etenim si hic ubi Psalmi, ubi divinorum verborum enarratio, ubi Dei metus multaque reverentia, frequenter ceu latro quispiam versutus clam obrepit concupiscentia, quomodo qui desident in Theatro, qui nihil sani neque audiunt neque vident, qui undique obsidionem patiuntur per aures, per oculos, possint illam superare concupiscentiam? Rursum si non possunt, quomodo poterint unquam ab adulterii crimine absolvi? Tum qui non liberi sunt ab adulterii crimine, quomodo poterunt absque poenitentia ad hæc sacra vestibula accedere, huiusque præclari conventus esse participes? Quapropter equidem hortor rogoque ut prius confessione ac poenitentia, aliisque remediis omnibus sese a peccato ex Theatris spectaculis contracto, perpurgent, atque ita divinos audiant sermones. Neque enim hic mediocriter a nobis delinquitur, id quod vel ab exemplis cuiusvis perspicue videre licet. Nam si famulus in arculam ubi herilia vestimenta pretiosa aureaque recondita sunt servilem tunicam sordibus ac multis pediculis refertam imponat, age dic mihi, num eam contumeliam æquo animo ferres? Quid autem si quis in vasculum aureum, in quo semper unguenta servari consueverint, stercus ac cœnum infundat, an non & plagas infligeres qui scelus hoc commississet? Et post hæc, scriniorum ac vasorum, vestium, & unguentorum tanta cura sollicitabimur, animam vero nostram, omnibus istis viliorum esse putabimus? atque ubi Spiritus infusum est unguentum, eo Diabolicas pompas immitteremus? eo fabulas Satanae, eo cantilenas meretriciae turpitudinis plenas? Agedum dic mihi, quo animo ista feret Deus? Atqui non tantum est discrimen inter unguentum & cœnum, inter vestes heriles & serviles, quantum est inter Spiritus gratiam, & istam perversam actionem. Non metuis non expavescis dum oculis, quibus illic lectum qui est in orchestra spectas, ubi detestandæ adulterii fabulæ peraguntur, iisdem hanc sacram mensam intueris ubi tremenda peraguntur mysteria? dum iisdem auribus audis & sortum obscœne loquens, & Prophetam Apostolumque ad arcana Scripturæ introducens? dum eodem corde, & letalia fumis venena, & hanc hostiam sanctam ac tremendam? An non hæc sunt vitæ subversio, conjugiorum corruptelæ, bella pugnaeque & rixæ in domibus? Quum enim spectaculis dissolutior ac mollior lasciviorque omnisque pudicitiae hostis factus, domum redieris, uxoris aspectus minus erit jucundus, qualiscunque etiam illa fuerit. Siquidem inflammatus illa concupiscentia quam in spectaculis hausisti, & ab illa nova spectatione, quæ te dementavit, captus, sobriam ac modestam uxorem, victuque plebejo contentam despicias, contumelia afficis innumerisque probis operis, non quod quicquam habeas quod in illa culpes, sed quod erubescas confiteri morbum, quod pudet vulnus ostendere quo in spectaculis fauciatus redisti domum: alias nectis causationes, iniquas inimicitiae quaerens occasiones, omnia quæ domi gerenda sunt fastidiens, & ad scelestam illam & impuram inhians concupiscentiam, a qua vulnus accepisti: dumque sonitum vocis geris in auribus tinnientem, cumque his, vultus, motus, breviter, omnia illa meretriciae libidinis simulacra, nihil eorum quæ domi sunt cum voluptate intueris. Et quid loquor de uxore aut familia, quando ipsam etiam Ecclesiam postea minus libenter visurus es, cum tædio audies sermonem de pudicitia deque modestia. Neque enim jam ea quæ dicuntur tibi pro doctrina sunt, sed pro accusatione, teque paulatim in desperationem adducunt: tandem & abruptes te ipsum a disciplina ad publicam omnem utilitatem adhibita. Quapropter rogo vos omnes, ut & ipsi pravas in spectaculis commorationes vitetis, & alios ab his deductos retrahatis. Quidquid enim illic geritur, non est oblectatio, sed perniciēs, sed poena, sed supplicium. Quid prodest illa temporaria voluptas? dum hinc perpetuus nascitur dolor, dumque nocte pariter ac die a concupiscentia stimulus omnibus molestus es & invisus. Excute igitur

te ipsum, reputans qualis fias ab Ecclesia rediens, rursus qualis a spectaculis, atque hos dies cum illis conferas: id si feceris, nihil opus erit meo sermone. Satis enim fuerit, hunc diem cum illo comparasse, ad ostendendum & quam magna sit hinc utilitas, & quanta sit illinc noxa. Hæc nunc ad vestram caritatem dicenda putavi, nec unquam dicere cessabo. Sic etenim & eos qui huic morbo obnoxii sunt, admonebimus: & qui sani sunt, confirmabimus: utrisque enim fuerit utilis hæc oratio, alteris quidem ut desistant, alteris vero ne incidant.

Cæterum quoniam oportet & increpationem esse moderatam, hic admonitioni finem imponemus, quæ de superiore restant argumento persolvemus, redeuntes ad *Davidem*. Siquidem hic pictoribus mos est quoties imaginem aliquam ad vivum expressam absolvere cupiunt, non unum tantum diem ac duos, sed & complures dies assident iis quos effingunt, ut assidua contemplatione citra errorem exacteque formarum exprimant similitudinem. Itaque & nos non corporalis formæ imaginem, sed animi pulchritudinem, ac spirituales decorem cupimus vobis hodie proponere: ipsum videlicet *Davidem*, ut omnes in eum intuentes, in suum quisque animum imitatum referamus pulcherrimum, huius iusti imaginem, mansuetudinis, tranquillitatis, in summa virtutum omnium. Etenim si corporis imagines; nonnullum intuentibus solatium adferunt, multo magis idem facient mentis imagines. Atque illas quidem non licet ubivis intueri, sed eodem in loco consulas oportet: hanc vero nihil vetat quo minus quocunque velis tecum circumferas. Nam posteaquam eam in animi penetralibus reposuisti, ubicunque locorum fueris, poteris contemplari, plurimumque ex ea utilitatis capere. Et quemadmodum qui laborant ab oculis, si spongas ac vestium cyaneo colore pannos tenentes frequenter in ea intueantur, ex eo colore nonnullum capiunt morbi levamen: similiter & tu, si *Davidis* imaginem præ oculis habeas, & in hanc assidue defigas oculos, etiam si milles obtundet ira, mentis oculum perturbans, ad hoc virtutis exemplar respiciens, perfectam consequeris sanitatem, puramque animi philosophiam ac tranquillitatem. Ne quis igitur mihi dicat, inimicum habeo scelestum, improbum, corruptum, incorrigibilem; Quicquid dixeris, non est tamen *Saul* deterius, qui semel & iterum, imo sæpius servatus a *Davide*, quum ipse mille modis illi struxisset insidias, tamen pro tot beneficiis acceptis, perseveravit in sua malitia. Quid tu igitur habes quod incuses inimicum? Quod terræ partem ademit, quod in agris fecit injuriam, quod domus limites transgressus est, quod mancipia tua rapuit, quod vim attulit, quod tua præter jus occupavit, quod ad paupertatem redegit? At nondum eripuit vitam, quod molitus est *Saul*; quod si & vitam eripere conatus est, fortasse semel id ausus est, non semel atque iterum, non sæpius, quemadmodum fecit *Saul*. Quod si etiam semel, si bis, si ter, si sæpius hoc tentavit, at non tot affectus abs te beneficiis, at non quum semel atque iterum incidisset in manus tuas, servatus est. Et si hoc quoque factum est, sic etiam rursus superat ipse *David*. Neque enim paria sunt, sub veteri Lege degentem & nunc post illustratam Evangelii gratiam condonare gratis. Non audierat *David* parabolam de decem millibus talentorum, neque de centum denariis. Non audierat precationem dicentem: *Remittite hominibus debita ipsorum, quemadmodum & Pater vester cælestis*: non viderat Christum crucifixum, non viderat effundi pretiosum illum sanguinem, nec audierat innumerabiles Domini sermones de refrenandis animi cupiditatibus. Non contigit illi gustare talem hostiam, neque particeps fuerat sanguinis dominici, sed legibus imperfectioribus educatus, neque tale quicquam exigentibus, tamen ad Evangelicæ philosophiæ fastigium pervenit animi moderatione. At tu frequenter præteritarum injuriarum memoria offenderis: hic vero quum & de futuris metueret, certo sciens fore ut si hostem servaret, & civitate exularet & vitam egenam calamitosamque ageret, non destitit tamen illius habere curam, sed omnia fecit, hunc talem

hostem fovens. Quis commemorare valeat tolerantiam hac majorem?

Porro ut non tantum ex præteritis, verum ex his quoque quæ nunc fiunt discas fieri posse, ut cum quovis homine animum in te hostilem gerente redeas in gratiam, quid leone sævius? Et tamen hunc cicurem mansuetumque reddunt homines, arte naturam superantes: fitque quavis ove mitius animal bestiis omnibus immitius regaliusque, adeo ut per forum ambulet, neminem expavescens. Quam igitur habituri sumus excusationem, quam impetrabimus veniam, si quum feras bestias cicuremus, negaverimus homines unquam posse placari, benevolosque erga nos reddi? Atqui bestiarum quidem præter naturam est esse mansuetum, homini vero præter naturam est feritas. Ergo quum in illis naturam vincamus, qua fronte nos excusabimus, si in homine causemur, animi propositum non posse corrigi? Quod si adhuc contendis, illud dixerim, quamvis insanabili morbo ægrotet homo, quo plus fuerit laboris, hoc tibi merces erit amplior, si assideas, curans immedicabili morbo laborantem. Unum igitur illud spectemus, non ne quid mali patiamur ab inimicis, sed qua ratione fieri possit, ne quid illis mali faciamus. Ita nihil patiemur mali, etiam si innumera perferamus mala: quemadmodum nec *David*, dum ejicitur, dum in exilium agitur, dum usque ad vitæ discrimen insidiis appetitur, quicquam acerbi passus est, quin potius tum hoste suo factus est illustrior honorabiliorque, tum cæteris omnibus amabilior, idque non hominibus tantum, sed ipsi etiam Deo. Quid enim detrimenti cepit sanctus ille, quum tam multa perpeteretur a *Saule*? An non in hodiernum usque diem canitur, illustris in coelo? An non illum inenarrabilia manent bona, nonne cælorum regnum? Rursus quid commodi cepit infelix ille ac miser, tot insidias molitus *David*? nonne regno excussus est? Nonne miseranda morte periit una cum filio? Nonne ab omnibus vituperatur? & quod his gravius est, æterna luit supplicia. Postremo quid tandem est quod incusas, quamobrem non vis cum illo redire in gratiam? pecunias eripuit? sed si fortiter perferas rapinam, tantumdem accipies mercedis ac si eas in manus pauperum reposuisses. Siquidem & qui dedit egenis, & qui aliena usurpanti, neque parat illi insidias, neque male precatur, ambo propter Deum id faciunt: proinde quum impendii causa sit eadem, perspicuum est & unam eandemque fore coronam. Sed vitæ insidiatus est & conatus est occidere. Ea res tibi pro martyrio imputabitur, si insidias molientem, & ad tantam provectum malevolentiam, inter bene meritos numeraris, non desinens orare pro illo, Deum obsecrando ut illi fiat propitius. Ne igitur illud reputemus, quod Deus vetuit ne *David* occideret *Saulem*: sed illud considera, quod ex insidiis *Saulis* tripla quadruplaque martyrii corona redimitus est. Etenim qui servavit hostem, eum qui semel atque iterum imo frequenter lanceam in caput illius vibrat, quum esset occidendi potestatem nactus, tamen pepercit, idque cum sciret post eam præstitam clementiam fore, ut denuo ab illo impeteretur, perspicuum est, quod millies coronam meruit animi proposito, millies autem interfectus propter Deum, plurimas tulerit martyrii coronas: qui quemadmodum & *Paulus* ait: *Quotidie mortuus est propter Deum*. Quum enim posset hostem sibi insidiantem e medio tollere, propter Deum noluit, maluit quotidie periclitari, quam justa cæde a tot mortibus liberari. Quod si usque ad ipsius vitæ periculum insidiantem ulcisci atque odisse fas non est, multo minus licet eum qui vulgariter læsit, vindicare.

Plerisque ab inimicis affici convitiis, aut in suspicionem adduci, videtur omnibus mortibus intolerabilius. Age igitur & istud expendamus. Aliquis tibi maledixit, adulterum ac scortatorem appellavit. Hoc si vere dicit, corrige: sin falso, irride. Si tibi ipsi conscius es eorum quæ obijciuntur, resipisce: si non es, despue. Imo potius non solum deride ac neglige, verum etiam gaude atque exulta juxta Domini sermonem qui nos jubet ita facere. *Quum, inquit, exprobraverint vobis, & dixerint omne malum verbum adversum vos, mentientes, gaudete & ex-*

sultate, quoniam merces vestra copiosa est in calis. Ac rursum: Gaudete & exsultate, quum ejecerint vos, nomen malum mentientes. Cæterum ubi convitiator quidem vera dixerit, tu vero modeste pertuleris ea verba, non regerens contumeliam, neque convitia convitiis retaliis, sed amare ingemueris damnans tua delicta, haud minorem feres mercedem quam ille prior. Idque vobis e Scripturis approbare conabor, uti pernoscat, quod quantum utilitatis non adferunt amici dum laudant & ad gratiam loquuntur, tantum utilitatis adferunt inimici vituperando, etiam si vera dixerint, tantum ut nos reprehensionibus illorum ad id quod oportet uti velimus. Nam amici frequenter ad gratiam adulantur, contra hostes delicta proferunt in medium. Quoniam cum nos nostra peccata non videmus ob amorem nostri nobis insitum, illi, quia propter odium ea melius quam nos perspiciunt, opprobrando nos ad correctionis necessitatem impellunt, ut illorum malevolentia nobis cedat ad maximam utilitatem, non ob id tantum quod per illos admoniti intelligimus errata nostra, sed quod ea deponimus quoque. Itaque si inimicus opprobnaverit tibi crimen cuius tibi conscius es, tu vero audiens, non convitiaris illi vicissim, sed cum amaro gemitu Deum imploras, protinus omnem culpam deposuisti. Rogo quid hoc esse poterit felicius? quid ad criminum abolitionem facilius? Sed ne videamur vos verbis humanis excitare, e divinis Scripturis super hac re proferemus testimonium, ne quid præterea dubites. Erat Phariseus quidam & Publicanus: quorum hic quidem ad summam progressus erat malitiam, alter ad summam pervenerat justitiam, ut qui facultates suas dissiparet in pauperes assidueque jejunaret, purus a rapinis: contra alter in rapinis ac violentiis vitæ tempus omne consumpserat. *Ambo ascenderunt in Templum orandi gratia. Mox ille stans dicebat, gratias ago tibi Domine, quoniam non sum sicut ceteri homines, rapaces, avari, neque velut hic Publicanus.* At Publicanus procul stans, non regeffit contumeliam, neque vicissim dixit convitium. Non protulit ista vulgaria verba: *Tune audes meæ vitæ mentionem facere? tune audes mea facta reprehendere? An non sum te melior? Referam tua peccata, faxoque ne unquam in hæc sacra conscendas atria.* Nihil inquam istiusmodi frigidorum verborum locutus est Publicanus, quibus utimur quotidie nos, convitiis ac maledictis aspergentes: sed amare suspirans pectusque percutiens, hoc tantummodo dixit, *propitius esto mihi peccatori, & descendit justificatus.* Vides celeritatem; Accepit probum, abluit probum. Agnovit peccata, & deposuit peccata, & criminum accusatio, facta est illi criminum remissio, & hostis insciens factus est beneficus. Quot labores erant Publicano subeundi, jejunando, humi dormiendo, bona sua egenis impartiendo, longo tempore in sacco & cinere sedendo, ut illa tam multa peccata posset deponere? At nunc quum nihil tale fecerit, simplici verbo omnem deposuit iniquitatem, ac probra convitiæque Pharisei qui videbatur illum contumelia afficere, pepererunt justitiæ coronam, idque sine sudoribus, sine laboribus & absque longi temporis mora. Videsne, quod etiam si quis vera de nobis prædicet, quorum nos ipsi nobis conscii sumus, nos vero ista prædicantem non vicissim impetierimus maledictis, sed amare ingemiscientes, Deum pro delictis nostris imploraverimus, omnia peccata deponere possumus? Hoc pacto & hic justificatus est, quoniam Phariseum non repetiit convitiis, sed pro suis peccatis ingemuit, descendit justificatus præ illo.

Vides quantum adferat utilitatis inimicorum exprobratio, si modo eam philosophico pertulerimus animo. Quod si pariter & mentientes & vera loquentes nobis profunt, quam ob rem dolemus? quam ob causam urimur? Ni te ipsum læseris, o homo, neque amicus, neque inimicus, ne ipse quidem Diabolus poterit te lædere. Etenim quum & hi qui nos contumeliis afficiunt, qui traducunt, qui usque ad ipsius vitæ discrimen insidiantur, utilitatem adferunt, dum alii martyrii coronam nobis plectunt, quemadmodum ostendimus, & alii rursus dum peccata nobis exprobrant, ea subducunt, nosque ex injustis reddunt justos, quemadmodum acci-

dit

dit in publicano, cur in illos efferamur, & incandescimus? Ne dixerimus itaque, ille me atrociter irritavit, ille me laceffendo perpulit, ut dicerem inhonesta verba. Nos ubique talium causa fumus. Nam si velimus philosophari, ne Dæmon quidem poterit nos ad iram concitare, idque liquet, quum ex aliis compluribus, tum ex hac ipsa quæ nunc in manibus est, historia de *Davide* : quam operæ pretium fuit & hodie in medium adferre, quamquam heri super ea caritatem vestram admonuerimus, quum absolveremus concionem. Ubi igitur eam absolvimus? in excusatione *David* , proinde necesse est, ut hodie vobis *Saulis* verba referamus, quo videamus quid hic ad iustissimam illius excusationem responderit. Neque enim videlicet e verbis tantum quæ *David* locutus est, verum etiam e *Saulis* oratione, *Davidis* virtutem perspicimus: eo quod si *Saul* aliquid placide mansueteque responderit, hujus causam *David* imputamus qui immutavit hominem, quique erudierit & ad sobrietatem composuerit illius animum. Quid igitur ait *Saul* ? postquam audierat *David* loquentem, ecce lacinia chlamydis tua in manu mea, aliaque cuncta quæ in excusationem attulit, vox, inquit, ista tua fili *David* . Quanta subito facta est mutatio? qui nunquam sustinuerat illum vel simplici vocare nomine, ipsam etiam appellationem habens exosam, nunc adoptat eum in cognationem, appellans eum filium. Quid igitur *Davide* felicius, qui ex homicida fecit patrem? e lupo ovem, qui fornacem iracundiæ multo implevit rore, quique tempestatem vertit in tranquillitatem, quique tumorem omnem ira exstuantis animi restinxit. Verba quippe *Davidis* ingressa in animum istius efferati, totam hanc perfecerunt immutationem, quod e *Saulis* verbis deprehendas licet. Neque enim dixit, sermones tui isti fili *David* : sed, vox tua ista fili *David* : adeo mox ad ipsam vocem incaluit. Et quemadmodum pater ex longo intervallo audita filii revertentis voce, non ad conspectum modo illius, verum etiam ad ipsam vocem excitatur: sic & *Saul* simul ut accepit verba *Davidis* in animum ingressa, abiecit inimicitiam, jamque sanctum agnovit, positoque affectu, recepit affectum. Siquidem posita ira, recepit tranquillitatem, & condolefcentiam. Et quemadmodum quam diu nox adest sæpe ne præsentem quidem amicum agnoscimus, at mox ut exortus est dies, etiam eminus conspectum agnoscimus, itidem & in iracundia solet usu venire. Donec inter nos malevolum gerimus animum, & vox audita nobis aliter sonat, & ipsam faciem corrupta mente aspicimus; Cæterum ubi posuerimus iram, & vox quæ prius erat invisa atque hostilis, placida nobis ac jucundissima videtur, & aspectus ipse prius inimicus & injucundus, tunc fit amabilis & jucundus. Idem accidit in tempestate. Non patitur nubium concursus nobis conspicuam esse cœli pulchritudinem, sed quamvis millies habeamus oculos perspicaces & acres, nequaquam pertingere possumus ad illam supernam jucunditatem; Cæterum ubi jam radiorum calor, perruptis ac discussis nubibus Solem ostendit, rursus & cœli decorem ostendit. Idem accidit in nobis ira ferventibus, dum simulas velut densa nubes, ante oculos & aures stat, facit ut voces aspectusque videantur aliter quam sunt. Verum simul atque aliquis animi robore posuerit odium, nubemque diruperit ægrimoniam, tunc demum incorrupta mente & videbit & audiet omnia: quod & huic evenit *Sauli* , qui simul atque nubem malevolentiam dirupit, agnoscens vocem *Davidis* , ait: vox tua ista fili *David* . Quænam ista? quæ *Goliath* dejecit, quæ civitatem periculis eripuit, quæ cunctos in servitutis ac mortis periculo constitutos, in libertatem restituit, & in tuto constituit, quæ *Saulis* furorem sedaverat, quæ multa magnaque beneficia in eum contulerat. Siquidem hæc barbarum illum & alienigenam prostravit, eo quod priusquam mitteret lapidem, cum precationis robore fuerat aggressus. Neque enim vulgari more projecit lapidem, sed prius dixerat: tu venis ad me in Diis tuis, ego autem venio ad te in nomine Domini Sabaoth, cui exprobraſti hodie: Atque hæc locutus emisit lapidem, atque hæc vox lapidem veluti manu direxit in *Goliath* , hæc pavorem incussit barbaro, hæc hostis confidentiam fregit.

A Et quid miraris, si vox iusti, & furorem mitigat, & hostes dejecit, quum impios quoque Spiritus expellat? loquebantur tantum Apostoli, & fugiebant adversariæ Potestates: Vox sanctorum frequenter & elementata stare fecit, & potestates illorum imminutavit. Locutus est tantum *Jeshu Nave* , & constitit Sol & Luna. Sic & *Moses* mare ingressus est, & cessit: sic tres illi pueri ignis vim extinxerunt, hymnis illis suis ac voce. Itidem & *Saul* ad eandem vocem incaluit dicens: Vox tua ista fili *David* . Quid igitur *David* ? Servus tuus Domine mi Rex. Posthac certamen oritur & contentio, uter alterum majore prosequatur honore. *Saul* quidem ad cognationem ascivit, filium appellans; *David* autem Dominum eum appellat. Quod autem dicit tale est: unum inquit, unum illud quæro, salutem tuam ac virtutis profectum; filium me appellasti, mihi vero satis est, si me pro famulo habeas, tantum ut iram ponas, tantum ut ne quid de me suspicere mali, neu me ducas hostem aut insidiatorem. Implevit illam legem Apostolicam, quæ jubet, ut nos ipsos vincentes honore invicem præveniamus, non juxta plurimorum morem qui pejus affecti sunt quam ipsæ pecudes, qui proximum ne affari quidem priores sustinent, existimantes sese contumelia affici, & a dignitate dejecti, si quem vel affatu simplici impertiant. Quid ista dementia possit esse magis deridiculum? quid hac arrogantia fastuque foedius? Tunc enim, tunc inquam, a dignitate dejectus es o homo, tunc injuria affectus es, tunc contumelia affectus es, quoties expectas, ut proximus te prior alloquatur. Quid enim arrogantia deterius? quid fastu & inani gloria magis deridiculum? Nam si prior alloquaris, & Deus ipse collaudabit quod est omnium maximum, & homines insuper comprobabunt, tuque illius appellationis mercedem totam accipies: quod si expectaris, ut prior honoratus, tum denique proximum honores, nihil jam magni feceris: nam is unde honoris cœpit initium, idem relati abs te honoris totam mercedem accepturus est. Proinde ne expectemus, ut alii priores nobis honorem deferant, sed accurramus ad exhibendum proximo honorem, semperque a nobis oriatur salutationis initium: neque putemus hoc officium esse contemnendum ut vulgare, si libenter & amanter salutemus. Nam hoc prætermisum multas amicitias dirupit, multas peperit simultates, quemadmodum e diverso idem studiose exhibitum, & veteres inimicitias dissolvit, & amicitias priores confirmavit. Noli igitur, carissime, his in rebus studium negligere, sed si fieri potest obvios qualescunque fuerint, tum in salutando, tum in cæteris omnibus priores deliniamus, quod si quis te prævenierit, repende honorem cum fœnore. Nam & hoc admonuit *Paulus* , ita loquens: invicem alius alio se existimet præstantiorem. Ita fecit *David* , qui & prior honorem detulit, & honoratus majorem honorem reposuit dicens: Servus tuus Domine mi Rex. Vide vero quantum fecerit lucri *David* hæc locutus: non jam sustinuit *Saul* hanc vocem audire sine lachrymis, sed ploravit amare, animi sanitatem ac philosophiam, quam *David* inseverat, lachrymis declarans. Quid esse possit hoc Propheta beatus, qui brevi temporis momento sic hostem e furore ad sobrietatem composuit? & animum nactus sanguinis ac cædis sitientem, repente ad lamenta & ejulatus compulit? Non perinde miror *Moſen* , quod e saxo prærupto fontes elicit aquarum, ut admiror *Davidem* , quod ex oculis lapideis fontes eduxerit lachrymarum. Siquidem ille quidem vicit naturam, at hic vicit animi decretum: ille virga percussit lapidem, hic sermone pepulit cor, non ut contristaret, sed ut purum mansuetumque redderet. Quod etiam perfecit, majore beneficio Regem afficiens quam antea fecerat. Est quidem & illud laude summaque admiratione dignum, quod ens non tinxerit sanguine, nec caput illud hostile resequerit: sed longe majore corona dignum erat, quod ipsum inimici propositum immutavit, eumque reddidit meliorem, idque priusquam ipse suam immutaret humanitatem. Hoc beneficium illo præstantius est. Neque enim paria sunt condonare culpam, & ad animi sobrietatem adducere. Non sunt paria, liberare a morte, & liberare ab ira eadem injustam spirante, eximere a

re a furore, ad tantum properante nefas. Dum enim satellites suos *David* cohibet ne *Saulem* occiderent, praesentem quidem vitae profuit: ceterum quum mitibus verbis malitiam ex animo depellit, futuram illi vitam aeternaque largitus est bona, quod quidem erat in ipso. Quoties igitur *Davidem* laudas ob ipsius mansuetudinem, magis illum lauda, quod *Saulem* immutavit. Siquidem multo minus est propriis temperare cupiditatibus, quam alienum vincere furorem, quam cor ira intumescens compescere, eque tanta tempestate tantam facere tranquillitatem, quam oculos homicidium praese ferentes calidis implere lachrymis. Atque hoc est stuporis ac miraculi plenum. Etenim si *Saul* fuisset homo moderatus & aequus, non admodum magni erat negotii, ad solitam revocare virtutem. At efferatum & ad extremam proventum malitiam, jamque ad caedem properantem brevi temporis momento sic afficere, ut omnem illam amaritudinem evomat ex animo, quem non obscuraret omnium, qui unquam super philosophiae doctrina clarum promerere nomen.

Et tu igitur si quando hostis inciderit in manus tuas, ne illud specta, quomodo illum ulciscaris innumerisque convitiis conspersum emittas, sed quomodo sanes, quomodo ad sobrietatem reducas: neque prius desistas omnia tum facere tum pati, donec tua mansuetudine superaris illius truculentiam. Nihil enim humanitate potentius, quod ipsum quidam declaravit dicens: *Sermo mollis confringit ossa*. Atqui quid osse durius? Et tamen si quis aequus sit & rigidus ac praefractus, nihilominus facile vicerit, qui illum mansuete tractet. Ac rursus: *responsio submissa avertit iras*. Unde liquet, ut hostis irretitur, aut reconcilietur, magis in tua potestate esse quam illius. Non enim in iis qui ira commoti sunt, sed in nobis situm est, ut vel extingatur illorum ira, vel ad majus irretitur incendium. Et hoc item qui priora dixit simplici declaravit exemplo: *quemadmodum enim, inquit, si infles in scintillam ignis, excitas incendium, contra si inspuas, extinguas, & utrumque tibi in manu est, quoniam utrumque, inquit, ex ore tuo proficitur*. Idem fit & in inimicitia proximi, si inflatos ac vecordes ingeras sermones, excitas ignem illius, accendis carbones; Sin mites ac moderatos admoveas sermones, priusquam exardescat, iram omnem extinxeris. Ne dixeris igitur, haec aut haec audivi, quum haec omnia sint in tua potestate. Hoc enim pacto iram veluti scintillam, vel extinguere vel accendere, furoremque vel excitare, vel contra sedare in te situm est: quum videris inimicum, si in mentem veniat, quam multa tum audieris, tum perpeffus sis molesta, fac omnium horum obliviscaris. Etiam si recorderis, tamen fac ea calumniatori imputes: collige vero si quid unquam humaniter vel dixit vel fecit. Si in horum recordatione commoratus fueris, ocyus dissolves inimicitiam: Quod si est animus illum incusare cumque inimico expostulare, fac prius abjicias animi motum, iramque extinguas, ac tum cum illo expostula, tum argue, & facile poteris vincere. Siquidem ira commoti nihil sani poterimus unquam vel dicere vel audire; Sed a perturbatione liberi, nec ipsi verbum asperius unquam emittemus, nec aliis acerbe loquentibus, eodem modo audiemus: neque enim ipsa perinde natura eorum quae dicuntur, atque animus odio occupatus, nos exasperare solet. Frequenter enim fit ut quum eadem convitia audimus ab amicis jocantibus facetiisve ludentibus, aut a pueris parvulis, non solum nullam sentiamus molestiam, neque in crudefcamus, sed rideamus etiam atque exhilemur, eo quod illa non audimus animo affectu corrupto neque mente ira praecipitata; Itidem in inimicis, si extinxeris iram, si odium ejeceris, nihil eorum quae dicuntur, te poterit offendere.

Quid autem loquar de verbis? Ne facta quidem offenderint: quemadmodum ne beatum hunc quicquam horum offendit: sed quum videret inimicum adversus ipsum incolumitatem belligerantem, huiusque gratia nihil intentatum relinquentem, non solum non est exasperatus, verum magis illius indoluit malis: quo vehementius insidiabatur ille, hoc impensius eum deflevit. Noverat

A enim, noverat inquam certo, non eum qui patitur injuriam, sed qui facit, lachrymis ac lamentis esse dignum, ut qui laedat seipsum. Eoque proluxa apud illum excusatione est usus, nec prius destitit, quam & hostem commoveret ad excusationem cum lachrymis ac lamentis. Posteaquam enim ploravit vocemque amarum emisit, posteaquam clare ejulavit, quid dicat audi: *justior tu me es, quoniam tu mihi retribuisisti bona, ego vero reddidi tibi mala*. Vides ut suam ipsius damnat malitiam, ac justum virtutem praedicat, nulloque cogente sese purgat. Idem tu facito, quum hostis inciderit in manus tuas, noli accusare illum, sed teipsum purga, ut illum perpellas ad sui ipsius condemnationem. Nam si nos accusamus, exasperatur; Sin nos excusaverimus, ille reveritus nostram humanitatem, mox seipsum condemnabit. Hoc pacto simul & redargutio fit carens suspitione, & ille omnem exuit malitiam; quod & hic evenit: quum tacet is qui affectus erat injuria, is qui fecerat multa cum vehementia seipsum accusat. Neque enim simpliciter dixit, *fecisti mihi bona*: sed, *retribuisisti mihi bona*, hoc est, pro insidiis, pro caede, pro malis illis innumerabilibus magna mihi rependisti beneficia; At ego ne sic quidem factus sum melior, sed post illa tua benefacta perseveravi in malitia: tu vero ne sic quidem es immutatus, sed constanter tuum obtinuisti morem, nos iterum atque iterum tibi insidiantes, beneficiis prosequens. In hisce singulis verbis, quot coronis dignus apparuit *David*? Quanquam enim os *Saulis* ista sonabat, sapientia tamen & ars *Davidis* ea in animum illius infuserat. Renuntiasti, inquit, mihi hodie, quae mihi feceris bona, quum me Dominus hodie concluderet in manus tuas, nec occideris me. En rursus de aliena virtute perhibuit testimonium, videlicet, quod benemeritis non tacuerit, neque dissimularit, sed accedens narravit: non quidem ad ostentationem, sed ipsis factis illum docere cupiens, se de numero eorum esse, qui Regi bene cuperent, ejusque commodis prospicerent, non eorum qui tenderent insidias: tum enim fas est propria commemorare benefacta, quum insignis hinc speratur utilitas. Nam quoties nulla data occasione jactat quis ac deprædicat sua in alium beneficia, nihilo potior est exprobrante. Ceterum quoties id facit, ut correpto persuadeat & malam de ipso opinionem habentem flectat in diversum, is & curator est beneficis. Quod sane fecit & hic *David*, haudquaquam a *Saule* gloriam captans, sed iram in illo radicam evellere studens. Atque hoc nomine *Saul* collaudavit eum, quod & benemeritis esset, & merita sua commemorasset. Dein quum *Saul* referre gratiam cupiens, non inveniret ullam parem, ipsum Deum illi pro se constituit debitorem, ita loquens: *Si inveniet aliquis inimicum suum in angustia, & dimittet illum in via bona, & Dominus reddet illi bona, quemadmodum fecisti tu hodie*. Quid enim poterat *Saul* reponere dignum meritis, etiam si regnum dedisset, cum omnibus oppidis? neque enim oppida modo, & regnum, verum & vitam ipsam donarat illi *David*: ille vero non habebat alteram vitam, quam rependeret: eoque illum relegat ad Deum, & ab illo manaturis praemiis honorat: pariter & hunc laudans, & universos erudiens, quod tum majora nobis apud Deum praemia reposita sunt, quum pro innumeris beneficiis in hostem collatis, diversa recipimus. Post haec ait: *Ecce agnosco, quod regnans regnabis, quodque regnum Israel constituetur in manu tua. Et nunc jura mihi per Dominum, quod non aboliturus sis semen meum post me, nec extinguas nomen meum de domo patris mei*. Sed dic, obsecro, unde istuc scis? penes te sunt exercitus, penes te sunt pecuniae, arma, civitates, equi, milites, breviter, universa vis apparatus regii: hic contra desertus ac nudus, nec civitatem, nec domum, nec familiam habens. Unde igitur, te quaeso, ista loqueris? Nimirum ex ipsis *Davidis* moribus, neque enim nudus & inermis ac desertus me armatum, tantaque circumvallatum potentia superasset, nisi Deum haberet adiutorem. Porro qui Deum habet faventem, omnibus est potentior. Vides ad quantam philosophiam *Saul* post insidias deductus sit? vides qui fieri possit, ut inimicus omnem exspuat malitiam, immutatusque ad meliora sese recipiat? Ne velimus

velimus itaque nostram ipsorum salutem per iracundiam devovere. Quandoquidem etiam si ad ipsa malitiæ barathra fuerimus deducti, fieri potest ut nos ipsos inde revocemus, & omni deposita malitia ad meliorem frugem redeamus. Deinceps quid ait? *Jura mihi per Deum, quod non abolebis semen meum post me, nec oblitterabis nomen meum de domo patris mei.* Rex privatum rogat: qui diademate cinctus est, supplicem agit pro filiis suis, obsecrat exulem, & hoc ipsum arguit virtutem Davidis, quod hostis ausus sit hæc ab hoste petere. Nam quod jusjurandum exigit, non eo facit, quod diffidat Davidis moribus, sed quod reputet quot malis illum affecisset. *Jura mihi te non aboliturum semen meum post me;* hostem filiis suis relinquit tutorem, suasque proles in illius deponit manus, dum his verbis filiorum ac Davidis manus apprehendens, Deum sequestrem inducit. Quid igitur David? Num vel leviter dissimulatione & ironia ad hæc usus est? nequaquam; Sed protinus annuit, quodque petebatur, concessit, ac mortuo *Saule*, non modo non occidit illius posteros, sed tum plura præstitit, quam erat pollicitus. Siquidem filium ejus quum esset claudus ac debilis cruribus, in suam ipsius domum induxit, suæque mensæ fecit participem, summo illum honore dignatus, nec erubuit, nec occultavit, nec arbitratus est regiam mensam claudicatione pueri dehonestari, sed decorari potius ac lautiores fieri. Quotquot enim cum illo dicumbabant, abibant magnam philosophiæ doctrinam consecuti. Cum enim viderent *Saulis* filium, illius qui tanta mala patrarat adversus *Davidem*, tanto in honore haberi apud ipsum, etiam si feris omnibus fuissent immitiores, pudore tamen ac rubore cum omnibus inimicis redibant in gratiam. Quanquam si etiam ipse aliunde illi cibum dari jussisset, certumque victus modum ordinasset, valde magnum erat: sed illum ad suam ipsius mensam recipere, eximiæ cujusdam est philosophiæ. Scitis profecto, non esse facile, hostium filios diligere: Quid dixi diligere? non odisse, non persequi, magnum est. Itaque multi, defunctis inimicis, in illorum liberos, iram quam in eos habebant, effuderunt. At non ita generosus ac magnanimus iste, sed & viventem inimicum observavit, & illo defuncto, benevolentiam quam erga illum gesserat, filiis exhibuit. Quid illius mensa sanctius? quam cingebant filii hostis, hostis inquam occidere conati. Quid illo convivio spirituali? in quo tam multa abundabant benedictiones. Angelo potius quam homini erat plausibile. Siquidem inimici filios amplecti & amare, & illius filium, qui toties ipsum tentasset e medio tollere, atque id molens excesserat e vita, facit ut ille chorus celebretur.

Hoc tu quoque facito, carissime, & viventium & mortuorum filios fovens: viventium quidem ut hoc modo parentes illorum tibi concilies, defunctorum vero filios curans, ut a Deo multum tibi pares favorem, plurimisque coronis decoreris, utque innumera ab omnibus vota precesque consequaris, non ab iis tantum qui tuis beneficiis adjuti sunt, verum etiam ab iis qui viderunt. Hoc pro te stabit in illo die, magnique tibi futuri sunt patroni in articulo judicii, hostes tuo beneficio adjuti: magna ex parte a peccatis liberaberis, & reposces mercedem. Etiam si innumera commiseris peccata, si proferas illam precationem quæ dicit: *remittite inimicis vestris, & Pater vester remittet vobis peccata vestra*: multa cum fiducia commissorum omnium remissionem consequeris: atque hic interim, bona cum spe vives, habiturus omnes amanter erga te affectos. Quum enim viderint quod inimicos & inimicorum filios sic diligis, qui fieri poterit, ut non affectent tibi amici, tuique studiosi fieri, & omnia tua causa tum facere tum pati? Porro quum tantum apud Deum tibi pares favorem, quum cunctos habeas omnia bona tibi comprecantes, quam sensurus es molestiam, aut quis te vitam vivat feliciorum? Hæc in hac vita non tantum miremur, verum etiam factis exsequamur, ac obambulantes, inimicos perscrutandi gratia, suos quisque sibi reconciliemus, & ex inimicis sinceros reddamus amicos. Quod si etiam excusatione fuerit opus, veniaque ab ipsis petenda fuerit, ne recusemus, etiam si ipsi fuerimus injuria affecti.

A Hoc pacto copiosior nobis erit merces, hoc pacto major fiducia, hoc pacto coelorum regnum haud dubie consequemur, munificentia & bonitate Domini nostri Jesu Christi, cum quo Patri simul & sancto Spiritui gloria, imperium, honor, nunc & semper & in secula seculorum, Amen.

QUUM PRESBYTER ESSET DESIGNATUS,

De se ac de Episcopo, deque populi multitudine

S E R M O.

B N U M vera sunt quæ nobis acciderunt, num re ipsa gesta sunt, nec falsi sumus, neque quæ nunc sunt sunt somnia? an vere dies est & vigilamus omnes? Et quis credat quod in die, quum sobrii sunt ac vigilant homines, adolescens nullius rei & imperitus, ad tantum dignitatis fastigium subvectus sit? Nam nocte talia accidere nihil sit incredibile. Tum enim quidam & corpore claudi, & adeo tenues ut ne necessarius quidem suppetat victus, in somnis sibi videntur integris membris, & formosi, & regali frui mensa; Sed quæ videbantur somnus erat, & insomniorum ludibria. Siquidem hæc est natura somniorum, vana quædam ac versutares est, ac prodigiorum artifex gaudet novis & incredibilibus simulachris illudere. At vero nec interdiu, nec revera forsitan aliquis videat hoc accidere. Verum omnia nunc contigerunt, facta sunt, perfecta sunt, quemadmodum videtis, hæc inquam somniorum visis incredibilia. Et civitas tantæ magnitudinis, tam celebris ac hominibus differta, populus & multus & admirandus ad meam inhiat exiguitatem, tanquam a nobis magnum quiddam ac præclarum auditurus. Atqui etiam si mihi annuum more proflueret oratio, sique verborum fontes essent in ore meo, protinus, ex tantæ multitudinis ad audiendum concursu, metu sisteretur profluvium, & in diversum fluenta resilirent. Nunc vero quum tantum absumus a fluminum ac fontium copia, ut exiguae pluviolæ mediocritatem obtineamus, quæ fieri possit, ut me non deficiat tam exiguus fluxus, metu arefactus, idemque eveniat, quod in corporibus solet accidere? Quid accidit in corporibus? multa frequenter quæ manu tenemus, quæ digitis stringimus, præ metu nobis excidunt omnia, dissolutis nervis nostris, corporisque vigore remisso. Itidem mihi profecto nunc metus est, ne idem eveniat in animo nostro, videlicet ne quæ multo cum labore excogitavimus, quanquam & hæc sane perquam exilia parvique momenti, præ pavore veniant in oblivionem, & evanescant, abeantque animum nostrum desertum relinquentia. Quapropter pariter omnes tum vos qui cum imperio estis, tum vos qui paretis imperio, obsecro, ut quantam nobis anxietatem inieciatis vestro ad audiendum concursu, tantundem nobis audaciæ inspiraret precum vestrarum diligentia, si rogetis illum qui dat sermonem Evangelizantibus virtute multa, ut nobis quoque det sermonem in apertione oris nostri. Nullus omnino vobis tot ac tantis, labor erit unius adolescentis animum timore dissolutum, denuo compingere. Quin & par fuerit, ut hoc quod nunc petimus, præstetis: quandoquidem tantam procellam subivimus propter vos vestramque caritatem, qua nihil violentius aut imperiosius, ut quæ nos non admodum dicendi peritos, ad dicendum pertraxit, effecitque ut ad doctrinæ stadium exueremur, licet antehac hoc palæstræ genus nunquam attigerimus, sed semper in auditorum ordine, quieto silentio frui soleamus. Verum quis sit adeo durus & immobilis, ut istum vestrum conventum silentio prætereat, & amicos nactus audiendi studio flagrantem non alloquatur, etiam si omnium hominum esset infantissimus.

Cupiebam equidem primum in Ecclesia dicturus, procemiorum primitias illi dicere qui linguam nobis hanc dedit, nimirum Deo. Atque ita sane fieri oportuit: neque enim aræ tantum ac vinarii lacus, verum etiam verborum primitias oportet verbo perfolvere, multoque magis verborum quam actionum. Quin etiam ut ad vos hic fructus magis pertinet, ita ipsi Deo qui honoratur, acceptior est. Botrum enim & arista suo terra emittit

Tom. VIII.

L

gre

gremio, alit pluviarum irrigatio; colunt agricolarum manus: at sacrum Hymnum parit animi pietas, alit bona conscientia, Deus in coelestia recipit horrea. Porro quanto præstantior est animus terra, tanto hæc illa melior est oblatio. Quapropter & Prophetarum quispiam, vir magnus & admirandus, nomen illi *Osce*, eos qui Deum offenderant, parabantque illum sibi propitium reddere, adhortatur dicens: *Adferite vobiscum*, non armenta boum, neque similes mensuras tantas aut tantas, neque turturem neque columbam, neque aliud quicquam istiusmodi rerum, sed quid? *ferite vobiscum verba*. Et quale sacrificium, dixerit aliquis, sunt verba? maximum quidem, o carissime, ac splendidissimum, cæteris omnibus præstantius. Et quis ista dicit? is nimirum qui hæc omnia novit maxime atque exactissime, videlicet magnanimus ille ac magnus *David*. Is enim quum aliquando Deo gratiarum actiones immolaret, pro victoria quam ex hoste tulerat, ita ferme loquitur: *Laudabo nomen Dei mei cum cantico, magnificabo eum in laude*. Mox hujus sacrificii præstantiam nobis aperiens subjecit, & placebit Deo *supra vitulum novellum cornu apud producentem & ungulas*. Cupiebam igitur & ipse hodie has mactare victimas, & altare spirituale hisce cruentare hostiis. Sed quid faciam? Vir quidam sapiens obturat mihi os deterretque dicens: *non est speciosa laus in ore peccatoris*. Quemadmodum enim in coronis non sat est flores esse puros, nisi pura sit & manus eas contextens: sic & in sacris Hymnis oportet non verba tantum esse pia, verum etiam animum Hymnos concinentem. At is mihi impurus est, fiducie vacuus, utpote multorum plenus scelerum. Porro sic affectis, non hæc modo lex obturat os, verum etiam alia quædam illa vetustior & ante illam lata, quam & ipsam adjecit, is qui modo nobis de sacrificiis locutus est, *David*. Quum enim ait: *laudate Dominum de celis, laudate eum in excelsis, laudate Dominum de terra*, quum utramque invitat creaturam, & quæ sursum est, & quæ inferne, sensibilem atque intelligibilem, conspicuam & inconspicuam, quæ supra coelos est, & quæ sub cælo, & ex utraque chorum constituit, atque ita jubet Hymnis celebrare Regem universorum, nequaquam invitavit peccatorem, sed & hic illi fores occlusit. Cæterum ut vobis quod dico fiat evidentius, ipsum Psalmum ab initio vobis prælegemus. *Laudate Dominum de celis, laudate eum in excelsis. Laudate eum omnes Angeli ejus, laudate eum omnes virtutes ejus*. Vides Angelos laudantes, vides Archangelos, vides Cherubim & Seraphim, summas illas Virtutes. Quum enim ait, *omnes Virtutes ejus*, universum populum coelestem complectitur. Nunc ubi vides peccatorem? Et quomodo, dixerit aliquis, in cælo videre possum? Ergo age & in terram descendamus, ad alteram chori partem transeunt, nec hinc rursus videbis peccatorem. *Laudate Dominum de terra, dracones & omnes abyssi, bestia & omnia pecora, reptilia & volucres pennata*.

Haud frustra neque temere dum hæc loquor, interfui. Quia & mentis cogitatio metu confusa est, ad amaras usque lachrymas, gravemque ejulatum perducta. Quid enim obsecro possit esse miserabilius? scorpium, serpentes ac dracones invitantur ad laudandum eum a quo conditi sunt, solus peccator ab hac sacra chorea submotus est, idque jure optimo. Mala bestia est peccatum, non quidem in conserva corpora malum proferens, sed in ipsam Domini gloriam effundens malitiam. Propter vos, inquit, *nomen meum convitiis afficitur inter gentes*; Eoque peccatorem tanquam e sacra patria abegit Propheta, & ultra fines ac pomeria submovit. Atque uti musicus optimus e cithara bene modulata chordam dissonam refecat, ne reliquarum vocum harmonia vitietur; Sic & peritus artis medicus, membrum putrefactum amputat, ne hæc lues ad cætera membra sana transfiliat. Eundem ad modum Propheta fecit, dum veluti chordam dissonam ac veluti membrum ægrum ab universo creaturæ corpore refecat. Quid igitur nobis faciendum est? Posteaquam rejecti sumus, posteaquam resecti sumus, omnino fileamus oportet; dic igitur obsecro: num tacebimus? neque quisquam nobis permittet Hymnis celebrare Dominum nostrum? ergone frustra vestros animos imploravi-

mus? frustra ad vestras confugimus preces? Absit, ut frustra; reperi enim, reperi & alterum glorificandi modum, vestris in hac hæsitazione precibus, ceu stellis in caligine apparentibus. Fas enim est, & conservos nostros laudare, quibus laudatis, haud dubium est quin ea gloria penetret in cælum, quemadmodum ipse Dominus dicit: *luceat lux vestra coram hominibus, ut videant opera vestra bona, & glorificent Patrem vestrum qui in cælis est*. En alter glorificandi modus, quo & peccatori fas est uti, ut legem tamen non violet. Quem igitur, quem inquam conservorum laudabimus? quem alium, quam illum communem hujus patriæ doctorem, non solum per patriam, sed & per universum orbem. Quemadmodum enim vos ille docuit ut usque ad mortem religioni instaretis, ita vos alios homines docuistis, a vita citius, quam a pietate recedendum esse. Vultis igitur illi posthac laudum coronas plectamus? volebam equidem & ipse, sed video recte factorum pelagus immensæ profunditatis, vereorque, ne sermo noster ad fundum delatus præ imbecillitate non possit in altum recurrere. Oportet enim vetusta narrare facinora, peregrinationes, vigiliæ, curas, judicia, pugnas, trophæa trophæis, victorias victoriis cumulas, res gestas, non nostram modo, sed & omnem humanam linguam superantes, quæque vocem requirunt Apostolico spiritu concitatam, qui potest omnia tum eloqui, tum docere. Sed hanc partem prætercurrentes, ad alteram quæ minus habet periculi accedemus, quam vel exigua scapha licet enavigare. Age igitur de temperantia dicere tentabimus, quomodo ventri imperarit, quomodo delicias contempserit, quomodo mensam sumtuosam deriserit, idque quum in domo sumtuosa esset educatus: nam mirum non est eum qui in paupertate vixit ad hanc squalidam asperamque venire vitam, quandoquidem is habet ipsam paupertatem peregrinationis ac viæ comitem, quæ illi sarcinam indies reddit leviorē. At qui factus est divitiarum dominus, haud facile sese ab illarum explicet complexu, tantum cupiditatum examen animam illam circumvallavit, tam gravis & caliginosa affectuum nubes, mentis illius oculos obducit, ut non sinat ad cælum intuitum erigere, sed cogat deorsum inclinare caput & ad terram inhiare. Nec est alia res, quæ perinde obstat quo minus proficiscamur in cælum, ac divitiæ, & hinc venientia mala. Nec meus est hic sermo, sed ab ipso Christo devenit sententia: *facile est, inquit, camelum per foramen acus ingredi, quam divitem in regnum calorum*. Sed ecce, quod erat difficile, vel impossibile potius, factum est possibile. Et de quo *Petrus* olim dubitabat apud præceptorem, voluitque ex eo discere, jam ipsa experientia novimus omnes, imo etiam amplius. Non enim jam dives ipse tantummodo ascendit in cælum, verum etiam populum introducit, quum præter divitiæ, & alia his non minora habeat impedimenta, quod juvenis est, quod ante tempus orphanus, quæ res quemvis hominis animum possint in fraudem illicere; Ejusmodi habent intentamenta, ejusmodi præbent venena. Verum hæc iste devicit, & cælum apprehendit, seseque ad coelestem contulit philosophiam, ac neque splendorem præsentis consideravit vitæ, neque ad progenitorum claritatem respexit. Imo potius ad majorum claritatem respexit, non quidem istorum quos ipsi natura necessario devinxerat, sed qui juxta pietatis propositum conjuncti sunt, eoque talis factus est quales illi fuerunt. Respexit ad patriarcham *Abraham*, respexit ad magnum illum *Mosen*, qui quum esset in regio educatus palatib, mensa Sybaritica frui consuetus, & inter *Egyptios* relictus strepitus ac tumultus (nostis autem cujusmodi sint barbarorum illorum mores, quam fastus & arrogantia pleni sint) contemptis illis omnibus, ad lutum & laborem opificum ultro se contulit, & in servorum numero esse concupivit, qui Rex erat & Regis filius. Atqui hanc ob causam post reversum est majore cum dignitate, quam antea gerebat atque abiecit. Siquidem post exilium, post imposturam apud socerum, post ærumnas peregre toleratas, rediit, Regis ipsius princeps, imo verius Regi jam factus Deus: *Faci, inquit, te Deum Pharaoni*? Ipsoque Rege splendidior erat, non gestans dia-

diadema, neque purpura amictus, neque curru vectus aureo, sed universo illo saltu conculcato. *Erat omnis filia Regis gloria ab intus.* Reversus est sceptrum gestans, quo imperaret, non hominibus tantum, sed & coelo, terræ marique, aeris & aquarum naturæ, stagnis, fontibus ac fluminibus. In quæcunque enim voluit *Moses*, in ea vertebantur elementa, & in manibus illius denuo transformabatur creatura: quæ non aliter quam ancilla quæpiam officiosa, conspicata Heri sui amicum advenisse, per omnia parebat, dictoque audientem se præbebat perinde atque ipsi Domino. Ad quem hic, quem nunc laudandum suscipimus, respiciens illi similis effectus est. Quum esset juvenis, (si tamen unquam fuit juvenis, non enim sane credo, usque adeo illi ab ipsis cunabulis mens erat cana) sed quum juxta supputationem ætatis esset juvenis, omnem arripuit philosophiam: & posteaquam cognoverat naturam hominis esse veluti fundum quendam & agrum sylvestrem, animi cupiditates ratione pietatis ceu falce quapiam facile resecurit, agricolæ purgata reddens arva, ad faciendum sementem: ea recepta totum semen ad profunda demisit, ut deorsum radicum, nec ad radiorum impetum cederet, nec a spinis male suffocaretur. Animum quidem ad hunc curavit modum: carnis vero lasciviam temperantiæ remediis compressit, tanquam equo cui-piam, in os habenis rebelles, jejunii frenum injiciens, & hætenus in diversum tendens, ut ipsa concupiscentiarum ora parsimonia congruente cruentaret. Atque adeo corpori frenum intendit hætenus, ut nec immodice stringendo equum sibi ad ministerium redderet inutilem, neque passus sit supra modum obesum fieri, ne corpulentior factus, rursus erigeret sese adversus rationem habenas moderantem: sed simul & sanitatis illius, & moderationis curam habuit. Talis autem erat, quum nondum esset juvenis: verum posteaquam teneram ætatem excesserit, hanc quoque corporis curam abiecit. Cæterum nunc qui in senectute velut in amœno portu sedet, rursus eandem curam observat. Nam juvenis, ô dilecte, pelago furenti similis est, immitibus undis ac ventis malis referto: canicies vero, velut in tranquillo portu fovet eorum animos qui consenuerunt, præstans ut ibi per ætatem a periculis liberam delicientur. Hæc ætatis tranquillitate quum hic nunc tuto fruatur, nihilominus tamen in certamine versatur. Atque hunc timorem accepit a Paulo, qui quum ascendisset in cœlum atque inde reversus, tertio rursus attigisset, agebat, *ne forte quum aliis predicaverim, ipse reprobus efficiar*: eo quæ hic sese in perpetuo timore constituit, ut esset in perpetua fiducia, assideretque clavo, non ille quidem stellarum exortus observans, neque rupes sub aquis latentes neque scopulos, sed Dæmonum insultus ac Diaboli verfutias, cogitationumque pugnas, omnique ex parte lustrans exercitum, cunctos in tuto constituit. Neque enim illud modo spectat, ne scapha demergatur, sed ne quis eorum quos secum habet in navi vectores, a tumultu

tu cupiditatum tanquam a piratis abripiatur, nihil non curat agitatque. Per hunc perque hujus sapientiam nos omnes secundo navigamus vento, plena navis vela pendentes. Sane quum priorem illum patrem amisissimam, qui & hunc nobis genuit, in desperatione nostra navis erat, eaque gratia miserabiliter lamentabamur, ut qui non sperabamus fore, ut hic thronus alium virum talem acciperet. Verum ubi hic advenit, & in clara luce visus est, effecit ut omnis illa desperatio veluti nubes præterierit, & omnes molestiæ evanuerint. Neque sentim nobis luctum illum exemit, sed adeo repente, quasi idem ille beatus e tumulto redivivus in hunc thronum ascendisset.

Verum imprudentes amore studioque præclare gestorum patris nostri, sermonem ultra modum produximus: non dico ultra modum eorum quæ hic cum laude gessit, nam de his ne loqui quidem cœpimus, sed ultra nostræ juventutis mediocritatem. Agedum igitur rursus velut in portum orationem silentio ad quietem revocemus: cæterum ea desinere non vult, sed ægre fert indignaturque cupiens toto prato expleri. Verum id impossibile est, ô pueri. Desinamus igitur ea persequi, quæ non possumus assequi, sufficiant nobis ad solatium ea quæ dicta sunt. Quandoquidem in pretiosis unguentis, non tantum si quis effundat lecythum, verum etiam si quis vel summis digitis superficiem attingat, & aërem novo colore tinxit, & quotquot adsunt, suavitate fragrantia replevit. Quod & in præsentia contigit, non viribus eloquentiæ nostræ, sed propter vim ab hoc bene gestorum. Abeamus igitur, abeamus, ad preces divertentes, deprecemur Deum, ut communis mater nostra illa beata & immota maneat, ut hunc patrem, hunc doctorem, hunc pastorem & gubernatorem, ad longam producat vitam. Si quis vobis etiam nostri respectus est (neque enim jam nos ipsos in Sacerdotum numero ponere audebimus, quando nec fas est abortivos partus cum legitimis ac perfectis numerare) quod si qua inquam est apud vos & nostri ratio, tanquam foetus cujusdam abortu ejecti, orate ut e supernis nobis multus accedat vigor: Opus quidem erat nobis & prius tutela, quum soli vitam gereremus a negotiis liberam. At postquam in medium producti sumus, (omitto quomodo, si humano studio, si favore divino, nihil enim vobiscum hac de re contendam, ne cui videar per dissimulationem & ironiam loqui,) Atamen quando producti sumus, ac jugum hoc validum graveque suscepimus, multis nobis opus est manibus, infinitis precibus, quo possimus depositum reddere Domino qui deposuit, in die illo, quum iis quibus talenta credita sunt, citabuntur, & iudicio sistentur, rationem reddituri. Orate igitur ne nobis eveniat, quod evenit illis alligatis & in tenebras conjectis: sed simus in eorum numero, qui poterunt qualemcunque assequi veniam, gratia & bonitate Domini nostri Jesu Christi, cui gloria in secula seculorum, Amen.

IN PSALMUM,

CANTATE DOMINO CANTICUM NOVUM, CANTATE DOMINO OMNIS TERRA.



Gregium vereque mirandum Hymnum spirituali lyra nobis resonuit Hymnographus *David*, dum prophetica lingua sermonem textit Evangelicum, & antiquis sermonibus novas res significavit. Quid enim insonuit, quemadmodum modo audivimus. *Cantate Domino Canticum novum, cantate Domino omnis terra.* Considera, carissime, pieque contemplare, ut prophetiam verbis adaptans Evangelicis eundem reddat sententiarum dogmatumque concentum. *Cantate*, inquit, *Domino Canticum novum.* Scimus, fratres, quod novum Canticum a vetere distinguitur. Quærendum igitur, quod sit argumentum Cantici veteris, quod novi: hoc pacto ex rerum differentia consequi poterimus veritatis intellectum. Primum omnium-

que vetustissimum canticum ad mare rubrum decantatum est: quo tempore admirandus ille *Moses* virtute divina transiit mare, ac pelagus vertit in terram, Canticum resonans dicebat: *Cantemus Domino, gloriose enim glorificatus est: equum & conscensorem projecit in mare.* Fuit & aliud vetus canticum a beata *Debbora* decantatum, quum prostratis in bello hostibus, pro maximo quopiam trophæo erexit Hymnum victorialem. Invenies & aliud Canticum in deserto cantatum, quum puteum reperissent filii *Israel*, novoque beneficio frui contigisset. Quin insuper multam veteris Cantici mentionem invenire licet iis qui vere sincereque versantur in sacris litteris.

Oportet igitur, jam & recens illud & novum quære-
re Canticum, quam viam habeat & quid proponat nobis

Temp. VIII.

L 2

con-

contemplandum. Hic mihi vigilanter attende. Vetus Canticum unius populi finibus circumscriptum erat unoque climate continebatur, videlicet *Palästina*, neque fas erat populo extra illud clima vetus efferre Canticum: sed quum populus esset unus unaque gens, uno loco unoque climate, tum Canticum, tum Religio vetus erat circumscripta. Testatur quod dico etiam beatus *David*, sic alicubi loquens sub persona *Judeorum*, qui erant in *Babylonem* abducti, *Quomodo cantabimus Canticum Domini, in terra aliena?* Vides, quod non fuerit concessum veteri Cantico per omnem ire terram, quæ sub cælo est? Sed repetamus ea quæ dixerunt in *Babylone* versantes: *Tunc interrogaverunt nos qui captivos duxerunt nos verba cantionum, & qui abduxerunt nos, Hymnum cantate nobis de canticis Sion.* Dein lege circumscripti, vetitque ne in terra peregrina canerent divina Cantica, respondent; *quomodo cantabimus Canticum Domini in terra aliena?* Vetus itaque Canticum adeo angustis finibus circumscribebatur, quemadmodum modo dicebam, intra populum unum, unamque regionem. Sed novum per omnem terram incedit quæ sub cælo est, & ab universo decantatur orbe: eoque Propheta quum dixisset, *Cantate Domino Canticum novum*, protinus adjecit, *cantate Domino omnis terra.* Vide quomodo explicat donum, vide quomodo dilatat theologiam, vide quomodo ostendit discrimen inter Canticum novum, & vetus illud angustis finibus circumscriptum. Ac ne quis humanis conjecturis cæcutiat in hujus rei contemplatione, nec Evangelicæ gratiæ vim tacuit, sed quum dixisset, *Cantate Domino omnis terra*, rursum adjecit, *annuntiate diem ex die salutare ejus.* Quod salutare? profecto liquet, quod de multis Hymnis celebranda Servatoris dispensatione loquitur; quod Deus amore generis humani, inter homines versatus est, quod medicus ad ægrotantes advenerit, quod caligantibus lux affluerit, quod errantibus apparuerit via, illa inquam via, quæ & hodie clamat in Evangeliiis, *Ego sum via, veritas, & vita.*

Sed operæ pretium est fratres discere, quam ob causam Deus populum illum loco & climate circumscripserit, tum cur illi non permiserit per universam terram canere laudes divinas. Nam illud oportet in primis pulchre nosse, quod Deus non vertitur nec immutatur, nec ab una sententia in aliam dimovetur, ut nunc hoc decernat, nunc diversum: sed quod quum ipse maneat immotus & immutabilis, sese ad humanam attemperat imbecillitatem. Crebro, fratres, loquitur Deus ac leges præscribit, non ut ipse potest, sed ut nos capere valeamus. Poterat & per vetus Canticum accendere lucernam gentibus: sed non erant qui lucernam manibus attingerent validi ad pietatis prædicationem. Etenim si qui acceperunt non obtinebant pietatis sermonem, qui potuissent in alios pietatis legem transfundere? Verum quoniam populus ille segnis erat & incredulus, ut facile gentium abominationibus seductus sese submitteret, uno loco septus est quo posset solus apud se exercere pietatis legem. Idem facit frequenter & maritorum hominum quisque, quoties uxorem habet suspectam; circumscribit illam uno loco, thalamisque includit, Eunuchos adhibet, & omnem apponit custodiam: in summa, nihil non facit curatque eorum quæ servant pudicitiam, eo quod illa non habet verum amorem, ac pudicæ mentis custodiam, quæ castæ sceminæ solet esse familiaris. At qui pudicam beneque moratam habet uxorem, a nulla eam progressionem prohibet, quippe qui certum pignus habeat uxoris affectum. Illa prodit in forum, & extinctus est zelus: congregatur cum multis viris, nec usquam est zelotypiæ morbus, eo quod pudica mulier secum habeat custodem ac pædagogum, morum integritatem. Quod igitur inter nos homines geritur, idem fecit & Deus. Ac ne quis dicat incongruam esse similitudinem quam proposui, Deus hoc modo copulatur populo, quo vir uxori, non juxta corporum unionem, sed juxta mentis affectum, ac benevolentiam. Idem ergo etiam in veteri Testamento, Synagogam alloquens per Prophetam manifesto dixit: *Desponsavi te in iudicio & in misericordia & in iustitia, & in agnitione.* Inter-

A pretatus est Dei copulam, corpora corporibus applicantur, verum in commixtione Dei, anima Deo conglutinatur. Et quemadmodum illic dictum est, *& adglutinabitur uxori suæ, & erunt duo in carnem unam*: sic & anima quum Deo verbo unitur, clamat, *Adhæsit anima mea post te, me autem suscepit dextera tua.* Habebat igitur vetus Synagoga pro viro Legem, quemadmodum hodie testatur *Esaias*, per Apostolum loquens. Nam prophetica voce *Paulus* usus est dicens, sicut scriptum est: *multi filii deserta magis quam ejus quæ habet virum.* Quoniam igitur Synagoga illum virum habuit, videlicet Legem, (resumam enim quod dicebam) erat autem suspecta, quod ubique caritatem Deo debitam proderet Idolis, conscientiam habens illorum cultu pollutam: redarguit illam Deus ita loquens, *Et machata est cum lapide & ligno, ac mei oblita est, dicit Dominus.* Quoniam suspectam habebat mentem Synagoge, merito illam loco circumscribit; Temploque veluti thalamo cuidam includit, nequaquam permittens ut quovis loco sibi constituat altare: sed universa quidem *Judæa* ac *Palästina* erat populi, cæterum unicus erat locus habens altare. Ea propter & *Moses* quum sciret uxoris mores suspicioni obnoxios, (uxorem autem Scriptura hætenus appellat Synagogam) sciens igitur mentem Synagoge merito suspectam, prius illam appellat dicens, *Attende tibi Israel, ne quando offeras holocausta manatua, & victimas tuas in omni loco, quemcunque inveneris, sed in loco quem elegerit Dominus Deus tuus.*

C Videte, quam circumscripta sit, & quidem merito, fratres. Quum enim in uno loco accepisset altare, totum locum implevit simulacrorum cultu, sicut clamans *Hieremias* testatur: *juxta numerum civitatum erant Dii tui Judæ, & juxta compita Hierusalem sacrificabas Baal.* Si quum accepisset unum locum, terram omnem implevit adulterio, si plena libertas fuisset concessa, cogita in quam enormem incidisset incontinentiam. Ob hanc causam, fratres, etiam Canticum loco circumscriptum est, & altare loco definitum, & populus ille loco conclusus. At Ecclesia quæ ubique Christum in se circumfert, innumerosque martyres immolavit ob caritatem quam gerit erga virum, a nullo prohibetur loco: sed in omni loco sunt altaria, in omni loco doctrina. Hæc prædicit Deus per Prophetam: nam & Ecclesiasticam exprimens sinceritatem, & alterius populi ingratitudinem traducens, ad illos loquitur: *Non est mea voluntas in vobis, dicit Dominus omnipotens, nec accipiam hostias de manibus vestris: quoniam ab exorta Solis usque ad occasum, nomen meum glorificatum est inter gentes, & in omni loco sacrificium offertur nomini meo, & sacrificium parum.* Vide quam luculenter quamque dilucide mysticam interpretatus est mensam, quæ est incruenta hostia. Thymiama vero purum appellat, sacras preces, quæ post hostiam offeruntur. Hic enim suffusus Deum refocillat, non is qui a terrenis radicibus sumitur, sed qui a puro corde exhalatur. Dirigatur igitur oratio tanquam incensum in conspectu tuo. Vides ut ubicunque concessum est Angelicum illud sacrificium inclarescere, vides nullis finibus circumscriptum, neque altare, neque canticum: *In omni loco Thymiama offertur nomini meo.* Est igitur hostia pura prima quidem, mystica mensa, cæleste summeque venerandum sacrificium.

F Est autem & in nobis varia sacrificiorum differentia. Posteaquam enim Lex in veteri Testamento multas habuit hostias, aliam pro peccatis, aliam quæ dicta est holocaustoma, aliam vocatam laudis, aliam salutaris, aliam pro leprosis mundandis, breviter, alias & multas & varias, pro his qui innumeris expiationibus condebantur, omnino magnus erat & modo carens numerus sacrificiorum in Lege: quæ omnia nova gratia superveniens uno complectitur sacrificio, unam ac veram statuens hostiam. Habemus autem & nos in nobis ipsis varias immolationes, non quæ juxta Legem incedunt, sed quæ decent Evangelicam gratiam. Vime has cognoscere victimas, quas habet Ecclesia, quum sine sanguine, sine fumo, sine altari cæterisque caeremoniis, munus Evangelicum sursum adscendit ad Deum, quodque sit sacrificium mundum & immaculatum? Audito sanctam Scripturam tibi

tibi palam exponerem hanc differentiam ac varietatem. Est igitur primum sacrificium, quod ante dixi, spirituale illud mysticum donum, de quo *Paulus* ait, *Imitatores estote Dei, tanquam filii dilecti, & ambulate in dilectione, quemadmodum & Christus dilexit nos, tradiditque seipsum pro nobis Deo sacrificium & oblationem in odorem suavitatis*. Alterum sacrificium est martyr. Et ubi testatur hoc Scriptura? Audi *Paulum*: *obsecro vos fratres, ut exhibeatis corpora vestra, hostiam vivam, sanctam, gratam Deo*. Habes primam hostiam quæ dicitur salutaris, habes secundam martyr, tertiam precatorem: *dirigatur deprecatio mea, tanquam incensum in conspectu tuo, sublatio manuum mearum sacrificium vespertinum*. Quarta est quæ offertur laude, hoc est, per hymnos: *sacrifica Deo sacrificium laudis*. Quinta est per justitiam: *tunc acceptabis sacrificium iustitiae*. Sexta offertur per eleemosynam: *Sacrificium*, inquit, *mundum & immaculatum, visitare pauperes & orphanos in afflictione ipsorum*. Septima fit in iubilo. Jubilum autem est victorialis in bello applausus. Nam aliud est ἀλαλγμός, hoc est, clamor: aliud ἀλαλγμός, hoc est, jubilatio. Quum post victoriam in bello milites vociferantur, ea est jubilatio, victoriæ signum. Eoque Propheta eos qui conspecturi erant Christi victoriam, hymnum vociferantes adversus hostes, beatos appellat dicens: *beatus populus qui scit jubilationem*. Jubilatio igitur est victorialis in bello plausus. Posteaquam ergo Servator victoriam tulit, devictis omnibus inimicis, dicens: *confidite ego vici mundum*: hymnum hunc offerentes victori, perficimus jubilationem, quam Propheta beatam vocat, dicens: *circumivi & immolavi in tabernaculo ejus sacrificium laudis & jubilationis*. Est & octavum quoddam sacrificium Deo, spiritus contritus: *cor contritum & humiliatum Deus non despiciet*. Vides quales hostiæ a nobis tractentur. Est & aliud nonum sacrificium, quod peragitur per Evangelii prædicationem. Is est sermo doctrinæ de qua *Paulus* Apostolus ait: *administrantes Evangelium Dei, ut fiat oblatio gentium accepta & sanctificata in Spiritu sancto*. Vides, quam declaravit, etiam Evangelii prædicationem offerri Deo? Habes igitur primum sacrificium, illud salutare donum, secundum martyrium, tertium deprecationis, quartum jubilationis, quintum justitiæ, sextum eleemosynæ, septimum laudis, octavum compunctionis, nonum humilitatis, decimum prædicationis: tamen si quiddam prætermisi, quum animo novem enumerarim, putavi me tradidisse decem. Quodnam igitur sacrificii genus prætermisum est? Est decimum sacrificium, fructificationis, de quo loquitur *Paulus*: *accepi quæ a vobis missa sunt per Epaphroditum, sacrificium acceptabile in odorem suavitatis*. Vides beneficentiam in sanctos a *Paulo* vocari sacrificium.

Habes igitur varias sacrificiorum formas, *Sacrifica Deo sacrificium laudis*. Laudavi vos omnes fratres, imo potius omnes laudavimus, & ante omnia Deus, sacrificium quod exhibuistis: loquor de beneficentia in pauperes, ut qui miseri estis eorum qui in foro conculcabantur clamantes ad Deum, & per vos exauditi sunt: imitati estis Dei benignitatem, depulistis a foro mendicitatis probrum, processit eleemosyna, & extinxit dedecus: dedecus enim divitum est clamor pauperum. Thesaurizastis thesaurum, divitias justitiæ; Nam hunc thesaurum oportet habere præ oculis, thesaurum veritatis, thesaurum justitiæ, thesaurum benignitatis in pauperes. Siquidem duo, fratres, sunt thesauri, unus qui reponitur malis, & alter qui bonis reconditur; Thesaurus malorum est inobedientia & intractabilitas, & iniquitas: de qua dicit *Paulus*, *Ignoras quod bonitas Dei ad poenitentiam te invitat, sed juxta duritiam tuam & cor impeniens thesaurizas tibi iram in die ire, & revelationis & justis judicii Dei*. Vides thesaurum peccatorum, reponi operantibus iniquitatem. Nunc vide thesaurum qui ex humanitate erga pauperes reponitur operantibus justitiam. Audi *Paulum* *Timotheo* scribentem: *præcipe his qui divites sunt in presenti seculo, ne animis offerantur, neque spem ponant in incerto divitiarum, sed ut beneficient, divites sint in operibus bonis, ut faciles sint ad impartendum & communicandum, thesaurizantes sibi the-*

thesaurum in futurum, ut veram apprehendant vitam. Vides thesaurum bonorum, vides thesaurum malorum. Et apud quem hic thesaurus deponitur? Clarum est quod apud Deum: nam ille & malorum thesaurum reponit ad retributionem. Et alteros quidem ulciscitur, alteris vero rependit præmia. Vis ipse videre quis thesaurorum horum perfectam habet memoriam custodiamque? Per *Mosen* loquitur de iis qui perpetrant mala, *De vinea Sodomorum vinca eorum, & palmes illorum ex Gomorra: uva eorum uva fellis, botrus eorum botrus amaritudinis: venenum draconum, vinum illorum, & venenum aspidis insanabile*. Et posteaquam commemoravit opera iniquitatis, protinus adjunxit: *nonne hac omnia condita sunt apud me, & signata in thesauris meis? in die ultionis retribuam, in tempore quum lapsus fuerit pes eorum*. Ad hunc modum dispensat thesaurum iniquitatis, his qui operantur injustitiam. Dispensat & thesauros regni, de quibus loquitur & *Esaias*: *venit sapientia & scientia & pietas a Deo*. Hi sunt thesauri justitiæ, de quibus & Servator sanctis discipulis suis loquebatur, *Thesaurizate vobis thesaurum indeficientem, æternum in calis*. Atque idem diviti loquens: *veni sequere me, & habebis thesaurum in calis*. Fugiamus itaque thesaurum iniquitatis, & recondamus thesaurum eleemosynæ, bonum opus, quodque possit omne peccatum extinguere, quod idoneum sit ad solvendam omnem iniquitatem.

Atque ut plane cognoscas quantam habeat vim eleemosyna, attentius considera quæ dicuntur. Peccata quædam spectant ad Deum, quædam ad hominem: veluti impietatem committere, blasphemias evomere, ad violare templum Dei aut Ecclesiam Dei persequi, aut Sacerdotes afficere contumelia, hæc omnia referuntur ad Deum. Cæterum mœchari, furari, injuriam facere, hæc intra consuetudinem quæ nobis cum conservis est consistunt. Multiplex autem est differentia, eorum quæ committuntur in Deum & quæ in homines. Nihil itaque pejus iniquitate, neque quicquam infelicius iniquitate adversus Deum, neque quicquam magis impium quam adversus Deum blasphemia. Et tantam tamen impietatem eleemosyna valet diluere, non si perseveret in blasphemia, sed si per poenitentiam peccatum revocet. Ne quis mihi hîc obstrepat dictis meis perperam intellectis, non enim mihi ad amentium amentiam, sed apud vos fideles mihi sermo est, apud veritatis collactaneos. Nihil scelestius impietate, nihil scelestius blasphemia: & tamen tantum malum per eleemosynam diluitur, si quis vere accesserit veritati. Sumo mihi ad probationem veterem *Danielis* historiam. *Balthasar Nabuchodonosoris* filius, quum aliquando debaccharetur in res divinas ac sancta violaret, ausus est in profano convivio ebriorum impiorum ac blasphemorum, sacra vasa, quæ *Hierosolymis* sustulerat, in medium asferre, iisque pro temulentia instrumentis abuti, *Et exportavit*, inquit, *vasa Dei, quæ erant Hierosolymis sancta, & bibis ex illis, ipse & uxores illius, & pellices, & concubina illius*. Violavit autem divina, non tantum per mensam profanam, verum etiam per intemperantiam. Atqui tantum etiam malum Deus lenitate sua tulit, illa malorum tolerans vis, illa opulenta gratia, illa benigna copiosaque humanitas, quæ acceptat poenitentiam nostram, & vindictam prorogat. Debacchantem in sancta tolerat Deus, & sententiam adversus illum proferre differt. *Exstitit*, inquit, *dum hac fierent in superficie parietis, hoc est, in crustamento, talus manus, a vola usque ad digitos, scriptisque in pariete. Mane Thehel phares*, & verba erant Hebraica, ac miraculi novitas expavescit tyrannum, cum convivis suis. Requirebatur ænigmatum solutio, nec inveniebatur; accersivit complures interpretes, qui non habebant quod dicerent de eo quod videbatur. Vocatur *Daniel* in medium: oportet enim primum consilio destitui mendacium, atque ita demum elucescere veritatem. Quemadmodum in *Egypto*, quum hæerent magi ac sapientes, moxque *Joseph* interpretans aperuit veritatem: ita & in *Babylonia*, redarguta omni humana sapientia, mox Dei sapientia per fidelem famulum eluxit. Vocatus est *Daniel*, ingressus est sanctorum verborum Propheta, spiritualis Scripturarum liber, magni Re-

gis interpretes. Atque ut cognoscas quid inter sit inter hominem simplicem & hominem Dei, qui natura quidem purus est homo, mente vero immortalis, introgressus ad illud convivium impietatis, advocatur ab ejus convivii principe, videlicet Rege, qui ait ad illum: *Scio quod Spiritus Dei sanctus sit in te, Explana nobis scripturam hanc, quid sibi velit.* Honoras famulum, & contumelia afficis Dominum: hominem revereris, & Deum contemnis. Confiteris Spiritum sanctum, & sancta polluis? *Scio quod Spiritus Dei sanctus sit in te;* Etenim sub patre meo, copiosior spiritus erat in te. *Si igitur hanc questionem dissolveris, purpuram indues, & torquem aureum circa collum tuum.* At beatus & admirandus ille, pro nihilo ducens hominum munera, sed super omnia veritatem honorans, ait, *Rex, munera tua alteri da viro, ac dona tua aliis largire, Ego tamen scripturam enarrabo.* Et quod erit interpretationis præmium? A Deo merces venit. Quin potius hoc ipsum mihi veritatis præmium erit, interpretari veritatem ac pietatem quæ infamatur vindicare. Vide autem admirandam justitiam, non protinus interpretatur scripturam, sed prius redarguit mentem Regis dicens: „ô Rex: Deus coeli „dedit regnum & potentiam patri tuo *Nabuchodonosor,* „insuper honorem addidit illi, similiter & tibi; & ut „sermonem in pauca conferam, dedit tibi Deus regnum „& potentiam, & tu oblitus es Dei, & exportasti vasa „illius aurea argenteaque, atque ex his potasti tu cum „uxoribus tuis pellicibus & concubinis, ei vero, qui „habet in manu spiritum tuum, non benedixisti: a Deo „missus est articulus manus a facie ejus, scripsitque in „superficie parietis sententiam ipsius. Atque hæc sunt „verba: *Mane,* numeravit Deus regnum tuum, & „complevit, id enim sonat *Mane* Syriorum lingua atque „idem Hebraica. *Thehel,* libravit Deus regnum tuum „& dedit illud *Perfis* ac *Medis.* Nam id temporis tantum erat regnum *Babyloniorum.* Considera illud admiratione dignum, quomodo declaravit, Deum omnia numero & mensura facere: libravit, inquit, ac mensus est. Nihil enim ab illo fit absque mensura, nihil sine pondere, nihil sine congruentia, sed iusta mensura vindictam infligit, quumque punit trutina librat ultionem, pro delictorum modo eam rependens, ne major sit commissis, sed congruens. Eoque Deus aliquando comminans *Judæ,* quum prius esset sublata atque extincta *Samaria,* dicit: „*& extendam in Hierusalem mensuras Samaria,* „*& trutinas domus Ephraim:* pro eo quod erat, eandem vindictam admetiar his, quam illis sum adensus. Neque enim mensura caret divina vindicta, sed mensura, & regula, & trutina mensurata est, sicut Servator loquitur in Evangeliiis, *Qua mensura mensus fueris, remetietur.* Mensus igitur fuerat Deus, ac libravit, divisit & impletus est numerus regni, ait ad illum. Quid autem accidit, post tam severam sententiam? mox induxit dicti solutionem. *Et nunc, Rex, consilium meum placeat tibi, ac peccata tua eleemosynis redime, & impietatem tuam commiserationibus pauperum, si forte propitius fiat delictis tuis.* Vides quantam vim habeat eleemosyna, quantum valeat humanitas, quam efficax justitiæ opus operetur erga egenos misericordia. Admonuit Propheta, cui si obedisset ille legislansgressor, gratia fuisset consecuta promissum. Sed gratia quidem erat simplex, mens vero non recipiebat correctionem. Adeo valida res est erga pauperes humanitas. Resecuit eleemosyna captivorum speciem e foro, tollitur captivitatis species ex universa terra. Vidisti forum plenum captivis, & correxisti inamœnum spectaculum, contrahet Deus ultionem vindictæ suæ quæ peccatis infligitur: neque enim injustus est Deus, ut obliviscatur animarum injuste interfectarum, neque sanguinis injuste effusi. Sublati sunt sancti, sed pro pietate mortui sunt. Ne mihi respicias ad captivitatis bellique speciem, sed illud specta, quod complures suscepto pro castitate certamine, mortem perpeffi sunt, multæ virgines in tempore opportuno, videlicet, in tempore persecutionis coronatæ sunt, quum animæ complures eodem tempore expugnarentur.

Ac ne putes illos Deo indignos quorum sanguis effu-

A sus est, istud est vetus historiarum exemplum. Semper Deus sanctos exponit periculis quo per hæc declaretur pietatis vis, ne quis dicat: Cur si erant pii sublati sunt, cur si erant pii occisi sunt, cur si Deo erant curæ tantam sustinuerunt oppugnationem? Audi *Davidem,* per vetera decantantem nova, *Deus, venerunt gentes in hereditatem tuam, polluerunt Templum tuum, Ac non simpliciter Templum, sed Templum sanctum tuum: Imposuerunt Hierusalem in pomorum custodiam, posuerunt morticina servorum tuorum escas volatilibus celi, carnes sanctorum bestiis terra.* Si hi tanquam indigni pietate traditi sunt, illi quomodo traditi sunt? si hæc nunc quidam patiuntur ut indigni Deo, quomodo eadem illa veteres sancti pertulerunt? Quod si idem Deus permittit, hæc omnia ad utilitatem suorum dispensans, ac per sanctos emendans peccati maculam, nihil prorsus injustum, in his quæ divina potentia permittuntur. Hæc permittit Deus ad exercendas mentes nostras, ac frequenter justis pro injustis mortem perpetiuntur. Habes veterem congruentiam, per antiquas historias: Pronuntiavit Deus adversus *Adam* dicens: *Terra es & in terram abibis.* Atque is quidem accepta sententia, inter vivos censebatur; Contra qui nihil peccarat *Abel,* interfectus est: qui obnoxius erat culpæ vita fruebatur, justus morti subjectus est, idque utiliter. Posteaquam enim Deus pronuntiavit sententiam adversus *Adam,* quocunque die comederis morte morieris, non dedit morti potestatem illico reum invadendi, ne mors adversus genus nostrum arriperet vera certaue contagia. Etenim si transgressos protinus arripisset, poena fuisset irreparabilis, citraque poenitentiae remedium. Sed ingressa est mors per injustitiam, ut ejiceretur per justitiam; Sublati sunt justis, sed extincti non sunt: in memoria sempiterna erit justus. Sanguis justorum effusus est, sed Deus eos qui traditi sunt tanquam viles & abjecti, filios appellat & tanquam filios ulciscitur. Porro quod qui simpliciter ab inimicis occisi sunt, filii Dei dicuntur ac tanquam filii vindictam accipiunt, sermonem meum confirmat beatus *Moses.* Quid autem ait in Cantico? *Exsultate gentes cum populo ejus, & adorent eum omnes filii Dei, quoniam sanguinem filiorum suorum ulciscetur.* Si filii Dei, quomodo occisi sunt ab inimicis. Vides quod Deus permittit justos occidi, ad probationem pietatis: nec violatum est verbum, ut confirmaretur sensus. Lætamini coeli, quoniam sanguinem filiorum suorum ulciscetur; traditi sunt tanquam alieni, & vindicantur tanquam filii. Exercitatio pietatis, est martyrium, hoc est, testimonium evidens & professum. Et quomodo? Audi & considera obsecro, dimitte cogitationem ad sermonis profunditatem. In omni tribunali quid aliud martyri proponitur, quam ut abneget Deum? Ac dum adversus hanc propositionem decertat, manifestam & irreprehensibilem arripit coronam martyrii. Super his vero sanctis, qui nunc occisi sunt, non erat iudex judicans, sed conscientia. Complures enim interdum (neque enim condemno, sed humanas cogitationes excutio) transgressi sunt in cogitatione: veluti si quis aliquando in afflictione dixit, ubi est Deus cui servivi, ubi est Deus quem professus sum? Ibi procella ac tempestas, ibi periclitatur navigium. Quod si quis dum illis examinatur tempestatibus, denuo resipuit ac dixit, num hîc mihi vita circumscripta est? Num exspectavi bona terræ? An non exspectabam regnum, an non exspectavi resurrectionem mortuorum? An non magnificam Angelorum vitam? An non vitam illam senii nesciam? Quid itaque me lædit mors, adferens bona æterna? Non perturbor temporariis, quum expectem æterna. Qui hæc expendit in animo, Deum habet suæ cogitationis iudicem, habet patronum, pium animum, habet tribunal, metum, habet testem conscientiam, quæ ipsi justitiæ plebit coronam, & ante conscientiam Deum coelitus præmia distribuentem operarii pietatis; Etenim qui videt occulta, coronat in propatulo. *Oratu,* inquit, *Patrem tuum in abscondito, & Pater qui est in abscondito reddet tibi.* Ergone qui orat in occulto coronatur, sed qui in occulto contorquet mentem ad confessionem, non coronatur? Martyrium, fratres, non eventu tantum æstimatur, sed etiam proposito. Non quum martyr decolla-

collatur tum sit martyr, sed ex quo propositum ostendit profitendi martyr est, etiam si non patitur quæ martyres solent. Et quis est, qui hæc suo comprobatur testimonio? Beatus ille *Paulus*, qui quum semel sit mortuus, tamen ostendit se quotidie mori. Quid enim inquit, *quotidie morior, per vestram gloriam, quam habeo in Christo?* Quotidie morior. Quomodo moreris, qui vivis? Moriebar proposito, sed servatus sum gratia Dei. Quantum erat in hominibus potentibus, & in me, quatenus me ipsum exposui, quotidie morior: quod autem ad gratiam attinet divinam, tanquam doctor, reservatus sum Ecclesiæ. Dispensat enim Deus res ad utilitatem hominum. Et alios quidem tradidit ostendatur probata fidelium mens: alios rursus servat, ut custodiat fermentum Ecclesiis. Non sunt pollutæ virgines, quod propositum sit immaculatum, & animus immarcescibilis. Et illud mihi considera, frater, virginitas citra controversiam accipit coronas: utra virginitas, quæ est propositi, an quæ est necessitatis? An nescis, quod innumeræ virgines corporaque impolluta decesserunt ex hac vita? An non multæ filiarum gentium abominabilium, & impiorum, tempus nuptiarum expectantes raptæ sunt? An non multi juvenes corpore incontaminato, post conjugium & nuptias morti sunt traditi? Juvenes inquam Ethnicorum filii, *Judaorum* filii, impiorum Hæreticorum filii. Abieruntque innumeri corporis virginitatem habentes. An apud tribunal Christi, tali virginitate præditæ turbæ dantur coronæ? Non dantur coronæ virginitatis, fructum aufert necessitas. Quod si nullus est necessitatis fructus, sed tota merces est propositi, numerus ille innumerabilis manet incoronatus, virginitatem quidem habens, sed virginitatis propositum non habens. Neque enim Deus acceptum fert quod sit ex necessitate, sed quod ex proposito recte fit. Si igitur illis innumeris virginitas non imputetur ad virginitatem, nec his quæ præter propositum iniquationis corruptæ sunt. Pollutum est corpus, sed animi templum non est pollutum: violatum est corpus, sed mens corrupta non est.

Ne quis igitur rejiciat multitudinem sanctorum in contumeliam & captivitatem traditorum. Sæpenumero sanctorum est pro impiis pati. Servator qui nihil peccaverat, pro peccatoribus traditur. Et *Esaias* clamat: *homo in via sua aberravit, & Dominus tradidit eum pro peccatis nostris.* Atque idem rursus: *Qui peccatum non fecit, nec inventus est dolus in ore ejus, & Dominus tradidit illum pro peccatis nostris, & pro peccatis populi venit ad mortem.* Vides? Imitatores Christi sunt, qui pro injustis patiuntur. Accidit autem, fratres, & alio modo, ut aliquantulum dilatam historiam, accidit ut etiam ex his qui occiduntur nonnulli peccatis obnoxii sint: Dominus autem per temporariam afflictionem, diluit peccatum, per corporum plagas extinxit animæ vulnera. His mors imputatur pro supplicio, quin & ægrotatio piis qui peccarunt imputatur pro supplicio. Et quis est qui ista promittit? *Paulus*: neque enim oportet quicquam dice-

re sine testibus, solaque animi cogitatione. Nam si quid dicitur absque Scriptura, auditorum cogitatio claudicat, nunc annuens, nunc hæsitans, & interdum sermonem ut frivolum aversans, interdum ut probabilem recipiens: verum ubi Scriptura divinæ vocis prodiit testimonium, & loquentis sermonem, & audientis animum confirmat. Quis igitur sermo nobis attestabitur, quod afflictiones & flagella hominibus illata imputantur ad peccatorum remissionem? Audi beatum *Paulum* loquentem de his qui indigne accedunt ad mensam mysticam: *An ignoratis quod qui edunt indigne, sibi edunt ac bibunt judicium?* Et quid continenter adjecit? *propterea inter vos multi infirmi*, propterea, quoniam indigne acceditis ad mensam, propterea multi infirmi. Multi infirmi, & dormiunt multi, pro eo quod erat, moriuntur, tanquam mors etiam pro peccato adveniat. His protinus annectit: *Si enim nos ipsos judicaremus, nequaquam judicamur a Domino.* Ergo Domini judicium est, & morbus, & mors. Et quid mihi prodest post mortem? Quis fructus post obitum? *Si nos ipsos judicaremus, nequaquam judicamur*, cum autem judicamur a Domino corripimur, ne cum mundo condemnemur. Deus enim justificavit, ne justos simul cum impiis perdat, neve simul condemnet sanctos cum profanis, idque valde convenienter: non enim par est, ut qui Deum adorant simul puniatur cum eo qui Deum afficit blasphemias, eodem modo plectatur pie colens Deumque glorificans, quo blasphemantes & despectui habentes veritatem, propterea Deus occultis & invisibilibus modis varie flagellat pios delinquentes, quo vide licet nos puros exhibeat magno illi tribunali: ut quum hic corripuerit, illic imputet præmium. Denuo resume sermonem Apostolicæ intelligentiæ. *Si nos ipsos judicaremus, nequaquam judicamur, cum autem judicamur a Domino corripimur, ne cum mundo condemnemur.* Huic dicto concordat & beatus *David*: *Beatus, inquit, homo, quemcumque corripueris Domine, & de lege tua docueris eum, ut mitiges ei a diebus malis.* Qui enim hic correptus fuerit, in requie erit, ac mitius experietur divinum judicium. Ne mireris, si pium ac castigatum liberat in futuro seculo. Reperis enim in divina Scriptura certissimum argumentum *Sodomitarum*, ac nihilo deterius habitatorum *Gomoræ*. Nihil illis magis impium, & tamen quoniam hic pœnas dederunt, mitius illos in judicio tractandos promittit Dominus: *Et in Capernaum, quæ usque ad cælum elata es, usque ad infernum detraberis: quoniam si in Sodomis facta fuissent virtutes quæ factæ sunt in te, mansissent ad hunc usque diem: verum tamen tolerabilis erit terra Sodomorum, & terra Gomoræ, in die judicii quam vobis.* Proinde si Sodomitis tolerabilius judicium reddit, quod in hac vita puniti sunt: cogita, quomodo pii qui hic castigantur, futurum effugiunt judicium. Quod judicium nobis omnibus contingat effugere, & cum fiducia sisti ad tribunal Christi, cui gloria in secula, Amen.

BEATI JOANNIS CHRYSOSTOMI

HOMILIA,

Quum Sartoninus & Aurelianus acti essent in exilium & Gainas egressus esset a civitate; & de avaritia.

M

ulto tempore filii, & post longum temporis spatium ad charitatem vestram reversus sum. Quanquam id non accidit ulla vel animi socordia, vel corporis desidia, sed abfui, tumultus componens, fluctus sedans, tempestatem corrigens, eosque qui jam demergi coeperant ad portum & in tranquillum porrecta manu reducere studens: Sum enim communis omnium pater, eoque necesse est curam agere, non tantum eorum qui stant, sed eorum quoque qui lapsi sunt: non illorum tantum qui secundis navigant ventis, sed & illorum qui tempestate jactantur, non eorum modo qui in tuto sunt,

verum etiam illorum, qui periclitantur. Harum sane rerum gratia reliqui vos, ad temporis spatium, obambulans, exhortans, obtestans, supplicans, ut a Domino ea calamitas dissolveretur. Posteaquam autem in amoenis illis ac tristibus finis est impositus, denuo me ad vos recepi, ad vos, qui in tuto estis, qui multa cum tranquillitate navigatis. Ad illos profectus eram, ut tempestatem sedarem: ad vos reversus sum, ne qua tempestas exoriat. Ad illos discefferam, ut eos a molestiis liberarem, ad vos redii ne in similes molestias incidatis. Quemadmodum enim oportet habere curam non eorum modo qui stant erecti, sed illorum quoque qui lapsi sunt, ira

ita rursus non lapsi tantum nobis debent esse curæ, sed & stantes: illi quidem ut erigantur, hi vero ne cadant: illi ut ab urgentibus malis liberentur, hi ne incurrant in molestias imminentes. Nihil enim est in rebus humanis stabile, nihil inconcussum, sed hominum vita imitatur mare vesaniens, quotidie parturiens naufragia, naufragia inquam tum nova, tum periculosa. Omnia tumultuum ac turbarum plena sunt, omnia scopuli & præcipitia, omnia rupes sub aquis latentes, & sinuosæ cautes. Omnia terrores, discrimina, suspiciones, tremores, & angores. Nemo cuiquam fedit, a suo quisque proximo metuit, tempus fortassis illud in propinquo est, quod Propheta depinxit his verbis: Ne fiduciam habeatis in amicis, & in principibus nolite spem ponere, a suo quisque proximo cavete, a conjugē tua cave, ne quid illi credas. Quid ita tandem? Quia tempus malum est, quia omnis frater infidiatur calcaneo ut supplantet, & omnis amicus dolose incedit. Non est amicus tutus, non frater firmus. Sublatum est caritatis bonum, civile bellum habet omnes, ac ne id quidem apertum, sed obumbratum. Innumerabiles ubique personæ simulatæque facies. Multa ovium vellera, innumeri ubique lupi sub his occultati, ut jam inter hostes aliquis tutius vixerit, quam inter hos qui videntur amici. Qui heri adulabantur, qui blandiebantur, qui manus exosculabantur, hodie repente comperti sunt esse lupi, abjectisque personis facti sunt omnibus accusatoribus acerbiores. Pro quibus hesterno die gratias agebant, pro his nunc inculant & calumniantur. Quæ est igitur horum omnium causa? Pecuniarum amor, vesana divitiarum cupiditas, morbus insanabilis, fornax quæ nunquam extinguitur, tyrannis quaquaversum per totum orbem terrarum diffusa.

Hanc ob causam, & nos quæ prius dicebamus, nunc denuo dicimus, nec dicere definemus; Tamen si heri complures incusabant nos talia loquentes: Itane nunquam defines adversus divites armatam habere linguam? Non defines cum his assidue belligerari? Num ego cum illis bellum gero? Num adversus illos armor? An potius pro illis cuncta tum dico, tum facio? Imo ipsi adversus seipsum gladios acuunt. An non id declaravit ipsa rerum experientia? Quo inquires pacto? ego quidem increpans & assidue objurgans quærebam illorum commodum: Sed illi verius sunt hostes, qui nobis hæc loquentibus culpam impingunt. Vidistis eventus rerum cum oratione nostra congruere. An non semper dixi, fugitivas esse divitias, ab hoc ad illum transeuntes? Atque utinam transissent solum, non etiam occidissent! utinam discessissent tantum, ac non e medio quoque sustulissent! Nunc autem præterquam quod deserunt suam protectionem, etiam gladio tradunt, & in barathrum pertrahunt, eo quod sunt periculosæ proditrices, cumque his potissimum bellum gerunt a quibus amantur. Ingratæ sunt, fugitivæ, homicidæ, crudeles & implacabiles, bestię incitantes, præcipitum undique prærumpunt, scopulus assiduis plenus fluctibus, mare innumeris ventis agitatum. Tyranni acerbè imperantes, Dominæ quovis barbaro sæviores, inimicæ irreconciliabiles, hostes implacabiles, quæque nunquam erga eos a quibus possidentur, remittunt similitudinem. At non huiusmodi paupertas, sed his quæ dicta sunt contraria. Ea siquidem est tutum asyllum, portus tranquillitas, perpetua securitas, deliciæ periculis expertes, voluptas sincera, vitaurbationum nescia, vita fluctuum ignara, copia inexpugnabilis, philosophiæ parens, frenum intemperantiæ, supplicii sublatio, radix modestiæ. Quam ob rem igitur, rogo, hanc fugientes illas persequimini? illas hostes, illas homicidas, illas quavis bestia sæviores? Talis est enim pecuniarum amor, talis vesani auri studium. Cur hostem tibi domesticum, & perpetuum convictorem tibi facis? Cur bestiam irritas, quam delinire oportuit? Et quo pacto, inquis, fiet mansueta? Si vel nunc mea verba toleretis, dum delicta fervent, dum calamitas viget, dum omnes in tumultu sunt ac mœrore. Ergo qui fieri possit, ut bestia non sit bestia? Equidem possum illam immutare si vos velitis. Nam ea sermonum vis est. Quo pacto igitur

A tur a feritate sua mutabitur? Si didicerimus quomodo fiat sæva, more Leonum, more Pardorum, more Ursorum, qui dum includuntur coercentur in tenebris, erigunt animos, acuuntque iras. Itidem & divitiæ, dum includuntur & defodiuntur, acius rugiunt quam Leones, perturbantque omnia. Quod si eas e tenebris eduxeris, & in egenorum ventres dissemines, ex feriis bestiis fiunt oves, quæ fuerant insidiosæ duces, pro scopulis fiunt portus, pro naufragio tranquillitas. Quandoquidem hoc & in navigiis videre licet, si quando onus est justo gravius, demergit cymbam. Rursum quum est moderatum, prospero fertur cursu. Idem usu venit in nostris ædibus. Quum ultra quam usus postulat congeris pecunias, exigui venti procella & quivis rerum inexpectatarum incurfus, demergit cymbam, At si tantum reponas, quantum postulat necessitas, etiam si vehemens turbo ingruat, facile percurris undas. Noli igitur plus concupiscere, quam exigit necessitas, ne totum amittas: noli quæ superant usum, congregare, ne perdas etiam necessaria. Noli præfinitos terminos prætergredi, ne facultatibus universis exuaris, sed quod superest refeca, ut necessariis ditescas. An non vides quod agricolæ vitem putant? ne vim omnem in pampinis & palmitibus, sed in radice proferat? Idem & tu facito. Amputa folia, omneque studium huc intende, ut quamplurimum fructus ferat. Quod si facere recuses rebus prosperis, exspectes adversas. In tranquillitate tempestatem exspecta: in sanitate morbum exspecta: in divitiis paupertatem ac mendicantem exspecta. *Memento*, inquit Scriptura, *tempus famis, in tempore abundantia*: mendicantem & egestatem, in diebus opulentiæ. Ad hunc modum si fueris affectus, tum & divitias multa cum sobrietate administrabis, & egestatem si incidat, fortissime perferes. Malum enim inexpectatum, perturbat animum si incidat. Quod autem expectabatur, si accadat, non multum adfert perturbationis. Ita duo commoda lucrifeceris, alterum ne prosperitas te reddat ebrium & insolentem, alterum ne commovearis ac perturberis rebus in diversum commutatis, maxime si semper expectatione contrariorum pendeas, suffecerit pro experientia expectatio. Tale est quod dico: dives es, exspecta quotidie paupertatem. Quare & quamobrem? Quoniam ista expectatio tibi maximam adferre poterit utilitatem. Etenim qui in divitiis expectat paupertatem, non indulget deliciis, non extollitur, non diffuit, non concupiscit aliena. Nam expectationis metus qui illi adest, pædagogus cuiusdam vice, cohibet ejus mentem, nec patitur mala avaritiæ germina subnasci, dum ea metu contrariorum, veluti falce quadam prohibet crescere, amputatque. Hoc igitur unum est e maximis bonis quæ lucrifacies. Alterum autem non est isto minus, videlicet, ut si accesserit paupertas, non expaveas. Assumatur igitur rerum tristium expectatio, ne quando veniat ipsa tristium experientia: ob hoc enim venit experientia, quod non adfit expectatio. Quod si illa correxisset hominem, hac non erat opus admodum. Hujus rei testis est *Jonas Ninivitis* prædicans interitum. Siquidem illi dum expectant, quod Propheta prædixerat, eis imminere calamitatem insanabilem, expectatione malorum venturorum fregerunt iram Numinis. Rursus *Judæi*, non credentes Prophetæ prædicenti *Hierosolymorum* excidium, acerbè perpeffi sunt. Sapiens enim metuens declinavit malum, insipiens fiducia sua involvitur. Qui expectat paupertatem dum versatur in divitiis, haud facile fiet pauper. Nam quod ab expectatione lucrari noluisti, id ab ipsa experientia pulchre disces. Proinde quum in divitiis es, exspecta paupertatem, quum in affluentia, exspecta famem, quum in gloria, exspecta ignominiam, quum in sanitate vivis, exspecta morbum. Assidue perpende rerum humanarum naturam, quæ nihilo melius habet quam amnium defluxus, & fumo in aerem evanescente fugacior est, & umbra prætercurrente inanior. In his si philosophatus fueris, nec suavia te poterunt inflare, nec molesta dejicere: si præsentibus bonis non admodum hæreas, neque absentibus discruciaris, si consuefacias animum ad diversorum expectationem. Sæpe quidem fiet, ut diversa

Ex Plu-
tarcho.

diversa non accidunt. Sed si acciderint, non vehementer te commovebunt.

Atque ut intelligatis me hæc non ex conjectura loqui, volo vobis narrare veterem quandam historiam. Fuit vir quidam admirabilis & magnus, & ubique per orbem terrarum celebratus, Beatus ille *Job*, ille pietatis athleta, ille totius mundi victor & coronifer, qui per omnia certaminum genera transivit, qui innumera trophæa erexit devicto Diabolo. Hic erat dives & pauper, gloriosus & contemptibilis, multorum liberorum pater, & orbus. Hic versatus est in aulis regalibus, sed idem fuit in sterquilinio. Hic fuit in splendida veste, sed post illam in morfu tinearum. Hic possedit innumera ministeria, sed idem sustinuit innumerabiles contumelias, a familiaribus in ipsum insurgentibus, ab amicis conviciantibus, ab uxore insultante. Omnia illi prius velut e fonte affluebant, pecuniarum copia, potentiae magnitudo, gloriæ accessio, pax & securitas, honores & obsequium, corporis sanitas & filiorum opulentia, nec erat in his quicquam molestum. Aderant illi divitiæ cum securitate, prosperitas stabilis. Atque optimo quidem jure. Deus enim illum undique vallaverat. Sed post, illa omnia recesserunt, moxque innumera tempestates immigrarunt in domum illius: omnes, inquam, ac sibi vicissim succedentes, ac perpetuæ, denique supra modum, supraque fidem omnes. Siquidem universæ facultates illi semel ereptæ sunt, famuli liberique præmatura violentaque morte oppressi sunt, ad mensam & ipso in convivio mactati, non quidem securi aut gladio, sed a malo Spiritu, qui domum concussit. Tum uxor in illum armabatur, suasque machinas admovevit justo. Famuli porro & amici, partim exspuerunt in faciem ejus, quemadmodum ait ipse: *Non pepercerunt faciem meam conspuere*: partim irruerunt in eum, & ex tota domo ejectus est, ac deinceps in sterquilinio vitam egit, ac vermium fontes scatebant, undique sanguine & sanie diffusebat ille pretiosus adamas. Et accepta testa, absterxit saniem, ipse sibi factus carnifex, dolor dolorem excipiebat, & cruciatus intolerabiles, & nox die molestior, & dies nocte terribilior, sicut ipse dicit: *Quum obdormiero, dico, quando erit dies? Quum surgo, rursum dico, quando erit vespera?* Plenus dolorum sum a vespera usque ad diluculum. Omnia præcipitia, omnia scopuli, nec est ullus qui consoletur, qui insultent innumeri. Attamen in tanta tempestate, tantisque fluctibus adeo intolerandis, constitit adversus omnia generoso animo & illabefactabilis. In causa fuit, id quod dicebam: nimirum quod quum dives esset, exspectabat egestatem, quum sanus esset, exspectabat ægrotationem

quum tot liberorum esset pater, exspectabat, ut subito fieret orbus. Atque hunc timorem semper apud se susceperat, & hanc anxietatem semper apud se aluit, intelligens rerum humanarum naturam, momentariamque volubilitatem negotiorum considerans. Eoque dixit: *Timor quem timebam evenit mihi, & periculum quod metuebam occurrit mihi*. Semper enim cogitatione spectabat ad illum timorem, opperiens eum, sperans expectansque. Eoque quum advenisset, non perturbavit illum. *Neque filii*, inquit, *neque quievi, sed mihi venit ira*. Non dixit, non filebo, neque quiescam, præsentis tempore, sed non quievi præterito tempore. Neque enim rerum prosperitas attulit arrogantiam, sed expectatio tristitiam non sinebat me quiescere. Quanquam affluentia vehementer hortabatur ad delicias, sed asperitas eorum quæ exspectabantur, profligabat securitatem. Et licet præsens felicitas cogeret frui rebus, tamen futurorum sollicitudo voluptatem interrumpit. Ideoque quoniam præmeditatus in animo suo hæc ventura prospexerat rebus lætis, hæc certamina posteaquam acciderunt fortiter & animose pertulit, utpote jam olim ad illa exercitatus: & quoniam ea expectatione præceperat, non est perturbatus, quum cerneret illa adesse, quoniam nec tum quidem quum adessent læta, vehementer illis adhæsit. Audi quid dicat: *Quod si delectatus sum quum mihi multa affluerent divitiæ, si reposui copiosam auri vim mihi, si fiduciam habui in lapidibus pretiosis, si ad innumerabilia posui manum meam*. Quid ais, homo? non delectatus es divitiis affluentibus tibi? Nequaquam, inquit. Quid ita? Quoniam videbam illarum instabilitatem fluxamque naturam, videbam possessionem haud durabilem. *Aut non video quidem*, inquit, *Solem orientem, ac deficientem, Lunam vero insereuntem?* non enim in eodem manet statu. Quod autem dicit tale est: Si Stellæ quæ sunt in coelis perpetuoque lucent, recipiunt nonnullam mutationem, Sol deficiens, Luna interiens, an non extremæ dementiæ sit, terrena pro stabilibus fixisque ducere. Eoque nec præsentibus magnopere delectabar, nec discedentibus vehementer contristatus sum, quoniam probe noveram earum rerum naturam. Hæc nos audientes, carissimi, neque paupertate dejiciamur, neque divitiis intumescamus, sed in rerum permutatione animum immutabilem retinentes philosophiæ fructum metamus, ut & hic voluptate perfruamur, & futura assequamur bona. Quæ contingat nobis omnibus adipisci, gratia & bonitate Domini nostri Jesu Christi, cui cum Patre gloria simul cum sancto Spiritu nunc & in secula seculorum, Amen.

DE FIDE AN NÆ,

Deque Philosophia, hoc est, animi moderatione, de humanitate, de honore deferendo Sacerdotibus; & quod tum in initio, tum in fine prandii sit orandum.

Prima orationis, tantum finis exstat.



ULLA profecto res est, carissimi, quæ possit æquari deprecationi, neque quicquam est fide potentius. Utrumque nobis heri declaravit *Anna*: cum his enim muneribus accedens ad Deum, omnia quæ voluit effecit. Siquidem & naturam mancā ac sterilem correxit, & vulvam quæ erat conclusa aperuit, & probrum sustulit, & convitia æmulæ dissolvit. Seque ipsam ad magnam restituit fiduciam, dum e petra infrugifera spicam messuit comantem. Omnes audistis, quomodo fleverit, quomodo precata sit, quomodo orarit & exorarit. Concepit, peperit, educavit, & consecravat Templo *Samuelem*. Itaque nequaquam aberravit, qui hanc mulierem pueri simul & matrem & patrem appellavit. Quanquam enim & vir addiderat semen, hujus tamen deprecatio vim efficaciamque semini præbuit, effecitque ut *Samuel* auspicationibus exordiis nasceretur. Neque enim quemadmodum in cæteris hominibus somnus & congressus tantum parentum, verum etiam preces, lachrymæ, fidesque fuerunt hujus generationis principia. Eo-

que cæteris illustriorem habuit ortum, Propheta propter matris fidem factus. De hac muliere forsitan aliquis non absurde dixerit: *Qui seminant in lachrymis, in exultatione metunt*. Hanc æmulemur viri, hanc imitemur foeminae: nam utriusque sexus magistra est mulier: Quæ steriles sunt, ne desperent. Quæ matres sunt, sic educant natos liberos. Sed omnes simul imitemur mulieris philosophiam, quam habuit ante partum, fidem quam habuit in partu, curam studiumque quod habuit post partum. Quid enim esse possit illa muliere magis philosophicum animique moderatioris, quæ calamitatem adeo intolerabilem, placide fortiterque tulit, nec prius destitit, donec eam molestiam discussit, malique finem reperit, tum admirandum, tum incredibilem, nullo e terrenis accito adjutore & opitulatore. Noverat enim humanitatem Domini, eoque sola illum adiit, & quicquid voluit impetravit. Neque enim humanum auxilium, sed divinam gratiam requirebat, illius desperationis correctio: quod ea non nascebatur ex jactura pecuniarum, ut aliquis allato auro, diluere posset angorem;

Tom. VIII.

M

rem;

rem: neque ex adversa corporis valetudine, ut accitis medicorum filiis morbum posset abigere. Natura erat maledicto obnoxia, coelestem manum desiderans. Eoque sane prætermisiss omnibus terrenis ad naturæ Dominum confugit, nec prius destitit, quam illum flesteret exoraretque ut orbitatem tolleret ac vulvam aperiret, eque sterili faceret matrem. Itaque beata est & ob hoc, non quod mater facta sit, sed quod quum non esset, facta sit. Siquidem illud est naturæ commune, hoc autem erat eximium foeminae meritum. Beata quidem igitur, & propter nixus illos, nihilo minus tamen beata, propter omnia illa quæ partum præcesserunt. Scitis enim profecto omnes, sive mulieres, sive viri, nihil gravius aut intolerabilius accidere posse foeminae, quam ut liberis careat, adeo ut si mille prosperitatibus alioqui fruatur, dolorem ex hoc vulnere natum haud unquam ex animo valeat depellere. Quod si id nunc post Evangelii lucem adeo est intolerandum, quum ad maiorem philosophiam vocati sumus, quumque ad coelum tendentibus nullus est rerum præsentium respectus, sed ad alteram vitam adornamur, quumque multis laudibus effertur virginitas: cogita quantæ infelicitatis ea res visa tum fuerit, quum futurorum nulla esset spes, ac ne cogitatio quidem, veteris illius Legis alumnis, sed omnia fierent rerum præsentium gratia: quum id temporis sterilem & orbam esse foeminam, execrabile quiddam erat ac damnable. Nemo possit eloqui, nec ullo sermone consequi, doloris magnitudinem ex hoc vulnere venientis. Testes vero sunt foeminae, quæ quum in cæteris omnem præstiterint philosophiam, hanc infelicitatem non pertulerunt æquo animo, sed quædam maritis indignatae sunt, aliæ sibi vitam judicarunt esse injucundam. Hanc vero foeminam non anxietas modo a sterilitate proveniens, verum & aliud quoddam obsidebat malum, ira videlicet, propter æmulæ opprobria. Et quemadmodum ventis ex adverso inter sese concurrentibus, mediamque scapham dum inter se depugnant, corripientibus, ac multis fluctibus partim a proa partim a puppi insurgentibus gubernator clavo affidens servat navim, undarum incurtus gubernandi prudentia depellens: sic & mulier tum illa, quum ira & angor in animum ipsius facerent impetum, rationem illius perturbantes, multosque fluctus excitarent, non jam biduum aut triduum, aut dies viginti, sed ad totos annos (nam hoc, ut ait Scriptura, ex multo tempore factum est) fortiter pertulit tempestatem, nec passa est rationem demergi. Siquidem Dei timor tanquam nauclerus gubernaculis affidens, persuasit eam tempestatem magno animo perferendam esse, nec prius destitit mentem illius gubernare, donec in tranquillum adduceret portum, onere plenam, hoc est, uterum pretioso thesauro onustum. Neque enim aurum argentumve portabat, sed Prophetam, sed Sacerdotem. Eratque gemina ejus uteri sanctificatio, & quod tali puero prægnans esset, & quod conceptionis initium, per deprecationem ac coelestem gratiam acceperat. Onus autem illud non solum erat inopinatum & admirabile, verum & importationis modus fuit admirabilior: neque enim illud hominibus ullis vident, aut negociatoribus, sed protinus ut exposuerat e scapha, Deo vendidit. Tantum autem hac negotiatione lucrum fecit, quantum facere par est eam quæ cum Deo habuerit commercium. Etenim posteaquam eum foetum acceperat Deus, reddidit illi alterum filium; Imo potius, non unum, neque duos, neque tres, neque quatuor tantum, sed his multo plures, ut jam usura fortem excederet. Talis enim est negotiatio commerciumque quod cum Deo geritur. Non ille quantulamcunque fortis partem, sed multis partibus duplicatam reddit. Neque solum dedit illi proles foemineas, sed ex utroque sexu lucrum illius cumulavit, ut illi jam plenum ac perfectum contingerit gaudium.

Hæc eo commemoro, non ut laudemus tantum, sed & æmulemur hujus mulieris fidem ac tolerantiam, quam ex parte quidem audistis hesterno die: Verum ut reliquias persolvamus, concedite mihi pauca commemorare de sermonibus post primam deprecationem cum Sacerdote ejusque ministro habitis, ut perspicatis mitem ac

A placidum hujus mulieris animum. *Et factum est, inquit, quum multiplicaret precationem in conspectu Domini, Heli Sacerdos observavit os illius.* Geminam Scriptor hic virtutem in foemina suo testimonio comprobavit: in precibus assiduitatem instantiamque, & animi vigilantiam: illam quidem quum ait, *multiplicavit*: hanc, quum addit, *in conspectu Domini*. Nam omnes quidem oramus, sed non omnes in conspectu Domini. Etenim quum corpore in terra prostrato, & ore frustra delirante, mens ubique per domum ac forum circumvagatur: quo ore talis posset dicere, quod oraverit in conspectu Domini? Nam in conspectu Dei orat, qui orat undique colligens suam mentem, nihil habens cum terra commercii, sed ad ipsum Deum totus commigrans, omni cogitatione humana ab animo depulsa. Quemadmodum id temporis hæc fecit mulier: totam enim sese collegerat ac mentem intenderat, atque ita Deum invocavit, animo dolente. Sed quomodo dicit, quod multiplicaverit precationem, quando exiguus est modus precationis quam fudit mulier. Neque enim in longum produxit sermonem, neque in multum temporis extendit supplicationem, sed pauca nudaque verba prolocuta est. *Adonai Domine, Eloi Sabaoth, si respiciens respexeris ad humilitatem ancilla tua, meique memor fueris, nec oblitus ancilla tua, dederisque ancilla tua prolem masculam, offeram illam dono in conspectu tuo, usque ad diem mortis ipsius. Vinum & quicquid inebriat, non bibet, & ferrum non ascendet super caput ejus.* Quæ est hic verborum multitudo? Quid igitur innuit, quum ait, *multiplicavit*? Assidue sonabat eadem, nec destitit iisdem verbis iterandis multum temporis absumere. Ad hunc modum & Christus in Evangelio docuit orare. Quum enim jussisset discipulis ne more gentium orarent, utentes multiloquio, etiam modum precationis docuit: ostendens ut exaudiamur, non esse situm in verborum multitudine, sed in vigilantia mentis. Quomodo igitur, dixerit aliquis, si paucis orandum est, parabolam eis proposuit, admonentem semper esse orandum? „Vidua quædam erat, quæ assidue appellando, crudelem & inhumanum judicem, neque Deum timentem, neque homines reverentem, frequenter adiens flexit. Quin nos & Paulus hortatur dicens, *precationi instantes*: Ac rursus, *indefinenter orate*. Utrumque faciendum est, ut nec in longum verba proferamus, & tamen assidue deprecemur. Hoc, inquit, cum illo pugnat, sed non inter se pugnant ista. Absit hoc, sed magnopere inter se congruunt. Siquidem & Christus & Paulus jussit breves, sed crebras fieri precationes ex paucis intervallis: Nam si in longum extenderis verba, quum frequenter parum sis attentus, multam audaciam Diabolo suppeditasti, ut accedat supplantetque, ac mentem ab his quæ dicuntur avocet. Quod si frequenter ac subinde oraveris, tempus omne crebris dirimens intervallis, facile poteris esse sobrius ac vigilans ut precationem multa cum attentione perficias. Quod sane hæc fecit, dum non sermone prolixo, sed crebris ac frequentibus precibus adiit Deum.

Deinde posteaquam Sacerdos illi occlusit os: nam, hoc est quod ait, *observabat os ejus, & labia ejus movebantur, vox autem illius non audiebatur*: coacta est obedire Sacerdoti, & ab orando desistere. Et vox quidem illi interclusa est, at non est exclusa fiducia, sed vehementius etiam cor clamabat intus. Nam illa potissimum est deprecatio, quum ab intimis voces sursum feruntur: hoc præcipue mentis est exercitatio, non intentione vocis, sed animi fervore precationem absolvere. Sic oravit & Moyses: cui quum nihil voce resonaret, Deus tamen quid inquit, clamas ad me? Homines quidem externam hanc vocem tantum audiunt, at Deus & ante hanc intus inclamantes audit. Itaque fieri potest, ut etiam qui non clamant audiantur, ut per forum ambulans quis ore accuratissime, ut in consessu amicorum, aliorumque, quidvis aliud agens vehementi clamore invocet Deum, clamore inquam interno, etiamsi nihil faciat, quod a quoquam præsentium sentiatur. Quod sane tum hæc fecit mulier: *Vox, inquit, illius non audiebatur, & exaudivit illam Deus.* Tantus erat illius clamor internus. *Et dixit illi puer Heli: quousque eris ebria?* Discute vinum tuum

tuum abs te, & recede a conspectu Domini. Hic potissimum licet hujus mulieris philosophiam perspicere, Domi exprobrabat æmula, venit in Templum, & Sacerdotis puer afficit illam contumelia, & increpat ipse Sacerdos. Effugerat domesticam tempestatem, venit in portum, & rursus invenit undas; venit acceptura medicamen, & vulnus exasperatum est. Scitis quomodo animi in mœrore constituti adversus contumelias & convitia sint affecti. Quemadmodum acerba vulnera ne levem quidem manus contactum ferunt: sic & animus perturbatus difficilis est ac morosus, & ad omnia indignatur, quovisque verbo mordetur & offenditur. Verum hoc non accidit huic mulieri, ne tum quidem quum a puero convitiis peteretur. Nam si Sacerdos fuisset convitiatus, non erat perinde miranda tolerantia, propterea quod dignitatis magnitudo, ac magistratus auctoritas vel invitam illam compulisset ad molestiam. Nunc vero nec adversus Sacerdotis puerum indignata est: quo magis etiam sibi conciliavit Deum. Sic enim res habet, quoties opprobriis milleque malis affecti, convitiantes excelso ferimus animo, majorem nobis a Deo benevolentiam conciliamus. Et unde hoc liquet? ex his quæ evenere *Davidi*. Quid autem illi evenit? Exulabat aliquando e patria, simul & de libertate & vita sua periclitans, & exercitu adversus intemperantem illum juvenem tyrannum ac parricidam instructo, errabat in desertis. Nec tamen indignatus est, nec despondit animum apud Deum, neque dixit: quid tandem hoc rei est? permisit, ut filius insurgeret adversus illum, a quo progenitus est, qui etiam si quid haberet, de quo iuste queri posset, non oportuit tamen id facere. Nunc vero nec in parvo nec in magno læsus a nobis, obambulat cupiens dextram paterno sanguine pollueri, & Deus hæc videns patitur. Sed nihil horum dixit. Quin quod profecto majus est & admirabilius, errantem & undique expulsum *Semei* quidam vir improbus ac scelestus infectatus est, homicidio pollutum & impium appellans, aliisque innumeris convitiis impetens. At ne sic quidem fuit exasperatus. Quod si quis dixerit. Quid miri, si non ultus est, quum propter imbecillitatem ulciscendi potestatem non haberet? Primum illud dixerim. Non perinde mirarer eum, si diadema gestans & regno potiens, inque throno sedens convitiantem pertulisset, ut nunc illum & laudo & admiror tempore calamitatis philosophantem animoque moderantem. Nam illic & imperii magnitudo, & convitiantis vilitas, sæpenumero persuasit, ut contumeliam negligerent. Multi Reges frequenter similem animi moderationem præstiterunt, qui insignem convitiantium insaniam acceperunt pro excusatione. Neque enim æque nos in rerum prosperitate atque in adversis opprobria mordere solent. Sed ubi concidimus, tunc magis pungunt nos, acriusque mordent convitia. De hoc porro, & aliud quiddam licet commemorare, videlicet quod illi fuerit in manu vindictam sumere. Atque uti perspicias eam animi moderationem non fuisse impotentiae, sed patientiae, quum id princeps exercitus cuperet sibi committi, ut ad convitiantem transfret, ejusque caput amputaret, non solum non permisit *David*, verum etiam indignatus est dicens: *Quid mihi tecum, fili Sarvia, finire illum maledicere, ut videat Dominus humilitatem meam, & reddat mihi bona pro maledictis hujus in die hoc.* Quod quidem & evenit. Vides quod justus intellexit magno animo perpeti convitia, occasionem esse majoris probationis. Hanc ob causam & *Saulem* aliquando nactus inter geminum parietem, quum esset occidendi facultas, pepercit, idque quum comites hortarentur ut stringeret gladium. Sed neque tam prompta occidendi facultas, neque comitum qui aderant provocatio, neque multarum injuriarum, quas perpeffus fuerat memoria. Neque enim illum perinde miror, priusquam esset ab uxore instigatus, ut post illud perniciosum consilium; Verum ne cui videatur incredibile quod narro, frequenter quos ipsa rerum natura non subvertit, verbum corruptaque exhortatio devicit. Quod quum non ignoraret Diabolus, post inflictum vulnus ipsa malorum experientia, etiam per sermones fecit insultum. Nimirum hoc est quod fecit in *Davide*. Posteaquam enim vi-

dit illum infracto animo tulisse filii rebellionem, & impiam illius tyrannidem, volens supplantare *Davidis* mentem, atque ad iracundiam percellere, aggressus est illum amarulentis *Semei* verbis, hoc agens ut morderet & exasperaret animum illius. Hoc ipsum & in beatum *Job* astu molitus est. Ut enim perspexit & illum sua deridere jacula, neque secus atque turrin quandam adamantinam adversus omnia fortiter consistere, obarmavit in eum uxorem, quo videlicet non esset suspectum consilium, & venenum verbis foeminae textit, calamitatem exaggerans. Quid igitur beatus ille ac magnanimus? *Cur locuta es*, inquit, *sicut una de stultis mulieribus, Si bona accepimus de manu Domini, mala non excipiemus?* Nam si non esset, inquit, Dominus, neque tanto nobis excellentior, sed amicus aliquis pari loco & conditione, quam haberemus excusationem, si tot tantisque affecti beneficiis, diversa nolimus perferre? Vides ut vir Deum diligens, excelso est pectore, nec effertur animo nec gloriatur, quod plagas illas humanam naturam excedentes fortiter toleret, neque suæ sapientiae tribuit, non insolescit tam insigni tolerantia, sed perinde quasi debitum exsolvisset, nihilque præter æquum accidisset, ita ex superfluo mulieri os occlusit.

Idem factum est in hac muliere. Nam simul ut *Satanas* perspexit eam magno animo ferre sterilitatem, adiit Sacerdotis puerum, qui magis illam exacerbaret. At nihil horum accidit mulieri, sed domi præparata ad perferenda maledicta, æmulæque convitiis exercitata, intrepide jam adversus ejusmodi assultus colluctabatur. Quapropter & in Templo multam præstitit humanitatem, admodum viriliter magno animo scommata perferens, dum audit temulenta ac vinolenta. Nihil autem vetat & ipsa mulieris audire verba; quum enim puer dixisset, *digere vinum tuum abs te, & recede a conspectu Domini*: respondit *Anna* & dixit, *nequaquam domine*. Qui contumeliose loquutus fuerat, eum appellat dominum, Non dixit quod plerique solent homines, *Istane Sacerdos?* *Ista qui alios docet?* temulentiam ac vinolentiam mihi exprobrat? Sed illud spectabat, quomodo suspicionem depelleret, licet falsam. Nos contra, si quando convitiis appetimur, quum oporteret excusare & in gratiam redire, frequenter excitamus incendium, ac ferarum in morem insilimus in convitatores, prætocantes, obstricto collo trahentes, pro dictis supplicium reposcens. Atqui his ipsis factis suspicionem de nobis confirmamus. Nam si cupis exprobrantibus ostendere, te non esse temulentum, ostende per mansuetudinem, ostende per humanitatem, non per contumelias & convitia. Nam si percusseris eum qui te affecit convitiis, temulentiam tuam condemnaturi sunt omnes; Sin magno pertuleris animo, factis ipsis depuleris malam de te suspicionem: id quod tum hæc fecit mulier. Quum enim diceret *nequaquam domine*, re nimirum ipsa declaravit, falsam esse illius suspicionem. Unde autem hoc vel suspicari potuit Sacerdos? Neque enim ridentem vidit, neque saltantem, neque vertigine concidentem, non audivit ullum verbum obscœnum aut illiberale sonantem. Unde igitur concepit hanc suspicionem? Haud ille quidem temere nulla de causa conceperat eam, sed ex diei tempore, erat enim meridies quum precaretur illa. Unde hoc liquet? Ex his quæ locum hunc præcedunt. *Surrexit*, inquit, *Anna, postquam illi comederant & biberant in Silo, & constitit in conspectu Domini*. Quod omnes faciunt tempus relaxationis, illa fecit tempus deprecationis: post convivium accurrens ad supplicationem, fontes lachrymarum emisit, mentemque præ se tulit sobriam ac vigilantem: ac post epulas adeo intentè oravit, ut donum acciperet supra naturam, solveretque sterilitatem ac naturæ imbecillitatem corrigeret.

Hoc igitur a foemina lucro consequuti sumus, ut sciamus & post convivium orare. Quisquis enim ad hoc præparatus fuerit, nunquam in ebrietatem aut vinolentiam incidet, nunquam edacitate distendetur, sed quoniam expectationem precationis habet pro freno impositam animo, conveniente mensura attinget ex omnibus quæ fuerint apposita, multaque benedictione tum animam tum corpus implebit. Siquidem convivium quod a pre-

catione ceptum, in precationem definit, nunquam deficiet, sed quovis fonte uberius nobis omnia adferet bona. Ne igitur tantum negligamus lucrum. Absurdum enim fuerit, si quum famuli nostri, si quando partem aliquam eorum quæ nobis apposita sunt acceperint, nobis gratias agant, beneque nobis precantes abeant: nos quum tot tantisque fruamur bonis, ne hoc quidem honoris Deo persolvamus, præsertim quum hinc multam simus assecuturi securitatem. Ubi enim precatio & gratiarum actio, eo sancti Spiritus advenit gratia, abiguntur Dæmones, & omnis adversaria potestas diffugit ac discedit. Qui se conversurus est ad orandum, non audet quicquam absurde loqui, ne in medio quidem convivio: aut si loquutus fuerit, mox resipiscit. Proinde oportet, tum in initio tum in fine convivii gratias agere Deo, ob hanc præcipue causam, quod quemadmodum dicere coeperam, haud facile prolaberemur in ebrietatem, si nos ipsos in hanc consuetudinem constituerimus. Quin si quando surrexeris crapula potuque gravatus, ne sic quidem adjicies consuetudinem: sed quamvis habeamus gravatum caput, quamvis vertigine circumferamur, & concidamus, nihilo secius tamen orabimus, nec abolēbimus consuetudinem. Etenim si præcedenti die ad hunc oraveris modum, postridie corriges dedecus pridie commissum. Quoties igitur prandebimus, meminerimus hujus mulieris, & illius lachrymarum, nec non præclaræ ejus ebrietatis. Nam ebria erat mulier, non e vino, sed ex abundantia pietatis. Etenim si post prandium talis fuit, qualis erat sub auroram? Sin tam instanter oravit post cibum & potum, qualis erat jejuna?

Redeamus igitur denuo ad verba illius, verba multæ plena philosophiæ, multaque referta mansuetudine. Quum enim dixisset, *nequaquam Domine, subtexuit: Mulier in duro die sum ego, vinum & quod inebriat non bibi.* Observa quomodo nec hic commemorat æmulæ convitia, neque traducit illius malitiam, nec domesticam calamitatem exaggerat evulgans, sed hætenus aperit suam anxietatem, ut tantum sese apud Sacerdotem purgaret. *Mulier in duro die ego sum: Vinum & quicquid inebriat non bibi, sed effundo animam meam coram Domino.* Non ait *deprecor Dominum, supplico Domino*, sed *effundo animam meam coram Domino*, hoc est, me ipsam totam converti ad Dominum, mentem meam exinanivi apud illum, toto animo totaque virtute precationem meam peregi. Deo narravi calamitatem meam, ostendi vulnus, ille potest dare remedium. *Ne des ancillam tuam in faciem, in filiam pestilentem.* Rursus ancillam appellat se ipsam, multam adhibens curam, ne a Sacerdote malam referat opinionem; nec apud se dixit, Quid mihi curæ est istius calumnia? ignoranter ac temere accusat, suspicatur ubi nihil erat opus, *Mea conscientia pura esto, & omnes me traducant: sed Apostolicam illam implevit legem, quæ jubet ut provideamus bona, non tantum coram Domino, sed etiam coram hominibus.* Atque omni modo suspicionem depulit, quum ait, *ne des ancillam tuam in faciem, in filiam pestilentem.* Quid autem est *in faciem*? Ne me existimes effrontem & impudentem esse. Angoris non vinolentiæ est hæc audacia, mœroris non ebrietatis. Quid igitur Sacerdos? Considera & illius prudentiam. Non inquisivit curiosè de genere calamitatis, non exactius scrutatus est angoris causam. Sed quid ait? *Vade in pace, dabit tibi Dominus Deus Israel omnem petitionem, quam ab eo petisti.* Mulier ex accusatore fecit patronum, tanta res est humanitas ac mansuetudo. Pro contumelia, copioso accepto viatico discessit, eumque nacta est propugnatorem & intercessorem, quem habuerat objurgatorem. At ne sic quidem destitit, sed rursus ait, *inveniat ancilla tua gratiam in oculis tuis*: hoc est, utinam e finerumque exitu discas, quod hanc deprecationem obsecrationemque fecerim non ex vinolentia, sed ex angore. *Et quum abisset, inquit, non amplius concidit.* Vides mulieris fidem? priusquam acciperet quod postularat, perinde confisa est, quasi jam accepisset. In causa erat, quod oraret multo cum fervore, multoque studio citra ullam hæsitacionem aut dijudicationem. Hanc ob rem abiit animo pacato, quasi totum impetrasset. Quin insuper

A Deus jam totam anxietatem illi excussit ex animo, largiturus domum quod petebat.

Hanc sceminam imitemur & nos, & in omnibus afflictionibus ad Deum confugiamus. Et si nobis non fuerint liberi, ab illo postulemus: quos si acceperimus, multa cura educamus: adolescentes quum ab omni vitio sevocemus, tum præcipue a lascivia, quod hoc difficile sit bellum, nec alia res molestior est illi ætati, quam hic morbus. Undique igitur circumvallemus illos consiliis, adhortationibus, terroribus, minis. Si hanc devicerint concupiscentiam, nec ab aliis facile expugnabuntur, sed & pecuniis erunt superiores, & temulentiam vinolentiamque superabunt, & improbos convictus omni studio discutient, & amabiliore erunt parentibus, & omnibus hominibus magis reverendi. Quis enim non revereatur juvenem caste sobrieque viventem? Quis non amplectatur exosculeturque eum qui cupiditatibus frenum imposuit? Quis non vel e numero prædixitum multa cum gratia volet illi locare filiam suam, etiam si fuerit omnium pauperrimus. Sicut e diverso, luxuriose viventem, etiam si fuerit omnium opulentissimus, nemo tam miser est, nemo tam abjectæ fortunæ, ut sibi generum velit asciscere. Contra nullus adeo stultus est, ut sobrium ac pudicum rejiciat, & hoc honore judicet indignum. Ut igitur filii nascantur & hominibus reverendi, & Deo amabiles, exornemus illorum animos, cumque pudicitia ad conjugium perducamus. Hoc enim modo tum illis velut e fonte provenient omnia, & Deum habituri sunt propitium, denique tum hujus presentium futuræ vitæ gloria perfruentur. Quam assequi contingat nobis omnibus gratia & bonitate Domini nostri Jesu Christi, cum quo Patri gloria simul cum sancto Spiritu in secula seculorum, Amen.

EJUSDEM DE ANNA,

Deque Samuelis educatione, & quod utilis sit in pariendo tarditas, & quod periculosum sit liberos negligenter habere.

NISI videor aliquibus fastidio esse satietatem adferens, volo idem argumentum rursus attingere, quo de vobis heri differui: vosque ad Annam introducere, atque in pratum virtutum illius inducere sermonem, pratum inquam, non quod rosaria profert aut alios flores, qui marcescunt, sed quod deprecationem, ac fidem, magnamque tolerantiam. Siquidem hæc sunt longe vernis floribus redolentiora, ut quæ non aquarum fontibus, sed lachrymarum imbre rigantur. Neque enim perinde amnium fontes, floridos reddunt hortos, ut plantam deprecationis fontes lachrymarum irrigantes faciunt in summam altitudinem excurrere. Quod huic contigit mulieri. Simul enim ut locuta est, subvolavit in cælum ejus deprecatio, ac fructum ipsi produxit tempestivum, sanctum videlicet *Samuelem*. Nolite igitur moleste ferre, si rursus idem argumentum tractare incipimus. Neque enim vetera dicemus, sed nova quædam ac recentia. Nam in convivio corporali, ex eodem obsonio multa eduliorum genera potest aliquis conficere. Quin & aurifices videmus ex eadem auri massa, & armillas, & inanes aliasque multas res aureas fingere; quanquam enim ejusdem generis est materia, ars tamen est varia, nec coarctatur similitudine materiæ subjectæ, quod ipsa sit copiosa varique artificii: multo vero magis Spiritus gratia. Nam quod gratiæ mensa sit varia, multiformis, & opipara, audi *Paulum* dicentem: *Alii quidem per Spiritum datur sermo sapientiæ, alii vero sermo cognitionis, alii rursus fides, alii vero dona sanationum, subventiones, gubernationes, genera linguarum, hæc autem operatur unus & idem Spiritus, dividens seorsum cuique ut vult.* Multa, inquit, flumina, sed unus est fons. Varia sunt edulia, sed unus est convivator.

Ergo quum tam magna tamque multiplex sit Spiritus gratia, ne defatigemur. Scimus eam fuisse sterilem, scimus eam factam matrem, scimus lacrymasse, scimus gavissam esse. Ac tum simul cum illa indoluimus, simul cum illa gaudio afficiamur & hodie. Sic & *Paulus* jubet gaudere cum gaudentibus, flere cum flentibus. Id ve-

ro faciendum est, non solum super his qui nostris vivunt temporibus, verum etiam super his qui olim nati fuerunt. Ac ne quis mihi dicat, quid fructus capiam ab *Anna*, & ab illius commemoratione? Siquidem & orbæ poterunt discere, quomodo valeant fieri matres: rursus matres scient quæ sit optima ratio liberos educandi. Nec scemina tantum, sed & viri plurimum ab hac historia fructus auferent, si hinc didicerint, placido mitique erga uxores esse animo, etiam si sterilitatis vitio laberent, quemadmodum *Helcana* erga *Annam* fuit affectus. Nec vero hoc solum, sed & aliud quiddam boni lucrificient, quum didicerint patres omnes oportere liberos qui nati fuerint, educare Deo. Ne igitur quoniam pecunias & argentum accipere ex hac narratione non licet, existimemus sermonem nobis infrugiferum esse: sed ob id ipsum arbitremur lucrosum & utilem, quod non aurum argentumve, sed quod his longe majus est, animi pietatem cælestesque thesauros nobis ostendit, docens quo periculum omne depellamus. Siquidem præbere nummos & hominibus in proclivi est, cæterum corrigere naturam, ac talem moerorem excutere, talem animi cruciatum tollere, animum jam collapsurum erigere, nulli quidem hominum, sed soli naturæ Domino in manu est. Tu vero si quum morbo laborares insanabili, percursa tota civitate, pecunias impendisses, pluribus utens medicis, nec ullum mali solatium reperisses, incideres in mulierem, quæ cum eodem morbo teneretur, liberata sit, haudquaquam desineres obsecrare, rogare, exhortari, ut eum tibi commonstraret cujus opera fuisset sanata. Nunc vero quum videas *Annam* in medio stantem, suumque morbum enarrantem, & ejusdem remedium commemorantem, ac medicum ultro commonstrantem, nullis obsecrationibus, nullis precibus adductam, non accedes acceptura remedium? Nec audies tota cum attentione historiam? Hoc si piget quid unquam boni poteris consequi? At alii frequenter magna etiam emensi sunt maria, longinquas peregrinationes susceperunt, pecunias impenderunt, labores perpassi sunt, ut medicum commonstratum in peregrina regione conspicerent, idque quum non admodum certa esset fiducia, ut prorsus a morbo liberarentur. At tu, ô mulier, quum non sis initura professionem transmarinam, nec ultra patriæ fines demigratura, nec ullum laborem similem perpassura, & quid dixi, ultra patriæ fines, quum nec ipsum domus limen transire cogaris, sed vel in ipso thalamo possis convenire medicum, citraque internuntium ullum cum illo colloqui de quibuscunque volueris, (*Deus omnium*, inquit, *appropinquans ego sum, & non Deus procul*) differs & cunctaris? Et quam habitura es excusationem, quam consequeris veniam, si quum proclivem & undiquaque facilem viam invenire possis, qua ab urgentibus malis libereris, per focordiam tuam ipsius salutem prodideris? Hic enim medicus non sterilitatem, sed & omne morborum genus, tum corporis, tum animi sanare potis est, si velit tantum. Neque id solum mirandum est, quod citra laborem, sine peregrinatione, sine impendiis, absque intercessoribus curationem adhibet, verum etiam quod citra dolorem. Neque enim ferro ignive novit tollere malum, quemadmodum cæteri medici faciunt: sufficit vel simplex nutus, ac protinus omnis angor, omnis dolor, omne malum fugit atque exulatum abit. Ne cunctemur igitur ac procrastinemus; licet pauperes simus, & ad extremam redacti egestatem. Neque enim hic numeranda est pecunia, ut inopiam possimus obtendere; Hic nimirum medicus non argentum pro mercede petit, sed lachrymas, preces, ac fidem. Hæc si portans ad illum accesseris, quicquid ominino postularis, accipies, multoque cum gaudio discedes. Atque id sane quum multis ex rebus cognoscas licet, tum vero præcipue ex hac muliere, quæ non aurum non argentum exhibuit, sed preces, fidem & lachrymas obtulit, atque ita quicquid petiit consecuta discessit.

Proinde ne putemus hanc narrationem nobis infrugiferam esse, quandoquidem Scriptura hæc commemorat ad correptionem nostram, in quos fines seculorum devenerunt. Sed adeamus eam, discamus quomodo li-

berata sit malo, & quid egerit morbo levata, & quo pacto fuerit usa munere a Deo dato. *Sedit*, inquit, *& laetavit Samuelem*. Ergo conspiciebat deinceps infantem illum, non tantum ut infantem, verum etiam ut rem Deo consecratam: eoque matri geminus amoris stimulus insitus est, alter a natura, alter a gratia. Ac mea quidem sententia, etiam reverebatur puerum suum. Et enim si qui phialas poculave aurea Deo dicaturi sunt, posteaquam ea jam confecta acceperint, domique repositæ nequaquam ea quasi profana vasa intuentur, sed tanquam Deo sacra, nec audent ea temere citraque causam attingere, quemadmodum cætera: multo magis hæc mulier simili animo attendebat ad puerum suum priusquam illum in Templum induceret, & diligebat impensius, tanquam filium, & curabat tanquam Deo dicatum, existimans se per illum sanctificatum iri, quando domus ipsius jam erat facta Templum, ut quæ Prophetam ac Sacerdotem intra se contineret. Non solum autem ex eo quod illum Deo spondit, verum etiam ex hoc quod non ausa sit ascendere in Templum, priusquam ablactasset infantem, scemina pietatem licet perspicere. *Ait enim viro suo, non ascendam donec ascendat puer mecum. Quum autem ablactavero illum, offeretur in conspectu Domini, & sedebit illic in avum*. Non existimabat esse tutum relicta domo ascendere in Templum, quod quum accepisset donum non sustineret absque dono comparere. Rursus adducto illo ac mox recepto descendere verebatur, eoque tanto tempore remansit, ut cum dono compareret; Adduxit, ac reliquit, nec puer a mamma divulsus moleste tulit, quum sciatis quam soleant indignari pueri quoties a lacte depelluntur. Verum nec ipse puer ægre tulit a matre divulsus, sed ad Dominum respexit, qui matrem creaverat: hæc ipsa mater doluit a puero sejuncta, propterea quod naturalem affectum, vicit interveniens gratia: & uterque se alteri convivere existimabat, quemadmodum eodem in loco fixa vitis, in longum producit palmites, & uva multo intervallo pendens, cum radice habet commercium. Itidem & in hac accidit scemina, quæ in urbe manens usque ad Templum extendit suum palmitem, atque illic uvam suspendit maturam: nec intervallum illud, ullum attulit impedimentum, quum caritas quæ secundum Deum est, puerum matri copularet. Quanquam enim puero ætas erat immatura, virtus tamen aderat matura. Nam ascendentibus in Templum omnibus multæ religionis ac pietatis magister factus est. Siquidem illi dum inquirunt discuntque modum nativitatis illius, abunde magnum solatium accipiebant spei quæ est erga Deum: Neque quisquam viso puero tacitus descendeat, sed omnes glorificabant illum a quo præter spem datus erat. Hanc ob causam Deus distulit partum, ut hanc augeter voluptatem, ut mulierem redderet illustriorem. Nam quicumque calamitatem ejus noverant, hi testes facti gratiæ Dei: & quod longo tempore mansit in orbitate, effecit, ut & ipsa multis esset notior, & ab omnibus beata prædicaretur essetque apud omnes in admiratione. Postremo in causa fuit, ut per illam Deo gratias agerent quam plurimi.

Hæc ideo loquor, ut etiam si nos sceminas sanctas noverimus in orbitate degentes, ne moleste feramus neve indignemur, neque ita loquamur apud nos ipsos: Quare tandem Deus despexit mulierem, tanta pietate præditam, nec dedit prolem? Neque enim ista sunt negligentis, sed hoc nobis expedire, melius scientis quam nos ipsi scimus. Ascendit igitur in Templum, & agnellum induxit in ovile, ac vitulum perduxit ad armentum, & in pratium deduxit rosam a spinis liberam, rosam inquam quæ nunquam marcescit, sed floret perpetuo, quæque possit ad ipsum usque cælum exsilire, cujus fragrantia in hodiernum usque diem juvantur ac reficiuntur omnes qui terrarum incolunt orbem. Tantus annorum numerus præterit, & tamen virtutis illius fragrantia semper augefcit, nec tanta temporis magnitudine facta est languidior. Talis enim est rerum spiritualium natura. Ascendit igitur præclarum illud germen transplantans: & quemadmodum industrii agricolæ, primum semen in terram deponunt, eupressi aut aliarum arborum simili-

lium, deinde ubi conspexerunt e semine factam arbo-
rem, non relinquunt in eadem terra, sed inde revulsam
plantulam in aliud transferunt solum, ut terra in recens
gremio suo exceptam illius radicem, puram & integram
vim suam proferat, ad novam educationem; Itidem &
hæc fecit mulier, quæ puerum præter spem profemi-
natum in illo utero, a domo transtulit & in Templum
transplantavit, ubi perpetuæ sunt fontium scatebræ &
irrigationes spirituales, ut videre licuerit illud prophe-
ticum in illis impleri quod David dixit ita canens: *Bea-
tus vir qui non ambulavit in consilio impiorum, & in
via peccatorum non stetit, & super cathedram pestilentia
non sedit: sed in lege Domini voluntas ejus, & in le-
ge ejus meditabitur die ac nocte, & erit tanquam lignum
quod plantatum est secus decursus aquarum, quod fructum
suum dabit in tempore suo.* Neque enim post malitiæ ex-
perientiam venit ad malitiæ remissionem, sed ab ipsis
cunabulis ad virtutem transfiliit, non habuit consortium
cum confessoribus iniquitati obnoxiiis, neque communio-
nem habuit cum conventiculis impietate plenis: sed pri-
ma statim pueritia, a mamma matris venit ad mammam
spiritualem: & quemadmodum arbor perpetua irriga-
tione in magnam excrevit altitudinem, sic & hic divi-
norum eloquiorum doctrina assidue irrigatus, ad virtutis
fastigium pervenit.

Age, videamus quomodo illum plantarit, affectemur
mulierem, simul cum illa Templum ingrediamur. *Ascendit, inquit, cum illo in Silom, in vitulo triennante.*
Jam geminum fit sacrificium: & erat vitulus hic irratio-
nalis, ille rationalis: & illum quidem Sacerdos immo-
lavit, hunc vero dedicavit mulier. Eratque mulieris vi-
ctima melior quam hostia, quam obtulit Sacerdos, pro-
pterea quod hæc suorum viscerum facta est immolatrix.
Imitata est Patriarcham Abraham, cumque illo certa-
men suscepit; Sed ille quidem filium receptum reduxit
de monte, hæc vero reliquit in Templo, ut illic perpe-
tuo maneret. Quin potius ille quoque totum dedicavit,
cave jam illud spectes quod non occidit, sed quod animo
totum peregerit. Vidisti foeminam cum viro decertan-
tem, vidisti nihila sexu vetitam, quo minus æmularetur
Patriarcham. Sed videamus quomodo illum consecrarit,
*Adiit, inquit Scriptura, Sacerdotem, ac dixit illi: In
me Domine. Quid tandem est illud, in me? Ausculta,*
*inquit, diligenter quæ loquar: Quoniam multum tem-
poris jam intercesserat, studet illa quæ prius dicta fue-
rant in memoriam revocare. Eoque dicit, in me Domine.*
*Vivit anima tua. Ego sum mulier quæ constitui in conspectu
tuo, deprecans Dominum pro puero hoc; Effudi preces ad
Dominum, & ille dedit mihi petitionem quam petebam
ab eo. Et ego commodo illum Domino, ut serviat Domino
omnibus diebus vite sue.* Non dixit, ego sum illa mulier
cui tu exprobasti, quam maledictis impetisti, quam
velut temulentam & ebriam derisisti, eoque Deus tibi
declaravit me non esse vinolentam, te vero crimen hoc
temere mihi impigisse: nihil hujusmodi verborum aspe-
rorum dixit, sed multa cum mansuetudine loquitur:
quanquam quum haberet rerum eventum sibi patrocina-
ntem, jure potuisset exprobrare Sacerdoti, quod id
temporis ipsam temere accitra causam inculcasset, nihil
horum facit, sed tantum commemorat Dei erga se be-
neficientiam. Considera vero gratum ac prudentem an-
cillæ animum. Quum affligeretur nemini suam aperuit
calamitatem, ne Sacerdoti quidem dixit: æmulam ha-
beo mulierem, quæ mihi exprobrans convitianque cho-
rum habet liberorum: ego vero quæ modestiam man-
suetudinemque colo, ad hunc usque diem nondum potui
fieri mater: sed Deus conclusit vulvam meam, quum-
que videret afflictionem meam, non est misertus. Ni-
hil horum dixit, sed suppresso calamitatis genere, tan-
tum indicavit se animo angere, dicens, *mulier in duro die
ego sum,* ne illud quidem dictura nisi Sacerdos huc com-
pulisset, suspicans eam esse temulentam. At posteaquam
id vulnus sustulit, Deo dante quod postularat, tum de-
mum Dei beneficentiam aperit Sacerdoti, cupiens il-
lum in agendis gratiis habere consortem, quemadmo-
dum prius habuerat in precando: Atque, *pro puero hoc
precabar, deditque mihi Dominus petitionem meam quam*

A petebam ab eo. Et nunc commodo eum Domino. Vide quam
sit modesta. Ne putes, inquit, me magnam rem aut
admirandam facere, quod infantem dedico, non ego
hujus benefacti sum auctor, sed persolvo debitum. De-
positum accepi, & hoc ei restituo quid dedit. Atque hæc
dum loquitur, seipsam quoque dedicavit cum puero,
quasi solido quodam naturæ affectu seipsam Templo allig-
ans. Etenim si ubi est thesaurus hominis, illic est & cor
ejus, multo magis ubi puer mulieris, ibi & mens illius
erat; atque uterus illius rursus implebatur benedictio-
ne: Nam simul atque hæc dixerat, oraveratque, au-
di quid loquatur Sacerdos *Elcana. Reddat tibi Dominus
semen alterum ex muliere ista, pro sanore, quod Domino
funerasti.* Initio non dixerat, reddat tibi; Sed quid? *Det
tibi Dominus, quicquid postularis.* Verum posteaquam il-
la Deum fecerat debitorem, ait reddat tibi, bonam de
futuris spem præbens. Etenim si dedit, quum nihil de-
beret, multo magis redditurus est postquam accepit; &
hic primus ex deprecatione, & post hunc cæteri e bene-
dictione duxerunt originem, totus autem mulieris fru-
ctus sanctificatus est. Atque hic primogenitus foeminæ
virtuti debebatur, alter vero mulieris ac Sacerdotis erat
communis, nec secus quam terra pinguis ac fertilis,
postquam accepit felicia semina, ostendit nobis sege-
tes: sic & mulier hæc quoniam cum fide excepit verba
Sacerdotis, alias nobis lætas aristas produxit, veterem-
que maledictionem *Eva* mutavit, pariens ex depreca-
tione ac benedictione.

Et tu igitur, ô mulier, hanc æmulare, & si sterilis fue-
ris talem precationem exhibe, Sacerdotem accersere, ut
tecum suscipiat apud Deum legationem. Omnino si cum
fide verba exceperis, patrum benedictio in fructum
exibit præclarum ac maturum. Quod si mater fueris,
ad hujus exemplum consecra filium tuum Deo, & in
Templum adducito. Quin ipsum potius templum Deo
regale para. *Membra, inquit, vestra corpus Christi sunt,
ac templum sancti Spiritus qui est in vobis.* Ac rursus, *in-
habitabo, inquit, in vobis & inambulabo.* An non absur-
dum est nos domum veterem, ruinam minitantem ful-
cire, pecunias impendentes, fabros accersentes, deni-
que nihil non facientes: domum autem Dei (nam Dei
domus esse debet adolescentis anima) ne vulgari quidem
dignari cura. Vide, ne idem audias quod olim audire
Judei. Nam illi posteaquam e captivitate Templum ma-
teriale conspicientes neglectum, privatas ædes suas
exornarunt, adeo Deum exasperarunt, ut mitteret eis
Prophetam, qui famem minitaretur, magnamque re-
rum necessariorum penuriam, atque hanc comminatio-
nis causam eloqueretur: *Vos quidem in domibus undique
habetis mansiones, domus autem mea deserta est.* Quod si
illius Templi neglectus tantam excitavit iram Numinis,
multo magis hujus templi neglectus ad iracundiam pro-
vocabit Dominum. Siquidem hoc templum tanto est
illo honoratius, quo plura habet sanctimoniarum symbola.
Cave igitur committas, ut templum Dei fiat spelunca
latronum, ne & alteram audias objurgationem, qua
Christus objurgavit *Judeos*, dicens, *Domus Patris mei
domus deprecationis est, vos autem fecistis eam speluncam
latronum.* Sed quomodo fit spelunca latronum? Quam
patimur illiberales ac serviles concupiscentias intrare se-
demque figere in adolescentulorum animis; Tales enim
cogitationes graviore ac perniciosiores sunt latronibus,
quæ puerorum ingenuitatem vertunt in servilitatem,
ipsosque brutis cupiditatibus dedunt in servitutem, un-
dique confodientes illos, ac mentem illorum multis im-
plentes vulneribus: quapropter super his quotidie dispi-
ciamus, & verbis pro scutica utentes omnes id genus
affectus ab illorum animis depellamus, quo videlicet fi-
lii nobiscum coelestis civitatis valeant esse participes, &
universum cultum qui celebratur illic rite peragere. An
non videtis frequenter quod qui in urbibus versantur
pueros nuper a lacte depulso faciunt *Thalophoros*, aut
agonothetas, aut certaminum præfectos, aut chorea-
rum magistros faciunt? Idem & nos faciamus, a primis
statim annis inducamus eos ad disciplinam Reipublicæ
coelestis; Siquidem hæc terrena, quum impendium ad-
ferat, fructum tamen nullum habet. Nam, quæso te,
quis

quis fructus esse possit e populari applausu? Simul ut vespera nos occuparit, illico plausus ille totusque tumultus emarcescit, ac festo peracto, perinde quasi in somnis fuerint deliciati, ita omni voluptate destituti consistunt, dum nec a corona, nec a magnifica veste, nec a reliquo fastu universo conceptam voluptatem, si quaerant, invenire valeant, quod omnia illa quovis vento celerius praetercurrant. Cæterum in cœlesti politia omnia secus habent, citra impendium lucrum adferunt & copiosum & stabile. Nam illic non homines ebrii, sed Angelorum populus jugiter applaudit rem gerenti. Sed quid dixi, Angelorum populus? ipse Angelorum Dominus, laudabit & comprobabit illum; Nec uno alterove die aut tertio, sed in æternum triumphat illic, gestans coronam, nec unquam caput illud videbis ea nudatum gloria: neque enim illius celebritatis tempus certis diebus circumscriptum est. Huic cultui nunquam paupertas esse possit impedimento, sed usque ad futuri seculi immortalitatem extenditur. Verum & pauperi licet hoc celebrare festum, imo pauperi maxime, quippe qui ab omni mundi fastu strepituque sit liber: neque enim opus est pecuniarum impendiis & opulentia, sed animo puro, ac mente sobria. Hæc enim est quæ illius politiae vestes texit animæ, hæc quæ coronas concinnat, quæ nisi virtutis officiis fuerit exornata, nulli usui fuerit auri magna copia, sicut e diverso nec damno erit paupertas, si divitias intus habeat repositas. Hanc celebritatem non modo mæculi liberi, sed & filiae nobis celebrent; neque enim quemadmodum in externa administratione viris tantum imperatum est hoc festum peragere, verum & foeminas

A illud recipit Theatrum, & senes & juvenes, & servos & ingenuos. Ubi enim animi spectaculum est, ibi non sexus, non ætas, non dignitas huius seculi, non aliud quicquam impedire potest. Eoque vos omnes exhortor, ut a teneris statim annis, & filios & filias, huiusmodi functionibus dedatis: & huic administrationi congruentes divitias eis addatis, non aurum defodientes, non argentum congregantes, sed modestiam, sobrietatem ac pudicitiam, reliquasque virtutes omnes in animis eorum reponentes. Hos enim sumptus exigit illa functio. Si hanc igitur opulentiam tum nobis, tum filiis collegerimus, & in præfenti vita multum splendoris consequamur, & in futura vita beatam illam vocem audiamus, per quam
B Christus omnes qui ipsum professi fuerint, suo ornat præconio. Professio autem non tantum fit per fidem, verum etiam per opera: adeo ut si hæc absint, veniamus in periculum ne cum abnegantibus poenas luamus. Neque enim unus est abnegandi modus, sed multi ac multiplices, quos *Paulus* nobis describens ita loquitur: *profitentur se nosse Deum, sed factis negant*: & rursus, *Si quis suorum & maxime domesticorum, curam non habet, fidem abnegavit, & est infideli deterior*: & iterum, *fuge avaritiam, quæ est idolorum cultus*. Quum igitur tot sint abnegandi modi, manifestum est totidem esse profitendi, ac multo etiam plures. Quibus omnibus profiteri studeamus, ut & ipsi in cœlis honorem consequamur, munificentia & bonitate Domini nostri Jesu Christi, per quem & cum quo Patri gloria simul cum sancto Spiritu in secula seculorum, Amen.

DESIDERIUS ERASMUS ROTERODAMUS LECTORI S. D.



QUUM aggressus essem vertere commentarios in Acta Apostolorum, cæpi de titulo subdubitare, non quod displiceret opus, sed quod stilus haberet concisum quiddam & abruptum, id quod a phrasi Chrysostomi videbatur alienum. Quanquam alioqui multa congruebant, crebræ percontatiuncula ac dialogismi, & illud opæ & opæ, quibus subinde lectori renovat attentionem. Adhæc digressiones locorum communium, præsertim sub finem Homiliarum, ut si non sit Chrysostomus, simium quempiam huius fuisse oporteat. Verum hic iudicio meo nolui fidere, proinde paucas Homilias in gustum dedimus, daturi reliquas volente Domino, si docti censebunt opus esse Chrysostomo dignum. Quorum iudicio freti libenter hoc quicquid est suspicionis ponemus, quam tamen haud temere concepimus, toties tam insigniter delusi mendacibus titulis. Bene vale.

SANCTI JOANNIS CHRYSOSTOMI COMMENTARIUM IN ACTA APOSTOLORUM, DESIDERIO ERASMO ROTERODAMO INTERPRETE. H O M I L I A I.

Primum quidem sermonem feci de omnibus, o Theophile, quæ cæpit Jesus tum facere, tum docere usque ad eum diem, quo præcipiens Apostolis per Spiritum sanctum quos elegerat, receptus est. Act. 1: 1, 2.



COMPLURES sunt quibus hic liber adeo ignotus est, ut non solum ambigant de auctoritate, a quo conscriptus sit, verum ne id quidem cognitum habeant an omnino existet hæc rerum ab Apostolis gestarum historia. Atque hac potissimum de causa coactus sum negotium hoc suscipere, ut ignorantes allicerem, neque sinerem tam insignem thesaurum in tenebris abditum latere: Siquidem hinc non minor nobis contingere poterit utilitas, quam ex ipsis Evangeliiis, tanta scatet philosophia, tanta abundat quum omnium dogmatum rectitudine, tum præcipue eorum quæ de Spiritu sancto prodita sunt. Proinde cavendum est ne negligenter prætercurramus hunc librum, sed exactissima cura scrutemur excutiamusque. Etenim promissa quæ Christus in

Euangeliiis ante verbis pollicitus erat, ea hic re præstita & exhibita videre licet, ipsamque veritatem in ipsis factis relucens intueri. Simulque videre est discipulos mirifice ad meliora transmutatos, nimirum sancto Spiritu vim suam in illis exerente. Audierant enim Christum dicentem: *Quisquis crediderit in me, signa quæ ego facio & ipse faciet, & his majora faciet*. Audierant & illa prædicentem discipulis suis, quod ad Præsides & Reges essent ducendi, quodque in Synagogis suis *Judæi* essent ipsos flagellaturi, quod essent atrocissima quædam passuri, sed his omnibus evasuri superiores: ad hæc quod Evangelium prædicandum esset toto terrarum orbe: quæ quidem omnia sic evenisse ut nulla in parte promissoris fides desiderari possit, videre licet in hoc libro. Neque vero hæc tantum quæ modo commemoravimus, verum etiam alia plura, quæ dixerat Dominus quum ageret cum discipulis. Conspicies autem hic & illa, nimirum

Apo-

Apostolos ipsos ceu volucres, terram mariaque percurrentes, ac timidos illos quondam rudesque subito in alios homines esse verfos, fastuque divitiarum, gloria, ira, concupiscentia, breviter, rebus omnibus superiores esse factos. Videbis summam inter ipsos concordiam, nec quidquam omnino prioris illius livoris aut invidentiæ residere, nec jam loci principis ambitum inter ipsos fervere, sed omnem virtutem in eis absolutam perspicies, tum summam eximiamque caritatem in illis relucens. Nam de hac quoque multa illis præceperat, dicens: *Per hoc cognoscet omnes, vos esse meos discipulos si dilexeritis invicem.* Quin & dogmata quædam hic reperire licebit, quæ nisi liber fuisset proditus, haud quaquam fuissent ulli tam dilucide cognita, quin potius quod est caput salutis nostræ, fuisset occultum & in obscuro latuisset, tam de his loquor quæ ad bene vivendum, quam quæ ad fidei nostræ dogmata pertinent. Porro eorum quæ hic tractantur major pars, sunt acta *Pauli*, qui plus omnibus laboravit. Ejus rei causa est, quod is qui librum hunc conscripsit, discipulus & cultor *Pauli* fuit: nimirum beatus *Lucas*, cujus virtutem, quum ex aliis multis argumentis, tum hoc præcipue licet perspicere, quod præceptori suo indivulsus adhæserit, quodque per omne tempus illum fuerit affectatus. Itaque quum *Demas* & *Hermogenes* illum in periculo deseruissent, alter in *Galatiam* profectus, alter in *Dalmatiam*: audi quid de hoc *2 Cor. 8.* dicat, *Lucas*, inquit, *adhuc solus mecum est.* Quin & *Corinthiis* scribens de eodem: *cujus, inquit, laus est in Evangelio per omnes Ecclesias.* Rursus quum dicit, *conspectus est* *2 Cor. 4.* *Cepha*, deinde *duodecim*: Item quum ait, *juxta Evangelium quod accepistis*, de *Lucæ* Evangelio sentit: ut jam non aberrarit a vero, qui voluminis hujus descriptionem ad hunc auctorem retulerit. Cæterum quum dico hunc, ipsum Christum dico.

Quod si quis dixerit, quid tandem fuit in causa, quominus omnem historiam ad finem usque persecutus sit, quum illi semper adfuerit: huic sic respondere poterimus, Primum quod hæc quoque sufficiebant his qui velent animum advertere: deinde quod Evangelistæ semper incubuerunt in ea, quæ magis urgebant, nec illis curæ fuit historias conscribere. Siquidem non parum multa & absque scripto tradiderunt. Itaque quum omnia sint admiratu digna, quæcunque hoc libro continentur, tamen illud potissimum admirandum in Apostolis, quomodo sese ad infirmorum ac rudium captum demiserint, atque hoc ipsum eis Spiritus sanctus suggerit, in hoc illos præparans, ut in dispensando verbo Dei versarentur. Unde factum est, ut quum tam multa de Christo disseruerint, pauca dixerint de ejus divina natura, plurima vero de natura ejus humana, de morte, de resurrectione & ascensu. Etenim quod id temporis quærebatur, illud erat, ut homines audirent eum excitatum a mortuis, ascendisse in cælum. Quemadmodum igitur ipse Christus illud in primis agebat, ut perspicuum faceret, quod venisset a Patre: itidem hic præcipue studet hoc persuadere, quod revixit, quodque in cælum receptus est, quodque ad eundem reversus est a quo profectus fuerat. Nam nisi hæc prius credita fuissent, præsertim quum accessisset assertio, de resurrectione, deque in cælum reditu, nimirum universum dogma *Judeis* visum fuisset vanum & incredibile. Quapropter sensim ac paulatim illos ad sublimiora provehit. Quin etiam apud *Athenienses*, *Paulus* eum simpliciter hominem appellat, nihil attribuens amplius: Idque justa de causa. Etenim si Christum ipsum de æqualitate quam habet cum Patre differentem, frequenter aggressi sunt lapidibus obruere, eaque de causa blasphemum appellarunt, haud quaquam eum sermonem a piscatoribus accepissent, præsertim quum crux præcessisset. Quid autem de *Judeis* loquor, quum ipsi tum temporis discipuli, quoties audiebant sublimiora dogmata, crebro turbati fuerint & offensi? Unde & dicebat Dominus, *Multa habeo quæ vobis dicam, sed in præsentia non potestis ea ferre.* Quod si illi ferre non poterant, qui tantum temporis cum ipso consuetudinem habuerant, & quibus tam multa arcana communicarat, quique tot miracula viderant, quomodo homines qui recens ab aris, simulacris, & sacrificiis, a felibus & cro-

A codilis venerant (nam hujusmodi tum erant gentium numina) quique & ab aliis malis tum Primum fuerant avulsi, repente sublimes illos de dogmatibus sermones recepissent: Imo quomodo ipsi quoque *Judei* qui quotidie discebant & instituebantur a lege, frequenter illud audientes, *Audi Israel, Dominus Deus tuus unus est:* quum vidissent eum affixum in ligno crucis, atque adeo quum ipsi crucifixissent illum ac sepelissent, nec eum vidissent resuscitatum, si audissent, hic ipse Deus est, ac Patri æqualis: nonne maxime omnium ab his verbis abhorruissent, ac resiliissent, & oblatrassent? Proinde paulatim ac sensim illos instituunt, seseque miro studio ad captum imbecillium in dispensatione dogmatum demittunt. Cæterum quo magis se demittunt Apostoli, hoc uberius contingit illis e divini Spiritus liberalitate gratia: dum in ejus nomine majora faciunt quam ipse fecerat, nimirum ut utroque modo proficiat Evangelium, dum sese demittentes, auditores humiles & humi jacentes erigunt, & sermonem de resurrectione miraculis probabilem reddunt. Siquidem quod maxime agit hic liber, resurrectionis declaratio est: Quæ si credita fuerit, & cæteris aperta est via. Argumentum igitur & scopus hujus libri, si quis rei summam crassiore sermone velit complecti, hic potissimum est.

Supere est ut præfationes audiamus. Primum quidem sermonem feci de omnibus, o Theophile, quæ cepit Jesus tum facere tum docere. Statim hic quæret aliquis, Quamobrem *Theophilo* renovat mentionem Evangelii? Ut suam declararet exactam diligentiam: Nam in illius operis præfatione dicit, *Visum est mihi & ab initio affectato omnia, diligenter ordine tibi scribere.* Nec suo unius testimonio contentus est, sed omnia potius refert ad Apostolos, dicens: *Quemadmodum tradiderunt nobis, qui ab initio spectatores ac ministri sermonis fuerunt.* Quare quum illic verbis suis fidem conciliarit, nihil hic opus erat alia confirmatione, quum ibi semel habita sit a *Theophilo* fides ipsius sermoni, ac per illum certissimam veritatem eum edocuerit. Etenim cui fides est habita scribenti quæ audierat, huic multo magis habenda fides, ea conscribenti, quæ nequaquam ab aliis accepit, sed quæ vidit ipse simul & audivit. Etenim si ea quæ Christus gessit recepisti, multo magis recipies res ab Apostolis gestas. Quid igitur? nihil hic aliud est, quam historia, & narratio spiritus expers? Nequaquam. Quis sic? Quoniam & illa quæ ab initio ipsi, qui spectatores fuerunt ac ministri sermonis, *Lucas* tradiderunt, spiritus erant. Et quare non dixit, *quemadmodum nobis tradiderunt, qui Spiritus sancti donum promeruerunt, sed quorum ipsi spectatores fuerunt?* Quoniam hoc maxime fidem conciliat, si quis didicerit ex his qui quæ narrant, oculis suis viderunt. Illud autem, si Spiritus auctoritatem præ se tulissent, fastui & arrogantia tribuissent imperiti. Unde & *Joannes* sic loquitur: *Ego vidi & testimonium perhibui, quod hic est filius Dei.* Christus autem sic loquitur, *Nicodemus* videlicet crassiori: *Quod scimus loquimur, & quod vidimus testificamur, & testimonium nostrum nemo recipit.* Rursus declarans, multa testimonia proficisci ab oculis, dicebat discipulis: *Et vos testificamini de me, quoniam ab initio mecum estis.* Quin & ipsi Apostoli frequenter hunc in modum loquuntur, *Testes nos, & Spiritus sanctus, quem dedit Deus fidentibus sibi.* Postea *Petrus* comprobans resurrectionem, dicebat, *Qui simul edimus & bibimus cum illo.* Facilius enim testimonium auditores recipiebant ab his, qui vixerant cum illo, quod id temporis adhuc multi abessent ab intellectu Spiritus. Unde & *Joannes* in suo Evangelio, quod scripsit, ait se vidisse, quod narrat de fluxu sanguinis & aquæ, hoc ipsum gravissimi testimonii loco ponens, quod vidisset, etiam si quæ Spiritus suggerit certiora sunt iis quæ videmus, sed non apud incredulos. Porro quod *Lucas* non fuerit expers Spiritus, pluribus ex argumentis perspicuum est, vel e miraculis, quæ nunc per illum fiunt, vel quod tum quilibet participes fiebant Spiritus sancti, non solum eximii, qualis erat *Lucas*, vel ex ipsius *Pauli* de illo testimonio: Ait enim, *Cujus laus est in Evangelio*, vel ex hoc quod Ecclesiarum suffragiis delectus fuit. Siquidem supra dictis & illud adjicit, *Quin etiam electus est ab Ecclesiis,*

clefius, ut nobis peregrinationis sit comes, in hac gratia, qua administratur a nobis.

Jam mihi vide quam hic Evangelistæ sermo absit ab omni fastu. Non enim dicit, prius Evangelium quod evangelizavi: sed, priorem quidem sermonem feci, nimirum Evangelii prædicationem magnificentius quiddam esse ducens, quam pro ipsius dignitate aut viribus: Et tamen Apostolus hoc titulo ornat illum, dicens, Cujus laus est in Evangelio. Ipse contra modeste loquitur, dicens: Priorem quidem sermonem feci de omnibus, o Theophile, qua cepis Jesus tum facere tum docere, non simpliciter de omnibus, sed ab initio ad finem usque. Ait enim: ad eum usque diem quo receptus est in cælum. Atqui Joannes declarat impossibile perscribere omnia. Si quidem hoc ut ostenderet, ubi dixerat, Quasi scribantur singulatim, nec ipse ut arbitror caperet mundus: addidit, qui scribendi forent libri. Quomodo igitur, inquiet aliquis, hic Lucas loquitur de omnibus? Atqui non dixit omnia, sed de omnibus, perinde ac si quis dicat summam & in genere: aut de omnibus loquitur, quæ necessaria sunt urgentque. Ac mox indicat, quæ sint illa omnia, quæ cepit Jesus, tum facere tum docere: intelligi volens miracula ac doctrinam. Nec id vero solum indicavit, verum etiam quod Jesus faciendo docuerit. Vide porro humanitatem ejus ac mentem Apostolo dignam, etiamsi unius hominis causa tam diligentem sollicitudinem suscepisset, ut totum Evangelium conscriberet: ut, inquit, habeas eorum sermonum quos audisti certitudinem. Audierat enim Christum dicentem, Non est voluntas Patris mei, ut vel unus pereat ex his pusillis. Et quam ob causam non unicum fecit librum, quem uni mitteret Theophilo, sed in duo partitus est argumenta? Nimirum quo res distinctione voluminum esset dilucidior, simulque ut intermissione respiraret ac refocillaretur auditor. Quamquam & alioqui distinctæ sunt res quæ in his libris tractantur. Quin & illud considera, quo pacto Christus dictis suis per opera fidem conciliarit. *Ibidem* 11. Ad mansuetudinem hortatus est, dicens: Discite a me, quod mitis sum & humilis corde. Docuit nos paupertatem, & utrumque factis demonstravit. *Mas.* 5. Si quidem filius hominis, inquit, non habet ubi caput suum reclinet. Rursum præcepit, ut diligeremus inimicos. Exhibuit hoc in cruce, deprecans pro crucifigentibus. Dixit, volenti trahere in jus ut tunicam eripiat, permittit ut & pallium auferat. Ipse vero non vestimenta tantum, verum sanguinem quoque suum dedit. Idem ut facerent & discipulis præcepit: unde & Paulus dixit, quemadmodum habetis formam ex nobis. Nihil enim doctore frigidius, qui verbis duntaxat philosophatur: Neque enim hoc doctoris est, sed histronis & hypocritæ. Eoque Apostoli prius vitæ exemplis docebant, deinde verbis. Quin potius ne verbis quidem erat opus, quum clamarent opera. Nec aberravit a vero, qui passionem ejus actionem dixerit. Nam patiando fecit ingens illud & admirandum opus, quo mortem dejecit, reliquaque omnia peregit.

Act. 1. 2. Ad eum usque diem, quo præcipiens Apostolis per Spiritum sanctum, quos elegerat, in cælum receptus est. Per Spiritum præcipiens, hoc est, spiritualia ad illos verba locutus, nihil autem humanum. Vide igitur, num hic sensus placeat, an magis placet accipere, quod per Spiritum eis præceperit. Vides ut adhuc Lucas modice de Christo loquitur, quemadmodum & ipse Dominus de se ipso loquebatur: Quod si ego per Spiritum ejicio Dæmonia. Etenim Spiritus ille sanctus operabatur in eo templo. Quid tandem præcepit? Profecti, docete omnes gentes, baptizantes eos in nomine Patris, & Filii, & Spiritus sancti, docentes illos servare omnia, quacunque præcepi vobis. Magna laus Apostolorum, quum talia fuerint aggressi, nimirum totius orbis salutem, quum horum verba Spiritus essent plena. Quod ipsum sane innuit, quum dicit, per Spiritum sanctum, hoc est, etiam verba quæ locutus sum vobis, Spiritus sunt. Cæterum quod dicit, hoc est: primum, auditorem rapit ad cupiditatem deinceps discendi cognoscendique præcepta, tum Apostolis fidem conciliat, quandoquidem Spiritus verba dicturi sunt, & Christi præcepta. Itaque quum præcepisset,

A inquit, receptus est: Non dixit, ascendit: Nam adhuc tanquam de homine loquitur. Videlicet & post resurrectionem docuit discipulos, cæterum hujus temporis historiam nemo nobis explicuit exacte totam. Verum immoratur quidem huic rei Joannes magis quam cæteri, quemadmodum & hic: sed nullus omnia evidenter describit, propterea quod ad alia festinarent. Discimus igitur hæc per Apostolos, qui quæ audierant retulerunt, quibus & seipsum præbuit vivum. Prius autem de assumptione locutus, dicit & de resurrectione. Posteaquam enim dixit eum assumptum ne putares illum ab aliis assumptum esse, adjecit, quibus & exhibuit seipsum vivum. Etenim si semetipsum exhibuit in re majore, multo magis in minore. Vides quomodo clanculum aspergit magna hæc dogmata?

B Per dies quadraginta visus est ab illis. Neque enim ita tunc perpetuo, quemadmodum ante resurrectionem fecerat, versatur cum illis. Illud vide, non dixit quadraginta diebus, sed per quadraginta dies. Advolabat enim, ac devolabat rursus. Cur ita tandem? Subducebat animos illorum ad altiora, nec patiebatur illos similiter erga ipsum sic affectos esse quemadmodum prius fuerant. Neque vero hoc simpliciter faciebat, sed ad utrumque diligenter præparabat, & ut crederetur resurrectio, & ut deinceps major humana conditione haberetur. Atqui hæc erant inter sese contraria. Ut enim persuaderetur resurrectio, oportebat multa esse facta, quæ erant humanæ naturæ. Ut autem crederetur id quod est mirabilius, videlicet divina natura, contra. Et tamen utrumque factum est opportuno tempore. Cæterum quæ de causa non apparuit omnibus, sed discipulis tantum? Quoniam multis illorum visum fuisset spectrum, videlicet iis qui non noverant arcanum mysterii. Etenim si ipsi discipuli diffidebant initio ac turbabantur, & opuserat ut manibus contrectarent, opus erat mensa communi: quomodo verisimile est affectos futuros fuisse, vulgares istos? Proinde ex miraculis certam & indubitatam facit resurrectionis fidem, ut non solum evidens esset ejus ætatis hominibus, verum etiam omnibus secuturis. Quod enim in illis effecerunt conspecta prodigia, hoc in omnibus posteris erat effectura fides. Quapropter & incredulos per fidem colligimus. Etenim si non resurrexit, sed manet adhuc mortuus: quomodo in nomine ejus Apostoli edidit miracula? At non edidit miracula, dixerit aliquis. Quomodo igitur nostra natio collecta est? Nec enim hoc saltem sic habere negabunt, neque repugnabunt iis quæ videntur. Itaque quum ajunt non esse facta miracula, tum magis etiam seipsum pudefaciunt. Nam hoc ipsum maximum est miraculum, absque miraculis orbem terrarum accurrere, a duodecim pauperibus & illiteratis hominibus attractum. Neque enim opulentia divitiarum, neque sapientia dicendi, nec alia re simili vicerunt piscatores, ut jam vel invitati fateantur homines in illis divinam esse virtutem. Nam erat impossibile, ut unquam res tanta viribus hominum conficeretur. Atque hac de causa & ipse diebus quadraginta commemoratus est post resurrectionem, longo temporis spatio certis argumentis declarans & comprobans conspectum sui ipsius, ne spectrum & inane phantasma crederent quod videbatur.

E Ac ne his quidem contentus fuit, sed mensam etiam addidit. Nimirum hoc est, quod deinceps dicit: Et convescens simul cum illis. Sic hoc argumento ipsi quoque Apostoli, semper astruxerunt resurrectionis fidem, ut quum ajunt, qui quidem cibum simul sumimus, & bibimus cum illo. Sed quid apparens faciebat? Per quæ illos ad fidem adduxerit ostendit, dicens, Apparens illis, & loquens de regno Dei. Quoniam autem dejectis erant animis & his quæ facta fuerant conturbati, ac restabat, ut magna aggredierentur certamina, recreat & erigit illos: prædicens quid esset illis eventurum, ac præcipiens ne discederent ab Hierosolymis, sed expectarent promissa Patris. Primum evocarat illos in Galileam, metuentes etiamnum ac tremantes, quo vacui pavore, possent audire quæ dicerentur. Deinde quum audissent, & in his quadraginta dies essent versati, præcepit ab Hierosolymis ne discederent. Cur ita tandem? Quem-

admodum milites in multitudinem erupturos, nemo patitur exire, priusquam armati fuerint, neque quisquam equos sinit a carcere profligare priusquam aurigam nacti sint: ita nec Christus discipulos suos passus est in acie conspici, priusquam descenderet Spiritus, ne facile caperentur, & abducerentur a multitudine. Verum non hæc sola causa est. Sed posteaquam complures erant illic credituri, & rursus cum his alii, ne qui dicere possent, quod prætermisissis notis, ad peregrinos abissent ostentandi sui gratia: hac de causa, apud ipsos qui Jesum occiderant, exhibent argumenta resurrectionis: apud ipsos, inquam, qui eum crucifixerant, qui sepelierant, in ipsa civitate in qua facinus illud impium erat patratum, ut advenis etiam omnibus os occluderetur. Etenim quum ipsos etiam qui Dominum crucifixerunt, palam esset credidisse: satis constat, quod vere crucifixus fuerat Dominus, & evidens erat ejus facinoris impietas, denique resurrectionis fides aperte comprobatur. Post hæc ne dicerent, quomodo ergo poterimus inter homines impios & homicidas, ad hæc tam multos durare, quum simus pauci contemptique? vide, quomodo desperationem hanc dissolvat dicens, *sed exspectate promissionem Patris, quam audistis ex me*. Et quando audierunt, dixerit aliquis? Quum diceret, *Expedi vobis ut ego discedam, nisi enim ego discessero, consolator ille non veniet ad vos*. Ac rursus, *Rogabo Patrem, & alium consolatorem mittet vobis, ut maneat vobiscum*. Et quare is non advenit quum adhuc adesset Dominus, aut mox ab illius discessu, sed ipse quidem abiit die quadragesimo, Spiritus autem advenit quum compleretur dies quinquagesimus? At si nondum advenerat, qui consistit, quod dixerat, *Accipite Spiritum sanctum*? Nimirum ut eos capaces redderet, & idoneos accipiendo Spiritui. Etenim si Daniel Angelum visurus semotus est, multo magis hos dicebat secedere, tantum Dei donum accepturos. Utrum igitur licet hoc pacto quaestionem propositam solvere, an sic potius accipiendum est quod de eo quod erat futurum, perinde quasi jam factum esset, sit locutus: Velut quum dicit, *Calcate serpentes & scorpiones, & omnem virtutem inimici*? Quam igitur ob causam non tum protinus advenit Spiritus? Oportebat illos desiderio promissi teneri, atque ita donum accipere. Ideoque quum ipse digressus esset, tum advenit Spiritus: Qui si venisset eo præse, non habuisset illos tam ardens expectatio. Et ideo non protinus ab ascensione Domini venit Spiritus, sed post octo aut novem dies. Itidem & nos tum maxime excitamur in Deum, quoties in necessitate constituti sumus. Sic & Joannes tum maxime mittit discipulos ad Christum, quum maxime futurum erat, ut opus esset Jesu, quando ille jam habitabat in carcere. Sed aliter exponi potest: Oportebat in coelo comparere naturam nostram, & perfectam reconciliationem fieri, ac tum venire Spiritum, quo purum merumque gaudium fieret. Nam si Spiritu præse Domini quidem abisset, ille vero mansisset, non fuisset perinde magna consolatio: Siquidem sic erant affecti, ut admodum ægre ab illo divellerentur, unde & consolans illos dicit, *Expedi vobis, ut ego discedam*. Itaque diebus aliquot interjectis differt missionem Spiritus, ut paulisper afflicti, & in necessitate, quemadmodum dictum est, constituti, mox solido puroque gaudio fruerentur. Porro si Spiritus esset minor aut inferior Filio, non erat sufficiens consolatio. Sed quomodo dictum & illud, *Expedi vobis*? Ideo Spiritui servata est major doctrinæ portio, ne putarent illum minorem. Jam illud considera quantam eis imposuerit necessitatem manendi Hierosolymis, ex eo quod pollicetur sese illic exhibiturum Spiritum: Nam ne rursus post ascensionem ipsius fugerent, hoc promisso, ceu vinculo quodam eos illic astringit.

Act. 1. 4, 5. Cæterum quum dixisset, *Exspectate promissionem Patris, quam audistis ex me*, subjecit, *Quoniam Joannes quidem baptizavit aqua, vos autem baptizabimini Spiritu sancto post non multos hos dies*. Demonstrat in sequentibus, quid intersit inter Joannem & ipsum, non jam adumbrate, quemadmodum prius: vehementer enim adumbrabat sermonem quum diceret, *Qui autem minor*

A est in regno cælorum, major est eo: sed nunc manifestius. Joannes, inquit, baptizavit aqua, vos autem baptizabimini Spiritu sancto. Non jam utitur testimonio, sed personæ tantum meminit, quo memoriam illis refricet eorum quæ prius dixerat, simulque declarat eos jam majores factos Joanne, quandoquidem & ipsi baptizaturi erant Spiritu. Neque dixit, *ego vos baptizo Spiritu sancto*, sed *baptizabimini*, nos interim docens, ut modeste de nobis sentiamus. Nam hoc jam ex Joanne testimonio dilucidum erat, quod ipse esset qui baptizaret, quum diceret, *Ipse vos baptizabit Spiritu sancto & igni*. Atque hac de causa, hujus unius facit mentionem. Igitur Evangelia quidem eorum quæ Christus gessit ac dixit narrationem & historiam quandam continent. Cæterum Actorum liber refert ea quæ alter ille paracletus dixit ac fecit. Nam & tum quidem multa ipse faciebat. Quemadmodum & nunc Christus agit occulta vi, sicuti & tunc quoque temporis agebat. Sed tum quidem per ipsum Templum, nunc autem per Apostolos. Ac tum quidem in virgineum venit uterum, templumque construxit, nunc vero in animos Apostolicos. Rursum tum venit in specie columbæ, nunc in specie ignis. Cur ita? Videlicet illic præse ferebat mansuetudinem, hic vero etiam vindictæ severitatem. Tempestive sane commonefecit iudicii, quum enim jam oportebat peccata concedere atque abire, plurima opus erat mansuetudine. Rursum posteaquam adepti sumus donum, jam instat iudicii & examinationis tempus. Sed quomodo dicit, *baptizabimini*, quum aqua non esset in coenaculo? Quoniam in baptismo præcipua pars est Spiritus, per quem & aqua fit efficax. Itaque quemadmodum ipse dicitur unctus, quum nequaquam unctus esset oleo, sed accepisset Spiritum sanctum, sic & baptizati dicuntur discipuli. Est & alia interpretatio. Comperire licet illos aqua fuisse tinctos, idque diversis temporibus. In nobis enim utrumque fit pariter, tunc vero disjunctim. Siquidem initio a Joanne baptizati sunt. Id ne cui mirum videatur. Etenim si meretrices ac publicani ad baptismum illum venerunt, multo magis venerunt hi qui post erant baptizandi Spiritu. Post hæc ne dicerent totum hoc nihil aliud esse quam pollicitationes, jam enim multa de hoc baptismo dixerat, neve putarent, hanc Spiritus vim talem ut nusquam appareret, revocans illos ab hujusmodi suspitione dicit, *Post non multos hos dies*. Nec expressit, quando, quo semper vigilarent, tantum dixit, brevi futurum, ne dejicerentur animis: quando vero id esset futurum, nondum addidit, ut semper essent vigilantes. Nec hac re solum illos inducit ad credendum, videlicet brevitate temporis, verum etiam quum dicit promissionem quam audistis ex me. Porro quod dicit hoc est, Non nunc, inquit, tantum dixi vobis, sed & jam pridem promisi, quæ sine dubio facturus sum. Quid igitur miraris, si non exprimit diem, quo hæc erant perficienda, quandoquidem hunc instantem ac vicinum noluit esse manifestum, idque iustissima sane de causa, nimirum ut vigilantes sollicitius promissum exspectarent. Non enim datur, non datur, inquam, gratia, nisi vigilantibus. Annon vides quid dicat Helias discipulo? *Si videris me quum arripiar, sic erit tibi*, hoc est, continget tibi quod postulas. Quin & Christus undique ad ipsum confluentibus dicebat, Credis? Etenim nisi addicti fuimus ei quod datur, ne sentiemus quidem magnopere beneficium. Sic & Paulo non statim data est gratia, sed triduum intercessit, quo fuit cæcus, atque interim metu purgatur ac præparatur. Etenim quemadmodum qui purpuram tingunt, prius aliis quibusdam coloribus præparant id quod tincturam accipiet, ne flos dilutus & evanidus fiat. Itidem & hic prius animi sollicitudinem Deus præparat, ac deinde infundit gratiam. Eandem ob causam nec Spiritum illico misit, sed in die quinquagesimo.

Quod si quis dixerit, quare non & nos eodem tempore baptizamus? Illud sane respondere possumus, quod gratia quidem tum esset eadem quæ nunc est, cæterum animus nunc fit sublimior & excelsior dum jejuniis præparatur. Quanquam & Pentecostes tempus habet aliquam rationem haud quaquam absurdam. Quam tandem

dem dicis? Existimaverunt patres satis idoneum malæ cupiditatis frenum, magnamque doctrinam esse baptismum ad hoc, ut etiam tempore deliciarum sobrietatem tuerentur. Itaque perinde quasi simul cum Christo cibum capiamus, communisque cum illo mensæ participes simus, ne quid temere faciamus, sed in jejuniis, in precibus, multaque sobrietate degamus. Etenim si quis aditurus annonæ præfecturam, sibi parat quicquid ad vitæ usum pertinet, atque ut sibi nonnihil dignitatis assequatur, & pecunias consumit, & tempus impendit, & innumerabiles suffert labores: quo malo nos digni fuerimus, si cum tanta socordia regnum cœlorum adierimus, neque ulla cura nosmetipsos ad hoc præparaverimus, priusquam accipiamus? quin & posteaquam acceperimus socorditer egerimus? Ideo namque posteaquam acceperimus socordes sumus, quod priusquam acciperemus non vigilaverimus. Ideo complures posteaquam acceperunt protinus redierunt ad priorem vomitum, ac redditu deteriores, gravius supplicium sibi accerserunt, eo quod a prioribus peccatis liberati, hoc pacto gravius etiam iudicis iram in se provocarunt, dum tanto liberati morbo, ne sic quidem ad sanitatem mentis converti potuerint: quin illud potius illis usu venit, quod paralytico comminabatur Dominus, dicens: *Ecce sanus factus es, noli posthac peccare, ne quid tibi deterius eveniat.* Item quod de *Judæis* prædicabat, ostendens quod illos ob ingratitudinem immedicabilia manerent mala, si non venissem & locutus eis fuisset, peccatum non haberent. Itaque posthac dupla & quadrupla peccata fiunt. Qui sic? Quoniam post exhibitam nobis dignationem, ingrati sumus & improbi. Quapropter nihil nobis proficit lavacrum ad hoc, ut mitius puniamur. Illud vero considera, Habuit aliquis commissa gravia, vel homicidio, vel adulterio, vel alio quopiam facinore patrato, hæc per lavacrum remissa sunt. Non enim est, non est, inquam, ullum jam peccatum, ullave impietas, quod non cedat locumque det dono Dei. Nam divina res est gratia; Denuo moechatus est aliquis, aut homicidium perpetravit, prius quidem adulterium condonatum est, & homicidium illud simul cum adulterio concessit ac nequaquam revocatur; Nesciunt enim poenitentiam, dona, & vocatio Dei.

Cæterum pro his, quæ post baptismum commissa sunt tantam damus poenam, quasi & illa revocata sint, ac multo etiam graviolem. Jam enim non simplex peccatum est, sed duplex aut triplex. Quod autem his gravior poena debeat, audi quid dicat *Paulus*: *Qui spernit legem Moysi, sub duobus aut tribus testibus, absque misericordia, morte luit penas. Quanto putatis graviore vindicta dignus censetur, qui filium Dei concularit, ac sanguinem Testamenti immundum dixerit, ac Spiritus gratia contumeliam fecerit.* Fortasse multos avertimus ne nunc accipiant baptismum. Verum non propterea diximus hæc, sed ut qui jam acceperunt, perseverent in multa sobrietate multaque modestia. At dicit aliquis, metuo. Si metueres, accepisses utique servassesque. Verum ob hoc ipsum, inquiet, non accipio, quod metuum. At non metuis sic ex hac vita decedere? Humanus, inquiet, est Deus. Igitur accipe baptismum; Humanus enim est, & opitulatur. Tu vero ubi vigilandum erat, non occupas istam humanitatem Dei: ubi vero tibi visum fuerit differre, tum venit in mentem illius humanitas. Atqui tunc erat tempus utendi hac humanitate, quam tum magis assequemur, quum eam nostra sponte amplectemur. Etenim qui posteaquam curam universam coniecit in Deum, post baptismum redierit in peccatum, nimirum homo, si poenituerit, Dei benignitatem experietur. At qui veluti deludens Dei bonitatem, excefferit expers gratiæ, nullo pacto valebit effugere vindictam. Cur autem istiusmodi causificationes adversus tuam ipsius salutem usurpas? Impossibile est, impossibile est, inquam, cum qui tali spe differt baptismum, agere quicquam egregium aut honestum. Tu vero cujus tandem rei gratia tantum periculi recipis, & incertum futuri amplecteris? Quin potius istum timorem mutas in laborem, ac studium, ut magnus sis ac suspiciendus. Utrum melius est metuere an laborare? Si quis te collocasset otiosum in do-

mo ruinosam dicens, expecta donec in caput tuum deciderit testudo jam putris, fortassis enim cadet, fortassis non cadet: quod si id non placet, operare, ac tutissimum inhabita thalamum: utrum magis eligeres? otiumne illud cum timore, an laborem cum securitate? Sic igitur & nunc facito. Siquidem incertus eventus futuri ceu domus quædam est putris, semper ruinam minitans. At industria illa, quanquam laborem habet, tamen spondet securitatem. Absit igitur ut in tantam necessitatem incidamus, ut post baptismum recidamus in peccatum. Attamen si quid acciderit istiusmodi, ne sic quidem abjiciamus spem, benignus est erga genus mortale Deus, multasque vias nobis dedit abolendorum criminum etiam post baptismum commissorum. Cæterum quemadmodum ii qui post baptismum delinquant, ob id gravius puniuntur quam catechumeni: ita qui sciunt esse poenitentiae remedium, nec eo volunt uti, graviora luent supplicia. Etenim quo major est Dei benignitas erga nos, hoc major erit ultio, nisi illius benignitate sicut oportet utamur. Quid ais homo, qui tantis malis plenus es ac deploratus? Semel factus es amicus, semel ultioni supremæ subductus es, haud quaquam ex propriis laboribus, sed ex Dei dono. Rursus ad pristinam turpitudinem revolutus es, dignus qui graviter puniaris. At Deus ne sic quidem aversus est abs te, sed dedit innumeras reparandæ salutis occasiones, per quas redeas in gratiam. Et hæc quidem fecit Deus. Tu vero ne tanta quidem lenitate provocatus vis laborare. Et qua tandem venia posthac dignus habeberris? An non optimo jure gentes te ridebunt, ceu fucum quempiam sterilem, frustra que viventem? Si potens & efficax est, inquit, philosophia quam profitemini, ostendite quid sibi velit tanta nondum initiatorum multitudo. Præclara vero & expetenda mysteria. At nullus animam agens, capit lotionem. Non enim illud est tempus mysteriorum, sed testamentorum: mysteriorum tempus est, sanitas mentium, & puritas animarum. Etenim dic mihi, si quis ad istum affectus modum nolit scribere testamentum, si vero scripserit etiam dat in posterum animam rescindendi testamenti (siquidem propterea solent his verbis præfari, *Vivum, sanamque & integram mentis ordinavi de bonis meis*) qui fiet, ut qui jam sui compos esse desit, possit ad plenum initiari mysteriis? Etenim si de rebus ad hanc vitam corporalem pertinentibus statuere volenti, non permetterent leges civiles ordinare, quoties testari volens non admodum constat animo, præsertim quum de suis ipsius facultatibus præscripturus sit: quomodo qui de regno cœlorum docetur deque bonis illis ineffabilibus, poterit ad plenum omnia percipere, frequenter & a morbo factus attonitus? Quando vero futurum est, ut illa verba dicas Christo, conspultus cum illo, quum jam sis mox abiturus? Nam factis & verbis oportet declarare benevolentiam. Tu vero perinde facis, ac si quis tum postulet ascribi militiæ, quum jam bellum est solvendum, aut si athleta tum vestes exuat, quum jam surgere cœperint spectatores e theatro discessuri. Siquidem in hoc arma sumis, non ut protinus aufugias, sed ut acceptis illis ex adversario trophæum referas. Ne quis arbitretur intempestivum esse hisce de rebus sermonem, eo quod nunc non est dies quadragesimus. Nam hoc ipsum est quod urit animum meum, in huiusmodi rebus observari tempus. Atqui Eunuchus ille quum esset barbarus & iter faceret, essetque in via publica, non exquisivit opportunitatem: sed ne carcerarius quidem ille, quum esset inter vinctos, conspiceretque doctorem cæsum ac vinctum, præsertim quum id temporis crederet illum in carcere mansurum. Hic autem plerique, qui nec in carcere habitant, nec in itinere sunt, proferunt salutis suæ negotium, idque usque ad extremum vitæ halitum.

Quod si adhuc ambigis, num Christus sit Deus, statto foris, ne divinos sermones audias, neve te ipsum inter catechumenos numeraris. Quod si fidis & hoc certo cognoscis, quid contaris? quid refugis? quid detrahas? Vereor, inquit, ne peccem. Verum illud quod periculosius est non vereris: ne cum tantis sarcinis abeas illuc? Nec enim idem est, gratiam in medio positam non assequi, & quum jam aggressus sis ad honesta tendere.

re, frustrari. Age, dic mihi, si quis sic tecum expostulet, quam ob causam non accessisti? quam ob causam non pertendisti quo coepēras? Quid dices? Nam illic fortassis habebis quod causeris, onus praeceptorum, ac difficultatem virtutis, at hic nihil istiusmodi. Hic enim gratia est gratis largiens libertatem. Sed vereris ne pecces. Istuc dicito post baptismum, tunc istum habeto metum, quo serves libertatem quam accepisti, non ut non accipias tantum donum gratis oblatum. Nunc vero contra, ante baptismum cautus es ac circumspectus, post baptismum socors & incogitans. Sed tempus opportunum expectas quadragesimæ. Qua gratia? Numquid enim amplius habet illud tempus? Ipsi Apostoli non in Pascha donati sunt hac gratia, sed alio tempore. Præterea quum baptizarentur tria millia & quinque millia, non erat Paschæ tempus. Similiter quum baptizaretur Cornelius & Eunuchus alique complures. Proinde ne tempus expectemus, ne quando fiat, ut dum contamur & recastinamus, discedamus hinc, inanes vacique tantis bonis. Quomodo creditis me discrucari animo, quoties aliquis nondum initiatus ex hac vita sublatus fuerit, mecum reputantem, intolerabiles illos cruciatus, & supplicium inevitabile. Rursus quos æstus pectoris sentio, quoties alios video sub extremum halitum festinantes ad initiationem, nec hinc fieri puriores? Eoque sane multa sunt indigna tanto Dei dono. Oportet enim epulari, chorosducere, gaudere & coronari, quoties alius initiatur. At ubi uxor ægrotantis audierit hoc ordinatum esse a medico, veluti magnum aliquid malum acciderit, ita consternatur ac plorat, singultus & ejulatus totam undique domum implent, non aliter quam complorantur iudicum sententia condemnati, quum ad capitis supplicium abducuntur. Ille vero multo magis etiam plorat, & si contingat a morbo convalescere, gravius etiam dolet, velut affectus contumelia. Quoniam enim nondum præparatus est ad virtutem, constatur ac detrectat deinceps futura certamina. Vides quas artes excogitet Diabolus, quod probum, quantum ludibrium. Itaque subducamus nos a tali ludibrio, vivamus quemadmodum præcepit Christus. In hoc dedit baptismum, non ut eo accepto mox decedamus, sed ut semper viventes baptismi fructus proferamus. Quomodo dices hinc abeundi, fructifica, quomodo dices idem jam ex arbore exsecto? Non audisti, quod fructus Spiritus est caritas, gaudium, pax? Quomodo igitur his diversa proveniunt? Siquidem uxor adstat lugens, quum oportuerit gaudere, adstant liberi flentes, quum oportuerit gratulari parenti. Ipse decumbens in tenebris, tumultu ac perturbatione plenus est, quum oporteat diem festum agere, toto consternatus est animo, quod filios orbos relinquit, quod uxorem viduam, quod domum desolatam. Dic mihi, quis ad istum modum adit mysteria? Quis sic accedit ad sacram mentem? Hæcine ferenda videntur? Si Rex missis litteris jubeat vinctos e carcere dimitti, gaudium est ac lætitia. Deus autem mittit Spiritum e coelis, non reliquias pecuniarum debitorum, sed universa peccata condonans: & omnes fletis ac ejulatis? Quæ tandem est hæc inæqualitas? Nondum commemoro, quod etiam mortuis infusa est aqua, & quod sancta projecta sint in terram. Non enim vestra culpa sunt ista, sed ingratorum. Proinde exhortor, ut omnibus rebus omissis convertamur nosmetipsos, ac baptismum omni cum animi promptitudine adeamus, ut posteaquam in hac quoque vita declaraverimus non vulgare studium animi nostri, futuram consequamur libertatem, quam nobis omnibus contingat assequi, gratia & benignitate Domini nostri Jesu Christi, cui gloria & imperium in secula seculorum, Amen.

HOMILIA II.

Illi quidem igitur congregati interrogaverunt eum, dicentes, Domine, num in tempore hoc restituis regnum Israeli? Act. 1:6.

Quum discipuli Dominum parant interrogare, simul adeunt, hoc autem faciunt, quo pudore reverentiaque multitudinis quod scire desiderant, extor-

queant. Noverunt enim quod prius dixerat, nemini cognitum esse diem illum, repellentis fuisse sermonem, non ignorantis, sed differentis responsionem. Unde rursus aggressi eadem percontantur. Nequaquam autem interrogassent, si vere persuasum habuissent. Nam quoniam audierant quod Spiritum essent accepturi, tanquam digni jam cupiunt discere, & ad libertatis spem habebant erectos animos. Non enim volebant sese conjicere in pericula, sed respirare potius ac refocillari, eo quod non exigua forent, quæ illis contigerant, sed de extremis imminerebat periculum. Nihil igitur de Spiritu locuti, interrogant, dicentes, *Domine, num in tempore hoc restituis regnum Israeli?* Et non dixerunt, *quando restitues*, sed, *an nunc*, inquit. Adeo desiderabant diem cognoscere, eoque multo cum honore adeunt. Equidem arbitror, ne illud quidem aliquo pacto cognitum illis fuisse, quod tandem esset illud regnum. Nondum enim erat Spiritus, qui post docuit eos. Nec dicunt quando hæc erunt, sed quid dicunt? *Num in tempore hoc restituis regnum?* tanquam quod jam sublatum erat. Hæc ad hunc modum seiscitantur, quod rebus sensibilibus adhuc afficerentur, quanquam non æque ac prius. Nondum enim tum facti fuerant meliores. Sic in posterum majora de eo imaginabantur. Itaque posteaquam ad actionem provecti fuerant discipuli, & ipse sublimius cum illis discessit. Non enim jam sic illis loquitur, *ne filius quidem hominis novit diem illum*. Quid igitur? *Non est vestrum nosse tempora vel momenta, quæ Pater posuit in sua potestate*. Majora, inquit, quam quæ vobis convenit, postulatis. Atqui jam didicerant his etiam multo majora. Id quo magis ac plenius intelligas, vide quam multa recenscam. Age, dic mihi, quid est majus quam didicisse quæ jam didicerant? Didicerant enim, Christum esse filium Dei, didicerant quod Deus filium haberet æqualem honore, didicerant resurrectionem futuram, didicerant futurum, quod nunc factum est, videlicet quod consedit ad dextram Patris: Insuper & quod est his magis stupendum, didicerant quod caro sedet in caelis & adoratur ab Angelis; Didicerant, quod venturus esset rursus ut judicet mundum universum; Didicerant, quod & ipsi essent consessuri iudices duodecim Tribuum Israel; Didicerant quod Judæi essent ejiciendi, ac pro his ingressuræ gentes. Hæc scire futura magnum est. Cæterum discere, quod aliquis sit regnaturus, & quando, nihil magni est. Didicerat Paulus quæ fas non erat homini loqui. Didicerat omnia quæ mundum hunc præcesserant. Utrum cognitu difficilius: Principium, an finis? Liqueat prius illud esse magis arduum. Igitur & Moyses hæc didicit: Et quando, & ante quantum temporis, conditus esset mundus: id declarat per hoc quod numerat annos. Hoc & Salomon didicerat: proinde dicebat, *Commemorabo ea quæ fuerunt a seculo*. Itaque quod post hæc Dominus brevi venturus esset, norunt & hi, quemadmodum & Paulus dicens, *Dominus prope est, ne quid solliciti sitis*. At tum quidem non noverunt, tametsi signa tradiderat illis Dominus. Christus autem quemadmodum ante dixit, *Post non multos dies*, volens eos vigilare, nec evidenter aperuit tempus, ita & hic facit. Quanquam & alioqui hic isti non de fine Mundi, sed de regno Israelitico percontantur, eoque dicebant, *Num in tempore hoc restituis regnum Israeli?* Ille vero ne id quidem illis aperuit. De fine vero mundi & prius interrogaverant, sed non quemadmodum illic severius respondit, avocans animos illorum ne putarent liberationem esse vicinam, conjiciens eos in pericula, itidem & hic facit, sed mansuetius dat responsum. Et enim ne sibi viderentur illudi, neve existimarent ista quæ dicebantur, prætextus esse, audi quomodo pollicetur sese protinus eis daturum quod gauderent. Subjecit igitur, *Sed accipietis virtutem sancti Spiritus supervenientis in vos, eritisque mihi testes, tum Hierosolyma, tum in tota Judæa & Samaria, & usque ad extrema terra*. Deinde ne rursus ipsum interrogarent, protinus assumptus est. Quemadmodum igitur illic metu illis offudit tenebras, negans se scire, sic & hic idem fecit, post sermonem statim receptus in caelum: vehementer enim id scire desiderabant, nec desitissent per-

contari, quum esset vehementer necessarium, ne scirent, quod scire volebant.

Age, dic mihi, utrum minus credunt gentes, futuramne mundi consummationem, an Deum hominem esse factum, & e virginis utero prodisse, & ab hominibus in carne conspectum esse? An hoc nequaquam dices, sed respondebis: omnino tuum fuerit & hoc dicere. Atqui pudet me perpetuo hac de re loqui, veluti de negotio quopiam ancipiti vel indifferenti. Rursus ne dicant, quare suspendis causam? *Qua Pater*, inquit, *posuit in sua potestate*. Atqui eadem est potestas Patris & illius, veluti quum dicit, *Sicut enim Pater suscitavit mortuos & vivificat, sic & Filius quos vult vivificat*. An quum est operandum, eadem cum Patre potestate operatur: ubi vero scire quippiam oportet, non cum eadem scit potestate? Attamen longe majus est excitare mortuos, quam scire diem. Quod si cum potestate facit id quod majus est, multo magis faciet & alterum. Verum ut intelligatis rem, adhibita similitudine reddam dilucidiorum. Quemadmodum quum videmus infantem plorantem semperque cupientem aliquid a nobis accipere, quo nihil illi est opus, tum occultato potius quod concupiscit, ostendimus illi manus vacuas, dicentes: Ecce non habemus: Itidem & ille fecit Apostolis. Sed quemadmodum puer ille, si postea nihil ostendamus, instat plorando, videns se esse delusum, deinde eo relicto discedimus dicentes, vocat metalis, & aliud quiddam ejus loco quod concupiscebat damus, volentes illum advocare ab eo quod maluisset accipere, extollentesque illud quod in alterius locum damus, eo dato, repente subducimus nos: Itidem fecit & Christus; Illi quærebant accipere, hic negavit se habere. Attamen primum deterrebat. Cæterum ubi rursus quærent, iterum negavit se habere, nisi quod nunc non territat, verum posteaquam ostenderat quod fecerat, dicit etiam probabilem causam, *Pater*, inquit, *posuit in sua potestate*. Quid igitur, Nescis ea quæ sunt Patris? An ipsum quidem nosti, cæterum quæ facit ignoras? Ipse dixisti, *nemo novit Patrem nisi Filius*; Et *Spiritus quidem omnia scrutatur, etiam profunda Dei*, tu vero ne hoc quidem scis? Absit, Non ut hoc suspicemur, ad istum locutus est modum. Sed ita se gerit quasi nesciat, quo illos revocet ab intempestiva inquisitione. Timuerunt igitur iterum interrogare, ne audirent, *Et vos sine intellectu estis?* Longe magis enim illum nunc metuunt, quam antea. *Sed accipietis virtutem Spiritus sancti supervenientis in vos*. Quemadmodum illic non respondet ad ea quæ percontabantur: nam hoc doctoris est, docere non quæ vult discipulus, sed quæ discere expedit: sic & hic quæ concessit illis scire, ideo prædicit, ne turbarentur, nimirum adhuc etiam imbecilles. Ut autem illos confirmaret, erexit illorum animos, simulque textit ea quæ erant auditu gravia. Nam quum esset illos paulo post relicturus, hæc colloquens cum illis, nihil dicit molestum simpliciter, sed cum admixta laude mitigat per hæc quæ nunc facit, illud propemodum dicens, Ne formidatis, *capietis enim virtutem supervenientis in vos Spiritus, & eritis mihi testes, & Hierosolymis, & in tota Judæa ac Samaria*. Quandoquidem antea dixerat, *In viam gentium ne abieritis, & in civitates Samaritanorum ne ingrediamini*. Nunc autem vult eos per omnem *Judæam ac Samariam* prædicare. Et quod tum reticuerat, hic addit, *Et usque ad extremum terræ*. Elocutus quod erat omnium maxime formidabile.

9. Deinde ne rursus ipsum interrogarent, *Videntibus illis sublevatus est, & nubes suscepit eum ab oculis eorum*. Vides eos prædicasse & implese Evangelium. Vere rem magnam illis donavit. Cæterum ubi, inquit, timuistis *Hierosolymis*, illic primum prædicare, post usque ad extremum terræ. Deinde rursus astruitur fides his quæ dixerat, *Videntibus illis elevatus est*, inquit. Non surrexit quidem illis videntibus, sed videntibus illis elevatus est. Quoniam nec hic aspectus potuit omnia. Et resurrectionis finem quidem viderant, principium vero non item. Rursum assumptionis initium quidem viderunt, finem vero non item. Siquidem illud abstulit, videlicet uti resurrectionis principium viderent, quum præsens

A esset qui hæc loquebatur, quum ipsum monumentum declararet ipsum illic non esse. Cæterum quod restabat sermone discendum erat. Quoniam oculi non poterant assequi celsitudinem ut viderent, utrum in cælum ascenderet, an velut in cælum, vide quid fiat. Quod idem Jesus esset, sciebant ex his quæ locutus fuerat ad ipsos: quod autem susceptus esset in cælum, ipsi deinde docuerunt Angeli. Eminus enim non potuissent agnoscere. Vides sic rerum ordinem esse dispensatum, ut non omnia gererentur per spiritum, verum etiam nonnulla visu. Quamobrem autem nubes suscepit eum? Et hoc signum erat in cælum ascendere. Non ignis, neque currus igneus, quemadmodum factum est in *Helia*, sed nubes eum suscepit, quod erat cæli symbolum: quemadmodum dicit Propheta; *Qui posuit in nube ascensum suum*. Quanquam hoc & de spiritu dictum est, ideoque dicitur *in nube*, declarans, quod in ipso signo divinæ potentiae ascenderet. Nec enim alia virtus ulla videtur in nube. Audi rursus quid dicat alius Propheta, *Deus sedet super nubem levom*. Mihi sane videtur hæc, cum adhuc interrogarent, illis vehementer attendentibus iis quæ dicebantur, vigilantibus minimeque dormitantibus esse facta. Quanquam etiam in monte nubes cinxit illum, quum *Moses* ingrederetur in caliginem, verum non illius causa adhibita est nubes. Ipse vero non dixit simpliciter vado, ne rursus moerore afficerentur, sed addidit, mitto Spiritum. Nam quod abiret in cælum, oculis ipsis didicerunt. *Papæ*, quo spectaculo dignatus est illos Dominus. *Erant*, inquit, *intendentes oculos in cælum, eunte illo, Et ecce viri duo astiterunt illis in veste candida, qui & dixerunt, Viri Galilai, quid statis aspicientes in cælum?* Hic demonstrantis est sermo, quo usi sunt, quum ajunt, *Hic qui assumptus est a vobis in cælum, sic veniet quemadmodum vidistis illum euntem in cælum*. Iterum læta rerum facies ostenditur. Siquidem Angeli quidam simul conjuncti humanam speciem præ se ferentes, assistunt & ajunt, *Viri Galilai*. Superest ut digni videantur, quibus fides habeatur, in his de quibus loquuntur. Itaque veluti dignitate præminentes, e loci vocabulo compellant illos. Quid enim alioqui opuserat, eos audire, cujus essent patriæ, cum id nequaquam ignorarent? Quin & ipsa specie reddiderunt illos in se intentos, videlicet hoc quoque modo declarantes, quod essent e cælo profecti. Quam ob causam, non ipse potius Dominus hæc discipulis loquitur, quam Angeli? Imo prævenerat Dominus, atque hæc omnia prædixerat suis. Proinde per Angelos commonefecit illos eorum quæ audierant. Nec dictum est, *quem vidistis assumptum, sed euntem in cælum*, nimirum, ut intelligas hanc assumptionem esse reditum sive ascensum. Carnis autem est assumi, eoque dicunt, *qui assumptus est a vobis, sic veniet*. Non mittetur, sed veniet. Ubi sunt igitur, quid dicunt *Filium Patre minorem*. *Nubes suscepit eum*: Recte dictum est, *eum*. Ipse enim conscendit nubem. Proinde qui ascendit, ipse est qui descendit. Hic vero mihi considera, quomodo partim quidem juxta discipulorum intelligentiam loquuntur Angeli, partim vero juxta divinæ naturæ dignitatem, tum quo pacto deinceps cogitatio videntium tollatur in altum, eo quod illis secundi adventus non mediocris cognitio data sit. Siquidem hæc verba, *sic veniet*, perinde valent, ac si dicerent, cum ipso corpore veniet. Nam hoc audire cupiebant: deinde declarant, quod similiter nubi insidens iterum venturus esset ad judicium. *Ecce*, inquit, *viri duo astiterunt*. Cur ait, *viri*? Nam tota specie viros repræsentabant, ne pavore consternarentur. Qui & dixerunt, *Quid statis insistentes in cælum?* Protinus addunt castigantium verba, quæque non sinerent illos protinus expectare reditum illius. Angeli quod minus est dicunt, quod majus est tacent. Quod enim sic esset venturus, quodque idem e cælo foret expectandus eloquuntur, cæterum quando id esset futurum, silent. Deinceps igitur illos ab eo spectaculo sevocatos, reddunt attentos ad ea quæ dicebantur, ne, quoniam non poterant jam videre Dominum, crederent illum non ascendisse. Verum hanc cogitationem suis verbis occupant ac præveniunt. Etenim si prius dicebant, *quo vadis*, multo magis & nunc dixissent,

num in tempore hoc restituis regnum Israel? Usque adeo delectabantur illius mansuetudine, ut etiam post crucem ac mortem percontarentur illum, *Num restituis?* Atqui prius illis dixerat, *Audietis bella & rumores de bellis, sed nondum finis;* neque Hierosolyma capietur; Nam tum de regno percontabantur, non de consummatione mundi. Quamquam & alias, posteaquam resurrexerat Dominus, non miscet cum suis prolixos sermones. Igitur sane velut ipsi quoque futuri in pretio si id eveniret, percontantur. Ipse vero non aperuit, quando restitueret regnum. Quid enim opuserat illos hoc scire? Hoc ergo veriti, non rursus ita loquuntur, quod signum adventus tui, & consummationis seculi? sed hunc in modum interrogant, *Num restituis regnum Israel?* Existimabant enim jam illud adesse. Ipse parabolis docuerat illos, quod non esset in propinquo. Itaque hoc percontantibus non respondit ad percontationem, verum alium sermonem iniecit. *Sed accipietis,* inquit, *virtutem sancti Spiritus supervenientis in vos.* Hic illud considera, quod dixit, *supervenientis,* non *missi,* nimirum quo declararet honoris æqualitatem. Ubi es igitur, o tu qui bellans adversus Spiritum, creaturam illum facis? *Eritis mihi testes.* Innuit assumptionem, quin potius eorum quæ prius audierant memoriam illis renovat, ut palam faceret, quod in cœlum ascendisset. Animadvertite vero, quod quemadmodum dixit David, *Nubes & caligo in circuitu ejus,* ita nunc ad id alludit dicens, *Nubes suscepit eum,* his verbis declarans illum esse Regem cœlorum. Quemadmodum currus Regalis declarat ipsum Regem, sic & ad illum missum est Regale vehiculum, ne quid triste loquerentur, nec idem illis accideret, quod accidit Eliseo, qui magistro assumpto in cœlum, dilaceravit tunicam suam. Quid autem dicunt Angeli? *Hic Jesus qui assumptus est a vobis in cœlum, sic veniet.* Et ecce viri duo astiterunt illis: Congruenter. Siquidem in ore duorum testium stabit omne verbum, præsertim quum eadem loquantur. Et *in veste,* inquit, *candida.* Quemadmodum ante jam Angelus ad monumentum visus est in vestimentis fulgorantibus, qui & prædixit illis quid in animo versarent, sic & assumptionis præco exhibetur Angelus. Quod si Prophetæ nusquam prædixerunt, ne mireris. Supervacaneum enim erat, separatim ejus rei mentionem facere, cujus intellectus cum resurrectionis intelligentia conjunctus est. Cæterum ubique apparent Angeli, velut in nativitate, rursus apud Mariam. Iterum in resurrectione. Itidem apparuerunt & in assumptione. Magis autem & in secundo adventu, apparebunt Angeli præcursores. Cum vero sic essent locati, *Sic Jesus assumptus est a vobis,* ne consternarent illorum animos, subjecerunt, *Sic veniet:* Respirarunt aliquantulum quum audissent, eum denuo rediturum, præterea sic rediturum ut intelligerent illum sic rediturum ut adiri possit. Rursus hæc particula, *a vobis,* non simpliciter addita est, sed commendat Domini caritatem erga illos, quos e mundo selegerat, docerque eum nunquam deserturum quos elegerat. Itaque suæ quidem resurrectionis ipse fuit testis, quod id esset omnium maxime mirandum quæ acciderant post virginis partum, imo & omnium quæ contigerunt ante virginis partum, videlicet quod ipse suscitaret seipsum. Ait enim, *solvite templum hoc & ego excitabo illud.* Cæterum posterioris adventus Angeli fuere testes, dicentes, *sic veniet.* Proinde si quis desiderat videre Christum, si quis dolet quod illum non viderit, hoc Angelorum audito sermone, *Sic veniet,* vitam admirandis virtutibus componat, & omnino visurus est quem desiderat, nec frustrabitur suo voto. Nam majore cum gloria veniet, sic tamen veniet, cum nube, sic veniet, cum corpore: sed multo magis admirandum est videre eum e cœlo descendentem, quam e terris in cœlum ascendentem. Venturum igitur dixerunt, in quo vero venturus sit, nondum addiderunt.

Hic sermo confirmat resurrectionis fidem. Etenim si in corpore assumptus est, multo magis cum corpore resurrexit. Ubi sunt, qui pertinaciter negant resurrectionem? Qui sunt, dic mihi, Ethnici an Christiani? Non enim satis agnosco. Quin potius optime novi, nimirum Ethnici sunt, qui nec mundum a Deo conditum cre-

dunt. Nam eorundem est, non concedere Deo potestatem aliquid e nihilo creandi, & negare illum posse suscitare quæ sepulta sunt. Mox erubescunt quod non cognoscant virtutem Dei, ne vocentur in hoc crimen, tergiversantur dicentes. Non eo hæc dicimus, sed quod corpore non sit opus. Aptum profecto congruumque responsum. *Fatum* enim, ut dicit Esaias, *fatua loquitur.* An non pudet detrahare Deo potestatem ex nihilo creandi quæ vult? Quod si tantum creat ex his quæ sunt, quare differt ab hominibus? Sed unde, inquit, mala? At tu quia non intelligis, unde, non ideo debes aliud inducere malum in cognitione malorum. Hic enim gemina committitur absurditas, altera quidem quod sic audes loqui; Etenim si negas Deum ex his quæ non sunt creare quæ sunt, multo magis ignorabis unde sint mala. Altera vero, quod dum ista dicis, inducis malitiam increatam. Cogita quam sit absurdum, dum studes invenire fontem malorum, & hunc ignorare, & alterum huic addere. Quære fontem malorum, & ne blasphemias inferas Deo. Quomodo, inquit, blasphemias infero Deo? Quid ais? An non blasphemus es, dum malum inducis increatum, dum illi tribuis potestatem Deo parem? Dum vim malorum inducis, æqualis cum Deo potentia, dum malum facis increatum? Vide quid dicat Paulus: *Invisibilia enim illius, ex creatione mundi, per ea quæ facta sunt intellecta, conspiciuntur.* Cæterum ille Diabolus utraque dixit esse *hyles,* hoc est, primæ materiæ, ne deinceps ulla ex re Deum cognoscamus. Age dic mihi, utrum difficilius, creare quod natura sit malum, si tamen ullum est (Loquor enim juxta vestram sententiam: Non enim potest creari natura malum, quod bono sit adjumento) an creare ex non exstantibus? Utrum facilius? Verbi causa de qualitate loquor, eam quæ non sit, inducere, an quæ sit in diversum vertere? Utrum difficilius? domum quæ non sit exstruere, an desertam instaurare? Perspicuum est illud esse difficilius. Non hoc igitur impossibile. Quemadmodum autem hoc impossibile, ita & illud impossibile. Sic enim loquor, ut in contrarium colligam disputandi gratia. Quin potius si hoc non est impossibile, nec alterum erit impossibile. Age dic mihi, utrum facilius unguentum conficere, an efficere ut coenum habeat eandem vim, quam habet unguentum? Utrum facilius? quandoquidem Deum nostris rationibus effingimus, non nos, absit hoc, sed vos potius. Ipsos oculos ut sint creare, an efficere, ut cæcus videat acutius vidente? & ipsa cæcitate abuti ad acuendum visum, & surditate abuti ad facultatem audiendi? Mihi videtur prius illud difficilius. Quod ergo difficilius est cum tribuas Deo, quod facilius est eidem non tribuis. Sed quid hæc commemoro? Etiam animas ajunt, ex Dei substantia profectas esse. At vide quantum hoc impietatis, quantumque dementiæ: dum enim probare nituntur Deum esse malorum auctorem, aliud magis etiam impium inducunt. Primum enim fingunt mala juxta temporis spatium æqualia Deo, prædicantes hunc nihilo vetustiorum, quolibet illorum. Nec verentur his senectutem, ac longævitatem immensam dare. Deinde malitiam asseverant immortalem, neque enim interit quod non nascitur. Videtis blasphemiam? ita necesse est ut aut nihil sit a Deo: aut si hæc non sunt, ne Deum quidem esse. Quod tertio loco proposueram in hoc ipsi secum pugnant, ac majorem æterni Numinis indignationem in se provocant. Quartum est, quod materiæ quæ non subsistit, tantam vim tribuunt. Quintum, quod ajunt malitiam fuisse causam divinæ bonitatis, quodque absque hac Deus, qui bonus est, non fuerit futurus bonus. Sextum, quod viam nobis præcludunt perveniendi ad cognitionem Dei. Septimum, quod Deum ad homines deducunt; Imo ad plantas & ligna. Etenim si nostra anima pars est substantiæ divinæ, anima vero demigrat etiam in corpora cucurbitarum, peponum, & ceparum, consequitur ut substantia Dei sit in cucurbitis. Jam si dicamus quod Spiritus sanctus in virgine construxerit templum Dei, derident. Si dixerimus quod Deus habitavit in spiritali templo, rursus irrident. Ipsos vero non pudet Dei substantiam in cucurbitas, pepones, muscas, bruchos, & asinos detrudere, nova idololatris

triæ specie reperta. At non cepe, inquit, in Deo est, sed Deus est in cepe. Cur fugis ne videaris Deo tribue-
redemigrationem in corpora? Turpe est, inquis. An non igitur istud multo turpius? An non hoc turpe est? Quomodo non turpe sit in Deum, quod si nobis contingat, revera turpe futurum sit? Videtisne fecem impietatis? Sed quam ob rem tandem nolunt corpora resurgere? Quid hinc adferunt? An quod corpus sit malum? unde igitur nosti Deum? unde habes rerum cognitionem? Tum philosophus quo pacto philosophus est, si nihil efficit corpus? Destruere sensus, & disce aliquid eorum quæ scire est opus. Quid autem insipientius esset anima, si ab initio sensus habuisset corruptos? Etenim si una corporis parte corrupta, nimirum cerebro, læditur universa vis animæ, quid futurum censes, si ceteræ quoque corporis partes corrumpantur? Ubi fuerit utilis anima? Ostende mihi animam sine corpore. An non audisti medicos aliquando dicentes: Morbus cum adest, vehementer obscurat animæ vires? Quousque persistetis? Dic mihi num corpus est materiæ? Pulchre. Igitur habendum erat odio? Cur igitur illud alis? quare foves? Quin potius liberanda erat anima ab hoc carcere. Nam alioqui Deus non potest vincere materiam, nisi illi commisceatur. Non enim potest illi præcipere, donec illi mixtus fuerit, ac per universam materiam constiterit. O imbecillitatem! Rex quidem imperando peragit omnia, Deus autem malis non imperat. Imo in totum nisi malitia boni cuiuspiam fuisset particeps, ne subsisteret quidem: talis est enim natura mali, ut non consistat, nisi virtuti cuiuspiam admisceatur. Proinde nisi prius fuisset malitia admixta virtuti, jam olim perierat. Nam hunc in modum sese habent mala. Sit aliquis lascivus, quique sese prorsus non temperet, num vixerit decem dies? Sit rursus latro quispiam, quem a nullo facinore retrahat conscientia, sit etiam talis erga latrocinii socios, num vixerit omnino? Sit aliquis fur impudens, qui non vereatur etiam palam furari, num vivet istiusmodi? Mala non habent naturam, ut ex sese possint subsistere, nisi paulum aliquid a virtutibus ceperint. Sic ista Deus comparavit, ut alteris altera sint admixta. Sit civitas virorum improborum, an stabit unquam? sed sic stare malos, utrum stabunt juncti bonis, an inter sese? At fieri non potest ut soli stent. Vere stulti facti sunt, quum se dicunt esse sapientes. Si corpus malum est, omnia simpliciter mala sunt oportet, & frustra sunt quæ conspiciuntur, aqua, terra, sol & aer. Siquidem & aer corpus est, quanquam invisibile. Tempestivum igitur existimarunt iniqui loqui nugalia. Verum ista ne toleremus, quin potius adversus illos obturemus aures. Est enim, est, inquam, corporis resurrectio. Hoc declarat sepulchrum quod est Hierosolymis, hoc declarat lignum, cui fuit alligatus cum flagellis caderetur. Comedimus enim, inquit, & bibimus cum illo. Credamus itaque resurrectionem, & hac digna operemur, quo simul & futura bona consequamur in Christo Jesu Domino nostro, cui cum Patre & Spiritu sancto gloria, imperium, honor nunc & semper & in secula seculorum, Amen.

H O M I L I A I I I.

Tunc reversi sunt Hierosolymam a monte qui dicitur Oliveti, qui abest ab Hierosolymis iter sabbati. Act. 1.

TUNC, inquit, reversi sunt. Tunc, quando? postquam audierant. Alioqui non sustinuissent, nisi alter adventus ipsis promissus fuisset. Mihi vero videntur hæc in sabbato gesta fuisse, alioqui non ad istum modum indicasset intervallum loci, dicens a monte qui dicitur Oliveti, qui abest ab Hierosolymis iter sabbati. Etenim certa viæ longitudo præscripta fuerat, quam peragere fas esset die sabbati. *Et cum essent ingressi, ascenderunt in canaliculum, ubi erant permanentes. Itaque posthac Hierosolymis manebant post Domini resurrectionem, Petrus, Jacobus, & Joannes. Non hic jam solus cum fratre recensetur, sed & Andreas cum Petro, Philippus & Thomas, Bartholomæus & Mattheus, Jacobus Alphaei & Simon Zelotes ac Judas Jacobi. Recte mentionem fecit discipulorum. Postquam enim unus prodidit, alter diffusus*

est, declarat quod uno excepto reliqui essent incolumes.

Hi omnes erant unanimiter perseverantes in deprecatione & obsecratione cum mulieribus. Pulchre: Magna siquidem armatura in tentationibus est deprecatio, & hoc abunde didicerant prius ab ipso magistro. Quanquam & alioqui præsens tentatio ad orandum illos adegit. Atque hac gratia conscendunt etiam coenaculum. Vehementer enim metuebant Judæos. Cum mulieribus. De his loquitur de quibus narrant Evangelia, quod Dominum sint secutæ. Et Maria matre Jesu & fratribus ejus. Quomodo igitur dictum est, quod peculiariter in sua receperit eam ille discipulus? Sed rursus ubi congregasset illos, ita demum & illa simul aderat. Et cum fratribus ejus: de his loquitur, qui prius diffusi fuerant. Et in diebus illis surgens Petrus in medio discipulorum dixit. Quam est fervidus? Quam agnoscit creditum a Christo gregem? Quam in hoc choro princeps est? & ubique primus omnium incipit loqui. Erat autem turba nominum, inquit, simul fere centum viginti: Viri fratres oportebat impleri Scripturam hanc quam prædixit Spiritus sanctus. Cur non solus a Christo postulavit, ut ipsi daret aliquem substituendum in locum Juda? Deinde, cur non potius per seipsum perficiunt electionem? Jam Petrus erat seipso factus melior. Hoc ad priorem quæstionem responsum esto. Alterius vero, quam ob rem non simpliciter, aut vulgari more, sed ex revelatione postularint suppleri ministerium, duas causas adferemus: unam quidem, quod aliis rebus essent occupati: alteram, quod hoc esset certissimum argumentum, Christum adhuc illis adesse. Quemadmodum enim quum præsens esset elegerat, ita & absens elegit. Ea res non mediocre momentum habebat ad consolandos discipulorum animos. Jam & illud considera quam Petrus agit omnia ex communi discipulorum sententia, nihil auctoritate sua, nihil cum imperio. Neque simpliciter dixit, hunc in locum Juda sufficimus, sed consolans illos super eo quod acciderat, vide quo pacto dicendi sumit exordium. Neque enim Juda factum mediocriter consternerat illorum animos. Nec id tibi mirum videri debet. Etenim si nunc vulgus hoc factum traducit, quid illos tum dixisse consentaneum est? Viri, inquit, fratres. Si Dominus suos discipulos fratres appellavit, multo magis convenit ut Petrus suos condiscipulos appellaret, quapropter & omnibus præsentibus sic locutus est. Ecce dignitas Ecclesiæ, & status Angelicus. Nullus erat illic ab aliis divulsus, non masculus, non foemina. Tales optarim & nunc esse congregationes. Nullus erat sollicitus de his quæ ad corporis vitium pertinent, nullum torquebat cura rei domesticæ. Tantum boni affert tentatio, Tantum commodorum habet afflictio. Oportebat impleri scripturam hanc quam prædixit Spiritus sanctus. Semper consolatur illos ex eo quod ante fore prædictum sit. Itidem & Christus ubique facit. Quem morem servans & Lucas ostendit nihil accidisse novi, sed quod jam olim prædictum erat fore. Oportet, inquit, impleri scripturam hanc, quam prædixit Spiritus sanctus per os David. Non ait: David dixit, sed Spiritus per eum. Considera in ipsis statim libri principiis, qua doctrinæ ratione sit usus. Vide quod aggressus hoc opus scribere, non abs re dicebam, hunc librum arbitrio sancti Spiritus conscriptum esse. Quam prædixit, inquit, Spiritus sanctus per os David. Perpende quomodo Prophetam reddit familiarem, eumque adducit in medium, sciens & ipsis fratribus expedire ut intelligant hoc per David fuisse dictum, & non per alium Prophetam. De Juda, inquit, qui dux fuit. Vide & hinc hominis prudentem moderationem. Non dicit contumeliam, neque insultat dicens, de scelesto illo, & omnibus sceleribus inquinato, sed simpliciter quod accidit indicat. Neque dicit, de eo qui prodidit, sed in alios detorquet crimen, per quos ad hoc devenit. At ne illos quidem acriter mordet, qui dux, inquit, fuit comprehendendis Jesum; ac priusquam eloquatur ubi prædixerat hoc David, narrat quod accidit Juda, ut ex præsentibus crederent futura, ostenderetque Judam jam dedisse poenas. Quoniam connumeratus erat nobiscum & sortitus est sortem ministerii hujus, Hic quidem igitur possedit agrum ex mercede iniquitatis. Moralem reddit sermonem & latenter crimen aperit,

aperit, quod ita conducat ad correptionem. Nondicit *Judai* possederunt, sed, *hic agrum possedit*. Etenim quoniam infirmorum animi non tam respiciunt ad futura, quam ad praesentia, de vindicta praesente commemorat. *Et suspensus crepus medius*. Recte non in peccato, sed in ultione sermonem facit acriorem. *Et effusa sunt*, inquit, *omnia viscera ejus*. Hoc audientibus adiebat consolationem. *Et innotuit omnibus habitantibus Hierosolymis*, adeo ut vocaretur *ager ille propria ipsorum lingua, Aeldama*, hoc est, *ager sanguinis*. *Judai* quidem hoc cognomen indidere agro, non ob agrum ipsum, sed propter *Judam*: Nam is agrum adduxit in hoc novum cognomen, impietatis suae cognomen ferens ab hostibus. Id sentire *Lucam* declarat, tum id quod ait, *nominaverunt*, tum illud quod mox subjicit, *propria ipsorum lingua*. Deinde post digressionem nominatim Prophetæ verba subjicit, dicens: *Scriptum est enim in libro Psalmorum, Fiat commoratio ipsorum deserta, nec sit qui inhabitet in ea*. Hoc de loco deque domo: & episcopatum ejus accipiat alter, hoc est, principatum, sacerdotium. Proinde non hæc accidunt, inquit, meo consilio, meaque voluntate, sed illius qui hæc prædixit, ne videretur ipse rem arduam conari, sed talem cui Christus testem adhibuerit Prophetam. Oportet igitur, inquit, *e nobis congregatis in omni tempore*. Quam ob rem communicat hoc negotium cum illis? Ne res verteretur in pugnam, ac delaberetur in contentionem. Nam si his ipsis hoc accidit, multo magis accidisset illis. Semper autem hoc devitat. Quam ob rem exordiens dicebat: *Viri fratres eligere e nobis*. Multitudini permittit judicium, simul eos qui eligebantur, reddens reverendos, & ipsum liberans ab invidia simultateque quæ poterat a cæteris oboriri. Nam hæc semper ingentia gignit mala. Quod igitur sic oportuit fieri, docuit adducto Prophetæ testimonio. E quibus autem oporteat fieri electionem, ipse interpretatur dicens: *Ex congregatis nobis per omne tempus*. Etenim si dixisset, modestos oportet adesse, cæteros affecisset contumelia; Nunc autem temporis permisit judicandi negotium, non simpliciter dicens congregatis, sed addit, *in omni tempore, quo exiit & intravit ad nos Dominus Jesus, exorsus a baptismo Joannis, usque ad diem quo assumptus est a nobis: testem resurrectionis ejus nobiscum fieri unum ex his*. Ut fieret quid? Ne chorus non haberet suum numerum. Quid? An non licebat ipsi eligere? Licebat, & quidem maxime. Verum id non facit, ne cui videretur gratificari. Quamquam alioqui nondum erat particeps Spiritus. *Et statuerunt*, inquit, *duos, Joseph qui vocabatur Barsabas, cognomento Justum, ac Matthiam*. Non ipse eos statuit, sed omnes; Cæterum sententiam ipse protulit, sed hanc quoque declarans suam non esse, sed e supernis profectam juxta prophetiam. Itaque recitator fuit non præceptor. *Joseph qui dicebatur Barsabas, cognomento Justus*. Fortassis ob multos cognomines posuit, & adnomen & cognomen, quandoquidem & inter Apostolos complures erant cognomines, *Jacobus Zebedæi, & Jacobus Alphaei, Simon Petrus & Simon Zelotes, Judas Jacobi & Judas Iscariotes*. Quamquam juxta alium sensum ex vitæ mutatione, aut fortassis ex instituto cognomen est additum. *Statuerunt*, inquit, *Joseph, qui vocabatur Barsabas, cognomento Justum, & Matthiam*. *Et orantes dicebant: Tu Domine, qui nosti omnium corda, ostende quem elegeris ex his duobus unum, ut accipiat sortem ministerii hujus, & Apostolici muneris, unde prævaricatus est Judas, ut abiret in locum suum*. Recte commemorant illius peccatum, declarantes se testem querere, non sup-
 plentes numerum, sed non sinentes eum imminui. *Et dederunt sortes suas*. Quoniam non erat Spiritus, sortibus rem peragunt. *Et cecidit sors super Matthiam, & suffragiis additus est undecim Apostolis*.
 Ait. 1. Tunc, ait, reversi sunt Hierosolymam, a monte, qui dicitur Oliveti, qui abest ab Hierosolymis iter sabbati. Hoc ait, ut declararet illos non facere longum iter; Ne quid terroris accideret, pavent adhuc metuuntque sibi. Quum essent ingressi, ascenderunt in coenaculum. Non enim audebant in civitate comparere. Ac recte ascenderunt in coenaculum, ne promptum esset ac facile illos compre-

hendere. *Et erant*, inquit, *unanimiter perseverantes in deprecatione*. Vides quam fuerint vigilantes. Duo quædam de illis testificantur, alterum quod in precibus perseverarent, alterum quod unanimiter velut hoc eodem animo facientes. *Joseph* itaque forsitan jam erat vita defunctus, eoque noluit hujus facere mentionem. Neque enim quum fratres credidissent ille erat incredulus, qui crederat ante omnes. Quapropter non videtur vulgari more ad hunc attendere, velut ad hominem, id quod declaratur ex eo quod mater dicit: *Ego & pater tuus dolentes querebamus te*. Ante omnes igitur ille cognovit Dominum. Ad fratres autem dicebat Christus, *Non potest mundus vos odisse, me autem odit*. Vide vero *Jacobi* modestiam. Is acceperat Hierosolymis Episcopi munus, & tamen hic nihil loquitur. Considera autem & aliorum discipulorum singularem modestiam, quo pacto concedunt ei solum, nec amplius ambigunt disceptantes inter sese. Illorum enim Ecclesia talis erat qualis est in cælis, nihil habens rerum mundanarum, non parietibus, non marmoribus, sed fervore eorum qui convenerant re-lucens. *Erant*, inquit, *ferme centum viginti*. Fortassis septuaginta, quos selegerat, aut alii quoque probiores, qualis est hic *Joseph, Matthias*, mulieres quæ a Galilæa secutæ fuerant illum, simul & ubique adfuerant. Hæc doctoris providentia, Primus hic doctorem constituit: Non dixit, nos ad docendum sufficimus. Usque adeo aberat ab omni inanis gloriæ studio, & ad unum tantum spectabat. Quamquam autem habebat constituendi jus par omnibus, tamen hæc congruenter fiebant ob virtutem viri, & ob hoc, quod tum temporis, præfectura non honos erat, sed cura subditorum. Ea res nec patiebatur eos qui eligebantur efferi, quod ad pericula vocabatur, nec eos qui non fuissent electi, veluti contemptos affici mœrore. Tametsi nunc non eodem sit modo, sed prorsus diverso. Ecce centum & viginti erant, & unum duntaxat postulat e tota multitudine; Merito primus omnium auctoritatem usurpat in negotio, ut qui omnes habeat in manu. Ad hunc enim dixit Christus, *Et tu aliquando conversus confirma fratres tuos*. Quoniam, inquit, *connumeratus erat nobiscum*. Quapropter oportebat alterum proponere, ut illius loco fieret testis. Jam illud vide, quomodo præceptorem imitatur, ubique loquens e Scripturis, neque quicquam adhuc loquens de Christo, quoniam id ipse Dominus ante crebro jusserat. Neque hic mentionem facit proditiōis *Judæ*. Velut illud, *Os peccatoris & os dolosi super me apertum est*. Verum hoc loco tantum ultionis facit mentionem. Id enim ad hoc usque tempus expediebat. Ea res maxime declarat rursus Domini humanitatem. *Quoniam*, inquit, *conversatus erat nobiscum, & acceperat sortem ministerii hujus*. Sortem ejus ubique vocat, declarans totum esse gratiæ electionisque Dei, simul commonefaciens illos vetustæ legis, quod Dominus sic eum sorte ascivisset, quemadmodum asciverat levitas. Et immoratur his quæ dicuntur de *Judæ*, eo quod proditiōis merces, eadem esset præco vindictæ. *Paravit*, inquit, *agrum ex mercede iniquitatis*. Vide quomodo quod factum est fuerit divinæ dispensationis. *Iniquitatis*, inquit: Multæ sunt iniquitates, sed hac nihil unquam factum est iniquius. Itaque iniquitatis erat negotium. Neque præsentibus tantum innotuit quod factum est, verum etiam posteris omnibus. Inscientes igitur eum sic nominaverunt locum, non data opera, quemadmodum & *Caiphas* insciens edidit prophetiam. Ita Deus compulit eos sic edere vocabulum Hebraicum *aceldama*. Hinc enim patefiebant etiam mala, quæ *Judæis* erant superventura. Hactenus ostendit ex parte evenisse quod erat prædictum hisce verbis, *Bonum erat, si natus non fuisset homo ille*. De *Judæis* autem convenit eadem dicere. Etenim si punitus est qui fuit dux, multo magis & isti. Sed horum nihil adhuc loquitur. Post hæc declarans, quod de eo congruenter dici debeat *aceldama*, allegat Prophetam dicentem: *Fiat commoratio ejus deserta*. Quid enim desertius esse possit sepulcro? Itaque merito debuit hoc nomine vocari ager. Etenim qui pretium numeravit, etiam si fuerunt alii qui emerant, tamen is merito pro Domino habebatur magnæ desolationis. Hæc desolatio procemium est *Judaicæ deso-*

desolationis, si quis diligenter expendat. Nam & ipsi seipso occiderunt famē, multosque peremerunt, & civitas versa est in sepulchrum, hospitum ac militum. Nam nec illos patiebantur sepeliri: neque enim sepultura fuerant digni. *Oportet igitur, inquit, ex nobis qui congregati sumus viris.* Vide ut illos noluit esse spectatores. Quamquam Spiritus erat adfuturus, tamen huius rei magnam curam habebat. *Congregati, inquit, nobis viris, in omni tempore quo egressus & ingressus est ad nos Dominus Iesus.* Significat illos habitasse cum eo, non simpliciter ut discipulos adfuisse. Nimirum jam tum ab initio multi sequebantur eum. Vide igitur quomodo id declaret, dicens: *Erat unus ex duobus qui audierant a Joanne & secuti sunt Iesum.* In omni, inquit, tempore quo ingressus & egressus est apud nos Dominus Iesus, incipiens a baptismo Joannis. Pulchre. Etenim quæ prius fuerant facta, nemo noverat edoctus, sed Spiritu didicerant. *Usque ad diem, inquit, quo assumptus est a nobis, ut testis resurrectionis ejus nobiscum fiat unus ex his.* Non ait, Cæterorum testis, sed tantum testis resurrectionis. Siquidem illi magis erat habenda fides, qui poterat dicere, Qui edebat, qui bibebat, qui crucifixus est, idem resurrexit. Itaque non oportebat esse testem, neque priorum temporum, neque prodigiorum quæ post gesta sunt. Nam quod quærebatur, id erat resurrectio. Siquidem illa erant manifesta & in confessis, hæc autem clam facta est, hisque solis erat manifesta. Neque dicunt, Angeli retulerunt nobis, sed vidimus nos. Unde liquet istud? Ex miraculis quæ facimus. Ob id potissimum id temporis digni erant quibus crederetur. *Et sternerunt, inquit, duos.* Quare non multos? Ne major fieret animorum perturbatio, neve res in multos distraheretur. Neque temere, non præfert illum, videlicet ostendens eum frequenter qui apud homines in pretio est, apud Deum esse inferiorem. Omnes tamen communiter orant dicentes: *Tu Domine qui nosti corda omnium, ostende.* Tu, inquiunt, non nos. Apte cordium cognitorem appellant. Hinc enim erat electio faciendæ. Hoc pacto confidebant, quod oporteret omnes unum fieri. Non dixerunt, elige, sed, ostende electum, hoc est, quem tu elegisti, scientes, quod omnia prius a Deo fuerant destinata. *Ex his duobus, ut unus accipiat sortem hujus ministerii & Apostolici muneris.* Hoc ideo dicunt, quod esset & aliud ministerium. *Et dederunt eis sortes:* Nondum judicarunt sese esse idoneos, ut ipsi ex sese facerent electionem, eoque cupiunt aliquo signo edoceri. Alioqui si illic ubi nec erat deprecatio, neque viri probi, tantum valuit fors, eo quod recto animo fieret super *Jona*, multo magis hæc explevit chororum, ac perfecit ordinem, nec alter ille præteritus doluit. Non cælarunt Apostoli, si quid habuerunt minus perfectum, qui quidem de ipsis primoribus non veriti sunt dicere, quod alicubi commoti fuerunt, idque non semel, sed semel atque iterum ac sæpius.

Hos igitur & nos imitemur. Non jam omnibus loquor, sed his tantum qui principatum affectant. Si credis Dei esse electionem, ne indigneris, illi enim indignaris, & adversus illum irritaris. Illius enim electio. Quod si ipse elegit, tu vero audes huic indignari, idem facis quod *Cain*. Oportet enim probare quod Deo placuit. At ille quoniam prælata est victima fratris, incensusest, indignatus est, quum oporteret compungi. Ego vero non hoc dico, sed quod Deus novit utiliter dispensare. Fit enim crebro, ut tu qui moribus es humanioribus, non sis idoneus. Rursus est tibi vita inculcata, moresque liberales, cæterum in Ecclesia non his tantum opus est. Quin & alioqui alius ad aliud est appositus. Non vides quot verba faciat super hac re Scriptura divina? Sed si quando ob aliquam causam res devenit ad contentionem, non tanquam ad principatum aut præfecturam fratrum accedamus, sed tanquam ad illorum honorem ac refocillationem. Etenim si novisses, quod Episcopus debet omnium onera gestare, quod aliis irascens datur venia, ipsi vero nequaquam, quod aliis peccantibus superest excusatio, ipsi vero minime, haudquaquam festinasses ad primatum, haudquaquam accurrisses. Hic enim omnium linguis expositus est, omnium iudiciis

A objectus, & sapientium & insipientium, curis perpetuis obtunditur, tum diurnis tum nocturnis. Multos habet quibus est invisus, multos habet invidentes. Nec enim mihi loquaris de his qui nihil non faciunt ad gratiam, qui dormire cupiunt, velut ad quietem accedunt, ad negotium. De his non loquor, sed de his qui vigilant pro animabus vestris, qui subditorum salutem anteponunt suæ. Dic mihi, si qui decem habet filios subditos, assidue cum ipso viventes, cogitur sine intermissione curam illorum agere: quid non patietur hic, qui tot habet, non domesticos, sed obedientiam habentes in sua ipsorum potestate. Sed habetur, inquiunt, in honore. Quis honos? Pauperes triobolares convivia jaculantur in illum in foro. Cur igitur illis non ocludit os? Admodum sane. Non enim opus Episcopi narras. Rursus nisi semet omnibus præbeat, & his qui vivunt in otio, & his qui in negotio, mille undique criminationes. Nemo metuit acculare ac traducere. Nam in Principibus urget metus, in his vero nequaquam, quando Dei timor apud istos valet nihil. Quis eloqui possit indicendo docendoque sollicitudinem? Quis difficultatem in electionibus? Fortassis aut ego sum vehementer infirmus & infelix, nihilque: aut sic habet res, nihil a navi quæ fluctibus jactatur differt Sacerdotis animus. Undique premitur ab amicis & inimicis, a suis & ab alienis. Nonne terrarum orbis imperium tenet Imperator? Hic autem unius civitatis Episcopus est. Sed tanto plus curarum habet hic, quantum interest inter aquam fluminis vento agitatum, & inter mare intumescens & insaniens. Quam ob rem tandem? Quoniam illic complures sunt, qui adjuvant, eo quod legibus ac mandatis omnia peraguntur: hic vero nihil tale. Neque enim licet ex auctoritate præcipere. Verum si vehementer commoveatur, audit crudelis: si parum vehementer, audit frigidus. Sed oportet hæc duo contraria concurrere, sic ut neque contemnatur, neque odio habeatur. Quin & alias, ipsa negotia præveniunt occupantque. Quam multos cogitur offendere, volens nolens? Quam multos objurgare, velit nolit? Non temere dico, sed ut affectus sum ac sentio. Non arbitror inter Sacerdotes multos esse qui salvi fiant, sed multo plures qui pereant. In causa est, quoniam res excelsam requirit animum. Multas enim habet causas quæ depellant ipsum a suis moribus, & innumeris oculis illi opus undique. Non vides quam multas res oportet adesse Episcopo, ut sit appositus ad docendum, ut tolerans malorum, ut tenax sit ac fidelis in doctrina sermonis. Quantæ hoc difficultatis? & quod alii peccant, illi imputatur. Nihil dico præterea, si vel unus tantum decedat, non initiatus, nonne totam ipsius subvertit salutem? Unius enim animæ perditio, tantam habet jacturam, uti nulla ratio possit æstimare. Etenim si unius animæ salus tanti est, ut ob hanc Filius Dei fieret homo, tantaque pateretur, perditio cogita quantam conciliabit poenam. Quod si quis ob hominem, in hac vita perditum, morte dignus est, quanto magis ille. Ne mihi dixeris igitur, Peccavit Presbyter, aut Diaconus, omnium horum crimina redundant in caput eorum, qui hos elegerunt. Rursus aliud dico. Evenit ut quis successionem accipiat virorum improborum, quid consilii capiat hæret, peccatis præventus. Utrunque præcipitum est; Nec illum oportet amittere, nec alios offendere. Quid? An excutiendus est prior? Verum non adest occasio. An omittendus? Certe, inquis: Nam ejus est culpa qui elegit. Quid igitur? Non oportet eligere quenquam, nec in alium revocare gradum? Verum ita fiet, ut omnes norint illum esse malum. Itaque rursus alio offendit modo. Ergo ad majorem gradum promovendus est? Hoc multo deterius. Proinde si quis ad summum Sacerdotium accesserit, velut ad sollicitudinem & curam, nullus illud facile susceperit. Nunc autem non aliter quam profanos magistratus, & hanc affectamus dignitatem, nimirum ut glorificemur, & honoremur apud homines, perdimur apud Deum. Quid lucifert hic honos? Quomodo demonstratum est eum esse nihil? Quum concupiscas Sacerdotium, ex adverso pone criminationes quas illi perpeti necesse, pone vitam a negotiis liberam, pone supplicii modum: Quoniam

si pecces privatim nihil tale passurus es, sin in Sacerdotio, peristi. Reputa, quam multa sustinuerit, in quam multis philosophum præstiterit *Moses*, quam multa præstiterit bona: sed quoniam peccarat unum peccatum, acerbe punitus est, idque merito, quippe cum id aliorum jactura factum sit. Itaque graviores poenas dedit, non solum ob id quod propalam factum est, sed & quod esset Sacerdotis peccatum. Neque enim simili poena plectimur pro commissis manifestis & occultis. Propterea quod peccatum quidem idem est, jactura non est eadem, imo ne peccatum quidem est idem. Neque enim idem clam occulteque peccare, & in propatulo. Episcopus autem non potest peccare clam. Bene enim cum illo agitur, si non peccans liber esse possit a criminationibus, tantum abest, ut peccans id possit. Si vel irascatur, si vel rideat, si vel somnum relaxationis concupiverit, multi sunt qui scommatis incessant, multi qui offendantur, multi qui leges præscribant, multi qui priorum memoriam refricent, & præsentem dejiciant, idque faciunt non ut illos laudent, sed ut hunc mordeant. Dulce ajunt bellum inexpertis. Hoc & nunc convenit dicere, imo potius hoc dicimus prius quam veniamus in certamen. Cæterum posteaquam eo descendimus, sic nos gerimus ut popularis conditionis hominibus etiam ignoti simus. Non enim est nobis bellum, adversus eos, qui potentia opprimunt pauperes, neque sustinemus propugnare gregem, sed ad exemplum pastorum, quorum meminit *Ezechiel*, mactamus ac devoramus. Quis nostrum præstat tantam sollicitudinem pro ovibus Christi, quantam præstitit *Jacob* erga greges *Laban*? Quis potest recensere toleratum noctis gelu? Ne vero mihi dixeris pervigilatas noctes, tantamque curam exhibitam. Totum itaque contrarium est; Primates ac præfecti non tanto potiuntur honore, quanto qui præest Ecclesiæ. Si ingrediatur in aulam regiam, quis prior? Si apud matronas, si in ædibus versetur magnatum, nullus alius illi præfertur honore. Perierunt omnia, corruptaque sunt. Hæc loquor non ut nobis pudorem incutiam, sed ut vestram cohibeam cupiditatem. Quem enim confcium adibis, si procuraris vel per teipsum vel per alium? Quibus oculis obtueberis illum, qui tibi fuit auxilio? Quid habebis quod excuses? Etenim qui nolens & invitus compulsus est, habiturus est aliquam excusationem. Quanquam maxime & hic privatus est venia, nisi quod ad hoc collatus habet aliquid excusationis. Cogita quid acciderit *Simoni*. Quid enim refert si non das pecuniam, sed pecuniæ loco adularis, subornas, multaque machinaris. *Pecunia tua sit tecum in perditionem*, ad illum dictum est. Et his dicetur, Ambitio tua sit tecum in perditionem, quoniam putasti ambitu humano parari donum Dei.

Verum nullus fortassis est talis. Utinam non sit! Cupio siquidem nihil horum ad vos pertinere quæ loquor. Sed interim ipse sermonistenor in harum rerum mentionem me deduxit. Neque enim quoties loquimur adversus avaritiam, adversus vos loquimur, imo nec prorsus adversus ullum. Utinam contingat ut remedia frustra sint a nobis parata! Talia sunt medicorum vota, nihil aliud postulantium, nisi ut post multum laboris infusum prorsus abjiciantur pharmaca. Idem & nos optamus, ut nostra verba prorsus in aerem dicantur, & verba tantum sint. Equidem omnia prompte sustinuerō, ut non sit opus hæc dicere. Quin si vultis tacebimus, tantum ut silentium careat periculo. Nec enim arbitror quenquam, quamvis admodum gloriæ sitientem, nisi vocet necessitas, velle prorsus Episcopum designari. Concedemus vobis doctrinam. Nam hæc major est doctrina, quæ docet ipsis factis. Quandoquidem & medici sunt optimi, qui tamen morbus ægrotantium affert ipsis mercedem, cuperent tamen suos amicos uti prospera valetudine. Et nos cupimus omnes bene valere. Non enim cupimus ut nos probati simus, vos autem reprobi sitis. Optarim si fieri possit, ut ipsis oculis meam erga vos caritatem valeam ostendere. Id si fiat, nullus posthac mihi culpam ullam impingeret, etiam si sermo meus fuerit vehementer asper. Etenim quæ ab amicis dicuntur, etiam si contumeliam habeant, tolerabilia sunt. Magis

A enim credendum vulneribus amici, quam spontaneis inimici osculis. Nihil mihi vobis carius, ne lux quidem ista. Optarim enim ipse vel millies execrabilis esse, si queam per hoc vestras animas convertere. Adeo mihi luce dulcior est vestra salus. Quid enim mihi profunt Solis radii, si dolor per vos obortus, multam caliginem offundat oculis? Tunc enim bonum est lumen, quum in gaudio exoritur: Nam animæ morienti etiam molestum videtur esse. Cæterum non mentiri me quæ loquor, utinam non contingat unquam experimento discere! Verum si quando contigerit vestrum peccare quempiam, dormienti mihi obversamini. Emoriar nisi videor similis dolore exanimatis, nisi attonitus, & ut verbis prophetis utar, *etiam ipsum lumen oculorum meorum non est mecum*. Nam quæ spes nobis, si vos non proficiatis? Rursus quantum animi solatium, si vos probati sitis? Gestire mihi videor, quoties boni quippiam audio de vobis. Implete meum gaudium. Hoc solum adfero ad votum, quoniam desidero profectum vestrum. Quod adversus omnes decerto, hoc est, quoniam diligo, quoniam conglutinator sum, quoniam omnia mihi vos estis, & pater & mater & fratres ac liberi. Itaque ne quid eorum quæ a me dicuntur arbitremini ab odio vestri proficisci, sed in hoc dici, ut corrigamini. *Frater*, inquit, *qui a fratre adjuvatur, ut civitas munita*. Ne igitur aspernemini. Neque enim ego contemno si quid dicere voletis, sed cuperem & a vobis corrigi, cuperem discere. Omnes enim nos fratres sumus, unus autem est noster magister. Quanquam & inter fratres fas est ut unus præscribat, ac cæteri obtemperent. Ne igitur aspernemini, sed omnia faciamus in gloriam Dei; quoniam ipsi gloria in secula seculorum, Amen.

HOMILIA IV.

Et dum compleretur dies Pentecostes, erant unanimiter congregati in unum: & factus est repente de caelo sonitus. Act. 2.

D QUÆ est hæc Pentecoste? quum falx mittenda esset in messem, quum fructus essent colligendi. Vides typum? Vide jam veritatem. Quum falx sermonis esset adhibenda, quum colligendæ fruges, tunc Spiritus ille veluti acuta falx advolavit. Audi enim Christum loquentem, *Attollite oculos vestros, & videte regiones, quod jam alba sunt ad messem*. Ac rursus, *Messis quidem multa, operarii vero pauci*. Unde ipse prior falcem misit in messem: propterea quod ipse segetis primitias subvexit in coelum, nostra assumpta natura: atque hanc ob causam appellat messem. *Dum compleretur*, inquit, *Act. 2. dies Pentecostes*, hoc est, non ante Pentecosten, sed circiter, ut ita loquar, Pentecosten. Nam oportebat festi tempore rursus hæc fieri, ut qui cruci adfuerant Christi, iidem hæc quoque spectarent. *Et factus est repente de caelo sonitus*. Quare id non est factum absque signis sensibus expositis? Quoniam si quum hoc accidisset, dixerunt, musto pleni sunt, quid non dixissent, si signum non fuisset additum? Neque tantummodo repente factus est sonitus, sed ut magis excitaret illorum animos, totam etiam domum replevit. Miram Spiritus vehementiam expressit. Præterea demonstrat omnes fuisse congregatos, ut simul & qui aderant crederent, & discipulos eo munere dignos ostenderet. Nec id accidit modo, verum etiam quod multo cognitu est mirabilius; *Et visa, y. 3. inquit, sunt illis dispersa lingua, velut ignea*: Recte ubique additum est, *velut*, ne quid sensibile de Spiritu suspicareris. *Velut ignea*, inquit, & *velut flatus*. Nec enim ventus erat simpliciter per aerem diffusus. Actum quum *Joanni* deberet iunotescere, Spiritus, velut columbæ specie, in caput Christi venit: nunc vero quum tota multitudo convertenda esset ad fidem, venit in specie ignis. *Et insedit singulis illorum*: hoc est, mansit apud illos & in illis requievit. Nam sedendi verbum stabilitatem ac mansionem declarat. Quid autem, an in duodecim venit tantum, non etiam in cæteros? Nequaquam, sed venit etiam in illos centum viginti. Neque enim temere *Petrus* allegavit Prophetæ testimonium, dicens: *Et erit in novissimis diebus, dicit Dominus Deus, Effun-*

Effundam de Spiritu meo super omnem carnem, & prophetabunt filii vestri, & filia vestra, & juvenes vestri visiones videbunt, & senes vestri somnia somniabunt. Animadvertite quod non solum obitupescas, verum etiam gratia implearis, ideo venit in Spiritu sancto & igni. *Es repleti sunt omnes Spiritu sancto, & ceperunt loqui variis linguis, prout Spiritus dabat illis loqui.* Non accipiunt aliud signum, sed hoc primum, erat enim novum, nec erat opus alio signo, *Insedit, inquit, singulis illorum.* Ergo & illi qui non fuerat assumptus, eoque jam nec dolet se non fuisse electum, quemadmodum fuit *Matthias.* *Es repleti, inquit, sunt omnes.* Recte sic locutus est, nec enim vulgariter acceperunt gratiam Spiritus, sed eoque ut impleantur. *Es ceperunt loqui variis linguis, prout Spiritus sanctus dabat eloqui illis.* Quum & Apostoli essent illic praesentes haudquaquam dixisset omnes, nisi caeteri quoque fuissent participes. Alioqui quum illos antea seorsum ac nominatim sit elocutus, nunc non conjunxisset illos in eodem negotio nisi fuisset omnium commune. Etenim si tum quum loquendum esset, quando privatim aderant, Apostolorum meminit, multo magis hic idem fecisset. Illud autem considera, quum instant deprecationi, quum caritatem inter se habent, tum advenit Spiritus. Adhuc quomodo etiam commonefecerit illos alterius visionis, quum ait, *velut ignis,* quandoquidem & in rubo velut ignis apparuerat. *Prout Spiritus dabat illis loqui.* Hoc pacto loquitur, indicans apophthegmata ac velut oracula esse quae ab illis dicerentur. *Erant autem Hierosolymis habitantes viri Judaei religiosi.* Hoc ipsum habitare, signum erat religionis. Quomodo? Quia quum essent e tam multis protecti nationibus, tamen & patria, & domo, & cognatis relictis habitabant illic. *Erant enim, inquit, Hierosolymis habitantes Judaei viri religiosi ex omni natione qua sub caelo est. Quum autem facta esset hac vox, convenit multitudo & confusa est.* Quoniam id quod fiebat in domo gerebatur, merito qui foriserant concurrebant. *Confusa est multitudo.* Quid est, confusa est? Turbata est, admirati sunt: deinde declarans quid admirarentur, adjungit, *quoniam eorum singuli audiebant illos, propria cujusque lingua loquentes.* Et convenit multitudo, & inter se dicebant: *Nonne ecce omnes isti qui loquuntur, Galilaei sunt?* Haec dicunt respicientes ad Apostolos, & addunt: *Quomodo nos audimus illos propria cujusque lingua loquentes in qua nati sumus, Parthi, & Medii, & Elamitae, & qui incolunt Mesopotamiam, Judaeam simul & Cappadociam, Pontum & Asiam, Phrygiam pariter & Pamphyliam, Aegyptum & ejus partes Libyae, quae est circa Cyrenen: praeterea qui hic agunt Romani, partim Judaei, partim proselyti, Cretenses & Arabes, audimus eos loquentes nostrarum linguarum proprietatibus magnificam Dei.* Stupuerunt autem omnes & haec habebant inter se dicentes: *Quid hoc vult esse? Vides quemadmodum velut alati terrarum orbem percucurrerint.* *Alii vero subsannabant illos dicentes, musto repleti sunt.* O vesaniam, o malitiam inauditam! Atqui ne tempus quidem illud habebat mustum. Erat enim Pentecoste. Quodque mirabilius est, quum omnes confiterentur, & qui erant Romani, & qui erant advenae, fortasse & hi qui Dominum in crucem egerant, illi post argumenta tam multa dicunt, *musto repleti sunt.*

Sed rursus ab initio quae dicta sunt consideremus. *Replevit, inquit, domum flatus,* & facta est veluti piscina plena aquarum. Porro ignis arguit gratiae copiam ac vehementiam. Nequaquam idem accidit in Prophetis: sed tum quidem sic accidit illis, Prophetis autem alio modo. Nam capitulum libri datum est *Ezechieli,* edebatque quae dicturus esset. Eoque dictum est, *factum est in ore ejus ut mel dulcescens.* Rursus manus Domini tetigit linguam alterius Prophetae. Caeterum hic ipse Spiritus operatur omnia. Tanta est inter Patrem & Filium aequalitas. Ac rursus alius alibi, Lamentatio & canticum & vae. Illis merito in libris datum est donum. Adhuc enim eis opus erat parabolis. Quin potius ob id, quod illi Prophetae ad unam duntaxat gentem mittebantur, eamque peculiarem ac propriam, isti vero ad universum terrarum orbem, & ad nationes hactenus incognitas. *Helisaeus* per exuvium ovillum accepit gratiam: Rursus alius

per oleum quemadmodum *David.* *Moses* vero per ignem rubi vocatur. Non itidem hic factum est, sed ipse ignis insedit. Et quam ob causam, dixerit aliquis, non apparuit ignis qui replevit domum? Quoniam exterriti fuissent. Demonstrat tamen quod hoc factum sit. Tu vero considera, quod non solum dixerit, *visa sunt illis dispersa lingua,* sed additum est, *ignis.* Tam magnus ignis immensam sylvam potest incendere. Ac recte dixit *dispersa:* Nam ex eodem fonte venerant, ut intelligas occultam vim esse a paraclete missam, qui quidem ignis, mundi peccata quasi sylvam exussit. Vide vero & illos primum declaratos eo munere dignos, atque id temporis Spiritu donatos fuisse, sicut & in *David* factum est. Nam quae fecerat quum esset pastor ovium, eadem fecit & post victoriam actrophaeum, quo videlicet ipsis nuda, simplexque fides declararetur. Rursus considera *Mosen,* qui & ipse regiam aulam centempsit, & *Samuelem* qui post quadraginta annos quum populi rem administrasset, tamen adhuc nutriebatur in Templo: specta *Helisaeum* omnia relinquentem, cumque his *Ezechielem.* Porro quod ad hunc modum res illis gesta sit, perspicuum est etiam ex his quae secuta sunt, quandoquidem & hi facultates suas omnes pro desertis habuerant. Eoque tum accipiunt Spiritum sanctum, posteaquam suae virtutis dedere specimen. Didicerant humanam infirmitatem ex his quae ipsis acciderant, didicerant quod ea quae pie fecerant frustra gesserint. Sic & *Saul* prius dum adhuc testimonium haberet quod vir bonus esset, tum accipiebat Spiritum. Sed eodem modo quo nunc discipuli, nemo alius. Quin potius ne *Moses* quidem Prophetis major. Nam ille quum oporteret alios affari Spiritu, ipse dimittitur est. Hic vero non eodem modo: sed quemadmodum ab igni, quotquot volet aliquis lucernas accendit, nec ignis imminuitur, ita & in Apostolis tum temporis accidit. Non enim per ignem tantum gratiae largitas demonstrabatur, sed unusquisque Spiritus fontem accepit: sicut & ipse fontem aquae salientis in vitam aeternam dixit accepturos eos, qui in ipsum credidissent. Idque valde congruenter. Neque enim cum *Pharaone* disceptaturi abierant, sed cum Diabolo luctaturi, quodque mirabilius est, quum mitterentur nihil excusarunt, neque dixerunt se gracili voce esse linguaeque inexplanatae. Siquidem *Moses* illos in hoc erudierat. Non dixerunt se juniores esse. Nam *Hieremias* hic illos reddit verecundos. Atqui multa audierant terribilia, multoque plura quam illi, & tamen veriti sunt contradicere. Ex quo liquet illos lucis Angelos fuisse, & coelestium negotiorum administratores. Attamen istis quidem nullus e caelo apparuit adhuc in terris agentibus. Sed posteaquam abiit homo superna petens, simul Spiritus e supernis delabitur, *Quasi ferretur, inquit, flatus vehemens.* Per hoc perspicuum facit, neminem fore qui posset illis resistere, sed ab eis adversarios ceu pulverem dissipandos. *Es replevit totam domum:* Domus mundi typum gerebat. *Es sedit super singulos illorum, & convenit multitudo & confusa est.* Vides illorum religionem, & quomodo non illico pronuntiant, sed haesitant. Alii vero dementes pronuntiant dicentes, *musto pleni sunt.* Quoniam licebat per legem ter quotannis apparere in Templo, ideo habitabant illic ex omnibus nationibus viri religiosi. Hinc perpende quam non adulatur illis qui haec scribit. Non enim dixit pronuntiarunt, sed quid? *Quum facta esset hac vox convenit multitudo & confusa est.* Merito. Existimabant enim ipsis rem ad extrema pervenisse, ob facinus quod ausi sunt in Christum. Quin & alioqui conscientia perturbabat illorum animos, eo quod etiam nunc in manibus esset homicidium, omnes illos reddens attonitos. *Nonne ecce, inquit, omnes isti qui loquuntur, Galilaei sunt?* Pulchre hoc dixit, quandoquidem hoc se esse profitebantur. Usque adeo sonitus illos reddiderat attonitos, quod hic majorem orbis partem comprehenderit. Illud vero confirmabat Apostolos, quod quid tandem esset *Parthice* loqui, non noverant, ab illis tamen id temporis scire putabantur. Porro gentium meminit quae illis erant hostes, *Cretensium, Arabum, Aegyptiorum, Persarum,* videlicet declarans, quod eas omnes essent in ditionem suam redacturi. Quippe quum id temporis *Judaei* essent

in captivitate, conveniebat ut illic multi adessent ex gentibus: sive quod jam ad gentes quoque fidei dogmata seminata fuerint, & hanc ob causam complures ex illis aderant, ut memorarent quæ audierant. Certissimum utique nec ullam recipiens contradictionem testimonium, a civibus, ab hospitibus, ab advenis, *Audivimus eos loquentes linguis nostris magnifica Dei.* Neque enim quidlibet garriebant, sed admiranda quædam loquebantur. Unde merito hæsitabant, nunquam enim tale quicquam acciderat. Vide hominum modestiam, *Stupebant & hæsitabant dicentes: Quid vult hoc esse? Alii vero subannantes dicebant, musto pleni sunt.* O impudentiam si ob hoc irridebant. Et quid mirum? Quandoquidem ipsum etiam Dominum, qui Dæmonia pellebat, Dæmonium habere dixerunt? Nam ubicunque fuerit improbitas, unum hoc duntaxat studet, nempe dicere. Quid tandem? non ut dicat rei consentanea, sed tantum ut dicat: *Musto impleri sunt.* Prorsus sane, quum homines in tantis constituti periculis, extrema metuentes, & in tantâ versantes desperatione, ejusmodi audent proloqui. At quum id esset minime verisimile, ut audientibus imponant, persuadeantque illos esse temulentos, hebetudini crapulæque rem totam ascribunt, dicentes eos esse musto plenos.

x. 14.

Stans autem Petrus cum reliquis undecim, extulit vocem suam, ac loquutus est illis. Videsne illic curiositatem, hic animi fortitudinem? Etenim si admirabantur, si stupebant, nonne & illud æque mirandum erat, in tam numerosa multitudine in verba prorumpere, hominem illiteratum & idiotam? Nam si quis inter familiares dicturus perturbatur, quanto magis hoc accidere debuit apud hostes & vociferantes? Quod autem ebrii non essent, protinus ex ipsa voce declararunt, quod non essent arrepti furore more vatum, quodque nulla vi compellerentur. Quid autem est *cum reliquis undecim*? Communem, inquit, vocem edebant; *Petrus* omnium erat os, sed astabant illi undecim testimonio suo comprobantes ea quæ ab illo dicebantur. *Extulit*, inquit, *vocem suam*; hoc est, multa cum fiducia loquebatur. Id autem facit, uti cognoscerent Spiritus esse gratiam, quum is qui vilis puellæ non tulerat percontationem, nunc in medio populi, cunctis vociferantibus, tanta cum fiducia differat, ut hoc indubitatum esset resurrectionis argumentum, ridentibus interim hominibus, taliaque scommata in eos jacientibus tanta utilitate. Quantæ putas hoc esse improbitatis, quantæ impietatis, quantæ impudentiæ, temulentæ ascribere linguarum miraculum? Verum id Apostolis nihil attulit tristitiæ, neque reddidit illos timidiore, quam eo tempore audirent in se jaci scommata, quando jam adventu Spiritus fuerant instructi, ut essent cunctis rebus corporalibus superiores. Quosunque autem accesserit Spiritus sanctus, eos pro luteis reddit aureos. Jam mihi *Petrus* considera ac reputa, timidus ille, adeoque timidus, ut nec mulierculæ vilis percontationem tulerit, qui vir factus sit, post accessionem & largam suppeditationem Spiritus. Quin & illud considera, Apostolorum concordiam, qui *Petro* cesserint concionandi jus. Neque enim oportebat omnes pariter loqui. Et sublata voce sua loquitur, quæ res declarat ingentem illam fiduciam, animique præsentiam. Tale quiddam est esse virum spiritualem; tantum nos ipsos præbeamus dignos cœlesti gratiæ, & omnia fuerint facilia. Quemadmodum enim igneus homo si in medias incidat stipulas, nihil lædetur, sed magis vim exeret suam. Nec enim ille quicquam patitur mali, sed qui his reluctatur, ipsi seipsos perdunt; Ita nunc evenit. Imo potius ac si quis ignem gestans, luctetur cum eo, qui importat fœnum. Itidem videlicet, & Apostoli illos adorti sunt multa cum fiducia. Quid enim, obsecro, læsit illos tanta multitudo? Num illis cum egestate & fame fuit conflictatio? Num cum ignominia & infamia? Nam impostores esse credebantur. Num irrisoribus & convitiis præsentium succubuerunt? Nam utraque hæc simul in eos incidebant, eo quod alii deridebant illos, alii etiam scommatis incessabant: Nonne totæ civitates furoribus & infantiis illos impetebant? Nonne seditionibus & infidiis objecti sunt? Nonne igni, ferro & bestiis? Nonne undique illos in-

A numera bella vallabant? Nonne perinde fuerunt affecti, quasi in fornibus vidissent hæc mala, aut in pictura? Quid igitur? Nonne consumpserunt omnium furores? Nonne in ipsos animi anxietatem retorserunt? Nonne illi furore metuque omnium maxime tenebantur? Nonne periclitabantur, formidabant ac tremebant? Audi enim illos dicentes: *Vultis inducere in nos sanguinem hominis istius.* Atque illud interim mirabilius, quod Apostoli nudo corpore consistebant adversus armatos, adversus Principes qui publicum in ipsos jus habebant, imperiti, elingues ac simplices idiotæ, adversus impostores & circumventores, adversus Sophistarum, Rhetorum ac Philosophorum turbam, qui in Academia Platonis & Aristotelis deambulationibus exercitati depugnant, & in Stoicorum porticibus fuerant occupati. Hos ita superavit *Petrus*, quasi cum mutis piscibus certamen fuisset. Nec enim aliter quam piscator multos pisces, ita hic illos superavit. Ac *Plato* quidem ille multa nugari solitus, obticuit: hic vero loquitur, non tantum apud suos, verum etiam apud *Parthos*, apud *Medos*, apud *Elamitas*, apud *Indos*, breviter, in omni loco, usque ad orbis terminos. Ubi nunc *Græciæ* fastus, ubi nomen *Athenarum*, ubi Philosophorum deliramenta? Ille *Galilæus*, ille *Bethsaidæ* natus, ille rusticanus, universos illos devicit. Agedum, nonne ad nominatam patriam illius qui vos devicit, erubescitis? Quod si nomen ipsum hominis audieritis, *Cephæ* enim dictus est, multo magis obtegetis faciem. Si quidem hoc vos, hoc inquam, perdidit, quod ex politam habere linguam laudi ducitis, ac hujus rei imperitiam probrosam existimatis. Non ingressi fuistis qua oportuit, sed regali omissa via, quæ facilis est ac levis, operosam illam ac præruptam difficilemque calcaistis, eoque non pervenistis ad regnum cœlorum. Cur igitur, dixerit aliquis, non in *Platone* & *Pythagora* operatus est Christus? Quoniam *Petri* mens multo erat, quam illorum ad philosophiam accommodatior. Nam illi re vera pueri erant, ubique supra modum gaudentes inani gloria. Hic vero vir fuit philosophicus & gratiæ capax. Quod si hæc quum audis rides, mirum non est, quandoquidem & illius temporis homines ridebant, eosque musto plenos esse dicebant, verum postea quum perpeffi fuissent illa tam acerba, ut omnes calamitates superarent, quum civitatem viderent direptam, quum incendium in altum subvolans, quum moenia solo æquata, quum varias illas debacchationes, quas nemo possit oratione consequi, tum non ridebant. Similiter & vos tunc non ridebitis, quum judicii dies ingruerit, quum gehennæ ignis fuerit incensus. Sed quid loquor de futuris? Vis ostendam qui vir sit *Petrus*, qui *Plato*? Jam mores illorum si videtur expendamus, videamusque quid ambo gesserint. Hic omnem vitam consumpsit distorquens sese circa dogmata inutilia supervacanea. Quid enim prodest scire, quod anima Philosophi sit musca? Revera musca est, non in muscam conversa est, sed accessit animæ in *Platone* habitanti. Quid hic non est stultiloquii? Unde tales nugari nugas illi venit in mentem? Homo plenus erat ironiæ, ac zelotypia laborabat adversus cunctos. Itaque quasi studeret in hoc, ut nec ex sese, nec ab altero quicquam adferret utile, sic ab alio mutuatus est animarum transmigrationem, ex sese vero rempublicam commentus est, in qua leges prodidit multa refertas turpitudine. Uxores, inquit, communes sunt, nudæ virgines sub oculis amatorum luctantur. Tum genitores, tum filii qui gignuntur, communes sunt. Quæ tam insignis dementia est, quam ista non superent? Ad hunc igitur modum habet illius doctrina. Hic porro non natura facit communes parentes, sed *Petri* philosophia, quandoquidem & illud quod *Plato* docuit, sustulit. Nihil enim aliud effecit, nisi ut si quis vere pater est, tantum non ignoretur, & qui non est inducatur, in ebrietatem quandam & sterquiliniam coniecit animum. Omnes, inquit, uxoribus audacter utuntur. Eoque non expendo Poëtarum dogmata, ne quis medicat fabulas expendere: sed alias adfero fabulas, poëticis multo magis ridiculas. Ubi Poëtæ quicquam tam prodigiosum prodidere? Verum ille Philosophorum antesignanus, ut habebatur, & arma addit mulieribus, & galeas, & ocreas,

ocreas, nec quicquam dicit hominum genus differre a canibus. Posteaquam enim, inquit, inter canes foemina & mas communicant in factis, communicent & mulieres, cunctaque sursum deorsum misceantur. Semper enim per illos hoc egit Diabolus, ut ostenderet nostrum genus nihila brutis distare, quando nonnulli in opinionem tam peregrinam & absurdam venerunt, ut animalia rationis expertia, dixerint rationalia. Vides vero quam multipliciter debacchatus est in illis mentibus, posteaquam qui sunt inter illos primi, docuerunt animam nostram in mufcas, canes, & animantia bruta transmutare: Ceterum qui his successerunt hoc veriti dicere, in aliam absurditatem delapsi sunt, omnem rationalem scientiam brutis cum homine communem facientes, ac demonstrantes ea quae per nos facta sunt, meliora esse quam nos ipsos. Non solum autem hoc, sed & futurorum praesensionem & religionem apud illa esse praedicant. Corvus, inquit, novit Deum & Cornix, & prophetiae donum habent; futuraque praedicunt, quin & iustitia adest illis, & respublica & leges, & apud illa canis habet invidiam, secundum *Platonis* sententiam. Fortasse non creditis quae dicimus. Nec injuria, quippe sanis imbuti dogmatibus. Nam si quis hoc cibo sit nutritus, nequaquam credere possit, esse hominem qui libenter vescatur humanis excrementis. Proinde quoties illis dicimus, istae fabulae sunt dementia plenae, non intellexistis, inquit. Utinam nec intelligamus unquam vestra tam ridicula. Multo sane intellectu, sensuque profundo opus est, ut perdiscam quid sibi velit tanta impietas, tantaque rerum confusio. Ne corvorum more loquamini o dementes, quemadmodum faciunt pueri. Nam re vera pueri estis, quemadmodum illi: *Petrus* vero nihil tale docuit, sed emisit vocem, quae tanquam lumen in tenebris vehementer refulgens dispulit orbis terrarum caliginem.

Verum mores illius quam erant mansueti, quam humani, ut omni gloria inani erant superiores, ut suspexit in coelum, alienus ab omni fastu, idque quum excitaret mortuos? Quod si cui dementium illorum tale quid peractum fuisset, non vere, sed fallaci specie, an non protinus aram poposcisset ac templum, ac Deo par haberi postulasset? maxime quum semper talia somnient, etiam huiusmodi nihil agentes. Quid enim illis vult *Minerva*, *Apollo* & *Juno*? Genera sunt apud illos Daemoniorum. Et Rex est apud illos, ideo non recusans mori, ut Diis aequalis habeatur. Verum Apostoli non item, sed contrafecerunt. Audi enim illos loquentes de claudisana-tione: *Viri Israelita, quid vobis intenditis quasi nostra potestate nostrae pietate effecerimus ut hic ambulet?* Rursus alibi, *Et nos homines sumus israhel, obnoxii quibus vos.* Illic vero multus est tumor, multa arrogantia, omnia propter honorem humanum, nihil philosophiae gratia. Ubi quid enim gloriae causa geritur, omnia manent vilia. Quod si quis habeat quidem omnia, sed hoc non obtineat, tota excidit philosophia, violentissimo nimirum turpissimoque affectui obnoxius. Huius inanis gloriae contemptus sufficit ad docendum quicquid est rerum bonarum, & ad propellendum ex animo omnem perniciosam cupiditatem. Quapropter hortor ut & vos magno studio adnitamini, morbum hunc radicatus ex animis evellere, alioqui non potestis placere Deo, nec illius oculi qui nescit obdormiscere, benevolentiam vobis conciliare. Omnem igitur curam adhibeamus, ut illius in nos propensionem promereamur, quo simul & praesentium malorum afflictionem effugiamus, & futuri seculi bono digni inveniamur, per gratiam & benignitatem Domini nostri Jesu Christi, cui cum Patre & Spiritu sancto, gloria, imperium, honor nunc & semper, & in secula seculorum, Amen.

DIVI JOANNIS CHRYSOSTOMI

ARCHIEPISCOPI CONSTANTINOPOLITANI,

COMMENTARIUM

IN SECUNDAM AD CORINTHIOS EPISTOLAM CAP. I.

DESIDERIO ERASMO ROTERODAMO INTERPRETE.

H O M I L I A I.

Paulus Apostolus Jesu Christi per voluntatem Dei, & Timotheus frater, Ecclesia Dei qua est Corinthi cum sanctis omnibus, qui sunt in tota Achaia, gratia vobis & pax a Deo Patre & Domino Jesu Christo. Benedictus Deus & Pater Domini nostri Jesu Christi, qui est Pater miserationum ac Deus omnis consolationis, qui consolatur nos in omni afflictione, ut possimus consolari eos, qui sunt in quacunque afflictione, per consolationem qua consolatur nos Deus. Cap. I. 1, &c.

QUAE pretium est querere, primum quam ob causam priori Epistolae secundam adiecerit, deinde cur sic exorsus a miseratione. Cur itaque secundam adiecit? Quum in priori dixisset: *Veniam ad vos, & cognoscam, non sermonem eorum, qui sunt inflati, sed vim;* rursum sub Epistolae finem, hoc ipsum severius etiam pollicens, *Veniam enim, inquit, ad vos quum Macedonia peragraro, per Macedoniam enim profisciscar: apud vos autem fortasse permansurus sum, aut etiam hyematurus:* quum multum interea temporis intercessisset, non solum non venit Corinthum, verum etiam quum dies praescriptus praeterisset, tamen etiamnum contabatur, Spiritu nimirum eum detinente in aliis multo magis necessariis. Ob id opus habebat altera Epistola, nequaquam habiturus, si ad breve tempus distulisset promissum adventum. Ceterum non ob hanc tantum causam scripsit iterum, verum etiam eo, quod prior illa Epistola reddiderat illos meliores. Siquidem & illum qui stuprum cum uxore patris commiserat, cui prius applaudebant super eo gloriantes, eiecerunt, ac prorsus abscederunt, id quod declarat quum ait: *Quod si quis contristavit, non me contristavit, sed ex parte, ne gravem vos omnes. Sufficit illi haec increpatio, qua facta est a plu-*

ribus. Rursumque progressus, hoc idem indicat, dicens: *Ecce enim quod secundum Deum contristati fuistis, quamam genuit in vobis sollicitudinem, imo purgationem, imo indignationem, imo timorem, imo desiderium, imo zelum, imo vindictam? in omnibus ita gessistis vos, ut perspicuum esset vos esse puros in eo negotio.* Quin & pecuniarum collectionem, quam fieri jusserrat Apostolus, multo studio collegerant, unde & dixit: *Novi siquidem animi vestri promptitudinem, quam de vobis jacto apud Macedones, quod Achaia jam ab anno superiore parata esset.* Insuper & Timotheum, quem ad ipsos legarat Paulus, plurima cum benevolentia exceperant, id quod declarans rursum ait: *Viscera mea abundantius affecta sunt erga vos, dum recorder vestram omnium obedientiam, quoniam cum timore ac tremore exceperitis eum.* His omnibus rebus commotus scripserat alteram Epistolam. Rursum erat, ut quemadmodum peccantes increparat, ita correctos complecteretur & collaudaret. Hinc est quod nec per totam hanc Epistolam admodum invehiatur in eos, sed in paucis illius partibus, nimirum circa finem. Nam erant & apud illos nonnulli ex *Judeorum* gente, qui quemadmodum sese fastu ferebant, ita Paulum traducebant, ut impostorem nulliusque pretii virum, quod & ipse declarat dicens: *Epistola quidem graves, ceterum praesentis corporis.*

vis imbecillis, ac sermo despicibilis. Quibus verbis hoc se sentire indicabant, Quoties adest, videtur esse nullius momenti, id enim est quod dicebant, *praesentia corporis infirma*: Verum enim vero quum abest, scriptis Epistolis magnifice sese jactat: Nam hoc indicant illa, *Epistola graves*. Atque ut suam auctoritatem confirmarent, simulabant se non recipere litteras illius. Quod ipsum quoque subindicat quum ait, *ut in eo de quo gloriantur, reperiantur, quemadmodum et nos*. Ad hæc quum pollerent virtute sermonis, illic vehementer efferebantur. Hinc est quod seipsum appellat imperitum, declarans sese nequaquam hoc nomine erubescere, neque rem admodum præclaram esse possidere scientiam, tamen si diversum sentit. Itaque quum probabile esset, ab his nonnullos in pravam sententiam esse deflexos, posteaquam illos laudasset super his quæ correcte gesserant, deinde eorum superbiam, incogitantiam dejecisset, qui *Judaicas* caeremonias jam intempestivas observandas esse contendebant, tum demum congruenter inducit hinc de rebus increpationem. Atque argumentum quidem Epistolæ, quantum in summa & in transcurso licuit attingere, sic habere mihi videtur.

Supereft ut Epistolæ procemium attingamus, mox post Apostolo solitam salutationem exponere, quam ob causam sic exorsus sit a miserationibus Dei, deinde post expositam talis initii causam operæ pretium fuerit quærere differereque, qui factum sit, ut hic sibi *Timotheum* copulet. Ait enim, *Paulus Apostolus Jesu Christi per voluntatem Dei, et Timotheus frater*. Siquidem in prioribus litteris pollicitus est se illum missurum, mandatque dicens, *Quod si venerit Timotheus, videte ut sine timore sit apud vos*. Quo pacto igitur illum in procemio sibi copulat, quum is jam eo pervenisset juxta præceptoris promissum? *Misi enim*, inquit, *vobis Timotheum, qui vos commonefaciat de viis meis quæ sunt in Christo*, & omnibus correctis reversus est. Nam quum mitteret illum dicebat, *Deducite illum in pace, ut veniat ad me, exspecto enim illum cum fratribus*. Quoniam igitur receperat discipulum, cunctaque simul cum illo correxisset in *Asia*, ait enim, *mansurus sum Ephesi, usque ad Pentecosten*, rursus pervenerat in *Macedoniam*, merito illum tanquam præsentem sibi copulat. Siquidem ut tum ex *Asia*, ita nunc ex *Macedonia* scribit. Conjunctum enim illum sibi, partim illi hac re dignitatem & auctoritatem concilians, partim suam declarans modestiam. Erat ille quidem *Paulo* inferior, sed caritas omnia conglutinat: unde non hic tantum, sed ubique illum æquat sibi: alias ita loquens, *ut cum patre filius, ita mecum servivit*: alias sic, *opus enim Dei operatur quemadmodum et ego*: hic vero etiam filium appellat, modis omnibus agens, ut *Corinthiis* sit reverendus & observandus, quod ut dictum est, ad eos accesserat, suæque virtutis specimen apud illos dederat. *Ecclesia Dei quæ est Corinthi*. Rursus eos Ecclesiam appellat, videlicet concilians illos, & in unum conglutinans. Nec enim fuerit una Ecclesia, divulsis iis qui in ea versantur, ac seditione inter se dissidentibus. *Cum sanctis omnibus qui sunt in tota Achaia*. Simul & *Corinthios* honore afficit, dum Epistola ad ipsos scripta compellat universos *Achaicos*, & gentem totam inter se conciliat. Sanctos autem eos appellat, videlicet indicans, si quis sit inter illos impurus, eum ab hac appellatione seclusum esse. Sed quam ob causam quum scribit Metropoli, per hanc scribit universis, præsertim quum id alias non temere faciat? Etenim quum scribit *Thessalonicensibus*, non eadem opera scribit universæ *Macedonia*: quumque scribit *Ephesis*, non itidem complexus est totam *Asiam*: quemadmodum & Epistola quæ scripta est ad *Romanos*, non pertinet ad omnes qui totam incolunt *Italiam*. Verum id hic tantum facit, & in Epistola ad *Galatas*. Neque enim illic scribit uni civitati, nec duabus, nec tribus, sed omnibus scribit quæque versum dispersis, ita loquens, *Paulus Apostolus non ab hominibus, neque per hominem, sed per Jesum Christum ac Deum Patrem, qui excitavit eum a mortuis, et qui mecum sunt omnes fratres, Ecclesis Galatia, gratia vobis et pax*. Sic & *Hebrais* universis unica scripsit Epistola, nec eos per civitates distinxit. Quid igitur hic fuit in causa? Mihi videtur apud hos morbus

fuisse publicus & omnium communis, eoque voluit Epistolam omnibus esse communem, quod communi opus habebant correctione. Siquidem *Galatas* omnes simul habebat morbus, quemadmodum & *Hebraeos*, opinor autem quod & *Corinthios*. Proinde gentem totam simul congregatam alloquitur, quemadmodum illi mos erat apud universos verba facere.

Gratia, inquit, et pax, a Deo Patre nostro, et Domino Jesu Christo. Audi quam sermonis exordium convenit præsentī argumento. *Benedictus Deus et Pater Domini nostri Jesu Christi, qui est Pater misericordiarum, et Deus omnis consolationis*. Et qua in re, dicet aliquis, hoc præsentī respondet argumento? Sane quam maxime, si consideraris. Vehementer contristaverat illos, & animos illorum perturbabat, quod ad ipsos non accessisset Apostolus, præsertim quum venturum se fuisset pollicitus, sed totum interea tempus in *Macedonia* consumpserat, qua re videbatur alios pluris fecisse quam hos. Ad eum itaque tumultum compescendum, exponit causam quamobrem ad illos non accesserit, tamen non protinus illam aperit. Nec ita loquitur, Scio quidem quod pollicitus sum me venturum ad vos, cæterum quoniam per afflictiones hæcenus non licuit, date veniam, neque hoc superbiæ ac negligentiae meæ tribuatis. Sed alia quadam ratione magnificentius majoreque cum fide hoc idem agit, rem attollens consolatione, ut ne in posterum quidem percontarentur causam dilati adventus: ac perinde facit ac si quis pollicitus se venturum ad aliquem id desiderantem, ubi post innumera discrimina tandem eo perveniret, dicat, Gloria tibi Deus, quod mihi desideratam faciem ostenderis, Benedictus Deus, qui periculis me liberaisti. Siquidem ad hunc modum gloriam tribuens Deo, excusationem parat ei, qui fuerat incusaturus, nec relinquit locum querimoniae de contatione. Pudet enim eum qui tot malis liberatus gratias agit Deo, in jus trahere, ac poenas tarditatis flagitare. Hanc ob causam ita exorsus est, *Benedictus Deus misericordiarum*, his verbis subindicans sese a magnis periculis fuisse subductum ac liberatum. Alioqui *David* Deum non ubique eodem nominat nomine, neque ab iisdem rebus addit cognomina, sed ubi de bello victoriaque loquitur, *Diligam*, inquit, *te Domine virtus mea, Dominus protector meus*. Rursus ubi gratias agit, ab afflictione & caligine qua vallatus erat, liberatus, *Dominus*, inquit, *illuminatio mea, et servator meus*. Denique nunc quidem ab humanitate, nunc rursus a justitia, nunc autem ab integro incorruptoque judicio cognomentum addit, utcunque postulat præsentis argumenti ratio. Confimilem ad modum *Paulus* in ipso statim exordio, ab humanitate benignitateque Deum appellat, quum ait, *Deus misericordiarum*, hoc est, Deus qui tantum misericordiae erga nos præstitit, ut ab ipsis portis mortis nos reduxerit. Siquidem hoc Deo maxime proprium est, & illi eximium, ejusque naturæ cognatum, taliter misereri, eoque Deum appellat misericordiarum.

Cæterum tu mihi fac hinc contemplator etiam *Pauli* modestiam. Quum ob Evangelii prædicationem periclitaretur, non ait se servatum eo quod dignus esset, sed propter miserationes Domini: quanquam hoc postea dicit manifestius, nunc autem adjungit dicens, *Qui consolatur nos in omni afflictione*. Non dixit, qui non finit nos affligi, sed qui dum affligimur consolatur, quod hæc ut Dei potentiam declarat, ita eorum qui affliguntur auget patientiam. *Afflictio*, inquit, *patientiam operatur*. Idem Propheta dixit, *In afflictione dilatasti me*. Non dixit, non passus es me incidere in afflictionem, aut effecisti ut celeriter transiret afflictio, sed ea manente dilatasti me, hoc est, multam cordis latitudinem, ac relaxationem dolorum indulxisti. Quod idem accidit in tribus illis pueris. Nec enim obstitit quo minus injicerentur in fornacem, neque quum essent injecti, flammam extinxit, sed ardente camino spatium latum præbuit. Quod tum factum est, idem Deus semper facere consuevit; Id tacite *Paulus* quoque significans, ait, *Qui consolatur nos in omni afflictione*. Quin & aliud quiddam per hæc indicat. Quidnam hoc est? Quod non semel, neque bis, sed continenter id facit. Neque enim alias conso-

consolatur, alias destituit, sed semper idem agit omni-
que tempore, ideoque dixit, *qui consolatur*, non, qui
consolaturus est: & addidit, *in omni afflictione*, non in
hac tantum aut illa, sed in omni. *Ut possimus consolari
eos qui sunt in quavis afflictione, per consolationem qua
Deus nos consolatus est.* Vides ut prius attingit excusatio-
nem, magnæ cujusdam afflictionis suspensionem præbens
auditori, simulque in his ipsis modestiam observans,
dum ait id quod accidit esse misericordiam, non quod
ipsi digni essent, sed ob eos qui per illos erant adjuvandi.
In hoc enim, inquit, consolatus est nos Deus, ut nos
invicem consolemur. Quin & Apostolicam dignitatem
declarat, ostendens quod solatio refectus, ac respiratio-
ne refocillatus, non se supinat otioque dat, quemadmo-
dum nos, sed huc potius intendit studium, ut alios un-
gat, corroboret atque erigat. Tametsi sunt qui locum
hunc sic intelligendum existiment, quasi dicat Aposto-
lus: Nostri consolatio & aliorum est consolatio. Cæ-
terum mihi videtur, hoc procemio etiam Apostolos qui
illic erant, jactantes sese, domique sedentes ac deliciis
indulgentes, petere, quanquam id quidem obscure,
ac velut obiter, Præcipuum tamen erat, ut se de con-
tatione purgaret. Etenim si ideo consolationem nobis
impertit Deus, ut & alios consolemur, ne mihi vi-
tio detis, quod non advenerim. In hoc enim omne mihi
tempus consumtum est, in declinandis insidiis, in alli-
ciendis infirmis, in discutiendis imminuentibus malis.

¶. 5. *Quoniam sic abundant passiones Christi in nobis, sic per
Christum abundat & consolatio nostra.* Ne deiceret ani-
mos discipulorum, supra modum exaggerans calamita-
tes, ex diverso demonstrat etiam consolationis abundan-
tiam, atque ita mentem illorum erigit, non modo men-
tione consolationis, verum etiam per hoc quod Christi
meminit, dicens hujus esse afflictiones, & ante conso-
lationem, ab ipsis afflictionibus adfert consolationem.
Quid, inquit, dulcius quam me Christi afflictionum
fieri participem, atque hæc illius gratia perpeti? Quid
huic solatio par esse potest? Verum non hinc tantum,
sed aliunde erigit animos afflictorum. Unde aliunde? Il-
linc, quod dixit, *abundant*. Non enim dixit, quemad-
modum accidunt nobis afflictiones Christi, sed *quemad-
modum abundant*, indicans illos non tantum ea pati quæ
passus est Christus, sed plus etiam afflictionum sustine-
re. Non enim ea tantum, inquit, ferimus quæ ille per-
tulit, verum his plura. Id ita esse considera. Vexatus est,
persecutiones passus est Christus, flagellatus est, mor-
tuus est: sed nos, inquit, plura perpetimur, quod vel
solum sufficere debebat ad consolationem. Nec est quod
quisquam hunc sermonem condemnet temeritatis & au-
daciæ. Nam & alibi dicit, *nunc gaudeo in afflictionibus
meis, & adimpleo qua defunt afflictionibus Christi, in car-
ne mea.* Ita nec illud audaciam habet ullam aut arrogan-
tiam. Sicut enim plura miracula ediderunt, quam edi-
dit Christus: *qui credit*, inquit, *in me, his majora fa-
ciat*, totum autem hoc cedit in gloriam ejus qui in ipsis
operatur: sic & plura quam ille, perpeffi sunt. At rur-
sus totum hoc illi debet acceptum ferri, qui consolatur
eos, & instruit adversus irruentes calamitates. Unde sa-
ne Paulus animadvertens quantam rem eloquutus esset,
vide quo pacto hoc ipsum temperat dicens, *Sic per Chri-
stum abundat & consolatio nostra*, simul & ad illum totius
negotii laudem referens, & hinc divinam benignitatem
prædicans. Non enim, inquit, quanta est afflictio, tanta
datur & consolatio, sed multo amplior: quia non dixit,
afflictionum magnitudinem æquat modus consolationis,
sed excellit consolatio, ut certaminum tempus, rursus
aliarum coronarum excipiat occasio. Age dic mihi, quid
habent simile, propter Christum flagellari, & cum Deo
colloqui, rebusque omnibus esse superiorem, vincere
persequentium sævitiam, ita munitum esse ut mundus
tibi manum non posset injicere, denique hinc ejusmodi
expectare præmia, qualia nec oculus vidit, nec auris
audivit, nec in cor hominis ascenderunt? Quid simile,
ob pietatem affigi, & innumeris solatiis a Deo refocil-
lari, a tantis peccatis liberari, dignum haberi dono Spi-
ritus, sanctificatione, & justitia, neque quæquam me-
tuere, nullius formidine tangi, postremo in mediis pe-

A riculis, omnibus excelsiorem videri? Proinde ne con-
sternemur animo in tentationibus. Nullus enim commu-
nicat Christo delicatam agens vitam, nullus inquam isto-
rum qui molliter ac dissolute vivunt, verum qui versatur
in afflictione & tentationibus, qui per angustam ingre-
ditur viam, isdemum illi vicinus adstat, quandoquidem
& ipse per hanc ingressus est, ut & ait, *filius hominis non
habet ubi caput suum reclinet.* Itaque ne doleas, quum
affligeris, cogitans primum quicum habeas societatem,
deinde quomodo per tentationes repurgeris, denique
quantum lucri facias. Nihil enim aliud molestum est,
quam Deum habere offensum. Id si absit, non afflictio,
non insidiæ, non alia res ulla molestiam adferre potest ani-
mo recte sapienti: sed quemadmodum exiguum scintil-
lam, si in profundam aquam immergas, protinus ex-
tinxeris: itidem quamvis magna animi dejectio, si in
bonam incidat conscientiam, perit, facileque evanescit.
Eoque nimirum & Paulus semper gaudebat, quoties in
Dei præfidiis sumebat fiduciam, adeo ut ne sensum qui-
dem tantorum malorum caperet: ac dolebat quidem ut
homo, sed non deiciebatur animo. Similiter & insignis
ille Patriarcha, quum multa molesta pateretur, tamen
gaudio fruebatur. Quantum autem pertulerit, considera;
Exulabat patria, profectio longas ac periculosas
sustinuit, quum adiens alienas regiones, ne vestigium
quidem pedis illic haberet suum: hinc rursus fames il-
lum excepit, coëgitque solum vertere: ac famirursum
succedit rapta conjunx, ac mortis metus, tum orbitas,
bellum, pericula, insidiæ, postremo accessit difficul-
tatum colophon, germani & unici filii mactatio, illa, in-
quam, mactatio dolorem afferens immedicabilem. Ca-
ve igitur putes illum, quoniam facile paruit Deo, omnia
illa sine doloris sensu pertulisse. Etiam si decies millies
justus fuisset, sicut re vera erat, homo tamen erat, ob-
noxius naturæ affectionibus: quanquam nihil horum
illum dejecit, sed ut decuit generosum ac fortem athle-
tam, constitit, & in horum unoquoque certaminum vi-
ctor & corona dignus pronuntiatus est. Consimiliter &
beatus Paulus quum videret quasi nivis cumulos, tenta-
tiones quotidie ingruentes, non aliter quam si in medio
paradiso vixisset, ita gaudebat gestiebatque. Proinde ut
qui hoc gaudet gaudio, non potest animi perturbatione
vinci: ita qui hoc non tenetur gaudio, a quibuscumque fa-
cile capi vincique potest, ac prorsus huic idem evenit,
quasi si quis arma gerens imbecillia, quamlibet levi pla-
ga vulneretur. At non item, qui undique probe com-
munitus est gravi armatura, quin potius quodcumque
telum impactum fuerit discutiet. Nullum enim armatu-
ræ genus validius, quam gaudere secundum Deum: ne-
que quicquam est, quod hominem ejusmodi, dejectum
aut tristem reddere queat, sed omnia erecto fortique
animo perpetitur. Quid enim talem ad deteriora depel-
lat? Quid assiduis tormentis cruciabilius? Nam etiam si
quis immensam possessionum vim amittat, si liberos, si
aliud quodcumque, hoc si ad doloris rationem voces,
cæteris omnibus est magis tyrannicum ac violentum. *Pel-
lem enim*, inquit ille, *pro pelle, & omnia quacumque
possidet homo, dabit pro anima sua.* Neque quicquam ac-
cidere possit corporis cruciatu molestius, attamen etiam
illa quæ ne audire quidem sustinemus, non solum tolera-
bilia, verum etiam desiderabilia redduntur per spiritua-
le gaudium. Quod si martyrem adhuc semivivum levi-
terque spirantem a ligno seu sartagine deponas, reperies
in illo tantum adhuc gaudii, quantum oratione consequi
nemo possit. Et quid faciam, inquiet aliquis, quoniam
non adest martyrii tempus? Quid ais? Non adest mar-
tyrii tempus? Istud quidem nunquam abest, verum
semper ob oculos nostros versatur, si modo vigilemus.
Neque enim in eculeo pendere reddit martyrem. Nam
si ita esset, beatus Job hoc coronæ genere careret; Ne-
que ad tribunal astitit, neque judicis vocem audivit, ne-
que carnificem vidit, neque suspensio in eculeo sublimi-
que latera radebantur: acerbiora tamen perpeffus est
quam multi martyres, atque illæ nuntiorum sibi succe-
dentium voces, quavis plaga atrocius vulnerabant ipsum,
& undique pungebant, & quod ore vermium illo-
rum ardebat, id erat innumerabilium carnificum tor-

tormentis acerbior. Quis est itaque martyr cui hoc non possit æquari? Imo martyres innumeros hic unus æquat. Nullum enim rerum genus est, per quod ille non & luctatus est & coronatus, per possessiones, per liberos, per corpus, per uxorem, per amicos, per inimicos, per famulos. Nam & hi in faciem illius inspuebant, per famem, per insomnia, per foetores, & ob id sane dicebam hunc, non uni, non duobus, non tribus, sed innumeris martyribus unum æquiparandum. Nam præter hæc quæ memoravimus, ipsa etiam temporis ratio multum addit illius coronis, veluti quod ante legem *Mosaicam*, quod ante datam gratiam ista passus est, quod complures menses, quod omnia modum excedentia, quod omnia simul ingruerint acerba, quamquam horum unum quodque per se fuit intolerabile, ad hæc, quod tolerabilius esse videtur, iactura facultatum. Sunt enim non pauci, qui verbera ferunt, iacturam rerum non ferunt: quin magis earum gratia cædi maluerunt, innumerasque perpeti molestias, quam ex illis quicquam amittere: potiusque duxerunt hanc corporis molestiam sustinere, quam pecuniarum iacturam accipere, ut hic rursus alia sit martyrii species, harum iacturam fortiter ferre.

Et quo pacto, dixerit aliquis, fortiter feremus? Ubi cognoris quod plura lucraris, quam perdideras, idque unico verbo, quo Deo gratias agis. Nam si post nuntiatam facultatum iacturam non turbemur animo, sed dixerimus, benedictus Deus, longe majores opes invenimus quam amiseramus. Neque perinde magnum fructum tuleris, si divitias erogaris in egenos, obambulans & undique pauperes inquirens, tuasque facultates efurientibus dissipas, atque per hoc verbum lucraberis. Quando ne *Job* quidem perinde miror domum suam egenis aperientem, ut suspicio celebrique, quod ereptas facultates gratias agens acceperit. Hoc ipsum vero & in liberorum amissione videas licet accidere. Neque enim hic minorem mercedem capies eo, qui filium suum subduxit in montem, maculavitque, si tuum morientem videns gratias agas bono ac benigno Deo. Talis enim qua tandem in re inferior est *Abraham*? Nam ille non vidit quidem jacentem mortuum, sed tantum hoc expectabat futurum: & si in hoc præstat, quod apparabat immolare, manuque extenta, gladium arripuit, in hoc inferior est quod hic filius jacet exanimis. Quanquam & alioqui egregii facinoris spes illi non nihil adferebat solatii, tum quod pulcherrimum illud factum propriæ virtutis opus esset, tum & vox e supernis audita, reddebat illius animum promptiorem. Hic autem nihil est ejusmodi, ut jam adamantino pectore sit opusei qui filium unicum in divitiis educatum, egregiasque spes de se præbentem, conspiciatur in fossa jacentem, porrectis ac rigentibus membris, ut eum casum placide ferat. Is si poterit sedatis naturæ fluctibus, siccis oculis dicere illud beati *Job*, *Dominus dedit, Dominus abstulit*: ex eo solo verbo, cum ipso *Abraham* collocabitur, cum ipso *Job* prædicabitur. Quod si etiam cohibitis muliercularum singultibus, disjectoque lugentium choro, cunctos ad glorificandum Deum excitavit, immensa tum superne, tum inferne ferret præmia, nimirum hominibus illum admirantibus, Angelis applaudentibus, Deo coronante. At dixerit quispiam, qui fieri potest, ut homo cum sim, non lugeam? Si reputaris quomodo Patriarchæ, quomodo *Job*, cum utrique homines essent, nihil istiusmodi acciderit, idque ante datam legem, ante effusam gratiam, cumque ambo ante tantam legis philosophiam vixerint. Item si consideres, quod is qui mortuus est, in melius contubernium demigravit, ad meliorem requiem transfilerit: nec enim amiseris filium, sed in locum tutum ac securiorem reposueris. Ne dixeris igitur, posthac non audio pater. Cur enim jam non diceris pater, cum filius tuus super sit? Num amisisti filium, num perdidisti filium? Imò parasti potius, ac tutius possides, eoque non hic modo vocaris pater, verum etiam in coelo. Non itaque perdidisti patris vocabulum, sed accessit ut jam felicius dicere pater. Nec enim mortalis filii posthac diceris pater, sed immortalis, strenui militis, asidue tamen domi manentis. Neque enim quia non ad est putare debes illum perisse. Etenim si forte abesset

A peregre filius, non protinus tibi decederet una cum corporis præsentia, cognationis vocabulum. Proinde ne sis attentus ad jacentis spectaculum, nam isto modo resuscitaris ægrimoniam: quin potius abduc animum a cadavere jacente ad coelum. Non iste est filius quem jacentem vides, sed ille qui avolavit, qui cursu se sustulit in immensam altitudinem. Itaque cum videris oculos oclusos, os contractum, totumque corpus immobile, ne sic tecum cogites, illud os posthac nunquam loquetur, illi oculi posthac non videbunt, illi pedes non amplius ambulabunt, sed in corruptionem ac tabem abibunt omnia. Ne sic loquaris, inquam, sed his potius contraria: hoc os melius loquetur, hi oculi meliora videbunt, hi pedes tollentur ultra nubes, hoc corpus quod nunc corrumpitur, induet immortalitatem, ac filium splendidiorem quam habui recepturus sum. Quod si tibi dolorem conciliant ea quæ videntur, tum ita tecum loquitur: vestimentum hoc est, id exuit, ut idem recipiat pretiosius. Domicilium hoc est, ille sublatus est, ut hoc fiat illustrius. Ut enim nos ubi volumus purgare domum, non sinimus illic manere qui inhabitant, quo videlicet absint a pulvere ac tumultu, sed illis iussis paulisper secedere, simul atque domicilium sic adornaverimus, ut jam tuto possit incolere, tum illos citra periculum ullum introducimus: ita & Deus facit, demolitur illius putre tabernaculum, atque ipsum interim in patriam domum atque ad sese recipit, ut cum tabernaculum repurgatum atque exstructum fuerit, tum illi reddat idem splendidius ac præclarior. Itaque ne dixeris, periit, nec amplius erit; Sunt enim ista verba Deo diffidentium: sed ita potius loquere, dormit, ac resurget: peregre profectus est, rediturus cum Imperatore. Quis hæc dicit? Is qui Christum in se loquentem habebat. Nam si credimus, inquit, quod *Jesus mortuus est, & resurrexit, ac vivit, sic & Deum eos qui obdormierunt per Jesum, adducet cum ipso*. Proinde si quæris filium, illic quærito ubi Imperator est, ubi Angelorum exercitus, non in sepulchro, neque in terra, ne cum ille in tantam sublimitatem sit evectus, tu mancas humi reptans. Ad hunc igitur modum si philosophemur, universum hujusmodi moerorem facile discutimus. Deus autem omnis consolationis, consoletur corda cum omnium nostrum, tum & eorum qui tali luctu occupantur, & eorum qui alia quapiam molestia tenentur, donetque ut omni molestia liberentur, ut illis gaudii spiritualis fructum impartiat: denique ut futuri seculi bona adipiscantur, per gratiam ac benignitatem Domini nostri Jesu Christi, cui cum Patre & sancto Spiritu gloria, imperium, honor, nunc & semper, & in secula seculorum, Amen.

H O M I L I A I I.

Sive autem affligimur, pro vestra consolatione & salute, qua operatur in tolerantia eorumdem malorum, qua & nos patimur, & spes nostra firma pro vobis? Posteaquam exposuit unam eamque præcipuam consolationis ac refocillationis causam, quæ erat cum Christo habere communionem, ponit & alteram quam nunc dicit. Hæc autem est, quod hinc discipulorum salus parabatur. Itaque ne despondeatis animum, inquit, eo quod affligimur, neque turbemini, neque formidetis, quin potius hoc deberet vobis addere fiduciam & alacritatem. Ni enim nos fuissetis afflicti, vos omnes hæc erant in exitium datura. Qui sic & quo pacto? Nam si nos ob molliem ac metum cessissemus malis, nec prædicassetis vobis sermonem Evangelicum, per quem affecti estis cognitionem veritatis, extremis in malis fuissetis res vestre. Vides rursus *Pauli* violentam ac instantem argumentationem, ob quas res illi turbabantur, ab his ipsis eos consolatur. Quo major est, inquit, acerbitas persecutionum, hoc meliorem spem animis vestris debebat addere, quo Deo magis augescat salus vestra & consolatio. Quid igitur tantum momenti poterat habere ad consolandi rationem, quantum quod per Apostoli prædicationem tantum bonorum affecti sint? Deinde ne videatur totam hanc laudem ad se unum rapere, vide quemadmodum has laudes cum illis communicet. Cum dixisset, *Sive vero affligimur pro vestra consolatione & salute*, subjunxit, *qua operatur in tolerantia*

lerantia, eorundem malorum, quæ & nos patimur. Quamquam hoc ipsum post apertius expressit, cum ait hunc in modum, *Ut quemadmodum socii estis afflictionum, ita sitis & consolationis.* Hic vero tantum subindicat hoc, cum ait, *eorundem afflictionum*, communicata cum illis ratione. Porro sensus hic est, non nostri tantum operis est vestra salus, verum est & vestri. Siquidem & nos dum prædicamus affligimur, & vos dum recipitis sermonem Evangelicum eadem patimini quæ nos. Nos quidem ut vobis impartiamus quæ accepimus: vos autem, ut quod docui excipiat, non autem rejiciatis. Quid igitur huic modestiæ possit æquari, cum illos tanto inferiores, in eandem tolerantia dignitatem asciscat, *quæ operatur*, inquit, *in tolerantia eorundem malorum.* Neque enim per fidem modo paratur nostra salus, verum etiam per hoc quod talia ferimus ac perpetimur. Quemadmodum enim pancratiafles admirandus est & illustis, bonaque corporis habitudine, etiam cum artem intra se habet: cæterum cum artem ac vires suas exerit, cum ictus tolerat, cum ferit adversarium, tum vero maxime clarus est & illustis, eo quod tum maxime profertur bona corporis habitudine, maximeque declaratur, quantum arte præstet; sic nimirum & vestra salus tum magis exeritur, hoc est, ostenditur, augefcit atque intenditur, cum tolerat, cum patitur, cum omnia fortiter sustinet. Nimirum declaratio salutis non in hoc sita est, ut quis alii faciat male, sed ut ab aliis afficiatur malis. Neque dixit active, *quæ operatur*, hoc est, se exerit in vobis: sed quæ exeritur, illud significans, quod ad illorum promptitudinem accedens gratia, multum momenti attulerit, operans in illis.

7. *Et spes nostra firma est pro vobis.* Hoc est, etiam si innumerabiles molestias patimini, tamen confidimus futurum, ut ne in vestris quidem persecutionibus dejiciamini: tantum abest ut metuamus, ne his quæ nos patimur perturbemini, quando tum quoque bona de vobis fiducia simus, cum ipsi periculis iactamini. Vides quantum illis accesserit profectus ex Epistola prior. Siquidem longe magnificentius testimonium tribuit illis quam *Macedonibus*, quos effert ac prædicat tota illa Epistola. Illis enim metuebat, cum ait: *Misimus vobis Timotheum ad confirmandum vos, & ad consolandum super fide, ne quid commoveamini in his afflictionibus: nam ipsi scitis quod in hoc positi sumus.* Ac rursus, *Propterea non amplius mihi temperans, misi, ut cognosceret fidem vestram, ne quo pacto tentasset vos ille tentator, & inanis esset labor noster.* De his vero nihil simile dicit, sed diversum potius loquitur: *Spes nostra firma est pro vobis, sive consolationem accipimus pro vestri consolatione ac salute, scientes quod quemadmodum participes estis afflictionum, sic estis & consolationis.* Etenim quod ob illos quidem affligebantur Apostoli, monstravit, dicens: *Sive affligimur pro vestri consolatione & salute.* Cæterum ostendere vult, quod iidem propter illos solatium acciperent. Dixit hoc idem superius, licet in genere; *Benedictus Deus, qui consolatur nos in omni afflictione, ut possimus consolari eos, qui sunt in quacunque afflictione.* Hoc ipsum autem hic iterum dicit, tum manifestius, tum ad medendum illorum dolori accommodatius. *Sive enim*, inquit, *solatio refocillamur, pro vestra consolatione.* Quod autem dicit, hunc habet sensum: Nostri consolatio, vestri est refrigeratio, etiam si vos verbo non consolet. Si vos vel paululum respiraveritis, sufficit hoc nobis ad solatium. Et si ipsi solatium nacti fuerimus, id vobis cedit in solatium, adeo nostrum solatium, vestrum esse ducitis. Neque enim profecto fiet, ut cum in molestiis fueritis socii, in lætioribus non sitis consortes. Itaque si in omnibus consortes estis, tum in afflictione, tum in solatio, nequaquam inculcabitis me, cunctationis hujus ac tarditatis nomine, quandoquidem & affligimur pro vobis, & solatium accipimus propter vos. Nam ne quis illud gravius dictum existimaret, propter vos hæc patimur, addit, & propter vos solatium accipimus: neque nos soli periclitamur, cum & vos confortes sitis earundem afflictionum: ut per hoc quod illos recipit in periculorum societatem, suæque consolationis causam ad illos refert, sermonem mitiget molliatque. Ergo sive affligimur, bo-

A no estote animo, quandoquidem hæc a Deo perpetimur, ut vestra fides corroboretur: sive solatio refrigeramur, vos & inde gloriamini, quod vestra causa hoc nobis contingit, ut hinc quoque vobis nonnulla accedat consolatio, dum nobis gaudii participes estis. Porro ut perspicias quod nunc hunc solatii modum sentiat, quem capiebant, non eo tantum, quod ab ipsis solatium acciperet, verum etiam quod intelligeret illos in respiratione esse, audi quæ sequuntur, quibus hoc idem explanatius reddit, dicens: *Scientes quod sicut estis consortes afflictionum, sic estis & consolationis.* Quemadmodum enim dum nos persecutionem patimur, perinde doletis ac si ipsi pateremini, ita novimus quod dum solatio reficimur, existimetis vos eodem frui. Quid hac anima modestius? Qui in periculis quidem tolerandis tanto superior erat, socios appellat eos, qui ne minimam quidem partem eorum sustinebant. In solatio vero, causam totam illis acceptam fert, non propriis laboribus.

Deinde quoniam in genere de afflictionibus locutus est, jam locum exprimit, in quo hæc perpeffus sit. *Non enim volumus vos ignorare, fratres, de afflictione nostra quæ accidit nobis in Asia.* Hæc autem dicimus, inquit, ne ignoretis quæ nobis acciderunt. Volumus enim vos scire rerum nostrarum statum, idque vehementer facere studuimus, quod sane maximum amoris est argumentum, quod idem & in priore Epistola subindicatum licet animadvertere, cum ait: *Optum mihi apertum est magnum, & adversarii multi in civitate Epheso.* Horum igitur memoriam refricans atque enarrans, quam multa passus sit, ait: *Nolo vos ignorare de afflictione qua nobis accidit in Asia: Hoc autem dixit scribens etiam Ephesii.* Cum autem *Tychicum* ad illos misisset, dixit hanc sibi esse causam absentia, unde ait: *Ut autem & vos sciat, quo in statu sint res meæ, & quid agam omnia vobis nota faciet Tychicus dilectus frater, ac fidelis minister in Domino, quem in hoc ipsum misi ad vos, ut sciat rerum mearum statum, consoleturque corda vestra.* Quin & in aliis Epistolis hoc idem facit, nec id est accessorium, sed vehementer etiam necessarium: partim ob caritatem, quam summam habebat erga discipulos, partim ob assiduas tentationes, in quibus maximum erat solatium, ultro citroque certiores fieri de rerum statu: quo simul & in rebus tristibus præpararent sese, & ad certamen accingerent, essentque circumspetiores, & in lætis pariter gauderent. Quanquam hic quidem & incursum tentationum, & quo modo ab his liberatus sit indicat, dicens: *Quoniam supra modum gravati sumus, ultra viri.* Non aliter quam navigium quod ingenti onere mergitur. Ac videtur quidem bis idem dixisse, cum ait *supra modum & ultra vires.* Atqui non sunt hæc idem, sed duo. Etenim ne quis diceret, quid tum? si supra modum fuit periculum, nobis non erat magnum: subiecit, Et magnum erat, & vires nostras superabat, adeoque superabat, *Ut taderet nos etiam vivere.* Hoc est, ut ne exspectaremus quidem nos amplius victuros: id quod *David* appellat portas inferorum ac dolores, & umbram mortis. Hoc videlicet & *Paulus* hic dicit, periculum sustinuimus, quod omnino mortem gignat.

Quin & ipsi in nobis ipsis responsum mortis accepimus, ut ne fidentes essemus in nobis ipsis, sed in Deo qui excitat mortuos. Quid est accepimus responsum mortis? decretum, iudicium, & expectationem. Talem enim ipsæ res vocem edebant, tale responsum dabant ea quæ tum accidebant, quod omnino moreremur. Verum id non processit usque ad experimentum, sed intra suspensionem nostram constitit. Siquidem ipsa quidem rerum natura mortem denuntiabat. Cæterum Dei potentia non permisit, quod illa confirmabat, ad eventum progredi, sed non ultra concessit hoc accidere quam in nostra cogitatione & expectatione. Quapropter ait: *In nobis ipsis mortis responsum accepimus*, non in experimento. Et quamobrem passus est nos in tantum venire periculum, ut desperaremus animumque desponderemus? *Ne fidentes*, inquit, *essemus in nobis ipsis, sed in Deo.* Hæc autem dixit *Paulus*, non quod ad eum modum affectus esset, absit hoc, sed ita de se loquens alios componit, simul autem & ad modestiam vocare studuit, quandoquidem in progressu dicit:

dicit: *Datus est mihi stimulus in carne*, videlicet de tentationibus sentiens, *ne extollar*. Tamen si Deus non ob id tantum, inquit, passus est eas incidere, sed aliam ob causam. Quam tandem istam? ut ipsius virtus magis eluceret. *Sufficit enim*, inquit, *tibi gratia mea*, propterea quod virtus mea in infirmitate perficitur. Sed quemadmodum dicebam, non obliviscitur Paulus suae consuetudinis ac morum, seipsum inter ipso longe inferiores annumerans, quique multa opus habebant tum eruditione, tum correptione. Etenim si una atque altera irruens tentatio, sufficit ad quibuscumque conciliandam modestiam, qui fieri potuit ut ille qui mortalium omnium maxime per omnem vitam modestiam erat meditatus, quique tam magna multaque perpeffus fuerat, quanta non alius hominum, post tot annos, post philosophiam coelis dignam, tanta opus haberet correptione? Unde perspicuum est, quod hic ut sibi magnifice placentes ad modestiam evocaret, turbidosque compesceret, ita loquitur: *Ne fidentes simus in nobis ipsis, sed in Deo*. Ac vide quemadmodum & hic illis medeatur. Tentationes quidem, inquit, permissu Dei, vestra causa in nos inciderunt. Tantum honoris vobis habet Deus. *Sive enim affligimur*, inquit, *pro vestra consolatione ac salute*. Ceterum afflictionum inmodica magnitudo, propter nos accidit, ne animo offeramur. *Supra modum enim gravati fuimus & ultra vires, ne fidentes simus in nobis ipsis, sed in Deo qui excitat mortuos*.

Rursum tacite meminit sermonis de resurrectione, de qua tam multa dixerat in priore Epistola, a rebus etiam praesentibus illam confirmans, unde & adjunxit:

¶ 10. *Qui ex tantis mortibus eripuit nos*. Non dixit ex tantis periculis, simul & intolerabile tentationum pondus indicans, simul & illi, de quo dixi, sermoni fidem astruens. Quoniam enim futuri temporis res erat resurrectio, ostendit hanc in singulos etiam dies fieri. Nam quoties Deus hominem deploratum & ad ipsas inferorum portas perductum evocat, nihil aliud exhibet, quam resurrectionem, ab ipsis mortis faucibus retrahens eum qui jam inciderat. Unde vulgus hominum de his qui post desperationem convalescerunt a morbo periculoso, aut ex tentationibus intolerabilibus restituti sunt, ita solet loqui: Vidimus resurrectionem mortuorum in hoc homine.

¶ 10. *Speramus autem, quod & eripiet simul & adjuvantibus vobis, precando pro nobis, ut in multa facie, pro dono in nos collato per multos gratia agantur pro nobis*. Quoniam quod dixerat, *Ne simus fidentes in nobis*, commune crimen & accusatio quaedam esse videbatur, nonnullos illorum tacita significatione denotans, rursus lenit ac mitigat quod dictum est, illorum preces magni praesidii loco implorans, simul & illud indicans, quod semper oportet vitam nostram in certamine versari. Nam quod dicit, *Speramus autem quod etiam eripiet*, multarum tentationum vim & agmen denuntiat, non quod in periculis essent deferendi, nequaquam, sed opem, auxiliumque rursus promittit. Ne audientes, continenter in periculis versandum esse, conciderent animo, prius docet quantum utilitatis adferant pericula, velut illud, *Ne simus fidentes in nobis ipsis*, hoc est, ut in perpetua nos contineat modestia, & ut eorum salus sese exereret, aliaque permulta, velut illud Christo consortem esse. *Abundant enim*, inquit, *afflictiones Christi in nobis*. Item pati pro fidelibus. *Sive enim*, inquit, *affligimur, pro vestra consolatione & salute*. Praeterea illud, Quod haec ipsa magis effulget, quae vim, inquit, suam exerit, in tolerantia earundem afflictionum: quodque fortes ac patientes redduntur: super haec omnia, quod resurrectionem etiam videre datur sub oculis refulgentem. *Ex tantis enim mortibus eripuit nos*. Insuper, quod ad certamen erant accincti, ac jugiter ad illum respicerent. *Speramus autem*, inquit, *quod etiam eripiet*: ad haec, quod jugiter essent in precationibus. Sic enim ait: *Adjuvantibus vobis precando pro nobis*. Proinde postea ostendit quantum lucri adferant afflictiones, atque nunc illos ad certamen armavit, rursus delinit illorum animos, redditque ad virtutem alacriores, magnum testimonium reddens illorum precibus, siquidem per has nobis Paulum dederunt. *Adjuvantibus & vobis, orando*, inquit, *pro nobis*. Sed quid

A est illud, *ut in multa facie, pro eo quod in vos collatum est, dono, per multos gratia agantur*. Eripuit nos ex illis mortibus, vobis etiam adjuvantibus orando pro nobis; hoc est, dum omnes vos vota funditis pro nobis. Donum enim in nos collatum voluit omnibus largiri, ut multae personae ipsi gratias agerent, eo quod multae donum illud acceperant. Ceterum haec loquitur simul ut illos excitaret ad orandum pro aliis, simul confutans eos, ut pro his quoque quae aliis evenerunt, gratias agant Deo, significans hoc ipsum maxime Deo quoque gratias esse. Etenim qui studuerint pro aliis orare, multo magis utrumque facturi sunt pro seipsis. Ad haec autem & modestiam illos docet, & ad flagrantiores caritatem provocat. Nam si ipse, qui tanto erat illis sublimior, eorum tamen precibus servatus fuit, ut ait, atque si donum erat quod Deus ipsum donaverat illorum precibus, cogita quo animo oporteat illos esse, quantaque uti modestia. Tu quoque jam & illud mihi considera, quod etiam si quid Deus praestet ex misericordia, tamen multum hic momenti adferat deprecatio. Initio siquidem misericordiae Dei, salutem suam acceptam ferebat. Deus, inquit, misericordiarum ipse nos eripiet: hic vero illorum etiam precibus acceptam refert. Nam & illum qui tam multa talenta debebat, ubi procubuisse ad genua, miseratus est. Sic enim scriptum est: *Misericordia motus dimisit illum*. Quin & Chanaan post multam instantiam, & improbos clamores, tandem largitus est filiae salutem, & tamen illam ex misericordia servavit. Hinc itaque discimus, quod quamquam misericordiam sumus experturi, tamen ut nos ipsos prius misericordia dignos praebeamus oportet. Est quidem misericordia, tamen ea dignos requirit, nec temere obtingit quibuscumque, nec offertur iis, qui brutis sunt affectibus nec se sentiant egere misericordia. *Miserabor*, inquit, *cuiuscunque misertus fuero, & miserabor quemcunque commiseratus fuerit*. Vide igitur quid hic dicat, *Adjuvantibus & vobis deprecando*. Nec totum illis tribuit, ne eos extollat in superbiam, neque prorsus submovet eos a consortio beneficii, ut illos exhortetur reddatque promptiores, denique ut illos invicem conciliet. Eoque dicit: Vobis eam incolumitatem donavit Deus. Si quidem Deus frequenter reveretur multitudinem, unanimem & consentientem in precando, ut veluti pudore victus non ausit illis negare. Unde & Propheta dixit: *Ego vero non parcam huic civitati, in qua habitant plusquam quinquaginta millia virorum*? Deinde ne putes Deo opus esse multitudine, ait: *Si fuerit numerus Israel ut arena maris, reliqua salvaverunt*. Quomodo igitur servavit Ninivitas? quoniam non solum erat multitudo, sed multitudo cum virtute: per poenitentiam enim respuit unusquisque a via sua perversa. Porro servans eos dicebat, quod non nossent dextram suam aut sinistram. Unde liquet, quod & prius ex simplicitate lapsi sint magis quam ex malitia: liquet inquam ex eo quod paucis admoniti verbis immutati sunt. Quod si quinquaginta millia potuissent sufficere ad servandos illos, quid vetabat, quo minus & ante servati fuerint? Et quam ob causam non ita locutus est Propheta: *Ego vero non parcam civitati sic immutatae, sed ex superfluo inducit quinquaginta millium mentionem*? Nam quod erat futurum, id perspicuum erat Prophetae, videlicet illorum immutatio. Numerus autem ac simplicitas erat incognita. Itaque vult illos undique permollire: valet enim & multitudo, quoties adest virtus. Idem & alibi declarat Scriptura dicens: *Deprecatio autem erat assidue, qua ab Ecclesia pro illo fiebat ad Deum*. Eaque tantum valuit, ut & clausis etiam ostiis, & catenis urgentibus, & utrinque iuxta dormientibus custodibus eduxerit Apostolum, & ab omnibus illum liberarit. Verum ut plurimum valet, cum adest virtus, ita si adsit malitia, nihil prodest multitudo. Si quidem Israelita de quibus dictum est, quod numerus illorum esset velut arena maris, omnes perierunt. Quin & hi qui vixerunt temporibus Noe, adeo multi erant ut essent infiniti, nec ea res quicquam illis profuit. Per se enim nihil valet multitudo, sed si in partem accefferit.

Studeamus igitur jungi in precibus, ac pro nobis invicem oremus, quemadmodum illi pro Apostolis. Ita & praeceptum implemus, & ad dilectionem exercemur (cum

migres absque bona vita. Quid autem refert si iustus fias, sed sola fide? At nos optamus, ut etiam ex beneficiis habeas fiduciam, ut jugiter quæ Dei sunt cogites, quæ Dei sunt sentias, quæ Dei sunt mediteris: qui sobriam cogitationem vitamque honestam, non ad unum duntaxat diem, neque ad duos, neque ad tres, sed per universam ætatem totamque vitam postulamus, denique fundamentum bonorum omnium, quæ Dei sunt sapere. Nam plerique quæ sua sunt quærunt, non quæ Jesu Christi. Quoniam igitur pacto hoc fieri poterit? Oportet enim precibus & nostram adjungere industriam, si in lege ejus meditemur die ac nocte. Unde & hoc adjungit in precatione, dicens: *Et in lege ejus versentur.* Quemadmodum autem superius dixit, *per omne tempus*, ita hic dicit *die ac nocte*. Itaque pudet meistorum qui vix semel quotannis apparent in Ecclesia. Quam enim habere possunt excusationem, qui cum jubeantur noctes ac dies, non tantum colloqui cum lege Domini, sed in ea versari, hoc est, in ea deliciar, ne minimam quidem vitæ portionem huic studio dant, ut eorum quæ lex docet, meminerint, ejusque justitias servant. Vides catenam optimam, & quomodo horum singula sibi cohærent, multo tum firmitus, tum decentius posita quam ulla catena aurea. Siquidem precatus mentem afflatam Deo, docet qua ratione hæc parare valeat. Qua porro ratione id fiet? Si jugiter in lege meditetur. Atque hoc rursum quo pacto contingit? Si jugiter mentem habeat legi intentam. Sed quomodo id persuaderi possit hominibus? Si præcepta ejus observent. Quin potius attentio legis gignit præceptorum observationem: quemadmodum ex eo quod quæ sunt Dei sapis, quodque mentem habes Deo afflatam, nascitur legis meditatio. Nam horum singula velut ansæ & opitulatur proximis, & a proximis adjuvantur, ut & contineant, & contineantur. Iterum pro eis instantius obsecremus. Semper enim in prolixo sermone somnus obrepere solet animo. Rursus illum excitat, eo quod ingentia quædam postulare cupit ac sublimia. Unde dicit, Instantius pro illis obsecremus. Quid est hoc? *Ut eximat eos, ab omni malo & absurdo negotio*: hic & illud ne veniant in tentationem precamur, ut illos ab insidiis omnibus liberet tum corporalibus, tum spiritualibus. Eoque subjicit, *ab omni peccata Diabolico, & ab omni circumventionem adversarii*, de tentationibus ac peccatis sentiens. Peccatum enim maxime circumvallat undique urgens & obsidens, & a fronte, & a tergo, atque ita nos prosternens. Jam quoniam exposuit quæ fieri a nobis decet, videlicet ut in lege verseremur, ut illius præcepta meminerimus, justitias ejus servemus, persuadet deinceps quod nec ista quidem sufficiunt, nisi ipse adsit Deus & opituletur. *Nisi enim Dominus adificaverit domum, in vanum laboraverunt qui adificant eam*, præsertim in his qui adhuc expositi sunt Diabolo, illius subsunt imperio. Atque hæc quidem scitis, qui estis initiati mysteriis. Superest ut memineritis illorum verborum, quibus Satanæ tyrannidi renuntiastis, cum flexis genibus & ad Imperatorem summa fiducia, tremenda illa verba pronuntiaretis, per quæ docemur nusquam omnino tyranni iussis parendum esse. Cæterum adversarium illum ac Diabolum appellandum, quod & Deum incusat apud homines, & nos apud Deum, & rursus nos invicem inter nos. Olim quidem Job incusavit apud Deum, cum diceret, *Num gratis Job colit Deum?* Et contra, Deum apud Job, *Ignis descendit e cælis*. Similiter Deum insinulavit apud Adam, cum diceret futurum ut aperirentur illorum oculi, quemadmodum & apud plerosque horum temporum homines, dicens: *Visionem rerum nullam habet Deus providentiam, sed res hominum permittit Dæmonibus*. Quin & apud Judæorum vulgus Christum insinulabat, impostorem ac deceptorem illum appellans. Sed forsitan erit qui cupiet audire quo pacto vim suam exerceat, cum mentem reperit non afflatam Deo, cum non invenit sobriam cogitationem, tum in desertum irrupit animum: cum non meminit præceptorum Dei, nec observat justitias ejus, tum captivum abducit. Itaque si Adam meminisset præcepti, dicentis, *Ex omni ligno edes*, aut servasset justitiam quæ dicit, *Quocunque die ederitis, morte moriemini*,

A non ea passus esset quæ passus est. *Et ut dignetur illos in tempore opportuno lavacro regenerationis, remissione peccatorum.* Quædam enim præsentia postulamus, quædam autem futura, ac philosophamur de lavacro, & in ipsa precatione docemus eos nosse vim lavacri. Post hæc enim jam sermo consuefacit illos, ut intelligant quod id quod illic agitur est regeneratio, quodque iterum nascimur ab aquis, velut a vulva, ne juxta Nicodemum dicant, *Qui potest aliquis nasci cum sit senex, num potest in ventrem matris intrare, & nasci denuo?* Cæterum quoniam dixit remissionem peccatorum, hanc insequentibus docet, dicens: *Et vestimento incorruptibilitatis.* Etenim qui filium induit, incorruptibilis redditur; Sed quid est in tempore opportuno? Ubi bene fuerit animo compositus, ubi cum alacritate fideque accesserit. Nam hoc tempus est opportunum fidelibus. *Ut benedicat ingressus & egressus illorum per omnem ipsorum vitam.* Hic vero etiam corporale quiddam petere jubentur, utpote adhuc imbecilles. Domos illorum ac familiam, hoc est, sive famulos habeant, sive cognatos, sive quos alio modo propinquos. Siquidem hæc erant vetustæ legis præmia. Neque tum quicquam æque videbatur acerbum, atque egestas & orbitas, ut luctus intempestivi, ut in fame vivere, ut rerum improperi successus. Atque hanc sanè ob causam permittit in his quoque magis ad corpus quam ad animum pertinentibus immorari preces illorum, quos mox tamen erigit. Hoc enim facit Christus, hoc idem & Paulus, dum veterum meminit benedictionum. Christus enim ait: *Beati mites, quoniam ipsi possidebunt terram*: Paulus autem: *Honora patrem tuum ac matrem, & eris longævus super terram. Ut liberos illorum augeas, ut auctos benedicas, & ad mensuram ætatis perductos reddas sapientes.* Rursum hic jungit corporale cum spirituali, quippe adhuc infirmior & infantili affectu. Quod sequitur totum est spirituale. *Ut dirigas illis omnia quæ optant ad utilitatem.* Non simpliciter dixit, *quæ optant*, sed addit, *ad utilitatem*. Frequenter optatur peregrinatio, sed non conducit: aut aliud simile, sed non expedit. Ex his docentur in omnibus Deo gratias agere, velut accidunt ad ipsorum utilitatem. Post hæc jubet illos surgere. Nam prius illos humi prostraverat. Posteaquam postularunt quæcunque desiderabant, ac jam fiducia pleni sunt, erigit illos sermo, jubetque illos assiduos esse in precibus ad Deum. Nam quædam ipsi loquimur, quædam illis mandamus, jam precandis fore eis aperientes: sicut pueros initio docemus ipsi, deinde jubemus eos per se loqui, ita dicentes: *Angelum pacis postulate catechumeni.* Nam est Angelus qui vindictam adfert, veluti cum dicit: *legationem per Angelos malos: est Angelus perniciem adferens*, ea propter jubemus illos petere Angelum pacis, docentes illos, ut quod est omnium bonorum vinculum quærant, videlicet pacem, ut liberentur ab omni pugna omnique bello, ab omni seditione. *Pacifica vobis omnia sint quæ obtingunt.* Nam etiam si cui quid acciderit grave, modo pax adsit, leve est. Eoque Christus dixit: *Pacem meam do vobis.* Nulla enim sunt arma tam valida Diabolo, quam pugna, quam inimicitia, quam bellum. *Pacificum hunc præsentem diem, & omnes vita dies vobis petite.* Vides rursus, ut omnem vitam in virtute transigi jubet. *Christiana vestra vestigalia.* Quod est caput bonorum, quod honestum est, idem & utile est. Quod honestum non est, id ne utile quidem est. Alia est apud nos utilium natura, præter vulgi opinionem, videlicet ut ipsi nosmetipsos viventi Deo & Christo commendemus. Nondum de cæteris præcipimus illis, sed tamen caritatis est & pro illis orare, ut possint. Vides absolutam precationem, tum quod ad dogmata, tum quod ad vitam attinet. Etenim cum dicimus *Evangelium*, cum *indumentum incorruptibilitatis*, cum *lavacrum renascentiæ*, omnia dogmata complectimur. Cum *mentem afflatam Deo*, cum *sobriam cogitationem*, cum reliqua quæ commemoravimus, mores vitamque denotamus. Post hæc jubemus illos inclinare capita, hoc pacto significantes exauditas esse preces, ac Deum illis benedicere. Non enim jam homo est qui benedicit, sed per illius manum ac linguam offerimus Imperatori capita præsentium, & universus populus acclamat, *Amen.*

Sed

Sed cupis rei gratia dicta mihi sunt hæc omnia? Videlicet ut doceam oportere nos querere, non quæ nostra sunt, sed quæ aliorum, ne fideles existiment nihil cum illis agi cum hæc dicuntur. Nec enim Diaconus parietibus dicit, *Oremus pro catechumenis*. Sed quidam adeo sunt incogitantes, stulti, ac dissoluti, ut non solum eo tempore quo hæc aguntur cum catechumenis, verum etiam in his quæ aguntur cum fidelibus, stent & fabulentur. Hinc subvertitur omnia, hinc perierunt omnia, & quidem eo tempore, quo maxime Deus erat placandus, illo magis irritato discedimus. Nam pro fidelibus, pro Episcopis, pro Presbyteris, pro Regibus, pro Magistratibus, pro terra & mari, pro aëre, pro toto terrarum orbe jubemus adire benignum Deum. Itaque cum debeamus tantam habere fiduciam, ut & pro alienis debeamus orare, ac ne pro nobis quidem ipsis vigilantur precemur, quæ nobis erit excusatio, quæ venia? Quapropter exhortor, ut his omnibus perpensis, noveritis tempus deprecationis, ac tum ita sublimes efficiamini, ut relicta terra, celorum ipsorum convexa attingatis, ut Deum nobis propitium reddere possimus, utque promissa bona consequamur, id quod nobis omnibus contingat, gratia & bonitate Domini nostri Jesu Christi, cui gloria & imperium in secula seculorum, Amen.

H O M I L I A I I I.

12. **N**AM hæc est gloria nostra, testimonium conscientie nostræ, quod in simplicitate & sinceritate, non in sapientia carnali, sed in gratia Dei, conversati sumus in hoc mundo. Hic rursus & illud solatii argumentum nobis aperit, haud quaquam leve, sed prorsus ingens ac satis efficax, ut mentem nostram, dum periculis mergitur, erigat. Quoniam enim dixerat: Deus nos eripuit & suis misericordiis & vestris precibus, quod erat totius rei summa imposuit. Ne hic auditorem supinum & oscitantem redderet, si tantum Dei misericordiis, & aliorum precibus confideret, ostendit quod & ipsi ex sese non mediocriter momentum attulerint. Id quod & in superioribus declaravit, dicens: *Quemadmodum abundans afflictiones Christi, abundat & solatium nostrum*. Hic & aliud quoddam propriæ industriæ demonstrat officium. Quod tandem illud? *In pura*, inquit, *conscientia, sinceraque mente ubique terrarum conversamur*. Hoc autem non leve momentum habet ad consolandum ac refocillandum nos. Imo non solum ad consolandum, sed etiam ad aliud quiddam, quod multo majus est consolatione, nimirum etiam gloriationem adducens. Hæc autem loquitur partim illos erudiens ne despondeant animam in afflictionibus, sed corroborentur potius, cum puram habeant conscientiam, partim tacite taxans pseudapostolos. Et quemadmodum in prioribus Epistola dixerat: *Misi me Dominus, ut prædicem Evangelium, non in sapientia sermonis, ne convectur crux Christi, & ne fides vestra sit in sapientia hominum, sed in virtute Dei*. Sic & hic, non, inquit, *in sapientia, sed in gratia Christi*. Porro & aliud quiddam subindicavit, cum ait: *Non in sapientia*, hoc est, non in doloitate, & hic feriens externam eruditionem. Nam nostra, inquit, *gloratio hæc est, testimonium conscientie nostræ*. Hoc est, conscientia nostra, quoniam non potest condemnare nos quasi factis improbis a recto discesserimus, etiam si innumera patiamur acerba, etiam si undique feriamur ac pericitemur, sufficit nobis ad solatium: imo non tantum ad solatium sufficit nobis pura conscientia, verum etiam in hoc ut coronemur, dum præbet nobis testimonium, quod nihil commiserimus mali, sed juxta Dei placitum hæc perpetimur ob virtutem, ob philosophiam, ob multorum salutem. Itaque prima illa consolatio veniebat a Deo: hæc autem ab ipsis, & a vitæ rectitudine simul inducta est: eoque vocat illam gloriationem, quod ipsorum propria virtute parta esset. Quæ est igitur ista gloratio, & cujus rei testis est nobis conscientia? *Quod in sinceritate*. Hoc est, quod nihil dolum, nihil per hypocrisim, nihil per ironiam, nihil per adulationem, nihil per infidias fraudesve gessimus, nec per aliud quicquam ejusmodi: sed in omni libertate, in simplicitate, in veritate, in pura & innocente mente, in animo doli nescio, nihil habentes

A adumbratum neque suppuratum. *Non in sapientia carnali*. Hoc est, non in astutia, neque versutia, neque in admirabili sermonis artificio, neque in perplexis sophismatibus. Nam hanc vocat carnalem sapientiam, unde illi vehementer tuebant. Hoc igitur abnegat Apostolus ac discutit, ex eo quod est longe præstantius, ostendens hoc nequaquam esse dignum de quo quis gloriatur, seque non tantum nihil tale desiderare, verum etiam aspernari ac probri loco ducere. *Sed in gratia Dei conversati sumus in hoc mundo*. Quid est gratia Dei? Sapientiam ab illo nobis donatam, vires ab illo datas, declarantes, idque per ipsa miracula, per hoc quod sapientes vicerimus, quod rhetores, quod philosophos, reges, populos, cum simus idiotæ, nihilque mundanæ sapientie ad hoc negotium attulerimus. Neque vero vulgaris est hæc tum consolatio, tum gloriatio, sibi conscios esse, quod humanis viribus usi non sint, sed divina gratia recte gesserint omnia. Ita non Corinthi tantum, sed ubique terrarum. *Abundantius autem apud vos, in gratia Dei conversati*. Quandoquidem & signa & miracula apud vos edidimus, tum & accuratorem diligentiam, & vitam irreprehensibilem exhibuimus. Nam & hoc appellat Dei gratiam, sua quoque beneficia, illi ferens accepta. Illic enim ultra septa progressus fuerat, gratuito docens Evangelium, ut illorum parceret imbecillitati.

C *Non enim alia scribimus vobis quam qua legitis & qua agnoscitis?* Quoniam autem visus est de se magnifice prædicasse, atque ipse sibi testis esse, quod invidiosum esse solet, rursus illos citat testes eorum quæ dicuntur. Ne quis, inquit, existimet quæ narravimus esse verborum fumos, quandoquidem ea vobis significamus, quæ nostis ipsi, & de quibus nos nequaquam mentiri, non alii magis testes esse possint quam vos. Cum enim legitis, agnoscitis, quod quorum nobis in factis ipsis estis conscii, eadem in Epistolis loquimur, nec usquam vestrum testimonium meis Epistolis adversatur, sed lectioni consentit cognitio, quam prius conceptam habebatis de nobis. *Quemadmodum & agnovistis vos ex parte*. Neque enim ex aliorum narratione cognovistis quæ gessimus, sed ipsa experientia. Quod autem addit, *ex parte*, modestiæ causa adjecit. Nam hic Paulo mos est, si quando coactus necessitate, neque enim alias hoc facit, dixit aliquid de se magnificentius, protinus sermonis fastum studet corripere. *Spero autem quod & usque ad finem cognoscetis*. Vides rursus ut a præteritis fidem conciliat futuris, non autem a præteritis solum, verum etiam a Dei potentia. Neque enim simpliciter pronuntiavit, sed totum illum rejecit. Et quæ in illum est spes, quoniam gloria vestra sumus, quemadmodum & vos nostra in die Domini nostri Jesu Christi? Hic superioribus dictis admittit invidiam, dum illos in partem recipit, facitque gloriæ consortes, quæ ipsius præclare gestis debebatur. Non enim intra nos constitit hæc gloria, verum & in vos dimanat, ac rursus a vobis in nos. Posteaquam autem extulit seipsum, ac præteritorum ostentationem exhibuit, & de futuris spondit, ne qui audiebant, illum infimularent arrogantia, neve provocarentur ad invidiam, communicat cum illis gloriationem, dicens harum laudum coronam & ad illos pertinere. Nam si nos, inquit, tales appareamus, vestra laus est, vestra gloria: quemadmodum & nos, quoties vos laudem assequimini, exultamus, gestimus, coronamur: rursus & hoc sermone singularem suam modestiam declarans. Non enim ut præceptor discipulis, sed quasi discipulis æqualis loquitur, ita sermonem temperat. Vide vero ut illos in altum erigit, ac philosophiæ plenos reddit, relegans ad illum diem. Ne, inquit, loquamini præsentia, hoc est, probra, convitia, diæteria qualia loquitur hominum vulgus. Neque enim quæ hic sunt quicquam habent magni, neque quæ videntur suavia neque tristia, non cavilli, non laudes ab hominibus venientes: sed memineritis, inquit, mihi illius diei metuendi tremendique in quo reteguntur omnia. Tum enim & vos in nobis decorabimini, cum liquebit vos habere tales magistros, qui nihil humanum docent, neque vitam habent ulli vitio obnoxiam, nec ullam mali ansam dederunt: & nos qui tales habemus

discipulos, puros ab humanis cupiditatibus, neque vacillantes, sed qui alacriter omnia sustinent, nec ulla ex parte verbis circumveniuntur. Quandoquidem hæc nunc quoque perspicua sunt cordatis, tunc perspicua futura omnibus. Itaque etiam si nunc affligimur, habemus & hoc haud leve solatium, nunc quidem a conscientia, tum vero ab ipsa rei luce. Nam nunc quidem conscientia nostra novit, quod per gratiam Dei facimus omnia, quemadmodum vos quoque scitis & scietis, tum vero etiam universi homines cognoscent tum nostra, tum vestra, conspicientque nos alteros alterorum gloria clarescere. Ne enim videatur ipse solus illustris, & illis tribuit gloriandi causam, & a præsentiibus molestiis avocat: quodque in consolatione fecerat, cum diceret propter vos consolationem accipimus, idem & hic facit, dicens: Propter vos gloriamur, sicut & vos propter nos, ubique consortes illos faciens omnium: consolationis in afflictionibus: suæ salutis, quandoquidem hanc incolumitatem suam illorum precibus fert acceptam, *Adjuvantibus*, inquit *vobis precando, eripuit nos Deus*. Similiter & gloriatiohem facit communem. Quemadmodum illic dixit: *Scientes quemadmodum consortes estis afflictionum, ita estis & consolationis*. Itidem hic, *gloria vestra sumus, sicut & vos nostra*.

- §. 15. *Atque hac re fretus, volebam prius venire ad vos. Quare fretus? Quia magnopere confido de vobis, quia quod gloriamini de nobis, gloria vestra est, quod vehementer vos amo, quod nullius mali mihi conscius sum, quod mihi persuasum habeo, cuncta apud vos esse spiritualia, denique quod vos harum rerum testes habeo. Volebam venire ad vos, ac per vos transire in Macedoniam.* Atqui diversum pollicitus est in Epistola priore, ita loquens: *Veniam ad vos cum Macedoniam pertransiero, per Macedoniam enim iter faciam.* Qui factum est igitur, ut hic loquatur sibi pugnancia? Absit ut Apostolus sibi pugnancia loquatur: nam hæc contraria sunt his quæ scripserat, non his quæ volebat. Eoque non hic dicit: Scripsi me venturum ad vos per Macedoniam: sed, *volebam*. Nam etsi hoc non scripsssem, attamen illud conabar ac volebam & priusquam venirem ad vos: tantum aberat ut promissis vellem deesse, ut & has litteras prævenire voluerim. *Ut secundam gratiam habeatis.* Quid est *secundam*? ut duplam gratiam habeatis, alteram per Epistolam, alteram ob præsentiam. Porro *gratiam* hic appellat gaudium. *Et per vos proficisci in Macedoniam, & rursus a Macedonia venire ad vos, atque a vobis deduci in Iudæam.* Hoc igitur cum vellem, numquid levitate sum usus? Hic jam protinus deprecatur culpam contagionis & absentiae. Quod enim dicit, tale est: Volebam venire ad vos, quam igitur ob causam non veniebam? An quod levis essem, lubricaque fide? Nam hoc est quod ait, *num levitate sum usus?* Nequaquam. Sed quam ob causam? *Quoniam quæ cogito, non secundum carnem cogito.* Quid est, *non secundum carnem*? non carnaliter cogito. *Ut sit apud me quod est, est, est: quod non, non.* Verum & hoc adhuc obscure dicitur. Quid est igitur quod dicit? Carnalis homo, hoc est, qui rebus præsentibus addictus est atque in his perpetuo versatur, quique seclusus est ab operatione Spiritus, quoquo versum abire potest, & oberrare quo voluerit. Cæterum qui minister est Spiritus, quoniam ab illo agitur & circumagitur, non potest ubique suæ sententiæ compos esse, quam habet a Spiritus auctoritate pendentem: sed hominem ejusmodi patientem esse oportet, utpote servum probum, qui ubique jussis herilibus obsecundat, quique sui potestatem non habet, ut vel paulisper respiret, aut aliquid vel pusillum confervis polliceatur. Id si fecerit, & mox secus Domino visum fuerit, non præstabit quæ pollicitus est. Hoc igitur ait: Non cogito secundum carnem, neque sum alienus a gubernatione Spiritus, neque mihi potestas est eundi quo velim, propterea quod paracleti dominio subditus sum, hujusque jussis ac decretis agor ac circumagor: hanc ob causam non potui venire, quia secus visum sit Spiritui. Quod idem in his quæ gerimus frequenter accidit. Nam alias Spiritus jussit venire, alias jussit abire. Proinde non est hæc levitas, quod non venerim, sed parere Spiritui cui subjectus sum. Vides rursus Apostolo consuetam

A considerationem. Unde suspicabantur illi quod carnaliter cogitaret, videlicet quia non præstabat quod erat pollicitus; hinc maxime declarat se spiritualiter cogitasse, videlicet quia non præstiterat quod erat pollicitus, atque e contrario colligendum esse, nimirum quod carnaliter cogitasset. Quid igitur, dixerit aliquis, an ex Spiritu promiserat? Minime. Jam enim dixi *Paulo* non omnia fuisse cognita, quæ vel eventura forent, vel profutura. Hinc est quod in priore Epistola dicit, *ut vos me deducatis quocunque proficiscar*: hoc ipsum metuens ne si dixisset in *Iudæam*, alio quopiam ire cogeretur. Hic vero quoniam frustratus erat hoc, ait: *Et a vobis deducar in Iudæam*. Quod enim erat caritatis ponit: quod autem ad illos non pertinebat, videlicet ire in *Iudæam*, non jam hoc addit expresse. Cæterum quoniam id jam præterierat, hic aperte dicit, quod in *Iudæam* ire statuisset. Idque utiliter accidit, ne quis de Apostolis sentiret supra illorum dignitatem. Etenim si cum sic res haberent, voluerunt illis immolare tauros, quomodo effugissent impietatem nisi multa humanæ imbecillitatis argumenta præ se tulissent. Et quid miraris, si non omnia futura novit *Paulus*, cum in deprecationibus frequenter ignoraverit, quid expediret. Velut illud, *quid oremus quemadmodum oportet, nescimus*: non tantum eo dicit ut videatur esse modestus, sed declarat quod ubi sit utilitas in orando ignoraret. Ubi igitur ignoravit? cum postulat ut a tentationibus liberetur, dicens: *Datus est mihi stimulus carnis, Angelus Satana, qui me colaphis cadat. Super hoc ter Deum rogavi, & dixit mihi: Sufficit tibi gratia mea, nam potentia mea imbecillitate perficitur.* Vides ut non noverit petere quæ conducebant, unde nec accepit, quanquam sæpenumero postulasset.

- Fidelis autem Deus, quod sermo noster, qui fuit erga vos, non fuit etiam & non. Pulchre solvit objectionem emergentem. Si, inquiunt, cum esses pollicitus adventum, prorogasses, ne tum quidem esset tuum etiam, etiam, & non, non. Nunc quæ dicis postea subvertis, quemadmodum de præsentia tua feceras. Væ nobis si unquam idem accidit in Evangelii prædicatione. Itaque ne hæc cogitarent, neve perturbarentur, ait: *Fidelis Deus quoniam sermo noster, qui fuit erga vos, non fuit etiam & non.* Neque enim hoc factum est, inquit, in prædicatione, sed duntaxat in itineribus & peregrinationibus. In Evangelii prædicatione firma manent & immota quæcunque diximus. Quandoquidem prædicationem hic appellat sermonem. Deinde hujus rei irrefutabile profert argumentum, totum ad Deum referens. Quod autem sentit, tale est: Meum erat, quod pollicitus sum me isthuc venturum: nam ex me istud promiseram. Cæterum Evangelii prædicatio non est mea, nec prorsus humana, sed Dei: quod autem Dei est, mentiri non potest. Et ideo dicit: *Sed fidelis Deus*, hoc est, verax. Proinde ne suspecta sint vobis quæ illius sunt, quoniam nihil est in illis humanum. Cæterum quoniam dixit, sermo, subjicit protinus, qualis sit ille sermo. *Nam Dei filius* §. 19. *qui est in vobis per nos predicatus, per me & Sylvanum ac Timotheum non fuit etiam & non.* Hanc enim ob causam & illorum qui docuerunt chorum adducit in medium, hinc quoque fidem concilians testimonio, non tantum per eos qui audierant, sed etiam per eos qui docuerant: quanquam & hi *Pauli* erant discipuli, sed modestiæ gratia numerat illos in ordine doctorum. Quid est *non fuit etiam & non*? Eadem, inquit, scripsi, quæ prius in prædicatione dixeram, neque vobis hoc nunc dictum est. Hoc enim non est fidei, sed animi est aberrantis. *Sed in illo fuit etiam*, hoc est quod dixi, immobilis ac firmus sermo manet. *Quæcunque enim sunt promissa Dei, in illo* §. 20. *sunt etiam, & in illo amen, Deo ad gloriam per nos.* Quid autem est, *Quæcunque sunt promissa Dei*? Multa pollicebatur Evangelium, ipsique hæc eadem multa, promittebant ac prædicabant. Nam & de resurrectione disseruerant, deque assumptione, deque immortalitate, deque ingentibus illis præmiis, deque bonis illis ineffabilibus. Hæc igitur promissiones ait immobiles consistere, nec in illis fuisse, etiam & non: hoc est, non fuerunt alias vera, alias falsa quæ diximus, quemadmodum fuit meus adventus, sed semper vera. Ac primum quidem pro fidei

dei dogmatibus, proque Christi sermone decertat, dicens: *Sermo meus & prædicatio mea non fuit etiam & non.* Deinde pro promissis, *Quaecunque enim sunt promissa Deo, in illo sunt etiam.* Quod si quæ promittit firma sunt, & omnino præstaturus est promissa: multo magis ipse, & qui de illo sermo est, firmus est, neque possis dicere, nunc est, nunc non est, sed semper est & semper idem est. Quid autem est, in illo etiam & amen? Declarat omnino futurum quod dictum est, propterea quod per ipsum non per hominem habent, ut sint atque impleantur. Ne quid igitur metuas, non enim homo est, ut tibi suspectus esse possit, sed Deus est qui & dicit, & præstat. *Deo ad gloriam per nos.* Quid est *ad gloriam per nos?* Implet sua promissa per nos, per nostram in vos beneficentiam, ad suam ipsius gloriam. Nam hoc est quod dicit, *Deo ad gloriam.* Quod si ad Dei gloriam spectat, omnino futurum est. Non enim neglecturus est suam gloriam, etiam si nostram negligeret salutem, partim quod supra modum amans est hominum, partim quod nostra salus annexa est illius gloriæ, duntaxat in hoc negotio. Ergo si promissa ad illius gloriam pertinent, dubium non est quin & nostra salus sit consecutura. Quod idem *Ephesius* scribens assidue celebrat dicens: *In acquisitionem gloriæ ejus:* idque ubique inculcat, significans necessario eventurum quod dicitur. Quod idem hic dicit, quoniam illius promissa non mentiantur, eo quod non modo servant nos, verum etiam ipsum glorificent. Proinde cave cogitaris quod illa per nos sint promissa atque ita hæsites: non enim per nos implentur, sed per ipsum: quin & promissa sunt per ipsum. Neque enim nostra sunt, sed quæ illius sunt, apud vos retulimus.

21. Qui autem confirmat nos vobiscum in Christum, qui quæ
22. unxit nos Deum, ac signavit, deditque arrabonem Spiritus in cordibus nostris.

Rursus a præteritis confirmantur futura. Nam si ille est qui confirmat nos in Christum, hoc est, qui non finit nos dimoveri a fide quam habemus de Christo, & idem est qui jam unxit nos, deditque Spiritum in cordibus nostris, qui consentaneum est, ut non det quæ restant in posterum? Si initia & fundamentum dedit, si radicem ac fontem, veluti veram de ipso cognitionem, Spiritus communionem, qui convenit, ut quæ ex his nascuntur, daturus non sit? Nam si illa propter hæc data sunt, multo magis qui hæc dedit, & illa præstaturus est. Et si hæc dedit, quum effemus inimici, multo magis illa reconciliatis, & in amicitiam receptis largietur: eoque non simpliciter dixit Spiritum, sed *pignus* appellavit, ut ex hoc de cæteris omnibus fiduciam concipias. Non enim nisi totum daturus erat, voluisset arrabonem exhibere ac perdere, idque frustra ac sine causa. Vide autem *Pauli* benevolentiam. Quid, inquit, oportet dicere quod in nobis non est promissorum veritas? Hoc ipsum quod vos statis immobiles, quod fixi, non in nobis est, sed Dei munus est. *Qui nos,* inquit, *confirmat Deus.* Non igitur nos sumus qui stabili-mus vos, quandoquidem & ipsi opus habemus a quo confirmemur. Proinde ne quis existimet Euangelii prædicationem in nobis periclitari, ipse totum in se recepit, ipse totum curæ habet. Sed quid est, *qui unxit & signavit?* Nimirum dato Spiritu, per quem utrumque peregit, per quem simul Prophetas & Sacerdotes & Reges facere solitus est. Nam hoc hominum genus olim ungebatur. Nos vero non unam, sed tres nunc habemus dignitates. Nam & Regno potituri sumus, & Sacerdotes efficimur, dum corpora nostra hostiam offerimus. *Exhibete,* inquit, *corpora vestra hostiam viventem, acceptam Deo.* Ad hæc & Prophetæ reddimur, propterea quod quæ oculus non vidit, nec auris audivit, hæc referata sunt nobis: quanquam & alia ratione Reges efficimur, si voluerimus absurdum imperare cupiditatibus. Nam is demum regnat & quidem verius, quam qui diademate cinctus est. Id vobis jam faciam perspicuum. Rex multos habet exercitus. At nos longe plures habemus cogitationes. Neque enim numero comprehendi potest, immensa cogitationum, quæ in nobis sunt, multitudo. Imo non solum multitudinem videre est, verum etiam multos in hac cogitationum turba duces & Imperatores,

& hastatos & sagittarios, & fundibularios. Quæ res alia facit Regem? Vestes? At hic melioribus indutus est, potiorum gestat stolam, quam neque tinea exedit, neque tempus absūmit. Dein variam gestat coronam, tum eam quæ est gloriæ, tum eam quæ est miserationum Dei. Ait enim, *Benedic animam meam Domino, qui te coronat in misericordia & miserationibus.* De gloriæ corona dicit, *gloria & honore coronasti eum.* Et, *Velut armis benevolentia coronasti nos.* Adde coronam gratiarum, Coronam etiam gratiarum accipies in vertice tuo. Vides varie contextum ac venustius hocce diadema. Quin potius ab initio rursus diligentius expendamus has Regum dignitates. Ille dominatur satellitibus, omnibus imperat, & obediunt omnes, eique inserviunt. Verum ego tibi hic ostendo principatum excellentiorem. Nam multitudo par est hic aut etiam major aut numerosior. Superest ut obedientiam expendamus. Ne vero mihi hic in medium adducas qui regno fuerunt excussi, qui ab ipsis corporum custodibus trucidati sunt: ne istos, inquam, in medium adducamus, sed eos tantum quæramus qui in utroque genere regnum suum bene administrarunt. Ac tu quidem quos voles ponito, ego vero patriarcham *Abraham* omnibus oppono, qui quum iuberetur interficere filium, cogita quam multæ cogitationes tunc insurrexerint in illum, & tamen subegit omnes, omnes illum metuebant, magis quam Regem metuunt satellites, omnesque solo oculorum intuitu compescuit, nec ulla illarum ausa est erumpere, sed submittebant vultus, ac velut Imperatori cedebant universæ, quamvis erant acerrimæ omnes, vehementerque præfractæ. Neque enim hastarum cuspides æquæ metuendæ sunt a multis subrectæ. Unde & magis poterant illius animum penetrare, quam ulla cuspis acuta. Neque enim ulla lancea posset unquam esse tam acuta, quam illarum cogitationum stimuli deorsum ab ipsis visceribus acuebantur & surgebant, ac iusti illius mentem tentabant. Nam hic & tempore opus est, & consilio, & icu & dolore, ac deinde mors consequitur. Illic vero nullo horum fuit opus, tanto perniciosiora simul & aciora erant vulnera. Attamen tum tot cogitationibus in illum armatis, multa erat tranquillitas, stabant compositæ omnes, ornantes illum verius quam metuentes. Itaque specta jam illum extendentem gladium, & quotquot volueris Reges in medium producito, *Augustos, Cæsares,* nihil tamen simile dixeris, neque poteris talem exhibere speciem, adeo magnificam ac cœlis dignam. Nam adversus tyrannidem potentissimum trophæum statuit tum iustus ille. Nihil enim natura violentius. Etiam si decem millia tyrannidarum produxeris, nullum talem nobis similem exhibebis. Tum enim Angeli trophæum erat, non hominis. Contemplator autem rem ipsam. Natura prostrata erat humi, cum armis suis, cum universo exercitu, atque ille stabat porrecta manu, non coronam tenente, sed ensē quavis corona splendidiorem, & Angelorum populus applaudebat, & e cœlis Deus victorem pronuntiabat. Quoniam enim in cœlis fuerat illius conversatio, inde recepit præconium. Quid hoc splendidius? Imo potius quid huic trophæo conferri potest? Etenim si posteaquam vicit athleta, non præco ex humili loco, sed Imperator ipse surgens sublimi, *Olympiaci* certaminis victorem pronuntiaret, an non hoc victori videatur coronis magnificentius, totumque theatrum ad se converterit? Proinde quum Imperator, non homo, sed ipse Deus, non in hoc theatro, sed in theatro totius orbis, in Angelorum & Archangelorum populo, clara voce victorem eum pronuntiet, clamans e cœlis, Age dic mihi, ubi ponemus virum hunc sanctum? Quod si videtur audiamus etiam ipsam vocem. Quænam est igitur vox? *Abraham, Abraham, ne inferas manum tuam super Isaac, neque quicquam illi feceris: nunc enim cognovi, quod timeam Deum, nec peperceris filio tuo carissimo propter me.* Quid hoc? Qui cuncta priusquam fiant novit, dicit, *Nunc cognovi?* Atqui vel homini liquere potuit viri pietas, tot documentis præbuerat specimen suæ erga Deum benevolentia, quum illi diceret: *Exi de terra tua, & de cognatione tua:* quum propter Deum & illius honoris gratia jus primogeniturae cessit patrueli suo,

suo, quum eundem e tantis exemit periculis, quum illum Deus iussit in *Aegyptum* proficisci, atque ibi spoliatus uxore, non acerbe tulit, cumque his alia permulta. Ab his, quemadmodum modo dicebam, vel homo discere poterat viri pietatem, non solum Deus, qui non expectat ut ab ipsis rebus cognoscat finem. Tum quo pacto illum iustificavit, quem ignorabat? *Credidit*, inquit, *Abraham*, & imputatum est illi ad iustitiam. Quid est igitur quod dicit, *nunc cognovi*? Quoniam *Syrus* ita loquitur, *cognovisti*, pro eo quod erat, *notificasti*, nimirum, hominibus, nam ipse noveram, etiam antequam illa omnia præciperem. Sed cur nunc patefacere voluit hominibus? An illa non satis erant ad declarandam *Abraham* erga Deum benevolentiam? Erant quidem, sed hoc facinus tanto præstantius erat cæteris omnibus, ut illa cum hoc collata, nihil esse viderentur. Ut igitur hoc insigne facinus attolleret, demonstraretque cunctis esse sublimius, ita locutus est. Siquidem & hominum vulgus de factis eximiis ac superiora vincentibus, hunc ad modum loqui consuevit. Exempli causa, ubi quis ab aliquo munus aliquid accepit majus quam prius acceperat, frequenter ait, *nunc cognovi quod ille me diligit*, haudquaquam hoc sentiens quod ignoravit antea, sed illud declarare volens, præfens beneficium superare superiora. Itidem Deus humano more loquens dicit, *nunc cognovi*, nihil aliud quam certaminis eminentiam volens hominibus commendare, non autem quod tunc didicerit vel metum vel metus magnitudinem. Neque enim quum ait: *Venite, descendentes videamus*, ita loquitur quasi descensu fuerit opus ipsi, qui implet universa, qui novit evidenter universa, sed nos erudiens illud non simpliciter nec vulgari more, sed insigniter ostendi. Item quum dicit: *Dominus prospexit e caelo*, verbis hominum ad res divinas translatis declarat exactam cognitionem; Sic & hoc loco dicit, *nunc cognovi*, videlicet significans hoc factum esse superioribus omnibus præstantius. Ejus rei probationem exhibet, quum adjungit dicens: *Quoniam non peperisti filio tuo carissimo*; Propterea non solum dixit *filio*, sed *filio carissimo*: Non enim erat filius naturæ tantum, sed & caritatis, quem affectum quum esset ingens, tum ob proprios mores, tum ob virtutem pueri in seipso sustinebat. Quod si filios improbos non facile solent contemnere parentes, sed hos quoque luctu prosequuntur, hic quum & filius esset germanus, esset unicus, esset carissimus, denique esset *Isaac*, & ab ipso patre mactandus esset: quis eximiam illius animi fortitudinem verbis possit assequi? Hoc certamen innumerabilibus diadematis & infinitis coronis erat splendidius. Etenim qui illa redimitus est corona cum frequenter & mors irruens invadit, & ante mortem innumerabiles molestæque insidiæ. Huic contra ne post mortem quidem diadema capiti circumpositum quisquam detrahare poterit, nec cognatus nec alienus. Jam mihi spectata pretiosissimum hujus diadematis lapidem. Velut enim lapis pretiosus sic cingit illum usque ad finem. Sed quid est hoc quod ait, *propter me*? Neque hoc mirandum est, quod non peperit filio, sed quod propter Deum? O dextram beatam, quali machæra digna est habita! O machæram admirabilem, quali dextra digna est habita! O machæram admirabilem, in quem usum parata est, & quale peregit ministerium, & cui typo subserviit, quomodo cruentata est, & quomodo non cruentata est? Nescio enim quid dicam, adeo venerandum tremendumque mysterium erat. Non attigit filii collum, neque percussit sancti illius jugulum, neque rubuit iusti sanguine, quin potius attigit ac penetravit & rubuit, & immersa est & non immersa est. Fortassis videor vobis insanire, qui tam pugnantia loquar; Certe mente excidi mecum reputans iusti illius miraculum: Quanquam non loquor pugnantia. Nam manus quidem iusti, gladium infixit in jugulum filii, sed Dei manus non passa est, etiam impactam pollui sanguine pueri. Neque enim *Abraham* tantum tenebat ens, sed & Deus: Atque ille quidem impellebat ex animi sui sententia, hic vero voce cohibuit. Eadem enim vox dextram illam armaverat, eoque velut Imperatori Deo subdita, ad illius nutum omnia peragebat, omniaque ad illius vocem exsequebatur. Hæc

A enim considera: dixit, occide, protinus armata est: dixit, ne occidas, protinus exarmata est. Ab illo enim pendebant omnia. Post hæc Deus ostendit militem ac ducem suum orbi, illum coronatum Angelorum theatro: illum Sacerdotem ac Regem, ense magis quam diademate coronatum, illum trophæa gestantem, illum optimatem, illum sine conflictu victorem. Etenim non aliter quam si quis Imperator egregium habens militem, ipso armorum gestatu, ipso statu, ipso impetu, obstupesciat adversarium: ita Deus solo animo iusti, sola specie, solo statu communem omnium nostrum hostem Diabolum reddidit attonitum & in fugam vertit. Arbitror enim illum tunc tremefactum cessisse. Jam si quis dicat, quam ob causam non passus est Deus dextram tingi sanguine, ac mox cum qui mactatus fuerat, innocuum restituit? Quoniam fas non erat, Deum talem recipere sanguinem, sed hæc noxiorum Dæmonum mensa est. Hic vero utrumque demonstratum est, & Domini bonitas & servi benevolentia. Ac primum quidem *Abraham* egressus est e terra, tum vero ab ipsa cessit natura, unde & sortem recepit cum usura, idque valde congruenter. Præoptavit enim non appellari pater, ut servus benevolus appareret, unde non solum pater, verum etiam Sacerdos factus est. Et quoniam reliquit sua propter Deum, ideo Deus cum illis largitus est, & ea quæ sunt ipsius. Itaque quum hostes insidiantur, etiam usque ad tentationem progreditur, prodigia facturum, velut in fornace & leonibus. Cæterum quoties imperat ipse, intra animi promptitudinem consistit iussio. Cedò, quid supererat huic insigni fortitudini? Neque enim præcius erat *Abraham* quid esset futurum, neque enim cauponabatur Dei bonitatem. Nam licet esset Propheta, non tamen omnia novit Propheta, ut jam supervacua fuerit mactatio, Deoque indigna. Quod si discendum erat, quod Deus ex mortuis excitare potest hominem, a vulva multo mirabilius hoc didicisset, imo potius ante hanc declarationem: Erat enim fidelis.

Tu vero ne tantum admirare iustum, verum etiam æmulare. Cumque vides illum in tanto tumultu ac iactatione fluctuum, velut in tranquillo navigantem, similiter & tu arripe obedientiæ ac fortitudinis clavum. Nec mihi sic loquaris, tantum aram exstruit ac rogam, sed recordare quas voces emisit filius: tecumque reputa, quantæ exercituum catervæ ruerint in eum, animum illius expavescientes, quum audiret filii vocem, patri dicentem, *ubi victima*? Cogita quam multæ cogitationes moverentur in animo ejus, non ferreis, sed flammeis lanceis armatæ, undique pungentes illum ac penetrantes. Quod si nunc quoque non se continent multi, quamquam patres non sunt: quod si etiam lachrymati fuissent complures, nisi nossent exitum, quamquam quosdam & ex his qui norunt exitum, multos conspicio lachrymantem: quid conjectandum est illi accidisse, qui illum generarat, qui enutriverat, qui illum in senectute susceperat, qui habebat unicum, qui videbat, qui audiebat, qui mox eum erat occisurus? Quis intellectus verborum, quæ responsionis humanitas? Quis erat qui tum intus operabatur? Diabolus, ut naturam inflammaret? Absit, imo Deus ut exploraret animum iusti. Quum enim uxor *Job* loquitur, Diabolus operatur, talis enim erat consularis: hic vero nihil sonat blasphemum, sed admodum pie ac circumspicte, multaque gratia florebat in verbis, multum mel sermonum distillabat, a tranquillo placidoque fluens animo. Hæc verba poterant vel faxeam mollire mentem, non tamen adamantem illum subverterunt, imo ne concusserunt quidem. Neque dixit, patrem appellas, qui paulo post pater tuus futurus non est, qui jam hoc honoris perdidit. Sed quam ob causam puer interrogat? Non hæc erat vulgaris curiositas, nec aliena cognoscendi studium, sed anxius erat super his quæ instabant. Reputabat enim, si nolisset pater ipsum esse consortem eorum quæ gerebantur, haud quam servis deorsum manere iussis ipsum solum sibi adjunxisset. Atque ob id sane quum soli essent, tum deum illum percontatur, quum nemo loquentium voces exaudiret. Hæc erat filii prudentia. An non igitur incalescitis viri simul & mulieres? An non unusquisque vestrum

strum animo complectitur, & exosculatur hunc puerum? admiratur prudentiam? veneratur pietatem? cuius præsidio, etiam tum quum colligaretur ac busto imponeretur, non expavit, non resiliit, non patrem velut insanientem contempsit, sed vinciebatur, tollebatur, & imponebatur, cuncta silentio perferens, non aliter quam agnus quispiam: Quin potius tanquam communis omnium Dominus, quandoquidem & illius imitabatur mansuetudinem ac figuram servabat, qui velut ovis ad occisionem ductus est, & velut agnus, coram tondente obmutescens. Attamen loquutus est hic, nam & Dominus illius loquutus est. Quomodo igitur mutus? hoc est, nihil dixit audax, nihil asperum, sed placida mansuetaque omnia, ipsaque verba mansuetudinem potius declarabant, quam silentium, quemadmodum & Christus dixit, *Siquidem male loquutus sum, testimonium perhibeo de malo: si bene, cur me cadis?* magisque declaravit suam mansuetudinem quam si tacuisset. Et quemadmodum hic patri ab ara, ita ille patri de cruce loquitur, *Pater, condona illis, nesciunt enim quid faciunt.* Quid igitur Patriarcha? *Deus providebit sibi ovem, fili, in holocarpofin.* Ambo naturæ nominibus utuntur: ille patrem appellat, hic filium: & utrinque grave bellum excitatur, ac magna quidem erat tempestas, at naufragium nequaquam, eo quod philosophia vincit omnia. Deinde simul atque audivit Deum, nihil postea loquutus est, nec amplius erat curiosus: adeo sapiens erat puer, & in ipso ætatis flore. Vides quot hic Rex vicit exercitus? quot hostes urgentes? Neque enim perinde formidabiles erant barbari, quum *Hierosolymorum* civitatem frequenter adorirentur, ut harum rerum cogitationes ipsum undique obsidentes: Verum hic superavit omnia. Sed vis etiam Sacerdotem videre? Non procul abest exemplum. Etenim quum vides illum ignem tenentem & gladium, aræque astantem, quid jam dubitas de Sacerdotio? Quod si libet etiam victimam cernere, vide geminam: obtulit filium, obtulit pecudem, imo super omnia suum ipsius animum: ac pecudis quidem sanguine dextram, filii vero cæde sanctificavit animam. Hoc pacto Sacerdos electus est, sanguine unigeniti & immolatione agni. Nam & Sacerdotes purificabantur sanguine victimarum quæ Deo offerebantur. Vis jam & Prophetam videre? *Abraham pater vester exsultavit, ut videret diem meum, vidit, inquit, & gavisus est.* Sic & tu in baptismo Rex efficeris, & Sacerdos & Propheta. Rex quidem omnibus pravis actionibus humi prostratis, & interfectis peccatis: Sacerdos autem dum seipsum offert Deo, dumque immolat corpus suum, mactatque seipsum: *Nam si, inquit, mortui fuimus illi, vivemus etiam cum illo.* Propheta vero dum futura discit & Deo afflatus redditur, atque obsignatur. Quemadmodum enim militibus signum, ita fidelibus inditur Spiritus, ut si deseras ordinem, conspicuus sis omnibus. *Judei* quidem habebant pro signaculo circumcisionem, nos vero pignus Spiritus. Hæc igitur intelligentes, perpensa dignitate nostra, dignam dono Dei vitam exhibeamus, ut venturi seculi regnum consequamur, quod omnibus nobis contingat assequi gratia & benignitate Domini nostri Jesu Christi, quicum & per quem Patri gloria, simul cum sancto Spiritu nunc & semper, & in secula seculorum, Amen.

H O M I L I A I V.

CAP. I. **E**GO VERO testem Deum invoco in animam meam, **23.** *quod vobis parcens non amplius venerim Corinthum.* Quid ais, beate Paule, ut parceres illis non venisti Corinthum? Num igitur nobis hinc inducis sermonem secum pugnantem? Dixeras enim paulo ante te ideo non venisse, quod non secundum carnem cogitares, neque te ipsum in tua haberes potestate, sed quod ubique Spiritus arbitrio circumagereris. Tum & afflictiones in medium adducebas. Hic contra, ais tuæ potestatis esse quod non veneris, non jam arbitrii Spiritus. Sic enim loqueris, *parcens vobis non veni Corinthum.* Quid igitur dicendum est? an quod hoc etiam ipsum Spiritus fuerit, atque ipse quidem venire voluerit, cæterum Spiritus illum ne veniret retraxerit, suggerens illi ut illis parceret? an de alio quopiam adventu loquitur, illud significans quod

A priusquam priorem scriberet Epistolam venire voluerit, sed sese propter caritatem cohibuerit, ne offenderet nondum corrigibiles. Probabile est autem, etiam post illam Epistolam, Spiritu jam non amplius vetante, hanc ob causam suapte voluntate mansisse: quod magis est opinandum, videlicet quod initio quidem Spiritus obstitit, mox quum & ipse secum expendisset hoc esse melius, quod remanserit. At tu interim considera, ut denuo sui memor est, illud assidue dicens, non desinam ab his quæ mihi contraria sunt commendari. Quoniam enim consentaneum erat, & illud eos suspicari ac dicere: Ideo nolui venire, quod oderis nos: ostendit diversum quiddam fuisse in causa, nimirum ob id noluisse venire, quod diligeret illos. Sed quid est quod ait, *parcens vobis?* Auditum est mihi, inquit, quosdam apud vos stupro inquinatos esse, eoque venire nolui ne vos contristarem. Siquidem necesse fuisset, si adfuisset, examinare negotium, persequi & punire atque a multis poenam exigere. Itaque satius duxi abesse, dareque poenitentiae locum, quam si præsens persecutus fuisset ac magis exacerbasset malum. Nam sub illius Epistolæ finem obiter hoc aperte declarat dicens: *Timeo, ne quo pacto si venirem humiliet me Deus apud vos, luceamque multos qui prius peccaverunt, nec egerunt poenitentiam super intemperantia & immundicia quam patraverunt.* Hoc igitur & hic indicat, atque id quidem ita indicat quasi semet excuset, cæterum re vera vehementer obstringit illos ac terrorem incutit. Significavit enim illos, licet eis parcat, poena dignos esse, nisi propere corrigerentur. Quod ipsum item sub Epistolæ finem indicans, *Si denuo, inquit, venero non parcam:* nisi quod illic hoc dicit apertius, hic quoniam erat proœmium, idem sed aliter dicit, videlicet circumspectius. Ac ne id quidem satis est, verum hoc ipsum quod dixit rursus mitigat, correctione usus. Quoniam enim sermo erat veluti magnam ostentantis potestatem: nam parcit quis illis in quos habet & puniendi jus: hoc ipsum leniens, quodque videbatur asperius adumbrans ait: *Non quod dominemur vestra fidei.* **24.** hoc est, non eo hoc dixi, me vobis parcentem non venisse, quod dominer vobis, nec dixi vobis, sed fidei, quod simul & mitius erat & verius. Nam qui nolit credere, quis habet cogendi jus: *Sed adiutores sumus gaudii vestri.* Quoniam, inquit, gaudium vestrum idem nostrum est, ideo non veni, ne vos conjicerem in mœrorem, animique mei angorem augerem, sed remansi ut minis meis correcti gauderetis: quando nihil non facimus gaudii vestri gratia, & in hoc studio incumbimus, eo quod illius sumus participes. *Nam fide statis.* Vide rursus ut moderate loquitur. Veretur rursus illos attingere, quod in priore Epistola taxasset illos acriter. Quoniam autem nonnullam mutationis speciem de se præbuisent, ea res erat illorum animos dejectura, si quum essent mutati, rursus eandem objurgationem sustinuisent. Hanc ob causam hæc Epistola longe mitior est superiore.

Statui autem hoc apud me, non iterum in mœrore venire ad vos. Quod ait iterum, indicat illum jam ab illis fuisse contristatum. Cæterum quum videatur excusare sese, clam illos taxat. Quod si jam contristarant, & rursus erant contristaturi, cogita quanta fuerit illorum improbitas. Verum hoc non dicit, contristastis me: sed alia ratione remaggreditur, tacite innuens, quum ait, ob hoc non veni, ne contristarem vos. Quod dixit eandem cum illo vim habet: sed acceptabilius est. *Quod si ego contristo vos, quis est qui me lætificet, nisi is qui contristatur ex me.* Qualis est hæc consequentia? Maxima sane. Rem ita considera. Nolui, inquit, ad vos venire, ne vos amplius contristarem, increpans, indignans, accusans: deinde quoniam & hoc ipsum erat vehementius, & illorum continebat accusationem, si sic res habebant, ut *Paulus* si venisset, contristandus esset, correctione usus ait: *Nam si ego contristo vos, & quis est qui lætificet me, nisi is qui contristatur ex me?* Quod autem sentit sic habet. Quod si etiam in mœrore futurus essem, coactus objurgare vos, ac videre mœrentes, tamen hoc ipsum lætificaret me, quod summæ dilectionis argumentum sit, tanti me a vobis fieri, ut mordere valeam animos vestros, averfando. Vide autem Apostoli prudentiam.

Tom. VIII.

Q

Quum

Quum enim justum esset ut discipuli quum increpantur doleant sentiantque reprehensionis molestiam, sic illos inducit quasi in hoc gratificentur. Nullus, inquit, me perinde lætificat, atque ille qui meis verbis dum contristatur, ad meliora convertitur, dum me videt iratum. Quamquam consequens erat ut diceret: Nam si ego contristo vos, & quis esset qui nos possit lætificare: non tamen hoc dicit, sed invertit, interim illos deliniens, ac dicens, etiamsi contristo vos, tamen gratiam in hoc mihi præstatis maximam, quod mea verba mordeant animos vestros. *Et scripsi vobis hoc ipsum.* Quidnam? me ob hoc ipsum non venisse quod vobis parcerem. Quando scripsit? In Epistola priore quum diceret, *Nolo vos nunc in transitu videre?* Equidem non arbitror, sed in eadem Epistola quum ait: *Ne si venero rursus Deus humiliet me apud vos.* Hoc ipsum inquit scripsi, circa finem Epistolæ, *Ne si venero humiliet me Deus meus, & lugeam multos eorum qui ante peccaverunt.* Sed quare scripsisti? *Ut ne quum venero tristitiam habeam ab his, a quibus oportebat me gaudium consequi. Confusus de omnibus vobis quod meum gaudium, gaudium sit omnium vestrum.* Quoniam dixerat, gaudeo vobis dolentibus, idque videbatur etiam durius atque asperius esse, rursus illud in diversum retorfit, mollitque his quæ subjecit. Propterea, inquit, scripsi vobis ut cum gaudio reperiam vos correctos: eoque dixeram, ut non contrister, non meum spectans commodum, sed vestrum. Novi siquidem, quod si videritis gaudentem, gaudetis: & si videritis dolentem, doletis. Itaque vide jam rursus ab initio eorum quæ dicta sunt congruentiam: Nam hoc pacto sermo vobis fuerit intellectu facilius. Non veni, inquit, ne contristarem vos, si veniens invenissem vos incorrigibiles: Id autem feci, non mea ipsius causa, sed vestræ utilitatis respectu. Nam ego dum vos contristamini, gaudium habeo non mediocre, quando conspicio vobis tantam esse mei curam, ut me indignante & mœreatis & doleatis. *Quis est qui lætificat me, nisi qui contristatur ex me?* Attamen quamquam hoc essem animo, quoniam vestrum specto commodum, scripsi vobis hoc ipsum, ne contristarer; atque hic rursus, non ad me spectans, sed ad vestram utilitatem. Noveram enim futurum, ut vos quoque contristaremini, si me tristem conspiceretis, quemadmodum & gaudetis, quum gaudentem cernitis. Vide igitur prudentiam. Dixerat, ne vos contristem non veni, & tamen gaudeo, inquit. Deinde ne videretur illis dolentibus gaudere, hætenus, inquit, gaudeo vos oburgatione perstringens. Nam ob alterum contristor, quum sic amantes cogor mœrore afficere, non solum ob id quod vos increparem, sed quod ipse simul essem in mœrore, & hac de causa vos rursus contristaremini. Considera vero, quomodo huic quoque dicto laudem admiscuit, dicens, a quibus oportebat me gaudio affici. Nam hic est sermo testimonium perhibentis illorum sinceritatis, & singulari caritatis affectui: quasi quis loquatur de filiis in quos multum beneficiorum contulisset, & circa quos plurimum laborasset. Itaque si propterea hæc scribo, nec venio, magnæ cuiusdam dispensationis gratia non venio, non odio habens neque averfans, sed magnopere diligens.

Ad hæc quoniam dixerat, se dolentem gaudere, ne dicerent, hoc ipsum curas ut gaudeas, declareque cunctis quantum valeas, subjunxit: *Ex multa enim afflictione & cordis anxietate scripsi vobis per multas lachrymas, non ut contristaremini, sed ut cognosceretis caritatem quam habeo abundantius erga vos.* Quid hoc animo amicus? Quandoquidem declarat se nihilominus doluisse, quam eos qui peccaverant, imo amplius. Non enim solum dixit, *ex afflictione*, sed addidit, *ex multa anxietate cordis*: hoc est, præfocabar, strangulabar præ doloris magnitudine, nec amplius ferebam doloris immensum cumulum. Scripsi vobis *non ut contristaremini, sed ut cognosceretis caritatem*, inquit, *quam habeo abundantius erga vos.* Atqui sermonis tenor postulabat, ut diceret, *non ut contristaremini, sed ut corrigeremini*, quandoquidem & ob hoc ipsum scripsit. Verum non hoc dicit, sed potius edulcans sermonem, & ad vehementiorem caritatis flagrantiam illos alliciens, hoc illius loco ponit, declarans se cuncta dile-

ctionis gratia facere: nec simpliciter dixit, *caritatem*, sed addidit, *quam habeo abundantius erga vos.* Cupit etiam illos & hac ratione pellicere, dum declarat quod præ cæteris omnibus eos diligit, quodque erga ipsos affectus sit, ut erga discipulos eximios, eoque dicit: *Esse aliis non sum Apostolus, at sane vobis sum. Esse multos habetis pedagogos, non multos tamen patres.* Ac rursus, *In multa gratia conversati sumus in mundo, Abundantius autem erga vos.* Ac progressus dicit, *& abundantius vos diligens, minus diligo.* Hic item, *quam habeo abundantius erga vos*, ut etiamsi verba plena fuissent iracundiæ, tamen ea ira ex vehementia amoris ac doloris proficisceretur. Etiam quum scriberem Epistolam, cruciabar dolebamque, non tantum ob id, quod peccatum esset admissum, verum quod compellebar vos afficere dolore, Sed hoc ipsum ex amore nascebatur, Non aliter quam si quis filium habeat legitimum & unice carum, cui sit vomica, dum cogitur illum secare & urere; utriusque nomine cruciatur, & quod ægrotat filius, & quod compellatur illum secare. Itaque quod vobis videtur odii signum, argumentum est flagrantissimæ caritatis. Quid autem est, contristare quempiam ex amore? multo magis lætificare tristem, caritatis est. Excusat igitur se ipsum, idque facit frequenter nec erubescit. Etenim si Deus id facit, dicens: *Popule meus quid feci tibi*, multo magis id decet facere Paulum.

Ergo postquam excusavit seipsum, jamque aggressus esset excusationem illius qui stupro fuerat contaminatus, ne distorquerentur quasi contrariis jussis urgerentur, & adversus ipsum contenderent, propterea quod idem esset, qui tum illi indignabatur & nunc jubet absolvi, Vide quo pacto ad causam hanc tractandam præparavitationem, partim ab his quæ dicta sunt, partim ab iis quæ dicuntur, Quid enim ait? *Si quis contristatus, non me contristavit.* Primum hoc laudis postquam illis tribuit, quod iisdem gaudeant ac doleant, tum demum injicit hac de re sermonem: quum prius dixisset, meum gaudium, omnium vestrum est gaudium, oportet vos & nunc mecum delectationem capere, quemadmodum & nunc mecum doluistis: per eadem enim lætificati estis per quæ fueratis contristati, & per quæ gaudetis, nunc exhilarati idem facite. Nec dixit, meus dolor est omnium vestrum, sed hoc alibi molitur: nunc quod præcipue oportet posuit, videlicet gaudium quum ait, meum gaudium omnium vestrum est. Deinde & superiorum meminit, dicens: *Quod si quis contristatus, non me contristavit, sed ex parte, ne gravem vos omnes.* Scio, inquit, quod mecum irati fuistis, mecumque indignati ei qui stuprum admiserat, quodque acciderat, ex parte vos omnes contristaverat: atque ideo dixi *ex parte*, non quod vos minus indignati fueritis, quam ego, sed ne degravem illum qui stuprum patravit: itaque non me tantum contristavit, sed pariter & vos. Licet parcens ei dixerim, *ex parte*. Vides ut protinus illorum laxavit animos, declarans illos fuisse consortes indignationis. *Sufficit ejusmodi hac oburgatio qua facta est a pluribus.* Non dixit ei qui stuprum admittit, sed iterum dicit *ejusmodi*, quemadmodum in priore Epistola, licet non eandem ob causam, sed illic quidem erubescens, hic vero parcens: eoque nequaquam amplius meminit peccati, quod jam esset excusandi tempus, *ut contra potius condonetis & consolemini: ne qua fiat, ut abundantius tristitia absorbeat huiusmodi.* Non enim solum jubet remitti increpationem, verum etiam ad priorem statum revocat. Nam si quis flagellis cæsum dimittat tantum, nec delinuat, nihil agit. Ac vide ut rursus & illum premit, ne indulgentia fiat deterior. Quamquam enim confessus erat facti poenitens, tamen ostendit, quod non perinde ex poenitentia atque ex condonatione consequatur remissionem: eoque dicit, *ut condonetis & consolemini.* Idem vero declarat & id quod sequitur. Non enim quod dignus sit, neque quod sufficientem exhibuerit poenitentiam, sed quod infirmus sit, ideo, inquit, dignor illum venia: unde & adjecit, *Ne abundantius tristitia absorbeat ejusmodi.* Cæterum hic sermo declarat illius vehementem poenitentiam, quem Paulus non passus sit in desperationem venire. Sed quid est illud *ne absorbeatur*? Ne hoc faciat quod fecit Judas: aut si vivat,

vat, fiat seipso deterior: aut si resiliat, inquit; non ferens amplius ex prolixa objurgatione molestiam, etiam desperans, quod sæpe fit, aut ad laqueum aut ad majorem jam perveniat malitiam. Occupandus est igitur, ne vulnus fiat acerbius, neque quod recte fecimus, peccando perdamus. Hæc autem dixit, illum, quemadmodum dicere cœperam, simul cohibens ad modestiam, simul erudiens ne post absolutionem fieret incogitantior: non enim jam ut perfectum qui se laverit, sed metuens ne quid gravius admitteret, ita inquit, illum recepi. Quæ ex re docemur, quod non solum ad peccatorum naturam, verum etiam ad mentem habitumque peccantium oportet moderari poenitentiam, quod ipsum tum faciebat Apostolus. Metuebat enim illius infirmitati, eoque dixit ne devoretur, ac veluti sub noxia bestia, velut in tempestate, velut in procella. *Quapropter obsecro vos.* Non jam imperat dum obsecrat, non tanquam præceptor, sed velut æqualis, & illis in sede judiciaria collocatis, seipsum ponit in loco patroni. Quoniam enim ex animi sententia confecerat quæ volebat, supplicatione affatim est usus sub alterius partis initia. Sed age, quid est quod obsecrat? *Ut vincat in illum caritas*, hoc est, ut confirmetur, neque id simpliciter, aut utcunque inciderit, sed efficaciter. Atque hoc dictum rursus declarat illorum summam virtutem, si qui tantopere dilexerant eum & applauserant, ut super illo etiam inflarentur, eundem adeo fuerunt averfati, ut tanto studio Paulolaborandum fuerit, ut in illum valere sinerent caritatem: quorum alterum erat virtus discipulorum, alterum virtus præceptoris: quod illi tam tractabiles fuerint, quodque hic illos ita composuerit. Quod si nunc quoque fieret, haud quaquam peccatores absque sensu sui peccarent. Nec enim simpliciter oportet amare, neque sine ulla ratione quenquam averfari.

¶ 9. *In hoc siquidem scripsi vobis, ut cognoscerem probationem vestram, an ad omnia sitis obedientes*, Non tantum in refecando, verum & in conciliando. Vides ut rursus illis ingerit periculum. Quemadmodum enim illic quum peccasset ille sollicitus reddebat, nisi refecarent peccatorem, dicens: *Exiguam fermentum totam consersionem fermentat*, aliaque complura: ita hic rursus illis inobedientiam metum injicit, tantum non dicens: Quemadmodum tunc non pro illo, ita & nunc non pro illo magis quam pro vobis, omnibus est vobis consultandum, ne videamini contentiosi & inhumani, nec in omnibus obedientes: eoque dicit: *In hoc enim etiam scripsi vobis, ut cognoscerem probationem vestram, num ad omnia sitis obedientes*. Siquidem illud videri poterat invidiæ ac malignitatis: sed hoc maxime declarat puram vestram obedientiam, si ad humanitatem estis alacres promptique. Quandoquidem hoc est proborum discipulorum, non solum rejectionem impetranti, sed etiam contraria jubenti obtemperare: unde dixit, *ad omnia*, significans ni obedierint, futurum ut non tam illum quam seipsum dedecorarent, conflata sibi pertinaciæ suspitione, videlicet hoc agens, ut hinc quoque stimulet eos ad obedientiam. Atque ideo dicit: *In hoc enim scripsi vobis*, Quamquam non in hoc scripserat, sed ideo sic loquitur, ut illos alliceret. Nam præcipua erat causa, ut illum qui peccaverat servaret, sed hinc sic illis gratificatur, ut nemini noceat. Cæterum quod ait, *ad omnia*, rursus collaudat illos, renovans memoriam prioris illorum obedientiæ, eamque revocans in medium. *Cui autem aliquid condonastis, & ego*. Vides ut rursus sibi sumit posteriores, illos quidem negotii duces, se vero comitem ostendens, quorum alterum lenit animum exasperatum, alterum remollit pertinaciter obfistentem. Mox ne redderet illos elatos, quasi hujus negotii auctoritas penes ipso esset, itaque fieret ut non absolverent hominem, rursus adigit illos ad hoc, dicens se quoque illi condonasse. *Nam & ego si quid donavi propter vos*, inquit, *feci*. Et quemadmodum quum juberet hominem refecari, non passus est penes illos esse auctoritatem condonandi dicens: *Decrevi tradere ejusmodi Satana*: ac rursus assumpsit illos in ejus sententiæ consortium dicens: *Congregastis vobis tradere illum*: duas res maximas accurans, ut & proferretur sententia, & ne id fieret absque illis, ne videretur hic

illos hoc facto lædere; Ac neque solus eam pronuntiat, ne videretur Apostolus esse præfractus, ipsosque contemnere: neque illis totum permittit, ne permissa illis potestate dimitterent eum qui peccarat, intempestive illi condonantes: itidem & hic facit, dicens: *Ego jam condonavi*, qui priore Epistola condemnaram: mox ne offenderentur quasi contempti, addit, *propter vos*. Quid igitur? num propter homines ignovit? Nequaquam: ideoque adjecit, *In facie Christi*. Quid est *in facie Christi*? Aut secundum Deum intelligit, aut in gloriam Christi. *Ne circumveniamur a Satana*. *Neque enim illius cogitationes ignoramus*. Vides ut simul illis & permittit auctoritatem, & rursus eam adimit, ut altero quidem illos delinuat, altero illorum impudentiam excutiat. Cæterum non hoc solum hic agit, verum etiam illud, ut demonstret, commune omnium incommodum esse, si minus obedirent: Quod idem fecit initio: Nam tum dicebat, *exiguam fermentum totam consersionem fermentat*: hic rursus, *Ne circumveniamur a Satana*: breviter, ubique suam pariter & illorum facit condonationem. Sed rem ab initio considera. *Si quis*, inquit, *contristavit, non me contristavit, sed ex parte, ne gravem, omnes vos*. Mox iterum: *Sufficit ejusmodi increpatio hac, quæ fit a pluribus*. Hoc est illius suffragium & sententia. Sed non est usque ad decretum & pronuntiationem, sed rursus illos facit socios, dicens: *Ut contra potius vos donetis & consolemini, propterea obsecro vos, ut vincat in illum caritas*. Rursus postquam in illos contulit totius negotii auctoritatem, ad suam transit auctoritatem, dicens: *In hoc enim & scripsi vobis, ut cognoscerem probationem vestram, an ad omnia essetis obedientes*. Deinde rursus illorum facit gratiam, dicens: *Cui autem aliquid donastis*: mox facit suam, quum ait, *& ego si quid donavi propter vos*. Rursus & suam & illorum: *Nam & ego*, inquit, *si quid donavi propter vos, donavi in facie Christi*: aut in gloriam Christi, aut tanquam & hoc jubente Christo: quæ res illis potissimum persuadebat, ut condonarent, propterea quod jam metuissent non condonare causam quæ cederet in Christi gloriam, quæque illi probaretur. Rursus commune malum si minus obediant, exprimit dicens: *Ne circumveniamur a Satana*. Recte dixit *πλεονεξίαν*, hoc est, *usurpationem ultra justum*. Non enim jam sumit sua, sed nostra rapit. Ne vero mihi ita loquaris: solus hic fit præda bestię: sed & illud considera, quod gregis numerus imminuitur, nunc maxime, dum potest quod amiserit recuperare. *Neque enim cogitationes illius ignoramus*, videlicet quod sub pietatis specie perdit. Non enim solum illiciendo ad stuprum, verum & diversa ratione potest exitium adferre, puta, immodico poenitentię dolore. Proinde quum simul cum suis & nostros usurpet, dum & ad peccandum incitans perdit, & nobis ad poenitentiam provocantibus rapit, an non res est ultra jus alieni usurpatio? Nec enim illi satis est per peccatum dejicere, sed idem facit per poenitentiam, ni advigilemus: unde & merito vocat *pleonexiam*, quoties vincit etiam per nostra. Nam per peccatum usurpare, proprium illius est: non item per poenitentiam, quod hæc nostra sunt arma, non illius. Quum igitur & hinc possit arripere, considera quomodo penes illum victoria est, quomodo ut imbecilles ac miseros deridebit atque incurfabit, si nostris nos armis aggressurus est. Nam vehementer ridiculum est, atque extremi dedecoris, illum per nostra remedia, procurare vulnera. Eoque dixit: *Non enim illius cogitationes ignoramus*, vafriem ejus, dolositatem, molitiones, malitiam, sub pietatis imagine factos incurfus declarans. Hæc igitur nos reputantes neminem despiciamus unquam, nunquam peccantes despereamus, ac contra simus incogitantes, sed affligamus animum ubi deliquimus, nec simpliciter effundamus verba. Nam ipse novi permultos, qui dicunt quidem se lugere peccata, quum interim nihil præclari faciant, sed jejuntant quidem, asperis vestibus induuntur, cæterum appetentiores sunt pecuniarum quam eaupones & negotiationes exercentes, magis vincuntur iracundia quam feræ, magisque gaudent aliorum accusationibus, quam alii suis laudibus. Non est hæc poenitentia. Imago tantum est & umbra poenitentię, non poenitentia. De his

itaque recte dicitur, Prospicite ne usurpemur a Satana: *Neque enim illius cogitationes ignoramus.* Alios enim per peccata, alios per poenitentiam perdit, rursus alios perdit dum non finit illos ullum ex poenitentia fructum capere. Etenim dum non invenit, quo pacto recta via perdat, alia ingreditur via, labores quidem intendens, fructibus autem spoliatis, eisque persuadens quasi totum recte pergerint, ut jam reliqua negligant.

Proinde ne nos ipsos temere laceremus, paucis adversus huiusmodi foeminas differamus. Siquidem hic morbus praecipue foeminarum est. Bonum quidem est & hoc quod nunc fit jejunium, humi cubitus ac cinis; verum ni caetera accesserint, nulla fuerit utilitas. Demonstravit Deus quomodo remittat peccata. Quid igitur illa relictæ via, alteram vobis eligitis? Peccaverant olim *Nivvita*, eademque fecerunt quæ vos nunc facitis, sed inspiciamus quæ res illis fuerit usui. Quemadmodum enim agrotantibus multa adhibent medici, verum qui sapit non eo spectat, hoc an illud fecerit qui morbo laborat, sed quid profuerit illi; Sic & hic spectandum est, quid juverit illos barbaros. Adhibuerunt jejunium vulneribus, & acre jejunium adhibuerunt, humi dormiebant, sacco vestiebantur, cinerem & fletus adhibebant, vitæque mutationem. Inspiciamus igitur quid horum reddiderit illos sanos. Et quomodo, inquires, sciemus? Si ad medicum accedamus, si ipsum interrogemus; Non enim celabit nos, quin potius omnino dicet. Imo ne quis percontari opus habeat; perscripsit etiam quid illos a morbo erexerit. Quid igitur est illud? *Vidit*, inquit, *Deus quod illorum unusquisque sese avertisset a via sua mala, ac poenitentiam egit super malis quæ dixerat se facturum illis.* Non dixit vidit jejunium, saccum & cinerem: Non hæc loquor ut tollam jejunium, absit hoc, sed hortor ut una cum jejunio, quod melius est faciatis, hoc est, ut ab omnium malitia abstineamus. Peccavit & *David*. Videamus igitur, quomodo & hic egerit poenitentiam. Triduum defecit in cinere. Quanquam hoc non fecit pro peccato, sed pro puero, adhuc affectu in illum ebrius. Sed peccatum alia ratione absterfit, videlicet submissione, cordis contritione, animi compunctione, denique cavendo ne in eadem relaberetur, præterea quod jugiter memor esset sui peccati, quod grato animo ferebat, quicquid incurreret afflictionis, quod parceret his a quibus molestia afficiebatur, quod non solum non ulcisceretur insidiantes, verum etiam hoc facere volentes vetuerit. Quum illum *Semei* innumeris probris aspergeret, ac dux qui præfens aderat indignaretur, *Sine*, inquit, *illum devovere me, quoniam Dominus præcepit illi.* Habebat enim cor contritum & humiliatum, quod maxime absterfit illius peccata. Nam hæc est confessio, hæc est poenitentia. At si jejunantes elati simus non solum nihil capimus utilitatis, verum etiam damno afficimur. Submitte igitur & tu cor tuum ut Deum tibi concilies, prope est enim Dominus his qui contrito sunt corde. Nonne vides ut qui in splendidis domibus ab honore submoti sunt, nec inferioris notæ famulis convitiantibus respondent, sed tolerant, ob ignominiam, qua sepsit illos peccatum. Itidem fac tu quoque. Ubi quis te convitiis incescit, ne acerbis, sed ingemisce, non ob injuriam, sed ob peccatum quod te conjicit in ignominiam. Ingemisce quum peccas, non quod es castigandus, nam id quidem nihil est, sed quod offenderis Dominum tuum usque adeo mansuetum, qui sic te amat, sic inhiat salutis tuæ, ut & filium tradiderit pro te: propter hæc suspira, idque facito jugiter. Hæc enim est confessio: non nunc quidem hilaris, postero die tristis, deinde rursus hilaris, sed jugiter in luctu perseverat, & affligendo temetipsum. *Beati* enim, inquit, *qui lugent*, hoc est, qui jugiter hoc faciunt. Perseverte igitur in hoc luctu & tibi instans & conterens animam tuam, non aliter quam si quis lugeat legitimum ac minime degenerem filium amissum. *Scindite*, inquit, *corda vestra, & non vestimenta vestra.* Quod autem confractum est, nequaquam sarcietur, quod contritum, nequaquam refurget. Ea propter, alter ait, *Scindite*, alter dicit, *cor contritum & humiliatum Deus non despiciet.* Et si fueris sapiens, & si dives, & si potens, dilacera cor, ne finas illud subli-

mes tollere spiritus, neque inflari. Quod enim discerptum est, non inflatur, & si quid esset quod extolleret, convulsio non sustinet inflationem. Ita tu quoque sis animo demisso, cogitans quod publicanus ille unico verbo iustificatus est, quanquam non erat illa animi modestia, sed vera confessio. Quod si hæc tantum valet, quanto magis animi submittio? Ignosce peccata iis qui in te peccaverunt. Nam & hæc res remittit peccata. De priore quidem ait: *Videbam quod incederes tristis, & sanavi vias ejus.* Hoc autem in *Achab* placavit iram Dei: de altero vero legitur, *remitte & remittetur vobis.* Est & alia via remedium hoc adferens nobis, videlicet detestatio peccatorum. Dic tu peccata tua prior, ut iustificeris. Jam & hoc diluit peccata si in rebus adversis agas gratias, sed omnium præcipua est eleemosyna. Numera nunc remedia quæ medentur tuis vulneribus, omniaque semper appone, humilitatem, confessionem, oblivionem acceptarum injuriarum, in adversis gratiarum actionem, egentibus & pecunia, & officio subveniendi studium, assiduam precationem. Hoc modo vidua crudelem & inmitem iudicem propitium reddidit. Quod si illa sibi conciliavit iniquum, multo magis tu conciliabis mansuetum. Est & alia præter has via, ut ad sis his qui injuria afficiuntur. *Judicate*, inquit, *orphano, & iustificate causam vidue, & venite huc, & disputemus.* Et si fuerint peccata vestra, ut phœnicum, ut nivem dealbabo. Quid igitur erit nobis excusationis, si quum tot habemus vias in cælum ducentes, totque pharmaca quæ nostris medentur vulneribus, etiam post lavacrum in hisdem perseveremus? Ergo ne peristamus, sed qui non dum lapsi sunt in sua permaneant pulchritudine, aut potius magis ac magis excolant illam. Nam etsi nulla reperias delicta, tamen hæc benefacta, augent animi pulchritudinem. Nos vero qui in multis deliquimus, his quæ commemoravimus, utamur ad correctionem, ut ad tribunal Christi multa cum fiducia sistamus, quam nobis omnibus contingat assequi, per gratiam & bonitatem Domini nostri Jesu Christi, cui cum Patre & Spiritu sancto gloria, imperium, honor, nunc & semper, & in secula seculorum, Amen.

H O M I L I A V.

QUUM autem venissem Troadem in Evangelium Christi, & ostium mihi apertum esset in Domino, non habui requiem spiritu meo, eo quod non reperissem Titum fratrem meum. Hic sermo videtur quidem Paulo indignus, siquidem ob fratris absentiam tantam deseruit salutem, quin & tenor orationis videtur inabsolutus. Quid igitur vultis? utrum ut ostendamus quadrare sermonis tenorem, an quod nihil se dixerit indignum? Mihi placet ut posterius hoc prius demonstramus. Nam hoc pacto fiet ut & illud alterum nobis facilius reddatur ac manifestius. Quomodo igitur hæc cohererent cum superioribus? Recordemur illorum quæ præcesserunt, & quomodo quadrent intelligemus. Quænam igitur erant quæ dixerat initio? *Nolo*, inquit, *vos ignorare de afflictione quæ nobis accidit in Asia, quoniam supra modum gravatis sumus ultra vires.* Quumque declarasset quomodo fuisset liberatus, & quæ in medio sunt interjecisset, necessario redit ad hoc ut doceat quomodo & aliter afflictus fuisset. Quomodo igitur & quo pacto? ob id quod non reperit Titum. Grave siquidem per se est ac dignum ob quod quis vitam abiciat, vel tentationes sustinere. Caeterum si absit consolator, qui possit onus una ferre, gravior fit tempestas. Porro Titus hic ipse erat, quem in progressu Epistolæ dicit a Corinthiis ad se missum, & de quo multas magnasque laudes deprædicat, quem eundem ait se ab se ad illos dimisisse. Proinde volens ostendere, quod hac quoque in parte propter ipsos fuisset afflictus, hæc locutus est. Ex his igitur liquet hunc sermonem cum superioribus coherere. Jam quod nihil hic Paulo sit indignum conabor demonstrare. Non enim dicit, quod Titus absentia obstitit salutem eorum qui fuerant ad Evangelicam accessuri fidem, neque quod hanc ob causam neglexerit eos qui crediderant: sed quod non habuerit requiem, hoc est, quod afflictus sit, discruciatu sit, ob fratris absentiam, eaque gratia decesserint illinc. Sed quid est quod

quod ait: *Quum venissem Troadem ad Euangelium.* Non simpliciter dicit, adveni, sed ut prædicarem Euangelium. Attamen etiam quum ob id venissem, ac reperissem ingens negotium, quod *ostium mihi magnum apertum esset in Domino, non habui*, inquit, *requiem*. Haud tamen ea res interruptit quod agebatur. Quomodo igitur dicit, *dicto illis vale discessi*, hoc est, non ibi moratus sum diutius, angustia loci laborans, ac mœrore discruciat. Fortassis autem & interruptum est opus illo absente. Verum hæc quoque res non mediocriter consolatur illos. Etenim si illic quum esset apertum ostium, & in hoc venisset, illico discessit, quod fratrem non reperisset, multo magis, inquit, oportet vos ignoscere negotiorum necessitatibus, quibus ubique agimur ac circumagimur, neque sinimur, ita ut volumus, neque discedere, neque commorari diutius cum quibus vellemus.

Eapropter subjicit iterum, quemadmodum superius *gratia* autem, inquit, *Deo, qui semper triumphat nos in Christo, & odorem notitia sua manifestat per nos in omni loco.* Ne videretur hæc veluti lamentans deplorare, gratias agit Deo. Quod autem dicit sic habet, Ubique afflictio, ubique angustia. Veni in *Asiam*, gravatus sum, gravatus sum ultra vires. Veni *Troadem*, non inveni fratrem, non veni ad vos. Et hoc quoque non exiguum dolorem attulit animo meo, sed admodum gravem. Tum illud quod quum apud vos multi peccassent, non viderim vos. *Nam parcens*, inquit, *vobis non iterum veni Corinthum.* Itaque ne videretur hæc dicens comploratione uti, subdit, non solum non dolemus in afflictionibus, verum etiam gaudemus, quodque majus est, non tantum spe futurorum præmiorum, verum etiam horum gratia quæ nunc contingunt, propterea quod hic quoque per has afflictiones clari reddimur & illustres. Itaque tantum abest ut lugeamus, ac lamentemur, ut quod agitur appellemus triumphum, & ornemur his quæ nobis accidunt, unde & dicit, *Deo gratia, qui semper nos triumphat*, Hoc est, qui nos omnibus facit conspicuos & claros. Nam quod aliis videtur esse ignominia, nimirum undique ejici, hoc nobis videtur summi honoris. Eoque non dixit, qui nos facit notos, sed *qui triumphat*, significans quod ejusmodi persecutiones ubique terrarum assidua trophæa erigerent adversus Diabolum, mox dum nominatim ponit argumentum & fundamentum triumphi, etiam hinc erigit auditoris animum. Non enim solum, inquit, triumphamur a Deo, sed triumphamur in Christo, hoc est, propter Christum & ob Evangelii prædicationem. Posteaquam enim agendus est triumphus, omnino necesse est, nos quoque qui trophæum gestamus, esse conspicuos, quoniam ipsum Christum bajulamur, ob id habiles sumus & illustres. *Et odorem notitia sua manifestavit per nos in omni loco.* Superius dixit, *qui semper triumphat*: hic dicit, *in omni loco*, demonstrans & locum & tempus omne plenum esse certaminibus Apostolicis. Rursus & aliam adhibuit metaphoram, ab odoris fragrantia sumptam. Sicut enim qui portant unguenta, sic omnibus, inquit, sumus manifesti, Dei notitiam appellans unguentum pretiosum. Nec dixit notitiam, sed *odorem notitiae*, talis siquidem est præfens Dei notitia, non admodum evidens nec exserta. Unde & in priore dicebat Epistola, *videmus nunc per speculum in enigmate*, hic idem dicit *odorem*. Qui vero persensit odorem, scit quidem unguentum alicubi positum esse, ceterum cujusmodi naturæ sit, non item novit, nisi prius ipsum videre contingat. Sic & nos, Deum quidem esse scimus, at quid sit secundum substantiam nondum scimus. Proinde sumus tanquam regale suffumigatorium sive thuribulum, quocunque accefferimus coelesti fragrantibus unguento, ac spirituali suaveolentia. Hæc autem dixit, simul prædicationis vim ostendens, quod a quibus per insidias appetuntur Apostoli, per hos relucet magis, dum persequentes efficiunt, ut totus etiam terrarum orbis ipsos noverit, ac illorum trophæa bonique odoris fragrantiam: simulque consolans illos super afflictionibus ac tentationibus, ut omnia forti perferant animo, siquidem & ante tempus reponendæ mercedis, ineffabilis gloriæ fructum capiunt.

Quoniam Christi bonus odor sumus Deo, in his qui salvi sunt, & in his qui pereunt. Etenim si quis salvus fiat, inquit, si pereat, ipsum Euangelium manet propriam obtinens virtutem, non aliter quam lumen, etiam si caliginem offundat infirmis oculis, lumen est etiam tum quum obtenebrat. Et mel quamvis amarum sit ægrotantibus, natura tamen dulce est. Sic & Euangelium boni odoris est, etiam si qui pereunt increduli. Nec enim Euangelium facit, ut illi pereant, sed illorum amentia. Quin hac potius ratione patet illius fragrantia, si corrupti & improbi pereunt, ut non tantum e salute bonorum, verum etiam ex malorum interitu declaratur illius virtus, quandoquidem & Sol quum vehementer lucidus est, hoc ipso maxime ferit infirmorum oculos. Atque ipse Servator in ruinam, & resurrectionem multorum positus est: attamen manet id quod est, Servator, etiam si corruant innumerabiles: & illius adventus graviolem damnationem attulit incredulis, nihilo secius tamen perseverat esse salutaris. Hanc ob causam & Apostolus dicit, *Deo bonus odor sumus*, hoc est, etiam si pereant aliqui, nos tamen perseveramus hoc esse quod sumus. Neque simpliciter dixit *bonus odor*, sed addit *Deo*. Quod si Deo sumus bonus odor, isque hæc suo suffragio comprobatur, quis deinde contradicturus est? Ac bonus odor Christi mihi duplicem videtur recipere interpretationem, aut enim hoc dicit quod Apostoli se ipsos immolarent morientes, aut quod Christi immolatio bonus sit odor, quasi dicat aliquis, hujus victimæ bonus est odor, hic sufficit. Aut hoc igitur significat boni odoris vocabulum, aut quod prius dixi, quoniam quotidie immolantur propter Christum. Vides quoque evenire tentationes, dum eas triumphum appellat ac victimam quæ Deo offertur. Deinde quoniam dixit, *Bonus odor sumus etiam in his qui pereunt*, ne putares & illos Deo acceptabiles esse, subjunxit: *Hic quidem odor mortis in mortem, illis vero odor vitæ in vitam.* Quod hunc bonum odorem alteri quidem admittunt ut salvi fiant, alteri sic ut pereant. Itaque si quis pereat, ipse sibi causa est, quandoquidem & sues dicuntur unguento præfocari, & lumen, quemadmodum ante dixi, infirmis caliginem offundere. Talis est & bonorum natura, non solum sua corrigit, verum etiam contraria perdit, atque hic potissimum ostenditur illorum vis. Nam & ignis non modo quum illuminat tantum, neque quum aurum repurgat, verum etiam quum carbones absorbit, maxime suam vim exferit, atque hac parte perspicuum fit, quod sit ignis. Similiter autem & Christus hoc quoque argumento declarabit majestatem suam, quum absorberit Antichristum spiritu oris sui, & aboleverit splendore adventus sui. *Et ad hac quis idoneus?* Quoniam magnifica quædam fuerat eloquutus, victima sumus Christi, & bonus odor, & triumphamur ubique, rursus temperat ea, cuncta ad Deum auctorem referens, ita loquens, *Et ad hac quis idoneus?* Totum, inquit, Christi est, non nostrum. Vides ut hujus sermo contrarius est sermoni pseudapostolorum? Siquidem illi gloriantur, quasi ex se aliquid attulerint ad Euangelium: hic vero hoc nomine ait se gloriar, quod existimet illic nihil esse ipsius. *Nam gloria*, inquit, *nostra hæc est, testimonium conscientia, quod non in sapientia carnali, sed in gratia Dei conversati sumus in mundo*, & ubi illi lucrum existimabant esse gloriar, de sapientia, externam loquor, hic existimavit exitium. Eoque & hic dicit, *Et ad hac quis idoneus?* Quod si non sumus idonei, gratia est quod geritur.

Non enim sumus sicut ceteri cauponantes verbum Dei. Nam etiam si magnifica loquamur, nullum tamen nostrum diximus esse benefactum, sed omnia Christi. Neque enim imitabimur eos, qui se falso vocant Apostolos, dicentes pleraque ipsorum esse. Nam hoc est cauponari, ubi quis adulterat vinum, ubi quis pecunia vendit quod gratis donari oportuit, quandoquidem hic mihi videtur illos taxare de quæstu, & quod dicebam, rursus subindicare, quod sua miscerent divinis. Quod reprehendens & *Esaias* dicebat, *Caupones tui miscent vinum aqua*. Quanquam enim hoc de vino dictum est, haud tamen aberrarit, si quis ad doctrinam transferat. At nos, inquit, non eodem modo rem gerimus, sed quæ nobis credita sunt, ea exhibemus

merum & indilutum propinantes verbum. Ideoque subjunxit: *Sed tanquam ex sinceritate, tanquam ex Deo, in conspectu Dei, in Christo loquimur.* Non seducentes vos ita prædicamus, veluti gratificantes vobis, aut velut ex nobis ipsis aliquid inferentes aut admiscentes, sed *tanquam ex Deo*: hoc est, non loquimur quod aliquid domi nostræ natum vobis largimur, sed quod Deus omnia donavit. Hoc enim est *ex Deo*, de nullo gloriari, quasi proprium habeamus, sed omnia illi transcribere: *in Christo loquimur*, nihil nostræ sapientiae, sed ab illo proficiscenti robori nitescentes. At non idem faciunt isti, qui se jactant, sed perinde rem gerunt, quasi ex se quippiam intulerint. Unde & alibi taxat eos dicens: *Quid enim habes quod non accepisti? Quod si etiam accepisti, quid gloriaris quasi non acceperis?*

Hæc summa virtus est, omnia Deo accepta referre, nihil nostrum ducere, nihil ad humanam gloriam facere, sed ad Dei placita: propterea quod is est, qui rationem exacturus est. Nunc vero ordo inversus est, eum qui pro tribunali sedet, & causas excutit, non admodum metuemus, eos vero qui nobiscum sunt simulque judicantur timemus. Unde igitur hic morbus, unde in nostras animas invasit? Ex eo quod non assidue versamus animo quæ illic sunt, sed rebus præsentibus affixi sumus. Hinc venit quod in pravas actiones facile prolabimur, & si quid boni facimus, ad ostentationem facimus. Hinc itaque nobis venit detrimentum. Proinde videt quis impudicis oculis aliquam frequenter, sic ut nec illa quæ alpiscitur sentiat, nec hi qui cum ipso ambulant, at non etiam fefellit oculum illum qui somnum nescit. Siquidem ille etiam priusquam peccatum committitur, jam vidit animam impudicam, atque internam insaniam, vidit cogitationes velut in tempestate ultro citroque fluctuantes. Neque enim opus habet testibus & argumentis qui novit omnia. Itaque ne respicias ad conservos. Nam etiam si laudet homo, nulla hinc utilitas, si Deus non approbet: rursus quamvis damnet homo, nullum detrimentum, si non condemnet Deus. Ergo ne isto modo provoces judicem, conservorum quidem multam habens rationem, ipso vero indignante nec metuens nec tremens. Negligamus igitur laudem ab hominibus venientem. Quousque viles & humilium rerum admiratores, quousque Deo nos ad cælum erigente ipsi studemus humi reperere? Fratres *Josephi* si Dei timorem præ oculis habuissent, ut habere par erat, haud quaquam fratrem in solitudine nacti occidissent. Rursus *Cain* si iudicium metuisset, quemadmodum metuisse oportuit, nequaquam dixisset, *veni egrediamur in campum.* Quid enim, o miser & infelix, separas illum ab eo, qui ipsum genuit, & in solitudinem abducis? An Deus in deserto non intuetur facinus? An ex his quæ patri tuo acciderunt, nondum edoctus es, quod Deus omnia novit? omnibus adest quæ patrantur? Et quamobrem non hoc ad illum dixit Deus inficiantem, me cœlas, qui ubique sum præsens, qui occulta novi? Quoniam nondum oportebat apud illum huiusmodi sublimia pulchre philosophari. Sed quid dixit? *vox sanguinis fratris tui clamat ad me*: non quod sanguis habeat vocem, sed quemadmodum nos de rebus manifestis ac dilucidis loqui solemus, *res ipsa clamat.* Quapropter sane oportet Dei iudicium præ oculis habere, mox mala extincta fuerint omnia. Sic & in precationibus possumus esse vigilantes, si consideremus cui loquamur, si reputemus nos sacrificium offerre, ac machæram tenere manibus, nec non ignem & ligna, si cogitatione portas aperiamus, si illo transferamur, & arrepto gladio spiritus infigamus illum in jugulum hostiæ, & mactemus illam sobrietate, atque infundamus illi lachrymas: hic enim est huius sacrificii sanguis, huiusmodi illa ara rubescit mactatione. Postquam igitur non passus es quicquam humanarum cogitationum remanere in animo tuo, tunc considerato quod & *Abraham* quum hostiam adferret, non uxorem, non servum, non alium quenquam passus est adesse: itaque nec tu finas servilium ac illiberalium affectuum quicquam adesse tibi, sed solus ascende in montem, quo ascendit ille, quo fas non est quenquam alium ascendere. Quod si quæ talium cogitationum conentur tecum ascendere, imperato illis cum auctoritate ac dicito, Sedete hic, ego vero & puer adorato Domino revertemur: & Afina

A & pueris deorsum relictis, aut si quid aliud brutum est, ac mentis indigum, si quid est rationale assumito atque ascendito, quemadmodum ille assumpsit *Isaac*, aramque quemadmodum ille ædifica, tanquam nihil habens humanum, sed velut a natura factus alienus. Siquidem ille nisi ultra naturam exisset, nequaquam filium immolasset. Ne qua res tum tibi obstrepat, sed fias cœlis excelsior, suspira amare, immola confessionem. *Dictu*, inquit, *peccata tua prior, ut iustificeris*: offer contritionem cordis: hæc victimæ non in cinerem abeunt, neque in fumum dissolvuntur, neque lignis egent aut igne, sed sola mente compuncta: hæc ligna, hic ignis incendens illa & non exurens. Etenim qui cum fervore deprecatur, inflammatur & non exurit, sed velut aurum igni probatum fit splendidior.

B Cum his vero & illud observa, ne quid inter precandum loquaris quod exasperet Dominum tuum, neque illum adversus hostes interpelles. Nam si probro datur habere hostes, orare adversus illos cogita quantum sit malum. Etenim quum oporteat te rationem reddere quamobrem hostes habeas, tu illos etiam accusas? Et quam assequeris veniam, non solum hostes habens, verum etiam male de illis loquens, idque eo tempore quum tibi opus est multa misericordia? quandoquidem accepisti, pro tuis peccatis deprecaturus. Proinde ne memineris alienorum, ne tuorum memoriam refrices. Nam si dixeris, percutite inimicum, obturasti tibi os, nec amplius linguæ dedisti loquendi fiduciam. Primum quidem quod ipso statim deprecationis exordio ad iram provocasti iudicem, deinde quod ea petis quæ pugnant cum orandi formula. Nam si Deum adis pro peccatorum remissione, qua fronte de vindicta lequeris? Contra igitur oportuit facere, orandum erat pro illis, ut Deum & pro nobis ipsis imploremus. Nunc iudicis sententiam antevertisti tua, dum postulas ut peccantes puniat, quæ res tibi omnem adimit veniam. Quod si pro illis, pro te nihil dixeris, perfectionem omnem præstiteris. Considera quot sint in lege sacrificia. Est sacrificium remissionis, sacrificium confessionis, sacrificium salutaris, sacrificium purificationis, aliaque innumera, quum nulum sit adversus inimicos, sed unumquodque pro peccatis propriis, aut etiam pro feliciter gestis. An alium adis Deum? Illum adis, qui iussit nos pro inimicis nostris orare. Quomodo igitur occlamas illi, quomodo implores Deum, ut propriam solvat legem? Non est istud supplicis personam agere. Nemo supplicat ut alius perdat, sed ut ipse servetur. Cur igitur supplicis personam induis, quum verba habeas accusatoris? Cum pro nobis quidem oramus, scabimus caput, oscitamus, inque mille cogitationes delabimur, at quum adversus hostes oramus, vigilantes id facimus. Quoniam itaque novit Diabolus, quod contra nos ipsos gladium vibramus, non retrahit, non avocat huc & illuc, quo gravius nos perdat. Sed dixerit aliquis, injuria sum affectus & affligor. E Quin igitur adversus Diabolum interpellas Deum, qui omnium maxime nos lædit: quod etiam juberis dicere, *libera nos ab illo malo.* Ille est hostis irreconciliabilis. Cæterum homo quicquid facit, amicus est & frater. Illi igitur irascamur omnes, adversus illum imploremus Deum dicentes: Contere Satanam sub pedibus nostris: Nam hic etiam inimicos nobis parit. Quod si precaris adversus inimicos, precationem quam ille optat precaris. Ergo si contra hostes oramus, adversus hunc oremus. Cur igitur omisso eo qui vere est inimicus, mordes tua membra, hac in parte feris immanior? Sed contumelia, inquis, me affecit, & rebus meis me spoliavit. F Sed uter est lugendus, isne qui affectus est injuria, an qui fecit injuriam? Nam qui pecunias lucrificet, a Dei benevolentia semet excussit, plusquam perdidit quam accepit. Proinde ille est qui læsus est. An non igitur orandum est, ut Deus illis fiat propitius? Considera quam multa passi sint illi tres pueri, qui nihil admiserant sceleris, exulabant a patria libertate, adducti sunt captivi, facti sunt servi, & in alienam ac barbaram avecti regionem, etiam occidendi erant ob somnium, idque temere, & sine causa. Quid igitur quum essent ingressi cum *Daniele*, quid peccati sunt, quid dixerunt? Prosterne

sterne Nabuchodonosor, dilacera illius diadema, dejice illum a throno? Nihil hujusmodi. Sed postulabant misericordias a Deo, similiter & quum essent in camino. At non item vos, sed quum multo leviora patiamini quam illi, frequenter etiam iuste meritoque, non definitis innumera imprecari mala: hic dicit, dejice inimicum, quemadmodum demersisti currum Pharaonis: alius dicit, percutite carnem illius: Rursus alius dicit, vindictam transfer in liberos. An non agnoscitis hæc verba? unde igitur nobis hic risus? Vides quam sint deridicula, quum ab his dicantur qui commoti non sunt. Quin & omne peccatum tunc demum apparet quam sit foedum, quum illi detraxeris affectionem ejus qui facinus commisit. Et si irato revoces in memoriam verba quæ dixit commotus, abdet se ac deridebit seipsum, cupietque vel innumera mala fuisse passum potius quam ea verba esse ipsius. Et si impudicum post coitum reduxeris ad mulierem quam stupravit, etiam hic illam averfabitur ut abominandam. Sic & vos qui vacatis talibus affectibus, ridetis nunc: ridicula sunt enim hæc & anicularum verba, ebriorum ac muliebris pusillanimitatis. Quin & Joseph tentatus, & in servitutem deductus, quum etiam carcerem incoluisset, ne sic quidem emisit verbum amarum adversus eos qui fuerant dolorum auctores, sed quid dicit? *Furtim sublatum sum e terra Hebraeorum*: nec addit a quo fuerat sublatum, propterea quod puderet ipsum fratrum malorum, magis quam ipsos qui fecerant ea. Ad hunc modum decet & vos affectos esse, ut magis doleatis pro his qui vos insectantur, quam ipsi dolent pro se. Noxa siquidem ad illos pervenit. Proinde quemadmodum qui calcitrant adversus clavos, & interim elato sunt animo, ob insaniam misericordia digni sunt ac lamentis: sic qui lædunt eos a quibus nihil passi sunt mali, non imprecationibus, sed multis complorationibus ac lamentis digni sunt, ut qui suas ipsorum vulnerant animas. Nihil enim detestabilius animo alium devovente, neque quicquam impurius lingua talia exhalante. Homo es, ne virus aspidum evomas. Homo es, ne vertaris in feram. Ideo tibi datum est os, non ut mordeas, sed ut medearis aliorum vulneribus. *Memineris quid tibi præceperim*, inquit Deus, *videlicet ut condones atque ignoscas*. At tu me imploras uti tibi confortem me præbeam ad subvertenda præcepta mea. Comedis fratrem, ac furentium ritu cruentas linguam ac dentes membrorum tuorum sanguine. Ut putas Diabolum ridere, quum talia audit vota? quomodo putas Deum irritari & averti, quum talia postulas? Qua re nihil fieri potest sceleratius. Nam si fas non est audire mysteria cum qui habet inimicum, an non a cancellis arcendus est, qui non solum habet, verum etiam adversus illum fundit preces? Hæc itaque cogitantes, & hujus sacrificii materiam esse scientes, quod pro inimicis immolatus est Dominus, neque nos quenquam habeamus inimicum, & si quem habuerimus, pro illo oremus, ut & nos peccatorum nostrorum veniam consequamur, & cum fiducia stemus ad tribunal Christi, cui gloria & imperium in secula seculorum, Amen.

H O M I L I A V I.

CAP. III. 1. **I**ncipimus iterum nos ipsos commendare, aut num egebimus ut quidam commendatitiis Epistolis ad vos, aut ex vobis commendatitiis. Quod ab aliis futurum erat ut objiceretur, videlicet quod seipsum efferret, id occupans ipse commemorat, licet & superius tanta correctione sit usus, quum diceret: *Adhuc quis idoneus? & ex sinceritate loquimur*: haud tamen illis contentus est. Siquidem hic Pauli mos est, ut semper sibi videatur magni quippiam de se loqui, eoque procul ab hoc vitio sese submovet, ex abundanti summa cautione id vitans. At tu mihi hinc considera eximiam Apostoli sapientiam. Rem enim quæ videtur esse tristis, afflictionem dico, usque adeo extulit, adeoque demonstravit esse splendidam & illustrem, ut ex his quæ dixit, hæc illi exstiterit obiectio. Facit autem idem sub finem Epistolæ. Postquam enim recensuisset innumerabilia discrimina, contumelias, angustias, necessitates, & quæcumque sunt hujus generis, subjunxit dicens: *Non nos ipsos commendamus, sed vobis*

A *occasionem dantes gloriandi*. Ac rursus idem illic ponit acriter, cumque majore delinitione, Nam hic quidem caritatis verba sunt: *Aut num egemus ut quidam commendatitiis Epistolis?* illic vero verba etiam spiritu quodam plena sunt; Necessario simul & utiliter, tum spiritu tum iracundia plena sunt. *Non enim*, inquit, *nos ipsos iterum commendamus, sed occasionem dantes vobis gloriandi*. Ac rursus, *putatis quod nos vobis excusamus, quod in conspectu Dei, in Christo loquimur*. Metuo namque ne quum venero non quales volo reperiam vos, & ego reperiar vobis qualem non vultis. Etenim ne videretur in assentationis venire suspensionem, quasi venans ab illis honorem, hæc dicit, *Metuo ne quum venero non quales volo reperiam vos, & reperiar vobis qualem non vultis*. Sed hæc quidem post multas inculpationes, in initio vero non item, sed mitius loquitur. Sed age, iniques, quid est quod dixit? De tentationibus ac periculis locutus est, quodque ubique velut in pompa circumfertur a Deo in Christo, quodque totus terrarum orbis novit hos triumphos. Quoniam igitur magnifica de se locutus est, obicit sibi ipsi dicens, *Incipimus iterum nos ipsos commendare*. Sermonis hujus sensus est hic. Fortassis quispiam nobis contradicturus est, *Quid istuc, Paule? hæc de teipso dicis, ac teipsum laudibus vehis?* Hanc itaque suspicionem diluens ait, *Non hoc volumus, nimirum ut nosmet ipsos ostentemus, ac nos ipsos efferamus: sed adeo non egemus commendatitiis Epistolis ad vos, ut vos Epistolæ loco habeamus*.

C *Nam Epistola nostra*, inquit, *vos estis*: si sit opus nos apud alios commendari, vos utique produceremus in medium Epistolæ vice. Quod idem dixerat in prior Epistola, *Signaculum enim Epistola mea, vos estis*. Verum non eundem ad modum hic loquitur, sed cum ironia quadam, quo sermo feriat acrius. *Aut num opus habemus commendatitiis Epistolis?* Tecte notans pseudapostolos, adjecit, *ut quidam apud vos, aut ex vobis Epistolis commendatitiis ad alios?* Mox quoniam hoc dictum erat gravius, lenit his quæ sequuntur, dicens: *Epistola nostra vos estis, inscripta in cordibus vestris, quæ cognoscitur ab omnibus, dum manifestatis quod estis Epistola Christi*. Hic non solum illis testimonium perhibet, quod caritatem habeant, verum etiam quod multa recte gesserint, siquidem idonei sunt, qui per suam virtutem cunctis hominibus demonstrarent Magistri dignitatem. Nam hoc est quod ait, *Epistola nostra vos estis*. Quicquid enim illud est, quod eas fecit litteras, quæ commendant nos redduntque nos reverendos: hoc vos facitis, dum & vident vos, & de vobis audiunt omnes, propterea quod discipulorum virtus præceptorem ornare solet, & commendare plusquam ulla possit Epistola. *Inscripta in cordibus vestris*, hoc est, *quam omnes norunt*, adeo vos ubique circumferimus, & in animo habemus: quasi dixisset, commendatio nostri apud alios vos estis, gestamus enim vos in corde assidue, & apud omnes vestra benefacta celebramus. Proinde tantum abest, ut quo simus apud alios commendati, egeamus commendatitiis Epistolis vestris, ut ne in hoc quidem apud vos egeamus commendatione, quod magnopere vos diligam. Quid enim opus est litteris apud eos, qui te probe norunt? Vos autem in hoc pectore nostro estis. Nec simpliciter dixit *estis*, sed addit *inscripti*, hoc est, ne excidere quidem potestis. Siquidem ut ex litteris qui eas legunt, ita ex corde nostro, qui hoc norunt, sciunt omnes caritatem nostram quam habemus erga vos. Itaque si in hoc adhibentur litteræ, ut ex his constet hunc aut illum mihi esse amicum, utque commendatus curæ sit, sufficit nostra caritas ad totum hoc efficiendum. Sive enim venerimus ad vos, non opus habemus aliis per quos commendemur, quum amicitia nostra jam hoc officii anticiparit: sive ad alios eamus, non egemus iterum litteris quum harum vice nobis eadem rursus sufficiat caritas, quando circumferimus Epistolam in cordibus nostris.

F *Post hæc amplius illis attollens, etiam Christi vocat Epistolam, dicens: Dum manifestamini quod estis Epistola Christi*. Hæc loquutus, jam argumentum & initium inde sumit, submovendi legis ritus. Quamquam & alioqui suam hoc dicit esse Epistolam. Superius enim nomi-

nominat eos, tanquam ab illis commendatus esset, eo-
que suam illos vocat Epistolam: hic eosdem appellat
Epistolam Christi, tanquam qui legem Dei habeant de-
scriptam in cordibus, propterea quod quæ Deus voluit
esse nota, cum omnibus tum vobis, ea descripta sunt in
cordibus vestris. Nos porro præparavimus vos ad exci-
piendas litteras. Quemadmodum *Moses* lapides ac tabu-
las celte adornavit, Sic nos apparavimus animos vestros,
eoque dicit, *ministrata a nobis*. Quanquam in hoc pares
erant. Siquidem a Deo descriptæ sunt, & hæ litteræ a
Spiritu Dei. Ubi igitur differentia? *Inscripta non atra-
mento, sed gratia, a Spiritu Dei viventis, non in tabulis
lapideis, sed in tabulis cordis carnalibus*. Æquale autem
est, quod interest, Interest inter Spiritum & atramen-
tum, item inter lapideam tabulam & carneam. Tantum
est discriminis inter hæc & illa: igitur & qui hæc admi-
nistrarunt, differunt ab eo qui illa ministravit.

- Quoniam igitur hoc magnifice dixit, mox corripit
seipsum dicens, *Fiduciam autem hanc habemus per Chri-
stum apud Deum*. Rursum totum Deo adscribit; Nam
horum, inquit, nobis auctor est Christus, *non quod ido-
nei simus a nobis ipsis aliquid cogitare quasi ex nobis ipsis*. Vi-
de rursus & alteram correctionem, siquidem hac virtute
insigni præditus fuit *Paulus*, videlicet modestia: Ideo-
que si quid magnifice dixerit de se, omne studium ac
celeritatem adhibet ad omnibus modis mitigandum
quod dixit. Quod hic quoque facit dicens, *Non quod
idonei simus a nobis ipsis quicquam cogitare, quasi ex nobis
ipsis*; hoc est, non ita dicebam, *fiduciam habemus*, ut
id partim sit nostrum, partim sit Dei, sed totum illi at-
tribuo acceptumque fero. Nam *sufficiencia nostra ex Deo
est, qui etiam nos idoneos fecit ministros novi Testamenti*.
Quid est *ιδανωσεν*? fecit ut hoc præstare possimus, eique
muneri gerendo efficeremur accomodi. Neque vero
hoc exiguum est, ejusmodi tabulas & epistolas per or-
bem terrarum deferre, prioribus illis multo majores,
eoque subjunxit, *non litteræ, sed spiritus*. Ecce rursus alia
differentia. Quid igitur, an lex illa non fuit spiritualis?
Quomodo ergo dicit, *Scimus quod lex spiritualis est*? Spi-
ritualis quidem, at non præbebat spiritum. Non enim
spiritum attulit *Moses*, sed litteras. Nobis autem credi-
ta est potestas dandi spiritum. Unde & profequitur idem
dicens: *Littera occidit, spiritus autem vivificat*. Porro hæc
non temere dicit, sed illos tacite taxans, qui sibi place-
rent ob ritus *Judaicos*. Cæterum *litteram* hic vocat legem,
quæ punit delinquentes, *spiritum* vero gratiam,
quæ per baptismum vivificat a peccatis mortificatos.
Quum enim dixisset differentiam quæ venit ex natura
tabularum, non immoratur illi, sed illam prætercur-
rens, gratiam effert, qua potissimum capere poterat
auditorem, utilitatis ac facilitatis illecebra. Neque enim
laborem habet, inquit, & amplius confert donum;
Nam si de Christo differens illa potissimum commemo-
rat, quæ magis declarant illius caritatem erga genus hu-
manum, quam dignitatem, quæque nos amore mutuo
copulant, multo magis idem necessario facit de Testa-
mento loquens. Quid igitur sibi vult, quod dicit, *litte-
ra occidit*? Dixerat *in tabulis lapideis, & in cordibus car-
neis*. Nondum magnum discrimen visus est dicere, ad-
jecit quod illa littera sive atramento, hæc spiritu descri-
pta sit. Ne id quidem prorsus illos excitaret: jam dicit,
quod sufficiat illis expergefaciendis: altera, inquit, oc-
cidit, altera vivificat. Quid autem hoc est? In lege qui
peccatum habet, punitur: hic autem qui habet pecca-
ta, accedens baptizatur, & fit justus. Justus autem fa-
ctus vivit liberatus a morte peccati. Lex si prehenderit
homicidam, tollit e vivis: gratia si acceperit homici-
dam, illuminat ac vivificat. Et quid dico homicidam?
Qui ligna sabbato collegerat, lex lapidavit etiam, hoc
est, *littera occidit*. Innumerabiles homicidas ac latrones
recipit gratia, ac baptizans eos, liberat a malis priori-
bus, hoc est, *spiritus vivificat*; lex e vivo reddit mor-
tuum quem capit, hæc e mortuo facit vivum. *Venite ad
me qui laboratis & onerati estis, & ego reficiam vos*. Non
dixit, puniam vos, sed reficiam vos. Nam in baptisma-
te sepeliuntur peccata, delentur priora, vivificatur ho-
mo: velut in tabula, ita in corde illius describitur omnis

A gratia. Proinde cogita quanta sit spiritus dignitas, quum
illius tabulæ sint meliores prioribus, quum ipsa etiam
resurrectione majus quiddam exhibeatur. Nam hæc
mortificatio unde liberat, priore gravior est, tantoque
gravior, quanto melior est anima corpore. Tum hæc
mors per illam inducta est, vita per gratiam quam spiri-
tus dat. Quod si hanc vitam donare potest spiritus, mul-
to magis illam hac inferiorem. Nam illam Prophetæ
contulerunt, hanc vero non item. *Nullus enim potest re-
mittere peccata, nisi solus Deus*. Tamen si ne illam quidem
abique spiritus præsidio contulerunt Prophetæ. Sed non
hoc tantum est mirabile, quod vivificat, verum
etiam quod aliis quoque præstat id faciendi potesta-
tem, *Accipite, inquit, Spiritum sanctum*. Quamobrem?
An sine Spiritu non potuissent remittere peccata? Po-
tuissem, sed ostendens Deus quod hoc facere sit supre-
mæ potestatis, ac regalis illius naturæ, quodque Spiri-
tus eandem habeat vim, hoc dicit. Unde adjungit, *quo-
rumcunque remiseritis peccata, remittuntur eis: & quorum
retinueritis, retenta sunt*.

B Posteaquam igitur vivificavit nos, maneamus viven-
tes, nec rursus ad priorem mortem revertamur. Nam
*Christus non amplius moritur, quod enim mortuus est pec-
cato, mortuus est semel*, neque vult nos semper servare
per gratiam, alioqui nos vacui futuri sumus omnium.
C Quapropter vult a nobis quiddam inferri. Offeramus
igitur aliquid, & animam vivam conservemus. Quid est
autem vita animæ? A corpore disce: Tum enim dici-
mus vivere corpus, quum recto integroque vadit in-
cessu: cæterum ubi dissolutum inardescit, & incompo-
site movetur, etiam si videatur vivere aut ingredi, qua-
vis morte inferior est ea vita. Item si nihil loquatur sani,
sed attonitorum verba profert, si alia pro aliis videt, ta-
lis rursus miserabilior est vita defunctis. Itidem anima si
nihil habet sani, etiam si videatur viva, mortua est:
quum aurum non intuetur ut aurum, sed ut magnum
quiddam ac pretiosum: quum de futuris non cogitat,
quum humi serpit, quum alia pro aliis agit. Unde enim
liquet nos animam habere? nonne ab actionibus? Quo-
ties igitur non peragit sua munia, nonne mortua est?
D Quemadmodum quando non exercet sese ad virtutem,
sed rapit legesque violat, qui possim dicere quod animam
habeas? An quod ingrederis? Atqui isthuc etiam bruto-
rum est. An quod edis ac bibis? Atqui idem faciunt &
feræ. An vero quod erectus duobus insistis pedibus? At
istuc mihi declarat potius te feram esse humana specie.
Etenim quum cætera quidem habeas cum bestia commu-
nia, corporis rectitudinem non item, magis me terres
ac pavorem injicis, dum portentum esse puto quod ap-
paret. Nam si bestiam viderem humana voce loquen-
tem, haud quaquam eo dixerim hominem esse, sed
potius ob hoc ipsum dicerem esse bestiam, quavis bestia
prodigiosior. Unde igitur potero cognoscere, quod
animam habes hominis, quum calcitres asinorum more,
quum laceffitus effereris ut cameli, quum mordeas ut
ursi, quum rapias ut lupi, quum fureris ut vulpes,
quum sis dolosus ut serpentes, quum impudens sis ut
canes, unde possum cognoscere, quod animam habes
hominis? Vultis ostendam vobis animam vivam & mor-
tuam? Revocemus denuo sermonem ad illos priscos vi-
ros, ac, si videtur, divitem illum, qui *Lazarus* tempore
fuit, in medium proferamus, ita sciemus, quæ sit ani-
mæ mors. Nam ille mortuam habebat animam, id quod
ex iis quæ faciebat erat perspicuum. Nihil enim agebat
eorum, quæ sunt animæ munia. Sed tantum edebat,
bibebat, ac deliciabatur. Ejusmodi sunt & hodie immi-
sericordes & immites, quandoquidem & hi mortuam
habent animam, quemadmodum & ille, quoniam to-
tus calor dilectionis erga proximum consumtus est, at-
que est quovis exanimi corpore magis mortua. At pau-
per non est hujusmodi, sed in ipso philosophiæ fastigio
stans refulget, cumque fame luctans decertat, necessa-
riis etiam alimentis destitutus; At ne hic quidem quic-
quam contumeliosum prolocutus est in Deum, sed omnia
fortiter ferebat. Hoc autem non est mediocre opus ani-
mæ, sed vigoris ac sanitatis indicium maximum. Quum
vero hæc non adfuerint, nimirum mortificatus homo
perit.

perit. Agedum, num illam animam dicemus mortuam, cui infidet Diabolus, verberans, stimulans, mordens, calcitrans, nec illa quicquam horum sentit? Sed jacet exanimata, nec dolet suis facultatibus spoliata? Ille quidem insultat, hæc vero manet immobilis, nec sentiens quidem, non aliter quam corpus a quo discessit anima. Quoties enim non adest vehemens timor Dei, talis sit anima necesse est, ac mortuis infelicio. Neque enim in tabem, cinerem ac pulverem resolvitur anima, quemadmodum corpus: sed in his foetidiore, in ebrietatem, in iracundiam, in avaritiam, in absurdos amores, in importunas cupiditates. Quod si cupis plenius scire, quam graviter oleat, da mihi puram animam, ac tum perspicue videbis, quam male oleat turpis hæc & impura. Nunc enim non poteris perspicere, propterea quod quamdiu sumus assueti graveolentiæ, non sentimus eam. At ubi versati fuimus in verbis spiritualibus, tum sciemus, quantum sit illud malum, licet hoc plerisque videatur indifferens. Nondum loquor de gehenna, sed si vultis, quæ præsentis vitæ sunt expendamus. Non de eo loquor, qui turpia facit, sed qui turpia loquitur. Quam is est ridiculus, quomodo seipsum primum afficit contumelia, perinde ac si quis cœnum aliquod emittat ex ore, ita seipsum polluit. Quod si hic fluxus impurus est, cogita qualis sit hujus cœnifons. *Ex abundantia enim cordis os loquitur.* At ego non id solum deploro, verum etiam illud, quod hoc nonnullis ne videatur quidem indecorum. Hinc omnia crescunt mala, quum peccavimus, nec videmur nobis delinquere. Vis igitur scire, quantum sit malum, turpia loqui? Considera audientes, quomodo rubore suffunduntur, dum tu loqueris indecora. Quid enim vilius est homine turpiloquo? quid contemptius? Nam tales se conjiciunt in mimorum ordinem, in sodalitatem mulierum corpore quæstum facientium. Quin potius illæ magis erubescunt quam vos. Quo pacto poteris uxorem ducere pudicam, quum istis exemplis doceas illam ad lasciva verba prorumpere? Satiusest purulentiam ab ore demittere, quam verbum obscenum. Nunc si foeteat os, ne cibum quidem una capere sustines, at quum tantus foetor sit in animo, dic mihi, audes communicare mysteriis? At si quis vas impurum alicunde capiat, deponatque in mensa tua, fustibus illum exacturus sis. Porro Deum in ipsius mensa, nam mensa illius est os nostrum, eucharistia plenum, quum verba adferas, quovis impuro vase sordidiora, obsecro te, non putas ad iram provocari? Et quomodo id fieri possit. Nihil enim perinde offendit sanctum ac purum, ut hujusmodi verba. Nec alia res æque improbos & inverecundos facit, ut talia vel dicere vel audire. Nihil ita dissolvit nervos pudicitiae, ut per hæc emicans flamma. Unguentum in ore tuo posuit Deus, tu vero cadavere foetidiora ibi reposuisti verba, ipsamque interius animam torpidam & immobilem reddis. Siquidem quum profers contumeliam, non est ea vox animæ, sed iræ: quum obscena loqueris, non illa locuta est, sed intemperantia: quum maledicis, invidia: quum insidiaris, avaritia. Nam hæc non sunt animæ, sed cupiditatum ac morborum illius. Quemadmodum corrumpi non simpliciter est corporis, sed mortis & concupiscentiæ, quæ est in corpore, ita hæc sunt non animæ, sed cupiditatum quæ illi agnatae sunt. Quod si vis audire vocem animæ viventis, audi Paulum dicentem, *Habentes alimenta, & quibus tegamur, his contenti erimus.* Item, *est ingens proventus pietas: & mihi mundus crucifixus est, & ego mundo.* Audi Petrum dicentem, *Argentum & aurum non suppetit mihi, quod autem habeo tibi do.* Audi Job, etiam gratias agentem ac dicentem, *Dominus dedit, Dominus abstulit.* Hæc viventis animæ verba sunt, hæc sunt animæ propriam exferentis vim. Similiter & Jacob loquebatur, *Si Dominus dederit mihi, panem ad edendum & vestem ad amictum.* Sic Joseph, *Quomodo faciam verbum hoc malum, & peccatum in conspectu Dei?* At non itidem illa barbara, sed perinde quasi temulenta ac delirans ita loquitur, dicens, *dormi mecum.* Hæc scientes, suspiciamus animam viventem, fugiamus mortuam, ut æternam consequamur vitam, quod nobis contingat per gratiam ac benignitatem Domini nostri Jesu

Christi, per quem & quicum Patri una cum sancto Spiritu gloria, imperium, honor nunc & semper, & in secula seculorum, Amen.

H O M I L I A V I I.

QUOD si administratio mortis in litteris, deformata est. 7. 8. *in lapidibus fuit in gloria, adeo ut non possent intendere filii Israel in faciem Mosi, propter gloriam vultus illius, qua evacuabatur, quomodo non magis administratio Spiritus erit in gloria?* Dixerat quod tabulæ Mosi lapideæ fuerant, quodque litteras habebant, præterea quod hæc tabulæ carneæ, videlicet Apostolorum corda, Spiritu fuerint descriptæ: dixerat quod littera occidit, spiritus vero vivificat: restat ut huic comparationi & aliud quiddam adjungeret, idque non exigui momenti: nimirum gloriam Mosi, quam hic nemo vidit in novò Testamento, corporeis duntaxat oculis. Atque ob hoc ipsa magna videbatur. Nam sensibilis erat gloria, quando corporalibus oculis cernebatur, licet esset inaccessa. Contra novi Testamenti gloria res est intellectus. Neque enim perspicue tanta sublimitas infirmis percipi potest. Sed illa magis attollebat Judæos, atque in se convertit. Ergo quoniam in hanc incidit comparationem, conaturque demonstrare novi Testamenti præminentiam, quod erat perdifficile ob auditorum crassitudinem, vide quomodo se gerat, & quibus rationibus rem tractet: principio functionum differentias indicans, easque inter se committens ex his quæ superius dicta sunt; Nam si illa ministratio fuit mortis, hæc vitæ, nihil est dubitandum, quin & hæc gloria major sit illa. Quoniam igitur eam non potuit oculis corporeis ostendere, collectione exhibet illius eminentiam, dicens: *Quod si administratio mortis fuit in gloria, quomodo non magis administratio Spiritus erit in gloria?* Administrationem autem mortis, ipsam dicit legem. Vide interim quomodo in ipsa etiam comparatione diligenter cavet, ne quam anam præbeat hæreticis. Non enim dixit, Lex facit mortem, sed, est administratio mortis. Ministrat enim in mortem, non item ipsam mortem. Nam quod gignit mortem, peccatum erat: hæc autem poenam induxit, & peccatum ostendit, non genuit. Retexit enim evidentius malum, ac punit, non autem impulit ad malum: fuitque ministra non ut fieret peccatum aut mors, sed ut qui peccatum admiserat daret poenas. Unde fit ut peccatum hac ratione sustulerit. Siquidem lex dum ostendit peccatum usque adeo formidabile, hoc ipso reddit illud manifestum ac proinde fugiendum. Quemadmodum igitur qui gladio arrepto nocenti caput amputat, minister est judici ferentis sententiam, nec ipse est qui interfecit hominem, licet amputet illi caput: ut ne is quidem, qui pronuntiavit mortis sententiam, quique reum condemnavit, occidit illum, sed ipse qui punitur, iniquitas: itidem & hic non ipsa lex interficit, sed peccatum, hoc & occidebat & condemnabat. Hic vero dum punitur, contraxit vim peccati, metu supplicii cohibens illud. At non sat habuit hoc solum protulisse ad eminentiæ probationem, verum & aliud quiddam adjicit dicens, *In litteris deformata in lapidibus.* Vide ut rursus premit spiritus Judæicos. Nihil enim aliud erat lex quam littera. Nihil opis profiliebat ac spirabat a litteris, ad sublevandos eos qui periclitabantur, quemadmodum a baptismo: sed erant columnæ ac syngraphæ mortem adferentes his qui litteras transgrediebantur. Vides ut castigans Judæicam ambitionem, per ipsa quoque rerum vocabula tollit legis auctoritatem, lapideam illam appellans, & litteras, & ministrationem mortis: & illud insuper addens, quod fuerit deformata. His enim nihil aliud declarat, nisi quod uno in loco lex constituta sit, non quemadmodum spiritus ubique aderat, plurimum roboris inspirans omnibus: Aut illud indicat, quod multum terroris ac minarum inspirant litteræ, nec eas lex possit abolere, sed perpetuo maneant, veluti lapidibus inferruminatæ. Mox dum videtur laudare vetera, rursus admiscet accusationem Judæorum. Etenim quum dixisset *in litteris, deformata in lapidibus fuit in gloria*, subjunxit, *ut non possent intendere filii Israel in faciem Mosi:* quæ res arguebat magnam illorum tum imbecillitatem, tum humilitatem. Ac rursus non dicit, propter gloriam tabulæ

bularum, sed propter gloriam vultus quæ evacuatur. Nam indicat eum, qui portabat tabulas, fuisse glorificatum, non ipsas. Nec enim dixit, ut possent intendere in tabulas, sed in faciem Moysi: & iterum, non propter gloriam tabularum, sed propter gloriam vultus Moysi. Dein quorum extulerat hanc gloriam, vide ut rursus dejiciat dicens, quæ evacuabatur. Quanquam hæc non sunt accusantis, sed deprimentis. Non enim dixit, quæ corrupta est, aut mala est, sed quæ antiquatur, & finem accipit. Quomodo non magis administratio spiritus erit in gloria? Jam enim sumpta fiducia, attollit novi Testamenti dignitatem, velut indubitabilem. Ac vide quid agat: lapidem, cor & litteram, opposuit spiritui. Deinde quum indicasset quæ ex utrisque nascerentur, non postea commemorat quæ ex utrisque proficiuntur, sed quum commemorasset e littera nasci mortem & condemnationem, non addit quid proveniat e spiritu, videlicet vitam & justitiam, sed ipsum ponit spiritum: qui majorem sermonis partem occupat, propterea quod novum Testamentum, non modo vitam dabat, verum & Spiritum subministrabat vitæ largitorem, qui longe potior ac major est ipsa vita. Quapropter dixit, administratio spiritus. Mox denuo hoc idem circumverfat, dicens, Quod si ministratio damnationis est gloria: ac dilucidius enarrat quid sit, littera occidit, ad hunc loquens modum: quod prius diximus legem ostendere peccatum non gignere, multo magis administratio justitiæ abundat in gloria. Siquidem illæ tabulæ peccatores arguebant ac puniebant, hoc autem novum Testamentum, peccatores non solum non punit, verum etiam iustos reddidit. Nam hoc largiebatur baptismus. Nec enim glorificatum est, quod erat glorificatum in hac parte, propter supereminentem gloriam. In superioribus igitur ostendit, quod & hoc fieret in gloria, non simpliciter in gloria, sed excelleret etiam. Neque enim dixit, quomodo non magis administratio spiritus erit in gloria, sed abundat in gloria, demonstrata ex supradictis rationibus eminentia. Hic etiam quanta sit excellentia demonstrat, dicens: Si hanc illi compararo, ne gloria quidem veteris Testamenti gloria sit, sic temperans sermonem, non ut simpliciter neget esse gloriam, sed duntaxat in ratione comparisonis: eoque subjecit, in hac parte, hoc est, juxta rationem collationis. Haud tamen reprehendit vetus Testamentum, sed vehementer etiam commendat. Siquidem comparationes in rebus cognatis fieri solent. Post hæc movet & aliam rationem, etiam aliunde declarantem novi Testamenti præminentiam. Quænam hæc est? Eam a tempore sumit, dicens: Quod si id quod antiquatur in gloria est, multo magis quod manet, erit in gloria. Illud enim cessavit, hoc manet jugiter.

§. 12. Habentes igitur ejusmodi spem, multa fiducia utamur. Posteaquam enim auditor, tot tantaque audisset de novo Testamento, jamque gloriam oculis evidenter ostendi postularet, quo liceret illam intueri, vide quo pacto illum subito rejicit ad futurum seculum, spem in medium proferens ac dicens, Habentes igitur ejusmodi spem. Talem, quantam? Quoniam majoribus nos dignatus est Deus, quam Moysen. Non solum nos Apostoli, sed & omnes fideles multa fiducia utimur. Cedo, erga quem? Erga Deum, an erga discipulos? Erga vos, inquit, quos instituimus: hoc est, ubique libere loquimur, nihil coelantes, nihil subtrahentes, nihil dissimulantes, sed manifesto loquentes, nihilque metuentes, ne præstringamus vobis oculos, quemadmodum Moyses Judæorum oculos præstrinxit. Quod autem hoc innuit Apostolus, audi quæ sequuntur. Quin potius historia prius erit narranda quam ipse Paulus assidue celebrat. Quæ est igitur historia? Quum Moyses denuo sumit tabulis descenderet, gloria quædam promicans e vultu ejus, adeo submovit Judæos, ut neque possent intueri ipsum neque colloqui, donec velamine tegeret faciem. Atque ita scriptum est in Exodo: Quum descenderet Moyses de monte, dua tabula erant in manibus ejus: Et non noverat Moyses, quod est glorificatus aspectus faciei ipsius, metueruntque appropinquare illi. Et vocavit illos Moyses locutusque est ad illos. Et quum jam cessasset Moyses loqui ad illos, imposuit velamen super faciem suam. Quum vero introires ut loqueretur co-

ram Domino, tollebat velamen donec egrederetur. Hanc igitur historiam referens dicit: Et non quemadmodum §. 13. Moyses ponebat velamen super faciem suam, quod non possent intendere filii Israel in faciem ejus quod evacuatur. Quod autem dicit hunc habet sensum: Nihil est necesse velare nos quemadmodum velatus est Moyses. Possumus enim intendere oculos in hanc gloriam qua circumdamur, licet multo major ac vehementior sit illa. Vides profectum. Etenim qui in superiore Epistola dixerat, Lac vobis bibendum dedi, non cibum: hic dicit, multa fiducia utimur, ac Moysen in medium adducit, sermonem comparatione prosequens, atque hac ratione subvehens auditorem. Et hæcenus nos Judæis anteponit, dicens, Non egemus velamine sicut illi, in his qui incipiunt.

B Quæ vero sequuntur etiam ad ipsam legislatoris auctoritatem refert, aut etiam multo magis. Nunc autem quæ sequuntur audiamus. Sed excacati sunt sensus eorum. Uf. §. 14. quæ ad hodiernum enim diem, idem velamen in lectione veteris Testamenti manet non revelatum, quod in Christo antiquatur. Vide quid per hæc aggrediatur. Quod factum in Moysen, tunc semel factum est, hoc quod fit, in lectione legis perpetuo fit. Haud tamen quod dictum est, legis est accusatio, quemadmodum nec Moysi tum velati, sed Judæorum legem prævaricantium. Nam illa suam habet gloriam, sed isti illam intueri non poterant. Quid igitur, inquit, admiramini, si in hanc gratiæ gloriam non possint intueri, posteaquam quæ minor erat Moysi videre non sustinuerunt, nec in illius faciem potuerunt oculos intendere. Quid autem turbamini, si non credunt Judæi Christo, quando ne legi quidem credunt. Ob hoc ipsum enim gratiam ignorant, quoniam nec vetus Testamentum inspexerunt, nec quæ in illo est, gloriam viderunt. Siquidem legis gloria est, ad Christum converti. Vides ut hic quoque dejicit Judæorum fastum. Unde videbantur cæteris potiores quod Moysi facies refulsisset, hinc demonstrat illorum hebetudinem, & animos humi repentes. Ne igitur eare se venditent. Quid enim hoc ad Judæos, qui frui non potuerant? Unde Paulus hoc subinde repetit: interdum dicens, quod idem velamen in lectione veteris Testamenti manet non revelatum, quod in Christo antiquatur. Interim vero, quod ad hodiernum usque diem, quum legitur Moyses, idem velamen super cor illorum positum est, significans illud tum in lectione, tum in corde impositum esse. Superius vero dixerat: ut non intenderent filii Israel in faciem Moysi, propter gloriam vultus ejus, quæ antiquatur: quo fieret etiam vilius, quando ne evanescentem quidem gloriam, imo quum comparatio nulla esset, spectare potuerunt: sed absconditur ab illis ne possent intendere in faciem ejus quod evacuatur, hoc est, in finem legis, quoniam finem habet, sed excacati sunt sensus illorum. Et quid hoc, inquiet aliquis, ad velamen illud? Quoniam ea velatio futuram nobis ante depinxit. Non enim tum temporis solum non viderunt, sed ne nunc quidem vident legem. Causa ab ipsis venit, propterea quod excacati sunt animi stupidi & intractabiles, quemadmodum contra sumus qui legem novimus. Illis vero non solum gratia, verum etiam ipsa lex obumbrata est: usque ad hodiernum enim diem, inquit, idem velamen in lectione veteris Testamenti manet non revelatum, quod in Christo antiquatur. Cæterum quod dicit tale est. Hoc ipsum non possunt intelligere quod cessavit lex, eo quod non credunt Christo. Nam si per Christum cessavit, sicut revera cessavit, & ipsa lex hoc occupans prædixit: quæ fieri potest ut qui Christum non recipiunt, per quem lex antiquata est, videant legem esse antiquatam? Hoc autem quum videre non sustineant, perspicuum est eos etiam ipsius legis hæc dicentis vim & universam gloriam ignorare. Et ubi, inquiet aliquis, dixit hoc lex, quod in Christo antiquatur? Non dixit solum, sed & factis ostendit. Ac primum quidem per hoc, quod unctiones & omnem sanctificationem in uno loco concluderit, videlicet in Templo, & hoc ipsum Templum postea sustulit. Nisi enim voluisset hostias & universam de his legem cessare, alterum e duobus fecisset, aut nequaquam sustulisset Templum, aut eo sublato non prohibuisset alibi sacrificia fieri. Nunc vero quum nusquam

in

in universo terrarum orbe, ac ne *Hierosolymis* quidem ejusmodi ritibus locum dederit, sed solum Templum illis reliquerit, & ad sacrificandum designarit, mox & illud sustulerit, ipsis rebus perfecte declaravit legem per Christum abrogatam esse, quando Templum Christus sustulit. Quod si libet, & verbis audire demonstrari, quomodo per Christum antiquata sit lex, ausculta ipsum legislatorem hoc pacto loquentem, *Prophetam vobis suscitabit Dominus ex fratribus vestris, tanquam me, ipsum audietis in omnibus quae praeceperit vobis: & erit omnis anima, quae non auscultarit illi Propheta, disperdetur.* Vides quomodo demonstravit lex, quod in Christo cessaret. Nam hic Propheta, nimirum Christus juxta carnem, cui auscultari iussit *Moses*, & sabbatis, & circumcissioni, & cæteris omnibus finem imposuit. Quin & *David* hoc ipsum declarans dixit de Christo, *Tu Sacerdos secundum ordinem Melchisedech*, non secundum ordinem *Aaron*: eoque *Paulus* hoc evidenter interpretans dicit, quod *translato Sacerdotio, necessario fiat & legis translatio.* Ac rursus alibi dicit: *Sacrificium & oblationem noluisti, holocaustumata & pro peccato non probasti: tunc dixi, ecce venio.* Quin & alia plura testimonia e Scriptura veteri producere liceat, quibus declaratur, quomodo per Christum antiquatur lex. Itaque quum recesseris a lege, tunc recte videbis legem. Cæterum quamdiu illam retines, neque credis Christo, nec ipsam nosti legem. Unde & subnectit hoc ipsum probans evidentius, *sed usque in hodiernum diem, quum legitur Moses, velamen cordi illorum impositum est.* Quoniam enim dixerat, *in lectione veteris Testamenti manet velamen*, ne quis existimaret hoc dicto notari legis obscuritatem, quemadmodum per alia superius hoc demonstrarat; Nam quum diceret, *obscurati sunt sensus illorum*, significat ipsorum esse culpam: ita hoc ipso loco rursus ostendit. Non enim dixit, in litteris manet velamen, sed *in lectione.* At lectio actus est legentium; Ac rursus *quum legitur Moses.* Quin hoc ipsum evidentius etiam expressit sermone sequente, quum ait, *non revelatum velamen, impositum est cordi illorum.* Nam nec in facie *Mosis* propter *Mosen* positum erat, sed propter illorum crassitudinem, mentemque carnalem. Ergo posteaquam illos satis redarguit, ostendit & correctionis modum.

§. 16. Quis autem hic est? *Ubi conversus fueris ad Dominum, tum auferetur velamen.* Vides hoc velamen non fuisse vultus *Mosaici*, sed *Judaici* aspectus. Neque enim id factum est quo cœlaretur gloria *Mosis*, sed ne illi eam conspicerent: Non enim erant capaces. Itaque hic illorum defectus erat. Nec enim ea res effecit, ut quicquam ignoraret *Moses*, sed illos submovit a cognitione. Nec dixit, ubi legem reliqueris, sed, ubi velamen apertum fuerit. Si enim converteris ad Dominum, tolletur velamen. Usque ad finem perstitit in historia. Quum enim *Judeos* alloqueretur *Moses*, velabat faciem suam: quum autem se converteret ad Deum, amotum erat velamen. Hæc porro erat figura futuri, videlicet quod posteaquam conversi fuerimus ad Dominum, tunc visuri sumus gloriam legis, nudamque legislatoris faciem. Quin potius non hoc tantum continget, quod tum futuri sumus etiam in ordine *Mosis*. Vides ut accusat *Judaum* de fide, declarans eum qui ad gratiam venerit, non solum posse videre *Mosen*, verum etiam in eodem cum legislatore ordine collocari. Non enim tantum, inquit, videbis gloriam quam tum non videbas, sed ipse in eadem futurus es gloria: atque adeo in longe etiam majore, & usque adeo magna, ut illa ne gloria quidem videatur huic comparata. Qui sic, & quo pacto? Quoniam qui conversus fuerit ad Dominum, coeperitque esse in gratia, ea fruetur gloria, ad quam comparata *Mosis* gloria in tantum sit inferior, ut ne gloria quidem sit. Et tamen quanquam exigua est, multoque intervallo abest ab hac Christi gloria, si *Judeus* sis, ne hac quidem dignus habebereis. Nunquam igitur *Judæi* illam viderunt, ne nunc quidem. Cæterum ubi fidelis factus fueris, dignus habebereis qui spectes illa multo majorem. Quum fidelibus loqueretur, aiebat ne glorificatum quidem fuit quod erat glorificatum, hic vero non eodem modo loquitur. Sed quo modo? *Ubi conversus fueris ad Dominum, auferetur*

velamen: paulatim illum subvehens, ac primum in ordine *Mosis* collocans, ac mox illum participem reddens rerum majorum. Quum enim videris *Mosen* in gloria, tunc jam converteris ad Dominum, ac majore hac gloria perfrueris. Vide igitur rursus ab initio quam multa posuerit discrimina, quæ declarant novi Testamenti ad veteris præminentiam, præminentiam inquam, non pugnam aut contrarietatem. Illud, inquit, littera est & lapis, ac mortis administratio, & antiquatur, & tamen ne hac quidem gloria digni habiti sunt *Judæi*. Hoc tabula carnea, & spiritus, & justitia, & manet, & omnes dignatione Dei ad illam admittimur, non unus tantum quemadmodum tunc *Moses* ad illam inferiorem gloriam admissus est. *Nos enim*, inquit, *omnes revelata facie gloriam Domini speculamur*, non *Mosis*. Cæterum quoniam id quod dictum est, *ubi conversus fueris ad Dominum*, quidam de filio dictum esse prædicant, vehementer repugnantes confessis & evidentibus: hoc ipsum exactius expendamus, primum eo posito, unde illi videntur argumentum sumere. Quid autem hoc est? Quemadmodum, inquit, aliqui Spiritus Deus, ita hic Spiritus Dominus. At non dixit, Spiritus Dominus, sed *Dominus Spiritus est*. Multum autem interest inter hanc & illam sermonis structuram. Etenim quoties voluerit ita loqui, quemadmodum tu putas, non addit articulum appositum. Quin potius videamus omnia denuo quæ differta sunt, quis sit ille de quo dixit: velut illud, *littera occidit, spiritus autem vivificat.* Ac rursus, *inscripta non atramento, sed spiritu Dei viventis*: utrum de Deo dixerit, an de Spiritu. Perspicuum est quod de Spiritu dictum sit, quandoquidem ad hunc illos vocabat a littera. Etenim ne quis audito Spiritus nomine, mox ita colligens, si *Moses* ad Dominum conversus est, ipse autem Dominus ad Spiritum, existimaret illum minus habere, corrigit hanc suspensionem dicens: *Dominus autem spiritus est.* Et hic, inquit, Dominus est. Atque ut intelligas de Spiritu fieri verba, subjunxit: *Ubi autem spiritus Domini, ibi libertas.* Neque enim profecto illud dicere possis Apostolum dicere: Dominus autem est Domini. Porro libertatem dixit, respiciens ad priorem servitutem. Deinde ne putares illum de futuro tempore loqui, ait: *Nos autem omnes revelata facie gloriam Domini speculantes*, non illam quæ cessat, sed manentem, *secundum eandem imaginem, transformamur a gloria in gloriam, tanquam a Domini Spiritu.* Vides ut rursus Spiritum ponit eodem ordine quo Deum. Atque ipsos subvehit in ordinem Apostolorum. Nam prius dixerat, *Epistola Christi estis*: hic vero, *nos autem omnes revelata facie.* At tale velamen haud portabant qui veniebant ad *Mosen*. Nos vero, inquit, quemadmodum non egemus velamine, ita nec vos, qui recepistis Evangelium. Et tamen multo major est hæc gloria. Non enim hic est nostri vultus, sed Spiritus. Nihilominus æque atque nos potestis in hanc intendere oculos. Illi nec per medium potuerunt, vos autem citra interventum potestis & majorem intueri gloriam. Illi in *Mosis* gloriam intueri non poterant, vos potestis etiam in Spiritus gloriam. Quod si Spiritus esset inferior, haud quaquam hæc commemorasset, ut illorum rebus majora. Sed quid est, *gloriam Domini speculantes, secundum eandem imaginem transformamur*? Evidentius quidem hoc declarabat, quum signorum dona in Apostolis operabantur. Quanquam haud erat difficile hoc ipsum perspicere, fideles habenti oculos. Simul enim speculamur, & ultra Solem refulget anima spiritu perpurgata: ac non solum intuemur in gloriam Dei, verum etiam inde recipimus splendorem quandam: non aliter quam si argentum ad Solis radios expositum, emittat & ipsum radios, licet non ex suapte natura solum, verum etiam ex Solis fulgore, Similiter & anima repurgata, & argento facta lucidior, accipit radium a gloria Spiritus, & hunc vicissim ex se remittit. Eoque dicit, *speculantes secundum eandem imaginem transformamur a gloria Spiritus in gloriam nostram* quæ in nobis gignitur, & quidem talis qualem convenit gigni a Domino Spiritu. Vides ut & hic Spiritum appellat Dominum. Quin & alibi videre licet Spiritus auctoritatem. *Ministrantibus*, inquit, *illis Domi-*

no, ac jejunantibus, dixit Spiritus, *Separate mihi Paulum & Barnabam*, ut ostenderet Spiritum honore æqualem Domino. Ac rursus Christus ait: *Servus non nocui, quid faciat Dominus ipse: spiritus autem qui est in homine, novit quæ sunt ejus*: ita novit quæ sunt Dei, non quod docetur. Nam imago non manet. Porro illud, *operatur autem prout vult*, indicat illius potentiam & auctoritatem. Hic transformatur, hic non finit nos conformari huic seculo, hic est opifex talis creaturæ. Quemadmodum enim dicit, *condisti in Christo Jesu: ita ait, cor mundum crea in me Deus, & spiritum rectum innova in visceribus meis*. Vis hoc tibi demonstrem evidentiis ab Apostolis? Cogita Paulum, nonne vestes illius vim exerebant? Cogita Petrum, nonne & umbra illius habebat vim? Neque enim si Regis imaginem gessissent, & splendor illorum submovisset ab accessu, tantum miraculorum vestes & umbra illorum edidissent. Nam Regis vestes etiam latronibus sunt formidabiles. Visne videre gloriam hanc etiam per corpus relucens? *Invenies*, inquit, *in faciem Stephani, viderunt tanquam vultum Angeli*. Verum nihil hoc ad fulgurantem gloriam. Sicut enim Moyses in facie velamen habebat, ita hi in animo velamen circumferebant, imo multo amplius. Quod enim in Moysi, sensibus erat expositum, hoc autem incorporale; Quemadmodum ignescunt a corporibus splendidis corpora, lucem suam in vicina transfundunt, atque de propria luce communicant: sic accidit & in fidelibus. Hanc ob causam videlicet subducuntur a terris, quibus hoc contigit, nec quicquam nisi celestia cogitant.

Hei mihi. Nam hic par est etiam amaro edere gemitus, quod quum tanta fruamur nobilitate, nec ea quidem scimus quæ dicuntur, eo quod res celeriter nobis pereant, & ad sensibilia obstupeamus. Siquidem hæc ineffabilis ac tremenda gloria, ad unum usque alterumve diem in nobis manet. Jam vero etiam illam extinguimus, inducentes negotiorum secularium hyemem, nubiumque densitate depellentes radios. Hyems enim est, cura rerum temporalium, atque hyeme tristior. Neque enim hic rigor aut pluvia nascitur aut lutum gignitur & profundus limus, sed quod est his omnibus gravius, gehennam gignit hæc hyems ac gehennæ mala. Et quemadmodum in vehemendi rigore congelascunt membra, suntque mortua: itidem & in peccatorum hyeme horritus animæ, nihil suorum officiorum peragit, concreta, velut a rigore conscientiae. Quod corpori frigus est, hoc est animæ mala conscientia. Unde & timiditas nascitur. Nihil enim formidolosius homine rebus temporariis affixo, propterea quod talis vivit vitam Cain, quotidie tremens. Quid autem commemorem, mortes, damna, offensiones, adulationes & obsequia, quandoquidem & præter ista innumerabiles metuit imutationes. Ac penu quidem auro refertum est, non tamen liber est a metu paupertatis. Idque meritissime, ut qui ancoram fixerit in rebus putribus ac volubilibus, etiam si ipse nullam patiatur mutationem, tamen in aliis eam conspiciens accidere, disperit. Atque quemadmodum adest multa timiditas, sic abest multa fortitudo. Non solum enim adversus pericula talis caret audacia, verum etiam ad cætera omnia. Quod si pecuniarum cupiditas irrueret, non tanquam vir ingenuus ac liber repellit incurfionem, sed velut ære emptum mancipium cuncta facit, quippe Domino moroso serviens avaritiæ. Sin formosam aliquam puellam conspexerit, protinus capitur attonitus, nec aliter quam canis rabiens sequitur, quum oportuerit illum secus facere. Quum enim videris mulierem formosam, ne huc intenderis animum quomodo potiaris cupiditate, sed quomodo libereris a concupiscentia. At qui poterit istuc fieri? dixerit aliquis. Neque enim meum est amare. Sed age, cujus Dæmonis igitur? Insultoris. Omnino Dæmonem esse putas qui tibi insidiatur. Luctare igitur ac pugna cum morbo. At non possum, inquis. Age hoc igitur primum te doceamus, tuæ esse fœcordiæ quod pateris, teque initio Dæmoni patefecisse aditum, atque etiam nunc si velis illum per facile repelles. Dic enim mihi, qui moechantur, utrum amantes moechantur, an simpliciter periculum appeten-

tes? Non dubium quum amantes. Num igitur veniam consequuntur? Nequaquam. Cur ita tandem? Quoniam ipsorum est peccatum. Sed quid, inquis, mihi necis syllogismos, ego mihi conscius quod cupiam excutere morbum, nec licet, sed instat ac premit, graviterque cruciat. Vis quidem excutere, homo, at non facis quæ sunt excutientium: sed perinde accidit tibi, quasi febri laborans, ac frigidis potionibus sese ingurgitans dicat: Quam multa excogito, cupiens extinguere febrem, at non possum, sed magis augment incendium. Videamus igitur, ne forte tu quoque, quum facias quæ inflammant, putes te excogitare quæ extinguunt. Non facio, inquis. Dic igitur, quid tandem aggressus es facere ad extinguendum morbum? Quid autem est omnino quod morbum auget? Nam nisi omnes hisce criminibus sumus obnoxii, plures reperiemus, qui pecuniarum quam corporum amore capiuntur. Sed commune remedium proponetur, tum his tum illis, quandoquidem & hic amor & ille pariter absurdus est, quanquam hic illo vehementior. Ubi igitur majorem superaverimus, non dubium est, quin minorem facile simus superaturi. Et qui fit, inquis, ut si hic vehementior est, non omnes eo malo capiantur, sed plures insaniant circa pecuniarum studium? Primum quod hæc cupiditas videtur carere periculo: deinde quod acrior est corporum amor, tamen citius quam ille extinguitur. Quod si perseveret, quemadmodum pecuniæ cupiditas, etiam funditus perdet quem ceperit. Age igitur de corporis amore vobis differamus, ac videamus, unde augeat malum. Sic enim sciemus, utrum nostrum sit crimen, an non sit. Et si nostrum est, omnia faciamus ut superemus. Sin nostrum non est, quid frustra vexamus nos ipsos? Cur vero non ignoscimus, sed reprehendimus eo malo captos? Unde igitur nascitur hic amor? Ex pulchritudine, inquis, vultus, quoties formosa ac speciosa fuerit quæ vulnerat. Ista frustra dicis præterque causam. Nam si forma pelleret amatores, omnes haberet amatores ea puella. Quod si non habet omnes, haud quaquam hoc est naturæ, neque formæ, sed ab intemperantibus oculis proficiscitur. Nam simul atque curiose contemplatus mulierem admiratus es, & amas, recepisti jaculum. Et quis, inquis, aspiciens mulierem formosam posset non laudare quam videt? Proinde si non est nostri arbitrii talia mirari: non in nobis videlicet est amor. Cohibe te, homo. Cur omnia simul commiscas, undique circumcursans, nec volens inspicere mali radicem? Nam multos video qui mirentur ac laudent, non amant tamen. At qui fieri potest, ut qui mirantur non ament? Ne obturba, hoc enim aggredior dicere. Sed præstat audire Moysen, admirantem filium Jacob, quum ait: *Exerat Joseph formosus specie, ac decorus aspectu valde*. Num amabat qui hæc dicebat? Nequaquam: neque enim viderat, inquit, eum quem laudat. Verum erga formas auditas simili modo afficimur, non solum erga conspectas. Verum ne nobiscum decertes in his: Nonne David erat formosus valde, ac subrubidus cum decore oculorum? quæ sane pars est pulchritudinis maxime violenta, oculorum decor. Num igitur quisquam amavit Davidem? Nequaquam. Non igitur amor nascitur simul cum admiratione. Nam complures & matres habuerunt magnopere florentes specie corporis. Quid igitur? Num eas amarant filii? Absit. Sed admirantur quidem quod cernunt, non autem incidunt in amorem obscenum. Est enim rursus naturæ correctio. Cujus quæso naturæ? Quoniam, inquiunt, matres sunt. Ad hæc Nomades nullo cogente, suis matribus miscuntur, idque non unus aut alter, sed tota natio. Super hæc, etiam illine perspicuum est, hunc morbum non esse formæ corporis, neque simpliciter pulchritudinis, sed animi fœcordis atque seducti. Complures itaque præteritis innumeris mulieribus forma præclaris, deformibus semet dederunt. Unde nimirum liquet, quod amor non nascatur ex forma. Nam si ita esset, illæ ante alios obvios cepissent. Quid igitur? quum præter consuetudinem primo statim aspectu capior? Et hic corporis segnitie alit amorem, quodque non curas ea quæ decent, nec in necessariis negotiis occuparis. Talis velut erro quispiam obambulans in quodvis incidit ma-

malum, & tanquam puerum solutum quicumque voluerit in servitutem abducit talem animam. Quoniam enim illi mos est aliquid agere, ubi cessaris in bonis occupatus esse, quando non potest esse otiosa, cogitur alia quædam gignere, non aliter quam terra si non occupata semine aut consitione, quamlibet herbam producit. Sic & anima, quoties non habet quod agat rerum necessariorum, quum omnino cupiat aliquid agere, pravis actionibus semet tradit. Et quemadmodum oculus quando non desinit cernere, atque ob hoc cernit mala, si quando bona non sint objecta: sic & cogitatio quoties se abducit a necessariis, circa inutilia jam versatur. Nam undiqueque perspicuum est, quod occupatio ac sollicitudo valet primum incursum repellere. Itaque quum videris mulierem formosam, & erga illam afficeris, desine intueri, & abduc te. Et quo pacto, inquis, potero abstinere ab intuitu, a concupiscentia pertractus? Aliis rebus te ipsum trade, quæ animam reducant, libris, curis necessariis, administrationibus, opitulationibus eorum qui afficiuntur injuria, deprecationibus, philosophiæ de futuris. His devincias animum. Hoc pacto non solum corriges novum vulnus verum etiam infixum altius & inveteratum facile excuties. Nam si juxta proverbium, *Contumelia persuadet amanti, ut amorem dissolvat*: quomodo non magis hæc spiritualia incrementa superabunt malum, tantum ut velimus desistere? Quod si semper adhareamus, & convivamus his qui talia jacula in nos jactantur, simul & audientes & loquentes de illis, alimus morbum. Quomodo igitur vis extinguere incendium, quum quotidie flammam accendas? Et hæc quidem de consuetudine adversus adolescentes dicta sunt, quando viris quidem philosophandi peritis, omnium maximum remedium est Dei timor, gehennæ memoria, & regni coelorum desiderium. Hæc enim sufficiunt extinguendo incendio. Cum his vero & illud cogita, id quod cernitur nihil aliud esse quam phlegma, & sanguinem, & alimenti putrefacti humorem. Exhilarat, inquis, floris aspectus. At nihilo magis quam flores e terra nascentes: quanquam & hi putrescunt, marcescuntque. Proinde

A nec hinc attende flori, sed animo interius penetra & cogitatione, detracta formosa illa pellicula curiosius inspicere quæ sub ea latent. Nam & aqua intercute laborantium corpus relucet ac splendet, nec superficies quicquam habet mali: sed dum cogitamus tumorem intus repositum, perculsi non possumus amare tales. Sed liquidus est oculus & acer, pulchre porrecta supercilia, nigræ pupillæ, placida cervix, purus & serenus aspectus. At vide rursum hoc nihil aliud esse, quam nervos ac venas, hymenes & arterias. Tu vero mihi cogita formosum istum oculum ægotantem, senescentem, ac præ dolore marcidum, præ ira tumentem, quam deformis sit, quam celeriter pereat, citiusque quam scriptura deleatur. Ab istis abducito mentem ad veram formam. At non video, inquis, animi pulchritudinem. At si vis videbis. Et quemadmodum qui formosos non vidit oculis, tamen animo potest illos admirari, ita licet & animæ pulchritudinem absque oculis cernere. Nonne sæpenumero pinxisti formam elegantem, & non nihil affectus fuisti erga figmentum? Effinge & nunc animæ formam, & in ea pulchritudine temet oblecta. Sed non video, inquis, incorporea. Verum hæc animo magis cernimus quam corpore. Propterea admiramur Angelos & Archangelos, licet illos non videamus, sicut & morum probitatem & animæ virtutem. Si videris hominem æquum ac modestum, magis hunc admiraberis quam illam formosam faciem. Quod si quem videris contumelia affici, qui ferat injuriæ auctorem, seseque illi præbet, non solum admirare, verum etiam amare tales, etiam si senio confecti sint. Nam talis animi pulchritudo, etiam in senectute multos habet amatores, nec unquam marcescit, sed floret jugiter. Ut igitur eam formam nobis paremus, eos qui hac præditi sunt sectemur, atque horum efficiamur amatores. Hoc enim pacto poterimus & nos accepta pulchritudine, sempiterna consequi bona, quorum nos omnes contingat fieri participes, gratia & benignitate Domini nostri Jesu Christi, per quem & quicum Patri gloria, una cum sancto Spiritu, nunc & semper & in secula seculorum, Amen.

R. D. D. J O A N N I
C A R D I N A L I L O T H A R I N G I Æ
D E S I D E R I U S E R A S M U S R O T E R O D A M U S
S. D.



BENE habet, quod non omnia licent isti malo seu fato seu genio, qui nunc res hominum undique miscet exitialibus dissidiis. Datur etiamnum piis animorum benevolentia jungi: datur scriptis ultro citroque commeantibus confabulari. Itaque qua licet venio litteris tuis amantissimis invitatus: quoque veniam gratior, comitem in primis gratiosum ac facundum adduco Joannem Chrysostomum, qui tibi Pauli ad Galatas Epistolam, Latine loquens & paucis & luculenter enarrabit, ut vel hoc modo Galatæ quoque postliminio remigrent in suam Galliam. Ut tale quid auderem, crebro mecum egit Claudius Cantiuncula, minimumque absuit, quin perpulerit. Quid enim est omnino, quod ille non facile cuivis persuadeat, vir tali præditus ingenio, tam non vulgari tum philosophiæ cognitione, tum utriusque juris prudentia, tum bonarum etiam litterarum peritia præditus: adde his omnibus, præter eam dicendi facultatem, quam rhetoræ præceptiones conferunt, naturalem quandam facundiam, ut optimo jure, si non unicum (nam id fortasse dictu videatur invidiosum) certe rarissimum vestræ Lotharingiæ exemplum & ornamentum dici possit, nec sine causa tibi talium dotium perspicacissimo judici, præcipue carum habeatur. Nutantem igitur jam pridem, ac propensum etiam animum facile tandem impulit, reddens a R. T. D. litteras, per breves quidem illas, sed humanitatis plenas. Audieram Te Majorum imaginibus maximum, dignitate majorem, adhuc ætate florenti, inter anularum vel negotia vel delicias, Evangelicas ac Paulinas litteras circumferre manibus, his frequenter oculos & animum pasce-re, quæ res mihi piæ mentis non obscurum argumentum dedit. Nec enim vel admodum vel diu potest inquinari vitiiis hujus sæculi, cui sacræ litteræ cordi sunt. Invitabat igitur ista tua pietas, ut aliquid e sacrorum voluminum thesauro tibi proprie dicarem: sed deterrebat nonnihil dignitatis tuæ majestas, quem scrupulum simul atque tua excussit Epistola, adornavi munusculum, quod ut paucis tibi commendem: Primum, opus hoc antea a nemine versum fuit, ut si nihil aliud, vel novitatis titulo possit esse non ingratum. Deinde vix alia est Epistola, in qua magis appareat ardor ac sollicitudo Paulinæ caritatis erga discipulos, quos Christo generat: ut hinc admoneri quædam Episcopi, quem affectum erga gre-

Tom. VIII.

R 3

gem

gem ipsis concreditum gerere debeant. Accessit interpres Apostoli similis, ubique materna viscera spirans erga populum suum, tum in docendo tam dilucidus ac sedulus, tanquam si nutrix foveat filium suum. Paulus indicavit discrimen inter pædagogum & patrem. Et si decem millia, inquit, pædagogorum habeatis in Christo, at non multos patres. Nam in Christo Jesu per Euangelium ego vos genui. Idem hic matrem exhibet, iterum parturiens Galatas, donec in illis formetur Christus. Porro Theff. Thessalonicensibus nutricem exhibuit, neque quamlibet tamen, sed filii sui nutricem. Hastres personas spectare licet in hoc Episcopo, patrem auctoritate Sacerdotali, matrem pariendi tuendique studio, nutricem dum cibum salutiferæ doctrinæ veluti præmansum ingerit animis suorum. De Sacerdote Mosaico scriptum est Exodi xxviii. ut audiat sonitus, quando ingreditur & egreditur sanctuarium in conspectu Domini, ut non moriatur. Atque ille quidem aurea tintinnabula gerebat in veste. Huic pro aureo tintinnabulo, lingua erat aurea, nusquam non obtinens populo divinæ Scripturæ vocibus, docens, arguens, exhortans, consolans. Semper enim Sacerdos versatur in sanctuario juxta doctrinam Evangelicam, ingrediens & egrediens, ut pascua inveniat ovibus suis. Et mortis periculum denuntiatur, nisi tinniat. Hoc enim tinnitu saginantur oves Christi. Hic igitur geminum boni pastoris exemplum proditum est. Postremo incidunt in hac Epistola loca quædam, unde multi vehementer suspicati sunt, parum convenisse inter Paulum & reliquos Apostolorum proceres, præcipue Petrum. Ex eodem fonte nata est illa nobilis inter Augustinum & Hieronymum digladiatio de mendacio, quæ quum efferverit usque ad convitia, nec aliter finita sit contentio, nisi cedente Augustino; tamen si quis rem expendat attentius, neuter alterum satis intellexit, quum Hieronymus loquatur de dissimulatione facti, Augustinus tractet quæstionem de mendacio sermonis. Illud autem demiror in Augustino, quod Petrum Apostolum principem primumque fidei præconem sic tractarit, ut alicubi impingat illi superstitionem simulationem, alicubi perversum studium imponendi legis onus in humeros gentium, alicubi pravam simulationem, alicubi perverstatem, adeoque peccatum hoc non eleve, ut conferat etiam cum peccato ter abnegati Christi. Hæc quum diversis locis inculcet Vir ille, tamen in retractationibus nusquam mitigat ea dicta, quum ibi nonnulla pene frivola leniat. Augustinum secuti Parisiensium Theologorum articuli, tribuunt illi errorem in fide. Jam ex hac admiratione subit altera admiratio. Quum æquis animis hæc feramus dicta in eum, cui Christus tradidit claves regni cælorum, quemque voluit esse Principem totius Ecclesiæ suæ, nec offendantur aures nostræ, quum audimus a tantis Viris summo fidei Doctore, etiam post acceptum Spiritum cælestem, post edita miracula, tribui errorem in fide, animumque perversum: tamen hodie quidam schismata, scandala, blasphemias & hæreses vociferantur, si quis dicat Hieronymum, Virum doctum quidem ac pium, sed tamen hominem fuisse: si quis dicat Hieronymum tanto studio mirari virginitatem, ut non multum absit a contumelia matrimonii, quum nemini sit obscurum, quæ verba per calorem ille de matrimonio locis aliquot effuderit. Sed hanc materiam hic Chrysostomus tanta dexteritate tractat, ut declaret non solum nihil inter Petrum & Paulum rancoris intercessisse, verum etiam summam fuisse concordiam ac benevolentiam, nec ullam fuisse de fide dissensionem, tum omnem illam de mendacio rixam esse supervacaneam, quum hic nihil intervenerit, præter caritatem ad tempus obsecundantem invincibili Judæorum imbecillitati, præterque piam simulationem, juvandi studio susceptam. Hæc interpretatio, mea quidem sententia, dignior est summis illis Evangelii principibus, ac piorum hominum auribus acceptior. Verum hisce de rebus tu melius judicabis, ubi totum volumen perlegeris, quod facile citra tædium feceris. Ut enim longum non est, ita dilucidum est ac facundum, nisi si quid hic detrivi malus interpres. Precor autem, ut Dominus magis ac magis in te excitet sincerum amorem Evangelii sui, cui nunc non minus esse video periculi, ab his qui Christo debitam victoriam ad se conantur arripere, quam ab iis qui sub hostium vexillis scindunt Ecclesiæ concordiam. Luctuosa victoria est, quæ sic civitatem liberat ab uno Tyranno, ut eam tradat multis illo gravioribus. Si quid hic aliud spectetur quam Christus, non poterit esse læta victoria. Sed optima spes habet animum meum, fore ut Christus hos tumultus vertat in lætum exitum, si modo nos promereamur: Bene vale. Basilicæ tertio Cal. Julias, Anno M. D. XXVII.

DIVI JOANNIS CHRYSOSTOMI

ARCHIEPISCOPI CONSTANTINOPOLITANI

ENARRATIO

IN EPISTOLAM AD GALATAS,

DESIDERIO ERASMO ROTERODAMO INTERPRETE.

CAPUT I.

Ÿ. 1-3.



PAULUS Apostolus non ab hominibus, neque per homines, sed per Jesum Christum & Deum Patrem, qui suscitavit eum a mortuis, & omnes qui mecum sunt fratres, Ecclesiis Galatia, Gratia vobis & pax a Deo Patre nostro & Domino Jesu Christo.

Procemium multa vehementia, magnoque spiritu plenum est: nec procemium modo, verum etiam tota, ut ita dicam, Epistola. Etenim tum placide leniterque loqui discipulis, quum opus est acrimonia, non doctoris, sed corruptoris potius fuerit &

A hostis. Itaque Paulus recte meritoque scribit hunc in modum Galatis. Hanc ob causam & Dominus, cum multa placide mansueteque locutus sit discipulis, nonnunquam tamen & austeriorem adhibuit orationem, nunc quidem illos beatos prædicans & collaudans, nunc rursus increpans & objurgans. Itaque quum Petro dixisset: Beatus es Simon Bar Jona, promississetque futurum, ut Ecclesiæ fundamenta super illius professionem jaceret, haud multo post dicit eidem: Vade post me Satana, scandalum es mihi. Et alibi rursus: Adhuc & vos sine intellectu estis? Tantumque terroris illis injecit, ut Johannes dicat, quod videntes eum cum muliere Samaritana collo-

colloquentem, de cibo quidem commonuerint, cæterum nemo fuerit ausus dicere: *quid quæris, aut quid loqueris cum ista?* Hæc edoctus *Paulus*, ac præceptoris sui vestigiis ingrediens, varie sermonem ad discipulorum utilitatem attemperat, nunc quidem urens ac secans, nunc rursus mitiora admoventes remedia. Et *Corinthiis* quidem dicebat: *Quid vultis? ut in virga veniam ad vos, an in caritate & spiritu lenitatis?* Porro *Galatis* ita loquitur: *O stulti Galatæ!* Neque vero semel duntaxat, sed bis usus est hac objurgatione. Quin & sub finem Epistolæ, taxans illos dixit: *Ne quis vobis facessas negotium.* Cæterum hic acerbiter denuo mitigat, quum ait: *Filioli mei, quos iterum parturio*: aliisque multis consimilibus verbis. Cæterum hanc Epistolam esse plenam vehementiæ: cuius perspicuum est vel ex ipso statim lectionis ingressu. Sed aperiendum est, quid Apostolum provocarit in discipulos. Neque enim id pusillum fuit, neque parvi momenti, alioqui nec ipse tam acerbè fuisset in eos invehens. Siquidem quibuscumque de causis irritari, hominis est pusillanimitas, morosi, miserieque: quemadmodum ex adverbo, in gravibus causis supinum ac negligentem esse, viri est inertis ac somniculosi. At huiusmodi nequaquam erat *Paulus*. Quod igitur erat peccatum, quo sic commotus erat? Profecto magnum erat, & supra modum grave, quodque illos omnes abalienarat a *Christo*, quemadmodum ipse in progressu sermonis declarat, dicens: *Ecce ego Paulus dico vobis, quod si circumcidamini, Christus nihil vobis profuturus est.* Ac rursus: *Quicumque in Lege justificamini, a gratia excidistis.* Quid igitur tandem hoc erat? Nam apertius explanandum est. Qui ex *Judeis* crediderant, partim occupati persuasione *Judaismi*, partim inanis gloriæ siti temulenti, dum sibi doctorum cupiunt parere dignitatem, auctoritatemque, profecti ad *Galatas* docuerunt illis opus esse circumcisione, servanda Sabbata, & Novilunia, nec tolerandum esse *Paulum*, qui harum rerum tolleretur observationes. Nam *Petrus*, *Jacobus*, ac *Joannes* hæc, ut aiebant, non prohibebant, cum essent inter Apostolos primæ dignitatis, cumque cum *Christo* fuissent versati. Ac re vera non prohibebant. Cæterum id faciebant, non quod ita faciendum esse decernerent, sed ut eorum qui ex *Judeis* crediderant imbecillitati morem gererent. At *Paulus* qui Gentibus prædicandi munus susceperat, nihil opus habebat hac obsecundatione. Nam cum versaretur in *Judea*, ad eundem modum & ipse morem gessit *Judeis*. Verum impostores quidam non explicantes causas, ob quas tum hic tum illi *Judeis* morem gererent, arte fallabant simpliciores huiusmodi sermonibus: Non est ferendus *Paulus*. Nam hic heri ac nudius tertius exortus est, at *Petrus* & qui cum illo sunt, primi sunt Apostolorum. Tum hic quidem discipulus fuit Apostolorum, illi vero *Jesu Christi*. Præterea hic solus est, illi multi. Denique & simulationis calumniam *Paulo* intendebant dicentes: Hic ipse qui tollit circumcisionem, alibi visus est uti quæ damnat, aliter aliis prædicans. Proinde cum cerneret totam *Galatarum* gentem inflammata, ac periculosum incendium adversus illorum Ecclesiam excitatum esse, jamque domum labefactam, periclitari ne corrueret, partim ira iusta commotus, partim immenso animi dolore correptus (nam & hoc declaravit dicens: *Cupiebam nunc esse apud vos, & mutare vocem meam*) scribit Epistolam ad universos, ad ista respondens: & ad hoc ab ipsis protinus exordiis tendit, videlicet quod hi qui suffocis cuniculis ipsius existimationem apud *Galatas* subvertere conabantur, dicebant, alios esse discipulos ipsius *Christi*, hunc Apostolorum duntaxat fuisse discipulum. Et hanc ob causam sic orsus est. *Paulus Apostolus non ab hominibus, neque per homines.* Prædicabant enim, quemadmodum jam coeperam dicere, impostores illi, quod *Paulus* Apostolorum omnium postremus esset, quodque ab illis edoctus esset. *Petrus* enim, *Jacobus* & *Joannes*, ut primi fuerant vocati, ita inter discipulos tenere primas, qui sua dogmata ab ipso *Christo* acceperant. Proinde magis credendum illis quam huic. At illos non vetare circumcisionem, neque Legis observationem. Hæc & his similia dictitantes, hinc *Pauli* deprimentes auctoritatem, illinc aliorum Apostolorum

A gloriam attolentes, non ut illos laudibus ornarent, sed ut *Galatas* seducerent, persuaserant ut Legi adhererent, cum jam Legis tempus præterisset. Proinde congruenter ad hunc exorsus est modum. Quoniam enim ipsius doctrinam elevabant, dicentes illam ab hominibus profectam, cum *Petri* esset a *Jesu Christo*, in ipso statim ingressu refellit hoc, dicens se Apostolum esse *non ab hominibus, neque per homines*. Nam baptizarat quidem illum *Ananias*, at non ille liberavit eum ab errore, nec ad fidem adduxit, sed ipse coelitus *Christus*, emissâ ad eum admiranda illa voce, per quam hunc quoque piscatus est. Nam *Petrus* quidem ac fratrem ejus & *Joannem* cum fratre suo, ambulans juxta mare vocarat, *Paulum* vero vocavit cum jam ascendisset in coelum. Et quemadmodum illi non habebant opus iterata vocatione, sed protinus relictis retibus, cæterisque omnibus sequuti sunt eum: ita & hic a prima statim vocatione, ad summum ascendit fastigium, simul ac baptizatus est, bello cum *Judeis* irreconciliabili suscepto. Atque hoc nomine potissimum cæteris Apostolis antecellebat, *Abundantius enim*, inquit, *illis laboravi*. Verum nondum hoc aggreditur, sed sat habet cæteris æquiparari. Neque enim hoc illi studio fuit, ut ostenderet se cæteris eminentiorem, sed ut erroris ac deceptionis argumentum materiamque dissolveret. Itaque quod dicit, *non ab hominibus*, omnium erat commune, siquidem Evangelii prædicatio originem ac radicem ducebat e coelis. Cæterum quod addit, *neque per homines*, ipsi proprium erat. Imo verius, non ipsius tantum, sed cæterorum etiam Apostolorum, neque enim per homines vocarat eos, sed per se ipsum. Sed quamobrem non meminit vocationis dicens: *Paulus* vocatus, non ab hominibus, sed Apostolici muneris facit mentionem? Quoniam in hoc totius sermonis cardo vertebatur. Dicebant enim hunc Apostolum ab hominibus suscepisse illam docendi provinciam, eoque par esse, ut illos sequeretur. Verum quod non ab hominibus eam suscepisset, declarat *Lucas* qui dicit: *Ministrantibus autem illis ac jejunantibus Domino, dixit Spiritus sanctus, segregato mihi Paulum & Barnabam.* Unde liquet eandem esse potestatem Filii & Spiritus. Cum enim a Spiritu missus esset, a *Christo* se missum ait: Idem & alibi declarat, ea quæ Dei sunt, ascribens Spiritui. Siquidem senioribus *Milesiis* verba faciens: *Attendite*, inquit, *vobis ipsis, & universo gregi, in quo posuit vos Spiritus sanctus Pastores & Episcopos*: & tamen in alia quadam Epistola dicit, *quos quidem posuit Deus in Ecclesia, primum Apostolos, secundo loco Prophetas, deinde Pastores ac Doctores*. Adeo promiscue citraque discrimen loquitur, quæ Spiritus sunt, Deo tribuens, rursum quæ Dei, Spiritui. Quin & obiter hæreticorum obturat ora, quum ait: *Per Jesum Christum & Deum Patrem*. Etenim quoniam ajunt hanc vocem, velut inferioris dignitatis adjectam Filio, vide quid facit: Eam Patris vocabulo præponit, nos interim docens, ne naturæ ineffabili leges statuamus, neque Deitatis modum præfiniamus inter Filium & Patrem. Verum ubi dixisset, *per Jesum Christum*, adjecit, *& Deum Patrem*. Etenim si sola Patris mentione facta dixisset *per quem*, fortassis commento reperto dixissent hanc particulam, *per quem*, congruere Patri, eo quod Filii opera ad illum referantur. At nunc simul & Filii & Patris facta mentione, communiterque de utroque loquutus, isti commento non passus est locum esse reliquum. Neque enim id facit, quod ea quæ Filii sunt propria, referat ad Patrem: sed ut declaret, quod hæc oratio nullum naturæ discrimen inducat. Quid porro hic habituri sunt quod dicant isti, qui in baptismo commenti sunt, unde putent aliam personam alia minorem, eo quod baptizemur in nomine Patris & Filii & Spiritus sancti. Nam si ideo inferior est Filius, quod post Patrem ponitur, quum hic Apostolus a *Christo* orsus ad Patrem veniat, quid dicturi sunt? Verum nihil adhuc blasphemum dicemus. Non enim committendum est, ut cum illis decertantes a veritate excidamus. Quin potius etiam si decies millies insaniant illi, nos tamen intra veritatis limites contineamur oportet. Quemadmodum igitur nos haud quaquam dixerimus Filium Patre majorem, eo quod *Paulus* hunc prio-

re loco commemoravit (nam id quidem summæ demeritiæ, totiusque impietatis extrema linea) ita nec illic quia Patri postponitur Filius, arbitrari debemus Filium Patre minorem. *Qui excitavit eum a mortuis.* Quid agis, *Paule?* Cum cupias *Judaizantes* ad fidem perducere, nihil ex illis magnis ac præclaris adducis in medium? Quale est illud quod ad *Philippenses* scripsisti dicens: *Cum in forma Dei esset, non rapinam arbitratus est esse se æqualem Deo.* Item quod *Hebræis* scribens clara voce protulisti, *splendor est gloria, & figura substantia illius.* Rursum quod in Evangelii sui initio ille tonitruum filius exsonuit: *In principio erat verbum, & verbum erat apud Deum, & Deus erat verbum.* Præterea quod ad *Judeos* crebro pronuntiavit Dominus dicens: *Qua facis Pater, eadem & Filium facere.* Declarat enim, quod eandem potentiam habeat cum Patre, eandemque operandi facultatem. Horum nihil dicis, verum his omnibus omis- sis, de carnis dispensatione facis mentionem, crucem ac mortificationem in medium adferens. Hoc esse verum fassus aliquis, sic pro *Paulo* respondebit: Si illi sermo fuisset apud homines qui nihil magni de *Christo* concepissent animis, æquum erat illa magnifica proferre. Verum quoniam illi nobis movent seditionem, qui sibi videbantur poenas daturi, si descivissent a Lege, ideo mentionem facit ejus rei, per quam excludit totam Legis necessitatem, nimirum commemorans Dei munificentiam ex cruce & resurrectione collatam universis. Etenim si dixisset: *In principio erat verbum, & cum in forma Dei esset, & si fecisset eum æqualem Patri,* aliaque his consimilia si dixisset, declarasset quidem verbi Divinitatem, verum nihil ad id quod hic agebatur illa contulissent. Porro quod ait, *qui excitavit eum a mortuis,* commonefacit eos summi beneficii, quod in nos contulit *Christus*, quæ res haud mediocriter ipsi conducebat ad id quod agebatur: eo quod homines plerique non perinde solent attentis auribus audire eos sermones, qui Dei majestatem commendant, atque hos qui ejusdem in homines beneficentiam declarant. Hanc ob causam omis- sa illorum mentione, de collata in nos munificentia verba facit. Verum hic insultant Hæretici dicentes: Ecce Pater suscitavit Filium. Nam posteaquam semel eos corripuit insanix morbus, ad sublimes illas sententias sponte surdi sunt: cæterum si qua humiliora vel ob carnem assumptam ita dicta sunt, vel ob Patri debitum honorem, vel ob aliam quampiam dispensationem, hæc se- ligunt: & hæc sola expedientes, citra aliorum locorum collationem, ipsi sibi noxam accersunt, nolim enim dicere Scripturæ. Quos equidem lubens perconter, quas ob res ista dicant. Num ideo, quod studeant Filium ostendere imbecillum, nec satis idoneum ad unius corporis suscitationem? Atqui non solum fides erga illum, sed & umbra eorum, qui illi credebant, effecit ut mor- tui reviviscerent. Itane qui credebant in eum, homines adhuc mortales, ex umbra sola luteorum corporum quæ gerebant, eque vestibus horum corporibus admotis, excitabant mortuos, & ipse seipsum excitare non po- tuit? An non hæc evidens est infania, vehemensque deliratio? Non audis illum dicentem: *Solvite templum hoc, & in triduo excitabo illud?* Ac rursum: *Potestatem habeo ponendi animam meam, & potestatem habeo iterum sum- mendi eam.* Quam igitur ob causam Pater illum excitasse dicitur? Sic illum excitare dicitur, quemadmodum & alia facere dicitur, quæ facit Filius. Siquidem hoc par- tim honoris gratia, qui Patri debetur, dictum est, par- tim ob auditorum imbecillitatem.

§. 2.

Et qui mecum sunt fratres. Quam tandem ob causam nequaquam hoc addit in cæteris Epistolis? In illis enim aut suum nomen solum ponit, aut duorum duntaxat triumve addit nomina, hic autem totam multitudinem posuit. Ideo posuit universos, quod neminem commemorat nominatim. Verum hoc ipsum cur facit? Tra- duxerant *Paulum* hoc nomine, quod solus hæc prædica- ret, novamque dogmatum rationem inveheret. Hanc igitur illorum suspensionem cupiens eximere, simulque declarare, quod multos haberet ejusdem sententiæ, ad- jungit sibi fratres, significans se ex illorum sententia scribere quæ scribit. *Ecclesiis Galatia.* Neque enim unam

A civitatem, neque duas, neque tres, sed totam *Galata- rum* gentem hujus erroris incendium pervaserat. Con- templare vero mihi & hic vehementem indignationem Apostoli. Non enim dixit, *dilectis*, neque *sanctificatis*, sed *Ecclesiis Galatia.* Nam hoc erat ægre affecti animo, suumque dolorem aperientis, quod eos non a caritate, neque propriis nominibus appellavit, sed a sola congrega- tione, quodque non addidit, *Ecclesiis Dei*, sed sim- pliciter dixit, *Ecclesiis Galatia.* Quanquam & alioqui ipsa statim præfatione festinat illorum dissidium redige- re in concordiam, eaque gratia Ecclesiæ, id est, con- gregationis vocabulum posuit, pudorem illis incutiens, & cogens in unum. Etenim qui disiecti sunt in varias partes, nequaquam possunt hoc appellari cognomine. Siquidem Ecclesiæ nomen, consensus concordiaque nomen est.

B *Gratia vobis & pax a Deo patre & Domino Jesu Chri- sto.* Cum ubique necessario ponit hanc particulam, tum maxime nunc *Galatis* scribens. Cum enim periclitaren- tur, ne a gratia exciderent, optat illis hujus instaura- tionem ac salutem. Et quoniam seipsos hostes reddide- rant Deo, obsecrat Deum, ut eos ad eandem pacem re- ducat. *Deo patre.* Et hoc ex loco rursum conficiuntur Hæretici. Nam qui *Joannem* in initio sui Evangelii, cum ait: *& Deus erat verbum*, dicunt ideo Θεός, id est, Deum, absque articulo posuisse, ut Filii Deitatem in- duceret paterna minorem. Itemque *Paulum*, cum ait Filium in forma Θεού, id est, Dei fuisse, non de Patre fuisse locutum, eo quod ibi quoque Dei nomen careat articulo: quid hic dicturi sunt, cum ipse *Paulus* sic lo- quatur, non ἀπὸ τοῦ Θεοῦ, id est, a Deo, præfixo ar- ticulo, sed ἀπὸ Θεοῦ πατρὸς, id est, a Deo patre, sine articulo? Patrem vero hic Deum appellat, non quidem illis assentans ac blandiens, sed acriter taxans, ejusque memoriam refricans causæ, per quam facti fuerant filii. Non enim per Legem, sed per lavacrum regenerationis hoc honoris adepti sunt, eoque passim in ipsis etiam Epi- stolarum exordiis spargit ac diffeminat beneficentiæ di- vinæ vestigia, tantum non dicens: Cum servi sitis, cum sitis hostes & alienati, qua fronte vocatis Patrem Deum? Num Lex vobis largita est istam cognationem? Cûr igitur deserto eo, qui vos in hanc propinquitatem induxit, rursum transcurritis ad pædagogum? Neque verò patris nomen tantum, verum & filii cognomina sufficiebant ad declarandam illis Dei erga ipsos munifi- centiam. Etenim Domini *Jesu Christi* nomen si diligen- ter expendatur, totam illius erga nos beneficentiam de- clarat. *Jesus enim*, inquit, *ob hoc vocabitur, quoniam ipse salvum faciet populum a peccatis ipsorum.* *Christi* vero co- gnomen Spiritus unctionem revocat in memoriam.

D *Qui dedit semetipsum pro peccatis nostris.* Vides quod haudquaquam servile & adactum sustinuerit ministerium, nec a quoquam sit traditus, sed ipse seipsum tradiderit. Itaque quum audis *Joannem* dicentem, quod *Pater Fi- lium suum unigenitum dedit pro nobis*, ne ob id diminuas unigeniti dignitatem, neve quid humanum de illo suspi- ceris. Quanquam enim Pater dicitur tradidisse, non hoc dicitur, ut imagineris, quod Filius Patri servili more inserviat, sed ut intelligas hoc Patri quoque fuisse placitum. Quod & hic *Paulus* declarat, dicens: *Juxta vo- luntatem Dei & patris nostri.* Vide, non dixit, juxta præ- scriptionem, sed secundum voluntatem. Etenim cum eadem sit voluntas Patris ac Filii, quæcunque voluit Fi- lius, eadem voluit & Pater. Quid est *pro peccatis nostris*? Innumeris, inquit, malis nos ipsos involveramus, era- musque rei extremi supplicii. Ac Lex quidem adeo non liberabat, ut condemnaret etiam, sic prodito peccato & in apertum prolato, ut nec liberos reddere, nec iram Dei sedare valeret. Sed Dei filius & hoc quod erat im- possibile, dum & peccata dissolvit, & inimicos consti- tuit in amicorum ordinem, & alia denique innumera bo- na largitus est. Post hæc ait: *Ut eriperet nos ex presenti seculo malo.* Rursum hoc dictum alii arripiunt Hæretici, damnautes hanc præsentem vitam, & in hoc *Pauli* te- stimonium allegantes: Ecce, inquiunt, præfens seculum appellat malum. Sed age dic mihi, quid est seculum? Tempus diebus & horis discretum. Quid igitur? An spatium

spatium dierum malum est? An malus est Solis cursus? At nemo quisquam istud unquam dicturus est, etiam si ad extremam venerit amentiam. Verum, inquiet, non tempus dixit malum, sed præsentem vitam appellavit malam. Atqui non isthuc sonant verba *Pauli*, verum non intelligis verba, ex quibus nectis hujus vitæ accusationem, sed ipse tibi aperis interpretandi viam. Proinde nobis quoque concedas, ut quæ dicta sunt interpretemur, idque eo magis, quod quæ nos adferimus, & pia sunt, & rationi consentanea. Quid igitur dicturi sumus? An quod nullum malum esse queat unquam causa boni? Sed hæc vita præsens innumera- biles coronas, tantaque præmia parit. Unde & ipse *Phil. 1.* *Paulus* supra modum laudat eam, loquens hunc in modum: *Quod si vivere in carne hic mihi fructus est operis, & quid eligam ignoro.* Hic vero cum sibi proponat optionem, utrum hic mallet vivere, an dissolvi, & esse cum *Christo*, potius ducit hic commorari. Quod si mala esset vita, nequaquam hoc ille de seipso dixisset, nec alius quisquam potuisset ea ad virtutem abuti, quantumvis adhibuisset studii. Nullus enim unquam malitia possit in bonum uti, non scortatione ad pudicitiam, non invidia ad benevolentiam. Nam cum *Paulus* de prudentia carnis loquens scribit, eam non esse subjectam legi Dei, neque enim posse, hoc sentit, malitiam donec manet malitia, non posse esse virtutem. Proinde cum audis malum seculum, intellige pravæ actiones, propositum animi corruptum. Neque enim ob id venit *Christus*, ut nos excuteret exigeretque ex hac vita, sed ut nos in mundo reli- ctos, dignos efficeret, qui in cœlis versemur. Eoque *Patris* loquens, sic ait: *Et hi in mundo sunt, & ego ad te venio.* Ac rursum: *Non rogo, ut tollas eos de mundo, sed ut servas eos a malo,* hoc est, a malitia. Quod si non pateris hanc interpretationem, sed adhuc prædicas hanc vitam esse malam, ne crimineris eos, qui sibi ipsis con- sciunt necem. Ut enim qui se subducit malis, non cri- minationem meretur, sed coronam promeretur: ita qui violenta morte, seu laqueo, seu aliis modis vitam ab- rumpit, hunc haud quaquam æquum fuerit in crimen vocari juxta vestram sententiam. Nunc vero Deus illos acrius punit quam homicidas, & nos omnes eos detesta- mur. Atque id jure, meritoque. Nam si alios occidere fas non est, multo magis nefas est seipsum occidere. Quod si hæc vita res est mala, coronandi forent homi- cidæ, qui nos a malitia liberent. Ad hæc autem qui hæc dicunt, suis ipsorum verbis involvuntur. Etenim quum Solem prædicent esse Deum, post hunc & Lunam Deam, hosque adorent, veluti multorum bonorum au- ctiores, secum pugnantia loquuntur. Nam horum ut & reliquorum Astrorum, non alius est usus, nisi quod præ- sentem vitam nobis absolvunt, hanc inquam, ut isti lo- quuntur, malam, dum & alunt corpora, & splende- re prælucent, & terræ fructus vegetant: quæ sit igitur, ut ad hujus malæ vitæ constitutionem, adeo subserviant isti vestro judicio Dii? Sed neque Astra Dii sunt; Absit, sed opera sunt Dei, in nostram utilitatem condita: ne- que mundus malus est. Quod si mihi memores homi- cidæ, adulteros, & monumentorum suffocatores, ista demonstro tibi nihil ad præsentem vitam attinere. Ne- que enim hæc peccata sunt vitæ quam agimus in carne, sed corruptæ voluntatis. Etenim si ista sic essent vitæ præsentis, ut sorte fatove quodam illi essent affixa, nullus ab his malis liber esset, neque purus. Proinde considera, neminem effugere posse, quæ propria sunt hujus vitæ. Quæ porro sunt hæc? Edere, bibere, dor- mire, crescere, esurire, sitire, nasci, mori, cunctaque his similia. Hæc nullus unquam vicerit, non peccator, non justus, non Rex, non plebejus, sed omnes subja- cemus naturæ necessitati. Itidem & scelera perpetrare, si pertineret ad sortem conditionemque naturæ, nullus hæc effugere posset, quemadmodum nec illa. Nec enim mihi dixeris, raro esse, qui recte vitam gerunt. Nam nullum omnino reperies, qui naturalibus necessi- tatibus unquam fuerit superior. Itaque donec vel unus invenietur, qui virtutem præstiterit, constabit undique illæsa nostra ratio. Quid ais miser & infelix? Num hæc vita mala, in qua Deum agnovimus, in qua de futuris

A philosophamur, in qua ex hominibus facti sumus An- geli, cumque cœlestibus virtutibus simul choros duci- mus? Et quod tandem aliud quæremus malæ perversæ- que vestræ mentis argumentum? Cur igitur, inquis, *Paulus* seculum præsens dixit malum? Nimirum com- muni hominum more sic loquutus est, quandoquidem & nos ad eum modum loqui solemus, malum habuit diem, non ipsum tempus, sed circumstantiam & actio- nem incusantes. Eadem ratione *Paulus* damnans pravæ voluntates, hac loquendi consuetudine est usus, ostendens quod *Christus* nos non modo liberave- rit a prioribus peccatis, verum etiam in posterum ad- versus hæc tutos reddiderit. Prius enim illud declarat, cum ait: *qui dedit semetipsum pro peccatis nostris.* Quum autem addit, *ut eriperet nos ex præsentis seculo malo,* tu- tamen & custodiam in posterum aperit. Nam Lex qui- dem etiam ad unum horum erat infirma & inefficax, gratia vero ad utrumque valuit. Eoque subjunxit: *Jux- ta voluntatem Dei & Patris nostri.* Cum enim illi puta- rent se Dei jussa negligere, utpote qui Legem servan- dam dederat, metuerentque ne perirent, si desertave- tere Lege in nova progredierentur, & hanc illorum opi- nionem corrigit dicens, hæc Patri quoque placita esse. Nec simpliciter dixit *Patri*, sed *Patri nostro*, idque perpetuo repetit, pudorem illis incutiens, eo quod ostendit, quod suum Patrem *Christus* nostrum Patrem effecit.

C *Cui gloria in secula, Amen.* Et hoc novum est & inusitatum. Nam hanc vocem, *amen*, nusquam alibi re- perimus in Epistolarum initio positam, sed multis præ- cedentibus solet addi. At hic ostendens ea quæ dicta sunt, satis evidentem habere *Galatarum* accusationem, & sermonem esse perfectum & absolutum, hoc usus est exordio; quandoquidem manifesta crimina non egent multo probationis apparatu. Posteaquam enim illis in memoriam redegisset crucem & resurrectionem, redem- tionem e peccatis, in posterum datam tutelam, pater- nam voluntatem, Filii consilium, gratiam, pacem, de- nique totum illius donum gratuitum, glorificando Deum sermonem clausit. Verum non hac de causa solum hoc fecit, verum etiam quod supra modum doni magnitu- dinem admiraretur ac stuperet, gratiæque immensita- tem, simulque secum reputaret, cum tales essemus qua- les nos reddidisset Deus, idque subito, in puncto mo- mentoque temporis, tanquam qui hæc oratione conse- qui non posset, glorificatione finit sermonem, non eam quæ Deo digna sit, sed quam ipse poterat laudem pro to- to terrarum orbe depromens. Atque ob id deinceps con- citatiore usus est oratione, velut inflammatus vehemen- ter ex consideratis Dei erga nos beneficiis. Cum enim dixisset, *cui gloria in secula, amen*, ab acriori objurga- tione orditur, dicens:

E *Miror quod tam cito transferimini ab eo, qui vocavit vos in gratia Christi, in aliud Evangelium.* Quoniam per Legis observationem arbitrabantur sese placere Patri, quemadmodum existimabant *Judei Christum* persequen- tes, hoc primum demonstrat, illos, dum hæc faciunt, non modo *Christum*, sed & Patrem offendere. Non enim, inquit, a *Christo*, sed a Patre deficitis ista facien- do. Nam ut vetus Testamentum non Patris tantum est, verum & Filii: ita gratia non Filii solum est, sed & Patris. Denique communia omnia. *Omnia*, inquit, *qua Patris mei sunt, mea sunt.* Ergo cum dicit eos a Patre descivisse, du- plicem impingit culpam, alteram quod defecerint, alte- ram quod celerrime defecerint. Atqui contrarium potius erat reprehensione dignum, videlicet si post multum tem- poris descivissent, verum hic agitur de circumventionem. Est quidem & ille dignus reprehensione, qui post longum temporis spatium deficit. Cæterum qui ad primam irru- ptionem & in ipso sagittarum e longinquo volantium ja- ctu concidit, extremæ imbecillitatis de se specimen præbuit: hoc nomine & hos incusat, dicens: Quid hoc rei est, quod hi qui vos decipiunt, nec spatio temporis ad id o- pus habent, sed prima statim invitatio sufficit eis ad subver- tendum vos & capiendum? Quam tandem impetrare possi- tis veniam? Etenim si hoc crimen in amicos commissum esset, is qui priores utiles ac necessarios amicos reliquif- set,

set, dignus esset condemnatione: qui Deo vocante refilit, cogita quanto supplicio sit obnoxius. Cæterum cum ait, *admiror*, non solum verecundiam illis ingerit hoc dicto, quod post tantam munificentiam, post tantam peccatorum condonationem, post immensam exhibitam humanitatem, ultro currant ad jugum servitutis, verum simul & illud ostendit, qualem habeat de illis opinionem, nimirum ingentem quandam & egregiam. Neque enim si judicasset eos de numero vulgarium, & eorum quibus facile imponitur, nequaquam admiraretur quod acciderat. Verum quoniam vos, inquit, estis de numero sincerorum, & qui multum laboris sustinuerunt, ideo miror. Id igitur satis erat ad eos restituendos, & ad priora revocandos, quod ipsum in hujus Epistolæ medio declarat, dicens: *Tam multa passi estis frustra, si tamen frustra. Transferimini*, Non dixit, *translati estis*, sed *transferimini*, hoc est, nondum credo, nondum arbitror perpetratam circumventionem. Quod ipsum rursus est revocare studentis. Hoc igitur in sequentibus dicit apertius: *Ego confido de vobis, quod nihil aliud sapietis. Ab eo, qui vocavit vos in gratia Christi*. Ipsa quidem vocatio Patris est, vocationis autem causa Filius est. Nam ipse est qui nos reconciliavit, qui donum dedit. Neque enim ex operibus justitiæ salvi facti sumus: quin potius & hæc illius sunt, & illa hujus. Nam, *mea*, inquit, *tua sunt, & tua mea*. Nec dixit: *ab Evangelio transferimini*, sed *a Deo, qui vos vocavit*: quod erat dictu horribilius, & accommodatius ad terrorem illis incutiendum, id posuit. Siquidem qui studebant illos seducere, non id semel ac repente, sed paulatim eos ab ipsis rebus transferentes, a nominibus non transferebant. Nam hujusmodi Diaboli fraus est, haudquaquam nudos proponere laqueos, quibus venatur homines. Etenim si dixissent, desiscite a Christo, *Galata* vitassent eos, veluti impostores & corruptores. Nunc vero finentes eos adhuc in fide manere, & interim fraudi prætexentes Evangelii nomen, impune summaque audacia perfodiebant domum, videlicet iis quæ dixi, velut obtentis velamentis per hæc nomina cœlantibus parietum perfossores. Quoniam igitur illi suam imposturam appellabant Evangelium, ipse etiam adversus nomen repugnat, libereque agit, dicens: *In aliud Evangelium, quod non est aliud*. Pulchre: neque enim est aliud. Attamen quod accidit ægrotantibus, dum salubribus cibis offenduntur, hoc idem usu venit hic *Marcionistis*. Arripuerunt enim quæ dicta sunt hic, ac dicebant: Ecce *Paulus* etiam ipse dixit non esse aliud Evangelium. Neque enim hi recipiunt omnes Evangelistas, sed unum duntaxat, quod ipsum tamen suo arbitratu mutilarunt commiscueruntque. Quid igitur sibi vult, cum ait, *juxta Evangelium meum & prædicationem Jesu Christi*? Sunt quidem vehementer ridicula, quæ isti adferunt, veruntamen quantum sunt deridenda, operæ pretium tamen est ea refellere propter eos qui facile decipiuntur. Quid igitur dicemus, an quod etiam si decies mille sint Evangelistæ qui scribunt Evangelia, modo scribant eadem, multa illa unicum esse Evangelium, neque quicquam obstare scribentium multitudinem, quo minus unum sit Evangelium? Quemadmodum ex adverso, si quis unus scribens commemoraret contraria, non esse unum Evangelium quæ scribuntur. Ut enim unum sit Evangelium aut non unum, non æstimatur numero scribentium, sed hinc, eademne sint, an diversa quæ scribuntur. Unde dilucidum est, quatuor Evangelia unum esse Evangelium. Cum enim quatuor eadem loquantur, non est aliud atque aliud ob personarum differentiam, sed unum ob eorum qui loquuntur consonantiam. Neque enim *Paulus* nunc de numero loquitur, sed de pugnantia eorum quæ dicuntur. Proinde si juxta vim eorum, quæ in illis scripta sunt, juxtaque dogmatum excussam rationem, aliud est Evangelium *Matthæi*, aliud *Luca*, recte *Pauli* sermonem hunc arripiunt. Sin unum & idem est, desinant ineptire, simulantes hæc ignorare sese, quæ vel admodum pueris nota perspicuaque sunt.

7. Nisi quod quidam sunt, qui conturbant vos, & volunt subvertere Evangelium Christi. Hoc est, donec fueritis sanæ mentis, ne agnoscatis aliud Evangelium, donec

A recto minimeque distorto fueritis obtutu, nec imagine-
mini vos videre quæ nusquam sunt. Quemadmodum
oculus turbatus aliud pro alio cernit, ita mens pravarum
cogitationum confusione perturbata, idem pati consue-
vit. Itidem & qui laborant insania alias pro aliis rerum
species se videre credunt. Verum hæc insania quam illa
periculosior est, quæ noxam adfert, non in rebus sensi-
bilibus, sed in rebus intelligibilibus, non in pupula cor-
poralium oculorum, sed in oculis animi distortionem
gignens. Et volunt subvertere Evangelium Christi. Atqui
unum aut alterum duntaxat præscriptum induxerant,
circumcisionem, & dierum observationem innovantes.
B Verum ut ostenderet quod pusillum quiddam perperam
admixtum, totum corrumpit, dixit subverti Euange-
lium. Quemadmodum enim in moneta Regia, qui pau-
lum aliquid amputarit de impressa imagine, totum nu-
mismâ reddidit adulterinum: ita quisquis sanæ fidei vel
minimam particulam subverterit, in totum corrumpi-
tur, ab hoc initio semper ad deteriora procedens. Ubi
sunt igitur qui nos ut contentiosos damnant, eo quod
cum Hæreticis habemus dissidium, dicuntque nullum
esse discrimen inter nos & illos, sed ex principatus am-
bitu proficisci discordiam? Audiant quid dicit *Paulus*,
nimirum illos subvertisse Evangelium, qui paululum
quiddam rerum novarum invexerant: Isti vero non sim-
pliciter pusillum quiddam innovant. Nam qui pusillum,
C qui filium Dei prædicant esse creaturam? sed quod est
omnium maximum immutant. An non audisti, quod is
qui in veteri quoque Testamento Sabbato ligna college-
rat, unicum mandatum, nec id maximum transgres-
sus, extremo affectus est supplicio? Quodque *Oza*,
quoniam arcam alioqui subvertendam fulcit, e vestigio
mortuus est, eo quod ministerium ipsi non congruens
usurpavit? Ergone Sabbatum violatum, & solus arcæ
ruituræ contactus, ad tantam indignationem provoca-
vit, ut qui hæc ausi fuerant ne minimum quidem veniæ
sint consecuti: hic vero qui adoranda & ineffabilia do-
gmata corrumpit, excusationem habiturus est, & ve-
niam consequetur? Non potest hoc fieri, non potest
D inquam. Hoc ipsum igitur est omnium malorum causa,
quod ob pusilla non indignamur. Ob id enim majora
scelera subierunt, quod minoribus debita correctio non
adhibetur. Et quemadmodum in corporibus, qui vul-
nera neglexerunt, febres gignunt, & putrefactiones,
ac mortem denique: itidem & in animis, qui pusilla dis-
simulant, majora invitant. Ille, inquit, labitur in je-
junio, neque quicquam est magni. Alter vero valet qui-
dem recta fide, cæterum temporis gratia simulans, pro-
fitendi libertatem prodidit. Ne id quidem est aliquid
magni mali. Alius irritatus, minatus est se defecturum
a recta fide. Ne id quidem supplicio dignum, eo quod
ira animique commotione peccavit. Quin & innumera
E reperiet aliquis hujus generis quotidie peccata in vehi Ec-
clesiis. Hanc ob causam deridiculi facti sumus, & Gen-
tibus, & *Judeis*, dum Ecclesia in mille partes discindit-
ur. Etenim si qui a divinis præscriptis resilire conaban-
tur, & paulum quiddam secus quam oportet tentabant,
mox ab initio fuisset adhibita conveniens increpatio, ne-
quaquam nata fuisset hæc pestis, haudquaquam tanta
tempestas Ecclesias occupasset. Vido igitur quomodo
Paulus circumcisionem appellat Evangelii subversionem.
Nunc autem multi sunt apud nos, qui eodem die jeju-
nant quo *Judei*, qui similiter observant Sabbata, &
animose ferimus, imo potius calamitose. Et quid loquor
de rebus *Judaorum*? Multi Gentium mores apud no-
stros aliquot servantur, sortilegia, auguria, omina, ac
dierum observationes, superstitiosa super genesim cu-
ra, & omnis impietatis plenæ litteræ, quas puerorum
protinus ut nati sunt, magno malo, capitibus imponunt,
ut ab ipso protinus exordio docentes illos virtutis adipi-
scendæ studium abjicere, & ad fallacem fati tyranni-
dem, quod quidem in ipsis est, illos adducentes. Quod
si iis qui circumciduntur *Christus* nihil prodest, istis qui
tanta invehunt mala, cur adeo deinceps profutura est
fides ad salutem? Quanquam a Deo erat data circum-
cisio, verum quoniam non in tempore servata, cor-
ruptelam inferebat Evangelio, nihil non fecit *Paulus*,
ut

ut eam amputaret. Et post hæc cum *Paulus* ad excludendas consuetudines *Judaicas* tantum adhibuerit studium, eo quod intempestive servarentur, nos ne *Paganam* quidem consuetudinem amputabimus? Et quam obsecro sumus habituri excusationem? Has ob causas in tumultu ac turbatione sunt res nostræ, adeo ut qui discipuli esse debuerant, multa repleti mentis elatione, subverterint ordinem, & quæ erant superiora, facta sunt inferiora. Quod si quis illos vel leviter accuset, conspuunt eos, quorum imperio subsunt. Id eo faciunt, quod nos eos perperam a pueris instituimus. Verum enim vero etiam si qui præsumunt, improbi forent, innumerisque scaterent malis, ne sic quidem fas esset discipulo dictis non audientem esse. Etenim si de *Judaorum* doctoribus dictum est, quoniam super cathedram *Mosis* sedebant, eos esse dignos qui a discipulis audirentur, quanquam operibus erant tam malis, ut Dominus præceperit, ne illa imitarentur: qua venia digni erunt, qui *Ecclesiæ* Præsides per gratiam Dei modeste viventes, conspuunt & conculcant? Quod si nefas est, ut alius alium judicet, quanto magis fas non est judicare doctores?

9.8. Sed etiam si ego aut Angelus de cælo evangelizaveris vobis præter id quod accepistis, anathema sit. Vide prudentiam Apostolicam. Ne quis diceret, illum sua ipsius ostentare dogmata, etiam seipsum devovit. Cæterum quoniam ad auctoritatem confugiebant, & ubique celebrabant *Jacobum*, hac de causa & Angelorum meminit. Ne mihi, inquit, *Jacobum* narres, etiam si quis Angelorum e cælis descenderit, corrumpens Evangelii prædicationem, anathema sit. Non temere dixit, de cælo. Sed quoniam Sacerdotes quoque dicti sunt Angeli. *Labia enim Sacerdotis custodiant scientiam, & Legem exquirent ex ore ejus, quoniam Angelus Domini omnipotentis est*, ne quis existimaret de his Angelis nunc verba fieri, addita particula, de cælis, supernas virtutes indicavit. Neque dixit, si contraria annuntiaverint, aut totum Evangelium subverterint, verum si vel paulum evangelizaverint præter Evangelium quod accepistis, etiam si quidvis labefactarint, anathema sint.

9.9. Sicut ante dixi, & rursum nunc dico. Ne putares ea verba ab ira profecta esse, aut juxta hyperbolem magnificentius quam pro re dicta, aut impetu cursuque sermonis raptim excidisse, repetit eadem. Etenim qui animi commotione occupatus dixit aliquid, hunc mox dicti poenitere solet. Cæterum qui denuo repetit eadem, declarat se se judicio locutum, ac prius animi consilio fuisse decretum & comprobatum, atque ita demum voce proditum. *Abraham* igitur cum rogaretur, ut mitteret *Lazarum*, respondit, *Habent Moysen & Prophetas: si illi non crediderint, neque mortuos resuscitados audieturi sunt*. Hæc autem *Christus* ipse inducit in parabola loquentem *Abraham*, declarans se velle plus fidei habendum esse Scripturis, quam si mortui reviviscant. *Paulus* vero, porro cum *Paulum* dico, rursum ipsum *Christum* dico: hic enim erat, qui mentem illius agebat: etiam Angelis e cælo descendentibus præponit Scripturas, idque valde congruenter. Siquidem Angeli quamlibet magni, tamen servi sunt ac ministri. Cæterum omnes Scripturæ non a servis, sed ab universorum Domino Deo venerunt ad nos. Hanc ob causam dicit, *Si quis vobis evangelizaveris, præter id quod evangelizavimus vobis*. Non dixit, si ille aut ille, idque prudenter admodum contra odium & invidiam. Quorsum enim opus erat jam edere nomina, posteaquam tam vehementi sublimique fuerat usus sermone, ut universos & qui in cælis sunt, & qui in terris complecteretur. Per hoc enim quod Evangelistas Angelos pronuntiat anathema, omnem dignitatem comprehendit: per hoc vero quod seipsum quoque pronuntiat anathema, omnem familiaritatem ac germanitatem complexus est. Ne mihi dixeris, inquit, collegæ tui & socii Apostoli hæc dicunt; Nec mihi ipsi parco, si diversa prædicem. Neque vero *Paulus* hæc dicit, quod damnaret Apostolos tanquam Evangelicæ prædicationis prævaricatores, absit: ait enim; *Sive nos, sive illi, sic prædicamus*: sed ut ostenderet personarum dignitatem non recipi, quoties expenditur veritas.

A Nunc enim hominibus suadeo, an Deo, aut quæto hominibus placere? Si enim adhuc hominibus placerem, *Christi* servus non essem. Quamvis enim, inquit, vos fallerem hæc dicens, num & Deo valeam imponere, qui perspicit arcana mentis, & cui ut placerem semper omne mihi studium fuit? Vides spiritum Apostolicum, vides sublimitatem Evangelicam. Hæc eadem autem in Epistola ad *Corinthios* dixit: *Non vobis excusamus nos, sed occasionem damus vobis gloriandi*. Atque iterum: *Mihi vero pro minimo est, ut a vobis judicer, aut ab humano dic*. Cum enim doctor cogeretur se discipulis excusare, sustinet quidem illud, sed tamen indigne fert, haud quidem ob insolentiam: Absit hoc, sed partim ob id quod ii qui seducebantur, tam mobili forent animo, tamque instabili sententia: partim quod ipsius verbis apud illos parum certa fides haberetur, hac de causa dixit hæc quoque, propemodum his utens verbis: An mihi apud vos est habenda oratio? An homines mihi jus dicturi sunt? apud Deum nobis est causæ dictio. Atque ut apud illud tribunal bonam habeamus causam, omnia facimus, ac nequaquam eo devenimus infelicitatis, quasi causam dicturi simus omnium Domino, de corruptis dogmatibus Evangelii, quod prædicamus. Itaque partim sese excusans, partim illos exstimulans, hæc verba posuit. Non enim conveniebat discipulis, jus dicere præceptoribus, sed credere & obtemperare. Verum quoniam, inquit, inversus est rerum ordo, & judices nunc sedistis, scitote mihi non esse magnopere curæ, quomodo me purgem apud vos, sed omnia facimus propter Deum, utque illi de hisce dogmatibus reddamus rationem. Etenim qui studet hominibus suadere, multa facit insincera pravaque, & fraudibus utitur & mendacio, quo persuadeat, mentemque capiat auditorum: contra qui Deo suadet, illique placere studet, huic simplici puraque mente est opus. Deus enim falli non potest. Unde perspicuum est, inquit, nos quoque, nec principatum ambientes, nec discipulos colligendi studio, neque gloriam ac laudem a vobis captantes hæc scribere: neque enim nobis studio est placere hominibus, sed Deo. Nam si voluissim hominibus placere, adhuc a *Judeis* stare, adhuc persequeretur Ecclesiam Dei. Cæterum qui totam *Judaorum* gentem, qui familiares, amicos & cognatos, qui totam contempsit gloriam, proque his commutavi persecutiones, inimicitias, bella ac mortes quotidianas, fatis declaravi me hæc quoque quæ nunc loquor, non humanæ laudis studio loqui. Hoc autem ideo præfatus est, quoniam commemoraturus erat prioris vitæ suæ historiam, & quomodo repente fuerit immutatus, & argumentis evidentibus demonstraturus, se veritate stare. Rursus autem ne putarent illum hæc eo facere, quo ipsis redderet rationem, in superioribus illa dixit, *Nunc hominibus suadeo*. Noverat enim prout postulabat opportunitas, etiam sublime quippiam ac magnificentum loqui, ad eorum quos instituebat correctionem. Atqui poterat aliunde probare, se cum veritate ac sinceritate prædicare Evangelium, nimirum e prodigiis, e miraculis, e periculis, e carceribus, & quotidianis mortibus, e fame, siti & nuditate, ex aliis horum similibus: verum quoniam illi nunc dirigitur oratio non ad Pseudapostolos, sed ad Apostolos, qui horum periculorum erant confortes, alia via aggreditur causæ tractationem. Alioqui cum ad Pseudapostolos sermonem intenderet, hunc in modum induxit comparisonem, tolerantiam in periculis adducens in medium dicensque: *Ministri Christi sunt, desipiens loquor, plus ego, in laboribus abundantius, in plagis supra modum, in carceribus abundantius, in mortibus frequentius*.

Nunc sane superioris vitæ conversationem memorat, dicens: *Notum vobis facio, fratres, Evangelium, quod prædicatum est a me, non esse secundum hominem; Neque ego enim a homine accepi illud, neque edoctus sum, sed per revelationem Jesu Christi*. Vide, ut undique confirmat se fuisse Christi discipulum, nullo hominis intervenitu, sed ipso Christo per seipsum omnem ipsi cogitationem dignato patefacere. Et quomodo, inquit, probari possit incredulis, quod Deus per se, nullo hominis intervenitu, tibi patefecerit illa arcana mysteria? Probat

hoc, inquit, illa superior mea conversatio. Nisi enim Deus fuisset, qui evulserat, haud quaquam adeo repente fuisset immutatus. Nam qui docentur ab hominibus, etiam si sint acri celerique ingenio, tamen ut ad diversa transferantur, tempore est opus multoque studio. Cæterum qui cum vehementissime laborarat infania, totus ac pure rediit in sanam mentem, declarat sibi divinam visionem ac doctrinam adfuisse, perque hanc subito ad puram redisse sanitatem: eoque cogitur de priore sua vita commemorare, atque ipsos testes citat eorum quæ gesta sunt. Vos quidem, inquit, nescitis, quod unigenitus Dei filius me e cœlis per se vocare dignatus est. Nam qui possitis id scire, cum non adfueris? Verum illud omnino nostis, quod fuerim persecutor, quandoquidem usque ad vos quoque mea sævitia penetravit, cum ingens sit intervallum inter *Palæstinam & Galatiam*, ut non fuerit rumor in tam longinquum dimanaturus, nisi quæ fiebant a nobis modum excessissent, fuissentque intolerabilia.

¶ 13. Unde & dicit: *Audistis meam conversationem, quod supra modum persequabar Ecclesiam Dei, & expugnabam illam.* Vides ut singula cum exaggeratione commemorat, nec pudet sua mala confiteri. Non enim tantum est persecutus, sed omni cum vehementia, nec persecutus modo, verum etiam expugnavit, hoc est, conatus est Ecclesiam extinguere, subvertere, demoliri, abolere.

¶ 14. Nam id est expugnatoris opus. *Et proficiebam in Judaismo ultra multos aequales meos, cum essem abundantius amulator patriarum mearum traditionum.* Ne putares iræ fuisse quod gerebat, ostendit se quicquid fecit, zelo quodam fecisse, tamen non secundum scientiam, nequaquam autem inanis gloriæ siti, aut vindicandi quos oderrat cupidine, sed quod studio teneretur traditionum quas a maioribus acceperat. Hujus autem sermonis hic est sensus. Si quæ feci adversus Ecclesiam, non humano feci affectu, sed zelo divino, errante quidem sed zelo tamen, qui consentaneum est me nunc, dum pro Ecclesia curro, agnita veritate, inanis gloriæ causa hæc facere? Etenim si in errore talis affectus mihi non est dominatus, sed Dei zelus eo me perpulit, multo magis posteaquam agnovi veritatem oportet me ab omni istiusmodi suspitione liberum esse. Nam simul atque conversus sum ad Ecclesiastica dogmata, protinus quicquid *Judaicarum* opinionum occuparat animum meum, totum exui, multoque majorem zelum hic præstiti quam illic præstiteram. Quæ res arguit me vere fuisse transmutatum, divinoque zelo teneri. Quod ni sic haberet, age dic mihi quid aliud erat in causa ut tantam sustinerem immutationem, ac pro honore contumeliam, pro requie pericula, pro securitate afflictiones susceperem? Nulla causa erat alia, nisi tantum veritatis amor.

¶ 15. Cum autem placuisset Deo, qui me segregavit ex utero matris meae, & vocavit per gratiam suam, ut revelaret Filium suum in me, ut prædicem illum in Gentibus, protinus non communicavi cum carne & sanguine. Vide quemadmodum studet hic ostendere, quod per id etiam temporis quo relictus est in errore, propter occultam aliquam divinæ providentiæ rationem relictus sit. Etenim si ab utero matris segregatus erat ut fieret Apostolus, & ad hoc ministerium vocaretur, vocatus est autem tunc, & simul ut vocatus est obsecutus est, perspicuum est Deum ob causam aliquam arcanam eo usque distulisse. Quæ igitur est hæc dispensatio? Fortassis inhiantes avertis hoc ab initio audire, cur tandem non eum cum duodecim Apostolis vocaverit. Verum ne ego digressus ab eo quod est in manibus, prolixiorem faciam sermonem, oro caritatem vestram, ne omnia ex me velitis discere, sed ex vobis etiam ipsis inquiratis, Deum obsecrantes ut vobis pateat. Quanquam & nos super hæc re alias sumus locuti, cum de mutato *Pauli* nomine apud vos dissereremus, causamque redderemus, ob quam Deus prius dictum *Saulum*, *Paulum* appellavit. Quæ si vobis exciderunt, ex eo libro hæc omnia cognoscetis. Nunc a tenore sermonis non recedamus, consideremusque quomodo rursus ostendit nihil in ipso casu aut hominum more factum esse, sed Deum omnia suo arbitratu multa providentia dispensasse: ostendit autem his verbis: *Et vo-*

castet per gratiam suam. Hinc declarat quod Deus ipsum ob virtutem vocavit. Ait enim ad *Ananiam*: *Vas electionis est mihi, ut portet nomen meum coram Gentibus & Regibus*, hoc est, Idoneus est ministerio præclaro facinori sustinendo. Atque hanc vocationis causam hic ponit, idem tamen ubique totum gratiæ & ineffabili Numinis humanitati tribuit, loquens hunc in modum: *Sed misericordiam consecutus sum, non quod sufficiens essem: neque quod idoneus, sed ut in me declararet omnem lenitatem, in exemplum eorum qui credituri erant illi in vitam æternam.* Vides excellentiam modestiæ, vides eximie submissum animum. Ideo, inquit, ego misericordiam consecutus sum, ne quis de seipso desperet, sed quisque bonam spem habeat: posteaquam omnium mortalium pessimus, Dei benignitatem affecutus sum. Id enim declarat, dicens: *Ut in me demonstraret omnem lenitatem, in exemplum eorum qui credituri essent in illo, ut revelaret Filium suum in me.* Alibi vero dicit ipse Christus: *Nemo novit Filium nisi Pater, nec ullus novit Patrem, nisi Filius, & cui voluerit Filius revelare.* Vides quod & Pater Filium, & Filius Patrem revelat. Idem fit in gloria, Filius glorificat Patrem, & Pater Filium: *Glorifica Filium tuum, ut & Filius tuus glorificet te.* Et rursus, *Quemadmodum ego te glorificavi.* Sed quam ob causam non dixit, *ut revelaret filium suum mihi*, sed, *in me*? Ob id ita locutus est, ut ostenderet, quod non modo verbis edoctus esset de fide, verum etiam copioso Spiritus dono repletus. Revelatione siquidem illustrante illius animum, simul & Christum habebat in ipso loquentem. *Ut evangelizarem illum in Gentibus.* A Deo namque factum est, non solum ut crederet, verum etiam ut ad Apostolicum munus deligeretur. Sic enim, inquit, mihi se ipsum revelavit, non tantum ut ipsum cognoscerem, verum etiam ut ejus notitiam ad alios proferrem. Nec tamen simpliciter dixit: *apud alios*, sed, *ut evangelizarem cum in Gentibus*. Jam hinc incipiens attingere non minimum suæ defensionis caput, ex ipsa discipulorum persona. Nec enim erat illi par necessitas prædicandi *Judeis & Gentibus.* Protinus non contuli cum carne & sanguine. Apostolos hic recte significat, naturæ cognomento eos designans. Quod si hoc sentit de cunctis hominibus, nos non contradicemus.

Neque ascendi Hierosolimam ad antecessores meos Apostolos. Hæc verba si quis per se expendat, videntur inspirare non vulgarem magniloquentiam & arrogantiam, plurimumque abesse ab Apostolico spiritu. Etenim quod ipse sibi suffragium fert, neque cum quoquam sententiam communicat, videtur esse fastus. Videbam, inquit, hominem, qui sibi videbatur esse sapiens, sed majorem illo spem habet insipiens. Et, *Vae his, qui prudentes sunt apud semetipsos, & in oculis suis intelligentes.* At idem rursus: *Ne sitis prudentes apud vosmetipsos.* Itaque qui tam multa hujusmodi præcepta ab aliis audierat, quique eadem aliis præceperat, ipse in hæc incidit, non dicam *Paulus*, sed vel homo quivis? Verum hic sermo si per se nudus expendatur, offendere movereque potest auditorem. Cæterum si causam adjecerimus, ob quam hæc dicebat Apostolus, & applaudent & admirabuntur omnes ita locutum. Hoc igitur faciamus. Non enim oportet verba nuda expendere, alioqui multæ consequentur absurditates. Neque convenit sermonem per se nudum examinare, sed observare mentem scribentis. In humanis enim sermonibus nisi hac ratione fuerimus usi, expendentes quid senserit is qui loquitur, multas inducimus simultates, omnia subvertuntur. Et quid attinet loqui de verbis, quando & in factis, nisi regulam hanc servaverimus, omnia sursum deorsum miscebuntur. Nam & medici secant carnem, nonnunquam & ossa frangunt, quæ frequenter eadem faciunt & latrones. An non igitur fuerit extremæ infelicitatis, si nequeamus latronem a medico discernere? Rursus homicidæ pariter ut martyres torquentur, at non quia patiuntur eadem tormenta utrique eodem habentur loco, sed plurimum interest inter hos & illos. Quod ni regulam hanc servaverimus, nulla de re recte judicare poterimus, sed ipsum etiam *Heliam* homicidam censebimus, cumque hoc *Samuelem*, & *Phinees*. Quin & *Abraham* filii interfectorem dicemus, si

res

res nudas expendimus, non addentes quam ob rem, quo animo id fecerit. Exquiramus igitur & *Pauli* mentem, qua hæc scripsit, consideremus quo spectarit, quem scopum sibi proposuerit, & quis in totum fuerit erga Apostolos. Tum enim intelligemus, quo animo hæc scribat. Neque enim quo vel eorum auctoritatem elevarer, vel seipsum prædicaret, locutus est vel hæc vel illa superiora. Qui enim id faciat, qui seipsum pronuntiarit anathema? sed ut ubique fervaret Euangelii sinceritatem. Cum enim ii qui oppugnabant Ecclesiam dicerent, iis Apostolis adhærendum esse, qui ista minime prohiberent, non *Paulo* qui prohibebat, atque hinc sensum irrepsisset *Judaicus* error ac deceptio, cogitur hic fortiter & aperte resistere, non quidem cupiens de Apostolis male dicere, sed hoc agens ac moliens, ut eorum insolentiam, qui seipsos non recte laudabant, comprimeret, eoque dicit: *Non contuli cum carne & sanguine.* Fuisset enim extremæ absurditatis eum qui a Deo fuerat edoctus, postea cum hominibus communicare. Nam qui discit ab hominibus, is congruenter de novo recipit homines in communicationem: verum quem Deus sua beata voce dignatus est, quique ab eo doctus est, qui habet sapientiæ thesaurum, qua gratia post cum hominibus conferret? Par enim fuerat, ut talis doceat potius homines, quam ut discat ab hominibus. Non igitur arrogantiae causa hæc dicebat Apostolus, sed ut suæ prædicationis auctoritatem declararet. *Neque ascendi*, inquit, *ad eos qui ante me fuerunt Apostoli.* Quoniam illi nusquam non inculcabant, cæteros Apostolos esse *Paulo* priores, & ante hunc fuisse vocatos, ideo hoc dicit. Quod si fuisset cum illis communicandum de Euangelio, is qui per revelationem injunxerat ei prædicandi munus, utique & hoc præcepisset. Quid igitur? non ascendit illuc? Sane ascendit: nec tantum ascendit, sed ut disceret aliquid ab illis. Quando? Cum in civitate *Antiochia*, quæ ab initio singulare studium erga Ecclesiam declararat, quæstio nata est de hac ipsa re, quæ nunc est in manibus. Quærebant autem, utrum essent circumcidendi, qui ex Gentibus credidissent, an non compellendi potius, ut tale quippiam paterentur. Id temporis ascendit, tum hic ipse *Paulus* tum *Silas*. Quomodo igitur dicit, *non ascendi*, *neque contuli*? Primum quidem quoniam ipse sponte non ascenderat, sed missus erat ab aliis. Deinde quoniam non accessit eo, ut aliquid disceret, sed potius ut aliis persuaderet. Nam ipse statim ab initio fuerat ejus sententiæ, quam Apostoli postea comprobarunt, videlicet non esse circumcidendos. Cæterum quoniam ad eum usque diem non visus est illis sit idoneus cui fides haberetur, sed magis auscultabatur iis, qui versabantur *Hierosolymis*: ascendit non ipse percepturus quod antea nescierat, sed ut contradicentibus persuaderet, eos qui *Hierosolymis* erant, huic sententiæ subscribere. Itaque ab initio quid esset agendum perspexerat, nec opus habebat ullo doctore, sed quæ post multam discussionem erant Apostoli decreturi, hæc ipse citra discussionem cœlitus habebat apud sese certa & indubitata. Idque *Lucas* declarans dicit, *Paulum* prolixam & copiosam orationem habuisse super hisce rebus apud illos, etiam priusquam iret *Hierosolymam*. Verum quoniam ira visum erat fratribus, ut ab illis quoque disceret, ascendit, non sua ipsius causa, sed illorum. Cæterum ad explicandum id quod dictum est, *non ascendi*, licet & illud adferre, quod nec in initio prædicationis ascenderit, nec tum cum ascendit, ascenderit discendi gratia. Quandoquidem horum utrumque significat dicens: *Protinus non contuli cum carne & sanguine.* Non simpliciter dixit, *non contuli*, sed, *protinus non contuli*: Simul & illud subindicans, quod huic rei nihil ante posuerit. Quod si post hæc videtur ascendisse, non tamen ascendit, ut quicquam ab eis acciperet, quod non habuisset. *Sed abii*, inquit, *in Arabiam*. Contemplare ferventem animum. Studebat occupare Regionem antehac a nemine cultas, sed quæ etiamnum vastæ incultæque jacebant. Etenim si mansisset apud Apostolos, cum nihil esset quod ab illis posset discere, prædicationis officium fuisset impeditum. Oportebat enim illos quaquaversum disseminare verbum. Has ob res hic beatus spiritu doctrinæ fervens,

A protinus aggressus est homines barbaros & agrestes, vitæ genus suscipiens multis laboribus ac periculis obnoxium. Jam mihi considera illius modestiam. Cum dixisset, *Abii in Arabiam*, subjunxit, & iterum reversionem *Damascum*. Non commemorat sua præclara facta, neque quos edocuerit, neque quam multos. Atque adeo mox ut baptizatus est, declaravit hujusmodi zelum, ut non solum confunderet *Judeos*, sed ad tantam iracundiam provocaret, tum *Judeos* tum Gentes, ut ipsi struxerint insidias, conatique sint e medio tollere. Quod haud quaquam accidisset, nisi credentibus magnam adjunxisset accessionem. Cum enim doctrina superarentur, restabat ut ad invidiam sese verterent. Quod quidem evidens erat argumentum *Paulinæ* victoriæ. At non passus est *Christus* illum interimi, servans eum prædicando Euangelio. Cum posset igitur multa commemorare de rebus ab ipso præclare gestis, nihil tamen eorum narrat. Sic & omnia quæ dicit, non ambitionis gratia dicit, neque quo cæteris Apostolis præstantior habeatur, neque quod ægre ferret ipsius dignitatem elevari, sed quod metuere ne quid hinc detrimenti accideret prædicationi. Nam & abortivum seipsum appellat, & omnium peccatorum primum, ac postremum Apostolum, & hujus honore nominis indignum. Atque hæc dicebat, cum plus omnibus laborasset. Quod quidem præcipuum est modestiæ documentum. Etenim cum qui sibi nullius bonæ rei conscius est, submisit de se ipso loquitur, prudens est, non modestus. At qui post tot emeritas coronas talia loquitur, ille novit quid sit modestia. *Et iterum reversionem*, inquit, *Damascum*. Jam quam multa verisimile est eum illic egisse. De hac civitate refert quod eam præfectus cui Rex *Areta* gentis ejus curam delegarat custodierit, cupiens eum comprehendere. Quod quidem maximum argumentum erat, illum acriter magnæque vi vexare *Judeos*. Verum horum nihil hic commemorat. Ac ne illic quidem ea commemoraturus erat, sed reticuisse, nisi dum perspexisset tempus illud eam historiam postulare. Sic igitur & hic dicens se isse ac redisse, præterea nihil addit eorum quæ illic gesta fuerant.

D Deinde post tres annos ascendit *Hierosolymam*, ut viderem *Petrum*. Quid hoc animo possit esse modestius? Post tanta taliaque benefacta, cum nihil opus haberet *Petro*, nec illius egeret voce, sed honore par esset illi, nihil enim hic dicam amplius, tamen ascendit velut ad majorem ac seniore, solusque *Petri* conspectus commovit illum, ut eo proficisceretur. Vides quemadmodum illis tribuit congruentem honorem, neque solum non ducit seipsum illis meliorem, verum ne parem quidem esse putat, id quod ex ipsa professione liquet. Sicut enim nunc multi fratrum nostrorum ad viros sanctos proficiscuntur, eodem affectu tunc *Paulus* ad *Petrum* profectus est. Quin potius erat hoc multo submissius, quod fecit *Paulus*. Nam isti nunc utilitatis suæ gratia suscipiunt peregrinationem, at tum beatus ille non ut disceret aliquid ab illo, neque ut correctionem aliquam acciperet profectus est, sed tantum ut videret eum, suæque præsentia honoraret. *Ut viderem*, inquit, *Petrum*, *ascendi*. Non dixit *idcirco*, id est, *ut viderem*, quomodo loqui solent, qui magnas ac splendidas urbes invisunt cognoscendi gratia. Adeo judicabat operæ pretium multoque studio dignum tantummodo videre virum. Idem autem ex ipsis factis perspicuum est. Proficiscens enim *Hierosolymam*, cum multas jam Nationes convertisset ad Euangelium, tantasque res gessisset, quantas cæterorum nemo gesserat, *Pamphyliam*, *Lycaoniam*, *Cilicium* gentem, omnes qui illam orbis partem habitant, ad rectam vitam instituisse, *Christoque* lucrificasset, primum quidem ingreditur ad *Jacobum*, plurima cum modestia velut ad majorem & honoratiorem. Deinde consulentem sustinet, & consulentem contraria iis, quæ nunc tractat. *Videsne*, inquit, *frater* quos millia sunt *Judeorum* qui crediderunt: Itaque rade caput & purifica te ipsum. Rasit caput, omnesque ritus Judaicos peregit, eo quod hic non lædebatur Euangelium, omnibus erat submissior. Cæterum ubi conspexit nonnullos ex hac

modestia lædi, non amplius usus est hac immodica modestia. Jam enim hoc fuisset non præstare modestiam, sed inficere corrumpereque discipulos ipsi subditos. *Et mansi apud illum diebus quindecim.* Itaque quod ad illum profectus est, declarat multum honorem erga Apostolos. Porro quod ibi tot dies commoratus est, amicitiam ac vehementissimam arguit caritatem.

§. 19. *Alium vero Apostolorum vidi neminem, nisi Jacobum fratrem Domini.* Vide ut majorem benevolentiam habuit erga *Petrum*. Hujus enim causa peregrinationem suscepit, & apud eundem commoratus est. Hæc & dico frequenter, & vos memoria tenere volo, ut si qua audieritis, quæ adversus *Petrum* dicta videbuntur, ne quis suspectum habeat *Paulum* Apostolum. Siquidem hanc ob causam & ipse hæc loquitur, præveniens, ut talem corrigat suspicionem, veluti cum dicit, *Restiti Petro*, ne quis hæc verba putet esse simultatis aut contentionis. Nam & honorat virum & diligit plus omnibus. Nec enim ob ullum aliorum Apostolorum narrat se ascendisse *Hierosolymam*, sed propter hunc solum. *Cæterorum autem*, inquit, *Apostolorum vidi neminem, nisi Jacobum.* Vidi, inquit, non doctus sum. Sed vide quanto cum honore & hunc nominavit. Non enim simpliciter dixit *Jacobum*, sed magnificum illud elogium addidit, *fratrem Domini*. Usque adeo liber erat ab omni livore. Et enim si tantum indicare voluisset de quo loqueretur, poterat alia nota declarare, si dixisset, *Jacobum Cleopa*, quod cognomen posuit Evangelista. Verum non ita locutus est, sed quoniam existimabat honoris titulos Apostolorum esse poprios, veluti se ipsum honestans, ita & illum veneratur. Non enim appellavit eum *Jacobum Cleopa*, ut dicebam, sed quomodo? *fratrem Domini*. Atqui nec frater erat Domini juxta carnem, sed esse putabatur. Attamen ne id quidem avertit *Paulum*, quo minus adderet viro dignitatis titulum. Quin & aliunde multifariam ostendit *Paulus* se tam sincere erga Apostolos affectum fuisse, quam illo dignum erat.

§. 20. *Qua autem scribo vobis, ecce coram Deo quod non mentior.* Vides in omnibus similiter elucem hujus sancti animi modestiam. Nec enim aliter quam si apud tribunal periclitaretur, essetque perpeffurus sententiam ac

§. 21. pœnam, ita studuit excusare sese. *Deinde veni in regiones Syria & Cilicia*, posteaquam *Petrum* vidissem. Rursus incipit narrare de certamine, quod propositum est, *Judeam* quidem non attingens, tum quod ad Gentes missus esset, tum quod noluerit super alienum fundamentum ædificare. Cujus rei gratia ne simplici quidem congressu viderat cæteros Apostolos. Idque perspicuum est ex his quæ sequuntur. *Erant enim*, inquit, *de facie*

§. 22. *ignotis Ecclesiis Judææ, tantum audierant, is qui aliquando persequabatur nos, nunc annuntiat fidem, quam pridem expugnabat.* Quid hoc animo possit esse modestius? Nam cum exponeret ea, quæ faciebant ad ipsius accusationem, veluti quod persecutus esset Ecclesiam Dei, quodque expugnaret eam, hæc multa cum exaggeratione protulit, traducens suam ipsius vitam prius actam. Cæterum quæ demonstratura fuerant ipsius splendorem, ea prætercurrit, cum posset, si voluisset, omnia sua præclara gesta commemorare, nihil horum refert, sed unico verbo pelagus immensum prætervectus, dicit:

§. 23. *Veni in regiones Syria & Cilicia, & audierant, is qui persequabatur nos aliquando, nunc prædicat fidem, quam pridem expugnabat, nec præterea quicquam addidit.* Quid autem sibi vult, cum ait, *ignotus eram Ecclesiis Judææ*? ut scires, adeo *Paulum* non prædicasse *Judeis* circumcissionem, ut ipse ne de facie quidem fuerit illis notus. *Et glorificabant in me Deum.* Contemplator & hic regulam *Paulina* modestiæ, quantoque studio eam observet. Non enim dixit admirabantur me, laudabant me, stupebant, sed declaravit totum hoc esse gratiæ, dicens, *Deum glorificabant in me.*

C A P U T I I.

§. 1. *Deinde post annos quatuordecim ascendi Hierosolymam una cum Barnaba, assumpto simul & Tito. Ascendi autem juxta revelationem.* Prioris ascensionis causam *Petrum* ait fuisse, utque illum videret: ut autem iterum

A ascenderet, in causa fuisse revelationem Spiritus. *Et contuli cum eis Evangelium, quod prædico in Gentibus. Seorsum autem iis, qui videbantur esse alicujus existimationis, ne forte in vanum currem, aut cucurrissem.* Quid ais, *Paule*? Qui initio nolebas conferre, neque per annos tres, peractis quatuordecim annis tum demum confers, ne forte in vanum curreres? At quanto præstiterat istud protinus in initio fecisse, quam post tot annos? Cur autem currebas, si non persuasum habebas, te non in vanum currere? Et quis tam excors est, ut tot annos prædicet, ignarus an recte prædicet? Jam illud hoc etiam multo perplexius est, quod ait se juxta revelationem ascendisse. Hoc est perplexius ut dicebam, priore, sed tamen idoneum ut nobis & illius porrigat solutionem. Nam si sua sponte ascendisset, ne id quidem ullo pacto consentaneum esset rationi. Non enim erat illius beatæ animæ in tantam delabi amentiam. Siquidem ipse est quid dicit: *Sic curro, ut non in incertum, sic pugilem ago, non ut aërem verberans.* Quod si curris non in incertum, quomodo dicis, *ne forte in vanum currem, aut cucurrissem*? Unde perspicuum est, quod etiam si ascendisset absque revelatione, nihil illi accidisset, quod stultis solet accidere, nisi quod factum non fuisset perinde absurdum. Cæterum posteaquam illum Spiritus ducit gratia, quis deinceps ausit aliquid tale suspicari? Nam hanc ob causam & ipse addidit illud, *juxta revelationem*, ne quis ante quæstionis solutionem, condemnaret illum incertiæ, nimirum sciens non esse humanum quod geritur, sed divinæ dispensationis multa providentis, & de præsentibus, & de futuris. Quæ tandem igitur hujus peregrinationis causa? Quemadmodum cum prius ascenderet ex *Antiochia Hierosolymam* non sua sponte ascendit, (Nam ipse planissime noverat, simpliciter ac mere *Christi* decretis hærendum esse) sed cupiens eos qui diffidebant, redigere in concordiam. Similiter & nunc non ipsi fuit opus discere, an in vanum cucurrisset: sed ut iis qui ipsum accusabant, ad plenum persuaderetur. Quoniam enim magnificentior de *Petro* & *Joanne* opinionem haberent, putarentque Apostolos inter sese diffidere, propterea quod hic prædicaret Evangelium absque circumcissione, illi contra permetterent eam, atque hinc existimabant *Paulum* adversum Legem agere & in vanum currere: *Idco ascendi*, inquit, *& contuli cum illis Evangelium, non ut ipse quicquam discerem*; Quod ipsum post apertius dicit, sed ut docerem eos, qui hæc suspicantur, me non in cassum currere. Spiritus enim qui præviderat hanc contentionem orituram, procurarat ut *Paulus* illuc ascenderet & conferret. Ideo dixit, *secundum revelationem ascendi*, eademque de causa *Barnabam* ac *Titum* sibi adjunxit, testes futuros eorum, quæ *Paulus* prædicasset. *Et contuli*, inquit, *cum illis Evangelium, quod prædico in Gentibus*, hoc est, sine circumcissione. *Seorsum autem qui videbantur alicujus existimationis.* Quid significare voluit, dicendo, *seorsum*? At qui communia dogmata studet corrigere, non seorsum sed in publicum ea proponit. *Paulus* autem non ita. Non enim cupiebat aliquid discere, corrigereve suorum dogmatum, sed occasionem adimere cupientibus alios decipere. Cum enim *Hierosolymis* offenderentur omnes, si quis transgredere-tur Legem, si quis prohiberet circumcissionem, unde & *Jacobus* dicebat: *Vides frater quot millia sunt Judæorum qui crediderunt: & hi omnes audierunt de te, quod defectionem doces a Lege.* Cum igitur offenderentur, palam quidem accedere suamque prædicationem aperire non sustinebat, sed seorsum contulit cum his qui erant alicujus opinionis, præsentibus *Barnaba* ac *Tito*, ut hi apud eos, qui ipsum criminabantur, forent idonei testes, ne Apostolis quidem visum, *Pauli* prædicationem in Gentibus peractam, pugnare cum Apostolorum sententia. Porro quod ait, *qui videbantur alicujus existimationis*, non ideo dicit, ut detrahat eis suam magnitudinem: quandoquidem de seipso quoque loquitur, *Videor autem & ipse mihi Spiritum Dei habere*, quod utique est modestie loquentis, non abnegantis se habere. Hoc pacto & hic dixit, *qui videbantur*, suum judicium cum publico omnium judicio conjungens.

Sed ne Titus quidem, qui mecum erat, quoniam Græcus esset §. 2.

offet, coactus est circumcidi. Quid est, cum Græcus esset? e Græcorum, inquit, hoc est, e Gentium erat genere, præputium gerens. Non enim ego solum ita prædica- vi, verum etiam Titus ita fecit, quem cum esset Gra- eus, Apostoli non compulerunt circumcidi. Quod qui- dem certissimum erat argumentum, illos non damna- re, quæ a Paulo dicebantur ac gerebantur. Et quod hoc quoque multo majus est, cum urgerent adversa- rii, eaque scirent, ne sic quidem Apostoli per eos huc adacti sunt, ut juberent eum circumcidi. Id quod ipse

§. 4.

declarat dicens: *Sed propter subintroductos falsos fratres.* Qui sunt isti falsi fratres? Dicemus, siquidem hinc non mediocris existit quæstio. Nam si Apostoli permitte- bant circumcisionem, quare nunc falsos fratres appel- lat eos, qui & ipsi secundum Apostolorum sententiam jubebant hoc fieri? Primum quia non est idem jubere ut fiat, & quod sit permittere. Etenim qui præcipit, is studiose serioque ceu rem necessariam ac præcipuam agit. Verum qui cum ipse non præcipiat, tamen non prohibet volentem, is non concedit, ut rem factu ne- cessariam, sed dispensationem quandam implet. Qua- le quiddam & in Epistola ad Corinthios, Paulus scripsit dicens: *Ne fraudetis vos invicem, nisi forte ex consensu ad tempus, ac rursus convenite in unum.* Loquitur autem viris & uxoribus. Deinde ne putares eum hoc illis pro lege scribere, subjunxit, *Hoc autem dico secundum indul- gentiam, non secundum imperium:* eo quod hoc non ef- fet principale judicium auctoritatis ipsius, sed indul- gentia erga illorum incontinentiam. Eoque dicit, *pro- pter incontinentiam vestram.* Nam si Pauli sententiam cupis cognoscere, audi quid dicat: *Volo omnes homines esse, ut ipse sum.* Itidem & hic accidit, Apostoli non ut Legis defensores hoc concedebant, sed obsecun- dantes infirmitati Judaica. Alioqui si Legem tueri vo- luisset, haud quaquam alio modo prædicasset Judaicis, alio Gentibus. Etenim si res ejusmodi fuisset, ut ab infidelibus necessario fuerit observanda, perspicuum est etiam ab omnibus fidelibus observandam fuisse. Con- tra si decretum illis est, ne quis Gentibus harum re- rum gratia molestus esset, satis declararunt se hoc Ju- daeis morem gerendo permisisse: at falsi fratres non eo- dem modo, sed hoc agebant ut eos excluderent a gra- tia, ac denuo in servitutis jugum pertraherent. Hoc igitur est primum discrimen inter Apostolos & falsos fratres, longo intervallo alteros ab alteris dirimens. Alterum erat, quod Apostoli id faciebant in Judæa, ubi Lex vigeat. Cæterum falsi fratres nusquam hoc non faciebant. Nam & Galatas omnes attigerant. Un- de dilucidum est, hoc non factum ædificationis gra- tia, sed ad subvertendum totum Evangelii negotium, Aliter ab Apostolis concedebatur Legis observatio, aliter a falsis fratribus studiose curabatur. *Qui subintro- duxerunt, ut explorarent libertatem nostram quam habemus in Christo Jesu.* Vides ut exploratorum appellatione ex- pressit bellum eorum? Exploratores enim ob nihil aliud ingrediuntur, nisi ut cognitis rebus adversariorum, ipsi sibi facillimum aditum parent ad expugnandum capiendumque, quemadmodum & illi tum faciebant, studentes eos in veterem retrahere servitutem. Unde vel hinc liquet, non idem fuisse propositum Apostolis & istis, imo magnopere diversum. Illi siquidem con- cedebant, ut eos paulatim eximerent e servitute, Isti contra hoc moliebantur, ut eos in graviolem pertrahe- rent servitutem. Eoque clam observabant, attente cir- cumspectantes, & curiose disquirentes quinam haberent præputium, quod & Paulus declarans ait: *Subintro- duxerunt, ut explorarent libertatem nostram.* Non tantum ex- ploratorum vocabulo, verum etiam ex eo quod clam ingressi sunt, seque furtim intro submiserunt, demon- stravit eorum insidias.

§. 5.

Quibus nec ad horam cessimus subjectione. Vide fermo- nis artificium ac significantiam. Non dixit, *cessimus verbo*, sed *subjectione*. Non enim id faciebant, ut ali- quid frugiferum docerent, sed ut eos subigerent, & in servitutem pertraherent. Ideirco Apostolis quidem cessimus, istis vero non amplius cessimus, *ut Evangelii veritas maneret apud vos:* ut, inquit, quod prius ver-

A bis prædicaveramus, factis confirmaremus, nimirum quod vetera transierunt, & nova facta sunt omnia: & quod si quis est in Christo, nova est creatura: & quod his qui circumcidentur, Christus nihil proderit. Hanc ve- ritatem confirmantes, nec ad horam cessimus. At mox quoniam protinus obstabant illa quæ faciebant Apostoli, eratque verisimile futuros aliquos qui dicerent: Qui sit igitur, ut hæc illi præcipiant? Vide quam evidenter solvit objectionem. Non enim explicat veram causam, videlicet quod id facerent Apostoli, quo morem gere- rent Judaicis: nec hoc fuisse judicii illorum, sed dispen- sationis. Hanc enim si protulisset, offensus fuisset au- dientes. Oportet enim dispensationis ignorare causam ad quos sit aliquis ex ea fructus redditurus. Nam si pateat causa eorum quæ fiunt, tota perierit utilitas. Quapro- pter ipsum quidem, qui dispensationem adhibet, scire causam oportet eorum quæ geruntur, cæterum eos qui- bus est profutura dispensatio, hanc oportet ignorare. Atque ut magis fiat dilucidum quod dico, ex hoc ipso argumento sumemus exemplum. Hic ipse beatus Pau- lus, qui tollit circumcisionem, cum Timotheum esset missurus ad docendum Judæos, prius illum circumcidit, atque ita misit. Id autem faciebat, quo doctor esset ac- ceptior apud auditores, & ingressus est cum circumci- sione, ut abrogaret circumcisionem. Atque hujus facti causam ipse quidem cum Timotheo noverat, discipulis autem nequaquam aperuit. Etenim si novissent quod il- lum hoc animo circumcidisset ut circumcisionem abro- garet, nec audissent omnino Timotheum concionantem, totumque lucrum & utilitas perisset. Nunc vero hæc ignorantia maximam illis attulit utilitatem. Dum enim arbitrantur illum servandæ Legis studio hoc facere, be- nevolis animis placideque, tum ipsum doctorem, tum ejus doctrinam excipiunt. Qua recepta, ac paulatim eruditi, recesserunt a prioribus. Quod haud quaquam evenisset, si initio causam novissent. Etenim si novis- sent, averfati fuissent illum, averfantes autem nequa- quam auscultassent. Si non auscultassent, perseveras- sent in errore pristino. Id vero ne fieret, non aperuit causam.

D

Proinde nec hic aperit dispensationis causam, sed alia §. 6. via rem aggreditur, ita loquens: *Ab iis vero qui vide- bantur esse aliquid, quales aliquando fuerint, nihil mea refert, personam hominis Deus non accipit.* Hic non so- lum non excusat Apostolos, verum etiam vehementer grayat sanctos, ut profit infirmis. Tale autem est quod dicit: Etiam si illi gaudent circumcisione, ipsi Deo red- dituri sunt rationem. Non enim quia magni sunt, ac dignitate præminentes, Deus personam illorum acci- piet. Neque enim sic aperte locutus est, sed modera- tius. Nam non dixit, Quod si illi turbant prædicatio- nem, præter ea quæ mandata sunt, prædicantes, luent extrema supplicia. Nihil inquam horum dixit, sed re- verentius videtur illos attingere loquens hunc in modum:

E

Ab his autem qui videbantur esse aliquid, quales aliquan- do fuerint. Non dixit, *quales jam olim sunt*, sed *quales fuerint*, nimirum declarans, quod & illi jam desissent hoc modo prædicare, utpote jam ubique coruscante Evangelio. Cæterum quod ait, *Quales aliquando fue- rint*, hoc declarat: Si sic, inquit, prædicaverunt, ipsi reddent rationem. Non enim hominibus, sed Deo sunt rationem reddituri. Hæc autem dicebat, non velut am- bigens aut ignorans, quid quo animo facerent illi, sed ut dicere coeperam, quod expedire judicaret, ut hac via rem aggrediretur. Deinde ne veluti diversæ factio- nis videretur illos accusare, & hinc oriretur contentio- nis ac dissidii suspicio, mox correctionem adjunxit, dicens: *Mihi enim qui habebantur in pretio nihil contulerunt.* Quid autem hoc est? Quæ vos dicitis, inquit, nescio, illud certo scio, quod mihi non modo non sunt adversati, verum etiam conspiraverunt mecum, concordiaque sociati sunt. Id enim declarat, quum ait, *dextras dederunt.* Verum nondum hoc dicit, sed illud tantum dicit, quod non do- cuissent, non correxissent, neque quicquam addidissent iis quæ prius sciverat. *Mihi enim*, inquit, *qui erant in pretio, nihil præterea contulerunt.* Hoc est, postea quam cognove- rant quæ prædicarem, nihil adjecerunt, nihil inde cor- rexe-

F

rexerunt, idque cum scirent, me ea gratia venisse *Hierosolymam*, ut cum ipsis communicarem: Nam juxta revelationem Spiritus accesseram, ut cum illis communicarem, ac *Titum* incircumcisum habebam mecum. Itaque nec illi mihi quicquam dixerunt ultra ea, quæ prius sciveram, nec illum circumcidi.

7. *Sed contra.* Quid est contra? Quidam hoc sentire *Paulum* dicunt, quod non solum ipsum nihil docuerint, verum etiam ab ipso docti sint. Ego vero nequaquam hoc dixerim. Quid enim ab illo præterea erant docendi? quandoquidem unusquisque illorum perfectus erat. Non igitur hoc sentit, cum ait, *Contra*, sed illud potius vult dicere, quod non solum nihil reprehenderunt, verum in tantum abfuerunt ab incusando, ut comprobarint etiam. Nam comprobatio contraria est incusationi. Mox quoniam conjectandum erat, dicturos aliquos: Si comprobarunt, quare non sustulerunt circumcisionem? Nam si comprobarunt, tollenda erat. Hic si dixisset, sustulerunt, iudicabat nimis inverecondum fore, atque hinc rursus oritur pugnam manifestam adversus ea quæ confessus fuerat. Videbat enim, si confiteretur concedendam esse circumcisionem, necessario fore, ut in aliam incideret objectionem. Si enim, inquit, comprobarunt tuam prædicationem, cum contra permiserint circumcisionem, ipsi secum pugnant. Quo pacto igitur hic solvitur nodus? Dicere poterat, quod ista fecissent, morem gerentes infirmitati *Judaica*. Verum hoc dicendo totum disputationis fundamentum convulsisset, eoque non dicit hoc, sed relinquit in dubio, atque in ancipiti dicens: *Ab iis autem qui videbantur esse aliquid, nihil mea refert*, perinde quasi diceret: Non accuso, neque fugillo sanctos illos. Sciunt ipsi quid fecerint. Deo siquidem reddituri sunt rationem. Quod autem hic demonstrare studeo, hoc est, quod a me gesta non resciderunt neque correxerunt, neque quippiam addiderunt, quasi quicquam illis deesset, verum etiam comprobarunt & assensu sunt. Atque hujusce rei testes habeo *Titum* ac *Barnabam*, unde subi-

8. cit dicens, *Cum vidissent mihi commissum Evangelium præputii quemadmodum Petro circumcisionis, dexteras dederunt mihi & Barnaba societatis.* Circumcisionem & præputium dicens, non res ipsas, sed gentes hac nota distinctas. Subjungit igitur, *Qui enim operatus est in Petro, in Apostolatum circumcisionis, operatus est & in me inter Gentes.* Quemadmodum igitur præputii nomine designat Gentes, ita & circumcisionis nomine, *Judaos*. Jamque se cæteris honore parem ostendit, nec se reliquis illis, sed ipsi summo comparat, declarans quod horum unusquisque parem fortitus sit dignitatem.

9. Posteaquam enim argumentis declaravit Apostolorum inter ipsos concordiam, quod superest sumpta fiducia libere profectur, neque jam solum pervenit usque ad Apostolos, sed ad *Christum* ipsum deducit sermonem, adque gratiam ipsi ab illo donatam, quarum rerum testes citat Apostolos dicens: *Ubi cognovissent gratiam Dei qua data est mihi, Jacobus, Cephas & Joannes.* Non dixit postquam audissent, sed cognovissent, hoc est, ex ipsis didicissent factis, dexteras dederunt mihi & Barnaba societatis. Vides ut paulatim demonstrat, hoc & *Christo* visum & Apostolis. Neque enim data fuisset, neque in illo fuisset operata gratia, ni prædicationem eam comprobasset. Ac *Petri* quidem solius meminit, ubi se cogitur cum illis conferre. Cæterum ubi citandum est testimonium, trium pariter facit mentionem, idque non sine laudis elogio, *Cephas*, inquit, *Jacobus & Joannes*, qui videbantur esse columna. Nec rursus dicit, vivebantur, quod tolleretur rei veritatem, sed aliorum quoque assumit sententiam, dicens: Qui magni sunt & eximii quosque omnes ubique celebrant, hujusmodi testes sunt eorum quæ dico, quod eadem placeant & *Christo*, quodque hæc ex ipsis rebus cognoverunt, ipsaque rerum experientia commoti sunt ut crederent. Ideoque & dexteras mihi dedere, non mihi tantum, sed & *Barnaba*, ut nos quidem ad Gentes, ipsi vero in circumcisionem. O prudentiam eximiam, o concordie demonstrationem irrefutabilem! ostendit & illorum doctrinam ipsius esse, & ipsius doctrinam illo-

rum esse. Eadem enim utrique placebant. Videlicet ut & illi sic prædicarent *Judaïs*, & hic Gentibus. Eoque subjecit, ita loquens: *Ut nos quidem in Gentes, ipsi vero in circumcisionem.* Vides quod hic quoque circumcisionem appellat, non rem ipsam, sed *Judaos*. Quoties enim rem ipsam sentit, addito contrario discernit, ipsumque nominat præputium, veluti cum ait: *Circum-* Rom. 2.
cisio quidem prodest, si Legem observes: Quod si transgressor Legis fueris, circumcisio tua præputium facta est. Ac rursus: *Neque circumcisio quicquam valet, neque præputium.* Cæterum ubi sic appellat *Judaos*, nec rem intelligi vult, sed populum, non opponit præputium, sed Gentes. Etenim velut e regione discernuntur, *Judaï* quidem a Gentibus, a circumcisionem vero præputium. B
Etenim qui operatus est in Petro ad Apostolici muneris functionem in circumcisione, operatus est & in me inter Gentes. Et hic rursus, *Nos inter Gentes, ipsi vero in circumcisionem*, non rem ipsam, sed *Judaorum* populum sic appellans, distinguens eum a Gentibus. C
Tantum ut pauperum memores essemus, quod ipsum etiam studui facere. Quid tandem est hoc quod dicit? In prædicandi, inquit, munere partiti sumus inter nos orbem terrarum. Atque ego quidem eos qui ex Gentibus sunt, illi vero *Judaos* sortiti sunt, juxta Dei placitum. Cæterum curam pauperum qui sunt apud *Judaos* ego ex meipso junxeram cum illorum voluntate. Quod si bellum fuisset inter eos & contentio, nequaquam hoc illi recepissent. Qui sunt autem isti pauperes? Plerique *Judaï* qui crediderant in *Palaestina*, facultatibus omnibus erant exuti, ac per omnes Regiones disjecti exulabant. Quod quidem & in Epistola ad *Hebræos* scripsit dicens: *Nam bonorum vestrorum rapinam, cum gaudio suscepistis.* Declarat idem *Thessalonicensibus* scribens, ac fortitudinem illorum prædicans: *Vos enim, inquit, imitatores facti estis Ecclesiarum Dei, quæ sunt in Judæa, quoniam & vos eadem passi estis a propriis contribulibus, quemadmodum & illi a Judæis: omnibusque modis ostendit, quod ii qui ex Gentibus crediderant, non perinde oppugnabantur a Græcis, quemadmodum ii qui ex Judæis crediderant, a suæ Gentis hominibus vexabantur, sed hæc Gens cæteris omnibus erat atrocior: eoque summa sollicitudine, modis omnibus curam illorum gerit, atque ob hoc ipsum & Romanis præcipit & Corinthiis, neque solum colligit pecunias, verum etiam ipse eas perferat, dicens, Nunc autem proficiscor Hierosolymam, ministraturus sanctis.* Nam & ad victum necessariis egebant. Quod igitur hic significat illud est: Hac in re mihi visum est, illis opitulari, quod ut recepi, ita non cessavi in suscepto negotio.

Ac postquam ostendit suam cum Apostolis concordiam consensumque, cogitur deinceps & disceptationis cum *Petro* *Antiochiæ* habitæ mentionem facere, dicens: E
Cum autem venisset Petrus Antiochiam, in faciem illi resisti, quoniam reprehensus erat. Priusquam enim venissent quidam a Jacobo, simul cum Gentibus edebat. At postquam venissent, subduxit ac separavit seipsum, metuens eos, qui erant ex circumcisione. Multi qui parum attente legunt hunc Epistolæ locum, existimant *Petrum* a *Paulo* insimulari de simulatione. Verum hoc non ita se habet, non ita se habet, inquam. Absit ut ita sit. Multam enim hic comperimus tum *Petri* tum *Pauli* prudentiam in hoc adhibitam, ut clam testem prodesse audientibus. Sed prius dicendum est de *Petri* fiducia, & quomodo hic unus ante cæteros discipulos solitus sit profiteri, quandoquidem etiam cognomen sortitus est, ob immutabilem & immobilem fidem. Cum enim omnes essent interrogati, hic ante cæteros profilens, *Tu es*, inquit, *Christus filius Dei vivi*, quo tempore illi & claves regni cælorum concredite sunt. Præterea in monte solus existit qui loqueretur. Ad hæc cum de cruce fieret sermo, cæteris tacentibus ipse dixit, *Propitius esto tibi.* Quamquam autem hæc verba non erant circumspectæ mentis, erant tamen fervidæ caritatis. Quin & in cæteris omnibus, videmus illum aliis fervidiorem, & ad pericula præsilientem. Ita cum Dominus visus esset in littore, cæteris navim trahentibus ipse non sustinuit navigio accedere. Jam & post resurrectionem *Judaïs* vociferantibus F

bus infanientibusque, ac discipulos discernere quærentibus, primus accedens ausus est in vocem erumpere ac dicere, quod ille crucifixus assumptus esset jamque in coelis ageret. Aliud est autem, ostium clausum recludere, ac negotio dare principium, aliud post deinceps confidenter agere. Itaque qui suam ipsius animam tam numerofo populo exposuerat, quomodo simulasset unquam? qui flagellatus, qui vinctus, nihil de sua fiducia voluerit remittere, idque tum in ipso statim prædicationis initio, tum in media Metropoli, ubi tantum erat discriminis, quo modo post tantum temporis *Antiochia*, ubi nullum erat periculum, cum jam ipsis factis comprobatus ac spectatus esset, eos qui ex *Judeis* crediderant formidasset? Qui *Judeos* ipsos non metuerat, & in principio & in civitate primaria: qui consentaneum est, ut post tantum temporis, cum esset in aliena civitate, eos qui ab illis defecerant metuerit. Non igitur hæc dicens *Paulus* adversus *Petrum* loquitur, sed quo consilio dixerat illud, *Ab his autem qui videbantur esse aliquid, quales aliquando fuerint, nihil mea refert*, eodem & hæc loquitur. Verum ne diutius his de rebus dubitemus, eorum quæ dicta sunt causam oportet explicare. Apostoli quemadmodum dicere coeperam, *Hierosolymis* quidem permittebant circumcisionem. Non enim poterant subito a Lege revelli. Ubi vero venissent *Antiochiam*, jam nihil istarum rerum observabant, sed cum his qui ex Gentibus crediderant, indifferenter vivebant, quod sane & *Petrus* tum faciebat. Ubi vero venissent ex urbe *Hierosolymarum*, qui viderant eum ibi sic prædicantem, non ulterius tentabat idem facere metuens ne illos offenderet, sed secessit, hic duo per dispensationem agens, alterum ne offenderet eos qui erant ex *Judeis*, alterum ut *Paulo* justam præberet occasionem increpandi. Etenim si ipse qui *Hierosolymis* prædicarat cum circumcisionis permisso, *Antiochia* secessisset, visus fuisset iis qui ex *Judeis* crediderant, *Pauli* metu id facere, ac *Petri* nimiam facilitatem reprehendissent discipuli, quæ res non mediocre peperisset offendiculum, quamquam *Paulo* quem nihil latebat, suo discessu nullam hujusmodi præbuisset suspensionem, noverat enim quo animo hæc fierent. Unde & *Paulus* objurgat, & *Petrus* sustinet, ut dum magister objurgatus obticescit, facillime discipuli mutarent sententiam. Nam si *Paulus*, cum tale nihil accidisset, admonuisset, nihil magnificisset. Nunc vero quoniam nactus occasionem acrius increpavit, majorem *Petri* discipulis timorem injecit. Quod si *Petrus* hæc audiens contradixisset, merito quis eum culpæ potuisset, quod dispensationem subvertisset. Nunc vero dum alter objurgat, alter obticet, multis timor incutitur iis, qui ex *Judeis* crediderant, eoque vehementius tractat *Petrus*. Vide autem quanta circumspeditione sermonem temperat, prudentibus subindicans, ea quæ loquitur non esse diffidii, sed dispensationis. Cum enim, inquit, *Petrus* venisset *Antiochiam*, in faciem illi restiti, quoniam reprehensus erat. Non dixit, reprehensus a me, sed simpliciter reprehensus, haud dubium, quin ab aliis. Nam id aliunde subaudiendum est. Quod si ipse reprehendisset illum, haud quaquam veritus fuisset hoc dicere. Quod autem dixit *κατὰ πρόσωπον*, id est, *juxta faciem*, perinde est quasi dixisset, *in speciem*. Etenim si vere fuisset inter ipsos contentio, nequaquam præsentibus discipulis se invicem increpassent. Gravi enim illis fuissent offendiculo. Nunc autem utilis erat palam in speciem adhibita dissensio. Et quemadmodum *Paulus Hierosolyma* cessit illis, ita iidem *Paulo* cesserunt *Antiochia*. Quænam igitur erat reprehensio? Priusquam enim venissent quidam a *Jacobo*, (Recte, nam ipse fuerat doctor *Hierosolymis*) simul cum Gentibus edebat. Postquam autem venissent, subtraxit sese, metuens eos qui erant ex circumcisione. Non hoc metuens, ne veniret in discrimen. Nam qui in initio non metuerat, multo minus tum metuisset. Verum illud metuebat, ne deficerent. Quandoquidem & ipse *Paulus* loquitur *Galatis*, *Timeo de vobis, ne frustra laboraverim*. Ac rursus: *Timeo ne quemadmodum Serpens decepit Evam, corrumpamur sensus vestri*. Apud illos igitur mortis metus nihil erat, verum metus ne perderent suos discipulos vehementer concutiebat illorum animos.

A *Ac simularunt cum illo & reliqui Judei, ut & Bar-abbas simul abductus fuerit in illorum simulationem*. Ne mireris, si factum hoc appellat hypocrisim, hoc est, simulationem. Non enim vult, ut prius dixi, patefacere consilium, ut illi corrigerentur. Quoniam enim vehementer hærebant Legi, ideo *Petri* factum appellat simulationem, & severius increpat, ut persuasionem illis radicitus infixam evelleret. Et hæc audiens *Petrus*, jungit cum *Paulo* simulationem, quasi deliquisset, ut per ipsius objurgationem corrigerentur. Etenim si *Paulus* objurgasset eos, qui erant ex *Judeis*, indigne tulissent ac respuissent illius objurgationem. Nec enim admodum magnifice de illo sentiebant. Nunc autem cum conspiciunt doctorem suum objurgatum obticere, neque contemnere, neque contradicere *Pauli* verbis poterant. Sed cum viderem, quod non recte incederent ad veritatem. *Evangelii*, ne hæc quidem dictio vos conturbet. Non enim hæc dicit reprehendens *Petrum*, sed ita figuratam facit orationem, ut audita prodesse iis, qui ob *Petrum* objurgatum erant futuri meliores. Dixi *Petro* coram omnibus: Vides quomodo hinc corrigit alios? Nam ideo dixi coram, ut qui audirent, timerent. Age dic quid dixeris. Si tu *Judeus* cum sis, gentiliter vivis & non *Judaice*, cur cogis Gentes *Judaizare*? Atqui Gentes non simul cum illo fuerant in simulationem illam abductæ, sed *Judei*. Cur igitur incusas, quod factum non est? Quin potius vertis sermonem ad eos qui simulabant, qui quidem erant ex *Judeis*, & non ad Gentes? Cur autem *Petrus* solum incusas? Cæteri quoque cum illo simulaverant. Videamus porro & quid sit, in quo accusat. Si tu *Judeus* cum sis, gentiliter vivis, ac non *Judaice*, cur Gentes cogis *Judaizare*? Atqui solus hic se iuduxerat. Quid igitur est, quod vult efficere? Ut objurgatio careat suspitione. Nam si dixisset, Male facis, qui Legem observas, increpassent illum *Judei* tanquam confidentius agentem adversus præceptorem ipsorum. Nunc vero dum illum objurgat pro suis discipulis, nimirum pro his qui erant ex Gentibus, molliorem reddidit hunc sermonem: quanquam non hoc modo tantum, verum etiam hoc, quod abstinens ab omnium reprehensione, totam increpationem confert in doctorem. Si enim tu, inquit, *Judeus* cum sis, gentiliter vivis, non *Judaice*: propemodum aperte clamans, Imitamini doctorem, ecce & ipse *Judeus* cum sit, Gentium more vivit. Verum id non dicit: Non enim acceperant admonitionem, sed prætextu reprehensionis pro Gentibus patefacit *Petri* sententiam. Rursus si dixisset, cur eos qui sunt ex *Judeis* cogis Gentium more vivere? acerbior fuisset oratio. Nunc vero sic moderans sermonem, non quasi defendat discipulos *Judeos*, sed eos qui erant ex Gentibus, hoc pacto corrigit illos. Increpationes enim si non fuerint vehementer acerbæ, facillime possunt recipi. Nullus enim eorum qui erant ex Gentibus inculcare *Paulum* poterat, si de *Judeis* fecisset verba. Hoc totum suo silentio correxit *Petrus*, recepta in se simulationis opinione, quo vera simulatione *Judeos* liberaret. Primum igitur in *Petri* personam torfit sermonem, si tu *Judeus* cum sis.

Cæterum in progressu communiter ad omnes vertit orationem, seipsum etiam complectens cum cæteris atque ita dicens: *Nos natura Judei, ac non ex Gentibus peccatores*. Ac sermo quidem admonitionem habet, nisi quod addita est species objurgationis, propter eos qui erant ex *Judeis*. Facit autem idem alibi quoque, ut aliud videatur dicere, aliud agens. Veluti cum *Romanis* scribens ait: *Nunc autem eo Hierosolymam ministrans sanctis*. Non enim volebat dicere, nec hoc eos simpliciter docere, cujus rei gratia proficisceretur *Hierosolymam*, sed illud agebat, ut eos provocaret ad æmulationem beneficentiæ. Nam si causam modo voluisset explicare, satis erat dicere, *eo ministrans sanctis*. Nunc vero considera, quam multa connectat. Complacuit enim *Macedonia* & *Achaia* communicationem aliquam facere in sanctos pauperes, qui sunt *Hierosolymis*. Complacitum est enim, & debitorum illorum sunt. Ac rursus, Etenim si in spiritualibus Gentes fuerunt illorum consortes, debent illis & in carnalibus subministrare. Vide igitur quomodo *Judeorum*

spiritus premit, aliud per aliud agens, utque cum auctoritate loquitur. Nos, inquit, *natura Judai, & non ex Gentibus peccatores*. Quid est, *natura Judai*? Nimirum non profelyti, sed a teneris annis educati in Lege. Nos itaque relicto vitæ genere, in quo fueramus nutriti, confugimus ad fidem quæ est in *Christum*, scientes quod non justificabitur homo ex operibus Legis, sed tantum per fidem *Jesu Christi*. Et nos in *Christum* credimus, ut justificemur ex fide *Christi*, & non ex operibus Legis, eo quod non justificabitur ex operibus legis omnis caro. Vide & hic, ut omnia circumspice loquitur. Non enim ait, reliquimus eam ut malam, sed ut infirmam. Proinde si Lex non confert iustitiam, otiosa est circumcisio. Sed nunc quidem non hoc modo loquitur. Cæterum in progressu declarat, non solum otiosam esse, verum etiam periculosam, quod quidem vel maxime cavendum est.

Quomodo & initio dixit, *non justificatur homo ex operibus Legis*; progressus vero vehementius loquitur: *Quod si querentias in Christo justificari, reperi sumus peccatores, nimirum Christus peccati minister est*: Nam si non potest, inquit, fides in eum justificare, sed opus est rursus amplecti Legem: & si posteaquam Legem reliquimus ob *Christum*, non justificamur ex Legis omissione, sed condemnatur, comperimus illum esse causam condemnationis, cujus gratia cum Legem reliquerimus, ad Legem ultro recurrimus. Vides in quam absurditatis necessitatem coëgit orationem, quamque valide pugnet. Nam si, inquit, non oportuit Legem relinquere, vos autem reliquimus propter *Christum*, quomodo sumus iudicandi? Quid igitur *Petro* dicis, quid admones eum, qui hæc omnia plenissime novit? An non Deus illi ostendit, non esse iudicandum hominem, qui præputium habet, in circumcisione? Nonne cum *Judais* hisce de rebus differens, libere illis ex hac visione restitit? Nonne decreta publica super his denuo misit ex *Hierosolymis*? Hæc igitur non ut *Petrus* corrigat loquitur, sed sermo videbatur in illum intendi, cum discipulos redargueret. Nec ista proprie pertinent ad *Galatas*, sed in omnes quadrant, qui eodem cum illis errore tenebantur. Quanquam enim nunc non multi circumciduntur, sed jejunt, servantque Sabbata, eadem cum illis faciunt, excutientes semetipsos a gratia. Nam si iis qui tantum circumcidebantur, *Christus* nihil prodest, ubi jejunium ac Sabbatum acceperit, pro uno præcepto duo servantur. Vide quantum sit periculum, quod ab ipso etiam tempore sit formidabilius. Siquidem illi in initio hæc faciebant, cum adhuc exstaret civitas; cum Templum, cum cætera omnia. Hi vero cum & conspiciant, quas poenas *Judai* dederint, & urbem funditus deletam videant, nihilo secius plura etiam observant: quam habere poterunt excusationem, eo tempore servantem Legem, quo ipsi *Judai*, quamvis vehementer cupientes, non possunt hæc conservare? Induisti *Christum*, membrum factus es Domini, in supernam civitatem ascriptus es, & adhuc circa Legem serpis? Et quomodo potes regnum illud consequi? Audi *Paulum* dicentem, Evangelium subverti per Legis observationem. Quod si vis etiam rei modum discito, simul horrefcito, fugitoque barathrum. Cur enim observas Sabbatum, ac jejunas cum illis? Videlicet veritus Legem ac ritus illos omittere? At nequaquam timeres Legem, nisi fidem contemneres, ut quæ sit imbecillis, nec per se valeat conferre salutem. Quod si metuis non servare Sabbatum, conspicium est te adhuc metuere Legem, velut etiamnum auctoritate pollentem. Quod si quis rursus usus est Legis, profecto non est opus parte, aut unico præcepto, sed tota Lege est opus. Si vero tota est opus, excussa est paulatim, quæ per fidem datur iustitia. Nam si observas Sabbata, cur non circumcideris? Quod si circumcideris, quin & pecudes immolas? Etenim si observanda Lex est, tota servanda est. Quod si non est necesse servare totam, ne partem quidem servare necesse est. Quod si pro parte formidas ne condemneris, multo magis pro tota metuas oportet. Quod si tota violata non punit, palam est, nec partem id facere. Quod si portio Legis violata punit, multo magis id faciet tota. Si tota servanda est, non oportet auscultare *Christo*: aut

A si *Christo* auscultamus, Legis transgressores efficiamur oportet. Etenim si oportet eam servare, qui non servant transgressores sunt: hujus autem transgressionis *Christus* nobis auctor esse deprehenditur: Nam ipse Legem solvit, eam quæ talia præcipit, & aliis ut solverent præcepit. Vides quid moliantur isti *Judaizantes*, *Christum* qui nobis est auctor salutis, hunc etiam peccati faciunt auctorem, quemadmodum & *Paulus* ait, *nimirum Christus minister est peccati*. Post hæc cum sermonem eo deduxisset, ut videretur absurdus, non jam opus erat probationum apparatu ad confutationem, sed satis erat negasse ac dicere: *Abst.* Siquidem adversus vehementer absurda & inverecunda nihil opus est oratoris rationibus, sed sufficit abnegare solum.

Nam si quæ destruxi, hæc iterum ædifico, transgressorem meipsum confitetur; Vide *Pauli* prudentiam. Illi turbabant ostendere, qui non servaret Legem, cum transgressorem esse: hic in diversum torquet sermonem, ostendens eum esse transgressorem qui servat Legem, transgressorem, inquam, non modo fidei, sed & ipsius Legis. Quæ enim destruxi, hæc rursus ædifico, nimirum Legem. Quod vero dicit tale est, Cessat Lex, & hoc professi sumus, & ob id ea relicta confugimus ad salutem quæ est ex fide. Itaque si contendamus eam ita servare, hoc ipso reddimur transgressores, qui contendamus servare quæ Deus antiquavit. Deinceps quomodo soluta sit ostendit. Ego enim per Legem Legi mortuus sum. Dupli-
cem habet hic sermo considerationem. Aut enim de Lege gratiæ loquitur: solet enim *Paulus* & hanc appellare Legem, veluti cum ait: *Lex autem spiritus vita liberavit me*: aut hic de Lege veteri loquitur, significans se per Legem ipsam Legi mortuum esse, hoc est, ipsa Lex me huc perduxit, ne post hæc ipsi auscultarem. Itaque si nunc illi sum auscultaturus, ipsam etiam Legem transgredior. Qui nam? & quomodo? *Moses* ait: *Prophetam suscitabis vobis Dominus Deus ex fratribus vestris, tanquam me cum audieris*: nimirum de *Christo* loquens. Itaque qui huic non obtemperant, Legem transgrediuntur. Rursus & alio modo nobis intelligendum est quod ait, *per Legem Legi mortuus sum*. Lex enim jubet omnia fieri, quæ in ipsa scripta sunt, ac non facientem punit. Omnes igitur illi mortui sumus, eo quod nullus eam implevit. Ac vide quam hic quoque moderate pugnet adversus Legem. Non enim dixit, *Lex mihi mortua est*, sed, *ego Legi mortuus sum*. Hujus dicti sensus est, quemadmodum ex animis ac mortuis non potest auscultare præceptis Legis, ita nec ego, qui ex illius maledictione mortuus sum, siquidem iis quæ loquitur illa, mortuus sum. Ne igitur præcipiat mortuo, quem ipsa etiam occidit, idque non solum morte corporali, verum etiam animæ, per quam mortem corporis inexit.

Hoc enim sentire se declarat in his quæ sequuntur, *ut Deo vivam, simul cum Christo crucifixus sum*: Nam quoniam dixerat, *mortuus sum*, ne quis diceret, quomodo igitur vivis, subiecit & vitæ causam, declarans quod Lex quidem viventem occidit, *Christus* autem mortuum assumptum per mortem vivificavit. Declaratque duplex miraculum, alterum quod mortuum revocavit ad vitam, alterum quod per mortem largitus est vitam. Siquidem hoc loco mortis nomine vitam designat. Hoc enim est quod ait, *ut Deo vivam, simul cum Christo crucifixus sum*. Quomodo, dixerit quispiam, vivens ac spirans simul crucifixus est? Nam *Christus* quidem fuisse crucifixum, clarum est. Tu vero quomodo crucifixus es ac vivis? Vide quemadmodum & hoc interpretatur dicens: *Viva autem non jam ego, vivis vero in me Christus*. Nam dicendo, *simul cum Christo crucifixus sum*, baptismum recte significat: cum vero dicit, *viva autem jam non ego*, significat sequentem vitæ rationem, per quam mortificantur membra. Quid autem est, *vivis vero in me Christus*? Nihil, inquit, geritur a me, quod nolit *Christus*. Sicut enim mortem appellat non istam communem, sed mortem a peccatis, sic & vitam appellat liberationem a peccatis. Deo siquidem nemo potest aliter vivere, nisi mortuus fuerit peccato. Quemadmodum igitur *Christus* corporalem sustinuit mortem, ita

Colof. 3. ita & ego mortem a peccatis sustinui. *Mortificate*, inquit, *membra vestra, quæ sunt super terram, quæ sunt fornicatio, adulterium, immunditia.* Ac rursum, *Vetus noster homo crucifixus est*, id quod in lavacro factum est. Quod si manseris mortuus peccato, vivis Deo: sin denuo peccatum suscitaris, corrupisti talem vitam. At non talis erat *Paulus*, qui perseveravit perpetuo mortuus. Proinde si vivo, inquit, Deo alia vita, quam in Lege vixeram, nullam Legis partem servare possum. Vide exactam vitæ rationem, ac beatam illam animam admirare. Non dixit, *vivo ego*, sed *vivis in me Christus*. Quis ausit hanc vocem erumpere? Quoniam enim seipsum *Christo* Domino ac cruci præbuerat, cunctaque rejecerat temporalia, & ad illius voluntatem faciebat omnia, non dixit, *vivo Christo*, sed quod longe majus erat dixit: *Vivis in me Christus*. Quemadmodum enim peccatum, si vicerit, ipsum est quod vivit in homine, animum ad quæ vult pertrahens: ita si illo mortuo, quæ *Christo* sunt placita fiant, nec humana deinceps est ejusmodi vita, videlicet ipso *Christo* vivente in nobis, hoc est, agente ac dominante. Porro quoniam dixit, *simul crucifixus sum, nec jam vivo, sed mortuus sum*, videbaturque multis absurda dicere, subjunxit: *Quod autem nunc vivo in carne, in fide vivo filii Dei.* Quæ hæcenus, inquit, dixi, de vita intellectuali dicta sunt. Quod si quis expendat & hanc vitam sensibilem, & ea mihi per fidem in *Christum* contigit. Quantum enim ad veteris vitæ rationem ac Legem attinet, dignus eram extremo supplicio, ac jam pridem perieram, *omnes enim*, inquit, *peccaverunt, & egent gloria*, hoc est, Nos enim cum essemus obnoxii sententiæ damnationis, *Christus* liberavit: omnes enim eramus mortui, si minus experientia, certe judicio, jamjamque plagam expectantes liberavit. Cum igitur & Lex accusasset, & Deus condemnasset, *Christus* interveniens ac semet exponens morti, nos omnes eripuit a morte. Itaque quod nunc vivo in carne, in fide vivo, hoc est, per fidem, quam habeo in ipsum, vivo. Nam ni id fuisset, nihil obstabat, quo minus interirent universi, quod & accidit in diluvio. Sed *Christi* adventus inhibens iram Dei, fecit ut per fidem viveremus. Ut autem scias hoc illum sentire, audi quæ sequantur: cum enim dixisset, *quod autem nunc vivo in carne, in fide vivo*, subjecit, *Filii Dei qui dilexit me, deditque seipsum pro me.* Quid facis, o *Paulus*, dum communia proprie tibi vindicas, quæque pro toto terrarum orbe facta sunt, tibi facis peculiaria? Non enim dixisti *qui dilexit nos*, sed *qui dilexit me*. Atqui Evangelista dicit: *Sic dilexit Deus mundum.* Quin & tu ipse dicis, *Qui proprio Filio non pepercit, sed tradidit eum pro nobis.* Non igitur pro te, sed pro omnibus. Ac rursum, *Ut acquireret sibi populum peculiarem.* Quid est igitur quod hic dicit? Cum consideraret Apostolus infirmitatem humanæ naturæ, & ineffabilem Dei sollicitudinem, tum quibus ipsum malis liberasset, quæ bona largitus esset, inflammatus illius desiderio, hunc in modum loquitur. Quandoquidem & Prophetæ non raro Deum communem, sibi proprium faciunt, hoc modo loquentes: *Deus Deus meus ad te luce vigilo.* Præterea vero declarat hoc quoque par esse, ut quisque nostrum non minus agat gratias *Christo*, quam si ob ipsum solum advenisset. Neque enim recusaturus erat vel ob unum tantam exhibere dispensationem, adeo singulum quemque hominem pari caritatis modo diligit, quo diligit orbem universum. Itaque victima quidem pro tota oblata est natura, ac sufficiebat omnibus lætificandis; Cæterum soli illi qui crediderunt, sunt quibus usui fuit beneficium. Attamen non absternuit eum ab ejusmodi dispensatione, quod non omnes accederent, sed quemadmodum in Euangelio convivium omnibus quidem paratum erat, verum quoniam qui vocati fuerant, venire noluerunt, non pariter sustulit quæ fuerant parata, sed alios vocavit. Itidem & hic fecit. Nam & ovis quæ fuerat a nonaginta novem distracta, unica erat, nec hanc tamen contempsit. Hoc idem & de *Judeis* differens *Paulus*, in hunc ferme modum significavit dicens: *Quid enim si quidam non crediderunt? Num incredulitas eorum fidem Dei facit irritam? Absit, Sit autem Deus verax, omnis vero homo mendax.* Ergo cum ille sic te di-

A legerit, ut semetipsum etiam tradiderit, omnique salutis spe destitutum ad tantam talemque vitam adduxerit, tu post tot accepta bona, denuo recurris ad vetera? Posteaquam igitur diligenter interjecit, quæ rationibus erant tractanda, quod superest acriter asseverando pronuntiat, dicens: *Non rejicio gratiam Dei*; Audiant hoc *ist*, qui hisce quoque temporibus Judaizant, Legique attendunt, ad eos siquidem hæc dicuntur. *Etenim si per Legem est justitia, nimirum frustra Christus mortuus est.* Quid hoc peccato gravius? quid his verbis ad incutiendum pudorem efficacius? Etenim si mortuus est *Christus*, clarum est Legem non posse justificare nos. Quod si Lex justificat, supervacanea est *Christi* mors. Et qui possit hoc videri rationi congruens, rem tantam, tam adorandam ac reverendam, omnemque superantem hominum cogitationem, tam ineffabile mysterium, quod Patriarchæ quidem parturiebant, Prophetæ vero prædixerunt, Angeli videntes obstupuerunt, tum quod caput est divinæ erga nos sollicitudinis, apud omnes creditum ac receptum, hoc frustra & incassum factum dicere? Ergo cum consideraret insignem absurditatem, si tantam talemque rem dicerent superflue fuisse factam: hoc enim colligebatur ex his quæ faciebant, etiam convitiis objurgat illos dicens:

C A P U T I I I.

C *Stulti Galata, quis vos fascinavit? quibus ante oculos Jesus Christus præscriptus est, in vobis crucifixus.* Hic jam ad aliud transit caput. In superiori quidem ostendit se non esse Apostolum hominum, neque per homines, nec eguisse Apostolorum doctrina: hic vero posteaquam se jam doctorem dignum cui fides haberetur declaravit, majore cum auctoritate disserit, fidei Legisque faciens comparisonem. Sic igitur illic ingrediens dicit: *Admiror quod tam cito transferimini*: hic vero, *O stulti Galata.* Tum enim parturiebat indignationem, quam ubi jam pro se respondit, in medium erumpens protulit, re comprobata. Quod si stultos vocat, ne mireris. Non enim transgrediens *Christi* Legem, quæ vetat, ne quis fratrem suum appellet fatuum, hoc facit, sed admodum illam observans. Non enim simpliciter dictum est: *Qui vocarit fratrem suum fatuum, sed qui temere vocarit.* Horum vero nonnulli digni erant hac appellatione, qui post tanta taliaque perinde quasi nihil esset actum, prioribus hærebant circumventi. Quod si hanc ob causam *Paulum* appellas contumeliosum, simul & propter *Sapphiram* & *Ananiam* *Petrum* dices homicidam. Quod si dementiæ sit illud dicere, multo magis dementiæ fuerit hæc dicere. Attu mihi contemplator, ut non statim in initio usus est hac vehementia, sed post tot redargutiones, totque probationes, cum jam non ab illo, sed ab ipsis argumentis accipiebant objurgationem. Cum enim demonstrasset, quod fidem repellerent, quod *Christi* mortem supervacaneam redderent, tum adjungit objurgationem, ac ne id quidem ut merebantur digni, quippe qui severioribus etiam verbis acciperentur. Cæterum & illud mihi considera, quomodo protinus etiam vulnere inflicto temperat dolorem. Non enim dixit: *Quis vos seduxit? quis vobis abusus est? quis vos circumvenit?* sed, *quis vos fascinavit?* Sic moderans increpationem, ut non careat laude. Hæc enim verba sunt indicantis, quod prius invidia digna fecerint, quodque id quod accidit, *Dæmonis* insultu factum sit, qui secundis illorum successibus vehementer reclamaverit. Porro cum audis invidiam, quemadmodum hic & item in Euangelio, audis oculum malum, idem declarantem, ne sic existimes, quod oculorum conjectus intuentes lædere soleat. Oculus siquidem, hoc est, ipsum membrum nequaquam possit esse malum: verum hic eo modo *Christus* notat invidiam. Nam oculorum est, simpliciter videre tantum: cæterum videre perperam, animi est intus depravati. Quoniam enim per hunc sensum in animum nostrum influit eorum quæ videntur consideratio, & plerumque divitiis innascitur invidia, porro divitiæ cernuntur oculis, quemadmodum & principatus & satellitia: propterea vocavit malum oculum, qui non simpliciter cerneret, sed qui cum li-

vore animique malitia. Cum vero dicit, *quis vos fascina-
vit?* declarat eos, quod non veluti curam habentes,
nec ut id quod deerat suppleverint, verum etiam id quod
erat mutilantes, ac decimantes id facerent. Siquidem
livoris est, non addere quod deest, sed de pleno etiam
aliquid detrahare, totumque corrumpere. Hæc autem
dicit, non quasi livor per se nocere posset, sed ut osten-
dat eos qui ista docebant, per invidiam ad hoc venisse.
*Quibus Christus ante oculos prius depictus erat, in vobis cru-
cifixus.* Atqui non apud Galatas, sed Hierosolymis cru-
cifixus fuit. Quomodo igitur dicit, *in vobis?* Ut fidei
vim ostenderet, quæ possit & procul diffita cernere.
Nec dixit, *crucifixus est*, sed *prescriptus est crucifixus*, in-
dicans quod oculis fidei quidem exactius perspicerent,
quam ii qui præsentibus adfuerant, eaque quæ gerebantur
conspexerant. Illorum enim qui spectabant complures
nullum inde fructum retulerunt: hi vero quæ oculis ipsis
non viderant, tamen per fidem evidentius viderant.
Hæc autem loquitur, simul & taxans eos, & laudans:
laudans quidem, quod tanta cum fiducia recepissent id
quod acciderat: taxans vero, quod quem viderant pro
ipsis nudari, colaphis cædi, affigi clavis, conspui, pro-
bris incesse, aceto potari, accusari a latronibus, lancea
vulnerari (nam hæc omnia significavit dicendo, *pre-
scriptus est, in vobis crucifixus*) eo deserto ad Legem
currebant, nihil reveriti cruciatus illos. Tu vero & il-
lud considera, quemadmodum ubique prætermisso cœlo,
terra, mari, cæterisque rebus omnibus, *Christi* po-
tentiam prædicavit, crucem ubique celebrans. Hoc
enim erat præcipuum caput divinæ pro nobis sollici-
tudinis.

§. 2. *Hoc solum volo discere a vobis, ex operibus Legis Spiritum
accepistis, an ex auditu fidei?* Quoniam, inquit, non
præbetis perpetuam attentionem prolixis sermonibus,
nec vultis magnitudinem huius dispensationis intueri,
compendio sermone brevissimaque demonstratione
volo persuadere vobis, vosque extremæ ingratitude
ac dementiæ coarguere. Ac prius quidem in his quæ su-
perius dicta sunt, ex his quæ locutus est *Petro* persuase-
rat, sed hic jam ipsos aggreditur, non ex his quæ alibi
contigerunt, sed ex his quæ inter eos gesta sunt omnia
demonstrans, neque tantum ex his donis quæ cum cæ-
teris acceperant communia, verum etiam ex his quæ
ipsis peculiariter donata fuerant, fidem facit simul &
probationem instruit, eoque dicit: *Hoc solum volo di-
scere a vobis, ex operibus Legis Spiritum accepistis, an ex
auditu fidei?* Accepistis, inquit, Spiritum sanctum,
edidistis multa miracula, perfecistis prodigia, mortuos
excitando, leprosos mundando, prophetando, linguis
loquendo. Hanc igitur tam insignem potestatem num
vobis dedit Lex? Atqui prius nihil tale faciebatis, sed
posteaquam credidistis, talia facere cœpistis. An non
igitur extremæ dementiæ est, cum tantum beneficio-
rum in vos contulerit fides, hanc relinquere, & ad Le-
gem quæ tale nihil vobis præstitit, ultro recurrere?

§. 3. *Adco stulti estis, qui in spiritu capistis, nunc carne con-
summamini?* Rursum opportune convicium addidit,
Cum, inquit, oportuerit vos temporis progressu, prio-
ribus bonis accessionem adjungere, non solum non pro-
fecistis, verum denuo ad relicta estis retroacti. Etenim
qui ab exiguis initium faciunt, procedentes ad majora
conscendunt. Vos contra a magnis orsi, ad diversa re-
trocessistis. Si a carnalibus cœpissetis, oportebat ad spi-
ritualia proficere: nunc vero cum a spiritualibus cœpe-
ritis, ad carnalia divertistis. Nam edere miracula, spi-
rituale est: circumcidi vero, carnale. Vos autem post
signa devenistis ad circumcisionem, post apprehensam
veritatem ad typos recidistis, post conspectum Solem
lucernam quæritis, post solidum cibum ad lac recurritis.
Et non dixit, *in carne consummamini*, sed *carne
consummamini*, illud indicans, quod Pseudoapostoli pec-
cudum ritu correptos eos conciderent, dum semet illis
præbent ad ferendum quicquid illis collibuisse, perinde
ac si quis e ducibus ac fortibus viris, post innumera tro-
phæa victoriasque seipsum in desertorum infamiam tra-
dat, corpus suum exhibeat volentibus imprimere notas.

§. 4. *Tam multa passi estis frustra, si tamen & frustra.* Hoc

A multo acrius vulnerat quam illud prius. Non enim signo-
rum refracta memoria æque poterat illorum animos mor-
dere, ut ostensa certaminum malorumque tolerantia,
quæ propter *Christum* fuerant perpassi. Omnium, inquit,
illorum quæ sustinuitis, isti jacturam vos facere volunt,
& coronam vobis student intervertere. Mox ne concu-
teret illorum animos, nervosque dissolveret, non ex-
spectavit inficiationem, sed continenter subtexuit, *se
tamen frustra*, significans videlicet, si volueritis exper-
gisci, ac revocare vos ipsos, non frustra passi fueritis.
Ubi nunc sunt qui tollunt poenitentiam? Ecce hi Spiritum
acceperant, signa fecerant, confessores fuerant,
innumerabilia pericula, varias persecutiones *Christi* cau-
sa perpassi fuerant, & post tam multa recte facta, a
gratia exciderant, & tamen dicit, si volueritis potestis
vos ipsos revocare. *Qui igitur subministrat vobis Spiritum,*
*quisque in vobis operatur miracula, ex operibus Legis, an
ex auditu fidei?* Cum tantum, inquit, donum adepti
sitis, ut & miracula ederetis, utrum quia Legem ser-
vastis, ideo ista faciendi potestate dignatus est vos *Deus*,
an propter fidem? Non dubium est quin propter fidem.
Quoniam enim sursum deorsum hoc vertebant illi, &
undique jactabant dicentes, fidem non valere nisi ad-
iuncta Lege, *Paulus* contra demonstrat, additis præcep-
tis, fidem jam nihil profuturam. Tum enim valet fi-
des, cum nihil accesserit ex Lege. *Quicumque enim,*
inquit, *in Lege iustificamini, a gratia excidistis.* Verum
id quidem in progressu declarat, cum etiam liberius lo-
quitur, ex his quæ jam probata sunt sumens occasio-
nem, hæctenus vero ex præteritis idem tractat. Cum
inquit, non attendebatis Legi sed fidei, tunc Spiritum
accepistis, tunc signa prodidistis.

Deinceps quoniam de Lege dicendum erat, & alium
movet locum, qui plurimum habet contentionis, *Abra-
ham* in medium adducit, idque valde opportune, mul-
taque copia, loquens hunc in modum: *Sicut Abraham*
credidit Deo, & imputatum est illi ad iustitiam: Decla-
rant quidem, inquit, fidei vim & a vobis edita miracu-
la. Quod si vultis, etiam ex vetustis historiis conabor
vobis facere fidem. Itaque quoniam celebris magnæ-
que existimationis apud illos erat Patriarcha *Abraham*,
& hunc profert in medium, declarans hunc quoque
sic fuisse iustificatum. Quod si is ante gratiam ex fide
iustificatus est, idque cum & operibus bonis floureret,
multo magis vos. Quid igitur illi detrimenti attulit
quod non esset sub Lege? Nihil. Sed sufficebat ei fi-
des ad iustitiam. Dixerit aliquis, Non erat tum Lex.
Pulchre. Neque nunc est Lex, sicuti nec tum: ob
id enim sublaturus Legis necessitatem, eum qui tum
ante Legem iustificatus fuit induxit, ne hoc possit ob-
ijci. Nam quemadmodum tunc data nondum erat, ita
nunc quæ data fuit antiquata est. Ad hæc quoniam ef-
ferebantur animis quod ab *Abraham* ducerent genus,
metuentes ne si Legem relinquerent, ab illius cogna-
tione fierent alieni, id quoque rursus in contrarium ver-
tit, metumque solvit, declarans quod fides potissimum
conciliat cum illo propinquitatem, quod quidem ma-
nifestius in Epistola ad *Romanos* probavit, non minus
tamen idem hic agit dicens hoc pacto: *Scitote ergo,*
quod qui ex fide sunt, hi filii sunt Abraha. Deinde hoc
ipsum veteris Scripturæ testimonio probat, *Providens*
*enim Scriptura, quod ex fide iustificat Gentes Deus, præ-
nunciavit Abraham, dicens: In te benedicentur omnes Gen-
tes.* Itaque si qui nullam cum illo naturalem habent co-
gnationem, sed fidem illius imitati sunt, filii sunt, per-
spicuum est quod in hanc inferuntur Gentes qui credi-
derunt. Id enim significat cum ait: *In te benedicentur
omnes Gentes.* Per hæc autem & aliud quiddam magnum
declaratur. Nam quoniam illud eos turbaverat, videli-
cet Legem antiquiorem esse, gratiam autem post Le-
gem: & hæc illis eximit suspensionem, ostendens fidem
esse Lege antiquiorem, idque liquere ex *Abraham*.
Priusquam enim existeret Lex, ille iustificatus est.
Porro ut ostendat ea quoque quæ nunc sunt, iuxta va-
ticia Prophetarum evenisse: *Providens*, inquit, *Scriptura,*
quod ex fide iustificat Deus Gentes, non ex Lege,
prænunciavit Abraham. Quid tandem hoc est? Qui, in-
quit,

quit, Legem dedit, idem & priusquam Legem daret hoc definierat, ut Gentes per fidem justificarentur. Non dixit, *revelavit*, sed *evangelizavit*, id est, *latum nuncium attulit*, ut intelligas & Patriarcham tali justificationis modo gavissimum fuisse, ac vehementer ut hoc contingeret desiderasse. Cæterum quoniam illos & alter quidam habebat metus, Scriptum erat enim, *maledictioni obnoxius est omnis qui non manserit in omnibus qua scripta sunt in libro Legis hujus, ut faciat ea*: Et hunc eximit metum, sapienter ac prudenter rursus hoc vertens in diversum, & ostendens quod non solum non sint execrationi obnoxii, qui Legem relinquerent, sed & benedictionis participes: contra qui Legem obtinerent, adeo non benedicti, ut etiam execrabiles.

Siquidem illi dicebant: Qui non servaverit Legem, execrationi est obnoxius. Hic vero declarat, eum qui servat, execrabilem esse: e diverso qui non servat, benedictionis consortem. Rursum illi dicebant, qui sola fide nititur execrabilis est: hic contra demonstrat, qui sola fide nititur, eum benedictum esse. Age igitur hæc omnia demonstramus vobis jam evenisse. Sed his quæ jam dicuntur attendite diligenter, non enim rem vulgarem pollicemur. Ostenderat quidem hoc antea, cum narraret Scripturam dixisse Patriarchæ, *In te benedicentur omnes Gentes*. Tum vero Lex non erat, sed

fides, eoque ratiocinans subjunxit: *Itaque qui sunt ex fide, benedicuntur cum fidei Abraham*. Porro ne hinc ansam arriperent contradicendi, dicerentque: Merito ex fide justificatus est, nondum enim erat Lex; At tu mihi demonstra post traditam Legem, fidem justificare. Ad id venit, ac plus demonstrat, quam illi quæ-

runt, nimirum non modo justificare fidem, verum etiam Legem ipsa utentes obnoxios execrationi reddere. Hæc quo magis intelligas, audi ipsius Apostoli verba. Quæ tandem sunt illa?

¶. 10. Quotquot enim ex operibus Legis sunt, sub maledictione sunt. Verum hæc est sententia, nondum habens probationem. Unde igitur probatio? Ex ipsa Lege. *Maledictus enim*, inquit, *qui non manserit in omnibus qua scripta sunt in libro Legis hujus, ut faciat ea*. In Lege autem neminem justificari cuiusvis perspicuum est. Omnes enim peccaverunt, & execrationi sunt obnoxii. Verum hoc modo non loquitur, ne videatur ipse ex se pronuntiare, sed iterum idem probat testimonio breviter utrumque complectente, alterum quod nullus Legem impleffet, unde & execrationi erant obnoxii, alterum quod fides justificat. Unde igitur testimonium? Ex Propheta *Abacuc* ita loquente: *Iustus autem ex fide vivet*. Hoc enim non solum ostendit ex fide justificationem esse, verum etiam fieri non posse, ut per Legem contingat salus. Posteaquam, inquit, Legem nemo servavit, sed omnes ob transgressionem erant obnoxii maledicto, excogitata est faciliior quædam via per fidem, quod ipsum maximum est argumentum, ex Lege neminem posse justitiam adipisci. Non enim dixit

¶. 12. Propheta, *iustus ex Lege vivet*, sed *ex fide*. Lex autem non est ex fide. Quid autem & hoc sibi vult, qui fecerit hæc, *vivet in eis*? Hoc est, non tantum fidem requirit Lex, sed opera quoque. Gratia vero ex fide servat ac justificat. Vides quomodo demonstraverit eos qui Legi hærent, eo quod impleri non possit, execrationi fuisse obnoxios. Sed quomodo fides habet hanc vim, ut justificet? Audi. Nam hæc ante promisit, eaque magna vi comprobavit. Cum enim Lex effet infirmior, quam ut posset hominem ad justitiam perducere, repertum est non leve remedium, nempe fides, quæ quod Legis erat impossibile per se redderet possibile. Ergo si & Scriptura dicit iustum ex fide victurum, rejiciens justitiam quæ est per Legem: & si *Abraham* ex fide justificatus est, manifestum est, magnam esse vim fidei. Quin & eum qui non perseveraverit in Lege, execrabilem esse: & eum qui fidei inimitur, iustum esse manifestum est. Sed unde, inquiet aliquis, poteris nobis probare, quod illa execratio non amplius subsistit? Nam *Abraham* quidem ante Legem fuit, nos autem qui semel sub iugo fuimus servitutis, nos ipsos reddidimus obnoxios execrationi.

Quis igitur est, qui solvit illam execrationem? Vide quam celeriter huic etiam objectioni occurrit: quam & ea quæ dicta sunt suffecerant. Etenim qui semel justificatus est, mortuusque Legi, ac vitam novam amplexus est, qui possit esse obnoxius execrationi? At his contentus non est, verum & aliis modis rem aggredditur scribens, *Christus nos redemit ab execratione Legis, factus pro nobis execratio*. Scriptum est enim, *Execratus quisquis pendet in ligno*: Verum alii populus execrationi fuit obnoxius, quæ dicit: *Maledictus omnis, qui non permanserit in his qua scripta sunt in libro Legis hujus*. Et quid hoc? Nam populus quidem obnoxius erat. Non enim permanserant in Lege, neque quisquam erat qui Legem totam impleverat. At *Christus* hanc execrationem altera permutavit, quæ dicit: *Maledictus qui pendet in ligno*. Quoniam igitur & qui pendet execrabilis est, & qui Legem transgreditur execrabilis est, non oportuit illum, qui execrationem illam erat sublaturus, obnoxium eidem fieri execrationi: verum pro illa erat alia suscipienda execratio, quam & suscepit, ac per eam illam sustulit, perinde faciens, ac si morti adjudicato quopiam, alius infons, illius damnati vice sponte mori volens eripiat illum. Cum enim *Christus* non esset obnoxius execrationi transgressionis, hanc in se recepit pro omnibus, ut omnes ab illa liberaret. *Peccatum enim*, inquit, *non fecit, nec inventus est in ore illius dolus*. Itaque sicut mortuus eos quibus erat moriendum, exemit a morte, ita & ab execratione liberavit. *Ut in Gentes veniret benedictio Abraham in Christo Jesu*. Quomodo in Gentes? *In semine*, inquit, *tuo benedicentur omnes Gentes*, hoc est, in Christo. Quod si hoc de *Judeis* dictum esset, nequaquam ita loquutus fuisset. Neque enim rationi consentaneum erat, ut qui ob transgressionem execrationi erant obnoxii, hi cæteris essent auctores benedictionis. Nullus enim execratus alii dat benedictionem, cuius ipse est expers. Unde liquet totum hoc de *Christo* dictum esse. Ipse enim erat semen *Abraham*, & per hoc Gentes benedicuntur, atque ita denunciat Spiritus promissio, quod ipsum significans dicebat, ut promissionem Spiritus accipiant per fidem. Etenim cum non posset gratia Spiritus in eum qui ingratus erat & offenderat venire, primum benedicuntur sublata maledictione: deinde per fidem justificati, accipiunt Spiritus gratiam. Proinde crux sustulit execrationem, fides invexit justitiam, justitia vero gratiam Spiritus allexit.

¶. 15. Fratres, secundum hominem loquor, hominis licet confirmatum testamentum nullus irritum facit, aut aliquid addidit. Quid est, secundum hominem loquor? Humanis utor exemplis. Posteaquam enim & ex Scripturis, & ex miraculis apud illos editis, & ex his quæ *Christus* passus est, denique ab ipso Patriarcha sermonem confirmavit, jam ad communem digreditur consuetudinem. Solet enim *Paulus* hoc semper facere, quo conducet etiam sermonem, quo & facilius recipiatur, & crassioribus fiat intelligibilior. Sic & *Corinthis* disserens ait: *Quis pascit gregem, & ex lacte ejus non vescitur?* Ac rursus *Hebrais*, *Testamentum enim in mortuis ratum est, quoniam nondum valet, dum vivit qui testatus est*. Quin & aliis compluribus locis aliquis comperiet illum talibus libenter immorantem rationibus, quandoquidem & Deus in veteri Testamento idem hoc assidue facit, hunc in modum loquens: *Num mulier obliviscetur filii sui?* Ac rursus, *Num dicet figmentum figulo, quid facis?* Item in *Osee* maritum imitatur ab uxore despectum. Insuper & in figuris multum humanorum exemplorum cernere quispiam poterit, veluti cum cingulum accipit Propheta, & in domunculam figuli subit. Quid igitur sibi vult exemplum? Nimirum illud, quod fides fuit antiquior, Lex vero tum recentior, tum temporaria, & in hoc data, ut præcedens viam aperiret fidei. Et ideo dicit: *Fratres, secundum hominem loquor*. Cum superius illos appellavit stultos, hæc fratres vocat, simul & perstringens eos & consolans. *Hominis licet confirmatum testamentum*. Si homo, inquit, condit testamentum, num quis audet superveniens invertere, aut adicere quippiam? Nam

hoc est quod ait, aut superordinat. Magis igitur hoc non est faciendum in Deo. Et ad quem, inquiet aliquis, Deus condidit testamentum? Ad nullum quidem aliorum hominum, præterquam Abraham.

- §. 16, *Nam illi dictum est, In semine tuo benedicentur omnes*
 17, 18. *Gentes. Non dicit, in seminibus tanquam in multis, sed in uno, & semine tuo quod est Christus. Hoc autem dico, testamentum prius confirmatum a Deo in Christum, Lex qua post quadringentos ac triginta annos facta est, non irritum facit, ut inanem reddat promissionem. Nam si ex Lege hereditas, non jam ex promissione, Abraham vero per repromissionem donavit Deus. En igitur & Deus fecit testamentum Abraham dicens, per semen ejus venturas benedictiones in Gentes. Quomodo igitur Lex eas potest subvertere? At tu carissime cum hæc audis, cave ne quid noxæ tibi adferat exemplum, ut minus beneficias de majestate Dei. Nam quoniam exemplum totum non potuit conquadrate ad materiam propositam, ideo præmisit, Secundum hominem loquor. Verum age rursus ab initio consideremus exemplum. Promiserat Abraham Deus fore, ut per semen ipsius benedicerentur Gentes. Semen autem ejus secundum carnem fuit Christus. Venit post quadringentos & triginta annos Lex. Itaque si Lex confert benedictiones, vitam, & justitiam, repromissio illa irrita est. Itane fit igitur, ut cum hominis testamentum nullus irritum faciat, Dei testamentum post quadringentos triginta annos irritum sit? Etenim si quod illud testamentum promisit non præstat ipsum, sed Lex pro illo præstat, nimirum illud rejectum est. Et quomodo possent hæc congruere rationi? Cujus igitur gratia, dixerit aliquis, dedit Legem? Audi ipsum dicentem, subnectit enim: Quid igitur lex? prævaricationum causa addita fuit, Itaque nec hæc est superflua. Vides ut omnia perspicit, ut innumeris utitur oculis. Quoniam extulerat fidem, declarans eam fuisse antiquiorem Legem, ne quis existimaret Legem esse supervacaneam, hanc quoque partem corrigit, demonstrans eam non frustra, sed admodum utiliter fuisse datam. Ob transgressionem, inquit, addita fuit, hoc est, ne liceret Judæis secure vivere, atque in extremam prolabi malitiam, sed Lex illis freni vice foret imposita, erudiens, componens, prohibensque transgredi, si minus omnia, certe aliquot præcepta. Itaque non mediocris erat ex Lege fructus, ac significans Apostolus, quousque esse addita Lex, subtexuit. Donec venires semen, cui repromissio facta fuerat, de Christo loquitur. Proinde si usque ad Christi adventum data est, quid eam longius & ultra tempus prorogas? Disposita per manus Angelorum in manu Mediatoris. Aut Sacerdotes vocat Angelos, aut sentit ipsos etiam Angelos subministrasse ferendæ Legi. Mediatorem hic appellat Christum, declarans, quod is ante Legem fuerit, ipseque Legem dederit. Mediator autem unius non est, sed Deus unus est. Quid hic dicturi sunt hæretici? Etenim si quod solus Pater dicitur verus Deus, obstat quo minus Filius sit verus Deus, profecto nec Deus erit, eo quod de solo Patre dicitur, Deus unus est. Quod si dum unus Deus dicitur Pater, Deus est & Filius, perspicuum est, quod dum solus Pater dicitur verus Deus, verus Deus sit & Filius. Mediator autem, inquit, non unius, sed duorum quorumpiam mediator est. Cujus igitur mediator fuit Christus? Clarum est quod inter Deum & homines intercesserit. Vide quomodo declarat, quod ipse etiam Legem dedit. Quod si ille Legem dedit, nimirum idem habet auctoritatem abrogandi.*
- §. 21. *Lex igitur adversus promissa Dei? Nam si in semine Abraham repromissiones datæ sunt, Lex autem inducit maledictionem, est utique adversus promissa Dei. Quomodo igitur solvit objectionem? Primum quidem negat dicens: Absit. Deinde etiam probat, ita loquens: Nam si fuisset data Lex, ut posset vivificare, vere ex Lege fuisset justitia. Quod autem dicit, hoc est: Si in Lege, inquit, vitæ spiritum habuissimus, & hæc potestatem habuisset nostræ salutis, fortassis ista recte diceret. Contra si per fidem servaris, etiam si Lex reddat execrabiles, nihil detrimenti capiebas, posteaquam venit fides, omnia dissolvens. Nam si per Legem fuisset repromissio, jure*

A metueres, ne exclusus a Lege, simul & a justitia excluderetur. At si ideo data est Lex, ut omnes concluderet, hoc est, coargueret, ostenderetque eis ipsorum peccata, non solum non obstat quo minus consequaris repromissiones, verum etiam confert ad eas adipiscendas. Hoc itaque significans dicebat: Sed conclusit Scriptura omnia sub peccatum, ut promissio per fidem Jesu Christi daretur credentibus. Nam quoniam Judæi nesciebant quidem sua peccata, non sentientes autem nec desiderabant remissionem, dedit Legem quæ proderet vulnera, quo medicum requirerent. Quod enim dixit, conclusit, perinde valet ac si dixisset, coarguit, & coargutos continuat in metu. Vides quod non solum adversus Dei promissa data non fuit, verum etiam pro promissis. Etenim si Lex sibi negotium hoc vindicasset, & auctoritatem habuisset, recte ista dicerentur. Sin alteri currit, ac propter illum omnia facit, quomodo est adversus promissa Dei? Nam si Lex data non fuisset, omnes in malitiam fuissent devoluti, neque quisquam Judæorum fuisset auditurus Christum. Nunc vero data hæc duo præstitit commoda: alterum quod virtutem mediocrem docuit eos qui ipsi parebant: alterum quod per hanc agnovimus sua peccata, quæ res illos maxime reddidit promptos ad quærendum Dei filium. Itaque qui non crediderunt Legi, eo quod condemnaret ipsorum peccata, non crediderunt Christo. Idque significans ait: Ignorantes enim Dei justitiam, & propriam justitiam statuere quærentes, justitia Dei non fuerunt subiecti.

Priusquam autem veniret fides, sub Lege custodiebamur conclusi in fidem, qua erat revelanda in nos. Vides ut dilucide quæ diximus confirmat. Nam quod dicit, custodiebamur, & conclusi, nihil aliud significat, quam tutelam ex Legis præceptis adhibitam. Lex enim timore veluti muro quodam continens illos, ac secundum ipsam vivendi necessitate constringens, reservabat illos fidei. Itaque Lex pædagogus noster fuit ad Christum, ut ex fide justificaremur. Ergo non est adversa. Pædagogus enim non adversatur præceptori, sed adjuvat, arcens adolescentem ab omni vitio, reddens illum idoneum omni studio percipiendis, quæ tradit præceptor. Verum ubi jam habitum collegerit, discedit pædagogus: eoque dicit: At ubi venit fides, quæ in virum perfectum educit, non amplius sub pædagogo sumus. Omnes enim filii Dei estis per fidem, qua est in Christo Jesu. Itaque si Lex est pædagogus, & sub hoc custodiebamur conclusi, non adversatur gratiæ, sed adjuvat. Quod si postquam advenit gratia perseverat constringere, tum est adversaria. Etenim si quos oportebat exire, apud sese concluderet, tum nostram corrumpere salutem. Quemadmodum si lucerna quæ noctu præluxit, jam orto die, veteret nos obtueri Solem, non solum non præstaret officium, verum etiam læderet. Itidem & Lex, si obstaret ad meliora pergentibus. Qui nunc eam servant, hi maxime traducunt illam: siquidem & pædagogus tunc ridiculum reddit adolescentem, cum tempore postulante, ut ab eo discedat, apud se detinet. Et ideo Paulus sic ait: Posteaquam venit fides, non amplius sub pædagogo sumus. Omnes enim, inquit, filii Dei estis. Papæ, quanta fidei vis, & quomodo eam progressu sermonis aperit. Prius enim ostendit, quod fides redderet filios Patriarchæ, Scitote, inquiens, qui ex fide sunt, hos esse filios Abraham. Nunc vero demonstrat eosdem esse filios Dei. Omnes enim, inquit, estis filii Dei, per fidem qua est in Christo Jesu. Per fidem, non per Legem. Post hæc quoniam rem magnam dixit & admirabilem, explicat & modum, quo fiunt filii Dei. Quicumque enim in Christum baptizati estis, Christum induistis. Et quam ob causam non dixit: Quicumque in Christum baptizati estis, ex Deo nati estis? Hoc enim congruebat ad demonstrandum quod essent filii. Sed hic sermo plus habebat majestatis ac religionis, eoque sic loqui maluit. Etenim si Christus est filius Dei, tu vero illum induisti, cum habes filium in te, & in illum per similitudinem transformatus es, in eandem cognationem, unamque speciem perductus es. Non est Judæus, neque Græcus, non est servus, neque liber, non est mas aut femina, Omnes enim vos unus estis in Christo Jesu. Vides animam insatiabilem. Quum enim

enim dixisset, *Omnēs facti sumus filii Dei per fidem*, non haftenus constitit, sed quaerit etiam amplius aliquid invenire, quod evidentius approbare queat propiorem erga Christum societatem. Cumque dixisset, *Christum induistis*, ne hoc quidem dicto contentus est, sed explanans illud, ultra talem conjunctionem progreditur, & ait: *Omnēs unus estis in Christo*, hoc est, eandem formam, eandem figuram habetis omnes, videlicet *Christi*. Quid his verbis esse possit magis stupendum aut reverendum? Qui prius erat Ethnicus, aut *Judaus*, aut servus, nunc obambulat formam gestans non Angeli, neque Archangeli, sed univerforum Domini, atque in

29. *sele Christum repræsentat. Quod si vos estis Christi, nimirum Abraha semen estis, ac juxta repromissionem haeredes.* Vides ut quod antea dixerat, nunc demonstrat, videlicet de semine, quod *Abraha* & semini ejus benedictiones sunt datae.

C A P U T I V.

1, 3. **D**ico autem quanto tempore haeres parvulus est, nihil differt a servo, cum sit dominus omnium, sed sub tutoribus & procuratoribus est, usque ad tempus praesentum a patre. Sic & nos cum essemus parvuli, sub elementis mundi eramus servientes. Parvulum hic non ætate dicit, sed animo, significans quod Deus initio voluerit ista largiri: verum ubi vidit nos adhuc puerili esse affectu, passus est nos sub elementis mundi agere, hoc est, sub Neomeniis & Sabbathis. Nam hi dies nobis a *Lunæ* Solisque cursu redeunt. Proinde si nunc quoque vos sub Legem redigunt, nihilofecius faciunt, quam si vos tempore ætatis adultæ rursus ad relictum pueritiæ tempus retraherent. Vides quanta res sit observatio dierum. Eum qui dominus est ac paterfamilias & omnem

4, 5. potestatem habet, in famuli locum redigit. *Posteaquam autem venit plenitudo temporis, emisit Deus Filium suum, factum ex muliere, factum sub Lege, ut eos qui sub Lege erant redimeret, ut adoptione locum filiorum reciperemus.* Duas hic causas refert, ac beneficia assumptæ carnis, videlicet liberationem a malis, & bonorum subministrationem, quæ quidem nullus præstare poterat, nisi ipse solus. At quæ tandem erant illa? Liberari ab execratione Legis, & adoptari in jus filiorum. Ait enim, *ut eos qui sub Lege erant redimeret, & ut adoptionem filiorum reciperemus.* Pulchre dixit, *reciperemus*, indicans esse debitum. Coelitus enim repromisit *Abraha*, quemadmodum & ipse multis verbis declaravit his de rebus factas repromissiones. Et unde constat, inquiet aliquis, nos factos esse filios Dei? Dixit modum unum, quia *Christum* induimus, qui est filius. Dicit & alterum,

6, 7. quia Spiritum adoptionis accepimus. *Quantum autem estis filii, emisit Deus Spiritum Filii sui in corda vestra, clamantem, Abba Pater. Itaque jam non es servus, sed filius, Quod si filius, ergo & haeres: haeres quidem Dei, cohaeres autem Christi.* Ac si diceret, haudquaquam potuissemus illum appellare patrem, nisi prius facti fuissetis filii. Igitur pro servis liberos, pro parvulis adultos, pro alienis haeredes ac filios fecit gratia. An non igitur absurdum, extremæque sit ingratitudinis, hac omissa, revolvī in ea quæ relictæ sunt à tergo?

8, 9. *Sed tunc quidem ignorantes Deum, serviebatis iis qui natura non sunt Dii. Nunc autem cum cognoveritis Deum, imo potius cognovisti sitis a Deo, quomodo denuo convertimini ad infirma & egena elementa, quibus rursus ab integro vultis servire?* Hic ad eos qui ex Gentibus crediderant orationem dirigens ait, quod tale quiddam est simulacrorum cultus, qualis est dierum observandorum custodia, quodque nunc his gravius debetur supplicium. Eoque elementa vocavit, non natura Deos, hæc ipsa persuadere cupiens, eosque in majorem impellere perturbationem. Quod autem dicit, illud est, Tum quidem obtenebrati, & in errore versantes, humi traheremini: nunc vero posteaquam novistis Deum, vel cogniti potius estis ab illo, qui fieri potest, ut vobis majus & acerbius supplicium accersatis, post tantam vobis impensam curam, in eandem relapsi insaniam? Neque enim vos labore vestro Deum invenistis, sed vos quidem in errore versabamini, ille vero vos ad se

A traxit. Porro elementa infirma vocat & egena, quod nullam vim habeant ad bona proposita perducendi. *Dies 10. observatis, & menses, & tempora, & annos.* Ex his clarum est, quod non solum circumcisionem eis prædicaverant illi, verum etiam dies festos, & neomenias. *Timeo 11. de vobis, ne forte frustra laboraverim erga vos.* Vides viscera & affectus Apostolicos? Illi jactantur fluctibus, & hic tremnit ac metuit, eoque vehementer illis incutiens pudorem ait hoc, *laboravi erga vos*, perinde quasi dixisset, ne tantos meos sudores reddatis inanes. Cum autem dicit, *metuo*, & addit, *ne forte*, simul & desperationem illis iniecit, & in bonam spem erexit. Non enim dixit, *frustra laboravi*, sed, *ne forte*. Nondum, inquit, accidit naufragium, sed adhuc tempestatem hanc hoc parturientem cerno, propterea metuo, non despero. Vobis enim in manu est totum hoc corrigere, & ad pristinam redire tranquillitatem.

Deinde ea tempestate jactatis manum porrigens, se ipsum in medium profert dicens: *Estote sicut ego, quoniam 12. niam ego sicut vos*; Hæc ad eos qui crediderant ex *Judaïs*, eoque semet in medium adfert, hinc illis persuadere cupiens, ut vetera relinquant. Nam etiam si nullum alium haberetis pro exemplo, sufficebat me tantum intueri, ut similem faciatis mutationem, facileque sumatis fiduciam. Ergo me intuemini. Nam & ego simili modo quondam fueram affectus, & quidem vehementer, & ardebam studio Legis, attamen postea non veritus sum Legem relinquere, nec ab illo vitæ instituto desistere. Et hæc vos probe nostis, quomodo supra modum certarim pro retinendo *Judaïsimo*, & quomodo postea majore studio eum reliquerim. Ac recte quidem illud posteriore posuit loco. Siquidem vulgus hominum, etiam si innumeras inveniant rationes, easque justas, tamen ab eo quod est cognatum, magis attrahuntur, cumque viderint alium hæc agentem, facilius hærent iisdem. *Frates, rogo vos, nihil me lassitis.* Vide ut rursus honorifico nomine compellat illos, quamquam hoc ipsum submonet gratiæ. Posteaquam enim illos acriter taxaverat, undique facta comparans, ostenderatque eos Legem transgredi, denique omni ex parte in eos jacula torserat, rursus medicatur ac mitigat, utens dictis mollioribus. Quemadmodum qui perpetuo mitigat in medicando, remissum hominem facit: ita semper asperis uti sermonibus, magis exacerbat hominem, eoque bonum est, ubique moderatis uti. Vide igitur quomodo se purgat super his quæ dixit, declarans, quod non vulgi more infensus illis, sed curam illorum gerens dicat quæ dicit: Etenim posteaquam altiore fecerat sectionem, deinceps hanc consolationem velut oleum infundit, ac declarans non ab odio nec a similitudine profecta esse quæ dicta sunt, commonefacit illos caritatis, quam illis exhibuerat, miscetque laudem excusationi. Ideo dicit: *Rogo vos, nihil me lassitis. Sed scitis quod ob 13. infirmitatem carnis meæ evangelizaverim vobis prius, ac 14. meam temptationem qua erat in carne meā, non sprevisistis.* Verum illud nihil adhuc magni est, in nullo lassisse. Neque vulgaris sane quispiam homo cum qui non fecit injuriam lædere vellet, frustra & sine causa molestus esse. Vos autem non solum non lassistis, verum etiam multam & inenarrabilem exhibuistis benevolentiam: ac fieri nequaquam possit, ut quibus tantæ curæ fuisset, hæc ex malevolentia loqueretur. Non igitur ob inimicitiam hæc loquor. Quod si non ex malevolentia, reliquum est, ut ex affectu ac sollicitudine. *Rogo vos, nihil me lassitis. Nostis autem, quod ob infirmitatem carnis meæ evangelizaverim vobis.* Nihil illa beata anima mansuetius, nihil dulcius, nihil amantius. Proinde nec illa superiora ab impotente iracundia, animique commotione fuerant profecta, sed ex abundantia sollicitudinis. Et quid dico, non lassistis me? multam etiam ac sinceram sollicitudinem erga me exhibuistis. *Nostis enim, inquit, quod ob infirmitatem carnis evangelizaverim vobis, & temptationem qua erat in carne meā non sprevisistis.* Quid tandem est quod dicit? Ejiciebar, inquit, flagellabar, innumeras mortes sustinebam prædicans vobis, ac ne sic quidem sprevisistis me. Nam hoc innuit dicens: *Tentationem qua erat in carne meā non sprevisistis, neque respuistis.* Vides prudentiam

dentiam spiritualem? In ipsa etiam purgatione, pudorem illis ingerit, ostendens quam multa pro illis passus fuerit. Attamen horum, inquit, nihil vobis fuit offendiculo, nec ob afflictiones & persecutiones meas averfati me fuistis, hoc enim vocat infirmitatem ac tentationem, *sed velut Angelum Dei excepistis me*. An non igitur absurdum sit, persecutionibus agitatum, exilio propulsum, velut Angelum Dei excipere, admonentem & observantem non recipere?

- §. 15. *Qua est igitur beatitudo vestra? Nam praebeo vobis testimonium, quod si fieri potuisset, oculos vestros emisisset, mihiq; dedissetis. Itaque inimicus factus sum vobis vera loquendo vobis.* Hic dubitat ac vehementer admiratur, cupitque ab ipsis mutationis causam discere. Quis enim, inquit, vos seducit, ac persuasit, ut aliter sitis erga nos affecti? Nonne vos estis, qui mihi inserviebatis, qui mei curam gerebatis, qui me oculis cariores habebatis? Quid igitur accidit? unde inimicitia? unde suspicio? An quia vera locutus sum vobis? Atqui hac de causa par erat, ut me magis in honore haberetis, maioreque studio prosequeremini. Nunc autem inimicus factus sum, vera loquens vobis. Ego, inquit, aliam causam non novi, quam quod vera dixerim vobis. Et vide quanta submissione sese excusat. Neque enim ex officiis quae ipse in eos contulerat, sed ex iis quae illi in ipsum praestiterant, ratiocinatur fieri non posse, ut haec ex malevolentia dicantur. Non enim ad hunc modum verba fecit. Et qui convenit, ut qui vestra causa flagellabatur, ejiciebatur, innumera patiebatur mala, nunc de vobis male cogitet: sed de quibus gloriari poterant illi, ab iis argumenta colligit, dicens: Qui consentaneum est, ut qui a vobis sic honoratus est, qui ut Angelus exceptus est, is diversa rependat? *Emulantur vos non bene, sed excludere nos volunt, ut ipsos amulemini.* Est enim bona aemulatio, cum quis sic aemulatur, ut virtutem imitetur. Est & mala aemulatio, cum quis ea facit, ut recte agentem depellat a virtute. Quod sane & isti nunc conantur, studentes vos a perfecta legitimaque virtute detrudere, & ad mutilatam ac notham deducere, non aliam ob causam, nisi ut ipsi quidem in loco magistrorum sedeant, vos autem qui nunc estis illis sublimiores, in classe discipulorum collocent. Hoc enim declaravit dicens, *ut ipsos amulemini*. Ego vero, inquit, contrarium opto, ut vos illos anteceditis, & perfectioribus exemplum efficiamini. Quod sane factum est, cum apud vos §. 18. essem: ob id subjunxit, *Bonum est emulari in bono semper, & non solum cum adsum apud vos.* Hic subnotat ipsius absentiam huius mali fuisse causam, idque beatum esse, si discipuli non solum praesente magistro mentem quam oportet obtineant, verum etiam absente.

- Ceterum quoniam illi nondum ad hoc perfectionis §. 19. pervenerant, omnia facit, ut in hoc illos instruat. *Filioli mei quos iterum parturio, donec Christus formetur in vobis.* Vide commotum, vide turbatum, *Frater mei rogo vos, filioli mei quos iterum parturio.* Matrem refert de liberis trepidantem: *donec formetur Christus in vobis.* Vides paterna viscera, vides anxietatem Apostolo dignam: vides qualem emittit ejulatum, multo tristiore, quam solet esse parturientium. Corruptis, inquit, imaginem, perdidistis generositatem, formam immutastis, opus est ut renascamini, utque refigamini. Et tamen filios voco foetus imperfectos & abortivos. Verum hunc in modum non loquitur, sed aliter: parcit enim illis, nec vult ferire, nec vulnera vulneribus addere, quemadmodum eruditi medici eos qui in longum incidunt morbum, non protinus ac semel, sed ex intervallo curant, ne despondentes animum pereant. Sic & hic beatus. Nam & hi parturientis dolores hoc sunt acriores, quo major erat affectus caritatis, & peccatum erat haud quaquam vulgare. Hoc enim semper dixi, nec dicere desinam, quod pusilla quae piam transgressio ingens detrimentum parere solet. Quod quidem & tunc accidit. Siquidem ab exiguis ortum initiis malum, totam Ecclesiam pervaserat, totamque faciem ac formam vitia ve-
- §. 20. *rat. Vellem esse praesens apud vos nunc, & mutari vocem meam.* Considera mihi sibi non temperantem, considera ferventem, considera non potentem talia ferre. Ta-

lis nimirum res est caritas. Ut non contentus est verbis, sed insuper quaerit praesentiam. *Ut, inquit, immutem vocem meam.* Hoc est, ut vertam eam in ploratum, ut moveam lacrymas, quo simul omnes ad lamenta pertraham. Per Epistolam enim non licebat ostendere lacrymas, neque complorationem. Et hinc ardet praesentiam desiderans. *Quoniam confundor in vobis.* Non enim, inquit, habeo quod dicam, non habeo quid cogitem. Unde hoc ut, qui prius ad ipsum coelorum culmen ascenderatis, partim ob pericula fidei causa tolerata, partim ob signa quae per fidem edidistis, nunc adeo repente ad tantam vilitatem deducti sitis, ut ad circumcisionem & Sabbata pertrahamini, & Judaizantibus adhæreatis? Ob id etiam initio dixerat, *Miror quod tam cito transferimini.* Et hic dicit, *Confundor in vobis*, perinde quasi dixisset: Quid dicam? quid loquar? quid cogitabo? perplexus sum, unde & plorem necesse est: quod quidem in rebus perplexis faciunt etiam Prophetæ. Est autem & haec non levis curandi ratio, si non solum consulas, verum etiam lamenteis. Nam hoc & *Milestis* loquens dicebat, *Triennium cum lacrymis admonere vos non cessavi.* Idem hic dicit, *ut immutem vocem meam.* Siquidem quoties rebus perplexis ac desperatis derepente obortis vincimur, deinceps ad lacrymas vertimur. Posteaquam igitur objurgarat acriter, pudorem incusserat, ac rursus haec mitigaverat, deinde complorationem addit. Haec autem comploratio non solum habet castigationem, verum etiam blandiloquium. Neque enim exasperat, sicut castigatio, neque remissum facit, quemadmodum mitigatio, sed remedium est utrinque mixtum, multaque vim habet ad exhortandum.

Posteaquam igitur deploravit, & eorum mentem emollit, ac vehementius sibi conciliavit, denuo redit ad contentionem, majus proponens caput, & ostendens, quod ipsa Lex nolit se servari. Tum quidem ab *Abraham* sumptum exemplum adduxerat, nunc vero Legem ipsam inducit, admonentem ne servetur, sed ut ipsa jam secedat, quod erat vehementius. Itaque si Legi parere vultis, inquit, discedite ab illa, nam hoc vult ipsa. Verum hoc pacto non loquitur, sed alia ratione idem agit, admiscens etiam historiam: *Dicite mihi, §. 21. qui sub Lege vultis esse, Legem non audistis? Recte dixit, qui vultis.* Neque enim hoc quod gerebatur, rerum congruentia persuasit, sed illorum intempestiva contentio. Legem autem hic vocat, Librum conditi mundi, quod alias crebro facit, vetus omne Testamentum sic appellans. *Scriptum est enim, quod Abraham duos §. 22. filios habuit, unum ex ancilla, & alterum ex libera.* Rursus ad *Abraham* revertitur, non eadem iterans, sed quoniam apud *Judeos* Patriarchae nomen admodum erat celebre, declaratque, quod illinc figurae coeperint initium, quodque ea quae nunc fiunt, prius in illo fuerint depicta. Cumque prius demonstrasset *Galatas* esse filios *Abraha*, quoniam non ejusdem dignitatis erant Patriarchae filii, quorum alter ex ancilla, alter ex libera susceptus erat, jam deinceps declarat, eos non solum esse filios, sed eo modo filios, quo fuit ille liber ac generosus. Tanta est fidei vis. *Sed is quidem qui ex ancilla, juxta carnem na-* §. 23. *tus est: qui vero ex libera, juxta promissionem.* Quid est, *juxta carnem?* Quoniam dixerat quod fides nos jungit *Abraha*, idque videbatur audientibus esse incredibile, si qui ex illo nati non fuissent, eos vocaret filios illius, ostendit hoc quod videbatur incredibile, divinitus esse factum. Nam *Isaac* non juxta naturae ordinem, neque juxta conjugiorum legem, neque juxta carnis vires natus, & filius & germanus filius fuit, ex aridis corporibus satus, & a vulva illa emortua progressus. Neque enim caro conceptum, neque semen partum dedit. Siquidem bis erat emortua, & propter aetatem, & propter sterilitatem, sed Dei sermo haec praestitit. In sermo vero non itidem factum est, sed ille naturae legibus, & juxta conjugiorum morem natus est. Attamen qui non erat secundum carnem natus, praëlatus est ei qui secundum carnem fuerat natus. Itaque ne vos conturbet, quod juxta carnem nati non estis. Nam ob hoc ipsum maxime estis illius cognati vos, quod secundum carnem nati non estis. Quandoquidem secundum carnem esse natum,

non

non solum non reddit honoratior, verum etiam efficitur minus honorabilis. Mirabilior autem magisque spiritalis est partus, qui non est iuxta carnem, nimirum ex his, qui coelestis nati sunt. Natus est enim iuxta carnem *Ismael*, sed servus erat, nec id solum, verum etiam exactus est e patriis ædibus: *Isaac* vero iuxta repromissionem natus, tanquam verus, ut erat, filius & ingenuus, omnium dominus fuit.

¶ 24. *Qua sunt per allegoriam dicta.* Abusive figuram dixit allegoriam. Cæterum quod dicit illud est: Hæc historia non hoc solum declarat quod apparet, verum & alia quædam altiora prædicat, unde & allegoria dicta est. Quid autem prædicavit? Nihil aliud quam hæc omnia, quæ nunc fiunt. *Hæc enim sunt duo testamenta, unum quidem a monte Sina, in servitutem generans, qui est Agar.*

Hæc sunt. Quæ hæc? Matres puerorum illorum *Sara* & *Agar*. Duo vero Testamenta duæ Leges. Quoniam nomina foeminarum erant in historia, perseveravit Apostolus in appellatione generis, & ex ipsis nominibus multam ostendit congruentiam. Quomodo ex ipsis nominibus?

¶ 25. *Agar enim, inquit, mons est in Arabia.* *Agar* dicta est ancilla. Mons autem *Sina*, ita sonat illius Gentis Lingua, ut omnes qui ex veteri Testamento nati sunt, oporteat servos esse. Nam mons ille ubi vetus Testamentum datum est, commune nomen habet cum ancilla. Complectitur autem hic mons etiam *Hierosolymam*; Nam hoc est quod ait, *qui conjunctus est ei quæ nunc est Hierusalem*, hoc est, vicinus est, contiguus est. *Servit autem cum filiis suis.* Quid igitur ex hoc docet? Quod non solum illa fuit ancilla, ac servos genuit, verum etiam hæc, videlicet Testamentum, cujus figura fuit ancilla. Siquidem *Hierosolyma* finitima est monti cognomini ancillæ. In hoc autem monte etiam Testamentum est datum. Ubi ergo est figura *Sara*? Audi. *Quæ autem sursum Hierosolyma, libera est, quæ est mater omnium nostrum.*

¶ 26. Non igitur qui ex ea nascuntur, servi sunt. Inferioris igitur *Hierosolyma* figura erat *Sara*, nec dubium quin ex monte ejus nominis: supernæ vero typus est Ecclesia. Attamen non est contentus figuris, verum & *Esaiam* adhibet testem his quæ dicta sunt. Cum enim dixisset, supernam illam *Hierusalem* esse matrem nostram, & hanc vocasset Ecclesiam, citat Prophetam,

¶ 27. ipsi suo calculo suffragantem. *Scriptum est enim, Exsultate steriles, quæ non paritis, erumpite & clama quæ non parturitis, quia multi filii deserta, magis quam ejus quæ habet virum.* Quæ igitur sterilis, & quæ deserta? An non perspicuum est, hanc esse Ecclesiam ex Gentibus, quæ antehac Dei cognitione fuit privata? Quæ vero est illa quæ habet virum? Nonne liquet hanc esse Synagoga? Attamen hanc multitudinem liberorum superavit vidua, siquidem hæc unam duntaxat habebat Gentem. Cæterum Ecclesiæ filii, Græciam, Barbariam, terram, mare, denique orbem universum implent. Vides ut factis quidem *Sara*, verbis autem Prophetæ nobis futura subnotarint? Sed & illud considera. Sterilem appellavit *Esaias*, & hanc ostendit factam complurium liberorum matrem. Idem sub figura accidit in *Sara*. Nam & hæc cum esset sterilis, numerosæ sobolis mater est facta. Cæterum ne hæc quidem *Paulo* sufficiebant, verum etiam quomodo sterilis mater sit facta disquirat, ut hinc etiam ad veritatem accomodet figuram, eoque subdit dicens:

¶ 28. *Nos autem, fratres, secundum Isaac repromissionis filii sumus.* Non enim sterilis tantum erat Ecclesia, quemadmodum *Sara*, neque solum multorum liberorum mater facta est ut illa, sed & ita genuit, quemadmodum illa. Ut enim illam non natura, sed Dei repromissio fecit matrem (nam qui dixit, *secundum tempus hoc veniam, & eris Sara filius*, idem ingressus in uterum infantem formavit) sic & nostra renascentia, natura quidem nulla est, cæterum verba Dei, quæ norunt fideles, hæc in aquæ lavacro per Sacerdotem pronuntiata, tanquam in utero quodam formant ac regenerant eum qui baptizatur. Proinde si sterilis filii sumus, sumus & liberi.

Et quænam est ista libertas, dixerit aliquis, cum *Judæi* quidem constringerent ac flagellarent eos qui crediderant, illi vero qui putabantur esse liberi, persecutionibus affligerentur? Hæc enim accidebant, cum arderet fide-

lium persecutio. Verum ne hoc vos perturbet, inquit, quandoquidem hoc quoque præcessit in figura. Nam & *Isaac* cum esset liber, a servo persecutionem sustinuit, eoque subjungit dicens: *Sed quemadmodum tunc qui secundum carnem natus erat, persequabatur eum qui natus erat secundum spiritum, ita & nunc. Sed quid dicit Scriptura? Ejice filium ancillæ. Non enim eris hæres filius ancillæ cum filio libera.* Quid igitur? Hæccine consolatio, demonstrasse liberos a servis persecutionem perpeti? Nequaquam, inquit. Neque enim hic subsisto, sed audi quæ sequuntur, & hanc accipies consolationem, quæ sufficiat leniendis pusillanimorum persecutionibus. Quænam igitur sunt quæ sequuntur? *Ejice filium ancillæ. Non enim eris hæres cum filio libera.* Vis nosse quod sit auctoramentum temporariæ tyrannidis, & intempestivæ insolentiae? Ejectus est e paternis facultatibus puer, fitque exul & erro simul cum matre. Jam mihi considera quam sapienter ista dicta sint. Non enim dixit, persequabatur, & ideo ejectus est, sed ne fieret hæres. Neque enim ob temporariam persecutionem hanc de illo poenam sumpsit. Nam id quidem leve erat, ac nihil ad eam rem, sed non permisit illum consortem fieri bonorum filio paratorum, significans quod etiam sublata persecutione, hoc illi ab initio prius signatum esset, quæ res non ceperit initium a persecutione, sed a voluntate Dei. Nec dixit, *non eris hæres filius Abrahamæ*, sed, *filium ancillæ*, a viliori genere illi cognomen addens. At *Sara*, inquit, sterilis erat, Ergo & Ecclesia ex Gentibus congregata talis erat. Vides in omnibus servari figuram. Sicut enim illa cum per omnes ætatis annos non peperisset, in extrema senectute fit mater, ita & hæc, ubi venit plenitudo temporis parit. Hoc autem & Prophetæ prædixerat, ita loquens: *Latere sterili quæ non paris, erumpite & clama quæ non parturitis, quoniam multi filii deserta, magis quam ejus quæ habet virum*, hoc modo designans Ecclesiam. Non enim noverat Deum, tamen ubi cognovit, vicit numerosæ sobolis Synagoga. *Isaque, fratres, non sumus ancillæ filii, sed libera.* Hæc omnia movet versatque, ostendere studens, id quod factum est, non esse nuperum, neque recens, sed jam inde ab initio, & ante multa secula præfiguratum. An non igitur absurdum, ante tantum seculorum selectos, ac libertatis consortes, ultro semetipsos in servitutis jugum tradere? Post hæc aliam addit causam quæ perluadeat eis, ut in decretis perseverent.

C A P U T V.

¶ 1. *Libertate igitur qua Christus vos liberavit state:* Num vos ipsos liberastis, quandoquidem rursus ad priorem recurritis dominatum? Ipse est qui vos liberavit. Alius est qui pretium dedit pro vobis. Vides quot modis illos abducatur ab errore *Judaico*. Primum ostendens extremæ dementiæ esse eos qui pro servis facti fuerant liberi, pro liberis velle fieri servos. Deinde quod erga benemeritum immemores & ingratos sese declaraturi sint, contemnentes eum qui liberavit, & amantes eum qui in servitutem pertraxit. Tertio loco, quod dominium in ipsos haberet Lex, cum alter eos omnes semel ab illius dominatu redemisset. Cum vero dicit, *state*, fluctuationem subindicat. *Ac ne rursus jugo servitutis implicemini.* Nomine *jugi*, negotii molestiam illis significat. At cum ait, *rursus*, ingentem illorum indicat stupiditatem. Nam si non fuissetis hanc experti molestiam, non eratis perinde graviter inculandi. Verum si cum experimento cognitum habeatis, quam grave sit hujus *jugi* pondus, post hæc denuo vos ipsos eidem submittitis, quam veniam mereri poteritis? *Ecce ego Paulus dico vobis, quod si circumcidamini, Christum nihil vobis proderit.* Vide quam atroces minæ. Merito, quandoquidem & Angelos anathemati devovit. At civiliter dixit quod *Christus* eis nihil esset profuturus. Nam ipse hoc non probavit, sed pronunciavit, quod deinceps personæ auctoritas satisesset pro quavis probatione. Et ideo occupavit dicere, *Ecce ego Paulus dico vobis*, quæ vox erat confidentis iis quibus loquebatur. Nos pro nostra virili ex nobis ipsis hoc addemus, demonstrabimusque quomodo circumcisis nihil profuturus sit *Christus*. Qui

circumciditur, tanquam Legem metuens circumcidi-
tur. Eam qui metuit, diffidit viribus gratiæ. Porro qui
diffidit, nihil fructus capit ab ea cui diffidit. Rursus alio
modo. Qui circumciditur, Legem facit dominam, &
auctoritate pollentem. Qui vero putat illam esse domi-
nam, eamque ex maiore parte transgreditur, ex mino-
re servans, semetipsum subjicit execrationi. Qui vero
seipsum submittit execrationi, libertatem quæ est in
fide repellens, quomodo potest esse salvus? Nam si di-
cere fas est quiddam incredibile, hic neque *Christo*, ne-
que *Legi* fidit, sed in medio consistit, & hinc & illinc
volens lucrum facere, eoque nec hinc nec illinc lu-
crum accipiet. Deinde posteaquam dixisset, quod ni-
hil esset illis profuturus *Christus*, recte ac paucis proba-
tionem adfert, italoquens: *Testificor autem omni homi-
ni, qui circumciditur, quod debitor est totius Legis im-
plenda. Etenim ne putares hæc inimice dici: Non vo-
bis, inquit, solum dico, sed cuivis homini, quisquis
circumciditur, quod debitor est totius Legis implendæ.
Legis enim præcepta inter se cohererent. Et qui ex libe-
ro descriptus est in servitutem, non amplius facit quæ
vult, sed omnibus servitutis legibus obstrictus est. Ita-
dem accidit in Lege, ubi pusillam aliquam Legis par-
tem receperis, teque ipsum iugo submisseris, totum il-
lius dominatum tibi accersisti. Idem fit in hæreditate
mundana, Qui nihil attigit, ab omnibus liberatus est
negotiis, quæ sequuntur defuncti hæreditatem. Quod
si paulum aliquid attigerit, etiam si non acceperit omnia,
omnibus tamen sese obstrinxit, qui partem attigit. Idem
accidit in Lege, non ob hunc tantum quem dixi mo-
dum, verum etiam ob alium quendam: Legis enim
partes invicem cohererent. Circumcisio, ut exempli cau-
sa dicam aliquid, immolationem pecudum habet an-
nexam, ac dierum observationem: immolatio rursus
tunc diei tum loci observationem habet annexam; Locus
innumerabiles purgationum ritus, purificationes exa-
men quoddam observationum secum adferunt variarum.
Non enim fas est impurum sacrificare, non sacra ingre-
di adyta, denique non aliud quicquam ejusmodi rerum
agere. Quapropter per unicum præceptum multa Lex
attrahit. Itaque si circumcidaris, nisi circumcidaris
octavo die: aut cum octavo quidem, sed non offertur
sacrificium: aut cum sacrificium quidem offertur, sed
non in loco præfinito: aut in loco præfinito, non juxta
Legis præscripta: aut si juxta Legis præscripta, sed non
purus: aut si purus, non conveniente ritu purificatus,
cuncta illa pereunt. Proinde dicit: *Debitor est totius Le-
gis implenda. Quod si Lex habet auctoritatem, noli
partem implere, sed totam. Si non habet auctoritatem,
ne partem quidem servare velis. Evacuati estis a Christo,
quicumque in Lege justificamini, a gratia excidistis. Postea-
quam argumentis rem probavit, deinceps pronunciat,
eosque suspendit in extremo discrimine. Cum enim is
qui decurrit ad Legem, nec hinc possit salutem conse-
qui, & a gratia exciderit, nihil superest, nisi supplicium
indeprecabile, dum illa caret vigore, hæc non admittit
hominem. Posteaquam igitur illis hoc pacto metum
exaggeravit, ac mentem illorum perturbavit, postea-
quam ostendit totum naufragium quod perperuri sunt,
e propinquo patefacit illis gratiæ portum, id quod ubi-
que facit, facillimam simul & tutissimam demonstrans
illinc esse salutem. Eoque subdit dicens: *Nos autem per
fidem in spiritu, justitia spem accepimus. Nihil, inquit,
opus habemus illis legalibus; Sufficit enim fides ad hoc,
ut donet nobis Spiritum, & per hunc justitiam, multa-
que insuper & magna bona. In Christo enim Jesu neque
circumcisio quicquam valet, neque præputium, sed fides,
quæ per dilectionem operatur. Vides ut eos jam maiore
cum libertate aggreditur? Qui *Christum* induit, ne post,
inquit, talium sit curiosus. Atqui dixerat, noxiam esse
circumcisionem, quomodo igitur eam facit indifferen-
tem? In his hoc facit, qui jam ante fidem eam habue-
rant, non in his qui post fidem circumcidebantur. Vide
vero quomodo illam dejecerit, collocans eam cum præ-
putio. Quod enim eorum facit discrimen, fides est.
Quemadmodum igitur si qui athletas deligit, sive naso
adunco, sive simos, sive nigros, sive candidos eligit,***

A nihil refert ad probationem, sed illud unum spectandum
est, ut validi doctique sint: ita qui adscribendus est in
novum Testamentum, huic nihil nocent hæc omnia
corporalia, si absint, quemadmodum neque juvant, si
adsint. Quid autem est, *Quæ per dilectionem operatur?*
Hic illis ingentem inflixit plagam, significans hanc sub-
reptionem inde natam, quod caritas erga *Christum* in eis
non egerit radices. Non enim credere solum est quod
queritur, verum etiam in caritate perseverandum est,
ac si dixisset: Si dilexissetis *Christum*, sicut oportuit,
nequaquam confugissetis ad servitutem, nequaquam
eum qui vos redemit deseruissetis, nequaquam contu-
melia affecissetis eum, qui vos in libertatem asseruit.
B Tecte vero notat & illos, qui *Galatis* insidiabantur,
significans quod si illi quoque caritatem habuissent erga
Galatas, nequaquam ista facere sustinuissent. Vult au-
tem hoc verbo vitam illorum corrigere.

C *Currebatis bene, quis vos impedivit?* Non hoc inter-
rogantis est, sed deplorantis & anxii. Quomodo tantus
cursus interruptus est? Quis est qui tantum potuit? Qui
omnibus quidem superiores, & in magistrorum cratis
ordine, ne in discipulorum quidem classe mansistis. Quid
accidit? quis tantum valuit? Hæc potius sunt exclaman-
tis ac lamentantis, sicut & antea dicebat, *Quis vos fasci-
navit? Persuasio non est ex eo qui vocavit vos.* Non in
hoc vos vocavit, qui vocavit, eoque sic vacillatis. Non
hanc legem vobis præscripsit, ut Judaizaretis. Deinde
ne quis diceret, Quid rem verbis attollis, & oratione
reddis atrocem? unicum tantum Legis præceptum ser-
vavimus, & tantos ciestumultus? Vide quomodo ter-
rorem illis incutit, non ex præsentibus, sed ex futuris,
loquens hunc in modum: *Exiguum fermentum totam mas-
sam corrumpit.* Sic & vos, inquit, hoc exiguum malum si
non corrigatur, poterit in perfectum *Judaismum* per-
trahere, sicut fermentum conspersionem. *Ego confido*

D *de vobis in Christo, quod nihil aliud sentietis.* Non dixit,
non sentitis, sed non sentietis, hoc est, corrigemini. Un-
de hoc nosti? Non dixit, *scio*, sed *confido*. Confido, in-
quit, Deo, & illius opem invoco ad vestri correctionem.
E Confido. Nec simpliciter dixit, *confido de vobis*, sed
adjecit, *in Christo*. Ubique enim laudem miscet accusa-
tioni. Quasi dixisset: Novi meos discipulos, novi quam
sitis correctu faciles. Confido partim ob *Christum*, qui
non patitur quidlibet etiam perire, partim propter vos,
qui facile potestis revocare vosipsum. Simul autem & ad-
hortatur, ut ipsi etiam studium adhibeant, tanquam
non possint a Deo consequi, nisi pariter quod in ipsis si-
tum erat adhiberent. *Qui autem conturbat vos, portabit
judicium suum quisquis fuerit.* Utrinque delinit illos, tum
ex eo, quod illis addidit fiduciam, tum ex eo, quod
Pseudoapostolos execratur, aut potius prædicat illis
eventurum supplicium. Tu vero jam illud mihi con-
templator, ut nequaquam nomen edidit infidiotum,
ne fierent impudentiores. Quod autem dicit, illud est,
Non quia vos nihil aliud sentitis, eo seductionis aucto-
res liberati sunt a supplicio, sed dabunt poenas. Non
enim par est, ut aliorum probitas aliorum malitiam sub-
levert. Hoc autem facit, ne & alios rursus invadant. Nec
simpliciter dixit, *qui conturbat*, sed exaggeravit sermo-
nem dicens, *quisquis fuerit. Ego autem, fratres, si circum-*

F *cisionem adhuc prædico, quid etiamnum persecutionem pa-
tior?* Quoniam traducebatur Apostolus hoc nomine,
quod ubique Judaizaret, fideque prædicaret, vide
quam pure semet explicet a suspitione, ipsos appellans
testes. Nam vos quoque scitis, inquit, istam fuisse per-
secutionum mearum causam, quod a Lege jubeo desci-
scere. Itaque si circumcisionem prædico, cur persecu-
tionem patior? Neque enim aliud crimen mihi possunt
intendere, qui ex *Judais* sunt, præterquam hoc solum.
Nam si concessissem, ut servatis majorum ritibus cre-
derent, haud quaquam mihi fuissent insidiari, nec hi qui
crediderunt, nec hi qui non crediderunt, cum nihil ex
ipsorum institutis labefactaretur. Quid igitur? An non
prædicavi circumcisionem? An non circumcidit *Timo-
theum*? Circumcidit quidem, at non prædicavit. Quid
igitur est quod hic dicit? *Disce ejus exactam indicen-
do circumspersionem.* Non dixit, non facio circum-

cizio-

cisionem, sed non prædico, hoc est, non ita jubeo credere. Etenim ne hinc caperes dogmatum confirmationem, circumcidi quidem, sed non prædicavi circumcisionem. Ergo evacuatum est scandalum crucis, hoc est, obstaculum impedimentumque sublatum est, si verum est quod dicitis. Neque enim perinde crux erat offendiculo Judæis, ut quod non pareremus patriis legibus. Etenim cum Stephanum perduxissent in concilium, non dixerunt, hic est qui crucifixum adorat, sed loquitur; inquit, contra Legem & locum sanctum. Idem crimen Christo impegnerant, quod Legem solveret. Propterea Paulus ait: Si concessa est circumcisio, soluta est quam habent adversum nos contentio: nulla jam inimicitia manet adversus crucem & prædicationem. Quod si quotidie eadem exercent contra nos, quomodo hoc intendunt nobis crimen? Me quidem propter hoc adorti sunt, quod incircumcisum induxissim in Templum. An igitur adeo stultus sum, inquit, ut cum permiserim circumcisionem, frustra & in cassum tantum in me receperim mali, ut tantum offendiculum ponerem cruci? Videtis enim, quod nullam ob causam æque nobis sunt hostes, atque ob circumcisionem. Num igitur adeo vecors eram, ut pro renihili, & ipse affligerer, & aliis essem offendiculo? Porro crucis offendiculum vocavit, eo quod etiam sermo crucis hoc imperabat, idque potissimum erat, quod offendeat Judæos, & vetabat ne crucem reciperent, videlicet quod juberentur a majorum institutis discedere.

§. 12. Utinam & concidantur, qui vos conturbant. Vide quam hic est amarulentus in eos, qui Galatas seduxerant. In initio torquebat accusationem in seductos, semel atque iterum eos appellans stultos: verum ubi illos recte castigavit correxitque, deinceps in seductores fertur. Oportet autem nos & hanc Apostoli sapientiam perspicere, quomodo hos tanquam proprios filios, & tanquam correctionis capaces admonet & ad mentem revocat: eos vero qui seduxerant, velut alienos & insanabili morbo laborantes refecat, partim cum ita dicit: Portabit judicium suum quisquis fuerit: partim cum ait, Utinam & abscindantur qui vos conturbant. Ac recte dixit ἀναστέλλω, hoc est, statumoveant. Compulerant enim eos, ut propria patria, ut libertate, ut cœlesti cognatione relicta, alienam ac peregrinam persequerentur, ut jam ab illa superna liberaque Hierosolyma exules, cogantur veluti captivi, solumque vertere jussi, incertis vagari sedibus. Quapropter illis imprecatur. Quod autem dicit hoc est, Nulla est mihi cura de illis, Hæreticum enim, inquit, hominem post unam & alteram admonitionem devota. Si volunt, non solum circumcidantur, verum etiam exsecantur. Ubi nunc sunt, qui seipfos audent evirare, simul & Apostolicam imprecationem sibi accercentes, & Dei opificium accusantes, & a Manichæis stantes? Nam illi quidem ajunt, corpus infidiosum esse, malæque materiæ: hi vero factis suis, crudelibus illis opinionibus præbent ansam, dum membrum amputant velut insidians & inimicum. Itaque multo magis oportebat exsecare oculos, per oculos enim in animam descendit concupiscentia. Verum nec oculus, nec ullum aliud membrum est in culpa, sed sola prava animi inductio. Quod si non sustines, cur non & linguam ob blasphemias, cur non & manus ob rapinas, cur non & pedes ad malitiam currentes, denique cur non totum refecas corpus? Nam & aures delinitæ tibia, frequenter effoeminarunt animam, & nares accepto suavi odore impoferunt menti, & ad voluptatem lympharunt. Itaque circumcidamus omnia, & aures, & manus, & & nares. Verum hæc extremæ sunt impietatis, Satanicæ consilii. Tantum oportet corrigere inconditum mentis impetum. Isti vero sua refecant membra. Ita malus Dæmon quoniam sua culpa rejectus est ab opifice, persuasit ut instrumenta perderent, semper gaudens cædibus. Quis fit igitur, dicet aliquis, ut saginato corpore effervercat concupiscentia? Quoniam hoc ipsum rursus est animi delictum. Nam saginare carnem, non est carnis, sed animi. Nam si vellet extenuare, habet idem omnem potestatem. At tu perinde facis, quasi si quis videns aliquem accendentem ignem, ac lignis impositis

A domum incendere, omisso eo qui fecit incendium, flammam accuset, quæ correptis multis lignis in altum se sustulerit. Atqui culpa non est ignis, sed ejus qui ignem accendit. Hic enim ad parandos cibos, ad præbendam lucem, adque alia id genus ministeria datus est, non ad conflagrationem ædium. Quemadmodum & concupiscentia ad liberorum procreationem vitæque conservationem data est, non ad adulterium, scortationes ac lascivias: ut pater fieres, non ut adulter, ut legitime converteris cum uxore, non ut contra fas eam corumpas, ut relinquo tuum semen, non ut alienum vities. Siquidem adulterium non est naturalis appetitus, sed contumeliæ præter naturam. Siquidem appetitus ille tantum desiderat mixturam, non talem mixturam. Hæc autem mihi non temere dicta nunc sunt, sed præcludimus ad disputationes quasdam ac ceu velitamur in eos qui dicunt Dei opificium esse malum, omissa animæ sordida adversus corpus insanientes, carnemque nostram calumniantes, de quibus & Paulus deinceps differit, non carnem incusans, sed Diabolicas cogitationes. Vos autem, fratres, in libertate vocati estis, tantum ne libertatem in occasionem carnis, Hic jam videtur exspatiari in sermonem moralem. Accidit autem illi quiddam novum, quodque in nulla cæterarum Epistolarum accidit. Cum enim omnes in duas partes solitus sit partiri, sic ut primum de dogmatibus, in fine de moribus differat: hic posteaquam incidit in sermonem de moribus, rursus admiscet disputationem de dogmatibus. Nam hic sermo vicissim hæret illi, illi inquam, qui pugnat adversus Manichæos. Sed quid est: Tantum ne libertatem in occasionem carnis? Liberavit, inquit, nos Christus a jugo servitutis, liberum nobis esse voluit facere quicquid volumus, non ut hac potestate ad malitiam abutamur, sed ut majoris præmii sumamus occasionem, ad altiorum philosophiam progressi. Posteaquam enim passim Legem appellat jugum servitutis, & de gratia quæ liberat ab execratione meminit, ne quis suspicaretur ipsum ideo revocare homines a Lege, quod liceret ex legem agere vitam, corrigit eam suspicionem dicens: Non ut illegitima fiat vitæ ratio, sed ut Legem transcendat philosophia. Soluta sunt enim Legis vincula, atque idem ego dico, non ut dejiciamur, sed ut erigamur ad altiora. Etenim tam is qui scortatur, quam is qui in virginitate perseverat, Legis terminos excessit: verum non eodem modo, sed hic quidem in deteriora prolapsus, ille vero ad meliora provectus, sic ut alter prætergressus sit Legem, alter supergressus. Hoc itaque dicit Paulus, Christus jugum vobis relaxavit, non ut exsiliatis, aut calcitretis, sed ut absque jugo composite incedatis. Post hæc ostendit modum, quo hæc facile queant corrigi. Quis igitur modus? Per caritatem, inquit, invicem vobis servite. Rursus hic subindicat ambitionem, seditionem, dominandi studium, & insolentiam hujus erroris illis fuisse causam, quippe hæreseon mater est principatus cupiditas. Etenim cum dicit: Servite vobis invicem, ostendit hoc mali ex arrogantia fastuque cepisse exordium. Eoque malo respondens admoveat remedium; Quoniam, inquit, dum alius alii vultis dominari, dissecti fuistis, servite vobis invicem, sic enim denuo in unum redigemini. At peccatum quidem non explicat aperte, sed aperte refert emendationis modum, ut hinc etiam illud cognoscerent, perinde ac si quis lascivienti non dicat quidem quod lasciviat, tamen frequenter hortetur ad pudicitiam. Nam qui proximum sicut oportet diligit, non gravatur illi servire submissius quam quisquam servus. Quemadmodum enim ignis admotus ceræ facile molliet eam, sic & amoris calor omnem fastum & arrogantiam vehementius quam ignis solvit. Eoque non simpliciter dixit, Diligite invicem, sed servite, intensam ac vehementem declarans amicitiam. Etenim cum Legis jugum detraxisset, ne subsilirent, aliud illis imponit jugum, nimirum caritatis, illo quidem validius, sed multo levius ac jucundius. Deinde quid boni præstet caritas ostendit dicens: Tota enim lex in uno verbo impletur, videlicet in hoc, Diliges proximum tuum ut te ipsum. Quoniam Legem susque deque versavit, si vis, inquit, illam implere, ne

circumcidaris: Non enim circumcissione, sed dilectione impletur. Vide ut doloris sui non obliviscitur, sed id quod dolet identidem attingit, etiam ingressus mortalem tractationem. *Quod si invicem mordetis & comeditis, videte ne a vobis invicem consumamini.* Non pronunciat, ne gravet illos, noverat tamen id fieri, verum hoc ambigue profert. Non enim dixit, *quoniam vos invicem mordetis*, & quod sequitur consimili modo, nec enim illic rursus pronunciat; sed obumbrat ac dicit, *ne a vobis invicem consumamini*, qui sermo est metuentis & consulentis, ut caveant, non condemnantis. Ac dictionibus significantibus est usus. Non enim tantum dixit, *mordetis*, quod sane est commoti, sed addidit, *& comeditis*, quod est in malitia perseverantis. Nam qui mordet quod appetebat, iram explevit: cæterum qui devorat, extremæ feritatis & immanitatis specimen dedit. Morsus autem ac devorationem non corporales dicit, sed eas quæ sunt his multo crudeliores. Non enim qui carnem gustavit humanam tantum mali dedit, quantum is qui morsum fixit in animum. Siquidem quanto corpore præstantior est anima, tanto gravius est hanc læsisse. *Videte*, inquit, *ne a vobis invicem consumamini.* Quoniam qui lædunt & insidiantur velut alios consumpturi, hoc animo veniunt, ideo dicit, *Videte ne res in nos revolvatur.* Nam seditio & contentio corruptionem & consumptionem adfert, tum iis qui recipiunt ea, tum his qui invehunt, magisque corrodit omnia quam tinea.

§. 16. *Dico autem, spiritu ambulate, & concupiscentiam carnis non perficietis.* Ecce alteram indicat viam, quæ virtutem reddit facilem, ac præstat ea quæ dicta sunt, viam quæ gignit caritatem, quæque stricta redditur a caritate. Nihil enim, nihil inquam sic caritatem inserit nobis, ut si simus spirituales, nec alia res æque persuadet spiritui, ut apud nos maneat, atque vis caritatis, eoque dicit: *Spiritu ambulate, & carnis concupiscentiam non perficietis.* Quoniam expresserat, quæ res gigneret morbum, & remedium aperit quod adfert sanitatem. Quod autem est illud? Non aliud, quam vivere spiritu. Ubi vero dixerat, *spiritu ambulate, &*

§. 17. *carnis concupiscentiam non perficietis*, subiecit, *Caro enim concupiscit adversus spiritum, spiritus autem adversus carnem. Hæc enim sibi invicem adversantur, ut non quacumque volueritis, ea faciatis.* Hic quidam adoriuntur nos dicentes, quod Apostolus hominem in duo diffecuerit, inducens eum, velut ex contrariis naturis compositum, dum ostendit pugnam esse corpori adversus animam. Verum hæc non ita se habent, non ita se habent, inquam. Neque enim hîc carnem appellat corpus. Alioqui si hoc sentiret, quomodo consentaneum sit quod mox dicitur, *Concupiscit enim*, inquit, *adversus spiritum?* Atqui corpus non est de eorum numero, quæ movent, sed quæ moventur: non de eorum numero quæ agunt, sed de eorum quæ aguntur. Quomodo igitur concupiscit, quandoquidem concupiscentia non carnis est, sed animi? Siquidem alibi dicit, *Concupiscit anima mea.* Et, *Quid desiderat anima tua? & faciam tibi.* Et, *ne ambules juxta desiderium anima tua.* Ac rursus, *Sic desiderat anima mea.* Quomodo igitur Paulus dicit, *Caro concupiscit adversus spiritum?* Solet appellare carnem, non corporis naturam, sed pravam voluntatem: veluti cum dicit, *Vos non estis in carne, sed in spiritu.* Et rursus, *Qui vero in carne sunt, Deo placere non possunt.* Quid igitur? Tollenda est caro? Ipse vero qui hæc dicebat, an non carne circumdatus erat? Non carnis sunt ista, sed Diaboli dogmata. Ille enim homicida erat ab initio. Quid igitur dicit? Carnem hîc appellat cogitationem terrestrem, socordem & incogitantem. Hæc enim non corporis est accusatio, sed animæ negligentis crimen: siquidem hujus instrumentum est caro: instrumentum autem nullus averfatur oditve, sed eum potius, qui organum male tractat. Neque enim ferrum, sed hominem & odimus & punimus. Atqui dixerit aliquis, hoc ipsum est accusare corpus, animi peccata carnis appellare vocabulo. Ego vero fateor quidem carnem anima inferiore esse, sed hanc quoque pulchram esse. Non enim

A quod pulchro inferius est, statim malum est, sed ipsum quoque bonum. Malum autem non est minus bono, sed contrarium. At tu si demonstrare potes malitiam e corpore proficisci, accusa carnem. Quod si ex appellatione conaris struere calumniam, tempus tibi est, ut simul accuses & animam: quandoquidem & animalis homo dicitur, qui veritate privatus est. Et Spiritus malitiæ dicuntur Dæmonum multitudo. Rursus carnis vocabulo Scriptura solet appellare mysteria, totamque Ecclesiam, dicens eam Christi esse corpus. Quod si vis etiam officia cernere, quæ per carnem præstantur, hinc considera. Imaginare sensus extinctos esse, & videbis animam omni cognitione destitutam, neque quicquam eorum quæ nunc novit, nosse. Etenim si potentia Dei dum ex opificio mundi per res conditas intelligitur, conspicitur, quomodo videre poterimus absque oculis? Quod si & fides ex auditu est, quomodo sine auribus audiemus? Prædicare vero, & circumcursare, linguæ pedumque constat adminiculo. Quomodo enim, inquit, prædicabunt, nisi mittantur? Et scribendi munus peragitur manibus. Vides ut innumerabilium causa bonorum est carnis ministerium? Cæterum cum dicit, *Caro concupiscit adversus spiritum*, de duplici loquitur cogitatione, quarum altera alteri adversatur, videlicet virtutis & malitiæ, non anima & corpus. Nam si hæc sibi invicem adversarentur, seipsa tollerent, non aliter quam ignem aqua, tenebræ lucem. Sin corporis curam agit anima, multaque sollicitudine illi prospicit, innumeraque patitur, ne deserat illud, cum vi abruptitur, obstitit, ac vicissim corpus animæ subservit, & ad illius operationem compositum est, qui possunt hæc esse contraria, & inter sese pugnantia? Nam ego non solum non contraria, verum etiam magnopere concordia, seque vicissim tuentia conspicio ex ipsis factis. Non igitur de his loquitur, quod sibi invicem adversantur, sed malarum ac bonarum cogitationum pugnam proponit. Velle enim & non velle animæ est. Ideo dicit, *Hæc autem adversantur*, ne fineres animam pergere in suis pravis affectibus. Siquidem hæc loquutus est Apostolus, ceu pædagogus quispiam ac præceptor terrorem incutiens. *Quod si spiritu ducimini, non estis sub Lege.* Quænam est hæc consequentia? Maxima quidem & evidens. Etenim qui spiritum ut oportet habet, per hunc exstinguit omnem pravam concupiscentiam. Porro qui liberatus est ab his, non eget Legis auxilio, sed multo factus est præceptis illis sublimior. Nam qui non irascitur, quid opus habet ut audiat, non occides? Qui non intuetur intemperantibus oculis, quid opus habet eo qui doceat non esse moechandum? Quis enim illi verba facit de fructu malitiæ, qui radicem malitiæ jam evulsit? Radix enim homicidii, ira: & adulterii radix, curiosus oculorum obtutus. Ea propter dicit: *Si spiritu ducimini, non estis sub Lege.* Hic autem mihi videtur magnas etiam & admirandas legis laudes retulisse. Quas illas? Quanquam, inquit, Lex erat loco spiritus, juxta suas vires, priusquam spiritus adveniret, non tamen ob id oportet manere in pædago. Tum quidem merito sub Lege eramus; ut metu castigarem concupiscentias, nondum prodito spiritu. Nunc vero posteaquam venit gratia, quæ non solum jubet ab illis abstinere, verum & ad altiora provehit, & ad perfectiorem vitæ rationem adducit, quid opus est Lege? Etenim qui ex sese suo fungitur officio, huic quid opus est pædago? Neque enim qui Philosophus est, opus habet Grammatico. Cur igitur vos ipsos redditis viliores? Cum prius vos exhibueritis spiritui, nunc assidetis Legi.

Manifesta autem sunt opera carnis, quæ sunt, fornicatio, §. 19. adulterium, immundities, lascivia, veneficium, simula- 20. crorum cultus, inimicitia, contentio, emulationes, ira, concertationes, seditiones, hæreses, invidia, cades, ebrietates, comestiones, & his similia, quæ prædico vobis, quemadmodum & prædixi, quod qui talia faciunt, non erunt hæredes regni Dei. Hic jam mihi dicito tu qui carnis accusator es, & arbitraris hæc ob simultatem & discordiam esse dicta: Sit adulterium, & fornicatio carnis, juxta vestram opinionem: inimicitia, contentio, emulationes, con-

- concertationes, hæreses, & veneficia, cujus erunt? Nam hæc tantummodo sunt corruptæ voluntatis, nimirum ut cætera, quomodo igitur erunt carnis? Vides igitur, quod hic non loquitur de carne, sed de terrestri cogitatione quæ humi serpit, eoque terrorem ingerit dicens; *Qui talia faciunt, regni Dei non erunt hæredes*. Quod si hæc essent naturæ malæ, non voluntatis pravæ, superflue dixisset *faciunt*; Faciunt non patiuntur. Hujus autem rei gratia etiam exulant a regno coelorum. Neque enim ad ea quæ sunt naturæ, sed ad ea quæ sunt voluntatis pertinent vel coronæ vel supplicia. Quapropter etiam hæc minatur Paulus: *Fructus autem spiritus, caritas, gaudium, pax*; Non dixit, *opus spiritus*, sed *fructus*. Num igitur anima supervacanea est? Nam si de carne & spiritu verba fiunt, ubi anima? Num de inanibus loquitur? Siquidem ubi quæ mala sunt, carnis sunt, quæ bona, spiritus, supervacanea est anima. Nequaquam. Nam hujus est temperatura affectuum, & ad hanc pertinent. Ipsa in medio sita inter virtutem & vitium, si ad id quod oportet utitur corpore, reddit illud spirituale: sin recedit a spiritu, si seipsam præbet malis cupiditatibus, reddit illud magis terrenum. Vides eum non loqui de substantia carnis, sed de mala & bona voluntate. Cur autem vocat fructum spiritus? Quoniam mala opera ex nobis solis oriuntur, unde & opera vocat. Bona vero non tantum egent nostra cura, verum etiam opus habent divina benignitate. Igitur hæc diserturus prius radicem bonorum proponit ita dicens, *Caritas, gaudium, pax, lenitas, benignitas, bonitas, fides, mansuetudo, temperantia, adversus hujusmodi non est lex*. Quid enim aliquis præcipiat illi qui omnia in se habeat, etiam perfectam philosophiæ magistram caritatem? Quemadmodum enim equi freno morigeri, omniaque ex sese facientes, non opus habent scutica: sic & anima quæ impulsu Spiritus recta facit, non eget admonitrice lege. Cæterum hic quoque legem valde mirabiliter dejecit, non ut malam, sed ut inferiorem philosophia, quam dat Spiritus. *Qui vero sunt Christi, carnem crucifixerunt cum vitiis & concupiscentiis*. Etenim ne dicerent, & quis est istiusmodi? ex factis ostendit, qui sint qui talia præstant, rursus hic carnem appellans malefacta. Non enim sane carnem sustulerant, alioqui quomodo viverent? Nam quod crucifixum est, mortuum est & inefficax. Sed perfectam indicat philosophiam. Siquidem concupiscentiæ quamvis obturbant, incassum rabiunt. Quoniam igitur tanta vis est spiritus, illi vivamus, illo contenti simus. Et hoc declarans subdit: *Si spiritu vivimus, spiritu & ambulemus*. Hoc est, contenti simus Spiritus vi, neque requiramus Legis accessionem. Mox ostendens eos qui circumcisionem inducebant, id ambitionis gratia facere, ait, *Ne efficiamini inanis gloriæ cupidi, quæ est causa omnium malorum, vos invicem provocantes*. Hoc in contentiones & concertationes dictum est. *In vicem invidentes*. Siquidem ex inanis gloriæ studio nascitur invidia, rursus ex invidia hæc innumera mala.

CAPUT VI.

1. **FRATRES**, etiam si prævenerit fuerit homo: Quoniam increpationis prætextu ulciscabantur suas cupiditates, videbanturque id facere propter delicta corrigenda, cum revera studerent suam dominandi cupiditatem stabilire, ait, *Fratres, si etiam prævenerit fuerit*. Non dicit, *si fecerit*, sed *si prævenerit fuerit*, hoc est, si abreptus. *Vos qui spirituales estis, instaurate talem*. Non dixit, *punite*, aut *condemmate*, sed *instaurate*, hoc est, corrigite. Ne hic quidem constitit, verum ut ostenderet eos vehementer mites esse oportere, erga eos qui supplantantur, ita subjecit, *In spiritu mansuetudinis*. Non dixit, *in mansuetudine*, sed *in spiritu mansuetudinis*, declarans hæc etiam spiritui placere, quippe cum hoc ipsum posse cum humanitate corrigere peccantes doni sit spiritualis. Deinde ne qui corrigit alterum, effertur animo, & ipsum eidem timori subjecit, ita loquens, *Considerans teipsum, ne & tu tenteris*. Quemadmodum enim divites sportulas mittunt egentibus, quo si quando & ipsi in egestatem inciderint, eadem ab aliis consequantur: sic & nobis est faciendum. Quapropter & cau-

sam necessariam memorat, ita loquens, *Considerans teipsum, ne & tu tenteris*. Simul excusat eum qui peccavit: primum ita dicens, *quamvis prævenerit fuerit*. Deinde vox illa multam declarat infirmitatem, dum usurpat pronomen, *tu*, ita loquens, *ne & tu tenteris*. Quod igitur dicit tale est, Corrigere fratrem, si prævenerit fuerit, sed cum mansuetudine, Dæmonis incurfionem accusans magis quam animi negligentiam. *Alii aliorum* 2. *onera invicem portate*, Quoniam fieri non potest, ut homo vivat absque defectu, admonet ne rigidi sint expensores alienorum delictorum, sed tolerant etiam proximorum defectus, ut & ipsorum delicta tolerantur ab aliis. Sicut enim in structura domus non omnes lapides eundem habent locum, sed hic quidem in angulum est accommodus, ad fundamenta non item: ille contra, ad fundamenta commodus est, non item ad angulum: Itidem sane est in corpore, quod est Ecclesia. Quin & in nostra carne licet idem cernere, attamen aliud membrum ab alio toleratur, nec ab omnibus omnia requirimus. Nam ex communi facta collectio, & corpus & ædificium constituit. *Et sic adimplete legem Christi*. Non dixit *πληρώσατε*, id est, implete, sed *ἀναπληρώσατε*, hoc est, simul omnes implete, vos invicem ferendo. Velut ille est iracundus, tu somnolentus. Tolerat igitur illius acrem impetum, ut vicissim ille tuam ferat segnitiam. Ita fiet, ut nec ille peccet, dum abs te toleratur, neque tu, dum in his quibus molestinus es, sustineris a fratre tuo. Ad hunc autem modum vobis invicem, ubi lapsus imminet periculum, manum porrigentes, mutuis officiis implete legem, sic ut unusquisque quod proximo deest, sua tolerantia suppleat. Porro nisi sic egeritis, sed quisque proximi vitam tendat excutere, nunquam inter vos fiet quicquam eorum quæ fieri decet. Ut enim in corpore si quis ab omnibus membris eundem postulet usum, nunquam constiterit corpus: sic & inter fratres grave bellum erit, si ab omnibus omnia requirimus. *Etenim si quis videtur aliquid esse, cum nihil sit, seipsum* 3. *decipit*. Hic rursus arrogantiam spectat. Qui sibi videtur esse aliquid, primum suæ vilitatis argumentum edens, talem morum levitatem. *Sed suum opus probet unusquisque*, 4. Hic ostendit quod oportet nos vitæ nostræ expensores esse, nec leviter, sed exacta cura probare quæ nobis gesta sunt: videlicet, fecisti boni quippiam, considera ne forte propter inanem gloriam, ne propter necessitatem, ne in odium, ne per simulationem, ne ob aliam aliquam causam humanam. Sicut enim aurum videtur quidem esse splendidum priusquam mittatur in fornacem, verum ubi traditum fuerit igni, tum vero certo dignoscitur, eo quod adulterinum est, ab eo quod est sincerum, separato: Sic & nostra opera, ubi diligenter examinaveris, tum evidenter reagentur, videbimusque nos ipsos multis criminibus obnoxios esse. *Et tunc in seipso tantum gloriam habebit, & non in altero*. Hæc dicit non veluti legem præscribens ut fiat, sed illis obsecundans, perinde ac si dixisset, Absurdum quidem est gloriari: quod si porro gloriari vis, ne gloriaris adversus proximum, ut ille Phariseus. Nam qui hoc didicerit, is & ab illo facile abstinebit. Quapropter etiam illud concessit, ut paulatim totum eximeret. Nam qui confuerit in seipso tantum habere gloriam, & non adversus alios, statim & hunc defectum corrigit. Nam qui non existimat se cæteris meliorem, quandoquidem hoc est quod dicit, non in alterum, sed semetipsum apud sese examinat, etiam si gloriatur, desinet tamen id facere in posterum. Atque ut intelligas eum hoc velle docere, vide ut illum metu cohibet, superius dicendo: *probet suum opus*: hic addendo, *Unusquisque suum onus* 5. *portabit*. Videtur quidem proponere rationem quæ vetat gloriari adversus alium, sed corrigit gloriantem ne sibi placeat, revocans illum ad propriorum delictorum considerationem, dum onus nominat, & sarcinæ gestationis meminit, premens illius conscientiam. *Communicet autem is qui instituitur sermone, ei qui instituit, in omnibus bonis*. Hic jam de doctoribus loquitur. Vult enim illos diligenter curari ab his quos instituunt. Et quamobrem inquit? *Christus* hoc ita præscripsit, & in novo Testamento lex hæc posita est, ut qui Euange-

lium prædicant, ex Euangelio vivant, & in veteri similiter multi proventuserant *Levitis* & subditis. Cujus igitur gratia sic hæc constituit, sed prius subtrato modestiæ & caritatis fundamento? Quoniam etiam doctoralis auctoritas frequenter inflat ea præditos, cohibens doctoris spiritum, constituit illum in hac necessitate, ut opus habeat discipulis: & his rursus præbet occasionem, ut faciliores reddantur, ad benevolentiam exercens eos per benevolentiam erga doctores, ut & erga cæteros sint mansuetiores, quæ res non mediocrem caritatem excitavit in utraque parte. Alioqui nisi hoc esset quod dixi, quam ob causam Deus, qui ingratos *Judeos* manna aluit, in mendicorum dejecisset necessitatem? An non perspicuum est, quod hinc magna pararet bona, modestiam & caritatem? Et ne puderet discipulos, subditos esse probro obnoxios. Probrum enim esse videtur, petere. At jam non videbatur, cum idem palam omnique cum libertate facerent doctores. Itaque non mediocrem fructum & hinc tulere discipuli, dum per hæc docentur gloriam omnem despiciere. Idcirco dicit: *Communicet autem qui instituitur in sermone, in omnibus bonis.* Hoc est, omnem in illum exhibeat liberalitatem. Hoc enim innuens dicebat, *in omnibus bonis.* Nihil, inquit, discipuli proprium est, sed omnia communia, quippe qui majora quam dat accipit, atque hoc majora, quo præstabiliora sunt cœlestia terrenis. Quod & alibi significans ait: *Si nos vobis spiritualia seminavimus, non magnum si nos vestra carnalia metamus.* Eoque negotium hoc appellat communicationem, indicans fieri repensationem. Ex hoc vero caritas quoque redditur ferventior, multoque firmior. Itaque si doctor quærat quod naturæ satis est, nihilo minus accipiens manet in sua dignitate: quandoquidem & hoc laudi dandum est, doctorem sic assiduum esse ministerio sermonis, ut cæteris egeat, alacritateque labore inopia, contemnens omnia quæ ad victus necessitatem pertinent. Quod si modum transgressus fuerit, corrumpit suam dignitatem, non eo quod accipit, sed quod præter modum. Post hæc ne doctoris improba vita, segniores ad hæc redderet discipulum, eumque pauperem frequenter prætercurreret ob mores malos, pergit ac dicit: *Bonum autem facientes non defatigemur.* Hic ostendit discrimen ambitionis hujusmodi, & ejus qui incumbit rebus temporariis, ita dicens: *Ne erretis, Deus non irridetur, quicquid enim seminaverit homo, hoc & metet.* Nam qui seminat in carne sua, ex carne sua metet corruptionem: Qui vero seminat in spiritu, & spiritu metet vitam æternam. Quemadmodum enim in semine, qui seminat, non potest ex hordeo metere triticum, eo quod oporteat & sementem & messem ejusdem esse generis, sic & in operibus. Qui in carne deposuerit, delicias, temulentiam, concupiscentiam absurdam, quæ hinc proveniunt metet. Quæ autem sunt ista? supplicium, ultio, probrum, risus, corruptio. Siquidem mensarum sumptuosarum & condimentorum nullus alius proventus est quam corruptio. Nam simul & ipsa corrumpuntur & corrumpunt corpus. Quæ vero sunt spiritus, haud sunt ejusmodi, sed his omnibus omnino diversa. Considera vero, seminasti eleemosynam, manent te thesauri cœlestes, gloriaque sempiterna. Seminasti pudicitiam, excipiet te honor & brabium, & ab Angelis gratulationes, & ab Agnotheta coronæ. *Bonum autem facientes ne defatigemur: tempore enim suo metemus non deficientes: ergo dum tempus habemus, operemur quod bonum est in omnes, maxime vero erga domesticos fidei.* Ne quis arbitraretur, doctorum quidem habendam esse curam, eosque alendos, cæteros vero negligendos, ad generalitatem profert orationem, omnibusque patefacit ostium hujus honoris ambiendi: tantaque vehementia id facit, ut in *Judeos* etiam ac Gentes, licet non eodem gradu, tamen eleemosynam conferre jubeat. Quis autem est ordo? Ut circa fideles major habeatur sollicitudo: & quod in cæteris Epistolis facere solet, hoc & hic facit, non modo loquens de danda eleemosyna, verum etiam de studiose perpetuoque danda; Siquidem hæ voces, seminare & non oportet defatigari, hoc innuunt. Ergo quoniam rem magnam exigebat, præmium quoque collocat in

A foribus, messis faciendo mentionem novæ cuiusdam & admirabilis. Nam in agriculture, non solum qui seminat, verum etiam qui metit multum sustinet laboris, cum squalore, cum pulvere, cumque multa colluctans miseria. Tunc vero nihil, inquit, tale erit. Quod etiam explanans dicit, *Tempore enim suo metemus non deficientes.* Et hinc quidem illos hortatur & allicit, ex altera vero parte urget etiam & compellit dicens: *Ergo dum tempus habemus operemur bonum.* Quemadmodum non semper est in nostra potestate facere sementem, ita nec dare eleemosynam. Cum enim hinc fuerimus abducti, etiam si millies velimus, nihil effecerimus. Testes hujus rei nobis sunt & virgines illæ, quæ quamlibet promptam haberent voluntatem, tamen quoniam abierant non ferentes secum largam eleemosynam, exclusæ sunt a thalamo sponsi. Testis est & dives ille, qui *Lazarum* despexerat, qui quoniam hoc destitutus erat auxilio, & plorans & supplicans vehementer, nec a Patriarcha, nec ab alio quopiam misericordiam impetravit, sed citra veniam omnem mansit in perpetuo flammæ cruciatu. Porro quod dixit, *dum tempus habemus operemur bonum erga omnes*, & hac ratione maxime subducit eos ab humilitate *Judaica*. Nam illis omnia humanitatis officia erant erga contribules; at gratiæ philosophia, terram pariter & mare, ad beneficentiæ mensam invitat, quanquam erga domesticos copiosorem exhibet sollicitudinem.

Videtur qualibus litteris scripsi vobis manu mea. Quicumque volunt in carne placere, ii cogunt vos circumcidi. ^{11.} Considera quantus dolor tenuerit illam beatam animam. Quemadmodum enim qui in luctum aliquem inciderunt, aut aliquem ex sinceris amicis amiserunt, aut alioqui malum aliquod subito obortum ferunt, neque noctu quietem agunt, neque interdiu, luctu pectus illorum obsidente: sic & beatus *Paulus* pauca loquens de moribus, denuo revertitur ad superiora, quæ maxime discruciant ipsius animum, ita loquens, *Videte qualibus litteris scripsi vobis.* Hic nihil aliud innuit, nisi quod ipse totam scripserit Epistolam, quod affectus miræ sinceri erat argumentum. In cæteris enim Epistolis subscribebat quidem ipse, cæterum alius scribebat, idque liquet ex ea quæ est ad *Romanos* Epistola. Ibi siquidem sub calcem ait: *Saluto vos ego Tertius, qui scripsi Epistolam.* Hic vero totam ipse scripserat. Fecit autem hoc non temere, sed admodum necessario, non ob caritatem modo, verum etiam ad tollendam malam suspicionem. Quoniam enim traducebatur de iis factis, quibus affinis non erat, dicebaturque circumcisionem profiteri, dissimulans tamen quasi non profiteretur: ideo compulsus est Epistolam sua manu scriptam mittere, deposito apud illos scripto testimonio. Quod autem dixit *qualibus*, mihi videtur non magnitudinem, sed deformitatem litterarum significans hoc dicere. Nam propemodum illud dicit, quod cum non nosset optime scribere, tamen compulsus sit per seipsum scribere, ut calumniatoribus os obturaret. *Quicumque volunt placere* ^{12.} *in carne, hi cogunt vos circumcidi, tantum ne per crucem Christi persecutionem patiantur.* Neque enim qui circumcidentur, ipsi Legem servant, sed volunt vos circumcidi, ut in vestra carne gloriantur. Hic ostendit illos non sponte id facere, sed coactos pati, præbens illis occasionem redeundi, ac propemodum illos excusans, hortansque, ut cito resiliant. Quid autem est, *placere in carne*? Probare apud homines. Quoniam enim apud *Judeos* probro dabatur, quod a patriis consuetudinibus desciscerent, ne hoc, inquit, possit ipsis exprobari, volunt vos corrumpi, per vestram carnem illis satisfacturi. Hoc autem dicit, ut ostendat illos nequaquam propter Deum quæ faciebant facere: Perinde quasi dixisset: Quod fit non innititur pietati, propter humanam ambitionem hæc omnia fiunt, ut placeant infidelibus, quod fideles truncentur: & inducunt animum, ut Deum offendant, modo placeant hominibus. Hoc enim est in carne placere. Post hæc ut ostendat & a diverso eos esse procul a venia, rursus illos redarguit, non solum ob id, quod aliis placere studerent, verum etiam quod suæ gloriæ causa, hæc aliis præciperent. Eoque subjecit, *Ut in car-*

ne vestra gloriantur, tanquam qui discipulos habeant, *†. 14.* sintque doctores. Et unde hæc probantur? *Non enim,* inquit, *ipsi Legem servant.* Maxime igitur etiam si servassent, erant accusandi. Nunc & scopus illorum insincerus est. *Mihi vero absit, ut gloriar, nisi in cruce Domini nostri Jesu Christi:* Attamen res videtur esse probrosa, verum in mundo & apud infideles; Cæterum in coelis & apud fideles gloria est, & quidem maxima. Nam & paupertas probrosa est, sed nobis gloriosa. Item sperni apud vulgus ridiculum est, at nos eo gloriamur. Ita crux nobis est gloriandi materia. Nec vero dixit, *ego non glorior,* aut *ego non volo gloriari,* sed *absit ut ego gloriar,* perinde quasi de re portentosa loquens abominatus est, & ad hoc præstandum divinam opem imploravit. Et quid est quod de cruce gloriatur? Quod *Christus* mea causa formam servi accepit, & mea causa quæ passus est, pertulit: propter me, inquam, qui servus eram, qui inimicus, qui ingratus, sed sic me dilexit, ut seipsum exponeret. Quid huic possit æquiparari? Etenim si servi dum tantum laudantur ab heris, hisque ejusdem naturæ, vehementer sibi placent: an non gloriandum est, cum ille Dominus, qui verus est Deus, non erubescit pro nobis crucem subire? Proinde ne nos quidem illius ineffabilis erga nos sollicitudinis pudeat. Illum non puduit tua causa crucifigi, & te pudet ejus inenarrabilem profiteri dispensationem? Et interim perinde facis, ac si quis ante non erubescens de Rege, postquam is astans ipsi in carcere, vincula suis manibus detraxisset, ob hoc illius pudefceret. Verum hæc extremæ fuerint dementiæ: ob hoc ipsum enim maxime gloriandum est. *Per quem mundus crucifixus est, & ego mundo.* Mundum hic appellat non cælum neque terram, sed res temporarias, laudem ex hominibus, famulitium, gloriam, opes. Hæc igitur omnia quæ vulgo videntur esse magnifica, mihi facta sunt mortua. Talem oportet esse Christianum, & hanc vocem semper habere in ore. Considera & hinc hujus beati erga Deum caritatem. Non contentus est priore mortificationis modo, sed & alterum intulit dicens: *& ego mundo;* duplicem innuens mortificationem, ac dicens, & illa mihi mortua sunt, & ego vicissim illis. Nec illa me capere possunt, neque manibus injectis captivum ducere, quippe semel mihi mortua: ut neque ego illorum cupidine teneri, quippe mortuus illis. Nihil hac mortificatione felicius. Hoc est beatæ vitæ fundamentum. *Neque igitur circumcisio quicquam valet, neque præputium, sed nova creatura. Et quicumque hac regula incedunt, pax super eos & misericordia, & super Israel Dei.* Vides crucis potentiam, in quantam celsitudinem Apostolum subvexerit. Non enim solum jam omnes mundi res illi mortuas reddidit, verum etiam longe supra veterum institutum sustulit. Quid huic potentiae par? Siquidem qui prius pro hac circumcissione occidebatur, & alios occidebat, huic persuasit crux, ut illa eodem loco relicta quo erat præputium, nova quædam & admiranda, ac cælos transcendentia perquireret negotia. Hanc enim appellat novam creaturam, nostrum vivendi institutum, tum ob ea quæ nata sunt, tum ob ea quæ futura sunt. Ob nata quidem, quod nostra natura, quæ inveteraverat senio peccati, repente baptismi lavacro renovata est, non aliter, quam si denuo esset condita. Quapropter etiam nova ac cœlestis a nobis exigitur vitæ forma. Ob futura vero, quod & cælum & terra, & omnis denique creatura, in incorruptibilitatem transferetur una cum nostris corporibus. Proinde ne mihi posthac loquaris, inquit, de circumcissione, quæ nullam habet vim. Quomodo enim hæc exstabit, cum omnia tantopere sint immutata? Quin potius res novas quærite, nimirum gratiam. Hæc enim qui sectantur, hi & pace & Dei erga nos bonitate fruuntur.

A Qui proprie nomine *Israëlis* appellari possunt, quod hi qui diversa sentiunt, etiam si ex illo prognati forent, ejusque cognomen circumferrent, ex his tamen omnibus exciderunt, & a cognitione, & ab ipso cognominis honore. Quippe qui regulam hanc servant, hi sunt qui vere *Israëlitæ* possunt esse, qui a veteribus discedunt, & gratiam sectantur.

De cætero nemo mihi molestus sit; Hic non quasi lassus, *†. 17.* aut defatigatus hæc loquitur. Etenim qui omnia tum facere tum pati causa discipulorum induxerat animum, quomodo nunc fractus esset concidissetque? Qui dicit, *Insta opportune, importune:* Qui dicit, *si forte det illis Deus agnitionem veritatis, & resipiscant a Diaboli laqueis.* Quam igitur ob causam hæc dicit? Ut illorum socordem animum premat, & in majorem conjiciat terrorem, & leges ab ipso latas confirmet, nec sinat illos semper vacillare. *Ego enim notas Domini nostri Jesu Christi in corpore meo porto.* Non dixit, *habeo,* sed *porto,* tanquam aliquis de trophæis glorians signisque regalibus. Quanquam hoc ipsum rursus probrosum esse videtur. Verum hic sua vulnera jactat, neque secus quam solent milites vexilliferi, hic exultat vulnera circumferens. Sed quam ob causam hoc dicit? Quovis sermone, quavis, inquit, voce clarius per hæc me purgo. Hæc namque vocem tuba sublimiorem emittunt adversus eos qui mihi contradicunt, prædicantque me simulare dogma, & ad placandum homines aliquid dicere. Etenim si quis militem videret ex acie cruentatum prodisse, innumeris vulneribus faucium, num posset illum ignaviæ proditionisque damnare, argumenta fortitudinis in ipso corpore gestantem? De me quoque igitur, inquit, similiter judicate. Et si quis nolit meam excusationem audire, animumque meum cognoscere, spectet vulnera, quæ certiores exhibent probationem, quam hæc verba, quam Epistola. Exordiens enim Epistolam, ex subita sui mutatione, sincerum animum suum, fucique expertem evidenter ostendit: finiens vero declarat idem, ex periculis hujus mutationis causa toleratis. Nam ne quis diceret, recto quidem animo mutatus est, verum non perstitit in eodem proposito, testes allegat, se etiam perstitisse, nimirum tentationes, pericula, plagas. Deinde posteaquam se dilucide purgavit de omnibus, declaravitque, quod nihil eorum quæ dicta sunt, dixerit animo commoto, aut odii causa, sed immobilem habeat erga illos caritatis affectum, rursus hoc ipsum confirmat, claudens orationem precatione, plena bonis innumeris, hunc in modum loquens: *Gratia Domini nostri Jesu Christi cum spiritu vestro fratres, Amen. †. 18.* Hoc extremo verbo, cunctis quæ prius dicta sunt, signaculum addidit. Non enim simpliciter dixit, *vobiscum,* quemadmodum de cæteris, sed ait, *cum spiritu vestro:* avocans illos a carnalibus, & ubique demonstrans Dei beneficentiam, gratiæque commonefaciens quam acceperant, per quam poterat illos ab omni errore *Judaico* revocare. Nam & spiritum accepisse non erat legalis inopiæ, sed justitiæ, quæ est secundum fidem: nec acceptum tenere, erat ex circumcissione, sed ex gratia. Eapropter admonitionem clausit deprecatione, spiritus simul & gratiæ mentionem refricans, & fratres alloquens, & Deum invocans, ut his perpetuo fruantur, & duplici muro quæ prius dicta sunt, communiens. Siquidem hæc ipsa precatio consummata doctrina est eorum quæ dicta sunt, duplicis muri vicem illis exhibens. Nam & doctrina commonefaciens illos quantum bonorum accepissent, magis continet illos in Ecclesiæ dogmatibus: & precatio gratiam invocans, & in iisdem perseverare suadens, non finit Spiritum ab illis discedere: quo quidem in illis manente, non aliter ac pulvis, dispellebatur omnis ejusmodi dogmatum fallacia.

I N E P I S T O L A M A D G A L A T A S

F I N I S.

DIVI

DIVI JOANNIS CHRYSOSTOMI

I N

EPISTOLAM PAULI AD PHILIPPENSES,

HOMILIA PRIMA,

DESIDERIO ERASMO ROTERODAMO INTERPRETE.

PHILIPPENSES dicti sunt a *Philippis* civitate *Macedonia*, quæ est civitas *Colonia*, quemadmodum refert *Lucas*. Hic illa purpuraria conversa est, mulier admodum religiosa, deditaque precationibus.

Hic Synagogæ princeps credidit, hic flagris cæsus est *Paulus* una cum collega *Sila*, hic Magistratus voluerunt eos e civitate decedere, eo quod metuerent illos, ac prorsus splendidum initium habuit illic Euangelii prædicatio. Quin & *Paulus* ipse multa magnaue de illi testificatur, coronam suam illos appellans, addens & illud, quod & multa & magna perpessi fuissent. *Vobis enim*, inquit, *donatum est a Deo, non solum, ut in ipsum crederetis, verum etiam ut pro ipso patiamini*. Cum autem scriberet ad illos, forte fortuna tum erat in vinculis. Propter hoc, inquit, *ut vincula mea manifesta fierent in Christo, in toto pratorio*. Regiam *Neronis* prætorium appellans. Sed victus fuerat ac deinde dimissus. Id declarat scribens *Timotheo*: *In prima mea defensione nemo mihi adfuit, sed omnes me deseruerunt. Ne illis imputetur, sed Dominus mihi adfuit, & corroboravit me*. His nimirum verbis designat vincula sua in quibus erat ante defensionem illam. Quod enim id temporis non adfuerit *Timotheus*, perspicuum est: *In prima enim*, inquit, *mea defensione nemo mihi adfuit*. Id ita esse declaravit hæc *Timotheo* scribens, haudquaquam scripturus, si ille scisset. Cæterum cum hanc scriberet Epistolam, *Timotheus* aderat illi; Id declarat hisce verbis: *Spero autem in Domino Jesu, me Timotheum brevi missurum ad vos*. Ac rursus: *Hunc autem ut spero, illico mittam ad vos, cum primum expendero mea negotia*. Solutus enim fuerat a vinculis ac denuo retractus in vincula, posteaquam ad illos venerat. Porro quod dicit, *etiam immolor super hostia & oblatione fidei vestra*: non ita loquitur, quasi hoc jam factum esset, sed si quando id contingeret: Gaudeo, inquit, quod crexerim animos illorum a consternatione, quam ex vinculis meis conceperant. Quod enim id temporis moriturus non esset, perspicuum est ex his quæ scribit: *Spero*, inquit, *in Domino, quod & ipse brevis veniam ad vos*. Ac rursus: *Et hoc certo novi, quod mansurus sum & simul cum omnibus vobis permanurus*. Miserant autem ad illum *Philippenses Epaphroditum*, qui pecunias ad ipsum perferret, quidque rerum *Paulus* ageret, cognosceret. Vehementer enim illi *Paulus* erat affectus. Etenim quod illum miserint, audi ex ipso *Paulo* qui dicit: *Recepi omnia, abundo, repletus sum acceptis qua Epaphroditus vestro nomine pertulit*. Quin & in hoc ipsum miserunt illum, ut per eum scirent quid apud *Paulum* ageretur. Id ita esse declarat in ipsa statim Epistolæ fronte, de rebus suis ita scribens: *Scire*, inquit, *vos volo, quod qua mihi acciderunt, magis venerunt ad profectum Euangelii*. Et iterum: *Spero quod brevi Timotheum missurus sim ad vos, ut & ego refociller animo, cognitis qua circa vos aguntur*. Quod ait, *ut & ego*, hoc significat, quemadmodum vos ad me misistis, ut de multis redderemini certiores, sic & ego refrigerium accipiam, cognito rerum vestrarum statu. Quoniam igitur multo jam tempore neminem ad illum miserant: Nam id declarat dicens: *Jam tandem resloruistis ut de nobis cogitaretis*: & tum audierant illum in vinculis esse. Etenim si de *Epaphroditum* morem acceperant quod ægrotasset, cum non esset perinde celebris ut *Paulus*, multo probabilius est illos de *Paulo* fuisse conturbatos: Hanc ob causam in Epistolæ principio diligenter consolatur eos, docens non solum non esse causam consternationis, sed gaudii potius. Post hæc hortatur illos ad concordiam ac modestiam, docens in his esse tutissimum ac maximum præsidium, quod e ratione facile hostibus suis superiores forent evasuri. Non

A est dolenda res, si doctores vestri conjiciantur in vincula, sed si discipuli inter sese non sint unanimes. Nam illud profectum etiam adfert Euangelio, hoc vero distrahit. Posteaquam igitur hortatus est illos ad concordiam, ostenditque quod ex modestia nascitur concordia: deinde multo sermone fertur adversus *Judeos*, qui sub specie Christianismi, undique spiritum habebant corruptum, eos & canes vocans & malos operarios, admonens illos ut talium fugiant consuetudinem, & ostendens quibus oporteat auscultare. Ad hæc, multa differit ad bonos mores conducentia. Deinde propulsata ab illis sordida, excitatisque ad vigilantiam animis, dicendo, *Dominus prope est*, meminit quæ illos deceat prudentia, simulque commemorat, quæ ab illis missa receperit. B Atque hunc in modum multam adfert illis consolationem. Videtur autem hanc Epistolam multa cum honorificentia scripsisse *Philippenses*, quod nullam prorsus habeat objurgationem. Quæ res arguit illorum virtutem, qui nullam increpandi occasionem dederint doctori, adeo ut nihil illis scripserit objurgandi specie, sed exhortandi omnia. Nam ut dictum est, ab ipso statim initio hæc civitas declaravit se vehementer promptam ac propensam esse ad recipiendam fidem. Dux hujus negotii fuit, carceris custos. Siquidem cum res essent undique afflictæ, plenæque malis, repente ex uno miraculo versæ sunt in diversum. Accurrit custos carceris, & tota cum familia baptizatus est. Nam miraculum quidem ipse solus noverat, cæterum fructum lucrumque miraculi non solus sensit, sed hic & uxorem & universam familiam habuit participem. C Atque etiam *Evodiam* aut *Syntychen*, uxorem præfecti carceris, si cui videtur hoc dicendum, aut fortassis ipsum virum aliquis malit *Syntychen* intelligi carceris custodem. Quin & ipsi Magistratus qui flagellaverant eum, si propius inspicias, videntur hoc magis ex tumultu quam ex malitia fecisse, idque duobus argumentis colligitur. Primum quod illico miserint per quos dimitteretur, deinde quod audita *Pauli* responsione metuerint. Collaudat autem eos *Paulus*, non solum ob fidem, & ob tolerata pericula, verum etiam ob munificentiam hisce verbis: *Quoniam*, inquit, *initio quoque Euangelii, & semel atque iterum misistis mihi quibus erat opus, cum nullus alius idem faceret*. D *Nulla*, inquit, *Ecclesia mihi communicavit in ratione dati & accepti*. Quod autem cessatum est in officio non imputavit illorum voluntati, sed potius interpretatur non datam opportunitatem, *Non quod*, inquit, *non esset vobis cura mei, sed defuit vobis opportunitas*.

Hæc igitur cum nos quoque sciamus ac tot exemplis provocemur *Paulina* caritatis erga *Philippenses*, & *Philippensium* erga *Paulum* (Etenim quod illos singulari prosequeretur affectu, perspicuum est, *Neminem enim*, inquit, *habeo unanimum, qui vere & ex animo curet res vestras*. Ac rursus: *Eo quod habeam vos in corde meo & in vinculis meis*) nos ipsos præbeamus dignos talibus exemplis, ut ad patiendum pro *Christo* simus prompti. Verum nunc quidem non est persecutio, proinde si nihil aliud, certe promptam illorum munificentiam imitemur. Ne vero si semel atque iterum dederimus, existimemus nos totum beneficentiæ munus expleffe. Per omnem enim vitam hoc agendum: neque enim satis est semel cum laude rem gerere, sed perpetuo. Etenim qui decem *dolichos* cucurrit, si post deficiat, totam laudem perdidit. Et nos si semel aggressi bona opera, postea defecerimus, totum amisimus, totum perdidimus. Audi utilem exhortationem quæ dicit? *Elemosyna*, inquit, *& fides ne destituant te*. Non dicit, semel bene facito, aut bis, aut ter, aut decies, aut centies, sed semper: *Ne destituant*, inquit, *te*: non dixit, ne eas destituas, sed ne

te

te ipsæ destituant, nimirum indicans, quod nos eleemosynis egemus potius quam illæ nostri. Præterea docens omnia nobis esse facienda, ut eas apud nos retineamus. Imo *suspende*, inquit, *eas in collo*, quemadmodum divitum filii ornatus gratia aureum monile gestant in collo, nec id unquam deponunt, veluti nobilitatis insigne circumferentes & ostentantes. Itidem & nos oportet semper beneficentiam indutos esse, declarantes quod filii sumus ejus qui misericors est, ejus qui Solem suum exoriri facit super bonos ac malos. At non credunt increduli. Ergo per hæc credituri sunt, si nos ista fecerimus, ut videant nos omnium misereri, & illum exprimere magistrum, scient, quod ad illius exemplum hoc facimus. *Eleemosyna*, inquit, *& fides vera*: Recte addidit *vera*, non ex rapina, non ex furto: id enim non est fides, non est veritas. Etenim qui fur est, hunc & mentiri oportet & pejerare. Tu vero non sic, sed eleemosynæ jungito fidem. Hunc ornatum circumdemus collo, hanc torquem auream paremus animæ, videlicet eleemosynam, quamdiu sumus in hoc mundo. Nam si præterierit hæc ætas, jam non erit locus eleemosynæ, quandoquidem illic nulli sunt egentes, nulla est pecunia, nulla est inopia. Donec sumus pueri ne spoliemus nos ipsos hoc monili. Quemadmodum enim ista ornamenta pueris detrahuntur, posteaquam facti viri, feruntur ad aliud ornamentorum genus: itidem & in nobis, non jam erit eleemosyna, quæ pecuniis erogandis constat, sed alia quædam multo præstantior. Itaque si hac nos ipsos non spoliaverimus, efficiemus ut anima formosa appareat. Magna res est eleemosyna, præclara & pretiosa. Ingens, inquam, donum est, aut ut melius dicam, ingens bonitas, si per hanc didicerimus negligere pecuniam, & alia majora discemus. Jam hinc perpende quantum bonorum nobis pariat eleemosyna. Primum qui dat eleemosynam quemadmodum oportet, discit pecuniæ contemptum, quo facto, malorum radicem excutit, adeo ut non tam det beneficium quam accipiat, non ob id modo, quod fructus & mutua pensatio reposita sit eleemosynæ, verum etiam quod animam philosophicam, sublimem, ac divitem reddat. Qui dat eleemosynam, eruditur ad pecuniæ contemptum, discitque non admirari fulgorem auri. Hanc eruditionem posteaquam est affectus animo, non mediocre nactus est initium subvolandi in cœlum, ac litium, contentionum, livoris & anxietatis innumerabiles excidit occasiones. Scitis enim, scitis inquam & vos, quod pecunia sit instrumentum malorum omnium, quin & innumera bella proficiuntur e pecuniis. Hanc igitur quisquis didicit contemnere, in tranquillo seipsum constituit, nec jam amplius damni metu terretur. Nam hoc illud docuit eleemosyna. Non amplius concupiscit res proximi sui. Quo enim pacto concupisceret aliena, qui sua profundit ac largitur aliis? Non amplius invidet diviti. Quo namque pacto haberet invidum oculum erga proximum, qui cupiens fieri pauper animi sui perpurgat oculum? Et hæc quidem hoc in seculo. Cæterum in illo seculo quantum bonorum fortietur qui largiendo pauper factus est, nemo verbis consequi possit. Non excludetur cum fatuis virginibus, sed cum prudentibus introibit cum sponso, lampadas habens lucentes, præferendus his, qui multa dira passi sunt in virginitate, ipse talium molestiarum expers. Tanta vis est eleemosynæ, ut audacter introducat alumnos suos. Nota est enim ac familiaris cœli janitoribus, qui sponsi fervant fores. Quid dixi nota? non solum nota est, sed & venerabilis, adeo ut quotquot agnoverit qui ipsam honorarunt, eos multa cum fiducia ducat intro, neque quisquam obstitit, sed locum dabunt omnes. Etenim si Deum in terram deduxit, & ut homo fieret persuasit, multo magis poterit hominem in cœlum subducere. Magna enim est illius potestas. Proinde si misericordia & erga genus humanum caritas, Deo persuasit ut servus fieret, multo magis servos in illius domum subvehet. Hanc diligamus, hanc amemus, non unum aut alterum diem, sed per omnem vitam, ut nos agnoscat. Quæ si nos agnoverit, agnoscet & Dominus. Contra si hæc non agnoverit, nec Dominus agnoscet, dicetque: *Non novi vos*. Verum absit ut hoc eveniat, quin illam potius

A audire vocem detur, illam inquam beatam vocem: *Venite benedicti Patris mei, possidete paratum vobis regnum a constitutione mundi*. Id quod omnibus contingat assequi, gratia & bonitate Domini nostri *Jesu Christi*, nunc & semper & in secula seculorum, Amen.

H O M I L I A II.

I N hac Epistola veluti scribens ad confortes & æquales non addit Apostolicæ dignitatis titulum, sed alium quendam, magnificum & ipsum. Quem tandem illum? Servum profitetur seipsum, non Apostolum. Nam re vera magna hæc est dignitas, omniumque bonorum caput, servum esse *Jesu Christi*, nec vulgari modo dici servum *Jesu Christi*. Siquidem hic vere liber est a peccato, & qui *Christi* vere servus est, nulli alteri servus est; Alioqui non esset *Christi* servus, sed ex dimidio servus *Christi*, ex dimidio peccati. Rursum ad *Romanos* scribens, dicit: *Paulus servus Jesu Christi*. *Corinthiis* autem ac *Timotheo* scribens, Apostolum seipsum vocat: Hujus rei quænam causa est? an quod illi sint præstantiores *Timotheo*? Absit. Quin potius hos omnium ad quos scribit summo honore studioque prosequitur. Etenim de virtute illorum egregium fert testimonium. Verum quoniam illic multa erat ordinaturus, ideo sumpsit Apostoli dignitatem. His vero nihil præscribit, nisi quæ ipsi ex se se perspiciebant. *Sanctus in Christo Jesu qui sunt Philippis*. Quoniam probabile erat quod *Judei* seipso sanctos appellarent, honore cognominis assumpto, ex antiquo Prophetæ vaticinio, quo dicuntur *populus sanctus ac peculiaris*, propterea addidit hæc verba: *Sanctus in Christo Jesu*. Siquidem hi soli sancti sunt, qui sunt in *Christo*, cæteri vero deinceps profani. Cum *Episcopis ac Diaconis*. Quid hoc sibi vult? Itane unius civitatis plures erant *Episcopi*? Nequaquam, sed hoc titulo designat *Presbyteros*. Tum enim temporis adhuc vocabulum erat commune, adeo ut *Episcopus* diceretur *Diaconus*, hoc est, minister. Unde in Epistola ad *Timotheum* dicit: *Imple ministerium tuum*, cum jam esset *Episcopus*: Nam *Episcopum* illum fuisse declarat sic illi scribens, *Manus cito nemini imposueris*. Ac rursus, quod datum est tibi per impositionem manuum *presbyteris*: Porro haudquaquam seniores elegissent *Episcopum*. Ac rursus ad *Timum* scribens ait: *Horum gratia relinquit in Creta, ut constituas per civitates Presbyteros, quemadmodum & ego tibi præscripsi, si quis sine crimine, unus uxoris vir*: de *Episcopo* loquitur, & his verbis mox subjicit hæc: *Oportet igitur Episcopum sine crimine esse ut Dei dispensatorem, non præfatum*. Igitur, quemadmodum dixi, olim & *Presbyteri* vocabantur *Episcopi* ac *Diaconi*, hoc est, ministri *Christi*. Unde nunc quoque complures *Episcopi* cum ad *Episcopum* scribunt, conseniores & comministrum appellant. Post autem proprium cuique vocabulum tributum est, ut alius dicatur *Presbyter*, alius *Episcopus*. Cum *Episcopis ac Diaconis*: gratia vobis & pax a Deo patre nostro & Domino *Jesu Christo*. Quid tandem in causa est ut nequaquam scribat clero qui *Roma* est, aut *Corinthi*, aut *Ephesi*, sed in commune omnibus sanctis, fidelibus, dilectis, hic autem scribat clero? Nimirum ipsi priores ad illum miserant, ipsi fructificaverant, legaverantque ad eum *Epaphroditum*.

Gratias, inquit, *ago Deo meo in omni memoria vestri semper*. Dixit alibi scribens: *Obedite præpositis vestris & subditi estote, quoniam ipsi vigilanti pro animabus vestris, tanquam rationem reddituri, ut cum gaudio hoc faciant, & non gementes*. Itaque si gemitus præpositorum, arguit malitiam discipulorum, contra cum gaudio facere declarat illorum profectum: *Quoties*, inquit, *recordor vestri, glorifico Deum*. Hoc autem ideo facit quod sciret illis adesse multa bona, & glorifico, inquit, & oro; Haud tamen posteaquam profecistis ad virtutem, desino pro vobis orare, sed gratias ago Deo in omni memoria vestri semper, in omni deprecatione mea, pro vobis omnibus cum gaudio etiam deprecationem faciens. Non solum cum oro. Nam id poterat cum dolore facere, quemadmodum dicit alibi: *Ex multa enim afflictione & anxietate cordis scripsi vobis per multas lachrymas*. Super communicatione, inquit, vestra in Evangelio a primo die usque ad hoc tempus.

pus. Magnum illis hic præbet testimonium & quidem valde magnum quod aliquis tribueret Apostolis & Evangelistis. Non, inquit, quoniam unam civitatem estis aggressi, illius unius curam agitis, sed omnia facitis, ut efficiamini participes laborum meorum, ubique præsentibus & adjuvantes & communicantes meæ deprecationi, non semel aut iterum aut tertio, sed semper ex quo credidistis usque ad hunc diem Apostolicam promptitudinem suscepistis. Vide quo pacto qui erant *Roma* averfati sunt ipsum; Nam audi ipsum loquentem: *noſti hoc quod averſati ſunt me omnes qui ſunt in Aſia*. Et rursus: *Demas me deſervit*. Et in prima, inquit, *deſenſione mea nemo mihi adfuit*. Hi vero etiam abſentes communicabant illius afflictionibus, mittentes ad illum viros, ac pro viribus illi ſuppeditantes neceſſaria, breviter, nulla in parte ceſſantes in officio. Non nunc ſolum, inquit, ſed ſemper omnibus modis auxiliantes. Nonne hoc eſt communicare Euangelio? Etenim cum ille quidem prædicat, tu vero in externis difficultatibus ſubſervis, non ſolum ad certantem corona pertinet, verum etiam ad eum qui inſtituit, qui curavit, in ſumma, ad omnes qui exercuerunt & inſtruxerunt athletam. Etenim qui illum corroborarunt, jure conſortes eſſe debent ac participes trophæorum, in gloriæ quoque ſocietatem venientes. Non enim res eſt mediocris inſervire ſanctis, ſed plurimum valet. Conſortes enim nos reddit præmiorum illis reſpoſitorum. Verbi gratia: Projecit aliquis multas pecunias propter Deum, ſemper intentus eſt rebus divinis, virtutem exercet haud vulgarem, & uſque ad verba, & uſque ad cogitationes, denique uſque ad omnes virtutes eorum, qui exactam ad pietatem adhibuere diligentiam. Tibi licet, etiam ſi tantam diligentiam non præſtiteris, venire in ſocietatem præmiorum illis reſpoſitorum. Quo pacto? Si inſervias illis & dictis & factis, ſi conſoleris, ſi neceſſaria ſuppeditaveris, ſi miniſterium omne impenderis. Sic enim viam illam aſperam reddideris commodiorem. Proinde ſi ſuſpiciſis eos qui verſantur in deſertis, qui vitam Angelicam delegerunt, qui in Eccleſiis ſimilia præſtant officia, qualia illi in deſertis; Si hos ſuſpiciſis, inquam, pariter & doletis, quod multo intervallo ab illis diſtatis, licet & alia ratione conſortes illorum fieri, nimirum ſubminiſtrando & inſerviando. Nam & hoc divinæ bonitatis eſt, ſocordes quoque ac pigros, & qui vitæ rationem illam aſperam exactamque vivendi diſciplinam non poſſunt ſuſcipere, per aliam viam in eundem cum illis ordinem adducere, videlicet, hoc eſt quod *Paulus* vocat communionem; *Communicant*, inquit, *nobis in carnalibus, communicamus eis in ſpiritualibus*. Etenim ſi Deus pro exiguis nihilque rebus regnum largitur cœlorum, famuli quoque ejus pro exiguis ac ſenſibilibus, impartiunt ſpiritualia; Quin potius & hæc & illa dat Dominus. Ipſe enim eſt qui per illos largitur. Non poteſt jejunaſſe, non poteſt ſolitariuſque vivere, non humi cubare, non noctes inſomnes ducere, & tamen datur tibi horum omnium mercedem capere, ſi rem alia tentes via, ſi eos qui hæc faciunt curaris, ſi reſocillaris, ſi aſſidue delinieris, & ex his rebus contractam laſſitudinem allevaris. Ipſe ſtat in pugna, ipſe vulnera quoque accipit, tu fove, a certamine redeuntem excipe placidis manibus, ab anima ſudorem abſtergens, hortare, conſolare, refrigera defatigatum animum. Quod ſi tali cum alacritate ſervierimus ſanctis, conſortes erimus præmiorum illis reſpoſitorum. Idem & Chriſtus docuit: *Facite vobis amicos de mammona iniquitatis, ut recipiant vos in æterna ſua tabernacula*. Vides illos participes eſſe factos. *A primo*, inquit, *die uſque ad hoc tempus*. Gaudeo, inquit, non modo de præteritis, verum etiam de futuris: ex præteritis enim futura conjicimus.

Hoc ipſum, inquit, *perſuaſum habens, quod is qui capis in vobis, opus bonum perficiet uſque ad diem Jeſu Chriſti*. Vide quomodo docet illos modeſtiam. Etenim poſteaquam illos magnifico teſtimonio ornat, ne quid illis accideret humanum, protinus docet illos tum præterita tum futura bona ad Chriſtum eſſe referenda. Unde hoc liquet? Non enim dixit perſuaſum habeo quod coepiſtis & perficietis. Sed quid? *Qui capis in vobis opus per-*

ficiet. Neque detraxit illis laudem recte factorum: Dixit enim, communionem veſtra gaudeo, videlicet indicans & ipſos recte facere: neque proprie tribuit illisquæ bene geſſerant, ſed Deo duce & aſpice geſta ſignificat. *Confido enim*, inquit, *quod qui capis in vobis opus bonum, perficiet uſque ad diem Jeſu Chriſti*, videlicet ipſe Deus. Non enim de vobis tantum hunc affectum habeo, verum etiam de iis quæ ex vobis proficiſcuntur. Hoc ipſum enim laus eſt haudquaquam mediocris, Deum in quopiam operari. Etenim ſi non eſt perſonarum diſcrimen apud Deum, ſicuti non eſt, ſed ad ſuum propoſitum reſpiciens auxiliatur nobis in benefactis, nimirum ipſi ſumus in cauſa, ſi illis ſpoliamur. Itaque ne ſic quidem loquens *Paulus*, privavit illos ſua laude. Nam ſi ſimpliciter in illis operabatur Deus, nihil vetabat quo minus & in Gentibus & in univerſis hominibus operaretur, ſi nos ut ligna lapideſque moveret, neque noſtram requireret induſtriam. Itaque quod dicit: *Deus perficiet*, & hoc rursus ad illorum laudem pertinet, qui conciliarint ſibi Dei gratiam ut ipſis eſſet auxilio, in his quæ ſuperant humanam naturam. Quanquam iſta benefacta ſic veſtra ſunt, ut tamen humana non ſint, ſed egent favore divino. Quod ſi Deus perficiet, non erit multum negotii, ſed oportet habere fiduciam, quod omnia facile perficientur, nimirum, illo opitulante.

Quemadmodum juſtum eſt me hoc ſentire de vobis in omnibus, eo quod habeam vos in corde meo & in vinculis meis, & in deſenſione mea, & in confirmatione Euangelii. Et ſane mirandum eſt, ſi etiam in vinculis geſſit illos in corde. Ne tum quidem, inquit, cum cauſa dicta carcerem eram ingreſſus, excideratis mea memoria. Adeo violenta, & ut ita loquar, tyrannica res eſt amor ſpiritualis, ut nulli cedat occaſioni, ſed continenter inhæreat amantiſque animo, neque committat, ut ulla afflictio aut ullus dolor ſuperet animum. Quemadmodum enim in fornace *Babylonica* cum tam ingens flamma ferretur in altum, tamen beatis illis pueris ros erat: ſic amicitia diligentis ac Deo placentis animum occupans, omne abigit incendium, & in rorem admirabilem vertit. Et in confirmatione, inquit, *Euangelii*. Nam vincula confirmabant Euangelium? Num cauſæ dictio? Confirmabant, & quidem rectiſſime. Etenim ſi deprecatus fuiſſet vincula, videri poterat impoſtor. Cæterum qui omnia ſuſtinet, tum vincula, tum afflictiones, declarat ſeſe non ob humanam aliquam cauſam iſta perpeti, ſed propter Deum, qui præmia reddit ipſius amore patientibus. Etenim nemo volens mortem etiam oppeteret, tantumque periculorum in ſe ſuſciperet, nullus etiam talem Regem, videlicet *Neronem* offendere ſuſtineret, niſi ad alium Regem multo majorem reſpiceret. Itaque vinculis confirmabatur Euangelium. Alioqui quomodo tam magnifice in diverſum vertebant omnia? Quod enim exiſtimabam infirmitatem & accuſationem, hoc, inquit, erat confirmatio. Idque niſi factum eſſet, futurus eram in infirmitate. Poſt hæc oſtendit, quod eos diligeret non affectu præventus, ſed judicio. Quapropter? Habeo, inquit, vos in vinculis meis & in deſenſione, quod conſortes ſitis gratiæ. Quid hoc eſt? aut quæ erat gratia Apoſtoli? Num hæc erat gratia vincitum eſſe, num agi ducique, num innumera perpeti mala? proriſus erat. *Sufficit*, inquit, *tibi gratia mea*. *Virtus enim mea in infirmitate perficitur*. *Eoque mihi placeo*, inquit, *in infirmitatibus, in contumeliis*. Quoniam itaque video vos factis ipſis declarantes virtutem veſtram, & hujus gratiæ conſortes eſſe, merito hæc conjecto. Cum enim veſtri ceperim experimentum, ſicque vos cognitos habeam ut nemo melius, veſtraque benefacta perſpexerim, quod cum tanto intervallo ſejuncti ſitis a nobis, non tamen deſervistiſtis nos in afflictionibus, ſed pro Euangelio participes eſſe voluistiſtis tentationum: & quanquam ipſi procul abeſſetis, tamen ultro in pericula deſcendiſtis, ſic ut nihilo minus haberetis quam ego, merito hoc teſtimonium fero de vobis. Sed quam ob rem non dixit conſortes, ſed ſimul conſortes, hoc eſt, non *κοινωνός* ſed *συκοινωνός*? Quoniam & ipſe, inquit, alterius conſors ſum, ut communionem habeam cum Euangelio, hoc eſt, ut particeps ſiam bonorum Euangelii præ-

prædicatoribus repositorum. Idque præclarum erat, *Philippenses* omnes eodem fuisse affectu quo erat *Paulus*, *Simul*, inquit, *confortes gratia omnes vos esse*. Ex his, inquit, initiis fumo fiduciam, vos ad finem usque tales fore. Non enim fieri potest ut tam splendidum initium extinguatur ac desinat, sed magnos & egregios declarat futuros exitus.

Posteaquam igitur datum est & alia ratione confortes fieri gratiæ, tentationum & afflictionum, obsecro, sumus confortes & nos quotquot hic stamus. Imo potius si vultis omnes confortes esse bonorum *Paulo* repositorum, licet: videlicet si velitis iis qui *Pauli* ministerium susceperunt, ubi quid acerbum patiuntur propter *Christum*, esse auxilio. Vides fratrem in tentatione implorare opem, porrige manum. Vides doctorem periclitantem, adesto. Sed dicit aliquis, nullus est *Paulo* similis: Mox desperant, mox judicant. Nullus est *Paulo* similis, istud & ego confiteor; Attamen qui recipit, inquit, *Prophetam in nomine Prophetæ, mercedem Prophetæ accipiet*. Non enim illi ob hoc fuerunt in admiratione quod *Paulo* auxiliarentur, verum quoniam *Paulus* susceperat Evangelii prædicationem: ob id ab illis magni fiebat, quodque illa patiebatur propter *Christum*. Nullus *Paulo* similis, imo nullus est, qui ad beatum illum vel paululum accedat. At eadem est quæ tum erat prædicationis. Neque solum illi tum communicaverunt cum esset in vinculis, verum etiam ab ipso statim initio. Audi enim ipsum dicentem: *Scitis autem & vos, Philippenses, quod in initio nulla Ecclesia mihi communicavit in ratione dati & accepti, nisi vos soli*. At præter tentationes plurimum habet molestiæ qui doctorem agit, vigiliam, negotium loquendi, doctrinam, querelas, criminationes, incusationes, invidiam. Num hæc pusilla videntur, innumerabilem hominum perferre linguas, ex quibus cogatur sollicitus esse de rebus suis? Hei mihi, quid facio? In medio duarum rerum constrictus sum. Cupio vos exhortari & animare ad opitulandum auxiliandumque sanctis Dei, verum metue ne quis aliud suspicetur, videlicet me hæc non vestra gratia, sed illorum causa loqui. Scitote autem me hæc illorum gratia non loqui, sed vestra ipsorum causa. Et si vultis auscultare, rationibus ipsis hoc vobis persuadebo. Non est vobis par lucrum cum illis. Vos enim si quid dederitis, ea dabit, quibus paulo post velitis nolitis estis spoliandi, & quod habebatis aliis cessuri. Quæ vero accipitis, multo sunt maiora simul & meliora. An non hic est vobis animus, ut existimetis vos dando accipere? Nisi enim hoc pacto sitis affecti, ne dare quidem vos cupio. Itaque non pro illis verba facio, nisi quis prius hunc animum sumserit, ut existimet se accipere potius quam dare, & immensum lucrum dando facere, magisque se beneficio affici, quam conferre beneficium, ne det: si dat tanquam gratificans accipienti, ne det. Neque enim de hoc magnopere sollicitus sum ut alantur sancti. Etenim si tu non dederis, alius dabit. Proinde quod volebam, hoc est, ut vos de remissione peccatorum vestrorum consolationem habeatis. Etenim qui hoc animo non dedit, non accipiet consolationem. Non enim quisquis dat, facit eleemosynam, sed qui dat prompto alacrique animo, qui gaudens dat, qui gratiam habet accipienti. *Ne ex tristitia*, inquit, *neque ex necessitate. Hilarem enim datorem diligit Deus*. Itaque qui non dat hoc modo, ne det; Damnum enim hoc est, non eleemosyna. Ergo si cognoscitis, quod vos lucrum facitis, non illi, scitote quod majus lucrum ad vos redit quam ad illos. Nam illorum quidem corpori præbatur alimonia, vestra autem anima Deo placita redditur. Illis cum accipiunt nulla peccata condonantur, vobis autem multa commissa, quibus Deum offendistis mitius habebunt. Communicemus igitur illis in

A magnis illis certaminibus ac laboribus. Quidam cum Reges adoptant, non arbitrantur se dare beneficium, sed accipere potius. Adopta tu *Christum*, & habebis multam securitatem. Vis & *Paulo* communicare? quid autem dixi *Paulo*, cum *Christus* sit qui accipit? Ut autem sciatis quod vestra causa tum dico, tum facio omnia, non ut alii refocillentur, hoc agens ut accipiant hi qui præfati sunt Ecclesiæ, cui facultates sunt amplæ; nec ullius eget: etiam si sanctus fuerit, ne da, sed præfer illi eum qui premitur inopia: etiam si non emineat singulari vitæ sanctimonia. Cur ita tandem? Quoniam & *Christus* ita vult, dicens: *Cum feceris canam aut prandium, ne vocaris amicos tuos, neque vicinos tuos, sed claudos, cecos, & eos qui non possint tibi referre gratiam*. Non enim oportet in quolibet talem humanitatem collocare, sed in esurientes, sed in sitientes, sed in nudos, sed in hospites. Non enim dixit simpliciter, alius sum, sed esuriebam. *Esurientem*, inquit, *me vidisti & aluisti*. Duplex iustitia. Etenim si simpliciter oportet alere esurientem, multo magis id faciendum, si sanctus fuerit qui esurit. Quod si sanctus quidem fuerit, non egeat autem, nequaquam alendus est. Neque enim hoc lucrum fuerit, eo quod *Christus* istud non præceperit; Imo potius ne sanctus quidem est ille, qui, cum abundet, accipit eleemosynam. Videtis quod hæc vobis non ob turpe lucri studium dicta sunt, sed ad vestram magis utilitatem. Ale esurientem, ne alas ignem gehennæ. Ille vescens de tuis, etiam reliquias sanctificat. Considera quomodo vidua paverit *Heliam*; imo pasta est verius quam pavit, & accepit beneficium magis quam dedit. Hoc nunc quoque fit, sed in longe uberiore materia. Non enim lecythus olei, aut hydria farinæ reponitur, sed quid? Centuplum in hoc seculo, & præterea vita æterna redditur. Oleum Dei, est alimonia spiritualis. Esto fermentum purum. Vidua erat illa, fames urgebat, nihil horum obstitit, quo minus aleret *Prophetam*. Erant illi filii, ne sic quidem deterrita est. Hæc vidua illam æquiparat, quæ duo minuta misit. Non dixit apud se: Quid gratiæ feram ab hoc? Ipse mei eget. Si quam vim haberet, nequaquam esuriret, & absterfisset squalorem, nec obnoxius esset iisdem malis quibus ego. Fortassis & ipse Deum offendit. Nihil horum reputabat. Vides quantum bonum sit cum simplicitate dare beneficium, nec admodum curiose circumspicere qualis sit cui des: Si vidua voluisset esse curiosa, hæsitasset nec habuisset fiduciam. Itidem & *Abraham* si voluisset esse curiosus, non excepisset Angelos hospitio. Nec enim fieri potest, fieri inquam non potest, ut qui his in rebus exacte disquirat omnia, potiatur hoc quod quærit, imo talis potissimum incidit in impostores. Dices, quonam pacto? Hoc dico: Qui pius est, non affectat videri pius, nec sibi ipsi addit personam, sed studet esse aspernabilis. Contra impostor qui rem arte gerit, multam pietatis speciem sic addit sibi, ne facile queat deprehendi. Itaque fit, ut qui bene facit iis qui videntur pii, frequenter incidat in impios. Quapropter obsecro, ut omnia faciamus cum simplicitate. Fingamus enim impostorem esse qui abs te petit. Non iustus est istuc exquirere: *Omni*, inquit, *petenti abs te tribue, & mercari mortuum ne parce*. Atqui complures eorum quos tollis ad sepulturam, deprehensi in malis occisi sunt. Et tamen audis, ne parce. Sic enim similes erimus Deo, sic erimus suspiciendi, & immortalibus potiemur bonis: quæ nobis omnibus contingat assequi gratia & erga nos caritate Domini nostri *Jesu Christi*, cui cum Patre & sancto Spiritu gloria, imperium, honos, nunc & semper, & in secula seculorum, Amen.

REVERENDO IN CHRISTO PATRI AC D.
D. J O A N N I
 EPISCOPO LINCOLNENSI IN ANGLIA,
 DESIDERIUS ERASMUS ROTERODAMUS
 S. D.



ALII alia placet venatio, Reverende Præsul, mihi felicitatem optimam videor nat-
 etus, quod nuper obtigit Codex multas divi Athanasii lucubrationes continens, eo
 quod ad publicam Christianæ ditionis utilitatem arbitror plurimum referre, ne quid
 omnium, quæ facundus ille propugnator Ecclesiæ scripta reliquit, desideraremus. Et
 alioqui merebatur vir egregius, ut juxta nomen suum, etiam apud mortales esset im-
 mortalis, totusque superesset orbi. Hactenus enim paucas aliquot illius lucubrationes
 habemus, utcunque versas. Nam commentarios in omnes Pauli Epistolas, neutiquam
 aspernandos, demiror quis quo casu inscripserit Athanasio, cum Græci Codices titulum habeant Theo-
 phylacti Bulgariensis Archiepiscopi, tum phrasis plurimum discrepet ab hujus eloquentia, quod si cui
 ne hæc quidem persuadent, dabimus aliud argumentum: In commentariis, de quibus modo loquebamur,
 frequenter citatur Joannes Chrysostomus, ac Basilius, quorum uterque fuit Athanasio annis fere
 quadraginta posterior; Ex Chrysostomo vero tam multa hauserit, ut frequenter complures versus, ad
 verbum, ex eo referat, suppresso auctoris nomine, sed frequentissime sensum illius reddat, verbis aliquot
 leviter immutatis. Itaque videtur is Theophylactus recentiorum fuisse quispiam, nec Hieronymo, nec
 Gennadio, nec iis ex quibus tripartita contexta est historia cognitus, qui apud Græcos eam operam
 præstiterit, quam Beda, Remigius, Claudianus, & si qui sunt hujus generis alii, apud Latinos.
 Siquidem hi vitæ digressionibus, quibus apud populum differens, frequenter admodum prolixis utitur
 Augustinus, & si quid aliud non perinde videbatur ad loci præsentis enarrationem pertinere, præter-
 missis, in compendium redegerunt ab aliis dicta fusius. Habet & Chrysostomus crebras ac prolixas di-
 gressiones in quibus tractat τὰ ἰδιώτα, sed eas ferme sub finem concionis. Ex hujus igitur, & aliorum
 variis lucubrationibus Theophylactus contexit suos commentarios, in Evangelia quatuor, & omnes
 Epistolas Pauli. Porro D. Hieronymus, ex iis quæ scripsit Athanasius, recenset duos libros adversus
 Gentes, quorum nos tantum unum habemus. Item de Psalmorum titulis quem habemus ex parte ver-
 sum. De persecutione Arianorum plurimos, ex quibus nos aliquot nunc damus, de Virginitate, qui ap-
 is sit, quem nos hoc titulo reperimus περὶ παρθενίας, ἢ περὶ ἀσκήσεως, nondum satis liquet. Si illius est, mul-
 tum submisit stilum ad Virginis, cui scripsit, simplicitatem. Item contra Valentem & Ursatium li-
 brum unum. De vita Antonii Monachi. Ἑορταστικὰς ἐπιστολάς, hoc est, Epistolas ad festorum celebratio-
 nem pertinentes, quarum nihil habemus, nisi forte in hoc genus referenda videntur ex quibus aliquot
 verimus, de passione Domini, de pullo asinæ, de blasphemia in Spiritum sanctum: & his nominatim
 commemoratis, addit Hieronymus, & multa alia, quæ enumerare longum est. Ex his igitur quæ no-
 bis obtigerunt, tibi talium deliciarum avidissimo, pauca degustanda vertimus, plura daturi, nisi nos,
 id temporis, tanta laborum moles circumvallasset, ut hæc ipsa magna ex parte pomeridianis horis di-
 ctare fuerimus coacti (audis dictaturam, rei misere splendidum vocabulum) haud quaquam ignari
 quantum intersit inter ea quæ calamo tradimus ipsi, & ea quæ voce præimus amanuensi. Sed ad hanc
 dictaturam nos præter morem adigit, partim indies imbecillior corpusculi valetudo, partim efflagitato-
 rum instantia. Quod si senserimus hæc placuisse, captabimus otium, ac plura mittemus. Quanquam
 juxta proverbium, quod dicitur, ubi mel, ibi fel, ubi uber, ibi tuber, gaudium hoc meum, quo
 pene insolenter gestiebam, temperavit comes agrimonia. Præter negotium, quod scriba suis cacographiis
 exhibuit, comperi subinde titulorum imposturas, hoc Athanasio tribuentium, quod vix sani hominis vi-
 deri posset, ne quid memorem de ambiguis. In his non parum temporis & operæ nobis periit, dum inter
 vertendum quo longius processeramus, hoc deprehendimus absurdiora, ac tandem cæpta coacti sumus ab-
 jicere. Ex hoc tamen genere fragmenta quædam dedimus. In quem, inquires, usum? ut hinc liqueat
 quanta impietate Græcorum quoque scribæ debacchati sint in talium virorum monumenta, in quibus
 vel syllabam immutasse sacrilegium est. Eadem temeritas quid non ausa est apud Latinos, in supponen-
 dis, truncandis, augendis, contaminandis, Orthodoxorum commentariis. Dicam quid nuper compererim:
 Prodierant in lucem aliquot scripta Clementis ac nonnullæ priscorum Pontificum Epistolæ: jubeo famu-
 lum recitare, nam hoc solatio soleo fallere, quod temporis intercedit inter cænam & somnum. Tandem
 incidimus in Epistolam Antheri Romani Pontificis. Illic comperimus complures versus pene ad ver-
 bum intertextos, quos partim ex Epistola divi Hieronymi ad Heliodorum, partim ex ejusdem ad
 Nepotianum Epistola confarcinator ille fuerat mutuatus, nec dubito quin pleraque sint ejusdem farinae
 reliqua, nam hæc tum forte agnovimus. Argumentum apparet sumptum ex eo quod Catalogus Roma-
 norum Pontificum habet, hunc constituisse, ut fas esset Episcopis, si gregis utilitas ita postulasset,
 ad aliam Ecclesiam transire. Hujus querelæ nullus esset finis, si singula velimus persequi. Utinam vel
 sero in hanc rem vigilet Episcoporum cura publica. Sed ad Athanasium. Agnosces in hujus scriptis se-
 culum huic non ita multum dissimile. Cujus tumultibus utinam ille, qui imperat ventis & mari profligat-
 que Spiritus immundos hujus aeris, dignetur lætum aliquem finem imponere. Erat vir ille seculo tran-
 quillissimo dignus, dedisset nobis egregios ingenii, facundięque suæ fructus. Habebat enim vere dotem
 illam, quam Paulus in Episcopo putat esse præcipuam, τὸ διδασκικόν, adeo dilucidus est, acutus, sobrius,
 attentus, breviter, omnibus modis ad docendum appositus. Nihil habet durum, quod offendit in Tertul-
 liano. Nihil ἰσχυριστικόν, quod videmus in Hieronymo, nihil operosum, quod in Hilario, nihil lacinio-
 sum

sum quod est in Augustino, atque etiam Chrysostomo, nihil Isocraticos numeros aut Lyfæ compositionem redolens, quod est in Gregorio Nazianzeno, sed totus est in explicanda re. Accipies gustum, & remittes tuum iudicium, quo nullum sequimur libentius. Dominus te servet incolumem. Basileæ. Anno a Christo nato. M D XXVII. Tertio die Martii.

D E

S A N C T O S P I R I T U

SANCTI ATHANASII, ARCHIEPISCOPI ALEXANDRINI,

E P I S T O L A

A D S E R A P I O N E M E P I S C O P U M,

DESIDERIO ERASMO ROTERODAMO INTERPRETE.



AD MIRABERE forsitan, qui factum sit, ut qui iussus eram Epistola de Spiritu sancto conscripta disputationem in compendium conferre, remque paucis explicare, nunc videas me supersedentem hac de re verba facere, scribere adversus eos qui impietatem admittentes in Filium Dei, dicebant illum esse creaturam. Verum haud reprehendes factum, sat scio, si causam intellexeris, quin potius approbabit tua pietas, ubi viderit quam probabilis ratio nobis hoc persuaserit. Quoniam enim, ut ipse Dominus ait, non a seipso loquitur paracletus, sed quacunque audieris loquitur, quoniam ex me accipiet & annuntiabit vobis, & cum insufflasset in eos, dedit illum ex se discipulis: ita & Pater effudit illum super omnem carnem, sicut scriptum est: ideo sane prius de filio Dei, congruenter mihi tum dictum est, tum scriptum, nimirum ut ex cognitione Filii, valeamus & Spiritus sancti rectam habere cognitionem. Qualem proprietatem cognovimus Filium habere cum Patre, eandem comperiemus & Spiritum sanctum habere cum Filio, & quemadmodum Filius dicit: Omnia quacunque habet Pater, mea sunt, sic hæc omnia comperiemus, esse per Filium in Spiritu sancto. Et quemadmodum Pater ostendit Filium, dicens: Hic est Filius meus dilectus, in quo mihi complacitum est, sic Filii est Spiritus. Emisit enim, inquit, ad Romanos Apostolus, Spiritum suum, in cordibus nostris clamantem Abba Pater. Et quod admirabilius est, quemadmodum Filius dicit, quæ mea sunt Patris sunt, sic Patris est Spiritus sanctus, quemadmodum dictus est Filii. Siquidem ipse Filius dicit, ubi venerit paracletus, quem ego mittam vobis a Patre, Spiritum veritatis qui a Patre procedit, ille testimonium perhibebit de me. Paulus autem scribit: Nemo novit quæ sunt hominum, nisi Spiritus hominis qui est in ipso. Sic & quæ sunt Dei nemo novit, nisi Spiritus Dei qui est in eo. Nos vero non accepimus Spiritum huius mundi, sed Spiritum, qui est ex Deo, ut sciamus quæ a Deo donata sunt nobis. Quin & in tota divina Scriptura comperies, quod Spiritus sanctus qui dicitur Filii, idem dicitur esse Dei. Idque in superioribus libris conscripsimus. Proinde quemadmodum Filius eo quod habet proprietatem cum Patre, quodque proprium germen est ex illius substantia, non est creatura, sed Patri hominibus, hoc est, ejusdem essentiae: sic haudquaquam Spiritus sanctus possit esse creatura, quin potius impius est qui hoc dicat, eo quod habet proprietatem cum Filio, quodque ex illo datur omnibus, denique quod quæ habet, Filii sunt. Hæc sufficiebant ad persuadendum vel cuius contentioso, ne posthac dicat esse creaturam Spiritum Dei, qui est in Deo, quique profunda scrutatur Dei, qui ex Patre datur per Filium: ne ex his cogatur & Filium dicere creaturam, qui est verbum, qui sapientia, qui figura, qui splendor est Patris, quem quisque videt, videt & Patrem, ac deinceps audiat: Qui negat Filium, nec Patrem habet. Alioqui paulatim iste progrediens velut amens dicturus est, non esse Deum. Attamen bonum fuerit pluribus argumentis impios redarguere, & ex quibus demonstratur Filium non esse creaturam, ex iisdem demonstrare, nec Spiritum sanctum esse

creaturam. * Ex non exstantibus sunt creaturæ, & esse coeperunt. Nam in principio creavit Deus cælum & terram, & omnia quæ in his sunt. At Spiritus sanctus ex Deo est, diciturque, quemadmodum ait Apostolus. Quod si Filius quoniam non est ex non exstantibus, sed ex Deo, consequenter non potest esse creatura: necesse est, nec Spiritum sanctum esse creaturam, eo quod in confesso est eum esse ex Deo. Nam creaturæ sunt ex non exstantibus.

Rursum unctio & signaculum dicitur & est, Spiritus sanctus. Etenim Joannes scribit, Et vos unctionem accepistis ab eo, ut maneat in vobis, nec opus habetis ut quisquam vos doceat, sed sicut illius unctio, Spiritus ejus docet vos de omnibus. Rursus in Esaia Propheta scriptum est: Spiritus Domini super me, eo quod unxit me. Paulus sic scribit, In quo & credentes signati estis. Et iterum, Ne contristetis Spiritum sanctum in quo signati estis in diem redemptionis. Unctiones autem in hoc unguuntur ac signantur. Quod si unctiones in hoc unguuntur ac signantur, haudquaquam erit creatura Spiritus. Neque enim quod ungit, simile est iis, quæ unguuntur. Siquidem hæc unctio, halitus est Filii, ut qui habet Spiritum dicat, Christi bonus odor sumus. Jam & signaculum Filium exprimit, ut is qui signatur habeat Christi formam, sicut dicit Apostolus: Filioli mei, quos iterum parturio donec formeus Christum in vobis. Quod si Spiritus bonus odor, ac forma Filii est, manifestum est Spiritum non esse creaturam, quandoquidem nec Filius cum sit in forma Patris, est creatura. Etenim ut qui videt Filium videt & Patrem, sic qui Spiritum sanctum habet, habet Filium, & qui habet illum, templum est Dei, quemadmodum scribit Paulus: An nescitis quod templum Dei estis, & Spiritus Dei habitat in vobis? Joannes autem ait: In hoc cognoscimus, quod in Deo manemus, & ipse in nobis, quod de Spiritu suo dedit nobis. Quod si Filium, eo quod est in Patre & Pater in ipso, confitemur non esse creaturam, omnino necesse est, ne Spiritum quidem esse creaturam, quandoquidem in hoc est Filius, & ipse vicissim in Filio. Quapropter & qui Spiritum accepit, templum Dei dicitur.

Rursum autem ex hoc bonum fuerit cognoscere, si Filius est Dei sermo, unus est sicuti Pater. Unus enim Deus ex quo omnia, & unus Dominus Jesus Christus, unde & unigenitus Filius & dictus est & scriptus. At creaturæ multæ sunt variaeque, Angeli, Cherubim, Principatus, Potestates, cæteræque quemadmodum dictum est. Porro si quia Filius non est de multorum numero, sed unus est, sicut Pater unus est, nequaquam est creatura, Spiritus (oportet enim a Filio accipere etiam ipsam de Spiritu cognitionem) nullo pacto potest esse creatura. Neque enim est de numero multorum, sed unus est & idem. Hoc noverat Apostolus dicens: Hac autem omnia operatur unus & idem Spiritus, dividens unicuique prout vult. Ac paulo post, In uno Spiritu, nos omnes in unum corpus baptizati sumus, & omnes unum Spiritum hausimus.

Ac rursum, quoniam oportet ex Filio capere Spiritus cognitionem, nimirum decuerit & probationes ex eodem proferri. Itaque Filius utique est, cum sit in Patre & Pater in ipso. Nam omnia tenet & complectitur, sicuti scriptum est: in illo consistunt omnia, sive visibilia sive invisibilia, & ipse est ante omnia. Atqui creaturæ

Tom. VIII.

X 3

sunt

sunt in locis distinctis, veluti Sol & Luna, reliquaque luminaria in firmamento, in cœlo Angeli, homines in terra. Quod si Filius eo quod non est in distinctis locis, sed dum in Patre est, ubique est, & est extra omnia, non est creatura: consequenter nec Spiritus sanctus erit creatura, cum non sit in distinctis locis, sed impleat omnia, manens extra omnia. Sic enim & scriptum est, *Spiritus Domini replevit orbem terrarum. David item canit: Quo ibo a Spiritu tuo*, significans eum non esse in loco, sed sic esse extra omnia, ut tamen sit in Filio, sicut Filius est in Patre. Nam hanc ob causam nec ipse est creatura, quemadmodum est demonstratum.

Super hæc omnia, magis etiam ex hoc damnabitur hæresis Ariana, rursusque perspicuum fiet a Filio proficisci quæ est de Spiritu sancto cognitionem. Creator igitur est Filius, quemadmodum Pater: *Qua enim*, inquit, *video Patrem facientem, hæc & ego facio. Omnia igitur per eum facta sunt, & sine illo factum est nihil.* Quod si, quia conditor est Filius quemadmodum Pater, ideo non est creatura, & si, quia per eum condita sunt omnia, non est de numero rerum conditarum, manifestum est ne Spiritum quidem esse creaturam, quandoquidem & de illo scriptum est ciii. Psalmo: *Auferes Spiritum tuum & deficient, & in terram suam revertentur: Emitte Spiritum tuum & creabuntur, & renovabis faciem terra.* Hoc vero cum ita scriptum sit, palam est Spiritum non esse creaturam, sed adesse in creando. Siquidem Pater per Verbum in Spiritu creat omnia. Etenim ubi Verbum, illic & Spiritus, & quæ creantur per Verbum habent ex Spiritu per Verbum vim, ut sint. Ita etiam scriptum est in xxxii. Psalmo: *Spiritu Domini celi fundati sunt, & Spiritu oris ejus omnis virtus eorum*; Videlicet adeo Spiritus inseparabilis est a Filio, ut hoc quod dicitur non sinat te dubitare. Etenim cum sermo Domini fieret ad Prophetam, ea quæ a verbo proficiscebantur in spiritu loquebatur Propheta. Id quod etiam scriptum est in Actibus Apostolorum, Petro dicente: *Viri fratres, oportebat impleri Scripturam quam prædixit Spiritus sanctus*; Velut in Zacharia, cum sermo Dei ad illum fieret, scriptum est, *veruntamen sermones meos ac legitima mea suscipite quacunque ego præcipio in Spiritu meo Prophetis.* Rursus cum paulo post incusans Propheta populum dicit: *Cor suum statuerunt imperiusabile, ut non exaudirent legem meam, ac sermones quos emisit Dominus omnipotens in Spiritu suo per manus Prophetarum superiorum.* Item Christo loquente in Paulo, sicut ipse dixit: *An experimentum queritis in me loquentis Christi?* nihilominus habebat Spiritum; subministrantem ipsi quod loqueretur. Hunc enim in modum idem scribit, *Juxta subministrationem Spiritus Jesu Christi in me.* Rursum Christo in ipso loquente ait: *Nisi quod Spiritus sanctus per singulas civitates testificatur mihi dicens, quod vincula & afflictiones me manent.* Non enim extra Verbum est Spiritus, sed cum sit in ipso Verbo, in Deo per illud est, ita ut dona quoque in Trinitate det. Nam in horum distributione sicut Corinthiis scribit, *idem Spiritus est, & idem Deus est qui operatur omnia in omnibus.* Siquidem ipse Pater per Verbum in Spiritu operatur datque omnia, videlicet cum bene precaretur Corinthiis, in Trinitate precatus est dicens: *Gratia Domini nostri Jesu Christi, & caritas Dei & communicatio sancti Spiritus cum vobis omnibus*; Propterea quod cum participes sumus Spiritus, habemus Verbi gratiam, & in eo Patris caritatem.

Cæterum quemadmodum una est gratia Trinitatis, ita indivisa est Trinitas. Cæterum hoc aliquis videre possit etiam in ipsa sancta Maria. Nam Archangelus Gabriel emissus ut illi nuntiaret verbi descensum in illam futurum, *Spiritus, inquit, sanctus superveniet super te*, sciens in Verbo esse Spiritum. Proinde protinus attexit, & *virtus altissimi obumbrabit tibi*: Christus enim Dei virtus & Dei sapientia. Cum autem Spiritus sit in Verbo, palam est quod in Deo quoque sit Spiritus per Verbum. Itaque Spiritu veniente ad nos, venient, Filius & Pater, & mansionem facient in nobis, eo quod indivisa sit Trinitas, unaque hujus Deitas, & unus Deus super omnia, & per omnia, & in omnibus. Hæc est Catholicæ Ecclesiæ fides. Quippe in Trinitate eam fundavit & radi-

avit Dominus, cum diceret discipulis: *Ite docete omnes Gentes baptizantes eos in nomine Patris & Filii & sancti Spiritus.* Quod si Spiritus esset creatura, nequaquam eum copulasset Patri, ne sibi ipsi inæqualis esset Trinitas, si peregrinum quippiam & alienum ipsi jungeretur. Quid enim deerat Deo, ut aliquid alienæ substantiæ adjungeretur, simulque cum ipso glorificaretur? Absit, Non est ita, *Plenus*, inquit, *ipse sum.* Propterea ipse Dominus nomini Patris Spiritum adjunxit, ut ostenderet, quod sancta Trinitas non consistat ex diversis, hoc est, ex creatore & creatura, sed quod una hujus sit Deitas. Hoc cum sciret Paulus, docuit unam esse gratiam quæ in Trinitate daretur, dicens: *Unum Dominum, una fides, unum baptisma*, quemadmodum autem unum baptisma sic & una fides. Etenim qui credit in Patrem novit in Patre Filium & Spiritum sanctum, qui non est extra Filium, & ideo credit etiam in Filium & in Spiritum sanctum, quandoquidem una est Trinitatis Deitas, quæ ex uno Patre cognoscitur. Catholicæ quidem fidei forma hæc est, cæterum qui blasphemiam jaciunt in Spiritum dicentes illum esse creaturam, si minusex his quæ dicta sunt resipiscunt, vel ex his quæ dicuntur pudefacti, deiciantur. Si Trinitas est & in Trinitate est fides, dicant utrum Trinitas semper sit, an fuerit cum non esset Trinitas. Quod si sempiterna est Trinitas, non est creatura Spiritus, qui semper adest Verbo cum sit in ipso. Nam erat cum creaturæ non essent: quod si creatura est, creaturæ vero sunt ex non exstantibus, manifestum est, quod aliquando non fuerit Trinitas, sed Dualitas. Isto vero quid magis impium, si quis dicat, ex mutatione profectuque consistere Trinitatem, ac Dualitatem quidem esse, cæterum recipere ex creatura generationem, quæ cum Patre & Filio commisceatur, itaque fiat Trinitas. Absit ut tale quippiam vel in mentem veniat Christianis. Quemadmodum enim Filius, quia semper est, non est creatura, ita quoniam semper est Trinitas, nulla est in ea creatura, quapropter non est creatura Spiritus. Quemadmodum enim semper fuit, ita nunc quoque est, & quemadmodum nunc est, ita semper fuit, estque Trinitas, atque in ea, Pater, Filius & Spiritus sanctus. Et unus Deus pater qui est super omnia, & per omnia, & in omnibus, qui & benedictus in secula, Amen. Ego quidem quemadmodum rem paucis declarans hæc scripsi misique, sic tu veluti intelligens si quid deest velis supplere, ac domesticis quidem fidei recitato: eos vero qui per contentionem dicunt blasphemias, redarguito, forsitan vel sero aliquando resipiscentes abstergent ab anima sua prius infitam ipsis sententiæ perversitatem: Bonum est enim istos juxta quod scriptum est resilire, nec immorari, ne si immorentur, audiant quod dictum est a Domino: *Quicumque dixerit verbum adversus Spiritum sanctum, non remittetur ei neque in presenti seculo, neque in futuro.*

S. ATHANASII EPISTOLA

AD EUNDEM SERAPIONEM

DE S. ANCTO S P I R I T U.

VERSATUS sum in Epistola nunc quoque a tua pietate scripta, vehementerque admiratus impudentiam hæreticorum, animadverti nihil æque quadrare in istos quam id quod præcipit Apostolus, *Hæreticum hominem post unam & alteram correptionem devota, sciens quod subversus est hujusmodi, & peccat cum sit suo ipsius judicio condemnatus*: Habet enim perversam mentem, non ut postquam audierit obtemperet, neque ut cum didicerit resipiscat interrogatur, sed propter eos qui ab ipso seducti sunt, ne videlicet si tacuerit, etiam ab illis condemnentur. Itaque sufficiebant ea quæ prius dicta sunt, sufficiebant ad hoc ut istos tot probationibus acceptis compercerent a blasphemia adversus Spiritum sanctum. Verum illis non est satisfactum; Sed rursus impudenter agunt ut declarent quod exercitati ad pugnandum cum Verbo, ac deinceps meditati pugnant adversus Spiritum: paulo post futuri sunt mortui verbi inopia, videlicet etiam si quis respondeat ad has illorum percontationes, nihilo secius inventores malorum erunt, tantum ut quærentes non invenient aut audientes non intelligant.

ligant. Quales autem sunt istorum eruditæ percunctationes? Si, inquiunt, non est creatura Spiritus sanctus, ergo Filius est, ac duo fratres erunt, Verbum & ipse: deinde addunt quemadmodum scribis, Si ex Filio accipiet Spiritus, sique ab eo datur, Sic enim scriptum est, protinus inferunt, ergo avus est Pater, & Spiritus ejus nepos. Quis hos audiens Christianus jam non magis Paganos eos judicabit? Nam talia Pagani adversum nos dicunt inter sese confabulantes. Quis volet ad talem istorum insaniam respondere? Ego sane cum multa cogitarem quærens congruentem illis responfionem, nullam inveni quam id quod ad Phariseos dicitur: quemadmodum enim illos perverse percunctantes vicissim percunctatus est Servator, ut sentirent suam ipsorum pravam intelligentiam; Sic quoniam & isti talia percunctantur, dicant nobis, vel potius respondeant interrogati, quemadmodum interrogant. Quoniam enim cum loquuntur suas ipsorum inventiones non intelligunt, forsitan vel audientes agnoscent suam ipsorum dementiam, si non est creatura Spiritus sanctus, quemadmodum in superioribus demonstratum est, sed in Deo est, & ex Deo datur, ergo Filius est & ipse, & duo sunt fratres ipse & Filius. Et si Filius est Spiritus atque a Filio omnia accipit Spiritus, quemadmodum ipse dixit, *Et postquam inflasset dedit eum discipulis*; nam & ita vos confitemini: ergo avus est Pater, & nepos est illius Spiritus. Nam quæ percunctantes postulatis a nobis, de iisdem & vos ex iisdem interrogari par est. Itaque si abnegatis quæ scripta sunt, ne Christiani quidem jam dici poteritis, par autem est ut nos Christiani vos percunctemur. Quod si eadem nobiscum legitis, necesse est, ut vos quoque de iisdem eodem modo interrogemini a nobis. Proinde dicite nunc nihil cunctantes, An filius est Spiritus, & avus Pater? Quod si ratiocinantes quemadmodum tunc faciebant Pharisei, dixeritis & vos apud vos ipsos: Si dixerimus quod Filius est, audiemus ubi scriptum est? Quod si dixerimus non est Filius, timemus ne dicant nobis, quomodo igitur scriptum est, *Nos non Spiritum hujus mundi accepimus, sed Spiritum qui ex Deo est*. Quod si istiusmodi cogitationibus apud vos ipsos decertantes, dixeritis vos quoque, nescimus, Necesse est & cum cui tales a vobis proponuntur quæstiones, tacere, videlicet obtemperantem ei qui dicit: *Ne respondeas stulto juxta suam stultitiam, ne similis illi fias, sed responde stulto juxta stultitiam suam ne sibi videatur sapiens*. Cæterum responsio quæ maxime nobis congruit, silentium est, ut vestram ipsorum insaniam agnoscat.

Rursum igitur æquum est, ut ex his quæ adfertis, vos hunc in modum interrogemus. Quandoquidem Prophetæ in Spiritu Dei loquuntur, & in *Esaia* Spiritus sanctus vaticinatur, quemadmodum in superioribus demonstratum est, ergo & Spiritus verbum est Dei, suntque duo verba Spiritus & Filius? Nam Prophetæ tunc vaticinabantur quando fiebat verbum Dei ad illos. Ad hæc quoniam *omnia per verbum facta sunt, & sine eo factum est nihil*, ac Deus sapientia fundavit terram, omniaque per sapientiam fecit, Scriptum est autem, quemadmodum in superioribus demonstratum est, *Emittes Spiritum tuum & creabuntur*: ergo aut Spiritus verbum est, aut in duobus fecit Deus omnia, in sapientia & spiritu. Et quomodo *Paulus* dicit, *unus Deus ex quo omnia, & unus Dominus per quem omnia*? ac rursum, Cum Filius sit imago Patris invisibilis, est autem ipse Spiritus imago Filii; Scriptum est enim, *quos præscivit, hos & prædestinavit, conformes imaginis Filii sui*, Ergo hac ratione avus est Pater, quoniam Filius quidem in nomine Patris venit, Spiritum autem sanctum, dicit Filius, quem mittet Pater in nomine meo. Itaque & hac ratione avus est pater. Quid ad hæc? Quamvis omnia facile temereque dicitis? Quid cogitatis apud vos ipsos? an videntes vos non habere quod respondeatis, incusatis hujusmodi percunctationes? Sed prius vos ipsos condemnate (vos enim solet istalia percunctari) & obtemperate Scripturis, cumque non habeatis quod dicatis, posthac discite. Filius quidem in Scripturis non nominatus est Spiritus, sed Spiritus sanctus & Spiritus Dei. Quemadmodum autem Filius non est nominatus Spiritus, sic nec de Filio scriptum est quod ipse sit Spi-

ritus sanctus. An igitur quoniam Spiritus sanctus non est dictus Filius, neque Filius est Spiritus, ideo dissentit a veritate fides? Absit, Quin potius unumquodque eorum quæ significantur habet propriam intelligentiam. Etenim Filius proprium essentiae naturæque Patris est germen, & hoc habet quod significatur: cæterum quod dicitur Spiritus Dei, quodque est in ipso, non est alienum a natura Filii, neque a Patris Deitate. Eoque in Trinitate, in Patre & in Filio & in ipso Spiritu una est Deitas, & in eadem Trinitate unum est baptisma & una fides, nimirum, Patre mittente Spiritum, Filius insufflans dat illum discipulis, quandoquidem omnia quæcunque habet Pater, Filii sunt: cumque sermo fieret in Prophetis, ipsi Spiritu prophetiam edebant, quemadmodum scriptum ac demonstratum est, *Et verbo Domini celi firmati sunt, & spiritu oris ejus omnis virtus eorum*. Itaque non jam creatura est Spiritus, sed proprietatem habens cum essentia Verbi ac Dei, & in ipso dicitur esse. Nam non debet nos pigre eadem repetere. Quamquam Spiritus non est dictus Filius, non tamen est extra Filium. Nam Spiritus adoptionis filiorum dicitur, & quoniam *Christus* Dei virtus & Dei sapientia est, congruenter dictum est de Spiritu, Spiritus sapientiae & Spiritus virtutis. Eo quod participes Spiritus habemus Filium, & Filium habentes habemus Spiritum clamantem in cordibus nostris, Abba Pater, quemadmodum dixit *Paulus*. Quod si Spiritus est Dei, & in ipso esse dicitur in Scripturis, *Nam ea quæ sunt Dei nullus novit, nisi Spiritus Dei qui est in ipso*, & ipse insuper Filius dixit, *Ego in Patre & Pater in me*: quare non est idem nomen & huic & illi, sed hic quidem Filius, ille vero dicitur Spiritus? Si quis ad hunc modum percunctetur, insanierit talis, scrutans non scrutanda, nec obtemperans Apostolo dicenti: *Quis enim novit mentem Domini, aut quis consiliarius illius fuit?* Alioqui quibus Deus nomen indidit, quis illis audebit mutare nomen? Alioqui & rebus conditis subministret vocabula. Dicant, quandoquidem creatura eodem nutu facta est, quare h'c Sol, & illud cælum, illa terra, mare & aer? Quod si hoc quidem his qui sanæ mentis sunt impossibile est, manet enim unumquodque sicuti creatum est, multo magis ea quæ sunt supra creaturam, sempiternam habent perseverantiam, nec aliter sunt, quam ut sunt: Pater, pater est non avus: & Filius est filius Dei, nec est Pater Spiritus: Spiritus sanctus, est Spiritus sanctus, nec progenitus est a Patre, neque frater Filio.

Hæc cum ita demonstrata sint, insanierit si quis interroget, num igitur Filius est Spiritus? Ne vero quoniam hoc ita scriptum non est, ideo eximat aliquis illum a Dei natura proprietateque, sed quemadmodum scriptum est credat, nec dicat, quare sic & quare non sic, ne talia cogitans incipiat meditari, ac dicere, Ubi igitur est Deus, quomodo est? ac mox audiat, *Dixit insipiens in corde suo non est Deus*. Nam quæ fide traduntur, cognitionem habent curiositate in scrutabilem. Cum itaque discipuli audissent, *baptizantes eos in nomine Patris & Filii & Spiritus sancti*, non erant curiosi, quare secundus esset Filius, tertius Spiritus, aut quare omnino Trinitas, verum ut audierant, credebant. Neque quemadmodum vos facitis percunctabantur, ergo Filius est Spiritus? neque cum Dominus post Filium nominaret Spiritum, interrogabant, ergo Pater est avus? Non enim audierant, in nomine avi, sed in nomine Patris, & hanc fidem prædicaverunt ubique, recte cogitantes: neque enim licuit aliter loqui, quam sicut locutus fuerat Servator, seipsum Filium nominans & Spiritum sanctum, nec fas erat immutare, secus quam erant ordine conjuncti, quemadmodum & de Patre. Quemadmodum enim non licet aliter de Deo loqui, quam quod Pater est, ita impium est interrogare, an Filius sit Spiritus, aut Spiritus Filius. Hac de causa *Sabellius* judicatus est ab Ecclesia alienus, quod ausus sit Patri tribuere nomen Filii, ac vicissim Filio tribuere nomen Patris. An itaque posthac audebit aliquis, cum audit Filium ac Spiritum, dicere, ergone avus est Pater? aut ergo Filius est Spiritus? Profecto audebunt *Eunomii*, & *Eudoxii*, & *Eusebii*. Posteaquam enim semel simulant *Aria-*

nam hæresim, nunquam cohibebunt suam linguam ab impietate. Quis enim illis hæc tradidit? quis docuit? Nemo certe ex divinis Scripturis, verum ex spiritu cordis ipsorum profecta est ista dementia. Etenim si quoniam creatura non est Spiritus (nam id demonstratum est) interrogatis, ergo ne Spiritus est Filius? tempus est ut vos edoctos Filium non esse creaturam (per hunc enim sunt creaturæ omnes conditæ) interrogemus, ergo ne Pater est Filius, aut hoc etiam modo, ergo ne Spiritus est Filius, & Filius ipse est Spiritus sanctus. Qui talia cogitabunt extra sanctam Trinitatem erunt, absque Deo esse judicabuntur, transmutantes nomen Patris & Filii & Spiritus sancti, atque invertentes illud pro suo arbitrio in similitudine generationis humanæ, nepotes & avos nominantes, ac more Gentium generationem Deorum fingentes. Non est autem hæc Ecclesiastica fides, sed est ut dicebat Servator, In Patrem & Filium & Spiritum sanctum. Patrem quidem qui non possit dici avus, & Filium qui non possit dici pater, & Spiritum sanctum, qui non aliter quam hoc pacto nominatur. De hac fide non licet varie loqui, sed semper Pater est Pater, & Filius semper Filius, & Spiritus sanctus semper Spiritus sanctus, tum est tum dicitur. In rebus enim humanis non est eodem modo, quamquam *Ariani* talia imaginantur. Nam quemadmodum scriptum est, *Non sicut homo Deus*, ita dixerit aliquis, non sicut Deus homines. Siquidem in hominibus qui pater est, non semper est pater, neque qui filius semper filius; Nam idem filii quidem pater fit, rursus idem alterius fuit filius, & filius qui patris est filius alterius fit pater. *Abraham* igitur cum esset filius *Nachor*, pater factus est *Isaac*, & *Isaac* cum esset filius *Abraham*, pater factus est *Jacob*. Unusquisque cum sit pars parentis, nascitur quidem filius, cæterum idem alterius fit pater. In Deitate vero non itidem, quoniam non ut homo Deus. Itaque qui pater est, non est ex patre, eoque non gignit eum qui futurus sit alterius pater, neque filius pars est patris, unde nec in hoc genitus est ut generet filium. Unde in Deitate sola, Pater proprie, solusque Pater cum sit, est & fuit & semper erit, & qui Filius proprie, solus Filius est. Et in his consistit ut qui Pater semper Pater, & qui Filius semper Filius & sit & dicatur: Insuper & Spiritus sanctus semper Spiritus sanctus est, & hunc Dei esse & a Patre per Filium dari credimus. Sic enim sancta Trinitas invariabilis permanet, cognosciturque in eadem Deitate. Itaque qui percunctatur, ergone Filius est Spiritus, perinde quasi possint nomina permutari, ducitur imaginatione, & sibi ipsi insaniam lucrifacit. Cæterum qui interrogat, ergone avus est Pater, excogitans novum nomen patri, errat corde. Itaque posthac ad hæreticorum impudentiam respondere non est tutum. Nam id est repugnare Apostolicæ admonitioni, Consulit enim, imo potius præcipit ipse, quod bonum est. Hæc satis erant ad redargutionem vestri stultiloquii, ne posthac luseritis contra Deitatem. Nam ludentium proprium est percunctari quæ scripta non sunt, ac dicere, Ergo ne Filius est Spiritus sanctus, & avus Pater? Ad hunc modum rident qui habitant in *Cæsaria* & in *Scythopoli*. Sufficit ut credatis quod non est creatura Spiritus, sed quod est Spiritus Dei, & in hoc Trinitas, Pater & Filius & Spiritus sanctus, quodque neque Patris vocabulumtribuendum est Filio, neque fas est dicere quod ipse Spiritus idem sit cum Filio, neque quod Filius idem sit cum Spiritu sancto, sed sic est quemadmodum dictum est, & una in hac Trinitate Deitas est, & una fides & unum baptisma, in ea datur, & perfectio una in *Christo Jesu* Domino nostro, per quem & cum quo Patri gloria & imperium cum sancto Spiritu, in omnia secula seculorum, Amen.

QUOD NICENA SYNODUS

CUM VIDISSET MALITIAM EUSEBII,

merito pieque promulgavit qua erant adversus

ARIANAM HÆRESIM DECRETA.

RECTE fecisti, mihi significans factam abs te inquisitionem adversus eos, qui *Arianorum* dogmati-

bus patrocinantur. Inter quos sunt nonnulli quidem & ex *Eusebii* sodalibus, sed plurimi ex fratribus, qui cum Ecclesia sentiunt. Tuam igitur amore *Christi* susceptam vigilantiam exosculatus sum, quæ pulchre convicerit hæresis istius impietatem, cæterum illorum impudentiam demiratus sum, quod cum *Arianorum* rationes demonstratæ sint & infirmæ & inanes, imo cum ipsi sint ab omnibus, tanquam omnino male sentientes condemnati, tamen post hæc *Judaorum* exemplo murmurant dicentes: Quare qui in *Nicena* Synodo fuerant congregati, scripserunt voces non scriptas, nimirum hæc, *τὸ ἐκ τοῦ ὁυσιος*, id est, ex essentia, & *τὸ ὁμοούσιον*, id est, ejusdem essentiae. Tu quidem, ut vir prudens, eos etiam qui hac uterentur figura, nihilo segnius declarasti inania loqui. Illi vero nihil a suæ mentis perversitate faciunt alienum, dum fingunt excusationes. Sunt enim in sententiis varii versatilesque, non aliter quam *Chamaeleones* in coloribus. Et cum redarguuntur, erubescunt, cum interrogantur, hærent: post impudentia sumpta, causantur. Quod si quis istos in his quoque coarguerit, laborant donec excogitarint quæ non sunt, ac juxta quod scriptum est, cogitant inania, tantum ut persistant in sua impietate. Cæterum dum hoc aggrediuntur, nihil aliud efficiunt, quam quod palam declarant se carere ratione, *Judaicamque* perversitatem imitari. Siquidem & illi cum a veritate redarguerentur, nec possent adversus eam oculos attollere, causabantur dicentes, *Quod facis tu signum, ut videamus & credamus tibi?* Quid facis? Quamvis tam multa signa fuissent prodita, ut ipsi quoque dicerent, *Quid facimus? Quoniam hic homo multa signa facit.* Nam mortui excitabantur, claudi ambulabant, cæci recipiebant visum, leprosi mundabantur, aqua vertebatur in vinum, & quinque panibus saturabantur hominum quinque millia. Ac cæteri quidem omnes, admirabantur adorabantque Dominum, confitentes in illo completam esse prophetiam, & ipsum esse Deum Dei filium. Soli vero Pharisei, quamvis signa quæ proferebantur essent lucidiora Sole, tamen veluti nondum satis essent edocti, murmurabant dicentes, *Quare tu, homo cum sis, facis teipsum Deum?* Amentes vereque cæci mente. Debebant inverso potius sermone dicere, Quare tu Deus cum sis, homo factus es? Siquidem opera declarabant ipsum esse Deum, ut simul & Patris bonitatem adorarent, & dispensationem humanæ naturæ nostra causa factam admirarentur. Hoc quidem adeo non dicebant, ut nec ea quæ fiebant intueri vellent, aut videbant quidem. Nam non poterant illa non videre, sed post mutato animo murmurabant. Quare in Sabbato sanas paralyticum? Et quare cæco a nativitate hoc die visum restituis? Hoc autem nihil aliud erat quam causatio, & obmurmuratio. Etenim cum aliis diebus Dominus sanaret omnem morbum omnemque languorem, illi suo more incusabant, malueruntque tenere opinionem, quod nullus esset Deus, cum nominarint *Beelzebub*, quam suam ipsorum malitiam abjicere. Quin & cum nihilominus Servator multifariam multisque modis suam declararet Divinitatem, cunctisque prædicaret Patrem, illi nihilo minus veluti contra stimulos calcitrantes, contradicebant suo stultiloquio, tantum ut juxta divinum proverbium, repertis excusationibus, subducerent seipsum a veritate. Itaque *Judei* qui id temporis hæc perverse faciebant, negantes Dominum, merito & a Lege & a promissione quæ patribus erat facta; redditi sunt extranei.

Cæterum *Arianis* *Judaorum* imitantibus exemplum, idem videtur accidere, quod accidit *Cajapha*, & illorum temporum Phariseis. Nam cum videant suam Sectam nihil habere probabile, causationes ac prætextus comminiscuntur: Quam ob causam hoc scriptum est & non illud. Ac ne quid mireris, si talia nunc moliantur. Nam paulopost & ad vim vertentur, ac mox cohortem ac tribunum militum minitabuntur. In his enim videtur esse stabilimentum perversæ illorum opinionis. Etenim cum Dei verbum abnegent, merito ab omni rationabili verbo deserti sunt. Hoc itaque sciens nihil illis respondebam. Cæterum posteaquam tuus affectus, quæ fuissent acta in Synodo, postulabat cognoscere, non distuli, sed illico sicut tunc res gesta est significavi, paucis com-

commonstrans, quantum a pia mente absit *Ariana* Secta, quodque tantum fingunt causationes. Considera tu quoque carissime, an non ita res habeat. Si fidunt malis quæ commenti sunt ipsi, malæ mentis semen in illos spargente Diabolo, respondeant super his, de quibus accusati, declarati sunt hæretici: hoc factò, accusent si possint quæ adversus ipsos definita sunt. Nullus enim cædis adulteriive convictus jus habet iudicis sententiam inculpandi: Quare non sic, sed illo modo loquutus est. Nam ea res non liberat condemnatum, quin potius crimen illius ob temeritatem & confidentiam adaugere. Proin isti quoque, aut declarent pium esse quod sentiunt; Nam accusati convicti sunt, cum prius nihil conquererentur, & æquum est, ut qui sunt accusati, nihil aliud agant, quam ut sese defendant: aut si conscientiam habent impuram, conspiciuntque sese cum pietate pugnare, ne accusent quæ ignorant, ne duplex auferant malum, impietatis & ignorantie reprehensionem. Imo potius examinentur qui sunt dociles, ut agnoscant quæ prius nesciebant, ac veritatis inundatione piisque dogmatibus proluant eorum quæ prius audierant, impietatem. Ad hunc enim modum & in *Nicena* Synodo accidit *Eusebio*. Cum enim contenderent impietatem molientes, cumque Deo pugnare tentarent, quæ ab ipsis dicebantur, plena erant impietatis. Cæterum qui convenerant Episcopi, erant autem plus minus trecenti, placide humaniterque petebant ab eis, ut de his quæ dicerent, redderent rationem, piisque probationes adferrent: ubi vero mox hiscentes condemnabantur, & ipsi inter se pugnabant, considerantes ingentem & inexplicabilem Sectarum suarum discrepantiam, manebant illi quidem attoniti, ipsoque silentio confitebantur turpitudinem inaniter captatæ gloriæ. Igitur Episcopi posthæc recensentes ab illis excogitata verba, tum demum ediderunt adversus illos sanam & ecclesiasticam fidem, cumque subscripsissent omnes, subscripsit & *Eusebius* iis verbis, quæ nunc calumniantur isti, nimirum, *ex essentia, & ejusdem essentia, & quod neque creatura sit neque factura, neque de numero rerum conditarum sit Dei filius, sed quod progenies, & ex Patris substantia sit verbum*. Quodque dictum mirum est, *Eusebius* Episcopus *Cæsarea Palæstina*, quanquam ante unum diem, negarat, postea tamen subscripsit, ac per litteras significavit Ecclesiæ suæ, hanc fidem esse Ecclesiæ a Patribus traditam, cunctisque palam ostendit, quod prius errassent, frustra que contendissent adversus veritatem. Quanquam enim tum illum puduit, hisce verbis scribere, & ut voluit se purgavit Ecclesiæ: attamen cum per Epistolam non abnegaret has voces, *ex essentia & ejusdem essentia*, palam est eum hoc voluisse significare. Et accidit illi quiddam absurdi. Siquidem veluti purgans seipsum accusabat *Arianos*, quod quia scripsissent, *Non erat Filius priusquam nasceretur*, nollent eum fuisse priusquam & juxta carnem nasceretur. Novit hoc & *Acacius*, nisi nunc & ipse metu percussus, pro tempore simulat, negatque veritatem. Subjunxi igitur in fine Epistolam *Eusebii*, ut ex hac abunde cognoscas, & istorum qui *Christo* rebellant, ac *Acacii* adversus suos doctores, ingratitude.

An non igitur peccant isti, si vel cogitent tantum contradicere tam celebri totius orbis Synodo? An non prævaricantur dum audent contradicere recte adversus *Arianam* hæresim decretis, quæ comprobata sunt & eorum testimonio, a quibus prius didicerant impie sentire? Quod si post subscriptionem *Eusebii* cum suis, mutarunt animum, & veluti canes ad proprium impietatis vomitum reversi sunt, an non magis etiam odio digni, qui nunc contradicant, eo quod aliis animæ suæ libertatem propinantes, hos etiam Sectæ magistros ac duces habere volunt, homines, ut dixit *Jacobus*, *duplici animo, & instabiles in omnibus viis suis*, nec eandem habentes sententiam, sed nunc in hanc, nunc in illam opinionem sese vertentes, & nunc quidem probantes quod dicunt, mox vero vituperantes quod dixerant, ac rursus approbantes, quod paulo ante calumniabantur. Hoc autem, ut Pastor ille dicebat, ex Diabolo prognatum est, per

quod citius agnoscas caupones quam doctores. Est enim sicuti a majoribus traditum est, vere doctrina, & hoc veros doctores arguit, ut eadem inter sese profiteantur, neque diversa sentiant, vel inter ipsos vel a suis majoribus dissidentes. Etenim qui hunc in modum affecti non sunt, improbi potius quam veri doctores dicendi sunt. Proinde Pagani, quoniam non profitentur eadem, sed inter ipsos variant, haud quaquam veram habent doctrinam. Sancti vero, verique veritatis præcones, & cum aliis consentiunt, nec inter sese dissident. Quanquam diversis ætatibus fuerunt, tamen in eandem omnes appellunt sententiam, cum sint ejusdem Dei Prophetæ, idemque verbum concorditer annunciant. Itaque quæ *Moses* docuit, hæc præstiterat *Abraham*, Quæ vero præstitit *Abraham*, hæc & *Noë* & *Enoch* senserant, discernentes pura ab impuris, itaque viventes, ut Deo grati acceptique redderentur. Sic enim & *Abel* martyrium peregit, cum teneret ea quæ ab *Adam* didicerat, quæ & ipse *Adam* didicerat a Domino, qui cum in consummatione seculorum venisset ad abolendum peccatum, agebat: *Non præceptum novum do vobis, sed præceptum vetus, quod audistis ab initio*. Hanc ob causam beatus Apostolus *Paulus* cœlitus edoctus, cum Ecclesiastici status imaginem præformat, ne Diaconos quidem volebat esse bilingues, hoc est, in sermone duplices, nedum Episcopos. Cæterum *Galatas* increpans, in universum pronunciavit dicens: *Si quis vobis Evangelium attulerit præter id quod accepistis, anathema sit, quemadmodum ante dixi vobis, & iterum dico. Imo etiam si aut Angelus e cœlo vobis attulerit Evangelium præter id quod accepistis, anathema sit*. Hæc igitur cum dicat Apostolus, aut isti quoque *Eusebium* cum suis, variantes, aliaque dicentes præter ea quæ scripserant, tradant anathemati: Aut si cognoscunt se recte subscripsisse, ne murmurent adversus tam frequentem Synodum. Quorum quia nec hoc nec illud faciunt, palam est eos quovis circumferri vento, omnique fluctu circumagi, nec propriis, sed alienis trahi sententiis. Tales vero cum sint, neque nunc cum hujusmodi causationes objiciunt credendum est illis. Quin potius desinant inculpare quod non intelligunt. Fortassis autem quando non norunt discernere, simpliciter quod malum est, dicunt bonum, & quod bonum est, dicunt malum, existimantes amarum esse quod est dulce, rursus dulce quod est amarum. Nimirum quæ mala judicata sunt, acreprobata, tenere volunt; Contra quæ recte definita sunt, conantur calumniari. Non oportuit igitur neque nos amplius ullam harum rerum defensionem parare, ad inanes istorum causationes respondentes, neque ipsos ultra contendere, sed concordare cum his, quibus Sectæ ipsorum duces subscripserunt, scientes, quod post hæc, facta *Eusebii* mutatio suspecta est ac prava. Cæterum quod subscripsit, posteaquam licebat illi vel paucissimis excusare sese, hoc declarat *Arianam* hæresim vere impiam esse. Non enim prius subscripserunt, nisi cum jam illam damnassent, nec prius eam condemnarunt, quam undiquaque destituti defensione, fuissent pudefacti. Itaque quod nunc mutantur, argumentum est pertinaciæ tendentis ad impietatem. Quapropter oportuit & istos, ut dictum est, quietem agere.

Cæterum quoniam insigniter sunt impudentes, putantque fortassis, quod ipsi magis quam illi valeant hujus Diabolicæ impietatis esse duces quamquam jam antehac, prioribus litteris quas ad te scripsi, copiosius ac diffusius illos redargui, attamen age, nunc quoque tum hos tum illos, de singulis quæ ab ipsis dicta sunt examine-mus. Demonstrabitur enim nihilominus & nunc, hæresis illorum non esse sana, sed Dæmoniæ potius cujuspiam Sectæ. Ajunt igitur quemadmodum illis visum est, & ausi sunt dicere, Non semper Pater, non semper Filius, Non enim erat Filius priusquam nasceretur, sed de non exstantibus ipse quoque factus est. Proinde Deus non semper fuit pater Filio, verum ubi Filius creatus est Filius, tunc & Deus dictus est illius pater, Siquidem creatura est, & factura verbum. Estque juxta essentiam alienus ac dissimilis Patri. Neque vero natura verum Patris verbum est Filius, neque sola veraque sapien-

pientia illius est. Cæterum cum sit creatura, & unus de numero rerum conditarum, per abusionem dicitur verbum ac sapientia. Nam verbo, quod vere est in Patre, ipse quoque factus est, ut cætera quoque omnia, eoque nec verus est Filius. Ego vero primum illud ab istis sciscitabor, Quid est omnino Filius, & quidnam hoc nomen significat? ut ipsi vel hoc pacto queant intelligere quæ loquuntur. Nam sacra Scriptura, per hoc nomen duplicem notionem nobis significat. Alteram quidem eorum de quibus *Moses* in Lege loquitur, *Si audieris vocem Domini Dei nostri & servetis omnia præcepta ipsius, quæcumque ego tibi præcipio hodie, ut faciatis quod bonum est, ac placitum in conspectu Domini Dei tui, filio estis Domini Dei nostri.* Quemadmodum & in Evangelio *Joannis* ait: *Quotquot autem receperunt eam dedit eis potestatem filios Dei fieri.* Alteram autem habet notionem, juxta quam *Isaac* *Abraham* filius est, & *Jacob* filius est *Isaac*, & Patriarchæ filii *Jacob*. At isti juxta utram ex istis duabus notionem arbitrati dici filium Dei, talia de eo fabulantur? Nam certum scio, quod in eandem concurrunt impietatem cum *Eusebio*. Si juxta priorem, quales sunt qui ex mutatis in melius moribus nominis hujus gratiam acquisierunt, quique acceperunt potestatem ut filii Dei fiant (Nam hoc & illi dicebant) nihil videbitur a nobis differre, nec erit unigenitus, cum ipse quoque ex virtute sortitus sit filii cognomen. Quod si, ut ajunt, præscitus talis futurus, præoccupat, simulque nascendo recipit & nomen & nominis honorem, nihil tamen differt ab iis, qui post benefacta nomen accipiunt cum

* ipse quoque simili modo filius esse pronuncietur. Si quidem *Adam* qui primus occupavit gratiam, simulque dum nascitur positus est in Paradiso, nihil differebat, neque ab *Enoch*, qui post natiuitatis tempus, cum Deo placuisset, translatus est, neque ab Apostolo, qui & ipse post benefacta raptus est in Paradisum, imo ne ab eo quidem qui prius fuerat latro, cui propter confessionem promissum est, ipsum protinus futurum in Paradiso. Verum si his urgeantur, dicent, opinor, quod dicentes frequenter erubuerunt. Hoc modo judicamus Filium excellere cæteras creaturas, ideoque vocari unigenitum, quod ipse solus a solo Deo factus est, cætera vero omnia a Deo per Filium condita sunt. Quis obsecro stultam istam & inanem cogitationem vobis iniecit, ut diceretis: Filium quidem solum solus ipse Pater condidit, cætera vero omnia per Filium tanquam per ministrum facta sunt? Quod si, quod ad fatigationem attinet, dicitur fuisse sufficiens, ut ipse solus conderet Filium, cætera vero non item, impium est talia de Deo cogitare, maxime cum audierint *Esaiam* dicentem: *Deus sempiternus, Deus qui præparavit summa terra, non esuriet neque fatigabitur, nec inuestigabilis est prudentia illius.* Quin potius ipse dat robur esurientibus, ac per verbum suum fessos reficit. Quod si veluti rem humilem dedignatus est ipse post Filium natum operari, & hoc dictum impium est. Non est fastus in Deo, qui quidem cum *Jacob* descendit in *Aegyptum*, quique propter *Abraham* corrigit *Abimelec* *Sara* causa; cumque *Mosè*, cum esset homo, ore ad os loquitur, in montem *Sina* descendit, populo vero suppetias ferens, *Amalec* debellat. Quin & hoc mentimini, cum dicitis, *Ipse fecit nos, & non ipsi nos.* Ipse est, qui per verbum suum & pusilla fecit & magna, nec dividi potest creatio, ut dicas, hoc Patris est, hoc Filii, sed unius est Dei, qui ceu manu utens verbo suo, per illud creavit omnia. Quod ipse etiam Deus declarans loquitur, *Manus tua fecit hac omnia.* Hoc *Paulus* ut didicerat docuit, *Unus Deus ex quo omnia, & unus Dominus Jesus Christus per quem omnia.* Ipse igitur cum semper idem sit, etiam nunc mandat Soli, & exoritur, præcipit nubibus & oriuntur, & unam terræ partem irrigant, alia vero quæ non irrigatur arefcit, ac terræ mandat ut reddat fructus, & *Hieremiam* format in utero. Quod si hæc nunc ipse facit, dubitari non potest, quin in principio non dedignatus sit omnia per verbum facere, quandoquidem hæc portiones sunt universi. Porro si quoniam non poterant cæteræ, manus illius simplicis & ingenitæ sustinere operationem, ideo solus Filius a solo Deo factus est, reliqua vero a Filio velut ab

A operis ministro & adiutore facta sunt; Nam & hoc *Asterius Thyssensis* scriptum reliquit, *Arius* vero transcriptum tradidit suis discipulis, ac deinceps vice fractæ arundinis nituntur hoc dicto, nec intelligunt amantes absurditatem in eo latentem. Nam si res conditæ nullo pacto valebant ferre manum Dei, cum juxta vos Filius sit unus de numero conditorum, quomodo ipse potuit fieri a solo Deo? Et si ut condita fierent, opus erat intercessore, conditus autem juxta vestram opinionem est ipse Filius, necesse erat, ut & ante hunc genitum, aliquis intercederet, quo conderetur. Rursus cum ipse intercessor esset creatura, nimirum opus erat & illi alio intercessore, ad ipsius creationem. Quod si quis alium excogitarit intercessorem, prius excogitabit & huic intercessorem, & sic in immensum deveniet. Verum dum hunc in modum semper queritur intercessor, ne consistere quidem poterit creatura, propterea quod, sicut dicitis, nihil rerum conditarum sustinere possit indilutam puramque manum ingeni Dei. Porro si videntes hoc esse absurdum, dicere coeperint, quod Filius cum sit creatura, fuit idoneus ut ab ingenito fieret, necessario consequitur, quod cætera quoque condita omnia, potuerint ab ipso ingenito condi. Siquidem juxta vos & Filius est creatura, quemadmodum cætera omnia, jamque supervacanea fuerit verbi natiuitas, juxta vestrum impium stultumque commentum, cum Deus per se sufficiens fuerit ut solus omnia conderet, omniaque condita potuerint puram Dei manum sustinere. Ergo cum istiusmodi stupor istorum, a mente crassa rudique proficiscatur, consideremus an hoc impiorum commentum quod dicitur non longius appareat abesse a ratione, quam cætera quæ iidem profitentur. *Adam* solus a solo Deo per verbum factus est. Atqui nemo dixerit in hoc *Adam* præminere cæteris hominibus, aut præstare his qui post ipsum nati sunt, si solus a solo Deo factus ac formatus est, nos autem omnes ex *Adam* nascimur, atque ex generis successione compositi sumus, tantum si constet & illum e terra formatum esse, & cum prius non esset, post factum esse. Quod si quis plus tribuerit protoplasto, propterea quod Deus illum sua manu dignatus sit, is tamen perpendat, hoc quod præstat antecellitque cæteris, honore non natura illi contigisse. Siquidem ex terra natus est quemadmodum omnes cæteri. Quin & eadem manus, quæ tunc formavit *Adam*, nunc quoque & semper post illum, format componitque omnia. Atque hoc ipsum ut prædictum est, ipse Deus dicit *Hieremia*: *Præquam formarem te in utero, novi te.* De omnibus autem dixit, *Manus mea fecit hac omnia.* Rursum per *Esaiam* loquitur, *Sic dicit Dominus qui redemit te, ac formavit in utero, Ego Dominus perficiens omnia, extendi celum solum, ac fundavi terram.* Id *David* intelligens agebat: *Manus tua fecerunt me ac formaverunt me.* Rursus in *Esaiam* loquens, sic dicit Dominus, *Qui formavit me ex utero servum sibi, hoc declarat.* Itaque juxta naturam nihilo præstat nobis, quamvis prior est tempore, quandoquidem eadem manu fingimur & componimur omnes. Proinde si ad eum modum *Arianus* de Filio quoque Deo sentitis, quod simili modo & ipse subsistit, factusque est, nulla in re vestro judicio juxta naturam cæteris erit præstantior, quandoquidem ipse quoque non erat, & factus est, eque virtute & ipsi parata est nominis gratia. Siquidem & ipse unus est de numero eorum, de quibus in Psalmis Spiritus sanctus dicit, *Ipse dixit & facta sunt, ipse præcepit & creata sunt.* Quis igitur est ille cui Deus mandavit, ut & ipse crearetur? Oportet enim esse verbum cui mandat Deus, & per quem creaturæ conduntur. Sed nequaquam poteris demonstrare aliud verbum præter hoc quod negatis, nisi videlicet rursus aliquod commentum excogitaveritis. Profecto, inquit, invenimus, quod quondam etiam dicebant *Eusebii* discipuli, in hoc antecellere cæteris Dei filium, dicique unigenitum existimamus, quod solus ipse particeps est Patris, reliquæ vero creaturæ omnes Filii participes sunt. Laborant igitur jam variantes ac commutantes verba non secus atque colores, patefiet tamen & hoc pacto quod velut ex terra loquuntur inania, & in suis cogitationibus velut in cæno volvantur. Nam si ille Dei filius,

nos

nos vero Filii filii vocemur, probabile erat ipsorum figmentum: Contra si Dei nos quoque dicimur, cujus & ipse est Filius, nimirum & nos Patris participes sumus, qui dicit, *Filios genui & exaltavi*. Etenim nisi ipsius essemus participes, non diceret genui: quod si ille genuit, non alius, sed ipse noster est pater. Ac rursus non refert an ille præcellat, priorque factus sit, nos vero ordine inferiores, ac posterius facti simus, modo ejusdem omnes simus participes, & ejusdem patris filii dicamur. Nam illud plus ac minus non declarat aliam naturam, quandoquidem cuique virtutis actio hoc cognomen addit: & alius quidem decem civitatibus, alius vero quinque præficatur. Rursus alii *sedent super duodecim sedes*, *judicantes duodecim Tribus Israël*: alii vero audiunt, *Venite benedicti Patris mei*. Et, *euge serve bone ac fidelis*. Hujusmodi itaque cum illi sentiant, merito imaginantur talis Filii patrem, non semper esse Deum, neque talem Filium semper esse, verum ex non exstantibus creaturam fuisse, nec fuisse priusquam fieret. Nam alius est iste, præter verum Dei filium.

Cæterum quoniam hæc istos dicere jam non est pium, sed potius *Sadduceorum* ac *Samosatenfis* ista sententia est, superest videlicet, ut juxta alteram rationem, juxta quam *Isaac Abrahæ* filius est, dicamus & Dei filium esse. Siquidem natura novit esse filium quod ex aliquo natum est, nec aliunde accersitum, & hoc illud nomen significat. An igitur Filii generatio est secundum affectionem humanam? Nam hoc fortassis juxta illos ipsi quoque volent opponere, non intelligentes. Nequaquam; Non enim ut homo est Deus, quandoquidem nec homines sunt ut Deus. Nam illi quidem ex materia eaque affectionibus obnoxia conditi sunt, Deus vero materiæ expers & incorporeus. Quod si hæc dictiones de Deo & hominibus in divinis Scripturis aliquando usurpantur, tamen perspicacium hominum est, quemadmodum præcepit *Paulus*, attendere lectioni, atque ita dijudicare, ac juxta singulorum quæ significantur naturam, quæ scripta sunt dignoscere, neque confundere sententiam, ut nec ea quæ Dei sunt humano more cogitemus, neque quæ sunt hominum, tanquam de Deo aliquando intelligamus. Nam hoc est vinum aquæ miscere, & ignem alienum injicere super altare igni divino. Siquidem & Deus creat, & hominibus quoque creandi verbum tributum est, ac Deus quidem est Ens, & homines esse dicuntur, quod ipsum Deo acceptum ferunt. Num igitur sic Deus creat quemadmodum homines, aut sic ens est homo? Absit, Verum aliter de Deo dictiones usurpamus, atque aliter has de hominibus intelligimus. Nam Deus quidem creat, vocans ea quæ non sunt ut sint, nullius egens, homines vero subjectam materiam operantur fusa prius precatione, & accepta operandi scientia, a Deo qui cuncta fabricatus est per suum verbum. Rursus homines cum non possint esse per sese, in loco sunt circumscripti, consistuntque in Dei verbo, Deus vero ens est per seipsum, continens universa, nec ab ullo comprehensus: atque in omnibus quidem est juxta bonitatem suam ac potentiam, rursus extra omnia est juxta suam naturam. Itaque quemadmodum non eodem modo homines creant quemadmodum creat Deus, nec ad eum modum sunt homines, quemadmodum est Deus: sic aliter se habet hominum generatio, aliter est filius ex patre. Nam hominum proles partes quodammodo sunt eorum qui generant, eo quod eadem est corporum natura, nec ea est simplex quæpiam, sed fluxa, & ex partibus habet compositionem, profluuntque homines cum generant, ac rursus affluunt ea quæ ex alimentis in eos inferuntur. Quam ob causam etiam homines pro tempore multorum liberorum patres fiunt. Deus vero cum non constet ex partibus, nec partitionem recipit, & nullis affectionibus obnoxius est filii pater: neque enim defluxus est a Deo incorporeo, neque ullus influxus accedit illi, quemadmodum fit in hominibus: sed simplex cum sit natura, solius & unius Filii pater est, quapropter etiam unigenitus est, solusque in sinu Patris est, solumque ipsum ex sese Pater declarat esse dicens: *Hic est Filius meus dilectus, in quo mihi complacitum est*. Hic autem sermo Patris est, in quo licet

intelligere Patris naturam nec affectionibus obnoxiam, nec divisionis capacem. Siquidem nec hominum sermo, sic generatur ut patiat qui loquitur, aut per separationem aliquid illi decedat, multo minus sermo Dei: Quapropter ipse etiam sedet in dextera Patris, tanquam Verbum, eo quod ubi est Pater, illic & hujus Verbum est. Nos vero stantes judicamur ab illo tanquam creaturæ: & adoratur quidem ille, propterea quod est Filius adorandi Patris, nos vero adoramus Dominum, Deumque confitemur, propterea quod illius creaturæ sumus, & ab illo diverfi. Hæc vero cum ad hunc habeant modum, consideret jam quisquis illorum velit, sitque aliquis illos pudefaciens, an id quod est ex Deo, propriamque illius progeniem fas sit dicere, ex non exstantibus esse, aut rationi consentaneum sit, ut vel in cogitationem cujusquam omnino veniat, quod esse ex Deo post contigerit ipsi, ut simul sumpta audacia dicat, quod non semper est Filius. Nam in hoc rursus hominum cogitationes transcendit superavitque Filii generatio. Nam nos quidem nostrorum liberorum in tempore patres efficiamur, quandoquidem & ipsi, cum prius non essemus, postea facti sumus. Cæterum Deus, quia semper est, semper Filii pater est. Et horum quidem generatio, originem habet ex his, quæ simili modo sunt. Quoniam autem *nemo novit Filium nisi Pater, neque Patrem quisquam novit nisi Filius, & cuicumque Filius revelaverit*, propterea sancti, quibus revelaverat Filius, imaginem quandam nobis dederunt ex rebus visibilibus, dicentes eum esse *splendorem gloria & figuram substantia ejus*. Ac rursum: *Quoniam apud te fons vita, & in lumine tuo videbimus lumen*. Insuper & Verbum increpans *Israëlem* dicit: *Dereliquisti fontem sapientia*. Hic autem fons est qui dicit: *Me dereliquerunt fontem aqua viva*. Ac exiguum quidem est exemplum nimisque obscurum ad id quod desideratur, possumus attamen ex eo plus quam pro natura humana intelligere, ac nequaquam putare nostram generationem æqualem esse generationi Dei. Quis enim potest vel cogitare aliquando non esse splendorem, ut simul sumpta audacia dicat, non esse semper Filium, aut non fuisse Filium priusquam nasceretur: aut quis idoneus est ut splendorem a Sole dirimat, utve fontem cogitet aliquando destitutum a vita, ut simul & infans dicat, ex non exstantibus esse Filium, qui dicit *ego sum vita*, aut alienum esse a Patris essentia eum qui dicit: *Qui me vidit, vidit & Patrem*. Nam sancti cum sic nos vellent intelligere, hæc ob id exempla tradiderunt, estque vehementer absurdum & impium, cum hujusmodi præbeat imaginem Scriptura, nos ex aliis rebus de Domino velle cogitare, quæ neque scripta sunt, neque quicquam habent sententiæ conducentis ad pietatem. Ergo posthac dicant, unde tandem isti docti, qui talia de Salvatore cogitare coeperint. Legimus inquit in Proverbis: *Dominus creavit me initium viarum suarum in opera sua*. Nam & *Eusebius* cum suis talia videbatur dicere, quin tu quoque litteris idem significasti, quod multis probationibus & isti subversi, condemnati sunt.

Nihilominus ipsi dictum hoc, sursum ac deorsum circumferentes, dicebant Filium unum esse e creaturis, eumque rebus conditis annumerabant. Verum ne hoc quidem videntur recte perpendisse. Habet enim sensum pium vehementerque rectum, quem si ipsi quoque intellexissent, nequaquam Dominum gloriæ blasphemias affecissent. Nam ea quæ dicta sunt conferant ad hoc dictum, ac videbunt multam in eis esse differentiam. Quis enim non perspicit, modo mentem habeat rectam, quod ea quæ creantur fiuntque, sunt aliunde quam ex eo qui facit. Cæterum Filius, ut in superioribus ratio demonstravit, non extrinsecus, sed ex Patre generante est. Etenim homo condit quidem domum, generat autem filium, neque quisquam invertens dicere possit, domum quidem ac navem generari ab eo qui apparat, filium vero condierique ab eo, neque rursus, domum imaginem esse conditoris, filium dissimilem generanti, quin potius filium, imaginem patris confitebitur, domum vero artis structuram esse, nisi quis videlicet mente captus sit, & ab animi sanitate exciderit. Nimirum divina Scriptura, quæ rectis omnibus novit cujusque naturam, de his

quidem quæ conduntur per *Mosen* ait: *In principio fecit Deus cælum ac terram.* De Filio vero nihil aliud, sed ipsum Patrem profert, loquentem: *Ex utero ante luciferum genui te.* Ac rursus: *Filius meus es tu, ego hodie genui te.* Quin ipse de seipso Dominus in proverbii dicit: *Ante omnes fontes generas me.* Ac de rebus conditis *Joannes* ait: *Omnia per ipsum facta sunt.* Cæterum de Domino prædicans dicit, *unigenitus filius, qui est in sinu Patris, ille enarravit.* Itaque si Filius est, non est creatura; Sin est creatura, non est Filius. Multum enim in his discriminis est, ac nequaquam erit idem ipse, & creatura, ne simul & ex Deo & extra Deum illius essentia putetur esse. Num itaque frustra scriptum est hoc dictum? Nam hoc rursus illi circumferunt sonitu obstrepentes, non aliter quam agmen culicum. Non sane, non frustra scriptum est, sed vehementer necessario. Siquidem dictum est creati, sed tum cum factus est homo, id enim hominis proprium. Hanc vero sententiam reperiet pulchre in eloquiis positam, qui non oſcitanter lectionem attenderit, sed & tempus & personas, & utilitatem eorum quæ scripta sunt scrutetur, atque ita demum ea quæ legit dijudicet, dispiciatque. Tempus itaque huius dicti reperiet & intelliget, quod Dominus qui semper est, postea in consummatione seculorum factus est homo, & filius cum esset Dei, factus est filius hominum: utilitatem vero poterit intelligere, quod nostram mortem abolere cupiens, assumpsit sibi corpus ex virgine *MARIA*, ut eo in sacrificium oblato Patri pro omnibus, liberaret omnes nos quotquot metu mortis, ut semper viveremus, obnoxii eramus servituti. Persona vero Salvatoris est, & hoc explicatur cum jam assumpto corpore dicit: *Dominus creavit me initium viarum suarum in opera sua.* Quemadmodum enim ei qui est filius Dei, pulchre congruit esse in æternum atque in sinu esse Patris, Sic & homini facto congruit hæc vox, *Dominus creavit me.* Et hoc enim dicitur de eo, & esurit & sitiit, & percunctatus est ubi *Lazarus* esset positus, & passus est & resurrexit. Et quemadmodum cum audimus eum Dominum ac Deum & lumen verum, intelligimus eum esse ex Patre, ita iustum est, ut cum audimus creavit, & servi nomen, & passus est, non ista ascribamus Deitati, absurdum enim, sed carni hæc tribuamus quam nostra causa gessavit. Siquidem hæc carnis propria sunt, atque ipsa caro non alterius, sed verbi est. Cæterum si quis ex hoc quod utile sit cupiat perdiscere, inventurus est hoc quoque. Verbum enim caro factum est, ut & illud inferat pro omnibus, & nos ex Spiritu ipsius participantes, possumus fieri Dii; Alioqui nequaquam hoc consequuturi, nisi corpus nostrum creatum ipse induisset. Nam hoc modo jam homines Dei, & homines in Christo ceppimus appellari. Cæterum quemadmodum nos accipientes Spiritum non amittimus propriam nostram essentiam, Sic Dominus pro nobis factus homo, corpusque gestans nihilominus erat Deus. Neque enim detrimentum patiebatur ex amictu corporis, quin potius illud reddebat divinum, & immortalitate donavit.

Hæc quidem igitur sufficiunt ad traducendam *Arianorum* Sectam, quandoquidem prout Dominus dedit ex his quæ ipsi dicebant convicti sunt impietatis. Age sane & nos eos provocemus flagitemusque, ut ipsi quoque respondeant. Tempus enim est, ut cum hæreant ipsi in propriis dogmatibus, jam a nobis interrogentur, forsitan vel sic erubescerent, receptis oculis perspicient unde deciderint malæ mentis homines. Dei filium didicimus ex divinis litteris sicut antea dictum est, eundem esse verbum ac sapientiam Patris. Nam *Apostolus* ait, *Christus Dei virtus & Dei sapientia.* Cæterum *Joannes* cum dixisset: *Et verbum caro factum est,* protinus adiunxit, *Et vidimus gloriam ejus, gloriam tanquam unigeniti a Patre plenum gratia & veritatis,* Significans verbum esse unigenitum filium, atque per hoc verbum, & per hanc sapientiam, contra esse tum cælum tum terram, tum omnia quæ in eis sunt: atque huius sapientiæ fontem esse Deum, in *Propheta Baruch* didicimus, qui reprehendit *Israëlem*, quod reliquisset fontem sapientiæ. Itaque si negant ea quæ scripta sunt, protinus cum sint & a nomine alieni, proprie vocari poterunt etiam ab

A omnibus *Athai* & *Christomachi*, hoc est, sine Deo & Christo rebellantes. Nam hoc cognominis ipsi etiam sibi indiderunt. Quod si nobiscum consentientur Scripturæ verba Spiritus afflatu prodita, audeant palam dicere, quæ recte sentiunt, quod & *alajos*, hoc est sine verbo, & *æsaqos*, hoc est sine sapientia, fuerit aliquando Deus, verique in rabiem dicant, erat cum non esset, & priusquam nasceretur non erat *Christus*. Rursusque pronuncient fontem non ex sese genuisse sapientiam, sed aliunde quam ex sese hunc parasse, ut & illud audeant dicere, *ex non exstantibus factus est Filius.* Nam hic sermo non jam hunc fontem demonstrat, sed lacum quempiam, velut aliunde sumentem aquam, qui fontis usurpet vocabulum. Proinde quanta impietate sit hoc refertum, nemini puto dubium esse, cui vel paululum sit sensus. Cæterum quoniam tumultuantes dicunt nomina tantum esse Filii, *verbum* & *sapientia*, operæ pretium est percunctari istos, si ista Filii nomina duntaxat sunt, alius erit ipse præter hæc: & si melior est nominibus, haud pium est ex deterioribus designari meliorem; Quod si inferior est nominibus, omnino habet & causam appellationis ad id quod melius est. Cæterum hoc rursus profectum illius significat, nec ista impietas minor illis prioribus. Siquidem cum qui in Patre est, & in quo est Pater, qui ait: *Ego & Pater unum sumus*, & quem qui viderit vidit Patrem, dicere ab aliqua re extraria reddi meliorem, superat omnem insaniam. Verum ab iis dejecti, & quemadmodum solent *Eusebiani*, multa hæsitacione constricti, illud tandem habent reliquum, quod & in cantionculis *Arius*, & in sua *Thalia*, tanquam addubitans fabulatur, *Multa loquitur verba Deus.* Qualem ipsi scilicet dicimus nos Filium & verbum unigenitum Patris. Dementes & quidvis potius quam Christiani. Primum enim cum talia loquuntur de Deo, parum abest quin Deum existiment hominem sic loquentem, vicissimque mutantem priora verba posterioribus, quasi unum ex Deo verbum non sufficiat omnem quæ est ex voluntate Patris, creationem, huiusque providentiam implere. Nam eundem multa verba loqui infirmitas est omnium, cum unumquodque deficiens egeat altero verbo. Cæterum uno usum fuisse verbo Deum, sicut vere est, hoc & Dei potentiam declarat, & verbi ex eo proficiscentis perfectionem, & ita sentientium piam intelligentiam. Utinam vero & isti vel ex his quæ nunc dicunt velint confiteri veritatem. Nam si semel concesserint Deum proferre verba, omnino norunt eum esse Patrem: hoc cum sciant considerent, quod dum nolunt unum concedere Dei verbum, imaginantur eum esse Patrem multorum, atque in totum esse Dei verbum nolunt negare, cæterum hoc esse Dei filium non confitentur. Est autem & hæc veritatis ignorantia, sacrarumque Scripturarum imperitia. Nam si omnino Deus pater est verbi, cur non & is qui generat, unius filius est? Rursus autem filius Dei quisnam erit nisi verbum ipsius, neque multa sunt verba, ne singulis aliud desit, sed unum verbum, ut solus ipse perfectus sit. Animadvertant & illud, quod cum unus sit Deus, oportuit & imaginem illius unam esse, quæ quidem est filius. Etenim Dei filius, sicut ex ipsis eloquiis licet discere, idem est & Dei verbum & sapientia & imago & manus & virtus. Una enim est Dei progenies, & hæc vocabula generationis quæ ex Patre est, sunt notiones. Sive enim filium dixeris, declarasti quod ex illius natura profectum est, sive verbum cogites, rursus id quod ex eo est, & quod ab eo inseparabile est cogitas. Quin & sapientiam cum dicis, nihilominus id sentis, quod non extrinsecus, sed ex ipso est & in ipso. Rursus si virtutem & manum nominaris, iterum dicis quod est essentiae proprium. Jam cum imaginem dicis, filium significas. Quid esse possit simile Deo, nisi quod ex ipso natum est? Nimirum quæ per verbum facta sunt, hæc per sapientiam fundata sunt, & quæ in sapientia fundata sunt, hæc omnia manu Dei facta sunt, perque filium condita sunt. Atque harum rerum non aliunde nos quam ex Scripturis persuasionem habemus. Siquidem ipse Deus per *Esaiam* Prophetam dicit: *Ma-*

nus mea fundavit terram, & dextera mea stabilivit caelum. Ac rursum, Et umbra manus meae protegit te, in qua constitui caelum ac fundavi terram. David vero hoc edoctus ac sciens manum hanc esse sapientiam, canebat: Omnia in sapientia fecisti, impleta est terra creatura tua: quemadmodum & Solomon a Deo sumpta sapientia dicebat, Deus sapientia fundavit terram. Item Johannes sciens manum ac sapientiam esse verbum, scripsit in Evangelio: In principia erat verbum, & verbum erat apud Deum, & Deus erat verbum: hoc erat in principio apud Deum. Omnia per ipsum facta sunt, & sine ipso factum est nihil. Apostolus vero perspicuus manum, sapientiam, verbum, eundem esse filium, ait: Multis modis multisque modis olim Deus loquutus patribus in prophetis, novissime diebus his loquutus est nobis in Filio, quem constituit heredes universorum, per quem fecit & fecunda. Ac rursum, Unus Dominus Jesus Christus per quem omnia & nos per ipsum. Rursum autem cum sciret verbum, sapientiam, filium, eandem esse imaginem Patris, ait in Epistola ad Coloss. Gratias agentes Deo & patri, qui idoneos nos reddidit in partem hereditatis sanctorum in lumine, qui liberavit nos a potestate tenebrarum, ac transtulit in regnum filii charitatis suae, in qua habemus redemptionem remissionem peccatorum, qui est imago Dei invisibilis primogenitus omnis creatura, quoniam in ipso condita sunt omnia, sive quae in caelis, sive quae in terra, visibilia & invisibilia, sive throni, sive dominationes, sive principatus, sive potestates, omnia per ipsum & in ipso condita sunt, & ipse est ante omnia, & omnia in ipso consistunt. Nam quemadmodum per verbum, ita cum idem sit imago, in eo condita sunt omnia.

Ad hunc modum si quis de Domino cogitet, non impinget in lapidem offensionis, sed potius ibit ad fulgorem in conspectu habens lumen veritatis. Nam haec est vere veritatis sententia, etiam si disrumpantur isti contentiosi, qui neque Deum reverentur, neque redargutionibus quae fiunt ex certis probationibus pudeant. Itaque Eusebii cum id temporis ad hunc modum examinarentur, seseque ipsos condemnassent, quemadmodum antea dixi, subscriperunt, ac respicientes quietem agebant secesseruntque. Postquam vero isti juveniliter ineptientes impietatibus, ac cæcipientes circa veritatem, nihil aliud quam conantur criminari Synodum, dicant nobis ex quibus ipsi Scripturis ista didicerunt, aut ex quo sanctorum audierunt verba, quae sibi ipsis congesse, haec verba, ex non exstantibus, & non erat priusquam nasceretur, & erat cum non esset, & illud veribile & praexistere, & illud voluntate, quibus adversus Dominum illudentes fabulantur. Nam beatus Paulus in Epistola ad Hebraeos ait: Fide intelligimus perfectam esse secula verbo Dei, ut ex his quae non videbantur id quod videbatur fieret. Verum nihil commune verbo cum seculis. Ipse enim est ille qui erat ante secula, per quem & secula facta sunt. Cæterum in Pastore scriptum est, nam & hoc quamquam non est ex canone, proferunt: Primum omnium crede quod unus est Deus qui condidit omnia perfecitque, qui fecit ut ex nihilo essent universa. Quia & hoc rursus nihil ad Filium pertinet, quandoquidem de omnibus loquitur quae per eum facta sunt, a quibus ipse diversus est. Neque enim fieri potest, ut conditorem connumeremus cum his quae ab ipso sunt condita, nisi quis delirans architectum dicat eundem esse cum aedificiis, quae ab ipso fiunt. Quare igitur cum ipsi voces ad impietatem comminiscantur non scriptas, accusant eos qui vocibus non scriptis utuntur ad pietatem? Nam impietatem admittere in totum vetitum est, etiam si quis variis verbis ac persuasibilibus inventis id conetur convellere, cæterum pietatem amplecti, sanctorum omnium consensu praedicatur, etiam si quis novis verbis fuerit usus, modo qui loquitur pium obtineat sensum, ac per ea, quae cogitavit pie velit significare. Eorum igitur qui Christo rebellant humi repentia verba, de quibus prius dictum est, jam antea demonstravit ratio, & tunc & nunc omni impietate esse referta.

Cæterum quae a Synodo scripta sunt ac definita adversus illos, si quis exacte scrutetur, comperiet omnino in his veritatis intellectum comprehendi, maxime si

A talium dictionum etiam occasionem probabilem, studio discendi percunctatus audieris. Est enim hæc: Cum Synodus vellet Ariarum impias dictiones tollere, Scripturarum vero confessas voces scribere, quod & Filius sit non ex non exstantibus, sed ex Deo, & quod verbum sit ac sapientia, non autem creatura neque factura, sed proprium ex Patre germen: Eusebius cum suis, quoniam vetusto errore suo trahebantur, volebant has voces ex Deo, communes esse nobiscum, & Dei verbum nihil in hoc differre a nobis, propterea quod scriptum esset, unus Deus ex quo omnia: ac rursum, Vetera transeunt, nova facta sunt omnia, omnia vero ex Deo. Cæterum Patres cum perspexissent illorum versutiam, & impietatis artificium, jam compellebant eos, ut clarius explanarent, illud ex Deo, scriberentque ex essentia Dei esse Filium, ob id ne illud ex Deo putaretur esse commune, & æquale, tum Filio tum rebus creatis, sed cætera omnia creaturam esse, verbum autem solum ex Patre crederetur. Quamquam enim ex Deo omnia esse dicuntur, tamen aliter quam est Filius, esse dicta sunt. Nam creaturae idcirco dicuntur esse ex Deo, quod non sint temere neque sponte nulloque auctore conditæ neque fortuito: natæ, secundum eos qui dicunt, ex atomorum concursu, & corporulorum, quæ dicuntur ὁμοιομεν, quod horum partes inter se similes sunt, aut ut quidam hæretici, alium mundi conditorem dicunt, aut ut rursus alii, ab Angelis quibusdam adiunctum omnium rerum esse constitutionem: sed quoniam cum esset Deus, omnia ab ipso per verbum, cum prius non essent, ut essent, facta sunt, ideo dictum est illud, ex Deo, verbum autem quoniam non est creatura, dictum est illud, solus est ex Patre. Hæc autem sententia illud declarat, quod Filius est ex substantia Patris. Neque enim in ullam creaturam hoc competit. Nimirum cum Paulus dixisset omnia ex Deo, protinus adiecit, & unus Jesus Christus, per quem omnia: quo declararet omnibus, Filium esse diversum ab omnibus a Deo factis, quandoquidem ea quæ sunt a Deo, per Filium facta sunt. Verum ob mundi structuram quæ a Deo profecta est, dixit hæc, non ob id quod omnia essent ex Deo, quemadmodum Filius est ex Patre. Neque enim omnia sunt ut est Filius, neque verbum unum est de numero omnium, sed omnium Dominus est & conditor. Eoque sancta Synodus * apertius dixit cum ex substantia Patris esse, quo verbum diversum a rerum creaturarum natura crederetur, apertius quod solum vere esset ex Deo, nec ullam deceptionis occasio reliqua fieret, impietatem sectantibus. Hæc igitur fuit occasio, cur scriberetur, ex essentia. Cæterum cum rursus Episcopi censerent scribendum fuisse virtutem veram, & imaginem Patris Verbum, simile quoque & immutabile per omnia æva Patri, invariabile ac semper, & in eo esse inseparabiliter, nunquam enim non fuit, sed semper fuit Verbum, cum absque tempore sit apud Patrem, veluti splendor lucis: illi qui adhærebant Eusebio ferebant quidem, non audentes contradicere ob pudorem, quia cepant ex his de quibus fuerant convicti: deprehensi tamen sunt rursus inter sese murrantes oculis innuere, quod illud, simile, & semper, ac vivens nomen, item illud in ipsa, prius essent nobis cum Filio communis, neque quicquam deesset quo minus ista nobis tribuerentur. Similitudinis quidem vocabulum, in nos quoque competere putabant, quod scriptum esset de nobis quoque, Imago Dei est homo & gloria Dei est. Similiter quod scriptum erat, semper, quia scriptum est, Semper enim nos qui vivimus. Jam illud, in ipso, Quoniam in ipsa vivimus, movemur, & sumus. Item quod dicebat, invariabile, quoniam scriptum est, Nihil nos separabit a caritate Christi. De virtute porro, quoniam & campestris virtus, magna quoque potentia. Freqüenter autem & de populo scriptum est: Exivit omnis virtus Domini ex terra Ægypti. Quia & aliae sunt virtutes cælestes. Dominus enim, inquit, virtutum nobiscum, suscepit noster Deus Jacob. Nam huiusmodi & Asterius cognominatus Sophista, ab istis edoctus scripsit, sed ante hunc Arius & ipse doctus eadem, ut supra dictum est. Cæterum Episcopi, cum hic quoque perspicere illorum simulationem, & iuxta id quod scriptum est,

est, in cordibus impiorum dolum esse fabricantium mala, compulsi sunt rursus & ipsi ex Scripturis colligere sententiam, quæque prius dixerant, hæc eadem denuo clarius & explanatius tum dicere, tum scribere: videlicet, *Filium ejusdem esse cum Patre substantia, ut non solum similem Filium, sed eundem similitudine ex Patre esse declararent, & aliam esse Filii similitudinem, & invertibilitatem demonstrarent*, diversam ab ea quæ in nobis est imitatione, quam nos ex virtute, ob præceptorum observationem accepimus. Nam corpora inter se similia, possunt aliquo pacto diduci, ac procul a sese divelli, velut hominum filii erga suos parentes, sicut scriptum est de Adam, & de hujus filio Seth, quod fuerit similis illi specie. Quoniam vero Filii ex Patre nativitas, ab hominum natura diversa est, non tantum similis, sed & inseparabilis est a Patris essentia, atque unum sunt, Filius & Pater, quemadmodum ait ipse. Porro semper in Patre est Verbum, & in Verbo Pater, eo quod Verbum est splendor lucis. Nam & hoc ipsa vox declarat. Eoque Synodus hoc intelligens, recte scripsit, *homusson*, hoc est, ejusdem essentia, quo simul & hæreticorum perversitatem subverterent, & ostenderent Verbum diversum esse a rebus conditis. Hoc enim cum scripsissent protinus adjecerunt, *Ceterum qui dicunt ex nihilo esse Dei filium, aut creaturam, aut vertibilem, aut facturam, aut ex alia substantia, hos anathematizat sancta & catholica Ecclesia*. Hæc autem loquuti, manifeste demonstrarunt, his vocibus *ex substantia, & ejusdem essentia*, tolli verba impietatis, qualia sunt, *creatura, factura, ageneton & vertibile, & non erat priusquam nasceretur*. Quisquis enim hoc dicit, contradicit Synodo. Cæterum qui non sentit cum Ario, necessario hæc Synodi decreta sentit, & intelligit, si recte ea perspexerit, quomodo se habeat splendor ad lucem, & qui ex eo veritatis imaginem accipit. Proinde si verborum novitatem & isti causantur, cogitent intentionem juxta quam Synodus ita scripsit, anathematizantes ea quæ anathematizavit Synodus, ac deinde si queant calumnientur voces. Certum scio istos, si perpenderit mentem Synodi, verba quoque mentis omnino comproburos esse. Quod si hanc quoque volent reprehendere, omnibus erit perspicuum, quod de illis etiam frustra loquantur, quodque tantum sibi comminiscantur impietatis prætextum. Harum igitur vocum occasio, fuit hæc.

Quod si rursus obmurmurent, se non destitui Scripturis, e vestigio quidem ipsi submoveantur tanquam inania loquentes, neque sanæ mentis homines, seipsos vero potius in his accusent, quod cum ipsi priores præbuerint hanc occasionem, ex non scriptis vocibus cum Deo pugnare coeperint. Attamen norit si quis est discendi cupidus, quod etiam si hæc dictiones non sint in Scripturis positæ, tamen ut ante dictum est, ex Scripturis habent intelligentiam, & hanc pronunciatæ significant iis qui aures habent ad pietatem integras & incorruptas. Tibi quidem licet hoc considerare, adversus illos autem indociles, aures occludendas esse, demonstratum est in superioribus, & hoc verum est, credendum esse, Verbum ex Patre esse, ac solum illius propriam esse progeniem. Nam unde alioqui quis intelligere queat esse Filium, qui est sapientia & Verbum, per quod facta sunt omnia, nisi ex ipso Deo? Tamen & hoc e Scripturis didicimus, videlicet Patre quidem per David loquente, *Eruistis cor meum verbum bonum*. Et, *ex utero ante luciferum genui te*. Filio vero de seipso pronunciante Judæis, *Si Deus pater vester esset, utique diligeretis me, Ego enim ex Patre prodii*. Ac rursus: *Non quod Patrem vidit quisquam, præter eum qui est a Patre, hic vidit Patrem*. Quin & illud, *ego & Pater unum sumus*, Et, *ego in Patre, & Pater in me*, tantundem pollet ac si dicas, *Ego ex Patre sum, & ab illo inseparabilis*. Quin & Joannes dicens, *unigenitus Filius qui est in sinu Patris, ille enarravit*: hæc a Patre edoctus loquutus est. Quid enim aliud significat, *in sinu Patris*, quam veram, & germanam Filii ex Patre nativitatem. Proinde si quis Deum arbitratur esse compositum, ut in hujus substantia sit aliquod accidens, aut extrinsecus amictum aliquem habeat quo tegatur, aut esse circa

A ipsum aliquæ, quæ substantiam illius compleant, ut nos cum dicimus Deum, aut cum nominamus Patrem, non eandem invisibilem illius & incomprehensibilem essentiam significemus, sed quid jam eorum quæ circa illum sunt, incusent quidem Synodum, quæ scripserit, *ex substantia Dei esse Filium*; Cæterum cogitent quod geminam committant blasphemiam ad istum modum sentientes. Nam & Deum corporeum quendam inducunt, & Dominum non ipsius Patris sed eorum quæ circa eum sunt, Filium mentiuntur. Quod si simplex quædam res est Pater, sicut est, videlicet cum dicimus Deum nominamusque Patrem, nihil quicquam tanquam circa illum sic nominamus, sed ipsam essentiam ejus significamus. Nam etiam si fieri non posset, ut, quidnam sit Dei essentia, comprehenderemus, tamen duntaxat cogitantes esse Deum, vel Scriptura per hæc eum significante, non alium quempiam & nos quam ipsum significare volentes dicimus Deum & Patrem & Dominum. Itaque cum dicit: *Ego sum qui sum*, Item illud: *Ego sum Dominus Deus*. Et ubicunque dicit Scriptura *Deus*, nos legentes nihil aliud quam ipsam incomprehensibilem ejus substantiam significari nobis intelligimus, quodque est is, de quo loquuntur. Itaque ne quis miretur ex substantia Dei esse filium Dei, quin potius recipiat Patres, qui perpurgarunt sensum, quique dilucidius velut ex consequenti illud *ex Deo* descripserunt, *ex substantia*. Existimarunt enim idem esse dicere *ex Deo*, ac si dicas, *ex substantia Dei esse verbum*, quandoquidem & Deus, sicuti prædixi, nihil aliud quam substantiam ejus qui est, significat. Ergo si non ex Deo est verbum, ut Filius sit natura germanus ex Patre, sed sicut creaturæ, eo quod conditæ sint, dicatur & ipse more reliquorum omnium esse ex Deo, neque ex substantia Patris est, neque ipse Filius juxta substantiam est Filius, sed ex virtute quemadmodum nos, qui juxta gratiam vocamur filii. Quod si ex Deo solus est tanquam verus germanusque Filius, sicuti revera est, recte utique dicitur ex substantia Dei Filius. Nam & exemplum de lumine ac splendore talem habet intellectum. Neque enim juxta eum modum quo ignis ex ardore Solis accenditur, qui & rursus extingui consuevit, dixerunt sancti esse verbum apud Deum. Hoc enim opus extrinsecus & creatura ejus qui fecit esset, sed splendorem ipsum prædicaverunt omnes, ut hæc voces, *ex essentia*, propriam & inseparabilem naturam, & cum Patre unitatem declararent. Hoc enim pacto fiet, ut simul illum tueamur vere esse immutabilem & invariabilem. Alioqui quomodo hoc esse possit, nisi ex Patris substantia propria esset progenies? Necesse est enim & in hoc **identitatem* cum suo Patre servare: sane cum pia ratio declararet hoc ita se habere, consequens erat istos ne nominis quidem *homusson* novitate offendi, qui Christo rebellant, cum hæc dictio sanam habeat intelligentiam ac demonstrationem. Etenim si dicimus *ex substantia esse Dei*, Verbum (jam enim hæc vox ab ipsis quoque recepta sit) quid tandem hoc fuerit, nisi veluti dicas veritatem æternitatemque substantiæ, ex qua etiam natus est. Neque enim est alterius formæ, ne quid novum ac dissimile substantiæ Patris admisceatur, neque extrinsecus, vulgari more similis, ne juxta aliud, aut omnino alterius substantiæ appareat. Quemadmodum æs resplendens & aurum & argentum & stannum, nam hæc peregrina diversique generis inter sese, discretæque natura potentiaque sunt; Neque æs proprium est auri, neque palumbis ex columba, sed similia quidem putantur esse, diversæ tamen inter se naturæ sunt. Itaque si Filius quoque eodem modo est, sic creatura quemadmodum & nos, & non ejusdem substantiæ. Quod si Filius est verbum, sapientia, imago Patris, splendor, consequenter ejusdem fuerit substantiæ. Nam si hæc vox, non ex Deo, sed velut organum alterius naturæ, diversæque substantiæ declaratur, recte videlicet Synodus scripsit recteque sensit. Cæterum tollatur rursus in his cogitatio corporalis, & omnem sensus imaginationem supergressi puro intellectu solaque mente cogitemus Filium apud Patrem germanum, ac verbi cum Patre proprietatem & inseparabilem similitudinem splendoris ad lucem. Quemadmodum enim hæc voces,

pro-

progenies & Filius, non humano more, sed sicut Deo dignum est, dicuntur & sunt: eodem modo cum audimus *homusson*, hoc est, ejusdem substantiæ, ne in humanos sensus delabentes, partitiones ac divisiones Divinitatis excogitemus, sed tanquam de incorporeis cogitantes unitatem naturæ & identidem lucis non separemus. Nam id proprium est Filii erga Patrem, & hoc demonstrat Deum vere patrem esse verbi. Rursus enim exemplum lucis ac splendoris in hoc necessarium est. Quis audebit dicere splendorem alienum ac dissimilem esse Soli? Aut quis potius sic intuens splendorem ad Solem atque identitatem lucis, non confidenter dixerit, vere lux & splendor idem sunt, & hoc per hoc exemplum demonstratur, & splendor in Sole est, ut qui intuetur hunc, videat & illum. Hujusmodi vero unitatem naturæque proprietatem quomodo qui credunt ac vident recte vocarent, nisi ejusdem substantiæ prolem? Dei vero prolem, quid quis proprie ac decenter cogitare possit, nisi verbum sapientiam & virtutem quam neque a Patre peregrinam dicere possumus, neque non semper esse apud Patrem vel imaginari fas est. Per hanc enim prolem omnia fecit Pater, & quæ fertur ad omnia providentiam, extendens, per eam exserit humanitatem erga genus humanum, & hoc modo unum ipse & Pater sunt, sicuti dictum est, nisi videlicet isti malæ mentis homines sumpta audacia rursus dixerint, aliam esse verbi substantiam, & aliam esse ex Patre in eo lucem, ut lumen quidem sit in Filio unum cum Patre, ipse vero sit alienus juxta substantiam, quasi creatura. Verum hæc *Caipha* & *Samosacensis* manifesta sententia est, quam Ecclesia quidem rejecit, isti vero nunc simulant, eo quod ipsi quoque a veritate prolapsi declarati sunt hæretici. Nam si omnino particeps est lucis a Patre proficiscentis, quare non magis ipse est id cuius est particeps, ne quid medium deprehendatur inter eum & Patrem. Nam si ita non est, non jam demonstratur per Filium condita esse omnia, sed per illud cuius etiam ipse particeps est. Sin vero hic est verbum & sapientia Patris, in quo Pater revelatur, cognoscitur & creat, & sine quo nihil facit Pater, nimirum ipse est id quod est ex Patre, quandoquidem hujus omnes res creatæ participes sunt quæ participes sunt sancti Spiritus. Hoc autem modo cum sit, non erit ex nihilo nec omnino creatura, sed potius ex Patre propria proles, velut ex luce splendor. Itaque qui in *Nicena* Synodo conveniant cum hanc haberent mentem, tales etiam dictiones scripserunt.

Cæterum quod non ex seipsis fingentes has commenti sunt, nam & hoc causantur, sed ex majoribus qui ipsos præcesserant traditas pronunciaverunt, age & hoc disceramus, ne vel hæc illis causatio relinquatur. Discite itaque, o *Christo* rebellantes *Ariani*, quod *Theognostus* vir eruditus non veritus est dicere, ex substantia. Nam scribens de Filio, in secundo subnotationum Libro ad hunc loquutus est modum, *Non res quæpiam extrinsecus adinventum, est Filius substantia, neque ex nihilo induta est, sed ex Patris substantia nata est quemadmodum a luce splendor, quemadmodum ab aqua vapor. Neque enim splendor, neque vapor est ipsa aqua, aut ipse Sol, neque res aliena, sed defluxus ex Patris substantia, ita ut Patris substantia non perpeffa sit partitionem. Nam quemadmodum Sol idem manens non minuitur radiis ab ipso effusis, ita non substantia Patris mutationem perpeffa est, cum habeat suam ipsius imaginem Filium. Theognostus igitur, cum priora velut inter exercendum examinasset, postea suam ipsius opinionem ponens hunc in modum locutus est. Dionysius autem qui fuit Episcopus *Alexandria* contra *Sabellium* scribens, & dispensationem Servatoris juxta carnem pluribus enarrans verbis, & ex hac coarguens *Sabellii* imitatores, quod Pater non est factus caro, sed hujus verbum quemadmodum dixit *Joannes*; Nam suspectus erat, quasi facturam creaturamque diceret Filium, nec ejusdem substantiæ cum Patre: scribit ad cognominem ipsi *Dionysium* Episcopum *Romanum*, respondens calumniam hanc esse adversus ipsum confictam. Neque enim dixisse facturam esse Filium, verum etiam ejusdem essentiae ipsum confiteri confirmabant. Sermo vero ipsius ad hunc habet modum: *Et alias litteras scripsi, in qui-**

*bus refelli & illud quod proferunt crimen adversum me, cum sit mendacium, quasi non dixerim Christum ejusdem esse essentia cum Deo: quanquam enim nomen hoc falsor non invenisse me usquam in sacris Scripturis, tamen argumentationes mea quæ sequuntur, quas isti retinuerunt, non abhorrent ab hac sententia. Nam humanam generationem conferebam, videlicet tanquam qua esset ejusdem generis, falsus omnino parentes solum alios esse a liberis, eo quod non essent iidem qui liberi, aut neque parentes esse necessarium esse, neque liberos: atque ipsam quidem Epistolam, ut pradicabam, propter circumstantias non possum præmittere. Quod si ipsa tibi qua tunc dicebam verba, vel potius omnibus misissem exemplar quidquid mea facultatis erit faciam. Cæterum scio meminisse plures addidisse verum cognatarum similitudines. Nam & plantam dicebam e semine aut eradicatam, diversam esse ab eo unde pullulasset, & omnino cum illo consistit eandem habens naturam, ac fluvium dicebam a fonte profluentem diversum nomen sortitum esse, neque enim fontem appellari fluvium, neque fluvium dici fontem & utrumque esse, & fluvium esse ex fonte profectam aquam. Cæterum scripsi quod non est factum neque creatum, Dei verbum, sed propria Patris substantia proles inseparabilis, quemadmodum scripsi magna Synodus. Ecce *Romanus* Episcopus *Dionysius* scribens adversus eos qui cum *Sabellio* sentiunt, vociferatur adversus eos, qui hæc audent dicere, loquiturque hunc in modum. Post hæc autem merito dicturus sum adversus eos qui dividunt ac dissecant ac subvertunt sanctissimam Ecclesiam Dei predicationem, Monarchiam in tres quasdam virtutes ac separatas hypostasies, ac Deitates tres. Audivi enim esse quosdam apud vos ex his qui tradunt ac docent divinum verbum, hujus interpretes sententia, qui ex diametra, ut ita loquar, adversantur Sabellianæ opinioni. Nam hic quidam blasphemiam pronuntians, ait ipsam Filium esse Patrem & contra: illi vero tres Deos quodam modo predicant, in tres hypostasies peregrinas inter sese modis omnibus separatas, distrahentes sanctam unitatem. Necessè est enim ut unitum sit divinum verbum. Cæterum Spiritum sanctum oportet manere in Deo & in eo versari. Jam & divinam Trinitatem in unum velut fastigium quoddam, Deum universorum omnipotentem qui dicit, in summam colligere congregareque maxime necessarium est. Nam Marcionis delirantis doctrina in tres principatus Monarchia sectionem divisionemque induxit, cum documentum sit Diabolicum, neque eorum qui vero sunt Christi discipuli, & eorum quibus placet Servatoris doctrina. Isti enim Trinitatem qua predicatur a sacra Scriptura, manifeste sciunt. Tres vero Deos, neque vetus, neque novum Testamentum pradicat. Nihilominus aliquis vituperet, & illos qui Filium facturam esse opinantur, ac factum fuisse Dominum velut unum e cæteris qua vere facta sunt, existimant, cum divina Scriptura suo testimonio generationem illi congruam ac decentem, non fictionem ullam aut condituram attribuant. Itaque non vulgaris est hæc blasphemiam, sed omnium maxima, dicere, Dominum quodammodo manu factum. Nam si factus est Filius, aliquando non erat: Sed semper fuit. Quod si in Patre est, quemadmodum ipse ait, & si verbum ac sapientia & virtus est Christus, (Nam hæc esse Christum divina loquuntur Scriptura, quemadmodum scitis: Hæc autem virtutes Dei sunt.) Ergo si factus est Filius, erat cum hæc non essent, erat videlicet tempus cum absque his esset Deus, hoc vero absurdissimum est. Et quid amplius de his ad vos disputem, ad viros Spiritu afflatos, planeque sciens absurditates emergentes, ex hoc si quis dicat Filium creaturam, quas mihi non videntur animadvertisse qui hujus opinionis magistri fuerunt, ac propterea vehementer a vero aberrasse, secus quam vult hæc divina propheticaque Scriptura: Dominus creavit me initium viarum suarum. Excipientes, Neque enim una est hujus verbi interpretatio, sicut scitis, significatio. Nam hic interpretatio intelligendum pro eo quod est præfecit his quæ ab ipso facta fuerant operibus, facta autem fuerant ab ipso Filio; Nequaquam vero interpretatio nunc dici potest, pro eo quod est fecit; Differt enim a facere verbum creavit. Non est idem, hic tuus pater interpretatio, id est, possedit, sive paravit te, & involvit te, id est, fecit te, & interpretatio, id est, condidit te. In magno Deuteronomio ait Moyses: Ad quos etiam aliquis dixerit,*

rit, O in periculum præcipientes homines. *Factura ne est primogenitus omnis creatura, qui ex utero ante luciferum genitus est, qui dixit tanquam sapientia, Ante omnes fontes generat me. Et frequenter in litteris sacris natum non factum Filium dici invenerit aliquis, quibus palam redarguuntur mendacia de Domini generatione opinantes, qui facturam audent dicere ipsius divinam & ineffabilem generationem. Neque igitur partiri oportet in tres Deitatis admirandam ac divinam unitatem, neque per facturam prohibere dignitatem præminentemque magnitudinem Domini, sed credere in Deum patrem omnipotentem & in Christum Jesum Filium ejus & Spiritum sanctum. Unitum autem fuisse Deo universorum ipsum verbum. Ego enim, inquit, & Pater unum sumus, Et, ego in Patre, & Pater in me. Sic enim & divina Trinitas, & sancta prædicatio Monarchia conservabitur.* Cæterum de hoc, quod Verbum semper est cum Patre, nec est alterius essentiae sive substantiae, sed ipsum Patris est proprium, quemadmodum dixerunt qui erant in Synodo congregati, liceat vobis denuo recitare, & ex diligentissimo Origene. Nam quæ veluti quærens & ingenium exercens scripsit, hæc non tanquam ipsius ita sentientis sint, accipiat quisquam, verum hæc eorum esse qui pertinaciter contendunt, sed quod inter quærendum audacter definiens pronunciat, hujus diligentissimi viri sententia est. Post illa igitur quæ velut exercendo dixerat adversus hæreticos, protinus ipse subjicit sua, loquens hunc in modum: *Si est imago Dei qui videri non potest, erit & ipse invisibilis, ego vero sumpta audacia addiderim, quod etiam similitudo Patris cum sit, nunquam non fuit. Quando enim Deus, qui secundum Joannem lux dicitur, Deus enim lumen est, splendorem non habuit propria gloria, ut aliquis sumpta audacia tribuat Filio, quod esse cepisset cum prius non esset. Quando autem illa ineffabilis & inominabilis & incomprehensibilis paternæ substantiæ imago, illa figura, illud verbum, ille qui novit Patrem, non erat? Cogitet enim qui hoc audent dicitque, aliquando non fuit Filius, quod idem dicit, & sapientia aliquando non erat, & verbum non erat & vita non erat. Et rursus in aliis locis ad hunc loquitur modum: Verum fas non est neque periculo vacat, propter imbecillitatem nostram, privare quod quidem in nobis est, Deum eo, qui semper cum ipso est, unigenito, cum sit sapientia, cui Pater adgaudebat. Nam ad hunc modum intelligitur, ne semper quidem gavisus fuisse.*

Ecce nos quidem ex Patribus ad Patres per manus traditam fuisse hanc sententiam demonstravimus. Vos autem, ô novi Judæi & Cajapha discipuli, quos tandem nominum vestrorum potestis ostendere progenitores? Sed neminem prudentium ac sapientium dicere poteritis: Omnes enim vos averfantur, præter unum Diabolum. Siquidem hic solus vobis istius defectionis pater fuit, qui & initio in vos superfeminavit istam impietatem, & nunc persuasit vobis ut convitiis incessatis universalem Synodum, quod non vestra, sed hæc scripserint, quæ hi qui ab initio ipsi viderunt & ministri fuerunt verbi, tradiderunt. Quam enim Synodus scripto confessæ est fidem, hæc est universalis Ecclesiæ, hanc defendentes beati Patres, sic scripserunt & condemnarunt Arianam hæresim, quam ob causam maxime traducere Synodum conantur. Non enim dictiones illos cruciant, sed quod per illas declarati sint hæretici cæteris hæresibus audaciores, videlicet cum ipsorum dictiunculæ demonstratæ tunc fuerint improbæ, quanquam semper erant confutatu faciles, quippe cum essent impiorum. Jam mutuo sumplerunt a Gentibus dictionem ἀγέννητον, ut & hujus prætextu nominis inter res conditas rursus & inter creaturas connumerarent Dei Verbum, per quod hæc omnia γέννηται facta sunt, usque adeo sunt ad impietatem imprudentes, & ad blasphemias afficiendum Deum pertinaces. Itaque si ignorantes nomen, sic impudenter agerent, oportebat eos discere ab his qui hoc illis tradidissent, quod & mens quam dicunt ex bono, & ex mente anima, tamen si scirent ex quibus sint, tamen non metuerunt & hæc dicere ἀγέννητα, scientes quod cum hoc dicunt, non diminuant illud primum ex quo & hæc nata sunt: aut oportebat ipsos quoque ad hunc loqui modum, aut omnino non loqui de iis quæ nesciunt. Quod si putant se scire, necesse est, ut ipsos interrogemus, maxime cum non sit

A ex divinis Scripturis dictio, sed rursus sine Scripturis garrientes contendunt. Nam ego quidem causam ac mentem juxta quam Synodus hoc verbum, *ex substantia*, & hoc verbum, *homousion*, concorditer cum his quæ ex sacris Scripturis de Servatore dicta sunt, & quotquot ante Synodum majores, has voces prodiderunt scriptoque reliquerunt, enarravi. Ipsi quoque, si quidem possunt respondeant, quomodo nacti sint hanc dictionem, quæ scripta non est, aut qua mente Deum ἀγέννητον dicunt, nam nomen hoc audiavi diversa significare. Ajunt enim dici, ἀγέννητον, quod nondum quidem factum est, cæterum fieri potest, ac rursus, quod neque est neque possit esse. Est & tertium illius significatum, quod est quidem, sed nec conditum, nec originem fortitum in hoc ut esset, sed sempiternum est & incorruptibile. Fortassis igitur primas duas significationes præterire volent propter absurditatem, quæ illic inest. Nam juxta primam significationem erunt, & quæ jam facta sunt, & quæ expectantur ut fiant, ἀγέννητα. Nam alterum illud plus etiam quam hoc habet absurditatis. Ad tertiam igitur significationem jam accedunt, juxta illam appellantes aliquid ἀγέννητον. Verum & hoc dicentes nihilominus sunt impii. Nam si quod non habuit principium, ut esse inciperet, neque conditum est, neque creatum, sed sempiternum est, hoc dicunt ἀγέννητον, sed huic contrarium esse Dei verbum, quis non perspicit versutiam Deo repugnantium? Quis non illos sic insanientes lapidibus obruat? Nam cum erubescant jam proferre prima illa fabularum suarum verba, de quibus condemnati fuerant, alio modo rursus eadem significare commenti sunt miseri, per hoc nomen ut ipsi dicunt, ἀγέννητον. Quod si Filius est de numero rerum conditarum, nimirum ex nihilo & ipse factus est, & si coepit esse, videlicet non erat antequam nasceretur, & si non est æternus aliquando non erat. Oportebat igitur hæc cum rursus ita sentirent, iisdem ac propriis verbis significare suam opinionem a nostra diversam, nec dictione scilicet ἀγέννητον tegere mentis suæ malitiam. Verum hoc non faciunt improbi, sed omnia juxta patrem suum Diabolum cum versutia faciunt. Quemadmodum enim ille cum alienis indumentis occurrere conatur, sic isti commenti sunt nomen ἀγέννητον, ut simulantes sese laudare Deum, occultam inferant adversus Dominum blasphemiam, ac sub involucro eam aliis significant verbis. Verum cum hoc quoque sophisma ipsis deprehensum sit, quid jam iis præterea reliquum sit, dicant. Invenimus inquit scelesti, & prioribus addentes ajunt, ingenitum hoc esse, quod non habet auctorem ut sit, sed quod ipsis creatis ipsum est auctor, in hoc ut fiant. Ingrati vereque Scripturarum imperiti, qui non propter honorem erga Deum, sed propter ignominiam in Filium omnia tum faciunt tum dicunt, haud intelligentes quod qui Filium afficit ignominia, ignominia afficit & Patrem. Nam primum quidem, etiam si sic Deum nominent, non tamen demonstratur Verbum esse de numero rerum conditarum. Cum enim sit æqua progenies essentiae paternæ, hoc pacto & illi semper adest. Neque enim nomen hoc tollit Verbi naturam, neque rursus hæc vox ἀγέννητον ad Filium relata habet quod significat, sed adea quæ per Filium facta sunt. Et quemadmodum qui architectum pronunciat ac dicit structorem domus aut civitatis, non annumerat huic nomini filium qui ex eo natus est, sed artem potius ac scientiam erga opera, significans non esse ipsum talem qualia sunt quæ ab eo facta sunt, Fabrum enim vocat, cæterum naturam ejus qui fecit sciens, novit eum diversum esse ab his quæ ab ipso progenita sunt, ac propter filium quidem patrem illum vocat, propter opera vero conditorem & opificem: Simili modo qui Deum sic dicit ἀγενετον, ex operibus eum nominat, significans illum non solum non esse factum, sed etiam rerum conditarum opificem esse. Novit sane Verbum diversum esse a creatis, ac solum esse propriam Patris prolem, per quam & omnia facta sunt & consistunt. Etenim cum omnipotentem Deum Prophetæ dicunt, non eo, quod Verbum sit unum e numero omnium, sic illum appellant: noverunt enim Filium diversum esse a creatis, ipsumque etiam omnium habere potestatem juxta Patris similitudinem, sed quod omnium

omnium quæ per Filium fecit, ipse dominium habeat & auctoritatem, horumque potestatem Filio tradiderit, nihilo tamen secius ipse omnium per Verbum domine-
 tur. Rursus cum Dominum virtutum appellant Deum, non eo quod Verbum sit unum de numero virtutum hoc dicunt, sed quod Filii quidem Pater est, cæterum earum virtutum quæ per Filium factæ sunt Dominus est. Etenim & ipsum Verbum cum sit in Patre, omnium æque horum Dominus est & in omnia tenet imperium, *Omnia enim quaecunque habet Pater, Filii sunt.* Quemadmodum igitur hoc talem habet sensum, ita qui volet dicere Deum *αἰώνιον*, dicat quidem si semel ita ipsi visum fuerit, ne tamen ob id verbum sit de numero creatorum, sed quod, quemadmodum ante dixi, non solum Deus non est conditus, sed & conditorum opifex est per suum verbum. Etenim cum Pater ad hunc modum appelletur, nihilo secius Patris imago est verbum & ejusdem cum Patre substantiæ, imago vero cum sit illius, diversus erit ab omnibus creabilibus, & a nomine cæterorum omnium. Cujus enim est imago, cum hoc & proprietatem habet, & eandem essentiam: ut is qui dicit Patrem increabilem & omnipotentem, sub nomine increabilis & omnipotentis intelligat & hujus verbum ac sapientiam, qui est Filius. At isti mirabiles & ad impietatem faciles, non ob id quod de Patris honore solliciti sint, commenti sunt hoc nomen *ageneti*, sed ut de Filio male sentirent. Nam si honoraculus eorum illis curæ fuisset, oportuit eos potius, id quod melius erat, Patrem & scire & profiteri Deum, quam isto pacto nominare. Siquidem illi cum ajunt, Deum *ageneton*, ex his quæ facta sunt, sicut ante dixi, duntaxat esse creatorem profitentur, videlicet ut & verbum pro sua libidine significarent esse creaturam. Cæterum qui Deum Patrem dicit, protinus in illo significat & Filium, nec is ignorabit, quod cum sit Filius, per Filium quæ facta sunt creata sunt omnia. Itaque potius ac verius fuisset, Deum ex Filio significare, Patremque dicere, quam ex solis operibus addito nomine dicere eum *ageneton*. Nam hoc quidem nomen significat, opera ex voluntate Dei, per verbum facta. Cæterum Patris nomen propriam ex ipsius essentia prolem declarat. Quantum autem verbum a creatis differt, tantum, imo plus interest, utrum dicas Patrem, an *ageneton*. Nam hoc quidem in Scripturis non est, ac suspectum est variam habens significationem: Illud autem & simplex est & in Scripturis exstat, denique verius est, nec aliud significat quam Filium. Atque hæc sane vox *ageneton* ab Ethnicis inventa est, qui non noverant Filium. Cæterum Patris vocabulum a Domino nostro agnatum est ac donatum. Siquidem ipse sciens cujus esset Filius, dicebat: *Ego in Patre & Pater in me.* Et, *qui vidit me, vidit Patrem.* Et, *ego & Pater unum sumus*, nec ullo modo deprehenditur ipse Patrem vocare *ageneton*. Quin ubi nos docet orare, non dixit: *Cum autem oratis dicite, Deus αἰώνιος*, sed sic potius, *cum oratis dicite: Pater noster qui es in cælis.* Quin & fidei nostræ caput huc conferri voluit. Jussit enim nos baptizari non in

A nomine *ageneti* & *geneti*, neque in nomine *αἰώνιος καὶ κτίσματος*, id est, *increabilis & creatura*, sed in nomine *Patris & Filii & Spiritus sancti*. Etenim dum sic initiamur, reddimur & nos vere filii. Præterea cum Patris nomen dicimus, agnoscimus ex hoc nomine etiam verbum quod est in Patre. Quod si suum proprium patrem, vult & nostrum patrem dicere, non convenit ut ideo nos ipsos comparemus Filio juxta naturam. Nam & hoc propter eum dicitur a nobis. Quoniam enim nostrum corpus gestavit verbum & factum est in nobis, consequenter propter verbum quod in nobis est, etiam noster pater dicitur Deus. Spiritus enim verbi qui est in nobis, per nos Deum, ut illius patrem, ita nostrum quoque vocat. Hæc est Apostoli mens qui dicit: *Emisit Deus Spiritum Filii sui in corda nostra, clamantem, Abba Pater.*

B At fortassis & per hoc ipsum nomen *ageneti* confutati, ut sunt perversis moribus, tentabunt & ipsi dicere: Oportebat & de Domino nostro *Jesu Christo* ex Scripturis ea loqui quæ de ipso scripta sunt, nec voces inducere nusquam scriptas. Certe oportuit, fateor & ipse, quod ex Scripturis exactior est quam ex cæteris veritatis probatio, verum improbitas, & cum versutia conjuncta, recidua *Eusebianorum* impietas, compulit, ut ante dictum est, Episcopos apertius proferre voces, quibus illorum impietas subverteretur. Et quæ scripta sunt a Synodo ea demonstratum est rectam habere sententiam. C
 Contra *Arianorum* verbula absurda, & mores pravi declarati sunt. Siquidem *ageneti* vocabulum, quod habet propriam significationem, poteratque pie proferri, ipsi rursus juxta suam mentem, utcumque libitum fuit, nominant in contumeliam Servatoris, tantum ut in morem Gigantum pertinaciter bellum gerant adversus Deum. Verum ne tum quidem cum illa proferrent verbula, manebant indemnati, neque fallere potuerunt, quod verbum *ageneton*, quod recte pieque nominari poterat, ab ipsis tamen perperam intelligeretur. Pudefacti sunt enim in omnibus, & illorum hæresis undiquaque traducta est. Hæc quidem ut potui reminisci eorum quæ in Synodo tunc peracta sunt, declaravi. Cæterum novi, quod qui inter *Christo* rebellantes contentiones sunt amantes, nequaquam his auditis volent immutari, sed magis circumcursabunt, rursus alias quærentes causationes, ac post illas rursus alias comminiscuntur. Nam juxta dictum illud Propheticum, *Simulabis Æthiops pellem suam, & pardalis maculas suas*, volent & ipsi pie sentire, dediscere impietatem. Tu vero, charissime, librum hunc ubi acceperis, versare in eo solus, & si probaveris recte habere, tum lege & his qui præsentibus sunt fratribus, ut ipsi quoque super his edocti, & probent in Synodo veritatis studium ac sententiæ certitudinem, & damnent *Christo* rebelles *Arianos*, cum suis inanibus causationibus, quas ob impiam ipsorum hæresim inter sese fingere student; Quoniam Deum ac Patrem decet gloria, honor & adoratio, cum ipsius initium non habente Filio, ac verbo, una cum sancto & vivificatore Spiritu, nunc & in æterna secula seculorum, Amen.

ATHANASII APOLOGETICUS

ADVERSUS EOS QUI CALUMNIABANTUR

QUOD IN PERSECUTIONE FUGISSET.

AUDIO Leontium, qui nunc est Antiochia, & Narcissum qui est e Civitate Neronis, ac Georgium qui nunc est Laodicea, aliosque cum his *Arianos* multa de me spargere, multisque convitiis meum nomen incessere, crimen timiditatis impingentes mihi, quod, dum ab ipsis quærerer ad necem, non me ipsis ultro dedititum atque expositum obtulerim. Igitur ad convitia quidem illorum & calumnias, tamen multa sunt, quæ possum scribere, quæ ne ipsi quidem possunt inficari; eo quod nota sint omnibus, qui de illis audiunt, tamen haud obsequar dolori meo, ut quicquam vicissim dicam adversus illos, nisi tantum il-

F lud Domini verbum, & Apostoli dictum, videlicet, quod *mendacium ex Diabolo est*, quodque *maledici regnum Dei non possidebunt*. Satis enim est, hinc demonstratum esse, nihil illos juxta doctrinam Evangelicam neque cogitare, neque facere, sed juxta suam libidinem, existimantes esse rectum, quicquid ipsis visum est. Cæterum quando prætexunt timiditatis crimen, necesse est paucis hac de re scribere. Hinc enim declarabuntur, & perversis esse moribus, neque in divinis litteris fuisse versati, aut si in his versati sunt, non credere quæ illic habentur eloquia, ex afflatu Spiritus esse profecta. Nam si crederent, haudquaquam adversus earum doctrinam ista fuissent au-
 Tom. VIII. Z si,

si, neque *Judaorum*, qui Dominum occiderunt, malitiam fuissent æmulati. Etenim cum Deus præceptum dederit, *Honora patrem tuum & matrem tuam*, & qui *maledixit patri & matri, morte moriatur*, isti contrariam legem statuerunt, honorem vertentes in ignominiam, & hoc pecuniæ quod parentibus debebatur a filiis, in diversum usum mutant. Quin etiam cum legissent facta *David*, his contraria moliebantur & accusabant infantes qui vellebant spicas, confricabantque die Sabbati. Cæterum non sollicitabat illos cura, neque Legum neque Sabbati, imo potius in hoc die Legem violabant, sed quum essent pravis moribus, ac discipulis qui salvis fiebant inviderent, nihil pensi habebant, modo quod animo cupiebant obtinerent. Atque illiquidem habent iustitiæ suæ præmia, privati sacris, jamque nihil aliud quam principes *Sodomorum*, & populus *Gomorra* vocantur. Cæterum isti nihilominus videntur esse tales quam illi, cum jam habeant pro supplicio, propriæ stultitiæ ignorantiam. Neque enim intelligunt quæ dicunt, quin etiam credunt se scire quæ nesciunt, sed una est in illis scientia, ut faciant malum, utque quotidie prioribus adinveniant pejora. Neque enim ideo fugam nostram calumniantur, quod cupiant nos virtute fortes reddi. Nam unde tale votum inimicis pro his qui non concurrunt, sentientes cum ipsis qui male sentiunt: verum cum ipsi vere sint improbi, ubi videlicet opus fuerit illorum convitiis, offeremus nos ipsos illis, quando id cupiunt, & hac gratia circumcursant per omnia, ac simulant quidem quasi amici, scrutantur autem ut hostes, quo sanguine saturati, nos quoque tollant e medio, quod adversus ipsorum impietatem & sensimus semper & sentimus, ac hæresim illorum redarguentes traducimus. Quem enim unquam persecuti sunt, ut comprehensum non pro sua libidine contumeliis affecerint? Quem quaesitum ac repertum, non eodem tractarunt modo? ut aut male moreretur, aut undique noxam acceperit? Etenim quæ iudices videntur facere, horum impulsu secreto fiunt, & illi magis horum voluntatis ac malitiæ ministri sunt quam iudices. Quis igitur locus non habet istorum malitiæ monumentum? in quem ab ipsis dissentientem non conspirarunt fictis causationibus, juxta exemplum *Jezabel*? Quæ nunc non lamentatur Ecclesia, propter istorum adversus Episcopos earum insidias? *Antiochia* quidem propter *Eustathium* confessorem & orthodoxum; *Balanea* vero propter *Euphrasionem*, virum in primis suspiciendum. Rursum *Paltus* & *Amardus* ob *Cymatium* & *Carterium*. Item *Adrianopolis* propter *Eutropium*, Christi amatorem, & post hunc ob *Lucium*, qui crebro ab ipsis & catenas gestare compulsus est, itaque mortuus est. Rursum *Ancyra* propter *Marcellum*, *Berrhaa* vero ob *Cyrum*, & *Gaza* propter *Asclepan*. Nam hos quidem sæpius antea contumeliis affectos curarunt ejiciendos in exilium, subdoli. *Theodulum* vero & *Olympium* *Thracia* Episcopos, nos item & Presbyteros nostros, ita curarunt inquirendos, ut si fuissetis reperti capite plecteremur, ac sic fortasse mortui fuissetis, ni præter eorum sententiam tum quoque fugissetis. Hujusmodi sunt enim partim adversum *Olympium* ad Proconsulem *Donatum*, partim adversum nos ad *Philagrium* datæ litteræ. Nam *Constantinopolitanum* Episcopum *Paulum* persecuti, cum invenissent, propalam præfocandum curarunt, in civitate *Cappadocia*, quæ dicitur *Cucusus*, nacti ad id carnificem *Philippum*, qui factus erat Præses Provinciæ. Erat enim præfectus Sectæ illorum, malorumque consiliorum minister.

Num igitur ob hæc tam multa saturati sunt, ac deinceps quieverunt? Nequaquam, neque enim cessarunt, sed in morem sanguisugæ, de qua est in proverbiiis, revigescabant potius affixi malis adversus magnas parocias. Nam qualia tum fecerint, quis ut dignum est enarret? Quis tantum possit memorare, quantum illi fecerunt? Etenim cum nuper pacem haberent Ecclesiæ, ac populi in Synaxibus precarentur, Episcopus *Romana* urbis *Liberius*, ac *Paulinus* Episcopus Metropolitani *Galliarum*, ac *Dionysius* Metropolitani *Italia*, & *Lucifer* Metropolitani *Insularum Sardinia*, & *Eusebius* qui erat

A ab *Italia*, omnes boni Episcopi, veritatisque præcones, rapiuntur, & e sedibus suis ejiciuntur, idque nulla de causa, nisi quod non consensissent hæresi *Ariana*, neque subscripsissent calumniis & sycophantiis, quas adversum nos sinxerant. Nam de magno illo, optimæque senectutis viro & confessore vere *Hosio*, supervacaneum est me loqui. Fortassis enim notum est omnibus, quod hunc quoque curarunt ejiciendum. Neque enim erat obscurus, sed omnium maxime celebris erat ille senex. Cui enim Synodo non præfuerat? Sed cum recte diceret, non persuasit omnibus. Quæ Ecclesia non habet hujus viri sollicitudinis pulcherrima documenta? Quis unquam moestus ad illum venit, quin gaudens discesserit? Quis egens postulavit ab eo, ut discesserit non affecutus quæ volebat? Attamen adversus hunc quoque sunt ausi, eo quod ipse quoque cum nosset, quas ob impietatem ipsorum struerent calumnias, non subscripsit illorum adversum nos insidiis. Quanquam propter multas quas supra modum illi plagas inflixerant, & conspirationes adversus cognatos illius, cessit illis ad tempus, utpote senex, & imbecillo corpore: tamen horum improbitas ex his declaratur, qui undique studerent demonstrare, sese non esse vere Christianos. Nam illinc rursus in *Alexandriam* irruperunt, iterum quærentes nos occidere. Et facta sunt quæ tum fiebant, pejora prioribus. Milites enim protinus cinxerunt Ecclesiam, ac loco precationis, facta sunt ea quæ solent in bellis. Mox ubi venisset in Quadragesima is qui ab ipsis missus fuerat ex *Cappadocia*, *Georgius*, auxit quæ ab ipsis didicerat mala. Siquidem post septem a Paschate dies, virgines in carcerem conjiciebantur, Episcopi ducebantur a militibus vincti, orphanorum ac viduarum diripiebantur & domus & panes. Insultus in ædes facti sunt, ac noctu Christiani deportabantur, obsignabantur domus, & clericorum fratres pro fratribus periclitabantur. Et hæc quidem atrocitas, cæterum post hæc ausi sunt atrociora facinora. Siquidem hebdomade post sanctam Pentecosten, populus jejuniis peracto egressus est ad * cœmeterium, orandi gratia, eo quod omnes abhorrent a *Georgii* communionem: verum id simul atque cognovit ipse, concitat militum Tribunum *Sebastianum*, qui erat *Martichaus*: moxque ipse cum multitudine militum arma, gladios nudatos & arcus & jacula ferentium, impetum fecit in ipso die Dominico adversus populum: cumque paucos invenisset precantes, jam enim plerique, quoniam erat serum diei tempus, recesserant, talia fecit qualia decebat eum qui ab illis mandata acceperat facere. Siquidem incenso rogo, collocavit virgines juxta ignem, compulsiue eas dicere, quod essent *Ariana* fidei. Verum ubi videret eas victrices esse contempto incendio, nudavit eas, mox ita concidit illarum facies, ut post aliquantum temporis vix potuerint agnosci, cæterum viros apprehensos quadraginta magis etiam novo modo concidit. Nam virgis recens a palmis resectis, adhuc cuspides acuminum in sese habentibus, sic excoriavit illorum terga, ut nonnullis frequenter fuerit adhibendus chirurgus, ob virgarum cuspides ipsis infixos, nonnulli vero non ferentes cruciatum emorerentur. Omnes igitur qui semel comprehensi una cum virgine, expulerunt in magnam *Oasin*. Corpora vero defunctorum ne cognatis quidem omnino reddenda curarunt, sed occultarunt ut ipsis collibuit, abjicientes inhumata, eo quod videatur illos latere, quanta sit ista crudelitas, sed faciunt hoc mentis errore vesani. Nam defunctorum amicis, gaudentibus quidem quod in professione persistissent, lamentantibus vero propter insepulta corpora, clarior personuit adversus eos impietatis & crudelitatis redargutio. Nam & mox ex *Egypti* *Libyæ*que partibus expulerunt Episcopos, *Ammonium*, *Majum*, *Cajum*, *Philonem*, *Hermen*, *Plonium*, *Psenosirim*, *Pelammonem*, *Agathum*, *Anagaphum*, *Marcum*, *Ammonium*, alterum *Marcum*, *Dracontium*, *Adelphium*, *Athenodorum*: adhuc Presbyteros, *Hieracem* & *Diofcorum*, tantaque cum acerbitate traxerunt illos, ut quidam illorum in itinere, nonnulli in exilio defuncti sint. Egerunt autem in exilium Episcopos, plures triginta. Erat enim illis studio secundum exemplum *Achab*, e medio tollere veritatem.

Vide

Vide hanc impiorum audaciam. Cum enim hæc facerent, ne puderet malorum quæ prius adversum nos moliti fuerant, insuper nunc etiam accusant eos quibus datum est effugere parricidas istorum manus. Imo graviter deplorant, quod non omnes prorsus sustulerint e medio. Et post hæc fide nobis opprobrant timiditatem, haud intelligentes, quod dum de hoc quoque murmurant, in seipsos potius crimen accerunt. Etenim si malum est fugere, multo pejus est persequi. Alter ne perimatur, occultat sese, alter vero persequitur volens occidere. Ac de fugiendo quidem scriptum est. Qui vero querit interficere, transgreditur legem, & ipse potius fugæ præbet occasionem. Proinde qui fugam exprobrant, magis pudefaciunt seipsos qui persequuntur. Desinant enim insidiari, & mox alii desinent fugere. Verum a sua malitia non cessant, sed ut comprehendant nihil non faciunt, non intelligentes quod eorum, quos urget persecutio, fuga, magna persequentium est redargutio. Nullus enim fugit mansuetum & humanum, sed eum potius qui ferus est, ac pravis moribus. Velut omnis dolori obnoxius aut obætatus a *Saul* quidem profugiebat, ad *David* autem confugiebat. Propter hoc etiam illos conantur occidere, qui eos occultant, ne coargui videatur posse ipsorum malitia; Verum in hoc quoque cæcutire videntur isti qui semper errant. Nam quo manifestior est fuga, hoc magis etiam fiet manifesta mors aut exilium, quod per insidias moliuntur. Etenim si occiderint etiam, ubique locorum iniustitiæ suæ monumenta adversum sese emittunt. Quod si essent sana mente, viderent in his sese constringi, & in suas ipsorum cogitationes impingere. Cæterum quoniam sanam mentem amiserunt, ideo dum persequuntur, ejiciuntur, & dum student interficere non vident suam ipsorum impietatem. Forsitan & providentiam ipsam audent incusare. Nihil est quod non audeant, nihil est in quo sibi non indulgent, quod ipsum tamen ex Servatoris voce perspicuum est, ne passerulum quidem absque Patre nostro qui est in cœlis, incidere posse in laqueum. Nam etiam ubi comprehendunt perversæ mentis homines, protinus obliviscuntur aliorum, sed in primis sui ipsorum, soloque fastu adducentes supercilia, neque norunt tempus, neque dum homines afficiunt injuria, reverentur ipsam naturam, sed more *Babylonis* tyranni crudelius imminet, nec ullos commiseratur. Quin & presbyterorum jugum adgravant, & super dolorem vulnerum, ut scriptum est, addunt inclementes. Proinde si hæc non fecissent, nisi eos, qui pro nobis adversus ipsorum calumniam loquebantur, in exilium ejecissent, viderentur nonnullis probabilia dicere. Cæterum quoniam & aliis tantis ac talibus Episcopis struxerunt insidias, nec magno illi confessori *Hosio*, nec urbis *Roma* Episcopo, nec tam multis ab *Hispaniis* & *Galliis*, & ab *Egypto* & *Libya*, aliisque mundi partibus Episcopis percerunt, tamque multa fecerunt, qui prorsus ipsos redarguerant nostram tuentes causam, quomodo non nobis ante alios insidias struxerunt, & post illos. Concupiscunt autem illos & illic tollere, & hoc vigilant, putantque selædi, si viderint illos incolumes, quos volebant vivere. Quis igitur non perspicit illorum malitiam? Cui hoc non est manifestum, quod haud quam virtutis studio exprobrant timiditatem, sed sanguinem sitientes, retium vice suis malis artibus utuntur, putantes his comprehendi posse, quoscunque querunt interficere. Tales enim istos esse, declararunt ipsorum facta, ac mores eorum prodiderunt, feris immaniores, *Babylonis* tyrannis crudeliores.

Quamquam autem ex his abunde convincitur ipsorum malitia, attamen quoniam exemplo patris sui *Diaboli*, simplicibus verbis assumunt sibi figuram, ut timiditatis crimen objiciant, ipsi leporibus timidiore; Age consideremus & illa, quæ in Scripturis divinis adversus ejusmodi scripta sunt; Declarabitur enim quod nihilominus adversus has quoque pugnant, quodque præterea sanctorum virtutes calumniantur. Etenim si convitiis insectantur eos qui semet occultant ab his a quibus ad cædem queruntur, & criminantur eos qui fugiunt a persequentibus, quid facient videntes *Jacob* profugientem ab

A *Esau* fratre suo, quid cum *Mosen* videant secedentem in *Madian*, metu *Pharaonis*. Porro qui talia nugantur, quid respondebunt *David* metu *Saulis* profugienti e suis ædibus, cum illuc misisset a quibus interficeretur: rursus cum ipse quidem in spelunca latitaret, suam vero etiam ipsius faciem immutaret, donec præterisset *Abimelech*, ac declinaret insidias? Quid porro dicturi sunt, qui cuncta facile temereque loquuntur, cum viderint magnum illum *Heliam*, invocare quidem Deum, cum mortuum in vitam revocasset, latitare tamen propter *Achab*, fugientemque ob minas *Jezebelis*. Nam cum id temporis quererentur etiam filii Prophetarum, occultabantur latitantes in speluncis apud *Abdiam*. Verum in hæc forsitan ut prisca, non inciderunt. Sed omnino non meminerunt eorum quos refert Evangelium. Nam & discipuli metu *Judaorum* subdixerunt sese latentes, & *Paulus* *Damasci* cum a Gentium Principe quereretur, e micenibus sporta demissus est, itaque effugit querentis manus. Ergo cum hujusmodi Scriptura conimemoret de sanctis, quid poterunt excusationis invenire, quod suæ prætexant temeritati? Nam si illis timiditatem opprobrant, adversus seipsos loquuntur, quod facinus est insanientium. si hoc nomine eos traducunt, quod id faciant præter Dei sententiam, prorsus ignari sunt Scripturarum. Nam lex præcipit, ut etiam refugii civitates conderentur, ut qui quærebantur ad mortem, utcumque tandem possent illic esse incolumes. In consummatione vero seculorum, cum ipsum Patris Verbum quod *Mosi* loquutum fuerat, advenisset, rursus hoc præcipit Deus, Cum persecuti vos fuerint in civitate hac, fugite in aliam. Ac paulo post ait: Cum videritis abominationem desolationis de quo dictum est per *Danielem* Prophetam stantem in loco sancto, qui legit intelligat. Tunc qui fuerint in *Judea* fugiant in montes, qui fuerit in tecto, ne descendat ad tollenda qua in domo sunt ipsius, & qui in agro ne revertatur ut tollat vestimenta sua. Hæc enim cum scirent sancti, servabant hujusmodi vitæ rationem. Etenim quæ nunc præcepit Dominus, eadem & priusquam veniret in carne, sanctis fuerat loquutus. Hic est autem finis, adducens homines ad perfectionem, ut quicquid præcepit Deus, hoc faciant. Quapropter & ipsum Verbum, nostra causa factus homo, non dedignatus est cum quereretur, nostro more occultari, ac rursus cum peteretur a persequentibus, fuga declinare insidias. Decebat enim ut sicut esuriendo, sitiendo ac patiando, ita dum occultatur fugitque, declararet se gestare carnem ac factum hominem. Ab initio siquidem mox ut natus erat homo cum puer esset, ipse per Angelum præcepit *Joseph*: Surge, assume puerum cum matre sua, & fuge in *Aegyptum*, Futurum est enim, ut *Herodes* querat animam pueri. Rursus *Herode* mortuo, declaratur propter *Archelaum* filium illius secedere in *Nazareth*. Post vero cum se Deum esse declarasset, aridamque manum restituisset sanitati, Pharisei quidem egressi consilium fecerunt adversus illum, ut illum perderent. *Jesus* autem eo cognito secessit inde. Quin & cum *Lazarum* excitasset a mortuis, ex illo, inquit, die consultabant ut illum occiderent, *Jesus* itaque jam non palam ambulabat inter *Judeos*, sed abiit illinc in regionem vicinam deserto. Deinde cum Dominus diceret, Priusquam *Abraham* fieret ego sum. *Judas* quidem susstulerunt lapides ut jacerent in eum, *Jesus* autem occultatus est, & exivit e Templo, ac transiens per medium illorum ibat, ac pertransibat sic. Ergo cum hæc videant aut audiant potius quandoquidem non vident, an non juxta quod scriptum est volent igni comburi, quoniam contraria iis quæ Dominus & facit & docet, tum cogitant, tum loquuntur. Etenim cum *Joannes* martyrium peregisset, discipulique corpus ejus sepelissent, audita re, *Jesus* secessit illinc navigio in locum desertum seorsum. Itaque Dominus quidem hæc fecit, & similiter docuit, utinam autem isti vel sic pudefcerent, & intra homines cohiberent suam præcipitem temeritatem, ac non ad majorem devenientes insaniam, Servatori quoque timiditatis crimen impingant, quando semel instructi sunt & exercitati, ad blasphemias in illum jaculandas. Verum eos sic insanientes at quisquam sustinebit? sed convincentur potius non intelligere Evangelium. Est enim hujus secessus ac fugæ causa rationi con-

sentanea veraque quam de Domino memorant Evangelistæ.

Cæterum oportet ex hoc nos ad omnes sanctos exemplum accommodare. Nam quæ de Servatore humano more scripta sunt, hoc ad universum hominum genus referre convenit. Nostrum enim ille gestabat corpus, & humanam infirmitatem ostendebat, de qua *Joannes* ita scripsit, *Quarebamus eum apprehendere, & nemo iniecit in illum manus quoniam nondum venerat hora ejus*. Nam priusquam hæc venisset, dicebat idem matri suæ, *Nondum venit hora*. His vero qui dicebantur fratres illius, *meum*, inquit, *tempus nondum adest*. Rursus ubi venerat tempus, dicebat discipulis, *Dormite jam & requiescite; Ecce enim appropinquat hora, & filius hominis tradetur in manus peccatorum*. Itaque tanquam Deus ac Verbum Patris, tempus non habebat, ipse enim & temporum est conditor. Cæterum homo factus, & his verbis declarat hominum cuique tempus & opportunitatem esse præfinitam, non quo pendeat a fortuna, sicuti Pagani nonnulli opinantes fabulantur, sed tempus cujus ipse cum sit conditor, prout voluit Pater præfinivit unicuique. Id quoque scriptum est, & omnibus factum est perspicuum. Quamquam enim coelatum est & latet omnes homines, quomodo & quantum cuique præstitutum sit, tamen nemo non novit, quod veris, æstatis, autumnii & hyemis tempus est. Sic juxta Scripturam, tempus est moriendi & tempus est vivendi. Propter hoc & juxta *Noë* generationis tempus decurtatum est, ac perinde quasi tempus omnium rerum adsit, contracti sunt anni. Rursus *Ezechie* additi sunt anni quindecim. Cum autem Deus annunciet iis qui ipsum vere colunt, numerum dierum tuorum adimplebo, *Abraham* quidem plenus dierum moritur, *David* autem implorat dicens: *Ne revoces me in medio dierum meorum*.

Job 5. Et unus amicorum *Job* *Eliphas* cum hoc pulchre nosset, agebat: *Venies autem in sepulchra, ut frumentum maturum quod suo tempore metitur, aut velut aceruus area, tempestive comportatus*. *Solomon* autem confirmans obliquamque vocem hanc ait, *Tollantur ante tempus anima iniquorum*. Eoque adhortatur in *Ecclesiaste* dicens: *Ne multum sis impius, neque fias durus, ne moriaris in tempore non tuo*. Hæc ut scripta sunt, ita demonstrat ratio sanctos scire tempus cuique præfinitum; cæterum quod nemo novit finem temporis, illud argumento est quod dicit *David*: *Pauca sunt dierum meorum annuncia mihi*. Quod enim nesciebat, hoc cupiebat discere. Quapropter dives existimans sese adhuc multo tempore victurum, audiuit, *Stulte, hac nocte quærent animam tuam. Qua vero preparasti cujus erunt?* Cæterum *Ecclesiastes* fretus sancto Spiritu confidenter pronunciat aitque: *Non novis homo tempus suum*. Et ob hoc ipsum, Patriarcha *Isaac*, dicebat filio suo *Esau*, *Ece ego consenui, nec scio diem mortis meæ*. Itaque Dominus quamquam erat Deus & Verbum Patris sciretque tempus, quod ipse singulis præfinierat, nec ignorans tempus quod ipse suo proprio corpori præfixerat quo pateretur, quoniam propter nos homo factus erat, diebus priusquam veniret tempus, ipse quoque sicut & nos dum quæreretur latebat, & a persequentibus fugiebat, ac declinans insidias, sic transibat, ac per medium illorum ibat. Cæterum ubi tempus ab ipso præfinitum adduxisset ipse, in quo juxta corpus pro omnibus pati voluit, hoc Patri proloquitur dicens: *Pater, venit hora, glorifica filium tuum*. Verum non jam amplius a quærentibus occultabatur, sed stetit volens capi ab illis. *Astenim*, inquit, *ad se venientibus, Quem quæritis*: cumque respondissent illi, *Jesum Nazarenum*, ait illis: *Ego sum quem quæritis*. Idque non semel, sed iterato fecit, & ita tandem duxerunt illum ad *Pilatum*. Attamen neque passus est se teneri, priusquam veniret tempus, neque occultabatur cum adisset tempus, sed semet exposuit obvium insidiantibus, ut omnibus ostenderet e superno iudicio pendere vitam ac mortem hominum, & sine Patre nostro qui est in coelis, nec pilum hominum nigrum aut album posse fieri, nec passerulum unquam in laqueum incidere.

Dominus igitur ad hunc modum seipsum pro omnibus obtulit sicut dictum est. Sancti vero formam hanc edocti a Servatore (Ab hoc enim & ante hoc tempus, & sem-

per docebantur omnes) adversus persecutores quoties periclitabantur recte liciteque sibi consulebant fuga, & ab illis quæsi occultabantur. Cum autem ignorarent, nimirum homines, temporis finem ipsis a providentia præfinitum, nolebant temere seipsum exhibere perdititios insidiantibus. Rursus cum scirent, uti scriptum est, esse in manu Dei sortes hominum, ac Dominum esse qui occideret, Dominum qui vivificaret, finem potius expectarunt: sicut dixit Apostolus: *Obambulantes, in pelliculis ovillis & capris, destituti, afflicti, in solitudinibus errantes, in speluncis & cavernis terræ latitantes*, donec vel præfinitum mortis tempus adveniret, aut donec is qui tempus præfixerat Deus, loqueretur ad ipsos, & compelleret insidiantes, aut videlicet donec traderet eos qui persecutione urgebantur in manus persequentium, utcumque visum illi fuisset bonum esse, & hoc de singulis ex ipso *David* pulchre licet perdiscere. Cum enim *Joab* excitaret illum adversus *Saul* agebat ipse: *Nisi Dominus percussisset eum, aut veneris hora mortis ejus, aut descenderis in prælium, & adjuxeris se adversarius, non immittam manum meam in Christum Domini*. Quod etiam si quando fugientes accesserunt ad eos a quibus quærebantur, ne id quidem temere faciebant: Etenim Spiritus admonitu ad ipsos loquentis cum essent amici Dei, sic illis occurrebant, hoc quoque modo suam obedientiam animique promptitudinem declarantes. Talis autem erat *Helias* cum jussus a Spiritu ostendit sese *Achab*; Talis *Micheas* Propheta veniens ad eundem *Achab*, & Propheta qui provocavit ad altare *Samaria*, ac pudescebat *Hieroboam*; Talis *Paulus* appellans *Cæsarem*, nec enim ob timiditatem fugerant. Absit, sed potius fugam habebant pro certamine & exercitatione ad mortem. Verum hæc duo servabant, recteque cogitabant, ut neque semet temere objicerent, nam id erat seipsum occidere, mortisque reum fieri, ac Deo resistere, dicenti, *Qua Deus copulavit, homo ne separet*: neque negligentiae crimen volebant sustinere, quasi molles adversus in fuga perferendas afflictiones, quæ majorem & acerbiorum habent vehementiam quam ipsa mors. Nam qui mortuus est, liberatus est a laboribus, ac fugiens quoniam expectat quotidianos ab hostibus insultus, levius malum ducit esse mortem, ut qui in fuga mortui fuerint non ingloriam mortem oppetant, sed habeant & ipsi martyrii gloriam. Ob hoc enim & *Job* fortitudine magnus fuisse cognitus est, quod vivus tantos ac tales sustulerit labores, quorum nullum habuisset sensum si defunctus fuisset. Quapropter & beati Patres habebant hujusmodi vitæ disciplinam, cum urgerentur persecutione, non expavecebant, sed magis etiam ostendebant animi sui fortitudinem, cum in locis adeo tenebrosis & angustis semet concluderent, seseque tam dure tractarent. Rursus ubi mortis tempus aderat, non detrectabant. Nam hoc illis erat curæ, ne vel præsentem mortem expavecerent, vel præfinitam a providentia vocationem anticiparent, neque rursus adversus providentiæ dispensationem quicquam facerent, ad quam sciebant sese reservari, nisi quid præcipiente egissent, fierent sibi ipsis pavoris causa. Sic enim scriptum est, *Qui præcepit est labiis, pavescit seipsum*. Profecto tot modis erant instructi ad fortitudinis virtutem, ut nemo qualiscunque sit, queat ambigere. Nam Patriarcha *Jacob* cum prius fugeret *Esau*, non formidabat præsentem mortem, quin potius in illo tempore unicuique Patriarcharum pro dignitate benedicebat. Cæterum magnus ille *Moses* cum ante coelaretur metu *Pharaonis*, & ob hunc secessisset in *Madiam*, & audisset a Domino, *redi in Egyptum*, non metuebat. Rursus jussus conscendere montem *Abari*, ut moreretur, nequaquam detrectans abstinuit, sed libenter properavit ad illum. Ac *David* qui prius fugerat *Saul*, idem non erat meticulosus, cum pro populo periclitaretur in præliis, verum cum ipsi esset data optio mortis ac fugæ, liceretque illi vel fugere vel vivere, sapiens ille magis elegit mortem. Magnus autem ille *Helias* cum occultaretur fugiens *Jezebelem*, non metuit jussus a Spiritu offerre sese *Achab*, & *Ochoziam* redarguere. *Petrus* vero qui metu *Judeorum* occultabatur, & *Paulus* Apostolus qui in sporta demissus fugerat, cum audissent, *Roma* oportet

tet vos testimonium, id est, martyrium peragere, non distulerunt profectionem, sed magis gaudentes abierunt: & alter quidem tanquam ad suos properans gestiebat cum occideretur, alter vero adeo non expavit cum adesset tempus, ut exultaret etiam dicens, *Ego enim jam delibor, & tempus mea resolutionis instat.* Hæc autem declarant ne priorem quidem ipsorum fugam fuisse timiditatis, simulque testificantur ne id quidem quod nunc agunt, fuisse fortuitum, sed ingentem quandam animi fortitudinem, ac virtutem ipsorum prædicant. Neque enim socordiae fuerat quod secesserant, sed tum potius magis intendebant exercitationis vehementiam, neque reprehensi sunt quod fugerent: neque timiditatis infirmulati sunt a talibus quales nunc sunt isti, ad criminandum avidi, quin potius beati pronuntiantur a Domino dicente: *Beati qui persecutionem patiuntur propter iustitiam.* Verum nec ipsis fuit hic labor inutilis, eo quod velut aurum in fornace fusoria probatos, quemadmodum dicit Sapientia, Deus illos comperit se dignos, & ipsi tum magis veluti scintillæ relucebant, cum servarentur a persequentibus & eriperentur ab insidiantibus, in hoc servati, quo populis essent documento, ut & illorum fuga, & quærentium per omnia diffurrens furor, acciderint ex dispensatione Dei. Interim enim & hoc pacto reddebantur Deo cari, & pulcherrimum obtinuerunt suæ fortitudinis testimonium. Itaque Patriarcha Jacob dum fugerat, plures visiones, easque divinas videre meruit, cumque solus ac desertus esset, magis habebat pro ipso sollicitum Dominum, qui ut *Laban* pudefecit, ita & *Esau* obstitit, & posthæc factus est pater *Juda*, ex quo juxta carnem ortus est Dominus, ac benedictiones Patriarchis distribuit. Quin & *Moses* Deo carus cum fugeret, magnam illam visionem vidit, ac servatus a persequentibus, Propheta missus est in *Aegyptum*, factusque minister & tantorum prodigiorum & Legis, dux fuit tam numerosi populi in deserto. Ac *David* persecutionem patiens dicebat, *Erexit cor meum verbum bonum, Et Deus noster manifeste venit, & Deus noster non flebit:* imo magis invaluit dicens, *Inter inimicos meos despexit oculus meus.* Ac rursus, *In Deo spem posui, non timebo quid mihi faciat homo.* Porro cum profugus a facie *Saul* devenisset in speluncam, dicebat: *Emisit e caelo, & servavit me, dedit in opprobrium conculcantes me, emisit Deus misericordiam suam, & veritatem suam, & eripuit animam meam de medio caulorum leonum.* Ad hunc autem modum & hic servatus Dei dispensatione post factus est Rex, obtinuitque promissionem, Dominum nostrum ex ejus genere exoriturum. Magnus autem *Helias* secedens in montem *Carneli*, invocabat Deum, ac Prophetas *Baal*, cum essent quadringenti aut eo plures, simul delevit. Præterea duos ad ipsum missos, quinquaginta præfectos viris, una cum centum quibus venerant comitati, perdidit dicendo, *Descendat ignis de caelo.* Hoc modo & istos ultus, & ipse servatus, sic ut *Helisæum* pro se ungeret, & exemplum instituendæ vitæ fieret Prophetarum filiis. Beatus vero *Paulus* describens cujusmodi persecutiones sustinuerit, & ex omnibus, inquit, eripuit me Dominus & eripiet. Magis autem tum robur colligebat dicens, *Sed in his omnibus superamus. Nihil enim nos separabit a caritate Christi.* Tunc enim & ad tertium usque coelum raptus est, & in paradysum subductus, ubi etiam audivit verba non enarranda, quæ fas non est homini loqui. Et ideo servatus est, ut ab *Hierosolymis* usque ad *Illyricum* impleteret Evangelium.

Non est igitur reprehensibilis aut otiosa sanctorum fuga: Nisi enim fugissent illi persequentes, quomodo exortus fuisset ex semine *David* Dominus, aut qui erant prædicaturi verbum veritatis? Siquidem persecutores ob id quærebant sanctos, ne esset qui doceret; Sicut *Judæi* denunciaverunt Apostolis: verum ob hoc omnia perferebant, ut Evangelium prædicaretur. Ecce igitur cum ad eum modum periclitarentur, non habebant fugæ tempus otiosum, ac ne persecutionis quidem tempore, alienæ utilitatis obliviscebantur, sed cum essent ministri verbi, non invidabant quo minus & hanc utilitatem impartirent omnibus, quin & fugientes Euan-

gelium prædicabant, ac prædicebant quidem insidiantium malitiam, fideles autem exhortationibus confirmabant. Beatus itaque *Paulus* experimento doctus, prædixit fore, ut qui vellent pie vivere in *Christo Jesu*, persecutionem paterentur: sed protinus arripuit fugientes, dicens: *Per patientiam currimus propositum nobis certamen.* Quamvis enim afflictiones erant perpetuæ, tamen afflictio patientiam operatur, patientia vero probationem, probatio autem spem, spes non pudefacit. Porro *Esaias* Propheta, cum expectaretur hujusmodi malorum incursum, submonet clamans, *Vade popule meus, ingredere penetralia tua, oclude ostium tuum, absconde paulisper, donec præterierit ira.* Ecclesiastes vero cognitas habens quæ fiunt adversus pios insidias, ait: *Si calumniam pauperis & rapinam judicii ac iustitia videris in regione, ne mireris in negotio, quod excelsus est super excelsum, observa, & excelsi super illam & abundantia terra.* Habebat & hujus patrem *David* experientia, qui ipse quoque didicerat quæ fiunt in persecutionibus, & confirmat eos, qui affliguntur, cum dicit, *Viri estote, corroboretur cor vestrum omnes qui speratis in Domino.* Ex enim qui sic perferunt, his, inquit, non homo, sed ipse Deus auxiliabitur, eripietque eos, eo quod in ipso spem suam collocaverunt. Nam & ego sustinens sustinui Dominum, & attendit mihi, exaudivitque deprecationem meam, & revocavit me de lacu profundissimo, & a luto fecis. Itaque fuga sanctorum non infrugifera populo, sed utilis esse demonstratur, etiam si secus videatur *Arianis*. Sic igitur sancti quemadmodum dictum est, fugientes ex superfluo, per dispensationem servabantur, sicuti servantur medici, eorum gratia qui his opus habent. Nobis autem omnibus in univèrsum hominibus hæc lex est, ut fugiamus persequentes, & latitando fallamus quærentes, nec præcipientes simus tentando Deum, sed, ut ante dixi, sustineamus eos, donec præfinitum mortis tempus advenit, aut donec iudex aliquid de illis statuerit quicquid ipsi visum fuerit bonum, tamen ut hi parati sint, ut simul atque vocarit tempus, etiam comprehensi, pro veritate certent usque ad mortem. Hæc & beati martyres persecutionum tempore, servarunt: fugiebant quidem instante persecutore, ac latentes perdurabant, cæterum reperti testimonium perhibebant. Quod si qui ex his ultro adiere persequentes, id non temere faciebant. Mox enim testificabantur, cunctisque fiebat perspicuum, e Spiritu sancto fuisse, animi quam habent promptitudinem, tantumque proventum.

Itaque cum sint hujusmodi Servatoris præcepta, & hujusmodi sanctorum exempla, dicant nobis, qui ne tantulum quidem audire volunt, si quis adversus illorum dignitatem loquatur, unde didicerunt ipsi quod & alios persequuntur. Nam quod a sanctis didicerint, haudquam poterunt dicere, sed a Diabolo, nam hoc illis superest, qui dicit, *Persecutus comprehendam.* Ac fugere quidem præcepit Dominus, sanctique fugerunt. Cæterum persequi, Diabolicum inventum est, & ab omnibus ille hoc nomine accusatur. Dicant igitur rursus, utri oportet accedere, Domini verbis an istorum fabulis? Utrorum autem oportet imitari facta, sanctorum ne, an ea quæcunque excogitaverint isti? Sed quoniam contactis hæc ipsi non possunt dijudicare, Sunt enim excæcati mente & conscientia, quemadmodum dixit *Esaias*, putantes amarum esse quod est dulce, ac lucem esse quæ sunt tenebræ, Egressus quispiam e nobis Christianus, pudefaciat istos magna voce dicens: *Bonum est considerare in Domino, potius quam illorum auscultare stultiloquiis. Siquidem Domini verba vitam æternam habent. Contra quæ ab istis proferuntur, malitia sanguinisque plena sunt.*

Hæc quidem satis erant, ad subvertendam impiorum insaniam, adque ostendendum istos nihil aliud conari, quam ut convitiis solum ac maledictis contendant. Cæterum quoniam semel ausi cum *Christo* bellum suscipere, jam etiam curiosi facti sunt, expendant tamen & modum secessus, eoque discant vela suis. Aderant enim *Ariani* qui simul cum militibus currebant, ut eos incitarent, nosque ubi effemus illis ignorantibus, indicarent. Et si vel hoc modo malis alienis afficerentur, saltem audientes quietem agant pudecentes. Nox quidem jam erat, &

ex populo nonnulli pervigilium egerant, cum expectaretur synaxis. Dux autem *Syrianus* repente irruit cum militum plusquam quinque millibus, arma, nudosque gladios gestantium, præterea arcus & jacula & fustes, quemadmodum prius dictum est. Atque ipse quidem Ecclesiam circumfedit, collocatis in proximo militibus, ne quis ab Ecclesia digressus posset illos præterire. Ego vero putans absurdum si tanta rerum turbatione defererem populum, ac non potius prior illis venire in periculum, confedi in cathedra, monuique Diaconum ut recitaret Psalmum, populum item ut auscultaret, *Quoniam in seculum misericordia ejus* &c. eoque facto omnes discedere & ad suas quemque ædes abire. Verum cum Prætor vi jam supervenisset, ac milites cinxissent sacrarium, ut nos comprehenderent, clerici illic reperti ac populares clamabant, flagitantes ut nos quoque statim secederemus. Ego vero magis contradicebam, me non prius abiturum, nisi omnes ad unum se subduxissent. Erectus igitur & indictis precibus, mox denuo postulavi ut omnes prius discederent, *Melius est*, inquit, *me periclitari, quam aliquos ex vobis noxam accipere*. Itaque cum exissent plerique, reliquique sequerentur, ii qui mecum illic fuerant Monachi & Clericorum nonnulli, reversi trahebant nos, atque ita, teste veritate, cum milites alii circumfederent sacrarium, alii lustrarent Ecclesiam, pertransivimus ductu Domini, eodemque servante nos, illis non sentientibus recessimus glorificantes magnifice Deum, quod neque prædidissemus populum, sed illo præmissio, servari, manusque quærentium effugere potuerimus. Itaque cum Dei providentia nos hunc in modum mirabiliter eripuerit, quis merito possit crimen impingere, quod non nos ipsos ultro quærentibus dediderimus, aut quod reversi non prodiderimus nosmetipsos? Nam istuc est palam ingratum esse Domino, facere contra præceptum ipsius, & cum sanctorum exemplis pugnare, nisi reprehensor hoc audeat, etiam magnum Apostolum *Petrum* incusare, quod cum esset conclusus servareturque a militibus, secutus est vocantem Angelum, quodque egressus e carcere, ac servatus, non reversus est, nec seipsum tradidit, licet audisset, quæ fecerat *Herodes*. Quin & illud inculcet insaniens *Arianus*, quod nec *Paulus* e moenibus demissus ac servatus respuerit, reversusque semet dedititum exhibuerit, quodque nec *Moses* a *Madian* reversus sit in *Aegyptum*, ut caperetur ab his qui quærebant ipsum, nec *David* in spelunca seipsum indicavit *Sauli*. Quin & filii Prophetarum commorati sunt in speluncis, nec se se tradiderunt *Achab*. Nam id erat adversus præceptum agere, cum dicat Scriptura, *Non tentabis Dominum Deum tuum*. Hoc igitur & ego veritus, atque hæc edoctus, ad hunc modum me gessi, nec aspernor Domini gratiam & opem ab illo mihi præstitam, etiam si isti infanientes dentibus fremant in nos. Talis itaque secedendi modus nobis fuit, nec arbitror esse quicquam hic quod reprehendi possit, apud eos quibus est sana ratio, cum juxta divinam Scripturam, hoc exemplum a sanctis pro documento nobis traditum sit.

Verum isti, sicut videtur, nihil relinquunt inausum, neque quicquam volunt prætermittere, quod non perveritatem ipsorum & crudelitatem demonstret. Nam & vita istorum talis est, quales sunt in opinionibus & nugis: neque quisquam posset talia tamque multa adversus eos dicere, qualia & quam multa cum faciant ipsi, non tamen erubescunt. Etenim *Leontius* cum infamaretur cum muliere quadam juniore, quæ dicitur *Eustolium*, prohibereturque cum ea habitare, propter illam seipsum exsecuit, quod tuto posset cum illa vivere. Nec tamen suspicionem diluit, imo potius quod esset Presbyter, patuit execrationi; Etiam si *Constantius* hæreticus compulsus fuit, eum dicere Episcopum. *Narcissus* vero, cum alia multa haberet mala, tum tertium in diversis Synodis execratione percussus est; Et is nunc inter eos est sceleratissimus. Rursus *Georgius*, cum esset Presbyter, ob improbitatem suam devotus est, cumque seipsum nominasset Episcopum, nihilominus devotus est, in Concilio quod in Sardica fuit. Habet autem & amplius quiddam, quod cum intemperanter vivat,

haud quaquam fefellit, verum etiam a suis condemnatur, vitæ finem, & animi tranquillitatem rebus turpissimis metiens. Proinde in propriis quisque malis, alterum superat. Cæterum una macula est illis communis, quod per hæresim rebellant Christo, nec jam Christiani, sed Arianæ potius nominantur. Ecce hæc illos oportuit traducere; Sunt enim aliena a fide, quæ est in Christo. Verum hoc quidem propter seipsum tegunt. Nihil autem mirum, si cum tali sint sententia, ac talibus implicati malis, eos qui cum ipsis non currunt in impiissima Secta, persequentes quærent, & si occiderint gaudent, si frustrentur optatis, dolent, sibi que putant injuriam fieri, quod, ut ante diximus, conspiciunt eos vivos, quorum mortem exoptant. Sed contingat illis ad eum modum affici injuria, ut ipsi quidem debilitentur in injuriis quas parant, cæterum qui ab eis persecutionem patiuntur gratias agant Domino, dicantque illa quæ sunt in xxv i. Psalmo, *Dominus illuminatio mea & servator meus, quem timebo? Dominus protector vite mea, a quo trepidabo? Dum appropinquarent adversum me qui affligebant, ut comederent carnes meas, qui tribulant me, & inimici mei, ipsi infirmati sunt & ceciderunt*. Et rursus Psalmo xl. *Servasti ex necessitatibus animam meam, & non conclusisti me in manus inimicorum, Statuisti in loco spatioso pedes meos, in Christo Jesu Domino nostro, per quem Patri in sancto Spiritu gloria, & imperium in secula seculorum, Amen*.

EJUSDEM APOLOGETICUS II.

EQUIDEM existimabam fore ut post tam multas pro me factas, evidentes probationes, jam pudore semet abderent inimici, ac potius ut ex his ipsi sese condemnarent, de quibus alios calumniabantur. Verum quando ne sic quidem condemnati erubescunt, sed præ stupore mentis, sese flectunt ad obtrectationes, putantes impune fore omnia, nec ad judicium vocanda, non ut judicentur, fugiunt enim, sed ut nos ac simplicium animos vexent, operæ pretium arbitratus sum, ut vobis rationem reddamus ne post eos sustineatis murmurantes, sed contemptis illorum malitiam & calumniam. Vobis igitur qui sinceri estis meipsum purgo, cæterum adversus contentiosos mihi satis fiduciæ præbent argumenta quibus hætenus confutati condemnatique sunt. Nostræ siquidem res jam non egent judicio, de quibus jam non semel neque bis pronuntiatum est, sed sæpius. Primum quidem in nostra Regione, congregata Synodo ab Episcopis prope centum, iterum *Roma*, ex *Eusebii* litteris cum essemus vocati, tum ipsi, tum nos, & illic congregati Episcopi quinquaginta. Tertio in magna Synodo in *Sardica* congregata, jussu piissimorum Imperatorum *Constantii* & *Constantis*, in qua & qui nobis adversabantur, devoti sunt ut calumniatores. Cæterum iis quæ pro nobis decreta sunt, suffragati sunt Episcopi plures trecentis ex Provinciis *Aegypti*, *Lybia* & *Pentapoli*, *Palastina*, *Arabia*, *Isauria*, *Cypri*, *Pamphylia*, *Lycia*, *Galatia*, *Mysia*, *Thracia*, *Dardania*, *Macedonia*, *Epirorum*, *Thessalia*, *Achaia*, *Creta*, *Dalmatia*, *Siscia*, *Pannoniorum*, *Norici*, *Italia*, *Piceni*, *Tuscia*, *Campania*, *Calabria*, *Apulia*, *Briata*, *Sicilia*, *Africa* totius, *Sardinia*, *Hispaniarum*, *Galliarum*, *Britanniarum*. Addidit autem his testimonium *Ursacius* & *Valens*, qui, cum prius calumniati fuissent, postea respuerunt. Non enim solum approbarunt ea quæ pro nobis judicata sunt, verum etiam & seipsum & alios, qui contra nos steterant, confessi sunt fuisse calumniatores. Nam qui sic respuerunt, sic scripserunt, declarant se, & *Eusebium* quoque cum suis arguere, cum quibus communiter adversum nos machinabantur conspirationem. Quæ nunc a tot ac talibus Episcopis, probata sunt ac decreta clareque demonstrata, supervacaneum esse denuo revocare in judicium, nemo non confitebitur; Ne si nunc quoque examinentur, simul & denuo judicentur, ac rursus examinentur, atque iterum, in infinitum exeat ista curiositas. Sufficiebat enim tot Episcoporum calculus, ad imponendum silentium iis, qui vel fingere quippiam vellent adversum nos, quandoquidem hostes, & pro nobis, & adversus seipsos testificantur, consen-

tes

tes quæ contra nos agerentur esse conspirationem. Quis post hæc dubitans non erubescit? Etenim cum Lex jubet in ore duorum triumve testium constitui judicia, ecce tanta testium multitudo pro nobis stat, quibus & illud accedit, quod ab hostibus adfertur probatio, ut nec ii qui reliqui sunt posthac attendant iis quæ isti pro suo arbitratu judicarunt, sed compellantur de cætero, vice probabilium rationum, injuriis afficere eos a quibus redarguuntur. Nam hoc illis maxime dolet, quod facta ipsorum, quæ coelabant ipsi, quæque inter ipsos in angulo confingebantur, hæc *Valens & Ursacius* in lucem extulit, ac retexit: certoque sciunt, quod horum poenitentia, ut illos condemnat, ita justos declarat eos qui fuerant ab illis injusta passi. Quas ob res, & in *Sardicensi* Synodo devoti sunt, ut ante dictum est, idque merito. Ad hunc enim modum & illorum temporum Pharisei, *Paulo* patrocinant, coarguebant & suam & *Judeorum* adversus eum factam conjurationem. Hoc pacto & beatus *David* declaratus est sine causa pati persecutionem, quando is, qui persequabatur, confitebatur, dicens, *Pecoravi fili mi David*. Itidem & isti a veritate superati, postularunt ac postulationem suam litteris mandatam tradiderunt *Julio* Episcopo Romano. Scripserunt autem & nobis, cupientes habere pacem nobiscum, qui tam multa jactarant, forsitan & nunc erubescerent, eo quod quos quærebant e medio tollere, hos beneficio Domini viventes conspiciunt. *Arianus* vero & hujus Sectam anathematizaverunt, congruenter id facientes, quippe qui scirent *Eusebium* cum suis, ob nullam aliam causam nobis insidias texere, nisi propter suam ipsorum impietatem. Ubi semel statuerunt confiteri calumnias adversus nos structas, protinus abnegarunt & hæresim *Christo* rebellem, ob quam & illa quæ in nos moliti sunt, simularunt. Quæ igitur ab Episcopis pro nobis scripta sunt in diversis Synodis, ac primum ab Episcopis *Aegyptiorum* sunt hæc.

Sequebantur hic diversa diversorum Epistola, Episcoporum, Synodorum & Principum, de actis adversus Athanasium, quas, quoniam & multa erant & prolixæ, quædam etiam supposititiæ, piguit vertere.

Sequentis Operis phorasis non sapit Athanasium, ludit enim quodammodo in sacris litteris, quod ille non solet.

DE PASSIONE DOMINI AC DE CRUCE.

**Matth.
XXVII.
33-36,
&c.** **E**T egressi in locum qui dicitur *Golgotha*, quod est calvaria locus, dederunt illi vinum cum fello mixtum, & cum gustasset noluit bibere. Postquam autem crucifixisset eum, diviserunt vestimenta ejus, mittentes sortem, ut impleretur quod dictum est a Propheta, Diviserunt vestimenta mea sibi, & super vestem meam miserunt sortem. Et sedentes servaverunt eum illic: & in reliqua de passione. Quod recitatum est sermo est Evangelicus, cæterum explicandi gratia, bonum fuerit ad sanctos confugere, & ab illis hujus sermonis sensum accipere. Nam illos potius quam nos convenit Evangeliorum esse confcios. Ac ne recensendis omnibus orationem faciam prolixior, satis est unus Apostolus doctor, ad hoc ut nobis plene satisfiat. Scribit enim ipse beatus *Paulus* ad *Hebræos*, quod impossibile est mentiri Deum, quodque maxime verax est in dictis, ac nequaquam mentitur. Nam rerum conditarum hoc habet natura proprium, verti, variisque mutationibus moveri. Quandoquidem & ea quæ quondam non erant, transmutationem acceperunt ut essent, idque beneficio & humanitate conditoris. Quem admodum & rursum ait *Paulus*: vocans ea quæ non sunt, tanquam ea quæ sunt. Cæterum Deus qui cuncta fecit per Verbum, quoniam vere est, immutabilem habet cum Verbo naturam. Et hoc per Prophetam docet dicens: *Videte, videte quod ego sum, & non mutor*. Eoque de hominibus quidem in Psalmis canitur, *Ego dixi in excessu meo, omnis homo mendax*. De Deo vero *Moses* testificatur in Lege, quod Deus fidelis est ac verax. Itaque vir ille qui Christum gestabat, velut ab horum utroque doctus, & ipse discrimen ostendens inter Deum & res conditas, scribit, *Sit Deus verax, omnis autem homo mendax*. Est autem verax Deus, non quod careat

A mendacio, nihil enim est illi contrarium, neque sit velut homo, alteri testificans quod verum est. Neque enim ulli est obnoxius, sed velut ipsius veritatis progenitor ac pater, dicente Domino, *Ego sum veritas*, veritati autem mendacium amicum esse nunquam poterit. Unde veritatem juxta Psalmistam quærit Dominus, mendacium autem ab sese projicit, & alienat, dicens, *Filiis alieni mentiti sunt mihi*. Mentiti sunt enim *Judei* adversus Servatorem, & profitentes se servare Legem, non erant veraces, sed Legem violarunt, adversus eum qui dederat Legem, pro beneficio mortem machinantes Domino. Jure igitur rejecti sunt, ac mortem quam mentientes Domino intulerunt eam vere sibi ipsi accersiverunt, velut & *Ananias Sapphiraque* in Actis Apostolorum, qui cum Deo promissionem ultro donassent, a promisso suffurati sunt, & alios quidem latuerunt, cæterum veritatis minister *Petrus*, eos repellit dicens, *Non mentitus es hominibus, sed Deo*. In quibus ingens accidit miraculum. Quod enim solus *Petrus* noverat, hoc per mortem *Anania* innotuit omnibus, ut omnes provocarentur ad religionem, *Sapphira* exemplum formidantes. Siquidem illud sciendum est nec oportet ignorare, quod quæcunque promissimus Deo, jam nostra non sunt, sed in ære Dei sunt, adeo ut si quid inde subtraxerimus haud quaquam id faciamus, veluti quæ nostra sunt usurpantes, sed ut quæ Dei sunt sacrilegio deprædantes. Promissio vero non tantum ad pecunias, verum etiam ad orationem, & ad voluntatis delectum pertinet. Neque enim qui laborat pecuniarum inopia, idem inops est liberæ voluntatis; Videlicet vere divinum verique magnum mysterium, non de pecuniis hanc promissionem, sed de proposito perfecto, deque fiducia erga Deum. Omnes igitur profecti sumus, & omnes debitorum sumus professionis. Adeo ut necesse sit persolvere, virginem quidem virginitatem quam professæ est, continentes vero continentiam, conjugatos pudicitiam, mutuamque inter ipsos caritatem & honorem. In summa, Omnes necesse est, ut persolvant fidem erga Deum, religionem, justitiam ac fortitudinem, ne nos velut ingratos & injurios *Anania Sapphiraque* exemplum occupet. Nam & hanc ob causam prius Apostolicus ille sermo confirmatus est: *Reddite omnibus debitum, cui vestigal vestigal, cui timorem timorem, cui honorem honorem. Nemini quicquam debeatis, nisi ut invicem diligatis*. Hoc fecit is qui hoc prædicat, videlicet confidenter scribens, *Bonum certamen certavi, cursum consummavi, fidem servavi, de cætero reposita est mihi justitia corona, quam reddet mihi justus iudex*. Quoniam enim non fuerat mentitus in his quæ promiserat, sed præstiterat Deo quod illi fuerat pollicitus, accepit & ipse Dei veracis promissionem, quæ corruptionem nescit. Itaque nos admonet dicens, *Ne mentiamini vobis invicem*. Ac rursum, *omne mendacium ex ore vestro ne procedat*. Cupit enim nos ipsius imitatores fieri dicens, *Veritatem dico, non mentior*.

E Quandoquidem & in Evangelio Domini dictum est, ut sit sermo noster, est est, & non non. Hactenus igitur qui profitentur Christum, asseverent quæ loquuntur, neque longius progressi ad jusjurandum confugiamus, ut periturarum pecuniarum gratia juremus per Deum, cum *Moses* id maxime vetuerit Lege: *Non assumes nomen Domini Dei tui in re vana*. Etenim si quis omnino dignus est qui Deum nominet, idem dignus est cui citra jusjurandum habeatur fides. Nam qui dignus habetur eo quod majus est, multo magis eo quod minus est dignus erit. Quod si nequaquam dignus est cui citra jusjurandum habeatur fides, nec dignus est profecto qui juret per nomen Domini, nec est hujus verbis fidendum. Nam non prorsus Deus hic erit testis juranti, cum careat fide, quam Dominus respicit. Testificatur hoc Sapientia dicens, *Spiritus sanctus disciplina dolum effugiet, & subduces sese a cogitationibus vacuis intellectu, nec habitabis in corpore obnoxio peccatis*. Eapropter & Dominus noster *Jesus Christus*, ab iis qui ipsum invocant primum exigit fidem, velut in cæco dicens, *credis mihi hoc posse facere?* In Lunatico vero sic loquitur, *Si credideris, fiet*. Id autem exigebat Servator, non quod egeret

ret alieno auxilio ad edenda miracula, nam ipse fidei quoque Dominus est ac largitor: sed ut perspicuum esset, eum non gratificari personæ, sed annuere fidentibus, quodque sine fide non essent accepturi beneficia, denique quod hæc ob incredulitatem essent amissuri. Cum enim confert beneficium, vult manere beneficium, cumque donat sanitatem, vult sanitatem esse perpetuam, veluti prospexit admonitione paralytico dicens: *Esce sanus factus es, noli amplius peccare, ne quid accadat tibi deterius*. Perinde quali si quis medicus ingressus ad ægrotos, prius sciscitetur an velint curari, ne, dum ipse curam susceperit & illi nolint, inutilis existat curatio, nimirum iis qui laborant adversus artem medici pugnantibus. Sic & Dominus eos qui sanabantur percunctabatur, nec nisi fidentibus conferebat beneficium, ut per fidem, & beneficium conservari possent. Per fidem enim dignoscitur animi propositum. Quorsum igitur Deum testem invocant, qui fidem erga veritatem non habent? Spiritus testificatur in Psalmis: *Prope est Dominus omnibus invocantibus eum in veritate*, per quam solam invocari potest Deus. Cur igitur invocant Dominum qui ne in minimis quidem fidem habent? Quanquam & alioqui jusjurandum veritatis est testis, non rerum declarationem habet. Jurant enim homines, non ut res significant, sed ut veritatem persuadeant, seque loquendo nihil mentiri. Quod si juranti adest fides & veritas, quid opus est jurejurando? Si non adest ei fides, cur tantam admittimus impietatem, & propter humana mortaliaque, Deum homine majorem testem invocamus? Etenim si in Paganorum judiciis Regem terrestrem citare fas non est, utpote majorem, & iis qui citant, & iis qui judicant: cur Deum increatum ad res creatas invocamus, facientes ut Deus ab hominibus contemnatur? Apage, superat hoc omnem impietatem, omneque facinus. Quid igitur faciendum est? Nihil amplius, quam ut nostrum est, sit est, & nostrum non, sit non, nec omnino mentiamur. Sic enim videbimur veraces, & hac in parte imitari veracem Deum.

Fortassis adversus hæc al'quis probabiliter objiciet dicens: Si jusjurandum hominibus est interdictum, & si in non jurando Deum imitatur aliquis, quomodo Deus ipse in sacris litteris frequenter jurare dicitur, nam & Abraham juravit teste Moysæ, quin & in Hymnis scriptum est, *Juravit Dominus, & non pœnitebit eum, Tu es Sacerdos in æternum secundum ordinem Melchisedec*. Videbuntur enim hæc pugnare cum his quæ prius dicta sunt, aut ex his apparet permitti hominibus jusjurandum. Atqui non est ita, Ne quis hoc existimet. Deus enim per neminem jurat: Quis namque per alium juraret, quum ipse sit Dominus omnium & conditor: sed si vera loqui fas est, ipse sermo ejus jusjurandum illius est, plenam fidem faciens audientibus, & rebus omnibus fidem arrogans, quod quicquid promittit loquiturve, simul & futurum est. Non enim jurat Deus ut homo, sed nobis illius sermo vice jurisjurandi est ad persuasionem veritatis. Cæterum hominibus loquens jurare dicitur, videlicet ita more hominum loquentibus sanctis, ut ex quibus sibi loquentibus postulant haberi fidem, ab his & ipsi credant loquenti Deo. Quemadmodum enim hominum dicta confirmat jusjurandum, sic & quæ loquitur Deus, pro jurejurando habeantur, eo quod illius consilium firmum est & immutabile. Confirmat quod dico, ipsum jusjurandum de quo Scriptura meminit, *Juravit enim Dominus & non pœnitebit eum*, ut intelligas immutabilitatem jurisjurandi, & omnino futurum quod promissum est, hoc & in Genesi significat ipse Deus dicens: *Per memetipsum juraui*: hoc autem non est jusjurandum, neque enim juravit per ullam aliam rem, quod est jurisjurandi proprium, sed per seipsum, quod excludit jurisjurandi suspensionem. Qua quidem re, & illud significat, firmam esse promissionem, & omnes debere fidem habere, quisquis audierit. Sit autem & Hymnorum sacrorum ille cantor testis horum quæ dicuntur, Deo in memoriam revocans canit ac dicit: *Ubi sunt misericordia tua antiqua, Domine, quas jurasti David in veritate tua?* Non enim adversus veritatem jurat Deus, sed quæ re præstans loquitur ad persuasionem, vice jurisjurandi sunt

A hominibus. Neque igitur Deus hominum more jurat, neque convenit nos ex hujusmodi dictis ad jurandum animari, sed ea loquamur potius, ac faciamus, ut qui audiunt non desiderent jusjurandum, sed ut quæ dicuntur, ex sese habeant veritatis testimonium. In hoc enim vere Deum imitabimur.

Sed fortassis & de illo quod accidit *Ninivitis*, aliquis interrogarit hunc in modum, Si sermo est jusjurandum Dei, quomodo loquens præstat quæ dicit, nec mentitur? Quomodo dixit? *Adhuc tres dies & Ninive subvertetur*: non perfecit quod dixit: videbitur enim & hoc pugnare cum prioribus. Sed num mentitur Deus? Absit; Neque sermo illius mansit incompletus, nam humanitate iram temperavit, & ad *Ninivitarum* pœnitentiam respexit magis, quam ad priora peccata, neque sic dixit Deus, post tres dies subvertetur *Ninive*, sed tres dies vos sustinebo: ut in tolerantia trium dierum facultatem haberent pœnitendi, aut secuturam iram in se provocarent. Quid enim ait Propheta? *Adhuc tres dies & Ninive subvertetur*. Non dixit, *post tres dies perdetur*, alioqui factum fuisset, sed *adhuc tres dies & subvertetur*, ut ex eo quod dicitur *adhuc*, consideremus tolerantiam Dei; In subversione autem venturam iram post tolerantiam, nisi pœnitentiam egissent: Alioqui nisi ad eum modum res habuisset, ac nisi Deus pœnitentiæ causa tres dies hominibus proposuisset, quid prohibebit Deum quo minus etiam interea *Ninivem* perderet? An quia non poterat? Absit, Ne unquam hoc nobis in mentem veniat, Dominus enim virtutum fortis & potens Deus. An ignorantia rerum illarum? Et hoc absit. Noverat enim omnia priusquam illi nascerentur. Quid ergo restat considerandum. Videlicet lenitas & humanitas Domini, quam & Propheta cognitam habens, fugiebat quidem cum primum mitteretur, postea tamen excusans dixit: *O Domine, nonne isti sunt sermones mei, cum adhuc essem in terra mea, eoque praveni, ut fugerem Tharsum, eo quod sciebam te esse misericordem & miseratorem, leni animo, multaque misericordia, ac pœnitentem super malitiis*. Fugit autem *Jonas*, non tanquam contradicens Deo, nec dolebat tanquam gaudens de perditione *Ninivitarum*, verum id faciebat, quod ipsi *Ninivita* curæ erant. Metuebat enim ne apud illos parum certæ fidei haberetur, ac in posterum inciperent diffidere Prophetis, Propheticusque sermo apud eos fide careret. Hac de causa etiam dolebat, ut a Domino declararetur, fieretque perspicuum omnibus qui illic erant *Ninivitis*, quod non ob mendacium Prophetæ, sed ob Dei humanitatem pœnitentiæ spatium esset concessum. Oportet enim in ipso etiam modo sermonis agnoscere significatam Dei lenitatem, quandoquidem hæc est divinæ Scripturæ consuetudo. Quoties enim suam lenitatem Deus significari vult, per hujusmodi locutionem enuntiat, ac si dicat per *Esaiam*, *Quid amplius faciam vinea mea?* Per *Hieremiam* vero, *Propterea adhuc iudicio contentum adversus vos, dicit Dominus*. In hoc quod dicit *adhuc*, significat suam bonitatem ac tolerantiam, ait enim: *Perambulate insulas Chetim, & ad Cedar mittite*. Videte, Nisi voluisset uti lenitate, nec admonuisset eos, ut peragrarent Gentes, ac peragratis illis discerent ex contrariis conferre, quid esset honestum. Videlicet quod non amplius lenitatem promerentur, sed iram actiones omnium provocarent, deinceps aperit dicens, *Non amplius feram peccata vestra*. Hic autem per hoc verbum, *non amplius*, ostendit manifeste lenitatem quæ declarabatur circa inimicitias sermonisque veritatem.

F Siquidem impossibile erat Deum loquentem, non esse veracem, etiam si tantum voluisset. Idcirco pollicitus *Abraham* non mentitus est, sed & filium illi donavit, & populum eduxit ex *Aegypto* per *Mosén* sacrorum antistitem, & ipsi quidem *Isaac* juxta promissum bona fide præstitit, & hunc patrem fecit multarum Gentium, *Jacob* autem ut erat pollicitus, exhibuit *Joseph*. Ac *Mosés* quidem fidelissimo fecit fidem eorum quæ dicebantur, per ea quæ acciderunt *Pharaoni*: *David* vero, sicut erat pollicitus, persolvit promissum, per *Solomonem*, loquor autem de ædificatione Templi. Et quid opus est mihi multa commemorare? Nihil a Deo dicitur quod maneat

maneat incompletum, etiam si non protinus faciat, sed negligere videatur, dum quærit faciendi rationem, tamen progressu temporis præstatur quod promissum est, & progressu temporis omnino completur pollicitatio: Ecce enim quæ multo ante dicta sunt a Domino, quæque multis ante seculis prædicta sunt, nunc in Evangeliiis videmus completa. Nam *Esaias* prædixit, ex muliere viri ignara nasciturum *Emanuel*, ipse vero ex *Maria* virgine natus, ac Deus apparens complevit Prophetæ sermonem. Ac *Micheas* quidem etiam locum prædixit, in quo *Christus* nasciturus erat. Ipse vero Dominus in *Bethleem* recumbens in præsepi, declaravit Prophetam esse veracem. Ac *Zacharias* annuntiavit civitati *Hierusalem*, ingressum Servatoris. Ipse vero Dominus missis ad asinam discipulis, dum ingreditur, asinæ infidens prophetiam explevit, & in universum ne singula nominatim recenseam, quæ scripta sunt, ipse fuit consummatio Legis & Prophetarum. Nam quæ p̄r illos ante denunciavit, hæc ipse adveniens ad plenum perfecit dicens: Ipse qui loquebar, adsum. Ecce nunc & quæ olim pronunciata sunt de Servatore in Psalmis, his rursus temporibus implentur, per militum facinus. Nam quæ prius significarat se passurum, hæc nunc *Judaorum* populi faciunt, dividentes vestimenta Servatoris, ac potum illi dantes acetum cum felle. *Hæc enim*, inquit, *facta sunt ut implerentur Scriptura*. Altera quidem quæ dicit: *Diviserunt vestimenta mea sibi, & super vestem meam miserunt sortem*. Altera vero rursus, *Dederunt in cibum meum fel, & in siti mea potaverunt me aceto*. Multi qui incidebant in lectionem Evangelicam cum audirent illud, ut impleretur quod scriptum est, existimabant ea quæ fiebant ob nihil aliud fieri, quam ut implerentur quæ scripta erant: & ob id arbitrabantur eos qui hæc faciebant non solum in culpa non esse, verum potius laude dignos, quippe qui non peccarent, sed iis quæ scripta erant subservirent. Nam Prophetarum verba non futura fuissent vera, nisi illi hæc egissent. Magis autem hæc opinabantur, commoti his quæ scripta sunt in Evangelio *Joannis*, ubi *Judaorum* incredulitatem enarrans secundum *Esaiam* vaticinium ait: *Cum autem tam multa signa fecisset coram eis, non crediderunt: ut sermo Esaiæ compleretur, qui dixit, Domine, quis credidit auditui nostro, & brachium Domini cui revelatum est?* Nam si, ut *Esaias* sermo impleretur, non crediderunt *Judæi*, non ipsi sunt accusandi ob incredulitatem, sed is potius qui hæc dixit, propter quem hæc etiam completa sunt. Tolle, inquit, sermonem Prophetæ, & omnes illi credituri sunt. Verum hæc dicta & hujusmodi sententia multum abest a veritate: neque enim Prophetæ his causam præbuit, neque *Judæi* carent culpa incredulitatis: sed Prophetæ quidem prævidens quæ futura essent annuntiavit, ipsi vero postea facientes declararunt Prophetæ sermonem veracem: neque tanquam subservientes Prophetis sermonibus, facinus ausi sunt adversus Servatorem, sed propria sponte volentes fecerunt quæ facta sunt, ut Prophetæ quidem illis non fuerit in causa, sed ipsorum potius voluntas. Quin ipsi magis in causa fuerunt Prophetæ, ut hæc de illis loqueretur. Siquidem Prophetæ proprium est videre futura, nec falli, cæterum actionum causam, suam quisque voluntatem habet: & quemadmodum nos conspicientes ea quæ sunt sub oculis videndo non fallimur, nec aliter videmus quam fiunt, sed quemadmodum fiunt ita videmus; Sic & Prophetæ futura tanquam præsentia videbant, & quæ videbant, fieri erat necesse, omniaque quæ fiebant omnino videre oportebat. Et rursus quemadmodum nos quæ videmus oculis, omnino necesse est ut sint, siquidem ea quæ sunt videmus, nec potest aliter fieri quam ut videmus: sic & Prophetæ quæ prævidebant oportebat omnino esse, nec aliter fieri poterant, quam quemadmodum præviderant. Nam si futura non prævidissent, non jam fuissent Prophetæ. Et omnino hoc scire oportet, quod Prophetæ non sunt tantum legum doctores, ut satis sit facere quæ præcipiunt, verum etiam futura significant. Non enim quia dicunt ideo fiunt quæ fiunt, sed quoniam futura sunt ideo prædi-

cunt, necesseque est non mentiri Prophetas, vident enim vere. Nisi enim juxta materiam rerum prædixissent, non fuissent Prophetæ: sed *Judaorum* erat electio ut hæc facerent: & in totum, sancti non cogunt ad ea quæ fiunt, sed voluntatem eorum qui faciunt prævidentes significant. Et quemadmodum illi contra veritatem ratiocinantes dicebant, tolle sermonem Prophetæ, & omnes *Judæi* credituri sunt: sic dixerim & ego, Tolle facta *Judaorum*, & omnino non prophetaverit de illis *Esaias*. Itaque si *Joannes* dixit: *Non crediderunt in illum Judæi, ut impleretur sermo Esaiæ*, ne causam incredulitatis illorum rejicias in sermonem Prophetæ, sed in actionem ipsorum *Judaorum*: Nam quæ illi nunc fecerunt, hæc præviderat multo ante Prophetæ, & oportebat hunc non mentiri, verum erat declarandum, quod quæ nunc fiunt, vere præviderit. Ut enim sermo illius posteris verax appareret, redarguti sunt increduli, etiam cum occultarentur: Erant enim proposito mali. Quoniam autem occultabant suam incredulitatem, sermo redarguit ac prodidit illos. Non igitur ideo non crediderunt, quia redarguit eos sermo cum occultarentur. Et si dixerit rursus, *non poterant credere Judæi, quoniam hæc scripta erant de illis*, ne tribuas impossibilitatem prædictioni rerum, poterant enim mutari, sed impossibile erat mentiri Prophetam, quandoquidem vere viderat, propterea fieri non poterat ut falleretur: nec enim aliter viderat quam ut factum est. Et quemadmodum apparuerunt increduli, sic & quod de virgine prædictum est miraculum, completum est, & quod juxta *Joannis* narrationem accidit hodie, & omnia quæ prius scripta sunt completa sunt. Non enim quoniam scripta fuerant ideo evenerunt, sed quoniam omnino facta sunt, ideo & prædicta fuerant. Itidem & hoc quod prædictum est de divisione vestium nunc accidit, & ut accidit ita & prævisum erat, & ut prædictum erat ac præsignificatum, sic & impletum perfectumque est. Scriptum est autem ad hunc modum: *Cum autem crucifixissent eum, diviserunt vestimenta ejus mittentes sortem, ut impleretur quod dictum est per Prophetam, Diviserunt vestimenta sibi, & super vestem meam miserunt sortem*. *Matthæus* quidem cum cæteris Evangelistis simplicius narrat factam esse divisionem, *Joannes* autem etiam qualiter facta sit divisio, & quam ob causam facta sit fors, de qua scriptum erat, exponit, loquens hunc in modum, *Milites ergo cum crucifixissent Jesum, acceperunt vestimenta ejus, & fecerunt quatuor partes, unicuique militi partem. Tunicam vero quoniam erat inconsutilis e summo texta per totum, dicebant inter sese, ne scindamus, sed sortiamur, cujus eris, ut Scriptura impleretur, Diviserunt vestimenta sibi, & super vestem meam miserunt sortem*.

Fortassis aliquis hæc audiens erubescit, fortassis aliquis videns Dominum illud & abduci cædique pudefit, fortassis aliquis nunc videns Dominum & Servatorem & Regem universi judicari sub *Pilato*, crucifigi a *Judæis*, pudore afficitur oculosque dejicit in terram. Neque enim Sol sustinuit hoc videre spectaculum, sed obscuratus est totus, ut & aliorum oculos averteret, neque curavit amplius exortum ostendere hominibus, verum etiam ausus est postea non obtemperare, cum videret Dominum, qui ipsi ut luceret præceperat, ab hominibus affligi. Verum si causam discamus, & quam obrem passus fuerit consideremus, non jam erubescemus, sed mirabimur bonitatem humanitatemque ejus, & gloriabimur nos quoque quemadmodum *Paulus* in cruce. Non enim Dominus ipse propter seipsum, sed nos in illo patiebamur. Nam hominum peccatum ingens erat, & hoc malum totum occupaverat orbem, cum autem & antea maximum esset, ac paulatim deinde crevisset, intolerabile factum est hominibus. Nam & mors in omnes & in omnibus invaluit regnando, Dominus autem noster immortalis & incorruptibilis est, & quemadmodum immortalis & incorruptibilis est, ita bonus quoque & humanus. Nam boni Patris bonus est sermo, eoque non dissimulavit perire quod factum erat, neque sustinuit, ut eorum quæ ipse condiderat, alius fieret Dominus. Verum cum aspiceret ad malitiam in-

tolerabilem, humanum genus non satis erat idoneum ad resistendum morti, neque poterat poenam pro peccatis dissolvere, superabat enim omnem poenam malitiæ magnitudo. Rursus cum respiceret & Patris bonitatem & suam potentiam ac virtutem (Christus enim Dei virtus & Dei sapientia) commotus est humanitate, & miseratus infirmitatem nostram, hanc induit. Ipse enim ut ait Propheta, *infirmiuitates nostras portauit, morbosque gessit*, ac miseratus nostram mortalitatem, induit illam: ait enim Paulus, *Humiliauit semetipsum usque ad mortem, mortem autem crucis*. Cæterum videns & illud, nos non posse persolvere poenas, has in se recepit ipse. Nam *Christus factus est pro nobis maledictio*, & ita tandem humana indutus amictusque per seipsum nos adduxit ad Patrem, ut ipse patiens eum qui vere patiebatur, redderet innocuum, ac parua magnis permutaret. Descendit enim ut nobis ascensum pararet, expertus est nativitatem, ut nos per eam Patri innascibili reconciliaremur. Infirmatus est propter nos, ut nos erigeremur robore, utque dicamus more Pauli, *Omnia possum in eo qui me corroborat Jesu Christo*. Assumpsit corpus corruptibile ut, corruptibile indueret incorruptibilitatem: induit mortale, ut quod erat mortale indueret immortalitatem: denique factus est homo, mortuus est, ut nos homines emorientes efficeremur Dii, nec amplius haberemus mortem regnantem. Mors enim nobis non dominatur. Quin & Apostolicus sermo prædicat, Propterea & crucifixus est, ut nos a maledictis redimeret, ac nos benedictionem adipisceremur. Nam ipse patiens in nullo damnum passus est, sed nobis potius beneficia contulit, & moriens non mansit mortuus, sed mortuos potius vivificavit, & cum mactaretur, non periit, sed sanguine victimæ, omnes simpliciter redemit, ipseque mansit mali expers.

Quod si quis interroget, quomodo id fieri possit? Audiatur: duarum rerum in eodem concursus factus est, rerum inquam, haudquaquam æqualium, sed quæ nec ulla ex parte habent inter sese comparisonem. Nam mortale immortali erat conglutinatum, & corruptibile corpus cum incorruptibili Verbo sociatum erat, sic ut quod erat mortale, non læderet id quod erat immortale, eo quod non esset passibile, sed potius manebat idem ut erat impassibile, vincens id quod erat mortale. Siquidem ea quæ superant, semper dominium habent in ea quæ superantur. Per Verbum igitur immortale quod accessit, etiam mors mirabiliter abolita est in eo, haud aliter quam ab igni culmus absumitur. Verbum autem quoniam est incorruptibile, iuvat potius id quod corruptibile est illi sociatum. Siquidem tenebræ a luce illustrantur, & quod minus est, ab eo quod majus est benedictionem accipit, & ideo nunc quoque a carnificibus exiit, quas nos in Adam indueramus, pelliceas tunicas, ut pro his possimus induere Christum. Ob eandem causam patitur & vestimenta dividi, ut nos haberemus Verbum a Patre indivisibile. Ego enim, inquit, & Pater unum sumus. Hanc ob causam mittunt sortem super tunicam, idque patiens dissimulat, ut nostra fors fieret Christus. Quemadmodum ait & Psalmus: *Dominus pars hereditatis meæ & calicis mei*. Unde non alibi patitur, nec alibi crucifigitur quam in Calvarie loco, quem *Hebræorum* doctores dicunt esse sepulchrum *Adæ*. Nam eum illic fuisse sepultum post maledictionem affirmant. Quod si verum est, admiror loci congruentiam. Conveniebat enim ut Dominus volens revocare primum Adam, eo in loco pateretur, ut illius peccato remisso, idem a toto genere tolleretur: & quoniam audivit Adam, *terra es, & in terram abibis*, ideo rursus illic positus est, ut illic reposito Adamo, primum dissolveret peccatum: deinde pro eo quod dictum erat, *terra es, & in terram abibis*, jam dicat: *Surge qui dormis & exsurge a mortuis, & illucescat tibi Christus*. Atque iterum, Surge & veni sequere me, posthac ne sis in terra positus, sed ascendas in cælum. Necessè est enim ut excitato Domino simul cum hoc excitetur & Adam, & quotquot ex Adam progeniti sunt. Et quemadmodum moriente Adam, manebamus omnes per illum mortui, ita excitato corpore

Dominico, necesse est ut deinceps omnes cum eo resurgant. Hæc sane est Pauli sententia. Scribit enim Corinthiis hunc in modum, *Sicut enim in Adam omnes moriuntur, ita & in Christo omnes vivificabuntur*.

Cæterum quomodo illum ducant ad crucem, operæ pretium est ex his quæ scripta sunt videre. Sunt enim hæc prorsus haud inutilia, neque temere scripta sunt in Evangeliiis. Posteaquam judicatus est Dominus, judicatus est enim & coram Præsidente stetit. Neque quisquam hæc legens erubescat, quandoquidem & hoc nostra causa sustinuit, ne si sileretur quibus artibus fuerint illum adorti, laterent *Judaorum* insidiæ, sed ut ex ipso iudicio palam fieret *Judaorum* insidiantium calumnia. Etenim si Servator non fuisset judicatus, minus patuisset *Judaorum* adversus Dominum invidia, verum ubi judicatus est, neminem jam latere potest, quales illi fuerint. Quin & ipse Pilatus Servatori testis fuit innocentiae puritatisque, ac *Judaorum* insidias detexit, *Sciebat enim*, inquit, *quod propter invidiam tradidissent eum*. Pilatus autem non novisset *Judaorum* invidiam, nisi exhibitus fuisset Servator judicandus. Rem vere magnam & admirabilem fecit Servator, tacens movebat, & nihil respondens effecit ut iudex confiteretur illorum conspirationem, quodque magis obtemperatum est turbæ quam iustitiæ. Nam si se defendisset Dominus, poterat aliquis suspicari formidinem mortis, quoniam autem obticuit, admirari convenit firmitatem ac fortitudinem. Quod autem & Pilatus sic responderit, nihil aliud est, quam quod credidit eum, qui condemnabatur, esse Deum. Etenim cum a Pilato judicaretur, oraculum edidit per huius uxorem, ut simul & ex silentio fortitudinem admiraretur, & oraculo cognosceret non hominem, sed Deum esse quem judicabat. Metuebat itaque iudex eum qui judicabatur, & magis ipse judicabatur metuens eum qui judicabatur, quam iudicando terruit Dominum, eoque manus lavit dicens: *Innoxius sum a sanguine hoc*, quanquam postea victus *Judaorum* amicitia, simul cucurrit cum illis insidiantibus, ut eum traderet crucifigendum. Traditur igitur Salvator, ac traditus non expavit mortem, sed potius exutus est, ad luctandum cum illa, Serpentemque fugientem persecutus est. Non enim erat ut moriens Dominus, sed ut mortem in hoc persequens. Ibi sane jam pavidus Diabolus, confecto miraculo quod acciderat in Pilato, videlicet quod is qui judicabat, magis expavesceret quam qui judicabatur, cum videret & illo persuaso jam ad certamen exui Dominum, nihil intentatum relinquere studuit avidus cognoscendi, quod prius in monte tentans eum non potuerat perdiscere, an hic esset filius Dei. Tum pudefactus, observabat mortis tempus, existimans se posse Dominum tentare morte, quacunctos in servitutem redegerat. Scriptum est enim apud Lucam, *Consummata omni tentatione Diabolus discessit ab eo ad tempus*. Hoc est autem illud tempus, quo ipse etiam hostis sciebat sese conculcatum iri ab omnibus, si hic quoque concidisset. Jam enim hoc solum certamen reliquum erat, nudato cæteris omnibus. Itaque movet omnem lapidem, ut sciret num ille esset Servator. Hoc autem faciebat, ut si vere potuisset de illo fieri certior, ne aggredi quidem tentaret, sciens inexpugnabilem illius divinam potentiam. Dominus videns illius malitiam, quod non honoris erga ipsum gratia, sed ut homines in servitute detineret, venaretur illud, occultabat suam Deitatem, ac velut hominem se gessit, ne si non adortus esset tanquam Deum, abiret innocuus, sed ut contemptum velut hominem aggrediretur, ac post ab hominibus inciperet derideri: perinde ac si quis adversarium suum videns trepidantem, metuque fugientem, simularet imbecillitatem quo illum provocet, mox ille qui fugiebat respiciens ad illius imbecillitatem sumpta fiducia aggrediat, deinde præclarus ille luctator, qui imbecillitate provocarat, propria virtute vinceret. Sic Dominus humana infirmitate provocans adversarium, sua virtute corroboravit hominem adversus hostem. Hanc etiam ob causam circa mortis tempus angi coepit & contristari, deprecans, ut poculum hoc transiret, clamabatque, *Spiritus promptus, caro autem infirma*: ut ad-

versa-

versarius noster velut hominem aggressus, divinam experiretur potentiam. His itaque rebus illeclus miser delusus est, & adortus est Dominum, mox conspiciens fortitudinem expavit. Rursus considerans corporis imbecillitatem, recepit audaciam. Jamque videre licebat Diabolum cum toto exercitu, cum Principatibus ac Potestatibus suis fugientem, Dominum autem humanis armis persequentem phalangem Diabolicam: Nec enim intercessit multum intervalli, quin cunctis spoliaret hostem. Ibi jam ille pudens adversus Dominum movebat omnia. *Judeos* quidem, ut conspirarent, *Pilatum* autem, ut condemnaret, milites ut illi illuderent, verum ignorabat, quod hæc quoque faceret in suum ipsius malum. Cæca est enim malitia & improvida perversitas, nesciebat quod manus adversus sese acueret. Quemadmodum enim si quis serpentem apprehendat manu, dumque conatur in alterum projicere, prorsus ipse mordeatur, aut si quis ignem manu tenens, dum vult hostem lædere, non intelligat quod ipse prorsus exurit: sic malitia militat adversus eos qui ipsa utuntur, magisque lædit eos a quibus habetur, quam eos in quos intenditur. Sic *Pharao* dum studet comprehendere, comprehensus est, & dum prior insequitur, ab insequente captus est, dumque parat occidere, demersus est. Sic & *Goliath* per ea quibus efferebatur, truncatus est, & spoliare cupiens, spoliatus est. Itidem accidit infelici Diabolo; Nam tentare conans, tentatus est, ac dum movet milites, imo magis ipse in militibus movetur, adversus seipsum agebat omnia. Jam enim spoliabatur, & latebat inter homines victoria, verum eam vel nolens, in publicum eduxit, infelix.

Postquam enim sese exuisset ad congressum Dominus, negotio quod gerebatur invisibiliter peracto, quo trophæum adversus Diabolum paratum, fieret omnibus conspicuum, protinus induerunt eum, quemadmodum *Joannes* dicit, *purpura*, ut vero *Matthæus* & *Marcus*, *chlamyde coccinea*, coronamque de spinis super caput illius, & arundinem in manum dabant, atque ita accedentes, genua flectebant ei. Miraculum novum & incredibile magnæque revera victoriæ documentum: quem enim ut hominem condemnarant, hunc morientem deinceps, ut Deum adorabant; Et quem pro nihilo duxerant ceu vilem, hunc confitebantur Regem: & a quo vulgaria vestimenta abstulerant, huic purpuram imponunt: & quem inscientes contumeliis afficiebant, hunc nolentes Prophetam appellabant: & quem illuserant verberantes, huic victoriæ præmia tribuerunt coccinam chlamydem, & e spinis contextam coronam cum arundine: Quanquam enim per contumeliam ista faciebant, tamen ignorabant quod etiam nolentes spoliabantur ab eo. Quoniam enim pro peccato occisa erat terra a Diabolo, ac sanguine magis quam aquis erat tincta, a principio quidem aperuerat os & hauserat *Abel* justum sanguinem. Postea vero deinceps, sanguinem sanguini miscentibus hominibus, juxta id quod scriptum est, videlicet *et mendacium et furtum et adulterium effusum est super terram, et sanguinem sanguini miscuit*. Eratque propterea & execrata terra, dicente Deo, *et nunc maledicta terra qua diduxit os suum, ut acciperet sanguinem Abel fratris tui*. Quanquam & prius propter transgressionem *Adæ*, maledixerat illi Dominus dicens: *Maledicta terra in operibus tuis, in doloribus comedet eam omnibus diebus visatua*. Quid multis? plena sanguinis erant omnia, spinæque pullulabant undique propter maledictionem. Et harum rerum cum haberet chirographum, insultabat adversus omnes inimicus, tyrannidem exercens velut omnes habens sibi subiectos. Hujus rei gratia cum spoliasset illum omnibus Dominus, cum jam adduceretur ad mortem, induit hæc, ut ostenderet officium mortis suæ, quodque non temere, sed pro salute nostra ista fierent: ac sanguinem quidem in coccinea chlamyde gestabat, spinas autem in corona, chirographum vero in arundine, qua & olim circumscripserat nos Diabolus, ut deinceps una cum morte hæc quoque aboleret, & creaturam ab iis purgaret, pro spinis quidem lignum vitæ donaret, pro peccati vero sanguinibus, proprio sanguine terram & omnes repurgaret,

psal.
105.

A proque maledictione beatitudinis omen in posterum adferret, iis qui habitant in terra dicens, *Beati milites, quoniam ipsi hereditate possidebunt terram*. Nam propterea cum nostros sanguines gestaret, proprium in illam exhauserat, ex quo etiam, loco spinarum, bona & vita nata sunt super illam, ad quam respiciens sanctus *David* ait: *Credo videre bona Domini in terra viventium*. Quin & alia de causa coronam spineam gestabat, ut vitæ nostræ curas aboleret. Conjecit enim infelix ille etiam nolens & insciens misérias nostras in illum, haud sciens quod hoc gestans Dominus, omnes securos adversus illum esset redditurus, ut sementem quidem verbi liberam haberemus a spinis, in precibus autem indivulsam assiduitatem. B Ipse enim pro nobis doluit, & sollicitus fuit, ut nos doloris expertes redderemur.

Propter hoc vero rursus & arundinem accepit ab illis Dominus, & ipse Diabolus tradidit illa Domino, haud intelligens quod adversus semetipsum gladium acueret, (Dicitur enim arundo vim habere tollendi serpentes) quodque Dominus hac potius, quam alia re exsecraturus esset ipsos: quoniam igitur ipse Dominus Sabaoth apud *Esaiam* dicit, *Persecutus est fugientem Draconem*, videlicet Serpentem illum magnum Diabolum, eo Dominus ab illis accepit, quod serpentes tollendi vim habet, ut Diabolo præfidiis propriis debilitato fractoque, Domini præfidiis fortes redderentur homines. Cujusmodi quiddam fecit *David* in *Goliath*, arrepto hostis gladio, & eo caput hostis amputans: hoc & nunc Servator fecit accepta ab illis arundine, ut non solum nos liberaret a fallacia Serpentis, verum etiam ipsum Serpentem arundine interficeret, mortuumque spoliaret. Ita tandem illusus miser, vidensque sese ex his excussum per quæ insultabat adversum nos, vidensque sese ejectum e terra, terramque purgatam e sanguine & spinis, ac videns seipsum perdidisse chirographum & arundinem, qua circumscripserat nos, audet rursus non audenda, magis in hoc quoque seipsum vulnerans. Cum enim audisset versutus ille dicentem Dominum, *Spiritus promptus, caro autem infirma*, arbitratus Verbum simul infirmatum esse cum corpore, ac non magis potentia verbi simul corroboratum esse corpus, rursus aggreditur, iniqua, ac milites quidem irritavit adversus Servatorem, cæterum ipse in spinis hærebat, ac in ipsum res revolvebatur. Nam cum accideret diversum quam expectarat, gestans illas perdidit, & cum non gestaret, creditus est posse capere eas, sed non prius accepit quam maledictionem adversus nos in illis repositam, sublevaverat Servator. Cum enim hanc nempe arundinem gestasset Dominus, rursus accepit spinas & chlamydem, quæ jam non valebant adversus nos, sed illorum malitiam arguebant. Nunc enim ipse Diabolus in spinis velut in aculeis est calcitrans adversus nos. Dicitur autem illi de coccinea quoque chlamyde, quemadmodum vestis sanguine macerata non est pura, ita nec tu quidem eris purus, eo quod terram meam perdidisti, & populum meum occidisti. Quapropter nunc quoque provocans milites adversus Servatorem, calcitrabat stimulis tanquam spinis, magisque vulneratus est, quam vulneravit. Quos enim moverat adversus Servatorem, iidem adversus ipsum armabantur. Accipientes enim arundinem a Domino, arbitrati se verberaturos illum, excæcaverunt Diabolum a quo fuerant provocati, percutientes eum spinis: & quemadmodum gentes quæ ascenderant *Hierosolymam*, conciderunt se mutuo in valle *Josaphat*, quemadmodum qui persequiebantur *Israëlem* progressi juxta ripas, inter se commissi sunt, & invicem sese comprehenderunt: sic & nunc qui persequiebantur Dominum, semet invicem percusserunt inscientes, lædentes quidem neminem, sibi ipsis autem potius nocentes. Perinde enim ac si quis saxum manu percutere velit, petram quidem non scindit, sed manum vulnerat; Sic & qui adversus Dominum moliebantur, velut audentes adversus id quod erat incorruptibile, corrupti sunt, & tanquam adversus immortalem machinantes, ipsi potius mortui sunt: Quodque est omnium pessimum, per sua ipsius membra passus est. Id quod maxime accidit illi versuto ad summum dedecus: nam omnino cum a Domino concideretur,

Tom. VIII.

Aa 2

po-

poterat gloriari, cæterum ubi ab iis conciditur, quos in servitutem redegerat, hoc superat omne probri genus; Verum non illa plaga Serpentem sustulit, non enim tantum poterant homines, cum essent & milites, sed illud potius affecit illum dolore quod contumelia a *Judeis* ipse esset illata. Vulnerabat autem illum non plaga ab eis illata, sed potestas magis ex manu Servatoris data arundini. Hac enim Dominus specie tectus, & humana obijciens oculis, cepit Serpentem in spinis: cumque ut homo verberaretur, permittit militibus ut percuterent Serpentem, ut qui prius gloriatus fuerat se esse Deum, gloriatus fuerat, quod Dominum tentaverat, dum a militibus percutitur, extremam ferat ignominiam. Hæc autem illi venerunt etiam præter sententiam, frustra to his quæ captabat. Cum enim ipse operaretur in his qui vociferabantur adversus Servatorem, insciens silentium accersivit adversus semetipsum. Cum provocaret *Pharisæum*, non intellexit, quod pro timiditate procuraret intrepidam constantiam: cum incitaret, ut verberarent Dominum, fallebatur, ostendens malorum tolerantiam: denique debacchans adversus Servatorem non vidit virtutem armari adversus malitiam. Nam omni malitia & improbitate gaudet hostis, & si quid mali est, hoc arma Diaboli sunt; Aut enim metu mortis, aut omnino cupiditate vindictæ persuadet peccare. Unde Dominus sustinuit omnia, ut timiditate quidem fortitudinem, contumelia vero, malorum tolerantiam, ira vero mansuetudinem, breviter, per omnem virtutem adversus malitiam nos resistere doceret. Ac primum quidem docuit, ut verberanti maxillam, obverteremus alteram, nec timeremus ab iis qui occidunt corpus: & illud, *ab eo qui tollit tuam ne repescis; Bene dicite persequentibus*. Cæterum ne præceptum putaretur impossibile apud quosdam, per seipsum omnia exhibuit Dominus, & per ea quæ passus est, persuasit omnibus ne injuria affecti régerant injuriam, & percussus repercutiant, neve irrisi irascantur, & ne ab eo qui tollit nostram repescamus, & in totum, ne metuamus mortem, sed contemnamus eam spe futurorum. Nam hoc potius modo facilius adversus Diabolum & omnia peccata continget victoria, quam si ulciscamur. Nam ulciscentes nos & injuriam reagentes, & vicissim injuriam referentes injuriam facientibus, augemus etiam & alimus adversus nos ipsos malitiam, non magis hostes, quam nos ipsos lædentes, eo quod condemnati propter malitiam, judiciumque manet eos qui condemnant ac judicant. Cæterum cum exemplo Domini sustinemus quoties lædimur, ac convitiantibus opponimus tolerantiam, minantibus vero fortitudinem, morti spem immortalitatis, prorsus iis rebus dolore afficimus hostem, atque ille hujusmodi armatura prostermitur, qua *Paulus* quoque nos armans ait: *Inimice igitur armaturam Dei, ut possitis adversus insultus Diaboli stare*. Nam ad hunc modum & Domino sustinente factum est illud, *Videbam Satanam cadentem e celo tanquam fulgur*.

Protinus igitur postquam iis Dominus corroboratus esset, hostisque concidisset, imposuerunt illi crucem. Argumentum veræ victoriæ etiam imprudentes exhibebant adversus seipsos. Quam diu enim stabat hostis habebant carnifices lignum, posteaquam vero conciderat, contritusque fuerat, tunc trophæum accepit Dominus, ac sibi ipsi gestavit. Decet enim ut qui triumphum agit adversus Diabolum, non alteri concedat, sed sibi ipsi gestet trophæum. Accepit autem simul cum trophæo etiam vestes ab illis, cum abiret ad mortem, ut has quoque simul cum morte exueret, propter hoc rursus exuendo sese celeritatem addidit abductoribus, ut ipsum ad mortem ducerent; cum autem abduceretur secundum *Joannem*, sibi ipsi crucem bajulabat, secundum alios vero Evangelistas, *Simon* homo *Cyrenensis* portabat crucem: neque hoc pugnat cum *Joanne*, neque enim *Joannes* scribit cæteris contraria, sed utrumque hic factum est. Nam & sibi ipsi Dominus crucem gestavit, & rursus *Simon* homo portavit illam. Primum igitur portavit veluti trophæum adversus Diabolum *Jesus*, volens autem crucem sibi ipsi ferebat, neque enim necessitate compulsus accessit ad mortem: Rursus au-

tem gestavit eam *Simon* homo, ut omnibus notum fieret, quod non suam ipse, sed hominum mortem moreretur Dominus. Hæc cum sic essent facta, venit festinans ad locum ubi erat illi conscendenda crux, ut chi-rographum, quod erat adversus nos, ab hostibus abreptum, affigeret cruci, ac spoliatos Principatus Potestatesque, confidenter traduceret ligno, triumphum agens adversus illas, ostendens ex ore leonis revulsum hominem, mox proprio sanguine rigans purgansque terram. Hoc autem facturus exuebat vestimenta. Oportebat enim eum qui reduceret hominem in paradisum exuere tunicas, quas acceperat *Adam* cum e paradiso ejiceretur. Postquam enim peccaverat, restabat ut etiam moreretur. Acceperat autem pelliceas tunicas ex animantibus mortuis factas, signum mortificationis quæ illi per peccatum accesserat. Verum Dominus qui omnia nostra propter nos in se recepit, induit hæc, ut exueret, proque his nos indueret vitam & immortalitatem. Induit autem cum his etiam tunicam quæ fuit desuper contextilis per totum, quæ vel hinc credere possent *Judei*, quis esset & unde esset qui hæc induit, quod verbum erat, non a terra, sed e coelis veniens, quodque non divisibile, sed indivisibile verbum est Patris, quodque factus homo non habuit corpus ex viro foeminaque contextum, sed ex virgine sola, contextum Spiritus gratia. Unde milites cætera quidem vestimenta partiti sunt: poterant enim dividi, & dividunt in partes quatuor, eo quod pro peccatis mundi quadrifariam divisi ad exortum, occasum, septentrionem ac meridiem, gestabat illa, quibus indutum cum videret eum *Joannes* ait, *Ecce agnus Dei, ecce qui tollis peccatum mundi*! Solam tunicam non valuerunt scindere, metu miraculi quod per illam significabatur. Neque enim hoc illorum, sed Servatoris in cruce pendentis factum erat. Suspendus enim ut homo, Principatus persequebatur, ipsum Diabolum comprehendit, ac milites terruit, ne scinderent tunicam, ut hac manente, maneret & quæ paulo post facta est adversus *Judeos* redargutio, quoniam velum quidem scissum est, tunica vero Servatoris, ne a militibus quidem scissa est, sed mansit integra. Manet enim Evangelium semper integrum, cum interim dissipentur umbræ. Attamen exutis vestibus properabat ad mortem. Ibi rursus Diabolus ubi vidit Servatoris promptitudinem, seque simul & coelis ejectum & e terra profligatum, non habebat quid faceret. Omnia erant illi tumultus desperationisque plena. Ac ut manere non potuit, ita fugere non audebat. Nilominus cogitans, quod eos qui moriuntur, oportet in terra mori, juxta id quod scriptum est, *terra es & in terram ibis*, metuens in terra manere ne ibi comprehenderetur, quod solum restabat, subvolabat in ærem, quo fortasse vel hac ratione ærem haberet liberum Dominico corpore in terra posito. Verum Dominus hic quoque declarans amorem erga homines, non in terra mortuus est, sed ærem ascendit per crucem, & illic Serpentem illum persequens, ut illinc Principem potestatis æris profligaret, ac spiritualia malitiæ dejiceret, ne sic quidem relinquens terram incuratam: sed quemadmodum pendens in cruce purgavit ærem manuum extensione, sic terram liberavit, sanguine & aqua de latere profluente, abluens illam.

Quid supererat hosti faciendum, cum hæc pateretur? e coelo depulsus, e terra quoque profligatus est, demum in ære a persecutore urgebatur, insuper erubescibat, magna pollicitus cum nihil efficeret. Proinde superatus undique, & undique spe destitutus, cogitat quomodo vel tartarum servaret, nam is locus illi supererat. Itaque metuens ne & illuc descenderet Dominus, atque illinc ipsum deturbaret, liberatis omnibus quos habebat captivos, omnia commiscuit, omnia turbavit, omnes in auxilium advocans, incitavit iterum *Judeos*, ut Dominum probri afficerent, & omnino contumeliis ac risu debaccharentur in illum; In summa, quicquid habebat armaturæ, hoc expediebat adversus Dominum, si forte vel hoc modo eum peccato factum obnoxium capere posset. Nam *Judei* deridebant Dominum dicentes, *Si filius es Dei, descende de cruce*.

cruce. Ac Servator qui vere erat filius Dei, non fugiendo mortem, sed manendo, & interim mortem calcando, voluit agnosci filius, & quod ipse esset vita. Poterat enim de cruce descendere, qui alios etiam mortuos excitaret, verum is descensus declarasset illum fugere mortem. Cæterum quod perseveravit, nihil aliud significavit, quam eum qui perseverabat esse vitam. Nam hanc ob causam vehementer erat curæ Diabolo, ut per hos exprobraret Domino, cupiens illum a cruce descendere, ne esset inter mortuos, ut vel sic absque malo discedens mortuorum dominium obtineret. Metuebat enim ne juxta id quod scriptum est, conscendens in altitudinem crucis, captivam duceret captivitatem, & dona caperet in hominibus. Suspiciabatur enim hunc forsitan esse, de quo hæc scripta fuerant. Eoque rursus commovit Phariseos ille scelestus. Jamque frustra effecit, ut promitterent se credituros, tantum si descenderet de cruce. Hæc omnia vero movebat, ac præter animi sententiam pollicebatur, tantum ne mortuus descenderet ad inferos. Concitavit igitur rursus Phariseos, ut dicerent, *Alios salvos fecit, seipsum non potest salvum facere. Si Rex Israël est, descendat nunc de cruce, & credemus ei.* Non hoc agebat, ut crederent Pharisei, incredulitatis doctor Draco, sed hoc volebat, ut Dominus mortem fugeret: nec illud studuit scire, an posset seipsum salvum facere, sed hoc agebat, ne aliis contingeret salus. Etenim si plane cognoverat eum servasse alios, non erat ambiguum, qui aliis dedisset salutem, eundem esse patrem & vitam. Ob hanc igitur causam illi exprobrabant, ne cæteris salus contingeret. Noverat enim ille curiosus Dominum non mori, sed hujus mortem omnibus salutem ac vitam fore. Ob hoc volebat illum descendere de cruce, incitans Judæos, ut pollicerentur se credituros, si forte pollicitatione credulitatis obtineret quæ volebat. Dominus autem qui re vera Servator erat, qui non quaerebat quæ ipsius erant, sed quæ nostra, non ex eo quod servasset seipsum, sed ex hoc quod redemisset ea quæ condiderat, voluit declarari Servator. Neque enim quis ex hoc medicus esse cognoscetur, si recte valeat ipse, nisi & aliis morbo laborantibus ostendat artem. Neque Sol si radios in se contrahat, cognoscetur esse lumen, nisi eos in orbem hunc proferat, ejusque tenebras sua luce discutiat. Ita Servator, non servavit semetipsum. Siquidem ipse cum esset Servator non opus habebat salute, sed ex eo quod cæteris beneficeret, voluit ab omnibus agnosci Servator omnium: Neque ex descensu de cruce voluit intelligi filius Dei, sed ex eo quod maneret in cruce. Siquidem mors Servatoris fidem ac salutem adfert hominibus, magis quam attulisset de cruce descensus: videlicet dum adhuc penderet in cruce, monumenta aperta sunt, & mortui in illis jacentes salutem adepti sunt; Suspensus latro credidit in eum, ut Dominus ostenderet se vere Servatorem esse, quoque etiam mortuis per fidem fructificaret.

Super his tandem vere obstupuit Diabolus, totaque hunc desperatio merito tenuit. Videbat enim sese perdidisse latronem in cruce, & cui pridem persuaserat latrocinari, hunc videbat credidisse, & quem concitabat ad dicendam blasphemiam, ab hoc videbat adorari Dominum, & alterum latronem reprehendi: imo potius in eo quod acciderat latroni rursus provocabatur, eo quod quem ut latronem interfecerat, hunc rursus conspiceret transferri in Paradisum. Cæterum cum videret quicquid habebat armorum, dejectum esse, nec esse missum telum ab eo, quod non irritasset Dominus, sicut scriptum est, *Inimici defecerunt rompha in finem, & civitates dejecit.* Propterea turbabatur, ac desperans, tentavit Servatori dare potum acetum cum felle, verum non intelligens, quod id etiam adversus seipsum procuraret. Siquidem amaritudinem iræ, quæ per Legis transgressionem acciderat, qua obstrictos tenebat omnes, reddebat Servatori: at ille sumens absumpsit exhaustaque, ut pro aceto quod miscuerat Diabolus, Christus vino potaret nos sapientiæ: pro felle, daret nobis eloquia, dulciora super mel & favum, & pro eo quod ille nostra gustaverat, vicissim diceret nobis, *gn-*

A *state & videte quod suavis est Dominus.* Ubi vero & hinc ejectus est Diabolus spoliatusque, jam coepit illum suspicio quædam talibus signis conspectis, ne forte non cum homine, sed cum Deo pugnaret. Cernebat enim iis artibus quibus venabatur omnes, seipsum pudefieri, & concidere potius quam dejicere. Itaque deinceps tentabat discedere, ac terga dare fugæ. Cum enim videret illum pendentem ac persequentem mortem, metuebat, ne is esset de quo scriptum erat, *Exaltabitur Dominus, ut misereatur nostri:* eoque studebat omnia potius relinquere ac fugere, nimirum invidens iis, qui a Domino misericordiam essent consequuturi. Sed Dominus cum esset revera Servator, nolens Diabolum abire sine dispendio, neque quod coeperat irritum relinquere, neque eos qui erant apud inferos dedititios hosti deferere, designavit magnum quoddam & militare facinus; Etenim cum videret eum qui fuerat audax pavitantem ac tremantem ac refugientem, rursus seu succumbentis imaginem assumpsit, ut aggredientem hostem prorsus subjugaret. Nam ille Draco nolebat mori Dominum, ne tum quidem cum penderet in ligno, sed volebat eum descendere de cruce, ne moreretur. Quod si non descenderet, etiam si simpliciter maneret in ligno, tantum optabat ne moreretur. Metuebat enim ne illud quod scriptum est eveniret, *Spiritus Domini super me, eo quod unxit me, ut Evangelium adferam pauperibus misit me, ut predicarem pauperibus remissionem, ut cæcis visum.* Eoque metuebat, ne hic esset unctus ille ac missus, ac deinceps per hunc omnes liberarentur.

Exutus igitur hostis omnibus optabat, vel inferorum regnum tenere. Nam rursus metuebat, ne hic esset qui tenebris lucem inferret, de quo scriptum erat: *Galilæa Gentium, populus sedens in tenebris, lucem vidit magnam.* Audierat enim eum dicentem, *Ego sum lux.* Unde metuebat sibi Diabolus ne funditus interiret, & omnibus excuteretur. Cæterum Dominus videns eum fugientem, ne id fieret, atque in exilium abiret hostis, voces edidit humanas, & voces infirmitatis, dicens, *Eloi, Eloi lamazababani,* hoc est, *Deus meus, Deus meus, quare me deseruisti.* Idque faciebat, ut Diabolus qui Deum expaverat, hunc hominem esse credens, etiam post fugam rediret. His igitur vocibus pellectus ille pessimus, rursus ut hominem aggressus est, & manus conseruit. Persuasit enim Judæis ut eum deposcerent ad occidendum; Factumque est quod non exspectabat. Occisus enim est, non ex alia corporis parte quam ex latere, unde fluxit sanguis & aqua: ut quoniam prius, per mulierem de latere formatam venerat deceptio, per latus posterioris *Adæ*, redemptio purgatioque prioris fieret lateris: redemptio quidem per sanguinem, purgatio vero per aquam. Hoc autem secus evenit quam Diabolus exspectarat: Nam mortem quam metuebat eventuram, Dominus appetiit, atque ille spoliatus est, cumque putaret se Christum in morte tenere captum, ipse potius ostensus est mortuus, cumque gloriaretur, quod hominem adortus esset, effecit ut innotesceret Deus. Mox enim ut mortuus est, creatura caruit Sole, velum Templi disruptum est, terra commota est, petra scissæ sunt, milites una cum inferorum janitoribus turbati, facti sunt attoniti. Quibus ex rebus perspicere licebat eum non jam essetantum hominem, sed verum Deum in humano corpore, quemadmodum dicebant qui spectabant, *Vere hic est filius Dei.* Nam & monumenta multa aperta sunt, & excitata sunt horum cadavera. Vere cæca res est malitia. Cum enim se putaret unum occidere, spoliatus est omnibus, cumque crederet sese præcipitaturum unum ad inferos, ab inferis expulsus est, cunctisque palam est factum, quod non ob infirmitatem naturæ mortuus est Dominus, sed quod in exitium mortem ut eam aboleret, persequutus est, & ab hac liberaret, quotquot metu mortis, dum semper cupiunt vivere, obnoxii tenebantur servituti. Nec multum intercessit moræ & tartari dolores solvit, & alios excitavit dicens, *Surgite, eamus hinc.* Quin & ipse surrexit ac revixit a morte, illius audaciam vertens in ludibrium, quemadmodum in Hymnis ante prædixerat Spiritus: *Qui habitat in calis ir-*

ridebit eos, & Dominus subsannabit illos. Nam vere irridetur ad hunc delusus modum, dum res illi secus quam putarat, eveniunt. Quemadmodum enim insectum animalculum, cui nomen vespa, cum impetit petram, non eam lædit incursum, sed potius perdit aculeum, sic & mors vehementer falsa est incurrens in vitam, quæ est *Christus Jesus*. Non enim potuit eum tenere mors, sed ipsa potius aculeum perdidit, adeo ut quos prius terrebat aculeus, nunc insultent ac dicant, *Ubi tuus mors aculeus, ubi tua contentio tartaro*. Ac rursus, *Devoravit mors invalescens*. Et iterum, *Abstulit Deus omnem lachrymam ab oculis omnium*. Post hæc expulsus infelix ab inferis, sedens juxta portas, conspicit fortitudine Servatoris educi vinctos omnes, ac mortuos quidem reviviscentes, captivos autem dimitti, & sanctos primum occurrentes, imprimis *Abraham*, cunctos applaudentes, juxta id quod scriptum est: *Prævenierunt principes conjuncti psallentibus, in medio adolescentularum tympanistrarum*. Videt eos qui liberantur, gaudentes dicentesque, *Dum converteret Dominus captivitatem Sion, facti sumus sicut consolationem assequuti. Tum impletum est gaudio os nostrum, & lingua nostra exultatione*. Nam & Angeli & totus Angelorum exercitus caneant Hymnos dicentes, *Gloria in excelsis Deo, & in terra pax, in hominibus bona voluntas*. Occurreruntque liberatis adolescentulis videlicet animabus, ipsæque animæ una cum Angelis concurrerant, ac Patriarchæ redibant, omniaque undique consonabant cum lætitia & Psalmis super victoria de morte relata. Et quemadmodum super *David*, ubi concidisset *Goliath*, puellæ ducentes choreas cum tympanis occurrebant dicebantque, *Percussit David in decem milibus suis*, Tale quiddam & in morte Servatoris factum est; Nam posteaquam surrexisset, omnes iverunt obviam cum choris & cantionibus tympanisque alternis inter sese dicentes, *Venite exsultemus Domino, jubilemus Deo Jacob*. Alii vero choros ducebant dicentes, *Ascendit in altum, captivam duxit captivitatem, dedit dona in hominibus*. Jam vero nonnulli, imo omnes, ad spectaculum provocabant dicentes, *Jubilare Deo omnis terra, psallite nomini ejus*; Ac rursus, *Venite, videte opera Domini; Terribilis in consiliis supra filios hominum, sustollens bellasque ad extremum terræ*. Non enim jam est inimicitia & bellum, sed omnia pace fruuntur, hoste jacente mortuo, vinctoque eo manibus simul ac pedibus, qui prius tyrannidem exercebat. Alii vero rursus qui noverant Diaboli confidentiam, atque ingentes insidias, cum nunc eum viderent mortuum, admirantes dicebant, *Quomodo cecidit e caelo Lucifer, qui mane oriebatur, & quomodo contritus est confractusque malleus universa terra?* Siquidem cum admiratione etiam attonitus stupor cunctos habuerat, mirabantur enim magnum illum tyrannum, videntes adeo repente jacentem mortuum. Ignorabant autem causam ruinæ, præsertim quoniam non credebant mortem morte aboleri, neque cruce tantum Serpentem dejici posse. Unde rursus admirabantur dicentes, *quomodo capta est Babylon?* Videbant etiam tartarum spoliatum.

Cæterum hæc videns infelix & hæc audiens, jam infaniebat & irritabatur plorans. Cum enim videret sese spoliari, plangebat seipsum, cæterum cum videret etiam eos qui quondam fleverant ipsi subditi, nunc psallentes in Domino, dilaceravit semetipsum. Rursus cum videret etiam subsannari sese ab illis, discerpserit vehementer seipsum, nec habens quid faceret, tantum stridebat dentibus, quemadmodum qui hoc viderat Psalmorum cantor testatur dicens, *Observabis peccator justum & fremet super eum dentibus suis, Dominus autem deridebit eum*. Ac rursus, *Peccator videbit & irascetur, dentibus suis fremet, & contabescet*. Fremebat autem poenitens, quod omnino ausus fuisset adversus Servatorem; Noverat seipsum & antehac ausum fuisse contra justos, neque quicquam tale passum fuisse. Siquidem cum insidiatus esset *Abeli*, cum Patriarchas afflixisset, cum insidias struxisset etiam *Esaia*, cum *Hieremia* intulisset contumeliam, cum *Job* tentasset, rursus vires recepit, & regnavit mors ab *Adam* usque ad *Mosen*. Nunc vero cum ausus fuisset adversus Dominum, videt se-

ipsum factum *Irum*, ejectumque omnibus & ab omnibus conculcari. Opus enim Servatoris factum est non solum ut ipse mortem deluderet, verum etiam ut nos in illam invaderemus: ut non solum nos a servitute liberaret, verum etiam eum qui nos in servitute adegerat, aboleret, ne quando receptis viribus decipiat nos, Deique beneficium fiat irritum. Unde ipse posteaquam delusisset mortem, jam nobis eam dedititiam fecit, ut illam conculcaremus dicens, *Ecce dedi vobis potestatem calcandi super serpentes & scorpiones, & super omnem potentiam inimici*. Ac rursus, *Conculcabitis Leonem & Draconem*. Nam olim quidem Serpens calcavit *Evam*, hujusque invidia mors in mundum ingressa est, nunc vero conculcare cupiens ac decipere, audit, *Abi post me Satana*. Et quoniam adversarius noster Diabolus tanquam leo rugiens circumibat sitiens nostram animam, nunc vero conculcatur una cum Dracone, ac posthac Deus velociter conteret Satanam sub pedes nostros; Adeoque contemptui est ac deluditur, ut etiam in foramen aspidum aliquis mittat manum, nec timeat. Hæc enim *Esaia* prædixit, & sermo verax est. Nunc enim pueri voluptatem, quæ quondam senes etiam seducebat, derident, inque nondum legitimam ingressi ætatem, pudicitiam quæ supra legem est induunt, virginesque manentes per verbum, calcant serpentis voluptatis fallacias, nihil metuentes hujus letales morsus. Jam vero nonnulli etiam ipsum Diaboli aculeum conculcantes, non formidarunt mortem, sed vitam suam morte commutarunt, testes facti verbi. Propter hoc enim mortuus est Dominus. Multi vero relicti his quæ sunt super terram, libero ingressu aerem penetrant, atque in coelis habent conversationem, non amplius metuentes Principem aeris, verum etiam reprehendentes ac si velit prohibere dicentes, *Abi post me Satana*, quoniam Dominum Deum meum festino adorare. Nam hac de causa in aère crucifixus est Servator. Porro via Paradisi quondam per peccatum clausa, nunc volentibus patet, sicuti testatur *Paulus* raptus illuc & abductus in coelos. Ideo enim delusit Dominus Serpentem. Ac tartarus quidem in nihilum redactus est, non jam regnante morte: sed omnibus resurgentibus Diabolus non amplius insurgit adversus nos. Concidit enim, ac dejectus, vere super pectus & ventrem ingreditur. Propterea siquidem surrexit Dominus. Et homines quidem didicerunt contemnere corporales divitias, divites facti verbo & cognitione. Cæterum Draco qui jactabat se divitem esse, nudatus est, & nunc nudus *Irus* & pauper est, omnibusque jam pridem spoliatus. Etenim qui erat in medio Cherubim, omni indutus lapide pretioso, Sardio, Jaspide, Achate, nunc jam super papyrus & arundinem ac silicem dormit, quemadmodum in *Job* de illo dicitur.

Hanc enim ob causam Dominus pauper factus est, ut nos illius paupertate disceremus, ac Diabolus nudatus est, illudque mirum ac magnum factum est in creatura. Nam homines quidem festinant ad mortem, optantes præsentiam Servatoris; Contra timidus Diabolus, qui prius mortis habebat imperium, nunc metuit, venturum judiciumque pavescit. Novit enim sibi paratum ignem & Angelis ipsius. Propter hoc enim judicatus est Dominus meus, ut nos a judicio liberaret, & illum condemnaret. Nam de cognitione Dei, quæ ubique ad omnes pervenit, quid attinet dicere, cum ipsa facta ex sese sui fidem faciant. Non enim potest præterire dies, in qua non relinquunt idola homines, suisque ac patriis legibus abnegatis ad Deum confugiunt, *Christique* leges accipere flagitant, incredibili miraculo credentes in illum. Etenim cum adhuc colerent simulacra, *Christumque* velut hominem calumniarentur, hunc postea Deum agnoscen-
 tes relinquunt simulacra, & quos metuebant Dæmones in simulacris, nunc agnito Domino, deinceps deserunt, & ab aliis depellunt, ac voluptatem quam colentes simulacra metuebant, in *Christo* contemnunt, ac peccatum quod tum illos vincebat, nunc signo crucis vincentes derident. Etenim qui non credebant omnino esse virginitatem, dicentes impossibile hanc virtutem inter homines inveniri, nunc posteaquam cre-

Cor. 1.

crediderunt Servatori ex virgine nato, non solum agnoscunt, verum etiam ipsi hanc exercentes, diffundunt Idolorum culturis, quæ sunt apud Gentes. Ad hæc autem cohibita est omnis veneficorum ars, omnisque magia sublata est, totaque *Græcorum* infatuata est sapientia. In divinis enim non verbis, sed factis opus est, neque linguæ prolatio, sed animi affectus prodest. Itaque quæ *Græci* non comprehendunt rationibus, hæc Christiani fide præstant: & quæ verbis efficiunt magi, hæc etiam tacentibus nobis crucis signo evanescunt: & quæ ambigunt de immortalitate, hæc martyres *Christi* non verbis sed factis ostendunt: cumque dissentiant de virginitate magni *Græcorum* Philosophi, hanc in *Christo* etiam mulieres præstant: & Dæmones quibus illi ut *Dii* vota faciunt, etiam pueri in *Christo* persequuntur. In summa, vir portans *Christum* veluti Deus est super terram, erga homines quidem factus patiens, omnibus vero, veluti cum Sole se circumagens, ac cœlestem ostendens vitam. Vide unum hoc crucis egregium facinus, vide, hæc fecit mors Servatoris. Non enim hominis opus est, sed Dei, ideoque passus est ut homo, ut hominibus divina homineque majora largiretur. Itaque illius sunt quæ nunc sunt inter homines benefacta, quamvis & *Paulus* dicat, quin potius *Christus* in ipso loquens, etiam si magna & admiranda faciat, tamen *Christi* gratiam esse quæ hæc operatur. Et quanquam ad omnes pervenit Dei cognitio, non tamen est hominum doctrina, sed ipsius Verbi quod descendit, intercessoris inter Deum & hominem. Hoc enim scriptum est, quod *Judæi* quondam tacebant, nunc vero impleri vident. Scriptum est enim, *Erunt omnes dociles Dei*, quemadmodum & *Hieremias* dicit: *Ecce dies venient, dicit Dominus, ac subijcit dicens, Et non docebit unusquisque fratrem suum dicens: Cognosce Dominum, quoniam omnes scient me a parvo usque ad magnum ex ipsis, quoniam propitius ero peccatis illorum.* Quis enim est qui in simulacris compungit nisi Dominus? Quis autem est qui abduxit eos illinc dum adhuc fervirent simulacris, nisi ipse *Christus* qui ait? *Cum exaltatus fuero, omnes traham ad me ipsum.* Nam hoc est admirabile, quod iis qui adhuc serviunt simulacris, aperitur intellectus, ut intelligant quos prius existimabant vetustos Deos, eos esse ligna & lapides. Contra quem subsannabant crucifixum, hunc non hominem, sed Deum agnoscunt. Mentis autem doctor non homo est, sed ille qui solus mentem inspicit, Deus.

O beata vere ac vivifica crux Servatoris, de morte triumphum retulisti, Diabolum vero qui hanc obtinebat, sustulisti. O divinum Verbum vereque sapientia Patris, tu & scelerati illius faciem ostendisti, & complicituram pectoris illius nudasti, ut nos quoque dicereamus, *Non enim illius cogitationes ignoramus.* Humane ac bone Domine, tu nos cum essemus captivi redemisti, servientes peccato propria morte Domine liberaisti. Scimus enim quod liberati sumus a peccato. Pacificator fili Dei, tu nobis & filiorum nomen per adoptionem dedisti, nobisque reconciliatis tuo Patri, inimicitiam in carne dissolvisti. Opulente Servator vereque Rex, tu factus es pauper, ut nos tua paupertate disceremus, tu nobis etiam regnum cœlorum largitus es. Conditor & creator omnium, Verbum Patris. Tu enim nos denuo condidisti, Tuæ sumus creaturæ, creati ad opera bona. Lumen verum ac splendor Patris; Tu siquidem nobis in tenebris illuxisti, nosque nihil videntes in lucem eduxisti. Forma & imago revera Patris. Tu enim nos perditos formasti, ac denuo largitus es id quod erat factum juxta tuam imaginem. Deus Verbum, ac vere vita. Tu enim nos emortuos vivificasti, corruptosque renovasti, induens nos incorruptibilitatem. Potestas vere brachiumque ac dextra Patris; Tu enim dolores mortis solvisti, fores æreas & vectes ferreos confregisti, quemadmodum Scriptura dicit: *Tu etiam Serpentem Diabolum humano hamo circumegisti in trophæo crucis, per tuam etiam divinam virtutem omnes illum conculcant, omnes eum deludunt.* Cum enim tu primus eum deluferis, deinceps factus est initium figmenti Domini, quod factum est in hoc ut deludere-

tur. Posteaquam tu eum comprehendisti, factus est omnibus prodigium, ut dicant, *Quomodo decidit de cælo Lucifer qui mane oriebatur?* Et posteaquam tu ab illo extorsisti chirographum, quod erat contra nos, idque affixisti cruci, omnes illi insultant dicentes: *Quomodo cohibitus est exactor, & coercitus est ille qui instabat.* Contrivit Deus jugum peccatorum. Deinceps enim subter illum sternitur putredo, & tegumentum illius factum est vermis, jamque nullus omnium Draconem metuit, sed te ac per te Patrem adorant. Itaque Dominus resurgens velociter delusit mortem, & nos ab ea liberavit.

Judæi vero ne cum hæc quidem viderent reveriti sunt, verum etiam sefellit eos, quod cum auderent adversus Servatorem, adversus seiplos hæc molirentur. Non videbant enim quod cum traderent Dominum, provocarent traditionem *Hierosolymorum*, dicente Propheta *Hieremia*, *Traditione tradetur Hierusalem in manus Nabuchodonosor regis Babylonis.* Neque cernebant, quod cum nolent servire Domino, seiplos in servitutem subijcerent Diabolo, eique subservirent ad fruendas insidias adversus Servatorem: Ignorabant enim cum poscerent *Barrabam*, Dominum occidentes, quod vitam victuri essent *Barraba*, omnisque seditio ac cædes apud eos essent augenda, cæterum abijcerent a seipsis lumen ac veritatem, & omnia quæcunque est Dominus, quemadmodum dicit *Esaias*: *Ecce jam dominator Dominus Sabaoth auferet a Judæa & ab Hierusalem validum & validam, robur panis & robur aquæ, gigantem & robustum ac principem bellatorem, & judicem, Prophetam & conspectorem, senioem & quinquaginta viris præfectum, & admirandum consultorem, ac sapientem architectum, & intelligentem auditorem: Et constituam adolescentes Principes eorum, & illusores dominabuntur eis.* Illudebant enim infelices Domino, nec videbant quod illud Propheticum dictum adversus eos impletum esset dicens: *Illusores dominabuntur eis.* Nam hoc est ingens miraculum Servatoris, quod crucifixus passus quidem est ex humana natura, delusit autem mortem, & adversus *Judæos* completa sunt quæ scripta fuerant: quandoquidem etiam lumen ablatum est ab illis. Scriptum est enim in *Hieremia* hunc in modum, *Sermo qui factus est super Hieremiam ad omnem populum Judæ, deinde subiungit dicens: Auferam ab eis vocem lætitiæ & vocem gaudii, vocem sponsi & vocem sponsæ, odorem unguenti, & lumen lucernæ.* Nimirum tradiderant Gentibus Dominum, neque videbant excæcati, quod ipsi paulo post polluerentur inter Gentes, quodque in hæreditatem illorum ingressuræ essent adversus eos Gentes, sicut scriptum est, *Deus, ingressa sum Gentes in hæreditatem tuam, polluerunt Templum sanctum tuum, polluerunt Hierusalem in pomerium custodiam.* Negantes se Dominum habere Regem, non intelligebant, quod honore *Davidico* privarentur. Nam ipsi repositum erat regnum *David*, & usque ad apparitionem Servatoris pervenit hoc testimonio *Jacob* dicentis: *Non deficiet princeps ex Judæa, neque dux de femoribus ejus, donec veneris cui repositum est, & ipse expectatio Gentium.* Cum autem nudarent etiam Dominum verberarentque, non intelligebant quod ab ipso exuerentur, laboremque adversus sese provocarent. Dicit enim Dominus: *Auferam vestes meas ac lintea ne possim tegere turpitudinem ejus.* Rursusque, *Ideo planget ac lamentabitur, incedet incalceata ac nuda, & faciet plantam veluti draconum, ac luctum sicuti filia Sirenum.* Cumque facerent ut illi injiceretur chlamys coccinea, non videbant adversus sese Spiritus accusationem impleri, *Manus vestra sanguine plena sunt.* Cæterum cum gauderent quod spinas imponent Servatori, excutientes non animadvertabant, quod eas in suum ipsum malum imponent. Scriptum est enim, *Obstupescite, marete, quæ personæ estis, exuamini, nuda estote, cingite lumbos, & super abra plangite, ab agro concupiscetis, & a vinea progenietis.* Terra populi mei spinas & gramen germinabit, & ex omni domo lætitia tolletur. Subsannabant Dominum ut filium Dei, nec videbant quod adoptionem rejicerent, quemadmodum ipse testatur dicens: *Filios generavi exaltavique,*

ipsi

ipsi autem me rejecerunt, & ecce relinquitur vobis domus vestra deserta. Potaverunt illum aceto & felle, & hic vehementer cæcutientes in suum ipsorum malum. Si quidem Deus vineam ex *Egypto* transtulerat, ac transplantaverat eam, exspectavitque ut ab ea fructum acciperet, uvam & vinum. At illi dementes pro vino acetum, pro uva fel reddiderunt, in signum quod ipsorum malitia jam æquaret *Sodomitas*, quandoquidem illorum uva fel est, juxta quod scriptum est in *Deuteronomio*. Propterea Dominus ac Servator noster sciens ejusmodi fructum ab illis rediturum, ante proposuerat eis similitudinem de vinea, dicens: *Tolle tur a vobis regnum cælorum, & dabitur genti facienti fructum illius*. Præterea diviserunt vestimenta Domini militibus, haud perspicientes, quod adversus ipsos inter Gentes fieret divisio. Ait enim Propheta: *Ecce dies Domini veniunt, & dividetur spolia tua in te, & congregabo omnes Gentes in bellum super Hierusalem, & capietur civitas, diripientur domus, & mulieres polluentur*. Ac rursus, *Nunc devorabit rubigo hereditates illorum*. Et quemadmodum ait *Micheas*, *In die illo assumetur in te parabola, & plangetur planctus emmei dicens, Miseria misera facta est divisio populi mei, divisus est funiculo*. Non erat qui prohiberet eum ut avertiretur, *Agri vestri divisi sunt*. Atque ut compendio dicam, ausi facinus adversus Dominum, adversus seipsos diem illum provocarunt quem prædixit Propheta, *Diem enim judicii Domini, ac retributiones judicii Sion, & vertentur valles ejus in picem, & terra illius in sulphur, eritque terra ejus veluti pice ardens nocte ac die, nec extinguetur in secula temporum*. Et ascendet fumus ejus sursum, in generationem desolabitur, & habitabunt in ea volucres, & erinacii, & ibes, & corvi, & injicietur super eam funiculus geometria deserti, & onocentauri habitabunt in ea. Principes ejus non erunt, & Reges, ac Magnates ejus erunt in perditionem, & pullulabunt in civitatibus illorum ligna spinosa, & in munimentis illorum, & erit stabulum Sirenum, ac mansio passerum, & occurrent Demonia cum onocentauris, & clamabunt alius ad alium; Et ibi requiescent onocentauri; Invenient enim sibi requiem. Illic nidulatus est erinacius, & servavit terra sobolem ejus sine periculo. Hæc accidebant *Judeis*, dum existimarent se Dominum interficere. Hæc in se provocabant, cum vociferarentur adversus Servatorem. In his condemnati sunt, dum student condemnare Dominum.

Ac mihi qui volet, accedat, fiatque judex, non ex rebus obscuris, sed ex ipsis quæ gesta sunt veritatem expendat, consideretque quis sit Dominicæ mortis fructus, quod contra lucrum *Judaicarum* insidiarum. Mors enim Servatoris orbem redemit, & Gentes Deum glorificaverunt. *Judaorum* autem furor simul cum ipsis perdidit civitatem, ipsosque obcæcavit a cognitione Dei. Domini mors mortuos vivificavit, *Judaorum* insidiæ *Judaos* ipsos vita privaverunt, & nunc sunt absque Domino mortui. Et crux Servatoris Gentium Ecclesiam prius desertam reddidit habitatoribus frequentem; *Judei* contra sua ipsorum malitia se ex orbe terrarum in solitudinem ejecerunt, nec hodierno die habent civitatem. Et rursus, mors Servatoris regnum cælorum ostendit, *Judei* vero per furorem etiam Reges suos perdidit, suosque Magnates dejecerunt. Ad hæc crux Domini, Angelos cum hominibus copulavit, & inter utrosque conciliavit amicitiam, *Judei* vero Domino struentes insidias, hoc lucrificerunt, quod cum Demonibus habeant domicilium. Mors Christi leviolem reddidit hominum stultitiam, quam per peccatum privati ratione contraxerant: *Judei* vero per iracundiam ratione privati sunt, ac nunc cum Sirenibus, erinaciis, ac passeribus, morum similitudine convivunt, monstrosos habentes mores, qualis est onocentaurus. Etenim pro lege etiam apud illos est legis transgressio, pro mansuetudine iracundia, in similitudinem Serpentis, neque prorsus quicquam est apud illos, quod eis non adferat

mortem. An non igitur æquum est, ut mortem adoremus, ac discedamus a Phariseorum concilio? An non par est, ut crucem adoremus potius quam *Judaorum* mundique lucrificamus amicitiam? Nam & ideo beatus *Paulus* scribit, *Omnia arbitrans sum detrimentum, ut lucrificam Christum*. Ideo crucem ducit sibi gloriæ, dicens: *Mihi vero absit gloriari nisi in cruce Domini nostri Jesu Christi, per quem mihi mundus crucifixus est, & ego mundo*. Propterea ipse etiam Dominus dicebat, *Quicumque non tulerit crucem suam, meque secutus fuerit, non est me dignus, nec potest meus esse discipulus*.

Verum hinc multa cautione nobis est opus, ne juxta *Judaorum* morem tollamus crucem, & non ad exemplum *Pauli*. Nam *Paulus* quidem gestabat crucem veluti trophæum devicti peccati, *Judei* vero portant in signum quod Dominum occiderint. Eoque cavendum est ac vigilandum, ne, dum incusamus *Judaos*, eadem quæ illi fecerunt, faciamus adversus Dominum. Multi siquidem adorantes Dominum, sed vitam illo indignam viventes, non animadvertunt se reos esse mortis Servatoris. Quisquis enim comederit panem, aut biberit calicem Domini indigne, reus est corporis & sanguinis Domini, Apostolus ita testificatur. Et qui odit fratrem suum, non diligit Dominum, id quod fecerunt *Judei*. Hoc ait *Solomon*, *Qui despicit pauperem, afficit eum contumelia qui fecit illum*. Qui negligit pauperem esurientem, aut nudum, similis est *Judeis*, qui Dominum exuerunt, quique illi in potum dederunt acetum & fel. Item qui accipit munera adversus innocentes, nihil differt ab eo qui vendidit Dominum, videlicet *Juda*. Nam & hic justitiam quæ est Christus, vendit, quemadmodum ille vendidit Dominum. Et qui non judicat pro orphano, neque jus reddit viduæ, idem est cum his qui struxerunt insidias Domino, quique falso criminati sunt eum. In summa, qualiacunque quis fecerit erga proximum, ea perinde æstimantur quasi in Dominum facta sint, qui nostra causa descendit, nostra causamortuus est. Nam hunc in modum ipse Dominus loquitur in Euangelio, *Quamdiu feceritis uni ex pusillis his, mihi feceritis*. Ac rursus legis, quod operæ pretium est & scire & observare, *Qui scoratur, propriam quidem animam perdit, cæterum idem cum Judeis contumelia afficit templum, & corpus Domini*. Etenim qui Dei templum corrumpit, perdetur a Domino, quemadmodum scribit *Paulus*. Rursus in quo regnat peccatum, nihil differt a *Judeis* negantibus ac dicentibus se non habere Regem Dominum, nisi Cæsarem. Quisquis autem victus tenetur a voluptatibus, imo potius qui se illis oblectat, ne nesciat, quod ipse quoque postulat *Barrabam*, quemadmodum fecerunt *Judei*, Dominumque occidit. Similiter enim *Judei* improbos *Barraba* mores amantes, virtutem repulerunt. Sciat autem qui fide robustus non est, se talem esse, quales erant illi diffidentes cum dicerent: *Sis filius est Dei, descendat nunc de cruce, & credemus ei*, quandoquidem & illi ob diffidentiam loquebantur ista. Quid igitur de his faciendum est? Nihil aliud, quam ut credamus Christo, & juxta hujus doctrinam vitam agamus, quemadmodum & *Paulus* ait, *Imitatores mei estote, sicut & ego Christi, Judaorumque fugiamus & amicitiam & incredulitatem & sannas & fabulas, & genealogias interminatas, quæ quæstiones præbent potius quam ædificationem Dei, quæ est in fide, sed adhæreamus cruci, ac deinceps vitam agamus illa dignam, ut iisdem vocibus utamur cum Paulo, Absit ut ego glorier, nisi in cruce Domini nostri Jesu Christi*. Nam si hoc modo vitam instituamus, si in Christo fiduciam collocabimus, cognoscemus ejusdem ascensum in coelos, & ad Patris dextram cum majestate confectum, & Angelorum subjectionem videbimus, & alterum illius ad nos cum gloria reditum, quem expectant Angeli, celebrant sancti, omnes autem videntes exultant, gaudentes in Christo Jesu, per quem Patri gloria & imperium in secula seculorum, Amen.

Appa-
ret esse
frag-
men-
tum ex
opere
quo-
piam
decer-
ptum.
Torquet
Scriptu-
ras,
quasi
ludens.



QUI ea quæ super terram sunt sapiebant, Dei præceptum negligebant, & in hujus vitæ facultatibus laborabant: hi priusquam eis contingeret invenire bona, in ignorantia versabantur. Arbitror enim & sapientissimum illum *Solomonem* hac de causa dicere: *Tempus est querendi, & tempus est perdendi*. Peccasti, quiesce. Nam & quondam versans in ignorantia, perniciem accersisti animæ tuæ, tamen nunc tempus est ut quæramus eam. Quemadmodum & Dominus noster in Euangelis docet dicens, *Quærite & invenietis*. Quando autem invenimus eam, nisi nunc, posteaquam Dominus adveniens solvit nos a Diaboli vinculis. Sicut & beatus Apostolus docet dicens: *Ecce tempus acceptabile, ecce nunc dies salutis*. Adest igitur tempus, amittendi peccatum, quod nobis offundebat tenebras. Tempus invitat ad querendum quod aberrarat, ut solvamus a vinculis. Venit enim ille qui vinctos solvit, qui erigit elisos: venit qui prædicat remissionem captivis, ac cæcis reducem visum. Tunc enim saliet ut cervus, is qui claudus erat, & explanata erit lingua balborum. Quanquam & alioqui, adjiciamus animum ad id quod dictum est. Excitat enim nos ad desiderium *Solomonis* dictum, cum ait, *Tempus querendi & tempus amittendi*. Postquam enim multo jam tempore aberrarat genus humanum, Diabolique versutia perditum erat, accidit tempus querendi illud, atque a captivitate revocandi, eque vinculis liberandi. Oportebat enim nos querere, discereque, quod *littera quidem occidit, spiritus autem vivificat*. Hoc igitur perfecto, tempus erat amittendi simul in littera sitam umbram, propterea quod usque ad tempus correctionis illa fuerant imposita. Verum simul atque apparuit quod erat perfectum, antiquatum est id quod erat ex parte. Cum enim essem parvulus, loquebar ut parvulus, cum vero factus sum vir, irrita feci quæ erant parvuli. Nimirum ipse Servator dicit: *Qui invenit animam suam, perdet eam, & qui perdiderit animam suam propter me, inveniet eam*: hoc est, qui quæserit animam, & invenerit eam in peccatis, festinet illam perdere; nec sinat illam in malitia demorari, ut opportunitate data, denuo quæsitam inveniat in virtute. Quisquis enim extra supplicium voluerit animam suam invenire, in præsentī perdet eam, ut *Christum* lucrifaciat. Quid autem sit hic animam perdere, docet Servator, non ut exitium animabus nostris accersamus, sed ut in tempore martyrii, cum est testimonium perhibendum *Christo*, non parcamus, non possessionibus, non liberis, non parentibus, non corpori, postremo, ne ipsi quidem animæ, sed tradamus nos ipsos usque ad mortem, ut quemadmodum dicebam, inveniamus animam nostram in regno cælorum. Nam ita docet Servator dicens: *Qui amat patrem aut matrem plus quam me, non est me dignus*. Si quis igitur vult invenire animam suam, perdet eam in hoc tempore. Perdenda est igitur in nobis malitia, ut quæsitam virtutem inveniamus. Nam nisi quis desistat ab iracundia, quomodo mansuetudinis habebit curam? Nisi quis profligat a sese debilitatam scortationem, quomodo proficitur pudicitiam. Primum enim oportet nos amittere, studium & amorem omnem pecuniæ, & idolatriam, atque ita demum querere paupertatem & religionem. *Quæsi enim, inquit, quem diligebat anima mea, quæsi eum, & inveni eum, & induxi eum in domum matris meæ, & in conclave ejus quæ concepit me*. Nam his verbis designatur *Christus*, qui propter peccata nostra descendit e cælo, conceptus ac natus est, & in præsepe reclinatus, donec servaret hominum genus.

Hic siquidem parcens nobis, nunc quoque mittit suos discipulos in vicum qui erat ex adverso, dicens ad illos, *Euntes in vicum qui contra vos est, invenietis pullum alligatum, solvite & adducite ad me*. Eunt Apo-

Astoli, solvunt pullum sicut præceperat Dominus. Cæterum magnorum est virorum solvere pullum, carissimum, magnorum; inquam, non statura corporis, sed magnorum fide & caritate ac justitia, magnorum prudentia, fortitudine ac virtute. Qualis prædicatur fuisse *Moses*, veluti cum de illo dicit Apostolus, *Fide Moses Heb. 11. grandis factus, recusavit dici filius filia Pharaonis*. Quin & *Isaac* proficiens magnus factus est. Nam eorum qui hoc pacto magni sunt, est solvere pullum hunc. Atque utinam & ipse tantus essem, ut valeam hunc pullum a vinculis solvere, quandoquidem nemo nostrum est, qui non sit alligatus peccatorum vinculis, teste Scriptura quæ dicit, quod quisque suorum peccatorum funibus stringitur. Optemus igitur, ut ad nos quoque mittat *Iesus* discipulos suos, qui solvant a vinculis quibus alligamur omnes. Nam alius nostrum vinctus est avaritia, alius irretitus scortatione, alius temulentia colligatus est, alius captus tenetur ab inanis gloriæ siti; hic rursus fraudat, ille rapit rem proximi ac pauperis, alius usuram super usuram accipit, denique omnes ægrotamus inopia justitiæ, omnes opus habemus curatione Servatoris. Opus, inquam, habemus illo, ut ad nos quoque mittat discipulos suos, qui nos solvant a Diaboli vinculis. Sic enim ait discipulis suis, *Ite in vicum qui ex adverso est, invenietis pullum alligatum, solvite eum, & adducite mihi*. Cæterum cum audis vicum qui ex adverso est, terrestrem locum intellige. Nam ipsa civitas est loci cælestis, quemadmodum scribit & beatus Apostolus, *Non habemus hic manentem civitatem, sed futuram inquirimus, cujus opifex & conditor Deus*. Ac rursus idem ait: *Sed accessistis ad montem Sion, ac civitatem Dei viventis Hierusalem cælestem, & ad multa Angelorum millia congregata*. Tales autem fuerunt omnes sancti, quotquot juxta *Paulum*, eo proficiscentes, hanc expetunt civitatem. Audi ipsum dicentem, *Nam si illius fuissent memores, unde ejecti fuerant, habuissent utique tempus redeundi. Nunc autem meliorem expetunt civitatem, hoc est, cælestem*. Tales erant sancti Apostoli, ac Discipuli Domini, qui cum *Petro* dicunt: *Ecce nos reliquimus omnia, & sequuti sumus te*. Mittuntur igitur, ut pullum, de quo dictum est, solvant. Nam Servatoris nostri adventus & humanitas, revocavit nos ex vico qui erat ex adverso, in suam civitatem cælestem, supernam *Hierosolymam*. Opinor enim, quod propter *Adæ* inobedientiam, ejecti fuimus e Paradiso, & in vicum qui erat ex adverso translati. *Expulsi, inquit, Deus Adam, ac transfudit eum in locum qui erat ex adverso Paradisi voluptatis*. Hunc igitur in vicum qui est ex adverso, mittit *Iesus* discipulos suos, ut solvant, de quo dictum est, pullum. Ac vide num forte ob hominem ejectum in locum, qui erat e regione paradisi, discipuli mittantur a *Iesu* in vicum e regione situm, ut solverent pullum. Siquidem ideo venerat Servator relictis nonaginta novem ovibus quæ non aberrant, ut profectus quæret erraticam. Et hac inventa gaudet super illa, simulque cum illo gaudent Angeli super uno peccatore penitentiam agente. Sed querendum est, an ob solum pulli ministerium, missi fuerint discipuli in vicum qui erat ex adverso? Novi siquidem, quod ante Apostolos, virtutes invisibiles ministrarunt *Iesu*. Prorsus igitur, & ipsas virtutes ab ipso doctas, Dominus emisit una cum *Petro*, in vicum qui erat ex adverso, ut solverent pullum. Audi Evangelistam de Domino loquentem: *Ecce, inquit, Angeli veniebant ac ministrabant ei*. Cæterum de natura humana *David* clamat dicens: *Panem Angelorum comedit homo, panem cæli dedit eis*. Ne quis igitur in corpore versans, & in hanc vitam attractus, existimet sese in civitate esse. Nec enim potest, qui ea quæ sunt carnis sapit, in hac magna reperiri civitate, sed talis adhuc in vico versatur. Siquidem prudentia carnis inimica est adversus Deum. Proinde scire debet,

quisque vicum inhabitat, non administrat negotia rationis arbitrio, non militat mente, non imperat sibi ipsi. Sunt hæc enim magnæ illius civitatis propria. Cum enim virtute rempublicam administraverit tum & cum sobrietate militabit, cum sapientia consultabit, cum continentia imperabit, tunc factorum imitator erit. Siquidem sancti non habent hîc manentem civitatem, sed ut antea dictum est, futuram inquirunt, cuius opifex & conditor Deus. Audi siquidem Apostolum dicentem: *Super terram ambulantes, in cælis conversationem habemus.* Et, nostra vero conversatio in cælis est, carissimi. Significat enim sanctus *Paulus* per hoc quod dicit, *super terram ambulantes*, profectum qui accedit his, qui post hanc vitam in cælis versaturi sunt. Profecti itaque discipuli, solverunt pullum hunc: quandoquidem & discipuli possunt facere ea quæ a præceptore dicuntur. Multi namque qui videntur esse *Jesu* discipuli, non quemadmodum ab ipso dicuntur ita faciunt, quin potius insidiantur ipsi præceptori, quemadmodum ille ter infelix & proditor *Judas*.

Qualis autem est pullus iste, dilecti, ut non unum habeat dominum, sed ut multos? Dicebant enim ad discipulos domini pulli, cur solvitis pullum? Videlicet si sensibilis fuisset pullus iste, an non suffecisset unum dominum illi assidere? Nunc vero multi sunt illius domini, juxta Evangelium: *Dicebant enim*, inquit, *domini ejus ad discipulos, Quare solvitis pullum?* Fortassis enim dicent ad illos, Nonne videtis quam multi illi assidemus? quomodo alligatus est? quomodo habemus illum deditum? Cur ditrahitis a nobis quæstum nostrum? Cur solvitis expectationem nostram? Adhuc iste nobis reliquus est, & ab hoc vultis nos depellere? Si hic solutus fuerit a vinculis, nos pro illo alligamur. Metuebant itaque scelerati *Dæmones*, cumque viderent solvi pullum, turbabantur intra sese adversariæ potestates, quæ nos captivos tenebant; Verum ubi advenit Dominus noster *Jesus Christus*, illiusque adventum cognoverunt, terrore perculsi sunt, posteaquam audierant illum discipulis dicentem: *Ecce dedi vobis potestatem calcandi supra serpentes & scorpiones, & supra omnem virtutem inimici*, territi sunt cum audissent: *Ite docete omnes gentes, baptizantes eas in nomine Patris & Filii & Spiritus sancti*: metuebant ne iste esset ille qui tenebras illuminat, audierant enim Prophetam dicentem: *Galilæa gentium populus sedens in tenebris vidit lucem magnam.* Omnes itaque pullo inhiabant, omnes illum circumfidebant, nullus ab eo discedebat. Talis est iste pullus, ut omnes illius domini servent eum; Num si corporeus erat pullus iste, multi domini ejus circumfediscent illum: & asellus sensibilis multorum dominorum fuisset possessio? Et quotquot illum possidebant, assidebant illi. Nullus illorum gerebat negotia, nullus illorum in foro versatur, aliud quod agant non habent, sed omnes illi pariter circa pullum vacabant. Aut asellus sensibilis in bivio excipitur? stabulum non habet, præsepe non habet, in forum non descendit, sed pullus sensibilis in bivio excipitur, & omnes ejus domini illi assident observantes eum. Hæc cum dico nequaquam tollo historiam, nec enim tollimus litteram propter spiritum, sed servamus spiritus vim per litteram. Vere asello sensibili Dominus infedit, ex *Bethania* ingrediens *Hierosolymam*. Sic enim *Zacharias* vaticinatur dicens: *Dicite filia Sion, Ecce Rex tuus venies tibi mansuetus super asinum & pullum filium subjugalis.* Itaque cum historia verum dicat, quæro res in ea defossas, quærimus repositum nobis thesaurum, quærimus Spiritus vim. Non enim nudæ historiæ attendimus, *Judaorum* enim ista dementia est, videlicet ipse quoque Dominus noster *Jesus Christus* coarguens illorum dementiam ait: *Scrutamini Scripturas, quoniam in illis putatis vos vitam æternam habere.* Verum *Judei* nuda littera famæ mortui erant.

Nos itaque fratres, scientes quod littera quidem occidit, spiritus autem vivificat, non solum adhæreamus historiæ Scripturarum, neque more *Judaorum* simplici nudæque litteræ attendamus, sed quemadmodum scriptum est, scrutari Scripturas debemus, ut hoc pacto

A testimonium ex his de *Jesu* comprehendere possimus. Ridebunt enim & Gentes adversum nos dicentes, Deus Christianorum qui vocatur *Christus* asello infedit. Neque nos dubitamus, neque negamus illius juxta carnem adventum. Propter hoc enim corporaliter advenit, ut id quod perierat quæsitum invenires, & quod aberrarat, converteret. Sic enim per Prophetam clamat dicens: *Convertimini filii revertentes, & ego sanabo contritiones vestras.* Sunt igitur in Scripturis divinis, res quæ significantur. Carissimi, magna quædam res est iste pullus, qui & alicubi dicitur *filius junior*. Siquidem pullus asinus est juvenulus; Et nos igitur sumus ille pullus. Quod si dicimus nos, tota natura humana significatur. **B** Hominem quem antehac captivum ceperant domini, iidem alligant vinculis insolubilibus, & illorum unusquisque vincula vinculis addebat, vehementerque illum ne posset elabi constringerant: & quemadmodum reor, etiam pedes illius alligant, non sinentes illum transire ad meliora. Cæterum hominum amator Dei filius, qui propter hoc accurrerat, mandat discipulis suis dicens ad eos: *Ite in vicum qui ex adverso est, invenietis pullum alligatum, solveite & adducite mihi.* Multa itaque bona nobis præstitit Dominus, dilecti. Non solum enim vincula nostrorum peccatorum solvit, verum etiam nobis potestatem dedit calcandi serpentes & scorpiones, & super omnem virtutem inimici. Erat enim Diabolus & hujus mundi rectores harum tenebrarum, qui ceperant nos captivos, ac vinculis insolubilibus alligant, proficere non permittebant, neque sinebant ingredi via beatam, ac ne sic quidem nobis parcebant, verum etiam cum haberent alligatos, tamen circumfidebant crudeles ac feroces Domini. Cæterum Dominus ac Servator noster *Jesus Christus*, qui accurrat ut prædicaret captivis remissionem, & cæcis reducem visum, videlicet mittit discipulos suos: solvunt pullum, mox ubi solvissent, etiam præsepe illi ædificant & pascua præparant. Sic enim Prophetam cupiens hoc demonstrare, dicit: *Dominus pascit me, & nihil mihi deerit, in locum herba ibi me collocavit. Super aquas refocillationis educavit, animam meam convertit.* Et rursus, *Qui facit exoriri gramen jumentis, & herbam servituti hominum.* Itaque conversi posthac meliore sensu præditi simus, & agnoscamus beneficii auctorem, bonaque ab illo nobis donata prompte excipiamus. Sic enim gratias agentes possumus dicere cum *David*: *Præparasti in conspectu meo mensam adversus eos qui tribulant me.* Tale enim est & illud, *cognovit bos possessorem suum, & asinus præsepe Domini sui.* Ac fortassis propter hunc pullum *Jesus* reclinatur in præsepe. An enim locum non habebat *Joseph*, cum esset vir nobilis, homo ducens originem ex genere regio, cum dicatur filius *David*, & locum non habebat nisi diversorium? Non suppetebat alius locus? videlicet res erant divinae quæ dispensabantur: nimirum & tunc denuo adversarius noster Diabolus cum videret res humano generi bene succedere, suo more invadebat. Credens enim unumquempiam e vulgo esse Dominum, subornat *Herodem* ut quæreretur natum verum Regem, ut eum perderet. Siquidem proprium est scelestissimi illius pessimi-que perdere & occidere. Contra *Jesu* proprium est servare & lucrifacere; Parcit enim suis creaturis: quandoquidem omnia per ipsum facta sunt.

Proinde quæramus verum Regem Dominum nostrum *Jesum Christum*, excutiamus nos ipsos an soluta sint nostra vincula: & si soluti sumus, proficiamus in melius: quod si nondum soluta sunt tua vincula, trade te ipsum discipulis *Jesu*: adsunt enim qui solvant vos, potestate hac a Servatore accepta, quoniam quicquid ligaveritis super terram, eris ligatus in cælis, quicquid solveritis super terram, erit solutum in cælis. Ac rursus: *Quorumcunque remiseritis peccata, remittuntur eis. Beati igitur quorum remissa sunt peccata, & quorum tecta sunt iniquitates.* Dicebant itaque domini pulli ad discipulos, Cur solvitis pullum? Illi vero respondentes dicebant, quia Dominus ejus operam desiderat. Vides discipulorum sapiens responsum. Cum enim audissent falsi domini pulli, quod is qui re ipsa vereque Dominus erat, operam ejus desideraret, nullum retulere responsum, sed terga dede-

dederunt, non amplius audentes contradicere. Protinus igitur festinant ad principem suum Diabolum, renuntiant illi quæ acciderant. Ac vide illic concilium & conspirationem adversus Dominum. Conglomeratur illic tota vis adversaria, & fit congregatio malignantium, ut impleretur quod dictum est a Propheta, *Assisterunt Reges terra & Principes congregati sunt in idem, adversus Dominum, & adversus Christum ejus*. Dicunt enim ad Diabolum scelesti Dæmones, Quid facimus? pullus solutus est, abiit ad Dominum suum, non amplius tibi subjectus est, non amplius illi dominaris? Cogitabat deinde pavidus Diabolus quæ facturus esset *Jesu*. Tunc congregantur Scribæ & Pharisei in atrium ejus qui dicitur *Caipha*, & concilium inierunt adversus *Jesum*, ut eum perderent. Ignorabant enim infelices, quod hujus mors nobis immortalitatem largiretur, & hujus descensus, nobis in cælum ascensum pararet. Surrexit enim Dominus, triduanus a mortuis, spoliavit inferos hoste conculcato, morte destructa, peccati quo tenebamur vinculis disruptis, & compeditos liberavit dicens, *Surgite, eamus hinc*. Proinde liberati e servitute Diaboli agnoscamus eum unde nobis hæc beneficia profecta sunt, glorificemus Patrem & Filium & sanctum Spiritum, Unam Deitatem confiteamur. Sic enim versantes regnum cælorum hæreditate possidebimus in *Christo Jesu* Domino nostro, cui gloria & imperium in secula seculorum, Amen.

Sequens Opus si est Athanasii, mire dejecit stilum ad caput virginis, tamen ob antiquitatem verti.

ATHANASII OPUS

D E

VIRGINITATE, SIVE DE EXERCITATIONE.

PRIMUS sermo salutis, factus est ad virginem. Primum omnium crede in unum Deum, Patrem omnipotentem, visibilibus pariter & invisibilibus conditorem: & in unicum ejus filium *Jesum Christum*, qui est ex substantia Patris eidem æqualis per omnia, qui erat ante secula: & in Spiritum sanctum qui est in Patre ac Filio, qui a Patre mittitur, ac per Filium datur. Pater, & Filius, & Spiritus sanctus, tres Personæ, una Deitas, una potestas, unum Baptisma. Siquidem ipse Deus noster, qui est Pater universorum, sex diebus fecit cælum & terram, mare, & omnia quæ in his sunt. Ipse enim exornavit cælum Sole & Luna, Stellisque pulcherrimis: similiter & terram decenter fundavit supra aquas, exornans eam plantis & arboribus omnijugis: hujus jussu manant amnes melliflui, fontiumque perennes scatebræ profluunt, præcepitque terræ, & produxit carnem ac genuit omnes bestias terræ juxta suum quodque genus. Mandavit aquis, & produserunt pisces, fecitque cetera grandia. Omnium autem postremum condidit hominem, cui tradidit omnia in famulatum. Dixit enim Deus Filio suo, *Faciamus hominem juxta imaginem, juxtaque similitudinem nostram*. Et formavit Dominus Deus hominem sumpto luto de terra, & collocavit eum in paradiso deliciarum. Immisit autem Deus *Adæ* stuporem ac soporavit, sumptaque una de costis ejus implevit carnem pro ea, & ædificavit costam quam sumpserat, in mulierem, & adduxit illam ad *Adam*, dixitque *Adam*, *Hæc nunc caro de carne mea, & os de ossibus meis*. Hæc vocabitur virago, quoniam de viro sumpta est, Propter hoc relinquet homo patrem suum ac matrem, & agglutinabitur uxori suæ, & erunt duo in carnem unam.

Audi, ancilla *Christi*, audiant omnes quicumque volunt salvi fieri, & auribus accipiant verba oris mei, suscipiantque aures tuæ verba divino afflatu prodita. *Mysterium* enim, inquit, hoc magnum est, quemadmodum ait beatus *Paulus*, quoniam cum adhæret vir uxori, unum corpus sunt ambo: ita rursus, quisquis vir, aut quæcunque mulier adhæret Domino, unus spiritus est. Etenim si qui mundo adglutinantur, relinquunt patrem ac matrem, & adjunguntur hominibus mortalibus, quanto magis virgo continens debet omnia terrena relinquere soli que Domino adglutinari. His quæ dico ipse etiam

A Apostolus attestatur, dicens: *Mulier innupta, sollicita est de his quæ sunt Domini, ut sit sancta corpore & spiritu: quæ vero nupta est, sollicita est de his quæ sunt hujus mundi, quomodo placeat viro, & divisa est*. Hoc igitur dico, quod omnis virgo viduave, continens, si habuerit sollicitudinem in hoc mundo, ipsa cura maritusejus est. Quod si possessiones, si facultates habeat, ipsa sollicitudo polluit illius mentem. Quemadmodum enim per maritum corpus polluitur, sic & affectiones mundanæ animam simul & corpus continentis polluunt, nec jam est sancta corpore ac spiritu. Cæterum ejus quæ curat opus Dei, sponsus est ipse *Christus*. Quæ enim viro mortali desponsa est, quod vult vir ipsius, facit. Sic enim dictum est, quod *uxor sui corporis potestatem non habet, sed vir*. Ac rursus, *Quemadmodum Ecclesia subdita est Domino, sic & uxores maritis in omnibus*. Ex rebus enim mundanis, si velimus, res cœlestes intelligere licet. Porro quæ cœlesti sponso juncta est, facit quod vult sponsus ipsius. Hæc est autem voluntas *Christi*, ut quisquis ipsi adhæret, ne quid omnino hujus seculi secum adferat, neque terrenarum rerum cura teneatur, sed de sola crucifixi cruce gloriatur, eamque bajulet, ejus curam ac sollicitudinem gerat noctu pariter atque interdiu, utque incessanter laudem & gloriam ipsius, Hymnis celebret, utque mentis oculum habeat illuminatum, quo videat quæ sit voluntas ipsius, eamque perficiat, ut simplex habeat cor, ut animum purum, ut sit misericors, ut quemadmodum ille misericors est & miserator, sic & hic illum sequens mitis sit ac quietus, tolerans malorum, neque cuiquam malum pro malo reddat, multas sustinens contumelias, quemadmodum ipse a *Judeis* affectus est contumeliis, plagisque perpeffus est, & sustinuit cruciatus; Nam ipse hæc pertulit. Cum enim alapa percussus esset a servo Pontificis, nihil fecit, tantum dixit: *Si male locutus sum, perhibe testimonium de malo; Si vero bene, quare me cadis?* Qui terræ præceperat, ut *Dathan & Abiron*, vivos devoraret, poterat efficere, ut & hunc qui manum extendat verberaretque conditorem suum, vivum absorberet, sed pertulit, nobis exemplum relinquens, ut nos ipsius sequamur vestigia. Tu porro homo, non sustines a cognato tibi homine affici contumelia? Imitare Dominum tuum. Etenim si ille, cum esset Deus, tua causa sustinuit ab homine peccatore cædi alapa, tu indignaris, quod homo tui similis, in te dicit convitium, ac moliris in illum talionem? O miram dementiam, o insignem incogitantiam. Propter hoc & nobis ultio parata est, & ipsi nobis ignem accendimus, quod cum simus ratione præditi, ratione carentibus animantibus nos ipsos similes reddamus. Vehementer humilis venit in hunc mundum, & cum esset dives, propter nos egenus factus est, ut nos illius inopia disceremus, & cum esset Deus, propter nos homo factus est, ac natus est ex *Dei* para *Maria*, ut nos eriperet e potestate Diaboli. Unde nos servare cupiens, facit seipsum stultum in hoc mundo, ut apud Deum habeatur sapiens. Homines enim, eos qui dare callent & accipere, emere ac vendere, tractare suffurarique res proximi, usurpare aliena, scenerari, atque ex uno obolo facere duos, prudentes appellant. Deus autem illos fatuos, imprudentes & peccatores vocat. Audi siquidem quid ipse Deus per *Hieremiam* Prophetam loquitur: *Populus hic, filii imprudentes sunt, ut faciant mala, bonum autem facere nesciunt*. Item beatus *Paulus*, *Sapientiam mundi hujus, stultitia est apud Deum*. Rursus, *Qui vult fieri sapiens, stultus fiat ut sit sapiens*. Iterum dicit idem, *fratres nolite fieri pueri sensibus, sed malitia parvuli estote*. Deus enim vult vos ad res terrenas stultos esse, sed ad cœlestes prudentes. Nam adversarius noster Diabolus malitia sapiens est, & nos oportet sapienter invadere, quo vincamus illius infidias, quas malis artibus in nos struit. Loquitur enim & Salvator in Evangeliiis, *estote prudentes sicut serpentes, & simplices sicut columba*. Verum qui sapiens apud eum vocatur, hic est qui sapiens est ad explendam Dei voluntatem, & ad servanda illius mandata. Magnum salutis remedium est, animus modestus ac submissus. Etenim *Satanas* non ob scortationem, aut adulteria aut furtum dejectus est e

cœlis, sed ob superbiam ipsius deiecit eum Deus ad inferiores partes abyssi. Sic enim dicebat, *Ascendam & ponam sedem meam in conspectu Dei, & ero similis altissimo*, ac propter hunc sermonem dejectus est, factaque est illius hæreditas ignis æternus. Itaque superbia in Diabolo est, modestia in Christo. Nam ipse Dominus dicit, *qui vult inter vos esse magnus, sit omnium servus*, Deus enim humilium est.

Diligamus vehementer jejunium, magna custodia est jejunium, & deprecatio atque elemosyna. Liberant enim hominem a morte. Siquidem quemadmodum propter cibum & inobedientiam eiecit eum Adam e paradiso, sic rursus per jejunium & obedientiam qui vult ingreditur paradisum. Hac virtute orna corpustuum, o virgo, & placebis cœlesti sponso. Etenim quæ mundo sese applicant, & unguentis, odoribus, aromatibus, pretiosisque vestibus, auroque corpora sua exornant, ut placeant hominibus, Deo placere non possunt. Christus autem nihil horum petit abs te, sed tantummodo corpus purum, & corpus immaculatum, jejunioque castigatum. Quod si qui venerint dixerintque tibi, ne jejuna frequenter, alioqui redderis imbecillior, ne credas illis neque auscultaveris eis. Nam Diabolus illos subornavit. Memento quod scriptum est, cum tres pueri ac Daniel captivi tenerentur a Nabuchodonosor Rege Babylonis, alique pueri cum illis, Rexque illis præcepisset, ut ederent de mensa ipsius, biberentque de vino ipsius, Daniel ac tres pueri nolabant vesci de mensa Regis, sed dicunt Eunuchis, qui eos curandos susceperat, Da nobis de leguminibus terræ & comedemus: aitque illis Eunuchus, Metuo Regem qui præscripsit vobis cibum & potum, ne quando visæ fuerint facies vestræ tristes in oculis Regis, præter alios pueros vespentes de mensa Regis, & condemnet me: Dixerunt autem illi, Tenta famulos tuos dies ferme decem ac da nobis: deditque illis legumina in cibum & aquam ad bibendum, & adduxit eos in conspectu Regis, & visæ sunt facies illorum insignes supra pueros alios vespentes de mensa Regis. Videte quid facit jejunium, & morbos sanat, & pituitam corporis exsiccat, & Dæmones ejicit, & cogitationes pravas excutit, & mentem reddit splendidiorem, & cor purum & corpus sanctificatum, & throno Dei commendat hominem: Ac ne putes hæc temere dici habes testimonium in Evangeliiis quod a Salvatore dicitur. Interrogaverunt eum discipuli ipsius dicentes, Domine ostende nobis, quomodo immundi Spiritus pellantur. Dixit autem Dominus, *Hoc genus non ejicitur nisi precatione & jejunio*. Quisquis igitur ab immundo Spiritu turbatur, si cogitaverit usque fuerit hoc Pharmaco, nimirum jejunio, protinus Spiritus malus in angustiam reductus discedit, territus jejunio. Nam prorsus gaudent Dæmones crapula & ebrietate, corporisque requie. Magnam vim habet jejunium, magnaque per illud fiunt benefacta. Nam unde & homines ingentia perfecerunt miracula, unde per eos signa fiunt, unde sanationes ægrotantibus per hos donat Deus, nisi omnino per exercitationem ac macerationem corporis, perque modestiam animi, per bonam vitæ moderationem. Jejunium enim Angelorum vita est, qui illo utitur, in Angelorum ordine est. Ac ne putes, dilecta, quod res vulgaris sit jejunium. Non enim qui tantum ab eduliis jejunat, ille præstat virtutem, sed qui abstinet ab omni malo opere, huic imputatur jejunium. Etenim si jejunes nec ferves os tuum ne loquatur sermonem pravum, aut iracundiam, aut mendacium, aut perjurium, aut si loquaris contra proximum tuum, si hæc inquam prodierint ex ore jejunantis, nihil profecit, verum etiam totum laborem suum perdidit.

Tu igitur, ancilla Christi, & omnes quotquot volunt consequi salutem, si jejunaveris, purifica teipsum ab omni avaritia. Nam qui diligit pecuniam, non potest Deum diligere: radix enim omnium malorum est avaritia. Inanem gloriæ cupiditatem & arrogantiam vehementer fuge. Si tibi suggererit cogitatio quod facta es magna pulchraque, quodque profeceris virtute, ne credideris illi: inimicus enim est, qui obstat, quique inanem gloriæ cupiditatem submittit. Ne sustineas igitur

A tur cogitationem subeuntem animum tuum. Quod si tibi suggererit cogitatio dicens: Noli laborare adeo moleste, poteris fieri salva, ne audias illam, inimicus enim est qui suggerit remissionem ac negligentiam, quo deiciat a tuo probro vitæ instituto: Multæ sunt enim artes quibus hostis utitur adversus servos Dei: Suggestit enim hominibus, ut illis subeant cogitationes ad efferendum cor ipsorum. Tu vero ne recipito laudem hominum: Quod si quis tibi dixerit, beatus es, dic illi, si exivero ex hoc corpore recte peracta vita, tunc beatus fiam, nunc autem non credo mihi ipsi quod sim beatus: Siquidem homines veluti ventus, sic mutamur. Frequenter autem suggerit tibi ut contempnas vespentes, ne credideris illi, alienus enim est: sed omnium minimum te ipsum æstimato, ut multos præcedas in regno cœlorum, atque apud Deum sublimis fias. Suggestit autem inimicus etiam magnam exercitationem, ut corpus imbecille & inutile reddas. Tu vero in jejunio perseverato, jejuna totum annum etiam si nulla cogat necessitas; Hora vero nona dici cum jam in hymnis & precibus perseveraveris, sume panes tuos cum oleis conspergis oleo, omnia pura quæcunque carent anima. Tu vero virgo ne quis cognoscat exercitationem tuam, ne ex propriis quidem tuis cognatis, sed si quid facis in occulto facito, & Pater tuus cœlestis qui videt in occulto, reddet tibi in aperto: Quod si manifestaveris vitam tuam, nascitur tibi vana gloria damnoque afficit: quod si quam inveneris animam concordem laborantem Deo, quemadmodum & tu facis, huic soli patefacito secretum. Illic non est inanis gloria, dixisti enim ut servetur anima, Multam mercedem accipies, si per te servata fuerit anima: His qui audiendi cupidi sunt loquere ea quæ conducunt, quod si non audierint nec fecerint ne quid loquaris, Dicit enim Deus, *Nolite dare sancta canibus, neque projiciatis margaritas vestras ante porcos*. Canes enim ac porcos appellat Deus eos, qui infamem agunt vitam. Nam margaritæ sunt pretiosa Dei eloquia, quæ solis dignis dantur. O beata anima quæ audiverit hos sermones scriptos in libro hoc, & quæ fecerit eos, testificor omni homini audienti verba hæc & facienti, quod nomen ejus scribetur in libro vitæ, & in tertio ordine Angelorum invenietur. Si oras aut psallis aut legis, sola sedeto, ne quis audiat nisi tu sola. Aut nisi habueris concordem unam aut duas virgines, dicit enim Christus, *ubi duo aut tres sunt congregati propter nomen meum, illic sum in medio illorum*. Depone muliebrem affectum & sume fiduciam fortitudinemque. Nam in regno cœlorum non est masculus & foemina, sed omnes mulieres quæ strenue se gesserunt, virorum ordinem sortiuntur. Obliviscere juveniliū ornamentorum, ut accipias honorem illius pulchræ viduæ: ait enim sic Paulus, *Honora viduas quæ vere viduæ sunt: quæ vero vera vidua est ac desolata, spem habet in Deo & perseverat in precationibus & obsecrationibus nocte ac die: quæ vivit in deliciis, vivens mortua est. Vidua eligatur non minor annis sexaginta, quæ fuerit unius viri uxor, si filios educavit, si hospites excepit, si sanctorum pedes lavit, si afflictis subministravit, si in omni opere bono fuit assidua: juniores autem viduas rejice, cum enim lascivierint adversus Christum, nubere volunt, habentes condemnationem, quod priorem fidem irritam fecerunt*. Tu vero si non facis quæ habent speciem juvenilem, non audis juvenula, verum etiam anus appellaris, proque anu honoraris. Substantia vestium tuarum ne sit pretiosa, pallium tuum nigrum, non tinctura tinctum, sed nativo proprioque colore, aut ad concharum speciem accedens; Tum maphorium crassum ejusdem coloris, ac manicæ laneæ quæ tegant brachia, usque ad manuum digitos: Capitis pilos habeto circumtonsos, deinde vitta lanea caput obcingat, adhæc cucullus & humerale crassum. Quod si occurras homini, testa facie esto, in humum defixis oculis, nec attollas faciem tuam adversus hominem, sed Deo tantum exhibeas tuo. Cum stabis ad orandum, sint pedes tui tecti calceis. Nam hic amictus decet sacris vacantem. Ne nuderis, sed noctu pariter & interdiu vestis tua tegat corpus tuum nudum. Ne qua mulier videat corpus tuum, nisi summa cogat necessitas.

cessitas. Imo ne ipsa quidem scias te nudatam corpore. Posteaquam enim Deo continentiam professæ es, corpus tuum sanctificatum est, templumque Dei factum. Non convenit autem ut Dei templum a quoquam nudetur. Prospera valetudine non ibis ad balnea, nisi summa urgeat necessitas. Nec corpus tuum totum immerges aquæ, quoniam sacra es Domino Deo, nec ulla re mundana contaminabis carnem tuam, sed solam faciem lavato, solasque manus ac pedes. Cum faciem laveris, non lavabis ambabus manibus, neque defricabis genas vultus tui, nec adhibebis herbam, neque nitrum, neque quicquam his adsimile. Nam hæc faciunt mundo deditæ, sed aqua pura lavato. Non unges corpus tuum unguento pretioso, nec adhibebis vestibus tuis aromata pretiosa. Quod si corpus tuum fuerit imbecillius, utere modico vino propter stomachum. Si vero, quod Deus avertat, incideris in afflictionem, tui ipsius curam habeto, ne des ansam hominibus ut dicant tibi hanc afflictionem accidisse ex duritia vitæ. Verum priusquam te quisquam admoneat, prospicias tibi, donec convalesceris, ac rursus ad eandem redeas regulam. Per omne vitæ tempus in jejuniis, precibus & eleemosynis perseverato. Beatus qui auscultat his nocte ac die. Ne recedat sermo Dei ab ore tuo. Sit autem semper opus tuum, Scripturarum meditatio. Habeto Psalterium, ac Psalmos edisce. Sol exorians videat librum in manu tua. Post tertiam horam, peragito communionem, quoniam hac hora adductum est lignum crucis. Sexta hora celebrato preces cum Psalmis, opplorationibus & obsecrationibus, quoniam hac hora filius Dei sublatu est in cruce. Hora nona rursus esto in hymnis & laudibus Dei cum lacrymis confitens peccata tua, Deo supplica, quoniam hac hora Dominus in cruce pendens reddidit spiritum. Post communionem autem horæ novæ comede panem tuum, gratias agens Deo, super mensam tuam hunc in modum, *Benedictus Deus, qui alis me a juventute mea, qui das alimoniam omni carni, olim bis imple gaudio & letitia cor meum, ut semper omnem habentes sufficientiam, abundemus in omne opus bonum in Christo Jesu Domino nostro, cum quo tibi gloria & honor & imperium una cum sancto Spiritu in secula seculorum, Amen.* Cumque accumbens mensæ cœperis frangere panem, primum ter signato, deinde gratias agens dicito, *Gratias agimus tibi Pater noster pro sancta resurrectione, per Jesum enim filium tuum, notam nobis eam fecisti, & quem admodum hic panis erat super mensam distributus, & congregatis factus est unum, sic tua congregetur Ecclesia, a finibus terra, in regnum tuum, quoniam tua est potentia & gloria in secula seculorum, Amen.* Quod si tecum adfuerint duæ tresve virgines, gratias agant super panem appositum, simulque conviventur. Porro si reperiatur in mensa catechumena, ne convivetur cum fidelibus, neque discumbas ad edendum panem cum illa. Rursum non discumbes ad edendum panem tuum cum mulieribus solutioribus, ac scurrilibus, nisi compellat necessitas; Tu enim sacra es Domino Deo, tuusque cibus ac potus sanctificatus est, nam precibus sacrisque verbis sanctificatur. Virgines piæ Deoque deditæ tecum capiant cibum. Non cœnabis cum mulieribus superbis, neque tibi conciliabis amicitiam cum muliere fastuosa. Ait enim divina Scriptura: *Qui tangit picem inquinabitur, & qui commercium habuerit cum superbo, similis illi reddetur.* Cum mulier dives accumbit ad mensam tuam, si videris interea mulierem pauperem, invita illam ad edendum, nec erubescas ob divitis præsentiam. Noli diligere gloriam apud homines magis quam gloriam apud Deum; Deus enim pauperum pro nihilo habitorum Deus est. Felix anima quæ servat hæc. Non est bonum adolescentulam habere consuetudinem cum puellis. Alioqui nihil faciunt boni, utraque enim alterius monitis non auscultat, utraque alteram contemnit. Sed bonum est ut adolescentula sit sub anu; Neque enim anus obsecundat adolescentulæ.

Væ virgini quæ non est sub regula. Est enim veluti navis non habens gubernatorem. Etenim cum fractis gubernaculis non habeat viæ ductorem, jactatur fluctibus huc & huc donec impingat in saxum, moxque de-

aperit, sic est omnis virgo non habens quem vereatur. Beata virgo quæ fuerit sub regula; erit enim veluti frugifera vitis in paradiso. Siquidem veniens agricola illius perpurgat palmites irrigatque revellens malas herbas in circuitu ejus. Illa vero habens Deum cultorem, reddit pretiosum fructum suum in tempore opportuno. Observa vero inter edendum ac bibendum, ut glorifices Deum hymnis qui solent super mensam dici, & erit cibus ac potus tuus sanctificatus. Ubi vero surrexeris a mensa, rursus gratias agens dicito ter: *Miserere & miserator Dominus, cibum dedit timentibus ipsum. Gloria Patri & Filio & sancto Spiritui.* Postque gloriam Deo dictam, rursus perfice preceationem, sic dicens, *Deus omnipotens, ac Dominus noster Jesus Christus, nomen quod est supra omne nomen, gratias agimus tibi, ac laudamus te, quod nos tuorum bonorum fecisti participes, videlicet corporalium alimentorum, Rogamus & obsecramus te, Domine, ut & cælestes nobis epulas largiaris: da nobis tremere ac revereri adorandum ac pretiosum nomen tuum, ne prætergrediamur præcepta tua. Legem tuam & justitias tuas insere cordibus nostris. Sanctifica vero spiritum nostrum, animam nostram & corpus nostrum per dilectum Filium tuum Jesum Christum Dominum nostrum, cum quo tibi gloria, honor & imperium in secula seculorum, amen.* Sunt enim quidam mundo dediti, qui carent intelligentia, brutorum animantium more pascuntur, mane surgentes quæ-
runt quem circumveniant, quem opprimant, ut expleant fœdum ipsorum ventrem. Hi non norunt ad mensam glorificare Deum. De his locutus est divinus ille Paulus, *Hi sunt inimici crucis Christi, quorum finis interitus, quorum Deus venter, & gloria in pudendis eorum qui terrena sapiunt. Nostra vero conversatio in cælis.* Isti deteriores sunt & bestiis & jumentis. Siquidem jumenta feræque norunt conditorem suum Deum, eumque laudant. Homines vero qui manibus illius conditi sunt, & ipsius imaginem gerunt, non norunt eum a quo sunt conditi, sed ore quidem confitentur illum, factis autem negant eum. Tu credis esse Deum, bene facis, & *Dæmones credunt & contremiscunt. Fides sine operibus mortua est.* Quid proderit homini, si confiteatur esse Deum, cum suis malis factis abneget illum? Quomodo profitebitur se illum habere Dominum, cum illi non serviat? Propter hoc enim dicitur Dominus ejus. Et servi agnoscunt eos a quibus empti sunt. Proinde nos quoque debemus honorare eum, non verbis tantum, sed & factis. Siquidem ipse Dominus noster Jesus Christus in Evangelio testatus est dicens, *Non omnis qui dicit mihi Domine Domine intrabit in regnum celorum.* Et rursus, *Non assumes nomen Domini Dei tui in vanum.* Rursum alibi præcepit nobis dicens, *Discedat ab iniquitate quisquis nominat nomen Domini.* Sed visne scire quod bestiarum & jumenta norunt Deum ac laudant illum? Audi sanctum Spiritum præcipientem illis in hymnis, *Benedicite bestia & omnia pecora Dominum.* Nisi benedicerent, nequaquam illis præciperet. Nec illa solum benedidunt, verum etiam omnis creatura visibilis & invisibilis sine intermissione benedicit Deum. Et tu igitur famula Dei, sive surgis, sive sedes, sive quid operis facis, sive edis, sive dormitura petis cubile, sive expergisceris, ne recedat laus Dei a labiis tuis. Beatæ aures quæ excipiunt hos sermones. Quod si venerit * hora duodecima, ma-
jorem & crebriorem celebres communionem cum vir-
ginibus tuis quas habes unanimes: Quod si non habue-
ris unanimes, sola peragito Deo præsentem & audiente.
Bonum est effundere lacrymas in conspectu Dei. Me-
mento horæ duodecimæ, quoniam in hac Dominus no-
ster descendit ad inferos, cumque vidisset illum tarta-
rus, inhorruit expavitque dicens: *Quis est iste, qui cum potestate magnaque virtute descendit? Quis est qui portas inferorum ferreas contrivit, & vectes adamantinos confregit? Quis iste qui descendit e coelis, & crucifixus est, & a me morte teneri non potuit? Quis est iste, qui solvit vincula eorum qui tenebantur a me captivi. Quis est iste, quia sua morte me mortem destruit.* Propterea debemus nobis cavere in hora illa, cumque lacrymis noctu invocare Dominum. Magna enim virtus est lacryma, ingens benefactum, magna peccata
Tom. VIII. Bb 3 &

Synagoga
vesper-
tina,
nam vi-
detur
olim bis
id solere
fieri. Ea-
dem
sunt
apud
Chryso-
stomum.

* Syna-
xis, ho-
ra duo-
decima
qua na-
bis opi-
nor est
septima
vesper-
tina.

& iniquitates lacrymis abolentur. Testimonium præbet mihi sanctum Euangelium. Cum enim Servator traditus esset *Judeis*, tum *Petrus* illum cum jurejurando ter abnegavit, priusquam cantaret gallus. Sed *Christus* conversus intuitus est *Petrum*, & recordatus est *Petrus* verbi Domini, quomodo dixisset ipsi, *Priusquam gallus cattet, abnegabis me ter. Et egressus foras, flevit amare.* Vides remedium lacrymarum, vidisti qualem iniquitatem deleverint. Quid enim hoc malo pejus, quod ter cum jurejurando Dominum abnegavit, & tantam iniquitatem lacrymis delevit. Vides quantam vim habeant lacrymæ. Nam illa scripta sunt ad nostram correptionem, ut nos illa sequentes vitam æternam hæreditate possideamus. Non multi habent gratiam lacrymarum, sed hi tantum qui mentem habent in cœlis, qui rerum terrenarum sunt obliti, qui non faciunt providentiam carnis, qui ne norunt quidem an sit mundus, qui mortificaverunt membra quæ sunt super terram. His solis datus est luctus lacrymarum. Cum enim puram habeant mentem ac perspicaces cordis oculos, adhuc versantes in terris, vident poenas inferorum, & cruciatus sempiternos, quibus puniuntur peccatores, vident ignem æternum, ac tenebras exteriores, vident fletum ac stridorem dentium. Simul autem vident & cœlestia munera quæ Deus largitus est sanctis, vident glorias & coronas, stolæque sanctas, vestesque regias, ac lucida penetralia, & delicias inenarrabiles ac vitam sempiternam. Sed quid differo dicere, quod est omnium maximum miraculum? Quod quisquis habet puram mentem, ipsum etiam Deum internis oculis contemplatur. Quis non igitur fiat, ut non velit flere lugereque qui talia videat? Flet enim ac plorat, ut liberetur ab illis acerbis suppliciis, rursus plorat obsecransque postulat, ut cœlestibus illis bonis dignus habeatur. Eoque sancti oderunt hunc mundum, scientes qualium bonorum hæreditatem sint habituri. Itaque qui requiem habet in hoc mundo, ne speret æternam illam requiem. Regnum enim cœlorum, non est eorum qui hic requiescunt, sed illorum qui in afflictione multa atque angustia peregerunt hanc vitam. Non enim acceperunt illud gratis, sed cum magnis laboribus, perpetuisque sudoribus id sibi paraverunt, quos dignatus est Deus. Non est illis curæ quantumcunque hic laboraverint. Verum simul atque illic ingressi fuerint, obliviscuntur laborum ac dolorum, quoscumque passi sunt in hoc vano mundo, præ multa & inenarrabili refocillatione ipsis data.

Quid ais homo? Ecce duæ viæ propositæ sunt in conspectu tuo, vita & mors, quocunque volueris ito: & ecce ignis & aqua, quocunque volueris extende manum tuam: in te situm est an velis parare vitam, & in te situm est an velis parare mortem. Mors igitur est mundus, vita autem est justitia: procul igitur mundus abest a justitia, quantum mors abest a vita. Itaque si ambulaveris in mundo, in morte ambulas, & extra Deum es juxta divinam Scripturam. Sin in justitia ambulaveris, in vita ambulasti, nec te tanget mors. Non est enim apud justos mors, sed translatio. Transferuntur enim ex hoc mundo in æternam requiem. Et quemadmodum aliquis egreditur e carcere, sic & sancti egrediuntur ex hac misera vita, ad bona ipsis præparata, *qua oculus non vidit nec auris audivit, & in cor hominis non ascenderunt, qua præparavit Deus diligentibus ipsum.* Peccatores autem præterquam quod hic misere affliguntur, etiam illic iterum ignis eos manet. Tales igitur oportet duplici nomine flere, & quod hic in angustia sunt, & quod illic amplitudinem non recipiunt. Propterea dicit divina Scriptura: *Quocunque se verterit impius perdetur, angusta enim illi sunt undique, & illic dolores & hic afflictiones.* Non est enim homo qui non labore in misera vita, sive mendicus sive dives, sive servus sive liber, sive peccator sive justus, omnes similiter laborant. Idemque casus occurret omnibus, tum peccatori, tum justo in hoc mundo. Illic vero non est eodem modo, sed alius atque alius ordo: alius enim labor justii in hoc mundo, alius peccatoris. Nam justus quidem laborat, non ut ventrem expleat, neque omnino carnis curam habet, neque cogitat se gestare carnem, sed laborat noctu &

interdiu quærens Deum; Sæpe nec somno, nec pane, nec aqua saturatur, nec explet animum, in desertis oberrans, subigens corpus in multa afflictione, donec assequatur coronam inenarrabilem ipsi repositam. Peccator autem laborat sudatque, non justitiæ causa, sed ob miseram hanc carnem, ob foedam mulierem, aliis atque aliis modis laborans, nec contentus his quæ ad sunt, in malitia & invidia vitam agens. Verum nihil horum intelligunt isti vecordes, excæcavit enim illos materia, multæque mundi sollicitudines, & in errorem ducunt, donec mittatur adversus ipsos ille severus carnifex, qui non miratur faciem, nec accipit dona. Abducentur enim illorum animæ vi ab Angelis inclementibus, & ferent sententiam suam a Deo. Nam cum essent inanes, etiam inaniter laborarunt in hoc mundo, res terrenas operati sunt, eaque propter in interitum abierunt. Non enim memores fuerunt Dei cum essent in terra, neque fuit illis curæ recordari timoris Domini, propterea nec ipsi futuri sunt ei curæ. Justus enim Deus, & justum judicium ejus. Cum enim venerit judicaturus mundum, tunc reddet unicuique juxta opera sua. Beatum cor quod accipit hæc.

Media nocte surgito & laudato Dominum Deum tuum. In hac enim hora surrexit Dominus noster a mortuis. Et laudibus celebra Patrem, propter hoc in hac hora præcepit nobis laudare Deum. Cum autem a somno surrexeris, cum primis hunc versiculum dicito, *Media nocte surgebam ad consistendum tibi, ad judicia justificationis tuæ.* Et orans incipito dicere quinquagesimum Psalmum totum, donec perfeceris. Et hæc sint tibi singulis diebus præscripta. Hos autem Psalmos dicito quantum potes stans, ac post Psalmum precatio genuumque flexio addatur cum lacrymis, commemoresque Domino peccata tua, postulesque ut remittantur tibi. Post tres autem Psalmos dic *Alleluja.* Quod si etiam virgines fuerint tecum, & hæc psallant, atque aliam post aliam precationem perficite. Diluculo vero hunc Psalmum dicite: *Deus Deus meus ad te de luce vigilo. Sitivit in te anima mea.* Interspiratio vero sit, *Benedicite omnia opera Deo, Gloria in excelsis Deo, & reliqua.* Cæterum dilectionem servemus omnibus majorem. *Diliges Dominum Deum tuum ex toto corde tuo, & ex tota anima tua, & proximum tuum sicut teipsum. In his duobus præceptis tota Lex ac Propheta pendet.* Deus caritas est, & ipse prior dilexit hominem, ac seipsum tradidit pro nobis, ut nos liberaret ab iniquitate. Si igitur ipse Dominus noster mortuus est pro nobis, nos quoque debemus pro nobis invicem animas nostras ponere. Deus caritas est, & qui habet caritatem, Deum habet. Ipse enim dixit, *In hoc cognoscent omnes quod mei discipuli estis, si diligatis invicem.* Quantumcunque laborarit homo, si non habuerit caritatem erga proximum, frustra laboravit. Sic autem declarabis caritatem erga proximum, non verbis tantum, sed etiam factis. Non tenebis aliquam malitiam in corde tuo, alioqui non ascendet precatio tua pura. Non enim occidet Sol super iracundiam vestram. Mansuetudinem habe, patientiam habe, animi lenitatem, placabilitatem. Dicit enim Dominus, *Nisi conversi fueritis, & efficiamini sicut pueri, non intrabitis in regnum cælorum.* Ne te contristet, si quid molestiæ acciderit tibi, neque damno contristeris, neque injuria. Nam hujus mundi tristitia mortem operatur. Tantum pro peccatis tuis contristeris, de levioribus autem negotiis ne contristeris. Ne exaltes vocem tuam irascens erga quampiam: Famulam autem Domini non oportet litigare. Non egrediatur exsecratio ex ore tuo, non contumelia, non maledictum. Nam os tuum sanctificatum est in laudem & gloriam Dei. Non est bonum te prodire absque magna necessitate. Silentium ama quantum potes. Ancillarum Dei ne obliviscaris, neque deleantur e corde tuo. Si sanctus venerit in domum tuam, sic illum excipe ut filium Dei. Dicit enim Dominus noster *Jesus Christus: Qui recipit vos, me recipit.* Si ingrediatur vir justus in domum tuam, cum metu & tremore occurres illi, & procumbes ad pedes illius in terra. Non enim illum adorabis, sed Deum qui misit illum: Sumes autem aquam & lavabis pedes illius, summaque

maque cum veneratione audies verba ejus. Non confides prudentiæ tuæ ne cadas, sed metue. Quamdiu enim timueris nunquam cades, expedit enim ut quæ continenter vivit, sola panem suum comedat. Quod si accubueris cum virginibus ad mensam, quicquid apponitur, comede cum illis: nam si non comederis deprehenderis quasi condemnare illas. Non efferes ac prodes exercitationem tuam. Quod si etiam vinum illæ biberint, tu vero non bibas, propter illas bibe paululum. Quod si fuerint magnæ anus, coëgerintque te bibere plusquam satis, ne auscultaris illis, sed dic eis: Vos detrivistis juventutem vestram in multa exercitatione, ego vero nondum perveni ad primum gradum vestrum. Nam de hospitalitate & elemosyna non habes opus ut te moneam, quandoquidem ex te ipsa facies. In Ecclesia taceto, nec quicquam dixeris, sed tantum ausculta lectioni. Si ascenderit in cor tuum cogitatio ut quippiam facias, ne præcipitanter hoc feceris, ne illudat te inimicus. Cum consilio majorum omnia facito. Cum psallis aut cum oras, ne admiseris extraneas cogitationes ingredi cor tuum.

Obsecro te, dilecta, attende & ausculta præceptis his, quæ scripta sunt in libro hoc, nec solum oculis visibilibus considera quæ scripta sunt, verum etiam internis, & attende unicuique præcepto, eaque facito. Nam si hæc servaveris, digna habebis regali thalamo. Ne dixeris in corde tuo, quomodo possum hæc facere, segnities obrepat cogitationi tuæ, sed cum omni animi promptitudine serves ea. Diligentibus enim Deum præcepta Dei non sunt gravia. Omni hora ne deficiat oleum lampadi tuæ, ne quando veniat sponsus & inveniat eam extinctam. Neque enim scis quando sit venturus, an primo somno, an mane. Esto igitur parata, ut cum venerit, cum sapientibus occurras illi, habens oleum in lampade tua, hoc est, opera tua bona. Singulis horis recordare exitus tui, habere præ oculis quotidie mortem. Memento cui oporteat te exhiberi. Gravis est exercitatio, difficilis continentia, sed nihil dulcius cœlesti sponso. Hic laboramus paulisper, illic autem vitam æternam recipiemus. Ait enim sanctus Paulus, *Non sunt condigna passionis hujus temporis ad futuram gloriam quæ revelabitur in nobis.* Bonum est effugere turbam, & secedere in solitudinem. Magna virtus continentia, magna gloria castitas, magna sunt virginitatis præconia. O virginitas divitiæ incomprehensibiles. O virginitas corona immarcescibilis. O virginitas templum Dei, & sancti Spiritus domicilium. O virginitas margarita pretiosa, apud multos latens, a paucis vero vix invenitur. O continentia amica Dei, & apud sanctos laudata, o continentia vulgo invisâ, sed iis qui te digni sunt nota, o continentia mortem & inferos effugiens, & immortalitati adhærens. O continentia gaudium Prophetarum, Apostolorum gloria. O continentia Angelorum vita, & sanctorum hominum corona. Beatus qui te tenet, beatus qui per patientiam tibi constanter adhæret, quoniam postquam paululum laboraverit, multa recipiet munera in te. Beatus qui per totum hoc tempus jejunavit, quoniam in æterna Hierosolyma habitabit, cumque Angelis choreas ducet, cumque sanctis Prophetis & Apostolis requiem habebit. Hæc tibi scripsi dilecta soror de choro Christi, ad confirmationem & utilitatem animæ tuæ. Ne declines igitur ab his sermonibus, nec ad dextram, nec ad sinistram. Quisquis enim hos sermones auditos contempserit, condemnatio magna erit illi. Tu vero carissima soror mea, det tibi Deus hæc servare, in his conversari, illuminatam mentem, purum animum, illuminatos oculos cordis, ut accipias immarcescibilem coronam, quam præparavit Deus diligentibus ipsum, per Dominum & Servatorem nostrum Jesum Christum, cui gloria in secula seculorum, Amen.

A T H A N A S I I O P U S
de hoc quod dictum est in Evangelio, Matth. xii. 32.

Quicumque dixerit verbum adversus Filium hominis remittetur ei, Qui vero dixerit contra Spiritum sanctum, non remittetur ei, nec in hoc seculo, nec in futuro.

Quod litteris tuis mihi significaras de dicto Evangelico, ignosce carissime, conscientiam habens

bonam. Verebar enim prorsus ingredi quæstionis hujus profundum, ne si eo me demissem cogitatione, exorsum investigare deficerent vires ad extrahendum illic abditam profundam intelligentiam. De hoc igitur in totum silere volebam, ac solis iis quæ antehac scripta sunt, contentus esse. Cæterum quoniam conjectabam fore, ut rursus eadem de re pergeres ad me scribere, compuli meipsum ut meam qualemcunque sententiam, quam super hoc didici, perscriberem, confidens futurum, ut si quidem scopum attigerimus, amplectaris propter eum qui docuit, sin minus, non culpes, sciens videlicet nostram socordiam & imbecillitatem. Dictum itaque sic habet. Cum tam multa signa fierent in Evangelio, Pharisei dicebant, *Hic non ejicit Damonia nisi in Beelzebub principe Daemoniorum.* Dominus autem sciens cogitationes illorum, dixit illis: *Omne regnum divisum adversus semetipsum desolatur.* Cumque dixisset, *Quod si in Spiritu Dei ejicio Damonia, profecto pervenit ad vos regnum Dei,* mox infert: *Propterea dico vobis, Omne peccatum & blasphemia remittetur vobis hominibus, sed in Spiritum blasphemiam, non remittetur. Et quicumque dixerit verbum adversus filium hominis, remittetur ei, qui vero dixerit adversus Spiritum sanctum, non remittetur illi, neque in hoc seculo, neque in futuro.* Tu vero quærebas quam tandem ob causam blasphemiam in Filium remitteretur, cæterum in Spiritum sanctum blasphemiam non habeat remissionem, nec in præsentī seculo nec in futuro. Veteres quidem, videlicet *Origenes* undique doctus & industrius, neque non *Theognostus* ille admirandus (Nam in horum commentarios incidi, cum tuas accepissem litteras) ambo super hoc loco scribunt, dicentes hanc esse blasphemiam in Spiritum sanctum, cum hi quos Deus dignatus est dono sancti Spiritus in baptismo relabuntur in peccatum: eoque negant illis reliquam esse veniam, quemadmodum *Paulus* in Epistola ad *Hebræos* dicit, *Impossibile est enim eos qui semel illuminati sunt degustaveruntque bonum Dei verbum, ac virtutes futuri seculi, & prolapsi sunt, denuo renovare ad penitentiam.* Siquidem *Origenes* de talium condemnatione loquitur hunc in modum. Deus quidem & Pater ad omnia pervenit, omniaque continet, animata pariter atque inanima, rationalia simul & rationis expertia. Filii vero virtus ad sola ratione prædita pertingit. Quo in ordine sunt Catechumeni & Gentes, quæ nondum crediderunt. Spiritus vero sanctus ad eos solos pertinet, qui ipsius in baptismatis dono participes facti sunt. Itaque cum peccavit Catechumeni & Pagani, in Filium quidem peccant, eo quod in ipsis est, quemadmodum jam dictum est, possunt tamen veniam consequi, si adepti fuerint donum regenerationis. Verum ubi jam baptizati peccaverint, ejusmodi iniquitatem ad Spiritum sanctum ajunt pertingere, propterea quod peccavit is, qui jam erat in Spiritu, eoque non remitti poenam adversus illum peccanti. *Theognostus* autem addidit hæc, qui semel atque iterum terminos prætergressus est, minus feret supplicii, qui vero tertio contempserit, nullam veniam consequi potest. Primum autem & secundum terminos appellat catechesin, hoc est, initiationem de Patre & Filio, tertium vero, qui est in consummatione mysteriorum, ac sermone qui traditur in communicatione Spiritus, idque confirmare volens adducit illud quod dictum est a Servatore discipulis: *Adhuc multa habeo vobis dicere, sed non potestis capere, sed cum venerit Spiritus sanctus, docebit vos:* post subjicit, tanquam iis qui nondum capere valerent perfecta, loquitur Servator, accommodans sese ad illorum imbecillitatem; Perfectis autem adest Spiritus sanctus. Verum ex his nequaquam aliquis dicere poterit, quod doctrina Spiritus excellentior sit doctrina Filii, sed quod Filius sese demittat ad imbecillitatem imperfectorum, Spiritus autem signaculum est eorum qui perfecti sunt. Proinde non ideo irremissibilis & incondonabilis est blasphemiam in Spiritum, quod Spiritus major sit Filio, sed quod imperfectis detur venia, iis vero qui gustaverunt cœleste donum, quique perfecti sunt, nulla relinquatur ad veniam excusatio, aut poenæ deprecatio. Hæc quidem illi.

Ego

Ego vero ex his quæ didici, arbitror utriusque sententiam nonnulla egere probatione considerationeque, si forte in illorum verbis lateat aliquid sensus profundioris. Manifestum est enim, quod Filius cum sit in Patre, in his est in quibus est & Pater; Nec abest Spiritus sanctus; Individua enim est, sancta, & perfecta, & beata Trinitas. Præterea si cuncta per Filium facta sunt, cunctaque per illum consistunt, qui possit esse extra ea quæ condidit. Quoniam autem illa non procul absunt ab eo, consequens fuerit & illum esse in omnibus, ut necesse sit, quisquis in Filium peccat, aut blasphemiam dicit, cum & in Patrem & in Spiritum sanctum peccare. Quod si sanctum lavacrum tantum datum esset in nomine Spiritus sancti, probabiliter dicerentur baptizati peccare in solum Spiritum sanctum; verum quoniam datur in nomine Patris, Filii & Spiritus sancti, & hoc modo perficitur quisquis baptismum accipit, necessario consequitur, eos qui post baptismum transgrediuntur, in sanctam & inseparabilem Trinitatem committere blasphemiam. Sed operæ pretium fuerit hoc quoque perpendere & considerare. Si Dominus hæc locutus fuisset ad eos, qui lavacrum per quod renascimur acceperant, nimirum Phariseos, quique participes fuerant facti doni Spiritus sancti, erat probabilis hæc istorum sententia, veluti dicantur hæc in eos qui relapsi fuissent, & ob id peccassent in sanctum Spiritum. Verum si nec lavacrum acceperant, sed in eos potius dictum est, qui Joannis baptismum contemnebant, quomodo hos inculavit, tanquam blasphemos in Spiritum sanctum, cujus nondum erant facti participes? Neque enim Dominus hæc in genere dicebat, neque post futuris poenam comminabatur, sed potius accusans Phariseos, tanquam jam tantæ blasphemiae factos obnoxios, locutus est hoc dictum Dominus. Porro cum Pharisei sic accusentur nondum accepto baptismo, non poterit hoc dictum ad eos qui post lavacrum transgressi fuerint accommodari, præsertim cum eos non generaliter de peccato, sed de blasphemia accusarit. Nam hoc interest. Qui peccat, legem transgreditur, qui blasphemiam dicit, adversus ipsam Deitatem impietatem committit. Itaque cum ante Servator illos de multis peccatis accusasset, veluti quod præceptum Dei de honorandis parentibus pecuniæ causa violarent, quod Prophetarum monita repulissent, quod ex domo Dei fecissent domum negotiationis, nihilo secius hortabatur illos ad poenitentiam. Verum cum iidem dicerent, quod præsidio Beelzebub ejiceret Dæmonia, non simpliciter hoc peccatum, sed blasphemiam dicebat esse tantam, ut nec condonari culpa, nec poena remitti posset iis qui talia fuissent ausi. Alioqui si iis qui post lavacrum peccant veniæ gratiam ademit hoc dicto, eosque manet commissorum ultio nec evitabilis, nec remissibilis, quomodo Apostolus ei quidem qui Corinthi poenitentiam egerat, decernit eandem caritatem? Galatas autem qui relapsi fuerant, parturit donec denuo formetur in eis Christus. Nam in hoc quod dicit *denuo*, declarat eos ante in Spiritu fuisse consummatos. Cur autem *Novatum* incusamus, quod tollat poenitentiam, docens quod nullam veniam assequantur qui post lavacrum peccaverint, si hoc dictum est ob eos, qui post baptismum peccant. Nam illud dictum quod positum est in Epistola ad *Hebræos*, non excludit peccantium resipiscentiam, verum declarat unum esse baptismum Catholicæ Ecclesiæ, nec iterari posse. *Hebræis* enim scribebat, ac ne putarent juxta Legis consuetudinem, occasione poenitentiae, esse multas quotidie lotiones, ideo hortatur quidem ad poenitentiam, sed non esse nisi unam renovationem per baptismum, nec repeti posse declarat, quemadmodum & in alia dicit Epistola, *Una fides, unum baptisma*. Non enim dixit, Impossibile est poenitere, sed impossibile per occasionem poenitentiae renovari quempiam e nobis. Plurimum autem interest. Nam cum poenitet homo, cessat quidem a peccando, sed habet vulnere cicatrices. Cæterum qui baptizatur, veterem quidem hominem exuit, renovatur autem ut denuo renatus, per Spiritus gratiam.

Hæc sane perpendenti mihi, major sese offert in hoc dicto sensus profunditas. Quapropter multis precibus

A prius invocato, qui sedit super puteum, quique super mare ambulavit Domino, ad dispensationem quæ pro nobis in eo facta est, revertor, si quem forte ex hac quædam sensum in hac lectione latentem adipisci. Tota quidem igitur divina Scriptura hanc dispensationem annunciat prædicatque, sed per hoc maxime quod Joannes prædicavit dicens: *Verbum caro factum est & habitavit in nobis*. Deinde Paulus scribens, *Qui in forma Dei cum esset, non rapinam existimabat, esse æqualem Deo, sed semetipsum exinanivit formam servi accipiens, & habitus repertus ut homo, humiliavit seipsum, obediens factus usque ad mortem, mortem autem crucis*. Propter hoc enim cum esset Deus, factus homo, ut Deus excitavit mortuos, cunctosque sanavit verbo, & aquam vertit in vinum. Nec enim erant hæc hominis facta. Ut autem corpus gestans, sitiit, fatigatus est, & passus est. Neque enim hæc erant propria divinæ naturæ. Et ut Deus quidem dixit, *Ego in Patre, & Pater in me*. Velut autem corpus gestans arguebat Judæos, *Quid me queritis interficere, hominem qui veritatem loquutus sum vobis, quam audivi a Patre*. Facta sunt autem hæc non separatim juxta rerum quæ gerebantur qualitatem, ut alia essent corporis absque Deitate, alia rursus Deitatis absque corpore, sed conjunctim fiebant omnia, & unus erat Dominus, qui hæc omnia mirabiliter sua ipsius gratia operabatur. Exspuit enim humano more, & sputum habebat vim divinam: per hoc enim effecit, ut ejus oculi qui erant a nativitate cæcus, visum reciperent. Item cum vellet ostendere se esse Deum, humana lingua declarans hoc, dicebat: *Ego & Pater unum sumus*. Sola autem voluntate sanavit, tamen porrecta manu erexit socrum Petri febricitantem, & Archisynagogi filiam jam defunctam a mortuis excitavit. Proinde hæretici quidem juxta suam quisque doctrinam insanierunt, & alii nihil cernentes in Servatore nisi corporalia, negabant illud, *In principio erat Verbum*: alii rursus, ea quæ sunt divinæ naturæ contemplantes, ignoraverunt illud, *verbum caro factum est*. Cæterum fidelis & Apostolicus vir, sciens Domini charitatem erga genus humanum, ubi videt signa Deitatis, admiratur corpore indutum Dominum: rursus considerans ea quæ sunt corporis propria, supra modum obstupescit, animadvertens in illis vim operantis Deitatis. Cum autem ad hunc se modum habeat Ecclesiastica fides, nonnulli flectentes oculos ad humana, cum vident Dominum sitientem aut fatigatum aut morientem, si tantum garriant adversus Servatorem, velut adversus hominem, peccant quidem graviter, possunt tamen, si cito resipiscant, adipisci veniam, cum excusare possint corporis imbecillitatem. Rursus cum alii quidem contemplantes Divinitatis opera, dubitant de corporis natura, peccant quidem & isti gravissime, quod cum videant edentem ac morientem, tamen imaginanter esse phantasma. Attamen hoc quoque Christus facile potest agnoscere poenitentibus, quod & isti habent quod excusent, videlicet opera modum humanæ naturæ superantia. Verum posteaquam utriusque generis inscitiam cæcitatemque supergressi, qui videbantur habere Legis scientiam, quales tunc erant Pharisei, in insaniam versi fuerant, & ipsum verbum in corpore versans, pertinaciter abnegabant, aut etiam Deitatis opera Diabolo aut hujus Dæmonibus attribuebant, merito pro tali impietate poenam habent irremissibilem. Nam & Diabolum habebant pro Deo, & eum qui vere, re ipsa Deus erat, existimabant nihilo plus in operibus posse, quam Dæmones. In hanc igitur impietatem prolapsi fuerant illius temporis Judæi, ac Judæorum Pharisei. Cum enim Servator exhiberet opera Patris, nam mortuos excitabat, cæcis visum donabat, claudis dabat ingrediendi facultatem, surdis aperiebat aures, mutis præstabat ut loquerentur, declarabatque creaturam sibi subditam esse, imperans ventis, & super ipsum ingrediens mare, turba quidem stupebat & glorificabat Deum, cæterum mirabiles illi Pharisei, talia facta dicebant esse Beelzebub, nec verebantur dementes, Dei potentiam ascribere Diabolo. Unde merito Servator declarabat illos committere blasphemiam, quæ nec excusari, nec remitti posset. Nam donec respicientes ad humana

humana claudicabant animo dicentes, *Nonne hic est ille fabri filius; &c., quomodo iste novit litteras, cum non didicerit; Et, quod facis de teipso signum? &c., descendas nunc de cruce, & credemus ei*, ferebat illos, ac velut in filium hominis peccarent, dolens super illorum cæcitate dicebat, *Si novissetis & vos quæ ad pacem, &c.* Nam & magno illi Petro, quasi de homine loquuta fuisset ostiaria, itaque respondisset illi Petrus, Dominus flenti dedit veniam. Verum ubi jam lapsi conciderunt, & ad maiorem devenerunt insaniam, adeo ut Dei opera dicerent esse *Beelzebub*, non amplius tolerabat eos. Siquidem in spiritualem illius virtutem committebant blasphemiam, dicentes eum qui hæc faceret, non esse Deum, sed *Beelzebub*, eoque velut ausos non ferenda, æternis addixit suppliciis. Nam id audere dicere, perinde erat, ac si videntes ordinationem mundi, & circa hunc Numinis providentiam, dicant creaturam a *Beelzebub* esse conditam, & Solem *Beelzebub* obtemperantem oriri, & propter hunc Stellæ volvi in cælo. Quemadmodum enim hæc opera sunt Dei, ita erant & illa Patris opera. Quod si illa erant *Beelzebub*, necessario consequitur & hæc esse *Beelzebub*. Et ubi jam superest illis illud, *In principio fecit Deus cælum & terram*, verum nihil habet novum aut mirum hæc illorum insania. Quandoquidem & horum patres simili mente præditi in eremo, cum paulo ante exissent ex *Aegypto*, vitulum finxerunt, eique beneficia a Deo profecta accepta ferentes dicebant, *Hi Dii tui Israel, qui reduxerunt te ex terra Aegypti*. Ob hanc itaque blasphemiam, ex his qui tum talia fuerant ausi protinus haud pauci, sed plurimi sublati sunt. In posterum autem denunciabat illis Deus dicens: *Quocunque die visitavero, adducam super illos peccatum ipsorum*. Nam quam diu & illi de panibus & aqua murmurabant, hæcenus illos tolerabat Deus, quasi si qua nutriti filii sui tædium in nutricando toleraret: Verum ubi jam ad maiorem devenerant insaniam, & quemadmodum canit adversus eos Spiritus, *mutaverunt gloriam ejus similitudine vituli comedentis gramen*: hic cum essent ausi non ignoscenda, præceptum acceperunt, ut ait Scriptura, de fabricando vitulo quem fecit Aaron. Itaque cum nunc quoque similia auderent Pharisei, similem a Servatore tulere sententiam, pro meritis quæ ab illis & tum receperat & nunc recipit Dominus creditus esse *Beelzebub*, ut illos in æternum ignis qui præparatus est devoret, una cum ipso *Beelzebub*. Neque enim jam comparisonem ullam faciens inter blasphemiam in ipsum dictam & in Spiritum sanctum, talia dixit. Nequaquam, sed præveniens docuit quod omnia quæ habet Pater, essent Filii, & quod ab ipso Spiritus accepturus esset, quodque idem Spiritus glorificaturus est & Filium, quodque nequaquam Spiritus daret Filium, sed quod Filius Spiritum præberet discipulis, ac per hos cæteris qui in ipsum crederent. Non igitur ad eum modum locutus est Servator, sed veluti blasphemiam in ipsum dicta, in ambos foret dicta, altera quidem minor, altera gravior, hæc locutus est Dominus; Siquidem ipsi Pharisei utramque dixerant. Nam & hominem cum viderent, impetebant illum convitiis, *Unde huic sapientia hæc? Et, quinquaginta annos nondum habes & Abraham vidisti*: Et Patris opera conspicientes, non solum abnegabant illius Divinitatem, verum etiam loco Divinæ naturæ dicebant in eo esse *Beelzebub*, & hujus esse opera. Propterea tanquam utraque in ipsum dicerentur, cum altera blasphemiam esset levior, propter humanam imbecillitatem, altera gravior propter Deitatem, ob graviores pronunciavit adversus eos vindictam non remittendam, videlicet, discipulos obiter animans ac dicens, *Si patrem familias vocaverunt Beelzebub*: seipsum dicebat esse patrem familias, in quem *Judæi* tales blasphemias jacerent. Quod *Judæi* dicentes in *Beelzebub*, nullum alium quam ipsum Dominum afficiebant convitio, perspicuum est quod dicebatur. Sin in Spiritum sanctum dicta blasphemiam in ipsum Dominum dicitur, simul & totum dictum ad ipsum pertinere significabat Servator ista loquens: Ipse est enim totius mundi pater familias; Neque enim gravari oportet eadem, certitudinis causa, denuo dicere. Sitire, fatiga-

ri, dormire, cædialapis, edere, hominum sunt propria, opera vero quæ fecerat Dominus, non sunt hominum, verum Dei erat illa facere. Cum igitur quidam, sicut dixi prius, hæc videntes in Dominum velut in hominem dicebant convitia, leviori supplicio damnabantur, quam hi qui Dei opera tribuebant Diabolo. Tales enim non solum sancta projiciunt canibus, verum etiam Deum comparant Diabolo, & quod lumen est, dicunt esse tenebras. Hanc igitur Phariseorum blasphemiam non esse remittendam Marcus addidit dicens, *Quicunque vero blasphemiam dixerit adversus Spiritum sanctum, non habet remissionem, sed reus est æterni delicti, quoniam dicebant, Spiritum immundum habet*. Et ille qui cæcus fuerat a nativitate visu recepto testificabatur, *A seculo non est auditum, quod aliquis aperuit oculos cæci nati: nisi hic esset a Deo, non posset facere quicquam*. Ac turbæ mirantes super his quæ fiebant a Domino, dicebant, *Hæc verba non sunt habentis Dæmonium*. Num *Dæmonium potest aperire oculos cæcorum?* Cæterum Pharisei qui putabantur imbuti Lege, qui dilatabant fimbrias, qui sese venditabant tanquam plus aliquid scirent cæteris, ne sic quidem erubescabant, sed juxta id quod scriptum est, *Infelices immolabant Dæmonio & non Deo*, dicentes Dominum habere Dæmonium, Deique opera esse Dæmoniorum.

Hoc autem illis accidit non ob aliud, nisi tantum ut negarent eum qui hæc condidit Deum esse, Deique filium. Etenim si esus & corporis aspectus demonstrabat eum esse hominem, cur non & ex operibus perspiciebant illum esse in Patre, & Patrem in illo? Verum nolebant perspicere; Sed illi potius habebant *Beelzebub* in ipsis loquentem, ut ex humanis quidem eum tantum hominem esse putarent, ex operibus autem quæ erant Dei propria, non similiter illum Deum esse profiterentur, sed pro illo *Beelzebub* qui in ipsis erat facerent Deum, ut cum illo deinceps æterno cruciarentur incendio. Quin & ipsa lectionis observatio videtur mihi tale quiddam significare, demonstrans utramque blasphemiam ad eundem Dominum pervenisse, eoque cum de seipso loqueretur & filium hominis dixisset & Spiritum, ut ex illo quidem ostenderet sese corporeum esse, ex Spiritu vero spiritualem suam, intelligibilem, verissimamque Deitatem declararet. Nam posse consequi veniam retulit ad filium hominis, ut significaret corpoream ipsius naturam. Cæterum blasphemiam adversus Spiritum non remittendam declaravit ad Spiritum pertinere, ut verbis distinguens Spiritum ab hac corporea natura, suam ostenderet Deitatem. Hanc autem sermonis formam etiam in *Joannis* Evangelio perspexi, ubi cum de corporis cibo differens, videret eo sermone multos offensos, ait Dominus: *Hoc vos scandalizat, si igitur videritis filium hominis ascendentem ubi erat prius? Spiritus est qui vivificat, caro non prodest quicquam, verba, quæ ego loquutus sum vobis, spiritus sunt & vita*. Et hic siquidem utrumque de se prædicavit, carnem & spiritum, ac spiritum a carne distinxit, ut non tantum quod videbatur, sed hoc etiam quod in illo erat invisibile credentes discerent, quod ea quoque quæ loquebatur non essent carnalia, sed spiritualia. Quot enim hominibus suffecisset corpus ad esum, ut hoc totius mundi fieret alimentum? sed hac de causa meminit ascensus in cælum filii hominis, ut corporalem cogitationem ab eis avelleret, & posthac discerent, carnem de qua fuerat loquutus, cibum e supernis cœlestem, & spiritualem alimoniam ab ipso dari. *Quæ enim dixi vobis*, inquit, *spiritus sunt & vita*. Quod idem valet ac si diceret: Quod quidem ostenditur oculis ac datur, pro mundo dabitur alimonia, ut spiritualiter hæc in unoquoque distribuatur, fiatque omnibus conservatorium ad resurrectionem æternæ vitæ. Sic & Samaritanam Dominus abstrahens a rebus sensibilibus, Spiritum appellavit Deum, ne postea corporaliter, sed spiritualiter cogitaret de Deo. Sic & Propheta contemplan Verbum carnem factum dixit, *Spiritus facies nostra, Christus Dominus*, ne quis ex eo quod ex oculis patebat putaret Dominum nihil aliud esse quam hominem, sed audiens Spiritum, cognosceret Deum esse in corpore. Ergo jam utrumque perspicuum esse poterit, quoniam

qui Dominum considerat de se ipso loquentem, si tantum ea spectet quæ sunt corporis, non credens autem dicat, *Unde huic sapientia hæc?* peccat quidem, ac tantquam in filium Dei dicit blasphemiam; Cæterum si videat illius opera, quæ fiebant per Spiritum sanctum, dicatque eum qui illa faceret non esse Deum neque ipsum filium Dei, sed ea tribuat *Beelzebub*, manifestam admitte blasphemiam, negans illius Divinam naturam. Etenim cum in Evangelico sermone, sicuti crebro dictum est, dicit se filium hominis, demonstrat naturam suam carnalem ac humanam; Ubi vero Spiritum nominat, hoc agit, ut declaret ipsius esse sanctum Spiritum, in quo omnia faciebat. Unde cum opera faceret dicebat, *Si mihi non creditis, vel operibus credite, uti cognoscatis quod ego in Patre, & Pater in me.* Porro cum esset corporaliter immolaturus seipsum pro nobis, hac ipsa de causa profectus *Hierosolymam*, dicebat discipulis suis, *Dormite & requiescite, ecce enim propinquat hora, & filius hominis tradetur in manus peccatorum.* Nam opera quidem efficiebant, ut Deus verus esse crederetur, sed mors declarabat ipsum vere gestare corpus, eoque congruenter eum qui tradebatur, appellabat filium hominis; Nam Verbum immortale est, & intangibile, & ipsum est vita æterna. Verum ne iis quidem credidere *Judæi*, ac ne ea quidem ex his quæ populus aperiebat, oculo videre voluerunt. Unde rursus placide redarguit illos Dominus dicens, *Si præsidio Beelzebub ego ejicio Demonia, filii vestri cuius præsidio ejiciunt? Ideo ipsi erunt iudices vestri. Quod si Spiritu Dei ejicio Demonia, nimirum pervenit ad vos regnum Dei.* Et hoc loco dixit in Spiritu Dei, non quod minor esset Spiritu, aut quod Spiritus ea operaretur in ipso, sed ut rursus declararet quod cum esset verbum Dei, ipse per Spiritum operaretur omnia, simulque doceret audientes, quod quatenus opera Spiritus ad *Beelzebub* referebant dementes, simul & ex impuro Spiritu dicerent hæc proficisci.

Qua fronte igitur cum hæc audeant *Judæi*, postea valent accusare Gentes, eo quod sibi fingunt simulacra, hisque nomen Dei tribuerunt? Par enim est horum infamia illorum infantiæ: Et fortassis horum scelera sunt illorum ausis majora, propterea quod cum super hoc Legem accepissent, tamen per Legis transgressionem Deum affecere contumelia. Quid autem faciant qui tales blasphemias committunt, cum legerint Prophetam *Esaïam*, audierintque signa adventus *Christi* hæc esse, cæcis redditum visum, claudis ingressum, mutis loquelam, mortuorum resurrectionem, leproforum curationem, surdis patefactas aures. Nam horum etiam operum quem tandem volunt esse auctorem? Etenim si dixerint Deum, seipsum coarguent admittæ impietatis in Dominum. Nam quæ Prophetæ prævidens dixit futura, hæc ipse Dominus adveniens fecit. Quod si præcipiti occupati audacia, non veriti fuerint dicere, quod illa quoque præsidio *Beelzebub* facta sunt, metuo ne paulatim proficientes in impietate, ubi legerint quis dedit os homini, quis fecit surdastrum ac mutum, videntem ac cæcum, aliaque his similia: rursus infanientes dicant has quoque voces esse *Beelzebub*. Nam cui tribuunt donum reddendi visum, huic & non videndi causam ascribant oportet. Nam Prophetæ sermo declaravit utrumque ab eodem fieri. Prorsus autem hoc dicentes tandem sentient & humani generis conditorem esse *Beelzebub*. Siquidem ejus qui condidit, est habere potestatem eorum quæ condita sunt; cum *Moses* dixerit, *In principio fecit Deus calum & terram: & ad imaginem Dei fecit Deus hominem;* Etiam *Daniel* libere loquatur *Dario*, *Non veneror idola manu facta, sed Deum viventem, qui condidit calum & terram, qui que dominium habet omnis carnis:* nisi rursus verba sententia dixerint, cæcitatem, claudicationem aliaque corporum vitia a conditoris corruptione proficisci; Cæterum horum curationem, & in eos qui affliguntur beneficentiam, opus esse *Beelzebub*; Verum hæc excutere levitatis est. Nam istiusmodi stultiloquentia cum impietate conjuncta est, dementium est, & plusquam mente captorum, eo quod non saltem potiora per comparisonem tribuunt Deo, sed *Beelzebub* ascribunt infani. Non enim istis curæ est si

corrumpan divinarum Scripturarum dogmata, tantum ut negent *Christi* adventum. Verum alterum erat in iis faciendum, ut aut ex corporalibus non despicerent Dominum ut hominem, aut ex operibus nimirum, confiterentur illum verum Deum: sed omnia præposuere faciebant, cum hominem cernerent, ut homini convitiabantur, rursus divina conspicientes opera, negabant Deitatem, & confugiebant ad Diabolam, existimantes cum talibus ausis se posse effugere, ne ab ipso Verbo cui fecerant contumeliam condemnarentur. At Magi quidem incantatores ac venefici *Pharaonis*, tametsi multa tentarant, tamen videntes prodigia, quæ per *Mosen* fiebant, submisere sese, tergaque dederunt dicentes, digitum esse Dei qui ista faceret. Pharisei vero & Scribæ cum totam Dei manum viderent operantem, cernerentque tum plura tum majora quam viderant illi, quæ per *Christum* Servatorem fiebant ea dicebant a *Beelzebub* fieri, quem Magi quoque, tametsi peculiariter erat ipsorum Deus *Beelzebub*, tamen confutebantur eum, ne minimum quidem illorum facere posse.

Quis igitur sermo, istorum insignem insaniam verbis possit assequi? aut quis (ut inquit Propheta) queat aliquid cum eorum iniquitatibus conferre? Nam præ sese & iustos reddiderunt *Sodomitis*, vicerunt Gentium ignorantiam, & Magorum *Pharaonis* vecordiam superant, neque cum ullis conferri possunt, nisi cum iis qui cum *Ario* insaniant, quod utrique in eandem insaniam inciderint. Nam *Judæi* cum viderent opera Dei per Filium, tribuebant ea *Beelzebub*; *Ariani* vero cum eadem videant opera, creaturis annumerant Dominum ea facientem, dicentes illum esse ex non exstantibus, nec fuisse prius quam fieret. Ac *Pharisei* quidem cum viderent Dominum in corpore murmurabant dicentes, *Cur tu cum homo sis facis teipsum Deum?* Hi vero cum *Christo* belligerantes, cum vident illum patientem ac dormientem, blasphemias impetunt dicentes, Qui ista patitur, non potest esse verus Deus, nec Filius ejusdem cum Patre naturæ. In summa, si quis velit utrorumque perversam intelligentiam inter sese collatam expendere, comperiet, ut dixi, illos simul in profundum maris dementiæ prolapsos esse, ideoque tum his tum illis ultionem fore non remittendam, pronuntiavit Dominus dicens, *Qui vero dixerit adversus Spiritum sanctum, non remittetur ei, nec in hoc seculo, nec in futuro;* Idque jure meritoque. Quam enim implorans invenire poterit propitiationem qui negat Filium, aut quam vitam, quamve requiem expectabit, qui repulerit eum qui dicit, *Ego sum vita;* Et, *venite ad me omnes qui laboratis, & onerati estis & ego reficiam vos?* Ergo cum hi hoc modo dena poenas, perspicuum esse debet, quod ii qui conservant pietatem adversus *Christum*, utramque naturam illius adorantes, & eam quæ est secundum carnem, & eam quæ est secundum spiritum, nec ignorantes illum esse filium Dei, neque negantes filium hominis esse factum, verum credentes quod in principio erat Verbum, & Verbum caro factum est, regnaturi sunt in æternum in coelis, juxta sancta promissa ejusdem Domini & Servatoris nostri dicentis, *Abibunt illi quidem in cruciatum æternum, iusti vero in vitam æternam.* Hæc tibi breviter ex his quæ didici scripsi, tu vero non ut absolutam doctrinam, sed tantum ut occasionem a me datam accipe. Jam quod superest tibi sensum exactissimum, tum ex Evangelii verbis, tum ex Psalmis decerpens, collige veritatis manipulos, ut te quoque istos portante, loquantur qui dicunt, *Venientes autem venient cum exultatione portantes manipulos suos,* in *Christo Jesu* Domino nostro, cui cum Patre sanctoque Spiritu, gloria & imperium in secula seculorum, Amen.

DESIDERIUS ERASMUS ROTERODAMUS
LECTORI S. D.

PLENUS bonæ spei sumpseram hoc Athanasii scriptum vertendum, mihi pollicens nihil hic omisum iri, quod ad hujus difficillimæ questionis solutionem pertineret, verum comperi tanto viro quid-

quiddam humanum accidisse. Primum sic dissentit, imo potius dissentire videri cupit ab Origene & Theognosto, ut fateatur esse aliquod peccatum, cuius non sit speranda remissio, quam sententiam nunc Augustinum secuti rejiciunt Doctores: deinde propemodum eo relicto quod quaerendum erat, digreditur ad Arianorum insectationem, & veri sensus investigationem committit illi, cui scribit. Quamquam ad id quidem quod agit, magis conducebat Origenis Theognostique sententia. Maluisssem autem optimum virum intermissis Arianis, quod ipse rectissimum & perfectissimum judicasset, nobis tradere, potius quam ei docendi partes committere, qui discendi gratia moverat quaestionem. Nec tamen video cur ei displiceat Origenis sententia. Quod enim adducit Origenes de baptizatis, non proponit velut idem, sed confert docendi gratia velut simile. Ideo Phariseis non remittebatur blasphemia, quia cum tenerent exactam Legis scientiam, simulque viderent opera, Prophetarum vaticiniis respondentia humanamque naturam superantia, tamen excacati malitia, veritatem oppugnare maluerunt quam agnoscere. Similiter autem peccant qui fidei mysteris initiati, semelque per Spiritum sanctum illuminati desciscunt ad castra Diaboli, per-versaque malitia veritatem cognitam oppugnant. Augustini sententia quam senex approbavit, mihi valde probatur. si posset ex Christi dictis evidenti-
 us demonstrari. Durum est enim fateri peccatum aliquod esse quod Deus optimus nolit condonare, sed durius, esse quod non posset omnipotens. Quod si hic hyperbolen admittamus, quam omnium orthodoxorum consensu constat esse crebram in sacris litteris, ut nec hic nec in futuro seculo remittendum dicatur, quod ægre vixque remittitur, Diabolo nulla datur spes veniæ; Fortasse nec his, qui ad similem malitiam profecerint. Quid autem si hoc a Domino data opera dictum est obscurius, ut terrorem incuteret omnibus, desperationem nemini. Hæc pro mea portiuncula in medium attuli, si quis quid habet melius, communicet. Divina Scriptura venas habet inexhaustas, semper erit, quod scrutemur.

Salvo & integro doctorum judicio, ego censeo hoc Opus esse hominis otiosi, nulloque ingenio pradii qui voluerit imitari divi Athanasii Libellos, ad Serapionem. Hic mira congeries locorum, & rationum confusio, molestissimaque semel dictorum iteratio.

DE SPIRITU SANCTO.

IN eremo redditæ mihi sunt sacri tui affectus litteræ, & quamquam urgeret nos acerba persecutio, magnoque studio vestigaremur ab iis qui nos quærebant e medio tollere, tamen Pater miserationum ac Deus omnis consolationis, consolatus est nos etiam per tuas litteras. Nam reminiscens affectus tui, omniumque qui sincero sunt animo, arbitratus sum illos id temporis mihi præsentis esse. Proinde diu quidem gaudebam, receptis litteris, verum posteaquam in his legendis effem versatus, coepi rursus animo dejici, propter eos qui semel instructi sunt ad repugnandum veritati. Scripseras enim, dilecte, vereque desideratissime, dolens & ipse, quod egressi sint quidam ex Arianorum secta, qui quoniam adversus Dei filium blasphemiam cogitant, etiam adversus Spiritum sanctum idem faciant, dicentes eum non solum esse creaturam, verum etiam unum esse de numero Spirituum administrariorum, soloque gradu differre ab Angelis. Hoc autem est fictæ quidem pugnare adversus Arianos, revera autem piæ fidei contradicere. Nam sicut illi negantes Filium negant & Spiritum sanctum, sic & isti blasphema loquentes in Spi-

ritum sanctum, blasphema loquuntur & in Filium: & utraque pars partita est pugnam adversus veritatem, ut alteri quidem contra Verbum, alteri vero contra Spiritum sentientes, eandem haberent adversus sanctam Trinitatem blasphemiam. Hæc igitur perspicuens frequenterque mecum reputans, animo discruciar, quod denuo reperisset Diabolus illudendi materiam in his, qui personati repræsentarent ipsius insaniam. Ac decreveram quidem tali tempore silentium agere. Verum partim ob tuam pietatem, partim ob illorum a vero diversam opinionem, Satanicamque temeritatem, paucis scripsi Epistolam, cum vix hoc quoque potuerim, tantum in hoc, ut tu sumpta ex his occasione, juxta eam qua præditus es intelligentiam, quæ defunt addas, itaque fiat plena impiæ hæresis confutatio.

Non est quidem & hoc inventum alienum ab Arianorum moribus: Posteaquam enim semel negarunt Dei Verbum, congruenter & has blasphemias proferunt in ejus Spiritum. Quapropter non est necesse ut quicquam amplius adversus eos loquamur; Sufficiunt quæ antehac in illos dicta sunt. Cæterum adversus eos, qui de Spiritu seducti quodammodo, ut ipsi dicturi sunt, convenit scrutinio facto verba facere. Nam istorum & amen-
 tiam demiretur aliquis, qui cum Dei filium nolint esse creaturam, in hoc tane recte sentientes, quomodo filii Spiritum creaturam esse vel audire sustineant. Etenim propter unitatem Verbi cum Patre, nolunt Filium esse de numero γεννητων, id est, conditorum, sed quod est verum, ipsum esse creaturarum conditorem sentiunt. Cum igitur Spiritum sanctum, habentem eandem unitatem cum Filio, quam Filius habet cum Patre, dicunt creaturam, nec animadvertunt, quod quemadmodum qui non dividunt a Patre Filium, tuentur unum esse Deum, sic qui dividunt a Verbo Spiritum non jam unam in Trinitate Deitatem servant, scindentes eam, & admiscuentes illi alienam alteriusque speciei naturam, & creaturis illam exæquantes. Hoc autem declarat non idem esse Trinitatem, sed ex duabus pluribusve naturis compositam esse, propter diversam Spiritus substantiam, ut ipsi sibi confinxerunt. Qualis igitur est hæc Theologia, id est, divinæ naturæ ratio, ex creatore & creatura composita? Aut enim non est Trinitas, sed Dualitas, aut restat ut creatura sit in Trinitate, id quod non est. Et quomodo creaturis, quæ Trinitate sunt posteriores, copulant Trinitatis Spiritum? Nam hoc jam est Trinitatem solvere dirimereque. Itaque cum male sentiant de Spiritu sancto, ne de Filio quidem recte sentiunt, qui a Patre procedit, Filioque proprius est, a quo datur discipulis, & omnibus in ipsum credentibus. Ad hunc autem errantes modum, nec de Patre sanam habent fidem. Nam qui Spiritui resistunt, quemadmodum ait magnus ille martyr Stephanus, iidem & Filium negant. Porro qui Filium negant, nec Patrem habent. Unde igitur ô vos qui talia sentitis, istius audaciæ occasio, ut non metueritis id quod dictum est a Domino: Quicumque blasphemiam dixerit in Spiritum sanctum, non habet remissionem, neque in hoc præsen-
 ti seculo, neque in futuro. Nam Ariani quidem adventum Verbi in carne, quæque per hunc dicta sunt non intelligentes, ex his suæ hæreseos occasione sumpta convicti sunt, ut Deo rebellantes & ut vere e terra loquentes inania. Vos autem unde seducti estis? A quibus audistis, aut quis modus est istiusmodi vestri erroris? Legimus, inquit, in Propheta Amos, dicente Domino: Ecce ego firmans tonitruum, & creans spiritum, & annuntians hominibus Christum suum, faciens mane & nebulam, & ascendens super excelsa terra, Dominus Deus omnipotens nomen ei. Itane quod est apud Amos legistis, quod autem in Proverbiis dicitur: Dominus creavit me initium viarum suarum, in opera sua, non legistis? an legistis quidem, sed quod in Proverbiis dicitur, sic ut habet veritas interpretamini, ne dicamus Verbum esse creaturam, verum quod est in Propheta non interpretamini, sed simpliciter intellectis verbis, putatis Spiritum sanctum dici creaturam? Atqui in Proverbiis plane loquitur sapiens, dicens, creavit, & tamen interpretamini quod dictum est, recte quidem facientes, ne sapientiam con-

Tem. VIII.

Cc 2

ditri-

ditricem, rebus conditis annumeretis: verum quod in Propheta dictum est, non declarat sanctum Spiritum, sed simpliciter de Spiritu dictum est.

Quomodo igitur cum hæc vox spiritus variis modis usurpetur in Scripturis, possitque quod dictum est suam ac rectam habere sententiam, vos veluti contentiosi aut velut Ariani serpentis morfu læsi, putatis apud Amos de Spiritu sancto dictum esse, tantum ne vos sentire creaturam simuletis. Dicite igitur, sicubi in Scriptura divina, reperitur Spiritus sanctus simpliciter dici Spiritus, ut non addatur vel Dei, vel Patri, aut aliud quidlibet, aut ipsius Christi, aut Filii, aut a me, quod est a Deo, aut cum articulo, ut non simpliciter dicatur Spiritus, sed τὸ πνεῦμα, id est, ille Spiritus, aut hoc ipsum Spiritus sanctus, aut paracletus, aut veritas, id est Filius, qui dicit: Ego sum veritas. Ut cum audieritis Spiritum, intelligatis esse Spiritum sanctum? Excepti sunt autem ab hoc præsentis sermone, qui jam usurpato Spiritus vocabulo, rursus eum nominant, & quotquot antedocti sermonem esse de Spiritu sancto, post si velut repetendo & admonendo solus nominatur Spiritus, non ignorant quod audiunt, maximeque si sic quoque cum articulo profertur. In summa, sine articulo aut sine prædicta adjectione, nequaquam significabit Spiritum sanctum, cuius generis sunt quæ scribit Paulus ad Galatas: Hoc solum volo discere a vobis, ex operibus Legis Spiritum acceperitis, aut ex auditu fidei? Qualem autem Spiritum acceperant, nisi Spiritum sanctum, qui datur credentibus, ac denuo generatis per lavacrum quo renascimur; Et Thessalonicensibus scribens, Spiritum, inquit, nolite extinguere. Nam & illis, quia noverant quem Spiritum acceperant, præcipiebat, ne extinguerent accensam in ipsis Spiritus sancti gratiam. In Evangelio vero humano more juxta carnem quam assumpserat; Quanquam sic loquuntur Evangelistæ, Jesus autem plenus Spiritu, reversus est a Jordane: Item illud, Tunc Jesus subductus a Spiritu in desertum, eandem habet sententiam, eo quod a Luca priuserat dictum, Accidit autem dum baptizaretur totus populus, & Jesh baptizato & orante, apertum est cælum, & descendit Spiritus sanctus corporalis specie, quasi columba super illum. Sic igitur cum verba fiunt iis apud quos est Spiritus sanctus, si quando dicitur sine additamento, iis dubium non est, quin Spiritus sanctus significetur, maxime si accesserit articulus. Vos autem dicite, cum additis sanctum, nuncubi in Scripturis divinis reperitis Spiritum sanctum simpliciter dici Spiritum, sine additamento de quo diximus, & absque hac quam commemoravimus observatione. Verum haudquaquam dicetis, non invenietis scriptum. Verum in Genesi scriptum est, Spiritus Domini ferebatur supra aquas. Ac paulo post, Non permanebit Spiritus meus in hominibus istis, eo quod carnes sunt. In Numeris vero dicit Moyses ad Nave, Ne tu zelum habeas in me, & quis dederit populum Domini Prophetas, cum dederit Dominus τὸ πνεῦμα, id est, Spiritum suum super ipsi: & in Judicibus ad Gathonielen, & factus est super eum πνεῦμα, id est, Spiritus Domini & judicavit Israël. Et rursus, & factus est super Jephthe, πνεῦμα, id est, Spiritus Domini. De Sampson, adolevis inquit puer, & benedixit illi Dominus & cepit πνεῦμα, id est, Spiritus Domini ambulare cum ipso, & irrui super illum πνεῦμα, id est, Spiritus Domini. Et David quidem canit, Et τὸ πνεῦμα τὸ ἅγιον, id est, Spiritum sanctum ne auferas a me. Ac rursus in Psalmo CXLII. Et τὸ πνεῦμα, id est, Spiritus tuus bonus deducet me in via recta, propter nomen tuum Domine. In Esaiâ vero scriptum est, πνεῦμα, id est, Spiritus Domini super me, propter quod unxit me. Dictum erat autem ante hoc, Va filiis desertoribus. Hac dicit Dominus, In istis consilium & non per me, & fœdera & non per τὸ πνεῦμα, id est, Spiritum meum, ut adderetis iniquitatem iniquitati. Ac rursus, Audite hæc, Non ab initio in occulto loquutus sum, Cum fieret illic eram, & nunc Dominus misit me, & τὸ πνεῦμα, id est, Spiritus ejus. Paulo post vero hunc in modum loquitur, Et hoc est illorum a me testamentum, dicit Dominus τὸ πνεῦμα, id est, Spiritus meus in te. Ac rursus in sequentibus subjungit dicens, Non legatus, nec Angelus, sed

Numer.
cap. 11.
juxta
Græco-
rum ci-
tatio-
nem.

A ipse Dominus salvos eos fecit, eo quod diligeret eos ac parceret illis, ipse liberavit eos, & exaltavit eos omnibus diebus sæculi. Ipsi vero rebelles fuerunt & provocaverunt τὸ πνεῦμα τὸ ἅγιον, id est, Spiritum sanctum, & versus est illis in inimicitiam. Jam Ezechiel ita loquitur, & sustulisti πνεῦμα, id est, Spiritus, & duxisti me in terram Chaldaeorum in visione in πνεύματι, id est, Spiritu Dei. In Daniele vero etiam clamavit voce magna dicens, Purus ergo a sanguine hoc. Et Micheas quidem ait, Domus Jacob provocavit πνεῦμα, id est, Spiritum Domini. Per Jobeleus Deus ait, & eris post hæc & effundam de τῷ πνεύματι, id est, de Spiritu meo super omnem carnem. Rursus per Zachariam Dei vox est loquentis, Nisi sermones meos & legalia mea recipitis quaecunque ego præcipio servis meis Prophetis. Quin etiam accusans Propheta populum, post pauca dicit: Et cor illorum statuerunt inobediens ne audirent legem ac sermones tuos, immisit Dominus omnipotens in πνεύματι, id est, in Spiritu suo in manibus Prophetarum, qui ante fuerunt. Atque hæc quidem ex veteribus Scripturis pauca sublegerimus.

Cæterum interrogate & vos ex Evangelii eque his quæ scripsere Apostoli, & audietis quomodo & illic cum plurima sit Spirituum differentia, secundum excellentiam sanctus Spiritus non simpliciter Spiritus, sed cum additamento de quo diximus, nominatur. Dominus igitur cum, quemadmodum prius dixi, hominum more baptizaretur propter carnem quam gestabat, dicitur descendisse super illum τὸ πνεῦμα τὸ ἅγιον, id est, Spiritus sanctus. Hunc dans discipulis dicebat, Accipite πνεῦμα ἅγιον, id est, Spiritum sanctum. Docuit autem illos, paracletus τὸ πνεῦμα τὸ ἅγιον, id est, Spiritus sanctus, quem mittet Pater in nomine meo, ille vos docebit omnia. Ac paulo post de eodem, τὸ πνεῦμα, id est, Spiritus veritatis qui a Patre procedit, ille testimonium perhibebis de me. Ac rursus, Non enim vos estis qui loquimini, sed τὸ πνεῦμα, id est, Spiritus Patris vestri qui loquitur in vobis. Ac paulo post, Quod si in πνεύματι, id est, Spiritu Dei ego ejicio Dæmonia, profecto pervenit in vos regnum Dei. Denique universam Theologiam nostrique perfectionem, in qua conglutinavit nos sibi & per se Patri, in hoc complens, præcepit discipulis: Ite docete omnes Gentes baptizantes eos in nomine τῷ πατρὶ καὶ τῷ υἱῷ καὶ τῷ ἁγίῳ πνεύματι, id est, Patris & Filii & Spiritus sancti. Cæterum cum promittit se illis eum missurum, præcipiebat ab Hierosolyma ne discederent, & post paucos dies dum compleretur dies Pentecostes, erant omnes simul in eodem loco, & factus est repente de cælo sonitus tanquam πνοῆς, id est, spiritus qui impetu violento ferretur, & implevit totam domum ubi erant sedentes, & visa sunt illis dispersa lingua tanquam ignis, & sedit super unumquemque illorum, & repleti sunt omnes πνεύματος ἁγίου, id est, Spiritu sancto, & ceperunt loqui variis linguis quemadmodum τὸ πνεῦμα, id est, Spiritus dabat eloqui illis. Inde cum etiam impositione manuum Apostolorum dabatur renatis πνεῦμα τὸ ἅγιον, id est, Spiritus sanctus, Agabus quispiam prophetabat in terra dicens: Hac dicit τὸ πνεῦμα τὸ ἅγιον, id est, Spiritus sanctus. Paulus vero, In quo vos τὸ πνεῦμα τὸ ἅγιον, id est, Spiritus sanctus, posuit Episcopos ad regendam ecclesiam Dei, quam acquisivit per proprium sanguinem. Cæterum Eunuchus baptizato rapuit πνεῦμα, id est, Spiritus Domini Philippum. Ac Petrus scripsit, reportantes finem fidei salutem animarum, de qua salute exquisierunt scrutatique sunt Prophetæ, qui de ea quæ in nos est gratia prædixerunt, scrutantes in quod aut quale tempus significabat in illis τὸ πνεῦμα Χριστοῦ, id est, Spiritus Christi prætestificans quæ in Christum erant ventura passiones, & quæ post hæc, glorias. Ac Joannes quidem in Epistola scripsit, In hoc cognoscimus quod in eo maneamus & ipse in nobis, quoniam de τῷ πνεύματι, id est, Spiritu suo dedit nobis. Paulus autem Romanis scribit: Vos autem non estis in carne, sed in πνεύματι, id est, spiritu. Si tantum πνεῦμα Θεοῦ, id est, Spiritus Dei habitat in vobis, corpus quidem mortuum propter peccatum, τὸ δὲ πνεῦμα, id est, spiritus vero vita propter justitiam. Quod si τὸ πνεῦμα, id est, Spiritus ejus qui excitavit Jesum, habitat in vobis, qui excitavit Christum Jesum a mortuis, vivificabit & mortalia corpora vestra,

fra, propter inhabitantem ejus πνεύματος, id est, Spiritum in vobis. Rursus Corinthiis, τὸ γὰρ πνεῦμα, id est, Spiritus enim omnia scrutatur, etiam profunda Dei. Quis enim novit quae sunt hominis, nisi τὸ πνεῦμα, id est, spiritus hominis qui est in eo, ita & quae sunt Dei nemo novit nisi τὸ πνεῦμα τῷ Θεῷ, id est, Spiritus Dei. Nos autem non πνεῦμα, id est, Spiritum huius mundi accepimus, sed τὸ πνεῦμα, id est, Spiritum qui est ex Deo, ut sciamus quae a Deo donata sunt nobis. Ac paulo post, Omnia vero haec operatur unus & idem τὸ πνεῦμα, id est, Spiritus, divinus unicusque privatus sicut vult. Ac rursus, Dominus autem τὸ πνεῦμα, id est, Spiritus est, ubi vero τὸ πνεῦμα, id est, Spiritus Domini, ibi libertas. Videte quomodo & Galatas scribat dicens: Ut benedictio Abraham fieret in Christo Jesu, ut promissionem τῷ πνεύματος, id est, Spiritum acciperemus per fidem. Ac rursus, Quoniam autem estis filii, emisit Deus τὸ πνεῦμα, id est, Spiritum. Filii sui in corda nostra clamantem, Abba Pater. Itaque non jam es servus, sed filius. Quod si filius, & haeres Dei per Christum. Ephesius vero hunc in modum loquutus est, Nolite contristare τὸ πνεῦμα τὸ ἅγιον, id est, Spiritum sanctum Dei, in quo figurati estis in die redemptionis. Ac rursus, Studentes servare unitatem τῷ πνεύματος, id est, spiritus in vinculo pacis. Ad Philippenses autem audacter loquutus est, scribens, Quid autem? quovis modo, siue per occasionem siue veritate Christus annuntiatur, & in hoc gaudeo, sed & gaudebo: novi enim quod mihi hoc eveniet ad salutem propter vestram deprecationem ac subministrationem τῷ πνεύματος, id est, Spiritus, per Jesum Christum, juxta expectationem ac spem meam, quod in nullo pudeam. Et iterum, Nos enim sumus circumcisio, qui πνεύματι, id est, Spiritu Dei servimus & gloriamur in Christo Jesu. Quin & Thessalonicensibus testatur: Itaque qui hac spernit, non hominem spernit, sed Deum qui dedit τὸ πνεῦμα, id est, Spiritum sanctum in nos. Ad Hebraeos vero, ita significante τῷ πνεύματος τῷ ἁγίῳ, id est, Spiritu sancto, ne adhuc manifestaretur via sanctorum in priore tabernaculo habente statum. Ac rursus, Quanto putatis pejore dignus judicabitur ultione, qui filium Dei concularit, ac sanguinem testamenti communem duxerit in quo sanctificatus est, & qui τὸ πνεῦμα, id est, Spiritum gratia contumelia affecerit. Et iterum, Si enim sanguis hircorum & taurorum & cinis vitula aspersus immundos sanctificat ad carnis puritatem, multo magis sanguis Christi qui per πνεύματος, id est, Spiritum aeternum semetipsum obtulit immaculatum Deo, ut purgaret conscientiam nostram ab operibus mortuis. Ad Thessalonicenses vero, Et tunc revelabitur ille iniquus; quem Dominus Jesus Christus interficiet τῷ πνεύματι Spiritu oris sui, & abolebit claritate adventus sui.

Ecce quomodo Spiritus sanctus in tota Scriptura designatur. Quid igitur vos tale in Propheta vidistis? Quandoquidem ne articulum quidem habet Spiritus qui dicitur apud Prophetam, ut vel occasionem habere possitis. Sed simpliciter ausi estis modos vobis ipsis comminisci ac dicere, Spiritum qui creari dicitur, eundum esse cum Spiritu sancto. Et tamen poteratis discere etiam a studiosis viris de Spirituum differentia. Dicitur enim & hominis spiritus, quemadmodum canit David, Nocte commentabar cum corde meo & verbebam τὸ πνεῦμα, id est, spiritum meum. Baruch vero precans dicit: Anima in angustis, & πνεῦμα, id est, spiritus radiorum, clamavi ad te. Et in cantico trium puerorum, Benedicite πνεύματα, id est, spiritus, & anima iustorum Domino. Apostolus vero scribit, Ipse τὸ πνεῦμα, id est, Spiritus contestatur τῷ πνεύματι, id est, spiritui nostro, quod sumus filii Dei: quod si filii, & haeredes. Ac rursus, Nemo novit quae sunt hominis nisi spiritus hominis qui est in ipso. In Epistola vero ad Thessalonicenses deprecans dicit, Integer vester τὸ πνεῦμα, id est, spiritus & anima & corpus irreprehensibiliter in adventu Domini nostri Jesu Christi servetur. Dicitur autem & ventorum spiritus hunc in modum, in Genesi quidem, & induxit Deus τὸ πνεῦμα, id est, Spiritum supra terram & laboravit aqua. In Jona vera, Et excitavit Dominus πνεῦμα super mare, & facta est procella magna in mari, & navis periclitabatur ne comminueretur. Et in Psalmo c v i. scriptum est, Dixit

A & venit πνεῦμα, id est, spiritus procella, & exaltati sunt fluctus ejus. In Psalmo vero c x l v i i i. Laudate Dominum de terra, dracones & omnes abyssi, ignis, grando, nix, glacies, πνεῦμα, id est, spiritus procella, qua faciunt verbum ejus. Et in Ezechiele, In throno tuo, in corde maris, in aquis multis duxerunt te remiges tui, τὸ πνεῦμα, id est, spiritus austri comminuet te. Ceterum cum & vos versemini in divinis Scripturis invenietis dici spiritum etiam sensum qui est in divinis sermonibus, scribente Paulo, Qui & idoneos nos fecit ministros novi Testamenti, non littera sed πνεύματος, id est, spiritus. Littera enim occidit, spiritus autem vivificat. Quod dicitur, littera deformatum est, sensus autem qui est in eo, spiritus dicitur. Hoc pacto & Lex spiritualis est, quemadmodum rursus dixit: Ne serviamus vetustati litterae, sed in novitate πνεύματος, id est, spiritus. Et ipse quidem gratias agens dicebat: Nimirum igitur ipse ego mente quidem servo legi Dei, ceterum carne legi peccati. Nihil igitur nunc condemnationis est his qui sunt in Christo Jesu, Nam lex τῷ πνεύματος, id est, spiritus vita in Christo Jesu liberavit me a lege peccati. Ceterum Philippus Eunuchum a littera ad spiritum volens convertere dicebat: Num intelligis quae legis? Tale quiddam habuisse & Caleb testatur Scriptura, * factus est, inquit, πνεῦμα, id est, spiritus alius in ipso, & sequutus est me. Inducam eum in terram, in quam vocatus est; Nam alia mente, diversa a mente illorum loquutus, ipse gratus Deo factus est. C Tale habere cor Deus hortatus est populum per Ezech. dicens: Facite vobis ipsis cor novum & πνεῦμα, id est, spiritum novum.

Hæc itaque cum ad hunc se modum habeant, tan-
taque spirituum varietas demonstratur, meliores fue-
ritis, si de spiritu qui creatur audientes, de uno quo-
piam eorum de quibus ante diximus, sentiat, quale
erat, quod in Esaiâ scriptum est, Concordavit Aram
cum Epiraim, & excidit anima ejus & anima populi ipsius,
quemadmodum in memore lignum πνεύματος, id est, spi-
ritus movetur. Tale erat & quod Dominus excitavit spi-
ritum in mari propter Jonam, sequuntur enim toni-
trum & ventorum spiritus, quemadmodum de pluvia
super Achab scriptum est: & factum est hoc usque, &
caelum obtenebratum est in nubibus & spiritu. Sed quoniam,
ut ajunt, sermo mentionem facit Christi, consequenter
cum dicitur Spiritus, nihil aliud quam sanctum Spi-
ritum considerastis. Ceterum Spiritum dirimere natura,
& alienare a Filio ubi animadvertistis? Quandoquidem
Christum negatis esse creaturam, Spiritum vero sanctum
dicitis esse creaturam; absurdum est, quæ natura dissi-
milia sunt, simul nominare. Quæ enim communio aut
quæ similitudo creaturæ ad Creatorem? Quandoqui-
dem tempus est, ut Filio annumeretis connectatisque
ab ipso conditas creaturas. Satis igitur erat de spiritu
ventorum quod scriptum est intelligere, ut ante dictum
est. Ceterum quoniam causamini in eo sermone fieri
mentionem Christi, operæ pretium est exactius conside-
rare quod dicitur, si forte ex eo quod Spiritus creari
dicitur, inveniamus sensum aptiorem. Quid igitur est
annuntiare in hominibus Christum ejus, quam cum fie-
ri hominem, ut idem dictum polleat huic, Ecce virgo
in utero habebit, & pariet filium, & vocabunt nomen ejus
Emanuel. Itemque cætera quæcunque de illius adventu
scripta sunt. Cum autem adventus in carne annuntiatur
de Verbo, qualem oportet intelligere creari spiritum,
nisi spiritum hominum, qui denovo creatur ac renova-
tur? Nam id & per Ezechielem pollicebatur Deus di-
cens: Dabo vobis cor novum, & spiritum meum dabo in
vobis. Quando tandem hoc impletum est, nisi cum ad-
veniens Dominus renovavit omnia per gratiam. Ecce
enim in hoc dicto spirituum differentia demonstratur,
ac spiritus quidem qui renovatur, noster est, Spiritum
vero sanctum, non simpliciter Spiritum, sed ipsius Spi-
ritum ait esse, per quem noster renovatur, quemad-
modum habet Psaltes Psalmo c i x i. Auferes spiritum
eorum & deficient & in pulverem suum revertentur. Emit-
tes spiritum tuum & creabuntur, & renovabis faciem terra.
Quod si Spiritu Dei renovamur, videlicet non est Spi-
ritus sanctus qui nunc creari dicitur, sed noster. Quod

si recte sentitis, Filium non esse creaturam, eo quod per Verbum facta sunt omnia, an non est blasphemum, vos dicere creaturam esse Spiritum, in quo Pater omnia per Verbum suum perficit ac renovat? Et si ob id quod scriptum est, simpliciter creari spiritum, fingunt sibi hunc esse Spiritum sanctum, sciant Spiritum sanctum non jam creari, sed nostrum esse qui in illo renovatur. De quo & David precabatur canens, *Cor mundum crea in me, & spiritum rectum innova in visceribus meis*. Hic quidem dicitur creari, prius autem formaverat, sicut ait Zacharias, *extendens cælum, & fundans terram, & formans spiritum ejus in eo*. Quod enim prius formarat, hoc collapsum recreat ipse assumpta creatura. Quoniam Verbum caro factum est. Ut, quemadmodum Apostolus ait, *duos conderet in unum novum hominem, qui secundum Deum creatus est, in justitia & sanctitate veritatis*. Non enim velut ab alio condito diverso ab eo qui initio secundum imaginem Dei factus est homine, sed eum qui in Christo conditus erat, admonuit nos recipere. Quod & per Ezechielem declaratur dicentem: *Facite vobis sipsis corn novum, & spiritum novum, & quare moriemini domus Israel? Quoniam nolo mortem morientis, dicit Adonai Dominus*. Ergo cum hunc habeat sensum, quod spiritus creari dicitur, congruenter ad eundem modum intelligeretur formari tonitruum. Fidelis sermo & immobilis spiritus lex. Hujus enim ministros cum Dominus vellet esse Jacobum & Joannem, vocavit eos Boanerges, id est, filios tonitruui. Itaque Joannes quidem vere clamate cælo, *In principio erat verbum, & verbum erat apud Deum, & Deus erat verbum*. Prius enim Lex umbram habebat futurorum bonorum, cæterum ubi Dominus annuntiatus est hominibus, & advenit dicens: Ipse qui loquebar adsum, tunc, ut ait Paulus, *hujus vox terram concussit*, qui prius denuntiaverat, *Adhuc semel, ego movebo, non solum terram, verum etiam cælum*. Quod autem dicit adhuc semel, declarat eorum quæ moventur transmutationem, ut maneat ea quæ non moventur. Quapropter regnum inconcussum assumentes, habemus gratiam, per quam servimus accepti Deo. Quod autem hic dicit regnum inconcussum, idem alibi canit David, *Dominus regnavit, decorem induit, & induit est Dominus virtutem & praeinxit se*. Fundavit enim orbem terrarum, qui non commovebitur. Nimirum quod apud Prophetam dicitur adventum Servatoris indicat, in quo nos quoque renovati sumus, & Lex Patris permanet immobilis.

Psal.
92.

Sed qui vere tropici, id est, vertibiles sunt, confederati Arianis, & inter se partiti blasphemiam in Deitatem, sic ut illi quidem Filium, hi vero Spiritum sanctum dicant esse creaturam, ausi sunt tropos, ut ipsi ajunt, denuo ex semetipsis cogitare, ac perperam exponere illud Apostoli dictum, quod recte scripsit Timotheo dicens: *Testificor coram Deo & Jesu Christo & electis Angelis, ut hac serves absque præjudicio, nihil faciens secundum affectum*. Illi vero dicunt: Quoniam Deum & Christum nominavit, ac mox Angelos, oportet Angelis annumerari Spiritum, ut ipse quoque sit in eadem serie qua illi, sitque Angelis cæteris excellentior. Primum quidem istud commentum est impietatis Valentiniana, nec ipsi nesciunt se, quæ sunt illius, loqui. Nam ille dicebat, misso paracleto simul cum illo fuisse missos ipsius æquales Angelos. Deinde cum Spiritum detraherent ad Angelos, non intelligebant se Angelos copulare Trinitati. Nam si, quod isti sentiunt, post Patrem & Filium sunt Angeli, clarum est, ad Trinitatem pertinere Angelos, nec jam esse Spiritus ministratorios, qui in ministerium mittuntur; Neque enim fuerint de numero eorum qui sanctificantur, sed ipsi potius aliorum erunt sanctificatores. Quænam est hæc istorum amentia? Ubi præterea in Scripturis inveniunt Spiritum dici creaturam? Sed mihi necesse est eadem dicere quæ dicta sunt superius. Paracletus, id est consolator, dictus est & Spiritus adoptionis, & Spiritus sanctificationis, & Spiritus Christi dictus est, at Angelus nequaquam, neque Archangelus, neque Spiritus ministerii, quales sunt Angeli, sed ipsi potius ministratur, Gabriele loquente Maria, Spiritus sanctus superveniet in te, & virtus altissimi obumbrabit tibi. Cæterum cum Scripturæ non dicant Spiritum

Angelum, quo pacto poterunt isti excusare tantam audaciam alienam a ratione? Ubi sane & Valentinus, qui eis hujus perversæ mentis semen injecit, hunc quidem Paracletum, illos vero nominavit Angelos, parique tempore Spiritum æqualem copulat Angelis insanissimus. Sed ecce, inquiunt, in Zacharia Propheta scriptum est, *Hac dicit Angelus loquens in me*, nec obscurum est, quin Spiritum significet Angelum esse, qui in ipso loquebatur. Verum hoc nequaquam dicerent, si quod legunt, attenderent. Siquidem ipse Zacharias cum visionem de candelabro vidisset, ait, & occultatum est Angelus qui loquebatur in me & dixit: *Non intelligis quæ sunt ista? Et dixi, non Domine. Ac respondit loquutusque est ad me dicens, Hic est sermo Domini ad Zorobabel dicens: Non in virtute magna, neque in robore, sed in Spiritu meo dicit Dominus omnipotens*. Unde perspicuum est, quod Angelus qui loquebatur Prophetæ, nequaquam fuerit Spiritus sanctus, sed ipse quidem Angelus Dei nuntius erat, Spiritus vero sanctus est Spiritus omnipotens, cui minister est Angelus, est autem inseparabilis a Divinitate, atque Verbi potentia. Sed quoniam causantur ex dicto Apostolico, quod post Christum dixerit electos Angelos, dicant quis ex omnibus hic est, qui Trinitati copulatur, (Neque enim sane omnes, unus sunt numero,) aut quis est istorum qui descendit in Jordanem specie columbæ? Millies mille sunt, ac decies millies decem millia, qui ministrant. Aut quamobrem non dictum est, apertis cælis descendit unus ex electis Angelis, sed descendit Spiritus sanctus? Aut quamobrem ipse Dominus de consummatione mundi loquens discipulis, cum eos mitteret dicebat, *Mittet filius hominis Angelos suos, & ante hæc dictum erat, Angeli ministrabant ei*. Et iterum ipse dicit: *Exibunt Angeli*. Cæterum cum discipulis daret Spiritum aiebat, *Accipite Spiritum sanctum*. Cum autem emitteret illos dicebat, *Euntes docete omnes Gentes, baptizantes eos in nomine Patris & Filii & Spiritus sancti*. Non enim adjungit Angelum Deitati, neque per creaturam adglutinat nos & sibi & Patri, sed per Spiritum sanctum. Quod quidem ipse pollicens, non dixit se missurum Angelum, sed Spiritum veritatis qui ex Patre procedit, & ex ipso accipit datque. Ac Moses quidem cum sciret Angelos esse creaturas, Spiritum vero sanctum unitum Filio & Patri, cum loqueretur illi Deus, *Vade ascende hinc tu & populus tuus quem eduxisti ex terra Egypti, quam juravi Abraham & Isaac & Jacob dicens: Semini vestro dabo terram hanc. Simul mittam ante faciem tuam Angelum meum: & ejiciet Chananæum, recusavit dicens, nisi ipse simul eas nobiscum ne me abducas hinc*. Non enim volebat creaturam esse ducem populi, ne discerent servire creaturæ, præter omnium conditorem Deum, nimirum Angelo recusato obsecrat ipsum Deum, ut dux sit ipsorum. Porro cum Deus pollicitus esset, dixissetque ad eum, *Et istum sermonem quem locutus es faciam; Invenisti enim gratiam in conspectu meo, & novi te supra omnes*, Scriptum est in Esaiâ, *Qui educit e terra pastorem ovium, hoc est, qui ponit in eis Spiritum sanctum, Qui reduxit dextra Moysen*. Ac paulo post ait, *Descendit Spiritus a Domino, ac deduxit eos, sic duxit populum suum faciens sibi ipsi nomen gloria*. Quis ex his non perspicit veritatem? Cum enim Deus promississet se fore ductorem, ecce non jam Angelum promittit se missurum sed Spiritum suum qui est supra Angelos, atque ipse est is qui ducit populum, ostenditurque quod Spiritus non est de numero creaturarum, neque Angelus, sed supra creaturam unitus Deitati Patris. Siquidem ipse Deus per Verbum in Spiritu deducit populum. Unde & per universam Scripturam, *Ego eduxi vos e terra Egypti, testes vos estis, an Deus fuerit alienus in vobis præter me*. Quin & sancti Deo acclamant, *deduxisti sicut oves populum tuum, & deduxit eos in spe & non est gravatus*. Hinc & Hymnum consecrant dicentes, *Qui eduxit populum suum in deserto, Quoniam in seculum misericordia ejus*. Magnus autem ille Moses assidue dicit: *Dominus Deus qui præcedit ante faciem vestram*, nimirum Dei Spiritus, nequaquam esse potest Angelus neque creatura, sed potius ejusdem Deitatis. Cum enim Spiritus esset in po-

populo, Deus per Filium in Spiritu erat in eis. Verum, ajunt isti, esto, ista sic se habeant, quamobrem ergo Apostolus post Christum non nominavit Spiritum sanctum, sed electos Angelos? Sed idem aliquis ab ipsis percunctetur, quare non Archangelos neque Cherubin, neque Seraphin, neque Dominationes, neque Thronos neque aliud quippiam, sed electos Angelos nominavit Paulus? An quoniam non hoc modo nominavit, Angeli sunt Archangeli, aut soli Angeli sunt, & neque Seraphin, aut Cherubin, non Archangeli, neque Dominationes, neque Throni, neque Principatus, neque aliud quippiam sunt? Verum istuc est necessitatem imponere Apostolo, quare non sic sed sic scripserit, & ignorare divinas Scripturas, & ob id circa veritatem errare. Ecce enim apud Esaiam scriptum est, *Venite ad me & audite haec: Non ab initio in occulto loquutus sum, cum fierens, illic eram, & nunc Dominus misit me & Spiritum suum.* Apud Aggeum vero: *& nunc corrobore Zerobabel, dicit Dominus, & corrobore Jesu filii Josedeo Sacerdos magne, dicit Dominus, & corroboretur totus populus terre, dicit Dominus, & facite quoniam ego vobiscum sum, dicit Dominus omnipotens, & Spiritus meus assistit in medio vestrum:* & apud utrumque Prophetam ab uno Domino & uno Spiritu mentio facta est. Quid igitur de hoc quoque dicent? Nam si quoniam Christi mentionem faciens Paulus de Patre tacuisset, sed electorum Angelorum fecisset mentionem, ideo Spiritum conjungerent Angelis, tempus est ut in his Prophetis veritates audacius disputent etiam de eo quod silentio praeteritum est. Sive enim Dominum dicent esse Filium, quid tandem dicent de Patre? Sive Spiritum sanctum dixerint, quid dicent de Filio? Nam blasphemiam adversus illum ex his consequentem absit ut quisquam cogitet. Necesse est enim eos dicere, aut omnino non esse, aut rebus conditis annumerare id quod taceatur. Quid autem dicere poterunt qui cum istis sentiunt? *Judex quidam erat in quadam civitate, Deum non timens & hominem non reverens.* Nimirum, post Deum nominavit hominem: filius est iste homo, quem non reveritus est iniquus judex, an quoniam post Deum nominavit hominem, tertius est filius post hominem? Quid autem si Apostolum in eadem hac Epistola rursus dicentem audiant: *Præcipio tibi in conspectu Dei qui vivificat omnia, & Jesu Christi qui testificatus est sub Pontio Pilato bonam confessionem, ut serves præceptum immaculatum irreprehensibile.* An igitur quoniam nunc tacuit de Angelis & Spiritu, ambigunt etiam de Spiritu deque Angelis an sint? Certe ambigunt. Tales enim blasphemias de Spiritu proferre consueti sunt. Quod si audierint Scripturam dicentem in Exodo, *Timuit populus Dominum & crediderunt Deo ac Moysi famulo ejus, an annumerabunt Deo Moysen, ac post Deum subaudient Filium, an solum Moysen?* Quid autem si audierint & Patriarcham Jacob benedicentem Joseph dicentemque, *Deus qui enutrit me a juventute mea usque ad diem hunc, Angelus qui eripuit me ex omnibus malis benedicat pueris.* An quoniam post pueros nominavit Angelum, prior est Angelus Filio, aut Angelis annumeratur Filius? Certe rursus ita sentient, corruptum habentes cor. Sed Apostolica fides talis non est, neque omnino Christianus istos tulerit. Siquidem sancta ac beata Trinitas, indivisibilis & unita sibi ipsi est, & cum dicitur Pater, adest & hujus Verbum, & qui in hoc est Spiritus. Et si Filius nominetur, in Filio est & Pater, & Spiritus non est extra Verbum. Una siquidem est quæ a Patre proficiscitur gratia per Filium, quæ in Spiritu sancto completur, & una Deitas est & unus Deus, qui est super omnia & per omnia & in omnibus. Ad hunc enim modum & Paulus locutus est, *Testificor coram Deo & Jesu Christo.* Sciebat quod non divisus sit a Spiritu Filius, sed in Christo & ipsum esse, quemadmodum Filius est in Patre. Cæterum electos Angelos congruenter subjunxit, ut quoniam testificatio dicebatur discipulo, sciens quod ea quæ dicta sunt a Deo per Christum quidem in Spiritu dicta sunt, Angeli vero ministrant res nostras inspicientes uniuscujusque actiones, ut servaret præceptoris observationes,

tanquam habens inspectores eorum quæ dicebantur testes. Aut forsitan etiam eos qui per omne tempus inspiciunt faciem Patris qui in coelis est, testificatur nunc Angelos propter pusillos qui sunt in Ecclesia, ut discipulus sciens eos curatores populorum, non negligeret Apostoli monita.

Hæc igitur divinorum eloquiorum mens mihi videtur esse, confutans eorum blasphemiam qui præter rationem adversus Spiritum loquuntur: ipsi vero pertinaciam constantem habentes adversus veritatem sicut scribit, non jam quidem e Scripturis, non inveniunt enim, verum e spiritu cordis proprii ructantes iterum dicunt, "Si non est creatura neque unus e numero Angelorum, sed ex Patre procedit, ergo Filius est & ipse, & duo fratres sunt, ipse & Verbum, & si frater est, quomodo unigenitum, Verbum, aut qui sit, ut non sint æquales, sed hic quidem post Patrem natus est, ille vero post Filium nominatur? Aut quomodo si ex Patre est, non dicitur & ipse natus aut Filius esse, sed simpliciter Spiritus sanctus? Quod si Filius est Spiritus, ergo Pater est avus Spiritus." Hujusmodi ludunt infames curiositatem exercentes, volentesque scrutari profunda Dei, quæ nemo novit, nisi Spiritus Dei, quem isti blasphemiam afficiunt. Oportebat quidem igitur non amplius istis respondere, sed juxta præceptum Apostolicum, post admonitionem ex his quæ prius dicta sunt, factam, eos velut hæreticos rejicere, aut ipsos interrogare digna iis quæ illi interrogant, poscereque ab eis responsum quale ipsi a nobis poscunt. Dicant igitur an Pater ex Patre sit, & an alius cum ipso genitus sit, & an sint fratres ex uno, & quod istis nomen sit, & quis est hujus Pater atque avus & illorum progenitores? Sed dicent non esse. Ergo dicant, quomodo sit Pater, cum non gignatur ex Patre, aut quomodo potuerit Filium habere qui prius ipse Filius natus non sit? Scio impiam esse interrogationem, sed adversus eos qui talia ludunt, par est vicissim ludere, ut vel ex hujusmodi absurda impiæque interrogatione amentiam suam sentire possint. Non sunt enim hæc, absit, nec decet ad hunc modum de Deitate percunctari. Non est enim sicut homo Deus, ut humana de eo quis audeat interrogare. Proinde sicut antea dicebam ad hæc conveniebat obticescere, nec cum talibus habere commercium, verum ne nostrum silentium istis impudentiæ gignat occasionem, audiant, Sicut non licet Patri tribuere nomen Filii, sic non licet Filium dicere Fratrem. De Patre quidem scriptum est antea, alius Deus non fuit, Filius vero non est alius Deus, est enim unigenitus. Unde & solus & unus est Pater, solius & unius Filii pater est, & in sola Deitate Patris & Filii consistit estque semper. Si quis hominum dicitur pater, tamen alterius fuit filius: & si filius dicitur tamen alterius fuit pater, ut in hominibus non proprie servetur patris ac filii nomen. Abraham cum filius esset Nachor, pater factus est Isaac, & Isaac cum esset filius Abrahæ, pater factus est Jacob, & ad hunc modum se habet hominum natura. Partes enim sunt alii aliorum, & unusquisque nascens habet patris portionem, ut & ipse alterius fiat pater, cæterum de Deitate non est eodem modo, neque enim Deus est ut homo, neque naturam habet quæ dividatur. Ideoque neque gignit Filium divinus, ut & ipse fiat Pater alterius. Quandoquidem nec ipse est ex Patre. Cæterum nec Filius pars est Patris, unde nec generat, quemadmodum ipse generatus est, sed totus est totius imago splendorque. Et in sola Deitate Pater proprie est Pater, ac Filius proprie est Filius, & in his semper constitit appellatio, ut Pater semper sit Pater, & Filius semper Filius. Et quemadmodum nequaquam unquam Pater fieri posset Filius, sic nequaquam unquam Filius fiet Pater: & quemadmodum non desinet unquam Pater solus esse Pater, sic non desinet unquam Filius solus esse Filius. Insania profecto est vel omnino cogitare nedum dicere, de Filio quidem nomen Fratræ, de Patre vero nomen Avi. Neque enim in Scripturis Spiritus sanctus dictus est Filius, ne Frater crederetur, neque Filius Filii, ne Pater existimaretur Avus, sed Filius Patris est Filius, Spiritus sanctus Patris Filiique Spiritus dicitur, atque ita sanctæ Trinitatis una Deitas, ac fides est, ergo secundum hanc rationem insania est dicere Spiritum

ritum esse creaturam. Nam si creatura esset, non ad-
jungeretur Trinitati. Totā enim unus Deus est, sufficit-
que scire quod Spiritus creatura non est, neque rebus
conditis annumeratur. Non enim alienus admiscetur
Trinitati, sed inseparabilis est sibi que similis.

Sufficiunt hæc his qui non credunt: hucusque co-
gnitio in omnibus pertingit, hucusque Cherubin te-
gunt alis. Qui vero plura his quærit, vultque scrutari,
non obedit dicenti: *Noli esse multum sapiens ne obstupescas.*
Etenim quæ fidei tradita sunt, hæc non per humanam
sapientiam, sed per obedientiam fidei decet intelligere.
Quis enim sermo digne possit enarrare quæ sunt supra
naturam condita, aut quæ omnino auris potest intelli-
gere, quæ non licet hominibus nec audire nec loqui?
De his igitur quæ audierat *Paulus* ad hunc modum lo-
quutus est. De ipso vero Deo, *quam imperscrutabiles*
via ejus. Quis enim cognovit mentem Domini, aut quis con-
siliarius ejus fuit? *Abraham* itaque non erat curiosus,
neque percunctatus est loquentem, sed credidit, & im-
putatum est illi ad justitiam. Sic *Moses* dictus est fide-
lis famulus. Cæterum qui cum *Ario* sentiunt, quoniam
in fraudulentam ipsorum animam non introibit sapien-
tia, non possunt intelligere neque credere de insepara-
bili sanctæ Trinitate, ne propter hoc etiam verita-
tem perperam enarrant, quæque ipsi non possunt intelli-
gere, hæc dicant esse non posse. Accidit etiam eis quid-
dam absurdissimum, quod cum non possint intelligere,
quomodo inseparabilis sit sancta Trinitas, faciunt hi qui-
dem, nempe *Ariani*, Filium idem cum creatura. Illi ve-
ro nempe *Tropici*, Spiritum creaturis annumerant. O-
portuit autem eos aut omnino, quia non intelligunt,
tacere, & non conjungere, neque illos Filium neque
hos Spiritum creaturis: aut id quod scriptum est agnosce-
re, & Patri adjungere Filium, & Spiritum sanctum non
separare a Filio, ut inseparabilis eademque vere sanctæ
Trinitatis essentia permaneat. Hæc oportebat illos di-
scere, nec audaciam sumere, neque dubitantes percun-
ctari, quomodo hæc fiant, ut si is qui interrogatur non
habeat quod dicat, ne ipsi excogitent sibi ipsi malas
opiniones. Nam est, cum omnibus conditis, tum maxi-
me nobis hominibus, impossibile digna loqui de non
enarrandis. Majoris autem rursus audaciæ est, cum non
possint de his loqui, excogitare de his novas voces præ-
ter eas quæ sunt in Scripturis: quanquam & alioqui fu-
riosus est hic conatus vel percunctantis vel omnino cogi-
tantis respondere, propterea quod si vel de rebus condi-
tis quis ad istum interroget modum, existimabitur
parum sanæ mentis. Alioquin audeant respondere, qui
taliam temere loquuntur: Quomodo subsistit cælum,
aut ex qua materia, aut quæ est hujus mixtura, aut
quomodo conditus Sol, cum singulis Stellis. Sed quid
mirum ex superioribus redargui istorum amentiam,
quando sane ne arborum quidem hic huminascentium,
quæ sit natura, quæve aquarum substantia, aut quo-
modo se habeat animantium creatio & constitutio, sci-
tur, sed nequaquam dicere poterunt. Nam & *Solomon*,
qui sapientiam copiosius cæteris omnibus fortitus est,
videns fieri non posse ut hæc homines inveniant, aje-
bat: *Et quidem universam aetatem dedit in corde eorum,*
ne inveniret homo creaturam, quam fecit Deus ab initio us-
que ad finem. An igitur quoniam invenire non possunt,
profitentur non esse? Certe profitentur, sed corruptam
habentes mentem. Proinde jure quis eis dixerit, O stul-
ti & nihil non audentes. Quin potius definitis esse cu-
riosi de sancta Trinitate, tantumque creditis eam esse,
cum habeatis hujus rei doctorem Apostolum dicentem:
Credere enim oportet primum Deo, quod est, quodque exqui-
rentibus ipsum remunerator est. Non enim dixit, quomo-
do sit, sed tantum esse dixit. Quod si ne sic quidem
abdunt sese, dicant quomodo est Pater, ut hoc pacto
discant quomodo est & hujus Filius. Verum absurdum
est, inquit, de Patre tales quæstiones proponere. Au-
diant æque absurdum esse, de Verbo ejus hujusmodi
quæstiones proponere. Itaque cum iste conatus super-
vacaneus sit ac plusquam insanus, ne quis posthac istius
modi percunctetur, aut ea tantum quæ in sacris litte-
ris sunt, discat. In his enim satis idonea ac sufficientia

posita sunt hisce de rebus exempla. Fons igitur ac lux
dicitur Pater. Nam *me*, inquit, reliquit fontem aqua vi-
va. Ac rursus in *Baruch*: *Quid est Israël, quod in terra*
inimicorum reliquisti fontem sapientia? Ac juxta *Joan-*
nem, *Deus noster lux est.* Dicitur autem & Filius, vel-
ut ad fontem, fluvius: *Fluvius enim Dei impletus est*
aquis. Ad lucem autem splendor, dicente *Paulo*, *Qui*
cum sit splendor gloria, & figura substantia. Ergo cum
Pater lux sit, Filius autem splendor ejus, nam non
oportet pigere, eadem de his præsertim, iterum dice-
re, frequenter videre est, in Filio Spiritum per quem
illustramur, *Ut det*, inquit, *vobis Spiritum sapientia ac*
revelationis in agnitione ipsius illuminatos oculos cordis. Cum
autem illuminamur Spiritu, *Christus* est in eo illuminans:
Erat enim, inquit, *lux vera qua illuminat omnem homi-*
nem venientem in hunc mundum. Rursus cum Pater sit
fons, ac Filius dicatur fluvius, Spiritum dicimur po-
tare. Scriptum est enim, *Nos omnes eodem Spiritu potati*
sumus. Cum autem potamur Spiritu, *Christum* bibimus:
Biberunt enim de spirituali, consequente ipsos petra, Petra
autem Christus. Ac rursus cum *Christus* sit verus Filius,
nos accipientes Spiritum reddimur filii: *Non enim ac-*
cepistis, inquit, *Spiritum servitutis iterum ad terrorem,*
sed accepistis Spiritum adoptionis filiorum. Cum autem ef-
ficimur filii per Spiritum, nimirum in *Christo* vocamur
filii Dei: *Quotquot enim receperunt eum, dedit illis pote-*
statem filios Dei fieri. Deinde Patris, qui, ut ait *Paulus*,
solus sapiens est, Filius est ipsius sapientia, *Christus*
enim Dei virtus ac Dei sapientia. Cum autem Filius sit
sapientia, nos dum sapientiæ Spiritum accipimus, Fi-
lium habemus, ac per eum sapientes reddimur. Sic
enim scriptum est *Psalmo cXLV. Dominus solvit compe-*
ditos, Dominus sapientes reddit cacos. Cumque Spiritus
sanctus datur in nos, Nam Salvator ait, *Accipite Spi-*
ritum sanctum, Deus est in nobis. Sic enim scripsit *Jo-*
annes: *Si dilexerimus nos invicem, Deus in nobis manet.*
Per hoc cognoscimus quod in eo manemus & ipse in nobis,
quod de Spiritu suo dedit nobis. Cum vero Deus est in no-
bis, & Filius est in nobis, dicente ipso Filio, *Veniamus*
ego & Pater, & mansionem apud eos faciemus. Ad hæc,
cum vita sit Filius, *Ego* enim, inquit, *sum vita*, vivi-
ficari dicimur per Spiritum: *Qui enim excitavit*, inquit,
Iesum a mortuis, vivificabit & mortalia corpora vestra, pro-
pter inhabitantem Spiritum ejus in vobis. Cum autem vivifi-
camur per Spiritum, *Christus* ipse dicitur in nobis vivere,
Cum *Christo* enim, inquit, *crucifixi sumus.* *Vivo autem non*
jam ego, sed vivit in me Christus. Ac rursus, quemadmo-
dum Filius opera quæ faciebat ipse dicebat a Patre fieri,
ait enim: *Pater in me manens ipse facit opera sua. Credite*
michi, quod ego in Patre & Pater in me. Alioqui propter ope-
ra illius credite michi. Consimili modo, quæ virtute Spi-
ritus faciebat *Paulus*, dicebat *Christi* esse opera: *Non enim*
audebo quicquam dicere, eorum qua non est Christus operatus in
me, ad obedientiam Gentium, sermone & facto, in virtute
signorum ac prodigiorum, in virtute Spiritus sancti.

Hujusmodi naturæ societas atque unitas cum sit in
sancta Trinitate, quis dirimet Filium a Patre, aut Spi-
ritum sanctum a Filio, aut ab ipso Patre? Aut quis est
adeo confidens, ut ausit dicere Trinitatem sibi dissimi-
lem diviseque naturæ esse, aut Filium alterius essentia
esse quam sit Pater, aut Spiritum sanctum alienum esse
a Filio? Quomodo vero sint hæc, si quis vicissim per-
cunctetur quærens, quo pacto cum Pater est in nobis
dicitur Filius in nobis esse. Rursus cum Filius est in no-
bis dicitur in nobis esse Pater, aut quomodo cum omni-
no tota Trinitas sit, per unum significatur Trinitas, aut
cum unus est in nobis, Trinitas esse dicitur? Dicat ipse
primum splendorem lucis, aut sapientiam sapientis,
aut dicat quomodo sint hæc. Quod si hoc non potest,
multo magis hujusmodi de Deo quærere insanientium est
temeritas. Deitas enim, ut ante dictum est, non datur
per demonstrationem rationum, sed per fidem piæque
cogitationem cum religione. Etenim si salutiferam cru-
cem, non in sapientia verborum, sed in ostensione Spi-
ritus ac virtutis prædicabat *Paulus*, cum tamen audisset
verba non referenda in paradiso, quæ non est fas homini
loqui, de hac Trinitate quis poterit enarrare? Huic ta-

men

men difficultati inexplicabili, poterit aliquis mederi, primum quidem per fidem, deinde ex iis, quæ jam dicta sunt, videlicet de imagine, de splendore, de fonte & fluvio, de hypostasi & figura. Quemadmodum per propriam imaginem est Filius in Spiritu, ita & Pater in Filio. Siquidem quoniam fieri non potest ut per rationes hæc interpretemur, aut comprehendamus, divina Scriptura consolans imbecillitatem nostram, huiusmodi nobis dedit exempla, ut sic propter incredulitatem audacium hominum, dicamus simplicius & dicamus absque periculo, cumque venia posthac sentiamus & credamus, unam esse sanctificationem ex Patre per Filium, quæ sit in Spiritu sancto. Quemadmodum enim unica progenies est Filius, sic & Spiritus quia Filio datur ac mittitur & ipse est unus, non multi, nec est de numero multorum, sed ipse solus Spiritus. Etenim cum unus sit Filius, qui est verbum vivum, oportet ejus unam esse vim vivam consummatam, plenam, ac sanctificatricem & illuminatricem quæ gratis a Patre procedere dicitur, quoniam a Verbo, quod citra controversiam est a Patre, resplendet, mittitur ac datur. Nimirum Filius a Patre mittitur: *Sic enim, inquit, Deus dilexit mundum, ut Filium suum unigenitum emisit.* Rursum Filius emittit Spiritum: ait enim, *Si ego abiero, mittam paracletum.* Ac Filius quidem glorificat Patrem dicens, *Pater ego te glorificavi.* Spiritus autem glorificat Filium, *Ille enim, inquit, me glorificabit.* Et Filius quidem ait, *Qua audivi a Patre, hæc loquor in mundum.* Spiritus autem accipit a Filio: ait enim, *De meo accipiet, & annuntiabit vobis.* Ac Filius quidem venit in nomine Patris. Spiritus vero sanctus, ait Filius, *quem mittet Pater in nomine meo.* Hunc ordinem ac naturam cum Spiritus habeat erga Filium, quid obstat quo minus qui hunc dicit creaturam, idem necessario sentiat de Filio. Quod si Filii Spiritus est creatura, consequens erit, ut & Verbum Patris dicant creaturam. Nam hæc imaginantes *Ariani*, in *Caipha* Judaïsmum prolapsi sunt. Quod si simulant se non sentire cum *Ario*, qui de Spiritu talia prædicant, fugiant etiam illius verba, neque committant impietatem adversus Spiritum. Quemadmodum enim Filius qui est in Patre, in quo & Pater est, non est creatura, sed proprius substantiæ Patris. Hoc enim & vos præ vobis fertis dicere: sic & Spiritum qui est in Filio & in quo est Filius, non fas est creaturis adjungere, neque separare eum a Verbo, ac Trinitatem imperfectam reddere. Itaque quod attinet ad dictum Propheticum atque Apostolicum, *quorum gratia subvertentes intellectum deciperunt seipsos*, satis est per hæc confutasse tropicorum blasphemiam ex incitia profectam.

Jam vero videamus ipsa per se quæ in divinis Scripturis de Spiritu sancto dicuntur, ac velut probati trapezæ discernamus num quid proprium habeat Spiritus cum creaturis, aut proprium cum Dei Verbo, ut aut creaturam dicamus Spiritum, aut creatorem, aut diversum quidem a creaturis, proprium vero & unum increatæ Trinitati, quæ est Deitas: forsitan vel sic erubescant ubi didicerint quantum a divinis eloquiis abhorreant verba blasphemiae ab ipsis inventa. Creaturæ itaque ex nihilo factæ sunt, atque esse cœperunt. *In principio* siquidem *fecit Deus cælum & terram, & omnia quæ in ea sunt.* Spiritus autem sanctus dicitur ex Deo, *Nullus enim, inquit, novit ea quæ sunt hominis, nisi spiritus hominis qui est in ipso, sic & quæ sunt Dei nemo novit, nisi Spiritus Dei.* Nos autem non Spiritum mundi accepimus, sed Spiritum qui est ex Deo. Ex his itaque dictis quæ cognatio Spiritui cum creaturis? Siquidem creaturæ non erant, Deus autem est qui est, ex quo etiam Spiritus. Quod autem est ex Deo, non potest esse ex nihilo, nec creatura, ne juxta istos etiam Spiritus qui ex illo est creatura credatur esse. Quis igitur istiusmodi vesanos sustineat dicentes & ipsos in corde, non esse Deum? Etenim quemadmodum nemo novit quæ sunt hominis, nisi spiritus qui est in ipso, ita quæ sunt Dei nemo novit nisi Spiritus qui in ipso est. An non blasphemum fuerit dicere creaturam esse Spiritum qui est in Deo, qui etiam profunda Dei scrutatur? Docetur enim ex his dicere qui talis est, hominis quidem spiritus extra ipsum hominem esse, Verbum vero quod est in Patre & Spiritum

esse creaturam. Ac rursum Spiritus sanctificationis ac renovationis & est & dicitur Spiritus. Scribit enim *Paulus*, qui præfinitus est Filius Dei in virtute per Spiritum sanctificationis ex resurrectione mortuorum *Jesu Christi Domini nostri.* Ac rursum ait, *Sed justificati estis in nomine Domini nostri Jesu Christi & in Spiritu Dei nostri.* Quin & ad *Timum* scribens dicebat, *Cum vero bonitas & humanitas apparuit Servatoris nostri Dei, non ex operibus quæ sunt in justificatione, quæ facimus nos, sed juxta suam misericordiam salvos nos fecit, per lavacrum regenerationis ac renovationis Spiritus sancti, quem effudit in nos abunde per Jesum Christum Servatorem nostrum, ut justificati illius gratia heredes efficiamur secundum Spiritum vita eterna.*

B Creaturæ vero sunt hæ quæ significantur ac renovantur. *Emitte enim Spiritum suum & creabuntur, & renovabis faciem terra.* Quin & *Paulus* ait, *Impossibile enim eos qui semel illuminati sunt, gustaveruntque donum cælestis ac participes facti sunt Spiritus sancti &c.* Quod igitur non sanctificatur ab alio neque particeps est sanctificationis, sed ipsum est quod vim habet sanctificandi, per quod & creaturæ omnes sanctificantur, quomodo fuerit unum de numero omnium, aut proprium iis quæ ipsius participatione sanctificantur? Necesse est enim iis qui hoc dicunt dicere Filium quoque per quem omnia facta sunt unum esse de numero omnium. Spiritus vivificans dicitur, ait enim, *Qui excitavit Jesum a mortuis, vivificabis & mortua corpora vestra per inhabitantem Spiritum ejus in vobis.* Et Dominus quidem est ipsa vita ac lux vitæ quemadmodum dixit *Petrus*. Dixit autem ipse Dominus, *Aqua quam ego dabo ei, fiet in ipso fons aquæ salientis in vitam æternam.* Hoc autem dicebat de Spiritu, quem accepturi erant credentes in ipsum. Creaturæ vero, sicut antea dictum est, sunt quæ vivificantur per ipsum. Cæterum quod non est particeps vitæ, sed quod ipsum impartit vivificatque creaturas, quam habet cognationem ad res conditas, aut quomodo omnino posset esse de numero creaturarum, quæ per illum a Verbo vivificantur? Unctio dicitur Spiritus & est signaculum. *Joannes* enim ait, *Et vos unctio quam accepistis ab eo manet in vobis, nec opus habetis ut quis vos doceat, sed ipsius unctio, Spiritus illius docet vos de omnibus.* In Propheta vero *Esaia* scriptum est, *Spiritus Domini super me, eo quod unxit me.* Ac *Paulus* ait, *In quo & credentes signati estis in diem redemptionis.* Creaturæ vero per hunc signantur & unguuntur deque omnibus docentur. Quod si Spiritus est unctio ac signaculum quo ungit & obsignat omnia Verbum, quæ similitudo aut proprietas unctionis ac signaculi ad ea quæ unguuntur & signantur? Itaque juxta hanc rationem nequaquam fuerit ipse unus de numero omnium. Neque enim esse potest signaculum de numero eorum quæ signantur, neque unctio de numero eorum quæ unguuntur, sed proprium hoc est unguentis & signantis Verbi. Nam unctio quidem fragrantiam ac redolentiam unguentis habet, atque ii qui unguuntur, hujus participes dicunt, *Christi bonus odor sumus.* Signaculum autem formam *Christi* signantis habet, & hujus qui signantur participes sunt, dum juxta hoc formantur dicente *Apostolo*, *Filioli mei quos iterum parturio donec formetur Christus in vobis.* Sic & dum signamur merito participes divinæ naturæ reddimur, quemadmodum dixit *Petrus*. Atque hoc modo particeps est omnis creatura Verbi per Spiritum, ac per Spiritum reddimur omnes participes Dei. Ait enim, *Nescitis quod templum Dei estis & Spiritus Dei habitat in vobis? Si quis templum Dei violaverit, perdet illum Deus. Templum enim Dei sanctum est, quod estis vos.* Cæterum si Spiritus est creatura, haud quamquam ulla per eum communio naturæ Filii facta fuisset in nobis: at creaturæ quidem fuisset copulati, sed alieni a natura divina fuisset, tanquam ullius rei ex illo participes. Nunc autem cum dicimur participes *Christi* & participes Dei, ostenditur quæ est in nobis unctio ac signaculum, non esse naturæ rerum conditarum, sed fidei, per eum qui in illa nos sociavit Patri. Nam hoc *Joannes* in superioribus docens scripsit, *Per hoc cognoscimus quod in Deo manemus ac Deus in nobis, quod de Spiritu ejus dedit nobis.* Quod si Spiritus participatione reddimur confortes divinæ naturæ, infaniam si quis dicat

Spiritum habere naturam rerum conditarum, ac non potius Dei. Propter hoc enim in quibus esse incipit, ii fiunt Dii. Quod si Deos facit, dubium non est quin hujus natura Dei natura sit.

Insuper est quiddam etiam evidentius ad hanc hæresim advertendam. In Psalmo CIII, canitur quemadmodum diximus, *Auferes spiritum eorum, & deficient & in pulverem suum revertentur. Emitte spiritum tuum & creabuntur & renovabis faciem terra.* Paulus autem scripsit Titō, *per lavacrum renovationis spiritus sancti, quem effudit in nos abunde per Jesum Christum.* Quod si Pater per Verbum in Spiritu creat omnia ac renovat, quæ similitudo aut cognatio est creatori ad creaturam? Aut omnino quomodo erit is per quem creantur omnia, creatura? Nam hanc hujusmodi blasphemiam sequitur & in Filium blasphemiam, ut qui dicunt, Spiritum esse creaturam, iidem dicant quod & Verbum per quod omnia condita sunt, creatura sit. Imago Filii dicitur & est Spiritus, quos enim præcognovit & prædestinavit conformes imaginis Filii sui. Itaque cum ipsi quoque confiteantur Filium non esse creaturam, nequaquam hujus imago poterit esse creatura. Qualiscunque enim fuerit imago, talem oportet & eum esse, cuius est imago. Unde congruenter decenterque profiteamur Verbum non esse creaturam, cum sit imago Patris. Itaque qui Spiritum creaturis annumerat, omnino Filium quoque inter has numerabit, blasphemiam proferens per hoc etiam in Patrem, propter hujus imaginem in quam dicit blasphemiam. Videlicet diversus a creaturis est Spiritus, ac demonstratum est eum potius esse proprium Filii & non alienum a Deo. Quandoquidem & illa est præclara istorum interrogatio, Si ex Deo est Spiritus, quare non dicitur & ipse Filius? Demonstrata est etiam in his quæ prius dicta sunt, istorum præceptis confidentia, demonstratur autem & nunc nihilominus. Nam non Filius dictus est in Scripturis, sed Spiritus Dei in ipso Deo, & ex ipso Deo dictus est, sicuti scripsit Apostolus. Quod si Filius, quoniam ex Patre est, proprius est illius substantiæ, necesse est, ut & Spiritus qui ex Deo dicitur, proprius sit juxta substantiam Filii, videlicet cum Dominus sit Filius, ipse Spiritus dictus est Spiritus adoptionis filiorum. Ac rursum cum Dominus sit sapientia & veritas, Spiritus scriptus est. Spiritus sapientiæ & veritatis: ac rursum, Filius quidem est virtus Dei ac Dominus gloriæ, Spiritus autem dicitur Spiritus virtutis & Spiritus gloriæ. Ad hunc modum de unoquoque loquente Scriptura, Paulo quidem dicente Corinthiis, *Si enim cognovissent, nequaquam Dominum gloria crucifixissent: & in aliis, Non enim jam accepistis spiritum servitutis iterum ad terrorem, sed spiritum adoptionis filii.* Et iterum, *Evangelissemus Dominum Filium sui in cordibus nostris clamantem Abba Pater.* Petrus autem scripsit, *Quod si probris afficimini in nomine Christi, beati quoniam gloria ac virtutis spiritus super vos requiescit.* Dominus vero dixit Spiritum veritatis & consolatorem esse Spiritum, ex quo demonstratur perfectam esse in hoc Trinitatem. Per hunc itaque glorificatam creaturam Verbum, Deos nos reddens, ac filios offert Patri. Id autem quod creaturam Verbo conjungit, nequaquam fuerit ipsum de numero creaturarum. Ex quod creaturam facit filios nequaquam fuerit alienum a Filio, alioqui necesse esset alium quærere Spiritum, ut & hic per illum copuletur Verbo. Verum hoc absurdum. Non sane de numero rerum conditarum est Spiritus, sed proprius Patris veritatis, per quem etiam ea quæ condita sunt Verbum facit Deos. Cæterum is per quem creatura fit Deus, nequaquam ipse fuerit extra Patris Deitatem.

Quod vero supra creaturam est Spiritus ac diversus a rerum conditarum natura, sed proprius Deitatis, licet & hinc intelligere: Invertibilis & immutabilis est Spiritus sanctus: *Sanctus enim, inquit, spiritus disciplina, fugiet dolum & recedet a cogitationibus imprudentibus.* Ac Petrus quidem ait, *In incorruptibilitate mansueti & quieti spiritus.* Rursum in Sapientia, *Spiritus enim tuus immortalis est in omnibus. Nemo novit quæ sunt Dei, nisi spiritus Dei qui est in ipso. Novisti autem apud Deum, sicut ait Jacobus, ira, mutatio aut visio stultitiae obumbratio.* Spiritus

igitur qui in Deo est sanctus, merito fuerit invertibilis & immutabilis, & incorruptibilis. Atqui rerum conditarum creaturarumque natura est vertibilis, tanquam sane quæ sit extra Dei substantiam, & ex nihilo subsistens. Ait enim, *Omnes homines mendaces, & omnes peccaverunt & egrediuntur gloria Dei. Angelos vero qui non servaverunt suam originem, sed deseruerunt proprium domicilium, in judicium magni diei, vinculis sub caligine reservabit.* In Job vero, *si adversus sanctos suos Angelos non credit, sed adversus Angelos suos pravam quiddam excogitavit. Astra vero non sunt pura in conspectu ejus.* Paulus scribit, *An nescitis quod Angelos judicabimus, nedum temporaria?* Quin etiam audivimus quod Diabolus cum esset in medio Cherubin & signaculum similitudinis factus decidit e caelo tanquam fulgur. Quod si creaturæ navesibilem habent naturam, taliaque de Angelis scripta sunt, Spiritus autem idem est & immutabilis, habetque eandem cum Filio immutabilitatem, semper cum ipso manet immutabilis: quæ similitudo immutabili ad ea quæ mutantur? Manifestum fuerit quod neque creatura est, nec omnino substantiæ Angelicæ, propterea quod illi sunt mutabiles, sed imago Verbi Patris est propria.

Rursum, Spiritus quidem implevit orbem terrarum: sicut enim psallit David, *Quo ibo a spiritu tuo?* Atque iterum in Sapientia scriptum est, *Immortales enim spiritus tui sunt in omnibus.* Cæterum omnia creata in locis divisa sunt, Sol, Luna & Stellæ in firmamento, mares vero in aëre, ac mortalibus statuit terminos Gentium, Angelique mittuntur in ministerium. Et venerunt Angeli ut assisterent coram Domino, quemadmodum in Job scriptum est. Et obdormivit Jacob Patriarcha, & ecce scala fixa in terra, quarum caput perveniebat usque ad celum; Et Angeli Dei ascendeant ac descendeant in ipsis. Quod si Spiritus implet omnia, & adest in medio omnium, Angeli vero sunt hoc inferiores, & quo mittuntur illic adfunt, dubium non est, quin neque sit de numero rerum conditarum, neque prorsus Angelus, quemadmodum vos dicitis, Spiritus, sed supra naturam Angelorum. Rursum enim ex his perspexerit aliquis de Spiritu sancto, quod illius alii participes sunt, non ipse particeps aliorum. Non enim gravamur eadem dicere, *Impossibile est enim eos qui semel illuminati sunt, gustaveruntque domum celestem, ac participes spiritus sancti fuerunt, & gustaverunt bonum Dei verbum &c.* Angeli vero reliquæque creaturæ participes sunt ipsius Spiritus. Propter hoc enim eæ quidem etiam excidere poterant ab eo cuius erant participes, Spiritus autem semper idem est, ac participabilis, creaturæ vero participes sunt illius: nequaquam enim Spiritus sanctus, neque Angelus, neque omnino creatura, sed proprius Verbi a quo datus participatur a creaturis. Alioqui tempus est ut iidem etiam Filium dicant creaturam, cuius omnes in Spiritu participes facti sumus. Ac rursum, unus est Spiritus sanctus, creaturæ vero plures. Siquidem Angeli milles mille, & decies milles mille, Luminaria vero multa ac Throni & Dominationes & Coeli & Cherubin & Seraphin & Archangeli multi, in summa, creaturæ non sunt unum, sed omnes plures ac diversæ. Quod si Spiritus sanctus est unus, creaturæ vero plures, & Angeli plures, quæ similitudo Spiritui ad res conditas? Nec obscurum est, quod Spiritus sanctus non est de numero multorum, neque est Angelus sed unus est, quin potius Verbi quod est unum proprius est ac Dei unius proprius & consubstantialis est.

Hæc quidem igitur vel sola per se cum dicuntur de sancto Spiritu, declarant eum nihil habere commune neque proprium, neque natura, neque substantia cum creaturis, sed diversum esse a rebus conditis, proprium autem & non alienum a Filii substantia Deitateque: per quam cum sit & ipso sanctæ Trinitatis, pudefacit istorum amentiam: Sed consideremus tamen præter hæc & ipsam a principio traditionem & fidem Catholicæ Ecclesiæ, quam Dominus quidem ipse dedit, Apostoli vero prædicaverunt, ac Patres observaverunt. Super hanc fidem & Ecclesia fundata est, & qui ab hac exciderit, neque fuerit, neque dici poterit Christianus. Trinitas itaque sancta in Patre, & Filio, & Spiritu sancto Theo-

Theologice consideratur, nihil alienum neque extrinsecus admixtum habens, neque ex creatore & re condita consistens, sed tota est creatrix & conditrix. Similis autem sibiipsi & inseparabilis est natura, eademque hujus vis est. Pater enim per Filium in Spiritu sancto omnia facit. Ad hunc modum unitas sanctæ Trinitatis servatur. Itaque unus Deus in una Ecclesia prædicatur, *qui super omnia, & per omnia, & in omnibus. Super omnia* quidem ut Pater, principium ac fons, *per omnia* vero per Verbum, *in omnibus* autem in Spiritu sancto. Est autem Trinitas non tantum nomine & imaginatione sermonis, sed vera ac re ipsa Trinitas. Quemadmodum enim Pater est qui est, sic & hujus Verbum est qui est, & super omnia Deus, & Spiritus sanctus non caret substantia, sed est ac subsistit vere; neque iis inferiorem sentit Catholica Ecclesia, ne in horum temporum incidas *Judeos*, imitantes *Caipham*, & in *Sabellium*: neque multitudinem excogitat, ne in Paganorum errorem multos Deos fingentium devolvatis: quodque hæc fides sit Ecclesiæ, discant quomodo Dominus mittens Apostolos præcepit hoc fundamentum Ecclesiæ ponere dicens, *Euntes docete omnes Gentes baptizantes eos in nomine Patris & Filii & Spiritus sancti*. Apostoli vero profecti sic docuerunt, & hoc est præconium per omnem Ecclesiam quæ sub Sole est propagatum. Itaque cum hoc fundamentum fidei habeat Ecclesia, dicant nobis rursus illi respondeantque, utrum Trinitas sit an Dualitas? Quod si Dualitas: annumeretur, juxta vos, creaturis Spiritus. Non est quidem hæc vestra sententia de uno Deo *qui est super omnia & per omnia & in omnibus*. Nam illud *in omnibus*, non habetis, separantes & alienantes a Trinitate Spiritum, quin & initiatio vestra quam creditis vos facere ad istum modum sentientes, non est integra, quæ fit in nomine Deitatis; Admiscetis enim huic creaturam: ac vos quoque de Deo disputatis quemadmodum *Ariani* ac *Pagani*, creaturam cum eo, qui creavit eam, Deo per proprium Verbum copulantes. Ad istum vero modum cum sitis affecti, cujus estis spei, aut quis conjungat Deo, cum non habeatis Spiritum ejusdem Dei, sed spiritum creaturæ? Qualis autem vestra audacia aut incogitantia, quod Spiritum & hujus Verbum ad creaturas detrahitis, ac rursus creaturam æquiparatis Deo? hoc enim facitis imaginantes de Spiritu copulantesque eum Trinitati. Quis vero furor est vester, ut cogitetis iniquitatem adversus Deum? Quia non omnes quidem Angeli aut omnes creaturæ, sed unus ex his annumeratur Deo & Verbo ejus. Oportebat enim juxta vos semel, cum Angelus sit & creatura Spiritus, copuleturque Trinitati, non unum sed omnes creatos Angelos conjungere Deitati, nec jam Trinitatem, sed multitudinem quandam Deitatis innumerabilem esse, ut & in hoc rursus perfectio quæ vobis videtur, fiat huc & illuc divisa, instabilisque varietate reddatur. Tales sunt enim fines vestri, & *Arianorum* disputantium adversus Deitatem, & creaturæ servientium supra creatorem omnium Deum. Talia itaque vobis absurda contingunt ex eo quod dicitis Dualitatem. Quod si Trinitas est, quemadmodum re vera est, declaratum est autem inseparabilem esse, nec sui dissimilem, necesse est unam esse hujus sanctitatem unamque hujus æternitatem ac naturam invertibilem, Quemadmodum fides in hanc tradita conjungit Deo. Cæterum qui subducit aliquid a Trinitate, & in solo Patris nomine, aut in solo Filii nomine baptizatur, aut absque Spiritu in Patre & Filio, nihil accipit, sed inanis & imperfectus, tum ipse, tum is qui dare videtur, permanet. In Trinitate enim perfectio est. Itaque qui separat Filium a Patre, aut Spiritum deducit ad creaturas, neque Filium habet neque Patrem, sed est absque Deo, ac infideli deterior, & quidvis potius quam Christianus, idque jure. Quemadmodum enim unum est baptisma in Patre & Filio & Spiritu sancto dari solitum, & una fides est in illam, quemadmodum dixit Apostolus, sic sancta Trinitas cum sit in sese unita, & unita erga sese nihil habet in se rerum conditarum, & hæc est inseparabilis Trinitatis unitas, unaque in illam fides est.

Quod si juxta vestram qui tropici estis adinventionem,

non ita est, sed somniatis creaturam dici Spiritum sanctum, non est una fides vestra, neque unum baptisma, sed duo, unum quidem in Patrem & Filium, alterum autem in Angelum, qui est creatura, neque quicquam vobis restat certi neque veri. Qualis enim communio rerum conditarum & creaturarum, aut qualis unitas terrestribus creaturis, cum eo qui has condidit per verbum? Hoc sciens beatus *Paulus* non separat Trinitatem quemadmodum vos, sed unitatem hanc docens scribit *Corinthiis*, de spiritualibus, & omnia in unum, *Cor. I.* Deum ac Patrem summatim colligit dicens: *Divisiones autem gratiarum sunt, sed idem Spiritus, & divisiones administrationum sunt, sed idem Dominus, & divisiones operationum sunt, sed idem Deus qui operatur omnia in omnibus*. Quæ enim Spiritus unicuique dividit, hæc a Patre per Verbum suppeditantur. Eadem sunt enim quæ Patris sunt & quæ Filii, eoque & omnia quæ Filio in Spiritu dantur, Patris sunt dona, cumque Spiritus est in vobis, & in hoc ipso est Pater, & ad hunc modum est id quod dicitur, *veniemus ego & Pater, & mansionem apud eum faciemus*, quemadmodum prius dictum est. Ubi enim lumen illic splendor, & ubi splendor illic & hujus actus, & ejusdem formæ gratia: atque id rursus Apostolus docens scribit iterum *Corinthiis* in secunda Epistola dicens, *Gratia Domini Jesu Christi & caritas Dei, & communicatio Spiritus cum omnibus vobis*. Nam gratia quæ datur donumque in Trinitate, datur a Patre per Filium in Spiritu sancto. Sicut enim ex Patre est per Filium quæ datur gratia, sic nequaquam esse potest communio donationis quæ fit in nobis, nisi in Spiritu sancto. Hujus enim participes habemus Patris caritatem ac Filii gratiam, atque ejusdem Spiritus communionem. Ex his itaque una Trinitatis operatio demonstratur. Non enim quasi cuique diversa, distinctaque dentur significat Apostolus, sed quod quæ dantur, in Trinitate dantur, & omnia ex uno Deo sunt. Itaque qui non est creatura sed unitus Filio, sicut Filius unitus est Patri, qui simul cum Patre & Filio glorificatur, Deique nomine celebratur cum Verbo, operansque quemadmodum Pater per Filium operatur, an non qui dicit eum esse creaturam, nonne manifeste in illum committit impietatem? neque enim est quicquam quod non per Verbum in Spiritu fit & operatur. Hoc & in Psalmis canitur, *Verbo Domini cæli firmati sunt, & Spiritu oris ejus omnis virtus eorum*. Quin & justificati sumus, ut dicit Apostolus, in nomine Domini nostri, & in Spiritu Dei nostri. Inseparabilis est a Verbo Spiritus, nimirum dicente Domino, *Veniamus ego & Pater*, simul veniet & Spiritus, non aliter quam si Filius in nobis habitaret, scribente ad *Ephe-sios Paulus*, *Ut des vobis secundum divitias benignitatis sue, virtute corroborari per Spiritum ejus interidrem hominem habitare Christum*. Cæterum cum Christus in nobis est, est & Pater, dicente Filio, *Ego in Patre & Pater in me*. Itaque cum sermo fieret in Prophetis, in eodem Spiritu sancto prophetabant, Scriptura dicente, *Et factus est sermo Domini ad hunc aut illum Prophetam*, demonstratur prophetare in Spiritu sancto. In *Zacharia* quidem scriptum est, *Nisi sermones meos & legalia mea suscipitis quacunque ego præcipia in Spiritu meo in servis meis Prophetis*. Ubi & paulo post accusans populum dicit, *Et cor illorum statui incredulum ne exaudiant leges meas & sermones, quos emisit Dominus omnipotens in Spiritu suo per manus retro Prophetarum*. Petrus autem in Actis dicebat, *Viri fratres, oportet impleri Scripturam, quam prædixit Spiritus sanctus*. Et communiter Apostoli clamabant in hunc modum, *Domine, qui fecisti cælum & terram & mare & omnia quæ in eis sunt, qui per os pueri tui David patris nostri per Spiritum sanctum locutus es*. Et *Paulus* quidem cum esset *Roma*, libere loquebatur *Judeis* ad ipsum accedentibus, *Recte Spiritus sanctus locutus per Esaiam Prophetam ad patres nostros*. *Timotheo* vero scribens, *Spiritus autem præcise dicit, quod in posterioribus deficiens quidam a sana fide, attendentes spiritus deceptionis*. Quapropter quandocunque dicitur Spiritus in aliquo esse, intelligitur in eo esse Verbum dans Spiritum. Itaque cum prophetia impletur ait, *Effundam de Spiritu meo super omnem carnem*. Ac *Paulus* dicebat, *Tom. VIII.* D d 2 Sc-

Secundum subministrationem Spiritus Jesu Christi in me. Corinthiis autem scribit, *An probationem queritis in me loquentis Christi?* Quod si Christus erat qui loquebatur in eo, nimirum Christi erat Spiritus qui loquebatur in eo. Cum enim Spiritus in eo loqueretur rursum in Actis ait, *Es nunc ecce vincit spiritu proficiscor Hierosolymam, qua in ea mihi sunt eventura ignorans, nisi quod Spiritus sanctus per singulas civitates testificatur mihi dicens, quod vincula & afflictiones me manent.* Quoties sancti dicunt, *Hec dicit Dominus*, non aliter quam in Spiritu sancto loquuntur, & in Spiritu loquentes in Christo hæc dicunt. Quod si & Agabus in Actis dicit, *hec dicit Spiritus sanctus*, non aliam ob causam, nisi quod verbum factum esset ad ipsum, ac Spiritus subministraret & loqueretur ipsi ac testificaretur quæ manerent Paulum Hierosolymis. Nimirum Spiritu rursus testificante Paulo, ipse Christus loquitur in eo, ut Verbi sit testificatio facta ex Spiritu. Sic cum ad sanctam virginem Mariam accederet verbum, simul veniebat Spiritus, & Verbum in Spiritu formavit adaptavitque sibi ipsi corpus, volens connectere & offerre per seipsum creaturam Patri, ac reconciliare omnia in ipso, pacificans ea quæ in coelis & quæ in terra: concorditer & a Scripturis divinis demonstratur Spiritum sanctum non esse creaturam, sed proprium Verbi & Deitatis paternæ. Sic enim sanctorum doctrina in sanctam & inseparabilem Trinitatem conciliatur, & una fides eademque Catholica Ecclesiæ.

Cæterum Tropicorum aliena a fide fabulosa confictio, dissonat quidem a Scripturis, consonat autem cum Arianorum insanientium dementia. Ac merito sane tales ad hunc modum istis respondent quo fallant animos simplicium. Sed gratia Deo, quod, sicuti scribis, intelligunt sese excussos a simulatione, qua se fingeant Arianis contradicere. Nam & ab illis habentur odio, ut qui vere belligerantur adversus Spiritum: moxque redditi mortui, deserti, vacuique Spiritu, eo quod juxta sententiam Apostoli, cum sint homines animales, non valuerunt capere ea quæ sunt Spiritus Dei, quod spiritualiter judicantur. Cæterum qui sapiunt ea quæ sunt Spiritus, judicant quidem omnia, ipsi vero a nemine judicantur, quippe cum habeant in sese Dominum, qui per Spiritum ipsis patefacit, & seipsum, & per seipsum, Patrem. Ego quidem igitur, quanquam in deserto versans, tamen ob impudentiam eorum, qui deflexerunt a veritate, contemptis his qui ridere volent, per imbecillitatem & humilitatem sermonis quo probationes adferimus, scripsi paucis mihi tuæ pietati, multum obsecrans, ut in his versans, alia quidem corrigas, veniam autem de iis quæ parum firmiter dicta sunt. Nam juxta fidem Apostolicam, a Patribus nobis traditam, tradidi, nihil aliunde commentus addidi, sed quod didici exaravi, juxta consonantiam sacrarum Scripturarum. Nam & hoc consonat cum his quæ prius sunt pronuntiata, ad confirmationem sanctarum Scripturarum, nec aliunde est excogitatum. Sed ipse Dominus Jesus Christus per seipsum docuit Samaritanam, & per hanc nos, sanctæ Trinitatis integritatem inseparabilem esse, unamque Deitatem. Ipsa veritas testatur, sicut ait Samaritana, *Crede mihi mulier, quod venit hora & nunc est, quando veri adoratores adorabunt Patrem in spiritu & veritate. Nam Pater tales querit adoratores qui adorant ipsum.* In spiritu & veritate oportet adorare. Hinc igitur declaratum est, quod veritas quidem est Filius quemadmodum ait ipse, *Ego sum veritas.* Veri adoratores adorant quidem Patrem, sed in spiritu & veritate, consistentes Filium, & in hoc Spiritum sanctum. Inseparabilis enim est Spiritus sanctus a Filio, quemadmodum Filius inseparabilis est a

A Patre. Testis est ipsa veritas dicens: *Mittam vobis parietum, Spiritum veritatis qui ex Patre procedit, quem mundus non potest accipere.* Mundus autem sunt qui negant eum esse ex Patre in Filio. Oportet igitur imitari veraces, profiterique & succurrere veritati. Quod si post hæc neque discere velint, neque intelligere valeant, saltem desinant effundere blasphemias, neque separent Trinitatem, ne separentur a vita, neque Spiritum sanctum annumerent creaturis, ne, quemadmodum olim fecerunt Pharisei, quæ sancti Spiritus sunt, ea tribuant Beelzebub. Sic & isti similia audentes, in posterum cum illis similiter indeprecabile supplicium accipiant. *ἀλλ' οὐδὲν.*

B Sequebatur hic alius Libellus ejusdem phræcos, quem pinguis vertere, & priorem vertisse pœnitet. Tanti tamen erat ostendisse quanta fuerit impostura scribarum quondam in supponendis & contaminandis celeberrimorum virorum scriptis etiam apud Græcos, & interim ulciscor dolorem meum, quem ex temporis jactura conceperam. Adjiciam fragmentum Libelli, quem dicas esse hominis deliri. Et interim in me clamant, qui pro viribus ab hac tanta contumelia vindicem sacrosanctos Ecclesiæ Doctores. In illos justius vociferarentur, qui tale facinus vel ausi sunt, vel dissimularunt.

ADVERSUS OMNES HÆRESES.

C Q UOD propositum est ex Evangelio Joannis, *In principio erat Verbum, & Verbum erat apud Deum, & Deus erat Verbum. Hoc erat in principio apud Deum, omnia per ipsum facta sunt, & sine ipso factum est nihil.* Omnes sancti Prophetæ atque Evangelistæ, cum sint perspicaces, & sancti Spiritus impulsu moveantur, exponunt omnem sanctam ac magnam salutem, quæ ventura est humano generi. Sed dicet aliquis, quomodo, ediffere nobis. Audi, dilecte mi. Fortissimi magnique Prophetæ, quemadmodum dicebam, cum essent perspicaces, significant quæ ante tot generationes erant futura, demonstrantes evidenter ea quasi præsentia, cum essent futura. Similiter fecerunt & magni Evangelistæ eorum, quæ de adventu Verbi per magnos Prophetas fuerant prædicta, præsignationem confirmant singuli in Evangeliiis. Exempli causa, Magnus ille Propheta Esaias dicit, *Tanquam ovis ad occisionem ductus est, & tanquam agnus coram tondente murus, sic non aperuit os suum: & in humilitate iudicium illius sublatum est, generationem ejus quis enarrabit? Livore illius omnes nos sanati sumus.* Cum autem is de quo fuerant hæc prædicta, versaretur in terris apud nos, eumque accedentem vidisset Joannes Baptista, consummat quod a Propheta fuerat dictum dicens: *Ecce agnus Dei, qui tollit peccatum mundi.* Ecce confirmat prophetica vocem magnus ille Baptista Joannes. Similiter & sacrorum antistes Moyses, de livore hoc quo salutem esset consecuturum genus hominum, non nihil locutus est: *Maledictus omnis homo qui pendet in ligno.* Ac rursum ait, *Videbitis vitam vestram pendentem in ligno.* Non prius dixit vitam, deinde maledictionem, sed prius dixit maledictionem, postea vitam, vere. Nam docebat primum præsignari chirographum in cruce, pungique latus Verbi lancea, ut cicatrix ex punctione fieret purgatio totius mundi, videlicet aqua & sanguis humano generi. Miseri & ingrati Judæi cum talia tantaque prodigia simul & beneficia fierent apud ipsos, cum debuerint versantem apud se glorificare super his quæ faciebat, e contrario dicebant: *Si filius es Dei, dejice te ipsum de cruce.*

Hoc satis ad gustum esse arbitror.

DESIDERIUS ERASMUS ROTERODAMUS
DE
VITA, PHRASI, DOCENDI RATIONE,
ET OPERIBUS
ORIGENIS,
CUM SINGULORUM LIBRORUM CENSURIS.

VITÆ ORIGENIS ADAMANTII EPITOME.



ORIGENES binominis fuit, idem dictus *Adamantius*, quod cognomen non ita tribuitur illi a Scriptoribus, quasi fuerit ex moribus additum, veluti *Basilus* ob ingenii constantiam dictus est *Magnus*, *Joannes Constantinopolitanus* ob suaviloquentiam dictus est *Chrysostomus*, *Gregorius Nazianzenus* ob sublimes de rebus divinis disputationes, *Theologi* cognomen meruit, sed quasi fuerit jam ab ipso vitæ exortu inditum. Est autem hoc non infrequens in sacris litteris, eundem hominem pluribus nominibus appellari. Quod si magnis viris nomina non fortuito tribuuntur, sed per divinam providentiam habent futurorum præfagia, utrumque nomen mire quadrat in hunc eximium Ecclesiæ Doctorem. Siquidem *Origenes* Græcis *montigenam* sonat, prima vocali producta, quemadmodum fit in *ὄρη*, quæ sine controversia hinc dicta est, quod malefica in montibus perageret sua sacra. Ab ipsa statim pueritia *Origenes* nihil humile cogitavit, sed ad Euangelicam perfectionem, quam Dominus in monte sedens docuit, & ad sublimia Scripturarum mysteria animum intendit: nec enarrans sacros libros reptit humi, desidetve in sensu litteræ terreno, sed per allegorias ad excelsa coeloque viciniora subvehit auditorem. *Adamas* autem indomiti nomen obtinuit, quod cum sit lucidissimum, ne chalibis quidem duritiæ, nec malleorum ictibus cedit. At *Origenes* animus plusquam adamantinus fuit, quem nec vitæ austeritas, nec perpetui labores, nec dura paupertas, nec æmulum improbitas, nec suppliciorum terror, nec ulla mortis facies a sancto instituto vel tantillum dimovere potuit. De patria nihil habeo comperti, nisi quod probabile est fuisse *Alexandrinum*, quod illic pater fuerit in carcere, & ibidem martyrio peracto liberos & uxorem reliquerit. Refert enim non nihil ubi nascaris, sed magis refert e quibus nascaris, plurimum vero a quibus a teneris instituaris. *Origenes* igitur usque ab avis & atavis parentes habuit Christianos, licet impius *Porphyrus* tradat illum ex Ethnicis prognatum. Patrem habuit *Leonidam*, virum pium juxta & eruditum, qui sub *Severo* Principe crudeliter in Christiani nominis professores sæviante post carceres & tormenta capite plexus martyrii lauream adeptus est, relicto *Origene* cum sex fratribus adolescente, in summa nimirum egestate. Nam patris facultates alioqui satis opimas fisco occupavit. Quidam tradunt, hunc *Leonidam* fuisse Episcopum, nec addunt cujus loci fuerit Episcopus. Exstant apud *Suidam* duo anonymi, qui *Origenica* vitæ compendium scripserunt, quorum prior fere consentit: cum his quæ refert *Eusebius* Ecclesiasticæ Historiæ libro sexto, ac *Hieronymus* in Catalogo Scriptorum illustrium: posterior quædam admiscet nugalia velut e rumoribus hausta, parum æquus, ut videtur, *Origeni*. Is tradit *Leonidam* fuisse Episcopum, quod verum an fictum sit, in medio relinquimus. Cæterum vir prudens ac perspicax in puero divinam quandam indolem, & absolutæ virtutis semina deprehendit, eoque solet interdum dormientis pectus nudatum exoculari, ceu thecam & officinam adorandi Spiritus. Quod autem in viris ætate provectis, ac pietatis philosophia exercitatis miramur, id adolescentulus ultro nullisque stimulus hortamentis præstitit. Tanto enim martyrii desiderio flagravit, ut vehementer ambiret in ea laudis parte patri vel comes esse vel præcurfor: & prorsus antevertisset, ni mater præsentens illum summo diluculo ad agones ubi multi trucidabantur velle procurrare, noctu clam omnia illius indumenta sustulisset. Ita

A martyrii candidatum, quem terror mortis non potuit, pudor domi retinuit. An ea procuratio probanda fuerit, interim non discutio. Nunc enim indolem tantum laudamus. Quin & patrem cum adhuc in vinculis esset, per Epistolam cohortatus est, ut in pulcherrimo instituto persisteret, illud addens: *Vide, pater, ne quid mea causa secus facias*. Atqui solent liberi parentes, lachrymis, precibus, blanditiis & complexibus a simili proposito revocare: sed in hoc puero pietas vicit pietatem, & naturæ affectum superavit religionis ardor, carnis infirmitatem excussit fidei robur. Unde & aliis quibuscunque potuit in agone certantibus, aut apud iudices periclitantibus, nequaquam otiosus spectator, oculis ac verbis animos addere solet. Nonnullos etiam a squalore carceris eripuit, nihil sibi metuens, illic gloriæ fautor, hic misericors. Denique sic se gessit senilis ille puer, ut mortem pro *Christo* videretur ambire atque accerere. Nec sui dissimilis fuit in progressu ætatis, ac frequenter impiorum insidiis appetitus est, sed supremi Numinis providentia electum illud organum servatum voluit in summam Ecclesiæ Catholicæ utilitatem. Jam & in libris illius quoties incidit occasio loquendi de martyrio, sentias enthusiasmum quendam.

B Puer itaque jam annum agens decimum septimum, patre, ut dictum est, orbatus, cum matre vidua & quinque fratribus parvulis relictis, non se vertit ad mendicantem, quam nonnulli magnam sanctimoniam partem esse ducunt: sed juxta beati *Pauli* consilium atque etiam exemplum, labore sibi parabat victum, ne cui gravis esset, profitebatur Grammaticam. Hoc si quis dixerit esse sordidum, sordidius erat quod magnus ille *Paulus* caprarum pelles consuebat apud *Corinthios* in usum tentorium. Rursus si quis dicat Grammatices professionem nihil habere memorabile, cum hodie Scholasticorum collegia pueris abundent Grammaticam profitentibus: sciat olim senile & arduum fuisse negotium. Nec enim a Doctore tantum expectabatur, Declinationum, Conjugationum, & constructionum ratio, sed præter sermonis elegantiam, præter plurimorum auctorum lectionem, præter antiquitatis, & omnium Historiarum peritiam requirebatur, Poëtices, Rhetorices, Dialectices, Arithmetices, & Cosmographiæ, Musicesque cognitio, quas disciplinas omnes puerulus adhuc mira ingenii celeritate perdidicerat. Minore negotio tres juris Doctores absolveris quam unum Grammaticum, qualis fuit *Aristarchus* apud Græcos, apud Latinos *Servius* ac *Donatus*. Profitebatur autem non privatim in angulo, sed in celeberrima civitate *Alexandria*, idque publice, jam tum ad Episcopalem functionem præludens. Siquidem olim ad Episcoporum curam pertinebat, providere ut tenera ætas litteris ac disciplinis imbueretur. Atque interim generosus adolescens sub persona litteratoris Catechistam agebat, obiter Christianæ religionis semina quædam aspergens auditorum animis. Cæteris enim Catechistis omnibus metu persecutionum dilapsis, aliquot ex Gentibus ad *Origenem* se conferebant, cupientes Christianæ philosophiæ rudimentis imbui, quibus ille non solum Euangelicæ doctrinæ tradidit elementa, verum etiam multos ad perfectæ pietatis fastigium evehit: Quorum de numero *Plutarchus* martyrii lauream est consecutus: *Heraclas Plutarchi* germanus ob admirandam vitæ sanctimoniam post *Demetrium* ad *Alexandrinam* Ecclesiæ gubernationem ascitus est: *Serenus* etiamnum catechumenus pro *Christi* nomine cæsus est: *Heraclides* item martyrii gloriam promeruit, quam & *Heros* adhuc neophytus adeptus est: *Serenus* alter post diros cruciatus

fortiter pro *Christo* toleratos capite plexus est: ut brevitatatis studio taceam cæteros, in quibus fuit *Ambrosius*, quem ab hæresi *Valentiniana* ad Catholicæ doctrinæ lucem reduxit: atque interim scæminas fileam, quæ pro religione Christiana invictos animos præstiterunt, in quibus præ cæteris eluxit *Potamiæna*. Ita adamandus ille *Adamantius*, multos amantes Ecclesiæ genuit, castigans interim corpus suum, & in servitutem redigens, ne forte, cum aliis prædicaret, ipse reprobis efficeretur. Vigiliis enim, jejuniis, chameuniis, nuditate ac laboribus carnem durabat ad omnem patientiam. Hac admirabili vitæ integritate, ac jugibus officiis, cum erga omnes, tum præcipue qui persecutionum sævitia periclitabantur, quamvis ipse nihilominus contemneret gloriam quam pecuniam, tamen & clarum & gratiosum nomen sibi peperit, non tantum apud Christianos, verum etiam apud Ethnicos. Nam eximia virtus etiam impios rapit in admirationem & amorem sui, unde factum est ut complures ad *Origenis* imitationem accingerentur.

Id perpendens *Demetrius* ejus urbis Episcopus, adolescenti jam octodecim annos nato munus arduum ac plane senile delegavit, videlicet, Catechistæ, quod *Alexandria* primus post Apostolos *Pantanus*, secundus *Clemens*, tertius *Origenes* administravit. In hac functione floruit *Origenes* compluribus annis. Catechistæ dicti sunt, quod baptismum ambientibus viva voce traderent dogmata Christianæ religionis: horum discipuli dicti sunt Catechumeni, quos auditores possis appellare. Nomina in hodiernum usque diem manent in Ecclesia, res non item, eo quod infantes tingimur. Superest tamen nonnullum priscae consuetudinis vestigium, cum adhibentur susceptores ac susceptrices, quos compadres & commatres vocant quidam. *Origenes* igitur quod prius furtim ac privato studio gesserat, jam publice ex delegatione cœpit agere. Ad id usque temporis humanas disciplinas non omnino contempserat, sed Mathematicen etiam scire curavit. Verum ubi jam totus ad divini verbi tractationem inflammaretur, Grammaticam scholam negligebat, profanos libros amico cuidam vendidit, hac quidem cautione, ut ille quotidie quatuor obolos annumeraret. Hac ratione provisum est, ut esset unde aleretur, non esset tamen, unde in suspensionem venire posset, quasi congerendæ pecuniæ studio teneretur. Vel hinc æstimare licet quam ille non indulerit delitiis, cui quatuor oboli victum & amictum suppeditabant. Atqui *Paulus* docet jus esse Catechistis, ut Catechumenorum liberalitate subleventur: nec id fugiebat *Origenem*, sed in hoc *Paulinam*, ut ita loquar, superbiam est imitatus, quod noluit uti suo jure, sed ultro etiam oblata ab amicis munera constanter recusabat, ut *ἀδύνατον* poneret Evangelium suum. Atque adeo, si fas est dicere, Apostoli generositatem quodammodo superavit: ille siquidem licet a *Corinthis* avaris & opulentia tumentibus nihil acceperit, ne suam apud illos auctoritatem elevaret, aliorum tamen spontanea benignitate nonnunquam est usus.

Porro quemadmodum *Origenes* in ministerio verbi cæterisque pietatis officiis seipsum quotidie superabat, ita fragrantia boni nominis indies latius diffundebatur, adeo ut per *Alexandrum Hierosolymorum*, & *Theodotum Casarea* Episcopum, quorum id temporis apud *Palastinam* erat præcipua auctoritas, ad Presbyterii honorem sit pertractus (erat enim id temporis magna Presbyterorum dignitas, qui post turbaevilerunt) & in *Clementis* locum surrogatus, hac quidem occasione. *Achaia* Ecclesiæ variis hæresibus vexabatur, ad eas sedandas missus est *Origenes* jam mediæ ætatis, idque sub testimonio Ecclesiasticæ Epistolæ. At dum per *Palastinam Athenas* tenderet, a modo dictis Episcopis apprehensus Presbyter ordinatus est, ut *Christi* negotium majore cum auctoritate gereret. Hoc igitur honoris suscepit summo omnium applausu, prædicantium hoc honoris longe infra viri meritum esse, cujus virtutibus vel summum Sacerdotium deberetur. Hæc populi vox haud leviter momordit animum *Demetrii*, qui humanum quiddam passus (solet enim hæc tinea, etiam

A perfectorum animos pertentare) cœpit in *Origenem* crimina spargere, & Epistolis per orbem disseminatis nominis illius claritatem offuscare. Et quoniam in purissima hominis vita nihil habebat quod reprehenderet, objecit illi puerilem errorem, quod admodum adolescens fervido quodam zelo, sed non secundum scientiam, seipsum exsecuisset, quo libere citraque pudicitiae periculum doceret Evangelicam philosophiam. Fertur & alia quædam Evangelii præcepta juxta sensum historicum observasse, veluti de non habendo duas tunicas, de abjicienda sollicitudine crastini. Quidam tradunt illum sibi medicamentis genituræ stimulos ademisse, quod ego falsum arbitror, ferro res gesta est. B Suspicor hoc esse quod divus *Augustinus* in catalogo hæreticorum refert ex *Epiphania*. *Origeniani*, inquit, a quodam *Origene* dicti sunt, non ab illo qui fere omnibus notus est, sed ab alio nescio quo, de quo vel *Sectatoribus* ejus *Epiphanius* loquens: *Origeniani*, inquit, cujusdam *Origenis*, turpis autem sunt operationis. Isti sunt nefanda facientes, sua corpora corruptioni tradentes. Hactenus *Augustinus*, qui haud scio an *Epiphani* Græca recte intellexerit; Nam *φθελειν* & *φθορά* Græcis tam de violatoribus dicuntur quam de obsecris. *Epiphanius* autem homo virginei pudoris, non ausus est genitalia membra nominare. Et *Augustinus* de *Origenis* castratione nondum acceperat. Sed hujus rei penes lectorem esto judicium. C Ut ad historiæ seriem redeam, hoc factum *Origenes* cœlatum cupiebat, ad *Demetrii* tamen notitiam nescio quo pacto pervenerat, qui tum quidem admiratus in adolescente tam insignem animi virtutem, spiritusque robur, & collaudavit, & Ecclesiæ gratulatus est. Siquidem interdum, sicut in equis ferocioribus, ita ex adolescentium vitiis, præclara virtutum indoles deprehenditur. Error erat, sed in puero ab ardentissimo pietatis studio profectus. Cæterum *Demetrius* quod prius collaudarat, post objecit pro crimine. Hæc mutilatio corporis obstitit, quo minus *Origenes* ad Sacerdotii fastigium eveheretur, ne ad Presbyterii quidem gradum admitendus, nisi vitium hoc latuisset. Atque hodie quidem gnaviger advigilatur ne quis Presbyter ordinetur qui corporis aliqua parte sit mutilus, ne dehonestetur Ecclesia: utinam pari studio advigiletur ne quis ad hoc honoris recipiatur, nisi cui mens sit integra. Mentem turpiter mutilam habet, cui deest sacrarum litterarum cognitio, turpius qui nullo pietatis amore ducitur. Dehonestat Ecclesiam qui corpore luscus est, & non dehonestat qui in cognitione Evangelicæ philosophiæ cæcus est? D Decorat Ecclesiam qui corpore claudus est, & non decorat, qui juxta propheticum sermonem intus utroque pede claudicat, imo totus inclinat in mundum, a *Christo* præter titulum alienus.

E Sed redeo ad spadonem nostrum. Ingravescente invidia cessit quidem æmulorum importunitati, & *Alexandria* reliquit, nusquam tamen fuit sui dissimilis *Adamantius*, ubique lucens, studioque indefatigabili prædicans Evangelium. Non se adjunxit damnatæ Sectæ, quod fecit *Tertullianus*, ex orthodoxo factus *Montani* blasphemi fatelles, contra mentis suæ sententiam appellans eum omnis veritatis deductorem: Neque enim mihi persuaderi potest, hominem tam acris judicii, sic in divinis litteris exercitatum credidisse illum fuisse Spiritum sanctum quem *Christus* promisit Apostolis: nec orbem universum horrendo schismate perturbavit, quod fecit *Arius*, ac ne scripto quidem amariore contendens cum obrectatoribus: sed quod est longe pulcherrimum victoriæ genus, juxta beati *Petri* consilium, maledicis benefaciendo obturavit os. Docuit autem potissimum in *Casarea Palastina*. Illic permultos egregios viros in sacris litteris erudit, in primis *Firmilianum Casarea Cappadocia* Episcopum, a quo fuerat cum omni *Cappadocia* invitatus, qui eum diu apud se tenuit. Is post sub obtentu sacrorum locorum ad *Palastinam* profectus, iterum se *Origeni* discipulum præbuit multo tempore. Instituit & *Theodorum*, qui post ad Episcopi munus ascitus est, præterea *Gregorium*, quem *Σαυματρυγὸν* appellant, opinor, quod miraculis clareret. Item hujus fratrem *Athenodorum*, quem a mundana philosophia ad Evan-

gelicam adduxit, qui & ipse adhuc juvenis ad Ecclesiarum gubernationem evectus est. A *Mammae Alexandri Severi* matre *Antiochiam* accitus est, & ab ea honorifice dimissus est. Hanc *Hieronymus* appellat religiosam foeminam, Christianam non dixit. Quanquam filius illius *Syrus* erat, ac permulta fecit in vita non indigna homine Christiano. Certe *Heliogabalo* patri huius probro datum est, quod *Mosen* & *Christum* quendam haberet in larario suo. Ad *Philippum* autem Imperatorem scripsit Epistolam, qui primus Regum *Romanorum* fuit Christianus: scripsit & ad matrem eius. *Romam* vidit tantum, quam Ecclesiam magnam appellat in quadam Epistola. Id factum est sub *Zephyrino* Pontifice priusquam *Casaream* proficisceretur: moxque *Alexandriam* reversus, *Heraclam* Presbyterum iterum sibi in societatem Catecheseos adjunxit. Hoc diligenter expressit *Hieronymus*, quod quidam sparserant illum ejectum ab Ecclesia sua, primum *Romam*, deinde *Casaream* profugisse, eum nunquam fuerit ejectus. Sed posteaquam *Demetrius* in absentem declaravit hostilem animum, maluit in *Palästina* docere *Christum*, quam *Alexandria* cum furioso Episcopo contendere. *Ambrosium*, quem ut dixi a *Marcionis* errore revocavit ad fidei Catholicæ sinceritatem, habuit *ἱεροδιώκτην*, hoc est, operis pensum exigentem: de quo queritur in Epistola quadam, quod ab illo supra modum urgeretur, adeo ut nec legendi, nec a notariis excepta recognoscendi spatium daretur. Notariorum ars erat, ut quæ dicebantur notulis quibusdam exciperent, tanta celeritate, ut non dictant tantum, sed loquentis vocem assequerentur. Unde Græcis *ταχυγράφοι* dicuntur. Nam erant & *καλλιγράφοι*, qui notulis excepta plenius describerent. *Ambrosius* igitur notarios ac membranas suppeditabat, *Origenes* linguam. Huic a multis hoc vitio datum est, quod moriens amici senis & egeni non sit recordatus. Ex quo liquet *Origenem* ad extremam usque senectutem in paupertate perseverasse, cum tali viro non fuerit difficile ditescere si voluisset. Tantæ erat modestiæ, ut sero passus sit excipi quæ diserebat: tanti studii, ut nunquam cibum caperet absque lectione, indignum ratus deteriorem hominis partem refici, meliore neglecta. Vixit in sanctissimis laboribus usque ad annum ætatis suæ sexagesimum nonum. *Tyri* mortuus est, atque ibi sepultus.

DE DOCTRINA ET LIBRIS EJUS.

SUNT qui tradant *Origenem* fuisse *αὐτοδίδακτον*, sed hæc tenus esse verum arbitror, quod maximam eruditionis partem sibi tradidit. Alioqui legimus illum in philosophia audisse *Ammonium* quendam annis septem, & puer adhuc patrem solebat quæstiunculis quibusdam lacerare. Cum autem esset adeo discendi avidus, non est dubitandum, quin undecunque potuit studuerit aliquid discere, & habebat *Alexandria* viros egregie doctos. Quod si *Augustinus* citra operam præceptoris tantam eruditionem consecutus est, quid sentiendum de *Origenis* ingenio, quale vix unquam habuit docta *Græcia*, felicissimorum ingeniorum parens. Ut autem facilius, ita & felicius discuntur, quæ jam inde a teneris annis percipiuntur. *Origeni* nulla pars ætatis periit a studiis. Beatus *Augustinus* usque ad annum trigésimum sextum a religione fuit alienus, & Catechumenus ac baptizatus nonnihil ætatis in profanis disciplinis contrivit. *Ambrosius* jam adultus a munere civili simul & ad baptismum & ad Sacerdotium arreptus est. Uterque docendo discere coactus est. *Origenis* ingenium sufficiebat ad omnia perdiscendâ, adeo ut qui nihil aliud in vita sectabantur quam Dialecticam, & huius generis reliquas disciplinas, ad hunc deferrent si quid esset perplexæ quæstionis. Quin & clari nominis Philosophi, licet a *Christo* alieni, frequenter in libris suis honorificam *Origenis* fecere mentionem, præceptorem ac magistrum reverenter agnoscetes. Cæterum quantum Voluminum in sacras litteras vel dictarit, vel scripserit, liquido sciremus si existeret Epistola quam *Hieronymus*, ut ipse testatur, scripsit ad *Paulam Eustochii* matrem, in qua recensuit omnia *Origenis* ingenii monumenta, conferens eum cum *M. Varone*, qui & ipse ut undecunque doctissimus, ita pro-

A λυγράφας fuit. Tantum autem fuit studium *Origenem* penitus abolendi, ut ipsos etiam titulos Voluminum extirpare passi non sint. Nunc tantum ea nosse licet quæ Latine versa sunt, aut quæ citantur a veteribus. Et haud scio an nobis expediat, posteaquam ipsi libri interciderunt, titulos quoque sublato esse, videlicet, quo moderatius doleamus. Quæcunque vero reliquit, tripliei discrimine distinguuntur, siquidem alia dicuntur *Scholias*, alia *Homilia*, alia *Tomi*. *Scholias* Latine possis dicere *Oriola*. Quoties ad justam commentationem deerat otium, breves quasdam annotatiunculas locis obscurioribus dictare solebat. *Homilia* recte dixeris *Colloquia*, vir singularis modestiæ, rem magnificam familiari nomine signavit. Ardua planeque regia res est, publice docere populum. At ille sic orationem temperat, ut cum populo conferre videatur. Eas conciones non ipse scripsit, sed a notariis excipi passus est, quod tamen negant illum esse passum ante annum, ut ante dictum est, sexagesimum. Tertium genus ipse vocabat *τόμους*, quos *Tractatus*, sive *Volumina* vertere possis. Eos ipse descripsit: & quoniam scripsit eruditus, abstrusiora quædam mysteria patefecit, tota (ut ait *Hieronymus*) ingenii sui vela pandens. Primi generis nihil extat, secundi permulta supersunt, tertii sunt libri *περί ἀρχῶν*, & commentarii in Evangelium *Matthæi*, licet imperiti hoc opus in *Homilia* fecerint. Jam sunt quædam quæ nullum trium generum comprehendere videantur, veluti Epistolæ, quas multas scripsit ad diversos. Nam quinque libros *Stromateon* nescio an Scholiis ascribere liceat; In his enim varias res commiscuisse videtur, unde a picturatis stragulis nomen assumptum est. Eum titulum a *Clemente* fuit mutuatus. Sed quo in ordine ponemus *Exapla* & *Tetrapla*? Cum enim animum appulisset ad scribendum commentarios in Scripturas divinas, ipsa re comperit id ut oportet præstari non posse, nisi accederet sermonis Hebræici peritia: quod ab his fontibus libri sacri, præsertim veteris Testamenti, primum ad nos emanarunt: ad quos recurrere sæpenumero compellit, vel interpretum dissonantia, vel codicum depravatio, vel sermonis obscuritas. Hac parte ne mutilus esset noster *Adamantius*, aliena ætate, contraque gentis naturam, barbaræ peregrinæque linguæ tædium devoravit: cujus notitiam affectus, non *Septuaginta* modo, sed & aliorum Editiones in unum contulit, puta *Aquila Pontici*, *Theodotionis* & *Symmachi Ebionitarum*, unde *Hieronymus* eos appellat Hæreticos Judaizantes. Ea secta contendit *Christum* fuisse purum hominem. Quorum *Symmachus* scripsit commentarios in Evangelium *Matthæi*, comatus illinc suam confirmare impietatem. Præter hos etiam *Origenes* nihil non perscrutans, quintam, sextam & septimam Editionem adjunxit, quas omnes ita digessit per columnas, ut singulæ vel inter sese vel cum Hebræis conferri possent. Cui operi titulum fecit *ἑξαπλῶν*. Rursus separatim digessit versiones *Theodotionis*, *Aquila* & *Symmachi* cum *Septuaginta*, unde hoc opus appellat *τετραπλῶν* a quadruplici ordine, unde *ἑξαπλῶν* legendum videtur prima vocali aspirata. Atqui constanter habent codices *ἑξαπλῶν* prima exili, quod mihi magis probatur. Nam *Theodotion*, *Aquila* & *Symmachus*, si accedat versio *Septuaginta* cum quinta, sexta & septima Editione, erunt septem ordines, *ἑξαπλῶν* Græcis sonat *exapla*. Itaque *ἑξαπλῶν* dicta sunt a numero columnarum, sed quod res simpliciter absque involucris exponatur oculis. Sed horum mentione quæ non exstant paulisper dilata, de iis quæ nobis supersunt iudicium nostrum proponemus: ubi mihi rogandus est lector, ne protinus mihi tragediam excitet, si quid adferetur quod discrepet a saliva & persuasione quam imbibit. Opinionem meam in medium adferam, quam oportet expendi priusquam damnari. Si excussa displicebit, sinat valere meam, & fruatur sua, ac juxta beati *Pauli* consilium, incolumi amicitia in suo sensu acquiescat.

CENSURA DE HOMILIIS IN GENESIM.

HOMILIAS in Genesim vertit *Rufinus*, non *Hieronymus*: Præfatio resecta est, cum nec *Rufinus* nec *Hier-*

Hieronymus soleant quicquam edere sine prologo. *Ruffinus* autem gravissima suspitione premebatur, quod esset *Origenista*: sub hoc enim titulo *Arianorum* hæresis conata est repullulascere: itaque pro invidioso nomine *Ruffini*, suppositum est gratiosum nomen *Hieronymi*. Hæc nimirum sunt artes Librariorum, submoventium quæ prima statim fronte deterrent emptorem, & affingentium quæ possent allicere. Non mediocrem orexim habet auctoris celebritas. Simili fuco vulgus imponit incautis, pannum ex *Anglia* allatum mentiens, qui nunquam vidit *Angliam*, & pro *Belnenfi* vendentes vinum quod juxta *Lovanii* mœnia natum est. Stilus multum habet perspicuitatis, satisque commode fluit, licet non usquequaque purus: cui virtuti utinam fidem adjunxisset, quam ab interprete requirimus. At hæc libertas, vel licentia potius, addendi, adimendi, mutandi, *Ruffinus* clamant interpretem. Hanc licentiam fatetur usurpasse se in *Leviticum*, in *Epistolam ad Romanos*, in *Historiam Ecclesiasticam*. Quod porro opus ille tractavit unquam, quod non ad istum modum contaminarit? *Gennadius* testatur quicquid *Origenis* versum est, a *Ruffino* versum esse, exceptis iis quæ vertit *Hieronymus*. At is in Catalogo Scriptorum nominatim recensens quæ verterit ex *Origene*, nullam hujus operis facit mentionem, cum, ut ipse testatur, juvenis verterit quædam *Origenica*, opus de Scriptoribus Ecclesiasticis ediderit jam provector. Verum quid opus his argumentis, cum ipse *Ruffinus* in peroratione, quam adjecit Commentariis in *Epistolam ad Romanos*, profiteatur se vertisse *Origenis* in *Genesim*, *Exodum*, *Leviticum*, item in *Jesu Nave*, & in *Librum Judicum*: quamvis non nesciam & illic pro *Ruffino* suppositum *Hieronymum*, sed nimis impudenter, ut mox docebimus.

DE HOMILIIS IN LEVITICUM.

IN ea peroratione quam mox citavi, fatetur se has *Homilias* vertisse liberius, hoc est, multa quæ dicit defuisse, de suo attexuisse. Ea temeritas tolerabilior est, cum nominatim indicat quid sustulerit, quid adjecerit, quemadmodum fecit in *Historia Ecclesiastica*, cui detraxit *Librum ix.* & in ejus loco suas narrationes infulsit. At qui legit hoc opus, & enarrationem *Epistolæ ad Romanos*, incertus est utrum legat *Origenem* an *Ruffinum*. Hac arte vir gloriæ cupidus, putavit se reperisse viam, qua vel invitis omnibus tereretur manibus hominum.

DE JESU NAVE.

HIC crevit Bibliopolarum audacia. In totius operis frontispicio sat habebant pro *Ruffino Hieronymum* supponere, revulsa Præfatione. Hic affinxerunt Præfationem, sed adeo frigidam adeoque ineptam, ut nullo certiore argumento possit persuaderi, hæc ab *Hieronymo* non esse versa. Homines suaves existimarunt neminem addubitaturum, posteaquam ad *Chromatium* inscripta esset Præfatio, ad quem interdum scripsit *Hieronymus*. Vide vero mihi candide lector, quam *Hieronymiane* compellet suum *Chromatium*: Et tu, inquit, o mi semper venerabilis *Chromati*. Quanquam tota Præfationis sententia talis est, ut cuius operi possit aptari, quod *Procemii* genus *Rhetores* appellant vulgare. Ne commemorem quod hanc ipsam sententiam impostor ex *Hieronymi* scriptis sublectam infusa garrulitate dilatavit. Atque interim *Hieronymum* pariter & *Chromatium* facit stultum: *Chromatium*, qui cum injungat ac præcipiat, non tamen designat, quid, ex quo auctore, quas ob causas verti cupiat, tantum jubet, ut aliquid ex Græcorum opibus donet Latinis auribus, quasi id nunquam fecisset *Hieronymus*: *Hieronymum*, qui nullam adferat causam, cur hoc opus *Origenis* vertendum suscepit. An non hoc videtur esse simile joco *Terentiano*? apud quem *Pamphilus* cupiens quocunque prætextu ablegare servum curiosum & garrulum, jubet abire in portum & convenire hospitem *Myconium*, *Servus* autem respondit, numquid velit illi dici, an tantum, inquit, conveniam? Ita *Hieronymus* respondere poterat *Chromatio*, Nihil ne refert quid unde vertam, doctum an indoctum, pium an impium, tantum vertam? Nec in tam longa Præfa-

A tione verbum ullum admiscet quod ad operis commendationem intelligentiamve pertineat. Omitto nunc sollocismos ac sermonis ineptias. Ait *Origenem* eas orationunculas ex tempore declamasse, quasi vir ille, quem *Athanasius* non semel appellat omnium diligentissimum, non attenta cogitatione præparatus ad dicendum accesserit, aut quasi quicquid apud populum dicitur ut a notariis excipiat, ex tempore dicatur. Quam vero dure & obtorto, ut ajunt, collo *Beselehelis* illic infulsit mentionem, quam frigidis allegoriis interpretatur ea quæ offerebantur ad templi structuram. Quam belle & illud dictum est, vim sensuum oratio sermonis inculti exasperat, pro eo quod erat, oratio incultior facit ut minus placeant sensus. Tibi, inquit, reputa, pro imputa tibi ipsi. Quam apte quod apud hunc *Hieronymum*, se facit indoctum ad vertendum Græca Latine. Non usque adeo sibi displicuit *Hieronymus*, quin potius in hac parte studiorum aliquoties sibi vindicat auctoritatem. His adjiciam quod ut *Hieronymus* in Catalogo Scriptorum nullam hujus operis facit mentionem, ita *Ruffinus* in peroratione, quam paulo ante citavimus, proficitur se hujus libri sequentis *Judicum* interpretem; & quod mireris, negat se hic quicquam addidisse, aut detraxisse, sed bona fide quod in Græcis codicibus invenit Latinis auribus tradidisse. Hæc pluribus inculcare visum est, ob morosa quorundam crassaque judicia, qui nimium tribuunt quibuslibet titulis ac præfatiunculis. Hujusmodi næniæ ab impostoribus obtruduntur studiosis, & falluntur parum attenti, & nobis indignantur qui monendo Lectoris oculos expregfacimus.

DE COMMENTARIIS IN JOB.

DE TRIBUS in *Job* libris mox aperiam quid sentiam, illud ipsa res loquitur, Præfationem esse cuiusdam locutulei, nec docti, nec verecundi, nisi pudoris argumentum interpretemur, quod nec suum nomen appoluit, nec alienum supposuit, suppresso & illius ad quem scribit nomine, tantum ait, lecta hac præfatione perspicuum fore quis fuerit operis interpres. Et tamen omnino vult hanc Præfationem legi, priusquam aggrediari commentarios, cum ea nihil habeat quod ad operis intelligentiam viam muniat. Addit ab aliis ante versum fuisse Latine, seu ut ille loquitur, in *Latinum*, sed non sermone Latino. Hic igitur secundus interpres addidit elegantiae flosculos. Atqui nec hujus Præfationis artifex novit Latine, quæ tota nihil aliud est, quam mera miseraque balbuties; & qui commentarios scripsit, tamen in suo dicendi genere facundus est, tamen perspicuum est, quod eloquentiam suam non didicerit ex libris *M. Tullii*, sed e Scriptoribus Ecclesiasticis. Jam quid absurdius illa comparatione medici & interpretis, qua sibi tamen mire videtur placere. Obsecro te, Lector, quæ fuit illius seculi, vel ruditas, vel oscitantia, cum hujusmodi deliramenta litteratis pariter & illitteratis obtruderentur.

E De prologo hactenus, ex cujus ineptia primum illud palam est, Librarios nobis voluisse facere fucum. Nunc de opere loquar. Sunt quædam leves conjecturæ, quibus adductus, suspicari possit aliquis, hos commentarios ex *Origene* versos, licet non ab hoc prologista. Prima est, quod ex *Epistola Hieronymi ad Pammachium & Marcellinum*, constat *Origenem* scripsisse in *Job*, quanquam & apud Latinos aliquot scripserunt in *Job*. Altera est, quod hic testatur se scripsisse in *Genesim*, in quam scripsit & *Origenes*. At is quidem non solus. Habet in disserendo nonnihil *Origenicum*, quod libenter submovet litteram quo locum faciat allegoriæ: Veluti *Job* dicitur *עֲיָרָא*, quod *Hieronymus* vertit *magnus*, hic legit, fuit de genere optimo: negatque illum ex bonis prognatum, & inducit nobis multas virtutum species unde prognatus sit *Job*, ex majoribus nimirum optimis. Atqui *optimi* vocabulum non refertur ad mores, sed ad fortunam: unde & *optimates* dicuntur, non qui moribus sunt laudatissimis, sed qui nobilitate generis, opibus, ac dignitate præminent, quanquam nihil vetat etiam illic fuisse bonos aliquot. Dixit quæ videri possent illi cum *Origene* convenire, e quibus quam frivolæ sint conjecturæ nemo non videt. Nunc accipe in quibus *Origeni* dissimilis est.

Omnia

Omnia plena sunt battologiis, hoc est, ejusdem sententiae repetitionibus, quarum pleraque frigida sunt & otiosa. Quo dicendi genere delectatus est *Fulgentius*, vir alioqui disertus. Hoc certe non est *Origenicum*. Præterea toties repetit locum quem exponit, veluti gradum jaciens ad reliqua adjicienda: verbi causa, *fuit homo*, frequenter iterat, aliquid dicturus de homine. Hoc docendi genus non improbo: quo si quando utitur *Origenes*, moderatius ac dexterius utitur, in quo nihil ineptum aut redundans. Hic quantum temporis absumit, dum personis affingit sermonem, dumque ad Diabolum facit apostrophas. Verum ne longius sermonem traham, per me quidem suo quisque judicio indulgeat, ego sentio auctorem fuisse Latinum, & Latine scripsisse, virum in divinis Scripturis pulchre exercitatum, & ad docendum oratione fusa non vulgariter appositum, sed *Arianum*. Id non obscure deprehenditur in quo hæc scribit: *Trias*, inquit, *cornua facit Diabolus in typum atque figuram trionymia illius secta, triumque Deorum hæresis, qua universum orbem terrarum modum tenebrarum replevit, qua Patrem & Filium & Spiritum sanctum aliquando ut tres colit, nunquam unum adorat, quemadmodum Græcorum Lingua memorant, Triada vel homousion. Istam ergo Trinitatis sectam & hæresim atque infidelitatem jam olim designans versuissimus ille Diabolus, tria cornua misit ad Job, &c.* Quod ait *Trionymia Secta*, referri poterat ad *Noëtianos* & *Sabellianos*, qui tradunt in divinis unicum esse personam, sed quæ tribus nominibus appelletur. Pater est, dum condit ac gignit omnia. Idem mutato nomine carnem assumpsit, & passus est pro redemptione humani generis, videlicet jam Filius. Rursus idem venit in Apostolos, jam Spiritus sanctus. Verum hæc Secta nunquam replevit totum orbem terrarum. Ad hæc, quæ sequuntur, non patiuntur ista de *Sabellianis* intelligi: nec enim illi profitebantur tres Deos, quod nulla unquam docuit: sed hoc *Ariani* falso objiciebant orthodoxis, eo quod tres Personas adorarent, quarum unamquamque profitebantur esse Deum. Jam quod addit Græcorum Lingua dici *Triada & homousion*, in nullos alios dictum videri potest, quam in orthodoxos ab *Arianis*, qui in Deitate negabant Trinitatem, & *homousii* verbum execrabantur: ne *homousii* quidem vocabulum ferebant, quod negabant simplicissimam Dei naturam esse communicabilem, & in rebus creatis nihil esse Deo simile. Idem facit & alibi mentionem Patris, Filii, & Spiritus sancti, sed ut hinc quoque possis *Arianum* agnoscere. Soli enim Patri tribuit cognomen Dei. Fidei summam proponens hunc in modum loquitur: *Omnia*, inquit, *gratis faciunt, si non in fide fecerint: sine causa agunt, nisi in agnitione unius ingeniti Dei, Patris, & in confessione unius unigeniti Filii ejus Domini nostri Jesu Christi, & in illuminatione Spiritus sancti gloriosi ac venerabilis paracleti, &c.* Vides ut soli Patri addat nomen Dei, & hunc solum dicat ingenitum, quod solus non habuerit initium: nam hoc verbo ambiguo conabantur simpliciter imponere: Filium Dominum appellat, Spiritum sanctum venerabilem, gloriosum & paracletum. Ex his opinor satis liquet fuisse *Arianum*, ex quo consequitur auctorem non fuisse *Origenem*, post cujus ætatem exorta est *Arianorum* secta. Stilus convenit cum commentariis in *Matthæum*, quod opus appellant imperfectum, & *Chrysostomi* titulo ferebatur, cum ex ipso opere declaraverimus eum fuisse *Arianum*: in quo cum multa mutassent qui lectori volebant obtrudere, quædam illos fefellerunt unde proderetur *Arianus*. Ego suspicor auctorem fuisse *Maximinum* Episcopum, cujus exstant cum beato *Augustino* Episcopo disputationes. Nam & ille cum *Augustinus* urgeret argutis dialecticis, perpetua dictione qua valebat, tempus eximere maluit. Fuisse Latinum, imprimis ipse operis gustus indicat; Vix enim quisquam ita commode vertit Græca, ut oratio Latina non sapiat alicui suam originem. Interpretatur interdum Græcas voces, sed ita ut Latinum agnoscat: veluti cum docet nos quid & qualis sit adamantus. Opus est imperfectum, tantum enarrat limen operis, quod a *Mose* putat additum, & initium sermonum *Job*, sed non videtur longius prosequutus, Id arguit tertii libri clausula. Nec

A video quis fuisset finis, si ad consimilem modum singula voluisset excutere. Opus est lectu dignum, atque utinam haberet Ecclesia multos tales Episcopos, excepta impia opinione.

DE COMMENTARIIS IN TRES PSALMOS.

DE Hoc opere sum ancipiti sententia, vix refert *Origenis* ingenium ac phrasim, propius accedens ad phrasim *Chrysostomi*. Suspicio enim qui scripsit fuisse Latinum, aut si vertit *Ruffinus*, more suo quod alienum erat fecit suum tractando, hoc est, contaminando. Nec ipse qui præfatur profitemur se has Homilias ex *Origene* vertisse. In peroratione quam adjecit Commentariis in Epistolam ad *Romanos*, testatur se has Homilias simpliciter vertisse, ut habebantur apud Græcos, nec illic exprimit nomen auctoris. Sunt autem quædam dure, quædam frigide interpretata, quædam aliena & ascititia. Durum est, quod interpretatur, *Noli amulari in malignantibus, noli malis præbere mali occasionem*: cum juxta Scripturæ consuetudinem, potius videatur eadem sententia repetita. Nam præpositio, *in*, addita est ex proprietate sermonis Hebraici, sic in proximo versu duplicatur sententia: *Quoniam sicut fenum cito arefcet, & sicut olera herbarum cito decident*. Ex consequenti aliena quæ sunt multa congerit ex Deuteronomio, & *Paulo*, de παραζηλῶ; Hic enim verbo passivo est usus μη παραζηλῶ, quod aptius reddi poterat, *noli ad invidiam sive ad emulationem provocari, & noli mirari malos*. Nam & hoc Græcis sonat ζηλῶν. Quæ vero miramur, ea nitimur imitari. *Noli invidere, noli mirari malorum felicitatem, quoniam inanis est, & mox evanescet. Sed vere felices sunt, qui spem suam fixerunt in Domino, ab hoc vere sunt divitiæ, vere delicia*. Divus *Hieronymus* μη παραζηλῶ vertit, *noli contendere*, vehemens æmulandi studium contentionem appellans. Frigidum est quod interpretatur, *non gentem*, non unam nationem ad fidem vocatam, quemadmodum Judaicæ genti data est Lex, sed ex omnibus aliquos vocatos: cum Scriptura *non gentem* appellet gentem contemptissimam, ac veræ religionis expertem, quemadmodum *Paulus* appellat *non entia*, qui juxta mundum pro nihilo habebantur, ignobiles, egenos, humiles, illitteratos. Sunt alia consimilis farinae, quæ non persequor ne sim prolixior. Hæc exempli causa sat est indicasse. Jam Præfatio videtur inani-bus & male coherentibus sensiculis confarcinata. Primum cujus obsecro frontis est, profiteri se vertisse e Græco, nec indicare auctorem unde verterit? Tum ita narrat has Homilias a se velut in unum corpus digestas, quasi ipse digessisset, non auctor. Atqui id non est interpretis. Mox totum hoc opus dictionem appellat, ne quis suspicaretur non fuisse Homilias. Suspicio enim *Ruffinum*, aut si quis fuit alius, hæc vertisse liberius e commentario perpetuo, atque hunc in Homilias disse-cuisse. Id ne quis deprehenderet, suppressit auctoris nomen. Tandem metuit, ne *Aproniani* soror irascatur ipsius operi, si id semper laboriosum intellectui suo pro asperitate sentiat quæstionum: *asperitatem* dixit pro difficultate: & ita loquitur, quasi ipse nihil soleat scribere non insigniter subtile. Interim non excutio, quam Latine dixerit, *præstabit quod*, pro præstabit ut: nec quod opus suum appellat, cujus se profitemur interpretem, ac perinde loquitur, quasi ipsi debeatur expositionis perspicuitas, ac non potius auctori. Annecit perbellam sententiam: *quia nec corpus*, inquit, *humanum ex solis potuisset nervis ossibusque constare, nisi eis divina providentia vel molliem carnis intexuisset, vel blandimentum pinguedinis*. Sentit, opinor, hanc expositionis facilitatem esse carnem & pinguedinem operis, quæstionum difficultatem esse nervos & ossa. Quanta balbuties verborum, quanta sensus ineptia? Vix arbitror *Ruffinum* esse tam infantem, qui si minus arte, certe natura fuit facundus. Quod si quis contendat, *Ruffinum* non esse alienum ab ineptiendo, huic non admodum repugnabo, modo fateamur operis genium non referre *Origenicam* felicitatem.

Tom. VIII.

Ee

De

DE QUATUOR HOMILIIS IN CANTICUM CANTICORUM.

DIUVS *Hieronymus* fatetur se vertisse duas *Origenis* Homilias in Canticum Canticorum, a commentario vero, quem *Origenes* scripsit in idem Canticum, sublimitate mysteriorum, ac profunditate rerum, atque etiam sumptuum & laborum magnitudine, fuisse deteritum quo minus aggrediretur. Inter opera vero *Hieronymi* ferebatur & hic commentarius, cum nec *Origenis* sit, nec *Hieronymi*, sed hominis Latini, pulchre docti, ac bene disert. Græcum non fuisse vel hinc colligas licebit, quod in prologo citat Græcos velut alienos: cum apud Græcos, inquit, qui eruditi ac sapientes videntur. Idem liquet ex interpretatione amoris, caritatis, dilectionis, & cupidinis. Suspicio esse cujus exstant Libri *Devotione Gentium*, & commentarii in aliquot Psalmos. Quoniam autem is ob modestiam suum nomen apponere noluit, Librarii præfixerunt nomen *Ambrosii*. Nec sunt Homiliæ, quemadmodum distinxerunt Librarii, sed perpetuus commentarius imperfectus. Non enim excessit duo Cantici capita.

DE VISIONE ESAIÆ.

BEATUS *Hieronymus* in Catalogo Scriptorum Ecclesiasticorum, fatetur se hoc fragmentum vertisse ex commentariis *Origenis* in *Esaïam*: demiror autem nullam esse præfixam Præfationem, cum vir ille sæpe numero præfatur ubi præfatione non est opus: hoc fatebitur esse verum, qui legerit Præfationes, quas singulis Libris apposuit, quibus enarrat *Esaïam*. Ne in *Hieremiam* quidem præfatur, tametsi Prologus in *Ezechielem* meminit superioris versionis. Ego suspicio Prologos fuisse sublato ab his ad quos scripserat, posteaquam *Origenis* nomen factum est *Romanis* vehementer invidiosum: & verisimile est in his Prologis magnifice prædicasse *Origenis* ingenium, quod idem facit in Prologo quem præfixit commentariis *Origenis* a se versis in *Ezechielem*, appellans illum, secundum post Apostolos magistrum Ecclesiarum. Illic & nomen ejus ad quem scribit sublato est, ne *Hieronymi* quidem nomen appositum est. Dubium tamen non est hanc Præfationem esse *Hieronymi*, quod ex hac *Ruffinus* objicit *Hieronymo*, quod *Didymus* appellavit suum *Videntem*. *Videntes* Hebræi vocant *Prophetas*, & *Didymus* oculis captus erat.

DE COMMENTARIIS IN MATTHÆUM.

DE commentariis in *Matthæum* nihil dicam, quod his adjecerim propriam Præfationem.

DE HOMILIIS IN LUCAM.

DUBIUM non est quin xxxix. Homilias in *Lucam* verterit *Hieronymus*, quod ipse palam in Præfatione profitetur. In Catalogo tamen ita facit hujus operis mentionem, ut magis videatur ex *Didymo* vertisse. Cum enim *Origenis* mentionem jam dudum reliquisset, post hunc in modum loquitur, De Spiritu sancto *Didymi*, quem in Latinum transtuli, Librum unum, in *Lucam* Homilias triginta novem, in Psalmos a decimo usque ad decimum sextum tractatus septem. Captivi Monachi vitam &c. Quibus ex verbis nihil aliud intelligi potest, quam aut esse *Hieronymi* hoc opus, aut ab eo versum ex *Didymo*. Hoc utrum casu an studio factum sit, nescio. Nusquam in Homiliis *Origenes* tam concisus est, quam in his. Dein cum in cæteris nihil habeatur erroris, hic multa sunt vel suspecta vel damnata. Subindicat autem, hoc opus parum fuisse elaboratum, ut ab *Origene* juvene profectum: se vero in vertendo nihil immutasse, sed ut apud Græcos habebatur transtulisse: simul & *Origenem* excusans, & a sese culpam amolicens. Ætati debetur venia, interpreti nihil potest imputari, qui non profert sua, sed bona fide reddit aliena. Jam non difficilis est conjectura, quo consilio nomina eorum, ad quos scripsit *Hieronymus*, sublata sint.

DE HOMILIIS IN DIVERSOS.

IN his constat quasdam esse non *Origenis*, sed hominis Latini, reliquas a *Ruffino* impudenter contaminatas.

DE COMMENTARIIS IN EPISTOLAM PAULI AD ROMANOS.

HIC Librarii magnifice perficere frontem, & in peroratione pro *Ruffino* *Hieronymum* supponentes, hoc est, vitrum pro gemma Lectori obtrudere conantes, & hætenus sane tefellerunt incautos. Nam præfatio poterat utcumque videri *Hieronymi*, sed in peroratione quasi sorices suo se produnt indicio. Post hoc, inquit, sane vocat nos opus quod olim quidem injunctum est, sed nunc a beato *Gaudenzio* Episcopo vehementius perurgetur, *Clementis* scilicet *Romani* Episcopi Apostolorum comitis: quorum ut successoribus darem cognitionem, Libri a nobis in Latinum vertuntur &c. Hic locus erat eradendus; si voluissent nobis persuadere hujus operis interpretem esse *Hieronymum*. Constat enim tum ex *Gennadio*, tum ex ipsius *Ruffini* præfatione, quod *Ruffinus* verterit *Clementis* recognitionum libros, non *Hieronymus*, & ad hunc *Gaudentium* alias quoque scribit *Ruffinus*. Nihil igitur agunt Librarii toties inculcantes nomen *Hieronymi*, imo hæc inculcandi sedulitas augeat suspicionem fuci. Sic enim superius legitur, Ajunt enim mihi: in his quas scribis quoniam plurima tui operis habentur, da titulum nominis, & scribe, *Hieronymi*, verbi gratia, in Epistolam ad Romanos explanationum libri. Sub finem perorationis ita loquitur, Nam *Hieronymi* ne putetur *Clemens* scribetur &c. Est & illud nonnihil argumenti quod in gratiam *Ursatii*, cujus jussu suscepit hunc laborem, vertit *Regulam Basilii*: & in gratiam *Gaudentii* cujus hic meminit, vertit *Clementem*. Jam ut de phrasi nihil dicam, quis unquam objecit *Hieronymo*, quod ea quæ vertit, truncavit, auxerit, immutavit, & ex alieno opere suum fecerit. *Ruffino* peculiaris est ista temeritas, cujus unicum studium fuisse videtur omnes illustrium auctorum libros attrectando contaminare. Non pudet illum in hac peroratione fateri se Homilias *Origenis* in *Genesim*, *Exodum* & maxime in *Leviticum* sic immutasse, ut quæ ille ædificandi studio populariter dixit, ipse explanandi specie transfunderet. Argute vero distinxit ædificationem ab explanatione, quasi non & explanatio spectet ædificationem auditorum. Quæ porro deerant in Homiliis ab ipso supplenda? Quæstiones inquit pulsatae & relictæ. Atqui tales adhuc exstant in Homiliis quas vertit. Sed fac supplere, unde supplevit? ex suo ingenio? Non est verisimile, sed ut arbitror ex *Tomis Origenis*, in quibus tractat exactius, quæ apud populum loquens differebat, vel quia nolebat auditores prolixiore sermone onerare, vel quia rudibus ac parum attentis nolebat illa retrusiora ingerere. Quod dico ipse fatetur præfans in libros *πρὸς ῥωμ.* An protinus ibi defectus est, ubi aliquid potest addi? Cur igitur non supplevit *Origenis* Scholia, cur ex Homiliis, quibus *Origenes* loca quædam delecta exponit, fecit perpetuos commentarios? In suo quodque genere plenum est, in quo præstitit auctor quod proposuit ac promisit. Hætenus ad perorationem. In Præfatione vero sic loquitur: Desunt enim fere apud omnium Bibliothecas, incertum sane quo casu aliquanta ex ipso corpore Volumina &c. Quid? an ille lustrat omnes omnium Bibliothecas: sed caute addidit fere. Quod si in aliquot Bibliothecis non deerant Volumina, cur de suo supplere maluit, quam ex illis adjicere? saltem indicasset ea Volumina, ut sciremus quid esset *Origenis*, quid *Ruffini*. Addit, quod est omnium impudentissimum, se totum hoc opus ad dimidium prope contraxisse. Quis ferat hunc, tantorum virorum monumenta, ac pretiosas Ecclesiæ divitias pro sua libidine detruncantem, augmentem, immutantem. In Ecclesiastica Historia nonum librum contaminavit, in hunc ex decimo quæ videbantur transferebat: quia minimum, inquit, habuit de rebus gestis, in panegyricis Episcoporum tractatibus occupatus. Atqui quod *Eusebius* vir eruditissimus operæ pretium judicavit scribere, nobis operæ pretium fuisset legere. Quod si *Ruffinus* habebat aliquid de rebus ætatis suæ, poterat separatim nulla *Eusebii* injuria vel viginti condere Volumina. Sed metuuit sibi, eoque *Coccycis* in morem pullos suos supponit in nidos alienos. Nec sui dissimilis fuit in vertendis Libris *πρὸς ῥωμ.* Quædam submovit ac pro his alia supposuit: quædam obscurius dicta, ex aliis *Origenis*

genis Libris reddidit explanatoria: nec indicat quæ sint illa quæ submovit, aut quæ sint quibus lucem addidit. Olim theatrici clamabant, contaminari non decere fabulas, multo minus decet illustrium Ecclesiæ Doctorem contaminari libros. Frequenter nobis inculcat, quod ista omnia dictarit, in hoc *Origenem* referens. Meo iudicio etiam si caput subinde scabens, pluteum cædens & arrodens unguis adlaborasset, vix potuisset aliquid dignum eruditis auribus excudere. Et hic *Gennadio* laudatur absque exceptione, & non minima pars Doctorem Ecclesiæ prædicatur, cum *Hieronymus* & *Augustinus* tantas Ecclesiæ columnas non sine suggillatione commemoret. Atque utinam exstarent Græca *Origenis* monumenta, quo *Ruffinus* artes possemus deprehendere. Debemus tamen illi, quod aliqua nobis *Origenis* fragmenta supersunt, sed longe plus debitori, si qua deiecit fide, rem gessisset. Ex his satis arbitror liquere his commentariis per fucum a Librariis *Hieronymi* nomen, pro *Ruffini* præfixum esse, tituli lenocinio allicientibus emptorem. Quod idem factum est in Symbolo. Eum enim librum in *Cypriani* nomen transfulerunt, sed ita multis commutatis, ut ipsa res clamitet non casu sed de industria factum esse.

DE HIS QUÆ DESIDERANTUR.

PORRO jam perquirere quam multa *Origenis* opera nobis interierint, quid aliud sit, quam studiose refricare dolorem nihil profuturum. Nullam enim Scripturæ partem ille prætermisit in quam non scripserit vel Scholia, vel Homilias, vel Tomos, vel utrumque. Præter Homilias scripsit Tomos duodecim in Genesim: Præfatio citatur a *Pamphilo* in Apologia. Nec enim consuevit præfari in Homiliis. Item in *Job* teste *Hieronymo* in Epistola ad *Pammachium* & *Marcellinum*: præterea in Psalmos usque ad vigesimum, e quibus *Hieronymus* profitetur se vertisse a tomo decimo usque ad decimum sextum. A *Pamphilo* citatur in proverbialia *Salomonis*. *Hieronymus* præfatus in xxxix. Homilias quas edidit in *Lucam*, refert illum triginta sex tomis exposuisse *Matthæum*, quinque *Lucam*, triginta novem *Joannis* Evangelium. In hunc putant eum scripsisse adhuc *Alexandria* versantem. A *Pamphilo* citatur *Origenes* in Epistolam *Pauli* ad *Titum*, item in Epistolam ad *Hebræos*: citatur tertius liber in Epistolam ad *Colossenses*. In tertiam *Esaiæ* partem usque ad descriptionem quadrupedum in deserto, sunt tomi triginta. In *Ezechielem* tomi viginti quinque. Hæc edidit anno sexagesimo. Reliquit libros decem *σπυριατόν*, quorum tertium citat *Pamphilus*, & horum frequenter meminit *Hieronymus*.

DE RATIONE DOCENDI ET PHRASI ORIGENIS.

QUOD *Horatius* scripsit de Græcis, id optimo jure potest ad *Adamantium* accommodari.

Origeni ingenium, Origeni dedit ore rotundo.

Πνεῦμα loqui, præter Christum nullius avaro.

Aduit illi mira facultas ex tempore dicendi, & in obscuris etiam rebus magna dictionis perspicuitas, nec deest breuitas quoties id res postulat, certe ubique currit sententia, nec se impedit verbis lassas onerantibus aures. Nusquam cothurno attollitur, quod *Hilario* tribuit *Hieronymus*, quem ait ea de causa simplicium fratrum lectione procul esse: nec ascititiis & e longinquo petitis ornamentis extendit volumen, quod interdum facit *Hieronymus*: nec salibus ac dictariis risum mouere studet auditoribus, quod sæpenumero facit *Tertullianus*, & hunc plus satis imitans *Hieronymus*: sed perpetua quadam dictionis hilaritate non finit auditoribus obrepere somnum. Nec affectat Rhetorum flosculos, argutas sententias atque epiphonemata, quæ plerumque e declamatoria schola in qua a puero versatus fuerat refert *Ambrosius* ac *Hieronymus*. Nec gaudet verbis inusitatis remorari lectorem, ut *Tertullianus*. Nec crebris digressionibus tempus eximit, ut in tractatibus apud populum sæpe facit *Augustinus*. Nec superstitiosus est in orationis structura, membris incisis & periodicis sententiam absolvens, a quo non abhorret noster *Gregorius*, non quod affectarit opinor, sed quod his puer assueuisset.

A Nusquam hic occurrent *ὁμοιοπύκτα* & *ἰσομετέλευτα* quibus delectatus est *Augustinus*. Gentium testimonia nusquam adhibet nisi quoties id res ipsa flagitat: cum nulum auctorum genus non exacte tenuerit, quemadmodum disciplinas humanas omnes, nusquam tamen molesta est ostentatio, quæ nobis obstreperit in quorundam Scholasticorum libris, in quibus tertio quoque versu inculcatur Philosophus, e divinis Voluminibus raro adducuntur testimonia eaque parum feliciter: sed totus hujus sermo sacrorum Voluminum sententiis undique ceu gemmeis emblematis distinctus est, sed adeo commode & in loco insertis, ut nihilo secius currat oratio: dicas esse non ascita, sed ibi nata, nec aliunde quæsitæ, sed sua sponte præsto esse. Nec interfecat orationis fluxum ambitiosa citandi locos diligentia. Ad quædam enim gratior est allusio quam citatio. Adde, quod populus eo seculo magis agnoscebat Scripturæ verba, quippe divinorum Voluminum lectione exercitatus. Tum enim & textores & texitrices domi sacros codices habebant, quos festis diebus aut quoties erat otium, habebant in manibus. Nec opus erat alia lingua ad horum intelligentiam præter eam qua vulgus illiteratum utebatur. Ea lectio certe hoc adferebat commodi, quod in Templis dociliores sedebant exponenti Scripturæ mysteria. Res ipsa clamitat *Origenem* universam Scripturam canonicam sic memoria tenuisse, ut vix nostrum quispiam expeditius teneat unguis digitosque suos. Tantum valet labor improbus, tantumque habet momenti a teneris unguiculis aliquid imbibisse. *Horatius* putat dandam veniam, si operi longo somnus obrepat. Verum *Origenes* præter quotidianas ad populum Homilias, tot dedit volumina, nec usquam sentias illum dormitasse, aut delassatum fuisse. Ubique alacer est, ac vividus, ubique fervet. Amabat quæ loquebatur, & de rebus amatis etiam cum voluptate loquimur. Hinc est illa perpetua viri alacritas viresque semper integræ.

C Apparet ex Homiliarum modo apud populum nunquam ultra horæ spatium produxisse sermonem, sæpe intra semihoram absolvisse. Non ignorabat quantum esset laicorum fastidium, quorum plerique vix adduci poterant, ut mallent in Templis audire Sacerdotem de rebus cælestibus differentem, quam mimum aut histrionem in theatro obscœna & animæ pestifera nugantem. Consultius itaque judicabat, crebro docere, quam diu. In reprehendis moribus ubique meminit Christianæ moderationis, nusquam exandescens in tragicas exclamations, memor se Homilias profiteri, quod est familiaritatis vocabulum, non Censoriæ severitatis. Habet tamen interdum aculeorum & acrimoniarum fatis, amarulentiarum nihil. Crebro cum durior est objurgatio, suam personam annumerat his quos reprehendit. Nec traducit domesticas hominum sordes, & arcana crimina, quod facere solent quidam indocti, qui ex secretis confessionibus contextunt suas conciones, non sine suggillatione sexus, status, aut ordinis, vix a personis ipsis temperantes. *Origenes* nulla objurgatione crebrius utitur, quam quod populus rarus accederet ad audiendum verbum Dei, & illi ipsi qui adessent oscitantes audirent, quod summa cum aviditate accipere oportuit, recte judicans hinc esse præcipuum pietatis profectum aut defectum.

D Ubilectio prolixior est & involutior, veluti quæ *Moses* tradit de generibus ac ritibus sacrificiorum, de exploranda lepra, de consecratione Sacerdotum ac Levitarum, non prosequitur singula, ne sit auditoribus tædio, sed incredibili dexteritate quædam ita proponit, ut ex his totius argumenti summam auditor intelligat.

E Aggressurus argumentum perplexum, involutum, & ob hoc inamœnum, miris exordiis sternit viam auditori, ac lucem quandam ostendit, quæ persuadeat facile percipi posse, quæ videntur impedita, ac plurimum habere tum utilitatis, tum voluptatis, quæ videbantur inamœna & otiosa. Ipsam historiam frequenter sic distinguit & explanat, atque in compendium redigit, ut auditor res apud *Mosen* involutas, facillime & intelligere & meminisse valeat. Plerumque est inquirenti ac laboranti similis, interdum prope desperanti, ut auditoris ani-

num ad idem inquirendi studium excitet, ac secum quodammodo circumducat suspensum & attentum. Interdum orat ipse petitque auditorum precibus adjuvari, eisque spem præbet ab ipsis sublimiora posse reperiri, si intendant animum.

Nullis utitur exordiis alienis, sed aptis ac necessariis, festinans & in medias res auditorem rapiens.

Ordinem fere hunc sequitur. Historiam explanat dilucide, breviterque quoties res postulat, mox excitat auditorem ad sensus reconditoris allegoriæ, proxime tractat locos morales. *Paulum* hac in parte secutus, qui in primis Epistolarum suarum partibus differit sublimio-

ra, quibus expeditis, descendit ad morum vitæque institutionem. Allegorias autem non petit a Philosophis aut Hebræorum Talmud, aut Cabala, aut ex proprii capitis somniis, sed ex ipsis Scripturis, loca cum locis conferens. Quod si qua allegoria videatur auditoribus prima fronte durior, præmolit eam ex ordiolo. Nusquam diutius immoratur, quam opus est, ubique vitans tædium. Nam in locis moralibus *Chrysostomus* pene immodicus est; Ac præterquam quod ipsa phrasis vivida, distincta ac dilucida non finit obrepere tædium, ipsa etiam brevitate vitat fastidium.

DESIDERIUS ERASMUS ROTERODAMUS PIO LECTORI S. D.

Neptum fortassis alicui videbitur, in tam vasto tot voluminum Origenicorum naufragio, unius fragmenti jacturam deplorare. Hoc enim perinde sit, ac si quis cui navis pretiosis mercibus onusta perisset, unius pallii damnum defleat: quanquam ego sic affectus sum ut cum de tam gravi jactura non queam non discruciari, ea tamen majore cum dolore desiderem, quæ scripsit in Novum Testamentum, in quo litterarum Hebræicarum præsidio non perinde egebat, nec toties in rebus obscuris ad dubias allegorias fuit confugiendum. Nusquam Origenes non ardet, sed nusquam est ardentior, quam ubi Christi sermones actusque tractat. Inter Evangelistas autem, nemo, mea quidem sententia, plenius omnem Redemptoris vitam ac doctrinam complexus est quam Matthæus, qui ut primus scripsit, ita primam laudem promeruit. Cæterum hoc opus esse de genere Tomorum, non solum tituli qui exstant apud Græcos, verum etiam ipsa res declarat, quocumque consilio dissecuit illud, nescio quis, in Homilias. Neque enim hic usquam vides clausulam Homiliis familiarem, quæ semper exeunt in διδασκαλία, admixta nonnunquam precatiuncula. Tum ab his commentariis quos habemus mutilos, decem abesse Tomos indicant Græci codicis tituli, ex quo nos adjecimus undecimum ac duodecimi partem. Utinam licuisset ex pleno Exemplari totum hoc opus instaurare studiosis, lectu profecto dignissimum. Unam alteramve pagellam procurrimus in eam partem quam habebamus versam, idque duplici de causa: primum ut hoc argumento constaret hanc quam adjecimus partem illius operis esse portionem, quod habebamus truncum: dein ut ex hac qualicunque degustatiuncula lector possit æstimare, quantum sibi permiserit ille quisquis fuit interpret: quem ut fateor incertum esse, quod absit Præfatio, ita probabili conjectura colligi potest, fuisse Rufinum. Neque enim Hieronymus agnoscit hoc opus, & vertendi licentia Rufinum indicat, in quo fidem desideramus potius quam eruditionem aut facundiam, cum Interpretis magis etiam quam Historici præcipua laus sit fides. Vale.

COMMENTARII ORIGENIS ADAMANTII I N EUANGELIUM MATTHÆI, Cum accessione duorum ac dimidiati Tomi DESIDERIO ERASMO ROTERODAMO INTERPRETE. CAPUT XIII.

¶ 36.



TUNC dimissis turbis venit in domum suam, & accesserunt ad eum discipuli ipsius dicentes: Ediffere nobis parabolam zizaniorum agri. Quando cum turbis est Jesus, non est in domo sua: Nam extra domum sunt turbæ, facitque hoc illius erga homines caritas ac benevolentia, ut domum relinquat, & abeat ad eos, qui ad ipsum pervenire non possunt. Posteaquam autem satis differuisset turbis per parabolas, dimittit illas, ac venit in domum suam. Ubi accesserunt ad eum discipuli ipsius, qui non remanserant cum his quos ille dimiserat; Et quicunque sane sincerius audiunt Jesum, primum sequuntur illum, mox percontati ubi domum habeat, invitantur ut videant illum. Venientes vident, & manent apud illum, omnes quidem diem illum, quidam autem illorum fortasse diutius. Atque hujusmodi quiddam arbitror significatum in Evangelio Joannis, his verbis: Postero die rursus stabat Joannes, & ex discipulis ejus duo. Insuper ad demonstrandum quod ex his quibus fuerat concessum, ut irent cum Jesu, viderentque domum illius, is qui præstantior erat, fieret etiam Apostolus, his quæ dicta subnectuntur hæc: Erat Andreas frater Simonis Petri, unus e duobus qui audierant a Joanne, & sequuti fuerant Jesum. Proinde nos quoque, si volumus audire Jesum, non more barbarum, sed eorum more, quibus permit-

tit & in domum venire, eximium quiddam ultra turbas suscipientes, familiares ac domestici reddamur Jesu, ut velut illius discipuli, ad eum jam domum ingressum atcedamus, & accedentes doceri postulemus enarrationem parabolæ, sive zizaniorum agri, sive cujusvis alterius. Ut autem plenius intelligatur quid nobis commendet domus Jesu, colliget aliquis ex Evangeliiis quæcunque de Jesu domo dicta sunt, tum quæcunque in illa vel dixerit, vel fecerit. Hæc enim in unum coacervata, persuadebunt huic attento lectioni, quæ sunt in Evangeliiis, non simpliciter tantum, ut quidam existimant, esse scripta, sed simplicibus ob dispensationem veluti simplicia prodita sunt. Cæterum qui acutius volunt & possunt aures intendere, his illic reconditæ sunt res magnæ sapientiæ, Deique verbo dignæ. Post hæc respondens dixit: ab eo loco: Qui seminat bonum semen, est filius hominis: de quibus tamen pro viribus in superioribus nobis disertum est, nihilo minus dicentur & hic, quæ possunt illis adaptari, Quanquam & secundum alteram enarrationem absurda non sunt. Ac mentem adhibe si possis, & aliter præter ea quæ differta sunt prius, bonum semen pro filiis regni accipere. Quoniam quæcunque nascuntur in hominis animo bona, hæc a Verbo quod in principio erat apud Deum, condita sunt, cum sint germina regni Dei, ut sani de re quaque sermones, sint

¶ 37.

Γρηγόριος
τιμωρ.

Cap. I.

sint filii regni. Dormientibus autem his, qui non agunt juxta *Christi* præceptum dicentis, *Vigilate & orate ne intretis in tentationem*, Diabolus observans, superfeminat quæ vocantur zizania, prava dogmata: superfeminat autem naturalibus, ut quidam appellant, cogitationibus, bonisque seminibus, quæ profecta sunt a Verbo. Porro juxta hanc interpretationem, ager accipi possit totus mundus, non tantum Ecclesia Dei. Siquidem in toto mundo filius hominis seminavit bonum semen, malus autem ille zizania quæ sunt sermones pravi, qui sunt ex malitia nati, mali filii. Oportebit autem in fine rerum fieri messem, quam appellat consummationem seculi, ut Angeli Dei, quibus hoc datum est negotium, colligant quæ prius animæ fuerant agnata perversa dogmata, & tradent ea in consumptionem igni qui dicitur exurere, nimirum subvertentes ea. Et hoc pacto colligent Angeli Verbi & iidem ministri, ex universo *Christi* regno omnia, quæ inerant animabus offendicula, cogitationesque quæ pariunt iniquitatem. Quas collectas conjicient in caminum ignis ardentem. Ubi simul & qui ad se reversi senserint, eo quod dormitum est, in ipsis illius mali semina locum occupasse, flebunt, ac sibi quodammodo indignabuntur. Nam hic est stridor dentium, unde & in Psalmo dictum est: *stridebant in me dentibus suis*. Tunc maxime iusti fulgebunt, non jam varie, quemadmodum initio, sed omnes velut unus Sol in regno Patris sui. Itaque veluti mysterium aperiens Servator, fortasse cum per omnia quæ dicta sunt in explicanda parabola, tum vero potissimum per hoc quod dictum est,

43. *Tunc iusti fulgebunt ut Sol in regno Patris sui*, subiungit: *Qui habet aures ad audiendum audiat*: docens eos qui putabant ipsum in enarranda parabola dilucidissime rem explicuisse, ut vela quibuscumque posset intelligi, & ipsam parabolæ enarrationem opus habere explicatione. Verum quoniam superius diximus in hæc verba, *tunc iusti fulgebunt ut Sol*, quod non ut prius varie fulgebunt iusti, sed erunt omnes velut unus Sol, necessario exponemus de hoc loco, quid nobis videatur. Videtur *Daniel* scite lumen mundi dixisse, intelligentes, vulgusque iustorum gloria præcellentes, cum ait: *Et intelligentes refulgebunt ut splendor firmamenti*. Ac de vulgo iustorum, *ut stella in æternitates*. Insuper & Apostolus, cum ait: *Alia gloria Solis, & alia gloria Luna, & alia gloria Stellarum*, *Stella enim a Stella differt in gloria*; Sic & resurrectio mortuorum: eadem dicit quæ *Daniel*, sensum hunc ab huius prophetia mutuatus. Quæret igitur aliquis quomodo hi de differentia luminis quod est in iustis loquuntur, cum contra Servator ita dicat, *ut unus Sol fulgebunt*. Opinor equidem, quod in exordiis beatitudinum quæ sunt in his qui salvi fiunt, quoniam nondum purificati sunt, qui tales non sunt, differentia sit luminis, eorum qui salvi fiunt. Cæterum ubi, quemadmodum diximus, collecta fuerint a toto *Christi* regno, omnia scandala, & cogitationes quæ gignunt iniquitatem, conjectæ fuerint in caminum ignis, consumtaque fuerint deteriora, & dum hæc geruntur, ad se redierint qui receperant sermones, mali illius filios, tunc iusti unicum Solare lumen facti, fulgebunt in regno Patris sui. Sed cui fulgebunt, nisi his quibus deest, qui fruuntur illorum lumine, non aliter quam nunc Sol lucet super terram. Non enim profecto lucebunt sibi ipsis. Vide num forte & illud quod dicitur, *Luceat lux vestra coram hominibus*, describi possit super latitudinem cordis, juxta id quod dictum est a *Solomone*, trifariam: ut & nunc luceat lux discipulorum *Jesus* coram cæteris hominibus, & post obitum ante resurrectionem pariter ac post resurrectionem, donec occurrant omnes in virum perfectum, ac fiant omnes unus Sol, *tunc fulgebunt ut Sol in regno Patris sui*.

De parabola thesauri in agro abscondi.

44. *Rursum simile est regnum celorum thesauro abscondito in agro, quem repertum homo abscondit*. Reliquas quidem parabolas dixerat turbis, hanc vero cum duabus hanc frequentibus non parabolas, sed similitudines ad regnum celorum pertinentes, videtur jam ingressus domum dixisse discipulis: cujus lectioni attentus, examinet & reliquas duas sequentes num forte non sint parabolæ, quandoquidem in illis Scriptura non gravata est parabola

læ cuique titulum præponere, in his vero non fecit idem, Idque fecit congruenter. Nam si turbis loquebatur in parabolis, & hæc omnia loquutus est in parabolis, & sine parabolis non loquebatur eis: cæterum ubi venerat in domum non loquitur turbis, sed accedentibus ad ipsum in ea discipulis, perspicuum est, non esse parabolas quæ in domo loquutus est: His enim qui foris sunt loquitur per parabolas, & quibus non est datum scire mysterium regni celorum. Dixerit igitur aliquis: Si non sunt hæc parabolæ, quid igitur sunt? An igitur Scripturæ vocem sequuti, dicemus esse similitudines, differre autem similitudinem a parabola? Scriptum est enim in *Marco*, *Cui assimilabimus regnum Dei, aut cui illud conferemus?*

B Ex hoc siquidem demonstratum est discrimen esse inter similitudinem & parabolam, id est, collationem. Videtur igitur similitudo esse generalis, parabola vero specialis. Fortassis & similitudo cum vox sit maxime generalis ad parabolam, ut complectitur in se speciem parabolam, sic & similitudinem speciem cognominem voci generali. Quod quidem & in aliis accidit, quemadmodum observatum est ab iis, qui callent multorum nominum usurpationem. Qui dicunt etiam maxime generalem esse *ὁρμήν*, id est, motum, multas complectentem species, velut *ἀφορμήν*, id est, occasionem, quæ aliunde oblata movet, & *ὁρμήν*, id est, impetum animi ultro natum, dicentes *ὁρμήν*, id est, impetum, in specie communium generali nomine usurpari, ad distinctionem *τῆς ἀφορμῆς*, id est, occasionis. Atqui hic seorsum quærendum est quis sit ager, seorsum quis sit thesaurus in eo absconditus, & quomodo homo qui invenit hunc absconditum thesaurum, præ gaudio abit, venditque omnia quæ habet, ut emat agrum illum. Quin & illud quærendum, quæ sint illa quæ vendit. Mihi quidem juxta hæc, videtur ager esse Scriptura, consueta manifestis historiæ verbis, & Legis, & Prophetarum, ac cæterarum sententiarum. Copiosa siquidem variaque plantatio est, & eorum quæ tota Scriptura dicuntur. Porro thesaurus in agro absconditus, sunt reconditi & sub manifestis verbis latentes sapientiæ, in mysterio reconditæ, sensus: hoc est, in *Christo*, in quo sunt thesauri sapientiæ & intelligentiæ occulti. Alius autem dicet, agrum esse illum vere plenum cui benedixit Dominus, videlicet *Christum* Dei. Thesaurum autem in eo absconditum, esse ea quæ dicuntur apud *Paulum* esse recondita in *Christo*, sic de *Christo* loquentem, *In quo sunt thesauri sapientiæ & scientiæ occulti*. Res itaque coelestes, ac regnum celorum velut in imagine depicta sunt in Scripturis, quæ sunt regnum celorum: aut ipse *Christus* Rex seculorum est regnum celorum, assimilatum thesauro in agro abscondito. Cum autem veneris in locum, quæres an regnum celorum soli thesauro sit assimilatum, qui absconditus est in agro, ut regnum celorum per similitudinem complectatur & agrum & absconditum in agro thesaurum. Veniens autem homo quidam in agrum, sive Scripturas, sive *Christum*, qui ex manifestis & occultis constat, invenit absconditum sapientiæ thesaurum, sive in *Christo*, sive in Scripturis. Obambulans enim agrum, scrutansque Scripturas, & quærens intelligere *Christum*, invenit in eo thesaurum, & inventum abscondit, non existimans esse tutum, occultos Scripturarum sensus, aut qui sunt in *Christo* sapientiæ & scientiæ thesauros prodere quibuscumque libet. Et postquam abscondit, abit, secum agitans quomodo emat agrum aut Scripturas, ut eas faciat sibi propriam possessionem. Postquam ex Dei Scripturis acceperit oracula Dei, quæ primum *Judas* concedita sunt, & posteaquam a *Christo* doctus emerit agrum, aufertur ab illis regnum Dei, quæ est vitis juxta aliam parabolam, daturque genti facienti fructus ejus: quæ per fidem mercata est agrum, ex eo quod venundedit omnia quæ habebat, neque quicquam eorum quæ prius habebat apud se retinuerit: nihil autem illi suppetebat, præter malitiam. Hoc ipsum vero accommodabis, etiamsi ager habens thesaurum absconditum *Christus* intelligatur. Nam qui relictis omnibus sequebantur eum veluti secundum aliam considerationem vendiderunt quæ habebant, ut ob divendita illa traditaque, & acceptam auxilio Dei in illorum locum bonam voluntatem, a Deo insignem in-

gentique pretio dignum mercarentur agrum, habentem in se thesaurum.

¶ 45. *Rursum simile est regnum cœlorum homini negotiatori, quærenti pulchras margaritas.* Quoniam regnum cœlorum simile est nulli quidem cæterorum negotiatorum, cum multi sint multa commercantes, sed ei tantum qui quærit pulchras margaritas, quique posteaquam invenit, unum multis aliis æquiparandum pretiosum margaritum, pro omnibus emit, locus postulat, ut de natura margariti disquiramus: Observa vero diligenter, quod non dixit, vendidit omnes quas habebat. Non enim solas eas, quas is qui quærebat pulchras margaritas emerat, vendidit, verum etiam universas facultates suas distraxit, ut emeret margaritum illud. Invenimus igitur apud eos qui de gemmis tractarunt, de margaritæ natura hæc. Margaritarum alias esse terrestres, alias maritimas: ac terrestres quidem apud solos *Indos* nasci, quæ congruunt sigillis, annullis, ac monilibus: maritimas autem si quæ sunt insignes, apud eisdem *Indos* inveniri, quæ etiam optimæ in mari rubro nascuntur. Proximum autem in margaritis locum habent, quæ ex oceano *Britannico* capiuntur. Tertiæ autem ordinis inferiores sunt, non solum primisillis, verum etiam secundis, quæ in *Bosporo* juxta *Scythiam* inveniantur. Insuper & hæc dicuntur de *Indico* margarito, quod conchis innascitur, quæ similem habent naturam cum prægrandibus cochleis, quæ narrantur veluti turmatim in mari pasci, velut armenti duce quopiam exploratore, qui referat, qualis aut quanta sit regio: atque hanc ajunt præminere cæteris sub ipsa degentibus, ut res similitudinem habeat cum examine quod dicitur apum. Narrant autem & de ratione capiendi præstantiores, hoc est, eas quæ in *India* reperiuntur, quod incolæ posteaquam magnum littoris ambitum retibus cinxerunt adnatant urinantes, studentes ducem agminis, unum ex omnibus apprehendere: Si quidem hoc capto, ferunt nullo negotio capi huic subditum agmen, quippe nulla jam subsistente ex toto grege, sed unaquaque ceu loro vincta sequente gregis ducem. Dicitur autem & generatio margaritarum *Indicarum* temporum spatiis confici, animali multas versiones ac mutationes capiente, donec perficiatur. Quin & illud narrant, concham animantis ferentem margaritum deduci in morem oscitantis, ac diductam, coelestem in se rorem recipere: quo si puro limpidoque fuerit expletum, lucidum fit margaritum, concipitque concha grandem & concinnam gemmam. Quod si quando turbidum, inæqualem & hybernum rorem acceperit, nubilum concipit margaritum, & variis obnoxium maculis. Quin & illud comperimus, si concha procedens, ut impleatur gemma qua solet esse gravis, interim corripitur a fulmine, contrahitur, ac veluti metu constringitur, foetum ejiciens in ea quæ dicuntur *phosphoræ*, hoc est, inflationes: nonnunquam velut abortivæ generantur breves ac nebulae nonnihil habentes, tamen concinnæ. Jam & illud habet *Indicum* margaritum præter alia, colore candidum est, argento pellucens ad simile, sic ut splendor subviridis paulum subluceat, cæterum undique figuram habens rotundam, sive turbinate. Est autem colore blando, & omnino tenerius quam pro lapidis natura. Insuper est adeo jucundum aspectu, ut quemadmodum tradit is qui scripsit de natura gemmarum admotum illustrioribus laudem auferat. Præterea est & illud optimi margariti signum, ambitum habere sculptum, præterea colorem habere candidissimum, maximeque pellucidum: postremo granditate maximum esse. Hactenus igitur de margarito *Indico*. Cæterum quod apud *Britanniam* ajunt inveniri, summo quidem colore accedit ad auri speciem, cæterum nebulosum ac turbidum, luceque obtusiore. Jam quod invenitur in portu juxta *Bosporum*, obscurius est ac lividum, & omnino luce carens, tenerumque, & ingenti magnitudine. Nascitur autem in sinu juxta *Bosporum*, non in conchis, quod est testæ genus ferens margaritas, sed in his qui vocantur mures: de his loquor, qui juxta *Bosporum* in palustribus pascuntur. Fertur autem & quartum esse margaritarum genus circa *Acarnaniam*, in ostreorum conchis. Verum hæc non admodum probantur, sed

& in compositæ sunt, tum figura, tum colore: denique turbidæ undique ac sordidæ. Sunt autem & aliæ juxta eandem *Acarnaniam*, omnibus nominibus rejiciendæ. His itaque collectis ex eorum libris qui de gemmis tractarunt, dico Servatorem scientem differentiam margaritarum, quarum in genere sunt & bonæ, & rursus aliæ viles, hæc dixisse: *Simile est regnum cœlorum homini negotiatori quærenti bonas margaritas.* Nisi enim essent in margaritarum generibus etiam malæ, nequaquam dictum esset, *quærenti bonas margaritas.* In omnigenis autem sermonibus, qui veritatem profitentur, & gemmas ferunt, quærit margaritas. Ac sint, ut ita vocem, quæ ex rore cœlesti concipiunt conchæ, verboque veritatis gravidæ fiunt cœlitus, Prophetæ, qui iidem sunt illæ pulchræ margaritæ, quas juxta id quod proposuimus dicere, quærit homo negotiator. Quod vero ducit agmen margaritarum, quo invento, simul & reliquæ inveniuntur, videlicet illud pretiosum margaritum est *Christus Dei Verbum*, quod superat pretiosas litteras sensusque Legis ac Prophetarum, quo invento simul & omnia cætera facile capiuntur. Loquitur autem Servator discipulis omnibus ut hominibus negotiatoribus, qui non solum quærent pulchras margaritas, verum etiam & inveniunt eas & possident, dum ita dicit: *Ne projiciatis margaritas vestras ante porcos.* Quod autem hæc discipulis dicta sunt, liquet ex eo, quod hos sermones præcedit illud, *Videns autem turbas, ascendit in montem, & cum consedisset, accesserunt ad eum discipuli ipsius.* Convenit enim hic sermo cum eo, *Nolite dare sanctum canibus, neque projiciatis margaritas ante porcos.* Proinde vide ne qui non habet margaritas, aut qui non habet pretiosum illud margaritum, nec discipulus sit Servatoris. At margaritas inquam bonas, non nubilas, non sordidas ac turbidas, quales sunt sermones ab Ecclesiæ decretis dissentientium, quæ nascuntur non ad Orientem, sed ad Occasum ac *Boream*, si tamen & has oportet adjungere, ob eam quam invenimus differentiam margaritarum diversis in locis nascentium. Fortassis autem turbidi sermones & in operibus carnis volutæ hæreses, nubilæ sunt & in limo palustri nascentes margaritæ non bonæ. Adaptabis autem quærenti bonas margaritas & illud, *Quærite & invenietis.* Item illud: *Omnis qui quærit invenit.* Quid enim quæritis, aut quid omnis qui quærit, invenit? Dicam audacter, Margaritas, & illud margaritum, quod divenditis omnibus, ac omnium jactura facta, possidet. Ob hanc dicit *Paulus*, *Omnium jacturam feci, ut Christum lucrifacerem.* Cum omnia dicit, sentit bonas margaritas: cum quædicit, *ut Christum lucrifaciam*, sentit unicum illud pretiosum margaritum. Itaque pretiosa res est lucerna iis qui sunt in tenebris, & opus habent lucerna, donec oriatur Sol. Pretiosa vero & gloria, quæ fuit in facie *Mosè*. Ego vero puto & Prophetarum pretiosam esse gloriam, ac pulchrum esse conspectum, per quem inducimur ad hoc ut possimus videre gloriam *Christi*, cui testificatus Pater dicit: *Hic est filius meus dilectus, in quem mihi complacui.* Verum ne glorificatum quidem fuit quod glorificatum erat in hac parte, propter eminentem gloriam. Et prius est nobis ea gloria, quæ recipit abolitionem pro eminente gloria: quemadmodum opus est cognitione, quæ est ex parte, quæ aboletur, cum venerit quod perfectum est. Omnis igitur anima quæ venit ad adolescentiam, pergens ad perfectionem, opus habet donec accesserit ipsi plenitudo temporis, pædagogo, dispensatoribus & actoribus: ut post hæc omnia, qui prius nihil differebat a servo, cum esset dominus omnium, liber factus, recipiat a pædagogo, œconomis & actoribus bona paterna, quæ respondent pretioso margarito, & ei quod perfectum est venturo, per quod aboletur id quod ex parte est, cum eminentiam cognitionis *Christi* capere quis potuerit, prius exercitatus in cognitionibus, succumbentibus, ut ita loquar, cognitioni *Christi*. Sed plerique non intelligentes pulchritudinem plurium margaritarum legalium, & quæ adhuc ex parte est scientiam omnem Prophetarum, credunt se sine illis hausit ac comprehensis omnino inventuros unicum illud pretiosum margaritum, contemplarique eminentiam scientiæ *Christi Jesu*, cujus comparatione cuncta quæ ante talem ac tantam scientiam fue-

fuerunt, cum non sint suapte natura stercora, tamen apparent esse stercora, quæ quidem fortasse sunt illa quæ a cultore vineæ ficui admoventur rudera, efficiunt ut ea fructum adferat. Omnia igitur tempus habent, & opportunitas est omni rei quæ est sub cælo. Est aliquod tempus colligendi pulchras gemmas, & tempus est post harum collectionem, inveniendi unum pretiosum margaritum: quo reperto conveniet abire quempiam, ac vendere cuncta quæ possidet, ut emat margaritum illud. Quemadmodum enim eum qui futurus sit sapiens in sermonibus veritatis, prius oportet elementis institutum esse, & hinc ad maiorem pergere institutionem, magnique facere elementariam institutionem, non tamen in hac oportebit permanere, veluti qui jam eam in pretio habuerit initio, sed progressum ad perfectionem habere gratiam hætenus utiliter factæ institutioni: Sic ad plenum intellecta quæ sunt Legis ac Prophetarum, institutio quædam elementaris est ad intelligendum Euangelium, atque omnem sensum de *Christi Jesu* factis ac dictis.

- * 47. *Rursus simile est regnum cælorum sagenæ missæ in mare.* Quemadmodum in imaginibus ac Statuis similitudines non omni ex parte respondent iis ad quæ conferuntur, sed in plano quidem ligno, ut exempli causa loquamur, cera depicta imago, superficie tantum cum colore similitudinem habet, verum non servat depressiones atque eminentias, sed harum rerum significationem tantum. In fingendis vero Statuis, similitudinem quæ est secundum eminentiam ac depressionem servare conatur ars, in colore vero nequaquam. Quod si cerea fiat effigies, conatur quidem utramque servare similitudinem, nimirum & juxta colorem, & juxta depressiones ac prominentias, cæterum in profunditate non est imago: Similiter mihi cogita & de similitudinibus quæ sunt in Euangelio: regnum cælorum dum simile dicitur rei cuiuspiam, simile dici non secundum omnia quæ adsunt illi, ad quod confertur similitudo, sed ad quædam duntaxat, quæ conducunt ad assumptam rationem. Et hæc igitur regnum cælorum simile est sagenæ missæ in mare, non quemadmodum quidam opinantur, qui docent, verbo naturas subjectas esse diversas, malorum scilicet ac justorum qui sub rete venerunt, ut ex eo quod scriptum est, ex omni genere congreganti, credamus justorum diversas ac varias esse naturas, similiter autem & malorum. Nam hæc intellectui repugnant omnes Scripturæ, declarantes esse liberum arbitrium, dum & accusant eos qui delinquant, & probant eos qui recte faciunt, haud quam merito in eos competente vel reprehensione, qui ex mali generis natura tales sunt: vel laude in eos, qui tales sunt ex genere meliore. Siquidem ut pisces boni sint ac mali, causa non est in animabus piscium, sed secundum illud, quod Verbum omnia sciens dixit, *producant aqua reptilia animarum viventium.* Quo tempore & fecit Deus cete grandia, omnemque animam animalium reptilium, quæ produxerunt aquæ juxta genus suum. Illic igitur aquæ produxerunt omnem animam animantium, reptilium, juxta suum quamque genus, cum causa non esset penes illam. Hic vero nos sumus in causa, ut sint bona genera, dignaque vasis quæ vocantur, aut mala dignaque quæ projiciantur. Non enim in nobis natura causa est malitiæ, sed voluntas cum sit libera, propensa est ad malefaciendum. Sic nec justitiæ causa est natura, tanquam quæ non recipiat injustitiam, sed verbum quod accepimus est quod reddit nos justos. Nam inter genera degentium in aquis, non videbis quæ transmutentur a malis, ut in piscium generibus, in bona, aut a melioribus ad deteriora: in hominibus contra bonos ac malos semper videre licet, qui vel ex malitia pervenerint ad virtutem, vela profectu virtutis ad malitiæ dissolutionem reciderint. In hoc autem quod scriptum est, *Si justus aversus fuerit a justitia sua, feceritque injustitiam, ac cætera quæ sequuntur, usque ad illud, & in peccatis suis qua peccavit in his morietur:* aut dicant nobis qui ex sagenæ parabola naturas inducunt, *Injustus qui post avertit se ab iniquitatibus suis quas fecit, ac servat præcepta Domini, facitque justitiam ac misericordiam, cujus erat naturæ cum esset injustus?* non sane laudandæ,

A ergo vituperandæ. Et cujus naturæ merito dicitur, cum avertit se ab omnibus iniquitatibus suis quas fecit? Nam si propterea quæ prius fecit erat malæ naturæ, quomodo bonæ naturæ cum esset, erat iniquus? In simili re præterea dubitabis & de justo qui se avertit a justitia sua, fecitque injustitiam & omnes iniquitates. Priusquam enim se averteret a justitia, in justis operibus versans, non erat malæ naturæ. Mala siquidem natura nequaquam possit esse in justitia, quoniam non potest mala arbor, videlicet malitia, fructus bonos facere, qui a virtute proficiuntur. Rursus e diverso, qui bonæ naturæ sit & immutabilis, nequaquam avertere se possit a bono, posteaquam semel habitus est justus, a justitia sua ad faciendam injustitiam, juxta omnes iniquitates suas quas fecit. His autem dictis, existimandum est, regnum cælorum esse simile sagenæ missæ in mare, & ex omni genere congreganti, ad probandam veritatem voluntatum in hominibus, quamplurimum inter se discrimen habentium, ut quod dicit, congreganti ex omni genere, significet laudabiles ac vituperabiles, in applicationibus animorum ad virtutum aut vitiorum species. Sagenæ vero vario contextu similis est regno cælorum, ob veterem ac novam Scripturam ex omnigenis variisque sensibus plexam, dum ex his qui veluti pisces incidunt in rete, alii quidem in his sagenæ partibus reperiuntur, alii rursus in aliis, & unusquisque qua parte captus est: sic invenias etiam ex his qui in Scripturarum sagenam venerunt, quosdam esse captos sub involucro prophetico, ut exempli causa loquar, *Esaia*, juxta hanc expositionem, aut *Hieremia*, aut *Danielis*: alios rursus sub texto Legali, insuper alios juxta partem Evangelicam, nonnullos juxta Apostolicam. Primum enim qui capitur a verbo, aut capi videtur, ex aliqua totius sagenæ parte apprehenditur. Nihil autem absurdi, si nonnulli pisces ex his qui saliant, undique continentur toto sagenæ contextu, qui est in Scripturis, & undique constringuntur tenenturque, sic ut aufugere non possint, sed velut omni ex parte servitute coerciti, facultatem non habeant claudendi. Missa est autem hæc sagenæ in mare, videlicet in vitam hominum, ubique per orbem terrarum fluctibus irrequietam, & in amaris vitæ negotiis natantem. Hæc autem sagenæ ante *Christi Jesu* Servatoris nostri adventum nondum tota erat impleta, deerat legali propheticoque texto, is qui dixit, *Nolite putare quod veni ad solvendam Legem aut Prophetas, non veni ad dissolvendum, sed ad implendum.* Et impleta est sagenæ textura per Evangelia, perque ea quæ *Christus* per Apostolos loquutus est. Ob id igitur simile est regnum cælorum sagenæ missæ in mare, & ex omni genere congreganti. Potest autem præter hæc quæ disserta sunt, illud quod dicit, *ex omni genere congreganti*, significare vocationem Gentium ex omni Natione. Qui vero subministrabat sagenæ missæ in mare, *Jesus Christus* est, sagenæ Dominus, & Angeli qui accesserunt & ministraverunt ei: qui non ducunt e mari sagenam, neque deferunt in littus extra mare, hoc est, extra vitæ negotia, nisi fuerit impleta sagenæ, hoc est, nisi plenitudo Gentium in eam intraverit. Tunc educunt eam a rebus hujus sæculi, & ab humilibus negotiis perducuntque in littus, sic tropo vocatum. Ibi partes erunt eorum, qui hanc eduxerunt, & sedere juxta littus atque illic sese collocare: ut quotquot boni sunt in sagenæ, in suum ordinem digerant, juxta sua quæ hic nominantur vasa: rursus his diversos qui hic vocantur mali, foras ejiciant. Quod autem vocat foras, caminus est ignis, quemadmodum ipse Servator interpretatus est, dicens: *Sic enim erit in consummatione sæculi, exibunt Angeli, & separabunt malos de medio justorum & mittent illos in caminum ignis.* Verum tamen hic observandum est, quod jam per zizaniorum parabolam, perque propositam similitudinem docemur, Angelis hoc negotii dandum esse, ut discernant separentque malos a justis. Superius enim dicitur, *Mittet Filius hominis Angelos suos, & colligent ex regno ejus omnia scandala, quique faciunt iniquitatem, & mittent eos in caminum ignis, ibi erit fletus & stridor dentium.* Hic autem dicit, *Exibunt Angeli* & 50.

et separabunt malos de medio iustorum, et mittent eos in caminum ignis. Cæterum his illud non congruit ut opinantur quidam, quod homines qui in Christo salvi fiunt, sint etiam sanctis Angelis superiores. Quo namque modo possunt, qui a sanctis Angelis in vasa mittuntur, cum his qui mittunt in vasa, conferri, cum sint illorum potestati subditi? Hæc autem dicimus non ignorantes, quibusdam Angelis quibus hæc dispensatio non est tradita, imo ne his quidem omnibus homines qui per Christum salvi fiunt, esse præstantiores. Nam legimus & illud, in quem desiderant Angeli prospicere: quo loco non dictum est, omnes Angeli. Novimus & illud, Angelos judicabimus, ubi non dictum est, omnes Angelos. Hæc autem cum scripta sint de sâgna, deque his qui in sâgna continentur, qui vult ante consummationem sæculi, & ante egresos Angelos separare malos de medio iustorum, ut sâgna non contineat etiam malos ex omni genere, videtur neque Scripturam intellexisse, & concupiscere, quod fieri non potest. Quapropter ne miremur, si priusquam separati fuerint mali de medio iustorum ab Angelis ad hoc mittendis, videmus nostras congregationes etiam malis esse refertas. Sed utinam hi qui conjiciendi sunt in caminum ignis, non plures essent quam iusti. Cæterum quoniam dicebamus initio parabolas ac similitudines non per omnia oportere accommodari iis ad quæ confertur parabola aut similitudo, sed in quibusdam duntaxat, Hoc amplius probandum est ex his quæ dicuntur. In piscibus quod ad vitam illorum attinet, mali quiddam accidit, cum intra sâgnam deprehenduntur. Privantur enim naturali sua vita, & neque qui in vasa mittuntur, neque qui foras projiciuntur, quicquam patiuntur amplius, nisi quod amittunt vitam quæ quidem est in piscibus. In his autem quorum gratia sumitur parabola, malum est esse in mari, nec venire in sâgnam, ut in vasa cum bonis mittantur. Sic autem mali quidem pisces foras mittuntur & abjiciuntur. Porro qui mali sunt, juxta propositam similitudinem mittuntur in caminum ignis, ut quæ in Ezechiele de camino scripta sunt, ad hos quoque pertineant. Et factus est sermo Domini ad me dicens, Fili hominis, ecce facti sunt mihi domus Israël, mixti omnes are & ferro, & quæ sequuntur, usque ad illa, & agnosceitis, eo quod ego Dominus effudi iram meam in vos.

- †. 51. Intellexistis hæc omnia? Dicunt, Etiam. Qui novit quæ sunt in cordibus hominum Christus Jesus, sicuti de hoc docuit in Euangelio Joannis, non ignarus interrogat: sed quoniam semel assumerat hominem, utitur omnibus quæ sunt hominis. Quorum unum illud est interrogare. Nec mirandum, si id facit Servator, cum ipse etiam omnium Deus moribus hominum sese accommodans, perinde ac si quis homo morem gerat filio suo, percunctetur, velut in hoc, Adam ubi es? & ubi est Abel frater tuus? Cæterum qui violentior fuerit, hic dicit, illud Intellexistis, haud dictum esse percunctatorie, sed pronuntiative, dicitque & discipulos assentientes ejus affirmationi respondisse etiam. Verum si interrogat, si pronuntiat, necessario dicitur, non solum hæc, quod est demonstrationis, neque solum omnia, sed hæc omnia. Videtur autem nunc indicare, discipulos ante cælorum regnum fuisse Scribas: sed his repugnat, quod in Actis Apostolorum refertur in hunc modum: Cum vidissent autem Petri ac Joannis fiduciam, comperissentque quod homines essent illitterati & idiotæ, admirabantur: Agnoverunt autem illos quod cum Jesu fuissent. Adversus hæc igitur aliquis movebit quæstionem, Si Scribæ fuerant, quomodo illitterati dicuntur in Actis & idiotæ? Sin erant illitterati & idiotæ, quomodo manifestissime Scribæ vocantur a Servatore? Verum ad ea quæ quærentur, responsum esto: aut non omnes, sed Petrum & Joannem in Actis illitteratos esse dictos, plures vero fuisse discipulos de quibus omnia scientibus dictum sit, Omnis Scriba, & quæ sequuntur: aut omnem discipulum, qui juxta Litteram Legis doctrina fuerit institutus, Scribam dici: videlicet ut qui quanquam sint illitterati & idiotæ, ducuntur tamen sub Legis littera, Scribæ dicantur, juxta significationem aliquam. At sane maxime competit in idiotas, qui non norunt tropo-

logias & anagogas Scripturarum, sed simplici credunt litteræ, eamque defendunt, appellari Scribas. Ad hunc vero modum quispiam enarrabit & illud, Va vobis Scribæ & Pharisei & hypocritæ, ut quod cuivis dictum est, qui præter litteram nihil sciat. Hic percunctaberis, an quemadmodum est Scriba Legis, ita sit & Euangelicus, & an quemadmodum est qui Legem audit, legit, ac loquitur, quæ per allegoriam dicuntur, sic sit & qui Euangelium: ut intelligamus servata juxta rerum gestarum fidem historia, anagogen esse certam duce ad spiritualia, ut spiritualis doctrina non sit malitiæ, sed adversetur potius spiritualibus malitiæ, spiritualia bonitati. Instituitur autem regno cælorum Scriba, secundum id quod simplicius est, quoties aliquis a Judaismo recipit Jesu Christi doctrinam Ecclesiasticam. Verum idem juxta quod profundius est eruditur, ubi quis a littera Scripturarum adeptus institutionem, ascendit ad spiritualia, quæ vocantur regnum cælorum. Ac juxta singulos sensus qui occurrunt, & eum qui per subductionem ad altiora intelligitur, & qui per exempli collationem, & qui per demonstrationem, licet accipere regnum cælorum, ut qui abundat scientia, qui caret mendacio, fiat in regno unus ex multitudine cælorum, ad eum modum acceptorum. Sic autem per tropologiam exponet & illud, Appropinquat enim regnum cælorum, ut Scribæ qui in simplici littera acquiescunt, resipiscunt ab ejusmodi intellectu, erudiantur spirituali doctrina, quæ est per Jesum Christum, vivum Verbum, quæ vocatur regnum cælorum. Eoque quatenus Christum Jesus, qui erat in principio apud Deum Deus Verbum non habitat animam, in ea non est regnum cælorum. Ubi vero quis prope accesserit ad capiendum Verbum, huic appropinquavit regnum cælorum. Quod si in re nullum est discrimen, atque etiam sensu, cum dicitur regnum cælorum & regnum Dei, nimirum ad quos dicitur, regnum Dei intra vos est, ad eosdem dici poterit, regnum cælorum intra vos est, maximeque propter resipiscentiam a littera ad spiritum. Cum enim aliquis conversus fuerit ad Dominum, aufertur ab eo velamen quod est in littera, Dominus autem Spiritus est. At qui vere paterfamilias est, & liber est, & dives, abundans, eo quod ex tractatione litteræ eruditus sit regno Dei, in omni sermone veteris Testamenti, & in omni scientia novæ Jesu Christi doctrinæ, & has divitias reconditas habens in suo thesauro, quem reponit tanquam eruditus regno cælorum, in cælo, ubi neque tinea corrumpit, neque fures perfodiunt. Licet sane etiam vere pronuntiare de hoc, ut exposuimus, Qui in cælis recondit thesaurum, quod nulla tinea cupiditatum spirituales & cœlestes ejus possessiones potest attingere. Tineam autem cupiditatum dixi, occasione sumpta ex Proverbiis, in quibus scriptum est, Quemadmodum in ligno vermis, sic dolor viri ladit cor. Vermis enim ac tinea dolor est lædens cor, quod thesauros non habet in cælis, nec in spiritualibus reconditos, in quibus si quis thesaurum reponat, quoniam ubi thesaurus ibi & cor, in cælis habet cor, & propterea dicit, Si consistant adversum me castra, non timebit cor meum. Similiter neque fures, de quibus dixit Servator, Omnes quotquot venerunt ante me, fures sunt & latrones, perfodere valent thesauros in cælo reconditos, & cor quod illis adest, ita loquens, Simul resuscitavit, ac simul sedere nos fecit in super cœlestibus in Christo. Et nostra conversatio in cælis est. Quoniam autem omnis Scriba doctus regno Dei similis est paterfamilias, qui profert de suo thesauro nova & vetera, haud dubium, quin & juxta prioris dicti inversionem, quisquis non profert de thesauro suo nova & vetera, non sit Scriba doctus regno cælorum. Omnibus igitur modis conandum est, ut congregemus in corde nostro, attendentes lectioni, exhortationi & doctrinæ, & in lege Dei meditando die ac nocte, non solum nova Euangeliorum oracula & Apostolorum, & horum explanationes, verum etiam vetera Legis, umbram habentis futurorum bonorum, ac Prophetarum qui his consentanea prædixerunt. Hæc autem colligentur, cum & legerimus & intellexerimus, & memores horum, spiritualia spiritualibus tempestive comparaverimus, non incomparabilia inter se

se comparantes, sed comparabilia quandam sermonis similitudinem idem declarantis habentia, tum in sensibus, tum in dogmatibus, ut in ore duorum triumve aut plurium testium e Scriptura citatorum, fundemus & confirmemus omne verbum Dei. Ac per hos silentium imponendum est his, qui quod in ipsis est, Deitatem dividunt, & a veteribus nova dissecant, quippe qui procul absint a similitudine patrisfamilias proferentis de thesauris suis nova ac vetera. Quoniam autem qui similis dicitur alicui, alius est ab eo cui dicitur similis, erit quidem qui doctus est regno cœlorum, Scriba, qui dicitur similis, sed alius ab hoc paterfamilias, qui profert de thesauro suo nova ac vetera. Cæterum qui huic similis dicitur, tanquam illum imitans, quod ad illius exemplum accedat facere studet. Vide igitur, num forte homo paterfamilias sit ipse *Iesus*, proferens de thesauro suo juxta doctrinæ opportunitatem nova quædam spiritalia, quæ semper ab ipso renovantur in interno iustorum homine, qui & ipsi semper indies renovantur. Vetera vero quæ per litteras insculpta sunt lapidibus & lapideis cordibus veteris hominis, ut comparatione litteræ, & collatione spiritus, divitem reddat Scribam, qui doctus est regno cœlorum, faciatque ipsi similem, donec discipulus fuerit ut magister: Primum imitans imitorem illum *Iesu Christi*: Post hunc autem & ipsum *Christum*, juxta id quod a *Paulo* dictum est, *Imitatores mei estote, sicut & ego Christi*. Potest autem & simplicius *Iesus* paterfamilias proferre de thesauro suo, nova quidem, videlicet Euangelicam doctrinam, vetera vero, comparationem dictorum quæ a Lege ac Prophetis assumuntur, quorum exempla licet in Evangelii invenire. Porro de his veteribus ac novis audire oportet & spiritualementem legem in Levitico, dicentem, *Et comederis vetera & vetera veterum, & vetera ex facie novorum educuntur, & ponam tabernaculum meum in vobis*. Comedimus enim in benedictione vetera, nimirum Propheticos sermones, & horum veterum vetera, videlicet Legis verba: mox ubi nova venerint & Euangelica, viventes secundum Evangelium, vetera litteræ ex facie novorum educimus, & ponit tabernaculum suum in nobis, implens quam dixit repromissionem, *inhabitabo & inambulabo in illis*.

9. 53. *Et factum est cum consummasset Iesus parabolæ has, transiit illinc, & cum venisset in patriam suam, &c.* Quoniam superius expendimus, an quæ turbis dicta sunt parabolæ fuerint, quæ vero discipulis similitudines, & in hanc materiam incidentes observationes exposuimus, quas opinor non esse contemnendas; Sciendum est quod illis omnibus obfistere videbitur, quod adjungitur non solum parabolis, verum etiam, ut docuimus, similitudinibus: *Et factum est, cum consummasset Iesus parabolæ has, transiit illinc*. Querimus igitur, utrum illa omnia rejicienda sint, an dicendum duo parabolarum esse genera, alterum earum quæ turbis dicuntur, alterum earum quæ discipulis promittuntur: an etiam parabolæ nomen æquivocum esse putandum: an quod dicitur, *factum est cum consummasset Iesus parabolæ has*, referendum sit ad superiores parabolæ solas, quæ præcesserunt similitudines. Ob id enim quod dicitur, *vobis datum est nosse mysteria regni cœlorum, cæteris autem in parabolis*, non possumus dicere discipulis, ut qui non erant de numero exterorum, per parabolæ illas Servatorem fuisse locutum. Huic autem consequens est, ut aut quod dictum est, *factum est cum consummasset Iesus parabolæ has, transiit illinc*, referatur ad illas primo loco dictas parabolæ, aut parabolæ nomen sit æquivocum, aut duo sint genera parabolarum, aut ut omnino non sint parabolæ, quas appellavimus similitudines. Animadvertite vero, quod extra patriam suam dicit parabolæ, quas ubi consummasset, transiit illinc, & ubi venisset in patriam suam docebat illos in Synagoga ipsorum. *Marcus* autem ait, *Et venit in patriam suam & sequuntur eum discipuli ipsius*. Querendum igitur & de hoc sermone, utrum *Nazareth* dicat patriam ipsius, an *Bethleem*. *Nazareth* quidem est, ob quam *Nazareus* vocabitur, *Bethleem* autem quod in ea natus sit. Insuper insta num forte cum Evangelistæ dicere potuerint, *ubi venisset in Bethleem*

A aut *Nazareth*, hoc quidem non fecerint, sed patriam nominarint ob aliquid, quod mystice per locum patriæ ipsius significetur, videlicet totius *Judææ*, in qua contemptui habitus est, juxta illud, *Non est Propheta contemptus, nisi in patria sua*. Et si quis sane cogitarit, *Iesum Christum Judæis* quidem scandalum, apud quos in hodiernum usque diem persecutionem patitur, in Gentibus contra prædicatum & creditum: In omnem enim terram cucurrit sermo illius: videbit quod *Iesus* in sua patria caruerit honore, apud peregrinos vero & a testamenti alienas Gentes honorates honoratur. Quid porro docens dixerit in Synagoga eorum, nequaquam scripto tradiderunt Evangelistæ, sed illud scripserunt, tanta taliaque fuisse, ut omnes obstupeficerent. Et probabiliter conjectandum est, supra Scripturam fuisse quæ dicta sunt, nisi quod in Synagoga illorum docuit, non se recedens a Scriptura, neque abrogans illius auctoritatem. Quod autem dicitur, *Unde huic sapientia?* palam declarat magnam & eximiam fuisse sapientiam verborum *Iesu*, dignam illo testimonio, *Et ecce plus quam Solomon hic*, Et Virtutes majores fecit quam fuerant in *Helia* aut *Helizeo*: addatur & hoc quam in *Mose* aut *Iesu Nave*. Dicebant autem qui mirabantur, ignari eum esse filium Virginis, ne credituri quidem, si dictus fuisset filius Virginis, sed arbitantes illum esse filium *Iosephi* fabri, *Nonne hic est ille fabri filius?* Et omnem sane quæ videbatur illum proxime attingere cognitionem despicientes, *Nonne*, inquebant, *mater illius dicitur Maria, & fratres illius Jacobus, & Ioseph, & Simon, & Judas?* Et sorores illius nonne omnes apud nos sunt? Existimabant igitur illum esse *Ioseph* & *Maria* filium. Fratres autem *Iesu* putabant nonnulli esse, ex traditione *Hebræorum* sumpta occasione, Ex Evangelio quod titulum habet, juxta *Petrum*, aut ex libro *Jacobi*, filios, *Ioseph*, ex prior uxore, quæ convixerat ipsi, antequam duceret *Mariam*. Qui vero talia dicunt, dignitatem *Maria* in virginitate ad finem usque servare volunt: ne corpus illud quod designatum erat, ut subserviret sermoni dicenti, *Spiritus sanctus superveniet in te, & virtus altissimi obumbrabit tibi*: cognosceret viri thorum, posteaquam virtus ex alto obumbrasset illi. Arbitrorque rationi consentaneum esse, virilis quidem puritatis in castitate, primitias fuisse *Iesum*, muliebris vero *Mariam*. Non enim plausibile est, alii præter hanc virginitatis primitias ascribere. *Jacobus* autem hic est, de quo loquitur *Paulus*, quod eum viderit, in Epistola ad *Galatas* ita scribens, *Alium vero ex Apostolis non vidi quenkum, præterquam Jacobum fratrem Domini*. In tantum autem in populo refulsit hic *Jacobus* ob justitiam, ut *Iosephus* qui viginti Libris descripsit antiquitatem *Judæicam*, dum vult causam adducere, quare *Judæorum* populus tam acerba passus sit, ut etiam Templum subverteretur, dixerit, per Dei vindictam hæc illis evenisse, ob ea quæ in *Jacobum* fratrem *Iesu*, qui dicebatur *Christus*, ausi fuerant. Quodque mirum est, cum non probarit hanc sententiam, *Iesum* nostrum fuisse *Christum*, nihilo secius *Jacobo* tam magnificum justitiæ testimonium præbet. Dicit autem & populum in hac fuisse opinione, propter *Jacobum* eam calamitatem accidisse. Et *Judas* scripsit Epistolam, paucorum quidem versuum, sed plenam efficacibus verbis gratiæ cœlestis. Qui in principio dicit, *Judas Iesu Christi servus, frater autem Jacobi*. Porro de *Ioseph* ac *Simone* nos nihil comperimus. Cæterum illud, *Et sorores ejus nonne omnes apud nos sunt?* mihi videtur tale quiddam significare, nostra sapiunt, non quæ *Iesu Christi*, neque quicquam habent peregrinum eximiae cognitionis, quemadmodum habebat *Iesus*. Fortassis ex his existet addubitatio, an ne homo quidem, sed divinius quiddam sit *Iesus*, cum filius quidem esset, ut existimabant *Ioseph* & *Maria*, frater autem quatuor simulque & aliarum sceminarum, neque quicquam habens cuiquam cognatorum simile, quique non ex institutione aut eruditione ad tantam sapientiam virtutemque pervenerat. Siquidem & dicunt, *Quomodo hic novit litteras, cum non didicerit?* Quibus affinia sunt quæ hic dicuntur. Veruntamen qui hæc dicebant, adeo mirantes ac stupentes, non credebant, sed offendebantur.

tur in eo, propterea quod oculi mentis illorum tenebantur a potestatibus, quas tempore passionis triumphaturus erat in ligno.

57. *Jesus autem dixit illis, Non est Propheta inhonorus, nisi in patria sua:* Quærendum utrum quod dicitur æque ad universos Prophetas referatur, ut accipiamus unumquemque Prophetam in sola patria sua contemptum esse: an quoniam singulariter dictum est, de uno hæc dicta sint. Itaque si de uno dicuntur, sufficiunt ea quæ dicta sunt, nobis referentibus quod scriptum est ad Servatorem. Quod si generaliter est dictum, secundum historiam quidem, non est verum: Nec enim *Hælias in Thesbon Galaad contemptus fuit; neque Hæliæus in Ebalmaula, neque Samuel in Armathaim, neque Hieremias in Anathoth, verum juxta tropologiam omnino verum est.* Oportet autem illorum patriam existimare *Judeam*, cognatosque *Israëlem* illum, domum autem fortasse corpus. Contempti sunt omnes in *Judea*, ab *Israële* juxta carnem, dum adhuc erant in corpore, quemadmodum in Apostolorum Actis scriptum est, quod dicitur adversus populum arguendi gratia. *Quem enim Prophetarum non persecuti sunt patres vestri, ex his, qui prius annunciabant de adventu justi illius?* In priore vero *Pauli ad Thessalonicenses* Epistola similia dicta sunt: *Vos autem imitatores facti estis fratres Ecclesiarum Dei, quæ sunt in Judea in Christo Jesu, quoniam & vos eadem passi estis a propriis contribulibus, quemadmodum & illi a Judæis, qui & Dominum Jesum occiderunt, & Prophetas & nos persecuti sum, & Deo non placent, & omnibus hominibus adversantur.* Non est igitur Propheta contemptus inter Gentes: aut enim omnino non novērunt illum, aut cognitum & receptum Prophetam honorant. Tales autem sunt, qui pertinent ad Ecclesiam. Dehonestantur autem Prophetæ, primum quidem juxta historiam persequente illos populo: deinde dum illorum prophetiæ non habetur fides a populo. Nam si credidissent *Mosi* & *Prophetis*, crederent utique & *Christo*: qui docuit cohærere, ut qui credunt *Mosi* ac *Prophetis*, credant & *Christo*: & qui non credunt *Christo*, non credant *Mosi*. Ad hæc autem quemadmodum per transgressionem Legis peccator Deum ignominia afficere dicitur: ita dum non creditur prophetiæ ignominia afficitur Propheta ab eo qui non credit prophetiis. Operæ pretium autem fuerit recensere juxta historiam, quæ passus est *Hieremias* in populo, de quibus dixit, *Et dixi, Non loquar, neque nominabo nomen Domini.* Et rursus alibi, *Fugiter subsannabar.* Quæcumque vero passus est a Rege *Israëlitico*, in ejusdem prophetia scripta sunt. Quin & de *Mose*, quod frequenter ex populo venerint ad lapidandum eum, & hoc scriptum est: *Et erat illi patria, non alienius loci lapides, sed qui sequutus fuerat illum populus, apud quos & ipse ignominia affectus est.* Quin & illud *Historia* narrat, *Esaïam* a populo dissectum fuisse. Quod si quis non recipit hanc historiam, eo quod inter apocrypha *Esaïa* fertur, credat iis, quæ in Epistola ad *Hebræos* hunc in modum scripta sunt, *lapidati sunt, secti sunt, tentati sunt.* Nam illud, *secti sunt*, ad *Esaïam* refertur, quemadmodum illud, *Occisione gladii mortui sunt*, ad *Zachariam* occisum inter Templum & altare, quemadmodum *Servator* docuit, astipulans, ut opinor, suo testimonio Scripturæ, quæ quanquam non fertur in communibus ac publicatis libris, probabile tamen est, eam exstare in apocryphis, hoc est, in his qui secreto leguntur. Sunt autem affecti ignominia in patria apud *Judæos*, *Et circumeuntes in pellibus ovillis & caprinis, destituti, afflicti, & cætera* quæ sequuntur. Omnes enim qui volunt pie vivere in *Christo Jesu*, persecutionem patientur. Est autem probabiliter conjectandum, quod *Paulus* sciens Prophetam expertem honoris esse in propria patria, cum ubique sermonem Evangelicum prædicaverit, non prædicaverit *Tarsi*: & hanc ob causam Apostoli reliquerunt *Israëlem*, facientes quod præceptum erat a *Servatore*, *Docete omnes gentes.* Et illud, *Eritis mihi testes Hierosolymis, & in tota Judea, Samariaque, & usque ad extremum terra.* Fecerunt igitur quod erant iussi, in *Judea* & *Hierosolymis*. Sed quoniam Pro-

pheta in sua patria caret honore, cum non recepissent *Judæi* verbum, abierunt ad Gentes. Adhibe vero mentem, num possis propter hoc quod dictum est, *Effundam de Spiritu meo super omnem carnem, & prophetabunt*, dicere post *Servatoris* adventum hoc impletum esse in ex Gentibus collectis Ecclesiis: quoniam qui prius fuerant de mundo, quia crediderunt, factum est, ut non amplius sint de mundo: in propria patria, videlicet mundo, accepto Spiritu sancto, ac prophetantes honorem non habent, sed ignominia afficiuntur. Quapropter beati dicuntur, qui omnia passi sunt quæ Prophetæ, juxta id quod a *Servatore* dicitur, *Juxta hæc enim faciebant Prophetis patres illorum.* His qui diligenter adhibuerit mentem, si quoniam admodum severe vivit, ac redarguit delinquentes, haberetur odio, & insidiis peteretur, ut persecutionem patiens, & probis affectus propter justitiam, non solum non dolebit, verum etiam gaudebit & exultabit, certus se ob hæc mercedem habiturum copiosam in coelis, ab eo qui ipsum Prophetis æquavit, eo quod eadem passus est. Proinde oportet affici ignominia in hoc mundo & apud peccatores, quibus gravis est vita justi, eum qui æmulatur vitam propheticam, & qui Spiritum, qui fuit in illis, accepit. Deinceps illud considerare licet quod dicitur, *Non fecit illic virtutes multas propter incredulitatem illorum.* Per hæc enim docemur, quod virtutes in his factæ fuerint qui credebant, Quoniam omni habenti dabitur, & abundabit. In incredulis autem non solum non operabantur virtutes, verum, ut *Marcus* scribit, ne poterant quidem operari. Attende enim illud quod dicitur, *Non potuit illic ullam virtutem facere.* Non enim dixit: *Noluit*, sed *non potuit*, quasi auxilium quidem veniret ad virtutem operantem, a fide illius in quem operatur virtus, sed vetaretur operari ab incredulitate. Vide igitur quod discipulis interrogantibus, *quare non potuimus ejicere Demonium?* respondit, *propter exiguitatem vestrae fidei.* Et *Petro* incipienti mergi dictum est, *exiguam habens fiduciam, quare dubitasti?* Quin & sanguinis profluvio obnoxia, cum non postu-
D *lasset sanari, sed tantum in animo reputans, si sim-
briam vestimenti illius contigisset, fore sanam, conse-*
E *ssit sanata est, & assentitur modo sanationis Servator*
F *dicens, Quis me tetigit? Nam ego novi virtutem exisse ex me.* Ac fortassis quemadmodum in corporibus naturalis quidam attractus quibusdam ad quædam inest, veluti magneti lapidi ad ferrum, & bitumini, quod dicitur naphtha, ad ignem, sic hujusmodi fidei ad divinam virtutem. Juxta quod & illud dictum est, *Si habueritis fidem ut granum sinapis, dicetis monti huic, Transfer te hinc illuc, & transferet sese.* Accurate vero *Matthæus* & *Marcus* declarare volentes divinæ virtutis eminentiam, quæ & in incredulitate valet, sed amplius potest quicquid potest per fidem illorum, qui beneficiis afficiuntur: mihi dixisse videntur, non eum non fecisse virtutes propter incredulitatem illorum, sed ibi non fecisse virtutes multas. Ac *Marcus* non dixit, non potuit illic ullam etiam virtutem facere, ibique substitit, sed adjecit, *nisi quod paucos male habentes impostis manibus sanavit*, sic quoque virtute quæ erat in illo superante incredulitatem. Mihi vero videtur, quod quemadmodum in rebus corporalibus, nec agricolatio per se sufficit ad convehendos fructus, nisi coelum quod terræ circumfunditur, opituletur, imo potius, nisi opituletur is qui coelum gubernat, faciens illud quaecumque vult, neque coelum vel potius ille penes quem est rerum providentia fecerit, ut exoriantur e terra, ea quæ solent e terra exoriri, sine agricultura. Semel enim hoc fecit in hoc quod dixit: *Producat terra herbam graminis, seminans semen juxta genus ac similitudinem:* sic neque virtutum operationes absque fide illorum qui faniantur, perfectum opus præstant ad sanitatem conferendam, neque fides qualicumque fuerit, absque divina virtute. Atque id quod scriptum est de sapientia, accommodabis & ad fidem, & ad virtutes singulas, ut eam hunc in modum alloqui possis. Etenim si quis fuerit perfectus in fide inter filios hominum, si tua virtus absit, pro nihilo æstimabitur: aut si quis perfectus pu-

dicitia inter filios hominum, si quæ abs te proficiscitur abfuerit pudicitia, pro nihilo æstimabitur: aut si quis perfectus in iustitia, reliquisque virtutibus, si absit quæ abs te proficiscitur iustitia, reliquæque virtutes, quæ abs te proficiscuntur, pro nihilo æstimabitur. Unde ne gloriatur sapiens in sapientia sua, neque robustus in robore suo. Quod enim gloriatione dignum est, id nostrum non est, sed donum est Dei, ab eo proficiscitur sapientia, ab ipso proficiscitur robur, atque item cætera.

C A P U T XIV.

†. 1, 2. **I**n illo tempore audivit Herodes tetrarcha famam Jesu, ac dixit pueris suis, Hic est Joannes Baptista. Apud Marcum ita loquitur, itidem & apud Lucam. Judæi varias habebant hisce de rebus opiniones, nonnulli quidem falsas sententias habebant, videlicet Sadducæi de resurrectione mortuorum, quasi non resurgerent: Item de Angelis, quasi non essent, sed quasi quæ de illis erant scripta, tantummodo per tropologiam essent accipienda, neque quicquam haberent veri secundum historiam. Alias rursus habebant veras, veluti de resurrectione mortuorum, quod resurgerent docebant Pharisei. Quod igitur hoc loco quæritur illud est, an talis quæpiam fuerit de anima opinio, quam falso habebat Herodes, & ex plebe nonnulli, quod Joannes, qui paulo ante ab ipso fuerat interfectus, resurrexisset a mortuis post amputatum caput, quodque esset idem alio utens nomine nunc dictus Jesus, capax illius virtutum quæ prius operabantur in Joanne. Quam igitur habet probabilitatem, quod eum qui tantopere notus erat omni populo, & in omni celebratus Judæa, quem dicebant esse fabri Mariæque filium, & fratres ac sorores habere tales, existimarint non alium ab Joanne fuisse, cui pater fuerit Zacharias, mater Elizabeth, nec ipsi obscuri in populo? Verisimile est autem, quod populus existimans Joannem esse verum Prophetam, cujus tanta fuit multitudo, ut Pharisei metuerint, & quoniam videbatur id placere populo, flagitarunt a Joanne responsum, baptismus ipsius utrum e coelo esset an ex hominibus, non ignoraverit eum esse filium Zacharia. Fortassis & ad quosdam illorum pervenerat visionis historia, quæ visa fuit in Templo, cum appareret Zachariæ Gabriel. Proinde quæ probabile est, vel Herodem, vel quempiam e plebe sic errasse, ut arbitraretur non duos fuisse Joannem & Jesum, sed unum & eundem Joannem posteaquam surrexerat ex mortuis post decollationem, vocatum fuisse Jesum. Dixerit autem quispiam, mutandum corporum falsam opinionem fuisse in Herode, ac in nonnullis ex plebe, qua putabant eum qui natus fuerat Joannes, ex mortuis redisse in vitam, tanquam Jesum. Sed quo minus probabile sit hanc falsam opinionem illos habuisse, obstat tempus, quod intercessit inter nativitatem Joannis & nativitatem Jesu, quod non erat longius quam sex mensium. Fortasse talis potius quædam suspicio fuit in Herode, quod virtutes quæ operabantur in Joanne, translatae fuerint in Jesum, ob quas Joannes Baptista Messias esse creditus fuerat in populo: & uti poterit quispiam tali argumento: quemadmodum propter Spiritum ac virtutem Helia, & non propter animam ejus de Joanne dicitur, Ipse est Helias, qui venturus est, nimirum Spiritu qui fuerat in Helia, ac virtute quæ in illo fuerat, translatis in Joannem: sic existimabat Herodes virtutes quæ fuerant in Joanne, in Joanne quidem operatas fuisse baptismum ac doctrinam, Joannes enim nullum edidit miraculum: in Jesu vero prodigiosas virtutes. Simile quiddam dicet aliquis & illos opinatos, qui dixerunt Heliam apparuisse in Jesu, aut unum e veteribus Prophetis resurrexisse. Nihil autem ad hanc quæstionem pertinet eorum opinio, qui dicebant, Jesum Prophetam fuisse, velut unum e numero Prophetarum. Mendax igitur est sermo, sive is qui scriptus est esse Herodis de Jesu, sive ab alio quopiam dictus. Veruntamen mihi videtur probabilius per similitudinem esse dictum, ut sicut in Spiritu & virtute Helia Joannes præcesserat, sic isti nunc suspicentur de Joanne & Jesu. Quoniam autem primum didicimus, quod

A post tentationem Servator, cum audisset Joannem esse traditum, secesserit in Galilaam: Deinde didicimus, quod cum Joannes esset in carcere, cum audisset quæ ferebantur de Jesu, missis duobus discipulis suis, dixerit illi: Tu es qui venturus es, an alium expectamus? Tertiò plane simpliciter didicimus, Herodem dixisse de Jesu, ipse est Joannes Baptista, ipse suscitatus est a mortuis: nec alicunde tamen prius cognovimus, quomodo sublatus est Baptista. Quapropter & hoc nunc describit Matthæus, ac item Marcus similiter. Cæterum Lucas pleraque quæ ad hanc pertinent historiam, silentio præterit. Itaque Matthæi narratio ad hunc habet modum: Herodes enim captum Joannem vinxit in carcere. De his igitur mihi videtur, quod quemadmodum Lex & Prophetæ durarunt usque ad Joannem, post quem cessavit in Judæis prophetica gratia: sic eorum potestas qui regnarant in populo, quæ hætenus valebat, ut eos qui digni morte viderentur, posset interficere, usque ad Joannem fuit: & interfecto inique ab Herode Prophetarum novissimo, privatus est Judæorum Rex occidendi potestate. Nisi enim hac potestate fuisset spoliatus Herodes, nequaquam Pilatus pronuntiasset in Jesum mortis sententiam, sed ad id satis fuisset Herodes, Pontificum ac Seniorum populi consilio in hoc adhibito. Ac tunc opinor impletum est illud, quod a Jacob ad Judam hunc in modum dictum est: Non deficiet princeps ex Juda, neque dux ex Israël, donec venerit cui repositum est, & ipse expectatio gentium. Fortassis etiam hac potestate privati sunt Judæi, divina providentia Christi doctrinæ locum præparante in populo, ut etiam si hæc prohiberetur a Judæis, non tamen procederet usque ad interemptionem credentium, quæ videretur juxta legem fieri. Herodes autem captum Joannem vinxit in carcere ac reposuit, signum quoddam hoc facto præbens, quod quantum erat in ipso situm, & in malitia populi, concluderet & alligaret sermonem propheticum, vetaretque ne posthac maneret in libertate veritatis præco, quemadmodum prius. Hoc autem faciebat Herodes propter Herodiadem uxorem Philippi fratris sui. Dicebat enim illi Joannes: Non licet tibi habere eam. Hic autem Philippus erat Tetrarcha Iturea & Trachonitidis regionis. Itaque nonnulli arbitrantur, quod mortuo Philippo relicta filia, Herodiadem uxorem fratris Herodes duxerit, cum Lex concedat hoc matrimonium, si absint liberi. Nos vero quoniam nusquam reperimus mortuum fuisse Philippum, arbitramur majorem etiam iniquitatem fuisse in Herode, qui viventi etiamnum fratri conjugem abduxerit, eoque Prophetica libertate præditus Joannes, neque veritus regiam Herodis dignitatem, neque ob mortis metum, silentio dissimulans tantam iniquitatem, dicebat Herodi, divino repletus Spiritu, Non licet tibi habere eam. Non enim licet tibi habere uxorem fratristui. Herodes quidem cepit Joannem, ac vinctum reposuit in custodia, non audens omnino occidere, hoc est Propheticum sermonem tollere a populo. Regis autem Trachonitidis uxor, quæ est perversa quæpiam opinio, malaque doctrina, filiam peperit ejusdem nominis, cujus motus quoniam videbantur decori, placuissentque Herodi genethliacas res amanti, in causâ fuerunt quo minus deinceps esset in populo caput Prophetarum. Quin & in hodiernum usque diem motus populi Judæici, qui videntur secundum Legem esse, nihil aliud esse puto, quam Herodiadis filia saltationes. Sed Herodiadis saltatio contraria erat sanctæ saltationi, quam qui non saltaverint, his exprobrabitur audientque, Tibi cecinimus vobis, & non saltastis: sed in natalitiis iniqui sermonis qui regnabat in illis, saltant, sic ut placerent illi sermoni motus illorum. Observavit quidem quidam eorum qui vixerunt ante nos, Pharaonis natalem in Genesi descriptum, exposuitque quod malus ille gaudens negotiis generationis, festum celebrat natalitium. Nos vero ab illo hanc nacti occasionem, in nulla Scriptura comperimus a justo celebratum diem natalem. Nam Herodes illo Pharaone fuit iniquior: Siquidem ab illo in natalitiis pistorum princeps occiditur, ab hoc autem Joannes, quo major inter natos mulierum non surrexit, de quo Servator dicit: Sed quare existis? ad videndum Prophetam? etiam dico vobis, & plusquam

Prophetam. Verum oportet gratias agere Deo, quod prophetiæ quoque gratia populo adempta est, quæ tota illa major effusa est in Gentes, per Servatorem nostrum *Jesum*, qui fuit inter mortuos liber. Quanquam enim crucifixus est ex infirmitate, vivit tamen ex virtute Dei. Insuper autem vide rationem, juxta quam purorum & impurorum ciborum discrimen expenditur. Despicitur autem prophetia, cum in disco obsonii loco infertur: caput vero prophetiæ *Judæi* non habent, *Christum Jesum* totius prophetiæ caput negantes: & amputatur caput prophetiæ propter jusjurandum, quod pejerandum erat potius quam servandum. Non enim tantum erat crimen præcipitasse jusjurandum, quantum erat crimen ob præcipitatum jusjurandum occidere Prophetam. Ac non ob id tantum decollatur, verum etiam ob eos qui simul accumbant, malentes Prophetam occidi quam vivere. Simul autem accumbant, simulque convivabant cum sermone malo *Judaorum* Rege, qui de illius nativitate gaudebant. Hoc autem dicto nonnunquam eleganter uteris adversus eos, qui præcipientes sunt ad jurandum, voluntque ratum esse jusjurandum, quod in rem impiam susceperunt, dicens non quodvis jusjurandum oportere servari, veluti nec *Herodes*. Ad hæc autem & illud animadvertite, quod non palam, sed clam, & in carcere *Joannem* occidit *Herodes*; neque enim palam nunc abnegat *Judaorum* sermo prophetias. Atqui re ipsa, & clanculum eas negat, ac deprehenditur illis non credere. Quemadmodum enim si credidisset *Mosi*, credidissent & *Jesu*: ita si credidissent Prophetis, recepissent utique qui fuerat a Prophetis nunciatus. Quoniam autem huic non credunt, nec illis credunt, ac truncant in carcere conclusum sermonem Propheticum, habentque illum mortuum ac divulgum minimeque integrum, quia non intelligunt eum, sed nos integrum habemus *Jesum*, expleta quæ de illo fuerat prophetia dicens, *os non comminuetis*. Discipuli vero *Joannis* sepe liunt illius reliquias, & abeuntes renunciarunt *Jesu*.

¶ 12. At ille secessit in locum desertum, nimirum ad gentes: ac post Prophetarum interemtionem, turbæ sequebantur illum ex omnibus undique civitatibus: quas cum vidisset esse numerosas, miseratus est illos, ac sanavit ægrotos illorum, ac post hæc, alit benedictis ac multiplicatis paucis panibus eos qui sequuti fuerant ipsum.

¶ 13. Cum audisset autem *Jesus*, secessit illinc navigio in locum desertum seorsum. Hic quidem sermo docet nos, quantum valeat, a persequentibus & ab expectatione eorum qui per sermones insidiantur, secedere. Hoc enim bona ratione fieri potest. Cæterum eum qui possit ab imminetibus abesse, omni ex parte eos recipere temeritatis est & confidentiæ. Quis autem posthac dubitet, an a talibus liceat declinare, cum non solum post ea quæ *Joanni* acciderant, *Jesus* secesserit, verum etiam hoc docuerit dicens: *Si persequuti vos fuerint in civitate hac, fugite in aliam*. Quoties igitur inciderit tentatio, quam vitare non licet, necesse est fortiter magnoque animo sustinere. Quod si liceat effugere, audaciæ fuerit hoc non facere. Quoniam autem post id quod dictum est, etiam juxta anagogen oportet locum examinare, dicendum est quod postea quam apud *Judaos* insidiis petita est prophetia, occisæque propterea quod apud illos in pretio essent natalitia festa, vanique motus qui fiebant in convivio, iudicio veritatis incompoti & inconditi, cæterum opinionione principis malorum, & eorum qui cum ipso convivium agitant, compositi & concinni, ipsisque grati, secedit *Jesus* a loco, in quo prophetia structis insidiis condemnata est: secedit autem in locum a Deo desertum, qui est apud Gentes, ubi Dei Verbum, sublato regno ab illis, datoque Genti facienti fructus ipsius, nascatur inter Gentes, perque hoc Verbum nascantur filii desertæ, quæ neque Legem, neque Prophetas didicerat, multo plures quam ejus quæ habet virum, videlicet Legem. Cum igitur olim apud *Judaos* esset Verbum, non sic erat apud illos quemadmodum apud Gentes. Ideo dictus est in navi, hoc est, in corpore, in locum desertum seorsum venisse, cum audisset de sublatione Prophetæ. Cum autem venisset in eremum, seorsum erat in ea: quod Verbum illius ac doctrina esset singularis, ultra consuetudi-

nes & opiniones aptud Gentes receptas. Turbæ vero quæ erant in Gentibus, cum audissent Verbum adesse in deserto suo, idque seorsum esse, ut ante exposuimus, secutæ sunt illud relictis propriis civitatibus, dum illorum quisque relinquit patriæ superstitionis consuetudines, & *Christi* legi accedit. Sed pedestri itinere, non navigio illum secuti sunt, ut puta, non corpore, sed nuda anima, ac voluntate per Verbum persuasæ secuti imaginem Dei. Et ad hos sane *Jesus* exit, cum non possent ad illum accedere, ut veniens ad eos qui foris erant, introduceret eos qui erant foris. Multa autem turba foris erat, ad quam egreditur Dei Verbum, & effuso lumine suæ visitationis in illam, vidit eam. Et cum vidisset illos ob hoc esse magis dignos miseratione, quod in talibus malis essent, velut hominum amator, qui alienus erat ab affectibus, in hoc affectus sentit, quod commotis visceribus miseratus est. Nec miseratus solum, verum etiam ægrotos illorum sanavit, habentes varios & omniuges ex malitia morbos. Quod si videre vis, quales sint animi morbi, cogita mihi, avaros, gloriæ cupidos, & puerorum amatores, & si quis est mulieribus deditus. Nam & hos in turbis visos, eosque miseratus sanavit. Non tamen putandum est, quodvis peccatum esse morbum, sed id quod in tota computruit anima. Tales enim videre est pecuniarum amatores, totos incumbentes argento, & in hujus tum custodiam, tum coacervationem: avidos laudum, gloriolis inhiantes. Inhiant enim captandis a vulgo vilibusque hominibus laudibus. Ac juxta consimilem rationem cogitabis de reliquis morbis quos nominavimus, & si quis alius est horum consimilis. Quoniam igitur inter enarrandum, quod dictum est, *Sanavit ægrotos eorum*, diximus non quodvis peccatum esse morbum, operæ pretium est & e Scripturis de horum differentia differere. Ait sane Apostolus *Corinthiis*, qui variis peccatis laborabant, scribens, *Propterea inter vos infirmi multi, & valetudinarii, & dormiunt multi*. Audi siquidem Apostolum in his etiam vinculum necessitatem, contextumque facientem ex diversis peccatis, juxta quod alii quidem sunt infirmi, alii vero ægroti, videlicet plus quam infirmi: rursus alii utrisque pejus habentes, qui dormiunt. Nam qui propter imbecilles animi vires, proclives sunt ad labendum in quodvis peccatum, etiam si non toto animo fuerint obnoxii alicui peccato peculiari, quemadmodum sunt ægroti, tantum infirmi sunt. Porro qui pro Deo quem diligere debebant tota anima, toto corde, & tota mente, diligunt pecuniam, aut gloriam, aut mulieres, aut pueros, hi pejus affecti sunt quam infirmi, suntque ægroti. Dormiunt autem, qui, cum debeant attendere & ad vigilare animæ suæ, non faciunt id, sed ex nimia negligentia dormitant voluntate, & somniculosi sunt cogitationibus, qui quidem somniantes, carnem quidem polluunt, auctoritatem vero spernunt, gloriis autem male dicunt. Isti sane quia dormiunt, in visis inanibus versantur, & infomniorum simillimis, ea quæ superne veniunt, quæque vera sunt non recipientes, sed infirmi per inania simulacra falluntur. De quibus & in *Esaiâ* dicitur illud, *Quemadmodum somniat sitiens quasi bibat, & experrectus adhuc sitis, anima vero illorum inaniter speravit: Sic erunt divitia omnium gentium, quæcumque militaverunt in Hierusalem*. Itaque quanquam videmur digressionem fecisse, dum exposuimus differentiam infirmorum, ægrotorum, & dormientium, propterea quod Apostolus in ad *Corinthios* Epistola dixit, quæ enarravimus fecimus digressionem, studentes ostendere, quid intelligendum significetur his verbis, & sanavit ægrotos illorum.

Post hæc habet sermo Euangelicus: Cum autem esset *Jesus* facta vespere, accesserunt ad eum discipuli ipsius dicentes: Desertus locus est, & hora jam præterit, dimitte itaque turbas, ut abeuntes in vicos emant sibi cibaria. Ac primum observa, quod cum daturus esset benedictionis panes discipulis, ut apponerent turbis, sanavit ægrotos, ut sani participes fierent panum benedictionis. Non enim possunt, qui adhuc ægrotant, capere panes benedictionis *Jesu*: verum etiam si cum aliquis audire debuerit illud, *Probet autem unusquisque seipsum, & sic comedat*

dat ex illo pane: reliquaue quæ sequuntur, hæc non audierit, sed temere sumpserit panem Domini & poculum ejus, infirmus sit aut ægrotus, aut etiam, ut ita loquar, ex gravedine quæ nascitur ex hujus panis vi, dormiens. *Vespere autem facto adierunt eum discipuli ipsius*, hoc est, in consummatione seculi, de quo tempestive dixeris illud, quod positum est in Epistola Joannis, *Novissima hora est*. Qui quum nondum intelligerent, quid facturus esset Dei filius, dicunt illi: *Desertus est locus*: videntes Dei, & Legis, & Verbi solitudinem in plerisque. Dicunt autem illi, & *hora præteritis*: quasi præterisset opportunum tempus Legis & Prophetarum. Fortassis autem hoc dicebant, huc spectantes, quod decollatus esset *Joannes*, & Legem & prophetias, quæ erant usque ad *Joannem*, cessasse. *Præteritis* igitur, inquirunt, *hora*. Nec adest cibus, eo quod tempus illius jam non amplius sit præsens, ut qui in deserto secuti sunt te, Legi ac Prophetis ferviant. Insuper dicunt discipuli: *Dimitte illos*, ut si minus queant a civitatibus, certe a vicis, locis vilioribus emant cibaria. Hæc quidem dicebant discipuli, desperantes turbas inventuras, eo quod dimissa est littera Legis, ac prophetiæ cessassent, insignes ac novos cibos. Sed vide quid *Jesús* responderit discipulis, tantum non clamans ac manifeste dicens: Vos quidem opinamini turbas si a me discesserint egentes cibariis, ea in vicis inventuras potius quam apud me, & in conventibus hominum, non civium, sed vicanorum potius quam si apud me permanerint, Cæterum ego patefaciam vobis, quod eo quo creditis illos egere non egent, neque enim opus habent ut discedant. Eo vero quo creditis eos non habere opus, hoc est, me, quasi non possim eos alere, hoc juxta vestram expectationem opus habent. Quoniam igitur vos docui, reddidique sufficientes ad dandum egentibus animi cibum, vos date turbis quæ me secutæ sunt quod edant. Habetis potestatem a me traditam, ut detis turbis cibum, cui si fuisset intenti, nimirum intelligeretis, me multo magis illos alere posse: nec diceretis, dimitte turbas, ut abeant, emantque sibi cibaria. *Jesús* igitur per potestatem quam

9. 16. dederat discipulis alios etiam alendi, dixit: *Date eis vos, quod edant*. Illi vero non negantes se posse dare panes, sed arbitrati pauciores esse, nec sufficere pascendis qui secuti fuerant *Jesum*, neque considerantes, quod *Jesús* acceptum unumquemque panem, id est, verbum, in quantum vult dilatat, efficiens ut omnibus sufficiat,

9. 17. quoscunque velit pascere, ajunt: *Non habemus hic nisi quinque panes ac duos pisces*: per quinque panes fortassis innuentes sensibilia Scripturarum verba, & ob hoc numero respondentia quinque sensibus: per duos vero pisces, vel propheticum & in affectibus situm sermonem, quasi oblonga rerum sensibilibus, quæ in Scripturis reposita sunt: aut fortassis sermonem qui jam ad illos pervenerat de Patre & Filio. Quam ob causam & ipse comederat de pisce posteaquam resurrexisset, parte sumpta a discipulis, ubi jam recepisset ab illis, quam ex parte poterant ipsi de Patre profiteri Theologiam. Nos quidem sermones de quinque panibus ac duobus piscibus hunc in modum explicare valuimus. Probabile est autem, quod qui magis quam nos colligere possunt, quinque panes ac duos pisces apud sese, copiosiore ac meliorem de his reddere valeant intelligentiam. Illud tamen obiter annotandum, quod quinque panes ac duos pisces habere se discipuli profitentur apud *Matthæum*, *Marcum*, & *Lucam*, nullam dantes significationem, an triticei sint, an hordeacei, solus *Joannes* hordeaceos fuisse dicit, unde fortassis nec discipuli in Evangelio *Joannis* eos panes apud se esse fatentur, sed apud hunc ita loquuntur, *Est puer hic, qui habet quinque panes hordeaceos, ac duos pisces*. Et donec hi quinque panes cum duobus piscibus non adferebantur a discipulis *Jesu*, non creverunt, neque multiplicati sunt, neque poterant multos alere. Cum autem illos accepisset Servator, primum suspexit in cœlum, nimirum oculorum suorum radiis veluti deducens illinc potentiam, robur addituram quinque panibus ac duobus piscibus, ad nutriendum quinque hominum millia. Post hæc benedixit quinque panibus & duobus piscibus verbo & benedictione augens

A illos ac multiplicans, mox dividens ac frangens dedit discipulis, ut illi turbis apponerent. Tunc suscipiebant illi panes ac pisces ad hoc, ut ederent ac saturarentur omnes, adeo ut quosdam ex benedictis panibus non potuerit comedere; Tam multa turbis supererant, quæ apud turbas quidem non erant, sed apud discipulos, volentes tollere quod supererat fragmentorum, reponereque in cophinos, plenos fragmentorum totidem numero, quot erant Tribus *Israel*. De *Joseph* quidem scriptum est in Psalm. *Manus ejus in cophino servierunt*. De *Jesu* vero discipulis, quod cum essent nimirum duodecim, sustulerint ex eo quod superfuerat, duodecim cophinos non dimidiatos, sed plenos. Et sunt, nisi fallor, ad hunc usque diem & erunt usque ad consummationem seculi, duodecim cophini pleni fragmentorum panis vivi, apud *Jesu* discipulos turbis præstantiores, quæ turbæ non possunt comedere. Erant autem qui comederant de quinque panibus, qui erant antequam superfuissent duodecim cophini, cognati numero pemptadis. Usque ad quinque sensibilia pervenerant ii qui comederant. Quandoquidem & hi ab eo qui suspexerat in cœlum, quique benedixerat ac fregerat illos, aliti sunt, iique non pueri, neque foeminae, sed viri. Sunt enim, nisi fallor, & in sensibilibus eduliis discrimina, ut quædam sint eorum, qui evacuaverunt ea quæ sunt parvuli: quædam rursus eorum qui parvuli sunt adhuc & carnales in *Christo*. Ac nobis hæc dicta sint propter hæc verba: *Qui comederant erant viri quinquies 9. 21. mille præter pueros ac mulieres*. Quod quidem ambigüe dictum est, utrum qui comederant fuerint viri quinquies mille, nec inter hos edentes ullus fuerit puer aut foemina: an viri tantum fuerint numero quinquies mille, non annumeratis neque pueris neque mulieribus. Nonnulli quidem, ut ante diximus, ad hunc modum explicuerunt, quod neque pueri, neque mulieres adfuerint iis quæ ex quinque panibus ac duobus piscibus aucta multiplicataque sunt. Dixerit autem aliquis, quod cum multi comederint, juxtaque dignitatem ac vires, participes facti fuerint panum benedictionis, alii quidem numero digni erant, juxta similitudinem eorum, qui in libro Numerorum nominati sunt, annos viginti nati, *Israelita* viri erant: alii vero qui digni non erant tali ratione numeroque, pueri erant, ac mulieres. Jam mihi tropologiam de pueris tracta, juxta illud, *Non potui vobis loqui ut spiritualibus, sed ut carnalibus, ut parvulis in Christo*. De mulieribus autem, juxta illud, *Volo autem vos omnes virginem castam exhibere Christo*. De viris vero juxta illud, *Posteaquam factus sum vir, evacuavi ea quæ erant parvuli*. Ne prætereamus inenarratum & illud, cum jussisset turbas discumbere super gramen, acceptis 9. 19. quinque panibus & duobus piscibus, sublati in cœlum oculis, benedixit, cumque fregisset, dedit discipulis panes, discipuli vero turbis, & comederunt omnes. Quid enim significat illud, quod jussit omnes turbas discumbere super gramen, & quid intelligere possumus dignum jussione *Jesu*, de loco? Opinor autem, quod turbas jussit discumbere in fœno, propter id quod dicitur in *Esaia*, *Omnis caro fenum*, hoc est, subicere carnem, ac subditum reddere carnis affectum, ut sic aliquis possit esse particeps panum quibus benedixit *Jesús*. Deinde quoniam varii sunt ordines eorum qui egent alimonia *Jesu*, nec iisdem sermonibus aluntur omnes, propterea, nisi fallor, *Marcus* dixit Dominum hoc fecisse: & præcepit eis omnibus, ut discumberent, per convivia, super viride fenum: & accubuerunt per singula viridaria centeni & quinquageni. *Lucas* autem sic: *Dixit autem ad discipulos suos, Facite ut discumbant, per singulos ordines ferme quinquageni*. Oportebat enim eos qui requieturi erant in *Jesu* cibariis, aut esse in ordine centum, qui numerus sacer est, ac Deo propter unionem consecratus: aut in ordine quinquaginta, qui numerus continet remissionem, juxta mysterium Jubilei, qui solitus quinquagesimo quoque anno innovari, juxta mysterium festi Pentecostes, quod est die quinquagesimo. Arbitror autem duodecim cophinos fuisse apud discipulos, quibus dictum est, *Sedebitis super duodecim sedes, judicantes duodecim Tribus Israel*. Et quemadmodum dicere posset aliquis, mysterium esse in throno judicantis Tribum *Ruben*, &

in throno judicantis Tribum *Simeon*, & in alio throno judicantis Tribum *Juda*, atque item de cæteris: ita fuerit & cophinus cibariorum *Ruben*, & alius *Simeon*, alius *Levi*, sed non est præsentis tractationis nunc tantum a proposito digredi, ut coacervemus quæ dici possent de duodecim Tribubus, ac peculiariter de harum singulis, & quæ sit quæque Tribus *Israel* explicare.

†. 22. *Et protinus compulsi discipulos ingredi navim, & præcedere ipsum in ulteriorem ripam, donec dimitteret turbas.* Observandum est obiter, quoties iisdem locis repetuntur hoc modo, *turba*, Item aliud nomen, *discipuli*, ut ex hac observatione, & ex hujus nominis coacervatione, perspicuum fiat, Evangelistis fuisse propositum, per Evangelicam narrationem ostendere voluisse differentias accedentium ad *Jesum*, quorum alii sunt turbæ, nec vocantur discipuli: alii vero discipuli qui sunt turbis præstantiores. Sed satis est in præsentia nos pauca verba adducere, quovidelicet ex his incitatus aliquis, idem faciat in omnibus Evangelistiis. Scriptum est itaque, cum turbæ essent loco humiliori, de discipulis ad *Jesum*, qui montem conscenderat, volentibus accedere, quo turba pervenire non poterat, hunc in modum: *Cum vidisset turbas, conscendit in montem, cumque consedisset, accesserunt ad eum discipuli ipsius, & cum aperuisset os suum docebat eos, dicens, Beati pauperes spiritu: & cætera quæ sequuntur.* Et rursus alio in loco, turbis desiderantibus sanationem dictum est, *Sequuta sunt eum turba multa, & sanavit eos.* Non reperimus de discipulis scriptum, quod eos sanaverit: propterea quod si quis jam est discipulus *Jesu*, ille sanus est, & cum bene habeat, opus habet *Jesu*, non quatenus est medicus, sed secundum alias illius vires. Rursus alibi, cum *Jesus* loqueretur turbis, *mater ipsius ac fratres stabant foris, quærentes ei loqui*, quod quidem illi significatum est; Renunciandi respondit extensa manu non ad turbas, sed ad discipulos, dicitque, *Ecce mater mea & fratres mei: ac testimonium ferens discipulis quod facerent voluntatem Patris qui in coelis est, ipse, inquit, meum & fratrem & sororem & matrem est.* Rursus alio loco scriptum est, quod omnisturba steterit juxta littus, & loquutus sit eis per parabolas multa. Deinde post parabolam sementis, accedentes non jam turbæ, sed discipuli dicebant ei, non, *quare loqueris nobis per parabolas, sed, quare per parabolas loqueris illis?* Quo tempore respondit non turbis, sed discipulis, *Vobis datum est nosse mysteria regni cælorum, cæteris autem per parabolas.* Proinde inter hos qui accedunt ad nomen *Jesu*, ii qui noverunt mysteria regni cælorum, discipuli vocari possunt, ii vero quibus hoc datum non est, turbæ, quæ discipulis inferiores dicuntur. Attende vero diligenter, cum discipulis dixisset, *Vobis datum est nosse mysteria regni cælorum: de turbis vero dictum est, Illis vero non datum est.* Item alibi dimittit turbas & ingreditur in domum, non autem dimittit discipulos. Et in domum ejus accedunt ad eum, non turbæ, sed discipuli ejus dicentes: *Ediffere nobis parabolam xizaniorum agri.* Quin & in alio loco, cum audisset de *Joanne*, *Jesus secessit navigio in desertum locum seorsum, turba sequuta sunt eum: cum egressus vidit multam turbam, & misericordia motus super illos, sanavit agrotos illorum, videlicet turbarum, non discipulorum.* Vespere autem facto, accesserunt ad eum non turbæ, sed discipuli dicentes, velut alii a turbis: *Dimitte turbas, ut digressi in vicos, emant sibi cibaria.* Insuper cum acceptis quinque panibus & duobus piscibus, & sublati in cælum oculis benedixit, ac frangens dedit discipulis, ut discipuli darent turbis, quæ non poterant ab eo capere, sed vix per discipulos accipiunt panes benedictionis *Jesu*, ac ne hos quidem omnes comedunt: nam saturatæ turbæ reliquerunt quod superfuit in cophinis duodecim plenis. Cæterum cujus gratia has annotationes obiter adjunxerimus, est illud quod in manibus est, videlicet quod *Jesus* separans a turbis discipulos, compulsi eos ingredi navim, ac præcedere ipsum in ulteriorem ripam, donec ipse dimitteret turbas. Non enim possunt turbæ in ulteriorem ripam transire, velut *Hebrai* mystice, quæ vox sonat nobis, *transmissorii*: verum hoc erat opus discipulorum *Jesu*, videlicet in ulteriorem abire ripam, ac transcendere ea quæ vi-

A dentur, quæque corporalia sunt ac temporaria: pervenire autem ad ea quæ non videntur, æternaque sunt. Satis igitur beneficentiæ collatum erat in turbas a *Jesu*, quæ non poterant, eo quod essent turbæ, abire in ulteriorem ripam, si dimitterentur a *Jesu*. Qua dimissione nullus habet auctoritatem dimittendi, nisi *Christus* solus, neque fieri potest, ut dimittatur aliquis, nisi prius comederit de panibus, quibus benedixit *Jesus*. Non potest autem edere de panibus benedictionis *Jesu*, nisi lecerit quemadmodum præcepit *Jesus*, ac discubuerit in gramine, quemadmodum disseruimus. At ne id quidem possunt facere turbæ, nisi relictis suis civitatibus, sequutæ fuerint *Jesum* secedentem in desertum locum seorsum. Ac prius quidem rogatus a discipulis, ut dimitteret turbas, non dimisit, donec aluisset eas panibus benedictionis. Nunc vero dimittit discipulis prius compulsi ingredi navim, & relinquit eos in loco quopiam humiliori, Nam desertum inferius est: *Ipse autem ascendit in montem, ut oraret.* Quin & illud observandum, quod illico posteaquam paverat quinque millia hominum *Jesus*, compulsi discipulos ingredi navim, & præcedere ipsum ultra Lacum. Verum non possunt discipuli præcedere *Jesum* trans Lacum, sed ubi pervenissent usque ad medium maris, ac navis jactaretur fluctibus, eo quod ventus esset adversus, timuerunt, circiter quartam noctis custodiam, cum venisset ad illos *Jesus*. Et nisi ascendisset in navim *Jesus*, neque navigantibus discipulis ventus defuisset esse contrarius, neque trajicientes venissent in alterum littus qui navigabant. Ac fortasse volens illos experimento docere, quod non possent absque ipso abire trans Lacum, compulsi illos ingredi navim, ac præcedere trans Lacum. Cæterum illis non valentibus ultra medium maris pertingere, apparens ac faciens quæ scripta sunt, declaravit, quod qui ad ulteriorem ripam tendit, *Jesu* simul cum ipso navigante perveniet illuc. Quid autem est navigium, in quod *Jesus* compulsi ingredi discipulos nisi fortassis tentationum ac periculorum imminentium certamen, in quod compulsus aliquis a Verbo, velutique nolens, venit, sed ita Salvatore volente exercere discipulos in hac navi fluctibus jactata obventum adversum. Quoniam autem confestim compulsi discipulos suos ingredi navim, & præcedere ipsum trans Lacum. *Marcus* paulum immutatis verbis sic posuit, *Et confestim compulsi discipulos suos ingredi eis τὸ πλοῖον*, id est, in navim, ac præcedere ipsum trans Lacum *Bethsphaidum*: operæ pretium est intendere huic verbo compulsi, si prius consideraverimus exiguam *Marci* variationem, certam navim significantis per additum articulum. Non enim idem significatur ab eo loco, *confestim compulsi discipulos*, sed amplius habet illud, *discipulos suos*, quod apud *Marcum* scriptum est, præ illo quod simpliciter dictum est, *discipulos*, fortassis ut etiam dictionis modo immoraremur. Discipuli cum sic essent affecti, ut ægre distraherentur a *Jesu*, non quavis de causa possunt ab eo separari, cupientes illi adesse. At illi cum decrevisset, ut illi facerent experimentum fluctuum ac venti resstantis, quod nequaquam accidisset, si fuissent cum *Jesu*, necessitatem illis injecit, ut ab ipso se juncti navim ingrederentur. Compellit quidem igitur discipulos Servator, ingredi navim tentationum, ac præcedere ipsum trans Lacum, utque ultra malorum insultus vincendo pervenirent. At illi cum essent in medio maris, inque tentationum fluctibus, ventis adversis vetantibus, quo minus pervenirent in ulteriorem ripam, luctantes non potuerunt absque *Jesu* fluctus vincere ventumque resstantem, ac pertingere ad ripam ulteriorem. Quapropter miseretur illorum Dei filius, omnia quæ quidem in ipsis erant facientibus, ut in ulteriorem ripam pervenirent, venit ad illos ambulans super mare, quod illi non habebat undas neque ventum, qui posset adversari, etiam si voluisset. Non enim dictum est, *venit ad eos ambulans super undas*, sed *super aquas*. Quin *Petrus* primum dicente ipsi *Jesu*, *veni, descendens e navi, ambulabat*, non *super fluctus*, sed *super aquas*, ut veniret ad *Jesum*. Simulatque vero dubitavit, vidit validum ventum, haud quaquam validum ei, qui deposuerat exiguam fiduciam & hæsitacionem. Et cum ascendisset *Pe-*

trus

irus post *Jesum* in navim, cessavit ventus, nihil amplius potens in navim agere, posteaquam *Jesum* eam ingressus erat.

†. 34. Ac tum discipuli transmissio Lacu pervenerunt in terram *Genesareth*, cujus interpretationem si cognosceremus, & hinc nonnihil juvaremur ad hujus enarrationem loci. Observa vero, quoniam fidelis Deus, qui non finit tentari turbas supra quam possunt, quomodo filius Dei discipulos quidem compulit ingredi navim, ut valentiores, quique possent ad medium usque maris pervenire, ac sustinere fluctuum jactationem, donec divino digni redantur auxilio, donec videant *Jesum*, audiantque illum ingressum, trajiciant ac perveniant in terram *Genesareth*. Cæterum dimissis turbis, quæ non ceperant experimentum navis, fluctuum, & resantis venti, velut imbecilliores, *ascendit in montem seorsum ad orandum*. Pro quo vero orandum? nisi forte pro turbis quidem, ut dimissæ post gustatos benedictionis panes, nihil committerent, quod repugnaret dimissioni a *Jesu* factæ. Pro discipulis autem, ut ab ipso compulsi navim ingredi, & ipsum præire trans Lacum, nihil paterentur in mari, nec a vento contrario. Nec verear dicere, ob preces *Jesu* ad Patrem pro discipulis fufas, nihil illis accidisse mali, cum & mare, & fluctus, & ventus adversus, illos oppugnarent. Ergo qui simplicior est, contentus sit historia: nos autem si quando in tentationum necessitatem inciderimus, meminerimus quod *Jesus* nos compulit ingredi navim illam, volens nos præcedere trans Lacum. Fieri namque non potest, qui tentationes fluctuum adversantesque ventos non sustinuerunt eos in ulteriorem pervenire ripam. Deinde ubi conspexerimus multis nos circumvallari negotiis ac periculis, ac mediocriter laborantes ea aliquo usque tranaverimus, cogitemus navim nostram in medio maris esse quæ tunc jactatur fluctibus, hoc agentibus, ut naufragium faciamus circa fidem, aut circa virtutem aliquam. Cæterum ubi viderimus Spiritum illius mali obfistere nostris actionibus, cogitemus tum nobis esse ventum contrarium. Ergo cum hæc patientes tres noctis vigilias, hoc est, tenebrarum quæ sunt in fluctibus peregerimus, pro viribus bene certantes, caventesque nobis, ne naufragium faciamus circa fidem, aut circa virtutem aliquam. Primam vigiliam adversus patrem tenebrarum ac malitiæ: secundam adversus filium ejus, qui adversatur & extollitur supra omnem qui dicitur Deus, aut religio; tertiam adversus Spiritum, sancto Spiritui contrarium. Tunc credimus quod instante quarta vigilia nox processit, dies autem appropinquavit. Veniet ad nos filius Dei, ut nobis componat mare, ambulans super illud. Cumque viderimus nobis apparere Verbum, turbabimur quidem, priusquam certo cognoverimus Servatorem adesse nobis, existimantes nos adhuc phantasmata videre, territique protinus clamabimus. At ille statim nobis loquetur dicens: *Confidite, ego sum, nolite timere*. Et si quis vehementius commotus eo verbo, *confidite*, repertus fuerit in nobis *Petrus*, tendens quidem ad perfectionem, nondum tamen eam affecutus, descendens e navi, quasi jam positus extra tentationem illius navis in qua jactabatur, initio quidem ambulabit, cupiens venire ad *Jesum* super aquas. Cæterum ut pusillam adhuc habens fiduciam, ut adhuc dubitans, videbit validum ventum, ac timebit: & incipiet quidem mergi, non tamen hoc eveniet, eo quod *Jesum* magna voce inclamabit, dicens ei, *Domine serva me*. Post hæc protinus adhuc loquente *Petro* talia, ac dicente, *Domine serva me*, extendet *Jesus* manum, porrigens ejusmodi homini auxilium, & apprehendet eum jam incipientem mergi, exprobrabitque illi, quod parum habuerit fiduciæ, quodque dubitarit. Verum observa, quod non dixit, *diffidens*, sed *pusilla fiducia*, quodque dictum est, *quare dubitasti?* quod haberet quidem nonnihil fiduciæ, sed inflectens etiam in partem diversam, hoc est, ad diffidentiam. Et post hæc sane tum *Jesus* tum *Petrus* ascendet in navim, & cessabit ventus. Atque ii qui in navi sunt, cogitantes a qualibus periculis sint servati, adorabunt dicentes, non tantum filius Dei es, quemadmodum dicebant & illi duo, qui *Dæmoniis* fuerant ob-

A noxii: sed *verus filius Dei es*, quod dicunt in navi discipuli. Neque enim alios a discipulis arbitror hoc dixisse. Ubi vero versati fuerimus in his omnibus, transmissio Lacu, veniemus in terram quo jusserat nos præire *Jesum*. Fortassis autem significatur aliquod arcanum ac reconditum mysterium de his qui servati sunt a *Jesu*, ex eo quod scriptum est, *Es agnoscentes eum viri loci illius*, §. 35. nimirum in ulteriore ripa, *emisserunt in totam finitimam regionem illam*, videlicet finitimam ulteriori ripæ, non in ipsa ripa, sed in locis circumjacentibus. *Es obtulerunt illi omnes male habentes*. Hic autem observa, quod obtulerunt illi non solum multos male habentes, verum etiam omnes qui erant in ejus regionis vicinia. Hi vero adducti ad *Jesum*, qui male habebant, *rogabant illum*, §. 36. *ut vel fimbriam vestis ejus contingerent*, hoc ab illo beneficium postulantes. Quoniam non erant tales qualis illa mulier quæ laborarat profluvio sanguinis annos duodecim, & accessit a tergo, tetigitque fimbriam vestimenti illius, cum apud se dixisset, *si tantum tetigero vestimentum illius, ero salva*. Observa etiam de fimbriis vestimenti ejus, unde confestim sistebatur profluvium sanguinis ejus. Cæterum ii qui venerant ex finitima regione *Genesareth*, in quam transmissio Lacu venerat *Jesus* cum discipulis suis, non ex sese adeunt *Jesum*, sed adducti sunt ab iis qui emiserant, ut qui per se non possent ad *Jesum* accedere, eo quod vehementer male haberent: neque ipsi furtim tetigerunt fimbriam, sicut illa profluvio sanguinis laborans, sed orantibus illis. Quamquam & ex his *quicumque tetigerunt, salvi facti sunt*. Porro num qua differentia sit hujus verbi, *salvi facti sunt*, quod de his dictum est, quantum ad salutem datam: Nam profluvio sanguinis laboranti foemina dictum est, *Fides tua te salvam fecit*, ipse etiam per te dispicies.

C A P U T XV.

TUNC accedunt ad eum & Hierosolymis Pharisei & §. 1, 2. Scriba dicentes, *Quare discipuli tui transgrediuntur traditiones seniorum? Non enim lavant manus, cum panem comedunt*. Si observaveris quo tempore adierint *Jesum* ab Hierosolymis Pharisei & Scriba dicentes, *Quare discipuli tui transgrediuntur traditionem seniorum?* & quæ sequuntur: scietur necessario *Matthæum* non simpliciter scripisse, quod Pharisei & Scribæ ab Hierosolymis accesserint ad Servatorem, percunctantes eum quæ dicta sunt, sed ita locutus est: *Tunc veniunt ad eum ab Hierosolymis*. Quando igitur illud tunc intelligendum est? Cum transmissio Lacu venissent in terram *Genesareth* navigio *Jesus* & discipuli ejus, jam sedato vento, ex quo navim conscenderat *Jesus*. *Es cum agnovissent eum viri loci illius, emisserunt in totam illam finitimam regionem, & adduxerunt ad eum omnes male habentes, & obsecrabant eum, ut vel tantum fimbriam contingerent vestis illius, & quicumque tetigerunt, salvi facti sunt*. Tunc accesserunt ad eum ab Hierosolymis Pharisei & Scriba, non admirati potentiam quæ erat in *Jesu*, sanans etiam illos qui tantum fimbriam vestis ipsius attigerant, sed accusandi studio criminantes discipulos apud Præceptorem, non de transgressionem præcepti Dei, sed unius ex traditionibus seniorum *Judaicis*. Et probabile est, quod hoc ipsum crimen quod intendunt calumniandi avidi, commendat pietatem discipulorum *Jesu*, qui nullam reprehensionis ansam dederint in aliis, veluti de transgressionem præceptorum Dei, Phariseis ac Scribis: qui nequaquam adduxissent hanc criminationem adversus discipulos de transgressionem, quod violassent præceptum seniorum, si potuissent deprehendere quos incusabant, & ostendere eos transgredi præceptum Dei. Ne putes autem his probari, *Mosi* Legem servandam esse juxta litteram, quod discipuli ad id usque temporis eam servabant. Non enim priusquam pateretur, redemit nos a maledictione Legis, qui patiundo pro nobis factus est maledictio. Sed quemadmodum *Paulus* congruenter *Judaïs Judais* factus est, ut *Judaos* lucrificaret: quid absurdi est, si Apostoli cum inter *Judaos* versarentur, quamvis intelligerent spiritualia, Legis vulgata utebantur consuetudine? Sicut & *Paulus*, qui *Timotheum* circumcidit, & sacrificium juxta votum quoddam *Judaicum* obtulit, quemadmodum in Apostolorum Actis scriptum

ptum est. Verum tamen rursus apparent avari criminandi, qui de præcepto Dei nihil criminis intendere poterant in discipulos *Jesu*, sed tantum de una seniorum traditione. Atque hinc potissimum dilucet criminandi studium, quod apud eos ipsos, qui a morbis sanati fuerant crimen intendunt, speciem quidem adversus discipulos, revera tamen ipsum Præceptorem infamare volentes, quasi quod etiam a senioribus erat institutum de lavandis manibus, necessarium foret ad pietatem. Existimabant enim immundas & impuras esse manus eorum qui non lavissent, antequam sumerent cibum: contra puras ac sanctas esse factas eorum, qui eas abluisent aqua, cum id non respondeat *Mosaica* juxta litteram Legi. Nos vero non secundum seniorum *Judaorum* traditionem, sed juxta rectam rationem, purgare convenit nostras actiones, & hoc pacto lavare manus animarum nostrarum, quoties comesturi sumus tres panes, quos a *Jesu* petimus, qui nobis amicus esse cupit. Siquidem immundis, illotis & impuris manibus non oportet horum panum esse participes. *Jesus* autem non inculcat eos de traditione seniorum *Judaorum*, sed de duobus Dei præceptis maxime necessariis, quorum alterum quintum est in Decalogo, sic habens: *Honora patrem tuum & matrem tuam, ut bene sit tibi, & fias longævus super terram, quam Dominus Deus tuus daturus est tibi.* Alterum vero in Levitico hunc in modum scriptum est: *Si homo maledixerit patri suo aut matri suæ, morte moriatur, Patri suo aut matri suæ qui maledixit, reus erit.* Cæterum quoniam ipsa verba volumus intueri, quæ prodidit *Matthæus*, *Qui maledixerit patri aut matri, morte moriatur*: attende num forte sumptum sit e loco ubi scriptum est, *Qui verberat patrem suum, aut matrem suam, morte moriatur.* Et qui maledixerit patri suo aut matri suæ, morte moriatur. Sic igitur habent verba Legis de duobus illis præceptis, sed *Matthæus* illa non tota, sed concise retulit, nec iisdem verbis. Cur autem incuset Phariseos & Scribas, qui venerant *Hierosolymis*, Servator, dicens eos transgredi præceptum Dei propter ipsorum traditionem, considerandum est. Et Deus quidem dixit, *Honora patrem tuum, & matrem tuam*: docens filium honorem debitum persolvere suis parentibus. Hujus erga parentes honoris pars erat, illis impartiri de rebus externis, quæ ad victus & tegumentorum usum pertinent: & si qua alia in re gratificari posset parentibus. Pharisei vero & Scribæ traditionem hujusmodi legi contrariam prodiderant, quam obscurius refert Evangelium, quam ne nos quidem quicquam eramus explicaturi, nisi quidam *Hebræi* exposuissent nobis, quæ ad hunc locum pertinent, ea sic habent: Interdum, inquebat, fit, ut creditores incidant in debitores difficiles, qui cum possint, nolint quod debetur reddere, eoque creditores referebant debitum in rationem pauperum, quibus pecunia conjiciebatur in gazophylacium, ab unoquoque pro cuiusque viribus eis communicare volentium. Interdum itaque dicebant debitoribus juxta suæ linguæ proprietatem, *corban est quod mihi debes*, hoc est, donum, consecravi enim illud in rationem pietatis erga Deum, pauperibus. Deinde debitor, ut qui jam non hominibus sed Deo deberet, & in hunc religioni quodammodo constringebatur, ut vel nolens redderet debitum, non quidem creditori, sed Deo in rationem pauperum, creditoris nomine. Quod igitur creditor faciebat debitori, hoc interdum quidam filii faciebant parentibus, ac dicebant illis, *Donum quodcumque ex me est, eo tu juvaberis pater aut mater*: hoc scito te ex *corban* accipere, nimirum ex ratione pauperum, de his quæ Deo consecrata sunt. Itaque cum audirent parentes quod ipsis dandum erat, esse *corban*, hoc est, Deo consecratum, jam nolebant accipere a filiis, etiam si valde necessariorum inopia premebantur. Seniores igitur talem traditionem apud plebejos proferebant, quod quisquis patri aut matri dixisset, quod datur ex iis cuiquam, *corban* esse ac donum, hic non amplius obligatus esset patri aut matri, ad suppeditando vitæ necessaria. Hanc igitur traditionem reprehendit Servator, quippe non probam, sed adversantem præcepto Dei. Etenim si Deus dicit, *honora patrem & matrem*, ex adverso traditio dicebat, eum non debere honorare

7. 4.
&c.

A patrem & matrem dono, qui quod daturus erat parentibus, consecravat Deo, quippe *corban*: palam est Dei præceptum de honore parentibus exhibendo per traditionem Phariseorum & Scribarum abrogari, quæ dicit non amplius oportere honorare patrem ac matrem eum, qui semel Deo consecravat, quod accipere solent parentes: Ac Pharisei cum essent avari, quo sub prætextu pauperum acciperent & illa quæ danda forent alicujus parentibus, docebant hujusmodi. Testatur autem illorum avaritiam & Evangelium ita dicens: *Audiebant autem hac omnia Pharisei, qui erant avari, & deridebant eum.* Si quis igitur & ex his qui apud nos presbyteri, hoc est, seniores vocantur, aut ex eorum numero qui quocumque modo principatum gerunt in populo, malunt sub prætextu reipublicæ dare pauperibus, quam domesticis eorum qui dederunt, si forte necessariorum penuria graventur, nec possent ii qui dederant utrumque facere, ut & domesticis & publicis subveniant pauperibus: hic jure merito frater dicitur eorum qui irritam fecerunt Legem Dei propter suam traditionem, videlicet Phariseorum & hypocritarum, quos Servator redarguit. Et sane vehementer abominandum est, quempiam ex ratione pauperum libenter accipere, simulque pro quæstu ducere pietatem aliorum: sed non hæc tantum, verum etiam illa quæ de *Juda* proditore scripta sunt: qui in speciem quidem causam agebat pauperum, atque indignans dicebat, *Poterat hoc unguentum vendi denariis triginta, & dari pauperibus.* Cæterum revera fur erat, & loculos habebat, quæque mittebantur portabat. Itaque si quis nunc quoque loculos Ecclesiæ gestans, loquitur quidem ut *Judas* loquebatur pro pauperibus, cæterum quæ mittuntur portat, partem sibi ipsi ponat cum *Juda*, qui talia fecit: ob quæ veluti gangrænam habenti in anima Diabolus immisit in cor ejus, ut Servatorem proderet, & cum hoc telum ignitum accepisset ab ipso, rursus idem Diabolus ingressus in animam illius implevit illum. Ac fortassis cum ait Apostolus, *Radix omnium malorum est avaritia*, propter *Juda* dixit avaritiam; quæ radix omnium malorum in *Jesum* commissorum fuit. Sed nunc redeamus ad ea quæ sunt in manibus, in quibus Servator duo ex Lege præcepta concise proposuit, alterum quidem ex Decalogo Exodi, alterum e Levitico, aut alterum ex aliquo locorum qui sunt in Pentateucho. Deinde quoniam exposuimus quomodo irritum fecerint verbum Dei dicens, *honora patrem tuum & matrem tuam*, hi qui dicebant, *non honorabis patrem & matrem tuam, quicumque dixeris patri aut matri suæ, donum quodcumque ex me est, tibi proderit*: quærere poterit aliquis, quomodo cohæreat, quod additur, *qui maledixerit patri aut matri, morte moriatur.* Esto siquidem non honorat patrem ac matrem, qui quæ daturus erat in subsidium patris ac matris, consecrat ei quod vocatur *corban*: quomodo Phariseorum traditio irritam facit legem etiam illam, quæ dicit, *qui maledixerit patri aut matri morte moriatur.* Sed vide num forte quisquis dixerit patri aut matri, *donum quodcumque ex me fuerit, tibi proderit*, quodammodo convitium ingerat patri ac matri, perinde quasi parentes appellet sacrilegos, qui capiant ea quæ sunt consecrata *corban*, ab eo qui illa consecravat. *Judæi* igitur filios quasi patri matrique maledicentes, qui dicunt, *donum quodcumque ex me fuerit, tibi proderit*, puniunt juxta Legem. Vos autem unica vestra traditione, duo Dei præcepta facitis irrita. Et post hæc non pudet vos criminari meos discipulos, qui nullum omnino Dei præceptum transgrediuntur. Ambulant enim in omnibus ejus præceptis ac justitiis, sine reprehensione, transgrediuntur autem traditionem seniorum religionis gratia, ne transgrediantur præceptum Dei. Quod idem si vobis propositum esset, utique præceptum de honorando patre & matre servassetis, cum eo quod dicit, *Qui maledixerit patri aut matri, morte moriatur.* Traditionem autem seniorum his præceptis adversam non servaretis. Post has omnes *Judaicas* seniorum traditiones, volens eos accusare ex Prophetarum dictis, citavit illud quod est apud *Esaiam*, quod quidem ad verbum sic habet, Et dixit Dominus, *Appropinquat mihi populus iste ore suo, & cætera quæ sequuntur.* Ac &c.

præ-

Cap.
29.

prædiximus, *Mattheum* non iisdem verbis retulisse Prophetæ testimonium. Quod si vobis pro viribus exponendum est, eo quod Euangelium illud usurpavit assumens quod superius dictum est, utiliter, ni fallor, nobis servatum ad enarrationem prophetici sermonis ab Euangelio usurpati. Habet autem sic ab initio quod dictum est in *Esaia*, *Dissolvamini & obsufoescatis, & attoniti reddamini, non a sicera neque a vino, quoniam potavit vos Dominus spiritu compunctionis, & laborare facies oculos eorum contra Prophetas suos ac principes ipsorum, qui vident occulta. Eserunt vobis verba hac omnia, ut sermones libri obfignati, quem quisquis dederit homini scienti litteras dicens, lege hac: & dicet, non possum legere, obfignatus est enim. Et dabitur liber hic in manus hominis nescientis litteras, & dicet illi, lege hunc: & dicet, nescio litteras, & dixit Dominus: Appropinquat mihi populus, & cætera quæ sequuntur, usque ad eum locum, *Va qui in occulto facitis consilium, & erunt in tenebris opera eorum*. Assumpto igitur hoc dicto, quod in Euangelio propositum est, posui quædam quæ præcedunt illud, & quædam quæ sequuntur, ut ostenderem quomodo Dei Verbum minetur se effecturum, ut deficiant oculi populi, stupefacti & attoniti, ac potati spiritu compunctionis. Minatur autem effecturum se, ut & Prophetæ illorum deficiant, & qui profitentur se videre occulta, videlicet principes eorum. Quæ quidem opinor esse facta post Servatoris adventum in populo illo. Facta sunt enim eis omnia verba, cum omnium Scripturarum, tum ipsius *Esaia*, quasi sermones libri obfignati. Dictum est autem obfignati, quasi dicas, propter obscuritatem clausi, nec aperti perspicuitate: qui pariter obscurus est tum his, qui quod omnino litteras nesciant, ne legere quidem possunt: tum his qui se profitentur scire litteras, cum nesciant, quis sensus in eo scriptus sit. His igitur quæ dicta sunt, videlicet posteaquam populus peccatis dissolutus, & in furorem versus insanierit adversus ipsum, quibus factis etiam debacchabitur adversus ipsum spiritu compunctionis, quo potabitur a Domino, qui deficere faciet eorum oculos, ut indignos qui videant, & oculos Prophetarum eorum, ac principes eorum, qui profitentur se videre secreta mysteriorum, quæ sunt in sacris litteris: Et cum defecerint oculi eorum, tunc erunt illis prophetica verba obfignata & abscondita, id quod accidit populo non credentium in *Jesum* veluti *Christum*. Posteaquam autem verba prophetica facta fuerint illis, ut sermones libri obfignati, non solum nescientibus, sed iis etiam qui se profitentur scire litteras: his inquam pulchre subnectit illud, tunc dixit Dominus, solo ore populum *Judaorum* appropinquare Deo, seque labiis ab illo honorari, propterea quod cor illorum ob incredulitatem erga *Jesum* procul esset a Domino. Et nunc maxime abest, posteaquam abnegarunt Servatorem nostrum, dici potest a Deo de illis, frustra colunt me, non enim amplius docent præcepta Dei, sed hominum, ac doctrinas, quæ jam non sunt a sapientia Spiritus, sed ab humana. Unde quoniam hæc illis acciderant, transtulit Deus populum *Judaorum*, & perdidit sapientiam eorum qui apud ipsos erant sapientes. Non enim est amplius apud illos sapientia, neque prophetia. Quin etiam prudentiam populi defodit Deus & occultavit, nec est amplius splendida & illustris, eoque etiam si videantur aliquod profundum consilium facere, quoniam non faciunt hoc propter Dominum, sunt miseri: & si qua recondita profiteantur divini consilii, mentiuntur, eo quod ipsorum opera non lucis sunt, sed tenebrarum ac noctis. Visum est nobis paucis exponere prophetiam, & aliqua ex parte illius enarrationem proferre: quoniam illius meminit *Mattheus*, meminit & *Marcus*. Ex quo utiliter accommodabimus de transgressione seniorum, qui decretum fecerant, lavandas esse manus, quoties *Judæi* comederent panem, eaque eo loco sic habent. *Nam Pharisei & omnes Judæi, nisi crebro laverint manus, non comedunt, servantes traditionem seniorum, & a foro redeuntes nisi laverint, non sumunt cibum. Et alia nonnulla sunt, quæ servanda acceperant, lotiones poculorum, & urceorum, & aramentorum, & lectorum. Et cum advo-**

9. 10.
&c.

*casset turbas, dixit illis: Audite & intelligite: reliquæ quæ sequuntur. Palam per hæc a Servatore docemur, cum legimus in Levitico & in Deuteronomio, quæ de mundis & immundis dicuntur, de quibus nos ut transgressores accusant corporales *Judæi*, & minimum ab his differentes *Ebionæi*, ne putemus Scripturæ scopum esse, sensum hisce de rebus obvium. Nam si non quod ingreditur in os, coinquinat hominem, sed quod egreditur ex ore, maximeque posteaquam hæc Servator apud *Marcum* locutus est, purificans omne ciborum genus, perspicuum est nos non inquinari vescentes iis, quæ *Judæi* litteræ Legis servare volentes, ajunt esse immunda. Tunc autem inquinamur, quoties cum oporteat labia ratione vineta esse, cumque oporteat nos iis quæ loquimur jugum ac stateram adhibere, loquimur quidem quæ nihil ad rem faciunt, cogitamus autem quæ non oportet, quibus ex rebus nobis fons oritur peccatorum. Ac decet sane Dei legem, ut vetet ea quæ pertinent ad malitiam, eaque præcipiat, quæ faciunt ad virtutem: cæterum quæ suapte natura sunt indifferenter, hæc suo loco relinquere, cum possint ex animi nostri proposito, rationeque, si per delictum agantur, mala fieri, si cum officio gerantur, recte fieri. Hæc autem quisquis attente consideraverit, videbit etiam illa quæ videntur esse bona, posse si quis ea male & ex pravo animi affectu susceperit, cum peccato fieri: & quæ dicuntur impura, si his iustas ob causas fuerimus usi, posse pro puris haberi. Quemadmodum enim *Judæi* peccantis circumcisio pro præputio habebitur, contra gentilis recte agentis præputium pro circumcisio: Sic & quæ pura creduntur, pro impuris imputabuntur ei, qui non ut oportet, neque quando oportet, neque quantum oportet, neque unde oportet, illis utitur: sed quæ dicuntur immunda, *omnia sunt munda mundis*: Nam inquinatis & incredulis nihil mundum, quoniam inquinata est illorum & mens & conscientia, & hæc inquinata reddunt impura omnia quæcunque tetigerint: Quemadmodum e diverso pura mens & pura conscientia, omnia pura reddit, etiam si videantur esse impura. Non enim ob lasciviam, nec ob voluptatis amorem, neque cum hæsitacione in utramque partem trahente, iusti utuntur cibis aut potu, memores dicti *Paulini*, *Sive editis, sive bibitis, sive quid aliud facitis, in gloriam Dei facite*. Quod si designanda sunt, quæ sint juxta Euangelium impura cibaria, dicemus hæc esse, quæ per avaritiam ac fraudem comparata sunt, turpisque lucris studio accumulata: item quæ voluptatis gratia sumuntur, ac ventris causa, quem honorando Deum facimus, quoties ipse venter & hujus appetitus, potius quam ratio dominatur animæ nostræ. Quin etiam si sciamus aliquem Dæmonum usum commercio, aut si nesciamus quidem, suspicemur tamen, deque hoc hæsitamus, si talibus fuerimus usi, non in gloriam fuerimus usi, neque in nomine *Christi*, nimirum non modo opinione, qua creduntur esse simulacris immolata condemnante vescente, verum etiam hæsitacione super hac re. *Etenim quisquis hæsitat, juxta Apostolum, si comederit, condemnatus est, quoniam non vescitur ex fide. Quicquid autem ex fide non est, peccatum est*. Ex fide igitur vescitur, qui quod editur credit non fuisse immolatum in sacrificiis idolorum, neque suffocatum esse, aut sanguinem. Cæterum non ex fide vescitur, qui de horum aliquo dubitat, & tamen fit particeps Dæmoniorum, qui cum sciat hæc Dæmoniis immolata, nihilo secius utitur, idque cum polluta imaginatione, de Dæmoniis ejus sacrificii consortibus. Quamquam Apostolus cum sciret non ciborum naturam esse in causa, ut lædatur utens, aut juvetur abstinens, sed opiniones, quæque in his subest ratio dixit: *Cibus autem nos non commendat Deo. Neque enim si comederimus abundabimus, neque si non comederimus, aliquid deerit nobis*. Et quoniam noverat eos, qui sublimius intelligebant, secundum Legem quædam esse pura, quædam impura, neglexisse discrimen in utendis cibis, ut mundis aut immundis, contemta superstitione in rebus, ut opinor, indifferentibus, ne discrimen facerent in usu cibariorum, & hanc ob causam a *Judæis*, veluti Legis transgressores iudicatos, ideo dixit alicubi, *Ne quis igitur iudicet nos**

Tom. VIII.

Gg

in

in cibo & potu, & quæ sequuntur: docens nos ea quæ juxta scriptum Legis sunt, umbram esse: cæterum veros Legis sensus in his reconditos, futura esse bona, in quibus reperire licet quæ sint escæ mundæ animæ, videlicet spirituales: & rursus quæ immundæ in verbis mendacibus, & veritati contrariis, lædentes eum qui his alitur, *Umbram enim habebat Lex futurorum bonorum*. Quemadmodum autem in multis animadvertendum est, id quod admirabantur *Judæi*, cum in Servatoris dictis dicerent inesse potestatem, sic & in his quæ tractantur hoc loco. *Turbam itaque cum ad se vocasset, dixit illis: Audite & intelligite, & reliqua quæ sequuntur.*

9. 12.
&c.

Et hoc dicebat, cum Pharisei hoc sermone offenderentur, quippe qui ob pravas opiniones, humilemque Legis intellectum, non essent plantatio, quam plantaverat Pater ipsius cœlestis, & ob id eradicabantur. Eradicati sunt enim, eo quod non receperunt a Patre agricola satam veram vitem, *Jesum Christum*. Qui nam poterant esse plantatio Patris, qui *Jesu* verbis offendeantur, dehortantibus quidem ab illis, *ne tetigeris, neque gustaveris, neque contrectaris, quæ erant omnia in corruptionem ipso abusu, juxta præcepta ac doctrinas hominum*, sed allicientibus intelligentem sui auditorem ad quærendum super his ea quæ sursum sunt, non quæ super terram, quemadmodum faciebant *Judæi*. Et quoniam ob perversas opiniones Pharisei non erant plantatio Patris, qui in cœlis est, ideo relictis illis velut insanabilibus, loquitur discipulis, *Sinite illos: Sinite*, propterea quod cum sint cæci, debeantque sentire cæcitatem suam, ac viæ duces quærere, carentes sensu cæcitatis, profitentur etiam se duces esse cæcorum, non reputantes futurum, ut in foveam inciderent: de qua scriptum est in Psalmis, *Lacum cavavit & effodit eum & incidit in foveam quam fecit*. Alibi quidem igitur scriptum est, quod *cum vidisset turbas, ascendit in montem, & cum consedisset, accesserunt ad eum discipuli ipsius*. Hic autem extendit manum ad turbam, advocans illam ad se, & abducens ab intellectu præscripto quæstionum Legis, ubi primum quidem dicebat illis: *Audite & intelligite*, cum nondum intellexissent quæ audierant: post autem in parabolis loquebatur illis, *Non quod ingreditur in os, inquinat hominem, sed quod egreditur*. Post hæc operæ pretium est videre, quæ dicuntur ab istis qui calumniantur, non esse eundem Deum Legis & Evangelii *Jesu Christi*. Nam hi dicunt non esse *Jesu* Patrem cœlestem, plantatorem eorum, qui juxta *Mosi* Legem videntur Deum pie colere. Ipse *Jesus* dixit, Phariseos qui colebant Deum, qui condidit Mundum ac Legem, non esse plantationem, quam plantasset Pater ipsius cœlestis, atque ob eam causam eradicari. Dixerit autem aliquis & hæc, etiam si esset Pater *Jesu*, is qui induxit ac plantavit ab *Egypto* egressum populum, in montem hæreditatis suæ, in paratum habitaculum ipsius, tamen dicere poterat *Jesus*

9. 13.

de Phariseis, *Omnis plantatio quam non plantavit Pater meus cœlestis, eradicabitur*. Ad hæc autem respondemus, quicumque ob perversum Legalium Scriptorum intellectum non fuerunt plantatio Patris cœlestis, hi mente erant excæcati, quippe non credentes veritati, sed consentientes injustitiæ, excæcati inquam ab eo quem ipsi Deum fecerant, filiorum hujus seculi. Eoque cum dicitur apud *Paulum*, *Dei seculi hujus*, ne putes *Paulum* illum vere Deum dicere. Quemadmodum enim venter cum non sit Deus, tamen voluptatibus ditorum, qui pluris faciunt voluptatem quam amorem Dei, a *Paulo* dicitur Deus: sic & qui non est Deus Princeps hujus seculi, de quo dicit Servator, *Princeps mundi hujus judicatus est*, Deus esse dicitur eorum, qui recusant accipere Spiritum adoptionis filiorum Dei, ut fierent filii seculi illius, ac resurrectionis ex mortuis, & propter hoc perseverarunt in conditione filiorum hujus seculi. Hæc tametsi per digressionem dicta sunt, tamen mihi videntur utiliter assumpta propter hæc verba, *Cæci sunt duces cæcorum*. Qui tandem? Nimirum Pharisei, quorum Deus hujus seculi sensus excæcavit, eo quod sunt increduli, quia noluerunt credere in *Jesum Christum*, & excæcavit illos, ne illis splenderet

9. 14.

lux Evangelii gloriæ Dei in facie *Christi*. Non solum autem cavendum est, ne ab illis ducamur cæcis, qui sentiunt sibi opus esse ducibus, eo quod nondum acceperint vim per se videndi, verum etiam ab omnibus, qui profitentur se duces in sana doctrina, diligenter oportet auscultare, sanumque loquentibus judicium adhibere, ne forte si secundum ignorantiam cæcorum, nec perspicientium ea quæ sunt sanæ doctrinæ ducamur, reddamur & ipsi cæci, non cernentes Scripturarum intellectum, ut ambo tum qui ducit, tum qui ducitur, incidant in foveam, de qua diximus. Post hæc scriptum est, quomodo *Petrus* respondeat Servatori, tanquam non intelligens illud, *Non quod ingreditur in os inquinat hominem, sed quod egreditur ex ore*, dicens, *expone nobis parabolam*. Ad quod Servator ita respondit: *Adhuc & vos intelligentia caretis?* Quasi diceret, cum tantum temporis mecum vixeritis, nondum intelligitis quid sibi velint ea quæ dicuntur, & nondum intelligitis, ideo non pollueret hominem quod ingreditur in os ejus, quoniam in ventrem abit, & hinc pergens in secessum projicitur. Non juxta Legem cui credere videbantur, non erant plantatio Patris *Jesu* Pharisei, sed juxta perversam de Lege, deque in ea scriptis intelligentiam. Cum enim duo intelligentur in Lege, ministratio mortis impressa litteris, neque quicquam habens affinitatis cum spiritu, & ministratio vitæ, quæ intelligitur in Spirituali Lege, qui poterant affectu veraci dicere illud Pauli, *Novimus enim quod Lex spiritualis est, & ideo Lex sancta, & præceptum sanctum ac justum bonumque*: hi erant plantatio, quam plantaverat cœlestis Pater. Contra qui tales non erant, sed occidentem tantum litteram amplectebantur, non erant plantatio Dei, sed ejus qui excæcaverat illorum cor, qui velamen imposuerat illi, quod valuit in illis, donec non converterentur ad Dominum. Nam si quis conversus fuerit ad Dominum ab hoc tollitur velamen. Dominus autem spiritus est. Dixerit autem quispiam in hunc incidens locum, quod sicut quod ingreditur in os, non polluit hominem, etiam si putetur a *Judeis* pollutum: ita quod ingreditur in os, non sanctificat hominem, etiam si a simplicioribus credatur sanctificare, nimirum is, qui vocatur panis Domini. Et est, ni fallor, oratio non contemnenda, eoque desiderans dilucidam expositionem, quæ mihi quidem talis esse videtur. Quemadmodum non cibus, sed conscientia cum hæsitatio vespantis polluit edentem, eo quod qui hæsitat, si vescatur, judicatus est, quia non ex fide. Et quemadmodum nihil est impurum per se, polluto, & incredulo, sed propter ipsius immundiciem & incredulitatem: ita quod sanctificatur per verbum Dei, & per obsecrationem, non suapte natura sanctificat utentem. Nam id si esset, sanctificaret etiam illum, qui comedit indigne Domino, neque quisquam ob hunc esum infirmus aut ægrotus fuisset, aut obdormisset. Nam tale quiddam *Paulus* demonstrat, cum ait: *Propter hoc inter vos infirmi, & male habentes, & dormiunt multi*. Proinde etiam in pane Domini tum utilitas est vescenti, cum impolluta mente puraque conscientia, particeps est panis illius. Sic quod ad esum per se attinet, nec ex hoc quia non edimus de pane, verbo Dei & per obsecrationem sanctificato, fraudamur aliquo bono, nec ex edendo abundamus aliquo bono. Siquidem causa defectus, est malitia peccataque, & abundantia causa est justitia ac recte facta, ut tale sit quod dicitur apud *Paulum*, his verbis, *Neque si comederimus, abundabimus, neque si non comederimus, minus habebimus*. Quod si quicquid ingreditur in os, in ventrem abit, & in secessum ejicitur: & ille cibus qui sanctificatur per verbum Dei, perque obsecrationem, juxta id quod habet materiale, in ventrem abit, & in secessum ejicitur: cæterum juxta precationem quæ illi accessit pro portione fidei fit utilis, efficiens ut perspicax fiat animus, spectans ad id quod utile est. Nec materia panis, sed super illum dictus sermo est, qui prodest non indigne Domino comedenti illum. Et hæc quidem de typico symbolicoque corpore. Multa porro & de ipso Verbo dici possent, quod factum est caro, verusque cibus, quem qui comederit, omnino vivet in æternum, quem nullus malus potest edere.

Et.

Etenim si fieri possit, ut qui malus adhuc perseveret, edat Verbum factum carnem, cum sit Verbum & panis vivus, nequaquam scriptum fuisset, *Quisquis ederit panem hunc, vivet in aeternum*. Deinceps illud videamus, quomodo quæ egrediuntur & polluant hominem, non ob id quod ex ore progrediantur, polluant hominem, sed causam polluendi habent in corde, cum egrediantur ex corde, ante illa quæ egrediuntur per os, *cogitationes male*, quarum species sunt, *caedes, adulteria, scortationes, furia, falsæ testimonia, blasphemia*. Nam hæc sunt, quæ polluant hominem, cum egrediantur ex corde, & hinc egressa proficiuntur per os: ut si non prodissent foras a corde, sed inibi circa cor fuissent cohibita, nec permissum esset illis per os loqui, celerrime fuissent abolita, nec amplius pollueretur homo. Fonsigitur & origo omnis peccati sunt pravæ cogitationes. Nam hæc si non vicerint, nec homicidia, nec adulteria, nec aliud quicquam talium malorum erit. Quapropter omni custodia servandum cuique suum cor. Etenim in die iudicii, Dominus ubi venerit, illuminabit occulta tenebrarum, & manifestabit consilia cordium: interim omnibus cogitationibus homines accusantibus aut excusantibus, cum illos circumsteterint consilia ipsorum. Tales autem sunt malæ cogitationes, ut interdum quæ videntur bona, & juxta vulgi iudicium probanda, reddant improbanda. Itaque si facimus eleemosynam coram hominibus, aliud in cogitationibus nostris spectantes, ut hominibus videamur humani, & humanitatis nomine gloriam aucupemur, recepimus ab hominibus mercedem. Atque in universum, quicquid ita sit, ut facientis conscientia exspectet gloriam ab hominibus, non habet fructum ab eo qui videt in occulto, redditque mercedem iis, qui in occulto puri sunt. Sic igitur & quæ videtur esse puritas, si cogitationes habeat spectantes inanem gloriam, aut lucris studium: quin & doctrina quæ putatur Ecclesiastica, si in verbo per illiberalem adulationem, aut causam lucris fiat, aut quærat aliquam ab hominibus doctrinæ nomine gloriam, non est probata ab his quos Deus posuit in Ecclesia: primum quidem Apostolos, deinde Prophetas, tertio Doctores. Similia vero dices de eo, qui desiderat Episcopi munus, ob parandam apud homines gloriam, aut ab hominibus adulationem, aut ob quæstum capiendum ex his, qui accedunt verbo, dantque causa pietatis. Talis igitur Episcopus non desiderat bonum opus, neque potest esse sine crimine, neque vigilans, neque sobrius, cum sit ebrius gloria, qua se intemperanter ingurgitavit. Idem vero & de Presbyteris & de Diaconis dices. Hæc autem tamen si videmur per digressionem dixisse, videtamen, an necessario dicta sint, propterea quod omnium peccatorum fons sunt pravæ cogitationes, quæ pollueri possunt & ea, quæ justificatura fuerant facientem, si sine his fierent. Quæ sint igitur quæ polluant, pro viribus nobis expensa sunt. Cæterum illotis manibus edere, non inquinat hominem, sed si libere dicendum est, inquinat illoto corde, quovis cibo, quovis tempore velsci, quem solet edere nostra ratio.

DE CHANANAEA.

21. **E**gressus inde Iesus secessit in partes Tyri & Sidonis, & ecce mulier Chananaea. Unde inde? nisi quod a Genesareth, de qua prædictum est, & transmissio Lacu venerunt in terram Genesareth. Secessit autem fortassis, quod offenderentur Pharisei, posteaquam audierant, non quod ingreditur, sed quod egreditur inquinat hominem. Quod autem ob eos qui clam cogitabant insidias, dixerit, *secessit*, liquet ex his verbis, *Cum audisset autem, quod traditus esset Joannes, secessit in Galilaam*. Fortasse propter hoc & Marcus, referens hunc locum ait: *Surgens venit in fines Tyri, & ingressus in domum neminem volebat scire*: probabili conjectura, quod Phariseos doctrina ipsius offensos declinarit, expectans magis idoneum pulchreque præfinitum patiendi tempus. Dixerit autem quispiam, Tyrum & Sidonem pro Gentibus esse dictas. Secedens igitur ab Israël, ad Gentium partes accedit. Tyrus quidem apud Hebraeos sonat idem, quod nobis *venantes*. Inter Gentes autem *venantes* etiam sunt improbæ potestates, & apud easdem vehemens est constructio, a malitia

A & cupiditatibus proficiens. Cum igitur venisset Iesus in Genesareth, secessit quidem ab Israël, venit autem non in Tyrum ac Sidonem, sed in partes Tyri ac Sidonis, eo quod nunc ex parte credunt Gentes. Quod si in totam Tyrum ac Sidonem pervenisset, nullus in ea relictus fuisset incredulus. Juxta Marcum vero, *Surgens Iesus venit in fines Tyri & Sidonis*, quod est confinium Gentium, ut ex illis finibus servari possent credentes, posteaquam fuissent eos egressi. Observa enim illud: *Ecce mulier Chananaea a finibus illis egressa, clamabat, dicens: Misere mei fili David, filia mea graviter torquetur a Dæmonio*. Et arbitror, quod si non fuisset egressa a finibus illis, non potuisset clamare ad Iesum, videlicet ex ingenti fide, quod ipsius Iesu testimonio probatur. Et sane juxta portionem fidei egreditur quis a finibus Gentium, quos cum divideret Gentes altissimus, statuit juxta numerum filiorum Israël, utans ne longius proferrentur. Hic igitur fines quidam dicti sunt Tyri & Sidonis. In Exodo vero fines Pharaonis, in quibus, ut ajunt, sunt adversus Aegyptios flagella plagæque. Et quidem existimandum est, quemque nostrum ubi peccat, in finibus esse Tyri ac Sidonis, sive Pharaonis, sive Aegypti, aut alterius cujuscumque, qui sit extra Dei distributionem. Rursus ubi mutatur a malitia ad virtutem, egreditur a vitiorum finibus, venit autem in fines partis Dei. Quamquam & in his est differentia, quæ perspicua est iis qui quæ de partitione ac distributione sortium Israël scripta sunt, possunt per similitudinem ad legem spiritualement accomodare. Animadvertite vero, quomodo Iesus velut occurrit mulieri Chananaea. Nam ille quidem egreditur in fines Tyri & Sidonis, illa vero egressa a finibus illis, clamabat dicens: *Misere mei fili David*. Chananaea porro erat mulier, quod translatus sonat, *paratam dimissioni*. Justi quidem parati sunt regno coelorum, & exaltationi, quæ est in regno coelorum. Contra peccatores parati sunt dejectioni malitiæ, quæ in illis est, & factis quæ ex malitia proficiuntur præparantibus eos illi, ac peccato, quod regnat in illorum mortali corpore. Veruntamen Chananaea egressa a finibus illis, exierat ab eo quod parata fuerat dejectioni, clamans ac dicens: *Misere mei Domine fili David*. Collige vero ex Evangelis, quidam appellant eum filium David, veluti cæci, qui erant in Hiericho: quidam vero filium Dei, idque bifariam: vel non addito adverbio, *vere*, sicut qui a Spiritibus agitabantur, *Quid nobis tecum est rei fili Dei?* vel addita hac dictione, *vere*, velut in navi adorantes illum, dicebant ei: *Vere Dei filius es*. Etenim utilis, ni fallor, tibi fuerit horum collectio, ad perspicendum differentiam eorum, qui accedunt ad Iesum. Quidam accedunt velut ad eum qui natus est ex semine David secundum carnem: quidam rursus velut ad declaratum filium Dei in virtute juxta spiritum sanctificationis: & horum alii accedunt cum hac adjectione, *vere*: alii contra sine hac adjectione. Deinde attende & illud, quod Chananaea non pro filio, quem ne genuisse quidem adhuc videtur, sed pro filia interpellabat, graviter Dæmonio laborante. Altera vero mater filium, qui efferebatur mortuus, recepit vivum. Et rursus Archisynagogus pro filia fere duodecim annos nata rogat, veluti jam mortua. Regulus autem pro filio, velut adhuc ægrotante, & mox morituro. Itaque filia Dæmonio obnoxia, & filius mortuus, duarum erant matrum: & filia mortua, & filius ad mortem usque laborans, duorum erant patrum, quorum alter erat Archisynagogus, hoc est, Synagogæ princeps, alter erat Regulus. Habent autem hæc, ut arbitror, materiam loquendi de variis animarum generibus quas Iesus vivificans sanat, imo omnia mala quæ sanat in populo, præcipue quæ ab Evangelistis scripta sunt, tum quidem facta sunt, ut qui alioqui non credunt, nisi viderint signa & prodigia, crederent. Siquidem symbola quædam erant, quæ tunc gerebantur, eorum quæ semper Iesu virtute perficiuntur. Nunquam enim unumquodque eorum quæ scripta sunt de potentia Iesu, non sit juxta cujusque dignitatem. Itaque quod ad genus quidem attinet, Chananaea non erat digna, quæ vel responsum impetraret a Iesu, profitente se non ad aliud esse missum a Patre, nisi ad oves perdisas domus Israël, genus anima-

rum perspicacium, perditum. Verum ob animi propensionem, & adorando *Jesum* filium Dei, responsum impetravit, dum ipsa prodit sui generis ignobilitatem, dumque suam ipsius indignitatem proficitur, quod micis ut catella, non panibus esset digna. Ubi vero intendisset instanter animi voluntatem, & approbato *Jesu* sermone, seipsam suo iudicio huc dejicit, ut veluti catella saltem micis potiat, fateturque dominos esse, qui generosiores erant: tunc impetrat responsum alterum, quod testimonio suo comprobatur ingentem esse ipsius fidem, polliceturque futurum illi quod vult. Arbitror autem per similitudinem relatum ad supernam *Hierosolymam* liberam, matrem *Pauli*, *Pauloque* similitum, intelligendum, *Chananaam* esse matrem puellæ graviter a *Dæmonio* vexatæ, quæ symbolum est matris talis animæ. Simul inspicere, an cum ratione congruat, esse plures patres ac plures matres, ut respondeant patribus *Abrahe*, ad quos abiit Patriarcha, & *Hierosolyma* matri, ut *Paulus* loquitur de seipso, deque sui similibus. Consentaneum est autem egressam hanc, cujus symbolum est *Chananaa*, a finibus *Tyri* & *Sidonis*, quorum figuræ erant illius terræ loca, venisse ad Servatorem, rogasseque eum, & nunc etiam rogare dicentem: *Miserere mei Domine fili David, filia mea graviter a Dæmonio vexatur*. Post hæc is qui & illis qui foris sunt, ac discipulis, cum opus est respondet, dicebat: *Non sum missus*, docens esse quasdam animas præcipuas & intelligentes ac perspicaces, sed perditas, quæ per tropum dicuntur *oves domus Israël*: quæ, nisi fallor, simplices existimantes de *Israël* carnali esse dicta, necessario & illud adjungunt, quod Servator noster missus fuerit a Patre non ad alios quam ad illos *Judeos* qui perierant. Nos autem qui gloriamur nos vere dicere, *Et si Christum aliquando juxta carnem cognovimus, nunc tamen non amplius cognoscimus*, scimus verbi præcipuum opus esse, servare eos qui sunt intelligentiores. Hi siquidem sunt illi magis familiares quam cæcutientes. Sed quoniam oves perditæ domus *Israël*, præter reliquias, quæ erant secundum electionem gratiæ, non crediderunt verbo, propterea elegit stulta mundi, videlicet eum qui non erat *Israël*, neque perspicax, ut confundat sapientes *Israël*: & vocavit ea quæ non sunt, tradens illis Gentem intelligentem, quæ potuit capere stultitiam prædicationis: & placuit illi servare credentes huic, ut confutaret ea quæ sunt, ex ore infantium & lactentium perficiens sibi laudem, posteaquam illa facta est inimica veritati. *Veniens autem Chananaa, adoravit Jesum ut Deum dicens: Domine succurre mihi. At ille respondens ait: Non licet sumere panem filiorum, & projicere canibus*. Quæret autem aliquis, quid & hic sibi velit sermo. Quoniam cum adesset ea mensura panum, ut non possent simul & filii comedere panes, & catelli familiæ, aut alii præterea panem bene confectum, fieri non poterat juxta congruentem rationem, ut canibus in cibum darent panem filiorum bene confectum. Nihil autem tale videtur in *Jesu* potentia, a qua poterant & filii participes esse, & qui dicuntur catelli. Vide igitur num forte ad hoc quod scriptum est, *Non licet sumere panem filiorum*, illud referendum sit, quod qui exinanivit semetipsum servi formam accipiendo, mensuram potestatis, juxta quam capiebat ea quæ sunt in mundo, portavit, a qua virtute etiam senserat aliquantam portionem a se exisse, quod dilucet ex eo quod ait: *Tangit me aliquis, Nam ego novi virtutem exisse a me*. Ex hac igitur mensura virtutis dispensabat, iis quidem qui præminebant, vocabanturque filii, plus addens: rursus iis qui tales non erant, minus, nimirum canibus. Quanquam autem hæc sic habebant, nihilo minus cum esset magna fides, dedit panem filiorum, ut filio, ei quæ propter generis ignobilitatem in *Chananaa* fuerat canis. Fortassis autem sunt etiam panes aliqui verborum *Jesu*, quos solis ratione præcellentibus, ut filiis, dare fas est. Item alii sermones sunt, veluti miculæ, de magno convivio, deque mensa nobilium ac *Dæmoniorum*, quibus animæ nonnullæ utuntur ut canes: etiam juxta *Mosi* Legem de quibusdam scriptum est, ut ea canibus projicerentur. Et cura fuit Spiritui sancto, præcipere de nonnullis escis, ut canibus relinquerebantur.

Exod.
22. in
fine.

A Alii quidem igitur peregrini ab Ecclesiastico sermone alieni, opinantur animas a corporibus hominum migrare in corpora canum, juxta differentiam vitiorum. Nos vero nequaquam hoc comperientes in Scriptura divina, dicimus quod affectus rationalis mutatur in brutum, tale quiddam patiens ex multa socordia negligentiaque. Similiter autem & bruta voluntas ob neglectam rationem nonnunquam convertitur in hoc, ut fiat rationalis: ut qui prius erat canis, amans comedere de micis cadentibus de mensa dominorum suorum, veniat in statum filii: vehementer enim conducit virtus quidem ad hoc, ut fias filius Dei, malitia contra, multaque graveolentia in verbis contumeliosis, & impudentia valet ad efficiendum ut quis juxta Scripturæ sermonem vocetur canis. Porro similia cogitabis de cæteris item nominibus reliquorum brutorum animantium. Verum enim vero, qui reprehensus ut canis non indigne fert, quod dicitur indignus pane filiorum, omnique cum tolerantia loquitur verbis *Chananae* illius, ac dicit, *Etiam Domine, Nam & catelli edunt de micis, quæ cadunt de mensa Dominorum suorum*, impetrabit manuetum responsum, *Jesu* ipsi dicente, *Magna est fides tua*. Porro iteaquam approbata tali fide, dixerit, *fias tibi sicut vis*: ut & ipse sanetur, & si quem fructum genuerit, cui opus sit sanatione, hic quoque sanetur.

DE TURBIS SANATIS.

E T cum transisset *Jesus* illinc, haud dubium quin ex his locis quæ dicta sunt, nimirum a partibus *Tyri* & *Sidonis*, venit juxta mare *Galilea*, quod vulgato nomine dicitur *Stagnum Genesareth*. Ubi cum ascendisset montem, consedit. Possit igitur dici, quod in montem eum, ubi sedet *Jesus*, non solum ascendunt, qui sani sunt, verum etiam cum sanis hi qui diversis laborant malis. Et fortassis hic est mons, quæ vulgatiore vocabulo dicitur *Ecclesia*, erecta per verbum Dei, ultra reliquam terram, supraque eos qui in terra degunt. Quo ascendunt non discipuli, relictis turbis, quemadmodum factum est, cum doceret beatitudines: sed multæ turbæ, quæ ipsæ quidem non accusantur, quod surdæ sint, aut aliquo affectu malo, sed habent secum tales. Etenim videre est cum turbis accedentibus ad hunc montem, ubi sedet filius Dei, quosdam surdos ad ea quæ repromittuntur, alios animo cæcos, non cernentes veram lucem: rursus alios claudos, nec valentes juxta rationem ingredi: item alios mutilos ac mancos, non valentes juxta rationem operari. Isti igitur quorum animus talibus malis tenetur, quique cum turbis in montem conscenderant, ubi erat *Jesus*, quam diu non erant ad pedes *Jesu*, non sanabantur ab illo. Cæterum ubi qui talibus morbis erant obnoxii, projecti fuerint a turbis ad pedes ejus, & ad extrema corporis *Christi*, ne hoc quidem honore digni, quod quidem ad ipsos attinet, tunc demum ab eo sanantur. Et cum videris in frequentia, quæ verbo usitatioe dicitur *Ecclesia*, projectos post extremos *Ecclesiæ*, velut ad pedes *Ecclesiæ*, quæ est corpus *Jesu*, Catechumenos, qui advenerant cum sua surditate, cæcitate, claudicatione ac debilitate, progressu temporis sanari per verbum: non aberraris, si dixeris tales ascendisse cum turbis *Ecclesiæ* in montem ubi erat *Jesus*: projectosque ad pedes illius, & sanatos ab illo, ita ut *Ecclesiæ* turba miretur, conspiciens illos a tantis malis ad meliora mutatos, ut dicere possit, qui prius erant muti, postea loquuntur verbum Dei, qui claudi, ambulant. Interim completur & *Esaiæ* prophetia, non tantum in corporalibus, verum etiam in spiritualibus, ita dicentis: *Tunc saliet ut cervus qui claudus erat*. Fatebimur haud frustra, cervo animanti puro ac serpentium hosti, quodque nihil ab illorum veneno lædi potest, comparatos esse qui prius fuerant claudi, & propter *Jesum* saliant ut cervus. In hoc autem quod loqui videntur, qui prius fuerant muti, completur prophetia quæ dicit: *Et expedita erit lingua balborum*: aut illa potius quæ dicit, *Sardi audite*. Cæci vero recipiunt visum, juxta prophetiam, quæ mox sequitur, *Sardi audite, & cæci recipite visum, ut cernatis*. Vident autem cæci, cum cernentes hunc mundum immensa pulchritudine rerum conditarum, collatione facta

Et conspicantur & ipsum mundi opificem: cumque invisibilia ipsius Dei ex creatione mundi, quæ ex operibus intelliguntur, contemplantur, hoc est, diligenter & evidenter cernunt & intelligunt. Hæc autem videntes turbæ, glorificabant Deum *Israel*, & hodie glorificant, persuasi quod ipse est Pater ejus qui sanavit eos, de quibus ante dictum est, ac Deus *Israel*. Non enim *Judaorum* tantum Deus est, sed & Gentium. Subvehamus igitur nobiscum in montem ubi constituit Ecclesiam suam *Jesus*, eos qui nobiscum volunt ascendere, nimirum mutos, cæcos, claudos, mancos, aliosque multos, projiciamus illos ad pedes *Jesus*, ut sanet eos, ut super horum sanatione mirentur turbæ. Non enim scriptum est, discipulos talia mirari, quanquam etiam tunc præsentibus, quod claret ex eo quod scriptum est, *Jesus autem ad se vocatis discipulis suis dixit, Misereor super turbam, & cætera quæ sequuntur*. Fortassis autem si diligenter attenderis huic dicto, *Accesserunt ad eum turba multa*, comperies quod discipuli tum non accesserunt ad eum, sed ut olim coeperant illum sequi, ita & in montem sequuti sunt eum. Sed accesserunt ad eum qui erant discipulis inferiores, quique tum primum ad illum venerant, non iisdem obnoxii malis, quibus tenebantur ii, qui cum ipsis ascenderant. Observa vero & illud, in Evangelio de quibusdam esse scriptum, quod sequuti fuerint *Jesus*, de quibusdam rursus quod accesserint ad eum, de quibusdam autem quod adducti fuerint, postremo de quibusdam, quod divisi sint in præcedentes, & sequentes. Ad hæc ex his qui accesserunt ad eum, quidam accesserunt in domo, quidam accesserunt ad eum alibi versantem. Multa namque comperies ex observatione, spiritualia spiritualibus comparans, digna exacta sapientia quæ latet in Evangeliiis.

DE SEPTEM PANIBUS.

32. *Jesus autem vocatis ad se discipulis suis dixit*: Superius quidem in simili de panibus historia, ante nominatos panes, egressus *Jesus* vidit turbam multam, & affectu misericordiae commotus est erga illam, & sanavit agrotos illorum. Vespere autem facto accesserunt ad eum discipuli ipsius dicentes: *Desertus locus, & hora jam præteritis, dimitte eos & cætera quæ sequuntur*. Nunc vero post sanationem mutorum ac reliquorum, affectu misericordiae movetur erga turbam, quæ triduo jam adhæserat ipsi, nec habebat quod ederet. Et illic quidem discipuli, pro quinque millibus interpellabant Dominum, hic autem ultro de quatuor millibus loquitur. Et illic quidem vespere pascuntur, diem apud illum commorati: hic vero de quibus testatum est quod triduum apud ipsum manserint, participes fiunt panum, ne deficiant in via. Et illic quidem discipuli non percontanti, fatentur se tantum habere quinque panes & duos pisces, hic vero percontati respondent, de septem panibus & septem piseibus. Atque illic quidem jubet turbas accumbere, sive confidere in gramine, Nam *Lucas* scripsit, *facite illos discumbere*, *Marcus* item, *præcepit*, inquit, *illis ut facerent discumbere*: Hic vero non præcipit discipulis, sed turbæ dicit, ut discumbant. Rursus illic iisdem verbis tres Evangelistæ dicunt, quod *acceptis quinque panibus & duobus piscibus, sublati in calum oculis benedixit*: hic sicuti scribunt *Matthæus* & *Marcus*, cum gratias egisset *Jesus*, fregit. Et illic quidem in gramine discumbunt, hic vero discumbunt in terra. Sed quæres quod apud *Joannem* de locis variatum est, qui in facti illius narratione scripsit, dixisse *Jesus*: *Facite homines discumbere*, quod cum benedixisset, dederit discumbentibus de panibus, hujus autem facti omnino non meminit. Considerans itaque differentiam secundum loca, eorum quæ scripta sunt de panibus, hospito excellentioris ordinis esse quam illos: eo quod hi quidem in monte aluntur, illi vero in loco deserto. Et hi quidem posteaquam triduum permanerant apud *Jesus*, illi vero unicum commorati diem, in cuius vespere pascuntur. Insuper autem si non idem est, & si quid interest, verbum ex sese faciat *Jesus*, an faciat a discipulis admonitus, vide num antecellant, qui ab ipso *Jesus* beneficium accipiunt, qui protinus benefaciendo pavit eos. Sin juxta *Joannem* hordeacei erant pa-

nes, unde superfuerunt duodecim cophini, quanquam nihil de his dicitur, an non hi prioribus illis sunt potiores? & illorum quidem agrotos sanavit: hic vero eos qui cum turba venerant sanat, non agrotos sed cæcos & claudos, mutos ac debiles. Eoque & super his admirantur quatuor millia, cum de agrotis illis tale nihil dictum sit. Præstantiores autem sunt ni fallor, qui comederunt de septem panibus, pro quibus sunt actæ gratiæ, his qui comederunt de quinque super quos facta est benedictio: & qui comederunt de paucis pisciculis potiores sunt illis, qui comederunt ex duobus. Fortassis & hi qui discubuerunt super terram. Et illi quidem de paucioribus panibus duodecim cophinos relinquant, hi vero de pluribus septem sportulas, eo quod plurium essent capaces. Ac fortassis hi superiores sunt omnibus terrenis, & discumbunt super illa. Illi vero super gramen, hoc est, super solam carnem ipsorum, *omnis enim caro sanum*. Ultra hæc animadvertit & illud, quod hos *Jesus* non vult dimittere jejunos, ne deficiant, quippe vacui panum *Jesus*, noxamque capiant, cum adhuc essent in via quæ tendit ad res domesticas. Cæterum illud annota, sicuti *Jesus* scribitur dimisisse, quo perspicias discrimen eorum, qui post pastum ab illo dimissi fuerunt, & eorum quos aliter dimisit. Exemplum autem aliter dimissi fuerit illud, *Mulier dimissa es ab infirmitate tua*. Ad hæc autem discipuli perpetuo cum illo viventes non dimittuntur ab eo, sed turbæ cibo sumpto dimittuntur. Sicuti rursus discipuli nihil magni sentientes de *Chanaan* dicunt, *Dimitte illam, quia clamat post nos*. At Servator videtur nequaquam illam dimittere. Cum enim dixisset illi, *Omnia magna est fides tua, fiat tibi sicut vis*: sanata quidem est illius filia ex illa hora, non tamen scriptum est, quod dimiserit illam. Hæc sunt quæ in præsentia circa locum hunc pervestigare perspicereque valuimus.

COMMENTARIORUM IN MATTHÆUM
ORIGENIS TOMUS XII.

CAPUT XVI.

ET accedentes Sadducei ac Pharisei tentantes postulabant ab eo ut signum de celo ostenderet ipsis. Qui inter sese de dogmatibus maximi momenti dissentiebant, Sadducei erant & Pharisei. Definiunt enim Pharisei, mortuorum resurrectionem, sperantes aliquod futuro seculum: Sadducei contra censent, post hanc vitam nihil homini repositum præmii, sive ad virtutem profecerit, sive nunquam vel studuerit a vitiorum terminis excedere. Hi ut tentent *Jesus*, concordēs sunt. Simile quiddam usu venit, ut scribit *Lucas*, inter *Herodem* & *Pilatum*, qui inter se facti sunt amici, ut *Jesus* occiderent. Fortassis mutua inter ipsos similitas effectisset, ut *Herodas* in gratiam populi dicentis, crucifige, crucifige, postularet ut occideretur. *Pilatus* autem propensus non nihil ad hoc, ne condemnaret illum, si inimicitia adversus *Herodem* accessisset ad propensionem dimittendi illum, quæ prius illi aderat, fortasse non condemnasset *Jesus*. Cæterum amicitia, quæ videbatur inter illos orta, valentior reddidit *Herodem* ad interpellandum adversus *Jesus* apud *Pilatum*, fortasse cupientem etiam propter recentem amicitiam gratum aliquid, tum *Herodi*, tum toti *Judaorum* populo facere. Frequenter autem & nunc videre licet in vita, eos qui maxime discrepant opinionibus sive in Græcorum philosophia, sive in aliis disciplinis, apparere concordēs, ut irrideant oppugnentque *Jesus Christum*, qui est in suis discipulis. Ab his autem opinor digredi licet ad considerandum, an adversariis operationibus discordiam invicem habentibus, veluti *Pharæone* adversus *Nabuchodonosor*, & *Balthasare* Rege *Æthiopum* adversus *Senacherim* Regem *Assyriorum*, aliquando fiat concordia adversus *Jesus* & populum ejus. Sic fortassis etiam astiterunt Reges terræ, & Principes convenerunt in unum, prius minime concordēs, ut intentatis insidiis adversus Dominum & adversus *Christum* ejus, Dominum gloriæ interficerent. Ad hunc autem sermonem devenimus propter simul accedentes ad *Jesus* Phariseos & Sadduceos, cum essent de resurrectione dissentientes, veluti in hoc inita concordia, ut tentarent Servatorem nostrum, &

postularent ab eo ut signum ostenderet ipsis de cœlo. Non enim contenti iis, quæ sanandis morbis omnibus omnibusque languoribus in populis ediderat, prodigiis, aliisque miraculis, quæ spectantibus plerisque fecerat. Servator noster, volebant ut etiam signum ostenderet ipsis e cœlo: conjecturaque ducor, illos opinatos signa quæ fiebant super terram, posse ex Deo non esse. Itaque non veriti sunt dicere, *Jesum* in *Beelzebub* principe Dæmoniorum ejicere Dæmonia. Existimabant autem signum de cœlo non posse a *Beelzebub*, aut ab aliqua prava virtute fieri. Sed errabant in utrisque signis, tum in his quæ fiebant in terra, tum in his quæ veniebant e cœlo, haud quaquam probati trapezitæ, neque gnari discernere Spiritus operantes, qui sint a Deo, quid desertores illius. Atqui conveniebat illos scire, multa quæ per *Mosen* adversus *Ægyptios* prodigia facta sunt, cum non venirent e cœlo, tamen certo Dei fuisse. Et ignis e cœlo delapsus super oves *Job*, non erat a Deo. Siquidem ejusdem erat ignis ille, cujus erant & illi qui in captivitatem duxerunt, quique fecerunt tres turmas equitum & jumentorum *Job*. Arbitror autem & in *Esaia* demonstrari posse signa, partim e cœlo, partim e terra, quæ vera fuerint ex Deo. Cæterum inter omnem virtutem, signa, & prodigia quæ veniunt ab illo malo, dictum est *Achaz*, *Postula tibi signum a Domino Deo tuo, in profundum & in excelsum*. Nam si non essent signa non venientia a Domino, quædam in profundum, quædam in excelsum, nequaquam dixisset, *Postula tibi signum a Domino Deo tuo in profundum, aut in excelsum*. Nec me fugit, fore ut alicui coactior videatur hic intellectus horum verborum, *postulato tibi signum a Domino Deo tuo*. Sed attende quod dictum est apud Apostolum de homine peccati, filio perditionis, quod *in omni virtute, & signis & prodigiis mendacii, cum omni fallacia injustitia iis qui pereunt apparebit*, imitans omnia prodigia, quæ sunt veritatis, quemadmodum incantatores *Ægyptii*, ac malefici, tanquam inferiores illo homine peccati & filio perditionis, virtutes quasdam imitati sunt, signaque & prodigia veritatis, facientes signa mendacii, ne veris haberetur fides: sic arbitror hominem illum peccati signa æmulaturum ac virtutes. Fortassis hæc suspicantes ob prophetias hac de re proditas, Pharisei, quæro autem an & Sadducei, tentantes postulant, ut signum de cœlo ostenderet ipsis. Quod si non dicemus hoc illos fuisse suspicatos, quo tandem affectu dicemus illos fuisse erga miracula, quæ fiebant a *Jesu*, cum manerent inflexibiles, nec revererentur incredibilia quæ fiebant. Quod si quis existimat nos defendendi sui dedisse occasionem Phariseis & Sadduceis, vel illic ubi dicunt præsidio *Beelzebub* a *Jesu* profligari Dæmonia, vel illic ubi tentantes postulant a *Jesu* signum cœlestes: sciat quod dicimus illos a probabilitate quadam invitari ad credendum *Jesu* miraculis, non tamen ut etiam veniam mererentur, qui non inspicerent verba Prophetarum impleta in factis *Jesu*, quæ prava vis nequaquam facere potuisset. Siquidem animam egressam revocare, ut jam foetens & quatruiduanus e monumentis prodiret, nullius erat, nisi illius qui audierat a Patre, *Faciamus hominem secundum imaginem & similitudinem nostram*. Quin & imperare ventis, & impetum maris sedare, nullius alterius est nisi illius, per quem omnia, & ipsum mare & venti facti sunt. Est autem etiam doctrina ad amorem conditoris provocans, Legi ac Prophetis concinens, atque animi motus cohibens, moresque ad pietatem formans. Quid aliud declarabat iis, qui videre poterant, quam quod vere Deus esset, qui talia operaretur. De quibus & *Joannis* discipulis dicebat, *Euntes renuntiate Joanni quacunque vidistis & audistis, cæci visum recipiunt*, & cætera quæ sequuntur. Post hæc consideremus, quomodo ut unum signum e cœlo ostenderet postulantibus Phariseis & Sadduceis responderit dicens, *Generatio prava & adultera, signum insuper querit, & signum non dabitur ei, nisi signum Jona Propheta, quo tempore & illis relictis abiit*. Signum autem profecto *Jona*, secundum illorum postulationem, non solum erat signum, verum etiam signum e cœlo, ut tentantibus etiam, signumque de cœlo quærentibus, nihilominus

A pro sua immensa bonitate signum dederit. Quemadmodum enim *Jonas* egit in ventre ceti tres dies ac tres noctes, ita filius hominis in corde terræ, & post hoc ex ea surrexit. Unde autem dicemus resurrectionis *Jesu* signum fuisse, nisi e cœlo? & maxime, sane, quando in ipso passionis tempore signum fuit latroni, *Christi* beneficio subvecto in paradysum Dei. Ultra hoc etiam, cum descenderet ad inferos ad mortuos tanquam inter mortuos liber. Ac mihi quidem videtur Servator signum, quod ex sese promittit, applicare ad signi rationem quod est *Jona*, dicens se non tantum illi simile dedisse signum ex sese, verum etiam illud idem, annota siquidem illud, *Et signum non dabitur illi, nisi signum Jona Propheta*. Igitur illud signum hoc erat signum, eo quod illud hujus erat significativum: ut illius signi explicatio, quod ex se ipso obscuritatem habebat, sit quod Servator passus est, quod in corde tres dies ac tres noctes egerit. Simul autem & generale quiddam discimus, quod si signum significat aliquid, unumquodque signorum quæ scripta sunt, vel in historia rerum gestarum, vel in præcepto, alicujus rerum significativum est post implendæ: veluti signum *Jona* post tres dies egressi de ventre ceti, significabat Servatoris nostri resurrectionem, post tres dies ac tres noctes resuscitati a mortuis. Item circumcisio quæ apud *Paulum* declaratur esse signum in hoc quod scribit, *Nos enim sumus circumcisio*. Quin tu etiam quære signum omne quod est in antiquis litteris, cujus signum sit in novo Testamento. Rursus quod in novo dictum est signum, quid significet vel in futuro seculo, vel in sequuturis ætatibus. Porro posteaquam fecerat signum, etiam illos appellat pravam generationem, ob malitiæ qualitatem illis innatam. Est autem malitia, ubi quis volens male facit. Adulteram autem vocat ob id, quoniam eum qui juxta tropum vir dicitur, videlicet veritatis sermonem aut Legem deferentes Pharisei & Sadducei, adulterio corrupti sunt a mendacio & lege peccati. Nam si duæ sunt leges, altera quæ est in membris nostris militans adversus legem mentis: altera mentis, id est, lex spiritualis: dicendum est legem mentis esse virum illum, cui desponsa est a Deo ut sit uxor anima, videlicet viro legi, juxta quod scriptum est, a Deo vero jungitur viro uxor: Altera vero lex, adulter est, ipsi subjectæ animæ, & propter hunc adulteræ nomen habentis. Cæterum quod lex est animæ vir, palam docet *Paulus* in Epistola ad *Romanos*, dicens, *Lex dominatur homini quam diu vivit. Nam mulier subdita viro, alligata est illi, nimirum viro legi, donec vivit, & reliqua quæ sequuntur*. Adverte autem in his, quod lex dominatur homini, quam diu vivit lex, & vir uxori. Nam viro subdita mulier, est anima subdita legi, ea viventi viro alligata est, puta legi. Quod si mortuus fuerit vir, hoc est, lex, liberata est a lege, quæ est vir. Moritur autem lex ei qui ascendit ad beatitudinem, nec amplius versatur sub lege, sed facit quod fecit *Christus*: qui quanquam factus est sub lege, propter eos qui erant sub lege, ut eos qui legierant obnoxii, redimeret, neque ipse tamen mansit sub lege, neque passus est eos manere sub lege, quos redemerat. Subvexit enim illos una secum ad divinam vitæ rationem, supra legem, quæ veluti data infirmioribus & adhuc peccantibus, continebat sacrificia pro remissione peccatorum. Itaque qui jam experts est peccati, nec amplius habet opus legalibus sacrificiis, is perfectus transcendit fortassis & spirituales legem, ac coepit esse in Verbo, quod est supra legem: quod iis qui in carne vivebant caro factum est: iis vero qui nequaquam jam secundum carnem militant, quod erat in principio apud Deum Deus, Verbum, conspicitur, & patefacit, Patrem. Tria proinde circa hunc locum sentienda sunt. Mulier subdita viro sub viro lege: & mulier adultera, quæ vivente viro, puta lege, juncta fuerit alteri viro, nimirum anima juncta legi carnis: & mulier quæ fratri mortui viri nubet, videlicet viventi, ac non mortuo Verbo, quod excitatum a mortuis, non amplius moritur. Mors enim ei non amplius dominatur. Et hæc quidem diximus propter illud, *Si mortuus fuerit vir, liberata est a lege viri*. Item propter illud: *Ergo vivente viro, adultera vocabitur, si fuerit cum altero*

altero viro. Rursus propter illud: *Quod si mortuus fuerit vir, libera est a lege viri, ut non sit adultera, si juncta fuerit alteri viro.* Hoc ipsum autem, ergo vivente viro adultera vocabitur, assumpseramus, studentes clarius explicare, quare *Jesus* tentantibus Phariseis ac Sadducæis, requirentibus signum e caelo sibi ostendi, dixerit, non solum generatio prava, verum etiam adultera. Generaliter itaque lex, quæ est in membris, militans adversus legem mentis, veluti vir adulter, adulter est animæ. Jam autem omnis etiam potestas adversaria, cum devicerit humanam animam, eique fuerit admixta, adulter illius est, quæ sponsum habet ipsi a Deo datum, nimirum Verbum. Post hæc scriptum est, *Relistis illis abiri.* Nam qui fieri potuit, ut Verbum qui sponsum est, non relinqueret adulteram generationem, & diverteret ab ea? Poteris autem dicere, quod *Judeorum* Synagogam ut adulteram relinquens Dei Verbum, discesserit ab ea, ceperitque uxorem scortationis, videlicet eos qui sunt ex Gentibus. Quoniam illi quidem qui erant civitas fidelis *Sion*, facti sunt scorta: hi vero veluti *Rhaab* meretrix, quæ exceperat exploratores *Jesu*, cum tota familia servata est, postea non amplius meretricem agens, sed veniens ad *Jesu* pedes, eosque rigans poenitentiae lacrymis, unguensque sanctæ vitæ fragrantibus odoribus, cujus gratia *Simoni* leproso, nempe priori populo *Jesus* exprobrans dixit omnia illa quæ scripta sunt.

DE FERMENTO PHARISÆORUM.

7.5.
12.

ET cum venissent discipuli illius in ripam ulteriorem, obliti fuerant accipere panes, quandoquidem inutiles erant quos habebant antequam transmitterent, discipulis jam in ulteriorem ripam transectis. Aliis enim opus erat ante trajectionem, aliis post trajectionem: eoque quoniam neglexerant adferre panes, cum abirent ad trajiciendum, obliti fuerant illos secum recipere. Ultra Lacum autem pervenerant discipuli *Jesu*, qui transierant a corporalibus ad spiritualia, & a sensibilibus ad intelligibilia. Ac fortassis ut deterreret eos, qui quoniam pervenerant ultra Lacum, spiritum acceperant, ne recurrerent ad carnalia, dixit iis qui transierant *Jesus*, *Videte & attendite.* Erat enim conspersio quædam doctrinæ fermentique vere veteris, quæ est secundum simplicem litteram, eoque non libera ab his quæ sunt malitiæ, quam præbebant Pharisei & Sadducæi, unde *Jesus* non vult amplius edere suos discipulos, quos fecerat novam & spirituales conspersionem, seipsum præbens iis qui discescerant a fermento Phariseorum ac Sadducæorum, & ad ipsum accesserant, panem vivum qui de caelo descendit, quique vitam dat mundo. Quoniam autem hæc via est ei qui non amplius usus sit fermento, conspersione, ac doctrina Phariseorum ac Sadducæorum, primum quidem videre, deinde attendere, ne quando quis eo quod non videat, neque attendat, particeps fiat vetitillorum fermenti: ideo primum dicit discipulis, *videte*: deinde, *attendite*. Perspicacium igitur est & attentorum, separare fermentum Sadducæorum ac Phariseorum: breviter omnem cibum, qui non caret fermento, nec est sinceritatis ac veritatis, a vivo pane, qui de caelo descendit, sic ut Phariseorum ac Sadducæorum panes non admittat, sed ut vivum ac verum panem comedens aliquis, corroboretur animo. Cæterum hoc dictum etiam tempestive accommodabimus iis, qui simul cum Christianismo volunt corporaliter Judaizare. Siquidem hi non vident, nec attendunt a fermento Phariseorum ac Sadducæorum, sed præter voluntatem *Jesu*, qui vetuit eo vesci, Phariseorum panem comedunt. Quin & omnes, opinor, quicunque nolunt sapere, quod Lex spiritualis est, & umbram habet futurorum bonorum, & umbra est futurorum, neque inquirunt cujus boni futuri sit umbra unaquæque lex, non vident neque attendunt a fermento Phariseorum. Quin illi quoque qui rejiciunt mortuorum resurrectionem, non cavent a fermento Sadducæorum: & complures profecto inter istos qui diversum sentiunt ab Ecclesia, propterea quod non credunt resurrectionem mortuorum, sunt qui inficiuntur Sadducæorum fermento. Hæc sane cum diceret *Jesus*,

A cogitabant apud sese, non quidem fatentes quod acciderat discipuli, sed in cordibus suis, panes non accepimus: ac talia quodammodo erant quæ dicebant, Si panes haberemus, nequaquam de fermento Phariseorum ac Sadducæorum accepissemus. Quoniam autem ob inopiam panum periclitamur, ne de illorum fermento capiamus, nec vult nos Servator recurrere ad illorum doctrinam, ideo nobis dixit, *Videte & attendite a fermento Phariseorum ac Sadducæorum.* Et hæc quidem illi cogitabant. *Jesus* autem videns quæ erant in cordibus, & audiens sermones qui ibi fiebant, utpote verus cordium inspector, objurgat illos veluti non intelligentes, neque memores panum, quos ab ipso acceperant, per quos cum se crederent egere panibus, non opus habebant Phariseorum ac Sadducæorum fermento: mox explicans & clarius exhibens ambigentibus, propter variam acceptionem panis ac fermenti, quod non de pane sensibili locutus esset, sed de doctrinæ fermento, subjungit, *Qui sit, ut non intelligatis, quod non de panibus locutus sum vobis, sed attendite a fermento Phariseorum ac Sadducæorum.* Quamquam autem non aperuisset Dominus explanationem, sed adhuc perseverasset in figurato sermone, tamen intellexisse debebant discipuli, Servatorem de doctrina loqui, quæ figurate dicta est fermentum, quam docebant Pharisei & Sadducæi. Proinde quoad habemus nobiscum *Jesum*, qui præstat quod pollicitus est dicens: *Ecce ego vobiscum sum omnibus diebus, usque ad consummationem seculi*, non possumus jejunare, necegere cibo, ut inopia coacti, quæramus vel a Phariseis ac Sadducæis vetitum fermentum accipere edereque, & incidat nobis aliquando tempus, illo nobis præsentente, ut alimonia careamus, quemadmodum in superioribus dictum est his verbis, *Jam triduum manent apud me, nec habent quod edant.* Imo etiam si id acciderit, ille nolens nos jejunos dimittere, ne forte deficiamus in via, benedicit panibus qui sunt apud discipulos, ac facit e septem panibus, ut jam exposuimus, septem sportas. Insuper autem & illud observandum, ob eos qui putant ex Evangelio *Matthæi*, nullo pacto doceri Servatoris Divinitatem, quod discipulis apud sese cogitantibus dicentibusque, panes non habemus, *Jesus* cognovit cogitationem illorum ac dixit: *Quid cogitatis apud vos, exigua præditi fiducia, quod panes non acceperitis*, haud erat humanum. Unus enim omnium ac solus cognoscit corda hominum Dominus, sicut ait *Solomon* in quarto Regnorum Libro. Ubi vero *Jesus* dixisset, *attendite a fermento*, intellexerunt discipuli, quod non juberet cavere a panibus, sed a doctrina Phariseorum ac Sadducæorum. Vestigabis sicubi fermentum figurate nominatur pro doctrina, sive in ipsa Lege, sive in Scripturis Legem secutis. Similiter autem, an forte fermentum non offeratur in sacrificium: non enim oportet preces habere doctrinæ modum, sed nihil aliud esse, quam postulationes bonorum a Deo. Quæsierit autem aliquis ob hæc quæ dicta sunt de discipulis, qui trajecerant, num possit aliquis ubi transierit, objurgari quod sit modicæ fiduciæ, quodque nondum intelligat, neque meminerit eorum quæ facta fuerant a *Jesu*. Non arbitror autem difficile esse ad hoc responsum, videlicet quod ad id quod perfectum est, quod ubi venerit, cessabit id quod ex parte est, omnis fides quæ hic habetur, exigua fides est: & quod ad illud attinet, nondum intelligimus, ex parte cognoscentes, neque meminimus. Non enim possumus capere memoriam sufficientem ac parem multitudini naturæ rerum speculandarum. Licet autem & illud hinc discere, quod interdum de solis cogitationibus, quas intra nos versamus, reprehendimur, ac velut exiguum habentes fiduciam, objurgamur. Ego vero sum in hac opinione, quod sicut qui adulterium committit in solo corde, nondum omnino progressus ad opus: ita si quis fecerit in corde cætera quæ prohibita sunt. Verbi causa, si quis corde tantum sit furatus, aut corde tantum falsum testimonium dixerit, non ut illi qui facto furatus est, aut falsum testimonium re perpetravit, sed tantum ut qui corde solo talia fecerit punietur, idque si per ipsum stetit, quo minus pervenerit ad pravum facinus. Quod si præterquam quod voluit aggressus quidem est, sed non successit, punietur,

nietur, ut qui non solum corde, verum etiam opere peccaverit. Super hæc quæret aliquis, an adulterium committat aliquis solo corde, etiamsi factum adulterii non peregerit, sed in solo corde fuerit impudicus. Similiter vero modo facies de cæteris laudabilibus. Habet autem hic locus, quo probabiliter falli possumus, quod hac opinione ratione tollendum est. Adulterium quidem in corde peractum, minus est peccatum, quam si quis adjungat etiam factum. Non potest autem fieri, ut pudicitia sit in corde, quæ obstat impudico facto, nisi quis hic quoque in exemplum sumat virginem, juxta quod Lex dicit, in solitudine violatam. Fingamus enim cor alicujus esse purissimum, cæterum violentiam peregrisse corruptionem corporis pudicæ, in eo quod lascivum est. Hæc sane mihi videtur prorsus esse casta in occulto quidem, corpore vero non esse pura, quemadmodum erat ante vim illatam. At non quia non pura, statim & impudica. Hæc ob id quod scriptum est, *Cogitabant secum dicentes, panes non accepimus. Cui subijcitur illud, Ut autem cognovit Jesus dixit: O parum fidentes, quare cogitatis intravos? & cætera quæ sequuntur.* Oportebat enim vituperationem eorum quæ in occulto sunt expedire, & ex adverso laudem eorum quæ in occulto. Miror autem, si discipuli putabant priusquam Jesus illis explanaret sermonem, quod Dominus ac Præceptor præciperet ipsis, ut caverent a sensibili fermento Phariseorum ac Sadducæorum, tanquam impuro, & ob id vetito, ut quoniam panes non acceperant, ne tum quidem illorum fermento uterentur. Similiter porro & in aliis inquireremus, sed exempli gratia satis est quod legimus de *Samaritana*, cui dicit Dominus: *Quisquis biberit ex aqua hac, sitiet iterum. Quisquis autem biberit ex aqua quam ego dabo ei, non sitiet in æternum.* Siquidem illud quod ad verba quidem attinet, *Samaritana* putare videtur, Servatorem aquam sensibilem promittere, cum ait: *Quisquis autem biberit ex aqua quam ego dabo ei, non sitiet in æternum.* Et illa igitur ad tropologiam vocanda sunt, simulque expendenda aqua fontis *Jacob*, unde hauriebat *Samaritana*, conferendo cum aqua *Jesu*. Atque hic idem est faciendum. Fortassis nec panes erant cocti, sed fermentum modo quoddam doctrina Phariseorum ac Sadducæorum.

DE EO QUOD DOMINUS IN CÆSAREA PERCUNCTATUS EST, QUEM IPSUM DICERENT ESSE HOMINES.

TRACTATUS I.

Mat. 13.
29.

CUM autem venisset Jesus in partes Cæsarea Philippi, interrogavit discipulos suos. Sciscitatur a discipulis suis Jesus, quem ipsum dicerent homines esse, quo nos disceremus ex Apostolorum responso, id temporis apud Judæos varias fuisse de Christo opiniones. Fortassis & ideo percunctatur, ut discipuli Jesu doceantur, semper esse curiosi sermonum qui dicuntur ab hominibus de illo. Quod facientibus conducit ad hoc, si quid mali dicitur, ut hujus occasiones modis omnibus auferant: sin boni quippiam, hujus causas adaugeant. Attamen vide quoniam apud Judæos varii erant affectus de Christo, quomodo ex quibusdam non sanis de illo opinionibus loquuti sint. Quidam dicebant eum esse Joannem Baptistam, quemadmodum & Herodes Tetrarcha dicens pueris suis, *Hic est Joannes*. Alii rursus dicebant, *Helias* est, qui nunc dicitur Jesus, sive quod denuo natus esset Helias, sive quod jam olim in carne vivens, eo tempore apparuisset. Porro qui dicebant Jesum esse Hieremiam ipsum, non autem Hieremiam Jesu typum, fortasse commoti sunt iis verbis, quæ sunt in principiis *Hieremia* de Christo, quæ tum quidem in Propheta non fuerant impleta, sed impleri cœperant in Jesu, *Quem constituit Deus in Gentes & Regna, ut eradicet, subvertat, ac perdat, ac rursus adificet, plantetque*, videlicet constituens eum Prophetam venturum ad Gentes, quibus prædicavit verbum. Quin & hi qui dicebant eum unumquemque esse de numero Prophetarum, talia de illo opinabantur, ob ea quæ in Prophetis ad ipsos quidem dicta fuerant, in ipsis tamen nondum fuerant impleta. Sed Judæi quidem, ut digni velamine, quod habent cordi impositum, falsas opiniones habebant de Jesu. Cæterum Petrus tanquam non carnis aut sanguinis discipulus, sed qui Patris etiam

A coelestis revelationem acceperat, confessus est eum esse Christum. Erat quidem igitur haud ita magnum, quod a Petro Servatori dicebatur, *Tu es Christus*, cum id incognitum esset Judæis: verum illud majus erat, quod credidit eum non solum esse Christum, verum etiam filium Dei, qui & per Prophetas locutus est, *Vivo ego, & Me dereliquerunt fontem aquæ vivæ*. Erat autem & is vita a fonte vitæ Patre, qui dixit: *Ego sum vita*. Et attende diligenter, an quemadmodum sicut idem non sunt, fons fluvii, & fluvius ipse, ita fons vitæ, & vita. Et hæc quidem adjecimus, eo quod pertinerent ad id quod scriptum est, *Tu es Christus filius Dei vivi*. Oportuit enim eximium quiddam proponere, in eo quod dicit de Deo & Patre universorum, tanquam vivo, & inter eum qui est ipsa vita, & inter ea quæ vitam participant. Quoniam autem diximus, eos qui pronuntiabant Jesum esse Joannem Baptistam, aut quempiam ex iis qui subijciuntur, nequaquam ex sanis opinionibus hæc dixisse: conabimur & hoc probare dicentes, quod si interfuissent baptismo, cum Jesus venisset ad Joannem, ac Joannes baptizaret Jesum, nequaquam dixissent Jesum esse Joannem: imo si intellexissent sententiam, quam dixerat Jesus: *Si vultis recipere, ipse est Helias, qui venturus erat*. Et si velut aures habentes audissent id quod dictum est, haud quaquam dixissent quidam illorum, *Jesum esse Heliam*. Et qui dixerunt illum esse Hieremiam, si perspexissent, quod plerique Prophetarum symbola quædam Jesu in se suscepissent, nequaquam dixissent illum esse Hieremiam. Similiter nec alii dixissent unum quempiam esse de numero Prophetarum. Fortassis autem quod Simon Petrus respondens dixit: *Tu es Christus filius Dei vivi*, si dixerimus ita quemadmodum dixit Petrus, non a carne & sanguine nobis revelatum, sed a luce quæ illuxit cordi nostro, a Patre qui est in cœlis, sumus & ipsi quod fuit Petrus: similiterque ut ille prædicamur beati, propterea quod quæ illi causæ exstiterunt beatificationis, eadem ad nos quoque pervenerunt, eo quod caro & sanguis nobis non revelavit, *Jesum esse Christum* filium Dei vivi: sed ab ipsis cœlis Pater qui est in cœlis, ut in cœlis conversationem habeamus, revelavit nobis revelationem subducentem in cœlos, eos qui non solum velamen omne tollunt a corde, verum etiam acceperunt Spiritum sapientiæ Dei ac revelationis. Quod si nos quoque loquuti quod dixit Petrus: *Tu es Christus filius Dei vivi*, tanquam non accepta hujus revelatione a carne & sanguine, sed luce cordi nostro illucescente, a Patre qui in cœlis est, efficimur Petrus: & nobis dicetur, quod hunc sermonem sequitur, *Tu es Petrus*, & cætera quæ sequuntur. Petra est enim, quisquis Christi discipulus est, ex quo biberunt de spiritali consequente petra. Et super talem petram construitur omnis Ecclesiastica doctrina, & secundum hanc vitæ institutio. In unoquoque enim perfecto habente congregationem eorum qui complent beatitudinem verborum, factorum, & sensuum, est quæ a Deo ædificatur Ecclesia. Quod si super unum illum Petrum tantum existimas ædificari totam Ecclesiam, quid dicturus es de Joanne filio tonitru, & Apostolorum unoquoque? Quin alioqui num audebimus dicere, quod adversum Petrum unum non prævalituræ sint portæ inferorum, adversus cæteros autem Apostolos ac perfectos prævalituræ sint, ac non potius in omnibus ac singulis eorum, de quibus dictum est, sit illud quod dictum est, *Et portæ inferorum non prævalebunt adversus eam*? Item illud, *Super hanc petram adificabo Ecclesiam meam*. An vero soli Petro dantur a Christo claves regni cœlorum, nec alius beatorum quisquam eas accepturus est? Quod si dictum hoc, *Tibi dabo claves regni cœlorum*, cæteris quoque commune est, cur non simul omnia, & quæ prius dicta sunt, & quæ sequuntur, velut ad Petrum dicta, sunt omnium communia? Nam hic & illud velut ad Petrum videtur dictum, *Quæcunque ligaveris super terram, erunt ligata & in cœlis*, & quæ sequuntur. Cæterum in Evangelio Joannis, Servator dans Spiritum sanctum discipulis per insufflationem, ait: *Accipite Spiritum sanctum*, & cætera. Proinde multi dicunt Servatori, *Tu es Christus filius Dei vivi*: sed non omnes qui dicunt hoc, dicunt illud, nequaquam a carne & sanguine accepta re-

revelatione docti, sed ab ipso Patre, qui in coelis est, tollente velamen, quod impositum erat cordi eorum, ut postea resecta facie gloriam Domini speculantes, in Spiritu Dei loquantur, dicentes de eo illud, *Dominus Iesus*: & ad eum illud, *Tu es Christus filius Dei vivi*. Et si quis hoc ad illum dixerit, non ex carnis aut sanguinis revelatione, sed Patris qui in coelis est, consequetur ea quæ dicta sunt, ut Evangelii quidem scriptum habet ad illum *Petrus*, ut vero docet illius Spiritus ad quemvis, qui talis factus fuerit, qualis erat ille *Petrus*. Siquidem nomen ducunt a petra, quicumque sunt imitatores *Christi*, qui est petra spiritualis, comitans eos qui salvi fiunt, ut ex ea bibant potum spiritualem. Hi vero non solum nomen ducunt a petra, quemadmodum *Christus*, verum etiam *Christi* membra cum sint, ab eo nomen habent, dicti *Christiani*, a petra vero *Petri*. Porro ex his occasione sumpta dices justos nomen habere deductum a *Christo*, qui est iustitia, & sapientes a *Christo*, qui est sapientia: & similiter facies de reliquis ejus nominibus, nomina derivans ad sanctos: & ad omnes qui tales sunt dicetur illud Servatoris, *Tu es Petrus*, & cætera, usque ad illud, *non pravelebunt adversus eam*. Quam autem eam? Utrum adversus petram, super quam *Christus* ædificat Ecclesiam? An adversus ipsam Ecclesiam? (Nam sermo anceps est) an ad unum & idem quod ipsum sit petra & Ecclesia? Hoc autem arbitror esse verum. Neque enim adversus petram, super quam *Christus* ædificat Ecclesiam, neque adversus Ecclesiam portæ inferi prævalebunt; Quemadmodum nec via serpentis in petra potest inveniri, juxta quod scriptum est in Proverbiis. Quod si quis fuerit, adversus quem prævalituræ sunt portæ inferorum, talis neque petra fuerit, super quam *Christus* ædificat Ecclesiam, neque quæ a *Christo* super petram ædificatur Ecclesia. Nam & petra serpenti est inaccessa, validiorque portis inferorum ipsi reluctantibus, ut ob robur ipsius inferorum portæ nihil valeant adversus illam: & Ecclesia tanquam *Christi* structura, qui ædificavit suam domum prudenter super petram, non recipit portas inferorum, prævalentes quidem adversus omnem hominem, qui est extra petram & Ecclesiam, sed nihil valentes adversus ipsam. Ubi vero consideraverimus, quod unumquodque peccatorum, ob quæ *Christus* iturus erat ad inferos, portæ sunt inferorum, comprehendemus quod anima quæ maculam habet, aut rugam, aut aliquid hujusmodi, ac propter malitiam nec sancta est, nec irreprehensibilis, ea neque petra est, super quam *Christus* ædificat, neque Ecclesia, neque Ecclesiæ pars, quam super petram *Christus* ædificat. Quod si quis vos ob ista pudefactos filere vult, propter multitudinem Ecclesiasticorum, qui credere putantur, dicendum est illi non solum illud, *Multi vocati, sed pauci electi*: verum etiam hoc quod a Servatore dicitur ad eos qui acceperant ipsum; sicut in Evangelio *Luca* dictum est, hunc in modum: *Contendite intrare per angustam portam: quoniam dico vobis, multi quarent ingredi per illam angustam portam, & non valebunt*. Insuper & illud quod in *Matthæo* scriptum est, hunc in modum dicendum est, *Angusta est porta, & stricta via qua ducit ad vitam, & pauci sunt, qui inveniunt eam*. Porro si attenderis illi quod dictum est, *Multi, dico vobis, quarent ingredi, & non valebunt*, intelliges hoc ad illos referri, qui se gloriantur esse de Ecclesia, sed infirmè ac secus quam verbum præscripsit, vivunt. Hi proinde non valentes ingredi, cum sint de numero eorum qui quærunt ingredi, eo quod inferorum portæ prævalent adversus eos, haudquaquam valebunt ingredi: adversus quos autem inferorum portæ non prævalent, hi quærentes ingredi poterunt, omnia valentes in eo, qui corroborat ipsos, *Christus Iesus*. Atque ita quisque qui pater est pravæ sententiæ, architectus factus est alicujus inferorum portæ. Cæterum cooperarii hujus architecti, sunt homines hujusmodi doctrinæ ministri ac dispensatores, servientes pravo impietatis fabricatori verbo. Porro cum multæ sint simulque recenseri numero possint inferorum portæ, nulla porta inferorum valet adversus petram, aut Ecclesiam quam *Christus* super illam ædificat. Quanquam habent nonnullam vim hæc portæ, qua nonnullos superant, nimirum eos qui non resistunt, nec decertant adversus illas: sed eadem

ab aliis superantur, videlicet ab his, qui quoniam non receperunt ab eo qui dicit: *Ego sum ostium*, omnes inferorum portas demoliti sunt ab anima sua. Verum enimvero & illud scire oportet quod sicuti civitatum portæ proprium quæque nomen habent, eodem modo portæ inferorum nominari possunt, juxta species peccatorum: ut una quidem inferorum porta vocetur scortatio, per quam ambulant scortatores: altera vero negatio, per quam qui Deum abnegant, descendunt ad inferos. Jam autem & unusquisque diversa sentientium, quique genuerunt aliquam falsi nominis scientiam, portam ædificant inferorum: aliam quidem *Marcion*, *Basilides* aliam, aliam *Valentinus*. Atque hic quidem portæ inferorum dictæ sunt. Cæterum in Psalmis Propheta gratias agit, dicens: *Qui exaltavit me a portis mortis, ut enarrer omnes laudes tuas, in portis filia Sion*. Ex hoc illud quoque discimus, fieri non posse, ut quisquam enarret omnes Dei laudes, qui non exaltatus sit a portis mortis, & pervenerit ad portas *Sion*. *Sion* autem portæ, intelligantur contrariæ portis mortis, ut mortis quidem porta sit intemperantia, porta vero *Sion* temperantia: atque itidem mortis porta sit injustitia, *Sion* vero porta iustitia, quam ostendens Propheta, ait: *Hæc porta Domini, iusti intrabunt per eam*. Ac rursus, mortis porta sit ignavia, fortitudo contra porta *Sion*: & imprudentia porta mortis, prudentia vero huic contraria porta *Sion*. Omnibus autem portis falso dictæ scientiæ, una porta opponitur, quæ est veræ scientiæ. Inspice vero, num ex eo quod dictum est, *non est nobis colluctatio adversus carnem & sanguinem*, & cætera, possis unamquamque potestatem, ac munditeneantem hujus caliginis ac spiritualia malitiæ in cœlestibus dicere portam inferorum & portam mortis. Itaque portæ inferorum dicuntur etiam Principatus ac Potestates, adversus quas nobis est colluctatio, Contra portæ iustitiæ, ministratorii Spiritus. Quemadmodum autem de præstantioribus multæ prius dicuntur portæ, & post portas, una porta nominatur, cum dicitur, *Aperite mihi portas iustitiæ, ingressus per eas confitebor Domino*, Et hæc porta Domini, iusti intrabunt per eam. Itidem & in contrariis, portæ quidem multæ sunt inferorum ac mortis, singulæ potestates, super omnes autem has, ille malus intentus in unumquodque peccatum: & attenti profecto simus in unoquoque peccato, velut in aliquam inferorum portam descendentes, si peccemus. Quin potius exaltati de portis mortis, enarremus omnes laudes Domini, in portis filia *Sion*. Exempli gratia, in una porta filia *Sion*, quæ vocatur temperantia, enarrabimus ex temperantia laudes Dei: & in alia quæ vocatur iustitia, enarrabimus ex iustitia laudes Dei. In summa, in omnibus laudabilibus in quibus versamur in his sumus in aliqua porta filia *Sion*, juxta illam narrantes aliquam laudem Dei. Excutiendum autem & illud, quomodo in uno duodecim Prophetarum dictum est: *oderunt in portis arguentem, & sermonem justum abominati sunt*. Vide igitur ne forte in portis arguens sit ex his qui consistunt in portis filia *Sion*, redarguens eos qui sunt in portis huic portæ contrariis, nimirum in portis inferorum ac mortis. Sin ad hunc modum non intelligis illud Prophetæ dictum, *oderunt in portis arguentem*, aut per adjunctionem erit dicta hæc particula *in portis*, aut quære quomodo tandem quod dictum est dignum esse possit prophetico Spiritu. Post hæc videamus quomodo dictum est *Petro*, & quicumque petra est, *dabo tibi claves regni cœlorum*. Ac primum quidem arbitror hoc dictum, *porta inferi non pravelebunt adversus eam*, respondere illi, *Dabo tibi claves regni cœlorum*. Dignus est qui ab ipso Filio Dei accipiat claves regni cœlorum, qui munimentum opposuit adversus inferorum portas, ne prævalerent adversus ipsum, veluti præmii loco accipiens, eo quod nihil valuerunt adversus ipsum inferorum portæ, claves regni cœlorum, ut sibi ipsi aperiat portas, clausas iis qui vincuntur a portis inferorum: & ingreditur, veluti temperans, per quandam temperantiæ portam, quæ aperitur clave, quæ aperit temperantiam. Item per aliam ut iustus, portam iustitiæ, quæ aperitur clave iustitiæ. Et simili modo de cæteris virtutibus. Arbitror enim quod pro unaquaque virtute cognitionis, aliqua sapientiæ mysteria

steria respondentia generi virtutis aperiuntur ei qui secundum virtutem vixerit, Servatore dante iis, qui superati non sunt a portis inferorum, totidem claves quot sunt virtutes: quæ claves aperiunt totidem numero portas, juxta mysteriorum refectionem, respondentes unicuique virtuti. Et fortassis unaquæque virtus est regnum coelorum, juxta hunc sensum jam in regno coelorum sit, qui secundum virtutes vivit: utque hoc quod dictum est, *penitentiam agite, appropinquavit enim regnum coelorum*, non ad tempus referatur, sed ad actiones affectusque. *Christus* siquidem qui est omnis virtus, inhabitat ac loquitur, & propter hoc intra discipulos illius est regnum Dei, non autem hic & hic. Vide vero quantam habeat vim petra, supra quam a *Christo* construitur Ecclesia, & omnis qui dicit: *Tu es Christus filius Dei vivi*: ut hujus judicia firma maneant, tanquam Deo in illo judicante: ut in hoc ipso quod judicat, non prævaleant adversus eum inferorum portæ. Adversus illum igitur qui injuste judicat, neque juxta verbum Dei ligat super terram, neque secundum voluntatem illius solvit super terram, portæ inferi prævalent. Is vero adversus quem portæ inferorum non prævalent, juste judicat, eo quod claves habet regni coelorum, aperiens iis qui solvuntur super terram, sicut & in coelis sint soluti ac liberi: claudensque iis, qui justo ipsius judicio ligati sunt in terris, ut & in coelis sint ligati, condemnatque.

A Quoniam autem hi qui Episcoporum locum sibi vindicant, utuntur eo dicto sicut *Petrus*, & claves regni coelorum a Servatore acceperunt, docentque ea quæ ab illis ligata fuerint, hoc est, condemnata, eadem & in coelis ligata: rursus ea quæ soluta fuerint ab ipsis, eadem & in coelis esse soluta: dicendum est illos recte loqui, si pariter & facta habuerint, ob quæ dictum est illi qui erat *Petrus*, *Tu es Petrus*: sique tales fuerint, ut a *Christo* super eos ædificetur Ecclesia, & ad eos illud jure referri possit. Portæ autem inferorum non debent prævalere adversus eum, qui ligare vult ac solvere. Quod si funibus suorum peccatorum constringitur, frustra vel ligat vel solvit. Fortassis & illud poteris dicere, *in coelis*, id est, in virtutibus, quæ sunt in sapientia, ligatus est malus. Ac rursus solutus est in illis homo probus, qui percepit oblivionem & abolitionem eorum quæ ante virtutem peccaverat. Quemadmodum autem qui non habet funiculos peccatorum, neque peccata quæ comparantur funi longo, aut loro jumenti, quod est in iugo, ne Deus quidem ligare possit, neque quisquis fuerit *Petrus*. Porro si quis cum non sit *Petrus*, nec habeat quæ hic dicta sunt, sicut habuit *Petrus*, credit se ligaturum in terra, ut quæ ligaverit ligata sint & in coelis, ac se soluturum super terram, ut quæ solverit, soluta sint in coelis, hic inflatus est non intelligens quid sibi velint Scripturæ, & tumefactus incidit in Diaboli ruinam.

Fragmenti *Origenis*

F I N I S.

REVERENDO IN CHRISTO PATRI AC DOMINO
D. J O A N N I
E P I S C O P O R O F F E N S I
DESIDERIUS ERASMUS ROTERODAMUS
S. D.



INTIS & officiis & beneficiis, toties a te provocatus, Præsulum integerrime idemque doctissime, ne simpliciter ingratus viderer, cæpi tandem circumspicere, si quod munus literarium parare possem, tua dignum amplitudine, hoc est, primum juxta atque eruditum: & commodum e Grocini Bibliotheca mecum advexeram divi Basilii commentarios in Esaiam, hoc est, eloquentissimi Theologi, in eloquentissimum Prophetam. Hunc aggressus, Latinum facere institui, sed quo altius descendo in operis penetralia, hoc minus mihi visum est, divinam illam Basilii phrasim sapere. Tametsi mox in ipso Libri vestibulo, titulus nonnullam animo suspicionem injecerat, ita testans ab ipso quidem Basilio descriptum opus, cæterum ab illius obitu, ab alio quodam Presbytero evulgatum. Auxit suspicionem, quod ne apud Scriptores quidem, qui Basilii recensent lucubrationes, hujus Voluminis ulla fiat mentio. Proinde sum in hac propemodum sententia, libros hos, aut alterius cujuspiam esse Basilii, ut sunt ejus nominis plures, non illius Cæsareensis Episcopi, cui frater fuit Gregorius Nazianzenus, aut titulum studio additum, quo magis commendarentur lectori. Quod ni tu prorsus a me dissentis, mihi non satis idoneum videtur, vel quod tuo dicetur nomini, vel in quo nos tantum ponamus opera. Gustum interea damus, tuum in cæteris judicium, non secus atque oraculum secuturi. Bene vale. E Cantabrigia tua, Anno M D X.

S A N C T I P A T R I S N O S T R I
B A S I L I I
A R C H I E P I S C O P I C Æ S A R E Æ C A P P A D O C I Æ
E X P O S I T I O I N P R O P H E T A M E S A I A M,
DESIDERIO ERASMO ROTERODAMO INTERPRETE.



PATE ne fiat fuga vestra hyeme vel sabbato. Advertendum est Deum non fecisse hyemem aut sabbatum reprehensibile, cum scriptum sit, *Æstatem & ver, tu finxisti ea*. Verum in hyeme sumus, quoties carnis affectus imperium obtinent in nobis. Itaque sic intelligendum est dictum illud Evangelicum, ne nobis tum

incidat fuga, cum deteriora in nobis dominantur, aut cum per inertiam vitam nostram traducimus. Nam id nobis significat per sabbatum, ut benedictionem illam consequamur, *Beatus servus ille, quem cum venerit Dominus, invenerit vigilantem*. Estote prudentes sicut serpentes, forsitan ob id, quod prudenter ac sapienter abitergat senectutem. Etenim ubi jam pellem exuere parat, in locum angustum, quique undique corpus obstringat, immittit seipsum, atque ad eum modum transmittens sese,

sefe, senectam exuit. Forsan igitur & nos vult hic sermo per arctam & asperam viam ingredientibus, exuere veterem hominem, ac novum induere, ut nostra quoque velut aquilæ juvenia renovetur. Magna quidem atque adeo prima dos, quæque animam summe purgatam requirat, divini afflatus esse capacem ad prophetandum mysteria Dei. Proxima vero secundum illam ut ipsa quidem mediocrem aut vulgarem curam desiderans audire, quid sibi velint ea quæ dicuntur a Spiritu, uti ne perperam conjectes sententiam verborum, sed recta ad illam ducaris via, duce Spiritu, quo auctore scripta est prophetia. Et gubernatur intellectus eorum, qui cognitionis donum acceperunt. Unde & Dominus addidit dicens: *Qui habet aures ad audiendum, audiat*. Præterea Prophetæ quoque *Johel*: *Quis sapiens, inquit, & intelliget hæc? Intelligens & cognoscat ea?* Et Apostolus eo loco quo de charismatibus loquitur, quoddam esse donum ait prophetiam: quoddam discretionem Spirituum. Nam qui sese dignum exhibet instrumentum, per quod Spiritus operetur, is Prophetæ est. Porro qui vim eorum quæ denunciantur prudenter percipit, is donum habet discernendorum Spirituum. Quapropter & *Corinthiis* præscribens: *Propheta*, inquit, *duo trefve loquantur, ac reliqui judicent*. Est autem donum hoc adeo magnum, ut Dominus comminetur sese ablaturum e *Judæa* Prophetam, & conjectorem, & admirandum consultorem, & auditorem intelligentem. Nobis vero precandum ut accipiamus sapientiæ ac scientiæ, neque non doctrinæ donum, ut omnia simul in principali animi parte concurrentia, imprimant formam omnis veritatis, quæ prophetia continetur. Est autem hujus quidem uti sermone scientiæ, ut contempletur arcana Spiritus. Hujus autem sermone sapientiæ, ad apparanda, & excolenda, ea quæ involute ac paucis sunt prolata. Siquidem sapientiæ proprium est producere sermonem. Ait enim: *Produxi sermonem & non attendistis*. Præterea doctrinæ donum, ad ædificationem audientium. Itaque necesse est ut qui sit prophetaturus, hujus animus ante sit idoneus redditus, sedatis affectuum, qui in nobis sunt, commotionibus, uti verbum illud quod est in omnibus, magis compositos deligens animos, in quibus nec exiguus affectuum motus dissonat cum ratione juxta portionem præcedentis aptitudinis, divini Spiritus inducat efficaciam. Neque vero solum requiritur affectuum sedatio ad digne suscipiendum Spiritum, verum etiam moderatus fidei habitus utilitasque, tum hujus qui gratiam accipit, tum illorum qui in tempore audiunt, aut eorum etiam, ad quos in posterum prophetiæ utilitas sit perventura. *Datur enim*, inquit, *unicuique manifestatio Spiritus ad utilitatem, ac rursus juxta portionem fidei*. Itaque supra naturæ humanæ vires est, pronuntiare rationem modumque diversæ operationis, quæ a Spiritu divino accedit in his qui merentur. Juxta quam huic prophetia committitur, & id quidem ad certum modum, alius accipit dona sanationum, atque ea rursus, ad certam mensuram. Alius operationes virtutum, majorum aut minorum. Quando solus ista novitis, qui cujusque dignitatem penitus intuetur, & invisibilibus justitiæ mensuris dividit unicuique juxta dignitatem. Quemadmodum prophetarunt puræ ac pellucidæ animæ, veluti speculæ factæ divinæ operationis. Imaginem integram & inconfusam, nulla ex parte turbatam carnis affectibus, repræsentabant. Nam omnibus quidem adest sanctus Spiritus. Verum in iis, qui puri sunt, affectibus peculiarem vim ostendit. Cæterum qui gubernatricem animæ partem confusam habent peccati sordibus, his non adest. Oportet autem præter puritatem, & recti status æqualitatem exhibere. Neque enim qui inæqualiter est affectus, temperantia, purus est, sed qui carnis prudentiam subjecit spiritui. Quemadmodum enim vultuum imagines non in qualibet materia redduntur, sed in iis duntaxat quæ levorem & pellucientiam quandam habent. Ita non in quibuslibet mentibus operatio Spiritus, sed iis quæ nihil habent obliquum, nihil obtortum. Candida quidem nix, verum imaginem intuentium non reddit, propterea quod inæqualis est, e concreta spuma constans. Lac album, at non exhibet imagines, eo

A quod huic exiguæ quæpiam sint bullulæ. Contra, aqua, tametsi sit nigra specie, tamen repræsentat ob levorem. Ita videlicet, vitæ inæqualitas nequaquam idonea est, ad recipiendam divinam operationem. Ergo cum anima, omni virtutis studio dedita vehementi in Deum amore, perpetuo Dei memoriam sibi impressam servat, atque hac re primum apparat sese, ut Deum habeat velut inhabitantem, ex vehementissima in Deum intentione & arcano amore, Numine afflata, digna prophetiæ dono redditur, Deo divinam virtutem impartiente, animique oculos aperiente, ad intelligendas, quas velit, speculationes. Quapropter & Prophetæ, *a fronte videntes* vocabantur, propterea quod futura, perinde quasi præsentia fuissent, prospicerent. Sed magis inducimur, ad intelligendum propheticum afflatum ex visis, quæ in somnis accidunt. Quemadmodum enim visis, principali animi parti impressis, urbes aut regiones variæ magnitudinis ac pulchritudinis, aut animalia supra naturam videre incipimus, aut etiam verborum aliquorum memoriam, quæ auribus hausta sint, obtinemus. Cumque tam multa, tamque nova spectemus in nobis & audiamus, haud jam vere corporeo sensu videmus, neque audimus. Itidem & divinorum ac beatorum virorum mens, aliquando re vera, aliquando per somnium impressis imaginibus, divinis sermonibus ac visis impletur, cum neque per oculos imagines eorum quæ videntur revocari, neque per aures, æris ictum, a vocis edendæ instrumentis profectum acceperit. Neque enim sublimis ille thronus, & elevatus, aliquid erat foris subsistens. Neque rursus in eo sedens, quem videbat *Esaïas*, nec humana specie. Is qui apud *Ezechielem* describitur, electrinus est ab ilibus sursum. Igneus autem ab ilibus deorsum. Sed horum intellectus, majore quadam virtute in eorum contemplatione gerebatur, Spiritu divinam naturam per ænigmata repræsentante. Vident autem Prophetæ, non futura solum, verum etiam quæ in rebus præsentibus sunt abdita. Quemadmodum ait *Paulus*: *Si vero prophetetis, ingrediatur autem aliquis infidelis, aut indoctus, occulta cordis illius manifesta sunt*. Aut quemadmodum *Helisæus*: *Nonne cor meum ambulabat tecum, cum reverteretur vir cum curru suo tibi obviam?* Est autem & illud Prophetiæ genus, cum aliquid per somnium præscitur, quemadmodum *Joseph* in *Aegypto*, & *Daniel* in *Babylone* revelatio facta est. At quomodo igitur *Pharao*, & *Nabuchodonosor*, futura præscierunt? Nempe de mundanarum rerum statu oportebat Dominos prævidere, uti his fides haberetur. At quomodo *Balaam* prophetatur & *Caiphas*? Nimirum quod ii quoque habebant, quibus imperabant, hic quidem tanquam Sacerdotum princeps, ille vero tanquam vates. Neque enim hic puritas animi fuit in causa, neque mentis pellucencia, Deum contemplantis, atque inde virtutem haurientis: sed dispensative illis contigit sermo, non pro merito, sed pro temporis opportunitate.

E Quæres autem, an quæ sunt apud *Esaïam* & *Ezechielem* visiones, sint per hujusmodi phantasias conspectæ, an potius mysticus sermo, Spiritus per ænigmata Divinitatis proprietates nobis significantis. Porro sunt qui dicant, eos extra se raptos prophetare, humana mente a Spiritu absorpta. Verum id abhorret a professione divinæ præsentis, ut amentem reddat, qui a Numine corripitur, cumque plenus divinorum decretorum esse coeperit, tum a propria quoque mente excidat, & qui aliis ex sese præbeat utilitatem, ipse ex propriis sermonibus nihil capiat utilitatis. In summa, qui consentaneum est, ut quis ex sapientiæ Spiritu, simillimus insano reddatur? Utque intelligentiæ Spiritus cohærentiam excludat. Quin potius, neque lumen cæcitatem parit, verum videndi vim a natura insitam expergeficit: neque Spiritus tenebras inducit animis, sed ad contemplationem rerum intelligibilium, mentem a peccati maculis puram exigit. Non dissimile veri est, improbam Dæmonum vim naturæ humanæ insidiantem, confundere mentem. Verum si quis dicat, Spiritus divini præsentiam idem hoc efficere, is impie dixerit. Ad hæc, si sapientes sunt sancti, qui fit, ut non responderint con-

gruerintque iisquæ prophetantes edebant? *Sapiens enim, inquit, intelliget quæ ab ore proprio proficiuntur. In la-
biis autem portat intelligentiam.* Porro si, quoniam *Isaac*
in ingressu filii sui extra se raptus fuit, & quoniam *Da-
vid* dixit, in excessu suo; ob id fingunt sanctos extra se
rapi, intelligant admirationem ac stuporem appellatum
esse raptum. Quod genus est illud, *Obstupuit celum, &
horruit terra.* Porro illud in confesso sit, oportet. Si
qua inciderint, quæ cum divina natura pugnant, quan-
tum ad verba pertinet, non ea sentire Scripturam, se-
notis communibus hominum cogitationibus ac sensibus.
Quemadmodum illud communiter receptum est, ut
divinam naturam, bonam, inirascibilem, ac justam
esse confiteamur. Quare si Scriptura Deum irasci, aut
pœnitere, aut aliquid præter dignitatem agere dixerit,
quid sibi velint verba quærendum est, ac sollicitè cogi-
tandum, quomodo in verum sensum restitui possimus.
Non autem oportebit veras de Deo opiniones subverte-
re. Atque cum ad modum citra offensam in Scripturis
versabimur, dum & ex iis, quæ facile percipi possunt,
adjuvabimur, & ab iis quæ sunt intellectu difficiliora,
non offendemur. Quod si quis illud divinæ Scripturæ
vitio vertat, quod non doceat, neque impartiat, ea
quæ prodesse possint, is perpendat universam rerum
mortalium ordinationem, non solum in spiritualibus,
verum etiam in inferioribus, atque in communis vitæ
negotiis, consideretque eam vim, quæ gubernat uni-
versâ, mutis animantibus facilem ad vitam tuendam oc-
casionem tribuisse, alimentum ultro præfens, operi-
mentum sponte agnatum, e pilis aut testis indumenta:
hominem autem solum, nudum producens, rationem
omnium illorum vice dedit, per quam artes repertæ
sunt, quibus illa sibi suppeditet, puta, architectura,
textoria, agricultura, æraria, fabrica, animo rationis
copia supplente, quod deerat corporibus. Quemadmo-
dum igitur in his opifex noster haud quaquam invidens
nobis, vitæ commoditates non passus est eodem modo
nasci quæ bruta, sed rerum necessariarum inopiam, da-
ta opera, addidit nobis. Velut ingenii exercitamentum,
itidem & in Scripturis, studio voluit esse obscuritatem,
ad utilitatem mentis humanæ, suam ipsius indicans vir-
tutem atque efficaciam. Primum quidem, ut his occu-
pata, a deterioribus avocetur. Deinde, quod quæ la-
bore parata sunt, ea, nescio quo pacto, magis aman-
tur, quæque longo tempore contingunt, constantius
permanent. Porro quæ facile parantur, his non perinde
avide fruimur. Negligitur enim rerum obviarum copia,
neque ulla custodia dignas ducit, qui possidet. Quapro-
pter & somniorum obscura & involuta est ratio, ita ut
non mediocrem desideret animi intentionem, habent-
que in somniorum ænigmata plurimum affinitatis cum iis,
quæ in Scriptura sub involucrio significantur. Unde &
Ioseph, & *Daniel*, per prophetiæ donum somnia digno-
scebant, quandoquidem ipsa per se cogitationis vis, non
satis valet ad veri investigationem. Denique accedit huc
quod vitæ quoque puritas requiritur, ut ad moralis vir-
tutis exercitationem pertineat, quod in Scripturis obvo-
lutum est, dijudicare. Requiritur autem præter vitæ
puritatem, assidua in Scripturis exercitatio, ut majestas,
atque arcanum divinorum verborum, perpetua medita-
tione animo imprimatur. Cæterum ad divinorum verbo-
rum exercitationem, totam vitam impendi oportere,
Moyse vitæ demonstrat, qui quidem primis quadraginta
annis *Ægyptiæ* disciplinis institutus est. Alteris autem
annis quadraginta, hoc prætextu, tanquam pasturus
oves in solitudines secessit, ibique contemplationi re-
rum operam dedit. Atque ita deinceps post quadraginta
annos Dei visione dignus habitus, invitatus per Dei in ho-
mines studium, ad hominum curam revocatus est.
Quamquam ne tum quidem assidue in negotiali vita perfe-
veravit, verum subinde ad contemplativam reverteba-
tur. Unde & ad *Ægyptiacum* idolorum cultum universa
inducta est multitudo, viro illo sancto in monte cum
Deo colloquente. Huiusmodi fuit & *Helias*, humano-
rum negotiorum tumultum fugiens, & in desertis versa-
ri gaudens. Quare si sancti cum omni principalis animæ
partis tranquillitate, ad vestigandum veritatem elabora-

runt, an non absurdum est, innumerabilem laborum
fructus, nullo negotio velle acquirere? Etenim *Heliam*
observa, post quantos secessus, quantam quietem, quan-
tos sudores, promeruit videre Deum. Argumentum
hujus Libri patet, atque ex ipso libro percipitur. Quo-
niam Propheta iis temporibus vivebat, quibus exsuper-
abant vitia magnitudinem malorum, quæ illos mane-
rent, exponit ac divinæ iræ causam proponit, ut eos
provocet ad pœnitentiam. Exorditur autem primum ab
iis sermonibus, qui ad *Judaam* pertinebant. Quando-
quidem juxta *Petri* dictum, tempus erat, ut inciperet
judicium a domo Dei. Nam natura maxime domesticis
maxime succensumus, si quando in nos peccaverint, &
in *Ezechiele*, Dominus proponens punire, qui delique-
rant: *A sanctis, inquit, meis incipite.* Eoque ab loco
Deo delecto cœpit, atque ab ea civitate, in qua Tem-
plum erat, denunciatis quæ impenderent. Deinde de
Babylone, postea de Tribu *Moabitica*, deinde de *Da-
masco*. Quinto loco de *Ægypto*, deinde de deserto, de-
inde de *Idumæa*, deinde de valle *Syon*, deinde de *Tyro*,
deinde de Quadrupedibus. Sub hæc sequuntur ea, quæ
acciderunt anno decimo quarto *Ezechia* Regis, post quæ
prophetiæ sunt, absque ullo titulo, prænunciantes ma-
la *Hierusalem*, & *Judææ*. Tum de iis, quæ in dispersio-
ne essent eventura, deque illorum reditu, postea quam
expleta esset vindicta. Præterea, quæ *Christo* acciderunt,
sparsim in universa prophetia interjecta. Atque unum-
quodque horum, & juxta historiam dicitur, & mysti-
cum sensum habet annexum.

VISIO PRIMA.

*V*iso quam vidit *Esaias* filius *Amos*, quam vidit adver-
sus *Judaam*, & adversus *Hierusalem*, in diebus *Ozia*,
& *Josathan*, & *Achas*, & *Ezechia*, Regum *Judææ*. CAP. I. I.

EXPOSITIO.

Inter omnes sensus, evidentissime percipit visus. Ne-
que enim per auditum licet dignoscere, quæ sint for-
midanda, sicuti per oculos: neque visalia perinde reci-
pit cognitionem eorum, quæ fiat expectanda. Quam ob
causam, veri contemplatio, propterea quod & evidens
sit & certa, visio dicitur. Unde & Propheta videns vo-
catur, & a fronte prospiciens. Scimus enim, quid *Amos*
dixerit *Amasias*, videns, *Vade, atque egredere in terram*
Judææ, atque illic prophetabis. Porro a fronte videns, di-
ctus est *Samuel* in libris Regum, *Vocabatur enim*, inquit,
Propheta, a fronte videns. Siquidem quod futura prospice-
rent, ob id a fronte cernentes, reddebant oracula. Por-
ro quod divinam perspicerent voluntatem, idcirco vi-
dentes appellabantur. Proinde nostri quidem fuerit offi-
cii, diligenter eniti, quo mens congruis exercitamentis
initiat, perspicax efficiatur: divini vero muneris, Spi-
ritus lucem nobis impartiri, ad mysteriorum suorum
intelligentiam. Cæterum visionem primum appellat,
deinde subdit orationem, ut declaret sese non ex auditu
didicisse, verum animo impressam sententiam enarrare.
Nos enim in hoc utimur voce, ut animi cogitationes si-
gnificemus. At Deus eorum qui digni sunt, ipsam prin-
cipalem animi partem tangit, atque ita suæ voluntatis
imprimit cognitionem. Cur addit nomen patris? Ut de-
clararet prophetiæ donum sibi hæreditarium esse, & a
patre traditum. *Quam vidit de Judæa.* Quid sibi vult illa
repetitio? Nimirum, ut per id quod prius dixerat, com-
munem visionis rationem significaret, per id quod po-
sterius peculiariter ostenderet, quæ sit & qualis, & qua-
tenus ab aliis differat hæc visio. Visibiles igitur sunt ser-
mones, hoc est, animo contemplabiles, quos vidit Pro-
pheta, juxta id quod dictum est in Exodo, *Omnis popu-
lus videbat vocem.* Exorsi sunt autem cæteri quoque Pro-
phetae consimili modo: *Visio Abdia.* *Hac dicit Dominus*
Deus Idumææ. *Auditionem audivi a Domino, & munitionem*
emisit in gentes. Item in *Naum*, *Captio Ninive Liber*
visionis Naum Hefceai. Et in *Abbacum*, *Onus quod vi-*
dit Abacuc Propheta. Rursum *Malachias* onus, dixit,
omissa visione; Sic inquit, *Onus verbi Domini super*
Israël, in manum mentis sui. Porro per nomen *onoris* indica-
re videntur, quod prophetiæ vim non a seipsis habeant,
sed aliunde susceperint, ut *onus* perinde valeat, quasi di-
cas,

cas, a Deo donatum. Hi itaque Prophetæ, visionis libros appellant. At reliqui dicunt, sese sermones audisse a Deo. Nam sermo, inquit, Domini, qui factus est ad Osea filium Beer, in diebus Ozia, Joathan & Ahas, & Ezechia Regum Juda, & in diebus Hieroboam filii Joas, Regis Israël. Initium sermonis Domini ab Osea. In Amos autem, Qui facti sunt in Accarim ex Thocue. Quos vidit in Hierusalem in diebus Ozia Regis Juda, & in diebus Hieroboam Regis Israël, duobus annis ante terræ motum. Hic inversus est ordo præ eo qui est apud Esaiam. Nam illic visio primo loco ponitur, deinde sermones subjiciuntur. Audi cælum. Hic præmissis sermonibus sequitur visio. Siquidem, Verba Amos, non visio Amos. Non qua audivit, sed qua vidit. Præterea in Michea, Et factus est sermo Domini ad Micheam, filium Morasthi, in diebus Joathan & Ahas, & Ezechia Regum Juda, super iis qua vidit de Samaria & Hierusalem. Rursum, Sermo Domini, qui factus est ad Johel, filium Bathuel. Iterum, Factus est sermo Domini ad Jonam. Et sermo Do-

mini factus est ad Sophoniam Chusi filium, filii Godolia, filii Ammoria, filii Ezechia, in diebus Josia filii Amos Regis Juda. Apud Aggeum autem, & tempus peculiariter indicatur, & sermonis susceptio explicata est. Siquidem in secundo libro inquit, Anno Darius Regis secundo, mense sexto, factus est sermo Domini in manu Aggei Prophetæ. Quod autem hic dictum est, In manu, id mihi videtur idem valere cum eo, quod apud alios scriptum est, omnis. Ac rursum in Zacharia, Octavo mense anni secundi Darius, factus est sermo Domini ad Zachariam filium Barachia filii, Addo, Prophetam.

In diebus Ozia, & Joathan, & Ahas, & Ezechia. Operæ pretium est observare tempora, quod videlicet appareat, ante quantum tempus prædicta, post quantum tempus evenerunt.

LECTORI.

Hujus lucubrationis tantum supererat. Id qualescunque est, non sum passus interire. Bene vale Lector.

REVERENDO IN CHRISTO PATRI AC DOMINO
D. JOANNI DANTISCO EPISCOPO CULMENSIS

SERENISSIMI POLONIÆ REGIS APUD CÆSAREM ORATORI
DESIDERIUS ERASMUS ROTTERODAMUS
S. D.



Næ tu mihi tui cupientissimo, te totum ædificius exhibuisti, Præful ornatissime. Nam mentis ingemique tui simulacrum, hoc est, integritatem, candorem, pietatem, eruditionemque non vulgarem in carminibus Epistolisque tuis, haud siccus atque in speculo contemplari licet: oris autem habitum, & in hoc quoque magna ex parte relucens animus, mire repræsentat imago gypso singulari artificio expressa: quo certe sum æquior aulicis negotiis, isti fabulæ revera motoria, quam tot jam annis agere cogaris, quæ hæcenus obstitit, quo minus licuerit propius exceptatissima tua consuetudine frui coramque vivas audire & reddere voces. Nondum quidem expletum est, sed tamen bona ex parte mitigatum est meum tui desiderium. Verum ne nulla pensatione videantur παλινδρομι αὐ χάριτες, quemadmodum tu mihi pectus aureum gypso expressum exhibuisti, ita tibi vicissim, Scriptorem mitto chartacea expressum materia, vere gemmeum, nisi si quid plastæ culpa factus videbitur deterior. Misisti τὸ πᾶν βασιλεία, inter hujus ævi Monarchas sine controversia primum, ego remitto τὸν ἀλλοτὴν μέγαν βασιλεῖον, omnium suffragiis inter Græcos Scriptores principem, meo quidem penicillo non in gypso, sed in charta deformatum, quam feliciter, tuum erit iudicium, qui litteraturam utramque pulchre calles. Argumentum est de Spiritu sancto, quem Arianæ viperina posteritas, Filio, non Deo, quemadmodum ille docuit, sed creatæ substantiæ ministrum adungere conata est, ut in confesso Personarum, tertium imumque subfellium cederet Spiritui. Ea questio per illa tempora fervebat, ut cum maxime: & ut fit, ex una excetra multis subinde capitibus enascentibus, ac diversis opinionum ventis facto turbidine inter se decertantibus, Ecclesiæ navis non minus jactabatur Sectarum undis, quam hodie summo cum animi dolore jactari videmus: nimirum, altum dormiente Christo in animis hominum, cum omnium, tum eorum præcipue in quibus maxime debebat vigilare. Hoc probatissimi Doctoris opus, quoniam videbam a Gregorio Nazianzeno magnopere laudatum in Monodia, nec hæcenus a quoquam, quod equidem sciam, Latine versum, eo libentius hoc laboris mihi sumpsi, quod subodorarer hisce temporibus, furtim reviviscere conantem jam olim extinctæ viperæ progeniem, quæ rursus duas personas, Verbum & Spiritum, meditatur a vero Dei cognomine depellere, ut jam hac in parte nihilo meliores futuri sint Christiani, quam Judæi aut Turcæ: qui quoties sese componunt ad pietatis professionem, facile patiuntur Christum appellari Prophetam, aut etiam Deum, si urgeas: sed talem, qualis fuit Moses, ceterique Prophetæ. Si quis indignetur Mosen æquari Christo, fatentur Christum longe potioribus donis a Deo locupletatum. Qui modestiores sunt, fatentur Spiritum sanctum excellentem esse creaturam, sed Christo famulantem: quibus minus est frontis, ajunt Spiritum sanctum nullam esse substantiam, sed tantum bonæ mentis concitationem. Sed absit, ut hujusmodi viperarum sibila quenuquam assent, in nomine Patris, Filii, & Spiritus sancti renatum.

Non hic sumam operam in prædicandis Basilii laudibus, ne audiam, τὸ εἰς αὐτὸν ψῆφος, non silebo tamen quid mihi inter vertendum acciderit. Visus sum mihi in hoc opere deprehendisse factum, quod in celeberrimis quibusque laudatissimisque Scriptoribus, velut in Athanasio, Chrysostomo, & Hieronymo factum & videmus & indignamur. Quid istuc, inquis? Posteaquam dimidium operis absolviram citra tædium, visa est mihi phrasis alium referre parentem, aliumque spirare genium. Interdum ad tragicum cothurnum intumescere oratio, rursus ad vulgarem sermonem subsidebat, interdum subina ne quiddam habere videbatur, velut ostentantis se didicisse, quæ Aristoteles in Libris de enunciatione & prædicamentis, Porphyrius in Libello de quinque vocibus prædicabilibus, tradiderunt. Ad hæc subinde digrediebatur ab instituto, nec satis concinne redibat a digressionem. Postremo, multa vide-

bantur admisceri, quæ non admodum facerent ad id quod agitur: quædam etiam repetuntur oblivione verius quam iudicio: cum Basilius ubique sit sanus, simplex, & candidus, sibi constans, atque etiam instans, nunquam ab eo quod agitur excurrere temere, nusquam divinis mysteriis admiscens philosophiam mundanam, nisi per adversarios coactus, idque contemptim: sed ubique placidus ac virgineo quodam pudore incedit, ab omni ostentatione alienissimus, ne in pugna quidem ab ingenii lenitate recedens. Ex his rebus subiit animum meum suspicio, studiosum quempiam, quo Volumen redderet auctius, multa intextuisse, vel ex aliis auctoribus decerpta emblemata, (nam hoc argumentum a compluribus Græcis accurate tractatum est,) vel ex sese reperta. Sunt enim in his quædam erudita, sed a charactere Basilii discrepantia, quædam rursus ejusmodi, ut indole referant parentem suum, videlicet eum, qui doctissimis Athanasii Libellis de Spiritu sancto, suas loquaces, sed elumbes attexuit nœnias, quique in Epistolam ad Corinthios posteriorem, & in Apostolorum Acta Chrysostomus haberi studuit. Porro, sceleratissimum contaminandi genus est, egregiorum virorum clarissimis purpuris, suos pannos intextere, aut ut melius dicam, generosa illorum vina suis vapis corrumpere: quod in divi Hieronymi commentariis, quibus enarrat Psalmos, intolerabili sacrilegio factum esse, clarius est, quam ut negari possit. Adversus tantam Ecclesiæ contumeliam promptum erat remedium, si Principes & Episcopi Librorum, quos lectu dignos censuissent, archetypa in certis Bibliothecis reponenda curassent. In his itaque vertendis fateor mihi nonnihil obrepisse tædii, adeo ut identidem illud Maronis mecum submurmurarem,

Non alias vires, converſaque Numina sentis?

cum in cæteris nihil esset quod offenderet gustum meum. Sed hanc meam suspensionem nihil aliud haberi volo quam somnium, si tu dissenties. Sub operis calcem veluti celeuma canens, excurrit in navalis pugnae descriptionem, verbis plane tragicis phaleratam, in qua mire ponit ob oculos, Ecclesiæ tum miserabiliter fluctuantis imaginem, sed non ita multum abhorrentem ab horum temporum statu, in quibus tam cæca est opinionum digladiatio, ut interdum amicos pro hostibus feriamus, nec ulla sit caritas aut concordia, si qua est ulla, nisi quam conciliavit erroris conspiratio, hoc est, morbus communis: & in tanta dogmatum varietate, in tanta morum corruptione, in tam confuso vociferantium tumultu, prope modum sublato rerum hominumque discrimine, merito dubitet aliquis, cui sese globo adjungat. Nulla sinceritas, sed prodigiosa quædam calumniandi scabies, ne dicam rabies, habet plerosque vel alienorum lapsuum fævos expensores, vel recte dictorum malignos interpretes. Sub omni lapide scorpius dormit. Ex unica syllaba quantus tumultus incomparabili viro suscitatus est? Quoniam in solenni clausula precationis aut concionis, pro, in Spiritu, semel atque iterum dixerat, cum Spiritu, Basilius, per omnes urbes, per omnes pagos, per omnia fora, per omnia conventicula calumniantium vocibus lapidabatur: nec illum vel inculcata morum integritas, vel eruditio rara, cum pari facundia conjuncta, vel ipsa functionis dignitas, vel admirabilis quædam erga omnes, tum comitas, tum benignitas, a venenatis obtrectatorum sibilis vindicare potuerunt: ut ego optimo jure nimis delicatus videri possim, si nullo pacto cum tali viro conferendus homuncio, linguacium quorundam obtrectationes perpeti non queam. Simul illud ex hoc argumento liquet, quod scripsit beatus Hieronymus: Arianorum, Eunomianorum, Origenistarum, aliorumque circa divinas Personas errores, ex humana Philosophia duxisse seminarium: non quod Philosophia per se sit impia, sed quod ad hujus regulam cælestis illa Philosophia, quæ venit e sinu Patris per Filium, nec velit, nec debeat exigi. Quî namque isti, qui nihil aliud erant quam homines, divina mysteria possint perspicere, qui sic in plerisque naturæ rebus cæcutierunt? Quanquam illi qui tum divo Basilio faceſſebant negotium, Philosophastri verius erant, quam Philosophi. Apud imperitam multitudinem sese pro consummatis Philosophis venditabant, quod ex Aristotele Porphyrioque degustarant verius, quam didicerant, quid sit enuntiatio, quid genus, quid species, quid substantia, quid accidens, quid quantitas, quid qualitas, quid ad aliquid, quot modis dicantur opposita, quot modis aliquid vel sit in alio, vel de alio prædicetur. Quæ nunc sunt elementa puerorum ad Philosophiæ limen accedentium, ut istorum impietas magis sit imputanda falsæ persuasioni, quam philosophiæ. Quas turbas concitassent in orbe, si illa quoque degustassent, quæ Aristoteles tradidit de formis syllogismorum, de demonstrationibus, de topicis & elenchis, de naturalibus, & iis quæ sunt ultra naturalia?

Sed evehor longius, ut in Præfatione. Itaque ut finiam, quicquid hîc est nostræ opellæ, tibi dicatum esse volui, Præsul amplissime, non tantum ob id, ut tui nominis lenocinio studiosis reddatur commendatius, verum multo magis ut acri tuo iudicio, tuæque lima fiat emendatius. Nam primam manum ad te mitto. Hîc si quis mihi temeritatis dicam scribat, nihil aliud adferam ad ejus criminis purgationem, quam naturam, & hac valentiorē diutinam consuetudinem. Naturam refingere difficillimum est, sed multo difficilius dediscere quod diutinus usus penitus infixit, utramque alteri junctam mutare prorsus ἀδύνατον arbitror homini, Θεοὶ δὲ τὰ πάντα δύναται. At isthuc, inquires, est accusare teipsum, potius quam excusare. Quid facias? Sæpenumero tamen apud clementem judicem veniam promeruit ingenua culpæ confessio. Cujus tamen partem aliquam, si libeat tergiversatorem agere, in Typographos rejicere liceret, qui mihi fere extorquent ovum antequam pepererim, & si quid conceptum est, non sinunt factum matureſcere, sed invita Lucina cogunt per abortum ejicere. Non ignorabam quid te dignum esset, Vir clarissime, sed imitatus Græculum illum, e paupere pera depromo paucos obolos, ἢ κατὰ ἀξίαν οὐ ᾧ σεβασέ, εἰ γὰρ πλέον εἶχον, πλέον ἰδίῳ. Precor ut ista motoria fabula, quam tot jam annos agis, sortiatur catastrophē tum tibi privatim, tum publice regno Poloniæ felicem, teque Sigismundus Rex, ut si quis alius, omnibus ornamentis egregio Principe dignis cumulatus, dulci patriæ, gregique carissimo, cujus sollicitudo pietatem tuam per omnes negotiorum undas comitatur, brevi restituat. Datum apud Friburgum Brisgoæ, pridie calendas Majas, Anno Domini M D XXXII.

D. BA-

D. BASILII CÆSAREENSIS EPISCOPI DE SPIRITU SANCTO LIBER

A D

SANCTUM AMPHILOCHIUM ICONII EPISCOPUM,
DESIDERIO ERASMO ROTERODAMO INTERPRETE.

CAPUT I.

PRO OE MI U M.



QUIDEM collaudo in moribus
tuis discendi studium atque indu-
striam, supraque modum delector
ista instantia vigilantiaque mentis
tuæ, qui putas nullam vocem ex
hisquæ per universam Scripturam
de Deo prædicantur, oportere in-
discussam relinquere, o carum mi-

hi caput, *Amphilochi*, quem ego præ cæteris facio plu-
rimi. Recte siquidem, posteaquam audisti Dominum
adhortantem, *Qui petit, accipit: & qui querit, invenit*: postulandi instantia videre mihi quamvis desidiosis-
simum ad impertiendum excitare posse. Quin & il-
lud insuper in te exosculor, quod nequaquam, sicut
hisce temporibus plerique faciunt, tentandi gratia pro-
ponis quæstiones, sed ut quid sit verum investiges. Nam
qui curiosis auribus mea verba captent, quique quæ-
stiones nobis objiciant, horum hoc tempore magna est
copia. At difficillimum est nancisci animum discendi avi-
dum, nec in aliud exquirentem quod verum est, nisi ut
ignorantiæ medeatur: propterea quod quemadmodum
venatorum laqueus, ac bellantium insidiæ fraudem ha-
bent occulta arte subditam: ita complurium interroga-
tiones insidiosæ sunt, qui percunctationes objiciunt,
non ut ex his capiant aliquid utilitatis, sed ut cum repe-
rerint responsonem minus facientem ad ipsorum affec-
tum, hanc justam belli causam habere videantur. Quod
si stulto de sapientia percunctanti, pro sapientia imputa-
bitur: sapientem auscultatorem, quem Propheta admi-
rando consultori comparat, quanti æstimabimus? Pro-
fecto dignus est, ut non illum tantum toto pectore com-
plectamur, verum etiam ut eos qui illi hujus studii con-
sortes, & omnium laborum socii sunt ad perfectionem
festinanti, ad uberiores profectum provocemus. Nam
haud oscitanter audire sermonem de rebus divinis disse-
rentem, sed conari, quid in quaque dictione, quid in qua-
que syllaba reconditi sensus lateat perscrutari, non est eo-
rum qui segnes sunt ad pietatem, sed qui intelligunt sco-
pum nostræ vocationis: quando nobis præscriptum est, ut
similes efficiamur Deo, saltem quatenus humanæ naturæ
fas est. Porro similitudo non est absque cognitione: co-
gnitio vero e doctrina paratur. Doctrinæ autem initium
est oratio, orationis partes syllabæ ac dictiones. Proin-
de syllabas excutere, non est aberrare a scopo. Nec ve-
ro quoniam alicubi videbuntur minutæ, ob id videri de-
bent & negligendæ: imo quoniam difficilis est inventu
veritas, undique nobis est vestiganda. Etenim si quem-
admodum cæteræ artes, ita & pietatis acquisitio paula-
tim minutis accessionibus augefcit, nihil est præter-
mittendum, iis qui ad cognitionem instituuntur. Vel-
uti si quis prima elementa ut res minutas contemnat,
quando ad perfectam perveniat sapientiam? *Ne*, &
Non, syllabæ duæ sunt. Attamen quæ rerum omnium
potentissima est, veritas, & quæ extrema malitiæ linea
est, mendacium, frequenter his minutis verbis com-
prehenduntur. Sed quid hæc commemoro? cum jam
si quis vel capite annuat testimoniis de *Christo* prolatis,
totam pietatem explevisse judicetur. Quod si hæc ad
hunc habent modum, quid esse possit in his verbis quæ
de Deo differuntur, adeo pusillum, ut sive recte dictum
sit, sive secus, non magnum habeat momentum in
utramque partem? Nam si ex *Lege*, nec unum jota, nec
apex unus præteribit, quomodo nobis tutum fuerit vel
minutissima transilisse? At quæ tute nobis exacte dijudi-
canda proposuisti, sic minima sunt, ut eadem sint ma-

A gna: prolotionis quidem compendio exigua, atque ob
id fortasse contemptui obnoxia, sed rerum significata-
rum vi magna: ad similitudinem sinapis, quod cum sit mi-
nutissimum inter arida legumina, si justa cura adhibea-
tur, explicat vim in ipso latentem, & exsurgit in alti-
tudinem, suo se robore sustentans. Quod si quis ridet
nostram circa syllabas, ut Psalmi verbis utar, nugaci-
tatem, ipse quidem infrugiferum risus sui fructum me-
tat: nos vero haudquaquam cedentes hominum convi-
tiis, nec illorum vituperatione dejecti, vestigandi stu-
dium deferamus. Tantum enim abest, ut me harum mi-
nutiarum pudeat, ut si etiam dignitatis vel minimam
partem assequar, tum mihi gratulaturus sim, veluti res
maximas assequuto, tum fratri, qui nobis hujus perscru-
tationis socius est, arbitrer non mediocre lucrum obven-
tuum. Itaque cum in minimis verbis conspiciam certa-
men maximum, spe præmii non detrectabo laborem,
quem arbitror hac disputatione, tum mihi fore utilem,
tum audientibus satis magnum fructum allaturum. Qua-
propter cum ipso jam, ut ita loquar, spiritu, ad expla-
nationem accedam. Et si vis ut me in disputationis viam
inducam, ad hujus quæstionis originem me paulisper
convertam. Nuper oranti mihi apud populum, & utro-
que modo glorificationem absolventi Deo ac Patri, in-
terdum cum *Filio ipsius ac Spiritu sancto*, interdum per
Filium in Spiritu sancto: cum alii quidam ex his qui tum
aderant id observarant, dicentes nos non modo peregrin-
is ac novis usos vocibus, verum etiam inter se pugnan-
tibus: tum tu præcipue, nimirum consulens illorum
utilitati. Quod si prorsus ipsi essent insanabiles, tamen
postulasti quampiam dilucidam doctrinam, de vi harum
syllabarum, evulgari. Jam igitur nobis quam fieri po-
test brevissime dicendum est, sermonem ab exordio quo-
dam indubitato confessoque sumentibus.

CAPUT II.

Unde sit orta Hæreticorum de Syllabis observatio.

CURIOSA istorum hominum circa syllabas ac dictio-
nes observatio, haudquaquam simplex alicui videri
possit, neque ad mediocrem tendens malum, sed profun-
dum habet atque obiectum adversus pietatem consilium.
D Contendunt enim ostendere dissimilem esse prolotionem
Patris, & Filii, & Spiritus sancti, tanquam hinc ha-
bituri facilem probationem, eos etiam natura disjunctos
esse. Habent enim isti vetus quoddam commentum, ab
Aerio hujus hæreseos principe inventum, qui in Episto-
lis suis alicubi scripsit affirmans, *ea quæ secundum naturam
dissimilia sunt, dissimiliter proferri*: ac retrorsum, *quæ
dissimiliter proferuntur, esse dissimilia secundum naturam*.
Ad hujus dicti confirmationem citavit Apostolum dicen-
tem: *Unus Deus & Pater, ex quo omnia, & unus Domi-
nus Jesus Christus per quem omnia*. Itaque quemadmo-
dum, inquit, voces se habent inter sese, eodem modo
habebunt & rerum significatarum naturæ. Sed inter se
discrepant, *Per quem*, & *Ex quo*, dissimilis est igitur
Patri Filius. Ex hoc morbo nata est istis & de propositis
syllabis curiositas: unde Deo quidem & Patri tanquam
eximiam quandam portionem attribuunt illud, *Ex quo*:
Filio vero, & Deo, assignarunt illud, *Per quem*: Spiritui
autem sancto, illud, *In quo*: negantque hunc syllabarum
usum usquam inverti, ut quemadmodum dixi, ex discre-
pantia prolotionis, simul appareat & naturæ discrepantia.
Atqui non obscurum est, eos dum de syllabis subtiliter
nugantur, impio sermoni suam vim reservare. Siquidem
his syllabis, *Ex quo*, mundi conditorem volunt significa-
ri: rursus his, *Per quem*, operis ministrum, aut instrumen-
tum: his denique, *In quo*, tempus aut locum declara-
ri: ut Filius, qui condidit universa, intelligatur nihilo
hono-

honorabilior instrumento: porro Spiritus sanctus, nihilo plus ad res condendas momenti attulisse videatur, nisi quod tempus aut locum præbuerit rebus conditis. Ad hunc autem errorem perduxit illos, etiam externæ Philosophiæ Scriptorum observatio, qui has syllabas, *Ex quo*, & *Per quem*, rebus natura separatis attribuerunt. Siquidem illi putant his syllabis, *Ex quo*, significari materiam primam: his vero, *Per quem*, instrumentum accommodari, aut saltem obsequium. Sed quid verat, toto illorum sermone repetito, paucis arguere, quam isti homines non tantum dicant a vero diffidentia, verum etiam quam ipsi non consent sibi.

CAPUT III.

Emundana Philosophia natam esse de Syllabis philosophicam disputationem.

QUI inani Philosophiæ dederunt operam, dum multifariam exponunt causæ naturam, eamque in propria significata dividunt, aliasajunt esse causas principales, alias cooperantes, aut concausales, alias sine quibus ratio non subsistat. Atque harum cuique peculiarem etiam attribuunt appellationem, ut causæ vocabulo alias declaretur ipse conditor, alias instrumentum. Nam conditori congruere existimant illud, *A quo*. Ajunt enim proprie dici, a fabro factum fuisse fundamentum. Cæterum instrumento convenire illud, *Per quem*, quando securi actere bello, ut ajunt, reliquisque similibus utitur faber. Similiter hanc particulam, *Ex quo*, illi faciunt propriam materiæ: siquidem e materia sit opificium. Porro particulam, *Juxta quod*, putant significare, animi conceptum, sive exemplar artificii propositum. Aut enim prius in cogitatione sibi depingit id quod facere destinat, ac deinde quod animo concepit, ad opus perducit: aut ad exemplar jam editum, respiciens ad illius similitudinem, operationem dirigit. Cæterum hanc particulam, *Id est*, id est, *propter quod*, volunt competere fini: scalas enim factas ad usum hominum. Porro his verbis, *in quo*, id est, *in quo*, tempus aut locum commendari. Etenim roganti quando factum est? respondetur, In tali tempore. Item percunctanti ubi factum est? respondetur, In tali loco. Nam ista tametsi nihil conferunt ad id quod conditur, tamen absque his nihil potest fieri. Operantibus enim & loco & tempore opus est. Hæc quoniam didicerunt isti, & ut præclara mirantur quæ didicerunt, observationes ex frustranea Philosophia, eque inani deceptione sumptas, ad simplicem & artificii ignaram doctrinam transferunt, ut & Dei Filium diminuunt, & Spiritum sanctum rejiciant: qui quidem vocem instrumentis inanimis, atque humili prorsus ministerio tributam, loquor de syllabis, *Id est*, id est, *per quem*, a rebus sensibilibus ad omnium rerum conditorem non veriti sunt transferre: nec pudet homines Christianos serræ malleique vocabulum, universæ creaturæ conditori attribuire.

CAPUT IV.

Harum Syllabarum in Scripturis nullum servari discrimen.

Nos porro frequenter his usum fuisse vocibus etiam veritatis sermonem confitemur. Haud tamen dicimus, Spiritus libertatem ullo modo servire, juxta submissionem & indignitatem rerum sensibilium, sed juxta id quod semper adest, ad exprimendam rerum proprietatem vocabulis non nihil abutimur. Neque enim *Id est*, id est, *ex quo*, prorsus declarat materiam, quemadmodum illi putant, sed usitatissimum est Scripturæ hoc vocabulum ad supremam illam causam accommodare. Quod genus est illud, *Unus Deus ex quo omnia*. Acrursus, *Omnia autem ex Deo*. Nam veridicus Scripturæ sermo frequenter utitur hac dictione de materia quoque, veluti cum ait: *Facies arcam e lignis imputrescibilibus*. Et, *Facies candelabrum ex auro puro*. Et, *Primus homo e terra, terrenus*. Et, *Eluto compositus est æque atque ego*. At isti, ut quemadmodum diximus, in Personis constituent naturarum diversitatem, definierunt hanc vocem soli Patri congruere: & hujus observationis seminarium hauserunt a rebus externis, a Philosophis hujus mundi, tametsi ne his quidem

per omnia servientes: sed Filio quidem juxta præscriptionem illorum, instrumenti vocabulum imposuerunt: Spiritui vero sancto, loci. Ajunt enim, *In Spiritu*: & ajunt, *Per Filium*: at cum Deo tribuunt, *Ex quo*, non hic sequuntur Philosophorum præscriptionem, sed ad Apostolicam, ut ajunt, consuetudinem transeunt. Quomodo illud dictum est, *Ex ipso autem & uos estis in Christo Jesu*. Et, *Omnia autem hæc ex Deo*. Quid igitur est, quod ex hac argutia conficitur? Aliam esse naturam causæ, aliam instrumenti, aliam loci. Filius itaque natura diversus est a Patre, quemadmodum instrumentum diversæ naturæ est ab opifice. Diversus est & Spiritus sanctus, quandoquidem locus ac tempus diversam habet naturam ab instrumentis, aut illis qui his utuntur.

CAPUT V.

Es de Patre dici Per quem, & de Filio Ex quo, & de Spiritu sancto.

AD HUNC quidem modum se habent, quæ ab istis deferuntur. Nos vero demonstrabimus, nec Patrem cum sibi fumeret has voces, *Ex quo*, ad Filium projecisse has *Per quem*: neque rursus Filium non recipere Spiritum in consortium harum vocum *Ex quo*, aut *Per quem*, sicut isti præscribunt: quod tamen istorum inanis distributio definit. *Unus Deus & Pater ex quo omnia, & unus Dominus Jesus Christus per quem omnia*. Hæc voces non sunt ejus generis ut nobis legem præfigant, per quam aliter loqui sit nefas, sed quæ notent personarum discrimen. Neque enim in hoc adhibentur, ut naturæ diversitatem inducant, sed ut impermixtam Patris ac Filii notionem approbaret, sic eas adhibuit Apostolus. Nam quod hæc voces inter se contrariæ non sint, neque velut in bello separatæ adversus hostilem aciem, expugnent naturas ad quas accesserint, inde liquet, quod beatus Paulus ambas de uno & eodem subiecto pronunciavit, cum ait: *Quoniam ex ipso, & per ipsum, & in ipsum omnia*. Quod autem hæc ad Dominum referat, quivis fatebitur, qui vel tenuiter inspicat mentem orationis. Cum enim prius Apostolus posuisset ex Esaiæ testimonium, *Quis cognovit sensum Domini, aut quis consiliarius ejus fuit?* subjecit, *Quoniam ex ipso & per ipsum & in ipsum sunt omnia*. Quemadmodum de verbo Dei, a quo condita sunt universa, Prophetam esse locutum ex his quæ subjiciuntur, discas licebit: *Quis mensus est manu aquam, & calum palmo, & totam terram pugno? Quis statuit montes libra, & rupes statera? Quis cognovit sensum Domini, aut quis consiliarius illi fuit?* Nam hæc dictio *quis*, hic non prorsus id quod absurdum est, significat, sed quod rarum: velut in hoc, *Quis insurget mihi adversus perverse agentes?* Et, *Quis est homo qui vult vitam*. Et, *Quis ascendet in montem Domini?* Similiter & hoc loco dictum, *Quis est qui cognovit sensum Domini, & consilii illius particeps fuit?* Hic est qui continet terram, eamque pugno complexus est. Hic qui cuncta in ordinem decentem digessit, qui & montes æqualiter libravit, & mari terminos præscripsit, & omnibus quæ in mundo sunt, suum designavit ordinem. Qui totum coelum minima suæ potestatis particula comprehendit, quem sermo propheticus figurate *palmum* appellavit; Unde congruenter adjecit Apostolus illa, *Ex ipso, & per ipsum, & in ipsum sunt omnia*. Ex hoc siquidem iis quæ sunt, causa ut sint manat, juxta voluntatem Dei & Patris: per eundem omnibus, ut perseverent, consistentque, qui condidit universa, quique singulis quæ facta sunt ad sui conservationem necessaria dimittitur. Quapropter sane etiam universa sese ad illum convertunt, invincibili atque infedabili quodam desiderio, & arcano affectu, ad principem & gubernatorem vitæ respicientia, juxta illud quod scriptum est, *Oculi omnium in te sperant*. Et rursus, *Omnia a te expectant*. Et, *Aperis manum tuam, & implebis omne animal bonitate*. Quod si adversus hanc nostram expositionem instabunt, quæ illos ratio liberabit, quo minus evidenter in eandem recidant difficultatem. Etenim si dabunt has tres voces, *Ex ipso, per ipsum, & in ipsum omnia*, non esse dictas de Domino, omnino necessum est, ut proprie

1 Cor.
8.

Gen. 6.
Exod.
37.
1 Cor.
15.

1 Cor. 1.

Ephes.
4.

Rom.
11.

Esa. 40.

Psal.
33. &
Psal.
23.

Joan.
3.

Rom.
11.

Psal.
144.

prie Deo Patri attribuantur. Atque hinc palam conciderit illorum observatio. Quandoquidem reperitur non solum, *Ex quo*, verum etiam, *Per quem*, accommodari ad Patrem. Quæ vox posterior, si nihil declarat humile, quam tandem ob causam eam velut inferioris dignitatis assignant Filio? Quod si omnino declarat ministerium, respondeant nobis, Deus gloriæ & Pater Christi, cujus principis est minister? Igitur isti quidem ad hunc modum a seipsis undique subvertuntur, nobis autem utrumque quod firmum est, servabitur. Etenim si de Filio evicerimus dictum esse quod recitavimus, comperietur hæc particula *Ex quo*, in Filium competere. Quod si quis contendat prophetiæ verba ad Deum Patrem esse referenda, rursus concedet hanc vocem *Per quem*, Deo Patri congruere: & uterque sermo parem vim obtinebit, eo quod pari ratione de Deo usurpatur: itaque juxta modum utrumque perspicuum erit has particulas parem inter se declarare dignitatem, quod de una eademque persona usurpatæ sint. Sed ad id quod erat propositum revertamur. Apostolus scribens *Ephesius* ita loquitur, *Veritatem autem loquentes in caritate, augeamus in ipsum omnia, sive crescamus in ipsum per omnia, qui est caput Christus, ex quo totum corpus dum compingitur & connectitur, per omnem juncturam subministrationis, secundum operationem in mensura uniuscujusque membri, incrementum corporis facit.* Et rursus scribens *Colossensibus*, ad quos, quod non haberent unigeniti notitiam, dictum est, *Qui non tenet caput, hoc est Christum, ex quo totum corpus per juncturas & connexiones subministratum, augefcit augmento Dei.* Quod Christus caput est Ecclesiæ alio loco didicimus, Apostolo dicente, *Et ipsum dedit caput super omnia Ecclesiæ.* Et Joannes, de cujus plenitudine accepimus omnes. Et ipse Dominus, *De meo accipiet, & annuntiabit vobis.* In summa, si quis studiose loca recenscat, perspiciet hanc particulam *Ex quo*, diversis usurpari modis. Nam & Dominus, *Novi*, inquit, *virtutem ex me exisse.* Similiter & de Spiritu compluribus locis observavimus positum esse, *Ex quo.* *Qui enim*, inquit, *seminat in spiritu, & spiritu metet vitam æternam.* *Luc. 8.* Item Joannes, *Ex hoc cognoscimus, quod in nobis est, & Spiritu quem nobis donavit.* Et Angelus, *Quod enim in ea natum est, & Spiritu sancto est.* Et Dominus, *Quod natum est spiritu, spiritus est.* Atque id quidem ad hunc habet modum.

Jam vero demonstrandum est hanc vocem *Per quem*, pariter & de Patre, & de Filio, & de Spiritu sancto in Scripturis usurpari. Ac de Filio sane supervacaneum fuerit adducere testimonia, vel quia per se notum est, vel quod hoc ipsum ab adversariis probetur. His vero demonstrabimus hanc particulam *Per quem*, etiam de Patre positam esse in Scripturis. *Fidelis*, inquit, *Deus per quem vocati estis in consortium Filii ipsius.* Et, *Paulus Apostolus Jesu Christi per voluntatem Dei.* Et rursus, *Rom. 6.* *Itaque non es jam servus, sed filius: quod si filius, & hæc res per Deum.* Item illud, *Quemadmodum surrexit Christus a mortuis per gloriam Patris.* Et *Esaias, Va*, inquit, *qui profunde facitis consilium, & non per Dominum.* Quin & de Spiritu sancto multis testimoniis doceri potest, hanc vocem prædicari. *Nobis autem*, inquit, *Deus revelavit per Spiritum suum.* Et alio loco, *Egregium depositum serva, per Spiritum sanctum.* Ac rursus, *Alii quidem per Spiritum datus est sermo sapientia.*

Eadem vero & de syllaba *in*, dicere possumus, quod hanc de Deo Patre Scriptura usurparit, velut in veteri Testamento. *In Deo*, inquit, *faciemus virtutem.* Et, *In te laus mea semper.* Et rursus, *In nomine tuo exultabo.* Et apud Paulum, *In Deo*, inquit, *qui condidit omnia.* Et, *Paulus ac Sylvanus & Timotheus Ecclesiæ Thessalonicensium in Deo patre.* Et, *Jam tandem prosperabor in voluntate Dei, ut veniam ad vos.* Et, *Gloriari*, inquit, *in Deo.* Aliaque tam multa, ut difficile sit vel enumerare. At nobis non est propositum ostentare testimoniorum multitudinem, sed redargutione docere, istorum observationem non recte habere. Siquidem hanc particulam *In*, de Domino ac Spiritu sancto usurpatam esse, tanquam per se notam, demonstrare super-

A sedebimus. Illud necessario dicendum est, quod prudenti auditori ea quæ prius digesta sunt, satis habent redargutionis ex ipsa pugnancia dictorum quæ adferunt. Nam si prolationis diversitas arguit naturam diversam, quemadmodum isti dicunt, nunc voces eadem de singulis personis prædicatæ, vel pudore cogent eos fateri essentiam in nullo discrepantem. Neque enim solum cum de Deo fit sermo, harum vocum usus variat, verum etiam ea quæ ab his significantur sæpenumero inverteuntur, quoties altera alterius recipit significationem: veluti, *Possedi hominem per Deum*, inquit, *Adam: Gen. 4.* idem dicens, quasi dixisset *ex Deo*. Et alibi, *Quapropter Moses Israël per mandatum Domini.* Et rursus, *Nonne per Deum horum manifestatio est?* Ita *Joseph lo-* *Gen. 37.* quens de insomniis quæ viderat in carcere. Palam est, & hunc pro eo quod erat *Ex Deo*, dixisse *Per Deum*. Et contra, hæc particula *Ex quo*, usurpatur pro *Per quem*: velut cum ait *Paulus, Factus ex muliere*, pro eo quod *Gal. 4.* erat, *Per mulierem*. Nam id nobis alibi perspicue distinxit, cum ait, *foeminae convenire, & viro natam esse*, viro autem per foeminam, in his quæ sic scribit: *Quem-* *1. Cor.* *admodum mulier ex viro, ita vir per mulierem.* *Quam-* *11.* quam hic Apostolus simul ostendens varium harum vocum usum, simul obiter corrigens quorundam errorem, existimantium Domini corpus esse spirituale, ut ostenderet carnem in Christo divinæ naturæ unitam, ex humano liquore concretam fuisse, maluit uti verbo significatione. Nam hæc dictiones, *Per mulierem*, transitorium generationis intellectum erant significaturæ. At hæc, *Ex muliere*, sufficienter declarant communionem naturæ genitæ cum ea quæ genuit: non quod secum pugnet Apostolus, sed ostendit has voces facile sibi vicissim cedere. Posteaquam igitur de quibuscunque definitum est proprie dici, *Per quem*, in hos ipsos transferri, *Ex quo*, quam habet probabilitatem, ad pietatis calumniam ab hac communione dictiones inter sese separare.

CAPUT VI.

Obstet iis, qui contendunt Filium non esse cum Patre, sed post Patrem, ubi & de gloria aequalitate.

D AT QUI nec ad ignorantia excusationem confugerepossunt, cum tanto artificio tantaque perversitate nostra dicta excipiunt, qui nobis indignantur, quod gloriæ plenitudine unigenitum æquamus cum Patre, quodque Spiritum sanctum a Filio non separamus, unde nos novitatis architectos & novos tractatores, ac verborum adinventores, & quibus non probrosissimis nominibus appellant. Quorum convitia tantum abest ut indigne feram, ut ni nos ipsorum calamitas dolore, perpetuoque cruciatu afficeret, propemodum dicerem me illorum maledictis habere gratiam, ut qui mihi conciliant beatitudinem. *Beati enim*, inquit, *estis, cum pro-* *Matth.* *bris vos impetiverint homines, ac persecuti fuerint, & omne verbum malum dixerint in vos mentientes, propter me.* Porro de quibus nobis indignantur, hujusmodi sunt. *Non est*, inquit, *cum Patre Filius, sed post Patrem:* unde consequitur, *per Filium*, gloriam Patri tribuendam esse, *cum Filio* nequaquam: eo quod hæ voces *Cum* *Filio*, æqualitatem declarant honoris: *Per Filium* vero, ministerium significant. Rursus nec Spiritum, inquit, sanctum oportet cum Patre & Filio collocare, sed sub Filio & Patre, ut intelligatur non ejusdem ordinis cum illis, aut ejusdem numeri, sed subditus. Atque hujusmodi de verbis artificiosis argutationibus pervertunt fidei sinceritatem simplicitatemque. Proinde quam veniam assequentur imperitiæ prætextu, qui ne aliis quidem imperitos se videri patiuntur ob istam curiositatem? Nos vero primum illud ab istis petemus, de Filio quid dicant, num sentiant illum tempore recentiore, an ordine, an dignitate? Sed nullus adeo demens est, ut dicat conditorem seculorum, quoquam esse tempore posteriorem, cum nullum sit intervallum quod naturalem Filii cum Patre contiguitatem dirimat. At ne cogitatione quidem hominum possit quis Filium dicere Patre recentiore, non ob id modo quod simul intelligantur juxta naturam eorum

rum quæ dicuntur ad aliquid, verumetiam quod ea dicuntur priora, quæ longius absunt a præsentis tempore: veluti quæ *Nos* temporibus acta sunt, priora sunt iis quæ narrantur de subversis *Sodomis*, quod illa longius distita sint ab hoc tempore: & hæc illis posteriora, quod appareant huic tempori viciniora. At ejus viæ quæ omne tempus, & omnia secula superat, essentiam metiri distantia quæ intercessit ab initio quo coepit esse usque ad præsens tempus, an non præter impietatem, omnem etiam dementiam superat: si quemadmodum res generationi corruptionique obnoxia, aliis aliæ priores esse dicuntur, eundem ad modum Deus Pater, collatus cum Filio Deo qui est ante secula, superat. Siquidem ut Pater Filio sit anterior, nemo queat animo speculari, eo quod Domini generationem nec ulla cogitatio neque ulla notio antecedit. *Joannes* pulchre duabus vocibus cogitationem intra præscriptos terminos reclusit, cum ait: *In principio erat Verbum*. Hæc enim vox, *Erat*, nullum cogitationi præbet exitum: quemadmodum hæc, *Principium*, non dat transitum humanæ mentis imaginationi. Quantumvis enim cogitatione curras ad anteriora, non excedis, *erat*. Et quantumvis institeris videre quæ sint ultra Filium, non poteris tamen superare *principium*. Itaque pium juxta hanc rationem, Patrem simul cum Filio intelligere. Quod si imaginantur, quasi Filius velut in loco, Patre sit humilior, ut in sublimi sedeat Pater, dein Filio humilior locus concessus sit: fateantur istud, & nos tacebimus, quod ipsa ex sese oratio manifestam habet sui redargutionem. Siquidem nec in ratiocinando sibi constant, qui non concedunt Patrem ad universa pertingere, cum eorum qui sani sunt, cogitatio credat Deum implexisse universa: neque recordantur Prophetæ dicentis: *Si ascendero in celum, tu illic es: si descendero ad inferos, ades*. Hæc inquam non meminerunt, qui has voces superne & inferne partiuntur inter Patrem & Filium. At ut nihil dicam ad redarguendam illorum imperitiam, qui rebus incorporeis locum attribuunt, quid erit quod excuset impietatem, qua tam imprudenter repugnant adversanturque Scripturis? Quod genus est illud, *Sede a dextris meis*: & *Consedis in dextra majestatis Dei*. Neque enim hæc vox *Dextrum*, significat locum inferiorem, quod isti prædicant, sed statum æqualitatis, eo quod *dextrum* hic non accipitur corporaliter: ad istum enim modum fortassis & *sinistrum* aliquid in Deo possit esse: sed honorificis verbis ac præfidentiam declarantibus, Filii majestatem sermo nobis commendat, ut jam non possint isti dicere, per hanc vocem inferiorem dignitatis gradum significari. Discant igitur, quod *Christus* est *Dei virtus*, *Dei sapientia*, *Dei imago invisibilis*, & *splendor gloria*, quodque hunc Pater signavit Deus, sequæ totum in eo expressit. Hæc igitur & his similia testimonia quæ per universam Scripturam reperiuntur, utrum dicemus humilitatis habere significationem, an ceu præconia quædam, unigeniti majestatem, & æqualem cum Patre gloriam ebuccinari? Audiant insuper & ipsam Dominum palam suam gloriam cum Patre æqualem asserentem, cum ait, *Qui vidit me, vidit & Patrem*. Ac rursum, *Quum veneris Filius in gloria Patris*. Et, *Ut honorificent Filium, quemadmodum honorificant Patrem*. Item illud, *Vidimus gloriam ejus, gloriam tanquam unigeniti a Patre, plenus gratia & veritatis*. Rursus, *Unigenitus Filius, qui est in sinu Patris*. Horum dum isti nihil considerant, locum hostibus destinatum, attribuunt Filio. Nam sinus paternus, sedes est digna Filio. Scabelli vero locus, iis convenit, qui sunt inferioris existimationis.

Nos igitur ad alia properantes obiter & in transcurso attigimus testimonia. Tibi vero per otium licet, collectis undique probationibus, gloriæ sublimitatem, ac virtutis eminentiam in Filio perspicere: quanquam ne hæc quidem contemnenda sint grato docilique auditori, nisi quis carnaliter & abjecte intelligat has voces, *Dextrum*, & *Sinum*, ut & loco circumscribat Deum, fingatque figuram ac formam situmque corporalem: quæ ab intelligentia Dei, qui simplex est, qui immensus & incorporeus, longe semota sunt. Ut omittam, quod istorum hæc humilis cogitatio, pariter in Patrem cadit atque in

Filium, ut jam non deiciat Filii dignitatem, sed adjungat blasphemiae crimen adversus Deum Patrem quicquid talia differit. Quæcumque enim ausus fuerit evomere in Filium, necesse est ut eadem transferat & in Patrem. Nam qui Patri superiorem locum ad præsidendum tribuit, dicens Filium humiliore sedere loco, is quæcumque corporeis accidunt, ea omnia habiturus est suum figmentum consequentia. Quod si istæ imaginationes sunt vino delirantium, ac per phrenesim mente commotorum, qui potest esse pium, Filium qui natura, gloria, dignitateque Patri conjunctus est, non simul cum Patre adorari & glorificari ab his qui edocti sunt, eum qui non honorificat Filium, non honorificare Patrem. Quid porro dicemus? quid justæ excusationis asseremus in communi totiusque creaturæ formidabili judicio, si posteaquam Dominus aperte denunciavit se venturum in gloria Patris: & beatus *Stephanus* *Jesum* vidit stantem a dextris Dei: & *Paulus* Spiritu afflatus, testificatus est de *Christo* quod est in dextra Dei & Patris, qui dixit *Sede a dextris meis*: denique cum Spiritus sanctus testimonium perhibeat, quod confederit ad dextram majestatis Dei, nos throni consortem, & honoris ejusdem participem, ab æqualitate status, ad inferiorem deiciamus locum? Siquidem arbitræ, stationem & confessum, naturam Dei solidam & undiquaque firmam significare: juxta quem tropum & *Baruch* indicare volens Deum immobilem & immutabilem semper esse, ait, *Et tu sedes in æternum & nos perimus in ævum*. Dextrum vero locum significare dignitatis æqualitatem. An non igitur audax facinus est, Filium Paternæ gloriæ consortio privare, veluti qui mereatur in loco minus honorato collocari. Sed ajunt hunc sermonem, *Cum ipso*, omnino peregrinum esse & inusitatum: contra, *Per ipsum*, tum sermoni Scripturæ familiarissimum esse, tum fratrum usu tritum esse.

CAPUT VII.

Adversus eos qui dicunt non congruenter de Filio dici Cum quo, sed Per quem.

QUID igitur nos ad ista? nihilrum beatus effectus quæ non audierunt vos, & beata corda quæ conservata sunt, ne a vestris sermonibus laiciarentur. Vobis porro qui *Christum* diligitis, dico, Ecclesiam utrumque harum vocum usum agnoscere, neutrumque rejicere, quasi alter alterum destruat. Cum enim in unigenito naturæ majestatem, ac dignitatis excellentiam contemplamur, tribuimus illi gloriam cum Patre. Rursus cum consideramus, quæ bona in nos contulerit, aut quomodo nos ipsos ad Patrem adduxerit, Deoque nos asseruerit, consistemus hoc beneficium *per ipsum* & *in ipso*, peractum esse in nobis: ut altera particula *Cum quo*, propria sit glorificantium: altera *Per quem*, sit propria gratias agentium. Quam & illud mentuntur, hanc vocem *Cum quo*, ab usu ploræ alienam esse. Quotquot enim morum constantia, antiquitatis majestatem, novis ornamentis prætulerunt, ac majorem traditionem citra mutationem conservarunt, singulis tum regionibus, tum civitatibus hac voce sunt usi. Cæterum qui consuetudine fastidiunt, ac vetera tanquam obsoleta submovent, hi sunt qui novas vocum fictiones recipiunt: quemadmodum qui in cultu studiosi sunt ornatus, semper novam formam præferunt communi. Itaque videas & hodie a rusticis hanc vocem more veterum pronunciari. Cæterum istorum verba sunt ex nova sapientia inusta, ab ipsis qui in artificio pugnisque verborum decti sunt. Proinde quod a majoribus nostris dictum est, & nos dicimus, gloriam esse communem Patri cum Filio, quapropter & glorificationis hymnos Patri simul cum Filio offerimus. Quanquam hoc nobis non est sitis, sic a patribus esse traditum, nam & illi Scripturæ sequuti sunt auctoritatem, ex testimoniis quæ paulo ante vobis & Scriptura citavimus, sumpta origine. Siquidem illud verbum, splendor cum gloria intelligitur, & imago cum principali exemplari, & Filius omnino cum Patre, ut nec verborum consequentia, neque rerum natura admittat separationem.

*Quot modis intelligatur hac particula Per quem,
& in quo sensu congruentius dicitur Cum quo:
ubi simul exponitur, quomodo mandatum
accipit Filius, & quomodo mittitur.*

ITAQUE cum Apostolus gratias agit Deo per *Iesum Christum*, ac rursus cum ait sese per illum accepisse gratiam & Apostolatum ad obedientiam fidei in omnibus Gentibus, aut cum dicit nos accessum habere ad gratiam hanc in qua sumus & gloriamur, illius erga nos beneficentiam commendat: nunc quidem ut a Patre bonorum gratiam in nos transfundentis, nunc-rursus ut per se-
Rom. 1. ipsum conciliantis nos Patri. Siquidem cum ait, *Per quem accepimus gratiam & Apostolatum*: significat bonorum subministrationem ab illo proficisci. Rursus
Rom. 5. cum ait, *Per quem accessum habemus*, quod recepti sumus, ac familiaritatem cum Deo consequuti: id per *Christum* esse procuratum declarat. Num igitur confessio gratiæ per *Christum* in nobis operantis, dimi-
Jo. 10. nuit illius gloriam? An potius dictu verius fuerit, enar-
Ibidem. rationem beneficiorum, decens esse argumentum glo-
1 Pet. 2. rificandi Filium? Hanc ob causam comperimus Scri-
1 Cor. 10. pturam non uno tantum vocabulo nobis significare Do-
Phil. 2. minum, nec his tantum quæ divinitatem ac magnitudi-
nem ejus declarant, sed interdum uti vocibus naturam assumptam exprimentibus. Novit enim nomen *Filii*, quod est super omne nomen, & *Filium verum* dicere, & *unigenitum Dei*, & *virtutem Dei sapientiam*, & *Verbum*. Rursus, ob multiplicem in nos beneficentiam, quam ob divitias bonitatis, juxta variam suam sapientiam egen-
Jo. 10. tibus præstat, aliis innumeris appellationibus eundem designat, dum aliquando vocat illum *Pastorem*, alias *Regem*, interim & *Medicum*, denique *Sponsum*, *Viam*, *Ostium*, *Fontem*, *Panem*, *Securim*, ac *Petram*. At ista non declarant naturam, sed quemadmodum modo dice-
Jo. 10. bam, gratiæ veritatem modis omnibus in nobis operan-
Ibidem. tis, quam ex affectu quem gerit erga suum figmentum, ut cuique opus est impartit. Eos enim qui ad illius ditio-
1 Pet. 2. nem confugerunt, quique per malorum tolerantiam com-
1 Cor. 10. municandi facilitatem præstiterunt, oves appellat: se-
Phil. 2. que talium *Pastorem* esse proficitur, qui vocem ipsius audiunt, nec attendunt doctrinis peregrinis. *Oves enim mea*, inquit, *vocem meam audiunt*. Rex autem vocatur eo-
1 Pet. 2. rum, qui jam transgressi sunt, legitimæque castigatione opus habent. *Ostium* dicitur, eo quod per rectitudinem præceptorum educit ad pias actiones, ac rursus tuto per-
1 Cor. 10. ducit in caulas, eos qui per fidem in ipsum ad cognitio-
Phil. 2. nis bonum confugerint. Unde, *Per me*, inquit, *si quis introierit & ingredietur & egredietur ac pascua inveniet*.
1 Pet. 2. *Petra* dicitur, eo quod validum sit & inconcussum, & quavis arce tutius propugnaculum ipsi fidentibus. In
1 Cor. 10. his, hæc vox *Per ipsum*, aptissimum ac significantem usum habet, quoties ita profertur quasi Dominus sit ostium, quasi pastor, quasi via. Cæterum tanquam Deus, ac Dei filius, cum Patre communem habet glo-
Phil. 2. rificationem. *Quoniam in nomine Jesu omne genu flectetur, caelestium, terrestrium, & infernorum, & omnis lingua confitebitur, quod Dominus sit Iesus Christus in gloriam Dei patris*. Quas ob res ambabus vocibus uti sumus, altera propriam illius dignitatem, altera ejus erga nos munificentiam prædicantes. Cum enim per illum sit omne præsidium animabus nostris, juxta quamque auxiliandi speciem, excogitata est peculiaris quædam appellatio. Veluti cum sibi animam incontaminatam non habentem maculam aut rugam, quasi puram virginem adjungit, *Sponsus* appellatur. Cum eam male sauciam vulneribus Diaboli, graviterque laborantem e peccatis, suscipere dignatur, *Medicus* vocatur. Utrum igitur quod hisce modis nostri curam gerit cogitationes nostras eo deducet, ut humiliter de eo sentiamus, an potius e di-
1 Cor. 10. verso efficiet, ut Servatoris & potentiam & humanita-
Phil. 2. tem erga nos admiremur, quod & compati nostris infirmitatibus sustinuit, & ad nostram infirmitatem sese demittere. Neque enim cælum ac terra, immensa que maria, nec animantia, vel in aquis, vel in terris degen-
1 Cor. 10. tia, nec plantæ, nec astra, nec aër, nec horæ, nec

A multiplex universi ornatus, excellentiam potentiae il-
lius nobis perinde commendat, atque quod Deus incom-
prehensibilis, sic per carnem cum morte conflictatus
est, ut ipsa divinitas nihil pateretur, quo nobis sua mor-
te largiretur immortalitatem. Item quod ait Apostolus,
In his omnibus superamus, per eum qui dilexit nos: ne-
Rom. 8. quaquam hac voce humile quoddam ministerium indicat,
sed auxilium potius, quod per imperium suæ potentiae
operatur in nobis. Siquidem ipsum alligavit fortem, di-
ripuitque vasa illius, videlicet nos, quibus ad omnia ma-
la opera fuerat abusus, fecitque vasa utilia Domino, ap-
paratos ad omne opus bonum, ob promptitudinem illius
quoderat in nobis. Hoc pacto accessum habemus ad Pa-
Eph. 2. trem, quem ille nobis paravit, translati de potestate te-
Rom. 5. nebrarum in fortia sanctorum in lumine. Ne igitur ob
Filii dispensationem, servilem humilitatem, aut coa-
ctum obsequium imaginemur: sed intelligamus volun-
Colos. 1. tariam sollicitudinem, ex bonitate ac misericordia juxta
voluntatem Dei patris, erga suum figmentum operantem.
Sic enim pietatem servabimus, si & perfectam illi po-
tentiam testimonio nostro tribuamus, & nequaquam in
omnibus quæ perfecta sunt, Filium a voluntate paterna
separabimus. Quemadmodum igitur quoties Dominus
Jo. 14. appellatur via, ad sublimiorem intelligentiam potius
quam ad vulgarem, atque e medio sumptam, animo
ferimur. Audientes enim *Viam*, seriem & ordinem in-
C telligimus per opera justitiæ, perque illuminationem
scientiæ ducentem ad legitimum profectum, semper ad
anteriora festinantes, & ad ea quæ restant nosmetipsos
extendentes, donec perveniamus ad beatum finem,
quæ est Dei cognitio, quam Dominus per sese in ipsum
credentibus largietur. Revera enim bona est via, exor-
bitionis errorisque nescia, Dominus noster *Iesus* ad
Patrem qui vere bonus est perducens. *Nemo*, inquit, **Jo. 6.**
venit ad Patrem nisi per me. Talis est noster ad Deum
reditus per Filium. Porro qualis sit Patris erga nos per
eundem bonorum suppeditatio, deinceps erit differen-
D dum. Omnis naturæ, tum in hac creatura visibili, tum
in intelligibili, ad hoc ut consistat, Dei cura egentis,
conditor est *Sermo*, videlicet unigenitus Deus, quan-
tum cuique opus est opem distribuens. Varia quidem &
omnis generis auxilia, ob varietatem eorum qui benefi-
cio juvantur, unicuique tamen congrue juxta necessita-
tis modum, auxilia dimittitur. Eos qui in tenebris igno-
rantiae detinentur, illuminat: propterea *lumen verum*
dicitur. Judicat, juxta operum dignitatem remetiens
præmium, ob id *Judex justus* dicitur: *Pater enim nemi-*
Joan. 5. *nem judicat, sed omne judicium dedit Filio*. Erigit e rui-
na, qui e sublimitate vitæ ad peccatum delapsi sunt. Ob
id vocatur *resurrectio*. Omnia autem facit, contactu vir-
Joan. 11. tutis, ac voluntate bonitatis operans. Pascit, illuminat,
alit, deducit, medetur, erigit. Quæ non sunt, ea facit
ut sint, condita conservat. Hoc modo bona ex Deo per
Filium ad nos perveniunt, majore celeritate in singulis
operantem, quam ullus sermo proferri valeat. Neque
enim fulgura, neque lucis per aërem tam velox discursus
est, non oculorum celeres ictus, non ipsius intellectus
nostri motus: sed horum quodque magis vincitur divi-
næ operationis celeritate, quam animantia quæ sunt apud
nos maxime signia, non dicam volatiliū, neque ven-
torum, neque coelestium orbium impetu, sed ipsius
mentis nostræ motu superantur. Nam quo tandem tem-
poris spatio egeat qui gubernat omnia verbo veritatis
suæ, quique nec corporaliter operatur, neque manuum
opera ad fabricandum opus habet, sed eorum quæ fiunt
naturam habet inviolabili potentiae obsequentem. Si-
F cuti *Judith*, *Cogitasti*, inquit, *& præsto sunt tibi omnia* **Cap. 9.**
qua cogitasti.

Attamen ne forte ex magnitudine eorum quæ fiunt,
rapiamur in imaginationem, ut putemus Dominum nul-
lam habere originem, quid ait is, qui per se vita est?
Ego vivo propter Patrem. Et, Dei virtus, *Non potest*, in-
Jo. 6. quit, *Filius a se facere quicquam*. Rursus, is qui ex se
Jo. 14. perfecta est sapientia, *Mandatum*, inquit, *accepi, quid
dicam, & quid loquar*: per hæc omnia ducens nos ad
Patris cognitionem, & admirationem, eorum quæ ge-
rebat, ad illum referens, ut per ipsum cognoscamus
Tom. VIII. **II 2** **Pa-**

Patrem. Neque enim ex operum differentia Pater intelligitur propriam ac separatam a Filio operationem ostendere: quacunque enim viderit Patrem facientem, hac & Filius similiter facit: sed ex gloria quam unigenitus defert Patri, miraculum operum colligitur, dum præter operum magnitudinem, de ipso etiam auctore operum gloriatur, & exaltatur ab iis qui agnoscunt eum Patrem Domini nostri *Jesu Christi*, per quem omnia, & propter quem omnia. Ideo dicit Dominus, *Omnia mea sunt*, tanquam ad ipsum origo rerum conditarum referenda sit: *Et tuamta*, quod ipsi a Patre condendi auctoritas provenit, non quod Pater ad operandum Filii auxilio sit usus, neque quod ipsi particularibus mandatis unicujusque operis ministerium commissum sit: nam istud quidem servile est, & a divina dignitate immenso semotum intervallo: sed quod Verbum plenum Paternis bonis a Patre resplendens, omnia facit ad similitudinem ejus qui ipsum genuit. Nam si juxta essentiam nihil differt a Patre, nec potentia a Patre differt. Porro quorum æqualis est potentia, horum æqualis est & operatio. *Christus siquidem Dei virtus est, & Dei sapientia*. Et sic omnia per ipsum facta sunt, omniaque per ipsum condita sunt, non quod instrumentali quodam ac servili ministerio fungatur, sed quod tanquam conditor Paternam implet voluntatem. Itaque cum ait, *Ego ex me ipso loquutus non sum*. Et rursus, *Sicut præcepit mihi Pater, ita loquor*. Et, *Sermo quem auditis, non est meus, sed ejus qui misit me*. Et alibi, *Et quemadmodum mandavit mihi Pater, sic facio*. Non quod caruerit libero proposito, ac voluntatis impetu, neque quod ex signis ab imperante datis occasionem expectarit, ideo talibus utitur verbis: sed ut declaret suam mentem per naturæ unitatem, & indivisum consensum, cum Patre conjunctam esse. Proinde quod dicitur, *mandatum*, ne sermonem imperiosum per vocalia organa prolatum intelligamus, Filio velut obediendi præscribentem, quid facere debeat, sed juxta sensum Deo dignum intelligamus, voluntatis traditionem, instar formæ cujuspiam in speculo relucens, a Patre in Filium sine tempore demanantem. *Pater enim diligit Filium, & omnia ostendit illi*. Itaque quæcunque habet Pater, Filii sunt, non quod hæc illi paulatim accrescant, sed adsint semel universa. Non enim inter homines, qui artem perdidicistis, ac diutina exercitatione firmum artis in animo fixumque habitum gerens, illico potest juxta scientiæ rationes quas in mente tenet, per se se operari. At Dei sapientia, videlicet architectus universæ creaturæ, semper perfectus, & citra doctorem sapiens, Dei virtus, in quo sunt omnes thesauri sapientiæ & scientiæ occulti, non eget particulari præscripto, quod ipsi modum ac mensuram operationis præfinit. Scilicet tu quidem etiam pædagogum aperies in vanitate cogitationum tuarum, & hunc quidem facies præsentem loco doctoris, illum vero astantem cum discipuli imperitia: dein paulatim additis præceptionibus discentem sapientiam, donec promoveatur usque ad perfectionem. At ex hoc, si modo noveris consequentiam quæ est in dictis observare, invenies Filium semper discere, nec unquam ad finem pervenire posse, eo quod infinita sit Patris sapientia, nec infinitæ rei finis possit apprehendi. Itaque qui non concesserit, Filium ab initio habere omnia, nunquam concessurus est illum ad perfectionem perventurum. Sed pudet istius humilis cogitationis, in quam e sermonis tenore paulatim deductus sum. Igitur ad sublimitatem Verbi reverentur. *Qui vidit me, vidit & Patrem*: non figuram, non formam, pura enim est ab omni compositione divina natura: sed videt bonitatem voluntatis, quæ simul cum essentia currit, similis illi atque æqualis: quin, ut melius dicam, eadem in Patre quæ in Filio intelligitur.

Jo. 17. *Jo. 14.* *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

1 Cor. 1. *Jo. 14.* *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Jo. 14. *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Jo. 14. *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Jo. 14. *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Jo. 14. *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Jo. 14. *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Jo. 14. *Jo. 12.* *Jo. 14.* *Jo. 3.* *Joan. 14.* *Philip. 2.* *Eph. 5.* *Gal. 3.* *Rom. 5.* *Mar. 1.*

Idare. Et, Tace; obmutesce. Et, Ego autem dico vobis. *Mar. 4.* *Et illud, Mutum & surdum Damonium ego tibi precipio: Luc. 4.* *& si qua sunt hujus generis alia. Ut ex his quidem Domi-* *Mar. 9.* *num & conditorem nostrum cognosceremus, per illa ve-* *ro Patrem Domini & conditoris nostri disceremus. Ita* *sermo undique verax demonstrat Patrem creare per* *Filium, ut nec Patris imperfecta sit creatio, nec enervis* *Filii operatio, sed duorum unam eandemque volunta-* *tem declarat. Itaque hæc vox per quem confessionem* *habet causæ principalis, non autem sumitur ad prolo-* *quium causæ efficientis.*

CAPUT IX.

Definitiva Sententia de Spiritu Doctrina Scripturarum congruentes, & quod Spiritus est Dominus.

JAM vero etiam de Spiritu sancto communes nostræ sententiæ cujusmodi sint expendamus, tum eas quæ nobis de illo e Scripturis collectæ sunt, tum eas quas patrum traditione sine scripto accepimus. Primum igitur qui audivit appellationes Spiritus, erigitur animo, & ad supremam naturam cogitationem attollit. Nam *Spiritus Dei* dictus est, & *Spiritus veritatis*, qui ex Patre procedit. *Spiritus rectus*, *principalis*. *Spiritus sanctus*, quæ postrema propria est illius ac peculiaris appellatio. Quod sane nomen omnium maxime declarat id quod est incorporeum, & ab omni materia purum, atque incompositum declarat. Quapropter & Dominus, ut animum qui putat Deum in loco adorandum, doceat, eum incomprehensibilem & incorporeum esse: *Spiritus*, inquit, *est Deus*. Proinde fieri non potest, ut qui audit Spiritus naturam loco circumscriptam, aut mutationibus & alterationibus obnoxiam, aut omnino creaturæ similem imaginatione imprimat menti suæ: sed ad id quod summum est cogitatione proficiens, intelligibilem substantiam cogitet necesse est, virtute infinitam, magnitudine incircumscripam, nec temporum nec seculorum dimensionem recipientem, nemini bona quæ habet ipsa invidentem: ad quam omnia convertuntur quæ egent sanctificatione, quam omnia appetunt juxta virtutem viventia, cujus afflatu velut irrigantur & adjuvantur, ut perveniant ad proprium suum naturalemque finem: sic perfectentem cetera, ut ipse in nullo deficiat: non aliunde partita vita viventem, sed qui sit ipse vitæ largitor, nec accessionibus augescens, sed plenum, rectum, in seipso collocatum, qui nusquam non adest: sanctificationis parentem: lucem intelligibilem, universæ potentia rationali, ad veritatis investigationem, velut illustrationem quandam ex sese præbentem: natura inaccessible, sed qui capi possit ob benignitatem: omnia quidem implentem virtute, sed solis iis qui digni sunt communicabilem, quibus sese non eadem impertit mensura, sed juxta portionem fidei dispertitur vim suam. Simplicem juxta essentiam, sed potentis varium: qui singulis totus adest, & totus ubique est: qui sic dividitur, ut nihil ipse patiat, cujus sic omnes participes sunt, ut ipse maneat integer, radii Solaris in morem, cujus beneficium sic adest ei qui fruitur, quasi soli ad sit, cum & terram illu- stre & mare, & aëri misceatur: itidem & Spiritus sanctus, unicuique capacium cum adsit quasi soli, omnibus sufficientem & integram gratiam infundit, quo fruuntur quæcunque de illo participant, non quantum ipsa sua natura possunt capere, sed quantum potest ille. Porro consortium cum Spiritu non constat loci propinquitate: nam qui fiat, ut ad incorporeum corporaliter accedas? sed a cupiditatibus recessu, quæ post accesserunt animæ propter amicitiam erga carnem, & a Dei consortio alienarunt. Itaque purgata a probro quod eam per malitiam contaminarat, & ad nativam pulchritudinem reversa, ac velut imagine regia veterem formam puritate reddens hoc uno demum modo potest ad paracletum appropinquare: ille porro, veluti Sol, purum nactus oculum ostendet tibi in seipso imaginem illius qui videri non potest. In beata autem hujus imaginis contemplatione, videbis ineffabilem archetypi pulchritudinem: per hunc corda sustolluntur in altum, manu ducuntur infirmi, proficientes perficiuntur. Hic eis qui a tumultu cupiditatum purgati sunt illucescens, per communionem quam cum

cum ipso habent, spirituales reddit. Et quemadmodum corpora illustria perlucidaque, contacta radio Solis, fiunt & ipsa supra modum splendida, & alium fulgorem ex sese profundunt: sic & animæ Spiritu afflatae, ac Spiritu illustratae, fiunt & ipsae spirituales, & in alios gratiam emittunt. Hinc futurorum praescientia, arcanorum intelligentia, occultorum comprehensio, donorum distributiones, coelestis conversatio, cum Angelis chorea: hinc gaudium nunquam finiendum, hinc in Deo perseverantia, hinc similitudo cum Deo, & quo nihil sublimius expeti potest, hinc est ut Deus fias. Communes igitur nostrae sententiae de sancto Spiritu, quas de magnitudine dignitateque illius, deque operationibus ab ipsis Spiritus eloquiis sentire didicimus, ut e multis paucas attulerimus, sic habent. Nunc ad contradicendi cupidos veniendum est, conabimurque illorum objectiones refellere, quae falsi nominis scientia nobis proponunt.

CAPUT X.

*Adversus eos qui dicunt non oportere Patri & Filio ad-
jungere Spiritum sanctum.*

NON oportet, inquiunt, Patri & Filio adungere Spiritum sanctum, partim eo quod sit alienae naturae, partim quod dignitate sit inferior. Quibus aequum est, ut Apostolorum verbis respondeamus: *Deo oportet obedire magis quam hominibus.* Nam si Dominus aperte in tradendo salutifero baptismate praecepit discipulis, ut baptizarent omnes gentes in nomine Patris & Filii & Spiritus sancti: haud dedignatus cum illo confortium: contra isti dicunt, non oportere Spiritum Patri Filioque conjungere: an non Dei praecepto palam adversantur? Etenim si dicant huiusmodi conjunctionem non declarare ullam communionem, aut confortium, proferant, quid igitur hoc existimandum est, aut quam aliam adferunt magis peculiarem confortii rationem. Alioqui si Dominus sibi & Patri non adjunxit Spiritum in baptismo, ne nobis vitio vertant quod eos conjungimus. Nihil enim nos ab illo praescripto diversum neque sentimus neque loquimur. Quod si illic conjunctus est Patri & Filio Spiritus, nec quisquam est adeo impudens, ut quicquam aliud dicat, nec sic quidem nos in jus vocent, si Scripturas sequimur. Sed apparatus belli adversum nos instructus est, omnisque cogitatio in acie constitit, & linguae maledicorum hic multo vehementius jaculantur, quam *Judei*, qui *Christum* occiderant, olim lapidibus impetierunt *Stephanum*. Verum illud ne lateat istos, nos quidem esse belli occasionem, caeterum negotium revera ad excelsum spectare. Itaque in nos quidem machinas & insidias instruunt, seque mutuo exhortantur adferendas suppetias, ut quisque peritia aut robore valet: caeterum id quod oppugnatur, fides est, isque scopus communis est omnibus, ut soliditatem fidei in *Christum* labefactent, Apostolicam traditionem solo aequatam abolendo. Eapropter sicuti solent aeris alieni debitores qui fane cordati sunt, probationes e Scriptura clamore exigunt: Patrum testimonia, quae scripto prodita sunt, veluti nullius momenti rejiciunt. At non deseremus veritatem, neque per ignaviam ab illi ferendis auxiliis desistemus. Etenim si Dominus nobis ut necessarium ac salutare dogma tradidit, Spiritum cum Patre conjungendum esse, his autem secus videtur, sed dividere ac distrahere volunt Spiritum, & ad servilem naturam detrudere, an non verum est, apud illos blasphemiam ipsorum plus habere ponderis, quam Domini praescriptum? Agedum igitur omni contentione deposita, ita denuo de his quae sunt in manibus consideremus. Christiani unde nos? Utique per fidem, dicet quilibet. Servamur autem, quo modo? Nimirum regenerati per gratiam quae confertur in baptismo. Nam unde alioqui? Et postea cum sciamus hanc salutem per Patrem & Filium & Spiritum sanctum certo promitti, num doctrinae formam quam acceperimus abiciemus? Id profecto multis dignum suspiriis fuerit, si comperiamur nunc longius abesse a salute nostra, quam tum cum credidimus. Etenim si quod tunc recepimus, nunc abnegamus, non minus damni fuerit, quam si quis expers baptismatis

decedat: aut si in uno quopiam eorum quae a *Christo* tradita sunt deficiens, baptismum accipiat: & professione quam in prima institutione deposuimus, cum liberati a simulacris accessimus ad Deum vivum, qui nos in omni tempore, perque vitam omnem sua vi conservat, tanquam tuta custodia cinctus, seipsum alienum reddat a promissis Dei, suo ipsius chirographo repugnans, quod in professione fidei deposuit. Nam si vitae initium est baptismus, sique dierum omnium primus est dies regenerationis, perspicuum est & vocem illam omnium pretiosissimam esse mihi, quae in adoptionis gratia prolata est. Itane traditionem quae me perduxit ad lucem ac Dei cognitionem largita est, per quam factus sum filius Dei, qui paulo ante propter peccatum eram hostis, deseram seductus istorum probabilibus sermonibus? Quin potius illud mihi precor, ut cum hac professione contingat hinc decedere ad Dominum. Et ipsos hortor, ut inviolatam servant fidem usque ad diem *Christi*, & indivulsum a Patre & Filio custodiant Spiritum sanctum, quam doctrinam in baptismate receperunt, & in professione fidei atque in persequutione plenae gloriae perseverent.

CAPUT XI.

Prævaricatores, qui negant Spiritum.

CUI VAE? Cui afflictio? Cui angustia ac tenebrae? Cui sempiterna condemnatio? Nonne prævaricatoribus? Nonne iis qui fidem abnegarunt? Sed unde probantur abnegasse? Nonne hinc, quod suam ipsi professionem irritam fecerunt? Quid autem professi sunt, aut quando? Professi sunt se credere in Patrem & Filium & Spiritum sanctum, cum renunciantes Diabolo & Angelis ejus salutiferam illam vocem ediderunt. Quod igitur istis dignum vocabulum repertum est a filiis lucis? Nonne perfugae ac prævaricatores appellantur ut qui sua salutifera pacta violarint. Quo igitur nomine vocem eum qui Deum abnegavit, eum qui *Christum* abnegavit? Quonam alio, quam prævaricatoris ac desertoris? At ei qui negavit Spiritum, quod me vis nomen imponere? Nonne hoc idem? quippe qui pactum cum Deo initum violarit? Ergo cum professio fidei in Deum, pietatis beatitudinem nobis conciliet: contra abnegatio, crimini abnegati Dei faciat obnoxios, an non horrendum est hanc professionem nunc irritam facere, non ignem, non gladium, non crucem, non flagella, non rotam, non tormenta metuentes, sed solis iophimati-bus seductionibusque istorum qui Spiritui rebelles sunt, impulsos? Testificor omni homini, *Christum* profitemti, sed & eum neganti, quod *Christus* nihil illi proderit, nec ei qui Deum quidem invocat, sed *Christum* spernit, quod inanis est fides illius. Similiter ei qui Spiritum rejicit, testificor quod fides ejus qua proficetur Patrem & Filium, inanis erit, quam nec habere potest, nisi simul adsit Spiritus. Non enim credit in Filium, qui non credit Spiritui sancto: non credit in Patrem, qui non credit Filio. Nec enim potest dicere Dominus *Jesus*, nisi in Spiritu sancto. Et, *Deum nemo vidit unquam, sed unigenitus Filius, qui est in sinu Patris, ipse nobis enarravit.* Insuper talis expers est verae adorationis. Neque enim fieri potest, ut quis Filium adoret nisi in Spiritu sancto, aut ut Patrem invocet, nisi in adoptionis Spiritu.

CAPUT XII.

*Adversus eos qui dicunt, sufficere Baptisma tantum
in nomine Filii.*

NEMINEM vero debet offendere illud Apostoli, quod nomen Patris, & Spiritus sancti mentionem, in baptismatis commemoratione frequenter omittit: neque ideo putet harum vocum usum esse indifferentem. *Quicumque in Christo baptizati estis, Christum induistis. Quicumque in Christo baptizati estis, in mortem illius baptizati estis.* Siquidem *Christi* appellatio, totius Deitatis est professio: quippe quae simul declarat & Deum qui unxit, & Filium qui unctus est, & Spiritum sanctum qui est unctio: quemadmodum a *Petro* in Actis didicimus, *Jesum Nazarenum, quem unxit Deus Spiritu sancto.* Item in *Esaia*, *Spiritus Domini super me, eo quod unxit me.* Et *Psalmicus* ille cantor, *Propterea unxit te Deus.*

Tom. VIII.

Ii 3

Deus

Deus Deus tum oleo exultationis, ultra participes tuos. Videtur attamen interdum & Spiritus tantum in baptismo fecisse mentionem Apostolus, *Omnes enim, inquit, in uno corpore, & in uno Spiritu baptizati sumus:* His & illud consonat, *Vos baptizabimini in Spiritu sancto.* Rursum, *Et ipse vos baptizabit in Spiritu sancto.* At non ideo quis dixerit perfectum esse baptismum, in quo solum Spiritus nomen invocatum est. Oportet enim inviolabilem manere traditionem, quæ in vivifica gratia data est: eo quod qui liberavit de corruptione vitam nostram, potestatem nobis renoyationis dedit: quæ potestas causam habet ineffabilem, & in mysterio reconditam, sed magnam animabus salutem conferentem, ut quicquam addere aut detrachere, plane sit ab æterna vita excidere. Proinde, si in baptismo separare Spiritum a Patre & Filio, ut periculosum est baptizanti, ita baptismum accipienti inutile, quomodo nobis tutum fuerit, a Patre & Filio distrahere Spiritum? Fides, ac baptismum, duo sunt modi parandæ salutis, inter se cognati, & inseparabiles. Nam fides perficitur per baptismum, baptismus vero fundamento fidei nititur, & utraque res per has voces impletur. Sicut enim credimus in Patrem & Filium & Spiritum sanctum, sic & baptizamur in nomine Patris & Filii & Spiritus sancti. Ac præcedit quidem professio ad salutem perducens, sequitur autem baptismus, consignans pactum nostrum.

CAPUT XIII.

Quare apud Paulum, Angeli simul cum Patre & Filio adjunguntur.

A Talia, inquit, quæ simul Patri & Filio annumerantur, non ideo per omnia simul cum illis glorificantur. Veluti cum Apostolus obtestans *Timotheum* Angelos simul adducit, dicens, *Obtestor te in conspectu Dei, & Christi Jesu, & electorum ejus Angelorum:* quos tamen non separamus a reliquis creaturis, neque sustinemus eos Patri & Filio annumerare. Ego vero tamen hic sermo nulla dignus est confutatione, tam manifestam præferens absurditatem: tamen illud dico, quod conservum etiam testem aliquis adducere possit apud mansuetum ac placabilem judicem, quique maxime per æquitatem erga reos juste judicandi irrefutabilem rectitudinem declararit. Cæterum ut aliquis fiat liber e servo, atque vocetur filius Dei, & a morte revocetur ad vitam, a nullo alio potest dari, nisi ab eo qui cum Deo naturalem habet societatem, & a servili conditione sit alienus. Quomodo autem sociabit nos Deo, qui ipse est alienus? Quomodo liberos reddet nos, qui ipse est iugo servitutis obnoxius? Itaque non ob eadem fit Spiritus & Angelorum mentio, sed Spiritus commemoratur tanquam auctor ac Dominus vitæ, Angeli vero tanquam conservorum adjutores, fidelesque veritatis testes adhibentur. Siquidem mos est sanctis, Dei præcepta testibus adhibitis tradere. Sicut hic ipse *Timotheo* loquens in hunc modum, *Quæ accepisti a me coram multis testibus, ea depone apud fideles homines.* Et nunc Angelos attestatur, sciens quod Angeli pariter adfuturi sunt iudici, cum venerit in gloria Patris, ut iudicet orbem terrarum in iustitia. *Quisquis enim, inquit, confitebitur me coram hominibus, & Filius hominis confitebitur eum coram Angelis ejus; Qui vero abnegaverit me coram hominibus, abnegabitur in conspectu Angelorum Dei.* Et *Paulus* alibi dicit, *In revelatione Domini Jesu de cælis, cum Angelis.* Hanc ob causam contestatur Angelos, firmas sibi præparans probationes ad magnum illud tribunal. Neque hic modo, verum etiam simpliciter omnes, quibus aliquod verbi ministerium commissum est, nullo unquam tempore cessant testari: non Angelos tantum, verum etiam cælum & terram inclamant, ut intra quorum ambitum omnia gerantur, quique in examinatione in hac vita gestorum sint simul cum judicandis futuri. *Advocavit, inquit, cælum sursum, & terram ad dijudicandum populum suum.* Unde & *Moses* traditurus populo eloquia Dei, *Testor, inquit, hodie cælum & terram.* Et rursum in Cantico, *Attende cælum & loquar, & audiat terra verba ex ore meo.* Item *Cap. 1. Esaias, Audi cælum, & auribus percipet terra.* Hieremias autem etiam admirationem ac stuporem cælo tribuit,

A ob audita impia populi facta: *Obstupuit cælum super hoc, & exhorruit amplius terra vehementer, dicit Dominus, quoniam duo mala fecit populus meus.* Apostolus itaque sciens Angelos hominibus datos ceu pædagogos quospiam ac morum gubernatores, vocavit illos in testimonium. At *Jesus Nave* etiam lapidem testem sermonum statuit. Jam vero & collis alibi testis appellatur a *Jacob, Erit, inquit, lapis hic hodie in testimonium vobis in extremis diebus, cum mentiti fueritis Domino vestro:* fortasse credens virtute divina & lapides vocem emissuros in redargutionem transgressorum. Sin minus, certe illud fore, ut omnium conscientia stimulo recordationis percussa vulneretur. Ad hunc igitur modum, ii quibus commissa fuit animarum gubernatio, testes quicunque quandoque fuerint præparant, ut in posterum citari possint. Sed Spiritus non ad usum occasionis, sed per naturæ communionem Deo conjunctus est, haud ille quidem pertractus a nobis, sed a Domino adjunctus.

CAPUT XIV.

Obiectio, quod in Mosen nonnulli baptizati sunt, & in illum crediderunt, & hujus dilutio, in quibus & de typis.

VERUM, inquit, tametsi baptizamur in Spiritu, non inde par est ut Spiritus Deo copuletur, quando in *Mosen nonnulli baptizati sunt & in nube & in mari.* Similiter in confesso est & fidem tum temporis in homines pervenisse. *Credidit enim populus Deo, & Moysi famulo ejus.* Quid igitur, inquit, ex fide ac baptismo Spiritum sanctum usque adeo attollis ac magnificas supra reliquam creaturam? cum eadem jam & in hominibus fuisse Scripturarum testimoniis demonstratum sit? Quid dicemus? Nimirum illud, quod in Spiritum quidem sanctum, ut credimus, æque atque in Patrem & Filium, similiter & baptizamur. Fides autem quæ erat in *Mosen, & in nube*, velut umbra fuit, & figura. Neque vero quoniam divina rebus humilibus & humanis præfigurata sunt, protinus & divinorum humilis est natura, quam figurarum adumbratio frequenter innuit. Est enim figura rerum exspectandarum declaratio, per imitationem ob oculos ponens, ac recte præmonstrans quod futurum est. Velut *Adam* figura erat futuri, & *Christus* figurate dictus est lapis, & aqua promanans e petra figura erat vivificæ potentiæ verbi. *Si quis, inquit, sitit, veniat ad me, & bibat.* Et manna typus erat vivi panis, qui de cælo descendit. Et serpens pro signo positus, typus erat salutiferæ passionis per crucem consummatæ, eoque qui respexerunt ad illum servati sunt. Similiter & quæ de eductis *Israelitis* scribuntur, ad significationem eorum qui baptismo salvi fiunt, narrata sunt. Servabantur enim *Israelitarum* primogenita, quemadmodum & baptizatorum corpora, cum gratia datur iis qui sanguine signati fuerint. Sanguis enim pecudis, figura est sanguinis *Christi*. Primogenita vero typus est hominis, qui primus conditus est: qui quoniam necessario in nobis est, dum perpetuo tenore successionis usque ad finem propagatur, ideo in *Adam* omnes morimur, & regnavit mors ab *Adam* usque ad Legis consummationem, & *Christi* adventum. Porro primogenita a Deo præterita sunt, ne ea tangeret Angelus extinctor, ut ostenderetur, nos jam non amplius mori in *Adam*, qui in *Christo* vivificati sumus. Cæterum mare & nebula ad præsens quidem tempus, induxit ad fidem admirationis, ad futurum autem, tanquam typus venturam gratiam præsignavit. Quis sapiens & intelliget hæc? Quomodo mare baptismi typum gerens, separat a *Pharaone*, sic & lavacrum hoc a Diabolica tyrannide. Illud quidem occidit hostem in sese, moritur & hic inimicitia quæ nobis fuit cum Deo. Ab illo populus exivit illæsus. Ascendimus & nos ab aquis tanquam ex mortuis vivi, servati per gratiam ejus qui vocavit nos. At umbra quam fecit nubes, figura est doni proficiscentis a Spiritu sancto, quæ flammam cupiditatum mortificando, membra nostra refrigerat. Quid igitur? num quia per figuram in *Mose* baptizati sumus, ideo protinus exigua est gratia baptismatis? Ad istam rationem nec aliud quicquam in nostris sacramentis fuerit magnum, si quod in singulis magnificum

ficum est, cum figuris conferamus. Ac ne Dei quidem erga homines caritas quicquam erit magni aut eximii, qui Filium unigenitum dedit pro peccatis nostris, quandoquidem & Abraham filio suo non pepercit. Nec Christi mors erit gloriosa, quod aries loco Isaac victimæ figuram explevit. Neque descensus ad inferos erit horribilis, quod Jonas tribus diebus ac totidem noctibus mortis figuram prius explevit. Idem ergo facit & de baptismo, qui veritatem umbræ comparans, cumque figuris conferens ea quæ figuris significantur, universam pariter Evangelicam dispensationem elevare aggreditur. Nam quæ peccatorum remissio, quæ vitæ renovatio in mari, quod donum spirituale datum est per Moysen? Quæ illie peccati mortificatio? Non illi Christo commortui sunt, eoque nec cum illo resuscitati sunt. Non portabant imaginem illius coelestis, non mortificationem in corpore circumferebant, non exuerant veterem hominem cum factis suis, non induerant novum, qui renovatur in agnitionem secundum imaginem illius qui condidit. Quid igitur confers lavacra cum lavacris, quæ solam nominis appellationem habent communem, rerum vero tanta est differentia, quanta est inter somnia & veritatem, inter umbras imaginesque, & inter ea quæ revera sunt. Quanquam & ipsa fides in Moysen non modo declarat, fidem quoque in Spiritum parvæ esse dignitatis, sed juxta istorum ratiocinationem, omnia potius quæ de Deo profitemur extenuat. *Credidit, inquit, populus Deo, & Moysi famulo ejus.* Deo itaque copulatus est Moyses, non Spiritui: eratque typus, non Spiritus, sed Christi. Tum enim is qui medius intercedit inter Deum & homines, per Moysen præsignabatur in ministerio Legis. Neque enim Spiritus figura fuit Moyses, qui inter Deum & populum intercessit. *Data est enim Lex, disposita per Angelos, in manu sequestri, videlicet Moysi, juxta provocationem populi dicentis: Loquere tu nobis, & non loquatur nobis Deus.* Itaque fides quæ erat in Moysen, ad Dominum refertur, qui sequester est inter Deum & homines, qui dixit: *Si crederetis Moysi, crederetis mihi.* An ideo parvi momenti est, fides in Dominum, quæ per Moysen præsignata est? Non, opinor. Consimili ratione si quis in Moysen baptizatus est, nequaquam ob id est exigua Spiritus gratia in baptismo. Quanquam & alioqui possum dicere, consuetudinem esse Scripturæ, Moysi nomine etiam significare Legem, velut illic, *Habent Moysen & Prophetas.* Itaque de Legali baptismo loquens, *Baptizati sunt, inquit, in Moysen.* Cur igitur gloriam nostræ spei, ac divitias Dei, & Servatoris nostri, qui gratis per regenerationem renovat velut aquilæ juventutem nostram, contemptibilem reddere conamini, ex umbris & figuris veritatem calumniantes? Profecto stulti, ac omnino infantilis animi est, puerique cui revera lacte est opus ignorare magnum illud mysterium nostræ salutis: quod quemadmodum Doctores facere solent in instituendis discipulis, ita nos in exercitatione pietatis dum ad perfectionem inducimur, primum perceptu faciliore, ac nostro modulo congruentibus ad incomprehensibilem scientiam paulatim introduceti fuimus, Deo, qui nostra gubernat, oculos nostros velut in tenebris enutritos, paulatim ad magnum illud lumen assuefaciendo subvehente. Dum enim parcit infirmitati nostræ in profunda opulentia sapientiæ suæ, inque imperscrutabilibus judiciis, placidam hanc nobisque accommodam adhibuit institutionem, ut prius corporum umbras intueremur, & in aquis Solem cerneamus, consuefaciens, ne protinus spectaculo puræ lucis offensi, caligaremus. Ad consimilem rationem tum Lex umbram habens futurorum, tum per Prophetas facta delineatio, quæ est veritatis ænigma, exercitamenta excogitata sunt, quibus oculi cordis nostri præpararentur, ut ab his facilis nobis transitus esset ad reconditam in mysterio sapientiam. Itaque de figuris quidem hæcenus. Neque enim licet huic loco diutius immorari. Alioqui quod obiter incidit, longe majus fieret argumento principali. Quorsum igitur attinet his aliquid addere, in quibus abunde multæ sunt objectionum dissolutiones.

Exod.
14.Exod.
22.Joan.
5.

A

B

C

D

E

F

Confutatio eorum qui obijciunt, quod in aqua baptizati sumus, in quo & baptismi declaratio.

ETIAM in aqua baptizamur, at nequaquam ob id aquam universæ creaturæ præferimus, aut ei Patris Filiique honorem communicamus. Atque illorum quidem verba talia sunt, qualia essent hominum ira commotorum, qui ob rationem affectu obscuratam, a nullo temperant, quod ad ulciscendum eum a quo offensi sunt, faciat. Nos tamen haud gravabimur etiam de his differere. Aut enim ignorantes docebimus, aut perperam obstitentibus non concedemus. Sed re paulo altius repetita dicemus: Dei ac Servatoris nostri circa hominem dispensatio, revocatio est a prolapsu, reditusque ad Dei contubernium ab alienatione quam induxit inobedientia. Hanc ob causam fuit adventus Christi in carne, Evangelicæ conversationis prodita forma, afflictiones, crux, sepultura, resurrectio, ut homo qui salvus fit per imitationem Christi, veterem illam adoptionem qua in jus filiorum ascitus fuerat, recipiat. Itaque necessarium est ad vitæ perfectionem Christum imitari, non solum exemplis, quæ in vita demonstravit, lenitatis, modestiæ, ac patientiæ, verum etiam mortis illius, sicut Paulus ait, *Christi imitator: conformor morti ejus, si quo modo perveniam ad resurrectionem e mortuis.* Quomodo igitur fit, ut simus in similitudine mortis ejus? *Consepulti cum illo per baptismum.* Quis igitur est modus sepulturæ, aut quis ex imitatione fructus? Primum oportet vitæ prioris seriem interrompere. Id autem nemo potest facere, nisi natus desuper, juxta Domini vocem. Siquidem regeneratio, quod ipsum etiam nomen declarat, alterius vitæ initium est. Unde eum qui alteram vitam incepturus est, oportet superiori vitæ finem imponere. Quemadmodum enim in his qui posteaquam ad stadii finem pervenerunt, sese reflectunt, & priusquam in contrarium moveantur, consistunt paulisper, ac requiem aliquam interponunt: sic & in mutatione vitæ videbatur necessarium, ut mors inter priorem & posteriorem vitam intercederet, quæ & præcedentem finiat, & initium det sequentis. Quomodo igitur assequimur descensum ad inferos? Christi sepulturam imitantes per baptismum. Eorum enim qui baptizantur corpora, quodammodo aquis insepeliuntur. Proinde depositionem operum carnis figuratè significat baptismus, juxta Apostolum dicentem: *Circumcisi estis circumcissione non facta manu, per expoliationem corporis carnis, in circumcissione Christi, sepulti cum illo in baptismo,* qui quodam modo repurgat animam, a carnalis affectus immundicia ipsi adnata, juxta id quod scriptum est, *Lavabis me & super nivem dealbabor.* Eoque non Judæorum more in quibuslibet inquinamenti ablui, sed unum hominis salutiferum baptismum: quandoquidem una est pro mundo mors, & una ex mortuis resurrectio, quarum figura est baptismus. Quapropter, qui nobis vitam dispensat Dominus, baptismatis pactum nobis statuit, mortis ac vitæ typum habens: mortis quidem imaginem implente aqua, Spiritu vero vitæ aram præbente. Hinc itaque nobis perspicuum est factum quod quærebat, quamobrem aqua conjuncta sit Spiritui. Cum enim duo scopi propositi sint in baptismo, videlicet ut aboleat corpus peccati, ne postea fructificet mortem, tum ut vivat spiritu, & fructum habeat in sanctificatione: aqua mortis exhibet imaginem, corpus velut in sepulchro recipiens, Spiritus vero vim vivificam immittit, a morte peccati renovans animas nostras in novam vitam. Hoc igitur est desuper nasci ex aqua & Spiritu, quasi mortificatio perficiatur in aqua, vitam vero nostram operetur Spiritus. Tribus igitur demersionibus, ac totidem invocationibus, magnum baptismatis mysterium peragitur, ut & mortis figura adumbretur, & per traditionem divinæ cogitationis animus repurgetur eorum qui baptizantur. Itaque si quæ est gratia in aqua, non est ex ipsius aquæ natura, sed ex Spiritus præsentia. Non enim est baptismus depositio sordium corporis, sed conscientie bonæ interrogatio apud Deum. Itaque Dominus ad vitam ex resurrectione nos præparans, totam Evangelicam conversationem proponit, ut non irascamur, ut ma-

Rom. 6.

Colos. 2.

Psalm. 50.

malorum tolerantes simus, & a voluptatum amore puri, ut a studio pecuniæ mores sint liberi, præscribens, utque quæ illud seculum juxta naturam possedit, hæc nos occupantes corrigamus. Proinde si quis definiens dicat Evangelium esse formam vitæ, quæ est ex resurrectione, mihi nequaquam videretur a vero aberrare. Ad ico-
 3. *Matth.* *pum* igitur revertamur: per Spiritum sanctum datur in paradysum restitutio, in regnum cœlorum reditus, in adoptionem filiorum reversio: datur fiducia Deum appellandi patrem suum, consortem fieri gratiæ Christi, filium lucis appellari, æternæ gloriæ participem esse, & ut semel omnia dicam, esse in omni benedictionis plenitudine, tum in præsentis hoc seculo, tum in futuro nobis repositorum bonorum, quibus interim per fidem fruimur, perinde quasi adsint, gratiam velut in speculo contemplantes. Nam si talis est arrabo, quale est illud quod perfectum est? Et si tales sunt primitiæ, quæ erit verbi consummatio? Insuper & illinc cognoscitur, quam excellens sit gratia quæ a Spiritu confertur in baptismo, quod *Joannes* quidem baptizavit aqua, *Dominus* autem meus *Jesus Christus* in Spiritu sancto. *Ego*, inquit, baptizo vos per aquam ad penitentiam: qui autem post me venit, potentior me est, cujus non sum dignus ut gesserim calceamenta: ipse vos baptizabit in Spiritu sancto & igni. Ignis baptismum probationem quæ fiet in
 1 *Cor.* *judicio*, sentiens, quemadmodum ait Apostolus: *Unus-*
 3- *cujusque opus quale sit, ignis probabit.* Et rursus, *Dies enim declarabit, quod in igni patebit.* Jam vero sunt nonnulli, qui in certaminibus pro pietate, revera non imitatione Christi mortem perpeffi, nihil hujusmodi sacramentis quæ sunt in aqua opus habuerunt ad salutem, nimirum in proprio baptizati sanguine. Neque hæc ita loquor, quod aquæ baptismi spernam, sed ut istorum rationes dejiciam, qui adversus Spiritum eriguntur, quique commiscunt mixturam non recipientia, & similia faciunt, quæ comparisonem respuunt. Ad id igitur quod institutum est redeamus.

CAPUT XVI.

Quod in omni sensu, Spiritus sanctus inseparabilis est a Patre & Filio, sive in creatione intelligibilium creaturarum, sive in humana dispensatione, sive in judicio quod expectatur.

QUOD in omnibus Spiritus sanctus inseparabilis, & prorsus indistractus sit a Patre & Filio, *Paulus Corinthiis* scribens declarat, eo in loco quo tractat de dono linguarum: *Si omnes, inquit, prophetis, ingrediatur autem infidelis, aut idiota, arguitur ab omnibus, judicatur ab omnibus, & occulta cordis ejus manifesta fiunt, atque ita procidens in faciem, adorat Deum, renuncians quod Deus sit vere in vobis.* Itaque si ex prophetia, quæ juxta distributionem donorum Spiritus operatur, agnoscitur Deus in Prophetis esse, consultant isti, quem locum tribuant Spiritui sancto. Utrum æquius sit illum cum Deo jungere, an ad creaturarum ordinem extrudere. Præterea ex his quæ *Petrus* dixit *Saphira*, *Quid est quod convenit inter vos, tentare Spiritum sanctum, non mentiri estis hominibus, sed Deo:* declarat quæ peccantur in Spiritum sanctum, eadem peccari in Deum. Hoc autem pacto discere poteris, Spiritum sanctum in omni operatione conjunctum & inseparabilem esse a Patre & Filio. Siquidem cum Deus efficiat varias operationum distributiones, ac Dominus eas distributiones administret, simul adest Spiritus sanctus, partitionem donorum pro cuiusque dignitate proprio arbitrio dispensans: *Divisiones, inquit, donorum sunt, unus autem Spiritus. Et divisiones administrationum sunt, unus autem Dominus. Et divisiones operationum sunt, unus autem Deus, qui operatur omnia in omnibus. Hac autem, inquit, omnia operatur unus & idem Spiritus, dividens seorsim cuique, prout vult.* Attamen non quoniam Apostolus primo loco meminit Spiritus, secundo Filii, tertio Dei & Patris, protinus oportet suspicari totum omnino ordinem inversum esse. A nostra siquidem conditione sumpserat exordium, eo quod nobis qui dona accepimus, primum occurrit is qui distribuit: mox cogitamus eum qui misit, postremo cogitationem subducimus ad fontem au-

ctoremque bonorum. Jam etiam ex rebus initio conditis discas licet, Spiritus cum Patre & Filio communionem. Nam meræ, & intelligibiles, & ultramundanæ virtutes, sanctæ tum sunt, tum nominantur, ex gratia per Spiritum infusa sanctimoniam nactæ. Eoque prætermissa est mentio quomodo cœlestes virtutes conditæ fuerint, sed de sensibilibus tantum Creatorem nobis aperuit, qui conscripsit historiam. Tu vero qui facultatem habes ex visibilibus invisibilium rationem deprehendere, glorifica conditorem in quo condita sunt omnia, sive visibilia, sive invisibilia, sive principatus, sive potestates, sive virtutes, sive throni, sive dominationes, sive aliæ quæpiam naturæ rationales quæ nominari non possunt. In horum autem creatione cogita mihi principalem causam eorum quæ fiunt, Patrem, dein, conditricem Filium, perfectricem Spiritum sanctum: ut voluntate quidem Patris sint administratorii Spiritus, Filii vero operatione perducantur ut sint, Spiritus autem adventu perficiantur. Porro Angelorum perfectio est sanctificatio, & in hac perseverantia. Ac nemo me credat, tres originales substantias ponere, aut Filii operationem imperfectam esse. Principium enim eorum quæ sunt, unum est, per Filium condens, per Spiritum sanctum perficiens. Ac nec Pater qui operatur omnia in omnibus, imperfectam habet operationem, neque Filius inconsummatam creationem, nisi a Spiritu perficiatur. Hoc pacto nec Pater opus habebit Filio, sola voluntate creans, attamen vult & solet creare per Filium. Neque Filius egebit auxilio, juxta Patris similitudinem operans, sed & Filius vult, soletque per Spiritum perficere. Nam *verbo Domini celi firmati sunt, Psal.* *& Spiritus oris ejus omnis virtus eorum.* Itaque nec *verbum* 32. est significativus aëris ictus, per vocis instrumenta prolatus: nec *Spiritus oris* halitus, e partibus respiratoriis efflatus: sed Verbum quod in principio fuit apud Deum, Deus est: & spiritus oris Dei, Spiritus est veritatis, qui a Patre procedit. Itaque tria intelligis, mandantem Dominum, creans Verbum, & confirmantem Spiritum sanctum. Quæ porro alia possit esse confirmatio, quam in sanctimoniam perfectio, confirmationis verbo significante, constantiam, immutabilitatem, ac soliditatem in bonis. Sanctificatio vero non est absque Spiritu. Neque enim cœlorum virtutes suapte natura sanctæ sunt: nam si id esset, nulla re differrent a Spiritu sancto: sed juxta portionem quæ se invicem superant, a Spiritu habent sanctificationis mensuram. Quemadmodum enim cauterium non sine igni intelligitur, cum aliud sit subjecta materia, aliud ignis: itidem & in cœlestibus virtutibus, substantia quidem earum, puta spiritus est aërius, aut ignis immaterialis, juxta id quod scriptum est, *Qui facit Angelos suos Spiritus, & ministros suos ignem urentem.* Eapropter & in loco sunt, & fiunt visibiles, dum iis qui digni sunt apparent in specie propriorum corporum. Attamen sanctificatio quæ est extra substantiam illorum, perfectionem illis adjungit per communionem Spiritus. Conservant autem dignitatem per perseverantiam in bono, habentes quidem in eligendo liberum arbitrium, nunquam tamen ab ejus qui vere bonus est, consortio excidentes: ut si subtraxeris verbo spiritum, perierint Angelorum choreæ & sanctificatio, sublata sint Archangelorum præfecturæ una cum sanctificationibus ac prophetiis, denique confusa fuerint omnia. Consequenter & nullis gubernata legibus, nullo digesta ordine, nullis finibus circumscripta fuerit illarum vita. Quomodo ergo dicent Angeli, *Gloria in excelsis Deo:* nisi a Spiritu accepta potestate? *Nemo siquidem potest dicere Dominum Jesum, nisi in Spiritu sancto, & nullus in Spiritu Dei loquens, dicit Jesum anathema:* quod sane dicerent impii & adversarii Spiritus, quorum defectio comprobatur quod dicimus, virtutes invisibiles esse sui arbitrii, æque ad virtutem atque ad vitium vertibiles, & ob id opus habentes auxilio Spiritus. Ego vero ipsum *Gabrielem* haud alio modo arbitror prædicare futura, quam præscientia Spiritus, eo quod unum de numero variorum donorum Spiritus, sit prophetia. Porro qui mysteria visionis viro desideriorum jussus erat annunciare, unde nactus est sapientiam, ut possit docere

arca-

arcana, nisi per Spiritum sanctum, cum patefactio my-
steriorum peculiariter ad Spiritum sanctum pertineat,
juxta id quod scriptum est, *Nobis revelavit Deus per Spiritum*.
Throni vero & dominationes, principatus & po-
testates, quomodo beatam illam vixissent vitam, nisi
semper viderent vultum Patris, qui in cœlis est? At vi-
sio non est absque Spiritu. Quemadmodum enim si in no-
cte tollas lucernam e domo, superest ut nihil videant
oculi, nihil operentur virtutes, nec agnoscatur rerum
dignitas, sed per ignorantiam aurum perinde conculce-
tur ac si ferrum esset: ita in intelligibili gubernatione,
impossibile est illam insititiam manere vitam absque Spi-
ritu: nihilo profecto magis quam exercitus in recto ordi-
ne manere potest absente duce, aut chorus in consonan-
tia, nisi adsit chori præfectus, qui temperet harmo-
niam. Qui possent dicere Seraphim, *Sanctus, sanctus,*
sanctus Dominus: nisi docti per Spiritum, quoties pium
est hunc glorificationis hymnum canere. Sive igitur lau-
dant Deum omnes Angeli ejus, sive laudant eum omnes
virtutes ejus, per Spiritus instinctum fit, sive astant
millies mille Angeli, sive centies centum millia Ange-
lorum illi ministrantium, per virtutem Spiritus, suum
officium citra reprehensionem perficiunt. Itaque tota
illa supercœlestis & ineffabilis harmonia, tum in culturis
Dei, tum in ultra mundanarum virtutum inter ipsas con-
sonantia nequaquam servari posset, nisi præsit Spiritus.
Ad eum quidem modum in creando adest Spiritus san-
ctus, iis quæ non proficiendo perveniunt ad perfectio-
nem, sed ab ipsa protinus creatione perfecta sunt, in hoc
ut perficiatur consummeturque illorum substantia, si-
mul conferens gratiam suam.

Cæterum dispositiones circa hominem, quæ factæ
sunt a magno Deo, & Salvatore nostro *Jesu Christo*,
juxta bonitatem Dei & Patris, quis negabit per Spi-
ritus gratiam esse peractas? Sive velis præca spectare
veluti Patriarcharum benedictiones, auxilium per Le-
gem datam, figuras, prophetias, fortiter in bellis ge-
sta, miracula per sanctos edita: sive quæ circa *Christi* in
carne adventum dispensata sunt: per Spiritum gesta sunt
omnia. Primo enim adfuit ipsi carni Dominicæ, dum
illi factus est unctio, & inseparabiliter conjunctus, sicut
scriptum est, *Super quem videris Spiritum descendantem*
Manentem super eum, hic est filius meus dilectus. Et,
Jesum a Nazareth quem unxit Deus Spiritu sancto. De-
inceps omnis actio præsentem Spiritu sancto peragebatur.
Hic aderat simul cum & a Diabolo tentaretur: *Sublatus*
est, inquit, Jesus a Spiritu in desertum ut tentaretur. Tum
edenti miracula simul aderat: *Si enim, inquit, in Spi-
ritu ejicio Dæmonia*. Nec deseruit excitatum a mortuis.
Dominus enim qui renovabat hominem, eique redde-
bat gratiam quam ex afflatu Dei acceptam amiserat, in-
spiravit in faciem discipulorum, quibus ait: *Accipite*
Spiritum sanctum, si quorum peccata remiseritis remittun-
tur, & si quorum retinueritis, retenta sunt. Jam vero
Ecclesiæ ordo, & gubernatio, nonne palam & irrefu-
tabiliter per Spiritum sanctum peragitur? *Ipsè, inquit,*
dedit Ecclesiæ primum Apostolos, deinceps Prophetas, tertio
Doctores. *Adhuc virtutes, præterea dona sanationum,*
subventiones, gubernationes, genera linguarum. Hic enim
ordo juxta distributionem donorum Spiritus digestus est.
Quin si quis accuratius perpendat, comperiet ne in tem-
pore quidem apparitionis de cœlo Dominicæ, quam
exspectamus, otiosum fore Spiritum sanctum, id quod
quidam arbitrantur: sed simul adfuturum in die quo sese
manifestabit Filius, quo judicaturus est orbem terrarum
in justitia; ille beatus, & solus potens. Quis igitur us-
que adeo rudis est, ut non audierit de bonis quæ Deus
præparavit dignis, ignoretque justorum coronam esse
Spiritus beneficium, quod tum largius perfectiusque da-
bitur, spirituali gloria cuique pro recte gestis distribu-
ta? In splendoribus enim sanctorum mansiones multæ
sunt apud Patrem: hoc est, dignitatis discrimina. *Sicut*
enim Stella a Stella differt in claritate, ita & resurrectio
mortuorum. Itaque qui consignati sunt Spiritu sancto in
diem redemptionis, quique sancti Spiritus primitias pu-
ras & incorruptas servaverint, hi sunt qui audient, *Euge*
serve bone & fidelis, super pauca fuisti fidelis, super

multa te constituam. Similiter & qui contristaverint Spi-
ritum sanctum, malitia studiorum suorum, aut qui non
fecerint lucrum e sorte data, spoliabuntur eo, quod ac-
ceperant, beneficio in alios translato, aut juxta Evan-
gelistam, omnino diffidentur. Diffectio autem omni-
no intelligenda est in hoc, quod prorsus & a Spiritu san-
cto alienabuntur. Neque enim corpus dividitur, ut
una pars tradatur supplicio, altera absolvatur. Nam id
quidem fabulosum, nec eo dignum iudice, cum totus
homo peccaverit, dimidium illius addici poenæ. Nec
anima in duas partes secatur, cum tota per totum homi-
nem peccandi affectum habeat, simulque cum corpore
malum operetur. Sed quemadmodum dixi, diffectio est
animæ, perpetua a Spiritu sancto alienatio. Nunc enim
tametsi non admiscetur indignis, attamen aliquo pacto
videtur adesse semel consignatis, expectans ut ad salu-
tem convertantur. Tum vero in totum ab anima quæ
gratiam ipsius profanaverit, resecabitur. Eoque non est
in inferno qui confiteatur, neque in morte qui memor
sit Dei: quod jam non adsit sancti Spiritus adiutorium.
Quomodo igitur intelligi potest, absque Spiritu sancto
fieri iudicium? cum verbum declaret Spiritum esse ju-
storum præmium, quando pro arrabone exhibebitur
quod perfectum est. Et hæc est prima peccatorum con-
demnatio, cum eo quod videbantur habere, spoliatur.
Porro maximum argumentum, Spiritus cum Patre &
Filio arctissimæ societatis, illud est, quod eodem mo-
do dicitur habere se erga Deum, quo erga unumquem-
que nostrum se habet spiritus, qui est in nobis. *Quis, in-*
quit, hominum, novit ea quæ sunt hominis, nisi Spiritus,
qui est in ipso. Sic, quæ sunt Dei nemo novit, nisi Spi-
ritus, qui ex Deo est.

CAPUT XVII.

Adversus eos, qui dicunt Spiritum sanctum non annume-
rari Patri, sed subnumerari, ubi & de pia subnume-
ratione, summaris fidei decursus.

ET hæc quidem hætenus: cæterum *subnumerationem*
quid dicant, aut in cuius rei significationem vocem
hanc usurpent, ne cogitare quidem facile est. Nam &
hanc nobis e mundi sapientia tuisse invectam, in propa-
tulo est. At an aliquam habeat propriam rationem ad id
quod nunc agitur, hoc consideremus. Ajunt igitur qui
circa res inanes curiosi sunt, quædam nomina esse com-
munia, quorum significatio multa complectitur; alia
magis propria, & alia plus aliis habere vim peculiare
quiddam denotandi. Exempli causa, commune nomen
est *essentia*, quod pariter de omnibus prædicatur, sive
inanimis sive animatis. Peculiarior autem *animal*, quod
de paucioribus prædicatur quam illud prius, de multis
tamen quæ videntur illi subiecta. Siquidem in eo, ra-
tionalium simul & irrationalium natura comprehenditur.
Rursum magis speciale nomen est *homo*, quam *animal*:
rursum *vir* specialius est nomen, quam *homo*, & viro
specialius est, hic, aut ille vir, puta *Petrus*, aut *Paul-*
lus, aut *Joannes*. An igitur cum *subnumerationem* dicunt,
sentiant communis vocabuli in ea quæ subiecta sunt divi-
sionem? At non possum credere illos ad tantum stupo-
rem deductos, ut dicant Deum omnium rerum velut com-
munionem quandam esse verbo tantum intelligibilem,
sed qui non habeat esse per substantiam, in subiecta divi-
di, atque hinc *subdivisionem* hanc & *subnumerationem* di-
ci. Istud sane ne infani quidem dixerint. Nam præter
impietatem, etiam sermonem instituunt, cum eo quod
proponunt pugnantem, propterea quod quæ subdivi-
duntur, ejusdem sunt essentia, cujus sunt illa a quo di-
viduntur. Sed ob nimiam istorum absurditatem videmur
oratione destitui, nec habere quibus verbis illorum stul-
titiæ reprehendamus, adeo ut mihi videantur etiam
propter amentiam aliquid lucrificere. Quemadmodum
in corpora mollia cedentiaque non possis egregiam pla-
gam impingere, eo quod obistere contraque niti non
queant, ita eos qui palam insaniunt non possis forti juve-
nilique redargutione percellere. Superest igitur, ut abo-
minandam illorum impietatem silentio prætereamus.
At non patitur silere me nec fratrum caritas, nec adver-
sariorum improbitas. Quid igitur dicunt? Vide quantæ
Tom. VIII. Kk sit

fit in dictis illorum arrogantia. Nos, inquit, profite-
mur, iis qui honore pares sunt convenire *connumeratio-*
nem: iis vero qui inferioris sunt conditionis, *subnume-*
rationem. Et istud cur tandem dicitis? Neque enim in-
telligo vestram peregrinam sapientiam. An quod aurum
auro connumeratur, plumbum vero non item erit connu-
merari dignum, sed ob materiae vilitatem subnumera-
bitur auro? Tantamque vim tribuitis numero, ut is vel
rerum vilium dignitatem attollere, pretiosarum rerum
majestatem deicere valeat. Ergo rursus aurum pretiosis
lapidibus subnumerabis, atque in his ipsis elegantiori-
bus ac maioribus subnumerabis minus lucidos ac minores.
Sed quid non dicant, qui ad nihil aliud vacant, nisi aut ad
dicendum, aut audiendum aliquid novi? Posthac cum
Stoicis & Epicureis nominentur, qui docent impietatem.
Quenamque vel possit fieri rerum viliorum ad pretiosio-
res subnumeratio? Aereus obolus, aureo stateri quomo-
do subnumerabitur? Quoniam non dicimus, inquit,
duo possideri numismata, sed unum & unum. Utrum igitur
utri horum subnumeratur? Nam utrumque similiter
profertur. Sed si quodque per se numeres, facis aequalita-
tem pretii eodem numerandi modo. Rursus si ea conjun-
gas, eandem facis dignitatem, utrumque alteri connume-
rans. Quod si quicquid in numerando posteriore loco po-
sueris, id habebit subnumerationem, numeranti in
manu est, ab aereo numismate numerationem incipere.

Sed imperitiam redarguere superfedeamus, & ad ea
quae ad rem pertinent, orationem vertamus. Etiamne
Filium dicitis subnumerari Patri, ac Spiritum Filio, an
soli Spiritui tribuitis subnumerationem? Etenim si Fi-
lium subnumeratis, rursus in ejusdem impietatis sermo-
nem reciditis, videlicet in disparilitatem essentiae, indi-
gnitatis dejectionem, in nativitatem tempore postero-
rem: breviter, in omnes simul blasphemias contra unige-
nitum unico isto verbo revolvitur declarabimini: quibus
contradicere prolixius est, quam ut huic conveniat fe-
stinationi, praesertim cum alias aliis in locis istorum im-
pietas a nobis pro viribus refutata sit. Quod si soli Spiritui
putant convenire subnumerationem, discant Spiritum
simul eodem modo pronuciari cum Domino, quo
modo Filius pronuciatur cum Patre. Nomen enim Pa-
tris Filii & Spiritus sancti, similiter editum est. Itaque
quemadmodum se habet Filius ad Patrem, ita ad Filium
se habet Spiritus, juxta verbi Dei ordinem in baptismo
traditum. Quod si Spiritus Filio junctus est, Filius au-
tem Patri, liquet & Spiritum adjungi Patri. Quem igitur
locum habet, ut dicant alterum connumerari, alte-
rum subnumerari, cum in una eademque serie nomina
sint ordinata. In summa porro, quae res ex omni rerum
genere, a sua ipsius natura excidit dum numeratur, ac
non potius quae numerantur, talia perseverant, qualia
condita sunt ab initio. Caeterum numerus adhibetur a
nobis, ut signum quo declaratur multitudo eorum de
quibus agimus. Nam corpora quaedam numeramus,
quaedam metimur, quaedam libramus: & quorum con-
tinua est natura, ea mensura comprehendimus, quorum
discreta, ea numero subicimus, nisi quod quae subtilia
sunt, ea rursus fiunt etiam mensurabilia. Porro quae
gravia sunt, librae momento discernimus. Non itaque
quoniam iidem signa ad significationem quantitatis ex-
cogitavimus, protinus etiam naturam eorum quae signi-
ficantur immutavimus. Quemadmodum igitur quae li-
bra expendimus, ea non sublibramus inter sese, etiam si
unum sit aurum, alterum stannum, neque submeti-
mur, quae mensura dijudicantur: ita nec ea quae nume-
rantur, ullo modo subnumeramus. Quod si in caeteris
nihil est, quod subnumerationem recipiat, qua fronte
dicent Spiritui competere subnumerationem. Sed isti cir-
ca ethnica insipientes, existimant dignitates quae gradi-
bus distant, aut juxta naturae submissionem sunt inferio-
res, iis convenire subnumerationem.

CAPUT XVIII.

Quomodo in professione trium Personarum primum Monar-
chia designa servamus, ubi & eorum qui dicant
Spiritum subnumerari, refutatio.

Cum Patrem & Filium & Spiritum sanctum traderet
Dominus, non simul cum numero tradidit, non

enim dixit, In nomine primi, secundi, ac tertii: neque
in uno, duobus, aut tribus: sed per sancta nomina fi-
de ad salutem perducere cognitionem largitus est. Ita-
que quod nos salvos facit, fides est. Numerus vero si-
gnum declarans quantitatem eorum de quibus loquimur,
ab hominibus excogitatus est. Sed qui undique sibi
ipsis noxias contrahunt, etiam numerandi facultate ad-
versus fidem abusi sunt. Alii vero qui caeteris in rebus ni-
hil immutant propter additum numerum, in divina na-
tura venerantur numerum, nec ob id honoris modum
Paracletum debitorum transgrediuntur. Sed, o sapientissime,
sint maxime supra numerum, quae non possumus asse-
qui, quemadmodum prisca Hebraeorum pietas propriis
ac peculiaribus notis ineffabile nomen Dei figurabat, at-
que hinc in omnibus excellentiam commendabat. Quod
si & numerus adhibendus est, nequaquam est in hoc de-
pravanda veritas. Aut enim silentio honorantur ineffabi-
lia, aut pie numerantur sancta. Unus Deus & Pater, & *Eph. 4.*
unus unigenitus Filius, & unus Spiritus sanctus. Unam-
quamque personam singulariter offerimus, caeterum ubi
numerandum est, haudquaquam indocte numerando,
eas proferimus, quasi plures Deos intelligamus. Neque
enim juxta compositionem numeramus, ab uno ad plu-
ra facientes incrementum, ut dicamus, unum, duo,
tria, neque primum, secundum, ac tertium. Ego enim
Deus primus, & ego posterior. Secundum autem Deum
nunquam ante hac, ac ne hodie quidem audimus, eo
quod Deum ex Deo adorantes, etiam proprietatem pro-
fitemur Personarum, manemusque in uno principatu,
non dissipantes divinae naturae rationem in multitudinem
subdivisam: eo quod unam in Deo patre, & Deo uni-
genito, formam, ut ita loquar, contemplamur, inse-
parabili Deitatis essentia unitam. Filius enim in Patre,
& Pater in Filio: quandoquidem hic talis est, qualis il-
le, & ille qualis hic: atque hac quidem in parte unum
sunt. Itaque juxta Personarum proprietatem, unus sunt
& unus: at juxta communem naturam, unum sunt am-
bo. Quomodo igitur si unus & unus sunt, non sunt duo
Dii? Quoniam Rex dicitur Regis imago, non autem
duo Reges. Neque enim potestas seinditur, neque glo-
ria dividitur. Quemadmodum autem principatus ac po-
testas nobis dominans una est, sic & glorificatio quam il-
li deferimus una est, non multae. Itaque imaginis ho-
nor ad exemplar primum refertur. Quod igitur hic est
per imitationem imago, hoc illic natura Filius: & quem-
admodum apud artifices imitatio fit ad formam, ita in
divina incompositaque natura, in communionem Deitatis
est unio. Unus autem est & Spiritus sanctus, qui & ipse
per se profertur, ac per seipsum complet super omnia
glorificandam ac beatam Trinitatem: cujus cum Patre
& Filio consortium satis illud declarat, quod in turba
creaturarum positus non est, sed solitarie profertur. Ne-
que enim unus est e vulgo, sed quemadmodum unus est
Pater, ut unus Filius, ita & unus est Spiritus sanctus, a
creaturarum natura tantum semotus, quantum par est
solitarium a rebus compositis ac multitudinem habenti-
bus abesse. Patri vero in tantum unitus est, quantum
consortii habet unitas cum unitate. Sed nec hinc solum
probatur naturae communio, verum illuc quoque,
quod ex Patre esse dicitur, non sic a Patre veniens, quem-
admodum ex Deo sunt omnia, neque per generationem
quemadmodum Filius, sed tanquam spiritus oris ejus.
Omnino tamen nec os membrum est, nec status resolu-
bilis spiritus: sed os Dei majestas dicitur, & Spiritus
essentia vivens, sanctificationis auctor: unde sic decla-
ratur illius consortium, ut ineffabilis essentiae modus ser-
vetur. Quin & Christi Spiritus dicitur, tanquam illi na-
tura conjunctus. Eoque si quis Christi Spiritum non habet,
hic non est ejus. Unde solus Spiritus digne glorificat Do-
minum: Ille, inquit, me glorificabis: non ut natura
generabilis, sed tanquam Spiritus veritatis, dilucide in
seipso declarans veritatem, & tanquam Spiritus sapien-
tiae Christum, qui est Dei virtus ac Dei sapientia, in sua
magnitudine incomprehensibilem. Denique tanquam
consolator in seipso exprimit, consolatoris a quo missus
est bonitatem, & in sua propria dignitate ejus a quo pro-
cessit, majestatem illustrat. Est igitur gloria, alia qui-
dem

dem naturalis, veluti gloria Solis est lumen: alia gloria aliunde veniens: alia ex proposito, quæ judicio deferatur pro meritis. Athæc rursum gemina est. Filius, inquit, glorificat Patrem, & servus Dominum suum. Ex his duabus, ea quæ servilis est a creatura deferitur: altera vero quæ, ut ita loquar, contubernalis est, a Spiritu præstat, quemadmodum de seipso dixit, *Ego te glorificavi super terram, opus perfeci quod dedisti mihi ut facerem.* Jo. 14. Sic & de paracleto dictum est, *Ille me clarificabit, quoniam de meo accipiet, & annuntiabit vobis.* Et quemadmodum Filius glorificatur a Patre, cum ait, *Et glorificavi, & in æternum glorificabo,* sic glorificatur Spiritus per consortium quod habet cum Patre & Filio: & per unigeniti testimonium dicentis, *Omnis blasphemia remittatur vobis hominibus, sed in Spiritum blasphemiam non remittetur.* Cum autem per vim illuminatricem intendimus oculos in pulchritudinem imaginis Dei invisibilis, perque hanc subvehimur ad pulcherrimum spectaculum archetypi, ibi videlicet adest inseparabiliter, cognitionis Spiritus, vim imaginis speculativam in se præbens, iis qui veritatis contemplatione delectantur, non foris ostendens, sed per seipsum inducens ad agnitionem. Quemadmodum enim nemo novit Patrem nisi Filius, sic nullus potest dicere Dominum Jesum, nisi in Spiritu sancto. Non dixit per Spiritum, sed in Spiritu. Et, Spiritus est Deus: & qui adorant eum, in Spiritu ac veritate oportet adorare: sicut scriptum est, *In lumine tuo videbimus lumen:* hoc est, in illustratione spiritus videbimus lumen verum, quod illuminat omnem hominem venientem in mundum. Itaque in seipso ostendit unigeniti gloriam, & veris adoratoribus in seipso Dei cognitionem præbet. Proinde via ad Dei cognitionem est ab uno Spiritu, per unum Filium ad unum Patrem. Ac rursus nativa bonitas, & naturalis sanctimonia, & regalis dignitas a Patre per Unigenitum ad Spiritum sanctum permanat. Ad hunc modum & personas profiteamur, nec pium monarchiæ dogma labefactatur. Cæterum qui subnumerationem ponunt dicentes, primum, secundum, ac tertium, sciant sese Deorum multitudinem, juxta Gentium errorem, in illibatam Christianorum de Deo professionem inducere. Ad nihil enim aliud tendit subnumerationis dolosa inventio, quam ut profiteamur, Deum primum, secundum, ac tertium. Sed nobis sufficit a Domino præscriptus ordo, quem qui confundit non minus peccabit, quam peccat istorum impietas. Quod ergo naturalis communio nequaquam dissolvitur modo subnumerationis, satis dictum est. Sed concedamus pertinaci & inaniter sapienti, donemusque per subnumerationem Spiritus significari quiddam alio posterius. Videamus quid ex hoc sermone consequatur. *Primus*, inquit, *homo de terra terrenus, secundus homo de celo.* Et alibi, *Non primum*, inquit, *quod spirituale est, sed quod animale, deinde quod spirituale.* Ergo si primo subnumeratur secundum, id quod subnumeratur vilius est eo cui subnumeratur. Ita juxta vos vilior est homo spiritualis animali, & coelestis homo vilior est terreno.

CAPUT XIX.

Adversus eos, qui dicunt non esse glorificandum Spiritum.

DONEMUS ista, inquiunt, at ea gloria nullo pacto debetur Spiritui, ut a nobis hymnis sit attollendus. Unde igitur probaturi sunt Spiritus dignitatem, omnem intellectum superantem, si Patris & Filii communio visa est istis parum gravis ad testificandum: attamen possumus, & ad ea quæ nominibus significantur respicientes, & ad operationum magnitudinem, & ad operationem quam in nobis, imo quam erga creaturam omnem suppeditat, naturæ illius sublimitatem ac potentiam incomprehensibilem demonstrare. Quatenus igitur mente tenetur, Spiritus dictus est, quemadmodum Spiritus dicitur Deus & spiritus vultus nostri, Christus Dominus. Sanctus dicitur, quemadmodum sanctus Pater, & sanctus Filius. Creaturæ siquidem aliunde inducta est sanctimonia, at Spiritui sanctitas est consummativa naturæ. Ideoque non sanctificatur, sed sanctificat. Bonus item dicitur sicut Pater, & bonus, is qui bonus ex bono natus est, cui bo-

nitatis est ipsa essentia. Rectus dicitur, ut rectus Dominus, & rectus Deus noster, eo quod per se sit ipsa virtus & ipsa justitia, quæ se non potest nec in hanc partem nec in illam flectere, propter naturæ incommutabilitatem. Paracletus, id est, consolator, dicitur Spiritus, quemadmodum & Unigenitus: sicut ipse dixit, *Ego rogabo Patrem meum, & dabit vobis alium paracletum.* Jo. 14. Hoc pacto communia sunt nomina Patri, Filio, & Spiritui sancto, quæ appellationes competunt illis juxta naturæ consortium. Nam unde alioqui? Rursum Spiritus principalis, & Spiritus veritatis, & Spiritus sapientiæ dictus est. Spiritus divinus qui fecit me. Et Beselebel, inquit, *implevit Deus spiritum sapientiæ & intellectus & scientiæ.* Exod. 31. Hujusmodi igitur nomina & præclara sunt & magnifica, nec ob id declarant inter Personas esse ullam excellentiam, quod quidem attinet ad gloriam. Operationes vero partim ineffabiles sunt ob magnitudinem, partim innumerabiles ob multitudinem. Nam quo pacto intelligemus ea quæ fuerunt ante secula? Quales erant illius operationes ante creaturam intelligibilem? Tum quam multa ab illo erga creaturam beneficia? Ad hæc quæ potestas ad ventura secula? Erat enim, & præerat, & simul aderat cum Patre & Filio ante secula, ut etiam si quid cogitaris ante secula, hoc tamen reperias Spiritu esse posterius. Quod si creaturam reputes, consolidatæ sunt celorum virtutes a Spiritu, sic ut consolidationem intelligas firmitatem, qua non possunt a bonis excidere. Etenim quod Deo conjunctæ sunt, quodque ad malitiam verti non queunt, quodque in beatitudine nihil deliderant virtutes, id illis a Spiritu accessit. Christi adventus est, Spiritus præcurrit. In carne fuit adventus, & Spiritus inseparabilis. Operationes virtutum sunt dona sanationum, sed per Spiritum sanctum. Dæmones expulsi sunt, sed in Spiritu Dei. Diabolus spoliatus est imperio, sed intus præsentem Spiritu. Peccatorum facta est remissio, sed in gratia Spiritus. Abluti estis, sanctificati estis in nomine Domini nostri Jesu Christi, & in Spiritu sancto. Conglutinatio cum Deo a Spiritu est: *Misit enim Deus Spiritum Filii sui in corda nostra, clamantem, Abba pater.* Resurrectio mortuorum a Spiritu est: *Emitte spiritum tuum, & creabuntur, & renovabis faciem terra.* Sive quis creaturam accipiat, de extinctorum reviviscentia, an non magna Spiritus operatio, quæ suppeditat nobis vitam ex resurrectione, & ad spiritualem illam vitam animas nostras transcribit. Sive creaturæ nomine intelligantur, qui hinc a peccato recedentes, ad id quod optimum est transformati sunt: nam ita quoque nonnumquam usurpatur, juxta Scripturæ consuetudinem, velut cum Paulus dicit, *Si quis in Christo nova creatura.* Et renovatio quæ hinc fit, & a terrena mortali que vita ad celestem conversationem transmutatio, quæ fit per Spiritum, ad summam admirationem subducit animos nostros. In his utrum metuere debemus, ne dignitatem immodicis honoribus transgrediamur: an contra, ne cogitationem de Spiritu nostram ad humilia deprimamus, etiam si videamur maxima de eo loqui, quæ quidem humana mente concipi, humanaque lingua proferri possunt. Hæc dicit Spiritus sanctus, sicut, Hæc dicit Dominus: *Descende, & ambula cum illis, nihil dijudicans, quoniam ego misi illos.* Num hæc sunt humilis aut aspernandi verba? *Separate mihi Barnabam & Paulum in opus ad quod accersivi illos.* Num servus ita loquitur? Et *Esaias, Dominus misit me, & Spiritus ejus.* Et, *Descendit Spiritus a Domino, & deduxit eos.* At ne rursus mihi deductionem accipias pro humili ministerio. Nam hoc opus etiam Dei esse testatur verbum: *Deduxisti, inquit, sicut oves populum tuum.* Et, *Adducens velut ovem Joseph.* Deduxisti, inquit, *eos in spe, & non timuerunt.* Proinde cum audieris, *Cum veneris paracletus, ille vos commonefaciet omnis veritatis:* cogita deductionem, sicuti doctus es, ne calumnieris intellectum. *Quin & interpellat, inquit, pro nobis.* Itane quantum supplex est infra beneficii auctorem, tantum Spiritus juxta dignitatem excidit a Deo? At tu nondum audisti de unigenito, quod is est in dextra Dei, & interpellat pro nobis. Num ideo quod Spiritus est in te, si tamen omnino in te est, aut quod nos excæcatos, ad eligendum id quod utile est, docet,

deducitque, ideo pia ac divina gloria illum mulctabis? Nam isthuc profecto extremæ sit ingratitude, benemerentis humanitatem vertere in occasionem ingratitude. Nolite igitur contristare Spiritum sanctum, audite quid dicat primitiæ martyrum *Stephanus*, inobedientiam, ac rebellionem exprobrans populo: *Vos, inquit, semper Spiritui sancto resistitis.* Et rursus *Esaias*, provocaverunt Spiritum sanctum, & versus est illis in inimicitiam. Et alibi, *Domus Jacob provocavit Spiritum Domini.* An hæc non declarant potentiam cum auctoritate conjunctam, iudicio legentium permitto. Eos qui hæc audiunt, quas tandem opiniones oportet animo concipere? An tanquam de instrumento, deque obediente, & parem honorem cum creatura sortito, denique nobis conseruo? An gravissimum est vel dicto tantum hanc blasphemiam subire piorum aures animosque? Servum appellas Spiritum? Sed *servus*, inquit, *non novit quid faciat Dominus ipse.* Spiritus autem non aliter novit quæ sunt Dei, quam spiritus hominis novit quæ sunt hominis.

CAPUT XX.

Adversus eos qui dicunt, Spiritum nec in servili, nec in herili conditione esse, sed in libertate.

NEQUE servus, inquit, neque Dominus, sed liber. O mirum stuporem, o miserandam audaciam ista loquentium! Quid amplius deplem, utrum inscientiam an blasphemiam istorum, qui de Deo dogmata humanis exemplis corrumpunt, & quæ est in rebus hominum consuetudo, per quam dispar est dignitatum excellentia, eam ad divinam & ineffabilem naturam accommodare nituntur, haud reputantes apud homines quidem nullum esse natura servum. Aut enim qui viribus preffus sunt, sub jugum servitutis inducti sunt, velut in bello capti: aut ob paupertatem in servitutem adacti sunt, velut *Aegyptii Pharaoni*: aut juxta sapientiam quandam & arcanam dispensationem, qui inter filios deterrimi sunt, parentum voce, sapientioribus ac melioribus in servitutem additi sunt, sed quam haudquaquam condemnationem, sed beneficium potius duxerit æquus rerum æstimator. Nam qui ob sensus inopiam, non habet in sese id quod natura imperat, huic expedit in alterius esse potestate: ut dum potentioris prudentia gubernatur, similis sit curru qui aurigam recipit, aut navi quæ nauclerum habet clavo assidentem. Hanc ob causam *Jacob* dominus *Esau* ex benedictione patris factus est, ut stultus a sapiente, vel invitatus beneficio afficeretur, quippe non habens proprium curatorem, videlicet mentem. Et *Chanaam* filius, servus erat fratribus suis, quoniam indocilis erat ad virtutem, quod imprudentem haberet patrem, videlicet *Cham*. Ad hunc quidem modum hîc fiunt servi. Liberi vero sunt, qui effugerunt paupertatem, aut bellum, aut qui aliorum cura non egent. Itaque quamvis hic herus, ille servus appellatur, omnes tamen vel quia sumus ejusdem inter nos honoris, vel quia sumus creatura illius qui fecit nos, conservi sumus. Illic porro quid potes e servitute eximere? Simul ut nati sunt, additum est, ut servitutem serviant. Sibi quidem invicem non imperant, eo quod cœlestia expertia sunt usurpationis, Deo tamen subiecta omnia, ac tanquam Domino debitum timorem, ac tanquam conditori debitam gloriam persolvunt. *Filius enim honorat patrem, & servus metuit dominum suum.* Et ex his duobus alterum omnino Deus a nobis requirit. Nam si pater, inquit, sum ego, ubi est honor meus? Si Dominus sum ego, ubi est timor meus? Alioqui vita hæc fuerit omnium maxime miserabilis, nisi subdita sit providentiæ divinæ. Cujusmodi sunt virtutes desertrices, quæ quod cervicem erexerunt adversus Deum omnipotentem, excutunt servitutem, non quod taliter conditæ sint, sed quod subditæ non sint ei, a quo conditæ sunt. Quomodo igitur appellas liberum? Qui Regis imperio non obtemperat? Qui nec in alterum principatum gerere novit, nec Principi parere sustinet? At nec est istiusmodi natura in rebus conditis, & talem imaginari evidens est in Spiritum impietas. Quod si Spiritus creatura est, nimirum servit cum cæteris omnibus. Omnia enim, in-

quit, *serviunt tibi.* Si supra creaturam est, regni quoque consors est.

CAPUT XXI.

Testimonia e Scripturis, Spiritum appellari Dominum.

SED quid opus est ex rebus humilibus pugnantes, verbis turpiter parare victoriam, cum liceat citandis gravioribus testimoniis irrefutabilem gloriæ sublimitatem declarare? Quod si proferremus ea quæ Scriptura nos docuit, forsitan magno vehementique clamore vociferantes, & auribus obturatis lapides tollent, aut quicquid forte occurrerit, in arma vertentes isti qui repugnant Spiritui, in nos irruerint. Sed non est nobis incolumitas anteponenda veritati. Invenimus igitur apud Apostolum, in Epistola ad *Thessalonicenses* secunda, *Dominus autem dirigat corda nostra, in dilectionem Dei, & in sustinentiam Christi.* Quis est Dominus inducens in dilectionem Dei, & in sustinentiam pro afflictionibus Christi. Respondeant nobis, qui Spiritum in servitutem adigunt. Sive enim de Patre fiat sermo, omnino dici poterit, *Dominus vos dirigat in dilectionem sui:* sive de Filio, addi poterit, *in suam ipsius sustinentiam.* Quærant igitur quænam sit alia persona, quam Domini vocabulo deceat honorari. Huic affine est illud quod alibi positum est: *Dominus vos impleat, & abundare faciat caritate, in vos invicem & in omnes, quemadmodum & nos in vos, ad confirmandum corda vestra irreprehensibilia in sanctificatione, coram Deo & patre nostro in adventu Domini nostri Jesu Christi cum omnibus sanctis suis.* Quem Dominum optat coram Deo & patre nostro in adventu Domini nostri irreprehensibilia fidelium *Thessalonicensium* corda confirmata in sanctitate constabilire? Respondeant nobis qui cum ministratoriis Spiritibus, qui mittuntur ad ministerium, collocant Spiritum sanctum. At non habent quod respondeant, quapropter audiant & aliud testimonium, evidenter Spiritum sanctum appellans Dominum. *Dominus*, inquit, *Spiritus est.* Et rursus, *Tanquam a Domino Spiritu.* Ne vero ulla relinquatur occasio contradicendi, ipsum Apostoli sermonem recitabo: *Usque ad hodiernum, inquit, diem, idem velamen in lectione veteris Testamenti manet non revelatum, quod in Christo abrogatur. Cum autem conversus fueris ad Dominum, tolletur velamen. Dominus autem Spiritus est.* Cur hoc dicit? Quoniam qui nudæ intellectui litteræ affidet, & illic circa legales observationes occupatus est, *Judaica* litteræ intelligentia quasi velo tectum habet cor: & id accidit illi eo quod ignoret corporalem Legis observationem in adventu Christi abolitam esse, jam figuris ad veritatem translatis. Evanescent enim lucernæ Solis adventu. Et cessat Lex, ac Prophetæ silent simul ut illuxit veritas. Attamen qui potuit ad profunda Legis intellectus oculis penetrare, ac discussa Legis obscuritate ceu velamento introire ad arcana, hic imitatus est *Mosen*, in hoc quod cum Deo loquens sustulit velamen, & ipse se convertens a littera ad spiritum: ut velamini quod impositum est super faciem *Mosi* respondeat Legalium doctrinarum obscuritas, conversio autem ad Dominum respondeat spirituali intelligentiæ. Ergo qui in lectione Legis aufert litteram, convertit sese ad Dominum, (Dominus autem nunc hic Spiritus dicitur) ac similis redditur *Mosi* per illustrationem Dei, qui faciem habet glorificatam. Sicut enim quæ juxta floridos colores posita sunt, e splendore promanante colorantur & ipsa: sic qui evidenter intendit oculos in Spiritum, ex illius gloria quodam modo transformatur ut fiat illustrior, dum veritate a Spiritu promanante ceu luce, corde illuminatur. Et hoc est transformari a gloria Spiritus ad propriam gloriam, haud parce, neque tenuiter, sed in tantum quantum par est illustrari cum qui a Spiritu illuminatur. Non vereris homo Apostolum dicentem, *Templum Dei estis, & Spiritus Dei habitat in vobis.* An Scriptura admisit unquam ut servile domicilium appellatione templi honoraret? Quid ille qui Scripturam divinitus inspiratam appellat, eo quod afflatu Spiritus scripta sit, num contumeliosus & Spiritum attenuantibus verbis usus est?

C A-

CAPUT XXII.

*Confirmatio naturalis Spiritus communionis, eo quod
aque ac Pater & Filius incomprehensibilis est.*

Non solum autem ex hoc quod easdem habet appellationes, & in operationibus confors est Patri & Filio, dilucet naturæ illius excellentia, verum etiam ex eo quod pariter atque ille incomprehensibilis est intellectui. Quæ enim de Patre loquitur, quod sit supra cogitationem humanam, quæque de Filio, eadem Dominus de Spiritu sancto dicit, *Pater iuste, mundus te non cognovit*, inquit Filius: mundum hîc appellans non eum qui constat e cœlo & terra, sed insincerissimam innumerisque mutationibus obnoxiam vitam. Ac de seipso loquens, *Adhuc medicum*, inquit, *& mundus me non videbit, vos autem videbitis me*: rursus hîc eos qui materiali carnalique vitæ devincti sunt, & oculis tantum expendunt veritatem, mundum appellans: qui quoniam non credebant resurrectionem, non amplius oculis cordis visuri erant Dominum nostrum. Hæc autem eadem dixit & de Spiritu, *Spiritus*, inquit, *veritatis mundus non potest accipere, neque videt illum, neque novit eum: vos autem novistis illum, quod apud vos manet*. Carnalis siquidem homo mentem habens ad contemplationem minus exercitatus, aut in affectu carnis velut in cœno defossam gerens, non potest ad spirituale lumen veritatis attollere oculos. Quapropter mundus, hoc est, carnis cupiditatibus dedita vitæ, velut oculus imbecillis non ferens Solis radios, Spiritus gratiam non recipit. At Dominus collaudatis discipulis, quod mundæ essent vitæ ob doctrinam ipsius, dat iisdem, ut ad speculationem contemplationemque Spiritus sint idonei. *Nunc*, inquit, *vos mundis estis propter sermonem quem locutus sum vobis*. Unde mundus non potest illum capere? eo quod non videt illum. *Vos autem novistis eum, quoniam apud vos manet*. Eadem dicit & *Esaias*, *Qui stabilivit terram, & qua in ea sunt, deditque spiritum populo qui est super illam, & spiritum calcantibus eam*. Nam qui conculcant terrena, iisque superiores evaserunt, digni prædicati sunt dono sancti Spiritus. Proinde de Spiritu quem mundus capere non potest, sed a solis sanctis per cordis puritatem videri potest, quid aliud iudicandum est, quam omnis generis honores illi competere? Reliquæ virtutes omnes in loco circumscriptæ esse creduntur. Nam Angelus qui astant *Cornelio*, non erat in eodem loco, quo cum astant *Philippo*. Neque qui locutus est *Zacharia* ab altari, per idem temporis etiam in cœlo suam implebat stationem. At Spiritus simul & in *Abacuch* operatus, & in *Daniele* in *Babylonia* creditus, & in catarrhacta fuit cum *Hieremia*, & cum *Ezechiele* in *Chobar*. Spiritus enim Domini replevit orbem terrarum. Et, *Quo ibo a Spiritu tuo? & a facie tua quo fugiam?* Et Propheta, *Quoniam ego*, inquit, *vobiscum sum, dicit Dominus*. Et, *Spiritus meus stat in medio vestri*. Eum vero qui ubique est, qui Deo præfens est, cuius esse naturæ credere oportet? Utrum omnia complectentis, an particularibus arctatæ locis? Qualem esse naturam Angelorum Dei Filius demonstravit. Verum hoc nequaquam dicturus es. Igitur qui natura Dominus est, qui magnitudine incomprehensus, qui potens in operationibus, qui bonus in beneficiis, hunc non efferemus, non glorificabimus?

CAPUT XXIII.

*Spiritus glorificationem esse enumerationem eorum
qua illi adsunt.*

Ego vero nihil aliud intelligo gloriam, quam commemorationem mirabilium quæ illi adsunt. Itaque aut isti interdicerent nobis, ne prorsus mentionem faciamus bonorum quæ ab illo accepimus, aut omnino ea quæ illi adsunt commemorasse, est summam glorificationem implevisse. Nam ne Patrem quidem Domini nostri *Jesu Christi*, & unigenitum illius filium aliter glorificare possumus, quam pro virili nostra illius prodigia recensendo.

CAPUT XXIV.

Redargutio absurditatis eorum qui non glorificant Spiritum, ex collatione eorum qua in creaturis gloriosa sunt.

ITANE gloria & honore coronabitur plebejus homo. Et gloria, & honor, & pax homini facienti bonum in promissis reposita sunt. (Est autem peculiaris *Israelitici* populi gloria, quorum, inquit, est adoptio, & gloria, & cultura. Et suam ipsius gloriam quandam commemorat Psalmorum cantor, *Exsurge gloria mea*. Et *Psalmus* rursus, Gloria Solis, Lunæ, & Stellarum. Juxta *Apostolum* 16. stolus vero administratio iudicii fiet cum gloria.) Itaque cum tam multa sint quæ gloria potiuntur, vis Spiritum unum ex omnibus inglorium esse? Et tamen ministratio, 2 *Cor.* inquit, *Spiritus est in gloria*. Qua igitur fronte facitis illum indignum gloria? Et magna est gloria iusti, juxta *Psalmum* 17. Magna est gloria ejus in salutari tuo. Et *Psalmus* rursus, *Timentes autem Dominum glorificabit*. At gloria Spiritus juxta tuam opinionem nulla est. An non igitur evidens periculum est, talibus dictis inevitabile crimen in sese accerere? Verum homo qui salvus fit per iustitiam operum, plurimum absit ab eo, ut Spiritum debita gloria fraudet. Sit, inquit, glorificandus, at non cum Patre & Filio. Et qui consentaneum est rationi, alium locum imaginatione designare Spiritui, eo relicto quem statuit Dominus: & gloriæ consortio spoliare, eum qui ubique conjunctus est Divinitati, in professione fidei, in baptismate redemptionis, in operatione virtutum, in inhabitatione sanctorum, in donis ad obedientiam conferentibus. Neque enim est ullum donum absque sancto Spiritu ad creaturam perveniens, quando nec simplex verbum in *Christi* laudibus quis possit dicere, nisi cooperante Spiritu; quemadmodum in Evangeliiis a Domino & Salvatore nostro didicimus. Esse qui hæc omnia neglexerint, & ignorata communionem quæ est in omnibus Patri & Filio, distrahant Spiritum, nescio an quisquam sancti Spiritus particeps conficturus sit. In quem igitur ordinem illum deportabimus? Creaturarum? At universa creatura servit. Spiritus autem liber est. *Ubi Spiritus Domini, ibi libertas*. Atque cum multa sint quæ possim hîc commemorare, quam non conveniat Spiritum sanctum annumerare rebus creatis, de his dicere superfedebam. Nam si incipiam pro argumenti dignitate, & quæ pro nobis faciunt, probationes adducere, & quæ ab adversariis obijciuntur diluere, prolixo sermone fuerit opus, loquacitateque voluminis deterruero lectores. Eoque illis alteri tractatui reservatis, propositis adhæreamus. Consideremus igitur singulatim. Natura bonus est Spiritus, ut bonus Pater, & bonus Filius. Creatura vero per electionem ejus qui bonus est, particeps est bonitatis. Novit profunda Dei: sed creatura, per Spiritum accipit arcanorum relevationem. Vivificat una cum Deo qui vivificat omnia, cumque Filio qui dat vitam. *Qui enim excisavit*, inquit, *Christum a mortuis, vivificabit & mortalia corpora vestra, per ipsius Spiritum qui habitat in vobis*. Atque iterum, *Oves meæ vocem meam audiunt, & ego vitam æternam do illis*. Sed Spiritus quoque vivificat. Ac rursus, *Spiritus autem*, inquit, *vita per iustitiam*. Quin & Dominus testatur Spiritum esse vivificum. *Caro non prodest quicquam*. Quomodo igitur cum a vivificandi potentia submoventes naturæ conjungemus, quæ ipsa vita egeat? Quis adeo contentiosus, quis adeo expers doni cœlestis, & absque gustu bonorum Dei verborum? Quis adeo a spe cœlestium alienus, ut Spiritum creaturæ copulet a divina natura distractum? In nobis, inquit, Spiritus est tanquam donum Dei. At donum nequaquam iisdem honoribus afficitur, quibus is qui dedit. Donum quidem Dei Spiritus est, sed donum vitæ. Lex enim dicit: Spiritus vitæ liberavit te. Et donum potentiae: *Accipietis virtutem Spiritus sancti supervenientis in vos*. An ob id contemnendus est? An non & Filium Pater dedit hominibus? *Qui*, inquit, *proprio Filio non pepercit, sed pro nobis omnibus tradidit illum, quomodo non una cum eo omnia nobis donabit?* Et alibi, *Ut sciamus quæ a Deo nobis donata sunt*: de mysterio assumpti hominis loquens. Itaque Tom. VIII. Kk 3 qui

qui ista loquuntur, an non *Judaicam* ingratitudinem amentiamque superarunt, qui excellentiam divinæ bonitatis vertunt in insultum blasphemiae. Accusant enim Spiritum, quod nobis dat fiduciam Deum appellandi patrem nostrum. *Emisit enim Deus Spiritum Filii sui in corda nostra clamentem, Abba pater*, ut Spiritus vox propria fiat eorum qui acceperunt.

CAPUT XXV.

Quod Scriptura hac syllaba In, pro Cum, usa sit: ubi & In, idem pollere quod Cum.

Psal.
104.

QUI fit igitur, inquit, ut Scriptura nequaquam tradat Spiritum glorificari cum Patre & Filio, sed studiose vitet ne dicat, *cum Spiritu*. Sed maluit eum glorificari *in Deo*: quasi hoc judicaret congruentius. At ego nequaquam dixerim hanc syllabam *In*, significare sensum minus honorificum, imo potius si sane accipiat, ad maximam Spiritus celsitudinem erigere mentem, quandoquidem observavimus hanc frequenter usurpari pro *Cum*. Quod genus est illud, *Ingrederis domum tuam, in holocaustis*: pro eo quod erat, *cum holocaustis*. Et, *Eduxit eos in argenteo & auro*. Idem illud, *Egreditur Deus in virtutibus nostris*, aliaque hujus generis innumerabilia. Omnino lubens ab ista nova sapientia didicero, qualem glorificationem Apostolus absolverit per hanc dictionem *In*, juxta formam quam isti nunc e Scriptura proferunt. Nequaquam enim invenimus dictum, *Tibi Patri honor & gloria per unigenitum tuum in Spiritu sancto*. Qui sermo modo istis usitator est ipsa, ut ita loquar, respiratione. Horum enim singula separatim invenire licet, conjunctim posita in tali ordine nequaquam poterunt ostendere. Itaque si exacte urgent ea quæ in Scripturis habentur, ostendant unde ista dicant. Quod si concedunt consuetudini, ne nobis facestant negotium. Nos enim ambas dictiones, e fidelium usu mutuati, ambabus utimur: glorificationem quidem ex æquo per utramque impleri persuasi, eis vero qui depravant veritatem magis obturari os credimus proposita dictione, quæ cum vim habeat Scripturis congruentem, non est amplius ad contraria accommodabilis. Est autem hæc, cui nunc ab istis contradicatur, quæ pro *Et*, conjunctione sumitur. Nihil enim refert utrum dicas, *Paulus & Silvanus, & Timotheus*, an *Paulus cum Timotheo & Silvano*. Nominum enim connexio, utraque pronuntiatione similiter servatur. Itaque si cum Dominus dixerit: *Patrem & Filium & sanctum Spiritum*: ipse dicam, *Patrem & Filium cum Spiritu sancto*: nihil diversum dixerō, quod ad sententiæ vim attinet. Porro per præpositionem connecti nomina, multis argumentis probari potest. *Gratia*, inquit, *Domini nostri Jesu Christi, & caritas Dei, & communio Spiritus sancti*. Ac rursum, *Obsecro vos fratres per Dominum nostrum Jesum Christum, & per caritatem Spiritus*. Itaque si pro conjunctione *Et*, voluerimus uti præpositione *Cum*, quid differentiae fecerimus? Ego sane non video, nisi quis juxta frigidam Grammaticen, conjunctionem tanquam copulativam, ac majoris unionis declarativam præferens, præpositionem rejiciat, quasi non obtineat parem vim. Sed si hæcenus de his esset nobis controversia, haudquaquam multis verbis opus esset nobis ad respondendum. Nunc vero neque de syllabis, neque de hoc aut illo dictionis sono disputant, sed de rebus juxta vim ac veritatem maximo inter se discrimine dissidentibus. In quibus cum indifferens sit syllabarum usus, isti has quidem, ut in Scripturis repertas inducere, illas vero ab Ecclesia submovere moluntur. Ego vero tamen si primo statim auditu evidens sit utendi libertas, attamen etiam rationem reddam, juxta quam Patres nostri non otiose simul amplexi sint & hujus propositionis usum. Nam præterquam quod hæc syllaba *Et*, idem valens refellit *Sabellii* malitiam, & similiter atque illa Personarum proprietatem declarat, velut, *Ego & Pater venimus, Ego & Pater unum sumus*: eximium habet sempiternæ communionis, & cum Deo conjunctionis testimonium. Nam qui dixit, cum Patre Filium esse, simul & Personarum proprietatem & inseparabile consortium expressit. Quod idem fit in rebus humanis, in quibus *Et*, conjunctio, declarat

operationis consortium: at præpositio *Cum*, significat etiam communionem. Quod genus est, *Navigarunt in Macedoniam Paulus & Timotheus, sed & Tychicus & Onesimus missi sunt Colossensibus*. Ex his discimus illos rem eandem fecisse. Cæterum si audierimus, *connavigarunt, & collega missi sunt*, etiam illud addiscimus, eos actionem pariter operatos esse. Ita *Sabellii* errorem destruens hæc vox, ut non alia æque, addidit illis & diverso impietatis genere insipientes. De his loquor, qui temporalibus intervallis Filium a Patre, & Spiritum sanctum a Filio distrahunt. Cui sensui maxime repugnat syllaba *Cum*, eo quod *Cum*, conjunctionem inter se communicantium exprimit, velut simul navigantium & simul inhabitantium, aut quidvis aliud communiter perficientium. At præpositio *in*, declarat relationem ad id in quo sunt operantes. Siquidem cum audimus *Innavigant*, aut *Inhabitanti*, protinus cogitamus scapham, aut domum. Itaque juxta communem usum harum syllabarum talis est inter ipsas differentia, aut si quid amplius inveniri possit a studiosis. Neque enim mihi vacat de ratione syllabarum exquirere. Quoniam igitur demonstratum est præpositionem *cum*, significatissime reddere conjunctionis intelligentiam, sit vobis si videtur foederata, ac desistente atrox, & indenuntiatum bellum cum illa gerere. Attamen quanquam ea vox adeo boni ominis est, si cui cordi est per syllabam *&*, glorificando connectere nomina, sicut in Euangelis de baptismo didicimus, *Patrem & Filium & Spiritum sanctum*, ita fiat, nemo contradicturus est. Hac conditione deponamus arma. Sed isti citius abjecerint linguas, quam hanc vocem recipiant. Hoc igitur est, quod nobis indenuntiatum & irreconciliabile bellum excitat. *In Spiritu*, inquit, *sancto, danda est gloria Deo*, non ipsi Spiritui: ac mordicus hanc vocem *in*, velut humilem addunt Spiritui. De qua non inutile fuerit prolixius dicere. Quæ cum audierint isti, demirabor si non eam proditricem, & ad Spiritus gloriam ultro transfugam pronunciarint.

CAPUT XXVI.

Quot modis dicitur In, totidem modis de Spiritu accipi.

MIHI consideranti cum simplex ac brevis sit hujus syllabæ pronuntiatio, tamen varia videntur quæ per eam significantur. Quot enim modis dicitur *in*, totidem modis invenimus eam de Spiritu conceptibus subservire. Nam forma dicitur esse in materia, & potentia in eo quod est alicujus formæ capax, & habitus in eo qui secundum illum affectus est, aliaque hujus generis multa. Itaque quatenus Spiritus sanctus vim habet perficiendi creaturam rationalem, absolvens illius fastigium, formæ rationem obtinet. Nam qui jam non vivit secundum carnem, sed Spiritu Dei agitur, & Filius Dei nominatur, & conformis imagini Filii Dei factus est, spiritualis dicitur. Et sicut cernendi vis est in oculo sano, sic & operatio Spiritus in anima purgata. Eoque *Paulus* optat *Ephesii*, ut oculos habeant illuminatos in spiritu sapientiæ. Et quemadmodum ars est in eo qui nactus est illam, ita gratia Spiritus in eo qui recepit, semper quidem præsens, at non perpetuo operans. Nam & ars, potentia quidem est in artifice: actu vero tum, cum secundum illam operatur: itidem Spiritus, semper quidem adest dignis, sed operatur in illis juxta utilitatem, aut in prophetiis, aut in sanationibus, aut in aliis miraculorum operationibus. Præterea sicut in corporibus est sanitas, aut calor, aut in genere affectiones facile mobiles: sic & in anima frequenter est Spiritus, iis qui mente sunt instabili, ac facile quam acceperant gratiam expellunt: qualis erat *Saul*, & septuaginta seniores filiorum *Israel*, præter *Eldad & Modad*: apud hos enim solos apparet mansisse Spiritum sanctum: & in genere, si quis est istis animi proposito consimilis. Item quemadmodum verbum est in animo, interdum ut in corde cogitatum? interdum ut lingua prolutum, sic est & Spiritus sanctus vel cum testimonium præbet spiritui nostro, vel cum clamat in cordibus nostris *Abba pater*, vel cum loquitur pro nobis, juxta id quod dictum est, *Non vos estis*.

estis qui loquimini, sed Spiritus Patris vestri qui loquitur in vobis. Jam quemadmodum totum est in partibus, intelligitur & Spiritus esse in aliquo, juxta donorum distributionem. Omnes enim invicem sumus membra, sed habentes dona secundum gratiam Dei quæ data est nobis diversa. Eapropter non potest dicere oculus manui, non opus habere te, aut rursus caput pedibus, non est mihi vobis opus. Sed omnia simul implent corpus Christi in unitate Spiritus, necessariam autem utilitatem sibi invicem reddunt, ex donis. Deus posuit membra in corpore unumquodque ut voluit. Membra eandem habent pro se mutuo sollicitudinem, juxta spirituales communionem sensus qui ipsis communiter adest. Eoque si affligitur unum membrum, similiter affliguntur omnia membra. Sive glorificatur unum membrum, simul gaudent omnia membra. Rursus quemadmodum partes sunt in toto, ita singuli sumus in Spiritu, eo quod omnes in uno corpore in unum Spiritum baptizati sumus. Porro quod dictum mirum videbitur, nihilo tamen minus verum est, etiam veluti locus eorum qui sanctificantur, sæpenumero dicitur Spiritus. Ostenditur nec hic sermo diminueret Spiritum, sed glorificare potius. Nomina corporalia etiam ad spirituales intellectus, evidentæ gratia frequenter transfert sermo divinus. Observavimus igitur & Psalmum de Deo loquentem, *Esto mihi in Deum protectorem, & in locum munitionis, ut salvum me facias.* De Spiritu vero, *Ecce locus,* inquit, *apud me est, sicut super petram:* quid aliud sentiens locum, quam visionem in Spiritu, in qua cum esset Moyses, potuit videre Deum evidenter ipsi apparentem. Hic est locus veræ adorationis sempiternus. *Attende,* inquit, *ne offeras holocausta tuum in quovis loco, sed in loco quemcumque elegerit Dominus Deus tuus.* Quod igitur est holocausta spirituale? Sacrificium laudis. Quo in loco hoc offeremus? In Spiritu sancto. Ubi hoc didicimus? Ab ipso Domino, dicente, *Veri adoratores adorabunt Patrem in spiritu & veritate.* Hunc locum cum vidisset Jacob, dixit, *Dominus est in loco hoc.* Itaque Spiritus vere locus est sanctorum. Sanctus item & domicilium dicitur, Spiritui seipsum præbens ad inhabitandum, & templum ejus appellatur. Sicut enim in Christo loquitur Paulus, *Coram Deo,* inquit, *in Christo loquimur:* ita Christus in Paulo, velut ait ipse, *An experimentum queritis qui loquitur in me Christi.* Sic & in Spiritu loquitur mysteria. Ac Spiritus rursus loquitur in eo. In rebus ergo conditis ad hunc modum, multifariam variisque rationibus dicitur Spiritus inesse. Cæterum magis pium est, dicere eum esse cum Patre, quam inesse Patri. Nam gratia ab eo manans habitante in iis qui digni sunt, ac suas operationes in illis exferente, recte dicitur inesse iis qui sunt illius capaces. At illius subsistentia quæ fuit ante secula, nec unquam desitura permanentia cum Filio & Patre considerata, sempiternæ potentiae & conjunctionis requirit appellationes. Proprie siquidem ac vere coesse dicitur, de iis quæ sibi invicem inseparabiliter adsunt, Ut calorem ferro ignito inesse dicimus, & una simul cum ipso igni inesse. Item corpori sanitatem inesse dicimus, vitam autem simul cum anima esse. Ergo ubi peculiaris & connaturalis atque inseparabilis communio est, significantior vox est, quæ inseparabilis confortii cogitationem suggerit intellectui. Contra, ubi intelligitur accidere cuiuspiam ab illo gratia quæ & decedere possit, similiter & hic proprie vereque inesse dicitur, etiam si in iis qui receperunt, sæpenumero propter affectus in bono perseverantiam gratia illius permaneat. Proinde quoties peculiarem Spiritus dignitatem intelligimus, cum Patre & Filio ipsum esse contemplamur. Ubi vero gratiam in iis qui Spiritus participes sunt sentimus, in nobis esse Spiritum dicimus. Et quæ a nobis deferretur glorificatio Spiritu, non habet professionem dignitatis illius, sed nostræ ipsorum imbecillitatis confessionem, dum ostendimus, quod nec idonei sumus a nobis ipsis glorificare, sed sufficientia nostra est in Spiritu sancto, in quo corroborati, pro beneficiis acceptis Deo nostro gratias absolvimus, juxta quod a malitia purgati sumus. Alius enim alio plus, aut minus, auxilio Spiritus adjuvamus ad offerendum hostias laudis Deo. Hoc pacto juxta communem

A modum pie gratiarum actionem Spiritui persolvimus. At sane illud nequaquam levis est momenti, ut aliquis de seipso testificetur, dicatque, Spiritus Dei est in me, & per gratiam illius sapiens factus, refero gloriam. Nam hæc vox Paulum decet, *Videor & mihi Spiritum Dei habere.* Et rursus, *Egregium depositum serva per Spiritum sanctum qui habitat in nobis.* Item de Daniele legimus, quod Spiritus Dei sanctus fuerit in eo. Et si quis illis adsimilis sit virtute. Alter autem intellectus est, nec ipse rejiciendus, quod sicut in Filio videtur Pater, sic Filius videtur in Spiritu. Itaque adoratio quæ fit in Spiritu, animis nostris velut in lucem adductis vim suam suggerit, ut discere licet ex his quæ Samaritana dicta sunt. Dominus enim adorationem, quæ juxta regionis illius consuetudinem erat usitata, sua doctrina abrogans, *In spiritu,* inquit, *& veritate oportet adorare:* nimirum seipsum appellans veritatem. Quemadmodum igitur in Filio dicimus adorationem, velut in imagine Dei ac Patris: sic & in Spiritu dicitur, tanquam in seipso Domini divinitatem exprimente: unde & in adoratione inseparabilis est a Patre & Filio Spiritus sanctus, eo quod si sis extra illum, nullo pacto sis adoraturus: contra, in illo si fueris, nullo loco sejungeris a Deo, nihilo profecto magis quam lumen separabis ab his quæ visui patent. Impossibile siquidem est cernere imaginem Dei invisibilis, nisi in lumine Spiritus. Etenim qui inugetur imaginem, hunc impossibile est lumen ab imagine separare. Quod enim ut videas in causa est, id necesse est, ut simul cum his quæ cernuntur, videatur. Itaque proprie & congruenter per illuminationem Spiritus videtur splendor gloriæ Dei. Per characterem autem ad eum cujus est character, & ejusdem figuræ signum subvehimur.

CAPUT XXVII.

Unde initium habeat syllaba Cum, & quam vim habeat, ubi & de Ecclesia legibus nullo scripto proditis.

Q UAM ob causam, inquiunt, cum proprie conveniat hæc syllaba *In*, Spiritui: ac nobis ad exprimendum quemvis de Spiritu intellectum sufficiat, vos novam istam syllabam induxistis, qui dicitis, *Cum Spiritu*, non, *In Spiritu sancto*, alioqui nec necessariis, nec ab Ecclesia probatis vocibus utentes? Quod igitur hæc syllaba *In*, Spiritui sancto non in sortem proprie cessit, sed Patris Filiique communis est, in superioribus dictum est. Arbitror autem & illud satis demonstratum, quod *In*, non solum nihil detrahit dignitati Spiritus, verum etiam ad summam celsitudinem erigit cogitationes eorum qui non prorsus mente corrupti sunt. Superest autem differere de syllaba *Cum*, unde coeperit, & quam vim habeat, & quatenus Scripturæ concordet. Dogmata quæ in Ecclesia prædicantur, quædam habemus e doctrina scripto prodita, quædam rursus ex Apostolorum traditione, in mysterio, id est, in occulto tradita recepimus. Quorum utraque parem vim habent ad pietatem, nec his quisquam contradicit, quisque sane vel tenuiter expertus est, quæ sint jura Ecclesiastica. Nam si consuetudines quæ scripto proditæ non sunt, tanquam haud multum habentes momenti conemur rejicere, imprudentes & ea damnabimus quæ in Evangelio necessaria ad salutem habentur, imo potius ipsam fidei prædicationem ad nudum nomen contrahemus. Quod genus est, ut ejus quod primum est & vulgatissimum primo loco commemorem: ut signo crucis eos qui spem collocant in Christum signemus, quis scripto docuit: Ut ad Orientem versi precemur, quæ nos docuit Scriptura? Invocationis verba cum ostenditur panis Eucharistiæ & poculum benedictionis, quis sanctorum in scripto nobis reliquit? Nec enim his contenti sumus, quæ commemorat Apostolus aut Evangelium, verum alia quoque & ante & post dicimus, tanquam multum habentia momenti ad mysterium, quæ ex traditione citra scriptum accepimus. Consecramus autem aquam baptismatis, & oleum unctionis, præterea ipsum qui baptismum accipit, ex quibus scriptis? Nonne a tacita secretaque traditione? Ipsam porro olei unctionem, quis sermo scripto proditus docuit? Jam ter immergi hominem, unde est tra-

traditum? Reliqua item quæ sunt in baptismo, veluti renuntiare Satanæ & Angelis ejus, ex qua scriptura habemus? Nonne ex privata & arcana hac traditione? Non ex doctrina, quam patres nostri in silentio, quod curiosos & otiosos submovet, servarunt? Pulchre quidem illi nimirum docti arcanorum venerationem silentio conservari. Nam quæ nec intueri fas est non initiatis, qui conveniebat horum doctrinam publicitus circumferri scripto? Aut quid tandem sibi voluit magnus ille *Moses*, qui non omnia quæ erant in Templo passus sit omnibus esse pervia, sed profanos extra sacros cancellos statuit. Sed priora atria purioribus permittens, *Levitas* solos dignos censuit Numinis ministerio: mactationes autem & holocaustorum oblationes, reliquumque ministerium Sacerdotibus assignavit: atque unum ex omnibus selectum in adyta recepit: ac ne id quidem semper, sed uno tantum die quotannis: rursus & hujus diei certam horam qua fas esset ingredi, præstituit, quo propter novitatem & insuetudinem, cum stupore intuerentur sancta sanctorum: probe sciens pro sua sapientia, res usu tritas & undecunque parabiles, expositas esse contemptui: cæterum ei quod sepositum est, quodque rarum est, huic natura conjunctam esse summam admirationem ac studium. Ad eundem profecto modum, & qui in primordiis Ecclesiæ certos ritus præscripserunt, Apostoli & patres, in occulto silentioque mysteriis suam servare dignitatem. Neque enim omnino mysterium est, quod ad populares ac vulgares aures effertur. Hæc est ratio cur quædam citra scriptum tradita sunt, ne dogmatum cognitio propter assuetudinem vulgo veniret in contemptum. Aliud autem est dogma, aliud edictum. Nam dogmata silentur, edicta vero publicantur. Est autem silentii species etiam obscuritas qua utitur Scriptura, mentem ad contemplationem dogmatum inhabilem exercens, idque ad utilitatem in Scripturis versantium. Hanc ob causam omnes spectamus ad orientem cum precamur. Pauci tamen novimus, quod id facientes antiquam requirimus patriam, videlicet paradisum, quem conferuit Deus in *Eden* ad orientem. At in prima sabbati erecti perficimus deprecationes, sed rationem non omnes novimus. Non solum enim quod veluti simul cum *Christo* resuscitati, quæ sursum sunt quærere debeamus, in die resurrectionis datæ nobis gratiæ stando precantes nosmetipsos commonefacimus, sed quod is dies videatur aliquo modo imago venturi seculi. Eoque cum sit principium dierum, non *primus*, a *Mose*, sed *unus* appellatus est. *Facta est*, inquit, *vespere & mane dies unus*: tanquam qui sæpe recurrat, ut unus sit idem & octavus, unum illum singularem ac verum octavum, cujus Psalmista alicubi in Psalmis meminit, per se significans, diem inquam post horum temporum statum nunquam finiendum, ac vespere nescium, nec successorii cedentem, hoc est, æternitatem, quæ nec finem habet, nec senium novit. Necessarium igitur in hoc die Ecclesia suos alumnos docet, stantes absolvere preces suas, ut assidua commonitione vitæ illius nunquam desituri, non negligamus ad eam demigrationem parare viaticum. Quin & totum tempus usque ad Pentecosten, admonitio est resurrectionis quam in illo seculo expectamus. Nam unus ille, & primus dies septies multiplicatus, septem sacræ Pentecostes hebdomadas absolvit. A primo enim incipiens, in principium definit, per similes qui in medio intercedunt dies quinquages evoluit. Unde & æternitatem similitudine refert, dum velut in motu circulari, ab eodem orsus signis in eadem definit. In quo corporis erecto habitu precari potius nos Ecclesiæ ritus docuerunt, nimirum per evidentem commonitionem quasi transferentes mentem nostram a præsentibus ad futura. Insuper & quoties genua flectimus, & rursus erigimur, ipso facto ostendimus, quod ob peccatum in terram delapsi sumus, & per humanitatem ejus qui creavit nos, in cælum revocati sumus. Deficiet me dies, si Ecclesiæ mysteria citra scriptum tradita pergā recensere. Omitto cætera, ipsam fidei professionem, qua credimus in Patrem & Filium & Spiritum sanctum, e quibus habemus scriptis? Etenim si quoniam ex baptismi traditione, juxta pietatis congruentiam, ut baptizamur, ita credere de-

bemus, similem baptismi professionem exhibemus: concedant nobis, ut juxta eandem consequentiam similiter glorificemus Deum ut credimus. Quod si glorificandi modum, veluti scripto non traditum rejiciunt, proferant nobis & fidei professionis & cæterorum quæ commemoramus probationem e Scripturis. Et postea, cum tam multa sint quæ scripto prodita non sunt, & tantum habent momenti ad pietatis mysterium, unicam dictiunculam quæ a majoribus ad nos devenit, non concedunt: quam nos ex inaffectata consuetudine, inter incommutabiles Ecclesiarum ritus permanentem invenimus, haud mediocrem rationem habentem, neque mediocrem perfectionem ad mysterii vim adferentem. Dictum est igitur eandem esse vim utriusque proloquii. Dicetur autem & rursus ubi concordent inter sese, ubi differant: non quod inter se pugnent per contrarietatem, sed quod utraque peculiarem adferat intellectum ad pietatem. Siquidem præpositio *In* magis denotat Dei societatem nobiscum: at præpositio *Cum*, exprimit communionem Spiritus cum Deo. Eoque vocibus ambabus sumus, altera quidem dignitatem Spiritus exprimentes, altera gratiam quæ nobis ab illo est, declarantes. Ita *in Spiritu* & gloriam offerimus Deo, etiam *cum Spiritu*, nihil ex vobis dicentes, sed velut e regula Dominicæ doctrinæ, ad ea quæ juncta sunt, sibi que invicem coherant, ac mysteriis necessariam unionem habent, dictionem transferentes. Nam quod in baptismo connumeratum est, necessario indicamus & in fide oportere copulari. Professionem autem fidei, velut initium quoddam glorificationis fecimus. Sed quid faciendum est? Nunc enim doceant nos, ne baptizemus quemadmodum accepimus, aut ne glorificemus quemadmodum credimus. Demonstrat aliquis, aut non esse necessariam & indivulsam horum inter se consequentiam, aut in hisce novitatem non esse totius destructionem. At non desunt isti sursum deorsum jactare, Dei cum sancto Spiritu glorificationem carere testimonio, carere Scriptura, & alia hujusmodi. Dictum est igitur nihil referre ad sensum sive dicas *Gloria Patri & Filio cum Spiritu sancto*, sive dicas *Gloria Patri & Filio & Spiritui sancto*. Non igitur fas est cuiquam syllabam, *Et*, ex ore Domini profectam rejicere, aut aliter scribere: nec quicquam vetat alteram quæ idem pollet, recipere: quæ quomodo cum illa vel conveniat vel discrepet, superius demonstravimus. Confirmat autem rationem nobis Apostolus indifferenter utraque voce usus, interdum ita loquens, *In nomine Domini Jesu Christi*, & *in Spiritu Dei nostri*: & rursus, *Congregatis vobis & meo spiritu cum virtute Domini nostri Jesu*: nihil interesse ratus ad nominum conjunctionem, sive utaris conjunctione, sive præpositione.

CAPUT XXVIII.

Quod quæ de hominibus dicit Scriptura tanquam una cum Christo regnantibus, eadem de Spiritu dici non concedant adversarii.

VIDEAMUS si quam excusationem patribus nostris super hujusmodi usu possimus excogitare. Nam qui nobis ita loquendi fuerunt auctores, magis quam nos hærent in crimine. *Paulus* igitur *Colossensibus* scribens: *Et vos*, inquit, *cum essetis mortui delictis ac praputis, vivificavit simul cum Christo*. Num igitur toti populo & Ecclesiæ donavit Deus vitam, quæ est *cum Christo*, sancto autem Spiritui non est vita *cum Christo*? Quod si istud vel animo concipere impium est, an non pium est professionem ut natura conjuncta est, ita conjunctim persolvere? Ad hæc, an non extremi stuporis est fateri sanctos esse *cum Christo*: siquidem *Paulus* peregrinans a corpore, præsens est apud Dominum, ac resolutus jam est *cum Christo*: istos vero ne id quidem Spiritui qui in eos venit tribuere, ut sic *cum Christo* sit, quemadmodum sunt homines. At *Paulus* seipsum *Dei cooperarium* appellat in administratione Evangelii. Sed Spiritum sanctum, per quem in omni creatura quæ sub cælo est fructificat Evangelium, si *cooperarium* appellemus, impietatis nos reos peragent? Et ut videtur, vita sperantium in Domino absconsa est *cum Christo* in Deo, cumque *Christus* apparuerit vita nostra, tunc & ipsi *cum eo* manifestabuntur in gloria: ipse autem Spiritus vitæ qui liberavit nos a lege

ge peccati, nequaquam est *cum Christo*, neque in vita latente & abscondita *cum illo*, neque in illustratione gloriæ, quam nos in sanctis patefaciendam expectamus. *Hæredes Dei*, & *coheredes Christi* nos sumus, Spiritus vero exhæres est & alienus a communione Dei & *Christi* ejus. Et ipse quidem Spiritus testimonium perhibet spiritui nostro, quod *simus filii Dei*. Nos vero Spiritui, ne ejus quidem societatis quam illi cum Deo esse a Domino didicimus, testimonium præbamus? Porro quod est amentiae caput, nos per fidem in *Christum* quæ est in Spiritu, confurrexissè cum illo, & simul cum illo seßuros esse in supercœlestibus speramus, cum transformaverit corpus humilitatis nostræ, ab animali ad spirituale: Spiritui vero non confessum, non gloriam, non aliud quicquam eorum quæ ab ipso habemus, impartimus? & quibus nos esse dignos, juxta donum ejus qui promisit haudquaquam vanum, credimus: horum nihil Spiritui, quasi superent illius dignitatem, concedimus. Et tibi quidem juxta dignitatem licet semper esse cum Domino: & expectas, ut raptus in nubibus in aërem, semper sis cum Domino: Spiritum autem nunc esse cum *Christo* negas, ut qui illum commemoret computetque Patri & Filio, in exilium agas, veluti qui impietatem non ferendam admiserit. Pudet reliqua adjungere, quod tu quidem expectas fore, ut cum *Christo* glorificeris: nam simul affligimur, ut simul glorificemur: Spiritum autem sanctificationis non glorifices simul cum *Christo*, ut pari saltem tecum honore digneris: & tu quidem speras te conregnaturum, Spiritum vero gratiæ afficis contumelia, servi famulique locum illi assignans. Atque hæc dico, non ut ostendam tantundem honoris deberi Spiritui in glorificatione, sed ut illorum dementiam redarguam, eorum qui ne hoc quidem illi concedunt, sed velut impietatem horrent, in gloria Spiritus consortium cum Patre & Filio. Quis potest hæc absque gemitu commemorare? An non adeo manifestum est, ut vel puer intelligat, hæc quæ nunc fiunt, esse procemia defecturæ fidei, id quod minatus est Dominus. Quibus contradici fas non erat, ea facta sunt ambigua. Credimus in Spiritum & nostris ipsorum professionibus repugnamus. Baptizamur, & rursus pugnamus. Ut vitæ primarium ducem invocamus, & ut conservum despiciamus. Cum Patre & Filio Spiritum accipimus, & cum ut creaturæ partem contemptui habemus. Quid autem orabunt isti, qui cum nesciant an aliquid magnificum vel loqui provocentur a Spiritu, tamen tanquam assequi possint dignitatis modum, quod in dictis nimium est, castigant, quos oportebat suam deplorare infirmitatem: quoniam pro his quæ facta accepimus, ne verbis quidem agere gratias sumus idonei. Excellit enim omnem intellectum, omnemque rationis naturam refellit, cum ne minima quidem ex parte Spiritus dignitatem adæquet: juxta sermonem libri, qui inscribitur Sapientia, *Excitate*, inquit, *quantumcunque potestis, superat enim adhuc, & exaltantes eam multiplicat*. Nolite laborare, non enim assequemini. Profecto metuendum est vobis, ne pro istiusmodi sermonibus horribiliter accusemini, qui a Deo mentiri nescio auditis, irremissibilem esse blasphemiam adversus Spiritum.

CAPUT XXIX.

Enumeratio eorum qui celebres in Ecclesia, in scriptis suis usi sunt hac voce Cum.

SANE contra id quod dicunt, præpositionem *Cum*, & carere testimonio, nec in Scripturis exstare, illud dicimus: si nihil aliud est receptum absque Scripturis, ne hoc quidem recipiatur: sin plurima arcana citra scriptum recepta sunt nobis, cum aliis pluribus & hoc recipiamus. Arbitror autem Apostolicum esse, etiam non scriptis traditionibus inhærere. Laudo, inquit, vos, quod omnia mea meministis, & quemadmodum tradidi vobis, traditiones obtinetis quas accepistis, sive per sermonem, sive per Epistolam. Quarum maxime una est, & hæc de qua nunc agimus, quam qui ab initio præscripserunt, tradideruntque posteris, usum semper simul cum tempore progrediente per longam consuetudinem Ecclesiis irradicarunt. Ergo si apud tribunal probationibus e scri-

pto destituti, multos vobis testes produceremus, nonne sententiam absolventem a vobis consequeremur? Ego quidem arbitror, *In ore siquidem duorum ac trium testium stabit omne verbum*. Quod si etiam temporis diuturnitas tem pro nobis facientem vobis evidenter ostenderimus, an non videbimur vobis probabilia dicere, non posse li-tem istam nobis intendi? Veneranda sunt enim vetusta dogmata, quod ob antiquitatem ceu caniciem quandam, habeant quiddam réverendum. Enumerabo itaque vobis hujus sermonis auctores. Simul autem æstimatur in eo quod tacetur, etiam tempus. Neque enim ex nobis primum coepit impetus. Qui potuit? nos quidem revera hesterni sumus, quemadmodum dicit *Job*; sane ad tam longum tempus hujus consuetudinis æquale. Ipse quidem, si quidem de me proprie loquendum est, vocem hanc tanquam hæreditatem paternam conservo, acceptam a viro multo temporis in servitio Dei versato, per quem & baptizatus sum, & Ecclesiæ ministerio admotus. Cæterum cum apud me reputo si quis veterum ac beatorum virorum, his quibus nunc reclamatur vocibus usus sit: multos reperio quibus antiquitas fidem conciliat, qui juxta exactam eruditionem, non juxta horum temporum homines, quorum alii præpositione, alii conjunctione in glorificatione sermonem copulant, statuerunt nihil referre, sane quod ad rectam attinet pietatis intelligentiam. *Irenæus* ille, & *Clemens Romanus*, & *Alexandrinus Dionysius*, id quod etiam auditu mirum est, in secunda ad sibi cognominem Epistola, de accusatione ac defensione, hunc in modum finit sermonem. Transcribam autem vobis ipsa hominis verba: *Hic*, inquit, *congruenter & nos, etiam forma regulæque a senioribus qui ante nos vixerunt, accepta, concordibus vocibus cum illis gratias agere, ac nunc etiam vobis scribere desinemus: Deo autem Patri & Filio Domino nostro Jesu Christo cum sancto Spiritu gloria & imperium in secula seculorum, amen*. At hæc nequaquam dicere posset aliquis a Scriptoribus esse mutata. Neque enim ita sermonem produxisset, formam ac regulam se a majoribus accepisse, dicens, Si in Spiritu dixisset, hujus enim usus creber est, at illud erat quod egebat excusatione. Qui quidem & in medio scripti, sic alicubi loquitur adversus *Sabellianos*: *Si eo quod tres sunt Persona, divisæ esse dicunt, tres sunt, etiam si nolint, aut divinum ternionem prorsus e medio tollant*. Ac rursus maxime divina propter hoc, post unitatem, est trinitas. Sed & *Clemens* antiquior, *Vivis*, inquit, *Deus & Dominus Jesus Christus & Spiritus sanctus*. *Irenæus* autem ille, qui vicinus fuit Apostolorum temporibus, quomodo mentionem Spiritus faciat, disputans adversus hæreses audiamus: *Eos vero, inquit, qui effrenes deferruntur ad suas concupiscentias, nullum habentes divini Spiritus desiderium, merito Apostolus carnales vocat*. Et alibi dicit idem, *Ne expertes facti divini Spiritus, frustremur regno celorum*. Inclamat *Apostolus*, quod caro non possit hæreditatem capere regni celorum. Quod si cui *Eusebius Palastinus* propter eruditionem variam idoneus videtur cui habeatur fides, & ex illo voces easdem ostendimus, in dubitationibus de præcorum multiplici conjugio: loquitur enim hunc in modum, exhortans seipsum ad verba Prophetarum: *Sanctum Deum lucis auctorem per Servatorem nostrum Jesum cum sancto Spiritu invocantes*. Jam vero & *Origenum* multis in locis expositionum quas in Psalmos edidit,prehendimus, cum sancto Spiritu gratias agentem Deo, virum qui non omnino fanas habet in omnibus de Spiritu opiniones: nihilominus & hic reveritus consuetudinis robur, pias voces emisit de Spiritu, qui quidem in sexto ni fallor Libro Enarrationum in Evangelium *Joannis*, etiam adorandum Spiritum evidenter pronunciat, ita scribens ad verbum: *Quoniam aqua lavacrum significat purgationem anima ab omnibus malitia sordibus abluta, nihilo tamen minus & per seipsum, ei qui seipsum præbet divinitati adoranda Trinitatis, per virtutem invocationum gratiarum principium ac fontem habet*. Ac rursus in Commentariis, quibus exponit Epistolam ad Romanos, *Sacra*, inquit, *virtutes capaces sunt unigeniti & sancti Spiritus Deitatis*. Ad hunc modum, opinor, traditionis vis sæpe compulit homines, etiam suis ipsorum dogmatibus contradicere. At nec *Africanum Historicum*, ta-

lis glorificandi forma præterit. Siquidem palam est in quinta de temporibus Epitoma, & ipsum ad hunc loqui modum: *Nos vero qui & illorum verborum mensuram didicimus, nec ignoramus fidei gratiam, gratias agimus ei, qui præbet nostris patribus, omnium Servatorem ac Dominum nostrum Jesum Christum, cui gloria, majestas, cum sancto Spiritu in secula.* At de cæteris fortassis dubitari possit, aut credi possint per intolerabilem audaciam a scribis immutata, cum in unica syllaba sit discrimen. Verum quæ pluribus verbis dicta citavimus, ea nec recipiunt insidiarum suspicionem, & ab ipsis libris paratum habent testimonium. Porro quod alioqui fortassis humiliter videbitur, quam ut in medium adducatur, sed ei tamen qui de novitate accusatur, necessarium ad testificandum temporis antiquitatem, hoc quoque nunc adjiciemus. Visum est patribus nostris, vespertini luminis gratiam haudquaquam silentio arripere, sed mox ut apparuit, agere gratias. Quis autem fuerit auctor illorum verborum, quæ dicuntur in gratiarum actione ad lucernas, dicere non possumus. Populus tamen antiquam profert vocem, neque cuiquam unquam visi sunt impietatem committere, qui dicunt, *Laudamus Patrem & Filium & Spiritum sanctum Dei.* Quod si quis etiam novit *Athenogenis* Hymnum, quem tanquam aggressorium discipulis suis reliquit, festinans jam ad perfectionem quæ fit per ignem, is novit & martyrum sententiam de Spiritu. Et hæc quidem hæcenus. Cæterum *Gregorium Magnum*, & illius voces quo loco ponam? An non cum Apostolis & Prophetis, virum qui eodem Spiritu quo illi versatus sit, quique sanctorum vestigiis per omnem vitam inhæserit, quique Evangelicæ conversationis vigorem quamdiu vixit præstiterit. Equidem illud dixerim, profecto injuria afficiemus veritatem, si non animam illam annumeremus iis qui Deo juncti sunt, qui velut insignis magnæque lucerna in Ecclesia Dei resplenduit, qui e Spiritu ope terrorem habuit adversus Dæmonum potestatem. Nam tantam acceperat gratiam ad obedientiam fidei inter Gentes, ut assumptis non plus septemdecim Christianis, universum populum, & urbanum, & rusticum, per agnitionem adjunxerit Deo. Ille & fluminum cursus in diversum vertit, præcipiens illis in magno nomine *Christi*, & paludem exsiccavit, belli causam præbentem fratribus avaris. Cæterum prædictiones de futuris ejusmodi sunt, ut nihilo sit inferior cæteris Prophetis. Sed omnino perlongum fuerit viri per censere miracula, qui propter donorum excellentiam quæ in ipso operabatur Spiritus, in omni virtute, signis ac prodigiis, ab ipsis etiam veritatibus hostibus alter *Moses* appellatus fuit. Intantum in illo in omnibus tum dictis tum factis, eorum quæ per gratiam peragebantur, veluti lumen refulsit, supercoelestis virtutis indicium quæ ex occulto affectabatur illum. Cujus in hodiernum quoque diem magna est apud ejus regionis homines admiratio, recensque ac semper vigens membra sic infixæ est Ecclesiæ, ut nullo tempore obsolescat. Itaque non factum aliquod, non dictum, non figuram ullam mysticam, ultra quam illis reliquit, Ecclesiæ adjecerunt. Imo hic multa in his quæ apud illos aguntur in ritibus videntur imperfecta, propter institutionis antiquitatem. Neque enim sustinebant qui in Ecclesiæ administrationem successerant, additamenta quæ post illum adinventæ sint recipere. Idem igitur fuit glorificationis modus, quem instituit *Gregorius*, & is cui nunc contradicitur, ex illius institutione Ecclesiæ observatus. Haud multum sit negotii, ei qui se paulum excitavit, super his certitudinem accipere. Hanc fidem & *Firmilianus* nostro fuisse, testantur illius Libri quos reliquit. Insuper & *Melesium* illum admirandum, in eadem fuisse sententia, narrant qui cum illo vixerunt. Sed quid opus est vetera commemorare? Imo nunc qui sunt Orientales, nonne hoc uno potissimum pie sentientes agnoscunt, hac voce veluti signo, suos ab alienis dijudicantes? Ut autem ego e quodam *Mesopotamio* audivi, viro & linguæ eruditæ & mentis integræ, ne licet quidem illis, etiam si velint, aliter sonare vocem eo loco receptam, sed necesse est illis, per voces idem cum hæc polentes, juxta quandam majorum proprietatem glorifi-

cationem offerre. Quin & *Cappadoces* sic juxta regionis morem loquimur, jam tum in linguarum divisione, dictionum usum providente Spiritu. Quid porro Occidens totus, propemodum ab *Illyrico* usque ad fines nostri orbis? Nonne per hanc vocem orat? Qui fit igitur, ut ego sim innovator, & recentiorum verborum architectus? cum totas nationes, civitates, & consuetudinem omni hominum memoria vetustiore, insuper & viros Ecclesiæ columnas, & omni scientia ac virtute Spiritus venerandos, duces & auctores hujus vocis exhibeam? Ob hæc adversus nos movetur hostilis acies, omnesque civitates, vici, & omnes extremi fines, pleni sunt nos calumniantium vocibus. Molesta quidem hæc ac lugenda cordibus quærentium pacem: verum quoniam est magna merces eorum, qui perseveranter pro fide sustinent afflictiones, præter hæc & gladius splendet, & securis acuatur, & ignis ardeat, *Babylonico* illo vehementius, & omnia suppliciorum instrumenta in nos moveantur. Quod ad me quidem attinet, nihil arbitror formidabilius, quam non formidare minas, quas Dominus in Spiritum blasphemias jacentibus intentavit. Igitur apud cordatos homines ad purgationem mei, sufficiunt hæc quæ dicta sunt, quod recipimus vocem adeo gratam & amicam sanctis, insuper & tam diutino usu comprobata, quæ ex quo tempore est annuntiata Evangelium usque ad præsens, demonstratur in Ecclesiis usitata fuisse, & quod est omnium maximum, quæ pium ac religiosum habet sensum. Cæterum apud magnum illud tribunal, quam nobis excusationem apparaverimus? Nimirum quod induxit nos ad gloriam Spiritus, primum honos illi habitus a Domino, in baptismo Spiritum adjungente sibi & Patri: præterea quod quisque nostrum per talem initiationem ad Dei cognitionem institutus est. Super omnia vero terror minarum, arcens omnem indignitatis & humilioris opinionis cogitationem. Adversarii porro quid tandem dicturi sunt? Quam blasphemiam excusationem adferent? qui neque honorem quem Dominus tribuit Spiritui, reveriti sunt, nec minis illius deteriti. Istis quidem liberum est de suo consultare negotio, aut etiam mutare consilium. Ipse vero optarim, primum ut Deus bonus det suam pacem vincentem in cordibus omnium, ut isti qui fremunt in nos, atrociterque conglomerati insurgunt, in spiritum lenitatis & caritatis, compescantur. Quod si prorsus sic efferati sunt, ut non possint mansuescere, certe det nobis illorum facta toleranter ferre. In summa, qui condemnationem mortis in sese habent, his molestum non est pro fide affligi, sed maxime intolerabile est in ea non certasse, quandoquidem athletic non perinde grave est in certamine plagas accipere, quam omnino non admitti in stadium. Aut fortassis hoc erat silendi tempus, juxta sapientem *Solomonem*; Nam quid prodest revera clamare adversus ventum, cum tempestas adeo violenta vitam occupet, a qua mens quælibet eorum, qui verbo initiati sunt, velut oculus pulverulentia quadam, ex errorum seductione, oppleta, confusa est: quælibet aures gravissimis & insolitis sonis obtunduntur, turbine vero circumaguntur omnia, suntque in periculo ruinæ.

CAPUT XXX.

Expositio præsentis Ecclesiarum status.

Cui igitur comparabimus præsentem statum? Profecto similis belli navali, quod ex multo odio, ex veteribus offensis inter ipsos per longum tempus alito, naumachi quipiam ac bellaces instituerunt. Nunc igitur in hac imagine mihi spectata terribilem utrinque concursum, mox ira jam eo erumpente ut sit immedicabilis, utramque partem simul prostratam confici. Pone si vis violento turbine circumagi classem, caliginemque densam e nubibus incumbere, adeoque obscurare rerum visibilium species, ut nulla sit amicorum & hostium discretio, propterea quod ob confusionem symbola militaria sint ignota. Hinc imagini propter evidentiam addamus etiam mare intumescere, atque ab imo subverti, rapidumque Aquilonem e nubibus deorsum erumpere, horribilemque procelum ingentibus fluctibus, quos tricymias vocant, exurgere: post hæc ventis undique con-

concurrentibus, totam classē inter se cum fragore colli-
 di: atque in conflictu, alios quidem veluti sui prodito-
 res ad ipsam desperationem ultro transfugere, alios cogi,
 ut pariter & scaphas impellant a ventis actas, & occur-
 rant irrumpentibus, seseque mutuo per seditionem truci-
 dent: quam seditionem partim jam ad extremum prove-
 cta invidia, partim quæ singulis adest vincendi cupiditas
 excitavit. Ad hæc cogita confusum quendam & indiscre-
 tum clamorem, per universum illud mare resonantem, par-
 tim e ventorum strepitu, partim e collisione navium, par-
 tim ex undarum impetu ferventium, partim ex vocifera-
 tione præliantium varias voces pro singulorum affectibus
 emitti, ut neque naucleri, neque gubernatoris vocem exau-
 diro liceat, sed prodigiosam quandam mixturam confusio-
 nemque incredibilem malorum, dum ob omnem vitæ
 spem ereptam, prorsus non timent peccare. Adjice iis-
 dem & immedicabilem quendam morbum, ac insanabi-
 lem præ gloriæ cupiditate insaniam, ut cum navis jam
 in fundum maris deferatur, tamen nautici duces primam
 assequendi laudem contentionem non remittant. Transi-
 jam ab imagine, ad ipsum mali archetypum. An non
 olim videbatur *Arianum* schisma, in adversariam Eccle-
 siæ Dei partem separatam in hostium acie ipsum per se
 solum obstitisse. Verum posteaquam e longa atrocique
 contentione, usque ad manifestum certamen in nos in-
 structi sunt, tum denique bellum in multas partes juxta
 modos innumerabiles dissectum est, ut partim ob publi-
 cam simultatem, partim ob peculiarem suspicionem
 omnibus odium irreconciliabile esset. Hæc vero tem-
 pestas Ecclesiarum, qua tandem marina procella non
 est atrocior? In qua ut tota patrum ditio commota
 fuit, ita omne fundamentum, & si quod dogmatum
 munimentum convulsū est. Volvuntur insuper &
 quassantur omnia, putri basi innitentia, alii ab aliis
 subvertimur. Et si te prior non percussit hostis, is
 qui auxiliatur, vulnerat. Quod si ille ceciderit ictus,
 comprotector insurgit. Tantum inter nos habemus so-
 cietatis, quantum communi odio adversarios prosequi-
 mur. Ubi porro præterierint hostes eos, jam videmus
 hostes inter ipsos esse mutuos. Hoc rerum statu quis
 enumerare possit naufragiorum multitudinem, vel eo-
 rum qui hostium impressione demerguntur, vel qui ex
 occultis sociorum insidiis occidunt, vel qui per impe-
 ritiam ducum pereunt, cum Ecclesiæ una cum ipsis
 hominibus hæreticorum dolis velut sub aqua latentibus
 scopulis illisæ, perditæ sint. Alii vero ex hostibus sa-
 lutiferi Spiritus, qui gubernacula occupant, circa
 fidem naufragium fecerint. Cæterum turbationes ab
 hujus mundi Principibus proficiscentes, an non quavis
 procella, quovis turbine horribilius subvertunt popu-
 los? Ecclesias vero caligo quædam adeo tristes ac mœ-
 sta occupat, videlicet luminaribus mundi, quæ Deus
 posuerat ad illuminandas populorum animas, domo
 profligatis. Porro, immodica jam inter ipsos vincendi
 contentio, cum jam immineat terror, minitans inter-
 necionem universi, adimit mali sensum. Nam privata
 simulas, plus est quam commune publicumque bel-
 lum, dum adversarios vincendi gloria, præfertur pu-
 blicæ omnium utilitati, quibus præfens temporariaque
 gloriæ voluptas, prior ac potior est, præmiis in po-
 sterum repositis. Eoque omnes pariter quocumque pos-
 sunt modo parricidiales manus sibi invicem adferunt.
 Acerbus autem quidam clamor eorum, qui per conten-
 tionem inter se disceptant, confusaque vociferatio, &
 indistinctus sonitus e nunquam silentibus tumultibus, to-
 tam prope jam Ecclesiam implevit, per excessus ac defe-
 ctus rectum pietatis dogma subvertentibus. Nam alii
 quidem ad *Judaismum*, ob personarum confusionem:
 alii contra, ad Paganismum per naturarum contrarieta-
 tem deferuntur: adeo ut nec divinitus inspirata Scriptu-
 ra inter illos sequestram agere possit, nec Apostolicæ
 traditiones illos inter se conciliare valeant. Sed unicus
 amicitiae finis, est ad gratiam loqui: ac sufficiens est
 inimicitiae causa, opinionibus dissentire. Porro, erro-

ris similitudo, res est quavis conjuratione fidelior ad se-
 ditionis societatem. Theologus vero quilibet est, etiam
 si maculis innumerabilibus conscientiam habeat notatam.
 Hinc rerum novatoribus multa copia simul adjuvantium
 seditionem. Itaque qui seipso suis elegere suffragiis,
 quique affectant principatum, ii Ecclesiarum præfectu-
 ras sortiuntur, repulsa sancti Spiritus administratione:
 jamque prorsus Evangelicis ritibus ob sublatum rerum
 ordinem confusis, ineffabilis est ad præfecturas irruptio
 eorum, quorum quisque se palam ingerit ad dignitates,
 vi depulsis cæteris. Itaque gravis quædam anarchia, ab
 hoc principatus amore populos invasit: unde irritæ sunt
 & otiosæ præfectorum exhortationes, dum nemo magis
 alteri auscultare, quam aliis imperare debere, ob fa-
 ctum ex inscitia conceptum existimat. Has ob res, file-
 re utilius judicavi, quam loqui, tanquam hominis vox
 per tantos tumultus exaudiri non possit. Nam si vera lo-
 quutus est Ecclesiasticus, *Verba sapientum in quiete audiri*:
 plurimum abest, ut in hoc statu rerum de his loqui conve-
 niat. Me vero etiam illud propheticum dictum reprimat,
Intelligens in tempore illo tacebis: eo quod tempus malum
 est, in quo alii quidem supplantant, alii vero insultant lapso,
 alii vero dominantur, cæterum qui lapso manum ex mise-
 ricordia porrigat, nullus est. Atqui juxta legem veterem,
 qui vel jumentum inimici sub onere collapsum præterie-
 rit, non caret damnatione. Sed non itidem fit hisce tem-
 poribus. Quinam fieret, quando refrigerata omnium
 caritate, sublata est fratrum conspiratio, concordia ve-
 ro etiam nomen ignoratur. Sublatæ sunt etiam etiam
 amicæ admonitiones. Nusquam viscera humana, nun-
 quam lachryma ex condolentia. Non est qui infirmum
 in fide suscipiat, sed tantum odium inter contribules ex-
 arsit, ut quisque magis proximi ruina, quam de propriis
 recte factis exsultet. Quemadmodum in contagiis pesti-
 lentiarum, etiam ii qui summa cura servant victus ratio-
 nem, tamen iisdem morbis quibus ægroti laborant, dum
 ob consuetudinem eorum, qui corrupti sunt, opplentur
 & ipsi. Itidem nunc omnes similes inter nos facti su-
 mus, a contentione, quæ nostros animos occupavit,
 ad malorum æmulationem redacti. Hinc implacabiles &
 amari sedent erratorum examinatores, iniqui vero &
 malevoli recte factorum judices, ac tantum, ut videtur,
 malum nobis insedit, ut etiam brutis facti simus brutio-
 res. Siquidem inter illa quæ sunt ejusdem generis in eo-
 dem armento pascunt: at nobis atrocissimum bellum
 est adversus domesticos. Itaque propter has omnes cau-
 sas silendum erat, sed in diversam partem retraxit cari-
 tas, non quærens quod ipsius est, ac vincere cupiens
 omnem temporum ac rerum difficultatem. Quin & pue-
 ri qui fuerunt in *Babylonia* docuerunt nos, etiam si nemo
 sit qui pietati suffragaretur, tamen per nos ipsos quod
 officii nostri est peragere, qui quidem ex incendio medio
 canebant hymnos Deo, haud reputantes multitudinem
 aspernantium veritatem, sed sibi invicem sufficientes,
 cum essent tres. Quapropter ne nos quidem deterruit
 hostium densissima turba, sed fixa spe in præsidio Spiri-
 tus, cum omni fiducia virtutem annuntiavimus. Alio-
 qui foret omnium miserrimum, eos qui convitiis inces-
 sunt Spiritum, tam facile ad impie loquendum audaciam
 sumere, nos vero qui talem habemus protectorem ac
 patronum, non audere sermonem suppeditare, qui ex
 majorem traditione perpetua memoriæ serie ad nos usque
 servatus fuit: magis tamen excitavit impetum nostrum,
 igneus caritatis tuæ non fictæ fervor, morumque tuo-
 rum gravitas, ac taciturnitas, quæ res spondebant fo-
 re, ut ea quæ dicturi essemus non prodirent in vulgus,
 non quod digna sint quæ coelentur, sed ne margaritæ
 projiciantur porcis. Et hæc quidem hæctenus. Quod si
 tibi de his satis dictum videtur, sit hic sermonis finis: sin
 minus, nulla invidia est, studiose assidentem inquisitio-
 ni, per interrogationem a contentione alienam aliquid
 addere cognitioni. Dabit autem Dominus per nos & per
 alios, eorum quæ desunt supplementationem, juxta scientiam
 quæ dignis subministratur a Spiritu.

F I N I S.

Tom. VIII.

L12

DE-

DESIDERIUS ERASMUS ROTERODAMUS
ORNATISSIMO VIRO, D. JOANNI CHOLERO,
P R Æ P O S I T O C U R I E N S I
S. D.



N E semper accipias a nobis Epistolas steriles atque aridiores, mittimus duas Homilias de laudibus jejunii, quod nunc magna ex parte sublatum e vita Christianorum & videmus & dolemus. Dices has ante fuisse versas: fateor, nimirum a Raphaële Volaterrano. Sed ob id ipsum hoc operæ sumpsi, quo declararem, quantum sit periculum quorumlibet versionis fidere, quantoque rectius sit ex ipsis haurire fontibus. Demiraberis ipse, scio, si utriusque nostrum translationem cum Græcis contuleris. Nam id ut cuiusvis in promptu sit, provisum est edito Græce Basilio. Posterior Homilia mihi non videtur Basilii, sed studiosi cujuspiam sese ad prioris emulationem exercentis. Equidem non pugnabo, si quis diversa sentiat, arbitror tamen eruditos, si propius admovent oculos, mæ sententiæ subscripserunt. Probo genus exercitationis, at eorum fucos non probo, qui nota ac degenerantia summorum virorum titulis obtrudunt orbi. Imposituram hanc & in Athanasii, & in eloquentissimi cujusque scriptis deprehendimus. Ab hac audacia saltem Basilii magni divinitas debuit absterre. Quanquam in hoc auctore parcius est peccatum. Adjecimus & Hieronem Xenophonticum, cui admoventur divitias & porridas, Bene vale. Datum apud Friburgum Brisgoix. Anno a Christo nato. M. D. XXXII.

H O M I L I A D I V I B A S I L I I
D E
L A U D I B U S J E J U N I I.
E R A S M O R O T E R O D A M O I N T E R P R E T E.

Psal.
80.



G LANGITE, inquit, in initiis mensium, buccina, in insigni die solennitatis vestra. Hæc quidem jussio est prophetica. At nobis festum quod reliquos antecellit dies, quavis tuba vocalius, & quovis instrumento musico significantius indicant recitata Scripturæ. Nam ex *Esai.* 1. *Esai*a didicimus jejuniis gratiam, qui ut *Judaicum* jejunandi modum detestatus est, ita verum jejunium nobis demonstravit: *Nolite ad contentiones ac lites jejungere, sed dissolve omne vinculum iniquitatis.* Et Dominus: *Nolite fieri tristes, sed lava faciem tuam.* Sic igitur animis affecti sumus, quemadmodum sumus edocti, ac dies instantes haudquaquam tristi animo, sed alacri affectu excipiamus, sic uti decet sanctos. Nemo dejectæ mentis coronatur, nemo mœrens trophæum statuit. Noli tristis esse dum curaris. Absurdum fuerit, si ob cibos subtractos contristemur, ac non potius super animæ sanitatē lætemur, sique videamur plus tribuere voluptati ventris, quam curæ mentis. Satietas enim in ventrem defert delectationem, sed jejunium in animam subvehit lucrum. Sis hilari animo, quod tibi a medico datum est pharmacum efficax abolendo peccato. Quemadmodum enim vermes qui in puerorum intestinis germinant, pharmacis quibusdam vehementer acerbis, & amaris excutuntur, ita peccatum in intimis secessibus habitans, exstinguit, enecatque simul atque in animam supervenerit jejunium, ob hoc ipsum suo dignum nomine, quod inedia purget animæ viscera. *Unge caput tuum, & faciem lava.* Ad reconditiorem sensum te vocat sermo Dei. Qui alios ungebat, unctus est, qui lavabat, ablatus est. Verba præcepti fac ad interna membra accommodes. Animam a peccatis ablue, unge caput unguento sancto, ut consortium habeas cum *Christo*, qui nomen habet ab unctione, atque ita demum accedit ad jejunium. *Noli obscurare faciem tuam more hypocritarum.* Obscuratur facies, cum internus affectus externa specie velut incrustamento inducto tegitur, ac mendacio, ceu velo obtento cœlatur. Siquidem hypocrita dicitur histrio, qui in theatro personam sustinet alienam, sæpe heri, cum sit servus: aut Regis cum sit privatus. Itidem in hac vita plerique vitam suam velut e proscenio ad ostentationem componunt, aliud in corde gerentes, aliud in spe-

A cie hominum oculis præ se ferentes. Noli igitur obscurare faciem. Qualises, talis appare, ne tempus transfigures in habitum tristem ac tetricum, hinc laudem ac gloriam aucupans, si videre sobrius ac temperans. Neque enim ulla utilitas benignitatis, cui tuba præcinit, neque fructus ulius jejunii, quod ad publicam sit ostentationem. Nam quæ geruntur ad præsentem ostentationem, ea nequaquam porrigunt fructum in seculum venturum, sed ad hominum laudem detorqueant. Proin hilariter accurre ad jejunii dona.

B Vetus donum est jejunium, quod non veterascit nec senescit, sed usque renovatur, sed perpetuo vigore pubescit. Putas me jejunii antiquitatem a Legis initio supputare? Etiam ipsa Lege antiquius est jejunium. Mane paulisper & comperies verum esse quod dixi. Cave existimes diem propitiationis, qui designatus *Israelitis* erat mense septimo, decimo die mensis, fuisse jejunandi principium. Adeshuc, ac per historiam decurrens, vestiga jejunii antiquitatem. Neque enim recens inventum est, sed pretiosus thesaurus a majoribus repositus ac traditus. Quicquid vetustate præcellit, idem venerabile est. Reverere igitur jejunii canitiem. Tam vetus est, ut simul cum homine condito cœperit, in paradiso præceptum accepit *Adam*, ne de ligno scientiæ boni ac mali ederet. Hoc autem verbum *non editis*, jejunii & abstinentiæ lex est. Si a ligno jejunasset *Eva*, nequaquam hoc nunc jejunio opus haberemus. *Neque enim qui valent, egent medico, sed qui male habent.* In morbum incidimus per peccatum, sanemur per poenitentiam. Sed poenitentia sine jejunio otiosa & infrugifera est. **C** Maledicta terra, spinas & tribulos progignet tibi. In tristitia vivere jussus es, non indulgere delitiis. Per jejunium satisfacito Deo. Quin & ipsa quondam in paradiso vita jejunii simulacrum est, non ob id modo quod homo Angelorum ritu vivens, dum paucissimis contentus est, similitudinem cum illis assequitur, verum etiam, quod quæcunque post hominum cogitatio commenta est, ea nondum erant excogitata in paradiso degentibus, nondum vini potatio, nondum pecudum macatio, non alia quæcunque perturbant mentem humanam. Quoniam non jejunavimus, exsulamus e paradiso. Jejunemus igitur, ut ad illum postliminio revertamur. An non vides, quomodo *Lazarus* per jejunium ingressus est paradisum? Noli imitari *Eva* inobedientiam, noli rursus Serpentem ad-

adhibere in consilium, qui dum gratificatur carni, cibum suggerit. Ne causeris corporis infirmam valetudinem, ne dixeris te jejunium ferre non posse. Neque enim mihi istas excusationes profers, sed juxta proverbium, *sciens loqueris*, nimirum Deo quem nihil fugit. Age dic mihi, jejunare non potes, & potes expleri edulibus, potes conficere corpus escarum pondere? Atqui infirmis, non variam ciborum copiam, sed inediam & abstinentiam a medicis solere præscribi scio. Qui sit igitur, ut cum ista possis, illa te non posse causeris? Utrum ventri facilius est, tenui victu transmittere noctem, an copia ciborum gravatum jacere? imo ne jacere quidem, sed crebro huc & huc verti, distentum ac gementem? Nisi forte simul dicturus es illud, quod naucleri facilius servant navim sarcinis onustam, quam eam quæ ad cursum expedita est ac levis. Nam oneris magnitudine gravatam, quamvis exiguus fluctus adoriens demergit. Contra, quæ modicis sarcinistemperata est, facile suffert undarum impetum, eo quod nulla res impediatur eam quo minus fluctum in altum surgentem superet. Eundem ad modum & hominum corpora, assidua expletione degravata, facile a morbis demerguntur. Cæterum quæ facili, levique utuntur alimonia, non modo malum, quod a morbo imminente expectabatur, veluti tempestatis assultum effugiunt, verum etiam præsentem jam ægitudinem, veluti turbinem quendam coorientem discutunt; Videlicet juxta tuam sententiam laboriosius erit quiescere quam currere, & otiosum esse quam luctari, siquidem judicas congruentius esse infirmos deliciis expleri, quam parco, tenuique uti victu. Nam naturæ vis, quæ dispensat alimoniam animantium corporibus, temperatum ac parcum victum facile concoquit, & in corporis quod alitur substantiam vertit. At eadem ubi sumptuosos variosque cibos complexa est, nec deinde ad conficiendam eduliorum portionem pares vires habet, diversa gignit morborum genera.

Sed jam ad historiam se nostra recipiat oratio, jejunii antiquitatem percurrens, & quantopere omnes sancti perinde quasi hæreditatem a majoribus traditam, jejunium observarint, patresque suis quique liberis tradiderint, unde & in nos perpetua quadam successionis serie hæc devenit possessio. Non erat in paradiso vinum, non erat pecudum macatio, non carniū esus: Post diluvium cepit vinum, post diluvium coeptum est vesci quibullibet, æque atque ante, terræ frugibus. Posteaquam desperata est perfectio, tum denique concessa est fructio. Porro tum nullam fuisse vini experientiam, argumento est *Noë*, qui nesciebat vini visum. Nondum enim in vitam hominum irruerat, nondum mortalium usu assiduo terebatur. Itaque cum ille nec alium quenquam eo liquore utentem vidisset, nec ipse esset expertus, incautus incidit in noxam, quam vinum adferre solet. *Plantarum* enim *Noë vineam*, *bibisque de fructu ejus*, & *inebriatus est*, non quidem eo, quod vinolentus esset, sed quod ob imperitiam ignoraret modice sumendum esse. Itaque inventum bibendi vinum recentius est paradiso, adeo vetusta est jejunii dignitas. Quin & *Mosen* cognovimus per jejunium penetrasse in montem. Neque enim id ausus fuisset, fumante montis cacumine, neque sustinuisse ingredi in nubem, nisi fuisset obarmatus jejunio. Per jejunium Legem accepit digito Dei scriptam in tabulis, atque in summo quidem monte jejunium Legem impetravit, in imo vero montis, luxus & ingluvies ad idolatriam dementavit. *Sedit enim populus ut ederet ac biberet, & surrexit ad ludendum*. Quod famulus quadraginta dies jejunus assidue versans cum Deo, deprecansque confecerat, id unica temulentia reddidit irritum, infrugiferumque. Nam tabulas, quas jejunium impetrarat conscriptas digito Dei, ebrietas comminuit, dum Prophetam judicat indignum, si populus ebrius Legem acciperet a Deo. In unico temporis momento populus ille, qui maximis prodigiis Dei cognitionem acceperat, per luxum ad insaniam idola *Agyptiorum* more colendi devolutus est. Hæc utraque inter se composito, hinc quomodo jejunium adjungat Deo, illinc quomodo luxus salutem verterit in exitium.

Descende, ac via qua coepisti ad inferiora perge. Quæ

res Esau alienavit a Deo, fratrique in servitutem tradidit, nisi unicum edulium, cujus gratia vendidit jus primogeniti? Jam *Samuelem* nonne deprecatio cum jejunio conjuncta donavit matri? Quæ res fortissimum virum *Samsonem* inexpugnabilem reddidit, An non jejunium? Cum jejunio in utero matris conceptus est, cum jejunio educatus est, jejunio in virum adolevit, quod jejunium Angelus matri indixerat, *Quicquid proficiscitur e vinea, ne edat, vinumque & siceram ne bibat*. Jejunium Prophetas generat, potentibus addit robur. Jejunium Legum latoribus subministrat sapientiam, bonæ animæ custodia, corpori tutus victor, armatura fortiter beligerantibus, athletis exercitium. Hoc tentationes depellit, hoc ungit ad pietatem, vigiliæ familiaris comes, sobrietatis architectus. In bellis addit fortitudinem, in pace docet quietem. Nazaræum sanctificat, Sacerdotem reddit sacris idoneum. Neque enim fieri potest, ut is absque jejunio sacrum ministerium cum fiducia peragat, non tantum in mystico horum temporum veroque cultu, verum etiam in eo qui juxta Legem in figuris peragebatur. Jejunium *Heliam* magni illius miraculi spectatorem fecit, qui cum quadraginta dierum jejunio repurgasset animam, ita demum in spelunca, quæ est in *Choreb*, promeruit videre Dominum quatenus quidem homini videre datum est. Jejunans viduæ filium suum restituit, adversus ipsam etiam mortem robustus factus per jejunium. Vox ab ore jejuno proficiscens, populo transgressori clausit cælum, annos tres ac menses sex. Ut enim indomitum obstinatorum, duraque cervice Deo rebellium cor emolliret, voluit & seipsum ea calamitate cum cæteris condemnare: *Propterea vivit Dominus, si erit aqua super terram, nisi per os meum*. Et adiecit omnem populum ad jejunium, ingravescente fame, videlicet ut malitiam, quam edeliis vitæque dissoluta contraxerant, abstinentia corrigerent. *Helissem* autem cujusmodi victu est usus? Quomodo apud *Sunamitis*dem hospitio refocillatus est? Quomodo ipse Prophetas excepit? Nonne agrestia olera ac farinæ paucillum hospitalitatis munus expleverunt? Quo tempore calamitate simul cum herbis sumpta, periclitabantur qui gustarant, ne jejunatoris prece veneni vis diluta fuisset. Atque ut semel omnia dicam, reperies quotquot fuerint sancti, omnes per jejunium ad vitam Deo dignam fuisse institutos.

Est lapis quidam ejus naturæ, quem hinc *Amianon* Græci vocant, ut inquinari non possit. Hic ab igni non vincitur, sed impositus igni videtur ignescere, & in prunam verti, rursus exemptus igni, perinde quasi fuisset aqua candidatus, apparet purior. Hujusmodi erant trium illorum puerorum corpora apud *Babylonicos*, illud jejunio consequuta, ut nulla vi possent inquinari. Siquidem in vehementi fornacis flamma quasi natura fuissent aurei, ita apparuerunt noxia vi ignis superiores. Quin & auro potentiores declarati sunt. Neque enim illos liquefecit ignis, sed integros, ilibatosque servavit. Atqui nihil est, quod illam tum flammam sustinere potuisset, quam naphthæ, pix, & sarmenta sic alebant, ut ad quadraginta novem cubitos diffunderetur, at in circuitum dispersa, plurimos *Chaldaeos* absumpserit. Hoc igitur tantum incendium pueri cum jejunio ingressi conculcarunt, liquidum ac roscidum aërem in igni tam vehementi respirantes. Neque enim ignis vel pilos illorum aufuse est attingere, eo quod a jejunio essent aliti. Porro *Daniel* vir desideriorum, cum tres hebdomadas panem non edisset, nec vinum bibisset, demissus in lacum, etiam leones jejunare docuit. Neque enim leones dentes in illam impingere valuerunt, perinde quasi e lapide, aut ferro, aut alia quapiam rigidior materia concretus fuisset. Adeo quemadmodum tinctura ferrum indurefcit, ita jejunium pii viri corpus duraverat, ac leonibus insuperabile reddiderat. Neque enim adversus sanctum os aperuerunt. Jejunium restinxit vim ignis, obturavit ora leonum. Jejunium preces nostras subvehit in cælum, dum illis alarum vice sit, quo sursum ferantur. Jejunium familiarum est incrementum, sanitatis mater, juventutis pædagogus, ornamentum scribis, bonus comes viatori, tutus convictor conjugatis. Non suspi-

catur quenquam insidias struere conjugio maritus, conspiciens uxori familiare jejunium. Non contabescit uxor zelotypia cernens maritum amplecti jejunium. Quis rem familiarem diminuit in jejunio? Recense hodie domus suppellectilem, ac postea denuo numera, nihil ob jejunium deesse comperies in rebus domesticis. Nullum animal deplorat mortem, nusquam sanguis, nusquam flagitatio adversus animantia, ab implacabili ventre veniens. Cessat machæra coquorum, mensa contenta est sponte nascentibus.

Sabbatum Judæiserat traditum, *ut quiescat*, inquit, *jumentum & famulus tuus*. Sit jejunium famulis requies a perpetuis laboribus, qui tibi per totum annum inserviunt. Dato respirationem coquo tuo, da otium menfarum apparatori, quiescat manus pocillatoris, sit aliquando respiratio variorum bellariorum ac cupediarum architecto. Conquiescat tandem ipsa domus ab infinitis tumultibus, a fumo, a nidore, ab his qui sursum deorsum cursitant, ac ventri velut imperiosæ Dominæ ministrant. Prorsus etiam tributorum exactores sibi obnoxii paulisper concedunt libertatem. Det aliquantum vacationis & venter, det inquam, concedat nobis quinque dierum inducias, qui semper alioqui flagitat, nec unquam desinit, dum quod accepit hodie, cras obliviscitur. Cum fuerit expletus, tum de temperantia philosophatur, ubi discussit tumorem, placitorum illorum obliviscitur. Jejunium non novit foenoris incrementum, non olet ufuras jejunantis mensa, non præfocat orphanum jejunatoris filium æs alienum a patre conflatum, quod serpentium ritu circumvolutum strangulat hæredem. Quanquam & alias jejunium occasionem adfert ad hilaritatem. Nam quemadmodum sitis efficit, ut jucundus sit potus, & sicut fames præcedens, epulas facit suaves, ita & eduliorum sumptionem jejunium condit atque edulcat. Dum enim se medium interponit, ac delictiarum perpetuum usum interrumpit, efficit ut cum ad sumptionem intermissam reditur, ea tibi sit tanquam nova jucundior. Proinde si vis tibi mensam apparare suavem, adhibe ex jejunio vicissitudinem. At tu dum nimium deliciis addictus es, non sentis, quod tibi delicias reddis insipidas, ac præ voluptatum amore voluptatem perdis. Nihil enim tam est appetendum, quin abeat in fastidium, si perpetuo frui. At quæ raro contingunt, his avidè fruimur. Sic & qui condidit nos Deus sapienter & illud procuravit, ut quæ nobis ad usum vitæ largitus est, gratiam apud nos obtineant ipsa vicissitudine. An non vides Solem esse lætiorem post noctem? ac vigiliam esse jucundiorē post somnum? & sanitatem esse desiderabiliorem diversâ expertis? Itidem & cibus gravior est post jejunium, idque pariter & divitibus, quibus mensa est opipara, & tenuibus parabili faciliq; victu utentibus. Terreat te divitis exemplum, quem vita in deliciis acta tradidit incendio. Non enim ob crimen injustitiæ, sed ob vitæ molliciem exustus est in camino ardente. Proin ut hoc incendium extinguamus, aqua opus est. Adde, quod non solum ad venturi seculi fugienda mala, & assequenda bona, utile est jejunium, sed hîc interim ipsi carni conducibilius est. Siquidem habitudo corporis extreme bona, sensim mutatur, & in diversum recidit: nimirum succumbente natura, nec valente corpulentia pondus sustinere. Vide ne qui nunc aquam respuit, in posterum exemplo divitis illius, stillam aquæ concupiscas. Nemo per aquæ potum lapsus est in crapulam, nulli caput unquam doluit, aqua gravatum. Nullus eguit alienis pedibus cum aquæ potu familiaritatem habens. Nullum sui pedes destituerunt, nullæ manus factæ sunt inutiles, quæ aqua irrigantur. Nam concoctionis vitium, quod viventes in deliciis necessario comitatur, acres morbos gignit, in hominum corporibus jejunantis color venerabilis est, non inverecundo rubore floridus, sed sobrio pallore decoratus, oculi placidi, compositus incessus, vultus cordatus, nec intemperanti risu distortus, concinnus sermo, purum cor. Revoca in memoriam quotquot ab orbe condito fuere sancti, quibus dignus non erat mundus, qui circumstant in pellibus ovium & caprarum, egentes, pressi, afflicti, illorum imitare vitam, si modo illorum cupis assequi partem. Quæ res *Lazaro* quietem paravit in sinu

A *Abraha*? Nonne jejunium? Porro *Joannis* Baptistæ vita, quid aliud erat, quam unicum ac perpetuum jejunium? qui non habebat lectum, non arva, non aratorem (ut ait *Hesiodus*) bovem, non triticum, non pistorem, denique non aliud quicquam eorum quæ ad victum pertinent. Ideoque *internatos mulierum non existit quisquam major Joanne Baptista*. Paulum cum alia, tum præcipue jejunium quod super afflictionibus suis glorians recenset, in tertium cælum subvexit. Porro qui caput est omnium quos commemoravimus, Dominus noster, non prius in carne, quam pro nobis adsumpserat, Diaboli insultus excepit, quam eam jejunio communisset, simul & nos erudiens, ut nosmet adversus tentatoris conflictus exemplo palæstritarum ungamus, & exerceamus. Et vide quam mirabiliter ille tentatori per esuritionem præbuit ansam. Alioqui propter divinæ naturæ sublimitatem non patebat ad illum aditus Diabolo, nisi se per esuritionem ad humanam imbecillitatem submisisset. Attamen cum rediens ascenderet in cælum cibum gustavit, quo fidem faceret naturale verumque corpus esse, quod excitatum erat a morte.

B At tu supra modum faginandi te ipsum, carneque onerandi, nullum finem facis, rursus dum mentem nulla salutarium ac vivificorum dogmatum alimonia pastam finis extabescere, nulla tibi cura est. An ignoras quod perinde atque in acie hinc atque hinc instructa ad conflictum, qui alteri parti fert suppetias, facit ut altera vincatur, ita qui carni sese adjungit, expugnat spiritum, & qui stat a spiritu, carnem in servitutem redigit? Hæc enim sibi invicem adversantur. Proinde si cupis mentem reddere validam, fac carnem domes jejunio. Hoc enim est quod ait Apostolus, quod *quantum externus homo corrumpitur, tantum internus renovatur*. Item illud: *Cum infirmor tunc potens sum*. Itane non contemnes istas escas, quæ corrumpuntur: itane non te capiet illius mensæ desiderium, quæ est in regno cælorum, quam prorsus hîc jejunando tibi præparabis. An ignoras quod immoderata expletione, tibi ipsi pinguem paras vermem, conscientia carnificem ac discruciatorem. Quis enim in splendidis epulis, perpetuisque deliciis particeps factus est ullius doni spiritualis? *Moses* dum alteram accepit Legem, altero jejunio opus habuit. Nisi apud *Ninivitas* simul cum hominibus jejunassent & bruta animantia, haudquaquam effugissent subversionem quam Deus per *Jonam* fuerat comminatus. Quorum membra ceciderunt in deserto? Nonne eorum qui esum carniū flagitabant? At illi donec erant contenti manna, & aqua de petra fluente, superabant *Aegyptios*, per mare fecerunt iter, non erat infirmus in Tribubus eorum. Cæterum posteaquam recordati sunt carniū ac lebetum, posteaquam concupiscentia reversi sunt in *Aegyptum*, non viderunt terram repromissam. Non metuis exemplum? non horres edacitatem? ne forte te a bonis quæ speramus excludat. Ac ne *Daniel* quidem ille sapiens visiones videre meruisset nisi jejunio reddidisset animam limpidiorem. Siquidem e copiosiore pastu ceu fumosi quidam vapores exhalantur, qui lucem sancti Spiritus in hominis mentem irradiantem, quasi densa nubes interveniens, intercipiunt. Quod si Angelorum quoque cibus est ullus, panis est, quemadmodum ait Propheta, *panem Angelorum comedit homo*. Non carnes, non vinum, non denique quæcunque alia quæ ventri servientibus ingenti studio apparantur. Jejunium armatura est ad confligendum cum impiis Spiritibus: *Nam hoc genus non ejicitur nisi per deprecationem ac jejunium*. Tam multa bona proveniunt e jejunio. E diverso satietas lasciviae initium est, protinus enim una cum deliciis, ebrietate, & omni genere conditis bellariis, irrupit omnis forma pecuniæ intemperantiæ. Hinc equi insanientes in sceminas, fiunt homines ob cæstrum ac furorem quem in animo gignunt deliciae. A temulentis orta est naturæ inversio, dum in masculino sexu foemininum, in foemininò masculinum quæerunt. Jejunium vero etiam in usu conjugii modum temperantiamque docet, ac voluptatum lege concessarum immodicum usum castigans, parit concorsotium, ut perseverent in precatone.

Cave tamen ne jejunii utilitatem sola escarum abstinent-

nentia metiaris. Verum enim jejunium est ab omnibus vitiis esse alienum. Solve omne vinculum iniquitatis, condona proximo, si quid dolet animo, remitte illi debita. Nolite ad contentiones ac lites jejunare. Carnes non edis? sed comedis fratrem tuum. A vino abstines, sed ab injuriis tibi non temperas. Expectas vesperam, ut cibum capias, sed diem totum absumis apud tribuna-
lia. Væ his qui ebrii sunt, non a vino. Ira mentis est temulencia, eamque a sobrietate excutit, haud aliter quam vinum. Quin & dolor temulencia est sensum hominis obruens ac demergens. Rursus alia temulencia metus est, quoties ad ea fertur, ad quæ non oportet. Siquidem *a timore inimici*, inquit, *etne animam meam*. In summa, quivis affectus dimovens animum a statu suo, merito dicitur ebrietas. Considera mihi hominem ira percitum, quam temulentus sit eo morbo. Non est sui compos, non novit semetipsum, non novit qui adsunt, sed velut in pugna nocturna, tentat omnia, impingit in omnia, inconsiderata loquitur, non potest cohiberi, convitiatur, cædit, minatur, dejerat, vociferatur, clamore dirumpitur. Fugito istam temulentiam, sed ne illam quidem quæ ex vino nascitur, admitte. Noli te ad largiorem vini potionem aquæ potu præparare. Ne te ad jejunii mysteria introducat ebrietas. Non est per temulentiam aditus ad jejunium, quemadmodum nec ad justitiam iter est per fraudationem, nec ad sobrietatem per lasciviam, nec (ut summatim dicam) per malitiam ad virtutem. Aliud ostium est ad jejunium. Ebrietas ad lasciviam inducit, ad jejunium frugalitas. Athleta ante certamen exercetur, jejunator ad jejunandum temperantia præparatur. Ne velut ulciscens jejunii dies, neu veluti fucum facturus legis auctori, in hos quinque dies crapulæ thesaurum reponito. Stulte siquidem facis, si corpus quidem conficis, nec tamen solatium esuritioni admoves, ista infida penui cella est, in pertusum hauris dolium. Fit enim ut vinum perfluat ad suam recurrens viam, peccatum vero maneat in dolio. Famulus profugit ab hero verberante: tu vero non recedis a vino, quod quotidie contundit caput tuum. Modus utendi vino optimus est, corporis necessitas. Quod si fines prætergredieris, postmodum venies capitis gravedine affectus, oscitans, vertigine laborans, putrefactum obolens vinum, omnia tibi circumferri, omnia circumvolvi videbuntur. Ebrietas ut somnum adfert mortis germanum, ita vigiliam habet somniis ad-
similem. An ignoras quem es hospitio excepturus? Nimirum illum qui nobis ita pollicitus est: *Ego & Pater veniemus, & mansionem apud eum faciemus*. Cur igitur prius recipis temulentiam, ac Domino ingressum præcludis? Cur permittis ut hostis munimenta tua prior occupet? Ebrietas non recipit Dominum, ebrietas Spiritum sanctum propellit. Fumus quidem abigit apes, domus vero spiritualia fugat luxus. Jejunium civitatis est ornamentum, fori tranquillitas, domorum pax, incolumitas facultatum. Vis jejunii videre dignitatem? Confer mihi hodierni diei vesperam cum vespera crastini, conspicias civitatem & tumultu ac tempestate mutatam in profundam tranquillitatem. Utinam autem & hodiernus dies crastino similis sit, quod ad sobrietatem at-
tinet, & crastinus dies hodiernum æquet hilaritate. Cæterum qui nos perduxit ad hunc temporis recursum Dominus, præstet nobis tanquam certatoribus, ut per hos dies, quibus ad certamen evocamur, robur ac nervos continentiae declaremus, quo præparemur & ad illum diem, qui coronas distribuit pro meritis, ut recordemur nunc quidem salutiferæ afflictionis, in futuro vero seculo præmii reponendi pro his quæ gessimus in hac vita, in justo judicio Christi ipsius, quoniam illi gloria in secula, Amen.

DE JEJUNIO ORATIO SECUNDA, EODEM INTERPRETE.

Esa. 40. **E**xhortamini, inquit Scriptura, *Sacerdotes populum, loquimini ad aures Hierusalem*. Ea vis est orationis, ut & studiosis possit imperum interdere, & ignavis ac segnibus excitare promptitudinem. Hanc ob causam duces cum milites in acie statuunt, exhortatoriis orationibus ante conflictum uti solent, tantamque vim habet ea exhortatio, ut compitibus etiam mortis con-

temptum frequenter adferat. Similiter qui athletic exercendis, puerisque ad hujusmodi certamina instituen-
dis præfecti sunt, si quando in stadiis certaturos produ-
cunt, hortandi gratia multa differunt, de necessario tolerandis laboribus, deque coronis. Adeoque mul-
tis persuadent, ut dum victoriæ gloriam ambiunt, cor-
pora sua contemnant. Proinde mihi quoque, qui *Chri-*
sti milites ad prælium cum invisibilibus hostibus ge-
rendum in aciem digero, athletasque pietatis ad justiti-
æ coronas per temperantiam instruo, opus est ora-
tione exhortatoria. Quid igitur est quod dico, fratres? Nempe quod his qui bellicis in rebus exercentur, qui-
que in palæstris luctando defudant, convenit, ut co-
pia ciborum reddant seipso corpulentos & obesos, vi-
delicet quo validioribus nervis labores queant capesse-
re. Contra vero, quibus non est colluctatio adversus sanguinem & carnem, sed adversus principatus, ad-
versus potestates, adversus mundi dominos tenebrarum harum, adversus spirituales malitias, hos oportet per sobrietatem ac jejunium ad certamen exerceri. Ete-
nim quemadmodum oleum oblinat athletam, ita jeju-
nium robur addit ei qui ad pietatem exercet sese. Ita-
que quantum subtraxeris carni, tanto reddes animam
habitudine spirituali nitidiorem. Nam robur adversus invisibiles hostes non superat corporis distensione, sed fortitudine spiritus, & erga afflictiones tolerantia. Ita jejunium per omne quidem tempus utile est, iis qui il-
lud sponte suscipiunt (Neque enim assultus Dæmo-
num quicquam audet adversus jejunantem, ac vitæ nostræ custodes Angeli diligentius adsunt iis, qui je-
junio purgatam habent animam) sed multo magis hoc tempore, quo per universum terrarum orbem undique denuntiatur jejunii præconium. Nec ulla est insula, nec ulla terra continens, non civitas, non gens ulla, non extremus mundi angulus, ubi non sit auditum je-
junii edictum. Quin & exercitus, & viatores, & nau-
tæ, & negotiatores, omnes pariter audiunt edictum, & summo gaudio excipiunt. Ne quis igitur semet ex-
cludat a numero jejunantium, in quo omne hominum genus, omnis ætas, omnes dignitatum formæ censentur. Angeli sunt, qui in singulis Ecclesiis describunt ac recensent jejunantium capita. Vide ne ob brevem eden-
di voluptatem, simul & priveris Angeli recensione, & teipsum apud eum qui recensuit exercitum, obnoxium facias desertoris crimini. Levius periculum est, si quis *rhipisaspis* appelletur, quod in acie clypeum abjecerit, quam si magnam illam armaturam jejunium videatur projecisse. Dives es? Ne jejunium affeceris contume-
lia: afficies autem, si graveris illud ad mensæ tuæ con-
sortium admittere, neve nullo tuæ domus honore di-
gnatum dimittas, cum illa interim præ deliciis ac vo-
luptate suaviter agat, ne quando te reum peragat apud
Eum qui de jejunio legem tulit, fiatque, ut ex con-
demnatione ad longe majorem mediam adigaris, sive ex adversa valetudine corporis, sive ex alio quopiam tristi casu. Contra qui pauper est, ne simulatione ac sub-
stantiatione utatur erga jejunium, cum illud jam olim habeat, & domus, & vitæ socium. Porro mulieribus quam est naturale respirare, tam est conve-
niens jejunium. Pueri veluti plantæ lactiores, aqua je-
junii irrigantur, senibus levem reddit laborem, jam olim contracta cum jejunio familiaritas. Siquidem la-
bores quibus diutino usu assueveris, minus offendunt, si inciderint in exercitatum. Jam viatoribus expeditus
F itingris comes est jejunium. Quemadmodum enim lu-
xus cogit illos onustos incedere, nimirum ea quibus se ingurgitarunt circumferentes, sic jejunium eos & leves reddit & expeditos. Et postea cum, posteaquam exercitui castra metata sunt, militibus commensus sup-
peditetur, non ad delicias, sed ad necessitatem, an non multo magis nobis, qui adversus hostes invisibiles prodimus in prælium, ac post eos devictos ad super-
nam patriam festinamus, conveniet, tanquam in ca-
stris degentibus, necessariis esse contentos? Suffer af-
flictionem, ut bonum decet militem, certa legitime, ut coroneris, illud reputans, quod quicumque certat, in omnibus sibi temperat. Sed quod mihi modo inter di-

dicendum venit in mentem, indignum est quod prætereatur, videlicet, quod hujusmodi militibus, juxta laborum modum, augetur obsonium. Contra inter spirituales cataphractus, ii qui minus habent alimonie plus habent honoris, quemadmodum & galeæ nostræ ex diametro dissident a natura corruptibili. Harum enim materia ferrum est, nostræ vero ex spe salutifera constant. Itidem illis scutum e ligno ac tergore bubulo confectum est, nostrum vero munimentum fides est. Rursum nos thorace justitiæ obarmamur, illi tunicam ansis contextam circumferunt. Præterea nobis adest gladius spiritus ad defensionem, illi ferro defenduntur. Ex his perspicuum est, quod non iisdem cibariis nos quibus illi vegetamur viresque colligimus, sed nos pietatis dogmata corroborant, illis ad parandas vires expletionem ventris est opus. Quoniam igitur temporis circulus, dies hos vehementer optabiles nobis reduxit, omnes eos tanquam veteres nutritios lubentes & hilares excipiamus, per quos Ecclesia nos ad pietatem educat.

Proinde jejunaturus, noli tristis esse *Judaorum* exemplo, sed juxta doctrinam Evangelicam teipsum hilarem & alacrem præbe, neque lugeas ventris inedia, sed animæ potius gratulare spiritualibus epulis fruente. Scis quod *caro concupiscit adversus spiritum, & spiritus adversus carnem*. Itaque cum hæc sibi invicem adversentur, subtrahamus carni voluptatem, augeamus animæ robur, ut per jejunium collectis viribus ad superandas concupiscentias, coronis abstinentiæ repositis cingamur. Jam igitur teipsum exhibeas dignum jejunio cum primis venerabili, ne hodierna temulentia crastinam temperantiam corrumpas. Improbum istud consilium est, prava cogitatio est, ita dicentium, quoniam nobis quinque dierum jejunium indictum est, hodie nosippos temulentia obruamus. Nemo pudicam uxorem legitime ducturus, ante scorta & concubinas inducit in ædes. Neque enim conjunx legitima patitur convictum contuberniumque domesticum, stupro corruptarum. Proinde ne cum expectatur jejunium, prius introducas ebrietatem, quæ est scortum publicum, quæ est impudentiæ mater, quæ risu gaudet, quæ insanit, quæ ad omnem dedecoris speciem facilis ac proclivis est. Neque enim jejunium & precatio introibunt in animam temulentia marcidam. Jejunantem intra sacrorum cancellos recipit Dominus: at luxu crapulaque plenum veluti profanum & a sacris alienum nequaquam admittit. Etenim si cras venias vinum obolens, idque cruditate corruptum ac putrefactum, quomodo tibi crapulam pro jejunio sim imputaturus? Neque enim illud cogita, quod merum tibi recens infusum non est, sed quod a vino purus non es, hoc reputa. In utro te ordine collocabo? Inter ebrios, an inter jejunantes? Præterita vinolentia te sibi asserit. Præsens inedia jejunium testificatur. Anceps es & controversum temulentia veluti mancipium, nec illa abs te abstinebit manuum injectionem, idque optimo jure: quippe quæ manifesta servitutis argumenta proferat, odorem vini velut in lagena residentem. Hic protinus primus jejunii dies tibi reprobus fuerit, ob temulentia reliquias in te repositas. Quorum autem primitiæ rejiciuntur, haud dubium quin in his totum quoque sit rejiciendum. *Ebrii regnum Dei non possidebunt*. Si temulentus accedis ad jejunium, quid utilitatis auferis? Nam si te ebrietas excludit a regno cœlorum, quis deinceps e jejunio fructus? An non vides, quod qui in domandis equis, qui ad certamina aluntur, peritissimi sunt, cum instat certaminis dies, eos inedia præparant: tu contra studio temetipsum saturitate reddis obesum. Adeo ventris studio bruta etiam animalia præcurris. Venter onustus, non solum ad cursum, sed ne ad somnum quidem accommodus est, eo quod dissentio ciborum copia, non datur quiescere, sed cogitur subinde semet nunc in dextrum nunc in lævum latus vertere. Jejunium servat parvulos, sobrium reddit juvenem, venerabilem facit senem. Venerabilior enim est canicies jejunio decorata. Jejunium foeminis ornatus est congruentissimus, ætate ac robore vigentibus pro freno

A est. Jejunium matrimonii custodia est, virginitatis nutritius. Atque hæc quidem commoda adfert privatim jejunium, in singulis ædibus colitur.

At publice quomodo vitam nostram gubernat? Totam semel civitatem, totumque populum ad tranquillitatem componit, consopit clamores, sedat lites, convitiis imponit silentium. Cujus magistri interventus puerorum strepitus tam subito compescit, quam jejunium obiter exorients civitatis tumultus coercet? Quis comesator prodiit in jejunio? Quis unquam chorus lasciviens a jejunio constitutus est? Teneri risus, cantiones meretriciæ, insanæ saltationes subito diffugiunt e civitate, e jejunio tanquam ab austero quopiam judice in exilium actæ. Quod si omnes jejunium ad res gerendas in consilium adhiberent, nihil obstaret, quo minus per universum terrarum orbem pax esset, videlicet nec Gentibus inter se conflictantibus, nec exercitibus inter se impressionem facientibus. Ne arma quidem cuderentur, si jejunium rerum potiretur, nec forensium controversiarum strepitus esset, neque quisquam habitaret in carceribus. In summa, nec deserta haberent latrones, nec Republicæ sycophantas, nec mare piratas. Si omnes essent jejunii discipuli, profus non audiretur, ut ait beatus *Job*, vox exactoris, nec vita nostra tot suspiriis, tot mœroribus esset differta, si jejunium vitam nostram gubernaret. Perspicuum est enim, quod omnes doceret, non tantum in eduliis temperantiam, verum etiam ab avaritia & rapinis, denique ab omni vitio profus abhorre, & immunem esse. Quibus extirpatis, nihil vetaret quo minus & nos in alta pace animorumque tranquillitate vitam nostram transmitteremus. Nunc vero qui ut jejunium rejiciunt, ita delicias, tanquam in his sita sit vitæ felicitas, expectunt, non tantum infinitum illud vitiorum examen induxerunt, verum & sua ipsorum corpora perdunt vitiantque luxu. Observa mihi vultuum discrimen, tum eorum qui hodie sub vesperam conspiciuntur, tum eorum qui cras apparebunt. Hodie tument, rubore suffusi, sudore tenui rorantes, oculi humentes, præcipites, atque ob nebulam intus e stomacho exhalantem, exacte cernendi facultate privati. Crastino vero die videbis eosdem vultus compositos, graves, colore naturali recepto, toto habitu præsentem animum præ se ferentes, omnibus sensibus integris, utpote quorum naturalibus actionibus nulla intus causa tenebras offundit. Jejunium similitudo est hominum cum Angelis, justorum contubernalis, vitæ sobrietas. Per jejunium *Moses* factus est Legislator, jejunii fructus est *Samuel*. Jejunans *Anna*, Deum deprecata est, *Adonai Domine Deus omnipotens, si respiciens respexeris ad ancillam tuam, dederisque mihi prolem masculinam, dabo illam in conspectu tuo donum. Vinum & ficeram non bibet, usque ad diem obitus sui*. Jejunium magnum illum *Samsonem* educavit, idque quam diu viro adfuit, singulis conflictibus milleni hostes prostrati sunt, urbium portæ subrutæ sunt, leones robur manuum illius non sustinuerunt. At simulatque ebrietas ac scortatio corripuit hominem, captus est ab hostibus, atque exoculatus, pro ludo expositus est pueris alienigenarum. *Helias* cum jejunasset, clausit cœlum tres annos, ac menses sex. Etenim cum videret multam insolentiam nasci e satietate, necesse erat illos per famem invitos ad jejunium adigere. Eoque peccata illorum jam in immensum excurrentia cohibuit, dum jejunio, velut unctione aut sectione, progressum ad majora mala interrumpit.

F Excipite hoc pauperes contubernale vobis ac mensæ socium. Excipite servi, ut respirationem a perpetuis servitii laboribus. Excipite divites, quod noxæ e luxu contractæ medeatur, quodque vicissitudine & novitate vobis jucundiora reddat, ea quæ nunc ob assuetudinem fastidiuntur. Excipite male valentes sanitatis matrem. Qui bona estis habitudine, excipite bonæ habitudinis custodem. Interroga medicos, ac dicent tibi, nihil esse periculosius habitudine corporis, extreme bona, eoque qui peritissimi sunt artis, per jejunium detrahunt redundantia, ne vis naturæ pondere corpulentia fra-

fracta succumbat. Studiose quidam inedia detractis supervacuis, locum faciunt virtuti nutritivæ ad novam alteram alituram, ac de integro faciendum corporis incrementum. Adeo in omni serio negotio, in omni corporis habitu jejunii præsto est utilitas, ac pariter omnia condecorat, domos, fora, noctes, dies, civitates, deserta. Quum igitur nobis tot modis suam honestatem largiatur, hilariter illud juxta Domini præceptum excipiamus, non tristes sicut hypocritæ, sed mentis hilaritatem absque fūco præ nobis ferentes. Quamquam non arbitror mihi perinde opus esse, ut vos ad jejunium exhorter, atque ut dehorter, ne quis hodie in vitium ebrietatis incidat. Nam jejunium quidem plerique partim ob consuetudinem, partim ob pudorem inter ipsos mutuum suscipiunt. Verum ab ebrietate meruo, quam vinolenti non aliter quam paternam hæreditatem mordicus tenent. Quemadmodum enim qui longinquam professionem adornant, componunt sarcinas & comæmentum parant, ita nonnulli vecordes hodie adversus quinque dierum jejunium vino indulgent. Quis est usque adeo vesanus, ut priusquam bibere incipiat, ebriorum more deliret? An nescitis quod venter non servat depositum? Venter conciliator est pessimæ fidei, penu incustoditum, in quod quum multa reposueris, noxam quidem retinet, at non servat deposita. Vide ne tibi quoque si cras veneris cum ebrietate, dicta sint ea, quæ sunt ex Esaia recitata: *Non istud jejunium elegi, dicit Dominus.* Quid misces ea quæ misceri non possunt? Quod consortium temulentiae cum jejunio? Quæ societas vinolentiae cum abstinence? Quis consensus templo Dei cum idolis? Templum enim Dei sunt, in quibus habitat Spiritus Dei. Contra, templum idolorum sunt, qui per ebrietatem, vilem ac plebejam admittunt intemperantiam. Hodiernus dies vestibulum est jejunii, quo profecto qui in vestibulo profanatur, indignus est qui ad sancta introeat. Nullus servus cupiens hero suo reconciliari, hostem illius patronum ac reconciliatorem adhibet. Ebrietas inimica est Deo, jejunium poenitentiae initium est, itaque si cupis per confessionem

A reverti ad Deum, fugito temulentiam, ne magis etiam abs te Deum alienet. Attamen ad hoc, ut laudem promereatur jejunium, non est per se satis temperare à cibis, sed jejunium jejunemus acceptabile, Deo gratum. Verum jejunium est à vitiis immunem esse, continentia linguæ, iræ cohibitio, concupiscentiarum amputatio, obrectationis, mendacii, perjurii. Ab his abstinere verum est jejunium. In his igitur honestum ac bonum est jejunium. Cæterum deliciemur erga Dominum, in meditatione spiritualium eloquiorum, inque suscipiendis salutaribus præceptis, denique in cunctis dogmatibus, quibus emendantur animi nostri. Rursus ab interno mentis jejunio caveamus, quod & Propheta deprecatur: *Nam fame occides Domine animas iustorum?* Ac rursus: *Non vidi justum desertum, nec semen ejus quarens panem.* Nec enim loquitur de panibus sensibilibus, qui noverat filios Patriarchæ Jacob, panum inopia coactos descendisse in Ægyptum, sed de spirituali loquitur alimonia, qua interior noster homo perficitur. Ne veniat in nos jejunium, quod Deus comminatur Judæis: *Ecce enim dies venient, dicit Dominus, & inducam in terram famem, non famem panis, neque sitim aquæ, sed famem audiendi verbum Domini:* quam ideo immisit justus iudex, quod perspiceret eorum mentem verorum dogmatum penuria macrescere, externum vero hominem supra modum pinguescere, & obesum fieri. Per omnes igitur hosce sequentes dies convivio excipiat nos Spiritus Sanctus, matutinis simul & vespertinis epulis, ne quis sua sponte seipsum fraudet hoc epulo spirituali. Omnes participes simus sobrii calicis, quem ipsa sapientia temperavit, ac nobis apposuit ex æquo, quatenus cuique datum est, exhaustiendum. Miscuit enim craterem suum, occidit hostias suas, hoc est, perfectorum cibum, qui per habitum, sensus habent exercitatos, ad discernendum à malo bonum. Quibus affatim expleti, reperiamur & illo digni convivio, quod exhibebitur in sponsi thalamo, per Christum Jesum Dominum nostrum, cui gloria & imperium in secula. Amen.

F I N I S.

ERASMI ROTTERODAMI,
POETAE, ORATORIS, AC THEOLOGI, VIRI UN-
DECUNQUE DOCTISSIMI,

ORATIO
DE PACE ET DISCORDIA
CONTRA FACTIOSOS.
AD CORNELIUM GOUDANUM.



AMETSI, mi Corneli, minime opus est pacis amorem cultumque ut nostra tibi persuadere contendat oratio, utpote qui hujus tuapte ingenii lenitate & apprime cupidus & cultor præcipuus à puero semper fuisti, tamen quoniam pro temporum nostrorum ratione nihil omnium rerum video, quod jam dictu vel utilius possit esse, vel oportunius. Paucis de hac disserere non abs re putaverim, præsertim cum ipse id non rogaveris modo, verum etiam jusseris, cui negare quicquam (quippe homini amicissimo atque optime de me me-

Erito) flagitii loco duco. Quamquam autem adeo magnifica, adeo dives sit hujus rei materia, ut vel longissimo sermone consequi sit difficillimum, tamen ne tibi sit fastidio nostra prolixitas, dabimus operam, ut ea, quæ ad rem maxime attinent, quam brevissime dicamus. Porro ne diutius præloquamur, non video quid exordiendæ orationi accommodatius inveniri possit, quam id quod *Naso* cecinit:

Candida pax homines, trux decet ira feras.

Equidem quid homine dignius, quid honestius, quid vel jucundius inveniri queat, quam pax amorque mutuus? Et rursus quid hominis generositate in-

Tam. VIII. Mm di-

dignius, quid foedius, quid nocentius, quid infelicius, quid denique belluarum vitae propius, odio atque discordia? Belluas quidem natura jurgis & concertationibus edidisse videtur, quarum singulis, quibus se tueantur, sua contulit arma; his recurvos ungues, illis prominentia cornua, aliis dentes aduncos, aliis venena. Hominem vero, quem unum omnium animantium reliquit inermem, plane non saevitiae, sed benevolentiae natum intelligi voluit. Quid memorem ab ea ipsa animis nostris insita quaedam pacis semina, quibus nostra sponte in amorem concordiamque ferimur. Omnes enim si naturae impetum studiose observamus, convictus societatisque cupidi sumus, sectamur amicitias, propinquitatem atque necessitudinem amamus, familiarium consuetudine gaudemus, miseris condolemus; atque adeo plerumque ut lacrimas quoque oculis nostris alienus dolor extorqueat. Quid haec censes, nisi ingentiae nobis benevolentiae argumenta. Sane mollissima corda humano generi dare se natura fatetur quae lacrimas dedit, nec ulla alia re tantum à brutorum grege absumus: illis enim conditor communem quidem nobiscum animam indidit, at nobis etiam animum, & quidem suapte natura mollem, generosum, atque inprimis amicitiae cupidum, quo nos mutuus juberet affectus vicissim à nobis auxilium & praestare & petere, alterum praesidio esse alteri, testum testis conjungere, communibus tutari mœnibus, armis eisdem defendier. Vides, (ut arbitror) mi Corneli, quo nos abegerint vitia, & quemadmodum benigna instituerit natura: hanc si ducem quam ambitionis impetus sequi malleamus, profecto non tam late, tam dire mortalium pectora, haec teterrima discordiae pestis occuparet. Sed heu! vicit naturae benignitatem ambitionis improbitas, vicit auri fames, vicit perdita mortum petulantia. Hinc tanta hominum in sese mutuo immanitas, hinc tam familiaris mortalibus perfidia, tam parum crebra fides, ut jam fratrum quoque sit rarissima, imo ut jam longe major sit ferarum serpentumque concordia quam hominum. Quis enim unquam serpentem à serpente veneno peti deprehendit? aut quando leoni leo fortior vitam ademit? Parcit lupo lupo, & saevis inter se convenit ursis; quum sint omnibus infestae, norunt tamen inter se perpetuam servare concordiam *Indica* tygres. At quis memorare sufficiat, quantae homini ab homine insidiae, quantae injuriae, quanta calamitas; atque id quidem parum adeo visum est, nisi se mille trueident modis, nisi denique ad explendam discordiae fabiem sese etiam devorent. Nemo me mentiendi gratia fabulam texere putaverit, vidit olim id monstri *Aegyptus*; siquidem Satyrico * fidem habemus: narrat enim ille olim inter *Ombos* & *Tentyra* simultatem fuisse atrocissimam, eo quod alterius numina utraque pars oderit. His autem diem festum agere parantibus, mensis interim ad delubra rite instructis, illi praedae gratia advolant illico, surgit utrinque fixa saevissima, dein pugnis res agitur, videre est omnium confectos ac pene diminutos vultus: at illos tamen poenitet pueriles inter se ludos agere. Igitur ad saxa concurritur, atque id quoque parum visum est, nisi & cadavera passim conculcent. Audent hi tandem ferro proferre, aliosque fuga sibi consulentes à tergo obnixè insectari. Quidam interea dum praecipitanter fugit, offendit, corrui, perit; hunc alii continuo raptum in plurimas diffecant partes, crudasque (coquere enim famelicis longum visum est) una devorant omnes, si cui pars non obrigerit, id infortunium ducit. Attamen ne prorsus immunis sit, ducit per terram digitos, atque vel de sanguine aliquid lingere gaudet. Quae erit posthac tanta crudelitas, quam non persuadeat hominibus discordia, quam sic à naturae lenitate alienaverit, ut feris ipsis reddide-

* Juven. Satyr. xv. vers. 35. & seq.

rit ferociore. O ter felix priscum illud mortalium genus, quod sine auri usibus auream agebat aetatem, quod natura duce fidem pacemque integerrime colens, in parvis quidem copiis at securis tamen, quovis *Persarum* Rege vivebat beatus. Quid, si nunc jam illud suis posset sepulchris emergere, totumque mortalium genus in seditionis versum furorem adspicere? nonne hac merito voce uteretur? O dementes hominum mentes, quibus cum beate vivere liceat, utpote sub benigno Deo, & prodiga omnium rerum natura, ita vos vestra excacat ambitio, ut perpetuam calamitatem felicitati anteferatis. Nos olim glânse qualibet & communibus herbis nostra instruebamus convivia, sobria quidem, sed tamen amica, sed secunda, sed hilaritatis plena. Vos cum superbo strepitu & plurimo sumtu omnia comparaveritis, nunquam tamen frontem exporrigere, atque curarum oblivisci licet. Nos aut specubus, aut arborum caveis, aut certe sub divo molles carpebamus somnos, vos urbe testoque muniti, ac plumis delitiose excepti, praepectoris angustia noctes ducitis insomnes. Nobis fides, amicitia, pax inprimis curae fuerunt, vos dum unam pacem deseritis, in omne vitiorum genus praecipites ruitis. Videte igitur quanto beator fuerit nostra inopia, quam vestra istae copia. Pauperiem nostram felicem reddebat concordia, vos quia eam deseritis, ditari quidem potestis, felices vero fieri minime. Resipiscite itaque, miseri (desipitis enim) atque belluarum feritate relicta, in homines redite, & quod homine dignissimum est, complectimini. Circumagite & corporis una & animi oculos, & ubi nihil omnium rerum sine pacis foedere constare collegeritis, vel mutarum rerum exemplo concordiam discite. Coelum inprimis suspicite, quo illic amore connexa sibi sunt omnia, quam temperata harmonia, quam pulchra syderum concordia, quae cum non unus sint virtutis cum innumera sunt, mutuo tamen sibi respondent omnia, unumquodque suo fungitur munere, suis singula feruntur motibus, & ea quidem animae rationisque expertia, quamquam Philosophorum nonnulli animam his esse contenderint falso! Si igitur haec operosa cœlorum machina sine pace concordiaeque non perpetua modo, verum ne diuturna quidem esse potest, quo pacto vos eam tanquam necessariam negigitis?

Sed redeamus è cœlo, & externa quae plurima sunt in rebus pacis exempla praetereuntes (festinat enim oratio) ex ipsa corporis nostri perpulchra temperie aequè copiosum, at multo familiarius amicitiae exemplum sumere poterimus. Quis enim non admiretur (modo attendat) quam pulchre sint in eo singula singulis partibus distributa officia, nec tamen ulla hoc ipsum quod sortita est munus cæteris impartire invidet, ut facile intelligas, non sibi, sed alia aliis instituta esse. Oculorum videre est, manuum laborare, oris manducare, num vel illi sibi vident, aut haec sibi laborant, aut hoc manducat sibi, ac non multo potius cæteris, quibus opera sua opus esse intelligunt maxime. Praeclare quidem à quodam confictum est, manus pedesque, partes labori comparatas, ventris ferias otiumque indigne tulisse, quid multa, desinunt operari, venter media conficitur, quin & ipsis quoque manibus vires pereunt. Ita fit ut dum corporis partes inter se convenire desinunt, una omnes fame moriantur. Adeoque corpori humano necessaria est concordia, ut si paulisper intermittatur, sanitas consensu abeat, & ipsa in dubium vita veniat. Hujus itaque in membris summa observantia est, ita ut si unum aliquod omnium dolere coeperit, continuo condoleant universa, observant, fovent, de cura sollicita sunt. Intelligunt sane non privatam unius, sed communem omnium rem agi. Sin vero sese discerpere membra inciperent, quis non certo phrenesim eam conse-

ret?

ret? Et qua ratione nos fani putabimur, qui cum unius corporis membra sumus, alii alios odimus, expilamus, deprædamur, trucidamus, & si quid morte crudelius imprecamur. Vides quam sit homine indigna discordia, quæ si belluas vix decet, hominem prorsus non decet, non *Getas*, non *Thracas* cruentos, non quantumlibet barbarum, imo ne idololatram quidem, quanto minus *Christianum*, Clericum, Monachum, qui virtutem religionemque vel ipso nomine profitentur? An se virtutem ullam affecuturos arbitrantur, neglecta concordia? qui id putat, eo nihil est dementius. Quis enim virtuti relinquitur locus, hac teterrima grassante bellua. Amat placidos compositosque animos virtus, gaudet lenitate, gaudet tranquillitate, odit strepitum. Discordia in tumultum vertit omnia, qui hæc duo sibi jungere nititur, is non aliud contendit, quam flammam aquis miscere. Nec id sane prætereundum est, quod catenæ in morem connexæ sunt sibi virtutes, nec altera sine altera conquiritur, aliæ ex aliis pendent, quarum si unam exemeris, cæteræ dilabuntur omnes, sicut ansa exempta tota catena dissolvitur. Unam igitur si virtutem adeptus es, hæc omnes secum comites ducit. At discordia ubi semel mentem occupavit, omne secum vitiorum agmen adducit. Si itaque pacem sustuleris, fidem sustuleris, simul iustitiam, ac modestiam, & omni sceleri fores recluseris; at quamplurimos, inquires, videre est, qui cum pacem nesciant, nonnullas tamen virtutes copiose affecuti sunt, an paucis sine pace castimonie virtus. An paucis sine pace sobrietas, an abstinentia paucis? Erras, (crede mihi) longe erras. Virtutis quidem speciem sine pace multis facile concessero, virtutem ipsam sine illa, nemini. Qui sine hac virtutem præ se fert, is hypocrita, non virtutis cultor censendus est, eorum de numero, quos Dominus sepulchris dealbatis similes vocat, quæ cum foris splendide eniteant, intrinsecus sanie atque omni spurcitia conferta sunt. Severius hæc loquimur, propterea quod noverimus pestiferum hoc fucatumque hominum genus cum ubique passim, tum inter monasteria, abunde versari. Hi sunt, qui pulchrum ducentes digito monstrari (ut ait *Satyricus*) & dicier hic est, norunt in humeros caput dejicere, macerare vultum, fuscare frontem, perpetuo murmure agitare labia, ab hominum convitu subducere sese. Sed cave hæc ostenta virtutis tibi fidem faciant, de pace fac periculum, ubi eam deesse senseris, (neque enim id difficile cognitu est, si quando objicies quod inviti audiant) fuge illico, fuge, inquam, frigidus siquidem latet anguis in herba. Quin esto, omnes omnium sanctorum virtutes in unum congestæ sint hominem, si sola desit concordia, otiosæ sunt, falsæ sunt, virtutes non sunt. Adeo usque non conveniunt sibi virtus atque discordia; hæc pellit quicquid est recti, parit quicquid est flagitii. Unde enim tanta mortalibus ambitionis improbitas, tam intemperans alienæ rei cupido, tam impudens invasio? profecto à discordia. Unde nata est potissimum tanta flagitiorum immanitas, furta, peculatus, sacrilegia, veneficia, perfidia, homicidia, parricidia, unde tanta bellorum crudelitas? sane à discordia. Quid igitur ea à virtute alienius?

Sed quid de virtute commemoro, quandoquidem hujus mortalibus jamdudum extrema cura est, cum ne corporis quidem voluptatem, aut fortunæ commodam quæ inprimis sequuntur, assequi sine concordia possint. De vera voluptate, quæ ab honesto proficiscitur, nunc quidem taceo, (quanquam hæc omnium sit maxima & prima) quid, quod vel corpus ipsum voluptate afficiat, si animum dira discordiæ rabies affligat. Et si enim longe aliud sit corpus quam anima, ita tamen ea colligavit natura, ut alteri sine alero bene esse nunquam possit. Præclare certe *Satyricus* ille:

A *Deprendas animi tormenta latentis in agro Corpore, deprendas & gaudia, sumis utrumque Inde habitum facies.*

Ne *Epicurus* quidem ipse se sine hac beatum existimaverit. Compara si libet unus quicquid unquam deliciarum homo, hominum ille corruptissimus *Sardanapalus*, expertus est. Discordia tanquam fel meli immixtum, in amaritudinem vertet omnia. Hoc siquidem agit, ut beatissimi plerumque tyranni, inter voluptatis omne genus, quovis scurra vivant infelicius. Testantur id quamplurimi, tum præcipue *Dionysius* ille *Phalarisque* tyranni, quos præter cæteros sua crudelitas nobiles reddidit.

B Porro de secundis fortunæ rebus promptum est demonstrare: nam id abunde jam nos docet experientia, pace, concordiaque, bona omnia augeri, servarique, at contra dissensione etiam amplissima dilabi, distrahi. Nam ut à privatis rebus incipiamus. Hi, qui conjugio juncti sunt, minime unquam rem faciunt, si male sibi conveniunt, quin plerisque videre est, etiam ab amplissimis opibus eo rerum redactos, ut ne testa quidem, qua ignem peterent, reliqua fuerit. Et ut ad publicam proficiscatur oratio, quid *Troiam* urbium omnium opulentissimam bis excidio dedit? discordia. Quid superbas *Carthaginiæ* arces evertit? discordia. Quid *Corinthum* eruditam, quid viribus probatam *Numantiam* sustulit? discordia. Quid *Romam* olim invictissimam dejecit? quid tam præclaram Rempublicam funditus labefecit? nonne sceleratis quibusdam mota seditio?

C Sed nihil veterum annalium meminisse opus est. Ipse proh! nostra ætate satis superque didicimus, hæc nocentissima furia quid quantumve pariat mali; quid enim hac nostra patria uberius, quid ditius, quid aprius magis, si non eam popularetur seditio nefanda. Tellus tum ferendis frugibus, tum pecoribus pascendis habilissima, mare vicinum omne genus piscium affatim porrigit, cæterarum rerum omnium familiaris affluentia est, modo nostris nos bonis sineret frui discordia; verum, quid hæc non adimit nobis? Erumpunt lachrimæ pergenti tempestatis hujus calamitates sermone prosequi. Exuruntur passim arvis jam flavæ, jam poscentes messem segetes, flammis traduntur hostilibus villæ universæ; atque qui eas coluerant infelicitissimi partim trucidantur, partim in captivitatem abripiuntur, partim, quos fuga eripuit, inopes vagique pererrant. Liberi, parentibus contuentibus, indignis tractantur modis, filiae constuprantur, conjuges abducuntur. Denique non terra tutum est iter, navæ quoque mari arcentur, adeo usque nullus locus reliquus est, quem hæc seditionis sævissima tygris non occupaverit. In urbibus præterea cum victus magna penuria, tum æquitatis fideique quam maxima est. Jura sepulta, demersæ leges, oppressa libertas, confusa sunt omnia. Postremo quot quibus modis vita priventur, memoratu difficile est, auditu miserabile, nemo qui non mœrore luctuque contabuerit. Hic fame perit, ille suspendio, alii gladio cæduntur, alii rotis impositi, avibus præda, cruenta nobis spectacula fiunt, pereunt in acie passim nobiles atque non digna morte indigni, cadit & sine numero & sine nomine vulgus. Ut jam merito illud poeticum dixerimus:

E *Mille modis lethi miseros mors una fatigat.*

F O tu tartarea *Tisiphone*, ô Furiarum maxima seditio, quid tibi rei cum superis? Adeo-ne tibi invidiæ fuit mortalium felicitas, ut his nos luctibus involveres? Quod si usque adeo tibi sævire collubatum est, sine superos, in sedibus tuis manium suppliciiis rabiem tuam exsatura. Sed plane id agis ne sola illuc redeas, vis tecum mortalium gregem abducere.

Intelligis, (ut arbitror) mi *Corneli*, quantam parat discordia perniciem, quæ non modo vitæ voluptatem tollit, non solum vitam ipsam adimit, ve-

rum etiam, quod est omnium infelicitissimum, animas ipsas aeternis cruciandas suppliciis in tartara mergit. Et quum ab hac tantum nascatur mali, at contra à pace tantum oriatur boni, hominum demeritum satis mirari nequeo, qui illa malint perire, quam hac beari. An paucis audire volunt inter concordiam discordiamque quid intersit. Illa divino munere cœlitus humano generi ut bona beatæ vitæ portio collata est; hæc *Sisyis* è tenebris, ut hominibus mortiferum virus adspargat, emissâ. Illa etiam alienos dulci vinculo colligat; hæc velsanguine conjunctissimos dividit. Cum illa homini molestum nihil; cum hac jucundum nihil. Illa urbium inglorium moenia erigit; hæc erecta diruit. Illa opes congerit; hæc congestas diripit. Illa virtutibus amica est; hæc inimicissima. Illa suadet quicquid æquum, quicquid honestum; hæc omnium flagi-

A tiorum magistra est. Illa agit, ut cum corpori, tum animæ bene sit; hæc, ne unquam bene sit, efficit. Illa nos diis simillimos reddit; hæc homines in belluas vertit. Illa denique animam vitæ defunctam Deo jungit; hæc corpore exulsam in noctem perpetuam mittit. Cujus igitur animus tanta erroris caligine premittitur, qui hanc amplectatur, illam parvi faciat, ne contemnat dicam. Quisquis hujusmodi est, non hortor modo, verum etiam oro, atque obtestor, ut excussis animi tenebris ad se redeat, à discordiæ vitio sese abducatur, ad pacis studium se conferat. Hanc amplectentur omnes, qui homines quam feræ esse maluit; hanc colant quibuscunque fides officiumque curæ est; hanc sectentur quotquot secure placideque vivere amant; hanc quibus ullâ salutis ratio teneat.

FINITUR ORATIO DE PACE ET DISCORDIA CONDITA AB ERASMO ROTTERDAMO ANNO ÆTATIS SVAE VICESIMO.

DES. ERASMI ROTTERODAMI ORATIO FUNEBRIS IN FVNERE BERTAE DE HEYEN, GOUDANAE VIDUAE PROBISSIMAE.

Ad filias ejus superstites, Moniales in oppido eodem.



LAMPRIDEM quidem, filiae ac sorores charissimæ, litterarum aliquid ad vos dare institueram, quibus dolorem, quo vos maternus affecit decessus, demulcere possitis. Sed (credite mihi) quotiens sumto calamo *Bertam* nostram celebraturus membranæ manus admoveo, prorumpunt continuo lachrimæ, stupent articuli, obrigent artus, elanguet animus, adeoque mœrore conficior, ut non modo non scribere, verum ne cogitare quidem vel paucillum de maternis virtutibus liceat. Quotiens hanc adoratus sum oratiunculam, quotiens singultu mœroreque superatus rejeci è manibus, quotiens obfirmato animo, pressisque paulisper lachrimis, rejectam repetii, quotiens rursus rejectam rejeci, quotiens jam sepositam improbus adorari conatus sum? Sed dum vestræ vulneri tristitiæ medicinam ferre contendo, ipse longe acerbior plaga fauciatum me deprehendo, dumque ulcera vestra oleum infusus rimari corperem, mea in me vulnera recrudescunt. Et quæ vulnera? Non equidem corporea, sed longe corporeis atrociora, animi loquor. Quotiens enim subit animo meo *Berta* prædulcis imago, protinus ex oculis quasi quidam faucis animæ sanguis erumpunt lachrimæ, ingemunt singultus, prodeunt gemitus interni doloris indices, gelidusque per ima recurrit ossa tremor, informis ora pallor occupat, hæret faucibus lingua, clabitur spiritus, adeoque totum me dirus invadit dolor, ut ferre nequeam. Fateor (quanquam pudeat) imbecillitatem meam, vincor affectu, mœrore absorbeor, luminibus imperitare nequeo. Jam mihi canere est illud lugubre lugente David: *Defecit in dolore vita mea, & anni mei in gemitibus. Circumdederunt me dolores mortis, circumdederunt me sicut aqua, tota die circumdederunt me simul, elongasti à me amicam & proximam.* Calumniabitur forte quispiam planctum meum, plus æquo me fleibus in-

dulgere causabitur. At quisquis is est, cui nostræ scandalo sunt querimoniam, id sibi responsi ex me referat. Primum me non illius, quæ felici commercio terram cœlo, mortem mutavit aeternitate, sed meam ipsius vicem dolere. Deinde quis sanæ mentis turpe ducat, hominem humanis pulsari affectibus. Non inficias eo humanis me agi passionibus, sicut nec me hominem diffiteor. Neque enim mihi cernea fibra est, nec me duris *Caucasi* progenitum cauitibus *Hyrcani* nutrire tygrides, (& ut aliquid ex nostris adferam) neque fortitudo lapidum fortitudo mea, neque caro mea sænea est. Porro nemo me mœroris immodici arguerit, nisi qui quid mihi cum *Berta* necessitudinis intercesserit prorsus ignorat. Vos, vos, ô filiae charissimæ, querelarum mœrorum non injustam causam facile perspicitis, quippe quæ & antehac pari illius mecum flagrastris amore, & nunc æquali tenemini desiderio. Vos, inquam, haud injurio *Bertam* me lugere cognoscitis, quæ quid mihi cum illa fuerit ignoratis minime. Quid enim? profecta illa illa nutricia mea, benefica mea illa, refugium inopie meæ, illa me suscepit orphanum, confovit inopem, opem tulit agenti, desolatum seipsum numero consolata est, erexit pusillanimum, & (quanquam id mihi pudori sit) nonnunquam, ubi rerum ita ferobat conditio, suo me fulcibat consilio. Pari me communique cum liberis suis amore complexa est. Non fecus illi curæ eram, ac è suo me protulisset utero, corpore quidem aliena, animo vero nihil mihi germanius, quid ni æque atque matrem amaverim, quæ me non fecus ac filium charum habuit? Præter solam corporis materiam (quod quidem ego omnium minimum arbitror) maternum in ea desiderare potui nihil. Cæterum officiorum non præterit quippiam, quibus non incredibili in me pietate usâ sit. Et quomodo repente cum *Berta* mea sublata sunt omnia? Quicquid mihi antehac spei, quicquid solatii, quicquid salutis fuit, cum illa occidit, cum illa abiit. Quis ac mihi subire ab-

abripuit, mater mea, mihi charior anima? Siccine separas amara mors? Quo tua effera versabitur rabies, truculenta bestia? Tu fratrem fratri subtrahis, & charissima inter se nomina crudelis & dira dissocias, tu sanguine separas conjunctissimos, amores unitos coagulo dissecas, necessarios dividis totius dulcedinis invida, totius boni inimica mors. Tu illam, ex qua pendebam totus, subito subduxisti, triste divortium, atque utinam cum illa me quoque corripuisses, non illam abripuisses! Nunc vero distraxisti viscera mea, avulxisti à me portionem & quidem meliorem animæ meæ, atque ego confectus relinquo & faucius, an non maluerim commori illi, quam dimidium vivere? Nisi forte non vita, sed mortis genus quoddam censendum sit, quicquid ævi absente *Berta* peregero.

Sed quo me doloris abduxerit impetus? pectoris vestri mœsticiam demulcere institueram, & ecce jam propemodum tempore sopitam fuscitasse visus sum. Vereor ne non immerito illud beati *Job* objeceritis mihi: *Consolator onerosus es tu*. Verum vos, filiæ charissimæ, pro singulari vestra prudentia, ingentique humanitate facile mollitiei meæ parcituras confido: & eo quidem facilius, quo ab immenso eam *Berta* nostræ desiderio proficisci indubitatus tenetis.

At nunc quoniam satis affectui datum, satis lacrimis indultum, ad institutum nostra sese referat oratio. Quanquam itaque qui vos consolari cupio, ipse consolandus sim, & qui me vobis medicum præstare contendo, ipse medici opera opus habeam, tamen quoniam acerbiora pectora vestra vulnere dilectæ matris decessum fauciasse haud injurio suspicor, (quippe cui gemino connectabimini vinculo cum carnis, tum spiritus) maternas vobis laudes in solatium qualecumque brevi hac oratiuncula depingere decrevi, Veterum consuetudinem, qua liberi ad parentum funera in concione pro rostris lugubres olim orationes habere consueverunt, quibus & auditorum animos in miserationem adducerent, & patrias virtutes apud omnes redderent vulgarissimas. Quin etiam gloriosus *Hieronymus* eo ipso scribendi usus genere *Heliodorum* super *Nepotiani*, & *Eustochium* super *Paula* matris obitu consolatus est, quem ego imitatus sermonis duntaxat filo, non autem æquis eloquentiæ viribus, divinas *Berta* nostræ virtutes litterarum monumentis tradere æquum duxi, tum ad vestri consolationem, tum ad omnium, qui hac forte lecturi sunt, institutionem; & vos enim materna relegentes præconia, non modo non eam amisisse dolebitis, verum talem præmisisse gaudebitis magis, & illi præclarissimas sceminae admirantes virtutes, immortalibus eam præconiis perpetuis seculis in cœlum efferent. Quæ enim tam surda posteritas, quæ tam ingrata fama, quæ non tam præclare gesta sceminae perpetuis celebret honoribus. Sed veremur rursus ne ea inculta & rustica oratione non tam adornatui, quam deornatui simus. Ingentia quippe sunt & omnem laudatorum eloquentiam antecuntia. Et quis ego sum, qui id negotii digne me confecturum polliceor, qui ut litterarum imperitus, ita & eloquio indisertus sum. Verum, quoniam reticere prorsus injurium, imo quantum ad me attinet, impium est, si non ea qua volumus, ea certe qua valemus eloquentia negotium aggrediamur. Et si nihil gloriæ illius laudibus (quæ tantæ sunt, ut nihil adjici possit) nostra oratione accessurum non nesciamus, tamen vel commemorasse non parum profuerit.

Sed antequam ordiar, id unum vel maxime lectorem præmonitum velim, nihil me aut popularis auræ captandæ gratia, aut spe quæstus esse dicturum, aut certe eorum more, qui de parvis majora loquuntur, quique (ut apud *Poetam* est) nigrum in candida vertunt, confecturum quippiam; sed aut ea quæ

A coram positus his ipse oculis didici, his auribus hausi, aut ea quæ uno omnium ore accepi teste conscientia sub oculis cuncta spectantis Dei conscripturum. *Tulliana* nos oratoriæ artis præcepta admonent, quum quempiam laudibus prosequi cupimus, altius majorum illius virtutes dignitatemque repetere, atavorum avorumque illius præclare gesta memorare, quo eo omnium clariore existimetur laude dignus is, quem non solum patriis non degenerasse virtutibus, verum etiam ipsam suæ stirpis dignitatem exsuperasse demonstramus. At non *Christiana* disciplinæ est aliorum alios meritis æstimare. Ut enim liberos parentum debita flagitiis supplicia pendere indignum est, ita illos eorum triumphare sudoribus haud æquum esse censemus. Anima enim quæ peccaverit ipsa morietur. Ne igitur *Bertam* nostram, ut *Æsopi* corniculam, peregrinis videar ornare coloribus, progenitorum illius dignitatem probitatemque transeo, locupletes rerum copias cæteraque secundæ fortunæ commoda non commemoro. Porro id unum ejus tribuo laudibus, quod hæc omnia nihili ducens, solam mente virtutem amplexa sit. Nam cum exuberante rerum copia, virente ætate, florente forma, cæterisque mortiferæ voluptati accommodis affatim affluentibus luxibus impune vacare potuerit, indui cultius, obsonare splendidi, dormire mollius, solis maluit sponsæ *Christi* inhærere vestigiis, & horrentem *Christiane* vitæ rigorem ardenti seculi prætulit vanitati. Non ut per illud ætatis puellæ assolent comendis incumbere vestibus, non fucandæ studere formæ, non vanisonis delectari choreis, non denique ullis puellaribus studiis animum dare, sed lascivientis adolescentiæ florem, præcoci quadam animi canicie vincere, spiritui carnem subicere, parentum obtemperare iussibus, ecclesiæ frequens limina terere, & quicquid illi vacui temporis supererat, orationi impartiri.

D Moverit forte quempiam, cur non potius funditus renuncians seculo ad cœnobiticam sese contulerit vitam. Id quidem tutius esse non abnuo, sed longe præclarius puto, inter tot vitiorum irritamenta omnis vitii nesciam vivere, inter tantos fluctuantis seculi tumultus, tranquillam (quod sola virtus efficit) vitam agere. Quid enim præsens seculum nisi pelagus quoddam appellaverim, assiduus concitum tempestatibus, innumeris obsessum periculis, quorumquenque videre est, qui in eo salva naviget rate, qui nihil passus dispendii portum incolumis contingat optatum. Mille in eo mortes, discrimina, & (ut *Virgilius* verbis utar)

Multum ubique pavor, & plurima mortis imago.

E At *Berta* nostra ætatis suæ immemor omne periculi genus admiranda animi strenuitate superavit. Non illam *Scyllæ* canes horronis terruere latratibus, non avaritiæ inexplata *Charybdis* absorbuit, non ambitionis acutæ *Syrtes* sonantibus elisere scopulis. Denique & *Sirenarum* exitiales modos surdis præterit auribus. Præterea nec sine divino auspicio id equidem actum crediderim, ut cum *Berta* nostra pedibus assidere dominicis cum *Maria* maluerit, compulsa sit sollicitari cum *Martha*, turbæque erga plurima, tum quo illius virtus crebris malorum exercitata assultibus latius increbresceret, tum quo non sibi soli, verum etiam quam plurimis, & vel maxime pauperibus auxilio esset, quod suo loco facile patuerit.

F Itaque edomitæ vernantis adolescentiæ stimulis (pueritiam enim studio brevitatis prætereo) ubi illam jam nuptiis maturam reddiderat ætas, parentum imperio (quanquam mirum in modum cælibem semper vitam optaverit) marito conjugii vinculo sociata est; erat autem & ipse ut rerum omnium locupletissimus, ita & probitate singulari, ac in rei familiaris cura apprime strenuus, dignus utique tam sancta conjuge maritus. Porro illa nuptiarum

connexus minime libidini, sed gignendæ soboli comparatos intelligens, non *Veneris* vacabat illecebris, non luxibus operam dabat, non quod pleræque faciunt, ventrem Deum cœpit habere. Sed id Apostoli sollicito pertractans pectore, *Reliquum est, ut qui uxores habent, sint tanquam non habeant*, &c. carnem suam incredibili severitate coercuit, secularibus sese, ubi oportunitas nata esset, tumultibus subduxit, quo tranquillius aut lectioni, aut orationi operam daret. Denique & tanto beatissima foemina castimoniam studio flagrabat, ut propemodum sub solo conjugis nomine virginem vivere videretur. Verumtamen ne Apostolica præterisse præcepta putetur, *Mulieres subdita estote viris*, & item, *Mulieres timeant viros suos*, adeo se illi morigeram præstabat per omnia, ut famulam crederes, non conjugem, & adeo rursus pudicam, ut germanam, non uxorem putares. Contendebant inter se alternis benevolentiam, pudicitiamque, officiis sanctissima conjunx, ac perinde tali conjugæ felix maritus. Quid hoc castius commercio? quid hoc immaculatus conjugio? imo quid jucundius? Non in eo illud poeticum locum sibi repperit ullum:

Semper habet lites alternaque jurgia lectus,

In quo nuptia jacet, minimum dormitur in illo.

Non ibi nocturna strepere jurgia, non diurna sonare convitia, non vel offensa intercideret levissima. Ita alterum alteri mutuus & sanæ pudicus connexerat amor, ut nihil quod ille nollet, hæc vellet, nihil quod hæc vellet, ille noluerit.

Quid memorem qua sedulitate rem familiarem gesserit, qua liberos educaverit disciplina, qua liberalitate egenos confoverit? Nam si scholasticorum quemquam rebus inopem, litteris vero morumque probitate divitem, forte conspiceret, eum protinus in domum adductum suam liberorum suorum gregi immiscuit, quo & illius solaretur egestatem, & ad ejus exemplar filiorum mores actusque componeret. Ubi autem sacerdotio, aut cuivis ecclesiastico gradui maturus effectus esset, aut certe religioni, summo curabat studio, ut quamprimum & ex sententia consequeretur. Id tamen illi inter hæc non nihil molestum erat, quod pulchros animi conatus non posset ut volebat operi accommodare, deessetque liberalitati libertas. Sensit quippe se mariti compeditam nexibus, sensit plane conjugii se remorantia vincula juxta vocem Apostolicam: *Mulier alligata est viro quanto tempore vivit vir ejus*. Partim ergo illi adhuc alieno more vivendum erat, quippe quæ sui juris nondum erat: ast ubi jam vita defuncto marito à lege viri soluta est, tanto animi calore ad omne se protinus virtutis studium contulit, quasi tum primum post longos errorum ambitus sancte vivere cœperit. Secundos maximopere refugiebat thalamos, quanquam hac atque illac procorum & sanè non humilium instaret turba quamplurima. Bigamiam suadentibus necessariis id referre responsi solita erat: Hactenus dimidium duntaxat Domino servire matrimonii me compulere compedes, deinceps vel id quod reliquum est ævi, totam illi finite vivere, quæso, cujus tota sum qui contulit omnia. Quid frustra dehortamini, quod ipsa jampridem vehementer optavi. Nec defuere profecto præclaris foeminae sermonibus acta magnifica. Continuo omnis seculi contemnitur pompa, vestium nitor prorsus abjicitur. Tanta sermonis modestia, tantus parsimoniam amor, (tametsi hæc pristinae vitæ non tam succedere, quam accessere) ut Monacham crederes, non viduam. In oratione propemodum assidua, in ecclesia frequens, in foro rarissima. Præterea nec tam cæteri solent locupletes faciendis inhiare marsupiiis, quam illa exauriendis operam dabat. Mirum dictu est, qua liberalitate, qua sedulitate omnem rerum copiam, quæ illi affatim exuberabat, pauperum usibus impertita sit. Quis egenorum illius non obvolutus est ve-

stimentis? Quis unquam egentium stipem ab ea nequicquam imploravit? quis ab ea petita non retulit? aut certe cui (quem forte egestate pressum conspiceret) ultro non obtulit? Omnis inopum turba non secus illius ac matris opplorabat auribus, illa omnium æque atque liberorum suorum sollicitudine tenebatur. At ne solum ex eo, quod abundabat, benefecisse eam calumniare quispiam, quotidiano labore vestes pauperibus erogandas propriis consuebat manibus, ut cum sese offerret oportunitas, quid cuique tribueret ad manum haberet.

Sed quid cuncta speciatim sermone prosequi pergo, tum cum innumera sint & memoratu difficillima, tum cum maxima illius in pauperes beneficia omnis *Gouda* hodie quoque admirabunda testetur, quibusque miserationis affluerit visceribus universa peritrepas civitas. Id unum tamen silentio prætereundum putamus minime, quoniam pridie Parasceues quotannis decem & tres è mediis pauperum cuneis accitos, mensæ suæ assidere fecit, quibus & quæ ministranda erant, ipsa apposuit, & satiatis convivis insigni humilitatis exemplo propriis pedes abluebat manibus. Præterea profeucham illam, (quod *Hospitale* vulgus appellat) quæ in urbe *Goudana* Minorum conventui contigua est, egenorum infirmitatibus comparatam, cui & ipsa non mediocriter subsidium contulit, sæpenumero invisere solet, & singulorum grabata collustrans singulis quibus opus erat ministrare. Quid hac insignius foemina? quid hujus virtute præstantius? Non abhorrebat (tametsi teneris assueta erat) pannorum situ nascentem putorem; non aeris morbidi, languentium halitu infecti pericula refugiebat, modo in extrema judicii die dominicam mereretur audire vocem: *Quod uni ex minimis meis fecistis, mihi fecistis*. *Infirmus eram, & visitastu me*. Nonne vobis alteram *Elizabeth* retulisse videtur? Sane prorsus, & si vocabulorum tollas dissonantiam, cæterorum dissonare videbis nihil. Et quid? nonne id quoque memoratu dignum quis duxerit? Nam cum foeminae forte cuidam eleemosynam conferret, eamque (ut omnium erat sitibunda salutis) noxæ nescio cujus paululum objurgaret, illa ut rerum erat, ita mentis quoque se inopem probans, conversa atque indignum admodum ferens, innumera atque immania cœpit in eam convitia conjicere. Heus (inquiens) tu, quæ per compita & trivia præcone adhibito eleemosynas jactabunda spargis, putasne mercedis te accepturam quippiam? Profecto id tibi vaticinor, istæ, quas tantopere venaris, hominum gratiæ, in recompensam tibi erunt tuorum, si quæ recte gessisti, beneficiorum. Porro quibus hypocritis tua donanda præmiis? quibus tanta honoris fames sit remuneranda coronis? nihil mea interest, at tu propediem experieris misera. Hæc & in hunc modum quam plurima maledicta tam sanctæ prorsus indigna foeminae auribus, infelix illa *Tisiphone* agitata stimulis, obstrepere, & fanda simul atque infanda sonare. At illa non solum æquo, verum etiam hilari perferens animo, mihi demum gratulabunda narravit, pollicens se maledicam suam, ubi primum rediret, pro convitiis gemino beneficio donaturam?

Postremo qua liberalitate sanctorum Fratrum monasteria suis provexerit impendiis, quanta in omnes religiosos humanitate usa sit, quis digne sermone consequi possit? Fundus illi erat extra *Goudana* moenia, septem complectens ædículas, hunc ædificando *Brigittensium* Fratrum monasterio contulit. Et illi quidem in eo habitaculum adorsus sunt, sed nescio quo pacto commodius eis visum est illinc in urbem commigrare. Venundato itaque eo, atque in pretium redactis ædículis, ad urbis moenia rursus construere cœperunt habitaculum, quod in hoc usque ævi coram cernere est, tum elegantis structuræ, tum sanctissima fratrum sororumque societate refertum, *Berthe* beneficentiam immortalis memoria celebrantium. Por-

Porro qua humanitate viros prosequuta sit religio-
 sos, ipsi saepe numero experti sumus: nam quem un-
 quam coram Gonda forte adventasse rescivit, quem
 non continuo receperit hospitio, domus illius omni-
 bus erat diversorium, omnibus illius patebat janua
 vel invocatis. Ad eam itaque unam ut matrem con-
 fluebant, illa ut filios imo patres excipiebat univer-
 sos, exceptos largis fovebat alimoniis. Id sibi ma-
 gno pro fœnore ducens, si sua seminans carnalia,
 nostra meteret spiritualia, si nos ferculis pascens cor-
 poreis, ipsa vicissim aut virtutis exemplo, aut ver-
 bo salutari pasceretur à nobis. Sed è contrario ma-
 gis (quantum id pudori nobis sit) longe amplius
 nos illius modestia, quam illa nostra, instructi re-
 cessimus quam sapissime. Nam si inter edendum
 verborum quippiam temere oriretur, quod tuiusvis
 redoleret infamiam, protinus quadam frontis seve-
 ritate sermones interrompens pestiferos, aiebat:
 Parcite, patres mei, parcite dum mensæ meæ asse-
 deritis in absentium quenquam convitia jaculari, aut
 cuiusquam memorare dedecora: non enim delectant
 aures meas huiusmodi. Sopierat sane aures suas spi-
 nis ne audiret verba susurri.

Plurima præterea, ne lectorem proluxa oratio fa-
 stidio afficiat. Sed cer non eximie illius patientiæ
 exemplum vel unum proferimus. Transeo quo ani-
 mi robore omnes sinistrae fortunæ assultus exceperit,
 liberorum calamitates qua strenuitate pertulerit, non
 commemoro. Me præsentē res gesta est, quam
 narro, ne me vana aut ficta texere suspicetur quis-
 piam. Erat illi gnata, atque eadem cæteris formæ
 venustate præstantior omnibus, *Margareta* nomine,
 quam unam mater omnium amabat tenerime. Ea
 honestate dignissima pompisque celeberrimis marito
 tradita est. Et ô repente immutata matris gaudia!
 ô fallacem conditionem mortalium! Nondum sex
 hebdomades indultum est nuptiis, & ecce puella
 morbo correpta vehementissimo lecto decumbere
 cœpit. Pauci intercessere dies cum jam invalescen-
 te morbo, solita mortalium argumenta cœperunt
 mortem nuntiare vicinam. Accersimur illico, pro-
 peramus, accurrimus. At quotquot aderant (ade-
 rant enim tum foeminae, tum viri innumeri) fle-
 bant amarissime, nemo qui lacrimas cohibere
 posset. Quis enim vel saxei pectoris siccis adspice-
 ret genis in eo ætatis flore, in primis nuptiarum
 exordiis puellam tam probam, tam decoram, rebus
 repente humanis eripi? Sola mater (juxta *Maronis*
 verba) immota tenens lumina & obnoxia curam sub
 corde premens, prorumpentibus obfistere lacrimis
 potuit. Paulisper tacitis indultum est fletibus, &
 ecce vita defungitur filia, unica matris voluptas.
 Tum protinus omnium suppressus hætenus prorupit
 dolor, fletusque in ploratum versus est. Mirum
 dictu qui conjugis planctus, quæ necessariorum la-
 menta, qui circumstantium foeminarum ejulatus.
 Lugubri tumultu universa perforabat domus. Ma-
 ter vero siccis adhuc luminibus luctifera sese pa-
 rumper abs turba abripuit. Arbitrabar equidem præ
 ingenti pectoris angustia solitudinem eam captatum
 ire, utpote qua mœrori nihil amicus, calamitati
 nihil familiarius est. Contemplabar, atque quid-
 nam rerum inceptaret, observabam; at illa in spon-
 dam sese collegit, cubisque innoxia secum nescio
 quid stupentibus oculis cogitanda volebat; sus-
 picabar eam dolore confectam interno (fatebor enim
 errorem meum) acerbum quippiam ac severum, fu-
 rentium more, pectore volutare. Nam dissimulare
 quidem tantæ calamitatis ærumnam credidi, supe-
 rare posse prorsus diffidebam. *Virgilius* de ea ver-
 ficulos volvens:

Cruxque ingentibus agra

Spem vultu simulat, premit alium corde dolorem.

Et item:

Erga ubi concepit furias evicta dolore

*Consilium vultu tegit, ac spem fronte serenat,
 Concitus aggredior mœrentia pectora matris
 Mulcere, & iristes ditis avertere curas.*

At illa ubi id intellexit, solito severius coniectis in
 me oculis, aiebat: Tu-ne me consolari advenis, pa-
 ter, quasi vero injurium quicquam ac stomacho di-
 gnum hodie obtigerit mihi, qua fronte indigne fe-
 ram, quod filiam Dominus abstulit, nisi forte im-
 memor & ingrata sum, quia contulit. Nonne is
 ipse, qui dederat olim, recepit? & quæ mihi justæ
 materia querimoniz? Offensis meis justior stoma-
 chandi ratio mihi est, quæ id pro mea fecere sen-
 tentia, ut hæc immatura morte nobis abrepta sit,
 ego commisi noxam, illa tulit poenam. Siquidem
 in ejus nuptiis nimium forsan in ea mihi complacui.
 Quid hac foeminae patientia mirabilius? Num post
 rerum jacturam, post liberorum funera, beatissimi
Job vocibus hic tibi foeminae sermo admodum con-
 sonare videtur? *Dominus dedit, Dominus abstulit, ut
 Domino placuit, ita factum est: sit nomen Domini be-
 nedictum.* Quod dignum huic patientiæ exemplum
 proferemus? Num veterum quenquam *Latina* me-
 morant historiæ dignum, quem hujus virtuti confer-
 ramus? Occurrit interim *Paris* ille præcorum exi-
 mius, qui duobus orbatus liberis coronatus in con-
 cione disseruit. *Xenophon* quoque ille *Socraticum* cum
 inter sacrificandum gnatum occidisse in bello rescis-
 set, coronam quidem deposuisse fertur, sed conti-
 nuo eam capiti reddidisse, ubi non ignave, sed stre-
 nue dimicantem adversis comperit concidisse vulne-
 ribus. *Pulvillus* dedicandi *Capitolii* festa peragens,
 ubi vita defunctum esse filium accepit, rem duxit
 indignam, ob quam sacra interromperet, sed se jus-
 sit absente sepeliri. *Lucius Paulus* septem diebus in-
 ter duorum exsequias filiorum triumphans urbem
 ingressus est. Et ut maximos *Catonem*, *Gallum*, *Pi-
 sonem*, *Brutum*, *Scævolam*, *Metellum*, *Scævrum*, *Mari-
 um*, *Crassum*, *Marcello* præclara posteritatis exempla præ-
 teream, *Anaxagoras* ille Philosophorum haud ob-
 scurus in gymnasio cum cæteris Philosophis disce-
 rens, cum mortuam audisset filiam, id responsi nun-
 cio tranquillus retrulit: *Quid? an me nescio eam ge-
 nuisse mortalem?* Præclara quidem sunt hæc, sed
Berta nostræ virtuti pro mea sententia minime con-
 ferenda. Longe enim aliud est pietatis affectum
 comparandæ gloriæ gratia nihili pendere, aut certe
 ut verius loquar, ficta quadam frontis severitate
 internos animi dissimulare tumultus, aliud solo *Chri-
 sti* amore amorem gnatæ non modo vincere, verum
 etiam gratias agere.

Accedit præterea gloriæ illius cumulo sexus im-
 becillioris infirmitas. Quæ enim in viris bello ab
 incunabulis (ut ajunt) assuetis, aut in peritis omnium
 rerum Philosophis admiratu digna ducimus, quis
 non majoris eadem gloriæ æstimet in muliere? Mu-
 lierem fortem quis inveniet? Inventa est sane, nisi
 forte hanc non tam mulierem quam virginem ap-
 pellandam censeamus. Et profecto si solum ab ea
 tollas sexus discrimen, muliebri reliqueris nihil.
 Quidni virginem jure appellaverim, quæ mortem
 ipsam cunctis horrendam mortalibus virili contem-
 nit animo? Siquidem cum ægitudine laboraret in-
 genti, atque immani in dies morbi acerbitate con-
 ficeretur, tanta animi strenuitate perferbat, ut ne
 medicorum quidem optatam magnopere poposcerit,
 tantum eam (ne Deum tentare videretur) non ab-
 nuerit. Omnem suam in Dominum conjecerat fi-
 duciam, tota ex illius pendebat arbitrio, totam sese
 illi commendabat, sine quo & inanem esse medico-
 rum industriam non ignorabat. Ego cum quadam
 die eam inviserem, atque qua valetudine esset sollici-
 tus sciscitarer, confessa est mihi intolerabili se crucia-
 tu torqueri. At dum illi patientiæ virtutem utcu-
 que persuadere conares, id ex ea responsi accepi: Non
 me latent ista, pater amplissime, scio, scio, quia non
 sum

sunt condignæ passiones hujus temporis, ad futuram gloriam, quæ revelabitur in nobis: Scio, inquam, si strenue dimicaverimus, quantis præmiis noster nos agonothesia donaturus sit, sed ut spiritus promptus, ita & caro infirma. Tantum ille patientiæ conferat robur, qui certamini exposuit, imo sane conferet: nam non patietur nos Deus tentari supra id quod possumus, sed faciet etiam cum tentatione proventum, ut possimus sustinere.

Deinde ubi jam morte vicina exerceri cœperat, necessariarum immemor rerum, incuria omnium liberorum secuta, pauperum duntaxat meminit, atque inter extremos deficientis animæ halitus, hæc subinde adstantium auribus immurmurabat: Cætera ut lubet agite, tantum egenorum memineritis; atque idipsum repetebat identidem. Demum sublati in cœlum oculis, complois palmis, corporeis libera compedibus ipsa *Brigitta* solemnitate, cui (ut ante meminimus) miro afficiebatur amore, ad totius libertatis matrem *Hierusalem* Angelicis subvecta cæteris commigravit. Corpusculum, sanctissimæ quondam animæ non indignum habitaculum, solemnibus exsequiis non sine ingenti omnium mœrore terræ commendatum est. Quid luctu, quibus lachrimis, omnis illam civitas prosecuta sit, haud facile dictu est. Nullorum tamen visus est luctus acerbior, quam pauperum *Berta* quondam alumnorum: nam cum solemnium exsequiarum more supremæ disparirentur eleemosynæ, tantus subito ululantium pauperum tumultus exortus est, ut dictu difficile sit, creditu mirabile, auditu miserabile. Qui non illic sonuere planctus? quis illic non perstrepuerit ploratus? quod non auditum est genus querimoniarum? quæ non lamenta? Omnes se non modo nutriciam, verum etiam matrem, imo nescio quid matre charius perdidisse certatim conclamabant. Hinc anuum, illic infantium fractæ singultibus voces exaudiebantur: Eheu! quis nos posthac paverit? quis bruma spirante vestierit? cuius posthac opplorabimus auribus? quæ se nobis *Bertam* præstabit alteram?

Verum illis quidem haud injusta lachrimarum ratio est, at nobis, ô filiæ, non tam lugendum quam triumphandum est, quippe qui matrem & talem matrem non amisimus, sed præmisimus. Quousque indulgemus fletibus & vano mœrore conficimur? *Berta* fidereis in sedibus inter splendida coelicolarum agmina triumphat, fertis redimita stellantibus, & nos illius funera plangimus? Quam vereor nunc ne non immerito *Democriti* cachinno nostras irridens lachrimas, Dominicam nobis ingerat vocem: Si diligeretis me, gauderetis utique, quia vado ad patriam. Itemque: Nolite flere super me, sed super vos ipsos flete. Plane nostra magis quam illius plangenda conditio. Quid ni? Illa abjecta moribundæ carnis sarcina, cœli jam ingressa est patriam. Nos & incolæ & inquilini in tristi hac lachrimarum valle, in hoc calamitatis & mortis exilio onerosa adhuc corporis mole pressi, hæere cogimur, flentes cum *David*: *Hæu mihi, quia incolatus meus prolongatus est, habitavi cum habitantibus Cedar, multum incolatus fuit anima mea.* Illa sideris in penetralibus piis sociata vatibus, sacro Apostolorum juncta senatui, candidatis martyrum comitata agminibus, virginis vallata coronis, Angelicis circumdata ordinibus, castis viduarum immixta cœtibus, in conspectu Agni lætabunda decantat: *Sicut audivimus sic vidimus, in civitate Domini virtutum, in civitate Dei nostri.*

A *Nos autem super Babylonia sedentes flumina atque cum fletu recordantes Sion, dicimus: Quomodo cantabimus canticum Domini in terra aliena.* Gaudeamus igitur cum gaudente, triumphemus cum triumphante matre, ô filiæ charissimæ, sistamus lachrimas, parcamus fletibus, finem ponamus luctui. Contendamus autem potius improbo conatu illo sequi, quo nos illa præcessit. Et id quidem eo pacto fecerimus, si virtutum vestigiis, quæ calcavit, nos quoque inhæserimus, si æque atque illa patientiæ studuerimus, misericordiæque visceribus affluerimus, æque justitiæ fideique tenaces fuerimus. Quod matris meritis nobis ille præstet, qui matrem suam beatæ præsentia in perpetua secula. Amen.

B *Finita est Oratio lugubris in funere Bertæ de Heyen, viduæ Goudanæ, ab Erasmo Roterodamo, anno ætatis ejus vicesimo primo, condita.*

E P I T A P H I U M B E R T A E D E H E Y E N.

HAC qui carpis iter fixo hac lege carmina gressu,
Ecce hic sarcophagus, quem cominus aspicias, alma
Ossa tegit Bertæ: porro penetralia cœli
Celsa tenent animam, meritorum digna metentem
Præmia; quippe illi præsens dum vita maneret,
Pupillis pia mater erat, solamen egenis,
Nutrix his quos dura premebat inedia, cunctis
Unica spes miseris, famula officiosior agri,
His quondam illa suos parita est prodiga census,
Ut caperet superos multo cum favore census.

Aliud Epitaphium metro Anapæstico.

Hac lumina flecte viator,
Numeros age perlege nostros,
Tumulum, quem conspicias istic,
Molli levis attere planta,
Bertæ tegit ossa beata,
Meritaque perennibus annis:
Quam postera prædicet atas,
Hymnisque ad sidera tollas;
Donec ferat arbuta tellus,
Dum sidera lucidus æther,
Rosent dum sol agat orbem,
Phœbe dum roscida noctem:
Hac namque superstitæ nusquam
Vasti regionibus orbis
Pietatis amantior ulla
Fuit, atque tenacior aequi:
Mater fuit omnibus illa
Ope quos studioque parentum
Furor illachrimabilis orci
Fatis viduarat iniquis.
Nutrix fuit omnibus illa;
Quos dira premebat egestas,
Spes una dolentibus, una
Ægris reparatio vita.
Humili licet aggere terra
Lateant modo lucis egenæ
Et nescia sanguinis ossa,
Ea secula sed tamen olim
Venient, quis prisca revisens
Vivax habitacula sensus
Patribus rediit sepulchris
Secum super æthera tollat.

ERASMI ROTERODAMI CARMINA VARIA.

Carmen bucolicum Erasmi Rot. quod insit natus annos quatuordecim, quum adhuc Daventriae sub Alexandro Hegio litteris operam daret.

Pamphilus. E'gus.

PAMPHILVS infano *Galatea* captus amore
Stridenti tacita solus sub nocte cicuta
Rumpebat longo rutilantia sydera questu,
Quem circum niveæ quondam unica cura capellæ
Errant, & gelidis neglecti in vallibus agni,
Nec stabulis egisse pecus, nec culmina tecti,
Nec fera meminit deserta revifere nocte.
Rore procul tantum madida projectus in herba,
Crudeles querula meditatur arundine flammæ.
Huc ades, ô *Galatea*, mei medicina furoris,
Huc ades, extremum vel visito funus amantis:
Pamphilus ecce vocat tuus, ô *Galatea*, peritque,
Et tu flammivomæ duris in collibus *Ætne*
Mollibus indignum refoves *Polyphemum* in ulnis.
Ah tibi setosi ne candida colla lacerti,
Barba ah ne tenerum tibi conterat hispida mentum.
Huc ades, ô *Galatea*, hic vitrea flumina juxta
Gramine florigero, viridi recubabimus umbra.
Pamphile quid sterili juvat indulgere labori?
Desine, non tanto certasse licebit amanti,
Et certasse tamen, quid tum si vertice *Cyclops*
Sydera sublimi feriat, licet audiat ipse
Quantuscumque nec illi cessero carmine, sola
Voce velit, velit arguta cecinisse cicuta.
Molle pecus nivei sunt & mihi vallibus agni.
Corpore *Damatis*, vultu mihi cedit *Amyntas*.
Non mihi taurinis cervix riget horrida pilis,
Pectora sunt nobis candentia, lenia nobis
Ora, quid amplexus, quid amas insana caninos?
Pamphile litus aras, crudelibus aspera cerne
Auribus effusus refugit *Galatea* querelas.
Quid speras, sed & esto velit, vetat ille volentem,
Quin morere, & longos componito morte dolores.
Extremum hoc *Galatea* tui cape munus amantis;
Extremum *Galatea* vale, *Galatea* valet.
Sic ait, & pulsæ referebant carmina rupes.
Omne nemus *Galatea* sonat, sonat arduus æther.
Thetis interea *Tithonis* ab æquore conjunx,
Paulatim croceis subvecta jugalibus alto,
Jam rarefcentem pellebat ab æthere noctem.
Et jam *Phæbea* ferventia sydera rupis
Culmina vix dubio cœpere rubescere sole;
Cinctus & ecce *Damon* viridanti tempora myrto:
Lætus agit teneras ad pascua nota capellas
Damon, pastorum quo non annosior alter,
Cui jam depositis niteat frons nuda capillis,
Qui jam ter centum cum *Nestore* computet annos,
Una viro seræ requies & cura senectæ,
Tortilis hirsuto pendebat fistula collo.
Hic ubi roranti resupinum *Pamphilon* herba
Adspicit, his miserum dictis compellat amantem.
Quænam sub gelido tenuit *Jove*, *Pamphile*, causa,
Teque pecusque tuum, fluitas quia totus, & ecce
Nocturno madet omne pecus sua vellera rore.
Si vacat, ô *Siculæ* pastorum gloria *Damon*
Una, tibi nostros referam moriturus amores.
Cum Sol hesternus medium transmensus *Olympum*
Ureret ignivomis arentes æstibus herbas,
Atque ego ne quicquam noceat calor ille capellis,
Formosi nemoris capto sitientibus umbram.
Illic forte sacræ video sub regmine *Lauri*
Naiades, *Aonidesque* simul, *Dryadesque* puellas
Ducere solemnes cantu modulante choreas,
Pan calamo, pulcher cithara ludebat *Apollo*,
Omnis & in numeros agitabat brachia coetus,

A Pulsabatque humiles pedibus salientibus herbas,
Viderunt oculi, rapuerunt pectora flammæ.
Ibat formosis formosior addita nymphis,
Et gracilis toti extabat *Galatea* coronæ.
Digna deo facies, ipso dignus *Jove* vultus,
Non illi igniferi *Cytherea* parens pueri, me
Judice, non illi certarit pulchra *Diana*.
Viderunt oculi, rapuerunt pectora flammæ,
Germanam quantum *Phæben* lux aurea *Phæbi*,
Luciferum roseo quantum *Phæbe* aurea vultu,
Cætera quam radians præcellit *Lucifer* astra,
Tam forma socias vincit *Galatea* puellas.
B Viderunt oculi, rapuerunt pectora flammæ.
Cæsaries capitis fulvo crispantior auro,
Undique cervicem circumvolitabat eburnam,
Ardentes oculi, liquido caro levior amne,
Candidiorque nive, superis rutilantior astris.
Viderunt oculi, rapuerunt pectora flammæ.
Adfuit & mediis puer improbus ille choreis
Nudus membra genasque levisque & captus ocellis,
Armatus facibus, levibusque volatilis alis,
Adfuit & medius, medio stetit improbus orbe.
Viderunt oculi, rapuerunt pectora flammæ.
Hic mihi fulgenti promens sua tela pharetra,
C Flammifera stupidum trajecit arundine pectus.
Trajecit pectus, calidumque per ossa cucurrit
Virus, & in medias serpsit furor ille medullas,
Serpsit & insuetis valuerunt intima flammis.
Hinc perii atque gravis cœpit mihi vita videri.
Et jam virgineas me conspectante choreas
Ibat supremi spatia ultima *Phæbus Olympi*.
Quid facerem? jam tempus erat, quo septa capellæ,
Quo repetant pasti præsepia nota juveni.
Me dirus retinebat amor, sequor invia saltus
Perditus, & questu *Galateam* sector inani,
Et vano clamore voco, fugit illa vocantem,
Nil lachrimas miserata meas, nil flexa querelis,
D Cautibus *Ismaris* immotior, aspide sæva
Durior, aeris summis in rupibus *Ætne*
Immani sese *Polyphemi* condidit antro.
Hinc perii atque gravis cœpit mihi vita videri.
Tum redeo tandem, sequitur grex tristis euntem.
Atque hic cum jam spes misero mihi nulla supersit,
Mortem oro superos, certe aut (quod gratius esset)
Improba permutent *Galatea* pectora nostræ.

ODAMATORIA.

Primus versus Hexameter, secundus est Jambicus.

E **H**ei mihi quem flamma puer ille sagittifer unquam
Crudeliore torruit?
Sol cadit, & seras inducit vespere umbras,
Somnum ferens mortalibus.
At mihi sollicito pectus tamen æstuat igne,
Nec accipit somnos amor.
Plurima labitur ecce dies, nox multa vicissim
Nigris profecta manibus.
At jecur usque mihi lassæ sub pectore siccum
Ægris anhelat ignibus.
Atqui ego cuncta ratus mollescere stultus amore,
Ultro simul fio tuus,
Victaque dedo tuis stultissimus ora capistris,
Quas non dedi supplex preces?
F Testis luna meis aderat taciturna querelis,
Totusque syderum chorus.
Conscius ipse quibus, quibus heu nostrosque tuosque
Sinus rigarim lachrimis
Frustra: nam scopulis tu surdior usque marinis,
Tu rupe quavis durior,
Nec prece nec lachrimis miseri mollescis amantis,
Tormenta te juvant mea.

Tom. VIII.

Nn

Q

O doliture mea multum virtute *Menalca*,
 Nam virium si quid mihi est,
 Sis licet & *Venere* & *Ganymede* intentior ipso,
 Totusque spires balsama,
 Isque color tibi sit tenero quo vere videmus
 Flores rubere punicos,
 Quem vel *Apelleas* memorant habuisse tabellas
 Viva exprimentem corpora:
 Ut tamen hæcce tuis subduxero colla catenis
 Spem præter omnem strenuis:
 Heu! heu! te nimium domiti tædebit amoris,
 Nimisque sani pectoris
 Mutatumque tuum subito mœrebis *Amyntam*,
 Egoque flocci pendero.

Elegia de mutabilitate temporum,

A D A M I C U M.

ASPICIS ut densas ponant arbuta coronas,
 Et linquant virides vitis & herba comas;
 Arida purpurei fugiant violaria flores,
 Horreat elapsis aspera spina rosis.
 Cernis & ut nudi jaceant sine gramine campi,
 Quos florum quondam pinxerat ampla *Venus*.
 Pro placidis Zephyris audis Aquilona frementem,
 Audis nimbriferi flamina sæva Noti:
 Nec solitum placidus blanditur in æthere *Phœbus*,
 Pendet in oceanas quin mage pronus aquas.
 Succedentis ubi brumæ vice labitur æstas:
 Tristeque forte venit Vere cadente gelu.
 Sic, sic flos ævi, sic dulcis amice juvenus,
 Heu properante cadunt irreparata pede.
 Forma perit, pereunt agiles in corpore vires,
 Et subito ingenii visque calorque cadit.
 Tristior inde ruit ac plena doloribus ætas,
 Inde subit propero curva senecta pede.
 Hæc tibi caniciæ est flavos formosæ capillos
 Sparitura, & frontem findet amara tuam.
 Candida deformi pallore tibi induet ora,
 Et rosa purpureis excidet ista genis.
 Jamque abient nonquam redeuntia gaudia vitæ,
 Succedent quorum morsque laborque locis.
 Ergo ferox dum *Parca* finet, patiantur & anni
 Dum vireat vicibus læta juvena suis:
 Utamur (ne frustra abeat torpentibus) ævo
 Carpatum primos dulcis amice dies.

E L E G I A

D E P A T I E N T I A,

*Qua sola vincuntur omnia, atque de dolore mortali-
 tum, quomodo non tam fugiendus, quam for-
 titer patientia vincendus sit.*

Quo fugis, ô nimium tener impatiensque doloris?
 Te quocunque fugis quem fugis insequitur.
 Ne confide fugæ, rapitur pernicipibus ille
 Alis, nec dubitat te fugiente sequi.
 Ocyor est jaculo, *Partho* quod mittitur arcu,
 Et vincit volucres mobilitate notos,
 Cum jam à calce omnem gaudes liquisse dolorem,
 Ocyor ille Euro tum tua terga tenet.
 Et male securi jam gaudia inania ridens,
 Incumbit misero durior inde tibi.
 Stulte, quid extremas juvat evasisse per oras?
 Omnibus in terris te prior ille videt.
 Quid frustra varia rapit in diversa cupido,
 Sollicitatque animum perditâ cura tutum?
 Quid totiens mutare locum, mutare gradumque
 Vitæ, & inexpertum te nova adire juvat?
 Curas ditari, cupis in sublimi levâri,
 Tamque te solvant ista dolore tuo.
 Non, inquam, non et si *Craso* opulentior esses,
 Aut ditioni sint subdita cuncta tuæ.

A Anne putas Regum vacua esse palatia curis?
 Credo equidem excelsis has magis esse locis.
 Tu quamvis summe in cunctis mirere beatos,
 Tristes sæpe animos ostra superba tegunt.
Eumenides circumvolitant laquearia tristes
 Aurea, perlustrant tecta superba ducum,
 Nil curant plenis spirent convivia mensis,
 Despumentque vetus pocula abunda merum,
 Milleque dulcisonum moduletur carmina plectrum,
 Spargat & innumeros tibia blanda modos,
 Quin inter luxus sedet illætabile virus,
 Plausibus immiscens anxia cura suum.
B Æqua lege dolor summos sortitur & imos,
 Involvens misere Regem humilemque simul:
 Neve puta cum jam te opibus fortuna bearit,
 Nil fore quod cupidum tentet amare animum.
 Tum primum curæ, dolor, & suspiria surgent,
 Tum primum angores experire graves:
 Sic etenim fortuna suis sua munera miscet,
 Ut fel non modicum paucula mella tegant.
 Candida & impexi cingunt ut lilia vepres,
 Spinaque purpureum gignit acuta decus,
 Tristia sic lætis, sic dulcia miscet amaris,
 Et coeunt juncto spesque metusque pede.
 Gaudia cum mœrore gravique tripudia luctu,
 Libertas curis, mixta labore quies.
C Hoc volvunt *Parca*, hoc ineluctabile fatum
 Arcanique animi sic volvere deum.
 Certandum ergo tibi est, contendendumque palæstra,
 Hostis erit feritas hac superanda via:
 Victoque ingentem referes ex hoste triumphum,
 Nominis emittens seculum in omne decus.
 Nonne vides toto *Job* ut venerabilis heros
 Cuncta per ora volans orbe celebris eat?
 Funera post sua vivit adhuc super æthera notus,
 Atque illi æternum hæc fama superstes erit,
 Et dubitamus adhuc consistere cominus hosti?
 Verte gradum, & vires experire tuas.
D Ne dubita, in manibus pendet victoria nostris,
 Tute modo advertas aurem animumque mihi.
 Pandam ego queis telis, qua sit res arte gerenda,
 Hæc etenim ad palmam non mediocre ferent.
 Est nova luctandi species, nova *Martii* imago,
 In qua non frameis, non opus est jaculis.
 Sta tantum intrepido & fidenti pectore firmus,
 Nec moveant animum tela cruenta tuum.
 Ille fremat sine more furens, frustra que labore,
 Irritus in ventum & sudet inane diu.
 Sive petat jaculo, seu certet cominus ense,
 Ne moveare cave, sta modo: tutus eris.
 Temne simul jaculo, temne & simul ense perentem,
 Hostem si poteris temnere, victor eris.
E Te tamen eliso vitalia pectore ferro
 Sauciet, & lethum toxica spicula ferant.
 Aptâ humeris thoraca prius atque omnia denso
 Ordine squamarum ferrea texta tegant.
 Ne rursus assiduo jacentis ab imbre fatiscant
 Aera, perita sibi dextera scutum habeat,
 Scutum quo quicquid furioso emittitur hoste,
 Irritet & vigilem ludat inane manum.
 Pectore lethum abigat agili omnibus obvia motu,
 Improbitate prior jam cadet ipse sua.
 Sed quid te moror obscura sub imagine verbi?
 Corporea neque enim hæc res peragenda manu est.
 Rem nude referam potius sine nubibus omnem,
 Tu cape dicta memor, me duce victor eris.
F Muniat intrepidam virtus patientia mentem,
 Contra fortunæ tela sinistra deæ,
 Ipsaque ne crebro nimium duroque malorum
 Concidat impulsu, quo tueare cape.
 Inviolabile erit manui prudentia scutum,
 Opportunius hac in patiente nihil.
 Hanc capiat comitem fortis patientia fidam,
 Non timeat casus hac comitata graves.
 Languet enim & tenues nequicquam in grandia vires
 Ob-

Objicit, & facilis lucta oriente cadit.
 Deficit ut tumidis sine clavo puppis in undis,
 Et sine honore manet, si incommutata manet.
 Ipsa quidem virtutum acies firmatque, tegitque,
 Fortis & in tota dux legione præit.
 Cedet prima tamen sæva turbante procella,
 Hanc nisi sedula sit concomitata ducem.
 Denique vis modico complectar ut omnia verbo?
 Prudens disce pati cuncta: beatus eris.
 Nullum prorsus enim, quod non patientia fortis
 Leniat & vincat, in sapiente malum.
 Mobilibus neque enim fortunæ subjacet ille
 Casibus: aut patitur se ditione premi.
 Navigat in tuto fortuna immotus utraque,
 Nec ditante tumet, nec retrahente dolet.
 Numinis ardentem ridet securior iras:
 Nec metuit trepidus quid vaga fata parent.
 Omnia perpetitur sapiens atque omnia vincit:
 Et fruitur mediis perpète pace fratris.
 Non tam prævalidi temnunt vaga flamina montes,
 Aut rident nimbos æquora vasta leves,
 Quam verus dominæ sapiens tonitru omne sinistrae,
 Sæviat in toto concita felle licet.
 Dic age, dic toto quid eo felicius orbe?
 Lætior usque manet, nec miser esse potest.
 Nos fera fortunæ sævis turbata procellis,
 Æquora & assidue concutit unda salis.
 Assidue tumidis miseri jactamur in undis,
 Nec finimur placidi visere tuta soli.
 Erramus pelago flatumque movemur ad omnem:
 Nil hæret mediis ancora missa vadis.
 Blanditur si quando serenum & lenior aura,
 Fallimur, incautus turba inopina venit.
 At ponti nihil esse minas, nil flamina ventum
 Curat: adit salva littora amata rate.
 Solus enim ille potest freudentibus undique fati
 In tranquilla ævum ducere pace suum.
 Tu quoque quicumque es, cui pax & gaudia curæ,
 Discito quicquid erit temnere, disce pati.
 Ferto æque gelidam veri succedere brumam:
 Inque vices redeant noxque diesque suas.
 Donec supremam (subducens tristitia) metam
 Ponat, & æthere Deus te sine fine bect.

*Certamen Erasmi atque Guicelmi de tempore vernali,
 quod per viridantia prata alternis ex tempore in-
 serunt, anno eorum decimo nono. Nota, a
 candido Lector.*

Guicelmus incipit.

Tristis hyems abiit quæ flores abstulit: at nunc
 Purpureo tellus vere decore nitet.
Eras. Ipsa suo cum bruma gelu cadit horrida tristi:
Guicel. Jam properat vicibus tempora læta suis.
 Jam violas jam terra rosas suffundit, & omnis
 Jam viret, & flore stat redimitus ager.
Eras. Jam per prata novo pinguntur gramina flore:
 Arboribusque reddit quam posuere comam.
Guicel. Vere nemus, volucres, campus, flores quoque cuncti
 Frondet, dulce canunt, ridet, olentque bene.
Eras. Frondes arboribus Ver reddit, gramina campis:
 Et lætam multo flore vehustat humum.
Guicel. Purpurea capite cinctum venit ecce corona
 Ver: in quo gaudet terra decore novo.
Eras. Jam nova per vacuos consurgunt gramina campos,
 Vestiturque modo terra decore novo.
Guicel. Omne suum per triste gelu posuit decus arbor:
 Sed postquam rediit Ver, rediere comæ.
Eras. Dura quibus viduarat hyems cum flore virentes
 Arboribus redeunt Vere tepente comæ.
Guicel. Propter triste rubis frigus decor omnis abibat,
 Ast ubi Ver venit, irrubere rosas.
Eras. Arida quæ longo latuit sub frigore tellus,
 Vere refert vultu florida quæque novo.
Guicel. Arboribus fluxere comæ præ frigore: sed Ver

A Flores atque comas reddidit arboribus.
 Frondibus arentes renovantur in arbore rami,
Eras. Cœpere ut vicibus verna nitere suis.
Guicel. Stabat operta nive, sed Veris tempore læto
 Fronde stat & densis arbor amicta comis.
Eras. Triste abeunte gelu telluris amœna juvenus
 Jam redit: & flore fit rediviva novo.
Guicel. O quam dulcisono resonant jam murmure sylvæ:
 Quos posuit cantus Vere resumit avis.
Eras. Per mœstum taciturna gelu jam tempore verno
 Dulce resumit avis exhilarata melos.
Guicel. Cæruleis citius Phæbus confurgit ab undis,
 Atque mari lassos tardius abdit equos.
B Jam diræ cessere hyemes, lætissima terris
Eras. Lux redit, & vacuis gramina reddit agris.
Guicel. Jam nox cæruleis citius cœlo avolat alis,
 Et Phæbi citius promitur axis aquis.
Eras. Vere leves zephyris spirant melioribus auræ,
 Clarius & roseum lux agit alma diem.
Guicel. Quæ nuper nive tecta fuit, jam Vere tepenti
 Solvitur, & tellus stat redimita comis.
Eras. Rursum sylva comis vestitur, gramine tellus:
 Invisit clausam vernus ubi imber humum.
Guicel. Qui concretus erat bruma amnis solvitur, at nunc
 Vestitur nuda ripa decore novo.
Eras. Flumina jucundo currunt resoluta susurro,
 Frigore quæ quondam strinxerat acris hyems.
C Alma Venus nunc gignit humus gratos tibi flores,
Guicel. Verque tuas roseo pingit honore genas.
Eras. Jamjam florifero redimitur gramine pratum,
 Miratur frondes sylva decora novas.
Guicel. Ha quam grata mihi sunt Veris tempora, quæ pro
 Grandine dant imbrem, pro nive rosque cadit.
Eras. Cui non Vere graves curæ sit ponere curas?
 Ecce decore nitent cuncta creata novo.
Guicel. Quas clausas servavit humus Ver elicit herbas,
 Et gaudet campus tectus honore novo.
Eras. Vere tepet tellus nivibus lætata solutis:
 Quæ latuit matris panditur herba sinu.
D In silvis cantus ferit æthera, prata, nemusque
Guicel. Sparguntur flore, rore aperitur humus.
Eras. Vere novo terris sese exserit herba solutis,
 Purpureum fundit aspera spina decus.
Guicel. Veris ubi tellus persensit nuda teporem:
 Exsiliunt terris gramina picta rosas.
Eras. Vere patescit humus partu foecunda virenti,
 Summittit gremio florida pressa sup.
Guicel. Nondum Solis equi consurgunt æquore vasto,
 Et jam sub summo culmine cantat avis.
Eras. Tempore Veris humus blanditur olentibus herbis,
 Et tegitur foliis arbor onusta suis.
Guicel. Flore tempore suo tam delectat roseum Ver,
E Tristis nos hyemis reddat ut immemores.
Eras. Mortua sese aperit redivivo germine tellus,
 Cessit ubi pulsus Vere tepente gelu.
Guicel. Arboribus coma, agris flores, avibus quoque cantus
 Vere redit, tristis Vere recedit hyems.
Eras. Pingit gramineum florum decus undique campum,
 Candida purpureis lilia mixta rosas.
Guicel. Sylva comis & terra rosas redimitur, & amnis,
 Qui gessit currus, en modo vela gerit.
Eras. Vere novo apricus vestitur gramine campus,
 Et florum venere multicolore nitet.
Guicel. Quæ brumæ sub luce solet vix linquere nidum,
 Jam cantu volucris prævenit ecce diem.
F Ver placidum cunctis sparsit sua munera terris,
Eras. Gramine prata virent, gramina flore nitent.
Guicel. Vere suum citius Phæbus caput exserit undis,
 Grator & lætum lux agit alma diem.
Eras. Gramine terra viret, leni ruit unda susurro,
 Ac apis in flore mella legendo strepit.
Guicel. Flore nitet campus, ornatur frondea sylva,
 Ac volucrum cantu tecta nemusque sonant.
Eras. Frondet Vere nemus, vestitur & herbida tellus
 Picta canit volucris, florida lustrat apis.

Tom. VIII. N n 2 Gra-

Gratius & roseo sol inficit æthera curru:
Blanditur liquida vitreus amnis aqua.
Mitior aura strepit, cui florida ducitur ætas,
Tu quoque pone animos vere monente graves.

*Apologia Erasmi & Cornelii sub dialogo lamentabili
assumpta adversus barbaros, qui Veterum elo-
quentiam contemnunt, & doctam poesim
derident.*

Tres primi versus *Asclepiadei* sunt, quartus
est *Glyconius*.

Erasmus.

Ad te, sola mihi quem dedit agnitum
Nuper fama tui splendida nominis,
Scribo, docte, tuas me sine paululum
Aures questibus impleam.

Affuetos numeris frater ab ordine
Scribendis calamos, cunctaque carmina
Cogit livor edax ponere, proh dolor!
Jam pridem posui quidem.

Ex hoc sacra *Jovi* non tero limina,
Non secreta diu visâ mihi domus,
Doctum qua viridis laurus amat caput,
Rejeei procul omnia.

Demum nulla mihi *Pieridum* sacros
Collustrare choros, non bifidi juga
Montis cura fuit visere, denique
Non amnes *Heliconios*.

Dixi Musa vale non sine lachrymis,
Et tu *Phæbe* mater perpetuum vale:
Olim nostra quies, noster eras amor,
Te nunc defero non volens.

Cogit livor edax diva poemata
Quod norunt minime, collacerantium
Cogit (sed pudor est) *Arcadia* cohors
Jam stellis numerosior.

Hæc semper stimulis acta ferocibus,
Priscis chara (nefas) carmina seculis,
Facundamque stylo *Calliopen* tumens
Indignis pedibus terit.

Doctos illa viros invidiæ nigris
Incendens facibus dente venefico
Nunquam (crede mihi) rodere desinit,
Nunquam carpere desinit.

Cornelius.

Hæc mecum tacitus sæpe revolveram,
Communi cupiens mœstitia virum,
Divæ qui cytharæ carperet invidos,
Te lætor comitem mihi.

Obstringit (fateor) me vehemens dolor,
Plenos barbariæ & pectinis æmulos
Mecum quæso *Jovis* plangite filiæ,
Nam fletum locus exigit.

Sacris turba modis infamia detrahit,
Contemnens placidos *Castalidum* sonos,
O sensu vacuum vel cerebro caput,
Musa (dum reprobas) eges.

En confert furiis, mitigat asperam
Cordis sævitiam, dæmona comprimit,
Tu quum sis similis, carmina dilige,
Placantem repetens lyram.

Sed jam tanta tui pectoris abdita
Invasit rabies omne premens jecur,
Ut nec *Paonia* disperiat manu,
Nec speranda tibi salus.

Eheu quam miser es! qui tibi congrua
Contemnens reducis dona malagmatis,
Corrodas medicum, num medicabere?
Non vivus capies necem.

Cur torquere (cedo) dum canimus, miser?
En scribens *Galatis* *Paulus* Apostolus
Infert *Maonii* diva poemata,
Fœdantem reprobans gulam.

Quin & moricanis sapius in libris
Aptant laurigeros ecclesiæ modos.

A Doctores nitidi schematibus styli
Lucas, Jeronymus, Leo.

Erasmus.

Et quid? nonne tibi iusta videbitur
Urgens causa stylum? nonne per omnia
Dixi vera comes? vera per omnia
Dixi, te quoque iudice?

Nusquam grandisonam *Virgili* tubam,
Nusquam blandisonam *Maonii* lyram,
Nusquam (crede mihi) comita *Papinii*
Audis carmina concini.

Docto *Flaccus* ubi quæso poemate?
Seu *Lucanus* ubi, qui generi necem
Scribens *Pindarico* concrepat organo?
Sordent heu sine nomine.

Phæbea regio lucis in ambitu
Olim non viguit, nec fuit insula,
Per quas non jerat conscia carminum
Pulchro *Calliope* pede.

Indus labra tumens & cute decolor,
Qui *Phæbum* liquidis aurea fluctibus
Primus progreditur cornua cernere
Tollentem, coluit modos.

Novit *Thespiadum* carmina *Gadium*
Tellus occiduis proxima solibus,
Et postrema suos tergere pulveres
Spectans oceano diem.

C Et quid plura feram? novit & ultima
Thule, nec vacua sub *Syge* pallidi
Manes despiciunt carmina: testis est
En vates *Rhodopeius*.

Is raptam numeris *Euridicen* querens
Mulcebat placidis infera cantibus,
Commovisse ferunt tartareum caput
Plutonem, cytharæ modis.

Cornelius.

Plus dicam, rapidis *Strymona* fluctibus
Spumantem numeris flexit *Eagrides*
Auditus superis: manibus insuper
Sedem commovit poli.

D Vates *Bistonius* nuper *Apolline*
Compertam genito dante sibi lyram
Traxit, percutiens pectine barbiton,
Sylvas & nemorum deas.

Advenere feræ cantibus excite,
Contractisque jubis colla ferocia
Summittunt manibus dum canit *Orpheus*,
Mansuescuntque viri iugo.

Pastus immemorem tardat & alitem
Escas dum soboli quærit amabili,
Suspensisque volis captat in æthere
Argutos cytharæ modos.

E Augeat dicta stupor: velivolam ratem
Immotam validis tractibus omnium
Plectris elicito solvit à littore
Ad puppim veniens mare.

Plus dicam, superos regnaque pallida
Idem blandisono gutture carmina
Placavit recinens, & *Sisyphi* grave
Fixit concrepitans onus.

Ad sacros venio commemorans libros,
Victor fit *Gedeon* dum resonat tuba,
Et *David* *Saulem* carmine mitigat,
Et flammam posuit rogos.

F Hæc, ut rite probem cantibus omnia
Placari, recito: proh genio fruens
Tantum desipuit, pèrgat ut inclita
Demens spernere carmina.

Erasmus.

Quid ni? vera refers, proh dolor & pudor!
Ipsis constat homo crudior inferis,
Flecti dulcisono carmine non valet,
Sed dulces refugit modos.

Nunquam quin etiam desinit insequi
Torva bile lupis pejor edacibus,

Et

Et quæ plumifera pascitur undique
Præda ~~seu~~ alite.

Conculcata jacent docta poemata
Lumen *Pegææ Calliope* chori,
Jam neglecta locis exfulat omnibus,
Rupes incolit invias.

Regnat barbaries horrida, regio
Sublimis solio ridet *Apollinæ*.
Artem laurigeram: carmina rusticus
Docto barbarus imperat.

Et quid cuncta meis crimina persequar
Stultorum numeris? ante diem puto
Ornans sydereum luminibus polum
Vesper subripiet mihi.

Nec si quot placidis ignea noctibus
Scintillant tacito sydera culmine,
Nec si quot tepidum flante Favonio
Ver suffundit humo rosas.

Tot sint ora mihi, tot moveam sonos,
Nunquam (crede) tamen sufficiam queri,
Quantis pressa diu sacra poemata
Hoc seculo jaceant malis.

Hinc venire mihi tædia carminum,
Vates pars animæ non tenuis meæ,
Hinc, inquam, studium destitui meum,
Mularum tepuit calor.

Cornelius.

Quod nunc *Aonidum* negligitur chorus,
Hoc vesana facit mens sine litteris
Insanire putat, carmina qui canunt
Ridens ac digito notans.

En rara invidiam provocat ars tibi,
Sed vincet superans, cédite pallida
Confecti macie, ponito turgidum
Fastu livor edax caput.

Dic quæcunque voles: dummodo carmina
Oblectare suo nos properent sono,
Tu ride (nihil est) plaris habebimur,
Et frons excipiet decus.

Buccis parce tuis hæcenus invido,
Nil sacris dedimus carminis ædibus,
Sed jam sceptris mihi *Davidis* in vicem
Melchior de spoliis feram.

Gomer Debelam conjugio fruar,
De scorto generans *Israel* inclytum,
Quo semen Domini pulchrius emicet
Dulci *Lybetridum* sinu.

In nos ore fero livide garrias,
Consumens proprias invida sinus,
En summos sequimur per studium viros,
Nec sentit culices equus.

Nostro sub studio plus cruciabere
Vel nunc destitutas carmina persequi,
Ne cantatus eas carmine pessimo
Confusas referens genas.

Quod si perstiteris nostra ciconia
Tantum fœda potes rostra reducere,
Serpentes comedas per nomen aspidum,
Nec sacras aquilas vora.

Erasmus.

Nunc olivæ calamos ut *Rhodopeios*
Musa non aliter (crede mihi) meam,
Tu *Tirynthius* hic alter in omne
Torpentes animos moves.

Sacrum regit *Maonidum* calor,
Et quam sæpe dolens mœstique reppulit,
Nunc (quamquam tenuis) Musa tamen mea
Exultans repetit lyram.

Et quis vere fuit lætitiæ modus,
Quum post dicta deæ grandis, denique
Versus dulcisonos hunc candido
Vates adspicerem tuos?

Ingens fama quidem, sed meritis minor,
Ingens fama quidem, indice me tamen
Vincunt & fateor carmina gloriam.

A Et docti numeri tuam.

Reddis *Virgilium* versibus alterum,
Seu profam libuit texere liberam,
Jam prosa (fateor) *Tullius* alter es,
Tantum scripta placent tua.

Cœptos ergo præcor pergito tramites,
Nostri non tenuis gloria seculi,
Et spes una mei flammaque pectoris,
Vatum reliquæ prium.

Adspirent studiis *Pierides* tuis,
Te nobisque diu fata superstitem
Servent: & spaciū flamina plurimi
Producat *Lachesis* tibi.

B Et cum lethiferos te tulerit dies
Nobis perpetuum, tu nihilominus
Præclari titulis ora per omnia
Vives ingenii. Vale.

Quum Erasmus & Cornelius inter se carminibus mutuis quæsti essent de stultitia barbarorum, quæ Veterum eloquentiam contemnunt, & poetam derident, Cornelius tandem inducit divum Hieronymum de post colenda sententiam ferentem tanquam sequestrum.

C

Hieronymus loquitur.

JUSSISTI causæ sim providus arbiter hujus:
Pondera judicii gratanter suscipe nostri,
Collaudo veterum legisse poemata vatum,
Et deridentes acri configere metro.
Ecce per altiloquas currunt *Proverbia* Musas,
Versibus alludunt *Sapientis, Job, Cantica* sponsæ,
Concrepat & metricis *David* sua carmina plectris:
Sed quædam vitia tibi dico jure cavenda,
Prospice ne maculet damnanda superbia mentem:
Neve pios spernas qui nondum carmina norunt,
Attamen haud vates temnunt, sed amant venerantes.
Si stylus ipse placet, placet & sententia vernans,
In quibus *Aonia* renitent (me iudice) Musæ.
Non reprobo studium, veniam concedo legenti:
Dum tamen ex æquo Scripturas pondere sagas
Pensans, imo magis venerans, te dedis amor
Pieris, quo vel ætidiæ tuus induat alto
Schemate sermo stylum, aut *Aegypti* fulgida tollens
Vasa, pareas Domino pulchrum ædificare sacellum:
Non culpandus eris, sed laudem laude mereris.
Sic puto primitias mellis (quod consona legis
Verba jubent Domina devota mente dicere)
Offers: & placito placabis munere *Christum*.
Si tamen iis nimium caras adhibere laborem:
E Mel bene libasti, sed sal non apposuisti,
Quo sine nil sapidum acceptumque Deo perhibetur.
Musam non damno, sed tantum sobrietatis
Te fatis admoneo ne dogmata sacra refutes,
Si quæ gesta legis Veterum, ratione soluta
Hæc vis in numeris pedibusque ligare disertis:
Ingenium veneror & dolci carmine lætor
Historias imitare sacras quum scribere tentas:
Ornet Musa stylum, scriptura pareat tibi sensum.

Cornelius concludit assensuens.

Jeronymi dictis assentio, dulcis *Erasmus*:
Sic faciamus in his quæ nati sunt amena poetis.

F

Metrum Asclepiadicum Choriambicum, constans quarto Glyconico;

In laudem beatissimi Gregorii Papæ.

NUNC & terra simul, cœlicus & chorus
Gaudens hymnisonis concinat organis:
Cum lux grata refert festa *Gregorii*
Mundo gaudia præfusa.

Et tu summe tuus pastor ab æthere

N n 3

Adis

Adfis ô placidus rite canentibus:
Laudes lingua foris nostra sonet tuas,
Intus mens jubilet pia.

Tu primum ingenui sanguinis immemor,
Seculi temtor, opum spretor inanium,
Abiectis croceis prodigus omnium,
Christo nudulus advolas.

Te cum *Roma* petit anxia Præsulem,
Tu tantum fugiens culmen, ad invia
Saltus antra volas, sed minime lates
Flamma proditus indice.

Ergo summa quidem scandis humillimus,
Non extollit honor, non diademata,
Sed te cura gregis sedula maxime
Pastor sollicitat tui.

Qui pratis fidei nulla salubria
Vitæ deficiunt te duce pabula,
Dum quem voce doces mystica differens
Et vita simul erudis.

Plebem summe tuam protege Præsulum,
Prædonemque cavis qui tua faucibus
Quærens quem rapiat, lustrat ovilia,
Ne cuiquam noceat veta.

Sit laus digna Patri, Patris & unico
Almo sit parilis gloria Pneumati:
Indivisa quibus Numinis unitas
Est sub nomine triplici.

Epigramma de quatuor novissimis.

MORTIS amara dies metuendi iudicis ira,
Et *Phlegætoni* stridula flamma lacus.
Denique *Jerusalem* luctus ignara supernæ,
Gaudia, non finem, non habitura modum.
Hæc si sollicito semper sub pectore volvas,
Non capient animum turpia quæque tuum.
Quicquid & ante tibi grave & intollerabile visum est:
Jam dices facile, jam tibi dulce putes.
Ipsa sed & nebula citius fugientia mundi
Gaudia, tristitiam duxeris esse gravem.

Libellus loquuntur.

NIL moror aut laudes levis aut comitia vulgi:
Pulchrum est vel doctis vel placuisse viris.
Spe quoque majus erit mihi si contingat utrumque,
Cui *Christus* sapit, huic si placeo bene habet.
Unicus ille mihi venæ largitor *Apollo*
Sunt *Helicon* hujus mystica verba meus.

*Carmen Asclepiadeum Choriambicum, quarto
Glyconico.*

Ad amicum suum.

NON semper faciem nubila coelicam
Abscondunt madidis obvia molibus,
Non usque implacido defluus æthere
Imber vexat humum gravis.

Nec semper crepitans *Africum* excita
Attollit tumidis æquora fluctibus,
Sed nec continue mota procacibus
Stridet sylva Aquilonibus.

Nec semper steriles nix tegit alta agros,
Aut totis gelidæ flumina mensibus
Constringunt glacies, aut viduum suis
Mœret triste nemus comis.

Dura abscedit Hyems florigeri vice
Veris, prisca redit post Boream asperum
Arbustis species, & solitus vagis
Cursus redditur amnis.

Horrentem placidus lumen amabile
Post umbram revehit *Phæbus* & æthera
Alternis vicibus, nox habet & dies
Pacti foedere perpeti.

Æquis cuncta modis astra, salum, & solum
(Alternata ut maneat quod requies levat)
Natura atque Deus provida temperat,

A Mulcens quod gravat otio.

Me vero usque dolor, me furor & labor
Consumunt miserum, nec requiem meis
Nec proh sæva modum fata sinunt malis,
Addunt tristia tristibus.

Quonam, quo superum nescio tam gravi
Olim magna deum numina crimine
Offendi, ut *Syginus* vel puerum improla
Cogant supplicium pati.

Post umbrosa dies reddita milies
Succeditque frequens Bruma caloribus,
Et campis gelidæ sæpe petentibus
Surgunt ac pereunt nives.

B Nec fit nostra suo tempore mitior
Cura, aut mente cadunt sollicitudines
Mœstæ, aut luminibus tempore lachrymæ
Discunt parcere turgidis.

Et jam deficerem, ni juvenum optime,
O spes ô animæ dimidium meæ,
Lenimen miseris dulce doloribus
Me præsens recrees. Vale.

*Ode dicolos tetrastraphos Hendecasyllaba Sapphica,
Paean divæ Mariæ, atque de incarnatione Verbi.*

HVC ades pernici (age) Musa gressu,
Callida aurato resonare plectro

C Mitte dilectas *Heliconis* oras,
Castaliamque.

Pone serpentes hederas, odoram
Liliis necens niveis coronam,
Quæritat (frondes fugiens prophanas)
Lilia virgo.

Tu *Sophocles* potius cothurno
Digna quæ pleno recinaris ore:
Ne lyre nostræ tenuem repelle
Diva Camœnam.

Cuncta te celso residentem olympo, &
Prole divina decies beatam
Concio cantu celebrat canoro
Coelicolarum.

D Te pii vates & Apostolorum
Regius laudat dominam senatus,
Te sacerdotum chorus, & phalanges
Sanguine claræ.

Candidæ te unam dea virginum, quæ
Prævium semper comitantur agnum
Cæteris psalli vetito choreæ
Carminibus laudant.

Cuncta quid pergam memorare? flexo
Poplite æternis modulantur hymnis
Angeli te, coelicolæque cuncti
Coeligenæque.

E Quin & invisi nigra *Styx* *Averni*
Plebe cum tota *Phlegætonis* atri
Te tremit: per te populata mortis
Bellua pallet.

Laudat invito *Rhadamanthus* ore
Gnosius centum tumidæ colubris
En tuum numen metuunt sorores
Virgō Maria.

Flecte age huc quæso faciles ocellos,
Non vel in toto (meritoque sane)
Mutus hymnorum superest tuorum
Angulus orbe.

F Ustus Eoo *Nabathæ* axe,
Qua recens ponto exserit ora *Titan*,
Dedicat supplex tibi grata fumis
Vota *Sabai*.

Luteæ tellus propior quadrigæ
Cærum *Phæbi* subeuntis æquor,
En suis blandas tibi promittit ôdas
Virgo sacellis.

Arduus nec qua radiat borei
Syderis vertex, neque semper austro

Per-

Permadens tectis tacita est modorum
 Diva tuorum.
 Quippe tu summi decus unum olympi,
 Tu potens vindex necis atque ademptæ,
 Seculo toti dea vendicatrix
 Unica vitæ.
 Tuque nequicquam faciem trilingui
 Luridum virus jacentis ore
 Candidis calcas pedibus colubri
 Sibila colla.
 Aureum vincis speciosa solem,
 Astra divino superas decore,
 Roscide cecidit tibi luculenta
 Cornua Phæbes.
 Ipsa quam celsus speculator ille
 Viderat lunam pedibus prementem,
 Syderum ingenti rutilam corona
 Soleque cinctam.
 Providi quondam cecinere vates
 Te novum casto genus edituram
 Ventre: collapsis nova quo redirent
 Secula terris.
 Regis æterni fore te parentem
 Delia cantant liquido Sibyllæ,
 Scripta membranis temere caducis
 Credita virgo.
 Legis obscuro veteris ab ævo
 Præviis jam tunc venientis umbris
 Multa te patrum minimeque mendax
 Lussit imago.
 Sylva monstrabat humilis rubeti
 Non adurenti glomerata flamma:
 Te Dei salvo fieri parentem
 Virgo pudore.
 Coelicum quæ clauferat arca manna
 Te Deum castæ docuit sub alvi
 Pabulum vitæ fore condituram
 Diva sacello.
 Virga te partu nimis insolenti,
 Et ferax gratæ nucis atque florum
 Rore te siccis madidum notabat
 Vellus in armis.
 Et tui quondam tulit Hæster umbram
 Mille Judæis mala molientis
 Splendide vindex, & in omne Judith
 Nobilis ævum.
 Porta te vatis notat irreclusa
 Fronte quæ terras renitens Eoas
 Spectat adversa, minime nisi uni
 Pervia Regi.
 Hisce te virgo voluit figuris
 Præcini vasti fabricator orbis,
 Non quidem vanis, comitante vero
 Ocyus umbras.
 Namque dum scisso periens olympo
 Lucifer præcepit grege cum tument
 Fulminis ritu rueret sub atræ
 Tartara noctis.
 Ætheris tantæ miserens ruinæ
 Conditor, lapsum decet (inquit) agmen
 Suffici, prorsus reparanda secti
 Portio cœli.
 Fingitur rubro rude plasma limo,
 Viva divino bonus ille statu
 Indidit post hæc opifex inerti
 Semina matris.
 Inde per sedes nemorum beatas
 Jussit apricis habitare campis:
 Dulcibus quæ quadrifluis scatebris
 Irrigat amnis.
 Illic æternum redolente Vere
 Dulcibus semper renitet rosetis,
 Mollibus semper violis, iniquæ
 Nescia brumæ
 Terra, nec gratis viduantur unquam

A Frondibus sylvæ nimium feraces,
 Nec deest unquam viridis tument
 Pampinus uvæ.
 Spiritum spargit folium suavem, &
 Cinnamum & nardus patulis amica
 Naribus, semper lachrymant. virenti
 Balsama furelo.
 Hisce præfecit pater ille regnis,
 Quem modo fingens hominem crearat:
 Hæc tuis Adam moderanda trado
 (Dixit) habenis.
 Liber ad quidvis tulerit libido,
 Dexteram mittas dominam licebit
 B His modo ramis fuge fac nocivos
 Carpere fortis.
 Hoc tibi duram paritura mortem
 Mala, tu quaqua violaris hora:
 Ah tegunt quantos tibi blandienti
 Cortice luctus.
 Non tulit tantos stomachans honores
 Viperae livor: vetuisse mira
 Arte contendit male perditio suc-
 cedere cœlo.
 Usque quo (dixit) miseri dolosis
 Creduli jussis, similem superno
 Numini vitam fugitis daturus
 Carpere fructus?
 C Subdolis eheu facilis colubri
 Suasibus conjunx nimiumque mollis
 Credidit, vidit, tenuit, momordit,
 Occidit atque.
 Falsa tum post hæc socium fecellit
 Conjugem conjunx: tenero ille amori
 Cessit, accepit, tenuit, memordit:
 Occidit atque.
 O dies atro numeranda semper
 Calculo, ô semper lachrymanda, toti
 Quæ potes seculo potes una tantos
 Edere luctus.
 D Nam dehinc totam vitiata radix
 Serpit in prolem, male temperantum
 Posteris jam morte luunt avorum
 Facta nepotes.
 Et quibus cœlos opifex pararat,
 Jam (dolor) sævis sua colla loris
 Dæmonum nexi, rapiuntur imas
 Mortis ad umbras.
 Quid pater tanto faceret tumultu?
 Plasmatis certe proprii benignum
 Pœnitet plasmæ, hominis gementem
 Flebile satum.
 Ecce dum cœlum reparare terra
 E Pergimus, (dixit) simul hæc & illud.
 Veh parens mortis simili ruina
 Noxa peremit.
 Dispari longe tamen hic ministro
 Hausit infandum colubro venenum,
 Ambitus alter stimula nullo
 Auctor iniqui
 Factus, æternum meritas necesse est
 Ut luat pœnas: scater è medullis
 Abditum vulnus, fugit hujus omnem
 Plaga medellam.
 Porro quem stravit peregrinus altus
 Non sua justum est ope lurrigatur,
 F Arte pellectus, redimendus arte
 Equæ aliena.
 Summus hic summi genitus parentis,
 Fons inexhaustus sophiæ perennis,
 Promisit arcanos patrio latentes
 Pectore census.
 Arte subreptus revehendus (inquit)
 Arte, non dextra dominante, mortis
 Ortui respondeat ut salutis
 Forma reductæ.

Et caro sane redimenda carne
 Dira ligno perniciēs profecta est:
 Sanitas æque reditura ligno, ac
 Stipite sacro.
 Edidit vero quia sibilante
 Vipera lethum mulier, decenter
 Fœmina rursus revehenda flante
 Numine vita.
 Mors item adversa populanda morte est,
 Atque curandus dolor est dolore,
 Denique objecto merito fugandum
 Vulnere vulnus.
 Sed quid? en omnis vitio laborat
 Æmulans patrem soboles avito:
 Nec mori novit deitas, acerbi
 Nescia fati.
 Ergo cui partes scelus expiandi
 Demus humanum? pereat necesse est
 Plasma, ni certe Deus ipse tollat
 Vincula mortis.
 Et quid? an nostri moriens imago
 Noctis æternas luitura poenas?
 Quid Dei mentem fuit indidisse
 Ori capacem?
 Illa de multis via restat una:
 Carne miscenda est deitas caduca.
 Summus humani Deus ambiendus
 Corporis umbra.
 Filii blando pater ore dictis
 Annuens, qui consilium (inquit) æquum
 Protulit, facti sit & auctor idem
 Auxilii que.
 Hic tui virgo thalamum pudicum
 Ventris, æterni sibi dedicavit
 Numinis sermo, placido pudoris
 Captus odore.
 Ocior vento, aut celeri sagitta
 Labitur cœlo paranympheus alto,
 Moxque secrete veneranda visit
 Tecta puellæ.
 Hinc novas adfert *Gabriel* salutes,
 Illa suspecto tremefacta vultu:
 Paululum insuetas tacito volutat
 Pectore voces.
 Ille sed vultu radians amico
 Proprio signans *Maria* vocablo:
 Lenibus dictis trepidos ademit
 Virginis ætus.
 Cur (ait) foelix rapit ora virgo
 Anxii pallor socius timoris?
 Cur decens (oro) teneras reliquit
 Purpura malas?
 Ne time, iussus venio superni
 Patris interpres, capies in alvo
 Perditi *Jesum* generis salutem,
 Tuque vicissim
 Ipsius mundo paries parentem
 Regiæ stirpis generosa proles:
 Tu *Nazareum* paritura *Jesse*
 Virgula florem.
 Quo rogas pacto? fuge suspicari
 Carnis amplexus genive nexus:
 Illecebrosi fuge suspicari
 Fœdera lecti.
 Finge ne tædas tibi nuptiales,
 Casta sed verbum paritura verbo es,
 Spiritus fies rutilante sancti
 Numine fœta.
 Virgo fœcunda & genitrix pudica,
 Nec tibi fœtus rapiet pudorem:
 (Crede) nec salvus pudor abnegabit
 Matris honorem.
 Ut jubar solis liquidum penetrat,
 Nec secat, vitrum, penetrabit alvum
 Filius, sed non temerabit sancti

A Clastra pudoris.
 Fundit ut suaves redolens vapores
 Liliū, læso minime nitore:
 Haud secus divam paries *Maria*
 Integra prolem.
 Credit oraclo facili superno
 Aure, natalem repetens olympum
Gabriel, pictis liquidum secabat
 Æthera pennis.
 Nil moræ summis citus en ab astris
 E sinu *Christi* rutilat superno:
 Labitur sacram in tacitus fidelis
 Virginis alvum.
 B O stupor mentis, novitasque rerum!
 Scis-ne quid clausa teneas in alvo?
 Scis-ne ter foelix tua quid recondant
 Viscera virgo?
 Ipse qui solo quatit astra nutu,
 Qui fretum sævis tumidum procellis
 Temperat, dextra prohibens inertem
 Sydere terram.
 Ipse qui quicquid viget orbe summo
 Manium quicquid gelido sub Orco est:
 Quicquid in terris moderatur æquis
 Unus habenis.
 C En tui mater latitat sub antro
 Pectoris rerum Dominus facello:
 Ventre circundans gracili, rotundus
 Cui minor orbis.
 Nunc graves *Adæ* misera proles
 Pone singultus: populique duras
 Barbaro passu duce sub catenas
 Tollite vultus.
 En adest nobis fator ille rerum
 Non quidem sævo minitans furore,
 Nec memor noxæ, aut inimica mittens
 Fulmina dextra.
 Sed puer lenis, puer à vetustis
 Imminens seclis: face qui secunda
 D Secla jamdudum miseris daturus
 Aurea terris.
 Emica cæcis uteri latebris
 Pusio dulcis: trepido tumultu
 Cerne nutantem fabricam, sacratam
 Exsere frontem.
 O dies omni venerandus ævo,
 Quo patris *Jesu* soboles superni
 Carne vestitus lutea, silenti
 Proderis orbi.
 O tui quantum jubili tulere
 Nate vagitus: redeuntis illi,
 Nuntii vitæ, reducis fuere
 Signa salutis.
 E En tibi vultu jubilant sereno
 Cuncta nascenti: prope jam recisam
 Excitat lucem meliore currens
 Tramite *Phœbus*.
 Nubibus cœli chorus è supernis
 En modos gaudens ciet insolentes:
 Orbis extremi duce te requirunt
 Sidere *Chaldi*.
 Te pecus prono veneratur ore
 Bruta, te cantu modulans agresti
 Laudat, exultat pietas relictis
 Rustica bubus.
 F Quin & umbrosas subito renatis
 Frondibus sylvas videas, & omne
 Floribus densis viruisse pratum &
 Gramine læto.
 Jam fluunt amnes celeres *Lysi*
 Dulcibus rivis, sapit unda vitem,
 Rore jam stillant hilares benigno
 Balsama cœli.
 Jam ferunt duri nova mella scopli,
Ismara cautes redolente nardo

Jam

Jam calent: *Syrum* spatiosa sudat

Quercus amomum.

Inter hæc quanto saluisse rere

Gaudio castæ tenerum puellæ

Pectus immensi impediens orbis

Gaudia pannis?

Prolis ô salve veneranda tantæ

Mater, abs cujus niveis papillis

Pendet & terræ Deus, & supremi

Rector Olympi.

Lacteo cujus alitur liquore

Cuncta qui pascit, vehit aura quicquid

Quod capit tellus, natat inquieto

Æquore quicquid.

In sinu cujus recubat pudico

Ambitus quem nec sinuosus æthere

Concipit, cujus roseis propinat

Oscula malis.

Ille præ natis hominum decorus

Patris exemplar superi, ac tenellis

Dulce subridens recipit vicissim

Pressa labellis.

Quid neget mater tibi jam rogatus

Filius? ceu quid nequeat roganti

Ferre, quam tanto veneratur unam

Tantus honore.

Ergo te cuncti querulis fatigant

Jure mortales precibus, dolore

Quolibet pressi, veriti tremendi

Judicis ora.

Qui cavis tentant trabibus minaces

Adire fluctus rabidasque Syrtes:

Certa tu nautis duce qua ferantur

Stella refulges.

Cumque tam scissis aquilone velis

Concitæ cymbam rapiunt procellæ,

Te vocant unam, prece tu cieris

Supplice diva.

Te petit votis dea quem laceffit

Noxius languor: Domini petit te

Barbari sævis misera vinctus

Colla catenis.

Tu levas cunctos miserans, & aures

Admoves votis faciles precantum:

Tu reis placas trepidis dearum

Maxima Regem.

En ego morbis animi laborans

Mersus immani scelerum barathro:

En ego vinctis premor impeditus

Colla pudendis.

Tu meos virgo miserare fletus,

Te mei unam suspiciunt ocelli,

Tu meos audi lyrico vocata

Carmine questus.

Carmen de monstrosis signis Christo moriente factis.

Metrum primum est Asclepiadeum Choriambi-

cum, Secundum est Archilochium Jambi-

cum dimetrum.

QVIS tam turbo ferox, tantus & omnia
Repente concutit tremor?

Nostra & non modico mens trepidat metu,

Vultumque pallor occupat.

Vix *Phæbus* medium contigit æthera

Nonam recurrens lineam.

Et jam nunc hyemis noctibus atrior

Caligo textit sydera.

Terra ingente tremit concita turbine,

Seseque laxa dissecant.

Convexoque poli pondere machina,

Pendet: reclinata in inferos.

Unde hic insolitæ noctis ab æthere

Toti horror incubat solo?

Tantum ah! ne vetulis territa concidat

A Natura ruptis legibus,

Et totam properent solvere machinam

Rerum soluta fœdera.

Neu cœleste jubar tartareum cahos

Terra rescindens obicem

Involvat tenebris triste nigrantibus,

Rumpatque luminis vices;

Confundatque gravens omnia tartarus

Umbris creata informibus.

Quod si nunc superum conspiciant diem

Manes recluso carcere,

Nil hujus reliquum (credite) machinæ

Dies videbit craftina.

B At tu tale veta, summe Deus, nefas

Magni creator ætheris.

Quin jam salvet opus ipsa quod edidit

Invieta virtus dexteræ.

Sed quid deterius in dubiis sibi

Mens usque præsumit tremens?

Noctem hanc forte vagans, & male cognitus

Poposcit ordo syderum.

Phæbe forte gravi noxia corpore

Fratris recondidit facem.

Huc, huc quotquot habet *Græcia*, quotquot &

Chaldaea nutrit regio,

Qui nostis varios ætheris ordines,

Cursum & recursum syderum.

Et quo luna meet menstrua tramite,

Adeste, ne moremini.

Collustrate polum, sydera discite

Quo quæque volvantur gradu,

Et monstrate novæ noctis originem;

Si forte deprendi queat.

Væ terræ indigenis, piscibus & feris

Quicquidque cœlo clauditur:

Triste heu triste nimis fata parant opus!

Sævo sinistra numine.

En mox pressa cadet pondere non levi

Tellus ruentis ætheris.

D Nil hæc nox aliud, nil sibi vult tremor,

Solvenda clamant secula.

Et dirupta canunt vincula fœderis,

Quo cuncta strinxerat Deus:

Nam nec luna quidem crassa tegit diem,

Solis morata lampadem,

Quæ jam nunc rosei luminis inscios

Completa lustrat inferos.

Heus! quo tota strepit murmure concio?

Quis tantus in turba timor?

Quo tanto trepidat turba fugax metu?

Quisnam ruentium pavor?

O cæcam rabiem! proh furor impudens!

E Heu gentis horrendum scelus!

En plebs ausa Deum perdere perfida,

Cæcis citata furiis:

Qui cœlum atque solum, qui mare & omnia

Potente condidit manu,

Confossus lacero est in cruce corpore:

Jam morte pallet insuper.

Dura heu vita necem mortua pertulit!

Sol ille verus occidit.

Quidni cuncta nefas expaveant novum

Turbis patratum pessimis?

Auctori que suo condoleant Deo

Orbata quippe jam patre?

F Hinc plane hinc subitæ funereum polo

Diem tulere tenebræ.

Pressis obstupuit lucida cornibus

Phæbi videntis orbita.

Obduxitque suam nube nigra facem,

Ne indigna cernat funera:

Et tellus oneris impatiens gravis,

Imis tremit radicibus.

Ah quam pene suum tota per infera

Regem sequuta tartara.

Tom. VIII.

Oo

Ve-

Verum quicquid id est, nil cadit omnium
Christi necem gementium:
 Non solum solidum perdere non venit,
 Verum imbecille ut roboret.
 Quæ te quæ maneat iudicis ultio
 Gens cæca saxo durior.
 En Sol turpe scelus tectus abhorruit,
 Tellusque sensit stotida:
 At tu sola animis cæca procacibus,
 Quem perdis ignoras Deum.

*Carmen heroicum de solemnitate paschali, atque de
 triumphali Christi resurgentis pompa, &
 descensu ejus ad inferos.*

CLARA ferenati lætentur sydera cœli,
 Sydera quæ quondam Domino moriente coru-
 scos
 Considerant radios: caligine turbida tristi
 Lætentur, referantque obtestos ocyus ignes.
 Umbris ut quid enim nox usque nigrantibus omnem
 Occupat atra polum? fugiens petat infera nox hæc.
 Ecce etenim jamjam tetris male amica tenebris
 Nascitur ecce dies, lux surgit amabilis orbi:
 Lucis & imo opifex verusque dispiter ille
 Nascitur, horrentis pulsurus nubila noctis:
 Florida plaudit humus, fundat sua munera tellus:
 Squallorem excutiat, blandis se floribus ornet:
 Incipiat steriles dudum componere ramos
 Sylva virente coma, & festa se fronde coronet:
 Missaque plumigeri repetant sua carmina cœtus:
 Dulce susurrantes modulentur in æthere voces:
 Et freta inæquales ponant pacata procellas:
 Nimbosusque notus longe concedat, & auster
 Grandisonus tumidos cessent attollere fluctus:
 Et natura novos omnis jam denique vultus
 Lætior assumat, seque in nova gaudia solvat.
 Nec desit superior tantis solemnibus ordo,
 Huc, huc quin mage quot habet regio illa beata
 Ætheris indigenas properent penetralibus omnes
 Sydereis, cœlumque leves & mollia rumpant
 Nubila, jamque oras veniant invisere nostras.
 Terris hæc celebranda dies, nova gaudia terris
Christus agit, superis nondum gustata vel ipsis.
 Sed Pater esse modo communia cuncta benignus
 Terrigenis superisque jubet: veteris mala quando
 Semina diffidii Patris unicus ipse rubenti
 Sanguine diluerit moriens, jam nulla simultas,
 Materies jam nulla odii: limum quia nostrum
 Assumit deitas reddens divina vicissim;
 Nostra tulit, suaque ille dedit, mortalia cepit,
 Rettulit æterna, per enim hæc commercia carnem
 Conciliat Patri, commiscuit infima summis,
 Cœlumque & terram vinclo connexit uno.
 Ergo homini ne dedignetur adesse vocatus
 Spirituum facer ille chorus, demissus olympo
 Sedibus in nostris nobis se misceat una
 Lætificum celebrare diem: ac post fortia bella
 Victorem festo deducere carmine Regem.
 Ille canat cœleste melos; nos terrea terra
 Plaudentes fragili miscebimus organa voce:
 Ille lyram ferjat; hic pleetra sonantia pulset:
 Ille canat cythara; hic agitet salientia fistra:
 Hinc ventosa tonet tuba, misceat inde suaves
 Tibiã blanda modos, Domini modulata triumphos.
 Sed nec nostra quidem quicquid tenui ipsa valebit
 Carmine Musa novos parcat cantare triumphos
 Victoris Domini, & solemnes ducere pompas.
 Ergo age jam fidibus quodcumque Camœna sonoris
 Nostra potes, nunc hora monet, nunc incipe car-
 men:
 Incipe magnificos *Jesu* cantemus honores,
 Fronte leves discinge hederas, & tempora lauro
 Cinge sacra, atque imbellis amica pacis oliva
 Palma pii recinenda ducis, recinenda trophæa,

A Vicerit ut nostram moriente in corpore mortem,
 Ut quoque tartaræ colliso principe noctis
 Regna triumphali populaverit infera ligno,
 Duraque captivæ dimorit vincula gentis,
 Vincula quæ canos religabant carcere patres.
 Ergo ubi triste jugum & veteris durissima lethi
 Imperia ipse ferens indigna morte porrexit,
 Protinus arrepto post prælia dura bacillo,
 Livida quo torvi contriverat ora colubri,
 Victor perpetuis squalentia castra tenebris
 Lætus adit, properatque ereptam abducere prædam.
B Ast tenebrosa cohors & noctis amica silentis
 Eminus ut sensere diem radiare serenum,
 Insolita & noctem rarefcere luce profundam,
 Prospiciuntque novi radiantia signa triumphi,
 Concusso subitis tremuerunt pectore monstis:
 Moxque umbrosa specus dubio tremebunda tynuku
 Verticibus summis, inisque à sedibus omnis
 Concutitur, stetit unda *Sigys*, *Phlegæonides* & amnis
Cocytique vagos tenuerunt flumina curfus.
 Umbrarum tremuere duces, tremuere rigentes
 Centumque *Enumenides* subito intumuere colubris,
 Et cecidere manu radiantia sceptrâ minaci,
 Ac trepidans premit ora trifaucia janitor ingens,
 Cunctaque præterea teter quæ plurima *Averni*
 Carcer habet, gelido pallebant monstra timore.
C Nec non interea valido ter turbine quassæ
 Tartaræ tremuere domus (mirabile dictu)
 Ter sunt mugitus per opaca silentia turpes
 Horrèndum ex imis visis resonare cavernis.
 Flebat enim absorptam rabido qui gutture prædam
 Eriperet: propius fera bellua figere gressus,
 Et jamjam veritos ululabat adesse triumphos.
 Pectore quin etiam trepidanti maximus ipse
 Arbiter umbrarumque deus paulum ore represso
 Pallidus obrigit, animoque exterritus hæsit:
 Nam quid tanta novis portendant omina monstis,
 Nec prorsus latuit, neque certius omnia novit,
 Mente legit veterum studiosa carmina vatum
D Vestiturum qui carne Deum miserabile sacra
 Morte piare genus, mundo & succurrere lapso
 Legis adhuc dubia positi cecinere sub umbra.
 Anxius atque refert, quæ monstra potentia quondam
 Infirma testata Deum sub carne latentem
 Hauserit ipse suis non longe amotus ocellis,
 Utque viro in ligno vitam exspirante supremam
 Legibus antiquis subito natura remissis
 Tota perhorruerit, mortem & damnarit iniquam.
 Jamque iterum furiis inter præcordia ceptis,
 Frigidus intremuit, gemitumque è pectore duxit.
 Haud mora longa fuit, moxque alta silentia rupit,
 Affaturque suam mœsto sermone cohortem.
E Sæpe quidem mentem turbant hæc mala no-
 stram
 O fortes focii: cum perfidus ille aliena
 Subrepens specie nova tam miracula mundo
 Proderet assiduus, faceretque ingentia signa.
 Quin etiam ipse adii variatis artibus olim
 Explorare virum, dubiosque resolvere sensus;
 Ille sed occuluit sese, mixtusque sefellit
 Infirmitate virtute dolor, nam morte parceptum
 Alsit & esuriit: sed & infans ubera fuxit.
 Vagiit, exercuit, nunc hæc super omnia & ipsam
 Mortem obiit, fuditque extremam in funere vitam.
 At nunc serbo quidem tectas nunc novimus artes,
F Novimus heu victi nunc sero dolumque virumque,
 Nequicquamque crucis radiantia cernimus arma.
 Lædit & id nostram gravius super omnia mentem:
 Tela quod hæc hosti male sani cudimus ipsi
 Nostram in perniciem, nostris heu vincimur armis.
 Cominus interea gradiens se lumine victor
 Admoveret immenso mediâ inter verba loquentis
 Jam trepidatus adest, validas nec multa moratus
 Impulit in valvas, vectes confregit ahenos,
 Divinoque graves disjecit numine moles.

Inde profunda subit sævi penetralia *Disu*,
Sceptra ferens erecta manu radiantia dextra,
Pallida & ingenti profundit fulmine tecta.
Protinus immissum referata sub atria manes
Obstupere diem mirantur lampada *Phæbi*,
Deductum roseis penitus ingressa quadrigis.
Quis tibi tunc *Pluto* cernenti talia sensus?
Quosve dabas fremitus cum tartara luce nitere
Protinus insolita adspiceres, totumque videres
Misceri ante oculos tantis fulgoribus orcum?

Est specus extremum barathri devexa sub antrum,
Immensumque cahos tetrus sine lumine flammis
Ætæna more calens, tormenta ubi dira perenni
Igne ferunt, animæque luunt sua crimina fontes:
Bis tantum in præceps, tantumque sub infera tendens,
Quantus syderei suspectus ad ardua cœli
Ocyus huc omnis denso ruit agmine facto
Luciferi tremefacta cohors, neque tanta ferentes
Fulgura mobilibus mire vibrantia flammis:
Ultro sulphureis sese immerfere caminis.
Ille autem placido per inania regna meatu
Arduus incedit: vasti sedes & *Averni*
Squallentes legit hinc illincque stupentibus umbris:
Tum facili *Phlegethonte* gradu flammantibus undis
Horrentem piccoque tumentem gurgite victor
Transilit, & summam barathri citus adstat ad oram.
At diræ subita deprensæ luce sorores
Præcípites imam valido cum turbine abyssum
Ultro petunt alta seseque voragine condunt.
Hi vero quos jam tormenta, & vincula captos
Longa fatigarunt, ut primum lumine tanto
Adventasse Deum didicere sub infera summum,
Spem frustra cepere animis, gemituque represso
Nequicquam æterna torpentia lumina nocte
Attollunt, præbentque arrectas ocys aures;
Si metam, si forte modum daret ille malorum.
Grande sed horrifono iustissimus arbiter ore
Desuper increpitans, stolidissima pectora quondam
Intonat, & meritos cepisse hæc omnia pandit.
Inde potente ferum Dominus verbo alligat hostem,
Alligat, & valido pavitantem sauciat ictu,
Ferreæ captivis innectens vincula collis:
Posthac mortiferum tentet ne spargere virus
In famulos famulasque Dei, fauceve cruentas
Imbuat effuso laniatæ sanguine prædæ.
Hæc ubi complevit, grave olentia limina linquit.
Rursus & illius spes mentibus excidit omnis,
Et mœsti posuere caput, gemituque resumpto
Tota simul tristi complebant tartara voce,
Incipit & gravius late increbrescere planctus.

Sic tibi sic visum, dux inclyte *Christicolarum*,
Ut videant doleantque magis, jam reddere charis
Christe tuis, videant læti & suspiria ponant.
Ocyus ergo recurrit iter quo venerat, & jam
Limina prima tenet *Erebi* sedesque supremas,
Hic quos à prima nascentis origine mundi
Ipsos recta quidem *Moylique* edicta sequentes
Patria sub noctem detraxit culpa profundam.
Spe longa labefacti animis ingentibus usque
Fletibus ora rigant, nec non suspiria mœsto
Pectoris longa trahunt umbroso carcere clausi
Dum veniat tandem tenebris qui (morte soluta)
Tristibus eripiat, superasque educat in auras.
Ut primum ergo crucis victricia signa coruscat
Molibus adversisque domus portis & athenis
Objecit, cecidere fores, & carceris ingens
Machina, terrifica sonuit concussa ruina.
Detectæ patuere domus, patuere cavernæ:
Mox & discussis nox atra evanuit umbris.
Hic primum ille sacer populus dilata serenum
Conspexit post vota diem, post nubila solem:
Lætus & optatum viderunt lumina lumen.
Quæ tum quæ subitas rapuerunt gaudia mentes?
Quem tum lætitiæ trepidis quem plausibus illic
Rere fuisse modum? Tandem ô post tristitia tandem

A Vota, datum admotis coram qui salvet ocellis
Cernere victorem jam non sub imagine *Jesum*:
Jesum, quem veterum cecinerunt provida vatum
Carmina, quem sacri (nascens ubi coeperat orbis)
Usque adeo ardenti clamabant pectore patres.
Nec mora multa fuit, mox ferrea claustra resolvit,
Rumpit & indignis circumdata vincula collis.
Libera scandentis sequitur post terga magistri
Candida turba, ducis comitans vestigia tanti.
Atque hinc ne qua domus maneat monumenta ne-

fandæ,
Ille levi penitus disperdidit omnia flatu.
Immanisque brevi structura evanuit ictu.
Nunc age magnarum stimulant fastigia rerum,
B Nunc age grandiloquum (si quid potes) incipe car-

men:
Incipe *Musa*, opus est totos intendere nervos,
Dicito læta quibus procedant agmina pompis:
Utque ipse ante alios victor clarissimus omnes
Prævious incedat, prædamque sub æthera ducat.
Tuque ades ô cantandæ, tuo tu suggere vati,
Ut te digna canat tibi carmina, & abdita pande.
Agmine prima præit veterum veneranda parentum
Canities; ac dein superno numine mentem
Plena Prophetarum series, quos legis amantum
Purpureus Regum sequitur longo ordine coetus.
Jungit adulta quibus se animoque ævoque valentum
C Turba virum, nec non agili lætissima gressu
Accedit pubes, pueri, teneræque puellæ;
Chara nec amplexæ defunt sua pignora matres,
Par cunctis studium, laudis vox omnibus una,
Omnibus unus amor, una exultatio cunctis:
Qui taceat nemo est, cantant memoranda potentis
Bella manus, prædamque gravem atque insigne tro-

phæum,
Solemneque ducem plaudentes carmine clarum
Celeberrant, animis omnes atque ore faventes.

At novus ille novo victor præit agmina cultu,
Nec regitur solito insolitus bellator amictu
Fulminis in morem, *Phæbea* lampadis instar
D Cingebat diadema caput, totumque serenat
Lumine purpureo Regem, velut ignis in igne
Ille micat, medioque refulget lumine lumen,
Ex humerisque fluens talos dependet in imos,
Murice palla rubens, roseoque ardentior ostro,
Auroque & multa gemmarum luce coruscans,
Quomodo si adversis æstivo lumine flammis
Objicias soli speculorum levia centum
Vitra refulgentum, conceptis æquore plano
Ignibus emittunt radios impulsæ receptos,
Et nova vibranti simulant sese edere luce
Fulgmina, concertantque vel ipsum vincere solem:

Talis erat lapidumque decor, flaventis & auri
E Talis erat species rutili, dum fulmine miro
Desuper exceptos revomunt diadematis ignes,
Scintillantque rubra velut æthere sydera bysso.
Regia nec defunt tantis vexilla triumphis,
Invicta tollebat enim radiantia dextra
Vivificæ vexilla crucis jam nescia lethi,
Nescia dedecoris, solitique ignara pudoris.
Tota sed effuso innocui distincta cruore
Agnelli summique sacro nomine Regis
Picta nitent, oleæ fixis in vertice fertis,
Hoc gradibus victor redimitus honore superbis
Ad Superos *Phlegethonte* procul post terga relicto
Scandit ovans, seseque jacenti reddere mundo
F Concitus accelerat, ne spes dilata dolentes
Frangeret: hymnifona longe comitante caterva.
Jamque iter emensus ipsis in faucibus adstat,
Liminibusque quibus superas via ducit in auras.
Interea oppressis confuso turbine terris
Humanum trepidare genus, cæcasque volutat
Noctes atque dies perplexo pectore curas,
Ne qua timens visis graviora periculis monstris
Perferat, inveniantque suos sua crimina fontes.

Nec dictu facile est, quæ cura, quis angor amantur

Corda agitet: quæ vota, quibus suspiria stentum
Anxia perpetuo vexent singultibus ora.

Nulla quies oculis, fletur noctesque diesque,
Lumina nec dulci capiuntur fessa sopore.

Quid mirum? cruciabat enim proluxa calentes
Spes animos onerata metu: triduumque per omne
Nequicquam (triduum hoc toto productius anno)
Plangitur, & lachrymæ miseris volvuntur inanes:
Anissumque gemunt, tristi quem funere mersum
Algida quem cæci frigentem saxa sepulchri
Condere conspiciunt: ingens exanguis rupes
Ossa premit, signantur & ostia, milite duro
Stipantur, servatque fores custodia clausas
Ensis & ferro servat noctesque diesque.

His prodire queat hæc tanta-ne rumpere claustra?
Rumpat at esto, virum poterit superare furorem?
Custodesque queat medius transire per omnes?
His agitata malis miserum in diversa labat mens.
Jam spes victa timore cadit, jamjamque cadentem
Tollit amor, jam sæva timent, jam prospera sperant.
Tertia lux roseo jam rãtescentibus umbris
Coepert irradiare polo, coeloque voluto
Sera quidem, & tardis tandem prolixior horis
Tandem aderat votiva dies, ire ocyus ergo
Noctis adhuc dubia mixtis cum luce tenebris
Ad monumenta parant, usquam si forte magistri
Occurrat facies, lachrymarum aut ubere saltem
Frigida (quandoquidem miseris spes cætera languet)
Imbre & odorata perfundant corpora myrrha,
Exhibeant vel hoc exanguis munus amico,
Funeris & moestum fletu solentur amorem.

Quid tibi, *Christe*, in ore est? quid te, Regum
optime, tardat,

Quid tibi eum *Phlegetonis* quid est, quid te atria
longum

Atra tenent? jam redde fidem: sol tertius ecce,
Adspice convexo nutantem pondere mundum,
Adspice, *Christe*, tuo recreentur ut omnia vultu:
Orbis enim dum lentus inania tartara lustras,
Heu prope totus abijt: heu pene resolvitur ingens
Machina, pene suos liquerunt sydera cursus.
Ipsa etenim vastam minitatur tremefacta ruinam
Tellus, & monstros mortalia corda sinistris
Concutit, & (quid triste magis) caligine crassa
Nox operit nebulosa animos, dum te infera verum
Claudent regna diem, jam nemo salubria nemo est
Qui teneat tua facta memor, totum avius orbem
Error habet, quoniam si te doctore quid unquam
Crediderant, penitus te longum absente remittunt.
Ipsa quin etiam ceciderunt spesque fidesque
Discipulis, refer alme diem placidum exere vultum:
Nubila pelle animis, squallentem discite noctem.
Surge age vel moveant inconsolabile stentum
Te propter gemitus moesti, lachrymæque tuorum.

Ocyus ergo fores extremaque limina linquens,
Vota animo adspiciens miserum miserante, superbis
Progreditur Rex haud multa sine luce triumphis
Ad Superum sedes: lustrataque protinus illum
Sensit & immenso gradientem lumine tellus,
Sensit, & effusa subito se vestit herbis;
Summis sylva comas dudum viduatæ vicentes;

A Res mira & blandis subito se floribus omnis
Pingit ager, lætusque Deum molli excipit herba.
Nec latuit *Titane*, novo se sydere vinci
Sensit, & ad superos properabat concitus ortus;
Auctoriq; suo quicquid viget æthere, tellus
Quicquid habet, quicquid aura vehit, nata sequit
quicquid

Applaudit reduci, & festo veneratur honore.

Ipsæ autem festinus oves regione virenti
Pergit & apricis paradyfi condere pratis:
Donec corporea in vitam jam carne resumpta
Charorum moestum sese soletur amorem.

B Quem summis de matre, hominem prædamque se-
quentem

Transvehat, æternum victurus in æthera victor.

*Ode Choriambica Asclepiadea cum quarto Glyco-
nio, ubi deplorat mortem Galteri Goudani,
concivis sui, hominis ob multa amandi.*

Ergo te quoque mors improba, te quoque,
Mi *Galtere*, tulit, quo nec amicitior
Nobis alter erat: nec melior vir, &
Longum vivere dignior.

Morum semper erat mira suavitas,

C Jungebant læteri se comites tuo
Multum rara fides nudaque veritas,
Nec non grata modestia.

Annis fidere jam quis juvenilibus
Ausit? sæpe equidem pollicitus mihi
Seram canitiem, nunc temerariam
Nunc spem ponere desino.

Non, *Galtere*, tibi non cutis aspera
Rugis aruerat, sed senio procul
Florescant valido membra virentia
Ævo, viribus integris.

Illæ illæ *Aonia* quin etiam deæ
Vester cultor erat: sæva sed *Atropos*
D Immatura sacro pollice stamina
Vatum abruptum quid timet?

Mi *Galtere*, tuos dum liceat modo
Complexus repeti, non trepidavero
Chordis increpitans alter ut *Orpheus*
Infernas rueret in domos.

Ode monocoles metrum Phaleucium hendecasyllabum.

Epitaphium ejusdem Galteri.

Quæso siste gradum deambulatores,
Perlecta licet ambules tabella,
Galterus cubat hoc brevi sepulchro,


E Quo non alter erat magis fidelis,
Multis gratus, amansque litterarum:
Quem pestis violenta sub juventa
Firmo robore corripit virentem,
Durum: sed quid agas? ea sub omnes
Nasci lege vides ut exeamus.
Mortales adeo probe vocamur,
Mors victrix dominatur orbe toto,
Infantes, pueri simul, puellæ,
Maturi juvenes, senesque cani,
Mortis victima pascimur futuri.

F I N I S.

FRAN-

FRANCISCI ROBORTELLI, UTINENSIS, ANNOTATIONES IN APOPTHHEGMATA

AB ERASMO VERSA E LAERTIO, UBI DIOGENIS
CYNICI VITAM DESCRIBIT.



ERASMVS vir doctissimus, si illius Opera legas, ita alicubi videtur dormitasse, ut mireris. In Apophthegmatis, quæ ex *Diogene Laertio* vertit in *Latium*, legendis deprehendi hunc errorem: qui ut pateat apertius, subscribam primum *Laertii* verba *Græca*; deinde *Erasmi* conversionem & interpretationem; postremo rationes, cur putem illum esse lapsum. *Laertius* in *Vita Diogenis Cynici*: τὰς δὲ Διονυσιακὰς ἀγῶνας μεγάλα θαύματα παρὸν ἔλαγε, καὶ τὰς δημογυγὰς ὅλως διακόνει. *Erasmus* *: *Dionysiacæ certamina, quæ Athenis in honorem Bacchi magnis impendiis, pompaque celebrantur, appellat magna stultorum miracula. Labitur Erasmus primum, quod ex uno duo facit ἀποφθίγματα, subdit enim separatim: Oratores, qui summo in pretio habebantur Athenis, dicebat turba ministros, quod ad gratiam loqui cogerentur. Rursum labitur in vertenda dictione δημογυγὰς, quam cum non satis intelligeret, in priorem incidit errorem dividendi Apophthegmatis in duas partes: δημογυγοὶ appellantur à Græcis, qui populo præsunt. Hæschius ait δημογυγὴν idem esse, quod στρατηγὴν: unde δημογυγὸς ὁ ἀρχὼν, ἐκ τῆς δῆμον ἀγωγῆς, καὶ διοικῆν. Julius Pollux libro viii. nominat δημογυγὰς, qui sunt παρὰ δῆμον ἀρχόντες: olim dicti ναύκληροι: eodem libro nominat ἀδολφίτας, qui decem erant, ἃς καὶ φυλὰς ἐπὶ τῇ διαβύλῃ τὰ Παναθηναῖα, τὸν τε μυτικὸν, καὶ γυμνικὸν, καὶ τὴν ἱπποδρομίαν. Demosthenes in Oratione contra *Midium*, hos vocat χορηγὰς. Ejus Orationis argumentum facile potest locum hunc declarare *Laertii*: nam cum esset χορηγὸς Πανδίου, tribus suæ; & ludos *Bacchanalia*, de quibus nunc meminit *Laertius*, populo exhiberet; pulsatus fuit à *Midia* insolentissimo homine in medio theatri. *Libanius*, Rhetor doctissimus, in argumento ejus Orationis explicando de *Dionysiacis* sic ait: Ἐστὶν ἔργον οἱ Ἀθηναῖοι τῷ Διονυσίῳ, καὶ ἐπὶ αὐτῷ ἀπὸ τῆς θεᾶς Διονυσίας. ἐν τῇ ταύτῃ τετραγυγίῳ, καὶ αὐλικῷ, καὶ κοινῷ χορῷ ἐπιτελεῖται καθίσταται δὲ χορὸς οἱ φυλὰς δέκα τετραγυγῶν χορηγὸς δὲ ἑκάστη φυλὴ ὁ τὰ ἀνακλῶμενα παρὸν τὰ αὐτὰ χορὸν. Festa celebrabant Athenienses in honorem Bacchi, quæ vocabant ab ipsius dei nomine *Bacchanalia*: in his autem & comici, & tragici, etiam antedixi, inter se de præstantia, & summa artis laude, certabant: choros constituebant singulatribus quæ decem erant: choragis autem singularum tribuum sumis in ea re faciebat. Verum de his satis: quivis enim aperte intelligere potest; quam præter *Laertii* sensum & dictionis significationem δημογυγὰς *Erasmus* vertit, oratores. Sensus igitur *Laertii* est hujusmodi: *Dionysiacæ certamina stolidis magna esse miracula; atque choragos, seu præfectos horum ludorum, turba esse ministros: etiam si fuerit satius interpretari ὅλως pro tumultu & perturbatione.**

Adnotavi superius *Erasmi* *Roterodami* erratum quoddam in vertendis à *Laertio* *Diogenis Cynici* Apophthegmatis: sed cum & ea paulo post omnia percurissem, & cum *Græco* contulissem, multo plura perperam versa deprehendi: libuit igitur sigillatim hic adscribere, ut videant eruditi, quantopere à

vero *Laertii*, & *Diogenis* sensu aberrarit. Si cum hæc scriberem, plus otii fuisset nactus, adnotissem & in aliorum Apophthegmatis vertendis *Erasmi* errata, sed hæc alio complectemur libello. Interim satis erit studiosos litterarum monere, ne magnopere eam Apophthegmatum ament translationem, nam, etsi multa recte conversa sunt, multo tamen plura perperam expressa videntur; atque hoc facile cognitu erit iis, qui *Græca* legerint.

In xviii. Apophthegmate: ita est scriptum: Ἐπὶ τὰς μέγας πολιτείας, καὶ μὴ πολιτείας, καὶ τὰς παιδοφροσύνῃ, καὶ παιδοφροσύνῃ. *Erasmus* sic vertit: *Laudabat eos, qui ad rempublicam accessuri, non accederent, qui pueros aluri, non alerent. Παιδοφροσύνῃ hic significat servos nutrire: & si pueri servi dicantur; tamen dilucidior fuisset sensus, si dixisset, qui servos aluri, non alerent: nam juxta illud:*

Σώματα πολλὰ τρέφειν.

Ἀρετὴς οἱς πολλὰ ἐστὶν ἰστομοῖται.

In xix. *Erasmus* ait: *Illic tribuitur & hoc enigma, manus non esse porrigendas amicis complicatis digitis. Innuens, non satiu esse, si comas nos prebeantur amicis, sed comitati comitem adiungendam benignitatem: apud *Laertium* sic exprimitur hoc ænigma: Ἐλεγε δὲ καὶ δὲν τὸς χεῖρας ἐκτείνειν, καὶ συγκεκαμμένους τὰς δακτύλους. Addit ex se *Erasmus*, amicis: quod si addatur, tollitur ænigmati ambiguitas tota, & venustas. In *Græco* ita legitur: *Ἀρετὰς oportere manus extendere, non confusos digitos; vel, Dicebat manus esse extendendas, non confusis digitis: & sane hoc melius; sensus poterit esse, omnia esse aperto animo & simplici facienda, non autem fucato & simulato. Vel non oportere esse rapacem: nam qui aliquid in vota abundat, manus non extendunt, vel si referas ad orationem, sicut olim *Zeno*; orationem oportere esse planam & apertam, non conentam, confusam atque obscuram.**

In xxxiv. rursus *Erasmus* vertit δημογυγὸς oratorem: quod non probat. *Laertius*: Οὐδὲ οὐκ ἐστὶν ὁ Ἀθηνῶν δημογυγὸς. *Erasmus*: *Hic est, inquit, ille Demosthenes Atheniensium orator. Sed sic melius: En vobis, o hospites, Atheniensium ducem ac principem; vel, En qui Atheniensium aures captat, ac demerget: nam probum in se habet hæc demonstratio per μέσον δακτύλον.*

In xxxvii. *Laertius*: Τὰς πλείους ἔλεγε καὶ δακτύλον μένειν: ἐὰν ἂν τις τὸ μέσον ἀρετίνης ποσὶν δόξῃ μένειν: ἐὰν δὲ τὸ λιχνόν, σκίει. *Erasmus*: *Dicebat plurimos insanire præter digitum: nam si quis assidue medium digitum intendat, vice indicis, vulgo habetur insanus: si quis indicem, sanus videtur. At plurimi sunt homines, qui gravius insaniant rebus seriis, quam si digitum pro digito porrigant, & tamen vulgo hi non habentur insani. Quoniam cum accusativo junctum sæpe accipitur pro, apud, vel prope; lepidior sensus mihi videtur, si dicas, Multos agebat insanire prope digitum medium, quod eo magis probat; quia sequitur, ἐὰν δὲ τὸ λιχνόν, σκίει, id est, si quis indicem, non amplius. Ecce vicinatem insanix, sicuti digitorum. Multorum infania est occulta: sed fortasse non minor quam ea, quæ aperta esse*

* Tom. iv. nostræ Edit. pag. 172. D.

esse solet. Unum me torquet in hoc dicto *Diogenis*: quod video fuisse consuetudinem apud Veteres, ut medio digito commonstrarentur infani, & infames: neque satis memini me legere apud ullum eos habitos infanos, qui alterum commonstrarent medio digito, vel qui medium digitum exstantem à cæteris conclusis gestarent. Hoc videndum: nam quoniam ita, uti exposui, sit accipiendum *Diogenis* dictum, non est dubitandum.

In XLVI. *Laertius*: Εἰν τῷ κεφάλει ἡλιμμένῳ αὐτῷ Ἀλέξανδρῳ θησαυρὸς φησὶν, Αἰτησὼν με, ὁ Θέλεις. *Erasmus*: Cum *Alexander magnus* inviseret *Diogenem*, reperit eum in cranio sedentem pro dolio: κεφάλιον per in penultima calvariam significat, cranium mortuorum: κεφάλιον vero per α diphthongum in penultima significat *Cranium*, qui erat locus *Gymnasii* è regione *Corinthi*: hoc patet ex alio loco *Laertii*, ubi ait: Διάγων ἐν τῷ κεφάλει τῷ πρὸ τῆς Κορίνθου γυμνασίῳ. *Erasmus* deceptus est vocis similitudine, nam vertit in *cranio*, id est, *calvaria*: neque est, quod quis illum excuset, posse intelligi etiam de *Gymnasio*, sic scriptam illam dictionem *Latine*, ut, proferatur longum, nam cur addidit *pro dolio*, quod non est in contextu *Græco*? ex quo satis patet *Erasmus* fuisse deceptum. *Laertius* dicit ἡλιμμένῳ, id est, *apricanti*: vertit *Erasmus*, *Laceras schedas glutino committentem*. Dii boni! Quale somnium? Quis dicat in schedis glutinandis fuisse occupatum *Diogenem*? labitur igitur & hic *Erasmus*, dum sibi nimium indulget in vertendo, & addendo multa, quæ in *Græco* contextu non leguntur.

In XLVIII. cum *Laertius* scribat: Μακροὶ ἡνὸς ἀναγνώσκοντες ἢ πρὸς τῷ τέλει ἢ βιβλίῳ ἀρχαίων ᾠδαί-
ξαντες, Θάρρειτε ἔφη ὁ ἄνθρωπος, γλῶ ὁρῶ. *Erasmus* autem vertat: Quodam tempore cum distissime legens tandem eo venisset, ut videret chartam vacuum: Bono, inquit, animo estote, viri, terram video. Labitur *Erasmus*, quod ait ipsum *Diogenem* legentem, ea dixisse γλῶ ὁρῶ. Sed *Laertius* ait *Diogenem* de altero legentem dixisse, cum audiendo esset defessus, sic vertenda verba *Laertii*: Cum distissime quidam librum legisset, ac demum ad exitum perveniens, pagellam non scriptam audientibus ostendisset, acclamavit *Diogenes*, γλῶ ὁρῶ.

In LVI. *Erasmus*: Cum primum cepisset philosophari: cum in dolio solus rancido vescens pane audiret totam urbem latitia perstreptentem, (erat enim dies festus) sensit animo nonnihil tædii, diuque secum de relinquendo vita instituto cogitavit: sed quum tandem mures videret adrepentes, micas panis edere: Quid displices, inquit, tibi ὁ *Diogenes*, sat magnificus es, ecce etiam parasitos alis. Ego profecto nescio unde hic paraphrastes egregius tam multa præter rem in medium attulerit: nam in *Græco* ita legitur, brevissime & politissime: Πρὸς τὰς ἐπίστας θῆναι τρεπί-
ζαν μῦς, ἰδὼν, φησὶ, ἢ *Διογένης* ᾠδαίσις τρέφει. id est, Ad mures perrepentes in mensam, En, ait, ὁ *Diogenes* parasitos alis. Quid hoc lepidius sine tot ambagibus?

In LXXII. *Erasmus* ait: Huc veni inspecturus insaniam tuam, qui non contentus regno. In *Græco* scribitur καὶ ἐνοπὸν τὸ σὺς ἀπλησίας, id est, explorator tua cupiditatis, quæ est inexplebilis: hic nescio cur ἀπλησία *Erasmus* verterit insaniam.

In LXXIII. cum dicit *Erasmus*, ἀθλῖος *Græce*, miserum sonat, multisque afflictum laboribus, unde & *Athletis* nomen, decipitur: nam *Athleta* non dicitur ἀθλῖος ἀθλῖς, id est, à misero, sed à verbo ἀθλέω, quod est *luctor*, certo, vel ἀθλῖος ἀθλῖς, id est, à certamine. Est quidem apud *Græcos* verbum ἀθλῖος, id est, infelicem esse, & adversis consistari, sed non *Athletæ* ab hoc dicti sunt, immo è diverso ἀθλῖος, ἀθλῖος τὸ ἀθλῶν, propter labores eorum immanes.

In LXXIV. *Erasmus*: Invitatus, ut ad *Alexandrum*

veniret, recusavit, at *Perdicca* profecto minitanti necem ni veniret. In *Græco*, nulla fit de *Alexandro* mentio, sed tantum de *Perdicca*, Περδικκῶ ἀπλησῶν. Errat turpissime in reddendo *Latine* responso *Perdicca*: ait enim, Nec dubitavi vicissim minitari *Perdicca*, se feliciter videtur, si sine illo viveret: indicans esse infelices, qui cum *Perdicca* viverent: est in *Græco*: Εὐκταὶ ὁ μᾶλλον ἀπειλῶν ἤξω, ὡς εἰ ἢ χωρὶς ἐμοῦ ζῆσαι, δίδαιμόνως ζήσοιτο. Sensus est: Cum mortem minitatus esset *Perdiccas* *Diogeni*, inquit *Diogenes*, Nil magnum: nam & phalangium hoc efficere possit: putabat magis *Perdicca* dignum, si sic minitaretur, Ut libet, ὁ *Diogenes*, vel veneris, vel non veneris ad me, dabo tamen operam ut etiam sine te recte vivam. Tale responsum principe dignum existimat *Diogenes*: nam cum minitantur, & inferunt mortem, hoc habent commune cum vilissimis insectis & animalibus, quæ homines interficiunt. Jam patet, opinor, turpissimus *Erasmii* error.

In LXXV. Alter hic gravis apparet *Erasmii* lapsus: nam sic vertit: Agebat faciles esse deos ad donandam hominibus vitam, ceterum hanc ignorari ab his, qui querunt dulciora, unguenta, aliasque hoc genus delicias. Cum apud *Laertium* scribatur: Ἐβόα ποικίλεις λίγων τὸν ἀνθρώπων βίον ἰσχυρὸν καὶ τὸ θεῶν δεδοδῆκεν, ἀποκεκρυφθῆναι τὸ αὐτῶν ζήτων μελίπηκτον, ἢ μύρα, ἢ ᾠδαίσις. Quorum verborum hic est sensus: Vociferabatur saepe, affirmans facilem ac parabilem admodum deos hominibus dedisse vitam: sed latere eos dum intenti sunt mellis placens, unguentis, & aliis id genus querendis. Vides quantum interfit inter hunc & illum sensum: sed multo magis animadvertes, si leges quæ in sua commentatione super hoc dicto addit *Erasmus*.

In LXXXVIII. delirat *Erasmus*: nam sic vertit: Præteriens prodigi cuiusdam ades inscriptionem habentes, Venales: Facile, inquit, divinabam fore, ut pra immodica crapula domum evomeret. Jam enim domum absumserat, antequam venalem prosciberet. Vomitus igitur erat ille verius, quam vomitio. Haec tenus ille. In *Græco* scribitur: Θεωσάμενος θῆναι ἀσώτῃ οἰκίᾳ, ἐπηρεαζομένον, Περδικκῶν, ἠδὲν, εἶπεν, ὅτι ἔτοιμα παλαιῶσα ἰσχυρὸς ἐξέρχεται τὸ κεκρυμμένον. Sensus est: Conspiciens *Diogenes* in prodigi cuiusdam domo inscriptionem: Venalis: Sciebam, inquit, fore aliquando, ut tantum crapulans, ὁ domus, eras vomituratium herum: quid hoc sensu lepidius? At cuius non offenduntur aures, cum *Erasmus* ait; Virum vomere ades: aptior quippe est jocus, dicere; domum vomere herum.

In xcvi. *Erasmus*: Cuidam per convivium dicenti, *Sinopenes* te exilio damnarunt: At ego, inquit, illos mansionem: significans se, quod solum vertere juberetur, nihilo infeliciorem esse eis, qui in patria manerent, nec exilium æquo animo pati possent: tam enim miserum est, manere coactum, quam exulare coactum. Quis non videt ut miser *Erasmus* in sua commentatione fallitur: nam cum dixit *Diogenes*, ἐγὼ τὸ ἐκείνων τὴν μονὴν, significare voluit, *Sinopenes* habitare ignobilem & asperam regionem, & ideo infeliciores multo esse: se, qui exulabat, profecturum in loca amœna, & urbes præclaras *Græcia*. Hunc sensum sprexit, opinor, *Erasmus*, quod ingeniosus sibi videbatur, cum excogitabat aliquid absurdum. Ideo vero hoc dixi; quia paulo post ait ex *Plutarcho* afferri eum sensum, quem ego exposui, at sibi videbatur *Plutarcho* ingeniosior, neque illius interpretatione erat contentus.

In cx. *Erasmus*: Conspiciens duos centauros pugnares in tabula pessime pictos: Uter, inquit, horum deterior est? notans pictoris imperitiam, quasi dubitaret uter esset deterius pictus. Usus est autem voca ambigua: nam χείρων & pejor dicitur, & in pugna inferior. Hæc ille. *Laertius*: ἰδὼν ποτὲ δύο κενταύρους κάκιστα ἐζωγραφεμένους, ἔφη, Πότερ τῶν χείρων ἐστὶν ἰδ

id est, *confusio aliquando duos centaurorum male pictos, ait: Uter horum est deterius?* In Græco, sicuti patet, non est illa dictio *pugnantes*, quam addidit Erasmus, quia aliter non intelligebat jocum: sed Diogenes re vera alludit ad nomen proprium Chironis centauri: sic ποταμός χειρών, nam poterat accipi dictum ambigue, *uter deterius*, id est, deterius pictus: & sic, *uter est Chiron*. Quid ad hæc o bone Erasme?

In CXLV. Ερωτηθεὶς ποτὲ πόλῳ κερῶ θῆ γαμῶν, ἔφη, τοὺς μὲν νέους μηδέποτε, τοὺς δὲ πρεσβυτέρους μηδέπωποτε. Erasmus vertit: *Interrogatus quando ducenda uxor; juveni, inquit, nondum, seni nunquam*. Sed non recte: nam μηδέποτε & μηδέπωποτε idem significant apud Græcos, id est, *nunquam*: nam sentiebat, neque juveni, neque seni unquam esse ducendam. Habet leporem dictio illa, seni μηδέπωποτε: nam si suspensa voce proferas, consistens aliquantulum in antepenultima syllaba, sic μηδέπω, & statim subiungas ποτὲ, primum videberis velle dicere, seni nondum ducenda, quod est ridiculum, deinde subiungens, veluti ex insperato, ποτὲ, mutatur significatio, neque amplius dicis, *nondum*, sed *nunquam*.

In CXXVII. Erasmus: *Cum videret adolescentem quempiam sese ornantem; Si ad viros, inquit, frustra, si ad feminas injuste: festiviùs apud Græcos propter vocum affinitatem ἀνυχῆς, ἑδίκης, nam frustra se parat mas masculo, inter quos non potest esse conjugium*. Hæc ille: ἀνυχῆν apud Græcos, præterquam quod significat *voti esse impotem*, significat etiam *infelicem esse*: erit igitur lepidior sensus: *Si te ornas masculo, miserrimus es: si mulieri, inique facis*.

In XXIX. Erasmus: *Canis Diogenes est dictus, & hoc vita genus à multis laudabatur, nemo tamen imitabatur, itaque dicebat se canem esse laudantium, sed laudatorum neminem cum laudato cane audere venatum ire*. Sensus dicti optime explicat Erasmus, sed verba pessime, atque ita obscure, ut non intelligantur: faciat periculum per se unusquisque legens; decipitur in una dictione *ἐπαινέμενον*, quam vertit *laudantium*, cum sit passive accipiendum, hoc sensu, *se canem esse unum ex iis qui laudantur*. Decipitur rursus in dictione *ἐπαινόντων*, id est, *laudantium*, quam passive videtur reddidisse *laudatorum*, nisi modo accipias positum tanquam nomen verbale. Verba Græca sunt hæc: Εἰλεγεν αὐτὸν κύναν εἶναι τὸ ἐπαινέμενον, ὡς μὴδὲνὰ τολμᾶν τὸ ἐπαινόντων συνεξίναν θῆναι τῷ θῆρῳ. Sensus est: *Dicebat se canem esse ex laudatissimis unum, sed neminem eorum, qui laudabant se, secum ad venationem velle prodire*. Hoc declarat alibi idem Laertius, cum ait: Ερωτηθεὶς ποταμός εἰν κύνων, ἔφη, Πανῶν, Μελιτῶν, χορδοδεῖς δὲ, Μολοτικὸς, τέτων, & ἐπαινόντες οἱ πολλοὶ & τολμᾶσι Διὸς τὸ πόνον συνεξίναν αὐτοῖς ἐπὶ τῷ θῆρῳ οὕτως οὐδ' ἐμοὶ δύνασθαι συμβεῖναι Διὸς τὸ φέρον τὸ ἀλγυθόνον.

In CXLII. foedissime labitur Erasmus: nam inquit, *Cui-dam approbanti hoc ipsum, obscenū juvenutis orationem defendit dicens, Tunc celerius reddebam lotium, nunc non item. Cynica circumscriptione notavit juvenilem avaritiam, quæ facilius reddit humorem vesicae, cum senibus molesta sit dysuria*. Hæc ille. Tunc opinor tuus ille car-nifex calculus torquibat, o Erasme, cum hæc scripsisti de dysuria Diogenis: o lepidum caput! verba Græca sic sese habent: Πρὸς ἄλλον ἐπὶ δ' αὐτῷ ἀνεδί-κοντα, ἔφη, καὶ γὰρ ἐνέμεν θάττον· ἄλλω γὰρ ὡς. Putavit Erasmus esse ἀπὸ δ' ἐξῆς, id est, *mingere*, sed cur non animadvertit compositionem verbi? an frustra componitur? ἐξῆς significat præter, *mingere*, & secunda uxor navigationis & venæ, idem ἐξῆς est igitur dictio composita ἀπὸ δ' ἐξῆς, id est, *secundo uxor venæ*, & μέγ, id est, *juvenis*: νεωρὴν igitur ap-positissime se dixit in juventute Diogenes: id est, se usum esse tum secundo juvenutis afflatu in vivendo. Transverſi enim aguntur homines in vitia tum à nimia felicitate, tum à juventute, quæ perturbationum est plena. Sensus igitur erit lepidissimus: Ego

tunc ob juvenutis secundum afflatum celerius navi-gabam, sed nunc non: deferbuerant enim cupiditates, à quibus antea impellebatur huc & illuc. Quo igitur spectat illa dysuria Erasmi?

In CXLV. Anaximenes Rhetor obeso erat corpore: hunc adiens Diogenes, ita locutus est: *Impartire nobis tenuibus venirem: nam & ipse levaberis onere, & nobis commodabitur*. In Græco est scriptum, ἡμῖν πλοχόν, id est, *nobis mendicis: tenuibus* vertit Erasmus, melius est ut dicas, *mendicis*: nam si mendici magno essent ventre, non cogerentur toties esurire, semel expleti.

In CLII. Erasmus: *Adolescenti formoso ad convivium eunti, Deterior, inquit, redibis. Reversus à convivio ad-olescens, cum Diogeni dixisset, Ivi nos rediis deterior: inquit, χειρὼν μενοῦν, id est, deterior igitur: indicans fieri non posse, quin adolescens è luxurioso temulento-que convivio redeas deterior*. Sequitur separatim

In CLIII. Diogenes ab Eurytio petiit quiddam ma-gni. Ideo duo hæc simul posui, ut duos perspicias, & eos quidem foedissimos, Erasmi errores. In Græco sic scribitur: Εὐρυτίῳ μετὰ τὴν ἀπὸ τοῦ εὐρυτίου εἰς συμ-πόσιον, ἔφη, Χείρων ἐπανηξίς· & ὁ ἐπανηξίς, ὃ τῇ ἐξῆς εἰπόντος· καὶ ἐπὶ τὴν, ὃ Χείρων ἐπὶ ἐγνοήθη, ἔφη, Χείρων μὲν εἰ, Εὐρυτίῳ δέ. Decipitur Erasmus in iis dictionibus *χείρων μενοῦν*: sic enim legit perverse admodum: nam animadvertite, quæso, ut bis repeti-to eo fermone, *Deterior quidem igitur, friget dictum, & jocus*. Decipitur quoque, quod male distin-guit dictiones Εὐρυτίῳ δέ à prioribus, cum sint con-nectendæ. Erit igitur sensus: *Formoso adolescenti eunti ad convivium, inquit; Deterior redibis: illi vero reverso, ac dicenti rursus postero die, o Diogenes, rediis à convivio, nec tamen χειρὼν, id est, deterior factus sum; respondit, Χείρων μὲν εἰ, Εὐρυτίῳ δέ*. In quibus dictionibus inest jocus ab ambiguo; nam Chiron & Eurytion nomina sunt centaurorum, ad quæ lusit Diogenes, ludens pariter ad significatum: nam *χείρων*, cum comparativum est, *deterior* significat, *διουτίῳ*, quæ si *διὸς* latius. Innuere volebat Diogenes latius illum expandisse animum ad voluptates recipiendas. Vel si libet sic interpretari; obscenitatem significavit. Quis jam non perspicit pulcherrimum fuisse Dioge-nis jocum? Verum, quid non foedas tuo contactu, o Erasme nequissime.

In CLIII. Jam consequitur dictum, quod non recte diffinierat à priore Erasmus: sic autem exorditur in Græco: Ἡτὶ τὸ δύσκολον, in quo video Erasmus ver-tisse, *Ute suspenderes*: cum in Græco legatur, ἀπαλ-λάξασθαι· nisi forte habebat scriptum in suo ἀπάγχα-σαι· si legis ἀπαλάξασθαι, mollior est sensus: tibi suavissem, ut hinc discederes procul à nobis, cum improbus sis.

In CLIV. Erasmus: *Inviserat Lacedæmonem: inde Athenas revertentem percunctabatur, ut sit, quo iret, & unde veniret; A viris, inquit, ad feminas*. Sic Erasmus vertit, & addit: *Notans Atheniensium de-litiis effeminatos mores*. Cum Lacedæmonis dure in-stimacrentur. Græce sic legitur: Πρὸς τὸ πρὸς μένον ποῖ καὶ πόθεν, ἐν τῇς Ἀνδραντίδος, ἔφη, εἰς τὴν γυναικωνί-τιν. Ἀνδραντίς à Græcis dicitur locus, ubi soli ver-santur viri, γυναικωνίς, ubi solæ mulieres. Ait igitur se redire Lacedæmonē, tanquam ex loco ubi ver-santur soli viri, & ii quidem fortes, redire, inquam, Athenas, tanquam in locum, ubi solæ mulieres in-habiterent, sic notans molliem Atheniensium, & laudans robur ac disciplinam optimam Lacedæmoni-um.

In CLXXVII. Erasmus: *Si philosophum, inquit, si-mulo, hoc ipsum est philosophari*. In Græco est: εἰ δὲ προσποιῶμαι σοφίαν, τοῦτο ἐστὶ φιλοσοφῆν, id est, *si so-pientiam simulo, hoc ipsum est philosophari*.

In CCH. Erasmus: *Quid esset in vita optimum, in-terrogatus ait, Libertas. At vere liber non est, qui ser-vit vitiis: nec liber esse potest, qui multis eget: plu-rimis autem eget avatus, ambitiosus, ac desitit deo*.

dius. Inanis, ô Erasme, in istis tuis commentatiunculis. Græce scribitur *παρρησία*, id est, libertas in loquendo: hanc dicebat optimam Diogenes. *παρρησία* est libere loqui; sed hoc non fit nisi à liberis hominibus in liberis civitatibus: ii igitur, qui hac potiuntur *παρρησία*, vere beati sunt.

In ccv. Erasmus: Cum in foro in conspectu omnium fuisset operatus, Utinam, inquit, liceat quoque sic perfricito ventre à fame esse quietum: sentiens agitatione corporis

A acui stomachi orexin, à qua necessitate cupiebat esse liber: isidem studiosi graviter ferunt à litteris natura necessitatibus avocari. Jam vero hac commentatione nihil indoctius, aut magis præter rem excogitari potest. In Græco est *χειρουργία*, verbum obscœnum, id est, manibus tractare virilia, usque ad seminis effusionem, quo facto, inquit, utinam & sic per ventris attritionem fames pelli posset, sicuti coeundi libido. Desine delirare, miser Erasme.

F I N I S.

PHILOPSEUDES,
SIVE PRO
DESIDERIO ERASMO
ROTTERODAMO V. C.

CONTRA DIALOGUM FAMOSUM ANONYMI CUJUSDAM,

DECLAMATIO,
JOANNE HEROLD ACROPOLITA
AUCTORE:

*In Gymnasio BASILIENSI Procerum jussu, & assensu publice recitata:
In qua omnem Vitam DES. ERASMI ROTTERODAMI, ut nusquam
antea unquam à quoquam, absolutissime descriptam, ac tantum non
delineatam invenies.*

SENATUI URBIS
ET ARCHIGYMNASII

IN INCLYTA CIVITATE RAURACORUM BASILEA
UTRIQUE AMPLISSIMO:

TUM ETIAM RUDOLPHO FREY, FRIDOLINO REYFF, HENRICO RY-
HENERO TR. VV.
AC BONIFACIO AMORBACHIO, JURISCONSULTO, ET PROFESSORI
ACADEMIAE,
PATRIBUS, PATRONIS, ET COMPATRIBUS VENERANDISSIMIS,

JOANNES HEROLD ACROPOLITA
BENEAGERE.



QVAM administrationem, P. C. vel Plato, vel magnus ille Stagiritēs, à Magistratu optimo, in felicissima aliqua Republica exigent, aut observatam averent, eandem vobis rebus omnibus antiquiorem esse, quod nesciam, tantum abest, ut etiam remotissimas Urbeis, cum rebus publicis consultum esse cupiant, vos, vos, inquam, Arbitros atque Pacificatores accersire videamus. Ne interim dicam, quod quasi fato aliquo, diviniore ingenia quæque, inclytæ hujus Urbis felicitatem, semper præsentia ipsorum illustrare cogantur. Quam igitur pro DES. ERASMO ROTTERODAMO V. C. conscripsimus Defensionem, cui dedicarem, nemo visus est dignior, quam cum vestra Amplitudine, illi vv. cc. quorum sinceritati à vobis, ipsis Archigymnasii concessa sunt gubernacula. Nec si quis penitus aut dedicandi, aut conscribendi causas rimari velit, harum ullam minus idoneam fane censuerit. Ut enim s. c. vestro nuper in ERASMVVM nostrum, imo vestrum, ficto nomine divulgatæ furia, summa omnium vestræ indignatione damnatæ sunt; sic Scito Academia, hanc Defensionem pu-

publice recitavimus. Præterea, qui ignoret, non puto esse hominem, Rempublicam bene institutam ac liberam, ab omni ævo, humano corpori nobilissimo assimilata: in quo quantum membrum unumquodque pro altero sit sollicitum, quivis, modo amens non sit, haud sentire non potest. Hinc leges bonæ, bonorum Civium saluti tantum invigilant, ut non solum vivos honestatibus decorarint; sed mortuis, ne qua fieret injuria, religiosissime sanxerunt adeo, ut etiam harum constitutionum imminutio, sæpius Tyrannorum expulsionem, regnorum everfione, fortitudine bonorum acerbè vindicata sit. Ut autem nemo negat, ob *Platonis & Aristotelis* præstantiam, *Græcorum*, ac maxime *Atheniensium* dignitatem *Romanis* olim, ac Barbaris omnibus magis venerandam existisse; sic majestatem *Germaniæ*, & inclytæ hujus Urbis, DES. ERASMI ROTERODAMI, ac *Simonis Grynei* memoria, toto orbe mirum in modum clarere, manifestum est. Majestatem autem, violentis injuriis appeti, id ipsum est, quod impunitatem apud *Ciceronem* mereri non videtur: & *Lege Julia*, sacrilegio proximum habetur, ac vel Mulieris indicium admittit. Ingratus igitur sim Patriæ, Reipublicæ huic foelicissimæ inutilis sim, oportet, si quid adversus gentem *Germanam*, contra Rempublicam hanc, dolo malo conscriptum aut editum mihi videatur, obticuerō. Apud *Germanos* ergo vos, qui inter præstantiores ob ab omni ævo retentam LIBERTATEM, numerari potestis, P. C. quæ in *Germaniam* falso effutiuntur conqueri: apud vos Civem optimum, quem etiam post mortem pessimus laceffit, jure me defendere posse, non solum non dubito; sed plane persuasissimum mihi est, in hac causa vel minimum vos celasse, piaculum fuisse. Jam cum Gymnasia undique florentissima clarioribus in Civitatibus constituta videantur, ut Urbibus non desint, qui, cum nobiliora, ut sit, invidiæ ictibus peti videant, qua prudentia hi ictus declinandi, alios instruere, vel proprio ingenii acumine in auctores sceleris eos retorquere possint; aut dedicandi munus me egregie observasse, aut secus quam res postulat; me non fecisse, facile apparebit. Siquidem morum probitatem, docendi peritiam, facundiam dicendi, subtilitatem interpretandi, ac copiam differendi: quæ omnia *Valentinianus A.* admodum probat, honoribus jubet persequi, dignitatibus decorari, in DES. ERASMO, judicio Professorum in hac inclyta Urbe docentium, olim approbata fuisse constat: nec qui improbet hodie in dignissimo hoc Archigymnasio, existere credo: nimirum quum videam, doctissimos quosque calamum jamdudum strinxisse, ac modo calumniator ingenue sese prodatur, digladiationem ardentissimo avere animo. Quos autem TR. VV. huic Academiæ præfatis sanctissimis prætulisse? quorum candori, ac erga bonas litteras sinceritati Musas ipsas devotas esse, si quid sanctum est, jurare possum: ne dicam, quam ex officio, quantis debitis, omnium studiorum meorum rationem ipsis offerendam, obligatus sim: ut non injuria motum ipsorum mansuetudinis in me concitarem, si quid, quod litteris consequi potuissem, ipsorum arbitratui subducerem. Probe equidem noscunt permulti, licet mira clementia, optima fide, maxima integritate, laudatissima quoque diligentia, Egentium procuraciones, Viduarum ac Pupillorum causæ, Conjugatorum dissidia, Senatus ac Reipublicæ consilia ab illis administrentur, tutentur, examinentur, ac provehantur: tamen hæc omnia (quanquam virtutes sint in vv. cc. clarissimæ) propter celeberrimam ipsorum erga studia ac studiosos liberalitatem, obscura esse. Cur autem quod verissimum est, ingenue non fateor? Scio satis hanc Defensionem ipsam, si Reipublicæ negotiis non impediretur, Vir integerrimus, *Henricus Ryhener*, animo libentissimo atque exultanti arripuisset; & o Dii immortales! quæ tonitrua, quam mendaciorum suorum securim *Philopseudes*, quem *Periclem* delicatus iste *Demosthenes* audiret, & quo rapior? ferme hanc voluptatem, Viris bonis Reipublicæ neglectu redimendam esse dixeram. Nec quenquam insuper, quod huic nostræ Defensionem, *Amorbachii* nomen venerandum præfigo, qui improbet (modo sciat hunc *Erasmicarum* virtutum avidissimum, fortunulæ quoque gratissimum Hæredem) existere puto. At quo verborum lenocinio, tuæ prudentiæ, *Amorbachi* sanctissime, tibi meam probabo audaciam? accingar jam, necesse est, ut dum tuas me tibi furripuisse partes, pium factum probare paro, omnibus coram te, nostri conaminis rationem reddere possim. Tuto autem, me *Hercle*, vix dici potest, quantum jam laboriosissimis vigiliis, quibus consultando, bonorum omnium dolore, corpusculum hoc emaceras, gratuler. Etenim (aut fallor ipse) nisi in restituendis Legibus, restaurando Jure, tam occupatum te natura tua, ferme Principum Sanctionibus nimium dedita, detineret: jamdudum aut arrogantiam accusares, aut meam, ut es modestissimus, requisisses modestiam: sed mihi etiam nunc, o *Amorbachi*, alienum nil sumsi, nec arrogavi. Licet ergo tua interfit, Testatoris existimationem purgare, prudentiæ tamen tuæ silentium, Anonymo isti *Philopseude* tanto majorem incutere debet horrorem, quanto graviores inesse indignationem tui similibus Viris, si ad ulciscendum incitentur sæpius, compertum est. Nec doctis me ipsum immoderate prætulisse hoc nisu, credas: scis enim quam molestissime eruditores respondere soleant his, quos facillime se devincere posse sciunt. Vobis autem, P. C. ut nec insolentia, neque confidentia ulla me hæc scripsisse persuadeam, primum est, quo me excusare possim, gratitudo, ac erga Rempublicam hanc in hac alma Academia, & Procerum, & Tribulorum omnium, amor atque observantia. Scio gratissimum vobis esse, habere vos in inclyta hac Civitate, Viros tot, ac bene doctos, qui gratias bonis Viris referre, & bene mereri de bonis, deque Republica tota velint. Hoc autem vos latere nolo, pro DES. ERASMO ROTERODAMO Benefactore, litterarum bonarum Parente, ne dicam patriæ Parente, omnium in-

genia vigilare, pro maiestate hujus Urbis omnes, quæcunque tempora inferant, ad suffe-
renda paratos esse: quod quidem me ipsum, quum omnium pene ingenio sim inferior, ac
à minore, majoris conjectura comprehendere soleat, ceu *περὶ τοῦ πρώτου* primo hoc nostro partu vo-
bis satis ostendisse, (absit verbo invidia) jactare audeo. Possunt etiam TR. VV. isti CC. Stu-
dioforum omnium, quorum cura ipsis delegata est, diligentiam perspicere; cum me, et
Strategematum Chiliadibus multum occupatum, obrutumque rei familiaris tenuitate, tot
horas suffurasse videant, quibus vano huic homini responderem: possunt, inquam, perspi-
cere, quam indefessos Patronos se aliquando præstabunt ii, quorum ingenia, sumtu libera-
li, aut benignitate Senatus, aut beneficio ERASMI sustentantur. At inquiet aliquis, hæc
omnia candidis ac piis Viris citius persuadebis, quibus simplex illa veritatis oratio pla-
cet, quorum proprium est; bona optime interpretari: calumniæ autem ac invidiæ argu-
mentis, quid oppones? Quid si tecum hoc modo agitur? mortuos jugulas, nullius ordi-
nis, privatæ conditionis es, *Valentiniani*, ac *Valentis* A. A. Edicto jam ob libellum famosum
manifestatum, delicti ad poenas vocaris: & quod omnium maximum, confidentia magis,
quam ingenio vales. Quæ omnia cum nihil, vel parum curem, quod me (cum alias sic
molestissimum) jam juvat, est, ut his temporibus audaciæ plus defertur, quam sapientiæ;
cum & indocti, & docti passim scribunt, ineptias sane meas Viri legant docti; in ineptissi-
mum effusas malo, quam ut disertissimis Voluminibus Vir aliquis bonus conscindi à me vi-
deatur: quanquam nec qui sit iste *Philaethes*, qui mendaciis suis *Philopseude* nostro no-
men dedit, admodum obscurum est, quod quis me tam ferociter larvas ferire dicat. Nec
puto, si ERASMVS noster, Reus (ut est omnium innocentissimus) haberetur, aut defensore
indigeret, Oratorem bonum, ac causarum peritum rejiciendum, aut dignitatem personæ
solummodo eligendam esse: cum etiam *M. Tullius* V. C. Pater patriæ, *Romane* Reipublicæ
columen, vero suo testimonio rejectus sit. Aut defendendus igitur, aut non defendendus
videatur aliquibus ERASMVS: vel quod debui, me præstitisse; vel pro posse meo, virium
mearum experientiam fecisse, etiam nolentibus confitendum est: ac tantum abest, ut legem
ullam me violasse arbitrer, quod etiam certissimus sim, jure me etiam contra anonymum
libellum egisse, & hac Defensione, Patrum, & Principum favorem demeruisse: siquidem
jamdudum famosus iste Dialogus summo bonorum dolore sparsus est. Utcunque autem,
confidentia notam, Veritate stipatus malo incurrere, quam eruditionis titulum mendaciis
mercari. Et quid plura? scripsi *Juvenis*, *Germaniæ*, hujus inclytæ Urbis, doctissimi Viri
vituperatione incitatus, si quid peccavi, id pietate, quam patriæ; observantia, quam Rei-
publicæ huic; gratitudine, quam bonis me debere persuasum habeo, peccatum est. Edi-
tionem autem debent omnes ERASMI nominis studiosi, Viris innocentissimis, *Roberto Wm-*
ter, & *Hieronymo Guntio*: qui si quid nobis exaratur, omni cura, nulla sumus parcimonia,
nostra excudere cupiunt non segniter: ut etiam valde alacriter, nobis ferme renitentibus at-
que insciis, has nostras primitias evulgarunt: quod quidem foelix ac faustum sit, & Rei-
publicæ huic, & nostris studiis, precor: quantum enim pro ERASMO, tantum pro vestra
Maiestate tuenda P. C. me sollicitum hic fuisse *Christus Jesus* ipse novit, qui vos una cum
dignissimæ vestræ Reipublicæ incrementis, atque VV. CC. his, in dies sospitet, ac faustitet.
Ex *Rauracorum Basilea* inclyta 5. Augusti, Anno à nato *Christo* 1541.

JOANNES PEDIONEJUS,
AD JOANNEM HEROLD.

MACTE animi, jamjam partes spectemus utrasque,
Præcipui fueris nominis ansa tui.

HIERONYMI GUNTII,
In Anonymum Philopseudem, Subitaneum.

TAM bene quæ Juvenem, dubitas, firmaverit ansa:
Frangeret ut rictus colla, Molosse, tui?
Ab miser, ab doleas, Juveni decus esse paratum
Dedecore ex tristi, o flagitiose, tuo.
Dedecus immensum fuerat, te fallere tuto,
Totque pios homines posse latere diu.
Haud erit ignotus, toto notissimus orbe
Flagitiis, Manes qui negat esse sacros.
Virtutes, Musa, Charites, vel Iudice Christo,
Accusant omnes ora scelestæ viri.
Quem tibi propinq jam, Adolescens optime, nomen,
Cui Templum dedisti hoc Rheticum, idemque Solum.
Instrue mox Numeros, hunc confice, confice Iambis,
Tamque citis citius nulla phaselus eat.
At quæquidam potis es præstare id qualibet hora,
Cum tamen Heroldis cum gravitate veni.

JOANNES PEDIONEJUS RHAETUS,
Adolescens, ad Lectorem.

QUEM Latii, quem Germani, Gallicque superbi,
Et coluere simul magno cum Cæsare Reges,
Qua septingemini videas rapida æquora Nili,
Ad Gades usque: auricomos qua sustulit ortus
Tithoni Conjunctæ, ille ille probatus Erasmus,
Cui manet æternum per singula tempora paritum
Nomen honore, ingenio, & viritate probatum,
Unius insani temeraria lingua Molossi
Conspurare suis voluit latratibus: atque
Sollicitare decus, nunquam & perennitatem, Famae,
B Manibus ast semper sacris Monumenta futura:
Nec quicquam licet hoc voluit, dentes tamen acris
Heroldo libuit confringere, & atra furentis
Ora canis: cui Mercurio, dextraque Minerva
Manat ab irriguo mellita oratio fonte.

Ejusdem, in Anonymum quendam Philopseudem,
EPIGRAMMA.

TU quisquis magni nomen contempsit Erasmi,
Pierides auden tanto tu crimine Musas
Afficere? o scelerate, tuum mox pone venenum,
Nec

*Nec conare malis Divos incesse dictis:
 Impie, qua tellus? qui te genuere Parentes?
 Es certe diris apris, & savior urbis,
 Convitiis tantum qui audes Heroa nefandis
 Commaculare tuus: quo gaudent Vindice Musa,
 Quoque suas Helicon repetit Duce suavior undas,
 Jamque bibit doctos iterum Germania fonteis.
 Eloquio nunc Roma tuo, Mavortia tellus
 Teutonius, & prisca insignis virtute renidens
 Conspicitur: suavis Grajorum hac possidet artes,
 Auxiliis, ô Erasme, tuis, & sacra recepit
 Theologia suum decus, atque Hieronymus ipse, &
 Cætera Divina numerosa Volumina Legis.
 At te qui cæcus circumdedit horror inique?
 Quæve trancem Nemesis, tantamve immisit Erinny
 In caput hanc rabiem, sale, utroque & lumine cassum:
 Ut tanti officii, tantorum ingrate laborum,
 Crudeli laceres, & Erasmus crimine fœdes,
 Num, inquam, Heroem virtutis, & artis Erasmus.
 An poterat tales ullus sperasse dolores?*

*A Define plura tamen, scelerate, hoc velle mereri
 Tam male, qui nullo mernis vel crimine inuri:
 Sed clarum ingenio mernis qui nomen, & ingens
 Virtutis pretium, æternumque laboris honorem.
 Respice, qua maneat te digna hic pramia, culpis
 Ulciscenda tuis: pœnas Germania tanti
 Convitiis statuet, tanto quoque crimine dignas.
 Hunc propria virtute licet superare malignam
 Novimus invidiam, livoris virus & atrum:
 Te tamen ex illis merito damnabimus ansis,
 Ingratumque caput laqueis aptabimus, iram &
 Usque Lycambeis animos pascemus jambis.
 Et mihi si qua foret lassis succurrere Musis
 B Copia, seu cupidos explerent Carmina sensus:
 Te (ni concipias mentem, agnoscasque furorem)
 Perpetuum statuo ultrici te Carminis usu:
 Atque infame tuum, quod tu non prodere nomen
 Ipse audes, macula, te digno & nomine inuram:
 Hic tibi Laocoon, caveas ni, sum ipse futurus.
 Candide, & ex animo.*

PHILOPSEUDES,

S I V E

CONTRA DIALOGUM FAMOSUM, IN DES. ERASMI
 ROTERODAMI V. C. FUNUS EDITUM,

JOANNIS HEROLD
 DECLAMATIO APOLOGETICA.



AGNOSCO jamjam, Viri clarissimi, Patres semper colendi, Commilitonesque optimi, animis vestris divinitus inclusa, ac sagacissima prælagia: frequentia enim vestrum, confessusque tantus, desideria, omniumque vestrum admirationem, satis superque demonstrat. Admirari equidem vos video omnes, quod quum adhuc pene infans ætate, ingenio infantissimus, auctoritate nec minimo sim comparandus, pulpitem adscenderim; præsertim in ea causa dicturus, in qua etiam summi Oratoris facundia, tam occupata, quam necessaria esset. Quantum enimvero sit, verba facere, de innocente, honestissimæ ac laudatissimæ vitæ peractæ homine, invidia malorum, etiam post splendidissimam vitæque æqualem mortem laceffito, nec vos præterit: qui cum olim de DES. ERASMO ROTERODAMO me declamaturum, divinatione quadam instincti, & præsentientes, oribus inhiantibus accurristis: nec id clam me est, quem fastus atque arrogantia infamiam devitare vix posse, pertimeo. Quid ergo? tanto ne magis temerarius ego, quam omnes? Minime. Imo nec laudis tanta me tenet cupiditas, nulla me gloriæ tanta instigat ambitio, quin cæteris in hoc officio non libentissimo animo, aliquid difficilius cederem. Impulit autem, ut præter cæteras causam hanc nunquam plene laudati Viri arriperem, quod tanquam olitor inter summos Viros nonnulla opportuna proferre, sed multo liberius loqui potero. Nam si quid temere mihi exciderit, qui alias nunquam in hoc exercitio periculum fecerim, me excusare: si quid liberius evolaverit, juventuti, & ardori ei adscribi poterit. Deinde Majorum, ac hujus florantissimæ Academiæ Procerum vel occupatio, vel prudentia etiam vellicavit: injuria enim temporum undique defatigati, nec tuto audent, nec sine maximo negotiorum suorum dispendio possunt causam hanc suscipere; & si possunt, attamen λογισμός

Dhos, qui alienis gestiunt innotescere scriptis, immortalitati tradere nolunt. Accedunt aliæ quoque & causæ permultæ, auctoritas inprimis Procerum, scilicet Rectoris, Triumphatorum, atque reliquorum & facultatum & artium Professorum hujus celeberrimi Gymnasii: quorum tanquam Præceptorum reverendissimorum permisso & venia in arenam hanc descendimus. Occurrit gravitas sanctissimi atque jurisconsultissimi Viri, Domini Bonifacii Amorbachii Hæredis; innocentia præterea dexterrimi Viri, Hieronymi Frobenii; industria accuratissimi hominis, Nicolai Episcopi, Vindicum supremæ voluntatis ERASMI nostri: contendunt à me hoc, virtutum & scientiæ titulis decorati, Viri candidissimi, Wolfgangus Wissenburgius, sacrarum Litterarum Doctor, & Professor; hujus inclytæ Civitatis Archigrammateus, Henricus Ryhener, cujus beneficiis ita me obstrictum fateor, ut neminem unquam de me tam bene meritum affirmare ausim. Amicitia vero, dignitas, ac benevolentia aliorum, & non vulgarium Virorum, quamplurimum hic possint, ne diutius vos remorer, quanquam ægre, nihilominus præteribo. Et quid studiosam illam cohortem reliquam? quid, inquam, Tyrones, Veteranos, ac in litteraria palæstra hac meos Commilitones studiosissimos vel desiderare, vel expectare, vel optare ardentius suspicemini, ô candidissimi, quam hanc ipsam Defensionem? Nec deest hic, ut ingenue fatear, privata aliqua benevolentia, privata gratitudo, quam aut adspernari, aut negligere summæ esset demeritiæ.

FHis causis aliisque præteritis, non ingenio, sed quod minimo periculo dicere possim, fretus, solum ut ERASMI tam inique læsa fama, omnino deserta non jaceret, vel appareret, saltem me, veluti Patronum, hic exhibui. Opiner autem, ô candidissimi, quosdam è nasutioribus causam quærere, quæ alios, & omnium ore celebratissimos Viros ab hac Defensione vel deterreat, vel impediatur? Mirum me

Tom. VIII. Pp 2 Her-

Hercle non est, etiam si vel thynni more hic inspicunt. Nam non temere *Erasmomastix* ille, qui hanc causam conflagit, nec nomen suum, nec patriæ appellationem protulit. Quis ergo prudentiorum, jugulare mortuos, non ridiculosissimum? quis omnium suffragio damnatum libellum? quis paginam mendaciis suffarcatam sapiens vel tantillum curaret, aut impugnandam operæ pretium æstimaret? Nulla doctis major, quam temporis parcimonia, bonas horas male natis libellis minime impendunt: unde, nisi admoneantur, sapius etiam attracti, iustas notas haud sentiunt. Proferam igitur hujus causæ Furias ego, res quoque nobis jam erit cum ostentatore quodam vanissimo, qui suppurati animi pestem levissimis atrocissimisque dictis evomit. *Philalethes* seipsum vocat, ex *Utopia* Civem, funus ERASMI ROTERODAMI Dialogo lepidissimo celebrare se proficitur: in quo nec famæ Viri, nec aliorum doctissimorum Virorum nomini, nec ipsi *Germania* parcat. Ac videte, quæso, *Fortunato Martinengo* (quoniam alias non novi) gentilitio autem cognomine Juveni satis claro ac nobili, quem etiam semper honoris causa nomino, quam vane imposuit? Tutelam illius hominis, tanquam *Ajaxis* clypeum, famosis suis Tragædiis (sic enim Dialogum hunc appellare libet) præterdendens; ut quoniam alienam famam tam sinceram ac præclaram nullo jure, impudentia vero maxima arrodit; quoniamque auctoritatem ERASMI ementitis suis nugis, vanisque somniis officere ac obstare videt, ex hujus splendore ac potentia confidentiam suscipere, metumque deponere possit. Nam si non aliqua vi, si non quadam tyrannide deprimantur liberorum ingenia, immortale illud nomen conculcare tuto se desperat: & nisi suppressis linguis liberis, quod per mendacium auspiciatus est, per temeritatem nunquam perficere se posse confidit. Hæc est illa *Gorgonea* pestis, hic scrupulus ille, quibus noctu dieque intimis in præcordiis maleficus arroditur; postulat, cupit, desiderat, ut sint qui se adjutores, qui Patronos suæ dementiæ se profiteantur. Hanc etsi statim iniquam postulationem esse devicero, ego tamen breviorum multo, & ut omnibus persuaderi facillimum est, longe æquiorum petitionem adferam. Unum rogo, ut *Philopseudes*, dicerem *Philalethes* (semper hic erro, imo non erro: *Philalethes* enim, si *Latantio* credimus, præfert vera falsis) attenuatione ingenii nostri, ostentationeque sua immoderata, cui mendacia auctoramentum deferunt, contentus sit. Peto à vobis autem, ut periculum, quod litterarum studiosis omnibus, imo litteris ipsis intenditur, perpendatis, vestram ipsam vigilantiam, infamia oscitantia ne denigretis. Si vero aut causa ullius criminis, si sinistra (ut cum *Cicerone* loquar) suspicio facti ullius, si nævus, si macula, contagio, vel minima particula vitæ non laudabilis, vobis appareat, quæ in deferendo nunquam plene laudari nomine, *Εξουνομάσια* illum vel allicere, vel provocare potuerit: si præter ostentationem in adversario, præter invidiam, aliud quicquam inveneritis, non recuso, quin calumniæ, & fama, & Libri, & Manes ERASMI prostant. Sin autem aliud hic nihil agitur, nisi ut aliorum infamatione, gloria quærat iis, quibus nunquam non alios excellere videri, optatissimum est: si solum omnes nervi intenduntur, ut ad infamem illam in litteratura reprehensionem, etiam damnatio & naturæ, & habitus, & status ERASMI tanquam adminiculum accedat; nonne cum hæc sunt indignissima, & hoc illaudatissimum est, præclarissimos vos, & alios Viros, idoneos haberi, quorum favore optimi lacerentur? & de vobis, qui S. C. hujus inclytæ Civitatis, ad litteras promovendas bonas, florentissimæ huic Academiæ præfecti estis, propter sanctitatem & integritatem, etiam ignotissimos homines hæc præsu-

A mere audere; quos maxime vindices & ultores metuere deberent, Amanuenses, & quasi emendatores nugarum, ac calumniarum ipsorum habituros? Quid quod etiam *Germaniam* ipsam, quæ cum *Gallia* pro Alumno suo digladiatur, quid autem *Germaniam*? imo hanc inclytam Civitatem, ingratitude tacite insimulare non abhorruit? alibi nullo in loco, nullo in angulo, famosum, mendaciisque suppuratum libellum, nisi in *Germania*, hic *Basilea*, deceptis Typographis, qui propter instantes nundinas, pensu ipsorum, noctu dieque pressi, nihilominus in optimi Viri memoriam hunc laborem (quem in maximum ERASMI honorem redundaturum, à per-

B verso isto homine persuasi erant) grato susceperunt animo, vestro in conspectu, prope Mausoleum ERASMI typis excudi voluit? Taceo sinistrum illud iudicium, quod gravissimos Viros, studiosissimos Juvenes, qui impendiis, qui liberalitate, qui pietate & voluntate ultima ERASMI nostri aluntur, ac sustentantur, contemnit. Prætereo tam frivolum æstimationem, quam ostendit de tota Republica litteraria: quæ tamen adminiculo hujus Viri se erectam, locupletatam, & mirum in modum crevisse, libentissime fatetur, ut apertissimum est.

Intelligo, o candidissimi, neque me unquam conqueri, vociferari, vel satis dicere posse, in re tam atroci: desit ingenium, deest ætas. Et quid impedimenti temporis injuria mihi obiciat, vix ipse satis noscere queo, agnosco tamen non minimum: deseruit enim ardor ille studii apud plerumque; litteræ ut olim bonæ erant, ita nunc in pretio sunt calumniæ. Quod autem maximum est, obstat conatus insuetus, innata mea verecundia, vestrum omnium auctoritas, ac *Philopseudes* celata notitia. Fateor viribus meis majorem mihi ipsi imposuisse molem, nec me vulgariter periclitari, ac ferme oppressum iri onere: quod quidem levius mihi videtur, quam impositum vel pusillanimitate, vel ingratitude abjicere. Freto enim mihi communis studii majestate, aut ex parte onus alleviabitur; aut vel jam oppressum me, erigi quam facillime spero: desertus autem, animo non deficiam; ut potero vero, perferam. Te igitur *Grynæ*, Rector venerande in primis, vos deinde, quibus gubernacula, vel docendi munia S. C. hujus inclytæ Urbis, in hac florentissima Academia delata sunt, adhortor, ut quales vos in promotione etiam minimorum, qui studiis adspirant, præbere soliti estis; tales ERASMO vestro, & mihi jam vos impartiamini: reliquos autem, aut gradu, aut dignitate præstantiores oratos volo, & magnopere quæso, æquanimiter patientiaque vestra, attente bonaque cum venia ad extremum usque perorantem me audiat. Videtis enim studioforum omnium in me fixos vultus; videtis omnium expectationem; intelligitis cupiditatem, qua ultionem enixe flagitant. Sperant omnes hac nostra Defensione, doctissimorum Virorum ingenia excitatum iri, ut calumniæ propellantur, injuriæ prohibeantur. Quod quidem ante omnia vestram doctrinam postulat, qui vivo vestro ERASMO Amici, familiares, & charissimi fuistis, qui Vindices voluntatis suæ ultimæ existitis; qui ipsius impensis, modestia ac amabilitate vestra, clarissima ingenia alitis. Credite enim, nisi hic qui vester sit animus, quæ gratitudo, quæ severitas apparuerit, eo prurumpet hominum audacia, temeritas, & impudentia; ut non modo, quemadmodum nunc sit, suppresso nomine, Libelli famosi in ERASMUM scribantur, verum etiam erecta & famosissima illa memoria infringetur; & ut jam fingunt esse lacerata membra, olim ossa dispergentur. Etenim hic aliud nihil agitur, quam ut mens vestra exploretur, nasusne vobis sit, aut perfricta frons intelligi possit. Incessit calumniis ERASMUS ab homine, ut appareret, phrenesi læso, à mentis impote, à rationis ex-

per-

Perte; memoria ita destituta, ut nec nominis sui proprii, nec appellationis suae patriae, quam mentis compotem oblivioni tradere, turpissimum atque inauditum est, sibi conscius sit. Infamatur ab iis, qui miserum hominem elleboro permulto, sed non *Adriaco* purgatum, haud rationi, non memoriae, sed maledicentiae restituerunt. Unde adhuc *Gracianus*, *Philalethes* se fingendo, sed male: ab omni equidem vero tam procul abest, quam propinquus mendacio ille *Cacodæmon* ἢ διαβολῆς, mendaciorum parens existit. Lacescit ab iis, quorum aut invidia, aut dementia, convitiis in optimum Virum egerendis non contenta, nisi & Amicos συναποθη-
ονεύει: doctissimi hominis, Viros doctos contemnant, perstringant, & derideant. Descripsit *Morus* ille, Vir immortalitate maxime dignus, illa *Platonis* multo feliciorem Rempubliam, & o Dii immortales, qualem *Utopiam*? profecto detractatoribus nunquam habitabilem, imo ostentatoribus interdictam: in quam si *Philopseudes* hic non velitur, me *Heracle* haud bene scio, cujus regionis Civem se fingat: constat enim alphabetario, Οὐτοπίας nullibi existentem regionem vocari. Age, quis jam Οὐτοπίας unquam adiit? οὐδὲν: quis Οὐτοπίας inhabitat? οὐδὲν: quis, quid nostro in orbe geratur in Οὐτοπίας perfert? οὐδὲν. Quis ergo ignotum, nullibi existentem, humanarum actionum expertem, ἰδίαν, non hominem, aliquid humanum, videlicet veritati consonum, grave, non vanissimum edere credit, aut sperat? Memini οὐδένα *Homericum* maxime hoc epitheto nobilitari, Εἰδὼς παντοῖος δόλους: Scelerum autem inventorem apud *Virgilium* nominari.

Quo autem, o candidissimi, facilius intelligere possitis impudentiam *Philopseudis* hujus, tam levem esse, quam indigna sunt, quae, ut facile apparet, quadam comitante *Tisiphone*, eblaterat, subolentes nobis causas exponemus: quo tanto citius injuriarum innocentissimis Manibus illatae, ac *Chorabi* hujus temeritas vobis appareant: sollicite enim admodum agitantem occurrit, illa primum inexplabilis famae scitis, laudis avaritia; ambitio gloriae: quibus nonnulla Divina apud *Italos* ingenia, quae tamen, ut aequum est, amplitudinis excellentiaeque gratia semper nomino, alienam succrescentem virtutem, inique ferre, ac ferme omnino non pati posse, aperissimum est. Fuit *ERASMUS*, ut scitis, qui hoc seculo, de hac aetate palmam litterariam domeruit, *Ciceroniani* temporis sollicitudinem imitatus est: hinc inimicitiae, hinc etiam laudis dignae, quae virtutem undique comitantur, emulationes. Deinde autem *Caris* hujus impudentissimi in causa est temeritas, arrogantia, ac amentia. Quod enim aemuli virtutis, haud tutum putarunt, hic temere anticipat; quod maximum aestimarunt, flocci facit; quod indignum ipsis videbatur, in dulcissimum rabiei suae sementem convertit. Non quod *Tyro* Veteranis plus possit, sed quod *Germanis* foenum e cornu detracturum se praesumptuosae suae audaciae sibi promittere audeat. Non quod calliditate invidiam magis, quam alii celare sciat; sed quod nulli, nisi solo sibi, nasum esse putat: non quod de litterarum foelicissima gloria contendat, sed quod litteraturam, & ingenium in alienam infamationem, tanquam gladium in abusum homicidii conversum se habere ostendet.

Ne autem vos diutius teneam, agite, nonne ἐν τῷ ὀνόματι λέοντα γινώσκετε, scilicet quum calumniarum inscriptionem saltem legitis, quam, quaeso, inspici-
te, In *Desiderii Erasmi Rotterodami Fannus*. Temerarium ac scurrile haberi, eos lacescere, qui ab omnibus amentur, qui infimis pariter ac maximis aequae chari sint & accepti, *Cicero* ipse, si bene memini, docet. Nonne autem satis elucet hic scurrilitas, & temeraria illa audacia *Philopseudis*? Nemo enim doctiorum tam perfrictae frontis fuit unquam, ut prima paginae facie aliquid in viventem *ERASMUM* feri-

A bere, fateri ausus sit: hic unus omnibus audacior, sed o quam inconcinne, ut minime ingenuum hominem decet, cum larvis luctatur: o & quam scurriliter maledicta evomit, quam amarulenter optat Viri funus lacescit. Nunc primum in lucem editus. Quid? *Dialogus*. Aures arrigite, precor, ostendam vobis asininis auriculis bene auritum *Midam*. Mos est, ut sanctissimus, sic antiquissimus etiam; & si *Dionysio Halicarnasseo* credendum, a *Pub. Valerio Bruti* Collega, post Urbem conditam, Anno quarto de quinquagesimo supra ducentissimum introducta consuetudo, ut Viri aut bello, vel Reipublicae regimine, vel litteris atque industria praecleari, statim post obitum, a Viris inter alios dignissimis Funebris Oratione laudarentur, qui Elogiis disertissimis de Republica benemeritis gratias agunt, reliquisque Civibus stimulos ad benemerendum admovent. *Philopseudes* autem, Medicinae non tam gnarus, quam Jurisperitus, si Diis placet, quarto jam post obitum *ERASMI* anno, quandoquidem de statu defuncti post quinquennium differri non potest, tandem erumpit. Non oratione utitur, neque injuria: metuebat enim observatis Rhetorices methodis, licet parum litterato non facile imponi posse, aut calumniarum fucum statim proditum iri. Sed intempestivis, tranquillissimisque noctibus,

C — Placidum quum carpunt fessa soporem
Corpora per terras, sylvaeque & seva quierunt
Aequora: cum medio volvantur sidera lapsu,
Quum tacet omnis ager, pecudes, pictaeque volucres:
ae cum magno olei sumtu, sua in lucernula exsiccati, o Dii, quam tersum, nitidum *Dialogum* in nonum, ni fallor, adhuc usque annum premendum, ni κατόπιν τῆς ἐορτῆς se venturum timuisset; *Dialogum*, inquam, confingit: quo genere scripti ad laudandum compendiosior via nulla; dissimulata autem invidia, ad inurendam aliis infamiam, vel magis idonea, vel suspicioni minus obiecta reperiri vix potest. Jam si quis, o candidissimi, alium, qui oculos defuncti Parentis, animo forti infractoque occlusisset, qui Naturae quantum debebat; tantum planctuum indulgisset; qui quarta abinde die, in id solum intentus, ut Parentis virtutem imitaretur, perpendere, propalaret, & jussu ejus sequeretur; si quis, inquam, talem, quarta post Parentis obitum die, nova quadam restrictione luctus, novis naeniis obturbaret, nonne ab omnibus, nisi ab infans, insanissimus judicaretur? Nam ut ait *Ovidius*,

Temporis officium solatia dicere certi est,
Dum dolor in cursu est, dum petit ager opem.
Annuitis: recte quidem. Quis enim honor debetur ei, qui litterarum illum Altorem quarta jam mense praeterita, in eccliecolarum contubernium susceptum, etiam non ficta, sed luculenta oratione deploraret?

E Nam cum longa dies sedavit vulnera mentis,
Intempestive qui movet illa, novat.
Nunc veterator hic iridem facit, cum tamen nosmetipsa omnes, hujus mundi miseris ereptum, post rationi subiectum luctum, & gratulemur, & laetemur: taceo, quod pro thesauro carbones proferuntur; pro laudatione vituperatio editur. Solent autem dissimulatores, verborum lenociniis & illecebrosis titulis Scripta sua ad captum Lectoris adornare: hujus equidem artificii *Philopseudes* non expers, morsus viperinos ut contegat, facetiae speciem *Dialogo* suo affuit, nominaturque illi *Lepidissimus*. Quis, precor, hic *Sardonium* contineret risum? cum lepiditas sit citra ullius offensionem suavitas, & verborum & rerum teneritudo quadam delectabilis: quibus equidem *Dialogum* hujus ex diametro oppositum, ac falsis tantum dictis refertum esse, paulo post expressius vobis constabit. Ne autem aliqua sibi desit impudentia, ut satis clare eniteat, quam temerarius sit, confitetur ex colloquiis suis, Ex fa-

miliaribus congressibus. Proh pudor! hæc scommata enucleata esse. O scelus, persuasit sibi homo gladiator, Patronum defuturum, qui libere dicat, neminem adfuturum. Sunt-ne hæc tua colloquia familiaria, hominum homo impudentissime? Quid primum querar? exordium unde sumam? quod, à quibus auxilium? vestram-ne aliorum fidem implorem? Exstat famosus libellus, fraude circumventi sunt Typographi, ERASMI Alumno, fama, Hæredes injuria afficiuntur; vos ipsi candidissimi, ingratitude insimulamini, alma hæc Universitas, inclyta hæc urbs, familiaribus colloquiis proscinditur. Quis animo tam dissolutus, ut ad hæc tacere, vel talia negligere possit? O non semper consultam adolescentiam, cujus ardore causam hanc suscepi: quam nisi Naturæ parens confidentia boni donasset, Dii immortales, quam facile maledicentiæ hujus succumberem? Nunquam audivit Italia aliquid indignius, quam Viri cujusdam, propter majestatem scribendi alias dignissimi, (quem etiam honoris causa non nomino) vocem, ut refert Pontanus, impiissimam, quam palam profiteri non dubitavit, se in Christum quoque spicula habere: ô abominandæ scientiæ! est-ne illi dicto factum hujus non simillimum? Familiaribus colloquiis *Philopseudes* ERASMUM, verbi Dei Ministrum, Senem, Benefactorem, ac Virum frugis proscindit: quid ita? Quia vir ille integerrimus Rempublicam litterariam quasi postliminio reduxit. Quia minime sobrius hic homo, à Natura concessam loquentiam, suis affectibus, voluptatis tantum gratia, morem gerere cupit: quia linguæ politiem artibus comparatam, qua alii in conservanda hominum societate, in enutriendis amicitis, in sedandis molestiis utuntur, bellus hic homo ad confictionem infamiæ alterius, ad inquietudinem ferendis exercendisque altercationibus assuefaciendam putat.

Non parva sunt hæc, ô candidissimi, at multo leviora his, quæ dicturus sum: ad caput enim rei accedo. Dialogum excusurus, in quo *Philopseudes* Anniani personam suscipit, inverso vero nomine *Philalethen* se vocat; Hypocrisim *Arnoldus* induit: ut autem *ὑπόκρισις* valida sit, ad vitia sub specie virtutis tegenda; quam idonea ad occultiores insidias, quam æstimationis cupida, quam nominis avida; item quam enixe à melioribus metui, sanctitate commendari gestiat, qui ignoret, certe arbitror, neminem. Adducerem quoque satis multa exempla, si res postularet; supervacanea autem essent omnia, quum omnium manifestissimum, perditissimumque, nempe hic Dialogus nobis sit exponendus. Proinde quæso, ut antea aures, jam etiam & animos mihi præbere velitis. Egit *Arnoldus Arlenius* anno jam præterito in Germania aliquot menses, in hac quoque Civitate dies non paucos; repetiit Italiam, & , ni fallor, Bononiam situ florentem, studiis florentissimam urbem; *Philopseudes* hic, qui jamdudum quæritabat, imo disrumpebatur, quod non reperiret occasionem, hujus reditu credidit ansam sibi oblatam, gestiens actutum expectorare, satagit occultam *ἑρδία* ne igitur vanitatis palmam aliquis sibi præriperet, statim *Arlenium*, (quem semper honoris causa nomino) Virum de Republica litteraria benemeritum, insimulat, quod male mereri velit de ERASMO, Viro de Litteris sacris, profanis, omnisque generis meritisimo, personam illi adpingens adulatoriam. Quod ne apud vos fidem mereri possit, faciunt *Oporini*, & aliorum Virorum doctissimorum de candore ejus ingenii testimonia dignissima. Sed quid multis? ut lutulentus sus, cum illo convolutari cupit, ac incipit; *Salve Arnoldæ Amicorum suavissime*. Amicitiam posthac *Arlenio* cum *Philopseude* aliquam futuram esse, vel etiam fuisse, tantum abest, quod credam, quantum ex hominis ore ac facie, bis enim alloquutus sum hominem, integritatis, & ex scriptis hujus, impudentiæ colligere ipse possum. Addit autem:

A *Atque omnium hominum, qui vivunt, officiosissime: Philalethen* te appellarem & ego *Philopseude*, si universalem illam non addidisses: sed Regulam forsitan te, non hominem putas: vigilantiam etenim *Arlenius*, litteris bonis impensa officia nemo non novit, tuo autem in famoso Dialogo tibi officiosus quod sit, impudentissima mendacia tua redarguunt: fuit enim *Arlenio* cum Hæredibus ERASMI apud nos familiaritas non vulgaris, convivium cum ejusdem Amicis non rara, cum Vindicibus suæ voluntatis congressus creberrimus: nec dubito etiam hodie, horum *ὑποκρίσει* apud illum residere, ac de pissimi hominis pissima morte, pie ipsum instructum, pie apud pios cum loqui & vera. Propterea, ut summo cum dedecore sycophanticam illam illi inuris infamiam, *Megarensumque* lachrymas; ita nos alienam maledicentiam *Arlenio* non imputamus: ac si, ut par erit, aliquid acrius, in *Arnoldum*, Dialogi tui personam, invehimur, vel in minimo *Arlenium* perstrinxisse videri nolumus: dum enim salem & fabam apponis, non ratione ulla niteris, sed animi universis perturbationibus angeris: trahit te in transversum temeritas, rapit arrogantia, excæcat livor, quibus remedium mendacio officiosius adhibere potuisses nunquam. Unde *ὑποκρίσει* mendacii scilicet palliolo induta, quæ frigidam suffundat officiosissima tibi est, fateor. Sed longius fortasse his immoror, pergam igitur.

Videte, quam pulchre sibi ipsi blanditur: *Tu quoque salve, mi Anniane, quem boni omnes ob inlitteris præstantiam & incredibilem morum suavitatem, vel suo incommodo saluum esse cuperent*. Peculiariora dona *ὑποκρίσει* sunt, arrogantia, jactantia, ostentatio, ac *φιλαυτία*: unde non mirum est, boni Viri vocabulum usurpari ab improbis, præstantiam litterarum etiam *ἰδιώται* sibi adscribere solent: morum fictam suavitatem, quis magis suscipit, quam ostentatores? quam autem sine rivali nonnulli etiam omnibus invis, se ipsos amant? Caterum me *Heracle*, quod bonis charus, moribus suavis sit *Philopseudes*, vestrum supercilium. Dialogique improbitas haud docet: litterarum præstantiam alii judicent, vitioso ingenio adjunctam ipse satis video: infamationem autem hanc animo concepisse jamdudum intelligo, summa impatientia solam expectasse occasionem, qua usus, totam ingenii sui voluptatem expleret, maledicentiamque evomeret: perinde ac effrenata hæc sua impudentia, ipsa de se jactat, imo conqueritur malam suam conscientiam tamdiu contractam fuisse. Etenim, *Quid, inquit, est, quod jamdiu nusquam te vidi? torquisti me tu quidem desiderio tui nimium acriter, &c.* Utinam tuus ille *Arnoldus*, (*Ἰπρόκλειον* intelligo) utinam, inquam, in Germania Superiore fuisset: respondet enim, *In Germania Superiore fui*. Utinam tam longe, ut tibi videtur, nobiscum egisset, tandem aliquando relegatus, veterum *Germanorum* innocentiam, simplicitatem, fidemque *Germanis* omnibus reliquisset: utinam ad vota Piorum, vel *Ad corvos* abiisset, pestem suam secum sibi abduxisset; tantum abest, quod hujus familiaritatem tibi invidiam: sed dementiam tuam devoveo, ad quam, malam naturam te peperisse, quam summis viribus te exercere video: nam crede mihi, non sunt contemnenda, non parvi pendenda, quæ libidinose, arroganter, temerarie ac nefarie peccas. Toto animo perhorresco, cum mente, quæ dixi, respicio; cum cogitatione, quæ adhuc exponenda sunt, prospicio: tu autem horum animo nihil advertis, nihil curas, nihil cogitas: parum videtur Viri integerrimi Manes lacessere, Viros clarissimos, & ingratitude & sycophantiæ insimulare, Rempublicas bene institutas circumvenire tacite: nisi etiam aperta contumelia Civitates splendidissimas commacules: satis scio, famam successus florentissimæ apud *Argentoratam* Academiam, aures admo-

admodum, lacerare vitiligatoribus; ac iis, quibus doctrinam maximam, quæ illis haudquaquam inest, sibi affingere dulcissimum est. Natura igitur *Philopseude* *Argentoratium* odisse te oportet, quod quidem ipse ingenii tui multo molestissima arrogantia confiteris: fingis enim tuum *Arnaldum*, tam diu *Argentorati* degisse, tandem hypocrisis onustum ab *Argentorato* exoptatum ad te redire. Sed ut libet, mihi nunquam persuadebis *Argentoratium*, materiam tibi suppeditasse aliquam, qua fretus, aliquid in *ERASMO* moliri posses, de cætero tu ipse videbis, quam indigne suspitione hæc non digna dignissimam Civitatem gravare coneris. Quod autem de religione, os imparum, sinistro ac scurriliter pronuntiare jocos, arbitraris, quo loco ponam, vix habeo: miror tamen singularem istam tuam sive dicam confidentiam, sive arrogantem impudentiam, qua hujus ætatis Theologos vel separare, vel dijudicare ausus es: cum PP. MM. *Leonem*, *Hadrianum*, *Clementem*, aut *Paulum*, tam temere pronuntiasse nemo audiverit unquam. Quid? quod in hodiernum diem magnitudinē rei tota *Europa*, summa inhiat expectatione, litisque diffinitionem non tam fervide cupit, quam anxie flagitat. Tu autem ais, *Ultimam me tibi comitem adjunxisse, licuisset videre*: Quos? *Infinitas Theologos*. Si numerum inspicis, *Philopseude*, ea ipsa est hæc *Germania* felicitas summa: videmus enim id ipsum, quod *Divus Petrus*¹ ex Propheta² infert inquit; *Et prophetabant Filii vestri, & Filia vestra*. Si vero vocabulum infinitionis eo, quod *Græce* est ἀνείκη, ac inexperientiæ significationem apud *Græcos* etiam suscipit, pro dictorio, ut soles, uteris; audi *Christum* ipsum Patri gratias agentem³, quod veritatis mysterium unius illis simplicibus, vulgoque indocto aperuisset: *Hec*, ait, *licuisset audire, incredibili modestia & equitate differentes*. Quantum fidei, fides vera meruerit unquam, in Synagogis, in Academicis, ac apud hujus mundi sapientes, *Christus* ipse in *Judea*, *Paulus* multis in *Asia*, *Europæque* locis docuit. Non credibilis, aut incredibilis tibi videatur *Germanorum* in sacra Scriptura differendi ratio, haud curæ est *Hippoclidis*: substantiæ enim illæ rerum sperandarum, ac non apparentium argumento unico innixi, nasum tuum, imo totius mundi suspensum, si Evangelicographo *Divo Marco*⁴ credendum, facile spernemus. Cum autem inquis, *De summa persuasionis nostræ*, nullius persuasionem nobis curæ esse orare potes: nam nec carne, nec sanguine nobis fidem illam salvificam inculcari, sola coelesti gratia infundi, etiam consummatissimorum Theologorum opinio est; diffiniat igitur *Cicero* Certam opinionem: dicant delicatuli isti *Ciceroniani*, Fidem, esse persuasionem aliquam; magis *Latine*, quam *Christiane* loquuntur omnes⁵. Potuit olim, sacer, persuasio multum: nunc autem, ne certum quidem, si adhuc viveret *Alexander VI. R. P.* noster *Sancti* *Caesari* ad alcam, à *Germanis* corradere: docti enim *Elogio Christi*, jamdudum odoramur, charitate proximi magis, quam persuasionibus plumbeis peccata redimi posse: vera fides justificat, non pertinax persuasio. Tecum autem jam, *Philopseude*, extra hanc contentiōem, familiariter loquor: præstiteret omnino silentio transisse Theologos: nonne vides, quasi castro irritabile illud genus hominum nunc temporis incitatum est? quam insipienter gladio ignem scrutaris. Tu ipse vide etiam atque etiam, tute collige, quid dicas, iudicium tuum considera. Tua sunt verba, exceptis *Germanorum* Theologis, alios ματαιολόγους, & rabulas rectius appellari. Putas-ne illorum sapientissimæ sapientiæ, illorum fulminibus, vel voce, vel ingenio te obpiti posse? Putas-ne te posse, si sexcentis, quas bene

A numeratas habent, suis conclusionibus circumveniant, viribus aut consiliis tuis te ipsum eximere? Putas-ne te posse subtilissimis horum subtilitatibus, subtili aliqua tua ratione effugere? Vereor, mi *Philopseude*, vereor, ne succumbas: eo enim consummationis ipsorum processit vastities, ut ipsis nec *Laertiani* Philosophi, nec *Philophrasici* Sophistæ, nec Apostatarum spiritus, vel paradoxis, vel elenchis, vel aliqua scientia æquiparari possint. Considera, precor: mihi enim videtur, non minimum, tibi imminere periculum. Etenim si *rabula* vocabulum intelligis, ac proferre hic audes, posse te causam tuam satis defendere arbitror; sin quid sibi velit, nescis, quem propugnatorem istis tuis adversariis posthac præstare possis, jam videre mihi videor. De matæologis (cum, quid sibi *Gracismus* hic velit, jam parum nobis constet) alio loco, consultis interim, hujus vocabuli causa, Dictionariis, forsan felicius disputabimus. Cæterum autem tuo *Marte* pugnabis pugnam, si quid negotii tibi intercederit cum aliarum nationum istis Theologis, meum certe non erit.

Dixi autem initio, ô candidissimi, tam multa de hujus impudentia dicere non posse, quam causa postularet; igitur his omissis, venio pūc ad lividam illam suam nigredinem, quam cum nigerrimis illis prociis *Homericis*, Οἱ τ' εὖ μὲν βάζουσι, καὶ δὲ ὀπίθεν φρονέουσιν, communem habet: inquit enim, *Sed dic, rogo, ut valeat Erasmus? Utar Propertii verbis*⁶,

Infelix properas ultima nosse mala.

Non-ne tibi ipsi es conscius, quæ animo voluntas? si nescis, ex *Juvenale*⁷ potes ediscere,

Quas patitur penas peccandi sola voluntas:

Et ipso teste⁸,

Pena autem vghemens, ac multo savior illis,

Quas & Caditius gravis invenit, aut Rhadamanthum:

Quæ vox molestior tibi unquam esse potuisset, si vere (ut ficto tibi ipsi respondes animo) aliquis hujus Viri valetudinem basilicam tibi retulisset? Sed recte valet *ERASMUS* noster, *Philopseude*: *Ac utinam tam recte*, ex animo ego loquor, *valerem ego*: Quibus verbis, quanquam simulanter eandem valetudinem, quæ tibi autem intimis ex præcordiis exoranda esset, exoptas: nam te, ut tute dicis, *Quem certum est, ad omnes arumnas atque acerbitates sustineri*, libido illa contentiōis sic obcæcavit, lingue pruritus tantus tenet, ut nec voluptati innata aliqua maledicentia, nec *Amædæ* simulatione opportuna satisfacere potis sis. Enimvero temeritas illa tua nimium impotens, livorem, linguam, quod persona adhuc aliquamdiu celare potuisset, omnium prima, quam de *ERASMO* habes, mentione effundit. Senium quidem cum studiosi, reverentia, observationis aut venerationis epitheto ornare soleant: tu *Terentiano*, ac *Plantino* scommate notas. Non mirum igitur est, si quid mali tibi præfigit animus:

Dedit enim in laqueum vestigia noster

Persidus:

Nec vafer est solus *Ulysses*, sunt apud nostrates permulti, *Philopseude*, qui ferulæ manus subdixerunt, qui ingenii perspicuitate *Thracia* illa tua commenta subodorare possunt: nec si quid acciderit infortunii, ficulnum tuum auxilium imploraturi essent. Præterea negat *Germania*, quod dicis, *Hei mihi inclementem plagam accepit Germania*, plagam accepisse. Siquidem nemo jure plagam aliquam judicavit: Fatum necessarium, ac mortem illam felicitissimam, quam tantam literaturæ supellectilem generasse videt. At quomodo homo sapiens, argutus, *Germaniam* totam coarguat, attendite: *Quis bibacissima*

Ger-

¹ Act. 11. ² Joel. 11. ³ Matth. 21. ⁴ Cap. XIII. ⁵ Theophylactum.

⁶ Lib. 1. eleg. 7. ⁷ Sat. XIII. vers. 208. ⁸ Ibid. vers. 196.

*Germania, volui dicere, bellacissima, semper hic erro, vulnus inferre ausus est? Tu homo considerate, prudens, quid dicas, perpende. Erras, si tibi Germania bellacissima vocanda est? Me Hercle, ut cum Martiale * loquar,*

Qua tu derides, hac timet ora puer.

Crede mihi, nec hodie à fortitudine Majorum nostrorum degeneramus: testis est Gentium domitrix *Roma*; nisi *Romam*, nec *Romanos* esse amplius contendas. Bellicæ gloriæ primatus *Germanis* nostris olim cessit: Testis *C. Marins*, qui non impune quosdam *Populos* profligavit; Testis armorum ostentator *Julius*; Testis felicissimus Princeps *Augustus*, *Varianta* solummodo infœlix clade. Prætereo *Aquitani*, olim *Romanorum* insigne, sacrosancti Imperii apud *Germanos* nunc indicem. Taceo fortitudine ac strenuitate in toto orbe partos *Triumphos*; propagatam nobilitatem, quam etiam *Germania* æmulus; *Campanus* ille conticere nequivit. Ac ne quid dicam de *Manimano Baptista*, is etiam nostræ ætatis *Germanos*, tanquam bellaces ac fortes celebrat: cujus ut verba subnectam, facit tum Carminis elegantia, tum testimonii majestas: inquit equidem,

verum Actola Rheni,

Gens durata gelu, genus insuperabile ferro:

Quod toties Romam tum, cum ditione premebat

Europa, Libyaque urbes, Asiamque minorem

Terruit: hi superant Parthos, Thracumque furor:

Quos Martem genisse ferunt, hi spicula torquent

Penthesylea non inferiora securi.

Jamjam autem, cum *Christum* vere cognoscimus, gloriatio nostra, non in bello; in pace autem, in cruce *Christi* sola est: sit penes alios gloria belli, quos pax & gratia *Christi* lateat: satis hæcenus fufum *Christiani* sanguinis. Fingite vobis veterem *Italiam*, *Romana* urbis Civem; somniate *Christi* vicariatum, ac mirabili vestra bellacitate *Turcas Christianorum* cervicibus imminentes depellite: est

Eccæ fugax Parthus, magni nova causa Triumph.

Reddite veram pietatem, veram fidem: reddite, reddite Reipublicæ *Christiana* veram pacem, veram unionem: quam hucusque timor Dei, pia *Germania*, lachrymis extorquere non potuerunt: nihil morabimur bellicam gloriam, sit penes vos omnis. Reddite, quam potestis, concordiam Ecclesiæ, tunc una veterem *Germanorum* fortitudinem, virtute, manu Dei locupletatam, *Christianismi* persecutores, ut sæpius suo malo, invictam sentient: vobis autem famam nostra humanitate, parem, vel gloriæ omnis acquisitionem integram relinquemus. Potes autem esse tam excors, o *Philopseude*, ut non modo non huc pertinentia, sed maxime disjuncta, falsa, ac in totam *Germaniam* debacchata disteria evomas? o impudentiam insignem, *Bibacissima Germania*, inquis. Sunt, si nescis, *Philopseude*, vitia aliud nihil, quam turgidi atque concitati motus animorum: in his sunt, qui nimia appetitione inflammant, vinolentiæ, aut bibacitati, uti tu appellas, similia. Est autem videre, nulli morbo obnoxia corpora, alieno vitio contacta nonnullis in membris sæpius vitari: sic *Germani* olim, vini usus prorsus expertes, proximorum morbo, membra habent aliqua læsa; quæ aliarum nationum intemperantia illecta, insuetos haustus vini, quos sero in pretio habere cœperunt, probe ferre non possunt, imo donum Dei ad lætificandum cor hominis datum, ac quemadmodum inquit *Homerus*,

Ὅτιον τ' ἀεῖσιν θεοὶ ἀνθρώποις διδόναι Διόν.

In ægritudinem, temulentiam scilicet convertunt: alienam enim sequentes immodestiam, ut simiæ lotis oculis, sic pelluto largius gutture præda fiunt: unde postmodum citra æquitatem, ebrietatis acculantur, etiam ab iis, à quibus illæsi antea, vitium

* *Lib. xiv. epigr. cxxvi.*

A hoc contraxerunt. Ab aliorum calumniâ mihi temperabo, cæterum tecum, qui præter jus piumque, maximo cachinno *Germanis* ebrietatem objicis, *Philopseude*, libet confabulari. De *Noah* nullus mihi hic sermo, quem vini insuetos gustus satis declarare apertum est. Ostende regionem, precor, temulentia criminis immunem. Enumera ætatem aliquam, quæ conscientia vini indulti non gravatur. *Homeri* Imperator præstantissimus *Agamemnon*, ab ipso Poeta o *οἶνοκαρπῆς* appellatur. Sed damus hoc vinofo, ut laudibus vini arguitur, Poetæ nihilominus *Graciam* mira voluptate potandi præditam fuisse rerum Scriptores tradiderunt. Nec *Persis* defuit ebrietas: *Cyrus* ille Junior regno se dignissimum arbitrabatur, quod plus Fratre vini potare posset, & probe ferre. *Macedonum* vinolentiam *Promachus* demonstrat.

Ennius ipse Pater nunquam, nisi potui ad arma
Profiluit dicenda:

Narratur & prisci Catonis

Sape mero caluisse virtus.

Jam optimi Patris degenerem Filium ante oculos ponito, *Ciceronem*. Si autem *Italia* ebrietatem cupis cognoscere, lege *Plinium* *. Non satis erat *Italiam*, sese ad vomitum sæpius in die ingurgitasse, nisi & jumenta vi ad bibendum vinum cogerent. *Romanorum* Monarchæ in maximam venerunt vinolentiam: hoc *M. Antonius* patrocínio suæ ebrietatis edito probat. *Hispaniam Filiacum*, qui olim *Sisaporem* tenebat; *Pannoniam*, *Bela Secundus*; *Boiohemiam*, *Wenceslaus*; etiam extremi orbis homines, *Britannos*, *Bonosus* vinolentiæ accusat. Addam *Plinii* ipsissima verba; *Nulla in parte mundi cessat ebrietas*. Sed quid Veterum exempla recito, cum Recentiorum tanta sit copia? Quid situ remotiores e-

C número regiones? quum vitii hujus maximam partem è proxima atque confini regione, ex *Italia* scilicet, hæreditario accepimus jure. Majorum vitia quis subditorum unquam difficulter imitatus est?

D Quod igitur *Romana* Ecclesiæ membrum, capitis mores, virtutesque non sequeretur? Dedit *Sarzanum* nobis, *Nicolaum* Quintum potando laudatissimum Virum; *Venetia*, *Paulum* Secundum; bibacissimam spongiam *Florentia*, *Julium*, & sanguine & vino ebrium. Prætereo alios vini gurguliones non instrenuos, qui sanctissimam Sedem *Romanam* tenuerunt: & mirum tibi videtur, cum Dei terreni pocula miscent, quod homunculi bibunt? Postulabis forsitan, meamque requires modestiam, ne ob duorum aut trium immodestiam Virorum, universam *Italiam* hujus participem vitii censi velim:

Ὅτιον δ' ἐπὶ τοῖς ἐκείνους, τοῖς δ' ἐπὶ τοῖς ἐκείνους.

E Idipsum tibi persuasum esse debuerat, quum totam *Germaniam* tam leviter atque incogitanter calumniareres, ob quorundam maximam *Romana* Ecclesiæ devotissimorum bibendi licentiam. Sed esto sane, plagam hanc, vulnus hoc *Germaniam* accepisse, lachrymis & squalore poenitentia deplorandum; nihilominus certo certius affirmare audeo, Optimates, ac Magistratus *Germania* Verbo Dei adherentes efferventem æstum hujus luxus, graviore poena, quam ulla aut *Lex Orchia*, *Fannia*, *Licinia* aut *Didia* coercere. At *Sextilianum* inter harum Legum limites continere, etiam *Caiso* Principi tam difficile, quam facile visum fuit *Alexandro* Pontifici Max. hujus nominis III. severitatem imminuere Legis *Scantinia*, igni cœlesti in tot hominum millibus vindicatæ. Quapropter ut ipse dicis, *Philopseude*, *Parum civi-*
F *liter, & ut bene moratum decet hominem, Germania sic aperte non illudis.* Postulatur enim ab omnibus, ut ab his se abstineant maxime vitiiis, in quibus alterum reprehendunt. Providendum est diligenter, si quem intemperantiæ accusas, ne materia illa

* *Libro Historia Naturalis xiv. cap. xxxi.*

illa temperantiæ; ut dicunt, *potentialis*, continencia scilicet, tibi desit. Ego equidem gaudeo, in contagione vitiorum, id quod minimum ac tolerabilius est, *Germaniam* fortitam esse; doleo vero ipsam, propter quorundam intemperantiam etiam ab incontinentissimis accusari. Age, si tota natio ex vitiis quorundam æstimanda, nonne ut tu *Germania* ebrietatem, alius *Italia* incestum, perversam *Venerem*, mollietiem, ac huiusmodi sex millia vitia objiciet? Tu *Germania*, infimorum perditissimorumque objicis vitia; vos ipsi, pudet referre, quibus Titulis SS. DD. VV. RR. PP. *Alexandrum* VI. *Clementem* VII. decorastis? Nonne primus à *Pontano* incestus accusatur? en habes Epitaphium *Filiæ*, *Tumulorum* libro I I.

Hoc tumulo dormis Lucretia nomine, sed re

Thais; Alexandri Filia, Sponsa, Nurus.

Item alteri, nonne *paidegasia* objicitur: lege ipsius Epitaphium:

Is est, qui molles evexit ad astra cinados,

Formosum à tergo munere juvit Hilam.

Quæso, ne quis rapiat in contumeliam *Italia* (quam *Altricem*, & *Hospitam* Virtutum ipse expertus sum) quæ hîc impudentiæ *Philopseudi* objiciuntur. Non hæc in *Italiam* dicuntur, inquam, (nam hoc crebro mihi repetendum est) sed obtreptioni & maledicentiæ hujus opponuntur, ut alia vice habere rationem dicendi earum rerum, quæ honeste effari possit, discat; & ut quam male cordi in lingua sedem struxerit, videat: subjungit enim: *Ne, amabo te, mihi succenseas: nam si quid peccatum est, lubricitate lingua peccatum scito.* Ex petulanti stylo ingenium facile perpenditur: nam vitæ simulachrum, omnem animi vim in oratione perinde, ac in speculo repræsentari; linguam talem unumquemque, quale cor habere; orationem omnem, ex corde proficisci, *Christi* testimonio vincam: *Progenies*, inquit *, *viperarum, quomodo potest bona loqui, cum sitis mali?* Et *Horatius* † *Christi* sententiam protulit:

Omne supervacuum pleno de pectore manat.

Non potes nisi tetrum ac pestilens aliquid effare: cor enim habes, *Philopseude*, plenum livoris, arrogantiae; ac mendacii; amarulentæ loquentiæ satis aptum, ob hoc etiam pestilentius, quod laudis & benevolentiae fucum præfert, quum figurato morfu lædit, gloriosos illos titulos adfingendo, quos etiam in vita hac, adhuc si esset *ERASMUS* noster, ægre ferret, lubensque resignaret: inquis enim: *Sed bene me miserum, lumen amisit suum mea Germania.* Inebriati olim eramus poculo *Circæ Romana*, ac de vino prostitutionis *Babylon*, magnæ matris scortationum pugnantis cum *Agno*; sed iterum sobrii facti, haud ignari sumus, *Philopseude*, quid Deo, quid homini debeamus. Lumen *Germania* appellari quenquam, præter Deum Opt. Max. etsi forsitan delicatioribus receptum, attamen *Ethnicus* est *Gnathoniſmus*. Lumen *Germania*, est lux illa totius orbis, lux illa vera, quæ tandem tenebras nobis depulit, quæ somnum nobis excussit, *CHRISTUS JESUS*, cui gloria sit in ævum, & in secula, amen. Ornamenta sua præclara, exclamas, perdidit *Germania*. Nec hoc verum esse fatetur *Germania*. Amavit *ERASMVM Germania*, ob litterarum præstantiam. Nobilitavit *Germaniam*, ornavit *Germaniam* *ERASMVS*, litterarum præstantia. Migravit, non adamatum, remansit, quod amabatur. Quid igitur amisit *Germania*? Princeps invictissimus *CAROLVS* noster, à *Clemente* Pontifice coronatus (si Diis placet) ob obitum Papæ, Imperii amisit diademata. Admiranda, me *Hercle*, colligendi figura, sed tali Philosopho digna: ut argumentatur? *Squalet nunc tota, in sordibus jacet.* Quæ omni disciplinarum genere floret? *In luctu jacet.* Causam arbitror esse,

* *Matth. xii. Lucæ vi.* † *De Arte Poetica.*

A quod huic seculo subductus est Vir pius, in quo optimo cuique pessime est; vel quod sentiamus, optime cum illo actum esse adeo, ut gratulari magis, quam misericordiam illi impertiri memoria nostra decreverimus. *Unum hominis Fato tota misere infelicitate corrumpit.* Bene, si ex superstitionis, & Barbarici luto sese erigere, corrumpere est. O sapientissimam tuam sapientiam perexiguæ auctoritatis haud dignam! ô humanitatem tuam non vulgarem, ipsis Charitibus merito commendabilem! qui *Levamenti aliquid ex insperato*, nobis adferre te posse, nobis polliceris: tuis verbis utar, *Mitte, mitte hanc ex animo tuo curam, atque istam, quam tam benigne polliceris, operam in aliud tempus differas* suadeo: leviori enim levamento luctui *Germania* consulueris, quam perversæ tuæ maledicentiæ medearis. Consolamur enim nos honesta fama, immortalis nomine hujus Viri; quum tu nihil aliud nisi apertissimum damnum, gravissimam jacturam mortis sempiternæ luctum, & foelicitatis perditionem tibi comparare possis illa tua maledicentia, quæ curari, vel tantillum imminui non potest. *Cur non?* inquis. Tute tibiipſi respondes: *Quoniam morbum in dies magis ingravescit, atque jam in intimis visceribus & medullis radices suas egit.* Scis quoque *Physicorum* gloria unica, ac doces, quod *Ex perturbationibus morbi conficiuntur plurimi, quos tu nulla arte pellas, nulloque praesidio removeas, ubi semel irrepererint.* Præterea, quod calumnia, non recipit pharmacum; medicina quomodo, antequam totam absorbet, revomat, scis. Unde non levissima apud doctiores quæstio, *An maledicentia visio aliud immedicabilem?* Et heus tu omnium captator, cum subjungis, & coquereris: *Quod immortalia Numina hujus Viri interitum significationibus clarissimis non denuntiaverint.* Mirari ego cogor, & tuam requiri in *Matheſi* industriam: videntur-ne tibi parum præſagii obitus sui præmisſisse, cum septuagenariam illi attribuere ætatem? quandoquidem *Seneſtus* ipsa, si ipsi

D *ERASMO* fidendum,

ſam præteritis vernantibus annis

Vita monet cadentis.

Quid, si ostento quodam denuntiasset obitum? *Minus moleſte, quicquid procella ingruisset, pertuliſſent.* Improvisum quæ procella te obruit? *Viri clarissimi calamitas.* Næ tu admirandus homo, quum *ERASMUS* noster, nec exsul, nec servus, nec cæcus, nec debilis, sed omnium liberrimus, integerrimusque fuerit, tu tamen calamitatem illi adfingis. Satis video, pium videri, minime te studere; plus laudis habere æstimas *Latinum*, quam nomen *Christianum*. Nemo enim *Christicola* eum, qui diem suum obiit, interire dicit; sed omnes *Christianos* in *Christo* obdormire dicimus, & credimus. Hoc est autem, quod valde miror, quod divinus ille tuus *Cicero* tantum tibi olet, ut magis hîc *Grammaticum* agere velis, quam *Ciceronianum*. Nam *Cicero* † Mortem, commigrationem quandam, non interitum esse contendit; tu autem *Medicum* exſuis; *Grammaticum* referens; quod medium aliquid inter animam, & corpus eat, mortem interitum appellas. Cum etiam non desint, qui, ut sunt contentioſi *Grammatici*, anima & corpore deſtrui, interire esse, & aliud nihil contendunt: quod si de *ERASMO* nostro intelligis, impiſſimum est, ac auribus abominabile, nec ex tuo foro: nam judicari homines ab homine, *Christus* vetat *.

Subit hîc quoque timor mihi animum, ne te morbus, quem *Græci* *ἀσθενία* *μέθυ* dixere, habeat: paras enim ô *Zenoſtomi* calicem abjicere, vociferando, *Expedi, nisi fortassis mulſi calicem cupis impingi.* Sequetur, ni fallor, vomitus, ô *Lapiſſa*: ferreus enim non es, ut ipſe ais, adeo, ut & ego omnium

Tom. VIII.

Qq

te

† *Libro I. Tusculanarum Quaſtionum.*

* *Matth. vii.*

te corruptissimum ferme dejerarem. Lachrymas scio, ô *Basiane*; sed Crocodili, dum audis ERASMUM mortuum, lachrymas emittis. Audite, rogo, ô candidissimi, *Non satis* (inquit) *a me cognitus erat*. Tanto impudentius tibi ipsi blandiris, *Philosophe*, famam arrodo incogniti: nam iudicio non dicere, sed falsa omnia, ac quæ in mentem tibi veniunt, vomere cogeris. Mentis autem tuæ cogitationes, aliud nihil, nisi peccatum ac abominatio esse possunt: coram enim blandum, & Amicum te ostendis, quum salum dicerium ullum perdidisse, religiosum putes: statim enim Funebrem mæditaris Orationem, sed qualem videbimus. *Legi* (inquit) *nonnulla ejus hominis scripta, quæquam timide & diffidenter*. Puto Linguam: ulcera enim atacta magnum movent dolorem. Audax, me *Inter-er*, es homo, non timidus, qui cum non omnia legisti, de omnibus scriptis ERASMI pariter paulo post tuum calculum adders: audaciorum autem te iudico, quod nonnulla legeris; quum periculum sit, ne pars lucelli tibi pereat, si quando à patientibus (utæ vocabulo Medico) illis familiaribus tuis Monachis, in lectione *Erasmicorum Operum* occupatum te deprehendi contingeret. *Perceperat enim* (inquit) *non incertis auctoribus rumor, ex ejus fontibus hausisse Lutherum, quicquid dogmatis sui immisisset scriptis*. Nec certis quidem, aut si certis, hæc fide dignis, maxime autem ab istis *mutatores*, quos tu non multo antea mihi commemorabas: adhæret enim vitio huic vanitas, igitur nisi inania, omentita, & infrugifera effutire nequeunt. Quo autem argumento potes hæc assumere? Pari scilicet: *Philosopandas* periodos, incisiones, sententias, denique vocabula omnia *Ciceroni* suffragatur: ex suffragatis, calumniarum fruit acervum: ergo scripta *Ciceronis*, meras crepant calumnias, expropter diffidenter sunt legenda. Bene. Melius autem, si non solum *Natalis Bedda* Tragædias, sed ERASMI Defensionem quoque legisses, proculdubio fontis haustus, *Lutheri* vocabulum vel obticisses, vel in alium reservasses usum: hanc, ô candidissimi, ipsi videte, vanissima enim & ipsissima hæc calumnia ab ERASMO olim satis delitigata est. Quantum enim ad *Lutheri*, vel in *Romanam* Curiam, vel in quorundam superstitionem, vel in condonantium, quas vocant indulgentias, commenta, invectivam attinget, *Annales* superflue respondent. Fuere Anno à nato *Christo*, à sesquimillesimo, sesquicentesimo, qui de publicis *Romana* Curia malis scripserunt. Vitas dispendio alii anno post quinquagesimo Pontificum Vitas, Traditiones, Constitutiones, omnino non probarent. Quarto anno postquam Sixtus IV. *Rom.* Pontifex venias per orbem venundare coepit, palam reclamatum est: ex his *Lutherum* sua hausisse, Theologi *Parisienses*, quibus eadem, ut par est, majus tribuo iudicium, testantur. Sed totus es *Romanus*, *Philosophe*: cum enim tibi de *Germano* mentio, cum in *Germanos* inveheris, notalis & characteribus uteris ignotis, quas nec apud *Probum* unquam invenire quivi: ais enim cum tibi de *Luthero* sermo, *Quum S. P. Q. R. damnavit*. Fateor autem, in *Exemplar* non optime castigatum me incidisse: unde cum *Oedipode* mihi opus esset, ipsam persanctè negantem audiui, has quatuor litteras aliam, quam hanc interpretationem, nempe *Stimulatus Pontifex, Questionariusque Romanensis*, non admittere. Quamquam non deerans, qui Senatui, Populoque *Romano* tantam volebam inducere notam; quod quidem admodum impium mihi videbatur, quum ipsi olim *Roma* degentes, Civeis perimatos, qui *Romana* Curia pestem magis, quam *Lutheri* dogma averfabantur; cognoverimus. Præterea stultissimum est, Senatui adscribere *Romano*; cum Senatus non esset, Populo *Romano* tribuere aliquid; cui nulla sit omnino *Roma* potestas. Nam *Philosophus*, verulus ille

A *Bonifacium* Nonus (ut ita loquar) juvenissimus vim omnem Populi *Romani* in Pontificem transtulit: hinc & meo calculo, primæ interpretationi accedere cogor: mira enim *Roma* colluvies eorum, qui fortunas aucupare solent, reperitur. Nec contemnenda summa pecuniæ, *Lutheri* doctrina *Romane* Curia Officiariis decidit; unde eorum suffragiis, qui hisce nundinis vivunt, facile damnatum credere possum: an jure autem, ipsi videbunt. Cæterum haud dubie perierunt, si sic *Lutherum* iterum vicerint.

B Dicturus autem, satis scio, es *anæpædionem* hæc: itaque recurro ad Dialogum: *Vir enim* (inquit) *pietate*. Tanto magis innotescit pietas ERASMI, quanto plus tu os impudens, impium, in mortuos debaccharis. Mortuo enim nullo unquam, noster fuit molestus; *Rempublicam* nullam taxavit vivens, nec aliquem calumniatus est. Adde, *Doctrina*; adde etiam ea, quæ in virtute & industria collocata erat; non ut tua ad maledicentiam comparata. *Urbanitate multa admirabilis*. Die ea ipsa quidem, à qua tua illa lepiditas degenerat multum; ea, quæ & docto, & ei qui inter doctos versabatur, digna; ea, quæ & veri, & jucundi erat plena. Ad jocos natura propensus erat, sed pie jocabatur, ac tum urbaniter, ut nemo hominum sua vitia absque læsione non legere, nemo, citra uberrimam utilitatem, civilem lepiditatem suam enucleare posset. Annectis, *Item* *litterariam à foetissima Barbarie vindicavit*. Hoc cum multis habuit commune; conjunctus enim æque confociatus fuit eruditis omnibus, in litterario negotio. Laudem hinc tuam non moratur, inique ferret, si adhuc viveret, sibi soli hoc subsidium adscribi, quod *Lucubrationes* editæ demortuo auferri non possunt. Quem enim modestia propria, nulli opposuit; doctrina, nemini postponit. *Nunc autem animam efflavit, in Beatorum sedes recta contulavit: quod cetero non contigisset, si vel tenui hæreseos suspitione imbuta esset*. Dominus est, cui stat, aut cecidit. Si autem qui bene vixit, optime moritur, non nisi quam optime de ERASMO nostro nobis persuadendum est. Suspectio autem, etsi vehemens, non condemnat: unde ea non probata, Judex procedit; iustaque ratione hæretici appellarentur, qui hæreseos ERASMUM incusarunt.

C *Ais, Paulo vero antequam moreretur, de iridibus animarum vehiculis, deque ipsa immortalitate multis memoriter & juvende enarravit*. Quid hic dicam? Patres optimi, invidia ne magis hic, an incogitantia labores *Philosopandas*? Tricun est Proverbum, *Fabro Fabrum invidere*. Noster hic *Philosopandas Nicolao Leonicensi*, Physico suæ ætatis doctissimo, laboriosissimas vigilas furtipere conatur: scitis enim hunc, *De iridibus anima vehiculis Dialogum*, ut *omnia*, elegantem scripsisse; quod si clam *Philosophe* non est, vos qua invidia Physicus (si Dils placet) Physicum prosequitur, non latet; atque manifestissima est horum ignorantia, cum ERASMUS, qui hoc nomine nominari possit, Libellum scripserit nullum. Scripsit autem, quam anno tertio post, *plam*, & benam probavit facto, Cygneam illam cantionem, quomodo se quisque debeat præparare ad mortem, de immortalitate & animi æternitate eo quoque in loco *Christiane*, ut nusquam non differens. Etiam in agone constitutus, dolore oppressus, non ut *idæis*, *Consistentia relictæ* *factorem*, sed fidelis in *Christo* iunxus, præmium nullum, sed gratiam & misericordiam Dei expectans. Hæc ut ipse ais, *Illud dicitur, & optabilem ipsam mortem, quæ aliqui fortis dolosa esse solet, efficiebant*: iis præsertim, quibus animæ immortalitas risui est: Aures arrigite, & candidissimi, jam incipit *Philosophe Christianus* fletus: deplorat enim Reip. *Christiana* detrimentum: extenuat enim, *Hujus interitum magnam mediæ fidis res Christiana damnum fecit*. O te piissimum hominem! Dissolutionem appellat *Paulus**, corporis hujus mortem; sed eam, quam aliquando ad gloriæ societatem

* Philip. i. & Corinth. xv.

rem iterum cum anima conjunctam sperandum sit, hic *Philopseudes* Finem connexionis rerum mixtarum, mortem interpretatur; quum etiam apud *Ethnicos* perire, quam interire levius sit; *Christiculis* autem perire, etiam deploratissimum. Sed hanc tuam philosophiam, *Epicuriste*, mihi quoque habuimus: unde negare nequeo interitu ERASMI, si interiit; rem *Christianam* ultimum damnum fecisse. Quæ enim vita futura erit, cum mortui interimus? Absit autem interitus mentio, ubi argumentum rerum sperandarum, ubi firma resurrectionis spes viget. Amove quoque, *Philopseude*, amove, *Bassiane*, odiosæ superbiæ Epitaphia à piæ humilitate fonge aliena: quem *Plantum*, quem nobis facis *Nevium*? *Lugent bonæ artes, tam deserto Patrone destituta, squallenti Litora sanctiores, pullata incedunt Musa.* Satis est ornasse, à quibus ornatus fuit; talentum sibi commissum fœnore maximo reddidisse: pariunt enim hæc apud homines jocundam, & non luctuosam memoriam: apud Deum servi fidelis præconium, & gaudium Domini Dei nostri †.

Sed perge: expectamus enim, quem ordinem hic, ut polliceris, servare velis. Quid autem est, quod inquis, *Modo ut possim*. Qui sic? oportet enim te, ut par est, tuo instituto satisfacere, ac certa de obitu hujus Viri scribere posse. At inquis, *Memento, ne doloris acerbitas memoria sensum auferat omnem*. Non est, quod doleas, *Bassiane*, quem interuisse affirmas, magis autem credo livoris acerbicatem, sensum omnem tibi surripuisse. Vos, ô candidissimi, aures præbete, quæ vel recta, vel certa dicta, hic eblateret: ait enim: *Itaque quum supremum adesse diem divinaret, illis accersitis, quos suis consiliis intimos habebat.* Ubi tunc agebat, *Philopseude*? quos habuit intimos? poteris enim multa probare, si testes adduxeris. Nescio, inquires: Bene: è tuo igitur profers thesauro, quicquid in buccam venit. Scio. Ediffere igitur. Nolo. Ob quam rem? Prohibet veritatis transgressio. Age, narra. *Testamentum sic conficit, ut nullum neque nostra, neque Patrum memoria sanctius fueris confectum.* Velis nolis, vera fateri cogeris, *Philopseude*: nam pio instituto pie paratas facultatulas, piis summa pietate distribuit. *Lustricam peccatorum confessionem adhibet.* Audio, nimirum ipsam, quam in *ἱερολογίᾳ* ipse olim descripsit, ac in Libello *De Preparatione ad mortem* tantopere laudat. *Mythicum panem assumit.* Teneo: at eundem calici mystico conjunctum, arctissimam membrorum societatem representantem. *In Deum Opt. Max. cogitationes omnes confert.* In hoc equidem mihi videris *Philalethes*: ô ipsissimam veritatem! *Non se respicit.* Nihil novi, *Philaletha*: studia enim publica nunquam non, *Christi* gloriam semper, seipsum autem nunquam coluit. *Non sua amplius peccata.* Justitia enim sua erat *Christus*, copiosæ & immensæ misericordiæ Princeps. *Quibus fortasse nimium perterritabatur.* Homo fuit, qui si cum *D. Paulo* dicere potuisset *, *Nullius mali mihi conscius sum, addidisset, Sed in hoc non justificatus sum.* *Christum solum cogitat, illumque ob oculos habet.* Quidpi, optimum Dominum, exorabilem Judicem, Advocatum unicum, & gratiosum in oculis habuit †. *Non video, quibus rationibus Erasmus nonnulli Lutheranorum partium affirmant.* Si æmulatorum legis calumnias, compendiosa via est, qua cognosci possit, an jure ipsum inculcent: si, inquam, *Apologias* ERASMI legere non fastidis. Quomodo enim fieri potest, ut sit *Lutheranus*, è cujus scriptis, ut paulo ante mentiebaris, *Lutherum* dogmata sua fulcisse volunt, & exfluxisse: quanta hic confusio? jam Discipulus, jam Magister est *Lutheri* ERASMUS. Quid audio? Jam vivit, jam mortuus est *Arsenius*. Nasum, precor, *Philopseude*, vitreis orna conspicillis, nullum *Lutheranismi* in Lucubrationibus ERASMI omnibus tibi apparebit jora; imò etiam veræ confessionis modum

† Matth. xxv. * 1 Corinth. xv. † Hebr. xv.

A pium, ibi descriptum invenies: nam, ut video, maxime tibi probatur Auricularis illa Confessio.

Sed quod conquereris, in tempora nos incidisse durissima, experientia ipsa docet: olim enim erat crimen, famolos dialogos spargere, nunc tibi ipsi videtur lusus festivus. Te enim hominem lepidum videmus, ut alios nihil æque oblectare ac ipsum calumniandi studium: quo totus flagras, homo cautus, ac prudens, mendaciis & imposturis plenus. Quam vere enim, quam lepide nobiscum agas, age ostendam. Optarem autem, ô candidissimi, dum mortui hujus calumnias vitare nequeunt; saltem à vivis, illiberalibus suis mendaciis abstineret: vos ipsos, vos (inquam) ipsos jamjam hostiliter laceratos sentietis. Nemo non videbit hunc mendaciis tam vafre pugnare, quam fortiter veritate illi resistere possumus. Nemo Miles patriam, Parentes, Conjugem, Liberos, aras, focos tam pertinaciter unquam defendit, quam impotenter hic parricida *Ἀλκίμαν*, quam sibi Matrem finxit, cognomen ab ea mutuando, impugnat: sine stomacho, sine dolore, Viri candidissimi, dicere nequeo, quam callide, quam vafre, imò quam nequiter æstimationi vestræ, nigerimam notulam inurere quærat. Rogo vos per *Christum*, excidit-ne ERASMO vox ulla, quæ animæ immortalitatem in dubium revocare potuisset? Quæso, hujusmodi philosophia imbutus, familiaritatem vel vestram, vel ERASMI demeruisse unquam? Obsecro, in tanto Theologorum dissidio, hoc seculo *Germanis* hæresis ista innotuit? Sed quo rapior? penes exciderat, quibus loquerer. Ignoscite, ô candidissimi, hic enim subdolo suo calumniandi genere, huc me impulit; si quid erratum, si peccatum aliquod, non mea, sed hujus culpa est: introducit enim ERASMUM jam morti propinquum, vos sic alloquentem, *Facitis profecto istis lachrymis, ut mihi suspicio injiciatur, desperare vos de illa mortuorum excitatione.* Dandum hoc omne esset maledicentiæ, Patres optimi, sed dignitatis vestræ ratio habenda quoque est. Nemo unquam vel tenuissima suspicione ejusmodi opinionis, vel pietatem, vel integritatem vestram adpersit. Sex mille persuasiones pulularunt, nemo autem tam demens apud *Germanos*, qui hujus doctrinæ aut Præceptor, aut Discipulus esse vellet, inventus est. Præterea, quo minus ERASMUS noster ejusmodi suspensionem de vobis in petus suum candidum demitteret, partim animus, hujus dogmatis nihil sibi conscius, in causa fuisset; (minime etenim suspicax est, mens sibi bene conscia) partim quod parum sibi dignum visum fuisset, tales tam integro Viris suspiciosa oratione alloqui. Quid, quod præter te, ô *Amorhachi* candide, ac *Hieronymum Frobenium*, *Episcopium*, paulo ante quam defungeretur vita, nemo intromissus est. Intromissi, per candorem vestrum, præter religiosi animi exempla, præter *Christiana* patientiæ documenta audistis, vidistis-ne aliquid? Quid igitur hic ista consolatoria, non ex *Ciceronis*, non ex *Quintiliani* præceptis, non ex ore ERASMI elaborata, sed propria maledicentia exarata? Facile igitur, ut par est, furentes ac violaticos impudentissimi hujus hominis sermones, de Republica benemeriti, & charis hominibus, Lector æquus, si sinistra nulla me fallit opinio, spernet. Converti in illum enim possunt omnes, qui non semel interitum pro morte *Christiana*, nominare auditus est. Deinde etiam vitiosissima ac maxime profana illa mortalitatis animi opinio ortum habuit, viguitque diu jam inter illi quam nobis proximiores. Iterum igitur mihi repetendum est, de mortuorum excitatione, nullum esse dubium; nec interitus mentio ulla, ubi *Christus* magis quam meretrix illa *Babylon* colitur.

Jam vero quod subjicit: *Oculos habebat in calumniabatos, de contemptu mortis, de spernendis divitiis agens.* Id etsi omne egregie ementitum nescirem,

cujusmodi esset, intelligere non possem: subjungit enim: *Quid plura commemoro? nihil omisit, quæ à Christianis hominibus proficisci solita sunt.* Bene, quid plura? Num enim qui docet, in corporis secessu omnes esse curas abigendas, magis verbis, quam exemplo doceret? num qui docuit, doloris senium, haud non admitti, sed sistere debere? qui hominibus lachrymas non ademit, sed solatia admittere iussit? qui felicitatem sibi ab æmulis invideri, contempsit, de Amicis, quos ex se æstimavit, tale quid suspicatus esset? Qui summam lætitiæ suam, quam in Christo Jesu solo habebat repositam, nec Satanæ minis cohibitam, num lachrymulis contaminare pertulisset? num, inquam, ægre tulisset homines esse, quos habuit Amicos? Jam si adfuissent, qui flevisent, commutationem optabilem, an potius diremptionem usus dulcissimæ amicitiae deplorassent? non, inquam, cadit in hos mores, in hanc vitam, in tales homines ista suspicio. Nova autem, in te vero est inveterata ac singularis importunitas, inauditis mendaciis ardens. Nolite, ô candidissimi, arbitrari hominem hunc, ut dictoria ejus arguunt, repente mutari posse: ut ajunt enim, χαλεπὸν χορὸν κῆρα γόρου. Nam mentiendi morbus, ut usu in naturam transit, sic vanitatem gignit, cujus propositum ipsum futile est, leve, inane, ac vacuum; fingens, quæ nusquam sunt; ea mentiens, quæ fieri, aut esse nequeunt. Quod quidem hic noster satis docet, inquiens: *Ad insperatam ejus mortem accesserunt in Erasmus mortuum Monachorum injuria.* Quid his evanidum magis? Jactat Anihemonides ille Comicus strenuitatem suam, ac in coelum effert, visco & fundis in pugna Penthestonica volaticorum occisionem: *Pyrgopolimices* quot uno ictu machæræ suæ perquam hebeti, neci dat? Ambo, me *Herole*, militanter, suæ enim vitæ instituto impense, magnoque cum studio oblectantur. Professionem ergo mentiendi si quis sibi vendicat, partes suas ut tueatur, quoque oportet: in promptu enim est *Aristophanicum* illud,

Ἐγὼ δὲ τίς, ὡς ἐκαστὸς εἰδὲν τέχνην.

Philopseudi igitur si quis artis hujus primas præriperet, *Jovi* fulmen surreptum nemo temere affirmaret: nam hucusque nil nisi mera ac impudentissima mendacia audistis, maliciosius adhuc mentiendi studium audituri. An non maliciosum est mendacium, quum quis sciens ac prudens mentitur? si *Philopseudi* constat de morte ERASMI, quomodo, ubi mortuus sit, eundem fugere potest? Si *Basilea* in hac inclyta Civitate (quod quidem suppressit) vita defunctum audivit; qua fronte igitur insignibus injuriis à Monachis corpus ERASMI tractatum esse scribit? quum nec ordinis ullius secta Civitatem hanc inhabitet. Si vero illum hæc omnia fugiunt, nome *Dialogus* vanitatem impudentissimi hujus *Basiani* docet? cum fingit, quod me tacente ab omnibus redargui potest; quum scriptis asseverat, quæ nusquam acta sunt; quum non pudet illum pronuntiare, quæ omnes sciunt esse falsissima.

Non morabimur vos amplius, ô eandissimi, miremur potius jam, quæ ipse pro miris deblaterat: inquit enim: *Mira affers, sunt tam impii Monachi, ut defuncti Erasmi nulla sint misericordia percussæ? ut in illos sevant, qui jam lucis usuram reddiderint?* Tuo te gladio jugulas, *Philopseude*, nemo negat te esse impiissimum; qui sic in ERASMUM mortuum animi furias egeris; tamen mirum nihil est, quod profers: nam pejora Cucullatorum pessimi olim ausi essent, ac si commoditas illis affulgeret ulla, serianum crudelissima quæque auderent. Vixente enim ERASMO non defuerunt, qui sordidum more stridentes, metu conscientiae dementati, quicquid in pessimis scriptum erat, in illos ipsos quadrare denuntiarent; prævaricationibus omnigenis tela conjecta amoliri conantes. Proculdubio quoque, si tantillum

A adhuc haberent auctoritatis, crudelitatis genus nullum (nam ut Græcum habet Epigramma,

— Οἷοι δὲ αὐτοί.

Νεκρὸν σῶμα δέοντ' ὁρίεσθαι ζῶντος λογισμῷ.)

intermitteret; lucatam illam sanctitatem, quæ jam aliquot secula hominum simplicitatem (de malis loquor) decipere, sævitiam suam exquiritissimis exemplis satis demonstraturi. *Ipsissimi impietatis* (inquit) *sunt Germania Monachi.* Permulti sunt, quos unico verbo hujus opinioni concilians, nec sententiæ tuæ alienos haberes, etiam addidisses (quod verum esse, nunquam potest), nusquam bonum inveniri Monachum: tantummodo vide, ne plus nimium dissimules *Naufragæ*. Utcunque autem, malum agis Patronum, qui mercedula quadam conductus, ni fallor, ut somnia Monachorum describeres, ipsorum infamiam renovas; tales autem an sint *Germania* Monachi, nescimus: nam otiosorum collegia jamdudum abrogata sunt hæc, & alibi ubi Christi Operarii laborant: optarem autem, nullibi quam in *Germania* pejores inveniri Monachos.

Sed audiamus somniantem, quis enim somnia esse negaret, quæ sequuntur? *Sunt primæ rasciæ est, exitum efflavisse habitum, vidisses illos cum Mulierculis, quas ex stultis infas facimus consulant.* O te *πολυμήχανος* calumniatorem, qui nec in somnis calumniis abstinens! O divinum Vatem *Laetium* illum, qui somnium tuum tot seculis prævidit! inquit enim:

Es quæ quisque fere studia defunctus adhaeret,

In somnis eadem plerumque videmus abire:

Quam multiplex sis calumniandi arte plus quam ut dissimulari possit, hic innotescit: depravas enim referendo, quæ ERASMUS scripsit, ut non ipse scriperat, sed ut sunt calumnia accommoda. Non tibi satis est, toties ab ERASMO responsum, De pijs se nihil loqui, sed impostores iis similes, qui resubornarunt, ut digni sunt, notare: quodque ex stultis infas faciant Mulierculas, etiam si ERASMUS tacet, affirmare ego audeo: nam memini in *Italia* à quibusdam Mulierculis, si quem hominem bene curatæ delicatæque cutis, ac *Veneri* apto corpore videbant, ipsum sanctissimis illis, quos habetis, patribus æquiparari: proverbium illud vulgari ipsarum lingua jactantibus, *O ch' carne d' frate.* *Μεταμέφους* igitur hæc, quod te tantum exagitet, nihil est, *Philopseude*, majorem nobis admirationem adfert transformatio illa, quod Monachi (quo vocabulo nos cantherium vocitamus) tam scitos apud vos se præstant emissarios, ut etiam lupæ omnes *Venerem* eorum laudent; quos (ut ipse dicis) sese tam immoderate jactare facile credo: sæpius enim *Caligula* triumphos imitatos audivimus; fuerunt enim inter eos, qui etiam donativa dare consueverunt iis, qui ERASMUM vel vita sanctum, vel opprobriis affectum mentiebantur. Quid mirum igitur, cum exsoquar illi etiam antiquissimo ritu peractæ sint, ac vere, quod tanquam amentes, sese etiam adfuisse somniant? quod acriter momordisse, arrosisse putant, de funeris, de tædæ, & hujusmodi spectaculorum pompa veram sententiam? Mirarer ipse profecto, si requirer precarentur ei, quem calamo, & inaniæ ipsorum aspergillo, toties in litterarum optima tranquillitate obturbarunt; si lucem optarent aberi, qui tenebrosissimis hujus mundi involucris capti, nec lucem ambiunt, nec pati possunt. Quas litteras in pretio haberent ii, quos ipse impios, male sanos, facilegos, amentes appellat homines; qui *Nemo* quid justum sit, novant, neque quid sanctum: pervertunt, corrumpunt omnia. Hoc ipsum ego nesciebam, sed jam tibi-ipsi credo, clientulos tuos, *Nihil* quoddam per naturam fas sit, aut per leges ullas liceat, delectare. Sed de his ego quid plura? Ita me *Christus* amet, ut tui me miferet. Sunt, qui imprudenter mentiuntur, non sine subore, sunt, qui

vera sibi videntur dicere, etiam cum impudentissima mendacia effutiant; sunt, qui non sentiunt mendacium, ac tanto securius absque cautione peccant: te vero nihil pudet, tibi conscius mentiris; ac tantum abest, quod mendacium præcaveas, ut etiam quovis modo virulentissimam ac plusquam scurrilem scurrilitatem tibi inesse docere studeas. Vide, quæso, ut cum *Tibullo* loquar, quam

Somnia fallaci ludunt temeraria nocte:

Habita est (tua sunt verba) *ab Adolescente gratioso Funebris Oratio.* Quem hic nobis narras *Socratem*, quem *Alcibiadem*? *Adolescentem* omnem hujus vitæ decursum expromeret? quem pii pariter & docti Viri omnes, nullo artificio, nulla gratia, nulla copia pervestigare potuissent. O te puerarium, qui Adolescentium ingeniis tantopere delectaris! *Habita est Funebris illa Oratio à piissimo Viro, Osualdo Myconio Lucernano*, summæ Ecclesiæ *Basilienfis* non pœnitendo Pastore. *Verborum illa puritate*: qua nimirum ad debitas gratiarum actiones Deo Opt. Max. qua ad congratulationem reique defuncti, qua ad foelicem agonis cursum pii omnes accenduntur. *Eoque sententiarum verborumque apparatus*: quo non modo quotannis, sed in dies in *Christo* obdormientes, sepulturæ traduntur. Rogo te, considera, qua fide omnia effundas, qua ratione mihi sint defendenda, quæ objicis: nemo enim non sentit tua dicta, non modo pungeret, imo urere, pustulas inducere, vellicare, aperta que petulantia, moribus viperinis lædere. Non ulque adeo est tutum, dicere in *ERASMV* quidvis, quasi referre non possit: ad omnes enim bonarum artium amatores & Amicos hæc pertinet injuria. Subjicis: *Commendabat facundum Orator, hominis castitatem*; illi, turpissimam libidinem objiciebant. Audebo vos, ô candidissimi, quorum major pars perlongam cum *ERASMO* familiaritatem habuit, audebo & alios Viros præclaros, qui in vita hac, adhuc aura fruuntur, quorum plerique consuetudinem cum *ERASMO* nostro habuerunt, interrogare. *Philopseudes* hic *ERASMO ROTERODAMO* libidinem objicit, affinem fuisse (quia ipse, ut pro se verba faciat, adesse nequit) huic vitio, *Nicolaus Olabius Pannonius, Romanorum Regis A secretis*, Vir integerrimus negat: exclamat enim,

Celebs Erasmus, nuptiis ab omnibus,

Et faminarum purus à consortiis.

Utri creditis? Naturam tam amicam Musis, *Veneri* contrariam judicetis, oportet: taceo corpusculum minus validum, ac tam delicata jactatum valetudine. Potero-ne hic aliquid dissimulare? potero jam filere, *Philopseude*? quum inquis, *Efferebat Christianam pietatem*, illi plusquam hereticum atrociter criminabantur. Occinam illud *Catulli*:

Non isthuc satis est, uno se dicere verbo;

Sed facere, ut quisvis sentiat, & audiat:

ERASMV noster multis editis Libris, mira industria, simplici veritate, exquisitissimo judicio, modesti plusquam civili olim etiam doctissimorum Virorum hæsitantiam, ad pium intellectum scripturarum suarum instruxit; insanos, tuique similes blaterones, qui nihil frontis, nec cordis hilum habebant, terræque illa onera, qui illum hæreseos insimulabant, fortiter mendaces, ac equitando canentes, toto orbi propinavit deridendos. Impudentissime igitur tu quoque, qui eandem decantas cantilenam, mentiris, *Frugalitati luxum* opponebant. Puto *O'evdoφαγέτα*, qua corpusculum delicatum, laboribus, atque studiis obrutum, fovere solebat. Scis enim Medicorum gloria, ex *Agineta* doctrina gallinas coctrici facultati maxime obtemperare, ac stomachum adjuvare; cum plerique Mendicantium etiam annuos redditus gallinarum collegiis suis enixe procurant, quibus otiosis, maleferiatis & robustis Juvenibus ventrem fargiant; aut tot pullos emendicare solent, quibus non bene castratos capos saginare

A possint. Forfitan etiam *Burgundiaci* vini sitim illi exprobrabant, quod ob calculi crudelitatem; qui eum magnopere vexabat, ac ob nativam suavitatem, humiditatem, temperaturamque valetudini suæ aptissimum bibere consueverit: cum Critici illi, aut *Greco*, aut *Corfico* vino solum inebriari, non ut valetudini hoc inservire, sed ut de valetudine bibendo & ingurgitando periculum facere velint. Nec dubium est, in foro popinario istorum causam hanc te suscepisse: compotorum enim est, ficulnea auxilia, petentibus statim polliceri, ac aliorum negotiis sese etiam incognitis ingerere. Unde etiam tua hæc verba, *Quod nos morderet, petulantem, procacem, salacem distabant.* Hæc *Helena*, hinc illæ lachrymæ: sanctum est solum, quod hi volunt; hæreticum, quicquid illis displicet; petulans, procax, salax, impudicus, quisquis male de pessimis sentit, quisquis eorum aliquem rei alicujus admonet. Cum vero petulantia, procacitas, salacitas, libidinis sint species, de genere nobis superius satis dictum est.

B Sed præparemus nos ad alia, quæ ne enumerata aliquid appareant, efficiunt; præteritis quoque nugis, quas de exsequiis nugatur: nam in ipsa sepulturæ pompa, Puellas *Venerens* ille nepotulus somniat: fat enim est palam esse, studiosorum humeris illum elatum esse, piissimos hujus Urbis Coss. vigilantissimos PL. TRR. ac è numero Senatorum præstantiores quosque funebri pompæ interfuisse, Academia hujus florentissimæ Professores omnes, pariter ac studiosos, luctu publico Parentem, Benefactorem prosecutos esse; nec non terram terræ, & *Christiane* modestiæ decentem, in monumentum indidisse: nam Funerum ambitionem apud *Germanos* nullam fuisse unquam, etiam *Cornelius Tacitus* testatur. Proinde animadvertite, candidissimi, ut canis venationem somniat, ut totus *Romanus*, noster *Philopseudes*: certum est, si *Aristoteli* credimus, Omnia animantia somniare, ac quæcunque quis impense desiderat, quibusque totus deditus est, in somno illi ea occurrere: hoc etiam testatur *Lucretius* his verbis:

*Atque in qua ratione fuit contenta magis mens,
In somnis animos hominum, frustrata tenere
Plerumque videmus.*

C Legitur apud *Platinum*, aliosque *Romanorum* Pontificum *Biogegus*, *Sergium* illum III. *Formosum* Primi cadaver malo exemplo è sepulchro extractum capitali affecisse supplicio, tandem truncato corpore in *Tiberim* projecisse. Hic perfrita fronte inquit: *Monumentum clanculum resignarunt, miserum cadaver miseris modis lacerarunt.* Fulvia illa *M. Antonii Romana* pestis Uxor, è faucibus *Marci Tullii* (cujus caput diu diris ac maledictis execratum antea conspuerat) linguam extrahens jugiter acicula confodit; hic autem uti sanctos decet Viros, minutius aliquid cum hujus lingua egisse narrat: inquit enim, *Linguam disertam absciderunt.* *Stephanus Sextus*, Papa, etiam *Formoso* Pontifici duos, quibus in consecratione Sacerdotes utuntur, abscindi jussit digitos. En Pontificis summi pietatem, qui minimo supplicio contentus, leviter admodum in cadaver mortuum sævit. At ô *Cajus Herennius* crudelitatem, qui jussu *Antonii* manus *Ciceronis*, cum quibus *Philippicus* illas scripserat, detruncavit. Sed ô vos crudelissimos hypocritas, ô histriones, qui vos *κατήγε* profitemini, quorum habitus tantum, ad beatitudinem facit, quæ vos exagitat dementia? O *Ajaces*, parum pulchre vobis successisse videtur, quod nefanda nonnullorum ex vobis innotuere scelera; fatendum etiam vobis videtur, quæ flagitia (si audaciæ vestræ subscriberet auctoritas) in bonos moli-
F remini. O te hominum stultissimum, *Philopseude*, qui posteritati his nugis tantam invalidorum persuadere conaris auctoritatem. Quam *Latine*, quam patriæ lingua docte scripsit *Cicero*, tam *Christiane*, tam

quem, renitentibus etiam sacrosanctis Bibliis, hebdomadis singulis percipere solent; quibus concubinaria exactio, non minus quam *Vespasiano* Principi ex lotio, bene olet lucrum; qui praestigiis, Theurgia, statuis lapideis alliciamenta induunt; qui vulneratos *Christos* fingunt; qui inanibus verbis facella, (quorum nos olim *Via Appia Roma* unum vidimus, *Domine quo vadis*, appellatum) ut à visitatoribus peregrinis muneraria recipere possint, recentiorum sanctorum ullum, qualem superstitio fingat, spernerent? cum apertissimum sit eos, *Goetia* illa saepius rudes & simplices perterrituisse, & spectris fefellisse; multa Dæmonibus tradentes, quæ ipsi Necromantia perpetrarunt. Quam vellem autem, *Philopseuda*, maxime hoc in loco, operam tuam, quam nihil moror, quam clientulis tuis majore fide impendere debes, proprio negotio, propriis scriptis accommodares. Ut equidem omnibus nervis intendam vanitatem tuam impugnare, mendacia tua evulgare; cuius quo eruditiores omnes calumniarum tuarum admoneas, laboras, ac studes. Quam orbis partem exstare putas, cui desint qui viderint memoriam ERASMO nostro celeberrimam S. C. hujus Urbis, atque pietate D. Bonifacii Amorbachii, Viri sanctissimi, in Aede cathedrali hujus Civitatis, in columnari structura, marmore *Rhætico* locatam? Quam denique sententiam de te ferent olim Viri boni, cum viderint hunc in modum descriptum Epitaphium†? Quam impotenter autem, *Philopseuda*, hic de violato sepulchro somnias: confiteris enim voluntatem tibi non deesse, sed facultatem; licet Leges centum aureorum, damni actionem, relegationem, latumias, deportationem, supplicium summum, violatori minentur. Sed ne omnia ementiri videaris, *Philopseuda*, inimicitarum atque livoris veros demonstras fontes, ac odii tui causam; quod ERASMUS noster toties à bonarum litterarum osioribus impetitus sit, aperis, inquires: *Flagellat malos Monachos aspere, ut in rectam viam, à qua longe aberrarunt, redeant. Addis autem, Plerique omnes orbis Principes à vera gloria cursu deflexerunt. De exteris, nobis minime constat, simulachrum autem integerrimi, & Christiani Principis, adhuc ostendit invictissimus Carolus noster Imp. quod ERASMUS etiam, adhuc Adolescenti illi tribuit. In Ferdinando Romanorum invicto Rege, illa omnia ab ERASMO deprædicata; pietas, prudentia, moderatio, bonitas, ac clementia, cæteræque animi dotes, tanquam in veteri virtutum speculo relucunt. Cæteri Germaniae Principes, tales se demonstrant, quales ii debent esse, quibus summa debetur cum fide obedientia. Qui autem ii sint Principes, qui, uti tu dicis, *sancti in omnem turpitudinem precipites ruunt infinitis vitiis sese commaculantes, ac flagitiis, qui ab nutu eorum pendunt, perdunt.* Tu homo πολυλογος, qui Viris Principibus tam dignos soles dedicare libellos, scire melius potes; nobis haud curæ erit, hoc contentis, ERASMVM nostrum summis Pontificibus, Monarchis, ac optimis Principibus placuisse, libera sua sana, & pia doctrina; quum alii nostri rigidi Catones (ut ea ipsa, quæ hic dicis, fatear) ulla ratione nolint objurgari, aut aliena censura coerceri. Ne autem homo simplex, ac candidus, *Philalethem* seipsum frustra nominasse videatur, tandem suam temeritatem ipse, & hic quoque, prodit; ac ut nihil diutius dissimulet, ipsum rigidis his Catonibus, de quibus illa jam fuit mentio, adnumerari posse studiose explanat: addit enim: *Quo factum est, ut tam acerbum odium adversus Erasmus conceperint, quod temere postea in mortuum effudere: nam illo vivo ne hiscere quidem, ut sunt abjecto animo, audebant.* En cuculum, qui cucullam jam ambit: quis vel jota in ERASMVM mortuum edidit? primus impudentissimus est nebulosus iste, qui tantum ingenuitatis non habet, ut pudere possit. Tu ipse es adulator pessimus, qui Ma-*

* Quod, quia habetur in primo Tomo, hic omisimus.

A nes Viri pii lancinatis; qui plura confingis, qui infinita ac omnia ementiris: tu ipse es, inquam, qui vivo ERASMO, ne hiscere quidem ausus sit, aut fictis nominibus, ut praesenti arte, lusisti: nam subolet mihi, ex *Myrmidonibus* istis te aliquem esse, qui *Patroclo* occiso, terga vertunt, *Hectori* autem mortuo insultant. Sed cum nemo malitiam tuam, etiamsi tibi esset inimicissimus, magis traducere potuisset, quam tu ipse, ut par est, satis diligenter exponis furorē tuum, ac dementia. Nam ut labem quovis modo adspargere possis vel virtuti, vel innocentiae, vel prudentiae, vel existimationi ERASMI, astute te prodis confingere, ac abjecto animo infinita commentiri, pudoreque perpetuo, uti etiam confido, olim mala cruce, mentiendi istam voluptatem redimere. Satiū autem, me *Herole*, multo esset, famæ tuæ rectius consulere, quam alienam ad denigrandam nervos frustra intendere.

B At, o candidissimi, artificem vafritiei, maledicentiae ac calumniae inspicite; ut in alios culpam hanc transferat, subinde laudes ERASMI repetit vociferans: *O nimium amentes, qui evertere conati estis hominem, semper in laude versatum, sine arrogantia gravem, sine ulla segnitie verecundum: cujus eximia virtutes, omnibus admirabiles.* Quid vero amplius? Non illum amariorem senectus effecerat: non erat, ut ceteri Senes, morosus, anxius, iracundus, suspiciosus, difficilis, ad rem non attentus. At o scorpionem, amplexu infigentem aculeos. Putas-ne, *Philopseuda*, quenquam tam stolidum esse, ut non intelligat, quam figuratis occultisque moribus tu ERASMVM petas? ais enim: *Enimvero revulere mihi multi, natura adeo fuisse dura, implacabili, & iracunda, ut uno verbo facile bilis in nasum conciretur: Statim quoque subjungis, Quod quivis nullo negotio ex suorum Scriptorum lectione facile deprehendat: nam sunt ejus pagellæ furoris, odii, dissidiorum, & contumeliarum plena.* Rogo, est-ne hæc audita referre, an propria pronuntiare? Os impudens! in tot Apologiis, adversus quem unquam criminibus egit? cum *Dorpio*, quam agit amice? Cum *Fabro*, nonne præconiis, & amicitia certat? *Latomi* non minus, quam propriam tutatur existimationem. *Atenis* innocentiam magis, quam suipsius dignitatem, defendere studet. Quoties eorum suppressit nomina, qui ipsius nomen calumniis, falso traducere non abstinerunt? *Eduardo Leo* minus digne respondisse cum, olim non omnium indoctissimi, at Viri frugi conquesti sunt: fateor igitur ipsum immoderatam moderationem, cum à *Leo* odiosissime provocatus erat, servasse. *Lopidi*, *Carantiza*, *Bedda* quoque, mascula conveniebat responsio. *Christus* enimvero ipse, infaniae, impietatis, hæreseos, blasphemiae, ac ejusmodi infamiae calumnias responsione depulisset; quemadmodum & hic quoque nobis, crimina tantummodo refelluntur, recriminatio longe abest. Quid autem plura? ubique convitiis modestissima sua modestia triumphat: quod quidem Virorum piorum testimonio, Responsione, qua *Sutori*, qui ultra crepidam, respondet, aliisque Defensionibus suis facile, & hoc te impudenter ementitum esse vincam. Quid autem hoc stolidius, quod subjungis? *Ego sic religiosum tuum existimo testimonium, ut ab aliis sine nefario scelere, certior fieri me posse non putem.* Vide, quam egregie dicta tua cohæreant: non erat, quod Scripta ERASMI, dissidii, odii, atque furoris accusares, o *Pantalabe*; quum monitiones ejus haudquaquam acerbæ, objurgationes sine contumelia, facetudinem ejus absque aculeo; non suspiciosum, haud iracundum, nec impotenti animo, esse credis. Nec est, quod catalogum recenseas fautorum ERASMI: nam, ut verbis utar *Fabri Stapulensis*, Quis non suspiciat, amet, colat ERASMVM? nemo non, qui bonus, & litteratus fuerit: nec ERASMVS se talem unquam præstitit, quod favoris atque amicitiae ejus

eius vel quenquam pœnitere deberet: ac ni fallor, malum tibi dabit *Fortunatus Martinengus*, (quem honoris causa nomino) quum cui maxime favet, etiam mortuum laceffis. Reliquos homines doctos, & ERASMI fautores, quos enumeras, dentatissimis tuis scriptis Amicos tibi facere non potes; si ex animo, ut ais, ERASMO favent. Nec adeo bonam gratiam te initurum credo, quod vel æmulatorum ERASMI virtuosam refricas æmulationem; vel odisse dicis, quos cum summo habuisse honore apertissimum est. *Lazarum* primum facis æmulum *Bonamicum*, quem Scripta quoque ERASMI non probasse dicis; hoc odisse non erat, sed æmulari. *Themistocli Atheniensis*, *Miltiadi* Trophæa somnum excutiebat; quî fieri possit autem, quum *Laurentius* ille R. D. *Campegius*, Vir laudatissimus, animo se scribat ERASMO addictissimo, quod *Bassianus* ejus clientulus, Mœcenatis & Patroni Amicum spernat, miror. De *Forojulensi Julio*, Viro excellenti tantum, quod credam, habeo; si, ut tu fingis, ERASMUM odit, fatale esse *Julii* nomen habentibus id, quod olim *Lucanus* de Cæsare cecinit,

Nec quenquam jam ferre potest Casarve priorem.

Nec unquam credo, mellitissimi *Xenaphontis* mellito Interpreti *Romulo* illi *Amaseo* tantum inesse amaritudinis, ut sperneret vel Musis solum tinctum: taceo, lactatum ac potum *Palladis* lacte, pinguiusculum Alumnum. De *Romana* Academia quidvis, quam odium ERASMI mihi persuadebis potius: testem enim habeo, te impudentissime mentiri, *Paulum Bombasium Romanum*, atque eruditissimum Virum, quatuor SS. Cardinalem, cujus subnectam verba: *Roma* (inquit) *praesertim, ubi rerum omnium censura peragitur, ut ubique Gentium, Scripta tua omnia bene audiunt, atque a doctis omnibus expectantur, ut nihil antiquis cedant. Longolius irridebat: & hoc te e mentitum esse, ipsissimis Longolii verbis convincam: inquit enim: Sineo namque ERASMO, si quis mortalium alius, tametsi de facie nunquam mihi viso: idque ob communem patriam: (summus enim ejusdem, ut nosti, & lingua, & ditionis) solo autem ab eximias illas animi dotes, quas in eo ita suspicio, ut votorum meorum summa sit, hinc ad annum etiam alterum supra vicesimum, quo me aetate superat; si non illum, quem nunc tenet, saltem proximum eloquentia gradum attingere. En iridentis vocem! Quid si risus hic est, nonne impudentissimum est, aliud scriptis profiteri, aliud animo tenere? Tu ipse si etiam nihil decerno, quæ, & quam vera effundas, recolligito. *Budans* ne tanti quidem faciebat. Longum & ille valere (ut audio) jussit Musas, auraque hac frui desit, quem si viveret, elinguem haud experireris: ac ni fallor candore animi, innocentiae ERASMI Vindicem præstantissimum: aliquos summa lætitia frui, quum eruditorum paria contentionibus committunt, exemplis plurimis comperturni est; verum tales commissores, ambobus contentui fuisse, ipsissimum id fuit, quod vel litteris politionibus augmentum, vel ipsis Viris pari excellentia præditis, non minimam foelicitatem, atque gloriam maximam comparavit. Sed quam nihili faciebat ERASMUM *Budans*, quivis amborum *Epistolarum* lectione perfacile comprehendet: ego, licet multum annisus sim, gustu nullo, nisi ERASMUM, *Budai* præconem honorificentissimum, *Budam*, ERASMI encomiasten effusissimum deprehendere potui.*

Operæ pretium autem est, ô candidissimi, audire, quemadmodum lasciviat noster hic *Philopsendes* apertissima sua vanitate; nec satis admirari queo, quomodo mendacii perpetuitas tantum loci in mente atque in voluntate hujus obtinere possit: *Quanta* (inquit) *Erasmus* vita rectitudine fuit, licet aperte intelligere, & testatur ex tabellis plurimis in ipso templo suspensis: nam cecis multis, multisque surdis, &

videndi & audiendi vim probe restituit. Mendacem memorem esse oportere, persæpe, ac non de nihilo audiendi dici: hic dictorum parum memor, in templo, quem paulo ante æquatam solo dixerat, tabellas suspensas dicit plurimas. Item miracula enumerat, atque testimonia pietatis, tamen ausim jurare more *Caipha*, ut invitum, sic sui ipsius nescium, fucos tamen oblitam dicere veritatem: nam templum illud, totius litteraturæ theatrum esse, nemo negat, in quo noster ERASMVS, vitæ rectitudine observatus, ac scriptis ad miraculum usque doctis, post mortem suam in unum collectis, & editis, aperte cuivis suam erga Deum pietatem, ac amorem erga litteras ostendit; sanoque cuique verum judicium commodius quam antea, cum adhuc privata privatum excussa erant, deferentia. Quibus etiam pene divinum illud ingenium ERASMI tot tabellis eruditorum Virorum celebratum, oculis & auribus subicitur adeo, ut nullæ amplius vel hæsitationis reliquæ, aut vestigia venandi calumniam apparere possint. Sed heus tu, *Philopsenda*, qui Scripta hujus diffidenter legebas, qui fit, ut censura illa Theologorum *Parisiensium* tantopere tibi videatur contemnenda: quæ ERASMUM notat, quod in *apotheca Capnionis*, demortuum *Hieronimi* Collegam faciat: cum plus habeat similitudinis (quam triplex illa linguarum scientia conciliat) *Reuchlinum* cum *Dalmata*, quam ERASMVS noster cum Martyribus: inquis enim, *Erasmum conspexit nova martyris palma donatum*. Taceo figmentum illud de Angelis, merita ERASMI jactantibus, cum ERASMI divinam erga *Reuchlinum* benignitatem solummodo prædicat: itaque materiam fingendi alias undecunque petiisse tutius, magis pium quoque fuisset. Nemo autem nisi perditissimus, non sperat, ERASMUM cum Christo vitam jam vivere sempiternam; nemo inficiabit pro Christi gloria, multum laboris illum obiisse; ac satis devorasse tædii curiosioribus respondendo, qui toties illum impetierunt: quanquam & id, absque infamatione, aut hæreseos criminis insimulatione ullius præstitit. Unde iterum mihi admonendus videris, ut defenforem tam strenuum te prabeas, quam inconsideratum Judicem pronuntiando te exhibes: satis enim temere te loqui audimus, cum ais, *Hæreticos homines totis Voluminibus saepe conscidit*. Quorsum autem attinet illud? *Vivat perpetuo inclytum illud Germania decus*. Laudes tuas moramur nihil. *Decus Germania*, nominarat ERASMUM vere ille *Sapidus*; tu plusquam in alios, in hunc æquior ac modestior, dictum etiam hoc ab Angelis approbatum, acclamatum affirmas; quum nonnullorum ERASMI benevolentum vel amica, vel laudabilia Epitheta, animo fucato scripta esse paulo ante ajebas: malam igitur initurus est *Sapidus* doctissimus apud doctiores gratiam, nisi tuis te depingat coloribus.

Excessivus tandem *Elysos* campos, enavigandum nunc est *Averni* lacus. Qualem Artificem auditis, ô candidissimi, notate, precor, descriptionem: *Cum hac animo attento intueretur, ut oculos suos ad impiorum locum steteret, plangor & lamentatio, quæ inde multa, magna vi erumpebat, effecit: tum liquido quam plurimos exaudivit Divum Erasmus magna vocis contentione rogare, ut injuriarum, quas illi stulte fecissent, oblitus supplicias actutum ferret; ardorem, quo misere torquebantur, celesti rore mitigaret, &c.* Dignus, me *Hercle*, homo, qui vel *Brandonis* purgatorium, vel *Patrisii* antrum describat. Salva res est; vicerunt, qui animorum remissibiles cruciatus formidant, propugnatores tam ingenioso; qui etiam non sua opinione ducitur, nec ex *Jovis* Tabulis, sed fide multo digniores nempe ab Urbe citat testes: non procul enim à *Roma* (quam, ni fallor, antea per *avrovμαciav* Urbis intelligi voluit) visa sunt hæc omnia, Viro, ut profert *Romana* tellus, sanctissimo. Vereor autem ne nimio somno, Vir ille memoria excussus, visio-

visionem ut vidit, integram proferre nequeat: veritati enim parum videtur consonum, ERASMV, qui vivus, quantum in ipso fuit, animarum salutem studuit, auctoritate sua non subventurum, si posset, Manibus; aut cruciatibus, ut detorquerentur pati, quos homines, homo ad quietem tanta amabilitate invitavit; proculdubio saltem *Germano* illi, tibi tam facile noto, suppetias tulisset. Sed hinc colligi potest, & te quoque homine sancto teste facile ego vincam; aut fabulam esse, poenarum remissionem; aut nullius sanctitatem prodesse iis, quibus *Romana* Curiae mores in aliquo displicent. *Germanorum* equidem iudicio (quod habent nihil aliarum nationum inferius) ille de quo suspicaris, ut Eques militarem, tamen nec omnino non *Christianam* in promovenda *Christi* gloria, diligentiam adhibuit: pertulit labores, pertulit exilium, in quo quorundam instinctu deceptus, Amicum, minus tuo Dialogo impudentiore expostulatione laceffit; cuius Spongiam exsul vitam exsuens, quum etiam non vidisset, tamen praecipitem suam temeritatem deploravit: apud ERASMV autem, quam non meruerat ab eo, decentemque *Christiano* precationem misericordiae Dei invenit, quum ob pessimorum admonitionem à *Romanensibus* proscriptus erat; sic ERASMV noster semper injuriae immemor, cum etiam corruptissimi correctionis impatientissimi existunt. Videmus autem, qualem agas *Momum*; quid videas, cum inquis: *Ad erat, qui lingua Italica magna effusione lachrymarum ejus fidem imploraret, Vir splendido apud suos loco natus, celebri familia, apud purpuratos Patres clari nominis, Legatus in Galliam diem suam obiebat, qui longo volumine Erasmus conscidisset.* Quid uteris aenigmatibus? cur non egregie egregium enarras illum *Carporem* Principem? Fieri equidem non potest, quin inter doctissimos quosque oboriantur aliqua simulata, sed diutius non solent durare. Nec dubito, si viveret *Carporem* Princeps illustrissimus, & cum nobis hominem Fata non eripuissent, quin in concordiam facile cum ERASMO redactus esset: erat enim Princeps, ut dicunt ii, qui hominem probe noverunt, prudens, modestus, suis consiliis non omnino obsequens; nec ERASMV ingenio irreconciliabili, ut tanti Viri, si perspexisset innocentiam, abhorruisset Genium. Cæterum tibi, ut hanc refricares Tragœdiam, causa iniquior videri debuisset: paucos enim invenies, qui se arbitros in ea constituere non recusarent. Quod autem *Julium Scaligerum* docte insanisse affirmas, non aliter intelligo; quam quod insaniam, ut injuriam ERASMO inferre posset, finxerit. Veniam autem non meretur, qui simulatione insaniae, injuriam alteri infert*. Sic quem apud inferos cruciandum deploras, Reum publicis in judiciis agis. *Stephani Doleti* exstat Palinodia, quam ex parte recitare non gravabor:

Rapuit mors nimium rapax,

Germana patria decus,

Doctoremque decus, quoslibet Italia

Tellus, Gallaque proferat.

Quamquam aut stylo, aut pugione confodiat aliquem, *Doletio* idem est. De *Tusano* miror, quid tibi in mentem venire potuit; à quo ERASMV in nullo unquam læsus; quamquam Distichon illud, à *Doletio* tam pompose recitatum, magno *Tusani* (si vera refert *Brixium*) dolore exiit, cum culpæ tam strenuum deprecatores, *Brixium* doctissimum Virum, si ERASMV antea non fuisset in illum defecato animo, habuisset: *Joannem Genesum*, *Pisicensem*, Viros doctos, odisse quenquam, aut ERASMO inimicos existisse, credo (si modo vivunt) ingenue negare. *Stunica*, qui nullo interdicto compelli potuit; *Hispania* Monachi, fictis nominibus feroces, mercedem habent suam. Ea modestia, qua *Lucretia* Theologi rem egerunt, moderatam tulerunt responsum. Scribit Evangeligraphus ille *Lucas*, Simulatam, quæ in-

* ff. Vet. Libro 1. Tit. XVIII.

ter *Pilatum* ac *Herodem* intercesserat, illusione *Jesu* finitam esse: ut nunquam tui es dissimilis hypocrita? ubique consentiens ab ERASMO dissentientibus. De *Bucero*, cæterisque *Argentorati* Theologis nescio; severius autem in *Erasmopoli* animadversum esse, quam in ea ipsa Civitate nullibi scio. *Lutheri* styli nemo unquam amarulentioris sensit, quam ERASMV, fateor; perniciores nemo, quam *Romana* Curiae sentina; nemo inimicioris, quam hypocritæ: attamen in odium ERASMI, hic homo impudens *Luthero* adulatur. Omiram perversitatem, de *Petro Curio* tacuisse satius fuisset: nam *Curium* aliter nihil affectasse, quam ut ERASMI Scriptis, sua magis innotesceret industria, frivola illa digladiationcula satis superque apparet.

Sed rogo, candidissimi, hujus inspicite impudentiam, non secus ac Cæcias nubes, ad sese lites attrahens, inquit: *Multo asperius flagellabitur, nescio quis è Sabinis nuper profectus, relicto aratro, qui se Floridum inscribit, cum minime floreat; sed fortasse atrabilis, qua vexatur, illum excusabit, aut imperitia purgabit.* Nisi exstarent Scripta *Floridi*, mirum non esset admodum, si suspicio increbresceret æmulationis. Nam quem propius cum ERASMO conferam, aut dicendi copia, aut scriptorum amabilitate non habeo, quam unicum ipsum *Franciscum* vere *Floridum*, qui lustro adhuc tertio non impleto in familiaritatem *Carporem* Principis adscitus est, ex *Decii Syllani* litterario ludo: ab aratro, an ad *Decium* venerit, nescio; haud enim rustice, sed doctiorum calculo *Romane* optime loquitur. Sed ô veterem in *Panlo* III. Pont. Max. *Romanam* indolem, qui exemplo Majorum suorum (qui *Cincinnatum* ab aratro ad Dictaturam toties evocarunt) Nepoti suo Praeceptorem tam agrestem elegit. Extra jocum autem, quod in ERASMV, *Floridum* animo non amico unquam aliquid scripsisse constet, tam impudenter ementiris, quam ingenue ipse faretur, se ERASMI gloriae semper favisse; quam sedulum se præbet contra *Doleti* Furias (*Germanorum* ferme rubore) ERASMI Patronum. Sed his quid immoror, nemo mortalium est, qui ut Amicos, sic etiam non inimicos habeat. *Momum* enim; atque invidentes semper iis imminet, quibus (ut ait *Pindarus*) Virtus celebrem gloriam adstillat. Eo ipso etiam teste*,

Κέραςον δὲ οὐκ ἐμὸν φθόνον.

Et alibi †:

Ἰσχα τε δὲ ὀλβος ἢ μέγιστον φθόνον

Ὁ δὲ χαμηλὰ πνέων, ἀφαντον βρέματι.

Adde quod tanta invidia atque æmulatione, virtute parta, gloria pro maxima habenda est. At iterum ut mendax, dictorum parum memor, *Philopseudes* noster ait, *Sed me Erasmi interitus magis adfligit*: ac quem paulo ante in beatorum numero visum fuisse, interiisse affirmat homo *Latinitissimus*: quum etiam antiquissimus ille Philosophus *Mercurius Trismegistus*, Nihil eorum, quæ in mundo sint, interiire dicat: imo filium objurgat de Mortalitate animi quæstionem introducens; mortem vanam, solamque dissolutionem esse in corpora indissolubilia contendit. Aliunde quoque jocandi locum magis pium quæsissem, quam ab impiissimo illo voto, *Utinam meo interitu anteverissem.* An hoc votum sit *Christiano* homine dignum, ignoro; certus, *Christum* Filium Dei, ne homo interiret, etiam mortem omnium crudelissimam infamissimamque subisse: etiam ipsi tuo voto subscribere, doctrina *Christi* prohibemur, meliorem tibi mentem comprecantes.

Sed animadvertite, ac ne ventis verba profundam, facite, ô candidissimi: expediam consilium impudentissimi hujus nebulonis, qui hoc sibi persuasit, simulabo in Dialogi prima facie luctum misericordiamque, deinde quicquid ad movendam suspicionem.

Tom. VIII.

Rr

ad

* Pyth. od. 1. vers. 164. † Il. d. cd. xi. vers. 45.

ad concessandam invidiam, ad refricandam veteris tragoediae memoriam pertinere videro, id perperam ex omnium scriptis undiquaque decerptum, interpretabor; fabulamque hanc sic agam, ut hebetioribus haud facile, ubi scorpius, sub quo lapide deleat, oculatioribus vero, serius odium atque livor apparere possit, magnum plausum à theatro hypocritarum, atque bonarum litterarum osoribus acquisiturus. Denique convitiis ac scommatis impotentibus ita in ERASMUM debacchabor, ut semper culpam in alium transferre possim: interim Religioni, Nationi, doctis indoctive Principibus, Civitatibus, nec sinceritati cujuscvis parcam, venenatum illud poculum, melle praelitum omnibus propinans. Hinc aequi illi ac modesti Theologi, bellacissima, praepotens, nobilis *Germania*, anima ERASMI generosa, Monachorum in ERASMUM impietas; hinc castus, pius, frugi, verecundus, in suis admonitionibus benevolus, non morosus, bonis amatus ERASMUS. Hinc apothecosis ERASMI; hinc cruciatus eorum, qui in illum inveci sunt; hinc ERASMVS, cui tantum debent litterae, quem Musae lugeant, &c. Nimirum hic mel, hic misericordia, hic luctus; sed mox scripta sua diffidenter leguntur, haereseos accusatur ERASMVS tam pius; mortalis erat genitus, alter *Achilles*, durus, implacabilis, iracundus, *Thersites*, *Timon*, quem doctiores omnes odeunt. Quid hoc? nisi venena, odium atque livor: hujusmodi luctu, hujusmodi lepiditate si Dialogus hic non scatet, sim *Philopseuda* hoc vanissimo hominum omnium ipse vanior: prodit enim sinceritatem suam, calidum & frigidum uno ore efflans; altera ostendens manu panem, altera lapidem incutiens. Deplorat Amicum *Fortunati Martinengi* apud eundem *Fortunatum*; sed quaeso, qualem luctus histrionem agat, inspicite: non illum, me *Hercle*, videtis *Polum*, lachrymas & sictum excutientem, sed *Theocrinum* Tragicum repraesentantem: nam in supremo actu cothurnos abiciens, pellem induit caprinam: *Mercurium* solenniorum comitem, vel pejo-rem (si esse potest) sicorum alumnum, agit. Quaeso te, *Philopseuda*, quo colore hic excusabis, vel calumniam evidentissimam, vel mendacium impudentissimum, cum inquis: *No lachryma, nam si tu melius introspectas, intelliges non eo loco habendum esse Erasmus*. Vellem, addidisses causam; si haec est ratio, quam tu profers: *Vir enim fuit, ut à multis fide dignis accepi, male mentis, malique animi*. A malis hoc habeas, necesse est; aut ipse es calumniator imprudentissimus, perpaucis enim probantur boni; ac

Dono probari malo, quam multis malis, inquit ille *Mitylenaeus Pittacus*: quum etiam laudem ab improbis proficiscentem, summo opere praecavendam; ac turpissimum esse, malis placuisse, *Plutarchus* doceat. Videndum autem est, qua fronte dicas, quod sequitur: *Quod mihi verisimile satis esse videtur, cum sis ex condemnato concubitu natus*. Hoc est, ni fallor, defunctos laudare; est, quod hic occinam ex *Sirota* Epigrammatibus:

Qui te surpis, ait, frontem amisisse, quod audes

Hiscere, qua nemo comprobat, aut patitur.

Decipitur, non fronte cares; sed frons, ita lingua

Distat, uti linguam frons premere haud valeat.

Hoc unum nobis edisserere hominis monstrum, quoniam scelere commoverit ERASMVS noster, ut hanc suspicionem impingeres ejus existimationi. Ut donec te verum dicere, per *Christum* dic, rogo, an parum videatur tibi, homo ille optimus, à te toties laceffitus, nisi hanc quoque notam addas? Recollige rete, quaeso, ac circumspecte, quam multi fuere, qui vel naturae favitia, vel stoliditate, vel quaestus vel gloriae gratia, vel denique privato odio ducti, olim ERASMUM frivolis de causis, vel perversis rationibus calumniati sunt: horum autem nullum unquam, quae

A tu jam ementitus es, atque essentia, meminisse invenies. Seditiosum, haereticum, schismaticum, & hujusmodi sex millia convitiarum genera, saepius furiliter, pessimo exemplo, in optimum Virum evomuerunt pessimi: tale autem convitium ne qui somniasset, repertus est unquam. At inquires, primus igitur ero ego, qui quod aliis minus honestum, ac vero alienissimum videbatur, velut araneus ex me ipso texere audebo; hoc tibi vel reluctanti concedimus: nemo enim Vir bonus, exprobrandi causa mihi sero, quem incerto Patre natum esse certo sciret, nativitate obiceret. Tu qui saltem conjecturis inniteris, eo quod ERASMUS à Parentibus modestiae causa laudari noluit; abunde nobiles suos Parentes, propria virtute nobilitari voluit, quorum nomen obtinuit: quod nescis, inurere pulchrum putas, praesertim tali, tantoque Viro, cui si aliquid Natura negasset animi generosi, studium doctrinae, mentem generosissimam concedisset. Immemor tu equidem sacrae Scripturae, quae *Pharez*, *Zara*, & *Salomonem* pro exemplo posuit, ut *Theophylactus* inquit, Ne quidem propter progenitores erubescerent, sed se virtute clariores ut efficerent, adpiterentur: nam Deo Opt. Max. & si qui è scorto nati, virtute autem praediti, accepti sunt. Addendum autem fuisset tibi, inficis atque hujusce rei ignaris hominibus loquuturo, ex quibus Parentibus natus esset: nam ut illud verissimum est, apud *Germanos* illegitime natum, haereditatem paternam nunquam adire, quod etiam Lege Civili cautum est: sic hoc etiam apertissimum est; ERASMUM adhuc infantem matre orbatum, statim puerum patre destitutum, haereditatem ad litterarum bonarum studia absolvenda satis abundantem adiisse. Praeterea tantam litterarum suppellectilem, cui ulla vel ex patre, vel ex matre aliqua innata esset macula, depromere difficile fuisset; carpere enim volentibus in promptu exstitisset omnibus, hoc ignobilitatis convitium, quo vel praeclearissima deprimuntur ingenia; ut *Euripides* inquit in *Hippolyto* *; cujus equidem verba libet adscribere:

Διότι γὰρ ἀνδρὰ καὶ θεοὺς ἐπὶ λαγχνῆς τις ἦ,

ὅταν ἐννεύῃ μητρός, ἢ πατρὸς κακὰ.

Deinde, quis non sentiret mendacis te solum inniti ad satiandam calumniandi libidinem: nam abjecto pudore omni, omnibus bonis tanquam alla *Clytemnestra*, nocens esse studes ita, ut mordacitatis rabie, dissimulare amplius nihil possis; sed aperte quicquid convitiarum occurrunt, in ERASMUM evomis, subjungis enim statim: *Sane miror, quod sic Erasmus mortuum doleas, quasi nullum alium haberes* *Germania*, vel alias habueris Erasmo multo doctiorem. Habuit (Deo gratia) ac habet in linguis, in disciplinis, ac in omni eruditionis genere *Germania* Viros pios & doctissimos: sed quos ERASMVS imitanda podar ἦεν λέγων, ac eloquentiam illius imitari nequire fatentes audire est. Repetis etiam ea, quae antea dixeras, inquires: *Scio multos in Gallia, qui illum inter semi-Latinos Scriptores numerent, quod nullam venerationem delictum habeat, quod raro afferat; quod cum de foris loquatur rebus, non severitatem, ut par esset, adhibeat, sed facetias: cum vero deiosis agit, gravitatem admisceat; neque se continere possit, quin aliquid amari ac scurrilis jocis suis scriptis immisceat*. Qui ii sint, nescio, nec scire laboro; verum nisi Epistolas sine spei, parem facit *Brixius Erasmus Budae*, Gallorum olim ac litterarum Reipublicae decori sempiterno. Ipse *Budae* sese irrumpere, ERASMUM irreperere fatetur. Vis judicium *Borbonis*, audi *Distichon*:

Scis quid ab Hollando Francus Budae Erasmus

Differat? hic dictis allucit, ille rapit.

& hi Galli sunt, ac Gallorum Gallissimi, Latissimissime.

Sed

Voss. 424.

Sed audi Civem Romanum, atque Germanum Cicero-
nem illum, Longolium, qui tibi nunquam, nec tui simi-
libus, cum nec doctissimis de ERASMO & Bndao cen-
suram committit: inquit enim: Esto, sit porrigendus
doctis modo calculus, sint soli litterarum Principes
hac de re in consilium mittendi, quisnam amabo hac
etate dignus, cui tam superba censura jure creditur?
Sed ab re non futurum credo, o candidissimi, censu-
ram *Francisci Irenici* hominis probatissimi, ac in utra-
que lingua Viri non contemnendi judicii, *Philopseudi*
mendacissimo opponere, qui calumniatorum more,
suum minime, sed aliorum stomachum perpurpare
se simulat, interim quicquid in buccam venit, ef-
futiens pro libidine. Inter semi-Latinos ponit *Phi-*
lopfendes ERASMUM; *Irenicus*, utriusque linguae prin-
cipatum illi defert, ac à paucis priscorum illum su-
perari ait. Hic nullum delectum verborum ipsum
habere dicit; ille tantam majestatem tradit orationi
ejus, ut in ea nihil excludatur, quod ullo pacto de-
siderari queat. Hic dicit illum raro assurgere; *I-*
renicus hanc raritatem non adeo parcam, sed com-
pensatam affirmat proprietate, quam juxta varieta-
tem causæ, tam apte affingit, ut muscam in ele-
phanti molem exire cogat, famulante sibi eloquen-
tia. Hic illum seriis facetiam, jocosis gravitatem
admiscere elamat; ille stylum ejus tam proprium
esse rei subjectæ, ut κατ' ὀνομαστοπρίαν quilibet ma-
teriæ suam reddat dignitatem, ut ad fingendam o-
rationi Venerem nemo magis aptus, nemo magis
promptus ipso habeatur. Hic ipsum se continere
non posse inquit, quin aliquid mimici aut scurrilis
semper immisceat; ille orationi ejus nihil interfe-
ri, quod excessionem sapiat. Cujus sententiæ sub-
scribendum creditis, o candidissimi? cum videtis
jam ex altera partē, inimicum, calumniatorem men-
dacem, scurram impudentissimum, probatissimorum
Virorum derisorem, mortuorum jugulatorem, ano-
nymum, atque quorundam Cucullatorum precarium
declamatorem, foetidissimam *Harpyiam*: ex altera par-
te Virum principibus Viris probatissimum, æquum,
pium, litterarum studiosorum studiosissimum: cujus
nomen nec ipse, nec doctrinæ suæ præclara monu-
menta abscondunt, publici Gymnasii Moderatorem;
in quo nulla suspicio invidiæ, aut livoris apparere
potest; hominem sapientem, auctoritate ac pietate
præditum, meo equidem judicio, nequam & malo
convitiatori haudquaquam postponetis. Sed video
vobis stomachum moveri, ad reliqua igitur recurrat
mea Oratio. Revocat nobis *Philopseudes* maligno
animo, præstantissimorum Virorum Germanorum
memoriam, dicens: *Tulit tamen, non diu est, Ger-*
mania duos insignes Viros; Rodolphum Agricola,
& Reuchlinum Capnionem. Agricola nomen, ni
fallor, ex scriptis hominis tenet. *Capnionis* si legit
Lucubrationes, si celebratum ipsius nomen ex *Fa-*
bri Stapulensis, Hermolai Barbari, Aldi Manutii,
Marsilii Ficini, ac aliorum Virorum præstantissimo-
rum Scriptis venatus est; quid apertius quam ad ca-
lumniam aliorum, illum obæratum esse hominem,
magis quam alium temerarium, ac quicquid auribus
illi instillatur, deblaterare? unde enim hausit istud
ænigma, ut pro *Joanne Reuchlino*, sive *Joanne Ca-*
pnione, Reuchlinum Capnionem, id est, *fumus fu-*
mus, dicat? Divinare autem facile, in Altiori
strato, non cuique ad adscensum patenti cubantem
excogitasse. Sed subjungit: *Eadem habet nunc Fa-*
bricium. Capitonem, Megandrum, Myconium,
Struthium, Pellicanum, Bibliandrum, homines sua-
vissimos, doctissimos, sapientes, multa præditos san-
ctitate. En canem, mendico adulantem! Sed per-
git: *Alit Simonem Grynaum, Joannem Senapium,*
Jo. Lucretium, & Amorbachium, homines in omni
judicio elegantissimos. Quam copiosa laus hæc? quam
magnifica? falleris, *Philopseude*, falleris. Scito,
Grynaum ipsum, laudis tuæ minime avidum; nam

A proprio ore miseriam istam tuam detestatus est, me
audiente ipso, ac de hac tua petulantia valde trista-
tus est. Scito, omnibus esse gravissimum, ab im-
prudenter scurra irrideri Virorum bonorum in-
genia. At per Deos immortales, quem ad finem
tandem efferrata illa tua temeritas se proripiet? ni-
hil te movet Virorum doctissimorum candor, nihil
auctoritas, nihil litterarum præstantia? quem illu-
das, in quem tot congesseris calumnias, nemo igno-
rat. O hominis monstrum! Hæres ERASMI hoc
audit, te ipsum, *Amorbachi* semper colende, hic te
o dimidium relictæ *Erasmiana* animæ nominat; lau-
datione sua labeculam tibi adspargere quærit: scio
enim in illorum numero libentius te esse, qui ab
hoc nebulone vituperantur; te, inquam, notat,
designat; hujus tragœdiæ, convitiatorum suorum,
calumniarum quoque applausorem te habere cupit;
sincerum istum tuum animum labefactari posse cre-
dit, vel assentatione, vel adulatione expugnari. Sed
me *Hercle*, animo ut sit præfractissimo, necesse est;
hujusmodi laudatore qui tumeat. Satis laudis detu-
lit tibi Vir ille ornatissimus *Sadoletus*; taceo quan-
tum te ornat vera illa ERASMI amicitia, quam tot
Viri principes ambiere: laudatissimum omnium ta-
men, nunquam satis laudatum te reddit ille amor
patriæ; amor, inquam, ille, qui Virum optimum
Catonem illum, apud *Lucanum*, atque te docuit,

Naturamque sequi, patriæque impendere vitam.
Video fatum esse hujus inclytæ Urbis, semper Ger-
mania decorem ut foveat, enutriat, studia bona &
impendiis & benevolentia promoveat: hinc illa col-
luctatio, (o certamen dignissimum) quæ me in du-
bium vocat, an tu in patriam, an patria in te sit
propensior. Non desunt, qui summo præmio in
aulas te pertrahere nituntur; tu patriæ pietati ma-
gis, quam obtruso pretio inservire studes: Patria
nihil te etiam recusante, quæ ad dignitatem tuam
spectare videntur, omittit. Hæc firma illa laus est,
atque immortalis tua gloria, o *Amorbachi*, cujus
quidem litterarum rivum abundantissimum, inun-
datione mendaciorum suorum debili, sentiret *Phi-*
lopfendes; ni canis latrans, altoris opera, plusquam
viatoris nisu tibi abigendus videretur: quod quidem,
ni me mens fallit præsaga, citius fiet.

Verum his relictis, ad alia gressus conferendus
est: fatetur enim summo cum suo dolore homo im-
pudentissimus infinitos habere Germaniam Viros do-
ctissimos, quos omnes detrectatori huic infensos fie-
ri non dubito, quum ERASMUM, id est, Rempu-
blicam litterariam, in eo, quo se maximum incre-
mentum suscepisse fatetur, infamatum ab scurra im-
pudentissimo audiunt. Quod autem subjungit: *Te*
in primis, Arnolde Arleni, qui defuncti Erasmi ob-
scurabis bona ex parte gloriam. Initio testatus sum
sinistram ac inimicam suspicionem de *Arlenio*, Viro
ornatissimo, ac nisi me ora fallunt modestissima,
concipere nunquam posset: nam qui fieri posset, ut
ille qui litterarum præconia, ac libros elegantissi-
mos undique summo labore, ex situ atque tenebris
eruere sudaret, *Græca Latine* loqui doceret: item
qui facultati, qua injuria affectis auxiliari solet, o-
peram daret, quomodo injurias, calumnias atque
hujusmodi sycophantias confingeret, quibus præ-
stantissimos Auctores *Græca* litteraturæ in *Germania*
sua Vindices, benemerentes homines laceraret? nec
dubito, quin suo se pede ac modulo metiri sciat,
ac nullius gloriam vel extinguere vel obfuscare ni-
tatur; imo pro viribus docto cuique favere, amicus
esse gestiatur. Hoc autem certe scio, inibis apud *Ar-*
lenium gratiam, cujus ego particeps esse nollem,
etiam multum abs te invitatus: quid enim alieni no-
minis ad alterius infamiam usurpatio aliud est, quam
infamatio nominati? Quid, quod convitiatori con-
vitiium suppeditans, ipso convitia deblateranti multo
pejor est? Quid, quod ipsum *Arlenium* hominum

omnium mendacissimum (ipsum loquor venia) imo perverissimum facis? qui nulla conscientia motus, & audita & visa relinquat, somnia atque figmenta Inanissima deblateret? Memini, cum alloquerer Virum ante aedes *Conradi Resch*, Bibliopolæ vel *Tryphoni* non postponendi, me in sermonem de transferendis in alias linguas Auctoribus incidisse: *Arlenius* vendere translata sordidum, ac Viro litterato parum dignum esse agebat. En hominis integritatem, tuam autem impudentiam accipe. Ille (quod multi fecerunt alias honestissimi Viri) bonos Auctores, ac studiis necessarias lucubrationes, Typographis quæstus ergo subicere admodum non probabat; tu vero, nebulo mendacissime, Dialogum, ex quo nisi præsentissima venena, scurriles joci, alia elici nequeunt, (nescio, an pecunias pro eo receperis) pastus tuæ invidiæ, quod forsitan summum tibi videtur pretium, causa evulgas. Divinare autem facile, si conjecturis hic locus daretur, cur *Arlenium* huic pulmento intrivisses: summæ enim tibi curæ esse video, ipsum *Arlenium*, cum pessimis haud faveat, tui similitum invidiæ subicere: deinde etiam bonis invisum reddere, quod cum perficere non potes, ultima tibi videtur machina opponenda; nempe illa, qua olim in *ERASMV* tui similes blaterones usi sunt; qui dum bonis, quod in malos dixisset, probata videbant, alterius partis stylum in ipsum concitabant: qua arte tu quoque triumphum parabis, quum te prodideris ingenuæ, ac nomen tuum edideris; quum *Philalethem*, non *Philosendem* acturus es. Minaris enim majora, inquit: *Teque magnopere rogabo, ne Viri hujus mortem posthac tam dolenter fleas, rursus ex animo condones, qui aliquando illi vel infens fuerint, vel nullo modo esse cogitarint.* Stylum istum tuum karæ *Agælas* averte, precor, stomachumque latrina quadam perpurcato, non litterario in theatro. Sed minis his quid terretur? quid *ψευδόμενα* horreo? Non perpetuo tibi cum *Pairoclo* pugna erit, *Hektor* ferocissime, si pugna te erit inferior:

Ἄλλο δὲ τοι ἔγωγε, σὺ δ' ἐνὶ φρεσὶ βάλλεις ὄψιν,
οὐδ' ἔνν' ἐστὶ αὐτὸς θνήσκον βίη, ἀλλὰ τοι ἦδη
ἄρχη προέστηκε θάνατος, καὶ μοῖρα κελεύει,
καὶ δαίμων Ἀχιλλέου ἀμύμονος Λαοκίδαο.

Vel leviter amasse *ERASMV* oportet etiam, quem consolatione tua luctui detrahas: dolebit enim procul dubio verus *ERASMI* fautor, non mortem ipsius, sed ingemiscet, tuas calumnias legens: qui quidem gemitus, doloris acerbitate, vel in furorem, vel in justam ultionem convertentur. Nec id quid sibi velit, scire possum, cum inquis: *Dabitur à me tuo quidem sensu diligenter opera, ut quædam fieri possit, & accepta contumelia immemor fiam, & jam meditata ultionis obliviscar.* An minæ tuæ tanti sint faciendæ, ut contumeliæ acceptæ sit obliviscendum, ignoro: ultionem quidem nemo meditari potuit, antequam pus ejecisti olentissimi vulneris: id tamen persuasum tibi habeam velim, *Adnastiam* illam *Nemesis* adesse, quæ bonorum præmiatrix, ac etiam si fero, tamen tandem non solum malefacta, sed etiam dicta ulciscitur prava, ut placet *Euripidi*; exclamat enim in *Rheso* *:

Ἀδελφεύη μὲν αἱ Διὸς παῖς,
Ἐργαῖς σεμνῶν φθόνον.

Amicè te admonebo, ne quid tibi cum Germaniæ Monachis sit negotiis, ne ex eorum summa indignitate turpis aliqua labe dignitati tuæ adspargatur. De Germania Monachis tantum hoc dicam, olim immensam turbam fuisse ipsorum, quorum vita vitis satis obnoxia exstitebat, jamjam autem numero pauciores, vita quoque multo meliores videri; nec adhuc inter ipsos desunt, fateor, qui ut ipse dicis, *Vitiles igniculos interdum jaciunt*, mollibus scilicet muliercularum temporibus illos instantes, quemadmodum *Promethem* ille, ut *Claudius* † inquit:

* Vers. 342. † De 17. Consul, Honorii.

A

— Intro

*Sinceram Patri mentem furatus Olympo,
Continuit claustris indignantemque revinctis.*

E quibus magna aliquando erumpet virtutis flamma: talis nempe,

Qualia nunc hominum producit corpora velus.

Nisi id obstat, cujus *Pomannus* ille monuit: quod tales igniculi, sordibus latrinariis exstingui, atque sepeliri sæpe soleant; præcipue in Monasteriis nonnullis, quæ ita amatoribus, suis temporibus patebant, (quod Deus hoc ævo avertat) ut ea intus latrinariorum fuisse dicat. Gratulandum autem est hic homini huic, recenset enim nobis bonorum Monachorum in Italia myriadas multas, quasi nullus nisi suo calculo bonus sit in Monachorum in Italia solatitibus. Nemo tam mente captus est, qui licet Monachorum non optimorum, multæ sint phalanges, omnes ex ipsorum malitia, malos velit existimare; nemo, qui se *Abraham* prudentiorem existimet, ac in *Sodomis* non plus quinquaginta Virorum bonorum habitare posse credat. Nemo autem tam cæcus, qui non videat, quantum præstaret, bonos à malis sejungi: haud enim verisimile videtur, quadringentos illos annos post salutis humanæ redemptionem, antequam *Basilus* vivendi regulam solitariis præscripsit, sanctos, pios, ac religiosos homines Ecclesiæ defuisse: Prætereo illa instituta & vestitu, & esu, & ceremoniis *Basilii* Monacho diversissima; quæ hominum deliberatione conficta, pietate nonnullos longius removeant, quam concilient. Postremo si qui boni sunt, vel innato Genio quodam ducuntur, ut quemadmodum tu affirmas: *Monumenta Majorum sapientia, quam sceleris vestigia sectari maluit*: quæ quidem sequuti fuissent, etiam nullæ Monachorum familiæ additi. Ultimo, ut propter malos, non omnes improbandi; sic propter aliquot & pauciores bonos, non omnes probandi sunt, ut tu philosopharis: *Tales me Hecle faciunt, ut quosunque nebulones impuros & perditos libenter perferamus.*

D

Multum à te dissentiant & *Christus*, ac *Paulus*: hic enim, Ecclesia alienat unumquemque, qui vel piorum castigationem, vel Ecclesiæ admonitionem renuit: ille etiam, *Profligate* (inquit) istum, qui malus est ex vobis ipsis. Malus enim semper mala molitur, quæ inferat: ac ut ille *Menander* Comicus loquitur, cujus equidem verba libet hic adscribere:

Ἄγε τὸ θεῶν τὰς κακὰς πρὸς τὴν δίκην.

Ventum est ad scenam illam ultimam, actus ultimi; hic *Philosendes* omnes nervos intendit, ut eo fluco *Catastrophem* peragat, quo *Epitaphin* aggressus est: ac quo majorem bene actæ tragoediæ plausum capter, *Dii immortales*, qualem se proficitur futurum *Herculem*: *Neque dubites*, inquit de Monachis loquens, *quin aliquando me monitore, licet parum deserto, à vitis ac probris emergant adeo, ut nulla amplius, à monstris & prodigiis illis nostris comparatur animis.* Audistis, o candidissimi, *Charetis* pollicitationes, ut cum *Ovidio* loquar:

— quid enim promittere ladis?

Pollicitis dives quilibet esse potest.

Polliceor & ego, si hoc effeceris, tibi æqualem statuum auream me *Delphis* collocaturum; ad minus autem parceas sumtibus, ut *Beroso Atheniensis*, statuam in Gymnasio nostro, lingua concacata: erravi, si honos auribus, deaurata volui dicere. Etiam si mihi curta sit supellex domi, ac paupertatis imago, ditissimo in angulo ædium nostrarum, nempe in Museo & cenaculo, mihi semper sit obvia: citius tamen fidem meam liberabo, quam pollicita tua præstiturum te esse aliquis credat. Non quod etiam pessimorum animus, adeo deplorandus sit, ut nullo spes correctionis appareat; sed quod viribus istis tuis nequaquam respondeat provincia omnium turbulentiissima. Nondum enim video, quibus aculeis, qua dicendi gravitate colluctari queas, qui usu &

ata-

etate opiniones suas firmare contendunt; qui Majoribus, à quibus tu facillime superari potes, in nullo cedunt. Sed dic, quæso, qua arte, quomodo vitii ac probis abstrahas, qui lædi, id autem est corrigi, nolunt: *Alexander ille V. Pontifex Maximus, Ladislaus Regem potentissimum regno (si titulus Regem facit) privare, Ludovicum Andegavensium Ducem, Regem Neapolitarum magno sanguinis Christiani dispendio vocare, tatus æstimabat, quam minimum ex Cucullatorum ordine vel verbo tantum lædere.* Jam si inanem vanamque superstitionem nonnullorum traduceres corrigendam, nihil minus quam ERASMI ipse hæreseos inculcaberis. Nisi enim bene de ipsorum ordinibus sentiendum non est, præterea si fœcra quorundam obedientia, ficta paupertas, simulata castitas, humilitas hypocritica, simplicitas callida, charitas ementita tibi depingenda erit; nonne litem lite concitabis magis, quam si crabronum aculeos stimulo irritares? Adde, quod forsitan haud injuria repulsam pati te oporteret: nam, ni me fallit memoria, *Leontinus ille Gorgias, Empedocles Discipulus, qui in templo Delphici Apollinis, oratoria arte primam sibi poni auream statuam demeruit, repulsam evitare non potuit, de concordia Grecorum insigniter ac docte pronuntiavit; ac ea duntaxat de causa, quod cum Uxore sua sibi non optime conveniebat. Aderat enim Melanobus, & id in Olympis, exclamans, Consulit de pace Gorgias, cum sibi cum Uxore & ancilla domi res erit pacifica: nonne hic etiam exclamabunt, Hypocritism abjicito tuipse, statim nuda simplicitate pietatem veram ostendemus: vituperandi libidinem relinque, nos istidem innitentes vestigiis maledicentiam abjicere volumus: ambitionis flagitium qua ratione declinetur, edoce, dociles nos habebis Discipulos: fastus abluet affectus decenti humanitate, statim superbie nostræ maculas absterfas invenies: tuipse pudorem Christiani homine dignum indues, duplici verecundia vestitus nos statim, & corporis & animi obscenitatem regemus.* Quid multis? non deerunt, qui vel ad ravim usque reclamabunt, te in primis inculpabilem præstas, licet postea vel lapidibus nos obrues, non convenit pia admonitori vel maledicentia, vel vaniloquium; sed sermo sobrius, gravis, modestus, fide sanus, charitatis & pietatis plenus: à quibus virtutibus tantum distat phrasis ac styli tui oratio, ut facile appareat, ejusmodi scriptis, factionibus, seditionibus, violentissimisque tempestatibus maximam vehementiam, minimam autem ad demulcendas avertendosque pessimorum animos auctoritatem adferri posse: siquidem quid sibi velint progymnasata talia, quid præjudicii adferant hujusmodi litterarum auspicia, vel mei simillimus parum litteratus, populari suo ingenio comprehendere potest. Optimas enim quæcumque læcessere, mortuos infamare, Respublicas, Urbes, Religionem, ac cujusvis generis mortales, dentatis chartis in initio statim mordicus apprehendere; quid nisi hostile, Satyricum, flagitiosissimum, ac invidiosissimum spirat? his igitur promissionibus, nisi ventum popularem, ac vulgi plausum, te querere nihil, satis intelligi potest.

Nunc ad conclusionem Dialogi, in qua ERASMI nostri, cujus antea Scripta non admodum probabat, vestigia imitari ac sequi: & Deum immortalem, quam molliissimis admonitionibus jubet: *Dum Ops. Max. nega, (inquit) afficiat, ut nos istidem infestantes vestigiis, eademque via, qua bonus Erasmus incedentes, ad eum recta perveniamus.* Plurimum ille Naturæ indagator oculatissimus, Animal fraudulentius, ac homini magis invidiosum, quam stellionem nullum inveniri scribit: quam quidem pestem depictam, guttulis stellarum in modum lucentibus, sepulchrisque frequentius inhabitare ajunt. Vosmet ipsi, ô candidissimi, vobiscum recordamini, quam probe

A *Philopsrudes hic noster, cum hac peste comparari possit, quæta quidem re in nulla (nisi quod scorpionis more hic etiam amplectitur, & aculeum infigit) dissimilem huic pesti, cui alias inimicitia cum scorpione est interneciva, invenio: quam fraudulentè enim, quam insidiosè petat ERASMI, audistis; quot stellulis, id est, quot phaleratis dictis; spleadeat pestis hujus tegumentum, deprehendi potest facile: nam nec frons, nec cauda pictura caret: si enim à fronte os canorum inspicitis, fuus ERASMI luctus dignum, oculis vestris admoveatur; si reliqui corporis medium, mira apparet laudis, sed fucata prædicatio; si caudam tuto acceditis, etiam pulchritudine raptus, lectioni te detrahare non potes, quoad dentatus te abigat morsus: tunc semistupidus ac mira varietate affectus, non astum, nec dolum, nec quomodo correptus sis, deprehendere potes; sed dicas, oportet, magnifice sentit de ERASMO, tantum stellarura illa falsus. Quam odiosum igitur stellionatus commissum, quod *Philippus A. severissime vindicandum censuit; & apud Jurisconsultos invisum esse, scitis, ô candidissimi: tam graviter à lectione hujus Dialogi famosi torrendi sunt omnes, qui litteras bonas aliqua student persequi benevolentia: nam nec temporis, nec personæ, nec reverentiæ ullius rationem observatam istis in naniis videtis. Præterea nulli dubium esse potest, quin arietem emittat *Philopsrudes, ad irritanda Germanorum ingenia; frigidus hic latet anguis in herba; ac quo anam arripiant nonnulli rixæ cupidi, ut tandem evomere possint diu conceptum odium. At per Deum immortalem,***

At ô Deorum quicquid in aula regis

Terras, & humanum genus,

Quid iste fert immolium?

Eurus-ne cecus? an rapit vim acrior,

An culpa? responsum date.

Cur sacrescentem litteraturam, divinaque nonnulla Germanorum ingenia, quedam Nationes tam irato animo prosequenda putant? Perferenda esset quorundam amulatio, nisi invidia quoque alimenta, & audaciam adderet: nam amulus etiam aliquid detrahit, meliora adfert; cum invidus pessima profert, optima quæque autem depravare solet, ac prævaricari: quæ res, vel Manibus mortuorum abominanda (si *Platonis* staretur dogmate) apparet. Existat igitur ERASMI ipse hic, ERASMI, inquam, ille, quem vobis omnibus optimis omnibus tam charum scio; quam audire etiam ad *Hypoboræas* usque adjuvenda non abnueretis: cum ipsa ergo, putate sic agere, & vobiscum loqui. Memini, *Vini clarissimi, Alumnæ dulcissimi, me olim conquestum fuisse, quæ hoc ingenio natus essem, ut semper, quod de *Achille Homerus* profert, in animo, & in ore haberem:*

Εχθρὸς γὰρ μοι καὶ ὁ ποῦς Ἀχιλλέως πύλην,

Ὅς ἔστιν ἄνθρωπος μὴ πῶδ' ἐν ὄρεσιν, ἀλλ' ὅς ἐστιν.

Tamen hoc fato contra me natum videbam, ut & per omnem lucis mortalis usuram, cum mendacibus ac impostoribus rix erat: quod equidem licet molestissimum fuit, mihi tamen utcumque ferendum videbatur, *Ovidiano* eo me consolanti:

quia ledere vires

Livor, & inerte corpore densa soles.

Verum ut sunt plerique mortaliū ad deteriora proni, eorum dogmata, ubi Divinum, ubi cœlestē est omnis, quod geritur; eas litteras, quas non ut humanas excutimus, sed ut Divinas veneramus, jam nunc contemnere, ac maxime profana sequi; aliter quoque quam illos, qui rerum origini propiores fuerunt, ipsos de animarum natura sentire sentio: nec non *Lusitani* illi *Casmini* impio,

Martialis tantum esse animam facere, necesse est, plusquam symbola sub nomine Divi *Juda* ac *Martialis* vulgata deferre. Quoniam autem hic homines

Christiani fastidiunt Philosophiam, *Epicuri* ac *Platonis* doctrina turgidi, vellent ameniora sermonis prae-
ta, propter difficultatem, & (ut ipsi imaginantur) duritiem linguarum, etiam ingrederentur, ac *Platonis* Opera, cujus eloquentiam etiam *Jovem* vix imitari posse Antiqui dixerunt, ventilarent: si qua mihi fides praestanda, credite, tunc nunquam eos fugeret defunctorum animas, vim habere quandam, (philosophice cum talibus Philosophis agam, oportet) nec non curam illis inesse praecipue earum rerum, quas aut generaverunt, aut reliquerunt: quanto magis, cum unusquisque sibi sit proximus, ac *Tunica*, ut ait *Plautus*, pallio propior existat, naribus non adeo mucosis me existimaret ullus, quod multo labore paratam famam, à pessimo adustam non olfaerem. Veteres dicebant eos, qui patraissent homicidium, aut aliud impium facinus, à Diis ultricibus agitari: si injuriam viventium infernales deae tam exacte ulciscuntur, mirum quod mortuorum jugulatores exemplo *Pirithoi*, (quanquam is amore adactus, hi livore ducantur) Manes insectari non deterrentur. Tradit *Junius Cordius*, quod Historiographi quoque de *Julii Caesaris* percussoribus scripserunt omnes, quicumque Juniorem illum *Gordianum*, Majoris Nepotem, gladio appetissent, manibus propriis, iisdemque gladiis, quibus illum vulneraverant, interiisse. Videtis, clarissimi, Reipublicae *Romanae* invasorem, item & ejusdem tyrannidis emendatorem pari ultum vindicta: *Brutum* hominem sanctissimum, *Philippum* Arabem perfidissimum, vita dissimiles, poena simillimos. Rogo igitur, num prorsus amantes habendi sint ii, qui cum *Ethnicorum Ethnicos* interfectores poenam non aufugisse audiunt, se, cum piorum Manes fatigant, vindictam evasuros credant? & maxime hi, quibus persuasum est, si quis de statua Divi alicujus, ipsorum calculo inter beatorum sedes collocati, male sentiat, peculiarem Sancti morbum, declinare contemto-rem non posse: non dubito, si mica his inesset rationis, à contumelia, qua jam illaestibilis exagitor, abstinuissent. Naturae periti narrant, inter serpentium genera, anguem esse, qui maxime hominum gaudeat consuetudine; hospiti quoque, qui nulla in re, illaesus molestiam adferat, adeo ut etiam una cum infante herili quandoque lactem lambere, ex eodem vase, innocuus visus sit; utque pro omni auspicio habeatur, ejus cohabitatio; sed occisus tantam inferat infelicitatem, quantam unquam ingratitude demeruisse aliquem constet: fidem ne mereatur, an superstitio sit aliqua hoc, non certo; dummodo ex eo colligere possitis, quantum optimi semper immortalitati animae, quantum honoris vita jam functis detulerint, ut etiam rationabilibus animalibus post interitum ultionem adscripserint. *Virgilius* autem, ne dubitaret quispiam de immortalitate animi, vel *Culicem*, sepulturae curam gerere finxit.

Perpendite nunc, quaeso, qua spe frustratus sim ego; quanta impudentia, quanta impietate alii sint praediti, qui vel vita spurcissimos post fatum lace-
rant; ne de me ipso dicam aliquid tumidius, qui vitam traduxi, si non omnibus inculpabilem (quod nemini hominum conceditur) à paucis, ac forsitan delicatoribus, in non multis reprehensibilem. Nam si totius vitae meae mihi subeunda esset ratio, nec prima illa lux, quae natalem mihi dedit v. Cal. Novembris post natum *Christum* Anno septimo ac sexagesimo, post millesimum & quadringentesimum; nec ultima dies, quae lucem mihi peperit sempiternam, III. Eid. Julias, Anno sesquimillesimo ac tricesimo sexto, jam septuagenario poenitenda veniret. Ut autem & nobis hi, qui mortalitatem animae somniant, ac *omnium* omnia tribuunt, quod maximum putant, non deesse videre possint; (hic *Christianos* nihil moramur, qui ne ineruditus in Fati opinionem relabendi occasio detur, hanc artem me-

rito ac jure rejiciunt) si ulla syderum revolutione, in hoc mirabili Dei Opt. Max. Opere, ac nobis superioris mundi machina, virtus, vel in corpore humano aliqua *entia* concedatur; non ambigo vel felici sydere & nos natos esse, cum Genesius nostrae momenta, adscriptis in locis reperiantur.

Præterea *Platonis* illud dictum, ac felicitatis suae enumeratio, *Quod homo, non brutum; Atque, non Faminus; quod Græcus, non Barbarus natus esset*, in omnium ore vulgatissimum nobis quoque sese offert, ac patrocinator ipsum. Nam hoc temporis an *Germannum*, aut *Græcum* esse praestet, vel iniquissimus arbiter optime iudicabit: nobis tamen egregie fatendum est, veteri *Germanorum* nobilitati, & fortitudini (de qua, ut *Florius* scribit, hodie quoque non degenerant) humanitati, simplicitati, de quibus *Tacitus* olim scripsit, & verum veri Dei cultum, civilitatemque non modicam accessisse.

Ut veniam ad *Hollandiam*, cui vitae ultimum transactae initium debeo; cui quicquid honestamenti attulimus debitum, atque solummodo pro domi qualitate, nobis à Spiritu largitore omnium, & divi fore concessi, illata esse cognoscimus, & fatemur: *Batavum* enim nos esse, tanquam abest, quod poeniteat; ut pacem, simplicitatem, ac patriae commendatam sinceritatem à Veteribus, in gloriam nostram redundare non dubitemus; quum olim etiam *Lacedaemoniorum* Rempublicam, *Sabinorum* Gentem, ac *Quiritium* Urbem, his virtutibus crevisse, & floruisse legamus. Nec ruborem nobis adferre potest hodierna *Batavorum* benignitas, & politia: nullus enim in hominibus hujus regionis fucus, nulli insidiantur, omnibus hospitales sunt: taceo soli fecunditatem vel nimiam, pascua læta ac uberrima, flumina piscosa, ac ad importationes accommodissima; quas urbes, quæ oppida, quot hominum communitates spacium mediocri regionis continet? Adde nitorem domesticum, qui etsi non plurimum ad laudem facit; ex ipso tamen, oeconomiae, & vulgarium hominum, in re domestica laudata, utilis & ingeniosa disciplina videri & agnosci potest. Mediocre eruditionem quis illis neget? Sit igitur hoc commune mihi tum aliis argumentum, & ingenuitatis, si quid, ut plurimum potest, dat patria, prerogativa. Quid, quod non ita pridem quam natus essem, eloquentia sepulta reviviscere coeperat, linguae, dona Spiritus, Spiritus gratia; non minori impetu in Theatrum hujus mundi introruperant non aliter, quam olim in conclave illud congregatorum Discipulorum *Christi*? Testis *Emmanuel Chrysoloras*, ac *Joannes Ravennas*; quorum è ludo litterario, tanquam ex equo *Troiano* Viri prodierunt in utraque litteratura doctissimi plurimi: Nihil de *Rodolpho Agricola* equidem dicam, qui me puero floruit, cujus incomparabilem eruditionem *Itali* & exteri omnes admirati sunt. De *Reuchlingo* nostro, qui ut exterorum testimonio *Hebraicae* linguae elementa *Latini* primus attulit, sic *Chaldaica*, & *Græca*, præter maternam, & *Galliam*, utebatur scite. Hæc tempora, hoc seculum nostrum sibi vendicant natalem, quæ vel primitivæ Ecclesiae linguarum donis facile accedunt. Constat ergo, Deo gratia, momentum, patrium solum, seculum, in quibus vitae mortalis usum accepimus, nulli quicquid felicitissimos procreare liberos averet postergandum, nobis obtigisse. De Parentibus loqui, quid opus est? si etiam jamjam Natura, ut cum *Horatio* loquar, juberet,

*A certis annis avum remeare peractum;
Atque alios legere ad fastum quosunque Parentes;
Optaret sibi quisque: meis contentus, honestos
Fascibus & sellis nolim mihi sumere demens.*

Quoniam puer in cunabulis adhuc, matre orbatus,

* *Serm. lib. 1. Sat. 1.*

tus, à genitore optimo vix sermonis compos litteris addictus sum: præviderat enim, opinor, alibi quam in studiis ingenium meum nihil valiturum: puellum *Trajectum* me mittit, ubi in Grammaticis ac præcentiunculis, quibus tenerimæ ætatis, ac tenuissimæ vocis gratia præficiebar aliquot annos, detriti sunt: deinde *Daventriam* deductus, *Alexandrum Hegium*, *Rodolphum Agricola*, & *Guarini Veronensis* Discipulum, Virum sanctum, facundum, æque ac eruditum, gloriæ humanæ contemptorem audivimus, nullo coætaneorum, aut sodalium inferior in percipiendis aut retinendis prælectis; ni me *Sinthemii* Viri probe litterati, ut illa ferebant tempora, fallit amica & blandissima adhortatio. Hæc fuerunt, Viri optimi, infantiæ nostræ institutiones, his ficta est Præceptoribus, huiusmodi puellus sum imbutus rationibus. Tandem ut ad pueritiam pervenimus, altero nostro parente etiam vita functo, vix annum egressus duodecimum. Cognatorum rapacitate truncatum patrimonium adivi; quod Tutori commissum est, cujus indiligentia reliquum, quod absolvendis studiis abunde sufficeret, magna ex parte intercidit: qui me, ne olim ratio male administratæ procuratoris ei reddenda foret, revocat in patriam: postea adolescentulum, annum agentem decimumquintum, nolentem & renitentem, minis, omnigeniæque animi oppugnatione in Cœnobium Canonico-rum Regularium detruxit: à quo vitæ genere cum animo, tum corpore eram alienissimus; ubi temporis & carceris tædium, quod æquales jocos, somno, comestationibus ignaviter absumebant, litteris, quas præter nihil animo meo erat suave, per biennium fere fefelli: cum *Guilhelmo* quodam, quoad in amicitia sinceriores, ac in studiis collusorem doctiorem nactus *Guilhelmum Hermannum Goudenssem*, (nam *Guilhelmorum* nomen maxime mihi favis-se, quodam fato videtur mihi accidisse) suffragatis ad studia horis: cum palam licuisset aut scortari, aut potare, aut ludere, *Latinorum* Volumina excus-si: donec R. P. D. *Henricus à Bergis* jam me juvenem, sacris initiatum, *Romam* petiturus in suam me evocavit familiam, nescio quibus nugis à me scrip-tis (ut fama referebat) stimulatus, ac ita persuasus, quasi cum usui, tum ornamento illi esse possem, si cum Pontifice *Romano*, vel Patrum purpuratorum Collegio sibi agendum foret.

Liberatus igitur hoc carcere, quum viderem in nostrate *Germania* crassam illam Barbariem impune grassari, ac litteras Græcas attigisse, vel bene *Latine* loqui, pro hæresi haberi; jam bellum medita-bar, ac eos ulcisci calamo, qui mihi puero satis odiose facessissent negotium, meque à meis amoribus, id est, litteris politionibus, depulissent, institue-ram: ecquid autem per Deum immortalem iustius auspiciatus essem, aut commodius? Quo igitur reli-quos litteris ac bonis artibus deditos, ad profligatio-nem tyrannidis, quem in tota litteratura quorundam Barbaries nacta erat, incitarem, adhuc annum agens vicesimum, aggressus sum *Antibarbarorum* Libros quatuor: his negotiis in aula *Cameracensis* Episcopi occupatus, consuetudo mihi fuit cum *Guilhelmo Con-rado Cos.* & *Jacobo Batto* Civitatis *Bergensis* A se-cretis, Viris ad favorem studiosorum natis, Natu-ræque virtutibus omnibus instructis, non aulicum agens aulicas edidici artes: paulo post Antistitis li-beralitate, haud gravatim, sumtibus instructus *Lu-tetiam* adii: *Scotista* factus, ac in Collegio *Montis**, *Theologiæ*, quam *Scholasticam* vocant, jam quatuor plus quam viginti annos agens, operam dedi. Ad *Græcas* litteras utcumque puero degustatas, summa in *Græcorum* codicum inopia, maxima penuria do-ctorum, ipse mihi Præceptor esse coactus, redii. Nugas *Luciani* aliquot, ut attentius *Græca* legerem, transfudi; quibus Amicos aliquos, diversis tempo-

* *Acum* scil. vulgo *Montaigu*.

A ribus, seu strenulis salutavimus: quæ quidem omnia Studioforum tanto applausu rapiebantur, ut miro successu *Græca* linguæ peritia, etiam *Gallis*, & *Ger-manis*, & *Britannis* communis esse cœperit ac ama-bilis adeo; ut non multo post, tanta alacritas nos ipsos impulerit, ut *Theodori Gaza*, Viri exacti & sublimis ingenii, *Grammatices* Libros duos, ut quo-rundam tædio contuleremus, transferendos susceperimus: quum antea è *Plutarcho*, quo nihil secundum Litteras Divinas legi sanctius, nonnulla Opuscula etiam verteram.

B Habetis jam, opinor, Viri candidi, & erga lit-terarum studia, ac utriusque litteraturæ incrementa, juventutis meæ summam diligentiam; in quibus pro-movendis, pro mea quantulacunque portione cona-tus sum, juventutem ab incitæ cœno, ad puriora studia excitare; nec omnino male successit conatus: nec *Parisiis* ignotus vixi, *Gaguino*, *Andrelino*, *Roberto Piscatori Anglo*, Viris absolutissimis perfamilia-ri: *Montjoii* Reguli Præceptor quoque factus, cujus vitæ integritas, Præceptoris modestiam, in littera-turaque diligentiam satis demonstrat. Hujus enim-vero precibus invitatus, *Britanniam* adii jam trige-simum & primum annum agens: ubi sesquimensis tempore, *Mori*, *Pacai*, *Tonballi*, *Coleti*, *Grocini*, *Li-nacri*, & aliorum Virorum doctorum amicitiam con-traxi haud pœnitendam. Demum *Lu-tetiam* repeti-turus, spoliatus exigua pecunia, occasionem habui inquirendi majorem thesaurum: quem equidem ex optimis Auctoribus avidè, attamen primo parce cor-rasum, non mihi tantum, sed etiam omnibus, qui orationis facultatem, & copiam affectabant, Anno à nato *Christo* nonagesimo nono, supra quater & de-cies centesimum, quasi abortum abjeci, qui quidem successu temporis, in Volumen *Paramianum*, omni-um quæ scripsimus maximum, magno labore excre-vit. Nec jactura auri unquam tantum apud me va-luit, ut vel Amico, vel regioni subirascerer: imo *Montjoio*, qui dederat occasionem perdendæ pecu-niæ, id opusculum inprimis dedicavi: quod factum multos mihi conciliavit Amicos, Viros eruditos, prudentes, ac probos; nec me alienavit hoc dampnum, quo minus *Angliam* sæpius reviserem. *Lovanium* me deinde contuli, usus hospitio sinceri ac doctissimi Viri *Joannis Paludani* Rhetoris; qui etiam stimulos addidit, ut *Euripidæ* finirem, quia inceperam, trans-ferre *Hecubam*. Tandem fere quadragenarius, diu desideratam petii *Italiam*, *Italiam* (inquam) omnis litteraturæ Alumnæ, Anno pontificatus Julii II. ter-tio. *Augustæ Taurinorum*, Theologi titulus mihi invito & detrectanti obtrusus est: cum Medici regii in *Britannia* Filiis *Boisacis*, quibus non Præceptor, E. (nam *Cyrtionem* illis in studiis præfecerat) sed morum curator eram additus, *Bononiæ* perveni; ubi nullum annum vixissem insuavius, nisi *Pauli Bombasi* fami-liaritate & amicitia recreatus essem: evocabat autem me fors mea in aliud pistrinum: *Venetias* igitur concessi, ubi litteris humanioribus non parum insu-davi, usus familiaritate *Aleandri*, *Ambrosii Nolani*, *Baptiste Egnatii*, ac aliorum Virorum, quibus nihil sum expertus candidius. Ab *Alexandro* autem *Jacobi Quarti Sætorum* Regis Filio, *Patavium* evocatus, M. Musuri, & Sc. *Carteromachi* commercio usus sum: non multo post cum Archiepiscopo S. *Andrea* in *Scotia*, Metropolitano, Regio jam nominato Fi-lio, *Senas* commigraui; comœatuque impetrato almam denique vidi *Romam* sexennio antea, quam *Joannes Medices*, *Leonis X.* nomen assumpsit: à quo equidem, & frequenti studioforum caterva, magno plausu exceptus, *Dominico Grymano*, *Egidio Viter-biensi*, Cardinalitia dignitate illustribus Viris, per-charus fui. Nec deerat conditio, nec aberat volun-tas, *Roma* ut manerem; sed retractus promissis in *Angliam*, viam etiam ad summa quæque conscen-dendi, id est, Pœnitentiarii dignitatem oblatam, spre-

sprevimus. Jam redeundum erat quoque ad Archiepiscopum *Scotum*, Discipulum, cum quo postea denuo *Romam* profectus, ulteriorem partem *Italia*, *Neapolim*; *Campaniam*, *Sibyllæ Cumanæ* antrum, *Accolis* adhuc notum; *Puteolos*, Nutricis *Aenea*, *Cajeta* scilicet monumentum; ac *Albam*, veterem *Romanorum* Progenitricem, utcunque se offerunt, perlustravimus. Sed revocabatur jam regius Adulescens in patriam, *Angliæ* equidem pro victima, ipse victimarius offerendus; mihi aliquot annulos, ut gratus Discipulus, dives Amicus amicitiae nostrae pro pignore relinquens: in his erat, qui in gemma sculptum habebat Terminum; quo postea, quasi jam immineret vitæ terminus, pro symbolo usus sum: quod quidem sæpius à malitiosis in calumniam raptum est, cum litteris hunc solum imprimere consueverim; ne cogitatio termini, id est, vitæ finis, mihi excideret. Destitutus igitur hoc Discipulo, Amicorum veterum memoria, quos in *Britannia* reliqueram, in causa fuit, cur & ego reditum in patriam maturarem. Salutatis igitur Amicis *Antnerpia*, & *Lovanii*, *Britanniam* adamatam, lætitiæque permaxima ob *Henricum* Octavum eo tempore in regnum sublimatum, fepletam repetii; sæviante peste *Londini*, publice *Cantabrigia* docui, privatim de *Copia Verborum* & *Rerum* libros duos, duodecimo antea anno, tumultuaria opera *Aurelia* à nobis auspiciatos, in gratiam *Joannis Coleti* exarans: denique & *Moriam*, apud *Morum*, renum dolore domi retentus, ac Bibliothecæ adventu suspensus, lusimus, cum conceperamus etiam & Gratiae, & Naturæ Encomium edere: morositas autem quorundam effecit, ut verterem consilium; ac cum nostrum institutum tantum erat, admonere, non mordere; prodesse, non lædere; consulere, non officere moribus hominum; tantam rabiem unica illa declamatiunculam miseris aliquot calumniatoribus peperit, ut primus fuerit noster partus; qui defensionem poposcerit: omen, ni fallor, sudoris sanguinei, quem postmodum in scriptitandis *Apologiis* profusuri eramus.

Vix igitur tum *Badius Moriam* absolverat, *Leone* Decimo inaugurato, *BASILEAM* huc me contuli, ubi cœlum, genus hominum, tam mire mihi ardebat: quod etiam amicissimo, id est, *Moro* meo, jactavi, amicus, aut sincerius his me sensisse nihil unquam. Imo quum *Angliam* & patriæ, & *Roma* prætulera, quasi alias nullibi moriturus, hujus inclytæ Civitatis amabilitas, humanitas, sententiam me mutare coegit: in hac equidem postergatis progymnasmatibus omnibus, quicquid in Sacris Litteris ausus eram unquam, ceu ex arce, in castra *Christiani* orbis projecimus: nec non biennium totum, hinc illinc decurrens in congerendis Exemplaribus, ex quibus *Hieronymus* noster elimatior ederetur, absumimus. In ordinem postea adscitus eorum, qui *CAROLO* tunc Principi, *Monarchæ* nunc orbis potentissimo A consiliis erant, Consilarii fidelis partes aspiciati sumus: *Institutionem Principis Christiani* multa cum libertate, tamen sine Magnatum offensa conscripsimus. Demum quum Princeps noster clementissimus in *Hispanias* regressus, per latrones, per medias pestes, per nivium montes, flante *Borea*, ac omnibus Naturæ rebus congelatis in pistrinum meum, in hanc inclytam Urbem advolavi, quasi adamantina valetudine præditus essem; cum omnes, quam delicatum corpusculum habui, non ignoretis. Sed quid? Fatum erat meum, Domini sic erat voluntas, ut cum talento à Domino mihi dato, in hac Urbe negotiarer. S. P. Q. *BASILIENSI* debetur, paucissimis exceptis, quicquid in Sacris Litteris scripsimus: multum illi debet *Hieronymus*, non minus *Chrysostomus*: adde jam *Origenem*, *Augustinum*, *Ambrosium*, *Arnobium*, *Cyprianum*, & reliquos Auctores nostro sudore castigatus in lucem datos: *Ecclesiasten*, *Marrimonii Institutionem*, *Viduam Christiana-*

nam, *De Puritate Ecclesiæ*, *De Modo Confutendi*, *De Esu carnis*, *De Misericordia Domini*, aliquot quoque aliorum *Psalmorum Enarrationes*, vobis acceptum referant pii, oportet: sub umbra enim vestra, una cum *Lingua* descriptione, ea omnia exaravimus: vobis puelli pro *Pronunciationis Modo*, *Adhortatione Galeni ad studia*, *Parabolis*, & *Colloquiis*, denique pro toties auctis *Adagiis*, si quas vobis referunt gratias. Octo annis perpetuis vestra usus sum familiaritate, & hospitio inclytæ hujus Civitatis: prope modum enim adoptaram eam mihi in patriam. Certe arbitror, neminem esse, qui de me queri possit, meo succu victitans, nec cuiquam gravis impendio, aut (ut opinor) incommodus fui. Quod equidem olim, cum quorundam tumultum non admodum probarem, à vobis multorum luctu discederem, hoc *Tetrasticho* testatus sum:

Jam Basilea vale, qua non urbs altera multis

Annis exhibuit gratius hospitium:

Hinc precor omnia lata tibi, simul illud, Erasmo

Hospes uti ne unquam tristior adveniat.

Ultimo tamen *Friburgi* jam septennio peracto, cum jamjam in spem reditus mei, commodum mihi, in meam gratiam erat exstructum cubiculum, ad vestram tranquillitatem recurri, quam subturbulentam reliqueram: nam cœlum vestrum meæ valetudini commodius semper expertus sum; cum *Friburgi Brigia* corpusculo nostro parum erat amicum.

Dixisses tamen vere de rogo me cogitasse tunc, si quam enixe Fatum meum, ut *BASILEAM* repeterem, urgebat, cernere potuisses. Vocabar in *Brabantiam*, in *Burgundiam*; *Roma* agebatur, ut *Præposituris* onerarer, ut *Cardinalitio Galero* donarer: quid multis? videbam imminere verum meum Terminum: in votis erat, ut vestra è Civitate ad Superos emigrarem, *Christo* propitio. Oneratus jam eram satis fama nominis, requies illa Domini, Deique nostri, mihi sola optanda erat: ne tamen dediscendo morerer, cum jam in mortali vita bene habendi spes omnis mihi adempta; laboribus exhaustum corpusculum, lethalibus calculi nixibus, & articulorum cruciatibus diris exinaniretur: nec nisi cute & ossibus reliquis, quicquid erat spiritus, in absolvendo *Ecclesiasta*, qui multis in locis hiulcus & inchoatus erat, consumsimus. Supererat adhuc scintilla vitæ mortalis, cum Amicorum Epistolas, novæ editionis gratia, evolvimus; plurimæ earum, quæ à Viris jam è rebus humanis exemptis, ab Amicis charissimis missæ mihi erant, in manus veniebant: accedebat *Mori* & *Roffensis* memoria, nonne tunc optandum erat, nonne mori tunc mihi lucrum, ut apud *Christum* jungeremur: fui enim, ut scitis, ad incommodum usque amicitiarum tenax. Tandem dysenteria per mensem ferme integrum adhuc vexatus, vitæ meæ quam consentanea mors mea fuit, vos vidistis, ô Viri integerrimi. Habetis igitur paucissimis, ac simplicissimis verbis, totius vitæ meæ descriptionem, non ut ignaros vos putem, quomodo, & cum quibus vitam mortalem traduxerim; sed ut vobis relinquam ad excutiendum, an par sit, quem ut summa tranquillitate cum *Christo* vivere creditis, eundem improborum quorundam famosis libellis lacerari.

Sed quid, ô candidissimi, *ERASMI* personam induxi? quem cum Senioribus illis sedentem super thronum, nulli alii rei intentum, quam laudare, benedicere, Deo gloriam, & honorem, & virtutem acclamare non dubitamus: nostrum erit, ut vel severissimis Judicibus *ERASMI* vitam me probaturum esse confidam. Tu, *Philopseude*, putato te *ERASMUM* vel apud puerum alphabetarium, tanquam semi-*Latinum* traduci; nonne statim *Colloquiorum* Libellum in os tibi impinget, impudentissime? Oppugna quantumvis existimationem ejus apud *Dialecticos*, plaustra adducentur tibi ex *Apologiis* Argumentationum opti-

optimarum. Affinge illi tenuitatem orationis, Rhetores omnes *Copia* ipsius se ditatos esse, extemplo reclamabunt. Sed quid his immoror minutiis? Visne Jurisconsultum, non in foro, sed in Scriptis, optimas non solum citavit, sed etiam praescripsit, Leges. Tu, *Medice*, satis scio, doles, plus in *Galen*o ipsum, quam te, tenuisse. Theologum eximium, nonne satis probant vel praesegmina, quae vel benemeritis, vel etiam improbis flagitatoribus exaravit? ut sunt, *De Tadio*, *Et Pauore Christi*, & hujus farinae alia.

Ne diutius autem vos remorer, Viri candidissimi, *Philopseus* ipsius inspicite nequitiam, Dialogi famosi titulum cognoscite, *In Des. Erasmi Roterodami Fumus*. Quid amplius? *Philalethis ex Utopia*. Haec est innocentia hujus auctoris, haec integritas, ut nec nomen proprium, nec loci exprimere ausit, sed ficta suis famosis virulentis inscribit nomina: videte, rogo, ex inimico, invido, crudeli, tumido, temerario animo evomitur tota hujus libelli tragœdia; fama autem illa nec unius, nec privata est, quae appetitur; quae tentata est, ista procacitate tam nefaria. Multorum æstimatione arroditur, sub nomine unius officii pleno, religionis pleno, auctoritatis pleno. Scitis ipsi, vel *Terentiano* isto *Phormione* nigriorem esse, nec admodum bonum Virum hunc,

*Qui capat risus hominum, famamque dicacis
Finger' qui non visa potest:*

*Qui amet, quavis ratione adspargere cunctos,
Præter eum, qui præbet aquam.*

Christianus autem qualis esse possit, aliorum qui arrodit famam; qui incerta pro certis (quum etiam flagitium sit, quum opus non est, evomere probra vera) affirmare audet, *Paulus* ipse, qui κατὰ γλῶσσαν prohibet, satis aperte demonstrat. Proinde tecum loquor, *Philopseus*, tantum in curandis morbis occupato; qui contraria contrariis miscens, omnem digladiationem pulchre processuram tibi persuades, cum si vel unicam micam *Valentiniani*, & *Valentis* Principp. Legem inspexisse, aut *Justiniani* Imp. Institutiones saltem ventilavisses, tibi occurrere potuisset poena illa capitalis: infamia, quae Carmine vel libello famoso edito luitur, statim te intestabilem, capitis reum audisses: nam quantum assertionibus tuis, vera opituletur fides, puello apparet, cum Cæcitas ipsa facile videt, dolo te malo, ficto nomine, ad alterius infamiam scripisse. Quid autem, moveret-ne Lex ulla Medicum non humanum? quorum nonnulli quanto indoctiores, tanto audaciores solent esse; ut etiam Legislatorem, Imperatorem ipsum, (ut cum *Hadriano* Principe loquar) auderent interficere? Moveret-ne Lex ulla, quem jussa atque pollicitationes sacrae Scripturae ab injuria demortuorum arcere non possunt? Moveret-ne Lex ulla, quem quod *Christiannus* dici possit magis, quam *Ciceronianus*, nihil laborare videmus. *De mortuo* (etiam tuo inimico) gaudere noli, inquit Scriptura: idem illi est, quasi dicas, *Lege* Duodecim Tabularum cautum est, *Mortui*, injuria ne afficiuntur. Moveret-ne Lex ulla, quem resurrectionis spem abjicere omnem, & vilipendere auditis? Jurat Dominus, *Vivo ego*, tibi primam sessionem in resurrectione mea dabo, si defunctos visa honoraveris, si Sanem reuereris. Tantum est huic, ac si illi dicas, inter Solonis Leges, præcipuam laudem habere eam, quae prohibet, *Ne maledicta in defunctos conjiciantur*. Sed quid multis? Recita Gentium consuetudines, depinge illi *Davidem*, qui luctu luctuosissimo ac lachrymoso, irreconciliabilem inimicum, à Deo reprobatum Regem *Saul* profecutus est: injustum enim visum est ab omni ævo, adversus mortuos injuriose agere; tantum illum commovebit, quantum *Homeri* illius Poetæ vetustissimi indignatio. Qui *Achillem*, cujus encomium feliciter cecinit, amentem, vecordem, inhumanum, injurium, injustum, sævum, furentem vocat; cum

καὶ τὴν γὰρ δὴ γαῖαν αἰνέσει μετρίων,

A cum *Hectori* hoste inimicissimo, qui alterum *Achillem*, *Patroclum* scilicet, interemerat, jam morienti & mortuo illudit, parva-ne erat hic iræ causa? hostis erat *Hector*, Frater *Paridis*, propter cujus raptum ad *Troja* moenia desidebatur, interfecto Amici. Maxima, me *Hercle*, sed minor quam Encomiastæ probatur. Agricola ille apud *Aristophanem Trygens*, ipsum *Mercurium*, ne mortuo *Cleoni* maledicat, labra compescere jubet, exclamans:

Παῦε, παῦ' ὃ δέσποθ' Ἐρμῆ, μὴ λέγε

Ἄλ' ἔα τὸν Ἄνδρ' ἐκείνον ὃ πάρεσ' εἶναι καὶ τῷ.

B Licet *Cleon* ille olim, apud *Athenienses* dux ignavus, Civis violentissimus, ac Arcopagita crudelissimus fuerat; qui *Misyleneos* omnes trucidandos, impuberes cum foeminis in servitutem redigendos censuerat, minima quidem, respectu tantæ crudelitatis, offensivulæ causa. *Sophocles*, quod nonnunquam mortuis obtruncatur, exclamat:

ὦδ' ὦδ', ὃ θανόντ' ὡς ταχὺς βροτοῖς χάρις διαίρει.

C Ac *Enripides* etiam in *Phormis* ait:

Κακῆνο κέρηται, μὴ ἐφύβριζεθαι νεκρῶς.

D *Ovidius* ad hoc non inepte alludit, inquires:

— quid inanem proteris umbram?

Quid cinerem saxi, bustaque nostra petis? obtruncatori scilicet improperans inhumanitatem, quasi praesciret *Tomitanos* Civeis propter ingenii sui nobilitatem è publica pecunia, *Tymbon* illi magnifice structuros, mortuo & peregrino, & ab Orbis Domino proscripito. Nec nequiores talionem tulit *Maonius* ille Vates, qui cum religiosissime defunctorum tutatur æstimationem, septem invenit Civitates, quarum unaquaque natalem suum sibi vindicare nititur.

Videtis nunc, opinor, ô candidissimi, nihil curare hunc; quod Deo ipsi curæ fuit; nullius momenti æstimare rem, qua tot pii solum commendantur: tot Principes, & tyranni quoque Decretis, ne secus fieret, sanxerunt; in qua Respublica *Christiana* vel ad superstitionem usque, occupata fuit. Quis vestrum autem, sine stupore audit, omnes bonarum litterarum studiosos iis, quibus ad maledicentiam, ingenium precarium, & lingua est venalis, propinatos esse, Leges derisui haberi, Principibus maledici, denique bonos omnes ab infimo ad summum usque infamari. *Leo* ille X. Pontifex Maximus & virtutem & doctrinam, quam in minoribus, id est, Cardinalitia adhuc dignitate præfulgens, se in *ERASMO* perspexisse, agnovisse prædicabat; jam ad supremum in humanis vestigiis evectus, fidem ac summam eloquentiam & publice ac privatim commendat, extollit. Quod virtutum titulis *Adrianns* VI. hunc ornat? *Clemens* VII. litteris ipsius dextera propria scriptis, *ERASMUM* nostrum salutare haud dedignatus est: summa indignatione tui similes blaterones, qui *ERASMUM* lacebabant, etiam officiis privari jussit; nihil non offerens *ERASMO*, si accipere voluisset. *Paulus* III. quantis præconiis, & pietatem & judicium *ERASMI* extollit; nec his contentus, obitante tenui censu, magno ambitu agit, ut parato ex beneficiis redditu annuo, purpurato Senatui illum adjungere possit. Hic *Philopseus* judicat, Scripta *ERASMI* lectu periculosa, ac schismatica esse intonat; quid modo restat, nisi ut Scriptorum *ERASMI* fautores, hæretici judicentur? quid, nisi qui sequuturus est Pontifex, omnia rescindat, deleat, ac acta horum Pontificum annihilet? In hoc album includitur Imper.

F *Carolus* clementissimus, qui privilegiis, omnium Scriptorum *ERASMI* editionem tutatus est: includitur *Romanorum*, *Ferdinandus*; *Galliarum*, *Franciscus*; *Anglia*, *Henricus*; *Polonia*, *Sigismundus*; *Lusitania*, Rex *Joannes*: quorum primus, ac illustrissimus Princeps, *ERASMUM* Præceptorem suum nominare; alter, illi omnes honores deferre; reliqui omnes, ad se invitare, & donis decorare non abhorruerunt. Jam an horum sit, male mentis homi-

Tom. VIII.

Ss

nes

nes tanto favore prosequi, tutari, & benigne favere, nescio; haud tamen ignarus, tales Principes vel levissima hac suspitione notare, nihil aliud esse, quam eos tyrannidis insimulare. Effunde virulentias omnes, quo modo persuadebis nobis, Virum illum à teneris optimorum consuetudine usum, malæ mentis esse, ac in ordinem Consiliariorum potentissimi Monarchæ adsciri? Res sunt, crede mihi, maxime repugnantes, de quibus etiam apud Amicos verba facere, tam periculofum; quam temere effrenata illa tua & præcipiti lingua in publicum de his tuum iudicium tulisti. An tam mucosis naribus totam *Caroli* Regiam æstimas, ut odorem, quem per totum orbis theatrum etiam tunc, cum eligeretur, de nomine *ERASMI* effusum fuisse constet, non olfecerit? Tantam-ne somnolentiam tribuis vigilantissimo Principi *Carolo*, ut quum maxima dissensio inter summos orbis quatuor Monarchas, Cæs. *Maximilianum*, Regem *Hispania*, *Galliarum*, & *Anglia* jam componenda esset; somno conglutinatibus oculis, Reipublicæ *Christiana* Consiliarium constitueret? Nonne apertissimum est, aulicam familiam à Principum ingenio pendere? Nonne ad mores Principis omnes vitam attemperant: fateare igitur necesse est, falsa esse, & nihil tuis diceris deferendum, aut aulam *Caroli*, quæ religionis & pietatis est templum, improbes, oportet. Principum sanctimoniam impugna, si Consiliarium calumniari cupis: Principum enim virtus, aut ruina, Consiliariis maxime imputanda: est præterea in eorum arbitrio, aut pessimos, aut optimos eligendi; ex quibus omnibus, quam injurius sis maximis Potentatibus, apparet: ne quid interim dicam, quomodo reliquos Principes traducas. Condonabis enim facile, nihil æque appetentius esse similitum sui, quam Naturam; nec rem ullam magis abhorre à dissimilibus. Nunc si *Ciceroni* credimus, facta significatione probitatis, gignitur sensus diligendi, & benevolentiae charitas iis, qui probitatem appetunt, ut sese applicent; ac moribus, & usui probi ac boni frui gaudent, ambiunt; pares, æquales esse quærunt, ac amicitiam conglutinant. Velis autem nolis, *Ciceroniane*, & hinc te mendacem esse confiteare, oportet. Sine virtute enim, amicitiam, nec rem ullam expectandam consequi posse; ac virtutes omnes inter se connexas, ac sic jugatas, ut si quis unam deesse confiteatur, nullam se habere, negare non possit, vel invitatus concedes. Si ergo in tuo foro ageretur, absit autem calumniatori omnium impudentissimo calculus porrigatur, de *Campegio*, *Bombasio*, *Moguntino*, *Fonsæ*, *Eboracensi*, *Grymano*, *Sadolesio*, & aliis purpuratis Patribus, quid judicares? ut nihil de cæteris Archiepiscopis, Primatibus, Episcopis, & reliquis Principibus permultis dicam: nulla hinc etiam *Mori*, *Fuggeri*, *Paumgartneri*, & aliorum Heroum incidat mentio; si, inquam, in tuo foro ageretur, *ERASMO* unumquemque horum, alterum ipsum fuisse, utrum ignominia hac tot ac tantos Viros notes; an omnes, mali animi esse diceres, aut crederes? Haud satis dignam igitur habes, *Philopseuda*, causam, ob quam *ERASMO* malum adfingas animum; ob quam, flagitiis, turpitudinibus meliorem Principum partem contaminatam esse ducas. Lex Divina prohibet, Principi maledicere; *Paulus*, Potestati non rebellem esse jubet; Crimen læsæ Majestatis est, Principibus detrahare, mendacio illis vitia adpingere; ac in eorum Consiliarios (ut *Honorium*, & *Arcadium* A. A. censuere: nam pars corporis Principis sunt) sceleratam inire factionem, vel cogitatione saltem: jura enim, pari severitate voluntatem sceleris, qua effectum puniri voluerunt. Quæ quidem omnia, nisi pessimo exemplo, dissimulari non possunt. Quanta enim impudentia, verum *Romanorum* Imperium, *Germania*, religione, fortitudine, ac humanitate nobilissima, ex quorundam nebulonum vitiis, tota vitiosa, bibonum aliquot causa, bibacissima, ab homine vano atque impudentissimo vocatur? Inclyta hæc Civitas *RAURA-*

A CORUM *BASILEA*, Dii boni, quibus injuriis afficitur? superstitionis accusatur, ingratitude insimulatur: præterea quot diceris notatur? nam quicquid convitiatorum in *ERASMO* evomit *Philopseudes*, eorum omnium notam sibi inultam ingenue fatetur: quod quidem tanto minus negari potest, quanto majori fide demonstratur, unius membri læsione totum corpus indolere. Fatetur S. P. Q. *BASILIENSIS*, *ERASMO*, etiam non ambienti, concessisse privilegia, omnemque libertatem, quibus vel optimum Civem ipsum, in Republica jure gaudere fas est. Quicquid clementia Principum, temporis consuetudo, patriæ leges, Juris institutum, inclytæ huic Civitati vel donarunt, vel obtulerunt, *ERASMO*, non Hospiti, sed Civi gratissimo, atque benemeritissimo olim dedit: nec juri suo inniti, aut *ERASMI* sui æstimationem jamjam vindicare, impensæ, sudorisve ullius tædio recusaret; modo *Philopseudes* sese proderet: potuisset enim, cum virulentias has effunderet, si justam actionem in *ERASMO* habuisset, coram Senatu hujus inclytæ Urbis, cum Hæredibus agere, proculdubio justam sententiam relaturus. Reum autem jam esse *Philopseudem*, ob privilegiorum violationem à Principibus Romæ huic Civitati concessorum, quis neget? Nega hoc si libet, ego *Ulpiano* teste hoc convincam, qui Purgationem æstimationis defuncti post aditam hæreditatem, quoties funeri vel cadaveri testatoris injuria illata fuerit, Hæredi imputat. Agnoscit inclyta hæc Civitas ipsum *ERASMO*, quicquid facultatum, ob litterarum studium, promeruerit, vel à studiorum fautoribus dono acceperit, tanquam Civem gratissimum Testamento, & Apostolica & Imperatoris Majestatis auctoritate, suæque voluntate condito, quadrifariam Reipublicæ huic distribuissæ: Hæredem equidem dixisse, *Bonifacium Amorbachium*, & hunc Civem, *Basilea* genitum; Cohæredes autem, Senes, Virgines, Studiosos, qui inopia hac in Civitate laborant. O pergratum hominem! ô pium pectus, Dei immortalis beneficio omnigena disciplinarum scientia instructum! Noster *ERASMO* à generosissimis hominibus, rebus cæteris, & humanis auctus est. Quid ille? Deo, & huic Civitati sua omnia distribuit; non patriam, cui & nos vitam iterum debere satis sciebat; non Consanguineos, quorum quidem post Parentes, magna gratia, pauperibus præferendos censuit. Pulchrum illi visum est, quod à Domino accepisset, *Christo* reddi: agnovit gratitudinem virtutem esse, cum affectus solus nonnunquam Consanguineos conglutinet: quod nominis fama illi pepererat, loco, in quo nomen istud maxime acquisivit, disperfit.

E At ô vos ingratos (ignoscite, quæso, ô candidissimi) ingratos vos hujus almae Academiae Proceres; ô ingratos omnes, qui studiis adspirant, si Reipublicæ litterariæ oppugnatio vos nihil movet: quid enim hinc non verendum? cum malum sequaces habet tam multos, & nimium pronos. Tradunt Physici, Linguæ vitium ex aliorum consuetudine maxime augeri; hinc etiam *Aristotelis* Discipulos, Præceptoris balbutiem expressisse. Legum despectus, hujus inclytæ Civitatis, vestræ æstimationis notam sentitis; quid amplius expectandum? Vos Triumviros, à sacrosancto Senatu hujus inclytæ Civitatis, huic Academiae præfectos appello: putate, *ERASMO* nostrum sic vobiscum agere: Si ullum beneficium in memoria jam vobis hæret, Viri integerri mi, quod huic Reipublicæ, vel Academiae, in tutelam vestram commissæ, à nobis, opera & impensæ nostra illatum sit: si benemereri de vobis unquam studui, par erit, ut fructum jam metere possim. Pulchrum enim est, tenuia, sed grato animo in Rempublicam aliqua conferre; unde univerforum favorem, si quando opus erit, consequi possis: nec minus venustum est, Rempublicam ita constitutam esse, ut vel minimo officio omnium Civium gratitudinem promerearis. Cum ergo beneficia, fructuosa solent esse iis,

à quibus sunt profecta; quid prohibet, vos ipsos admonere, ut existimationem propriam ipsi vindicare velitis: studetis pietati consulere? num hominem, cuius animus, religionis pietate defunctus est, defendere, impium erit? Est vobis cordi studiorum promotio? succurrite Comiti & Propugnatori litterarum. Vos habeo testes, ERASMI ROTERODAMI memoriam, ob turpem, nocentem, vel flagitiose peractam vitam, non lacerari; virtutem vero illi obesse, invidia ipsum malorum premi. Vestra igitur erit ignominia, nisi vos ipsos tanquam *Ajaciis* clypeum opponatis, reipsaque ostendatis, jure vestro, quantum in vobis sit, malorum conatum in bonos repelli cupere. Quis enim rabularum non doctissimum quenquam posthac incescere audebit, si *Philopseude* hujus conatus impune habitos videt? Quis cum violentiam hujus *Philopseude* inultam videt, à quovis abstinebit? Obtestor igitur vos, qui vel pro minimo clientulo, pro levissimo *Minerva* Alumno non tam ex officio, quam ex innata æquitate, ingentes labores suscipere soliti estis, ut in nostro eventu, aliorum reminiscetes casus, hic vestrae vigilantia lumen præferre ac præfigere velitis: vestra enim me magis movet auctoritas, quam propria injuria:

Nam licet ille rubet, pallet, stupet, oscitat, odit;

At non ingenio quasitum nomen ab avo

Excidet,

Hæc ERASMUM vestrum vobis loqui fingite, mihi interim clementissimum Principem CAROLUM paucis admonere, etiam rationis audacia suadet, implorare rei atrocitas compellit. Tuum est Imp. optime, *Romanam* Majestatem tueri, qui exemplo forsitan *Theodosii*, *Arcadii*, & *Honorii* A. A. A. ex innata clementia, petulantia hujus dicta contemnenda putas; tamen leges antecessorum omni nisu defendis. Tuum est, Princeps sanctissime, bonos favore prosequi. Tuum est, Imperator potentissime, injuria affectos ulcisci, legum transgressores, contemptores poenis afficere. Summa semper petit livor atroci dente: hujus farinae homines quid vel alacrius, vel cupidius expectare credendum est, quam exitum hujus tragœdiæ? si enim plausum audiunt, omnes hanc personam, hanc scenam agere præsumunt. Sit enim licet impudentissimus *Philopseudes*, Sacrificommissum, vel si mavult, parricidii crimen sese incurrisse, negare non potest: ubi enim quod sacrum est, violatur, sacrilegium committitur: inquit etiam Prætor, Parricida esto, qui sacrum, vel sacro commendatum violaverit.

A ratione quoque esset alienum negasse, aut inficias ire velle, busta, tumulos, rogos, defunctorum memoriam, inter sacras res omnibus seculis non numeratas esse. *Jacob* vult sepeliri cum Patribus suis; *Joseph* ossa auferri ex *Egypto* mandat; *Egyptii* quanta infamia Regum exstruebant sepulchra? *Idathysus*, *Scytharum* Rex, *Scythas* neque oppida, neque certa prædia habere, pro quibus pugnare cogerentur, sed sepulchra Majorum tam religiose se tueri, pro quibus ne violarentur, nullum *Scythas* certamen detrectaturos esse, *Cyros* respondit: sic qui *Jove* tonante sagittas in coelum excutere, Superis minitari consueverant, qui humana carne, non humaniter pascebantur, inter se habent, quibus defunctorum memoria potior videbatur vita; vita autem, quum exceptis, religione, ac virtute, omnibus rebus aliis sit anteposenda; quis neget vel hoc exemplo gentis immanissimæ, sacrilegium esse, defunctorum aut famam, aut loculos violare? Nam videmus religiosa loca omnia, propter id, quod in locis servatur, sacra haberi: quum è diverso locus nullam religionem rei pariat: sic totius hujus mundi machina, ut homini inserviret, fabricata est: sic Dei Opt. Max. præsentia, *Sinai* montem sanctificat; ex ea quoque *Hierosolymarum* templum reverentiam suscepit. At inquit *Philopseudes*, longas me habere manus putas; qui vel *Bononia*, vel *Brixia* me agentem, conditorum *Basilææ* infringere, vel violare ais loculos: inquit, tibi, nolis velis, fatendum est, famam defuncti, mo numen-

tum esse solidissimum; nisi & terræ, & marmori plus sensus, quam immortalis animæ tribuendum sentias: perfringe marmor, projicito terram, spargito putrefactum pulverem, lædis-ne saxum? violas-ne terram? injurius es-ne pulveri? Quot poenis igitur statuarius afficiendus? quantis cruciatibus sedulus lixa enecandus? quibus tormentis subjiendus æditimus, qui vetustissima depurgat loca sacra? An spiritus ille, à quatuor ventis vocatus, qui ingentem numerum ossium nudorum, & per campos disperforum (ut *Ezechiel* ille Divinus Propheta indicat) nervis & carne obducit, hanc colligere non poterit? Fuerit, qui in sublimi, an in imo putrescerent, sua nihil interesse jactarent: nec defuerunt, qui combusti cadaveris cinerem in mare projicere curarunt, saltem ut famæ consulere: hanc rogam, hanc memoriam, hanc monumentum, hanc sepulchrum pyramidibus insanis omnibus stabiliorem æstimarunt: quam quidem etiam *Salomon* divitiis omnibus prætulit: hanc quidem, omnibus ad tuendam, CAROLE Princeps piissime, cum Leges omnes instant, libellos famulos non leviter puniri convenit: vindica igitur, quæso, bonorum æstimationem; livori, invidiæ, ac nequitiei, ansam amputato calumniandi, vel sinistri conatus; compesce lusum famosorum libellorum. Tu, qui *Pacificatoris* nomen manibus pedibusque acquirere studes, qui *Ecclésiæ*, qui *Reipublicæ Christianæ*, qui piis omnibus concordiam veram reddere ac restituere conaris, discordiæ radicem evellito. Nihil magis, si qua mihi fides, concordiæ officit, quam seges hæc, & feminarium calumniæ. Nulla virtus, nullum ingenium tuto emergere audebit, si maledicendi rabies non compescitur. Qualicunque alia autem injuria afficiatur aliquis, quam linguæ petulantia, expeditiorem habet actionem: sed cum obrectationibus figuratis via patefacta, si invidiæ debacchandi dicendique locus datur non hominibus, emendatio omnis sero venit. Nam si uni licet, licet omnibus inficiari: consulto enim ac de industria si quid evomere cupiunt vel è media Barbarie, ex intimis *Græciæ* regionibus nomen suis scriptis præfigunt: ut hic noster *Philopseudes*, qui apud nonnullos jactare solitus est, animi exhilarandi causa, hæc scripsisse. Mira, me *Hercole*, voluptatis, sed perversa titillatio, Leges, præscripta, Principum jussa, sacra jura, Dei Opt. Max. Decreta derisui habere, spernere, prævaricari. Quanta superbia, omnem humanitatem abjicere, omnem pietatem contemnere; religionem erga Deum, obsequia in homines nihili facere; nullam benemerendi de quoquam voluntatem, nullam referendæ gratiæ appetitum habere? quorum primum odibile, alterum immortalibus æque ac mortalibus maxime invisum est: constat enim superbiam esse initium omnis peccati, quæ primum se ausa est æquare Deo, transgredi jussa Creatoris, & legem Dei prævaricari. Evidentissimum est signum reproborum, superbire, temnere sacra, proximum lædere, defunctos laceßere: quæ res quidem omnes Deum habent suum ultorem; & ut utar *Homeri* verbis, *Philopseudes*

Ὡς ὑπεροπλῆναι τὰς ἂν ποτε θυμὸν ἔλασεν.

Qui autem in tales animadvertere debeat, quis te CAROLUM non vociferatur? Nec in hac re imprudentia patrocinari potest *Philopseude*, cum simplex sit veritatis oratio, nullo fuco oblita: nunquam nisi concepto maleficio, propria occultatur appellatio. Quid enim sceleratius, quam quod ait, ERASMI se defendere æstimationem? tempus, modus, tum etiam argumentum Funebri reclamant Orationi. Quid, quod sine adversario pugnas? nemo enim fuit, qui aliquid de ERASMO vita functo sinistre scripsit: seipsum satis defendit; cum aura hac frueretur, ac in ipsum aliqui latrarent: jamjam autem,

Omnibus inque locis celebratur fama sepultri,

Notescitque magis mortuus atque magis.

Præterea quosdam iracundiam ipsius tibi retulisse inquis; at ipse dissidii, odii, ac furoris fomitem, in Scriptis ejus deprehendi pronuntias: est-ne hoc, audita di-

luere? Certe Lector attentus ex ipsis tuis scriptis facile colligere potest, te hic evidentissima mendacia in ejus calumniam effluxisse: quicumque enim alterius famam tutari conatur, objecta tantummodo diluit, nihil adferens novi, quod contra clientulum facere videatur: tu nisi nefario cum scelere bene sentire de ERASMO neminem posse scribis. Recitas factores ERASMI, ex templo autem vel doctissimos apertissimo mendacio tantquam ERASMO infestos in medium deducis: introducis personam ERASMI fauricem, quam frigide autem, si ipse aliquid criminis objicis, defensionem tractat? quam temere argummentaris, si ERASMUS lacerandus? Ultimo; nonne personam interlocutoriam, quasi jam in inimicitiam ERASMI propensiorē, ac à te, ut minus ERASMUM doleat, persuasum demittis? Quid, quod aliquid majus minitari videris? quod cum etiam ab omni ævo probro datum sit, ac à Natura alienum, conspirationem bonorum, qua vitia omnia eruciantur, mente mala tibi conscia, subterfugere sperasti, nominis veri appellationem deprimens: ab omni enim ratione alienum videtur hæc tua infamatio: vidimus enim olim Leonis ac Urli *μωρομαχίας*: Urli mole corporis jam superior, Leæne auxilio (quæ mari jam periclitanti emittebatur) occisus est: exanimatum autem, tantum aberat, ut lacerarent, ut etiam, quasi jam victoria, quam vincendo moderiores, in cruentato solo, jacentem hostem attoniti defixis oculis per aliquod tempus intuerentur: unde non immerito memoriam mihi refricabant *Ovidii* Carminum,

*Corpora magnanimo satis est prostrasse Leoni,
Pugna suum finem, cum jacet hostis, habet.*

Factum igitur hoc tuum, quod hominem frugi, bonis bonum Amicum, de optimis ac pessimis benemeritum, quem scio tibi nunquam injurium, nec inimicum, lacerassis, infamas post mortem, nisi vanitatis vitio, alii peccato adscribere possum nulli. Hinc non immerito cum tota Germania attacta, omnes ordinis homines lacerati sunt hoc Dialogo; S. C. hujus inclytæ Civitatis ne venderentur hujus *Philopendæ* virulentiae inhibuitum est. Quis enim per Deum immortalem, talem Dialogum, in quo Viri optimi memoria traducitur, ad tergendas nates (sit honos auribus) uti dignaretur? Quis non libellum hunc, in cloacam statim abjiceret, quum fictum legit titulum? extemplo enim bonus sua frustratur expectatione, qui quum studiis suis aliquid eliciat, libellum legit, ac nihil invenit, quam scriptorum ad pietatem & eruditionem refertissimas scriptas calumnias. Amamus omnes eloquentiam, litterarum bonarum eruditio omnibus est admiranda: sunt enim Pacis Alumina Bonæ litteræ: si quis vero ingenio & litteris abutitur, perditissimus omnium habetur à toto humano genere, nec immerito: novaculam enim, quam ad nitorem vultus acutimus, scilicet ut hirsutis pilis obstam faciem leviget, si vulnerat, abjicimus.

Hic igitur quoque tuum requiritur officium, Rector semper venerande, *Grynae*; tua jam appellatur auctoritas, severitas, fides tua, integritas tua, humanitas tua poposcitur: fatemur enim omnes hujus almæ Academiæ Alumni, tua jussa nos exsequi, & perferre non moleste debere; nec re in ulla sententiam tuam aut abjicere, aut subterfugere nobis animus est: nutui tuo & arbitrio stamus omnes, nimirum intelligentes, te nobis omnibus & debere, & posse opitulari, si quid adversi aut injuriæ nobis infertur: tibi Reipublicæ litterariæ in hac Civitate eura commissa est maxima, ne quid detrimenti accipiat providere jussus es: jam vide, quod periculum imminet & tibiipso, & nobis omnibus. Negare equidem nos non possumus, ERASMI beneficentiæ, & nomini, & famæ, Hæreditibusque ejus plurimum obstrictos esse; infamatur Benefactor, Benefactoris Hæres injuria afficitur. O mirum tenebrarum amorem! si uno *Simone Grynao*, qui ad Cal. Augusti, dum hæc scribimus, hora sub duodecima antemeridiana moritur, orbat, alterum hujus A-

Academiæ oculum, *Amorbachium* ipsum quoque calumniæ conatibus exponemus. O fallaces hominum spes, ô vitæ mortalis ludos lubricos! constitueram pii Viri ultionem piissimo homini *Grynao* commendare, doctissimi Viri æstimationem purgandam præbere Viro doctissimo, Amico Amicum, *Herculi Theseum*, *Theseo Herculem*, ut adcurreret implorare. O omnia mentis! calamus in ipsa atque eadem linea mihi vertendus est: jam resonat calami strepitus, Rector venerande *Grynae*; introrumpit Nuntius pariter, heu mortis, omnium, quas ætas hæc tulit, perniciosissimæ; qui ætatis hujus decus alterum, Superum invidia, nostra propter delicta, ereptum, madentibus oculis, interrupto singultu exclamat.

Interrumpendus est mihi, ignosce, ERASME dulcissime, hic sermo, dandum aliquid dolori. Concurrite, quibus *Christiana* religio cordi est; deflete vos ipsos pariter, qui litteras bonas optimo homine, infelicitissima hac tempestate destitutas auditis. Hodie claustra agri Dominici, septa vineæ Dei *Sabaotb* perfracta sunt; Hodie Pastor bonus gregis Dominici peste exemptus est, ut pestis oves invadere possit; Hodie Fata diem illum revolverunt, quem ut nefasum, æquæ ac iv. illam Eidus Julias, Litterati omnibus monumentis inscribere possunt, & debent; Hodie vires humanarum litterarum, eloquentiæ auctoritas defecerunt. Concurrite, ô hujus Academiæ consociati omnes, decus vestrum, oculus vester, quem Deus terris saltem ostendit, extinctus jacet: lugere, deplorare, vestram infelicitatem, veritatis & litterarum amatores tenerimi; beatitudini autem piissimi hominis, ut par est, congratulamini. Excidi, ô candidissimi, semita orationis mihi iterum exploranda est: O pestilentissimam ingratitude! si qui illustravit & litteras, & hanc Academiam; qui patriam, innocentibus omnibus ab injuria defendere conatur, ipse injuria, nobis spectantibus, afficitur. Tuum erit jam, Prorektor doctissime, adhortari, instruere, demum cogere studiosos omnes, ut se gratos, pro defensione bonorum paratos, ac expeditos, contra calumniam ostendant: novi enim, quod nemo nescit, ingenium tuum plusquam humanum: quid, quod etiam perfractæ jurare ausim, tanti Viri injuriam æquæ ac tuam te molestissime ferre: non vulgaris enim est injuria ab eo, à quo nemo telum hoc expectasset proficiens: deformitatem corporis videmus, pulchritudine animi facile refarci: quis autem miserum non æstimat, in pulchro corpore, animam spurcissimam esse inclusam? Laudatur in multis ingenii acumen, quorum phrasibus à paucis commendatur: à bonis autem omnibus rejicitur amarulenta facundia, præsertim ea, quæ benemerentem proscindit. Nulli adeo calumniandi pruritus magis vitio datur, quam illi, qui nec in Benefactores publicos lingua continens est: non te pudet, ô hominum ingratisime, litterarum amatorem litteratis litteris incellere; non, Medicinæ Encomiasten? Laudat ERASMUS pene adolescens Medicinæ studium, Medicos omni ævo honorandos esse contendit, ignotus ignotos, nec dum natos præconiis elevat: en relationem: hic Medicus, ERASMUM, Senem, mortuum nunquam satis laudatum, huic seculo adhuc virtute & moribus integris notissimum vituperat. Nunquam Theologiæ, etsi ipse quoque tali laude particeps fuisset, edidit Encomium; nec Jurisperitis dictavit panegyrim; sola medicina, quam celebraret, sibi visa est digna; solus qui se jactat Medicinæ studiosum, qui Encomiasten suum etiam mortuum laceraret, rem dignam esse censuit; quum etiam, si mica in illo hominis, alios talia molientes avertere debuisset. Sed quo major fieret injuria, exemplum auspicatus est ab omni ævo remotissimum: nam licet plerique & docti, & boni Viri, æmulatione boni, aut zelo religionis ducti, litteris digladiati sint; nullum tamen reperies, qui in mortuum, inimicum scripserit aliquid. Enumera vel doctorum Scripta omnia, nunquam reperies unum, qui invidiosus in alium, vel vivum, vel mortuum scripserit; nisi qui

quî cum aut simulatio, aut inimicitia, aut æmulatio intercessit antea evidentissima: te equidem, *Philopseudes*, ab ERASMO læsum unquam fateri, summæ est demeritæ: nam mentionem *Philalethis* in tot Voluminibus ERASMI nusquam reperi. Jam quantum enitescit & calumniæ & superbiæ tuæ arrogantiæ, qui etiam ut hunc injuria afficio, alios bonos petulantia tuæ pari contumelia afficere studes.

Igitur ad te dirigatur mea Oratio, *Amorbachi* venerande, qui à natura, immodica pene es tolerantia; in nullaque virtute magis *Christiannus*, quam in remittendis injuriis: nam licet frugalitate, continentia, eloquentia, tolerantia laborum, integritate, *Catonis* nusquam sis inferior; superiorem te nemo negat & in eo, quod omnem contentionem magis, quam *Cicero* ipse abhorret: licet enim Jurisconsultorum omnium calculo, vel cuivis è veterum Jurisprudendum turba comparare te possimus; tamen tua studia, defensionibus magis, quam accusationibus accommodata esse nemo negat. Quis autem tuebitur ERASMI mortui memoriam? si tu pati famam ipsius arrodi, nec solum arrodi; sed etiam, nimia hac tua longanimitate, his famosis dictis, *Philopseudem* aliquamdiu gaudere: ignosce, quæso: major enim est res, quam quod Hærede doctissimo, atque disertissimo Viro vivo, me litteratorem, famæ ERASMI audeam profiteri propugnatorem: quamobrem, si Amici, si Patroni patrocinium suscipis, me non solum de illius Viri virtutibus filere, sed etiam magnopere lætari oportebit; quod ERASMO ROTTERODAMO mortuo, ejusmodi, ac ut ita dicam, fere domesticus defensor contigit. Nam etsi ERASMI laus, nullius adulatione crescat, nullius vituperatione decreseat; & adversarius tibi is videatur, cui responsum non debeatur; licentia tamen morum, & hujus temporis procacitas, videntur mihi Defensionem postulare hanc, utcumque à me, in hoc munere tuo Vicario susceptam. Suscepi alienas partes, fateor; sed tam alienas, ut nihil ad me omnino eas pertinere dicere possim nunquam: quid enim bonis litteris accidere potest, quod tanquam amator earundem, ad me pertinere non arbitrarer? Video autem ætatem hanc amarulentissimam, aliam, quam verborum correctionem postulare; nec convitia omni tempore, præsertim tam periculoso, plus quam ad Aras, ut ajunt, dissimulanda; quum Inculpata tutela ad depellendam injuriam, nec in Sacris Litteris reprobetur. Velis autem maxime candide interpretari omnia atra *Philopseude* dicta, accedat statim ingratitude vitium, concoquito quicquid ad te pertinet; saltem proximi, *Christiani*, pii, probi, docti Viri, Benefactoris, Parentis, & Patroni optimi æstimationem purga. At inquires, cum larvis me luctari jubes: non stylo, sed jure agas cum nebulone isto levissimo: quis enim sit *Philopseudes*, si nescires, divinationem facile: sed quid opus Sibylla? à *Fortunato Martinengo*, si familiæ vetustatem, nobilitatem, fortitudinem, in belli ac pacis rebus industriam spectes, fortunatissimo juvene; infortunato vero, solo hoc nomine, quod idoneus habetur à *Philopseuda*, quem suis calumniis fautorem præfigat; quis sycophanta sit hic, emungere potes: miror enim, me *Hercle*, quum, ut ait *Philopseudes*, *Martinengus* ERASMI nomini ex animo faveat, qua fronte ipse, litterarum amantissimo Principi has virulentias suas sit ausus dedicare? Movet me avita *Martinengorum* pietas, (quæ fundamentum virtutum omnium à *Cicerone* prædicatur) ut fidei mihi videatur alienum, quod hilari animo *Fortunatus* hic inspicere possit, vel Amici, vel in Republica litteraria Principis funus, aut memoriam lacerari: novimus enim gentilitiam illam pacis cupiditatem: nam *Obrandus* ille *Martinengus Brixienfis*, apud *Fridericum I.* & *Henricum F. A. A.* mira industria, quam alii abhorreere videbantur, pacem & concordiam *Italia* elaboravit: novimus, quantum huic familiæ Reipublicæ tranquillitas curæ semper fuerit. Cum enim Advocati Rempubli-

A *Venetis* tradidissent suam patriam, paulo post Respublica illa iterum periclitaretur; pertinax dolor, injuria passa, tantum illis animum non insedit, quo minus in patriæ salutem, inimicitia deposita omni, nova affinitate conjuncti, cum inimicis diversæ factionis infensissimis conspirarent: non obstat nomen illud, quod tanta rabie in omnibus *Italia* Civitatibus ita delævire consuevit, nec effusus sanguis. Velim igitur, ô *Amorbachi*, persuadeas tibi, hanc avitam pietatem, adjunctam studiis, quum *Fortunatus* non degenerat; religionem, & gratitudinem, observantiamque in juvene parere. Novit proculdubio *Fortunatus*, quid defunctorum Manes, quid accepta beneficia, quid dignitas hominum postulent; animum à religione tam alienum non habet, ut famosum libellum, Principum Decretis, virulentias hujus, sacræ Scripturæ anteponat: ingratitude tanta non obcæcatur, ut magis faveat dentatis chartis, quam Scriptis, è quibus pium, justum, sanctum, & honestum elici potest; aliter institutus est, quam ut Seniorum irrisione, bonorum infamatione, aut illustrium detrectatione gaudeat. Ad corvos, crede mihi, donum tale, ad *Clepsydras* hilarem hunc datorem mittet: quem donis & præconiis suis, ut illustres & bonos Viros invidia oneret magis, quam ornet, videmus niti. Quid attinet enim *Bonvisium*, & *Gillum*, Civeis *Luca* insignes, Monachorum invidiæ propinare? Ad verbum ediscunt, ac in linguam Italianam ut *Monumenta Erasmi* vertantur omnia, cura procurant, ut parem Latine nescientibus, *Lucubratorum* ejus injiciant aviditatem. Quorsum hæc omnia? nimirum ut bonos Viros, malorum calumniæ objiciat. At inquires, est-ne malum distrahere, legere, & amare ERASMI Volumina? Ego quidem, optimum esse judico: at *Philopseudes* illud periculosum affirmat adeo, ut metuendum sit, si suo partiumque suarum suffragio subscriberetur, ne Viri periclitarentur; quod quidem à laude tam alienum certe est, quam scelestum est, quod ipse sub honoris specie, bonos sua nequitia traducit. Quid persona *Arlenii*? Diximus antea, quod juvenem candidissimum corvo faciat nigriorem. At inquiet *Philopseudes*, cognoscit me homo, poterit jure, si illi injurius sum, mecum agere; si læsi famam, actionem habet. Ego autem respondeo, nobis hic *Arlenius* suam defendit innocentiam, relatu suo finistram de ipso abolevit suspicionem omnem; satisfaciet autem, cum ut ipse satis scio, amicitiam nullam tecum inierit; qua repulsa, pœnam nullam puto acerbior. Nam è bonorum amicitia excludi, quid aliud, quam talem se præbere, quem totum genus humanum odio habere debeat? Quam pietatem, quam bonitatem, quam virtutem, quam fidem, quid honesti requiras in eo, quem pii, boni, virtute præditi, veraces, & honesti rejiciunt?

E Sed satis jam, satis, ô candidissimi, de hac causa dixisse videor: video enim indignationem quorundam inardescere, oculos impallefcere, ac tanta injuria, ut par est, non leviter commoveri. Superest igitur aliud nihil, nisi ut vos, imo Reipublicæ litterariæ gnaros omnes, te quoque studiosam litterarum cohortem in primis obtester; ut jam eam misericordiam, quam ERASMUS demeruit, haudquaquam autem implorat, ejus Manibus impartiamini, à vobis impetrem: ego ipse enim etiam ERASMI Manibus repugnantibus, hanc imploro, & peto. Haud minus vero digna erit vestra omnium dignissima misericordia, quod in omnium vestra tanti Viri ad miraculum usque docti admiratione, ERASMUS ille vivus, semper eandem prudentiam, eandem comitatem, eandem humilitatem præ se tulit, ac retinuit. Etenim si sciolos, & rabulas istos, qui maledicentia sua, suum jactant & ostentant ingenium, odisse solemus; doctos vero, ac prudentes, se nemini præferentes, non modo amare, illis favere, sed etiam illis nos debere multum confiteri; ac quo minus nostros requirunt affectus, tanto magis nobis commendentur: quid debetis, inquam, tanquam litterarum Professores, tan-

quam studiosi doctissimo Viro? Possum enim persancte jurare, hanc ERASMI vocem in somnis me percepisse: Non est *Herold*, quod te torqueas; sint in omnium ore celebratissimi; sint, qui famam nostram ad nihilum redigant, notent digito; omnibus omnes sint admirandi, qui ERASMO oblatrant; modo Respublica Litteraria, litterarum studia florent: major enim erga hanc mea charitas, mea pietas, quam erga me cuiusvis, quidvis meritum esse potest. Cedam, herbam dabo, sine meos labores; per eos tamen fruuntur & *Græcæ*, & *Latina* linguæ delicias; dematur vel hoc felicitàti meæ, non erit, quod minus beatus dici possim. Sed ô ærumnosa, inquit, meas vigilas! Ego cum juvenis adhuc Reipublicæ vestræ, contra tyrannidem quorundam Senum, qui in bonas litteras undique debacchantur, me dedi; cum Veteranis illis, quorum vires jam ad occasum vergebant, me adjunxi; cum studiis bonorum præbui me comitem perennem, arte mea, me unquam peti putarem? Ego cum vesicæ & renum dolore adeo laborarem, ut nihil ad cruciatum, vel crudelitatem, vel magnitudine accedere posset; tamen vobis Tyronibus, vel quæ ad institutionem studii, morum; Viris probis, quæ ad vitæ rectitudinem pertinerent, exaravi: ob hæc ut reus fierem, expectassem? Ego cum corpusculo tenerrimæ complexionis, rerum mutationis minus patiente, ob in litteras amorem, omnes, ac dignissimas denego commoditates; mihi met ipse ob litteras bonas iniquior, quanto magis boni mihi æquiores; immensis laboribus valetudinem meam delicatam obruo, ut hoc præmium reportarem, credidissim? Ubi nunc litterarum auctoritas, quam enixe defendimus? Ubi litterarum studiosi illi, inquit, qui vel mea industria, vel liberalitate creverunt? Ubi studia Amicorum? Ubi, qui ERASMV, sydus, vel oculum, vel lumen litterarum clamitabant? Ubi denique illi, qui mihi in humanis agentis, si quid accidebat, defensionem parabant? ficcine vivorum meminisse sat est? nemo autem vestrum credat, ô candidissimi, ut ego nunc conqueror ea abiectione, vel vestram fidem, vel meam operam implorasse ERASMV; apparebat ea majestas, & habitus, quo virulentissimas debacchantium linguarum calumnias unumquemque retrudere fas est; eo vultu videbatur mihi inanis illa imago, quo quis exactam potentissimis orbis Monarchis, rationem reddere ingenii sui, confidentia boni solitus esset. *Socratico* more hæc loquebatur: ajebat, vestrum, atque doctissimorum omnium benevolentiam satis sibi perspectam esse; non malæ vitæ rationem, sed pessimorum conatus ac invidiam sibi oblatrare: Scire se dicebat apud bonos, probos optima consequi præmia; se nihil in vita antiquius habuisse, quam quod litteras bonas bene promoveret. Miseriam nullam ei contingere posse, ajebat, cui ut alios beneficio suo vinceret, studium esset. Maximum autem præmium se accepisse confitebatur, cum jam quæcunque scripsisset, ab interitu Imperatoris Majestatis Privilegio vindicata, in lucem emissâ Vindicum suorum dulcissima ac fidelissima opera cerneret. De me, inquit, totus orbis, omnes Gentes, omnis ætas, sexus omnis loquuntur, nulla unquam obmutescet Vetusitas. Quin hoc tempore ipso, quod ab inimicissimo inuror, omnes video bonos, vel nauseam concipere, vel illis bilem commoveri. Omitto erectam (quod paucis BASILEA illa incluta, ac grata Civitas admittit) memoriam, inscriptione honestatam; à Senatu amplissimo funeris mei peractionem, ac summam eorum erga me jam mortuum devotionem. Quamobrem

*Non deerunt certe, qui cum nihil edere possint
Dignum laude: tamen gaudent maledicere semper,
Carpentique alios famam venantur inanem.
Nimirum pauci in terris Deus optima gignit.*

Paucis igitur beatus esse possum.

A Omnibus in terris versabor, omni in loco mei nominis habitabit gloria; rumpantur licet invidio præcordia, aut ilia. Hæc, & his similia videbatur mihi mentum esse locuta illa imago; quanto igitur dolore, ô candidissimi, disparuisse illam mihi creditis? Nam te, ERASME dulcissime, quo minus satis laudare possum; tanto magis dolorem mihi adauget horum præsentia, quorum animos si minus meo luctui habeo attentos, aut *Philopseuda* non admodum indignabundos, jure irasci non possum: nam Patroni, Hæri, Amici sunt, quos male habeo propitios, ob ingenii forsitan mei tenuitatem, ac defensionis imperitiam. Attamen, ô candidissimi, capite meo potius luatur hæc imperitia, quæso, modo inique læsa ERASMI fama, justam apud vos obtineat defensionem, justam erga adversarium extorqueat indignationem, justam consequatur misericordiam. Præclare per *Christum* mecum actum dicam, si qua sinistra fortuna mihi ultimam advexerit pestem, priusquam videro vos vel hæc nihil curare, aut injuria tam aperta nutare. Nam quæ me consolatio sustentet, cum nullum à me amoris, nullum studii, nullum gratitudinis, nullum pietatis officium, ô ERASME dulcissime, unquam potuisti percipere? at vel facie saltem ne notus mihi fieres, obstitit injuria fortunæ, quæ me relegavit, aviditate peregrinationis ad ultima *Sicilia* loca; nec quum non multa distantia loci nos separaret, felix ille adfuit Genius, qui me duceret, quo os illud mellissimum adspicere potuissem. O me infelicem! cui nec quod funeri interesset datum fuit; sed aurium sensus in hoc reservatus integer, ut Funus Viri Consularis, Viri clariss. Viri doctissimi ab improbis audirem calumniari. Nunquam non prompto animo, etiam sanguinis & vitæ dispendio Viro bono, pietas, leges, patriæ æstimation, bonorum fama redimenda. Nunquam non, si sacra læduntur, jura violantur; patria, vel infamia vel armis oppugnatur, boni male tractantur, etiam capitis periculo ulciscendum.

Hoc denique mihi deposco: nam mihi hanc, imo vobis omnibus inustam hanc notam duco; non abnuo, non recuso vel dimicatione capitis innocentiam ERASMI nostri tueri; & si gnarus sim ERASMO nostro, hanc nostram conquestionem injucundam esse. Quis enim nescit? esse summam virtutem, ubi livor ac invidia maxime laborant. Vos, vos tamen appello, ô candidissimi, qui multis exantlatis laboribus ferventissimo animo Reipublicæ litterariæ ornamenta quæsitis. Vos Veteranos, Tyrones, ac Commilitones optimos iterum appello; vobis non modo audientibus, sed etiam aridentibus, sacra jura, & patria, & fama Viri integerrimi irridebitur, lacerabitur, infamabitur? Hic cine litteris natus, litteris etiam mortuus, traducetur? Non ita, *Christe* Optime Maxime, non ita; nullus vestrum hoc annuat. Enimvero non convenit, ô integerrimi, ut tardiores simus ad referendam gratiam, quum ERASMV noster ad promerendum officium tam expeditus fuerit. Ad defensionem unius, parate vos, ô Commilitones optimi, universi; cum ne in Barbarie omnes vos vitam traduceretis, solus, etiam infensus potentissimis quibusque, providere non dubitavit. Etenim in hoc solum est editus Dialogus hic famosus, ut an ad defendendum animus, æstimationem doctorum Virorum, an ad omnes calumnias obmutescendum, vobis persuasum sit, eliciatur: quæ quidem taciturnitas non leviolem ingratitudinis notam vobis inureret; quam splendidum nomen, hujus *Philopseuda* ultio, & in bonas litteras, earumque Altiores pietas vobis comparabit; ad quam cum vos omnes videro alacriores; ut volui; si autem de vobis me mea fallit opinio, ut potui.

D I X I.

F I N I S.



